



int.sc.1.pl.3.

A large black rectangular redaction mark is located in the upper left quadrant of the page, partially obscuring the top edge and the text 'ARA 2013'.

- ARA 2013



SCOTUS ACADEMICUS

SEU

Univerſa Doctoris Subtilis Theologica DOGMATA

R. P. F. CLAUDII FRASSEN Ord. Min. de Obſervantia
Sacra Theologiæ Doctoris.

JUSSU

R.^{MI} P. MAGISTRI F. CAROLI JACOBI ROMILLI

Sacrorum Rituum Congregationis Conſultoris,
ac totius Ordinis Minor. Conventualium
Miniſtri Generalis iterum edita;

ET IN XII. TOMOS DISTRIBUTA.

TOMUS X.



Traſtatus DE SACRAMENTIS IN GENERE, DE BAPTISMO,
DE POENITENTIA, & DE EXTREMA-UNCTIONE
complectens.



ROMÆ,



Apud ROCCHUM BERNABÒ, Anno MDCCXXII.

SUPERIORUM LICENTIA.

302
PUBLISHED

THE NEW YORK
LIBRARY

100 N. 4th St.
New York, N.Y.

100 N. 4th St.


NY

100 N. 4th St.

NY

D I V O
JOANNI A CAPISTRANO

*Apostolicæ, Romano-Catholicæ Religionis
Propagatori, ac Propugnatori acerrimo
Sacramentorum Ecclesiæ,
Quæ sunt præcipua signacula fidei,
Tum Baptismatis, cum Pænitienciæ,
Atque Unctionis-Extremæ
Theologicam explanationem
Dicatam volunt
Scoticæ Doctrinæ Sectatores.*



I N D E X

DISPUTATIONUM, ARTICULORUM, SECTIONUM, ET QUÆSTIONUM,

Quæ in hoc Decimo Tomo continentur.

DISPUTATIO PROEMIALIS.

De Sacramentis in communi. pag.2

ARTICULUS PRIMUS.

De essentia, existentia, & numero Sacramentorum. 3

QUÆSTIO I. *De natura, seu essentia Sacramenti.* 4

QUÆSTIO II. *An, quæ, & qualis sit materia Sacramentorum.* 20

QUÆSTIO III. *Utrum, & quæ verba requirantur in Sacramentis?* 27

QUÆSTIO IV. *De necessitate, & existentia Sacramentorum.* 40

QUÆSTIO V. *Quot, & quæ sint novæ legis Sacramenta?* 56

§.I. *Lotio pedum non est propriè dictum Sacramentum.* 65

§.II. *Aqua benedicta non est etiam propriè dictum Sacramentum.* 68

§. III. *Martyrium habet quidem vim, & efficacitatem Sacramenti: non tamen est Sacramentum propriè dictum.* 69

§.IV. *Panis benedictus, & Eulogiæ non sunt Sacramentum propriè dictum.* 70

ARTICULUS SECUNDUS.

De Sacramentorum institutione, seu causa efficiente, virtute, & effectu. 72

QUÆSTIO I. *Utrum solius Dei sit Sacramenta instituere?* 72

QUÆSTIO II. *Quenam sit Sacramentorum efficacia, & virtus?* 84

QUÆSTIO III. *Utrum, qualem, & cui Sacramenta characterem imprimant?* 104

ARTICULUS TERTIUS.

De legitimo Sacramentorum Ministro? pag. 127

Quæ fuerit origo Donatistarum? 129

Quis fuerit schismatis, & hæresis Donatistarum progressus? 131

Quis fuerit Donatistarum successus post mortem Constantini. 134

QUÆSTIO I. *Quis debeat esse Sacramentorum Minister?* 136

QUÆSTIO II. *Utrum Ministri prohibitas, & vitæ sanclitas necessaria sit ad validè, & licitè conficiendum, & conferendum Sacramentum?* 143

QUÆSTIO III. *Utrum Sacramenta validè conferantur ab Hæreticis.* 160

QUÆSTIO IV. *Utrum, & qualis intentio requiratur in Ministro Sacramentorum?* 196

TRACTATUS PRIMUS.

De Sacramentis institutis, & ordinatis in remedium Peccati. 212

DISPUTATIO PRIMA.

De sacramento Baptismatis, 213

ARTICULUS PRIMUS.

De Institutione, & Natura Sacramenti Baptismatis. 214

Quæ-

INDEX

- QUÆSTIO I.** *Utrum Baptismus Joannis idem fuerit cum Baptismo Christi, & vim habuerit remittendi peccata.* 215
QUÆSTIO II. *Quid sit Baptismus, & quando institutus fuerit, ac sub præcepto esse ceperit?* 222
QUÆSTIO III. *Quotuplex sit Baptismus.* pag. 235
QUÆSTIO IV. *Quenam sit materia remota Baptismi fluminis.* 245
QUÆSTIO V. *Quæ, & qualis sit materia proxima Baptismi?* 254
QUÆSTIO VI. *Quenam sit legitima forma Baptismi?* 263

ARTICULUS SECUNDUS.

- De Ministro, & subiecto Baptismi?* 274
QUÆSTIO I. *Quis sit idoneus Minister Baptismi?* 275
QUÆSTIO II. *Quinam, & quomodo teneantur ad Baptismum suscipiendum?* pag. 284
QUÆSTIO III. *Utrum validè, & licitè infantes infidelium nondum habentes usum rationis, invitis eorum parentibus, baptizari liceat?* 295
QUÆSTIO IV. *Quenam prævia dispositiones requirantur in adulto, ut validè, & debitè Baptismum suscipiat?* pag. 303

ARTICULUS TERTIUS.

- De Baptismi Effectibus, & Ritibus servari solitis in solemnæ illius administratione.* 316
QUÆSTIO I. *Qualiter Baptismus peccatum, & debitas ei pœnas remittat, ac gratiam conferat?* 317
QUÆSTIO II. *De Ritibus, & Ceremoniis servari solitis in solemnæ Baptismi administratione.* 315
§. I. *De Ceremoniis antecedentibus Baptismum quoad substantiam spectatum.* 326
§. II. *De Ceremoniis concomitantibus, maximè de Loco, & Tempore.* 330
§. III. *De Ceremoniis Baptismi substantiam consequentibus.*

DISPUTATIO SECUNDA.

De Virtute, & Sacramento Penitentia. 336

ARTICULUS PRIMUS.

De essentia, necessitate, & efficacia Penitentia virtutis. 337

SECTIO I. *De natura Penitentia virtutis.* 338

QUÆSTIO I. *Quid sit Penitentia?* 339

QUÆSTIO II. *Qualis sit Penitentia, & ad quam ex virtutibus reducat.* pag. 351

QUÆSTIO III. *Quodnam sit Objectum Penitentia.* 360

QUÆSTIO IV. *Quodnam sit subiectum tam immediatum, quàm mediatum virtutis Penitentia.* 364

SECTIO II. *De necessitate Penitentia.* pag. 369

QUÆSTIO I. *Utrum, & qua ratione Penitentia virtutis peccatoris sit necessaria ad salutem consequendam?* 369

QUÆSTIO II. *Utrum sit præceptum aliud quod de agenda Penitentia, & quando implendum?* 378

SECTIO III. *De efficacia virtutis Penitentia.* 390

QUÆSTIO I. *Utrum per Penitentiam omnia peccata mortalia, quantumcunque gravia remitti possint?* 391

QUÆSTIO II. *Per quid, & quomodo remittatur peccatum veniale tam in vita, quàm post mortem.* 401

QUÆSTIO III. *Utrum, remissa culpa peccati mortalis, & venialis per penitentiam, remaneat reatus pœna temporalis, & quomodo hic solvi possit?* pag. 413

QUÆSTIO IV. *Utrum, & qualiter opera meritoria per peccatum mortificata virtute Penitentia reviviscant?* 424

QUÆSTIO V. *Utrum peccata semel per Penitentiam remissa reviviscant per subsequens peccatum, & denuò impendantur, tam quoad culpam, quàm quoad pœnam.* 435

INDEX

ARTICULUS SECUNDUS.

De Sacramento Penitentiae. 446

§.I. *De origine heresi Novatianorum.* 447.

§.II. *De progressu heresi Novatianorum.* 452

§.III. *Quibus in Conciliis damnati fuerint Novatianorum errores?* 454

QUAEST. I. *Vtrum Penitentia sit Sacramentum ab aliis distinctum, & quo tempore fuerit à Christo D. institutum?* 459

QUAEST. II. *Quenam sit materia Sacramenti Penitentiae?* 473

QUAEST. III. *Quenam sit forma Sacramenti Penitentiae?* 479

QUAEST. IV. *Vtrum forma Absolutionis validè fieri possit verbis deprecativis, & sub conditione?* 494

QUAEST. V. *Quisnam sit effectus Absolutionis Sacerdotalis, seu quomodo remittat reatum culpe, & pœnæ?* 507

ARTICULUS TERTIUS.

De partibus Penitentiae in speciali.

520.

SECTIO I. *De Contritione.* 521

QUEST. I. *Quid, & qualis sit Contritio?* 522.

QUAEST. II. *Qualiter, & quando Contritio habeat vim, & efficaciam remittendi peccata?* 535

QUAEST. III. *Quomodo Contritio detestari debeat peccata?* 549

QUAEST. IV. *Quid sit Contritio imperfecta, seu Attritio, & quomodo conferat ad remissionem peccati?* 555

SECTIO II. *De Confessione Sacramentali.* 581.

QUAEST. I. *Vtrum, & quomodo Confessio peccatorum sit necessaria?* 585

QUAEST. II. *Vtrum, à quibus, & de qui-*

bus, fieri debeat Confessio ex praecepto Ecclesiae? 615

QUAEST. III. *Qualis esse debeat Confessio, ut sit perfecta?* 627

QUAEST. IV. *Quis, & qualis esse debeat Minister Sacramenti, cui fieri debeat Confessio?* 647

ARTICULUS QUARTUS.

De Satisfactione Sacramentali. 668

QUAEST. I. *Vtrum homo possit, & debeat Deo satisfacere pro pœna temporalis peccati debita?* 679

QUAEST. II. *Quae, & qualia esse debeant opera Satisfactoria.* 677

APPENDIX.

De Satisfactione, seu Penitentia publica. 692

§.I. *Quotuplex sit Penitentia publica?* 693.

§.II. *Quot, & qui fuerint Penitentiae publicae gradus?* 701

§.III. *Quenam peccata Penitentiae publicae subiacebant?* 709

§.IV. *Vtrum Penitentia publica pro peccatis dumtaxat publicis fuerit praescripta.* 714

DISPUTATIO TERTIA.

De Sacramento Extremae-Unionis. 723.

QUAEST. I. *Vtrum Extrema-Unio vera sit Sacramentum?* 724

QUAEST. II. *Quenam sit materia, & forma Sacramenti Extremae-Unionis.* 733.

QUAEST. III. *Quinam sint fructus, & effectus huius Sacramenti?* 746





IN QUARTUM LIBRUM SENTENTIARUM

PRÆFATIO.

HIS I vestissimum, ac omnino saluberrimum stadium jam fuerimus cemens; grandis tamen adhuc nobis restat via, & propter varias hæreticorum insellationes tot obstita periculis, tot spinetis, ac vepribus hirsuta, ut ab incundo rursus itinere jam pene fractus animus detreclaret, nisi imponenda operi suscepto corona, & summa rerum ventilandarum utilitas, ac voluptas ingrati laborum deliniret. Enim verò si liceat unquam, maxime in hac postrema Theologiæ parte Christum Dominum iuvat audire monentem, Venite ad me omnes qui laboratis, & onerati estis, & ego reficiam vos: Hic namque, ait perbellè subtilis Doctor, adorandus ille Salvator verum se, piissimum, ac divinâ charitate flagrantem Samaritanum exhibet, qui spoliatum videnti hominem, & atrociter sauciatum, miserationis affectu compatiens, medicinam attulit efficacem, quâ curatis ipsius vulneribus, ac plenâ redditâ sanitate, in sui principium, à quo descendens ab Iherusalem deviaverat, finaliter reducat.

Sacramenta namque perfecta medicamenta sunt, ait Seraphicus Doctor, & ideo optanda magis, ac in pretio, ac votis habenda, quod pigmenta odorifera sunt, & unguenta salutifera: Sed unguenta salutifera sunt respectu ægroti curandi; & pigmenta odorifera respectu Dei placandi. Inde præclarissimè clucet divini nostri Medici, ac piissimi Samaritani charitas, & sapientia, quod (non eorum instar, quorum medicamenta vera tormenta sunt, quibus prius cruciari debent corpora, quàm sanari) medicinam proferat, non solum curandis omnibus animæ vulneribus salutarem, sed etiam cælesti dulcedine, ac odore fragrantem, ut de ipso vere fuerit variotinctus Ecclesiasticus, Unguentarius faciet pigmenta suavitatis, & unctiones conficiet sanitatis.

Tunc cerè cælestis ille pigmentarius confecit pigmenta suavitatis, cum dilexit nos, & tradidit semetipsum oblationem, & hostiam Deo, in odorem suavitatis, ut odoriferò sui sanguinis balsamò Patris temperaret iram, clementiam

Tom.X.

A

pro-

provocaret , & hominem innumeris peccatorum plagis cruentatum blandiente medicamentorum fragrantia jucundè sanaret . Nec ei fuit satis , salutarem hanc , ac suavem nobis in cruce parasse Medicinam ; voluit ultro , ut per Sacramentorum effusivum in nos ubertim exundaret , ut aquas salientes in vitam eternam hauriremus in gaudio de fontibus Salvatoris .

Non erit igitur ingratus , nec injucundum juxta hæc amantissima Gratiarum fluenta tantillum exspatiari ; quod ut fiat securiori pede , præsentem Librum sicut & præcedentes , tres in Tractatus distribuemus : quorum Primus expendet Sacramenta , quibus sanitas anime restituitur , ac coæcatur morbus peccati , nempe originalis per Baptismum ; mortalis actualis per Pœnitentiam ; & venialis per Unctionem-extremam . Secundus declarabit Sacramenta , quibus sanitas propagatur , puta Matrimonium , & Ordinem . Tertius tandem explanabit mirandam virtutem eorum Sacramentorum , quibus animæ sanitas , & sanitas roboratur , ac firmatur , nempe Confirmationem , & Eucharistiam . Verum , ut planior , ac plenior rerum dicendarum habeatur ratio , præmittenda est sequens Disputatio , in qua omnia , quæ singulis Sacramentis communia sunt , expendemus .

DISPUTATIO PROOEMIALIS.

De Sacramentis in communi.

SACRAMENTI nomen deducitur à sacro propter ordinem , quem habet ad rem sacram : quâ ratione varias , sed maxime quatuor significaciones habet apud Authores tam sacros , quam profanos , quæ præclare nostris Sacramentis conveniunt .

Primò namque Sacramentum significat pignus à litigantibus , in loco sacro apud Pontificem deponi solitum , ut qui finitâ lite vinceret , pignus recipere ; qui autem causâ caderet , mulctaretur jacturâ pecuniæ suæ , illaque cederet ærario publico , in pœnam injustæ litigationis . Sic observat Varro lib. 4. de lingua Latina . Quæ utique acceptio nostris Sacramentis optimè quadrat ; sunt enim pignora , quibus nos obstringimus , ac devovemus in Dei cultum , & obsequium , Deusque vicissim nobis suam gratiam spondet , & oppignerat .

Secundò , Sacramentum usurpatur interdum pro juramento , quia in jusjurando rei sacræ authoritas interponi-

tur , Deumque in affirmatæ veritatis testem invocamus ; sic Sacramentum , usurpat Tertullianus lib. de Idololatria cap. 19. ubi cum quævisset : an fidei ad militiam converti possit , & an militia ad fidem admitti : respondet : Non , convenit Sacramento divino , & humano , signo Christi , & signo diaboli , castris lucis , & castris tenebrarum : non potest una anima duobus debere , Deo , & Cæsari , &c. Alludit autem ad juramentum , quod milites spondebant se suis Ducibus in omnibus obtemperaturos , & rei militari fidelem operam navaturos . Sic pariter Sacramentum usurpatur in jure Canonico 22. quæst. 4. cap. Parvuli .

Porrò hæc acceptio egregiè nostris Sacramentis convenit ; sunt enim veluti signacula , quibus Deus spondet homini salutem ; & homo Religionem Deo ; per ea namque veluti per solemnem oblationem , & nos Deo mancipamus , & vicissim Deum tenemus quodammodo debitorem .

Ter-

Tertio, Sacramentum in Scriptura sancta plerumque significat rem secretam, & arcanam. Sic Tob. 12. *Sacramentum Regis abscondere bonum est*; id est, Regis arcanum, & secretum, quò sensu Sacramentum idem est, ac *mysterium*: Hinc Apocal. 12. ubi de muliere sedente super bestiam dictum est: *Et in fronte ejus nomen scriptum, Mysterium*; statim subdit Angelus Joannem alloquens: *Ego dicam tibi Sacramentum mulieris, & bestie*; id est, rem secretam, & arcanam, quam mulier, & bestia designant. Hæc pariter acceptio ritè nostris Sacramentis quadrat; nam sub rerum corporalium involucri spiritualia dona occultant, sacramenta enim sunt signa rei sacræ; nempe gratiæ sanctificantis, & divinitus infusæ.

Quarto tandem Sacramenti nomen significat cæremoniam, quâ homines initiantur sacris, seu signum aliquod sensibile, conferens aliquam sanctificationem ex institutione divina; quò sensu sacramenti vocabulum usurpari solet non solum à Theologis, sed etiam à SS. Patribus. Sic S. Cyprianus sacramenti vocabulum usurpat pluribi, maxime epist. ad Stephanum, ubi ait: *Tunc enim demum plenè sanctificati, & esse filii Dei possunt, si sacramentò utroque nascentur*. Vocat autem utrumque Sacramentum baptismum, & manuum impositionem, quæ est Confirmatio. Ipsi præverat S. Dionysius lib. de Ecclesiastica Hierarchia, & Tertullianus. lib. de Præscriptionibus cap. 16. ubi ait: *Ipsas quoque res sacramentorum divinorum, in idolorum mysteriis diaboli emulatur; tingit, & ipse quosdam, signat in frontibus milites suos*. Quibus significat Baptismum, & Confirmationem, quæ pro cæremonia sacra, ac sanctificante usurpat. Eadem est aliorum SS. Patrum de nomine sacramenti sententia.

Imò quidquid Zuinglius, & Carolostadius reclament, vocabulum istud prout hic usurpatur, ciographum est,

hoc est è sacris litteris deductum: nam Apostolus ad Ephes. 5. cùm sermonem fecisset de conjunctione viri cum uxore per matrimonium, statim subdit: *Sacramentum hoc magnum est, dico in Christo, & in Ecclesia*. Quod utique maxime verum est de matrimonio contracto inter Christianos; nam si ad alios referas, sacramentum hæc ratione non significabit cæremoniam sacram, sed rem secretam, & mysticam. Cæterum hoc vocabulum in postrema hac quarta acceptione dumtaxat usurpabimus; maxime in disputatione præfenti, quam pro instituto nostro, ac ordine, tres in articulos distribucmus: quorum *Primus* aperiet Sacramentorum essentiam, necessitatem, seu existentiam, & numerum: *Secundus* eorum causas, virtutem, & effectus: *Tertius* illorum subjectum prævias dispositiones, & præcellentias explicabit.

ARTICULUS PRIMUS.

De essentia, existentia, & numero Sacramentorum.

QUAMVIS ordo doctrinæ possulet, istudque religiosè hætenus à nobis fuerit observatū, ut prius resolvatur an res sit, quàm quid sit, illiusque existentia prior, quàm essentia appareat; nihilominus quoniam stabiliri vix potest Sacramenti necessitas, & existentia, quin prius affulgeat essentialis ipsius ratio; inde meritò Theologiæ Principes Sacramenti essentiam prius inquirunt, quàm illius existentiam, seu necessitatem aperiant, ac stabiliant: Quibus ut morem geramus, præsentem articulum auspiciabimur ab investigatione essentiae Sacramenti, ac postmodum ad aperiendam illius existentiam, & stabilendum Sacramentorum numerum, gradum faciemus.

QUÆSTIO PRIMA.

De natura, seu essentia Sacramenti.

CUM ea sit rerum corporearum, ac sensibilium ratio, ut naturâ duplici, physicâ nempe, ac metaphysicâ constare videantur; sic enim homo metaphysicè spectatus constituitur ex genere, & differentia; physicè autem componitur ex materia, & forma, animâ videlicet, & corpore: inde fit, quod Sacramentum ratione pari considerari soleat à Theologis secundum constitutionem, vel metaphysicam, prout genere, ac differentia constat; vel physicam, quatenus ex materia, & forma sibi conveniente integratur. De priori Sacramenti institutione sermo erit in questione præsentî, de posteriori verò disceptabitur in sequenti.

Notandum prius, Theologos invicem convenire sacramentum habere rationem signi; cum autem varia sit, ac multiplex signi ratio, ac distributio, non concordant invicem quænam ex eis Sacramento quadret. Quid autem cum subtili Doctore verius censendum sit, ut evidenter appareat, repetendum est ex Philosophia, signum in genere esse id, quod aliud à se potentia cognoscenti representat: seu, ut loquitur sanctus Augustinus lib. 2. de Doctrina Christiana cap. 1. Signum est res, quæ præter speciem, quam ingerit sensibus, aliquid aliud facit in cognitionem venire. Quæ utique definitio convenit ex æquo vocibus, actionibus, & rebus; voces enim, sive soni, aliquid aliud interdum significant, sic gemitus, & singultus sunt signa doloris. Actiones pariter sunt signa: nam, inquit S. Augustinus mox laudatus cap. 3. Histriones omnium membrorum motibus dant signa quædam scientibus, ut cum oculis eorum quasi fabulantur. Res tandem ipsæ interdum signi rationem obtineant; fumus enim significat ignem latentem, &c.

Notandum secundò, signum esse multiplex, aliud enim est formale, aliud instrumentale. Formale dicitur quod licet incognitum alterius cognitionem, parit: sic species intelligibiles, & sensibiles, licet ignotæ, ducunt in cognitionem objectorum, quæ sentiuntur, aut intelliguntur. Instrumentale est illud, quod prius cognitum in cognitionem alterius deducit, ut loquela, quæ prius cognosci debet, quàm conceptus per eam expressus notificetur. Hinc Apostolus 1. Corinth. 14. Si nesciero virtutem vocis, ero cui loquor barbarus, ut qui loquitur mihi barbarus.

Instrumentale dividitur in naturale, & arbitrarium. Primum est, quod ex natura sua, & independenter ab hominum instituto vim habet idem significandi apud omnes nationes; sic gemitus sunt signa latentis doloris, risus signum lætitiæ, &c. Secundum est, quod ex solo hominum instituto vim habet aliquid significandi; sic pulsus campanæ est signum futuræ lectionis, orationis, prandii, &c.

Tertiò, signum rursus dividitur in prædicum, & speculativum. Primum est, quod habet vim efficiendi id, quod significat, sic nubes graviora, & opaca est signum pluvie, quam diffundit. Secundum est, quod rem quidem significat, eam verò non efficit; sic lumina est signum præsentis Solis. Insuper utrumque hoc signum dividitur in Demonstrativum, Rememorativum, & Prognosticum: Primum est, quod rem præsentem, secundum, quod rem præteritam, tertium quod rem futuram, indigitat: sic adorandum Eucharistiæ sacramentum tria hæc complectitur, ut de ipso canit Ecclesia: Prius enim recolitur memoria Passionis Christi. Secundò mens impletur gratiâ nutritivâ, quæ per species panis, & vini significatur. Tertiò futura gloriæ pignus datur.

Notandum tertiò, certum esse, quod Sacramentum non sit signum formale:

cœm

cùm enim necessariò debeat esse sensibile, ut mox dicemus, etiam prius cognosci debet, quàm nos in alterius notitiam educat: ac subinde non potest esse signum formale, quod incognitum aliud notificat.

Certum est pariter quòd non sit signum naturale: *Tum quia* gratia, quam signum istud repræsentat, est ordinis supernaturalis; res autem naturalis ex sua conditione nudè spectata, non potest repræsentare rem supernaturalem: *Tum quia* si Sacramentum esset signum naturale, ejus significatio omnibus esset nota; nam gemitus apud omnes signum est tristitiæ: quemadmodum risus signum lætitiæ: sed apertè constat significationem Sacramenti non esse omnibus notam. *Tum denique quia* naturale signum habet aliquam conjunctionem naturalem ad rem significatam, ut fumus ad ignem, radius ad solem, vestigium ad pedem; at Sacramentum non habet ordinem naturalem ad gratiam, quam significat: quippe cùm hæc non sit illius effectus, nec proprietas naturalis; igitur dici non potest signum naturale. Habet tamen aliquam analogiam, & similitudinem, cum effectû, quem repræsentat: *Si enim*, inquit S. Augustinus epist. 23. *Sacramenta quamdam similitudinem earum rerum, quarum sunt sacramenta, non haberent, omnino sacramenta non essent.*

Restat igitur determinandum; *Primo*, utrum sacramenta sint signa. *Secundo*, an sensibilia: *Tertio*, utrum sint dumtaxat speculativa, vel practica: *Quarto*, an Sacramentum possit definiri, & quænam sit genuina sacramenti definitio, quæ in sequentibus Conclusionibus expendemus.

CONCLUSIO PRIMA.

SACRAMENTUM est formaliter signum. Probatur primò ex SS. Patribus, qui unanimi calculo Sacramentum appellat signum, & symbolum. Sic sanctus Dionysius lib. de cœlesti hierarchia

cap. 2. *Sensibilia sacramenta*, inquit, *simulacra sunt intelligibilibus, ad quæ manus ducunt, ac viam fœrunt*: Sic pariter S. Augustinus epist. 7. ad Marcellinum: *Signa*, inquit, *cum ad res divinas pertinent, appellantur Sacramenta*. Quam utique veritatem luculenter expendit S. Bernardus serm. 1. in cœna Domini num. 2. *Sacramenta*, inquit, *dicitur sacram signum, sive: sacrum secretum; multa siquidem sunt propter se tantum; alia verò propter alia designanda, & ipsa dicuntur signa, & sunt*. Ut enim de usualibus sumamus exemplum, datur annulus absolute propter annulum, & nulla est significatio: datur ad invisendum de hereditate aliqua, & signum est; itant jam dicere possit, qui accipit, annulus non valet quidquam, sed hereditas est, quam quærebam; in hunc itaque modum appropriamus Passionem Domini, de gratia sua invisibili curavit suos, ut invisibilis gratia signo aliquo visibili præparetur: ad hoc autem instituta sunt sacramenta.

Confirmari potest hæc veritas ab enumeratione; Nullum enim est Sacramentum, cui ratio signi non conveniat. Sic *Circumcisio*, Genes. 17. dicitur signum fœderis inter Deum, & Abraham, & Rom. 4. vocatur signaculum justitiæ fidei: Sic Rom. 6. Baptismus dicitur significare Christi mortem, sepulturam, & Resurrectionem: *Quicumque*, (inquit Apostolus) *baptizati sumus in Christo Jesu, in morte ipsius baptizati sumus. Consepulti enim sumus cum illo per baptismum in mortem, ut quomodo Christus surrexit à mortuis per gloriam Patris, ita & nos in novitate vitæ ambulemus*. Sic pariter *Eucharistia* celebratur ut signum rememorativum Passionis Christi, juxta illud Lucæ 22. *Hoc facite in meam commemorationem*: Idem dicendum de cæteris, &c.

Dicit primò: Quod habet rationem veræ causæ respectu alicujus effectus, non potest habere rationem signi respectu.

specu ejusdem; sed sacramenta habent rationem causæ respectu sanctitatis, eujus dicerentur signa: igitur, &c. Major constat. Minor verò probatur: Sacramentum enim dicitur à sacrando, sicut medicamentum à medicando: sed medicamentum habet rationem causæ respectu sanitatis, quam efficit, non autem signi; ergo & Sacramentum.

Distinguo minorem: habent rationem causæ physicæ nego: moralis concedo: Unde ad probationem nego paritatem: medicamentum enim dicitur à medicina: medicina autem se habet, ut causa effectiva sanitatis; inde fit ut medicamentum, quod ab ea denominatur, importet aliquam causalitatem, physicam: at verò sanctitas, à qua Sacramentum nominatur, non habet se per modum causæ efficientis, physicæ, sed per modum causæ formalis, vel finalis: est enim forma rei sacræ, forma sanctificans, & efficiens hominem sacrum, ac sanctum, & sacramenta novæ legis sunt finis omnium Sacramentorum legis antiquæ: quapropter Sacramentum, quod ab ea denominatur, potius obtinet rationem signi, quam causæ.

Inflabit: Sacramenta denominantur ab eo, quod magis spectat ad eorum, quidditatem, & rationem genericam: sed ratio causæ magis spectat ad quidditatem, & rationem genericam sacramenti, quam ratio signi. Probatur, quia illud magis pertinet ad quidditatem, & rationem genericam sacramenti, quod est in eo perfectius: sed perfectius est esse causam gratiæ, quam dumtaxat illius signum: igitur esse causam gratiæ potius est de essentia, & ratione generica sacramenti, quam esse illius signum.

Respondet: concessa majore, negando minorem; ad cujus probationem nego majorem; siquidem in homine, justo gratia sanctificans est id, quod in eo perfectius est: siquidem nulla res

creata illam qualitatem supernaturalem potest in excellentia, & dignitate æquare: non est tamen verum, quod homo iustus constituitur essentialiter per gratiam; quippè cum sit illius accedens. Adde quod sacramenta veteris legis non habebant veram causalitatem respectu gratiæ sanctificantis: non enim illam causabant, sed dumtaxat conferebant quandam sanctitatem legalem; veram autem sanctitatem tantum significabant, ac præfigurabant, per sacramenta novæ legis conferendam.

Dices secundo: Sacramentum significat quid occultum, Ephes. 3. *Quæ sit dispensatio sacramenti abscondi à sæculis in Deo:* sed esse absconditum, est contra rationem signi: quia signum ex S. Augustino, præter speciem, quam ingerit sensibus, facit aliquid in cognitionem venire.

Distinguo majorem: Si sumatur latius, ut idem est ac sacrum Arcanum, concedo: quia secundum Antiquos sacra, sancta, vel sacro-sancta dicebantur, quæ violare non licebat: quales erant muri civitatum, magistratus; aut aliæ personæ in dignitatibus constitutæ, Imperatorum epistolæ, & similia: si propriè sumantur, ut hic à nobis, nego.

Dices tertio: Juramentum aliquando Sacramentum appellatur. 22. qu. 3. cap. parvuli: *Qui semel perjuratus fuerit, nec testis sit postea, nec ad Sacramentum, id est, ad juramentum accedat;* at juramentum non est in genere signi, nam est confirmatio veritatis, seu contestatio per aliquid sacrum.

Nego minorem: Quia juramentum habet aliquam habitudinem ad res sacras, licet aliam quam Sacramenta, de quibus agimus. Unde Sacramentum non dicitur univocè de sacro arcano, juramento, & ritu seu signo rei sacræ: nec tamè æquivocè, sed analogicè: quia significat proportionem, quam habent ea tria ad unam sanctitatis formam, se-

secundum varios respectus .

Dices quartò : Genus , & species , puta animal , & homo sunt in eodem prædicamento ; sed species Sacramentorum , ut Baptismus , & Confirmatio non sunt in eodem prædicamento , ac signum : nam signum est quid relativum : Baptismus , & Confirmatio sunt actiones , aut passionis : Baptismus enim est ablutio , Confirmatio est unctio . Ergo , &c .

Distinguo minorem : Secundum suas naturales substantias , & entitates , concedo ; secundum rationem formæ ; nego : nam eorum forma , ut Sacramenta sunt , est significare gratiam cum certis effectibus , unde sunt eatenus in genere signi , ut statua ratione substantiæ naturalis est in genere substantiæ : nam est lignum , aut lapis ; ratione formæ artificiosæ , est in genere qualitatis , nam est figura , aut imago ; sed ratione repræsentationis , & similitudinis , est in genere relatorum . Adde quòd ratio formalis signi cum sit relatio rationis , non reponatur in prædicamento .

Dices quintò : Si signum est de integritate Sacramenti : ergo quod non signat , non est Sacramentum , & quod non signat huic , ei , cui non signat , non est Sacramentum : sed Sacramentum Baptismi nihil significat parvulo : ergo parvulo non est Sacramentum : ergo dum parvulus recipit Baptismum , non recipit Sacramentum : sed hoc est absurdum : ergo signum non est de integritate Sacramenti .

Respondet Scraphicus Doctor in 4 . dist . 1 . qu . 2 . Quòd Sacramentum non signat parvulo , dicendum quòd signum duplicem habet comparationem , & ad illud , quod signat , & ad id , cui signat , & prima est essentialis , & habet ipsam semper in actu , secundam autem habet in habitu , & à prima dicitur signum , non à secunda : unde circulus super taber-

nam semper est signum , etiam si nullus aspiciat : sic Sacramentum semper est signum , quamvis nullus cognoscat , sed tamen adhuc non solvitur ; quia quamvis sit signum , non tamen signat huic . Ideo dicendum , quòd sicut parvulo sufficit fides aliena , ita sufficit , quod significetur ipsi parvulo : unde quamvis non significet ei in se , significat tamen in alio .

CONCLUSIO SECUNDA .

SACRAMENTUM est signum visibile , seu sensibus patens , sive per se , sive ratione alienius adjuncti . Hæc est pariter communis apud Theologos , & probatur . Primò quidem ex decreto Eugenii ad finem Concilii Florentini , in quo decernitur Sacramenta constare rebus , & verbis , tanquam materia , & forma ; rebus , inquam & verbis corporeis , & à sensibus perceptibilibus . Id pariter constat ex Concilio Trident . tota sess . 7 .

Idem docent SS . Patres : in primis S . Dionysius lib . de Ecclesiastica hierarchia cap . 1 . *Nostre* , inquit , *Sacramenta ordinandi ritus symbolice exiluit , sensibilibus signis opus habens , ad diviniorem nostram ex illis ad intelligibilia sublimationem .* Subscribit S . Chrysostomus pluribus ; maxime verò homil . 60 . ad populum Anthiochenum , ubi loquens de adorando Eucharistiæ Sacramento , ait : *Quoniam Verbum dicit : Hoc est corpus meum , & assentiamur , & credamus , & intellectualibus ipsum oculis intueamur . Nihil enim insensibile nobis Christus tradidit , sed sensibilibus quidem rebus : at omnia intelligibilia . Idem & in baptismo , per rem , nempe sensibilem aquam , donum confertur : intelligibile verò , quod perficitur , generatio , & renovatio . Si enim incorporeus esset , nuda , & incorporea tibi dedisset ipse dona : sed quoniam animata corpori conferta est , in sensibilibus intelligibilia tibi præbet .* Idem docet S . Augustinus tract . 8 . in Joan . dum ait : *Accedis verbum*

ham ad elementum, & sic fit Sacramentum; Illud autem elementum est res sensibilis; nimirum aqua Baptismi, de qua loquitur igitur, &c.

Suadetur etiam ratione multiplici: *Primò* quidem: Sacramenta sunt cœremoniæ Religionis, seu sacri ritus, quibus homines in unum corpus mysticum coalescentes invicem adunantur ad Dei cultum, & obsequium; sed ex S. Augustino lib. 19. contra Faustum cap. 11. *In nullum nomen Religionis seu verum, seu falsum coagulari possint homines, nisi aliquo Sacramentorum, vel signorum visibilibus consortio colligantur.* Qualiter enim (addit Guillelmus Parisiensis lib. de Sacramentis in genere cap. 2. circa medium: (se invicem, „ socios habebunt, si se non noverint „ esse socios? qualiter autem hoc cognoscent, nisi communione visibili, „ à signo aliquo, quod non potest esse „ nisi visibile; igitur sacramenta debent esse sensibilia.

Secundò. Quod inducit hominem in cognitionem intelligibilem, & spiritualium, est res sensibilis; Deus enim, sicut cæteris rebus, ita etiam homini providet secundum ejus conditionem, & statum: nam Sap. 8. *Disponit omnia suaviter.* Et Matth. 23. *Dedit unicuique secundum propriam virtutem.* Est autem homini connaturale, ut per sensibilia veniat in noticiam intelligibilem, & spiritualium: Unde spiritualia describuntur in Scriptura sacra, per similitudines sensibilibus, ut officia vitæ, & fidei mysteria per Parabolas, & alias figuras: at sacramenta manuducunt hominem in noticiam spiritualium, nempe gratiæ sanctificantis: Igitur debuerunt esse signa sensibilia.

Tertiò. Instrumenta debent esse proportionata causæ principi: at causa princeps, & universalis nostræ salutis, est Verbum Incarnatum; instrumenta autem, quibus virtus talis causæ ad nos pervenit, sunt sacramenta: igitur ut hæc

aliquam similitudinem haberent cum sua causa principe; conveniens fuit, ut essent visibilia signa, sub quibus divina virtus salutem nostram operaretur.

„ *Quartò,* inquit Seraphicus Doctor „ in *brevilogio* parte 6. cap. 1. Homo „ ægrotans est, non tantum spiritus, „ nec tantum caro, sed spiritus in carne mortali. Morbus autem est originalis culpa, quæ per ignorantiam „ inficit mentem, & per concupiscentiam inficit carnem. Origo autem, „ hujus culpæ, licet principaliter fuerit ex consensu rationis; occasionem tamen sumpsit carnis. Ad hoc ergo, „ quod medicina correspondens esset omnibus supra dictis, oportuit, quod „ non tantum esset spiritualis, verum etiam aliquid haberet de sensibilibus signis: ut sicut hæc sensibilia fuerunt „ animæ occasio labendi, ita ei essent occasio resurgendi. Quoniam igitur „ signa sensibilia, quantum est de se, „ non habent efficacem ordinationem „ ad gratiam, licet habeant longinquam repræsentationem de sui natura; hinc est quod oportuit, quod ab „ Authore gratiæ instituerentur ad significandum, & benedicerentur ad sanctificandum: ut sic essent ex naturali similitudine repræsentantia, ex adjuncta institutione significantia; „ ex superaddita benedictione sanctificantia, & ad gratiam præparantia, „ per quam curaretur, & sanaretur „ anima nostra.

„ Rursus: Quoniam gratia curativa „ non datur elatis, incredulis, & fastidiosis; ideo oportuit hæc signa „ sensibilia divinitus dari, quæ non solum sanctificarent, & gratiam conferrent, ac per hoc sanarent; verum etiam significatione erudirent, & suggestionem humiliarent, & diversificatione exercitarent: ut sic per exercitationem exclusâ acidiâ à concupiscibili: per eruditionem exclusâ „ ignorantia à rationali: per humiliatio-

„ tionem exelusa superbia ab irascibi-
 „ li, tota anima curabilis fieret à gra-
 „ tia Spiritus sancti, quæ reformat nos
 „ secundum has tres potentias, ad ima-
 „ ginem Trinitatis, & Christi.

Dices primo: Sacramenta ordinantur
 ad Dei cultum, & regnum; instituta
 sunt enim, ut homo Deum coleret, &
 ejus gloriam obtineret: atqui res sensi-
 biles non pertinent ad Dei cultum, &
 regnum; nam Joan. 4. *Spiritus est Deus;*
& eos, qui adorant eum, in spiritu, &
veritate oportet adorare. Et Rom. 14.
Non est regnum Dei esca, & potus: igitur
 signum sacramentale non congruè
 dicitur, esse sensibile.

Distinguo minorem: Res sensibiles
 non spectant ad Dei cultum, & regnum
 si considerentur dumtaxat secundum
 suam naturam, ut sunt in seipsis, con-
 cedo: si spectentur quatenus ordinan-
 tur ad significandas res spirituales, in
 quibus cultus, ac regnum Dei consistit,
 nego: Nam, ut inquit Apostolus 1. ad
 Timoth. 4. *Corporalis exercitatio ad*
modicum utilis est; si nimirum non ha-
 beat ordinem ad spirituale. Enim verò
 quidnam prodest jejunium, & abstinen-
 tia, de quibus sermonem instituit Apo-
 stolus, si spectentur dumtaxat, ut cor-
 pus exercent? Modicum quidem con-
 ferunt ad salutem: sed ad id plurimum
 deferviunt, quatenus ordinantur ad finem
 spirituales; nam monebat idem
 Apostolus ad Rom. 12. *Obsecro vos fra-*
tres per misericordiam Dei, ut exhibea-
tis corpora vestra hostiam viventem, san-
ctam, Deo placentem, rationabile obse-
quium vestrum.

Hinc Tertullianus mirum in modum
 Christiani corporis impensa Deo obse-
 quia, & ad salutem animæ emolumen-
 ta sic effert lib. de Resurrect. Carnis
 „ cap. 8. Videamus, inquit nunc de
 „ propria etiam Christiani nominis
 „ forma, quanta huic substantiæ frivo-
 „ læ ac sordide, apud Deum præroga-
 „ tiua sit: & si sufficeret illi, quod nulla
 Tom. X.

„ omnino anima salutem possit adipi-
 „ sci, nisi dum est in carne, crediderit:
 „ adeo caro salutis est cardo, de qua
 „ cum anima Deo allegitur, ipsa est
 „ quæ efficit, ut anima allegi possit.
 „ Sed, & caro abluitur, ut anima ema-
 „ culetur. Caro ungitur, ut anima
 „ consecratur. Caro signatur, ut, &
 „ anima muniatur. Caro manūs im-
 „ positione adumbratur, ut, & anima
 „ spiritu illuminetur. Caro corpore,
 „ & sanguine Christi vescitur, ut, &
 „ anima Deo saginetur. Non possunt
 „ ergo separari in mercede, quas ope-
 „ ra conjungit: Nam, & sacrificia Deo
 „ grata, consiliatones dico animæ,
 „ jejunia, & feras, & aridas escas, &
 „ appendices hujus officii sordes, caro
 „ de proprio suo incommodo instau-
 „ rat. Virginitas quoque, & viduitas,
 „ & modesta in occulto matrimonii
 „ dissimulatio, & una notitia ejus, de
 „ bonis carnis Deo adolentur.

Certum est igitur res sensibiles, &
 corporeas plurimum inservire ad salu-
 tem instaurandam; ac subinde rectò or-
 dine Christum Dominum instituisse sa-
 cramenta in rebus sensibilibus, ut essent
 signa gratiæ invisibiles.

Quam utique veritatem luculenter
 expendit S. Bernardus serm. 1. in Cæna
 „ Domini num. 2. Sacramentum, in-
 „ quit, dicitur sacrum signum, sive sa-
 „ crum secretum; multa siquidem sunt
 „ propter se tantum: alia verò propter
 „ alia designanda, & ipsa dicuntur si-
 „ gna, & sunt. Ut enim de usualibus,
 „ sumamus exemplum: datur annulus
 „ absolutè propter annulum, & nulla
 „ est significatio: datur ad investien-
 „ dum de hæreditate aliqua, & signum
 „ est: itaut jam dicere possit qui acci-
 „ pit; annulus non valet quidquam,
 „ sed hæreditas est, quam quærebam.
 „ In hunc itaque modum appropin-
 „ quans passioni Dominus, de gratia
 „ sua investire curavit suos, ut invisibi-
 „ lis gratia signo aliquò visibili præsta-
 „ retur:

„ retur : ad hoc instituta sunt omnia
„ sacramenta, &c.

Dices secundò S. Augustinus l. 2. de lib. arb. cap. 21. ait : *Species quorumlibet corporum, sine quibus rectè vivi potest, minima bona sunt*. Sed sacramenta non sunt minima bona, nec sine illis rectè vivi potest : ergo non sunt species corporum, seu res sensibiles.

Respondeo S. Augustinum nihil aliud significare, quàm quòd species corporum ut sunt in sua natura, seu spectata secundùm vim, & proprietates naturæ suæ, sunt equidem minima bona, concedo : ut assumuntur ad significanda spiritualia, & inserviunt iis assequendis, quæ sunt maxima bona, nego.

Dices tertio : Nicolaus summus Pontifex, ut refertur quæst. 27. cap. 2. decrevit, quòd sufficiat secundùm legem solus consensus ad matrimonium, de quorum conjunctionibus agit ; sed consensus non est quid sensibile : ergo ad sacramentum matrimonii non requiritur aliquid sensibile.

Distinguo majorem : Solus consensus partium contrahentium per aliquod signum externum declaratus sufficit ad matrimonium etiamsi non adsit consensus parentum, nec carnalis copula ; aut alia ejusmodi, concedo : consensus solus nullo sensibili signo declaratus, nego : Et similiter distincta minore, neganda est consequentia ; nam ad matrimonium requiritur, ut contrahentium, consensus exteriori signo manifestetur, putà verbis, actibus, aut nutibus sensibilibus, ut constet ex cap. Cum apud, lye. de sponsalibus. Nec aliud certè voluit summus Pontifex, cùm ait, quod consensus solus matrimonium efficiat : hæc enim profert, ut excludat „ necessitatem copulæ carnalis : quia,
„ inquit, consensus cohabitandi, &
„ individuum vitæ consuetudinem retinendi interveniens conjuges facit.

Dices quartò : Contritio est pars Sacramenti Pœnitentiæ, & corpus Chri-

sti efficit sacramentum Eucharistiæ : sed illa non sunt sensibilia : igitur sacramentum non necessariò debet esse sensibile.

Distinguo minorem : Ista non sunt sensibilia per se, concedo : per aliud, nego : nam per accusationem peccatorum, per tunctionem pectoris, per lacrymas, & gemitus, & alia similia externa, contritio declaratur, ac manifestatur ; quemadmodum corpus Christi manifestatur per consecratas species Eucharisticas ; ac proinde neganda est consequentia.

Confirmatur hæc responsio ; quia tria in sacramento distinguenda sunt, nempe res tantùm, sacramentum tantùm, & res ac sacramentum simul : Res tantùm significatur, & non significat ; ac subinde potest esse insensibilis, quæ per sensibilia manifestetur, ac significetur : signum tantùm est id quod aliud notificat, hocque necessariò debet esse sensibile : ex his autem duobus integrum perficitur sacramentum ; non quidem integritate significationis, quod solum pertinet ad materiam, & formam sensibilem ; sed integritate perfectionis ; quia signum non habet completam, ac perfectam significationem, quando non adest res significata.

Non diffiteor tamen Deum statuere potuisse aliquid merè spirituale, putà solam mentalem Christi Domini passionis meditationem, piam cogitationem, affectum mentis in Deum, internam delictorum detestationem, in peccati remedium, & efficaciam gratiæ conferendæ signum. Verùm dico, quòd ista non forent propriè dicta sacramenta ; hæc enim non solum sunt peccati remedia ; sed etiam Religionis cæremoniæ, divini voluntatis erga nos dilectionis argumentum, & nostri cultus erga Deum pignora. Unde hic vobis non est sermo de mediis, quæ Deus instituere potuisset ad gratiam Angelis imperitiendam, sed de mediis à Deo præscriptis ad restituendam, & conferen-

rendam hominibus gratiam .

CONCLUSIO TERTIA.

SACRAMENTUM est signum practicum sanctitatis, non legalis, & externa: sed interne: non futurae, sed praesentis, & in ipso suscipiente. Hæc conclusio tres habet partes, quarum prima communis est apud Theologos, nempe quod Sacramentum sit signum practicum, id est, effectivum sive moraliter, sive physice illius gratiæ, quam significat; estque definita in Concilio Florentino in decreto unionis, ubi hoc statuitur discrimen inter sacramenta veteris, & novæ legis, quod illa non causabant gratiam, sed eam solum per passionem Christi dandum esse figurabant: hæc vero nostra & continent gratiam, & ipsam dignè suscipientibus conferunt. Similiter Concilium Trident. sess. 7. can. 6. ita decernit: *Si quis dixerit sacramenta novæ legis non continere gratiam, quam significant, & gratiam illam non potentius obtemperare non conferre, quasi signa tantum externa sint, acceptæ per fidem gratiæ, vel iustitiæ, & notæ quedam Christianæ professionis, quibus apud homines discernuntur fideles ab infidelibus, anathema sit.*

Quam utique veritatem ex Scripturæ sacre, & SS. Patrum oraculis confirmare licet: nam passim asseritur Sacramentum novæ legis habere vim causandi gratiam, & remittendi peccata. Sic Joan. 3. Christus D. ait: *Nisi quis renatus fuerit ex aqua, & Spiritu sancto non potest introire in regnum Dei*, ubi regenerationi spiritualis, quæ fit per gratiam baptismi, & Spiritui sancto, tamquam causæ tribuitur; Spiritui sancto quidem, tamquam causæ principali, baptismi verò tamquam instrumentali; unde S. Augustinus tract. 80. in Joan. *Quæ est tanta virtus aquæ, ut corpus tangat, & cor abluit?* Cui subscribit S. Leo serm. 4. de Nativitate, ubi ait: *Omni homini renascenti aqua baptismatis instilar est uteri Virginalis, eodem Spiritu replen-*

te fontem, qui replevit, & Virginem; ut peccatum, quod ibi evacuavit sacra Conceptio, hic solvat ablutio. Idem dicendum de aliis Sacramentis, ut fusius probabimus infra, dum Sacramentorum efficacitatem expendemus.

Secunda pars, nempe quod Sacramentum propriè dictum conferre debeat sanctitatem internam; Probatur contra quosdam Theologos, vel negantes cum Cano in relectione de Sacrament. part. 1. esse de ratione sacramenti, quod conferat sanctitatem internam, sed sufficere quod conferat aliquam sanctitatem, sub disjunctione nempe, aut legalem, & externam; aut Evangelicam, & internam: vel asserentes cum Suarez disp. 1. lect. 2. quod ad rationem sacramenti requiratur ut conferat aliquam sanctitatem saltem legalem, & significet veram, & Evangelicam iusticiam. Probatur inquam *Primò*, quia ad rationem Sacramenti requiritur significatio, quæ ipsum distinguat ab eo omni quod non est sacramentum: sed sanctitas legalis, & imperfecta non distinguit sacramentum ab omnibus, quæ non sunt sacramenta: igitur sacramentum non potest significare sanctitatem legalem, & externam. Major est evidens: sacramentum enim debet essentialiter differre ab eis, cum quibus convenit in ratione significandi rem sacram, quæ tamen non sunt sacramenta. Minor verò probatur: nam in veteri lege plurima erant, quæ legalem sanctificationem causabant, & significabant, nec tamen erant sacramenta, ut colligitur ex illo ad Hebr. 9. ubi Apostolus loquens de veteri lege, ait: *Juxta quam munera, & hostiæ offeruntur, quæ non possunt juxta conscientiam perfectam facere servientem, solummodo in cibis, & in potibus, & in variis baptismatibus, & iustitiis carnis ad tempus correctionis: nemo autem dixerit omnes illas cæremonias, ablutiones, & iustitias carnis, fuisse sacramenta; ac proinde ratio sacramenti non potest*

consistere in sola significatione sanctitatis legalis. *Secundò*, etiam in lege, gratiæ plurima sunt, quæ habent rationem ceremoniæ sacræ, nec tamen sunt sacramenta; enim verò *Prima tonsura* est cæremonia sacræ, per quam homo cultui divino mancipatur, quæ proinde aliquam sanctitatem confert, & significat, nec tamen est sacramentum. Similiter *aqua lustralis*, & *signum crucis* cum sint cæremoniæ sacræ, conferunt suscipienti sanctitatem aliquam, delent enim peccata venialia, & inserviunt ad abigendas infestationes demonum ab anima; nec tamen sunt sacramenta; igitur ad rationem formalem sacramenti non sufficit, quòd significet, & conferat aliquam sanctitatem in genere, sed requiritur quòd conferat aliquam sanctitatem internam, in eo, qui sacramentum suscipit. Unde.

Probatur tertia pars contra quosdam Thomistas docentes ad rationem sacramenti sufficere, quòd significet sanctitatem aliquam de facto collatam per sacramentum, dummodò præfiguret, ac præsignet veram sanctitatem per aliud conferendam. Quà ratione contendunt sacramenta Veteris legis veram habuisse rationem sacramenti, & univocè cum sacramentis Novæ legis convenire; quia illa significabant gratiam per Christum conferendam.

Probatur, inquam, primò (inquit Gonetius) ex S. Thoma 4. 60. a. 2. docente quòd *sacramentum est signum rei sacræ, in quantum est sanctificans homines*, nempe suscipientes sacramentum, ut colligitur ex solut. ad 2. ergo censet de ratione sacramenti esse, quòd significet perfectam sanctitatem in actuali usu, & susceptione sacramenti suscipienti conferendam. Unde in 4. dist. 1. q. 1. art. 1. quæstione 1. ad 3. docet serpentem ænemm à Moysè in deserto iussu Dei elevatum non fuisse sacramentum; & rationem assignat dicens: *Quamvis serpens æneus esset signum rei*

sacræ sacrantis, non tamen in quantum sacrans est actus: quia non ad hoc adhibebatur, ut aliquis sanctificationis effectus perciperetur.

Probatur secundò ex variis definitionibus, quas SS. Patres, ac sacri Doctores proferunt de sacramentis; nam S. Isidorus lib. 6. ethymologiarum, sacramentum sic definit: *Sacramentum est, per quod sub tegumento rerum visibilium divina virtus secretius salutem operatur.* Quam utique definitionem Gratianus 1. quæst. 1. cap. *Multi secularium*, & tribuit S. Gregorio; illam verò S. Thomas in 4. dist. 1. quæst. 1. attribuit S. Augustino. Reipsa quidem utriusque dici potest, licet quoad formam verborum sit S. Isidori: at divina virtus per sacramenta sese effundens, & explicans, salutem non operatur, nisi quatenus hec gratiam sanctificantem revera significant: igitur, &c. Idem constat ex definitione, quam tradit Hugo Victorinus lib. 1. de sacramentis part. 9. cap. 2. ubi ait: *Sacramentum est corporale elementum foris sensibilibus propositum, ex similitudine representans, ex institutione, significans, & ex sanctificatione continens invisibilem, & spirituales gratias, &c.*

Ad idem conspirat definitio, quam tradit Magister in 4. dist. 1. ubi ait: *Sacramentum est invisibilis gratiæ visibilis forma, ejusdem gratiæ similitudinem gerens, & causa existens.* Unde concludit: Non ergo significandi tantum gratiæ sacramenta instituta sunt, sed etiam, sanctificandi; quæ enim significandi gratia tantum instituta sunt, solum sunt signa, & non sacramenta: sicut fuerunt sacrificia carnalia, & observantiæ ceremoniales veteris legis, quæ numquam poterant iustos facere offerentes; quia, „ ut ait Apostolus Hebr. 9. Sanguis hircorum, & taurorum, & cinis vitulæ „ aspersus inquinatos sanctificabat ad „ emundationem carnis, non animæ.

Tandem id etiam patet ex definitione Cathedricismi S. Pii V. ubi dicitur: *Sa-*

cramentum est invisibilis gratie signum visibile ad nostram justificationem institutum. Constat igitur ex his definitionibus, quod sacramentum debeat formaliter significare sanctitatem veram in suscipiente; vera autem sanctitas ea est, quæ per gratiam confertur: igitur, &c.

Probatur insuper: Nam (inquit Hiquæus in Commentario ad præfatum locum Doctoris:) Omnia, quæ in lege veteri fiebant, significabant gratiam per Christum conferendam, quia 1. ad Corinthios. 1. omnia ipsi in figura continebant, & ad Colossos. 2. ait Paulus legem fuisse umbram futurorum: illa autem omnia non fuerunt sacramenta: ergo significare sanctitatem per aliud conferendam, non est ratio constitutiva sacramenti.

Confirmatur, Agnus Paschalis, & manna significabant Eucharistiam, transitus maris rubri erat figura gratiæ baptismalis, serpens æneus passionis Christi, & Redemptionis humanæ: Omnes, inquit Apostolus, in Moyse baptizati sunt in nube, & in mari, & omnes eandem escam spiritalem manducaverunt. Item omnia sacrificia, oblationes, expiationes legis, significabant gratiam sacramentalem per Christum conferendam, ut docent Florent. in decreto unionis, Trident. sess. 7. de Sacramentis in genere, non fuerunt tamen sacramenta: sic sacrificium Abel, Abraham, & Melchisedech, conjugium primorum parentum, missio columbæ super Christum baptizatum, significabant Spiritum sanctum; sicut, & ignis descendens super Apostolos. Idem patet de cruce, & multis aliis caeremoniis in lege nova institutis, quæ tamen non sunt sacramenta, ut omnes admittunt.

Reponunt, sufficere ad sacramentum, quod instituitur ad cultum Religionis, & significet veram sanctitatem.

Contra primò, sacrificia legis naturæ totum hoc habebant, non fuerunt ta-

men sacramenta, ut ipsi concedunt. Antecedens patet de sacrificio Abel, qui sicut gessit figuram Christi, ita etiam sacrificium ipsius, quod fuit placitum Deo, figura fuit sacrificii Christi. Idem patet de oblatione Isaac, & vervecis, quem Deus substituit, in quibus passio Christi figurabatur.

Secundò; Crux, & multæ caeremoniæ legis novæ, ut exorcismus, insufflationes, significant gratiam per Christum collatam, & victoriam contra demonem, sunt etiam instituta in cultum: ergo in his duobus etiam conjunctim sumptis non consistit ratio specialis sacramenti.

Tertio Sacramentum eatenus spectat ad cultum Dei, quia est usus rei materialis, & externæ assumptus ad effectum ipsius cultûs, quem significat: sed effectus cultûs divini, ad quem significandum assumitur sacramentum, est hominis significatio: igitur, &c. Major constat. Minor verò probatur: Triplex in genere est usus rei materialis assumptus ad effectum cultûs Dei significandum. *Primus* est, quando offertur Deo immediatè, vel mediatè in attestationem excellentiæ suæ, & subjectionis creaturæ ad ipsum, ut sunt oblationes, sacrificia templa, altaria, decimæ, & hujusmodi. *Secundus* est, quando assumitur aliquid divinum in nostrum usum, in quo subjicit se homo Deo: sic ordinariè contingit in juramento, quando assumitur Dei nomen ad confirmandam veritatem, & sic subjicitur homo Deo, tamquam primæ regulæ veritatis, ex cujus reverentia operatur. *Tertius* modus contingit, quando assumitur aliquid divinum ad nostram sanctificationem, ut homo magis dispositus, & idoneus reddatur, ut ei serviat, & hic usus est sacramentorum: ergo sacramenta eatenus faciunt ad usum Religionis, quatenus sanctificant hominem: sed non sanctificant hominem, nisi causarent sanctitatem in ipso: ergo hanc causare spe-

spectat ad essentiam sacramenti, quatenus ex sua institutione facit ad cultum Religionis, & secundum hanc rationem tantum est diversus usus eorum & particularis, ut distinguuntur à sacrificio, & aliis, quæ instituta sunt in cultum Religionis.

Reponunt secundo, de ratione sacramenti esse, ut quidem significet sanctitatem veram, & simpliciter; & saltem causet sanctitatem secundum quid, nempe legalem.

Contra, Sanctitas legalis est tantum sanctitas exterior corporis, quam conferebant legalia, ut sanctificati possent ingredi templum, & admitti ad sacrificium, ut ex S. Augustino observat Magister sentent. dist. 1. his verbis: *Nihil aliud intelligo per iniquationem, quam lex mundat, nisi contactum mortui hominis, quem qui tetigerat, immundus erat septem diebus, sed purificabatur secundum legem die 3. & 7. & ita mundus erat, & ut iam intraret in templum*: igitur in ordine ad talem sanctitatem, legalem non desumitur ratio sacramenti; sacramentum enim ex nominis ethymologia dicitur, quasi *sacra*nti mentem, seu *sacratio* mentis: sacrificia autem veteris legis nullatenus sacrabant mentem: sed dumtaxat corpus mundabant, ut docet S. Paulus ad Hebr. 9. his verbis: *Si sanguis hircorum, & cinis vitule aspersus inquinatos sanctificat ad emundationem carnis; quanto magis sanguis Christi, qui per Spiritum sanctum, semetipsum obtulit immaculatum Deo, emundabit conscientiam nostram ab operibus mortuis? &c.* Quibus verbis Apostolus discrimen statuit inter sacramenta veteris, & novæ legis, quod illa tantum conferebant sanctitatem corporis, hæc verò animæ. Unde immunditas legalis non habuit alium effectum, quam eum, quem habet excommunicatio, & aliæ irregularitates, quibus quis excluditur à sacramentorum perceptione; administratione, Ecclesiæ in-

gressu, &c. ac proinde absolutio ab illis non est verum sacramentum.

Dicitur: Concilium Florentinum, & Tridentinum, nec non, & plurimi SS. Patres, sacramenta veteris legis appellant sacramenta sine ulla limitatione, aut distractione: ergo supponunt illa veram habuisse rationem sacramenti, ac univocè cum sacramentis novæ legis convenire.

Nego antecedens; Nam sufficienter SS. Patres, ac Concilia hanc limitationem declarant, cum ajunt sacramenta veteris legis non causare gratiam sanctificantem: sic enim sufficienter notificant illa sacramenta non habuisse veram rationem sacramenti, nec univocè, sed dumtaxat æquivocè cum nostris sacramentis convenire.

Dicitur secundo: Plurima sunt signa practica gratiæ, quæ non sunt sacramenta: igitur sacramentum non habet id peculiare, quod sit signum practicum gratiæ. Probatur antecedens: *Lignum vitæ* in Paradiso significabat gratiam; nam ex S. Aug. lib. 2. de peccatorum meritis, cap. 21. *Myrica demonstrabat significationem, quid per sapientiam, cujus figuram gestabat, conferretur animæ rationali, ut alimentum ejus vivificata, nequaquam in labem, mortemque nequitie verteret*: ac qui lignum vitæ non erat sacramentum propriè dictum. Item immolatio Isaac significabat Passionem Christi. Similiter columba in caput Christi descendens, significabat præsentiam Spiritus sancti: sed hæc non erant sacramenta: igitur id non debet censerī sacramentum, quod est signum practicum gratiæ.

Nego consequentiam: Nam differentia sacramenti propriè dicti, de qua agimus, non est qualibet significatio gratiæ sanctificantis, sed gratiæ sanctificantis hominibus applicatæ, dum usus externi signi applicatur; qualia non erant præfata signa, quæ significabant gratiam per usum externi signi quibuslibet ho-

ho-

hominibus , non autem uni dumtaxat applicandum .

Urebris : Sunt etiam aliqua signa practica gratia , quæ illam præsentem significant per usum signi applicatam ; nec tamen sunt sacramenta ; igitur , &c. Patet antecedens ex verbis , quibus usus est Christus D. cùm Lucæ. 7. Magdalenæ ait : *Remittuntur tibi peccata tua* . Similiter cùm Joan. 20. dixit Apostolis : *Accipite Spiritum sanctum* , &c. Verba enim illa significabant gratiam præsentem , quæ conferebatur ex vi significationis verborum .

Respondeo negando antecedens ; illa enim verba , non significabant gratiam practicè , sed tantùm demonstrativè ; maxime ea quibus Christus Magdalenam allocutus est ; illa enim non erant signa practica , sed demonstrativa gratiæ per pœnitentiam , & amorem perfectum causatæ : ita ut ad ejus gratiæ productionem necessarium non fuerit uti aliò mediò extraordinariò , quàm fidei , & pœnitentiæ ; quod indicant verba subsequencia : *Dimissa sunt ei peccata multa , quoniam dilexit multum* , &c. Unde S. Gregorius homil. 25. in Evangelia , ait : *Amando veritatem , lavit lacrymis maculas eriminis , & vox veritatis impletur quæ dicitur : dimissa sunt ei peccata multa , quia dilexit multum* , &c. Ad secundum dico reverà quidem , quando Christus Joan. 20. illa verba protulit , concessum fuisse Apostolis Spiritum sanctum ; nihilominus verba ista non fuisse sacramentalia ; nam ad rationem sacramenti non sufficit , quòd significet gratiam practicè , respectu quorundam dumtaxat , & transitoriè : sed necessum est ut istud significet permanentè respectu totius communitalis , & societatis , in cujus sacram considerationem institutum est , & cujus usus fiat , per determinatum ministrum in ipsa societate . Quod utique præfatis verbis non convenit ; semel enim dumtaxat dicta sunt , idque tantùm à Christo D. & directà ad solos Apostolos .

CONCLUSIO QUARTA .

SACRAMENTUM rectè definitur , *signum sensibile gratiam Dei , vel effectum Dei gratuitum ex institutione divina efficaciter significant , ordinatum ad salutem hominis viatoris* . Ita Doctor diss. 1. q. 2. num. 6. cujus quidem definitionis veritas apparebit ex singularum illius particularum explicatione .

Primo itaque dicitur *signum* , in quo convenit non solum cum sacrificiis , sed etiam cum aliis omnibus rebus determinatis ad aliud significandum . *Secundo* , additur *sensibile* , hoc est , in materia sensibili institutum propter rationes in secunda conclusione assignatas . Sequitur *ex institutione divina* , cùm enim res , quæ ad sacramentum usurpantur , non sint signa naturalia , nec naturalè habeant connexionem cum gratia , quam significant , necessum est quòd ad id usurpentur ab eo , qui potest ad illorum signorum positionem , & præsentiam , gratiam producere , qualis est solus Deus , aut Deus homo Christus D. Subditur ; *efficaciter significant* , per quod à vera ratione sacramenti arguitur non solum sacramentalia , quales sunt cœremoniæ sacræ , nec-non , & aquæ benedicta , &c. sed etiam sacramenta veteris legis , quæ gratiam non conferebant suscipientibus , sed tantùm figurabant . Additur *aut effectum Dei gratuitum* , ut nempe sacra Eucharistia comprehendatur sub sacramentis ; convenit enim Eucharistia cum reliquis sacramentis in eo quòd sit signum rei sacræ , sive gratiæ invisibilis , prout hæc significat bonum aliquod naturæ superadditum institutum ad hominis salutem , sive sanctificationem ; differt autem in principali significato , quia cœtera sacramenta significant gratiam accidentalem animæ inhzrentem ; hoc verò significat gratiam substantialem , & gratiarum omnium Authorem , & fontem . Insuper cœtera sacramenta consistunt in usu , Eucharistia autem , etiam dum

dum actualiter non sumitur, conservat rationem sacramenti, ut docet Concilium Trid. sess. 13. cap. 3. his verbis : *Commune hoc quidem est sanctissimæ Eucharistiæ, cum cæteris sacramentis, symbolum esse rei sacræ, & invisibilis gratiæ formam visibilem: verum illud in ea excellentius, & singulare reperitur, quod reliqua sacramenta tunc primum sanctificandi vim habent, eum qui illis utitur, at in Eucharistia ipse sanctitatis Author ante usum est.*

Fateor tamen particulas istas, *gratuitus effectus*, salvâ definitionis bonitate omitti posse; nam per *gratiam* potest intelligi tum accidentalis, tum substantialis gratia: licet majoris claritatis causâ Doctor subtiliter utramque gratiam distinctè expresserit: quia vocabulum *gratia* à Theologis usurpari solet ad significandam gratiam accidentalem.

Tandem dicitur ordinari ad salutem hominis viatoris: sacramenta namque medicinæ sunt. Sicut ergo medicina mortuis est inutilis, sanis ac ritè valentibus superflua, solis ægris necessaria: Illa pariter nihil prosunt damnatis, quibus nulla restat speranda salus; quippe cùm in inferno nulla sit futura redemptio: Beatis essent superflua, nulla siquidem in eis est curanda, nec pertimescenda infirmitas: sed necessaria sunt omnibus viatoribus, quorum nullus est mundus à forde, nullus pariter, qui ad æternam beatitudinem dum vivit, non ordinetur.

Dices. Eucharistiæ sacramentum suscipi, & Missæ sacrificium celebrari potest pro defunctis. *Distinguo:* Per modum suffragii, concedo; sacramenti, nego: licet enim per Missæ sacrificium, & Eucharistiæ susceptionem possit viator compensare injuriam Deo à defuncto dum viveret irrogatam, sicque pro eo debitum solvere, & à pœnis eximere, nullus tamen eis valet aliqua sacramenta ministrare; & si ministrarentur

animæ in assumpto corpore apparenti, nihil prodesse, quippe cùm sit in termino, nec capax ullius amplius meritorii operis, qualis est sacramentorum susceptio, dicente Domino: Ubi ceciderit arbor, ibi manebis. Et licet non sint in termino status; sunt tamen in termino meriti, ac demeriti per mortem; dicente Domino: Operamini dum lucem (idest vitam) habetis, venit enim nox, (mors) in qua nemo potest operari.

Dices: Illud non potest definiri, quod non est unum per se: at sacramentum non est unum per se, sed per accidens: igitur nullatenus est definibile.

Distinguo majorem. Quod non est unum per se, nec physice, nec metaphysice; nec logicè, hoc est, quod non constituitur ex materia, & forma, nec ex genere, & differentia, nec aliquid in se complectitur, quod concipiatur per modum generis, & differentie; concedo: secus, nego. Unde ad minorem dico, sacramentum equidem non esse unum per se physice, aut metaphysice, sed dumtaxat logicè; nam, ut ait Doctor suprâ laudatus *num. 7.* Quemadmodum relatio est definibilis, licet involvat fundamentum, & terminum: sic, & sacramentum definibile est, licet dicat relationem signi ad significatum: „ Ita enim, *inquit*, est iste conceptus „ per se unus apud intellectum, si „ gnus ad placitum efficax, sicut est „ conceptus paternitatis: & sicut paternitas posset definiri propriè non „ obstante non unitate per se subjecti, „ si paternitas esset in duobus subje „ ctis, & illa subjecta ponerentur in „ definitione ut additamenta; ponere „ tur etiam correlativum paternitatis: „ ita in proposito.

Unde subdit: Restrungendo ergo „ definitionem ad *quid* propriè dictum „ extra animam, ista definitio non ex „ primit *quid* sacramenti: ergo non „ potest esse definitio, eò modo, quò est

ratio entis completi extra animam : sed eò modo quò definitio exprimit unum conceptum per se in intellectu, sive ille conceptus sit rei extra, sive rationis, bene potest definiri : & hòc modo tantùm definiuntur omnes intentiones Logicales : non enim signant quidditates extra animam, sed tantummodò conceptus in anima, sed per se unos. Et sic habere definitionem sufficit ad scientiam propriè dictam ; alioquin Logica non esset scientia. In talibus definitionibus etiam invenitur genus, differentia, & proprium, eò modò, quò Logicus loquitur de genere, differentia, & proprio : quia invenitur prædicatum in quid, & in quale *essentiale*, & in quale *accidentale*, convertibile ; & sic in ratione prædicta ponitur *fixus*, ut genus : *ex institutione*, & *fixus*, ut differentia : *sensibile* verò, ut fundamentum relationis : *gratia* verò vel *effectus Dei gratuitus* ut correctivum.

Fatetur ergo Doctor, quòd sacramentum non possit propriè definiri definitione reali physicà, aut metaphysicà, quæ supponat unum ens per se reale, constans vel materià, & formà vel genere, & differentia, hanc enim ratione sacramentum non est unum ; sed dumtaxat definitione intentionali seu Logica, quæ fiat per aliquid se habens ad modum generis, & differentia.

Vel aliter *distinguo minorem* : Sacramentum non est unum per se, si spectetur physice, ratione naturalis entitatis, & materialiter, concedo : si moraliter, ut instrumentum artificiale divinum, & supernaturale medium ad homines sanctificandos institutum à Deo, nego. Nam etsi constet pluribus divinis, & diversi generis materialiter ; est tamen unum per se formaliter : quia formam unam habet, putà significationem gratia sanctificantis : sicut etsi domus constet multis entibus diversi generis, la-

Tom. X.

pidibus, ferro, lignis, materialiter ; est tamen unum artefactum per se ; quia formam unam habet, figuram habitationi commodam : ut etiam familia, Respublica, Civitas, & similia.

Dices secundò : Quod non est reale, non definitur propriè : sacramentum ratione formæ non est reale quid ; ea quippe forma solùm est significatio ex instituto, quæ relatio rationis est, ut docet Doctor locò suprà laudatò.

Distinguo majorem : Si non sit reale fundamentaliter, concedo : si non sit reale formaliter, nego : civitas enim etsi formam non habeat realem, non desinit esse reale quid, quod definiri potest : quia fundamentum ejus est reale. Idem dicas de sacramento, cujus relatio signi ad significatum licet non sit realis ; quia est signum ex instituto, tamen cum res, & verba, ex quibus constat, sint realia, hac ratione potest definiri.

Dices tertio, Quod potest definiri, dicitur reponi in aliqua categoria : atqui nulla potest assignari categoria, in qua reponi possit sacramentum : ergo, &c.

Respondeo distinguendo majorem : Si sit ens per se, nempe substantia, vel aliud absolutum : concedo : si sit ens per accidens, subdistinguo : ens per accidens, quod compouitur ex subjecto, & accidente, transeat ; de hoc enim controvertunt Philosophi : ens per accidens artificiosum, quod constituitur ex diversis entibus, sive realiter, sive intentione tantùm unitis, nego. *Deinde*, concessa minore, neganda esset consequentia, quia sacramentum est ens artificiosum, quod constituitur ex pluribus entibus intentione tantùm unitis.

COROLLARIUM.

EX his apparet inanes esse, ac omnino rejiciendas omnes definitiones, quas hæretici tradere solent, ac propugnare, maxime Sacramentarii, Lutherani, Anabaptistæ, & Calvinistæ. Sacramentarii quorum princeps videtur Carolostadius quidam vitem-

C

bergæ Archidiaconus, à quo Lutherus lauream doctoralem acceperat; qui partes, & doctrinam Lutheri initiò quidem propugnauit, sed impatienter ferens sibi anteponi Lutherum, ab eo prorsus defecit, & novæ sectæ parens dici voluit, nempe Sacramentariorum. Is autem sacramenta nihil aliud esse vult, quàm signa, & notas Christianæ professionis, quibus à Judæis, & Paganis discernimur; ut olim toga Romanos à Græcis palliatis discernebat; & jam varia vestium genera non solum distinguunt varias nationes, sed, & varios Civium, ac Religiosorum Ordines, sicut tessera, & vexilla milites.

Primum reselluntur, quia iste secundarius est; non verò primarius sacramentorum effectus; unde Scriptura non assignat eum Eucharistiæ, Baptismo, alterisve sacramentis effectum, ut distinguant Christianos, sed quòd iustificent, mudent, salvent, & vitam æternam, ac immortalem tribuant. *Secundò*, si sacramenta solum essent notæ distinctionis Christianorum, ad ea sufficeret hominum institutio, nec opus esset Christi Passione; sed hæc opus fuit. Ideo dicuntur à Patribus è perfollo Christi latere sub sanguinis, & aquæ figura, profluxisse. Unde S. Augustinus tract. 126, in Joannem signanter observat Evangelistam Christi lateris transfixionem non absque mysterio sic expressisse: *Unus militum lancea latus ejus aperuit; nam, inquit S. Augustinus: vigilantibus verbis usus est Evangelista, ut non diceret, latus ejus percussit, aut vulneravit, aut quid aliud; sed aperuit, ut illic quodammodo vitæ osium panderetur, unde sacramenta Ecclesiæ manarunt, sine quibus ad vitam, quæ vera vita est, non intratur.* Tertiò tandem, si sacramenta nihil aliud essent, quàm signa, quibus ab infidelibus discernimur, sequeretur Symbolum fidei posse dici sacramentum; siquidem per ejusmodi fidei professionem à Judæis, & Paganis distinguimur.

Lutherani cum Luthero lib. de captivitate Babylonica c. ultim. dicunt quòd *Sacramentum est divina promissio exteriori signò annexa*; vel, ut ajunt in Confessione Augustana art. 13. *Sacramenta dicuntur signa voluntatis Dei erga nos ad excitandam in suscipientibus fidem, ut credant promissionibus, quæ per sacramenta exhibentur.*

Verum, utraque definitio rejicitur: Prima quidem, quia sacramenta secundum SS. Patres sunt signa, & symbola alicujus effectus per ejusmodi signa, collati; & qui sacramentum recipit, dicitur recipere signum, non verò promissionem Dei; & subinde sacramenta non sunt ipsæ Dei promissiones, aut res à Deo promissæ, sed potius externa signa promissionem habent gratiæ annexæ.

Deinde. Si in ea promissione annexa signo externo constituenda esset ratio sacramenti, excluderentur à ratione sacramenti, tum Baptismus, tum Eucharistia; nam in his verbis. *Ego te baptizo, &c.* nulla habetur gratiæ promissio, sicut nec in his verbis, *Hoc est corpus meum*. Secunda pariter respuitur; nam si sacramenta sint signa ad excitandam fidem prærequisita in suscipientibus, ut credant promissionibus, quæ per sacramenta exhibentur, sequitur quòd frustra baptizarentur infantes, & amentes, quia non possunt actum fidei producere; attamen Lutherani adversus Anabaptistas infantium baptisma propugnant.

Melanctonis etiam definitio respuitur, qui in examine eorum, quæ audiuntur ante ritum publicæ ordinationis tit. de sacramentis, ait. *Sacramentum in novo Testamento, ut Ecclesia loquitur, est ritus divinitus institutus additus promissioni Evangelio tradita, ut sit testimonium, & pignus adhibita, & applicata promissionis gratiæ*; Vel ut brevius definit in Apologia Confessionis Augustanæ, *Sacramenta sunt ritus, qui*

qui Dei mandatum habent, & quibus addita est promissio gratia. Refellitur, inquam, hæc definitio. Primò, quia, vult Melancthon, Dei mandatum ad sacramenta necessarium, haberi in Scripturis: illud autem est falsum, quia Circumcisio, Baptismus, & Eucharistia, quæ heretici vera sacramenta admittunt, instituta fuerunt longè priùs, quàm scriptis mandarentur.

Deinde, Si sacramentum necessariò deberet esse testimonium, & pignus exhibere, & applicatæ promissionis gratia, sequeretur ejusmodi testimonia sæpe esse mendacia; nam ad Baptismum posset quis fectè accedere, & Christi corpus indignè accipere, in quibus casibus non potest dici gratia promissio ipsi applicata. Insuper docent Lutherani, hæc testimonia dari ad confirmandam, vel excitandam fidem; consistat autem, quod etsi parvuli sint capaces sacramentorum; nondum tamen possunt uti aliquibus testimoniis, ut eorum fides exciteatur, vel confirmetur.

Anabaptistæ contendunt sacramenta nihil aliud esse, quàm allegorias, signa, & figuras virtutum, & bonorum operum, Christianæ vitæ, & instituti spiritualis. Sic baptismus, inquiunt, est tantum figura significans Christianos debere dura, & adversa sustinere pro Christo, quasi immersio Baptismi significet tantum mortem, qua peccato, & mundo mori debemus; immersio autem ex aqua Resurrectionem, quia S. Spiritus ope resurgere debemus ad novam omninò vitam: Eucharistia autem nos admonet solum concordie iuter fideles servandæ, juxta illud 1. Cor. 10. *Sumus unum corpus, qui de uno pane participamus.*

Refellitur autem hæc definitio; iste enim sacramentorum usus non est præcipuus, nec primarius, qui potest ex hominum institutione procedere.

Deinde, Si sacramenta essent tantum

figuræ bonorum operum, & morum, consequens esset, quod forent dumtaxat signa futurorum, non verò præteritorum; & præsentium: sed hoc falsum est, baptismus enim est signum præteritæ Christi mortis, sepulture, & Resurrectionis, ut legimus ad Rom. 9. est etiam signum præsentis peccatorum ablutionis, juxta illud Act. 22. *Baptizare, & ablue peccata tua.* Pari ratione Eucharistia, est signum rememorative Passionis Christi, juxta illud 1. Cor. 11. *Hoc facite in meam commemorationem.* Est etiam signum demonstrativum inhabitationis spiritualis Christi in nobis, nam ipse Joan. ait: *Qui manducat meam carnem, & bibit meum sanguinem, in me manet, & ego in illo.*

Tandem Calvinus lib. 4. Instit. c. 14. sect. 1. definit sacramentum duobus modis; Primò quidem latius sic: *Sacramentum est symbolum externum, quo benevolentia erga nos sue promissiones conscientia nostris Dominus obsequat ad sustinendam fidei nostre imbecillitatem: & quo nos vicissim pietatem erga Deum nostram tam coram eo, & Angelis, quàm apud homines testamur.* Breviorem autem definitionem mox subijcit, cum ait: *Sacramentum est divine in nos gratia testimonium externum signo confirmatum, cum mutua nostra erga ipsum pietatis testificatione.*

Verùm refellitur utraque hæc definitio: Primò, quia inde sequeretur, quòd Ecclesiæ minister neminem baptizare posset absque periculo profanationis Baptismi: quia nemo potest adhibere, sigillum promissionum Dei, nisi certò ei constet, cui factæ sint illæ promissiones, quemadmodum nullus potest juramento aliquid affirmare, nisi de eo certus sit: sed Ecclesiæ ministri non possunt esse certi, cuinam factæ sint promissiones æternæ prædestinationis, quarum sigillum Calvinus ait esse sacramentum, nullus enim absque speciali revelatione potest esse certus de

sua, vel alterius prædestinatione.

Secundò, Calvinus admittit legitimum baptismum in Ecclesia Romana, in qua tamen negat ullos esse prædestinatos. *Insuper* illa Calvinii assertio pluribus falsis propositionibus innititur: Primò quòd per gratiam promissam intelligatur gratia prædestinationis: tum quia falsum est gratiam illam prædestinationis in Scripturis cuiquam promitti, cum nullus sciat utrum amore, vel odio dignus sit; tum quia sequeretur sacramentum nunquam recipi quantum ad gratiam, nisi in electis; cum tamen certissimum sit plures justos excludere à gratia in sacramentis recepta, & damnari. Deinde falsum est, quòd talis gratia prædestinationis apprehendatur per fidem: sequeretur enim parvulos in baptismo nunquam justificari, cum habere non possent fidem, per quam talem promissionem gratiæ apprehendant. Denique falsum est, quòd sacramentorum effectus locum habeant tantum in Electis. Certum est enim, quòd etiam reprobi interdum, per receptionem Sacramentorum justificentur.

Alias similes Hæreticorum definitiones superfluum judico hic referre, & refellere: quippe cum ex dictis sufficienter possint expugnari.

QUÆSTIO SECUNDA.

An, quæ, & qualis sit materia Sacramentorum.

Notandum primò, veteres quosdam hæreticos extitisse nomine *Pauicianos*, qui omnem à sacramentis materiam eliminabant, affirmantes eorum virtutem dumtaxat consistere in verbis Christi D. Hinc dicebant eos baptizari, qui reciperent Evangelium, eo quòd Dominus in Evangelio dixerit: *Ego sum aqua viva*: unde apud ipsos (ut refert Euthymius part. 2. Panopliæ, lit. 21.)

qui sacerdotum ordinem obtinebant, non *Sacerdotes*, sed *Notarii* vocabantur. Ipsis è diametro opponuntur quidam ex recentioribus hereticis, maxime Lutherani, & Calvinistæ, qui rationem omnem, aut saltem præcipuam sacramentorum efficaciam in materia reponendam esse existimant.

Verum utrumque vitiosum hoc extremum declinantes Catholici Doctores, affirmant sacramenta novæ legis revera constare rebus ut materiâ, & verbis ut formâ, sed non omnes conveniunt invicem, quid per res, & verba propriè sit intelligendum. Aliqui enim volunt ista in rigore sermonis, & juxta proprietatem vocum accipi, itaut per rem intelligeretur aliquid materiale, quod tangi, & videri posset; Per verbum autem intelligeretur id, quod exprimitur per organa vocalia, & auditu percipitur. Cujus sententiæ præcipuus assertor videtur Durandus in 4. dist. 1. qu. 3. ubi quamvis concedat omnia sacramenta habere aliquam materiam; negat tamen illa omnia habere res sensibiles pro materia, maxime penitentiam, & matrimonium. Alii verò Theologi censent nomine rerum, intelligendum esse id quod magis confusè significat, sive illud res sit propriè dicta, sive non; nomine autem verborum intelligendum esse id, quod magis distinctè eandem gratiam significat.

Cui sententiæ imprimis adstipulatur subtilis Doctor in 4. dist. 3. qu. 2. num. 3. ubi cum dixisset: Advertendum est, quod propriè loquendo de forma, prout est altera pars compositi, forma sacramenti est ipsa relatio signi, qua formaliter est tale sacramentum, & materia est totum fundamentum ipsius relationis, *scilicet subdit*; Verumtamen si in fundamento isto sint plura, ex quibus aliquo modo sit unum sacramentum, quæ non æqualiter se habent, sed alterutrum sit quasi prævium, & determinabile;

alteram quasi posterius; & determinatio præcedentis: Primum potest dici quasi materia; per quamdam similitudinem ad materiam, & alterum forma: materię enim est præcedere secundum originem, & determinari: formę autem sequi, & determinare. Similiter illud, quod principalius, & actualius potest dici forma respectu potentialioris: similiter quod est spiritualius, potest dici forma respectu ejus, quod est minus spirituale. Ita Doctor. Ex quibus sequitur, quod in sacramentis ubi duo occurrunt eandem rem conjunctam significantia, illud, quod minus perfecte, minusque distincte significat, dicitur significare ut res; siue interim sit res sensibilis, aut visibilis proprię dicta, siue non; quod autem perfectius, & distinctius significat, dicitur significare ut verbum, siue sit verbum proprię dictum, siue non.

Notandum secundò, quod etsi Deus potuerit pro libito quaslibet res sensibiles, imò & spirituales pro sacramenti materia designare, itaut penes hominum libertatem relinqueret quodlibet voluissent signum adhibere ad conciliandam sibi reprobissam gratiam per applicationem alicujus exterioris signi ad eum finem assumpti, & applicati: nihilominus ex sapienti ordinatione decrevit res certas, ac determinatas ad confectionem, & administrationem sacramenti usurpari. Unde hæc determinatio rerum sacramentalium concipi potest facta duobus modis, nimirum vel *confuse*, seu minus distincte; ita quod determinatum fuerit autoritate divinā, ut assumeretur aliquod signum in genere: nullum autem signum in particulari designaretur: Vel magis *distincte*, si nempe determinaretur in particulari, quod talis, vel talis res assumeretur ad confectionem sacramenti. Quod utique fieri potest duobus modis, nempe vel secundum genus,

putā si aqua esset determinata pro materia baptismi, non tamen designata fuisset infima species aquę, putā rosea, & artificialis, aut naturalis; vel secundum speciem infimam, putā si pro materia baptismi designata sit non quidem aqua in genere, sed aqua naturalis.

Rursus materia determinata in specie; considerari potest in duplici differentia: alia enim est purē physica, qualis est materia sacramentorum, quę habent rem aliquam physicam, & naturalem, ut baptismus aquam, confirmatio chrisma ex oleo, & balsamo, Eucharistia panem triticeum, & vinum vitigineum, Extrema-Unctio oleum. Alia verò sunt quę in sua materia includunt essentialiter aliquid morale; dependens ab hominum institutione; itaut morale illud sit fundamentum, & ratio; propter quam ejusmodi materia sensibilis, & physica assumatur ad sacramentum conficiendum. *Quæritur* ergo utrum materia sacramentorum novę legis ita distincte sit à Christo D. determinata in particulari, ut nemini liceat illam immutare, quod ut percipiat distinctius.

Notandum tertio, mutationem in sacramentorum materia distingui posse duplicem: unam quidem *substantialem*, & essentialē, qualis fieret, si nempe loco unius rei physice à Christo D. designatę in materiam sacramenti, aliquis aliam materiam genere, vel specie distinctam assumeret, nempe si ex eo quod Christus D. instituit baptismum, per modum ablutionis fieri in aqua naturali; hac occasione aliquis assumere præsumeret quemlibet alium liquorem, qui deservire posset ad ablutionem, sicut docebant olim *Aquarii*, qui in sacramento altaris non vinum; sed aquam dumtaxat adhibebant; quemadmodum etiam Beza epist. 2. ad Tillium contendit, quod deficiente pane, vel vino, ad celebrandam cœnam assumi pos-

possit quidquid ex usu communi, & ratione temporis habet rationem panis, & vini. Item si materia usurpari solita ita esset alterata ut ex communi usu, ac modo loquendi non censeretur amplius eadem, nec vocaretur eodem nomine, puta si vinum ita acescat, ut non amplius vinum, sed acetum censeatur, & appelletur. *Secunda* verò mutatio dicitur *accidentalis*, quando videlicet assumitur quidem substantia materię à Christo designatę, sed non secundum eadem accidentia, quę ex Christi fortē intentione haberet illa materia, puta si quis aquam naturalem assumeret quidem ad baptizandum, non tamen claram, & limpidam, sed turbidam, ac cœnosam.

His ita præmissis, tria veniunt hic determinanda: *Primum*, utrum sacramenta novę legis constare debeant materiā, & formā; *Secundum* utrum sacramentorum materia designata, ac determinata fuerit à Christo D. in specie; *Tertium*, utrum liceat aliquando aliam substantialem assumere materiam, quàm Christus designaverit.

CONCLUSIO PRIMA.

REVERA sacramenta novę legis constare, ac perfici debent materia, & forma. Hęc est communis apud Catholicos, & probatur *primò*, ex decreto unionis in Concilio Florentino, ubi habetur, quòd sacramenta novę legis tribus perficiuntur, videlicet rebus tanquam materia, verbis tanquam forma, & Persona Ministri consentientis sacramentum cum intentione faciendi id, quod facit Ecclesia, quorum si desit aliquid, non perficitur sacramentum.

Cujus quidem veritatis alia non subest ratio, quàm voluntas Christi D. qui ut est omnium gratiarum fons, & rivulus, eas ubertim in omnes derivans, etiam voluit ut gratia illa novi Testamenti perfectissimis signis omnibus innotesceret: Perfectiora autem signa non sunt, quàm res quę videntur, &

verba quę audiuntur: visus enim, & auditus sensus sunt maxime ad intelligentiam, & notitiam deservientes.

Adde quòd ordine congruo Christus D. voluerit nos manu ducere ad percipiendas res spirituales per receptionem rerum corporearum, aliquam similitudinem habentium cum ipsis rebus spiritualibus: nam, ut præclare docet sanctus Augustinus epist. 119. cap. 11. *Ipsę animę motus: quandiu rebus adhuc terrenis implicatur, pigrius inflammatur: si verò feratur ad spiritualia, quę illis similitudinibus figurantur, ipso quasi transitu vegetatur, & tanquam in sacula ignis agitur accenditur, & ardentiore dilectione rapitur ad requiem, & quietem.*

Quòd autem res visibiles habeant rationem materię; verba autem potissimum rationem formę obtineant, facile probatur: Illud enim habet rationem materię, quod est determinabile; Illud verò rationem formę, quod determinat: at in sacramentis res visibiles sunt determinabiles, & indifferentes ex se ad varias significationes: per verba autem determinantur ad eum effectum, quem significare debent; igitur, &c. Major patet. Sicut enim lignum, lapides, &c. dicuntur materia ex qua Architectus, vel quivis alius artifex domos, statuas, aut alias res efficit; figura verò, seu partium ordinatio, qua constituitur artefactum, est artis forma; & sicut in Logicis genus dicitur respondere materię, differentia verò formę, quia genus est indifferens ad plures differentias, & species: differentia verò determinat ipsum ad speciem: ita in sacramentis res, quę assumuntur, indifferentes sunt ad varias significationes, & effectus; nam aqua est indifferens; & indeterminata ad humectandum, & refrigerandum, & abluendum, oleum ad leniendum dolorem, sanandum vulnus, fovendas, & coar-

fir-

firmandas vires ; indistinctè etiam , & confusè tantum significant varios effectus gratiæ : determinantur autem per verba ad unum , aut alterum effectum gratiæ . Nam elementum ante verbum est indifferens , ut sit sacramentum : *Accedit autem verbum ad elementum , & fit sacramentum* , inquit S. Augustinus tract. 80. in Joan. quare sacramentorum determinatio præcipuè fit à verbo .

Nam ut idem S. Augustinus , explicans illud Joan. *Qui vos mundi estis , sed non omnes* : ait : *Quoniam est tanta virtus aquæ , ut corpus tangat , & cor abluat , nisi faciente verbo ?*

Hinc exterior ablutio corporis seorsim à verbis inchoatè tantum , & remotè significat abluionem animæ : perficitur autem à verbis : *Ego te baptizo* , ut eam proximè , & distinctè significet ; ipsa verò verba distinctiùs , & expressius abluionem animæ significant ; non tamen perfecte , nisi jungantur abluitioni corporeæ ; quia seorsim ab illa falsa sunt . Indivisibilis enim est perfecta , & completa gratiæ significatio , respectu materiæ , & formæ sacramenti ; quia materia seu res sensibiles nequeunt ullum gratiæ gradum proximè , & completè significare sine verbo : nec verbum , seu forma sine rebus ipsis : divisibilis est tamen imperfecta significatio ratione subjecti ; quia res seorsim à verbo gratiam indistinctè significant ; verbum seorsim à rebus magis distinctè .

Dices primò . Una & eadem res non potest habere plures formas ; sed significatio gratiæ propria cuilibet sacramento est forma sacramenti ; est enim habitus , seu perfectio constituens rem in ratione signi ; forma enim signi est significatio : igitur sacramenta non constant verbis tanquam formis .

Respondeo , Sacramentum sumi duobus modis , nempe materialiter , vel formaliter ; materialiter est aliquod ens morale constans rebus , & verbis : for-

maliter verò est signum gratiæ : quo præsupposito , distinguo minorem : significatio est forma sacramenti formaliter sumpti , & ut signum est , concedo , materialiter considerati , nego , ut sic enim sacramentum constat materia sensibili , & verbis tanquam forma . *Adde quòd* , ut docet S. Augustinus lib. 2. de doctrina Christi cap. 3. *Verba inter homines obtinuerunt principatum significandi* : ac proinde quamquam res , & verba simul significant , tamen potissima vis significandi tribuitur verbis .

Dices secundò : Materia , & forma in eodem composito sunt ejusdem generis ; sed res sensibiles , & verba sacramenti non sunt ejusdem generis , ut constat : igitur , &c.

Distinguo majorem : Materia , & forma sunt ejusdem generis in composito physico , & naturali concedo : in morali , & artificioso , nego : Ad minorem dico sacramenta esse composita non physica , sed moralia , & artificiosa .

Dices tertio : Eucharistia post prolata consecrationis verba remanet sacramentum : ergo non constat verbis , ut forma .

Distinguo consequens : Si spectetur in facto esse , seu quoad esse permanens , concedo : si in fieri , nego . Differt enim ab aliis sacramentis , quod ea sint in actione transeunte solum , & usu , ut baptismus in abluitione , nec habeant esse permanens : Eucharistia verò habeat esse permanens à sui productione , seu consecratione , & à suscipientium usu distinctum .

Dices quarto : Sacramentum penitentiae constat solis verbis . putà vocali confessione , & absolutionis forma : ergo non constat rebus ut materia .

Nego antecedens : Ipsa quippe peccata signis exterioribus à penitente declarata : contritio de peccatis , nutu , verbo , vel alio exteriori signo Sacerdoti manifestata ; vocalis etiam confessio sunt res , seu materia saltem circa quam

ver-

versatur absolutio, prout res opponitur verbo. Nam ista minus distincte significat gratiam peccati remissivam sacramento pœnitentiæ propriam: absolutionis verbum expressius, ac distinctius; hinc dicitur forma pœnitentiæ, licet non sit omnino simul cum re sensibili, puta contritione pœnitentis, & confessione, ut cum absolutio differtur, quia pœnitentiæ sacramentum est compositum artificiale, seu morale physicum: unde satis est si forma sit simul cum materia moraliter, id autem occurrit. Nam etsi confessio physicè deficiat; quando profertur absolutio, moraliter manet, & adhuc est præsens, saltem in memoria Sacerdotis, quia quæ parum distant, moraliter non distare videntur.

Dices quintò: Matrimonium contrahi potest solis nutibus, & litteris, absque vocibus; ergo non constat verbis, ut forma.

Distinguo consequens: Verbis formaliter, & propriè sumptis, concedo: non constat verbis analogicis, & æquivalenter sumptis, nego: quia litteræ, nutus, & alia cogitationum, & affectuum animi signa, quibus sponsi suum sibi mutuò consensum significant, sunt verba quædam: nam ut ait S. Augustinus 1. de doctrina Christiana cap. 3. *Signa, quibus homines sensu suo communicant, etsi pertineant ad oculorum sensum, aut ad alios sensus verba dicuntur, & motus membrorum, quibus histriones cum oculis quasi fabulantur, & vexilla, draconesque militares, quæ per oculos voluntatem Ducum insinuant, & nutus quibus significamus aspicientium oculis, quæ volumus, sunt quasi verba quædam visibilia, quia verba, quæ pertinent ad aures, significandi principatum inter homines obtinuerunt.* Sacramentum matrimonii tamen non perficitur solis verbis vocalibus, aut analogicis, quibus contrahentes suum exprimunt consensum. Nam & eorum corpora, ac sup-

posita sunt res sensibiles, & materia sacramenti; imò signa consensus nutibus, litteris, aut vocibus expressa dicuntur materia, prout indicant traditionem corporum, & suppositorum, ut imperfecta, & veluti suspensa, antequam acceptetur, ut autem significant acceptationem mutuam Conjugum, quæ traditionem illam perficit, & complet, sunt matrimonii forma.

Dices sextò: Materia, & forma debent esse simul in eis, quæ componuntur ex eis: sed in sacramentis novæ legis res, & verba non debent necessariò esse simul, nam in sacramento baptismi potest interdum fieri ablutio priusquam proferantur verba.

Distinguo majorem: Debent esse simul, vel similitate physica, vel morali, concedo: physica semper, nego: Similiter distinguo minorem: in sacramentis novæ legis res, & verba non debent necessariò esse simul similitate physica, concedo: morali, nego: Porrò hæc moralis similitudo sufficit ad validitatem sacramenti, quemadmodum contingit in pluribus aliis rebus successivis, & artificialibus; propositio enim componitur ex subiecto, & prædicato, tanquam ex materia, & forma, quæ tamen non sunt simul, ita ut eodem temporis momento proferantur, sed quia immediate post subiectum sequitur prædicatum in propositione.

CONCLUSIO SECUNDA.

Conveniens fuit, ut sacramenta novæ legis haberent res distinctè determinatas: non fuit tamen necesse, ut in singulis sacramentis res determinarentur à Christo Domino in specie infima. Hæc conclusio duabus partibus constat: quarum probatur prima. Sacramentum est signum sensibile, ab hominibus assumptum ut certò significetur, & producat gratia: at nulla creatura potest certò significare gratiam productam nisi ex institutione, & determinatione divina: igitur congruum

gruum fuit , ut res illæ ; quæ in sacramentis inserviunt , essent à Deo determinatæ .

Confirmatur , quia in sacramentis novæ legis duo possunt considerari , nimirum cultus divinus , & nostra sanctificatio : quorum primum pertinet ad hominem per comparisonem ad Deum ; secundum verò spectat ad Deum per ordinem ad homines : Licet autem homines potuissent determinare materias sacramentorum ; quatenus sunt res determinatæ ad cultum divinum , quia cultus Dei est in hominis potestate ; non tamen id præstare potuerunt ; quatenus sacramenta ordinantur ad sanctificationem ; sicut enim solus Deus sanctificare potest , ita ad Deum solum pertinet determinare res , quibus homo possit sanctificari .

Secunda pars etiam patet ; sacramenta enim sunt in duplici differentia , nam aliqua constant rebus physicis , alia verò rebus moralibus , pendentque ex actibus humanis , & liberè ab hominibus elicitis , putà matrimonium , quod ex mutuo contrahentium consensu constat , ac confici debet . Porro quæ ex physicis rebus fiunt , habent res à Christo Domino determinatas , saltem in specie communi , & aliqua in specie infima , quæ verò conficiuntur ex actibus humanis , & spectant ad mores , verisimile est , quod Deus voluerit , ut eorum materię determinatio etiam ab hominum institutione penderet .

Dices ; Materia quæcumque determinari potest sufficienter per verba : igitur non opus fuit , ut illa designaretur à Christo . Patet antecedens : quia solis verbis expressè declarari , & significari potest effectus sacramenti , perinde enim est ad significandum aliquem reverà mundari à peccatis per baptismum , quod adhibeatur à baptizante aqua , aut quivis alius liquor , dummodo liquorem infundendo verba ad baptismum requisita proferat .

Tom. X.

Nego antecedens : Quamquam enim , ut suprà diximus , potissima significandi vis insit verbis ; nihilominus conveniens est ; ut materia habeat aliquam analogiam , & similitudinem cum effectu ad quem significandum , & efficiendum sacramentum assumitur . Nam , inquit S. Augustinus epistola 119. c. 11. *Ad ipsum ignem amoris nutriendum , & inflammandum quodammodo , quo tanquam pondere sursum , vel introrsum , feramur ad requiem , hæc omnia pertinent , quæ insinuantur nobis figuratè , plus enim movent , & accendunt amorem , quam si nuda , & sine ullis sacramentorum similitudinibus ponerentur . Cujus rei causam difficile est dicere ; sed tamen ita se habet , & aliquid per allegoricam significationem insinuatum plus movet , plus delectat , plus honoratur , quam si verbis propriis diceretur apertissimè .*

Dices ; Agens sapientissimum non debet quidquam instituere absque ratione : at nulla occurrit legitima ratio , ob quam Deus in quibusdam sacramentis res determinaverit in specie infima , potius quàm in aliis : igitur , &c.

Distinguo majorem : Non potest aliquid facere absque ratione , quæ sit sibi nota , concedo ; quæ nobis semper innotescat , nego : nam ut dicit S. Augustinus epist. 3. quæ est ad Volusianum : *Deum aliquid posse ; quod nos sciamur investigare non posse ; in talibus rebus tota ratio facti est potentia facientis .*

Vel negari potest minor : Nam , ut mox diximus , sacramenta , quæ pendent ex moralibus , & liberis hominum actibus , voluit Deus , ut potius ab ipsis hominibus , quàm à seipso eorum materia designaretur .

CONCLUSIO TERTIA.

Mutatio essentialis rerum determinatarum invalidum reddit sacramentum , non verò mutatio accidentalis : illud tamen aliquando efficit illicitum . Hæc conclusio tres habet partes ; quarum prima .

D

Pro-

Probatur. Non potest validum esse sacramentum, nisi res prout est à Deo determinata adhibeatur, quippe cum virtus omnis sacramentorum, sive in significando, sive in operando pendeat ab institutione Dei, atqui si mutatio sit essentialis, non adhibebitur eadem res, quæ est ordinata à Deo; igitur quemadmodum mutata hominis materia definit esse homo, ita si quis in baptizando v.g. adhiberet aquam non naturalem; sed rosaceam, irritus foret baptismus. Quod utique fusiùs patebit, & confirmabitur efficacius agendo de immutabilitate cujuscvis sacramenti in particulari.

Secunda pars etiam est evidens, nempe quòd mutatio accidentalis non reddat invalidum sacramentum: tunc enim valet sacramentum, quando perficitur rebus à Deo institutis: at licet mutatio fiat accidentalis, tamen remanent res à Deo institutæ, sicut per morbum mutato hominis calore, nihilominus censetur permanere idem homo: igitur, &c.

Tertia denique pars apertè colligitur ex praxi Ecclesiæ; unusquisque enim, Ecclesiæ minister tenetur se gerere juxta praxim; & usum communem receptum in Ecclesiâ: atqui mutatio accidentalis aliquando fit contra praxim, & usum communem receptum in Ecclesiâ: v. g. quia sacerdotes Ecclesiæ Latinæ consecrare solent in azimis, illicitè quis eorum consecraret in fermentato: unde capite *Litterarum* de consecratione Missarum, Honorius summus Pontifex mandat Orixleni Episcopo, ut officio, & beneficio in perpetuum privet Sacerdotem, qui in fermentato pane celebrare præsumpserat.

Dixi *aliquando*: fieri enim potest ut mutatio accidentalis interdum non sit illicita, quando videlicet non fit in contemptum, nec ut introducatur usus oppositus communi Ecclesiæ praxi: unde non illicitè quis baptizaret, si rigente

hyemis frigore adhiberet aquam calidam, quod fieri non assolet.

Dices primo: Ecclesiâ de facto mutavit materiam sacramenti matrimonii in Concilio Tridentino sess. 24. cap. 10. de Reformatione. Nam ante Concilii decretum, consensus viri, ac mulieris verbis, aut nutibus sensibilibus expressus, sive interim publicè, sive occultè fieret, erat materia sufficiens, & proxima sacramenti: Concilium verò statuit quòd qui aliter quàm præsentè parochò, seu Ordinarii licentia, & duobus, vel tribus testibus matrimonium contrahere, attentabunt; eos sancta Synodus ad hoc contrahendum omnino inhabiles reddis, & hujusmodi contractus irritos, & nullos esse decernit, prout eos præsentì decreto irritos facis, & annullas: igitur fieri potest mutatio essentialis materiæ sacramenti absque eo quòd illud censetur invalidum.

Respondeo distinguendo majorem: Mutavit materiam secundum illius substantiam, ita ut loco materiæ designatæ à Christo aliam omnino specie distinctam substituerit, nego: mutavit eam secundum aliquas illius circumstantias, concedo: & similiter distincta minore, nego consequentiam. Certum enim est, quòd cum matrimonium sit contractus aliquis, & civilis, qui fit mediante consensu utriusque conjugis; dum Christus consecravit contractum istum, illum sublimando ad sacramenti dignitatem, non aliam determinavit hujus contractus materiam, quàm mutuum illum conjugum consensum; non determinando quòd exprimeretur hoc, aut illo modo; nec etiam auferendo à republica potestatem, quam habebat super hujusmodi contractum, sed relinquendo in ejus dispositione, ut pro diversitate temporum, & circumstantiarum posset illi addere certas conditiones, sine quibus esset nullus, & consequenter non esset sacramenti materia. Unde quando statuit præfatum decretum,

tum , non mutavit materiam matrimonii , ut erat à Christo determinata , secundum substantiam ; quia semper consensus legitimus est materia matrimonii : sed mutavit dumtaxat materialiter , & accidentaliter ; efficiendo scilicet , ut consensus clam expressus , non esset amplius ad contrahendum legitimus , quia ita postulabat ratio temporis propter varia inconvenientia , quæ ex clandestinis matrimoniis emergebant .

Dices secundo ; In nascentis Ecclesiæ primordiis sacramentum Ordinis , maxime sacerdotii , conferebatur dumtaxat per manuum impositionem tãquam per legitimam materiam ; quod etiam nunc in usu est apud Græcos non solum schismaticos , sed etiam Catholicos , & Romanæ communionis : sed Ecclesiæ Latina eundem Ordinem confert per traditionem panis in patena , & vini in calice , in quibus censet consistere materiam hujus sacramenti : igitur licite fieri potest mutatio materiæ essentialis sacramenti .

Respondeo hanc difficultatem in disputatione de Sacramento Ordinis , fusiùs esse discutiendam : Interim breviter respondeo primò , vel quod Christus Dominus non determinaverit in individuo materiam , & formam sacramenti Ordinis , sed solum voluisse , quod conferretur Ordo per aliquod signum sensibile declarativum , ac significativum potestatis , quæ traditur , & per verba hoc ipsum exprimentia , quodcumque tandem illud signum foret ; cuius determinationem penes Ecclesiæ potestatem reliquit . Ita docet Ruardus Tapper articulo 17. contra Lutherum , & Petrus Soto in Institutione Sacerdotum , de Sacramento Ordinis sectione quarta .

Vel dico secundo , cum Eñio in 4. dist. 24. quòd cum in ordinatione non sit necessarius contactus physicus materiæ , sed sufficiat moralis , id est , illius exhibitio , vel ostensio dum traditur potestas consecrandi , inde fit quòd eadem ma-

teria Latino , & Græco Sacerdoti in susceptione Ordinis tradatur : cum hoc tamen discrimine , quòd Græcus Sacerdos initiandus tangat dumtaxat illam materiam moraliter , & mediatè , dum videlicet tangit altare , Latinus verò illam tangat physicè , & immediatè . Quòd verò Presbyteri Græci dum initiantur tangant altare , probatur ex Euchologio „ Græco , ubi dicitur : Qui verò ordinatus fuerit , incumbens sacræ aræ , „ utrumque genu flectit , Diacono verò elata voce dicente : Attendamus : „ statim Pontifex imposita manu una cum pallio , clarà voce enunciat : Divina gratia , quæ semper infirma curat , & quæ desunt , supplet , promovet „ N. venerabilem Diaconum in Presbyterum , &c. quibus verbis significat quòd dum manus Sacerdoti ini- „ tiando à Pontifice imponitur , Sacerdos ille altare tangit .

QUESTIO TERTIA .

Utrum , & quæ verba requirantur in Sacramento ?

TRSA maxime hic occurrunt statuenda . Primum , utrum verba determinata ita requirantur necessariò in consecratione Sacramentorum , ut salvo sacramento alia subjici non possint ad sacramenti valorem . 2. Quænam verborum mutatio sacramentum irritum efficeret . 3. Denique , qualia sint ista verba , an concionatoria , aut promissoria , aut consecratoria .

Notandum primo , duplicem concipi posse determinationem in verbis ; alia enim potest esse materialis , & secundum sonum vocis , ut si in consecratione Sacramentorum assumenda essent verba Hebraica aut Latina , nec possent adhiberi Gallica , quanquam eundem sensum haberent . Alia formalis , quæ fit secundum significationem verborum , quocumque tandem idiomate proferantur .

D 2

Porrò

Porrò in verbis triplex significatio potest attendi: *Prima* est, quæ repetitur ex proprietate verborum, quando scilicet illa adhibentur significandis rebus propter quas sunt instituta, sicut nomine superioris significatur ille, qui cæteris præest: *Secunda* est, quæ repetitur ex usu communi, quando nempe usurpantur ad aliud significandum, quàm id, ad quod ex primaria institutione imposita fuerant, sicut nomine tyranni nunc significatur princeps iniquus, cùm tamen primitus esset nomen honestum: *Tertia* denique ea est, quæ repetitur ex accommodatione usus communis, cùm verba, quæ non significabant aliquid ex prima sua institutione, postea ex recepti usus consuetudine usurpantur, ut si quis in baptizando Rege uteretur his verbis: *Ego baptizo vestram majestatem*, &c. Nam ex accommodatione usus, regia persona sufficienter intelligeretur, nomine Majestatis.

Notandum secundo, mutationem verborum in sacramentis distingui posse duplicem, sicut, & rerum: alia enim est substantialis, quando videlicet usurpantur verba oppositum omnino significantia ejus, quod Christus D. in sacramentorum institutione intendit, ut si quis aliquem baptizando usurparet alia nomina, quàm ea, quæ significant tres divinas personas: alia verò est accidentalis, quando nimirum verba aliter proferuntur, quàm proferri debent secundùm Ecclesiæ consuetudinem. Porrò hæc utraque mutatio contingere potest variis modis; maximè verò octo sequentibus. *Primo* quidem per mutationem idiomatis unius linguae in aliam, v. g. Græcæ in Latinam, aut Latinæ in Græcam. *Secundo*, per mutationem unius vocis loco alterius, putà si loco verbi *baptizo* dicatur *abluo*. *Tertio*, per transpositionem unius vocis, vel plurium: v. g. si dicitur: *In nomine Patris te ego baptizo*. *Quarto*, per interpolationem, sive interruptionem vocum, sive quie-

scendo per aliquod tempus absque aliorum verborum formæ prolatione, sive interim aliquid aliud proferat, sive non, ut si quis post hæc verba *Ego te baptizo*, quiescat per aliquod tempus, deinde, adjiciat alia verba, *In nomine Patris*, &c. *Quinto*, per mutationem verborum in Scripturam, ut si quis baptizando non proferret verba Evangelica, sed aquam infundendo eas scriberet. *Sexto*, per additionem unius vocis, vel plurium, v. g. si quis baptizando, tribus divinis personis adderet nomen B. Virginis. *Septimo*, per deductionem alicujus vocis, vel plurium, ut si quis baptizando omitteret, *Ego te*. *Octavo* denique per corruptionem vocis, vel plurium, ut si quis ob defectum linguae Latinæ baptizando diceret: *Ego te baptizo in nomine Patria, Filia*.

Notandum tertio, triplex verbum in sacramentis distingui posse, scilicet promissorium, concionale, & consecratorium: *Promissorium* dicitur, quod exprimit, & declarat promissionem gratiæ divini: *Concionale* verò, per quod tum qui sacramentum suscipit, tum qui præsentibus adsunt, edocentur, & instruuntur de promissione gratiæ divini: *Consecratorium* tandem, quo materia sacramenti benedicitur, & sancto ritu consecratur. Affirmat Calvinus lib. 3. institutionum cap. 14. §. 4. verbum sacramentale non esse consecratorium: *Verba*, inquit, *intelligere debemus, non quod sive sensu, & fide insusurratum solum strepitu veluti magicâ incantatione, consecrandi elementi vim habeat: sed quod prædicatum intelligere nos facit, quid visibile signum sibi velit*. Unde ibidem subdit: *Concludimus verbum sacramentale esse promissionem, quæ clarâ voce à ministro prædicata, plebem eo manu ducit, quo signum tendit, ac nos dirigit*. Quibus verbis significat verbum sacramentale esse quidem promissorium, & concionale, non verò consecratorium. Ipsi subscribunt plurimi Lutherani, maxi-

xime

ximè Kemnitius in examine secundæ partis decretorum Concilii Tridentini : quanquam, ut ibidem observat, Lutherani hæc in parte tres in sententias scindantur, maximè circa confectionem Eucharistiæ; *aliqui* enim concionem tantum, seu instructionem præmittunt, verba autem consecratoria non proferunt: *Nonnulli* autem verba institutionis proferunt, at non ad consecrandum, sed per modum historiæ, ut astantes doceant: *Quidam* denique verba institutionis proferunt, & quidem animò consecrandi, quam sententiam ut suam commendat ipse Kemnitius. *Vetus*, inquit, *Ecclesia*, licet aliis etiam exhortationibus, & precationibus in administratione Eucharistiæ usa sit; simpliciter tamen, & rectè sensit per sermonem Christi, hoc est, verbis institutionis divinæ, fieri benedictionem, seu consecrationem Eucharistiæ.

CONCLUSIO PRIMA.

SACRAMENTA novæ legis perficiuntur verbis propriè, vel impropiè sumptis, eisque determinatis. Hæc conclusio duabus potissimum partibus constat, quarum probatur prima, idque primò ex Scriptura sacra, quæ expressè significat verba requiri in tribus sacramentis, nempe Baptismo, Eucharistia, & Extrema-Unctione. In Baptismo quidem: nam Matthæi 28. Christus delegans Apostolos in orbem terrarum, ait: *Ite, docete omnes Gentes, baptizantes eos in nomine Patris, &c.* Hinc Apostolus ad Ephes. 5. *Christus*, inquit, *dilexit Ecclesiam, & tradidit semetipsum pro illa, ut eam sanctificaret, mundans eam lavacro aquæ in verbo vite.* Hoc est, in verbo sacramentali, ut interpretatur S. August. Idem constat de Eucharistia; nam Matth. 26. Marci 14. Lucæ 22. & 1. Cor. 11. legimus quòd *Jesus accepit panem, & benedixit, ac fregit dicens: Hoc est corpus meum.* Panis est res, seu materia; quæ autem dixit, sunt verba, seu forma. Similiter de Extrema-Unctione

scribitur Iocobi 5. *Infirmatur quis in vobis? inducat Presbyteros Ecclesiæ, & orent super eum, ungentes eum oleo in nomine Domini: & oratio fidei allevabit infirmum.* Unctio est res, oratio autem sunt verba; ac subinde sacramenta novæ legis consistere debent rebus, & verbis. Idem patet ex decreto Eugenii in Concilio Florentino, ubi decernitur omnia sacramenta tribus perfici, videlicet rebus tanquam materiâ, verbis tanquam formâ, & personâ Ministræ.

Patet etiam hæc veritas autoritate SS. Patrum, qui unanimi calculo fatentur res, & verba desiderari in confectione sacramentorum. Sic S. Ambrosius lib. de initiandis cap. 9. ubi agit de Eucharistia: *Quod si*, inquit, *tantum, valuit humana benedictio, ut naturam converteret; quid dicimus de ipsa consecratione divina, ubi verba ipsa Domini Salvatoris operantur? nam sacramentum illud quod accipis, Christi sermone conficitur: quòd si tantum valuit sermo Elise, ut ignem de celo deponeret, non valebit sermo Christi, ut mutet species elementorum?* Similiter in caput 4. 1. ad Timoth. ait: *Manu inpositiones verba sunt mystica, quibus accipit auctoritatem Sacerdos, ut audeat vice Domini sacrificium Deo offerre.* Ei præverat Tertullianus cap. 2. de baptismo: *Homo*, inquit, *in aqua demissus, & inter pauca verba tingitur, &c.* Plurima sunt alia Patrum testimonia, quæ in hujus operis decursu referentur, quibus declaratur sacramenta novæ legis perfici rebus, & verbis.

Probari etiam solet hæc assertio ratione Theologicâ; quia sacramenta adhibentur ad hominum sanctificationem, quatenus sunt signa: conveniens autem fuit, ut rebus sensibilibus ordinatis ad sacramentum constituendum adhiberentur verba: nam signa sacramentalia spectari possunt tripliciter: *Primò* quidem ex parte causæ sanctificantis: *Secundò* ex parte hominis, qui san-

sanctificatur: *Tertiò* tandem ex parte significationis ipsius sacramentalis: sed ex hac triplici consideratione convenientissimum fuit, ut in sacramentis verba rebus adjungerentur: *Primò* quidem ex parte causæ sanctificantis, nempe Verbi Incarnati, quia sacramentum aliquà ratione illi conformari debet: unde sicut Christus constat ex Verbo spirituali, & ex carne visibili, etiam erat conveniens ut sacramenta fierent per res sensibiles, & verba quodammodo spiritualia; quatenus à ratione procedunt, & conceptus mentis, ac rationis significant.

Similiter idem congruum fuit ex parte hominis, qui sanctificatur: sacramenta enim sunt medicina, ac medicinalem gratiam efficiencia, ac subinde conveniens fuit, ut proportionarentur ægrotis: sed homo constat ex corpore, & anima: igitur ut sacramentum esset homini proportionatum, congruum fuit, ut fierent ex rebus, quæ corpus tangant, & verbis quæ anima credat, & percipiat; unde S. Augustinus in caput 15. Joannis explicans illa verba: *¶ Jam vos mundi estis propter sermonem, &c.* ait: Unde est „ tanta virtus aquæ, ut corpus tangat, „ & cor abluit, nisi faciente verbo, „ non quia dicitur, sed quia creditur.

Tertiò tandem ex parte significationis sacramentalis: nam ex S. Augustino lib. 2. de doctrina Christiana cap. 3. verba inter homines obtinuerunt significandi principatum: ergo cum sacramenta novæ legis perfectè, ac distinctè gratiam sanctificantem significare debeant; hæc ratione debuerunt constare verbis. Maximè cum materia ex se sit indifferens ad multa significanda; nam aqua baptismalis, v. g. potest significare, & abluionem animæ ob suam humiditatem, & refrigerium animæ propter suam frigiditatem; unde ut determinaretur ad significandam mundationem animæ à peccatis, debuit ad id determinari per hæc verba: *Ego te baptizo.*

Dices: Ex S. Augustino. lib. 19. contra Faustum. cap. 16. *Nihil sunt aliud corporalia quædam sacramenta, nisi verba quædam visibilia:* at superfluum est addere verba verbis: igitur sacramenta non debet constare verbis.

Distinguo majorem: Sunt verba improprie, & analogicè, concedo; proprie, & univocè, nego: res enim sacramentorum visibiles, dicuntur quidem verba analogicè, propter quamdam similitudinem, quæ principaliter reperitur in verbis; unde verba non superflue rebus ipsis adjiciuntur, ut eorum significatio sit magis determinata.

Infiabis. Ex eodem ibidem Sacramenta novæ legis successerunt sacramentis veteris legis; his enim ablatis, alia sunt instituta: sed in sacramentis veteris legis verba non erant necessaria: ergo nec in sacramentis novæ legis.

Distinguo majorem: Successerunt, quoad aliqua, concedo: quoad omnia, nego: nam ex S. Augustino ibidem, *alia debent esse sacramenta rei præsentis; alia verò rei futuræ:* rem enim præsentem clariùs manifestamus, quàm futuram: sacramenta autem veteris legis præsentia erant Christi venturi: quare non ita distinctè significabant Christum, sicut novæ, quæ ab ipso Christo fuerunt instituta: unde quanquam nulla fuissent in antiquis, non sequitur quòd etiam in novis debeant reperiri. *Quia,* ut ait S. Paulus ad Heb. 1. *Loquebatur olim Deus Patribus in Prophetis; novissimè autem locutus est nobis in Filio.* Locutio autem Prophetica obscurior est, quàm revelatio, quæ fit per Filium, qui dicitur lux mundi, & lux vera, quæ illuminat omnem hominem. Unde sacramenta veteris legis, quasi sub umbra muscitabant, quòd nostra sacramenta distinctè manifestant.

Ex his colligitur *secunda pars*, nempe quòd sacramenta debeant constare verbis determinatis: Tum quia Christum D. determinata verba protulit in Eucharis-

ristie consecratione , dicens , *Hoc est corpus meum* : & mandavit Discipulis , ut sub determinata verborum forma , baptizarent ; unde S. Augustinus lib. 6. de Baptismo contra Donatistas cap. 29. ait : *Certa illa Evangelica verba , sine quibus baptismus non potest consecrari , tantum valent , ut per illa sic evacuentur , quæ contra fidei regulam in prece vitiosa dicuntur , ut demonium Christi nomine excludatur* : Tum quia Ecclesia semper irritum habuit baptismum , qui verbis à Christo designatis non esset administratus : sic respuit baptismum *Casapbrigarum* in Concilio Laodiceo , Can. 8. *Paulianistarum* in Nycæno Can. 19. & in Arelatensi primo Can. 8. *Ariani* redeuntes ad Ecclesiam interrogari jubentur , quæ formæ sint baptizati , ut nempe cognoscatur an susceperint baptismum in nomine Patris , & Filii , & Spiritus sancti .

Dices primo : Sacramenta sunt eadem apud omnes nationes : sed eadem voces , eademque verba non sunt determinata apud omnes nationes ad idem significandum : igitur verba determinata non requiruntur in sacramentis .

Distinguo minorem : Non sunt determinata determinatione morali , quoad exteriorem sonum syllabarum , & litterarum ; unde provenit diversum idioma , diversaque loquela , concedo : non sunt determinata determinatione formali , hoc est , quantum ad significationem , & sensum , quem Christus ordinavit , & Ecclesia in praxi habet , nego : Hinc quocunque idiomate proferatur forma sacramenti , reverà perficitur sacramentum ; nam , ut supra diximus ex S. August. verbum operatur in sacramentis , non quia dicitur , sed quia creditur , id est , non secundum exteriorem vocis sonum , qui labiis proferitur , sed secundum sensum , qui fide tenetur .

Dices secundo : Idcirco verba determinata viderentur desiderari in sacra-

mentis , quia propriè significare debent effectum sacramenti : sed ita non est ; verba enim determinata ideo videntur requiri in baptismo , ut significant animam ablui à peccatis : sed verbum *baptizo* propriè non significat abluere ; barbarè enim , & impropriè loqueretur , qui diceret , baptiza sudarium : igitur , &c.

Nego minorem , & ad illius probationem dico reverà quidem verbum *baptizo* non significare in lingua Latina idem , ac abluo ; est enim verbum græcum , quod Ecclesia Latina usurpavit ad significandam abluionem sacramentalem ; unde etiam hoc vocabulò diversis licet idiomatibus expressè utuntur pene omnes nationes , ut significetur unitas fidei , quæ maximè per unitatem baptismi declaratur , & conservatur , juxta illud Apostoli ad Ephes. 4. *Unus Dominus , una fides , unum baptisma* . Potius autem ad id declarandum , vocabulum græcum usurpavit Ecclesia , quàm Latinum , aut aliud ; quia lingua græca latissimè vigeat , quando Evangelium promulgari cœpit .

Dices tertio : Non sunt aliter faciendi , & ministranda sacramenta , quàm Christus & instituit , & ministrari mandavit : sed Christus instituendo sacramenta non mandavit , ut adjicerentur verba : non enim cùm instituit Eucharistiam dixit : *Dicite quæ dñi* , sed *hoc facite in meam commemorationem* : similiter cùm baptizatum misit Apostolos , non præcepit ut baptizantes dicerent : *Ego te baptizo in nomine Patris &c.* ergo non requiruntur in sacramentis verba determinata .

Distinguo majorem : Ministrari mandavit implicitè , vel explicitè , concedo : explicitè tantum , nego . *Ad minorem* dico quòd quando Christus dixit : *Hoc facite* , &c. istud retulit ad totam actionem , quam implebat , etiam ut verba complectitur . Idem dicendum de baptismo : nam implicitè saltem signifi-

fica-

ficavit in conferendo baptismo adi-
eendam esse invocationem sanctissimæ
Trinitatis, dum ait : *Baptizantes eos in
nomine Patris, &c.*

Fateor tamen divinum istud Christi
mandatum de adhibendis verborum,
formulis in sacramentorum administra-
tione non posse efficaciter elici ex ipsi-
met Christi Domini oraculis, nisi ad-
hibeatur Ecclesiæ traditio, & praxis; non
enim ait Dominus: Dum baptizaveritis,
dicite, Baptizo te: hinc satis ad baptis-
mum videri posset alicui, si aquam in-
fundendo tantum proferret, In nomine
Patris, & Filii, & Spiritus sancti: imò
etiam ei videri posset non opus esse vo-
ces ullas proferre, sed tantum aquam
adhiberi, Quemadmodum enim cum
dicitur Marci ultim. *In nomine meo dæ-
monia ejicient*, Christus non jubet, ut
Discipuli ejicientes demonia, dicant;
Ego te ejicio in nomine Christi: sed so-
lum ut fide respiciant Christum, & ad
ejus efficacitatem attendant: Pari ratio-
ne quis existimare posset, ad baptismum
sufficere, quod infundendo aquam, quis
fide apprehendat Christi efficacitatem,
& virtutem in remittendis peccatis.
Unde merito dixi verba sacramentalia
dumtaxat implicitè fuisse à Christo de-
signata: explicitè verò esse repetenda ex
traditione, & praxi Ecclesiæ, quæ ejus-
modi verba in conferendis sacramentis
perpetuò, & invariabili ritu usurpavit.

Dices ultimò: Si verba essent deter-
minata in conficiendis sacramentis, se-
queretur quòd eorum variatio, & mu-
tatio irritum, ac nullum sacramentum
efficeret: sed ita non est; alioquin vix sa-
cramenta validè conferrentur ab eis,
qui impedimentò linguæ, vel ignoran-
tià latinæ laborant, quales sunt bali-
bi, & nonnulli sacerdotes minùs erudi-
ti: ergo verba determinata non requi-
runtur in sacramentis.

Distinguo majorem: Si illa mutatio,
& variatio locutionis sensum evertat,
concedo: secus, nego: quando autem

variatio ista sensum omnino evertat;
quando verò non, aperiet.

CONCLUSIO SECUNDA.

Sacramentum non fit irritum, & in-
validum per quamlibet verborum
mutationem: sed dumtaxat per eam, quæ
sensum variat, & alienum efficit. Patebit
hujus conclusionis veritas, expendendo
singulos illos modos in secundo nota-
bili assignatos, quibus accidere potest
mutatio verborum in sacramentis.

Primò namque, idiomatis mutatio
non infert mutationem substantialem
sensus sacramenti; quia tunc invalidum
redditur sacramentum, quando muta-
tur verborum sensus: atqui mutatio idio-
mate non mutatur verborum sensus,
sed tantum sonus; alioquin sequeretur
omnes sacramentorum ministros uti
debere idiomate Hebræicò vel Syria-
cò; quippe Christus Dominus sacra-
menta instituendo alterutrò hòc idio-
mate usus est.

Secundò, mutatio unius vocis, vel
plurium, quæ sensum omnino diversum
efficiunt, invalidum sacramentum effi-
cit: secus verò si usurpentur verba sy-
nonima: quia invalidum, aut validum
censetur sacramentum, in quantum il-
lius forma mutatur, vel servatur inte-
gra; sed dum voces mutantur in alias
diversam significationem efficientes,
non remanet integra forma sacramenti
nempe verborum significatio; secus ve-
rò accidit, dum illa perseverat. Hinc
S. Irenæus lib. I. cap. 18. refert quòd ba-
ptisma Gnosticonum idcirco reproba-
tum fuerit, quòd baptizarent *In nomi-
ne Patris omnium, in nomine Matris
omnium; & in nomine descendentiæ Jesu
ad unionem, redemptionem, aut com-
munionem virtutum*: E contra verò Ec-
clesia approbat baptismum Græcorum in
Decreto Eugenii iis verbis baptizan-
tium: *Baptizetur manibus meis N. in
nomine Patris, &c.* quapropter invali-
dum foret baptismus, si quis aquam in
baptizandum infundendo, hac formâ
ute-

uteretur : *Ego te refrigero in nomine Patris*, &c. Validum autem foret, si quis baptizando diceret, *Ego te abluo, vel ego te lavo in nomine Patris*, &c.

Tertio, quando transpositio non variat sensum verborum, irritum non facit sacramentum ; dum autem variat, efficit invalidum . Patet hæc veritas ex mox dictis ; hinc validum foret baptismus collatum hac forma : *Baptizo te in nomine Filii, & Patris, & Spiritus sancti* ; quia sufficiens sit designatio baptizandi, & invocatio sanctissimæ Trinitatis : invalidum autem foret, si quis verba hoc inverso ordine proferret, *In nomine Patris te Filii baptizo, & Spiritus sancti* ; quia hæc verborum transpositio, aut nullum sensum efficere, aut omnino alienum à sacramentali .

Quarto, verborum interpolatio, sive intermissio, quando tanta est, ut communi sensu non iudicetur esse una oratio ; tunc irritum facit sacramentum ; ut si quis Sacerdos privatim Missam celebrans, cum jam protulisset hæc verba consecrationis, *Hæc est*, recordaretur se eam breviori partem non recitasse, quam sacro celebrando præmittere debuerat, eis dumtaxat duobus consecrationis verbis prolatis, illam absolveret, & postmodum cætera consecrationis verba proferret, nempe *corpus meum*, &c. irritum certè foret sacramentum, quia non esset ejusdem formæ sacramentalis significatio, Secus verò fieret, si interruptio illa neque intentionem, proferentis, neque sensum verborum variaret, ut si postquam Sacerdos dixit, *Hæc est*, sternuter, tussiat, aut brevis mentis evagationem, & distractionem patiatur : tum subjiciat, *corpus meum*, non desinit valere sacramentum : quia iudicatur semper eadem esse oratio, & illius sensus unicus .

Quinto, mutatio verborum in alia signa, quæ idem repræsentarent, non efficere invalidum sacramentum matrimonii, & pœnitentiæ : secus verò

Toni.X.

circa cætera sacramenta . Prima pars constat : Enim verò in sacramento matrimonii maxime requiritur, ut conjugum consensus exprimat : sed hic declarari potest vel per nutus, vel per scripta, vel per verba ; ac subinde mutatio verborum in alia signa consensus declarantia non officit sacramento matrimonii : Idem dicendum de sacramento pœnitentiæ ; maxime in materia, circa quam versatur sacramentalis absolutio, nempe actus pœnitentis : pœnitens enim elinguis, & mutus potest vel per nutus, vel per scripturam peccata sua ; & conceptum de eis dolorem Sacerdoti presenti ita apertè declarare, & exprimere, ut Sacerdos faciliè iudicet an sit absolutione dignus, necne . Quòd autem similis mutatio in aliis sacramentis non sit admittenda, sufficienter constat ex praxi universæ Ecclesiæ, quam ad illorum sacramentorum consecutionem semper adhibuit .

Sexto, additio verborum in forma sacramenti fieri potest dupliciter ; Primò quidem *intrinsece*, cum formæ sacramentorum admisceatur verbum, quod videtur esse quasi prædicatum ; seu proprietas eorum verborum, quæ in forma sacramenti adhiberi solent, ut si quis baptizando diceret : *Baptizo te in nomine Patris omnipotentis, & Filii sapientie, & Spiritus sancti divini amoris, & Paraclæti*. Secundò *extrinsece*, quando videlicet additamentum istud est extra formam sacramenti, & ei adiungitur dum est completè prolata . Utraque additio duplex esse potest, nempe vera, quæ aliquid verum enuntiat, ut in consecratione panis, dum prolatis verbis consecratoriis additur, *Quod pro vobis Tradetur* : Falsa verò, quæ falsum enuntiat, quæ iterum sit dupliciter ; nam aliqua additio falsa est corruptiva formæ sacramenti, ac immutativa sensus illius ; qualis erat hæc aliorum Arianorum baptizantium additio, *Ego te baptizo in nomine Patris*

E

ma-

majoris, Filiis minoris, de non extantibus formati, &c. altera verò est, quæ non corruptis formam sacramenti, nec evertit legitimum ejus sensum, ut si Græcus consecrando Eucharistiam dicat: *Hoc est corpus meum in fermentato pane consecratum*. licet enim id falsum sit; quia Christus non in fermentato, sed in azimo consecravimus, tamen illa non destruit sensum.

Dico autem, quod ubi additio falsa est corruptiva formæ sacramenti, tunc sacramentum irritum efficit, quia non est legitima forma, quæ aliud significat, quàm id, ad quod Christus eam instituit: atqui mutato, & falsificato sensu, forma non significat amplius id, ad quod Christus D. illam instituit; proindeque additio formæ collectiva facit invalidum sacramentum.

Hinc nulla erat Marcionitarum consecratio Eucharistiæ, cum dicebant: Hoc est corpus meum phantasticum, quia corpus phantasticum non est corpus Christi, ad quod terminari debet consecratio.

Observandum autem, quod verbum additio falsa non possit interdum colligi, nisi ex intentione Ministri, maxime cum additio est externa; v.g. si quis uteretur hac formâ. *Ego te baptizo in nomine Patris, & Filii, & Spiritus S. & B. Virginis Dei genetricis*; talis baptismus posset esse validus, aut invalidus ex diversa ministri intentione. Eset quidem invalidus, si minister intenderet baptizare in nomine, hoc est, in autoritate B. Virginis, sicut baptizat in nomine, & autoritate Patris, Filii & Spiritus sancti: quod utique erroneum esset; non possumus enim baptizare in nomine alicujus puræ creaturæ; unde S. Paulus 1. ad Cor. 1. dicebat: *Nunquid Paulus pro vobis crucifixus est, aut in nomine Pauli baptizati estis?* Hinc egregie observat S. Augustinus lib. 7. de Baptismo cap. 14. Invenimus dictum ab Apostolo; *Et gloriam meam,*

& ministerium meum, & prudentiam meam, & Evangelium meum: baptizmus autem meus, nemo Apostolorum dixerit.

Posset nihilominus idem baptismus esse validus, si nempe minister per prædicta verba addita, intendat, quod intercessio B. Virginis profit baptizato ad conservandam gratiam baptismalem; nam supposita tali intentione, forma baptismi habet totam suam significationem essentialiæ completam, antequam illa prædicta verba adjiciantur.

Dicit: Error, aut improbitas ministri non nocet suscipienti sacramentum, quando verba Evangelica profertur, quia sicut ait S. Augustinus lib. 2. contra epistolam Petiliani, *nascitur credens non ex ministri sterilitate, sed ex veritatis fecunditate.*

Respondet equidem quòd intentio prava purè interna ministri non officiat sacramento: secus autem si exterius declaretur: quemadmodum fit in prædicta hypotesi, quia in illa adduntur verba, quæ destruunt formam à Christo D. institutam.

Septimò, detractio alicujus vocis essentialis in forma sacramenti, irritum facit sacramentum: quia evertitur forma sacramentalis. Hinc si quis (ait Didymus lib. 2. de Spiritu sancto, qui est inter opera S. Hieronymi) *ita baptizare conetur, ut unum de præceptis nominibus Patris, & Filii, & Spiritus sancti prætermittat, sine perfectione baptizavit*. Secus autem accidit, si vocabulum detractum non evertat significationem formæ, ut si in forma Eucharistiæ, *Hoc est enim corpus meum*, detrahatur particula *enim*, non minus fiet consecratio, quia dictio *enim* non tollit essentialiæ sacramenti, quia non est de substantia formæ, nec ejus sensum immutat.

Octavò tandem, corruptio verborum, quæ locutionis sensum non auferit, nec intendit inducere errorem, non derogat integritati sacramenti: licet enim mu-

mutetur sonus sensibilis, tamen manet idem sensus, & eadem significatio; ideo Zacharias summus Pontifex, ut legitur cap. *Retulerunt* dist. 4. de consecratione, sic scribit; Retulerunt nuntii tui; quod fuerit in eadem provincia Sacerdos, qui linguam latinam penitus ignoraret, & dum baptizaret nescius latini eloqui, infringens linguam diceret; *Baptizo te in nomine Patria, & Filia, & Spiritus sancta*: at per hoc tua reverenda fraternitas consideravit eos rebaptizare: Sed sanctissime frater, si ille, qui baptizabat non errorem introducens, aut hæresim; sed pro sola ignorantia Romanæ locutionis infringendo linguam, ut supra facti sumus, baptizans dixisset, non possumus consentire, ut denuo rebaptizetur. Judicavit enim Zacharias ignarum illum Sacetdotem nihil in forma baptismi mutasse: quia corruptis vocibus idem significabat, quod alii solent integris. Nam etsi verba ea seorsim, & per se prolata non significant Patrem, & Filium, & Spiritum sanctum, tamen cum actione Baptismi, & his vocibus, in nomine juncta, idem significant ex usûs accommodatione, alioquin nihil significarent: unde cum credibile sit eum aliquid significare voluisse, putà quod intendit Ecclesia, merito baptismus ille iudicatus est validus.

Hæc autem omnia, quæ paulò longius declaravimus, paucioribus complectitur Doctor d. 3. qu. 2. num. 7. ubi sermonem faciens de mutatione formæ sacramentorum ait: Ad hujus intellectum, advertendum est, quod secundum Philosophum 5. *Physicæ*, quadruplex est mutatio: scilicet secundum substantiam, qualitatem, quantitatem, & ubi; sic secundum ista verba, potest fieri quadruplex variatio, scilicet secundum substantiam, alia verba ponendo pro istis,

vel aliud verbum pro isto; secundum quantitatem, apponendo, vel subtrahendo, & si apponendo, vel anteponendo, vel postponendo, vel interponendo; secundum qualitatem, scilicet auferendo aliquam requisitam terminationem ad congruam locutionem; secundum ubi, transponendo.

Et de quacumque istarum variationum, dico, quod si varians intendit uti verbis, quibus utitur tantamquam forma Ecclesiæ, præcisè non baptizat, quia deficit sibi intentio utendi verbis aliquantulum variatis, tantquam formâ præcisâ Baptismi.

CONCLUSIO TERTIA.

Verbum sacramentale non est verbum promissorium, neque concionale, sed consecratorium; Hæc conclusio tribus partibus constat: quarum

Prima probatur primò, ex Concilio Tridentino sess. 7. can. 6. ubi dicitur anathema affirmantibus sacramenta novæ legis non continere gratiam, quam significant, aut gratiam ipsam non ponentibus obicem non conferre, quasi signatum externum sint acceptæ per fidem gratiæ, vel justitiæ, &c. Patet etiam ex his, quæ diximus in 1. qu. num. 35. nempe quod differentia constitutiva sacramenti novæ legis non sit obligatio promissionis Dei: quia, ut dictum est, verbum essentiale sacramento novæ legis, & illius constitutivum, ac distinctivum ab aliis sacramentis debet reperiri in singulis novæ legis sacramentis: sed aliqua sunt sacramenta novæ legis, quæ per se non exhibent promissionem gratiæ, ut constat non solum in Matrimonio, & Ordine, sed etiam in Baptismo, & Eucharistia, quæ duo ipsimet hæretici non inficiantur esse vera novæ legis sacramenta: nam in baptismo verbum *baptizo*, quod est essentiale illius formæ, non est idem ac *significo*, vel *denoto*; similiter in Eucharistia verba consecrationis specierum

rum panis, nempe, *Hoc est corpus meum*, & consecrationis vini; scilicet, *Hic est calix sanguinis mei*, non important promissionem, sed denotant rem, quæ fit, seu ipsammet actualement consecrationem, ut significat Apostolus 1. ad Cor. 10. sic dicens: *Calix benedictionis, cui benedicimus, &c.*

Dices primò. Verba sacramentalia, Eucharistiæ non sunt tantum ea, quæ diximus, sed etiam ea, quæ antecedunt, & subsequuntur. Enim verò Christus Dominus ait; *Accipite, & manducate, hoc est corpus meum, quod pro vobis tradetur*; traditio autem promissa corporis Christi accideret exhibet gratiam, sive peccatorum remissionem, quam Christus passione sua nobis promeruit.

Respondeo primò. Verbum sacramentale, quo conficitur Eucharistia, non est aliud præter prædictum, *Hoc est corpus meum*: cætera enim absolute non requiruntur ad constitutionem sacramenti, ut probatur in disputatione de Eucharistia. *Secundò* dico, quod etsi illa verba tam antecedentia, quam consequentia spectarent ad essentiam formæ; nihilominus non exhiberent promissionem gratiæ in ipso usu sacramenti nobis applicandæ, sed tantum illam designarent in sua causa præparatam, nempe in passione Christi.

Dices secundò, Sacramenta appellantur *signacula*, & *figilla* à SS. Patribus; sed non ita dicuntur, nisi quia sunt dumtaxat oblationes promissionum gratiæ Dei; ergo sunt promissionaria.

Nego minorem, nam appellantur signacula aliis de causis; *Primò*, quia, per huiusmodi signa Christiani censentur peculiari ratione pertinere ad Deum, & esse sub ejus tutela; sicut à pastore ovibus, à Domino servis, à duce militibus, notæ quædam inuruntur, quibus distingui valeant, quod maxime verum est de sacramentis, quæ characterem imprimunt. *Secundò*, dici pos-

sunt signacula, quia claudunt, & occultant res sacras: sic baptismus dicitur à Tertulliano lib. de Pœnitentia, obsignatio, & sigillum fidei. *Tertiò*, dicuntur signacula, quia per eorum susceptionem, professionis fidei nostræ publicum testimonium reddimus: quocirca baptismus sæpè à SS. Patribus signaculum justitiæ fidei appellatur.

PROBATUR SECUNDA PARS, nempe quod *verbum sacramentale non sit concionale*, quia ut volunt hæretici, verbum istud concionale, non est necessarium sive ad essentiam, sive ad fructum sacramenti. *Primò*, quia in Scriptura nulla fit mentio ejusmodi concionis in institutione sive Eucharistiæ, sive baptismi, quæ duo sacramenta admittuntur ab adversariis. Verum est quidem, quod in ultima cœna Christus præclaram ad Discipulos habuit concionem, quam legere est Joan. 15. & 16. Verum eam dumtaxat habuit post institutionem, & administrationem Eucharistiæ, ante eam verò nullam concionem ad Discipulos habuit. Verum est quidem, quod laverit eorum pedes, eisque dixerit: *Vos mundi estis, sed non omnes*: at verba ista non erant concionalia, quia juxta Calvinum in tertio notabili citatum cap. 14. sect. 4. verbum istud est concionale, quo significatio sacramentalis explicatur suscipienti, seu quod prædicatum facit suscipientem. intelligere quid signum visibile denotet: nullum autem tale verbum tunc Christus præmisit.

Idem constat de institutione baptismatis: quamquam enim Christus Dominus Matth. ult. dixerit Apostolis: *Ite, docete omnes Gentes, baptizantes eos in nomine Patris, &c.* attamen illis verbis non aliud significare voluit, quam quoddam adulti non debeant baptizari, priusquam in fide instructi fuerint. Quod utique certissimum est; nam, ut docet S. Basilii lib. de Spiritu sancto cap. 12. *Fides, ac baptisma duo sunt*

nō-

modi comparande salutis inter se cognati, ac inseparabiles; nam sicut fides perficitur per baptismum, ita baptismus fundamentum fidei nititur, sed non inde sequitur, quod verbum concionale, quod ad illorum instructionem debet præmitti, idem sit cum verbo sacramentali, quo baptismus perficitur.

Confirmatur, quia si verbum concionale esset necessarium, maximè vel respectu ministrantis, vel adstantium, vel susipientis: at ita non est quidem respectu ministrantis: nullus enim à se ipso docendus est; non etiam respectu adstantium; nam validè confertur baptismus, etiam quando præter ministrum, & susipientem nullus assistit: non denique respectu susipientis: nam infantes, & frenetici, & amentes validè baptizantur, cum tamen sint incapaces instructionis, & verbi concionalis.

Hic addit quòd illi hæretici non rejiciant baptismum in Ecclesia Romana collatum, nec denuò baptizent eos, qui ab Ecclesiæ gremio ad eorum perduellia castra convolant, etsi prædicatio non præcedat; igitur, &c.

Obijciunt primò illud Matth. Docete omnes Gentes baptizantes. Hinc Apostoli in Actis, prius semper docent, & instruunt, quàm baptizent: Unde, S. Hieronymus exponens illud Ephes. 5. Mundans eam lavacro aquæ in verbo vite; per verbum vite intelligit doctrinam: igitur verbum concionale est necessarium ad sacramentum.

Distinguo consequens: Requiritur ut dispositio necessaria adultis ad baptismum cum fructu suscipiendum, concedo: nam adultorum justificationem exigit, fides auditum verbi Dei: auditus ille prædicationem: nam quomodo credent sine prædicante? ait Apostolus. Ut pars essentialis baptismi, nego: quia seu præcedat instructio, seu cum baptismo jungatur, nihil baptismi validitati, vel efficacitati detrahit. Ua-

de Christus non præcepit Apostolis, ut baptizando docerent omnes Gentes nomen Patris, & Filii, & Spiritus sancti, quod debuisset, si verbum instructionis adhibere præcepisset; sed iussit docere populos baptizantes eos in nomine Patris, & Filii, & Spiritus sancti; nam hæ voces, In nomine Patris, &c. respiciunt actum baptizandi, non docendi, qualem significant invocationem Trinitatis super ablutionem, aquæ, non verò explicationem mysteriorum ad adstantes, in aliis enim Scripturæ textibus, illa particula in nomine, non aliud, quàm invocationem significat. Sic Marci ultim. In nomine meo demonia ejicient. Actuum 3. In nomine Iesu Christi surge, & ambula.

Ad S. autem Hieronymum dico eum explicasse præfatum locum in sensu mystico, & non literali, ut ipsemet significat initio explicationis contextibus; sic enim incipit: Quia verò per tropologiam viros, animas, & uxores corpora dixeramus, &c. Nec certè aliud sensu S. Hieronymus: nam explicans præfata verba; Ite, docete baptizantes, ait: Jussit Apostolis, ut primùm docerent, universalis Gentes, deinde sacramentum, quæ essent observanda, præciperent. Subdit: Non potest enim fieri ut corpus baptismi recipiat sacramentum, nisi antè anima fidei susceperit veritatem. Quibus significat prius adultos debere instrui de articulis fidei, quàm ad baptismum accedant: distinguit igitur sacramentum baptismi ab illa prævia instructione, & doctrina.

Obijciunt secundò, S. Ambrosium lib. de Initiandis cap. 3. ubi verbum, quò perficitur baptismus, vocat prædicationem Dominicæ crucis, ait enim: Maratb fons amarissimus erat; misit in eum Moyses lignum, & dulcis factus est: aqua enim sine prædicatione divine crucis ad nullos usus futura salutis prodest. . . .

sicut ergo in illum fontem Moyses misit lignum: ita, & in hunc fontem Sacerdos prædicationem Dominicæ crucis mittit, & aqua fit dulcis ad gratiam. Sed prædicationis crucis in mente sancti Ambrosii est verbum concionale: igitur ex mente sancti Ambrosii aqua non potest prodesse baptizando, nisi illuminetur doctrinâ, & concione.

Nego minorem: Nam prædicationis crucis duobus modis fieri potest: vel per verba, vel per opera; nec enim ille tantum prædicat crucem, qui refert, & explicat Christi passionem, & tormenta, sed etiam qui vivit juxta regulam Evangelii, & carnem suam cum vitiis, & concupiscentiis crucifigit. Unde in Baptismi administratione dici potest, quod prædicetur crux Dominicæ per ipsum met baptismi ritum: nam, inquit Apostolus ad Rom. 6. *Quicumque baptizati sumus in Christo Jesu, in morte ipsius baptizati sumus.* Hoc autem posteriori modo, crucis prædicationem usurpat S. Ambrosius; quia ibi dicit, Sacerdotem mittere verbum istud (quod appellat prædicationem crucis) in ipsum fontem: at verbum instructionis non mittitur in rem insensibilem, cujusmodi est aqua, sed in creaturam rationalem: ergo per prædicationem crucis intelligitur ritum, quo confertur, & ministratur baptismus, repræsentans mortem Christi. & per verbum sacramentale aquas consecrans; unde dicit verbum mitti ad fontem, eo modo, quo S. Augustinus dixit, verbum accedere ad elementum, & fieri sacramentum.

Quæ utique explicatio confirmatur ex eodem S. Ambrosio, nam initio capitis alloquens eum, qui baptismi sacramentum ingressus est, ait: *Quid videris? Aquas utique, sed non solas. Levitas illic ministrantes, Sacerdotem interrogantem, & consecrantem, at non alio consecrat instrumento, quam verbo formæ baptismi.* Secundo, dicit: *scribit: Marath fons amarissimus*

„ erat, & Moyses in eum misit lignum,
„ ac dulcis factus est: sic aqua sine prædicatione Dominicæ crucis ad nullos
„ usus salutis est: cum verò fuerit crucis mysterio consecrata, tunc ad
„ usum spiritalis lavacri, & salutaris
„ poculi temperatur, & fit dulcis ad gratiam; ea prædicationis est invocatio
„ S. Trinitatis; nam hæc ut applicatur
„ baptismo, crucis efficacitatem commendat, & veluti præsentem facit effectum ejus applicando.

Quòd autem reverà censuerit S. Ambrosius baptismum perfici verbis consecratoris præter mox dicta, etiam istud declarat lib. 2. de sacramentis c. 5. ubi pro eo quod hic dicit, Sacerdotem mittere prædicationem crucis in fontem, aquæ, ait: *Sacerdos præcem dicit ad fontem; invocat Patris nomen, præsentians Filii, & Spiritus sancti; utitur verbis cælestibus: verba cælestia, quæ sunt? Quòd baptismum in nomine Patris, & Filii, & Spiritus sancti.*

Obijciunt tertio illud S. Augustini tract. 80. in Joan. ubi ait: *Quæ est tanta virtus aquæ, ut corpus tangat, & cor abluit? nisi faciente verbo, non quia dicitur, sed quia creditur: nam, & in ipso verbo aliud est sonus transiens, aliud virtus manens. Hoc est verbum fidei; quod prædicamus; quo corda mundantur, & baptismus consecratur:* Sed verbum, quod creditur, est concionale, seu prædicationis, & doctrinæ; non potest enim esse creditum, nisi prius auditum, & prædicatum; unde ibidem illud appellat *verbum fidei:* & postquam declaravit verbo sacramentali mundari infantes, ut hoc verbum concionale esse declararet, sic concludit: *Totum hoc fit per verbum, de quo Dominus ait: Iam vos mundi estis propter verbum, quod locutus sum vobis: igitur, &c.*

Nego minorem: Nec enim ea est S. Augustini mens: solum enim probare intendit ex præfatis verbis Christi: *Iam vos mundi estis propter sermonem, quem locu-*

locu-

locutus sum vobis : quòd omnis mundatio hominis repetatur ex verbo Dei , quòd dicitur verbum fidei ; quia nempe est fidei objectum : non autem dumtaxat ex aqua ; ibi enim inquit , quare Christus D. non dixerit : *Mundi estis propter baptismum* , quo loti estis ; sed ait : *Propter verbum* , quòd locutus sum vobis ; respondet : quia , & in aqua verbum mundat : Unde enim tanta virtus aquæ , ut corpus tangat , & cor abluat , nisi sanctificante verbo , non quia dicitur , sed quia creditur ? Quasi diceret : Nemo mirari debet , quare Christus dixerit ; Mundi estis propter sermonem , quem locutus sum vobis , non verò propter baptismum ; quia , & ipse baptismus consecratur per sermonem , quem locutus est ; consecratur enim per verba dominica , quæ debent spectari , non ut verba communia , sed ut verba , quæ Dominus locutus est , in quibus virtus est quædam manens , & operans , quæ virtus non cadit nisi sub fide ; unde statim addit : *Nam in ipso verbo aliud est sonus transiens , aliud virtus permanentis* . Testimonia autem sequentia ex Scripturis deprompta adduntur , ut probe in genere vim mundandi oriri ex verbo fidei , quòd , ut dixi , suscepit initio probandum . Unde meritò concludit , quòd etiam verbum , per quòd infantes mundantur , sit verbum , de quo Dominus ait : *Jam vobis mundi estis propter sermonem* , &c. Cùm igitur S. Augustinus censet per verbum , de quo sermonem instituit , justificari infantes , certum est non intelligere verbum concionale ; quippe cùm infantes non possint credere ad iustitiam , & ore confiteri ad salutem .

*Probat*ur denique TERTIA PARS , nempe quòd *verbum sacramentale sit consecratorium* : Probat , inquam , quia verba quibus conficiuntur sacramenta , appellantur *sanctificatio* , *benedictio* , *consecratio* , *invocatio nominis Dei* ; Sic S. Paulus 1. ad Corinth. 10. verba quibus con-

ficatur Eucharistia , appellat *benedictionem* : *Calicem benedictionis* , inquit , *cui benedicimus* , *nonne communicatio sanguinis Christi est* ?

Similibus appellationibus donantur à SS. Patribus : nam S. Dionysius lib. de Ecclesiastica Hierarchia cap. 3. ait : *Porro ubi Pontifex sacrosancta Dei munera collaudavit , diviniissima consecrat mysteria* . Et cap. ult. sacramentalia verba appellat , *consecratorias invocationes* . Similiter S. Iustinus Apolog. 2. *Super eo* , inquit , *qui renascendum esse per baptismum sibi statuerit , parentis rerum omnium Dei nomen nominatur , & ipsum ad lavacrum ducentes invocamus* . Item S. Ambrosius lib. 2. de sacramentis c. 5. supra laudato , & 4. de sacramentis c. 4. loquens de consecratione Eucharistia , ait : *Panis iste , panis est ante verba sacramentorum ; ubi accesserit consecratio , de pane fit caro Christi* . *Quomodo potest panis corpus esse Christi ? Consecratione* . *Consecratio , quibus verbis fit , & cujus sermonibus ? Domini Jesu* . Pariter S. Augustinus lib. 6. contra Donatistas , c. 25. *Deus* , inquit , *adeit verbis Evangelicis suis , sine quibus baptismus Christi consecrari non potest , & ipse sanctificat sacramentum suum* . Idem habent ceteri Patres , quos tediousum esset hic recensere .

Obijcit Calvinus : Verba consecratoria superstitiosa videntur , & incantationi magicæ similia ; quippe cùm super elementum mutum , & inanime à ministro demurmurentur , absque ullo sensu , & fide assistant ; quippe cùm ignoto idiomate , nempe lingua Latina , coram imperitis proferri soleant ? ergo , &c.

Nego antecedens : Verba enim proferre super mutum , & inanime elementum maxime quando fit ex ordinatione divina , nullatenus magiam sapit , ac redolet : nam Num. 5. in sacrificio Zelotypiæ , Sacerdos plurima verba maledictionis congerebat in aquam ad id des-

finatam, quæ potata mulieres adulteras interficeret, innocentibus verò non noceret, *Insuper* Magi non solum verbis, sed etiam rebus utuntur in suis præstigiis: at hæretici nihil magicum agnoscunt in materiis sacramentorum: ergo nec agnoscere debent in verbis. *Denique* incantatio magica consistit in eo, quodd certæ res, figuræ, & voces aliunde per se inefficaces vim habeant aliquod efficiendi ex pacto tacito; vel expresso cum dæmone: at verba consecratoria sacramentorum non habent efficiendi cum ex ultro cum dæmone pacto, sed ex institutione Christi. Quare in sacramentorum administratione sunt aliqua verba, quæ debent ab omnibus intelligi, ut ea quæ proferuntur ad excitandam suscipientium, & adstantium fidem, & pietatem, & ea debent esse vernacula plerumque; nisi suscipientes, & adstantes Latine intelligant: alia ad efficiendum, ut cum Josue locutus est ad Solem, qui non habebat auditum, & Christus ventis imperavit. Ea cuiuscumque sint idiomatis, idonea sunt; ejusmodi autem sunt verba consecratoria sacramentorum.

QUÆSTIO QUARTA.

De necessitate, & existentia Sacramentorum.

CUM Sacramentorum institutio ex mero Dei beneplacito, summaque ejus libertate, ac liberalitate pendeat; cumque compertum sit divinam illius providentiam, singulis rebus, juxta cuiusque indigentiam, & necessitatem opitulari, efficaciori ratione suaderi, ac colligi non potest sacramentorum existentia, quam ex comperta, & probata eorum necessitate. Unde sapienti consilio, ac justo, libratoque ordine sacramentorum existentiam ab eorum summa hominibus quovis in statu degentibus necessitate scrutantur, & investigant Theologi.

Notandum autem primò, duplicem in morali Christiana, quantum ad præsens pertinet, solitè distingui necessitatem; quarum prima vocatur *necessitas medii*: secunda verò *necessitas præcepti*. *Necessitas medii* ea est, qua aliquid ita censetur necessarium ad finem aliquem comparandum, ut sine illius ope non possit obtineri: *necessitas verò præcepti* ea est, qua aliquid ex sua ratione intrinseca, non ordinatur, nec conducit ad alicujus finis assecutionem, sed dumtaxat ad id requiritur ex ordinatione, & præcepto superioris. Porro necessitas medii duplex distinguitur, scilicet *intrinseca*, & ex intima connexionione medii cum fine, quæ solitè vocatur *necessitas simpliciter* quæ nimirum fit, ut finis non possit obtineri secluso tali medio: alia verò *extrinseca*, quæ oritur non quidem ex natura rei, sed ex institutione, & ordinatione divina, & dicitur necessitas ad melius esse, seu potius est congruentia, quam vera necessitas.

Certum est autem sacramenta non esse necessaria necessitate intrinseca, & simpliciter: constat enim quodd Deus absolute loquendo, humanam salutem operari potuerit absque ejusmodi signis sensibilibus. *Insuper*, nulla est ratio intrinseca, & essentialis, cur sacramenta vim habeant producendi gratiam, & conferendi eos omnes effectus, quos Deus ad eorum signorum applicationem in subiectis debite paratis infallibiliter producit: solùm itaque hic inquirimus, an supposita Dei ordinatione sacramenta fuerint necessaria in quovis hominum statu.

Notandum secundò, triplicem generatim distingui posse statum humanæ naturæ: Primus est naturæ perfectissimæ, qualis est status beatitudinis: secundus naturæ *innocentis*; qualis exiit ante Adami lapsum: tertius est ejusdem naturæ *viatiæ* per Adami peccatum. Qui rursus dividitur in tres alios status; nam alius est status hominis sub *lege naturæ*, hoc

hoc est ante legem scriptam, nimirum ab Adamo ad Moysen : alius est sub lege scripta; puta ab eo tempore, quo populo Judaico lex præscripta fuit à Deo per Moysis ministerium, usque ad prædicationem Evangelii per Christum D. Tertius est sub lege gratiæ, qui à Christo D. ad mundi finem perseveraturus est. Quos utique tres status S. Augustinus epist. 19. appellat ante legem, sub lege, & sub gratia. Certum est autem, quod sacramenta nulla ratione sint necessaria in statu naturæ perfectissimæ; quia ubi est veritas aperta, omnis signorum umbra eliminatur: unde præclare S. Augustinus lib. de catechismo cap. 4. *Comeditur agnus, inquit, post mortem hujus sæculi, ut cum mane illud venerit, quod vesperam non habebit, non jam offeratur sacrificium imaginis Agni, sed ipsum Agnum, quem quotidie immolamus, comeditur, & ejus sanguinem bibimus, inenigmas illic cum Sacerdotem perficimus, quem constat hic pro nostra salute occisum.* Hinc Doctor in 4. disp. 1. quæst. 3. num. 7. ait: *Apparet quod in statu patriæ nullum congruit sacramentum, quia tunc non indiget homo sensibilibus, ut cognoscat intelligibilia pertinentia ad salutem suam: neque tunc indiget excitari ad querendum pertinentia ad salutem, quia est perfectè consecutus salutem.* Unde difficultas remanet de quatuor cæteris humanæ naturæ statibus, nempe innocentie, legis naturæ, scriptæ, & gratiæ.

Notandum tertio, Sacramenta posse considerari instituta, & ordinata ob triplicem finem, juxta triplicem eorum considerationem; enim verò spectari possunt, vel quatenus sunt cæremoniæ sacræ, ac celebres ritus, quibus homines in eandem religionem adunati, suum Deo ut supremo rerum omnium parenti, & moderatori obsequium, & cultum impendunt: nam, ut perbellè observat S. Augustinus lib. 19. contra Faustum cap. 16. *In nullum nomen Reli-*

Tom. X.

gionis verum, aut falsum homines coadunari possunt, nisi aliquo signaculorum seu sacramentorum visibilium consortio colligantur. Secundo, considerantur, quatenus sunt medicinæ, seu remedia ad resarciendam, vel conservandam, aut augendam hominis salutem. Tertiò, quatenus sunt media conducentia ad augendam hominis perfectionem per augmentum gratiæ illuminantis, & sanctificantis.

CONCLUSIO PRIMA.

SACRAMENTA non extiterunt in statu innocentie, nec ut remedia, nec ut anime perfectiones; nec ut sacri ritus: imò nec extitissent, si ille diu perseverasset. Hæc conclusio quatuor partibus constat, quarum prima communis est apud Theologos, eamque Doctor approbat loco supra laudato, ubi ait: *Pro statu innocentie non fuit congruum institui sacramentum, sicut post lapsum, quia est tunc homo potuerit ex sensibilibus cognoscere intelligibilia: tamen nullum sensibile fuit necessarium tanquam conferrent ad salutem, removendo aliquod impedimentum salutis, ut scilicet possit dici propriè medicina.*

Probatur: Quia ubi nullus est morbus, ibi nulla requiritur medicina; sed durante primævâ innocentia nullus fuit morbus: igitur, &c. Major constat ex illo Matth. 9. *Non est opus valentibus Medicus, sed malè habentibus;* Unde præclare S. August. *Tolle morbos, tolle vulnera, & nulla erit medicinæ causa.* Minor etiam patet ex his, quæ diximus in 2. volumine de felici innocentie statu.

Dices: Matrimonii sacramentum est in concupiscentiæ remedium: sed illud initium fuit inter Adamum, & Evam, durante statu innocentie: igitur in eo statu fuerunt sacramenta in remedium m. Major constat ex S. Augustino in libris de Nuptiis, &c. Minor verò probatur ex illo Apostoli ad Ephes. 5. ubi loquens de matrimonio Adami cum Eva, ait:

F

Sa-

Sacramentum hoc magnum est; ego autem dico in Christo, & in Ecclesia.

Respondeo distinguendo minorem: Matrimonium illud fuit sacramentum secundum latiore significationem, & quatenus sacramentum est dumtaxat signum rei sacre, non verò sanctificantis subiectum, in quo est tale signum, concedo: quatenus sacramentum accipitur in strictiori significatione pro signo rei sacre sanctificantis, nego. Ad probationem dico Apostolum eatenus matrimonium Adami, & Evæ appellare sacramentum, quatenus prefigurabat conjunctionem Christi cum Ecclesia, sponsa. Quod autem tunc non fuerit propriè dictum sacramentum, sufficienter determinat Concilium Trident. cdm ait, sess. 24. can. 1. *Si quis dixerit matrimonium non esse verè, ac propriè unum ex septem legis Evangelicæ sacramentis à Christo D. institutum . . . anathema sit.*

Probatur secunda pars, nempe quod in statu innocentie non fuerint necessaria sacramenta ad animæ perfectionem; quia in illo felici statu, superiora dominabantur inferioribus, & anima corpori, ratio sensui, facultates intellectuales sensitivis, & naturalibus; id enim originalis iustitia præstabat, ut quemadmodum anima perfectè erat subdita Deo, sic inferiores animæ vires naturales, & sensitivæ rationi subicerentur; ac proinde non erat conveniens ut anima sanctitatem mutuaretur à rebus corporeis: igitur, &c.

Dices: Sacramenta necessaria sunt homini ad gratiam assequendam, perficiendam, & servandam, contra repugnantes tentationum motus: sed in statu innocentie potuerunt ad hæc omnia prodesse: homo siquidem in eo statu debebat sibi novum in dies comparare gratiæ gradum, illam contra infestantes tentationes tueri: igitur, &c.

Nego minorem: Nam potuisset alia via, quàm per signa corporea gratiæ

augmentum suscipere, nempe per exercitium virtutum, maximè divini amoris, ad quod quidem augmentum movebat originalis iustitia, quæ mentem illustrando, etiam voluntatem in omne bonum inclinabat, & vegetabat.

Dices secundò: Sacramenta profunt ad mentis illustrationem: at in statu innocentie debuisset illustrari mens hominis. Ergo ad id sacramenta erant necessaria.

Distinguo minorem: Per alia signa, concedo: per sacramenta, nego: quia perfectio mentis humane fuisset in eo statu ex divini numinis influxu, non ex phantasmatibus, sed ex speciebus: in eo tamen statu phantasmatis utebatur anima, sed ut corpore sibi subditò; cognitionis enim perfectionem habuisset ex infuso lumine: phantasmatibus etiam utebatur, quia delectabilis est eorum experientia, quorum habemus scientiam. Quare experta fuisset naturæ vires, & actiones, ut eorum, quæ sciebat, supernaturalium, & naturalium per scientiam quæ est infusa, experimentall cognitione perciperet: ore etiam confessa fuisset fidem ad salutem, & exterioribus signis Deo cultum exhibuisset, in gratiarum actione, & pietatis testificatione, & supremæ potestatis agnitione: at ea signa sacramenta non fuissent.

Dices tertio. Ex S. Dionysio lib. de „ Ecclesiastica hierarchia cap. 1. Deus „ cælestibus, & beatis mentibus exhibet divina mysteria sine sensibilibus „ figuris, quia sunt immateriales: nobis autem ea tradere debuit per symbola sensibilia: quia materiali naturâ constamus: sed Adam, & Eva in statu innocentie constabant materiali naturâ: igitur eis necessaria erant signa, & media corporea, quibus gratiam illuminantem possent assequi.

Respondeo distinguendo maiorem: homines materiali naturâ constantes debent habere media corporea, quibus illu-

illustrentur, quandiu pars superior non habet omnimodè subditam sibi inferiorem, concedo : secus, nego : at in eo statu omnimodè inferior pars superiori obtemperabat, & aliunde quàm sensuum beneficio habebat id omne, quod ad suæ mentis illustrationem conducebat : nam, inquit S. Bernardus serm. de Annuntiatione : *Ipsum misericordia custodiebat, docebat veritas ; regibat iustitia, pax foviebat.*

Probatur tertia pars, nempe quòd sacramenta non fuerint in eo statu tamquam ritus, & cæremoniæ sacræ : Tum quia hæc sacramentorum acceptio tantum est impropria : Tum quia sacrificia, oblationes, alique cultus externi abundè sufficiebant, ut homo debitum cultum Deo impenderet.

Dices : In statu innocentie fuissent sacrificia, ut concedimus ; quia sunt præcipui actus publicæ Religionis : Unde docent Theologi sacrificium spectare ad jus naturæ, quia procedit ex naturali ratione, quòd homo rebus sensibilibus suam erga Deum subiectionem, & supremum in omnia Dei dominium agnoscat : sed sacrificia sunt sacramenta ; sunt enim signa gratiæ : igitur, &c.

Respondeo primò, negari posse majorem ; cùm enim brevissimò tempore steterit innocentie status, non videtur locum fuisse primis Parentibus sacrificium aliquod offerre : imò non abs re conjiciunt aliqui, idcirco Deum permisisse Adamum labi in peccatum, quoniam visus est ingratus erga tam munificum beneficentem, quem nullò sacrificiò in gratitudinis monimentum coluit.

Respondeo secundò, negando minorem : quia sacrificia sunt signa gratiæ per modum meriti, quando offeruntur in statu gratiæ sanctificantis ; non verò per modum signi à Deo instituti ad gratiam efficaciter conferendam.

Probatur denique quarta pars, nempe quòd etiamsi perseverasset ille felix

innocentie status, nullum propriè dictum institutum fuisset sacramentum : Tum quia sacramenta in eo statu fuissent inutilia ; etenim ad tria præcipuè ordinantur, nempe vel ad gratiam recipiendam, vel ad illam conservandam, vel ad eam augendam : sed ad nullum ex his tribus indiguissent homines sacramentis in statu innocentie. Non quidem ad primum ; quia quemadmodum Deus per propagationem naturalem, producit animam, ita produxisset in animam gratiam sanctificantem, veluti sacram hæreditatem à primo parente propagatam. Non etiam ad secundum quia in illo felicissimo statu, nullis internis, vel externis tentationibus agitati fuissent, aut saltem subjacuisent. Non denique tertium, quia gratiæ augmentum fieri debet modò statui convenienti : at non fuisset conveniens illi statui, ut homo per media corporea gratiam reciperet : ergo neque ut per eadem illam augeret.

Dices : In statu innocentie potuissent homines peccare : ergo conveniens erat, ut pro eluendo peccato, & restituenda gratia, sacramenta instituerentur. Antecedens patet : non enim melioris sortis forent Adami posterì, quàm ipsemet Adamus : at ille non obstantibus illis omnibus gratiis, ac dotibus, quibus donatus fuerat : peccavit : ergo etiam illi peccare potuerunt. Consequentia verò probatur, quia prudens Medicus non solum præsentibus morbis præbet remedia, sed etiam imminutibus, & futuris parat antydotà, seu præservativa ; sed Deus est pruden-tissimus animarum Medicus, peccata sunt morbi, sacramenta verò antidota, & remedia : igitur, &c.

Respondeo primò, negari posse antecedens : nam, ut diximus in 2. volumine : *trakt. 3. disp. 2. art. 3. quæst. 1. con. 3.* Si Adamus innocens stetisset, ipsius posterì confirmati fuissent in gratia sanctificante ; non quidem ab initio suæ

Nativitatis, sed ubi vicissent primò eis ingruentem tentationem.

Respondeo secundò, negando consequentiam; & ejus probationem distinguo: Si morbi contingant frequenter, & ut plurimum, concedo: si rarò, nego: quanquam enim si perseverasset innocentie status, aliqui fortè hominum lapsi fuissent in peccatum, tamen istud rarò, & in paucis accidisset: non fuisset autem congruum instituere sacramenta, pro paucissimis illis hominibus, maxime cum per alia media potuissent deperditam gratiam recuperare, nempe per actus contritionis, & amoris Dei, quos longè faciliùs, ac perfectiùs quàm nos, propter minùs repugnantem sensualitatem, & præstantiora, & efficaciora auxilia potuissent elicere.

Non abnuerem tamen (ex hypothesi quòd etsi Adamus non peccasset Christus venisset) tunc instituenda fore illa sacramenta: quibus instituendis peccatum non fuit occasio, maxime verò Eucharistiam; Tum ut Incarnationis beneficium cæteris hominibus communicaret; Eucharistia enim est quædam Incarnationis extensio: Tum ad augendam gratiam; siquidem ad illius augmentum primò, & per se ordinatur: Tum ut præstantissimum esset pignus futuræ gloriæ: Tum denique, ut hominibus præberet perfectum sacrificium laudis, & gratiarum actionis.

Enimverò status viæ cæteris perfectior quoad gratiam, congruè exigit institutionem eorum mediorum, quibus gratia perfectiori modò augeatur: at status innocentie esset perfectissimus, ac subinde conveniens fuisset, ut in illo statu homines habuissent perfectissima media, quibus augmentum gratiæ possent comparare: nullum autem medium præstantius est, quàm ipsemet Dei, & hominum Mediator, qui in Eucharistia recipitur.

Deinde probabile fit, quòd Deus non minùs dilexisset homines innocentes,

quàm per peccatum vitiatos; ac subinde quòd eos minori beneficiò non cumulasset: at nullum est præstantius hominibus à Deo concessum post Incarnationem, quàm Eucharistiæ sacramentum, in quo, inquit Concil. Trident. sess. 13. cap. 2. *divitias divinis sui erga homines amoris effudit*: igitur verisimile est homines in statu innocentie fore, hóc præstantissimò beneficiò donandos.

Denique, perfectiùs est habere augmentum gratiæ ex opere operato, & operantis simul, quàm dumtaxat ex opere operantis, ut constat in adultis, qui abundantiorē gratiam suscipiunt, dum baptizantur cum debita præparatione, quàm parvuli, qui absq; ejusmodi prævia dispositione suscipiunt baptismum, minori gratiarum irriguo donantur. In statu autem innocentie gratia fuisset hominibus collata modò omnium præstantissimò, ac subinde probabile fit, quòd in eo statu aliqua fuissent sacramenta, quibus homines gratiam consequi possent ex opere operato, sicut, & ex opere operantis.

CONCLUSIO SECUNDA.

In *legē naturæ* erat aliquod determinatum remedium, ac sacramentum, maxime pro eluendo originali peccato; Hæc conclusio tribus partibus constat: Prima, quòd fuerit aliquod remedium: Secunda, quòd fuerit determinatum: Tertia, quòd fuerit verum sacramentum.

Prima pars communis est apud Theologos, eamque expressè docet subtilis Doctor in 4. dist. 1. quæst. 7. ubi ait: „Nullò tempore dimisit Deus cultores „suos sine remedio necessario ad salutem: sed omni tempore post lapsum „fuit necessaria ad salutem delicti „originalis: ergo quocunque tempore „aliquod remedium efficax erat ad „hoc. Etsi potuisset deleri in adultis per motum bonum intrinsecum; tamen „in parvulis, in quibus talis motus est „impossibilis, non potuit deleri per actum

„ actum suum proprium: ergo per alie-
 „ quem actum aliorum circa ipsos, vel
 „ ad ipsos relatum.

Quam utique veritatem nemo sanæ
 mentis potest inficiari; *Abfit enim* (in-
 quit Innocentius III. relatus in capita
 majores de Baptismo (*ut universi par-
 vuli pereant, quorum quotidie tanta mul-
 titudo moritur, quin, & ipsi misericordi
 Deus, qui neminem vult perire, aliquod
 remedium procuraverit ad salutem.*

Idem docet Author quisquis est d-
 operibus Christi Cardialibus apud S.
 Cyprianum. *Sanè, inquit, originale pec-
 catum, quod a primis parentibus in to-
 tam generis humani successionem deflue-
 rit, omni tempore aliquibus remediis
 oportuit expiari, licet vim plenâ signifi-
 candi non habuerint donec ad rem ipsam
 ventum est, quæ figurarum operibus
 velamine.*

Nec refert, quòd illius remediî Scri-
 ptura non meminerit; inde enim non
 est consequens, quòd illud remedium
 non fuerit ordinatum; alioqui pari ra-
 tione dicendum esset, sexum muliebrem
 apud Israelitas omni caruisse remediò,
 & mediò quò mundarentur ab origina-
 li peccato, & in populum Dei consignar-
 entur; quippe cum Circumcisionis ef-
 fectus incapaces: quod tamen absurdis-
 simum est, erant enim de fœdere Abra-
 ham, sicut, & masculi, & offerri debe-
 bant in templo adhuc puerulæ ante
 usum rationis: non potuissent autem
 sacramentorum, & cœremoniarum legis
 esse participes, nec credibile videtur
 Deum fuisse imperitum earum obla-
 tionem in templo, si reverà fuissent
 naturæ filiæ iræ, sicut, & cæteræ; igitur,
 &c.

Dices: Quamvis innumerabilis par-
 vulorum multitudo in utero matrum
 extinguitur, eis tamen nullum origina-
 lis peccati remedium à Deo provi-
 sum est, & omnes quotquot parvuli ita
 sunt extincti, sive in lege naturæ, sive
 Moylis, sive Christi, damnati sunt; ergo

non congruè colligitur remedium fuisse
 divinitus institutum ex innumera-
 multitudine parvulorum, alioqui peri-
 turorum.

Nego consequentiam: Non enim ea-
 dem est paritas: Tum quia parvuli in
 utero morientes paucissimi sunt respec-
 tu aliorum; non est autem conveni-
 ens, ut Deus pro paucissimis homini-
 bus sacramentum instituat: Tum quia
 qui moriuntur in utero, sunt incapaces
 remediî suscipiendi, quia per homines
 humanò modò non potest eis applicari,
 cum non cadant sub hominum noti-
 tiam, & administrationem, sicut ii, qui
 nascuntur; unde licet Deus potuerit his
 negare remedium originalis peccati si-
 ne injustitia, tamen bonitatis ejus, &
 providentiæ fuit id in omni lege con-
 cedere.

PROBATUR SECUNDA ET TERTIA PARS,
 nempe quòd remedium istud fuerit ali-
 quod signum sensibile determinatum,
 & gratiæ sanctificantis productivum ex
 opere operato. Probatur, inquam, pri-
 mò auctoritate S. Augustini lib. 7. contra
 Julianum cap. 9. ubi ait: *Nec ideo
 tamen credendum est, & ante datam Cir-
 cuncisionem sumulos Dei, quandoquidem
 in eis erat Mediatoris fides in carne ven-
 turi, nullò sacramentò ejus opitulatos
 fuisse parvulis suis, quamvis quid illud
 esset, aliqua necessaria causa Scriptura
 latere voluerit.*

Quam utique sententiam probat, &
 sequitur Doctor locò suprà laudatò, ubi
 „ *subdit;* Non poterat esse certus, quòd
 „ actus alterius relatus ad parvulum,
 „ sufficeret ipsi, nisi hoc esset institu-
 „ tum à Deo: nullus enim potest esse
 „ certus, quòd per aliquid attingat ad
 „ salutem, nisi sit certus, quòd Deus
 „ acceptavit illud tanquam sufficiens
 „ ad talem finem. Cum ergo non so-
 „ lum adultis cultoribus suis provide-
 „ rit Deus de remediis necessariis ad
 „ salutem, sed etiam parvulis, eo-
 „ rum (& hoc de remedio, de quo
 pa-

„ parentes possunt esse certi pro par-
 „ vulis) sequitur , quòd tempore illius
 „ legis naturæ erat à Deo institutum
 „ aliquod remedium , vel signum cer-
 „ tum , & efficax deletionis originalis
 „ peccati . Et magis probabile est , quòd
 „ per aliquod signum sensibile , quàm
 „ per aliquod signum intelligibile tan-
 „ tum ; quia pro toto statu naturæ lapsæ,
 „ congruunt homini signa sensibilia
 „ respectu spiritualium ; ergo rationa-
 „ bile est aliquod sacramentum , saltem
 „ contra originale fuisse in tempore
 „ legis naturæ .

Quibus Doctores tria docet : Primum ,
 quòd remedium istud fuerit aliquod si-
 gnum determinatum : Secundum , quòd
 fuerit sensibile : Tertium , quòd fuerit
 efficax : quæ tria totidem sunt sacramen-
 ti perfecti characteres . Quòd autem
 fuerit determinatum signum à Deo ,
 constat , quia signa practica gratiæ ne-
 mo determinare potest præter Deum ,
 quia cum solus sit gratiæ author , etiam
 solus potest illius productionem certò
 determinare ad alicujus signi præsen-
 tiam .

Deinde , Si signum illud peccati ori-
 ginalis remissivum relictum esset liberè
 hominum determinationi , melior foret
 conditio parvulorum quoad salutem in
 lege naturæ quàm in lege gratiæ , utpo-
 te cum haberent medium generalius ,
 & facilius , quàm sit baptisimus .

Quòd autem istud remedium debue-
 rit esse sensibile , probatur : Si remedium
 istud non fuisset aliquod signum sen-
 sibile , maxime fuisset (ut volunt aliqui)
 actus interior fidei : sed ita non est , pri-
 mò quia charitas longè præstantior est ,
 & efficacior fide : sed nullus justificari
 potest per actum charitatis alienæ : ergo
 multò minus per actum alienæ fidei .
 Nec dicas idcirco fidem magis justifica-
 re , quàm charitatem ; quia fides magis
 respicit Mediatorem , ut est alteri causa
 salutis , quàm charitas . Hæc enim res-
 ponsio prorsus esset evanida . Enimverò

quà ratione actus fidei terminatur cir-
 ca Mediatorem , eadem ratione actus
 charitatis justificaret , quia ad ipsum
 Mediatorem terminaretur : ergo cum
 nullus dixerit actum charitatis alienæ
 fuisse sufficientem ad justificationem
 parvulorum , nec idem de actu fidei sen-
 tire debet .

Adde quòd non magis fidei actus
 conferat ad sanctificationem alienam ,
 quàm ad propriam : sed actus fidei in
 lege naturæ non erat sufficiens ad ju-
 stificationem propriam , quia poterat
 quis habere fidem informem , id est , non
 perfectam charitate , quæ forma virtu-
 tum est .

Deinde , Si solus fidei actus internus
 fuisset sufficiens in parvulis ad eluen-
 dum originale peccatum in lege natu-
 ræ , potuissent per eum actum justificari
 parvuli , non solum nati , sed etiam con-
 cepti , & intra maternum uterum exis-
 tentes ; nec solum præsentem , sed etiam
 absentes ; imò in casu necessitatis po-
 tuisset actus ille sufficere ad justificatio-
 nem omnium parvulorum totius mun-
 di , etiam in utero existentium , quia
 mentis actus purè internus , & intention-
 nalis , æquè potest dirigi ad pueros in
 utero , ac extra uterum absentes , ac
 præsentem , erga plures , ac erga unicum ;
 sicque remedium istud longè majoris
 esset efficacitatis , quàm baptisimus , quòd
 cum redundet in injuriam legis gratiæ ,
 concedere non possunt adversarii , nec
 consequenter admittere debeat id unde
 consequentia illa eruitur .

Denique , Id per quod infantuli fie-
 bant Ecclesiæ membra , debet esse exter-
 num ac sensibile , conjunctio enim ad
 corpus sensibile , qualis est Ecclesiæ , de-
 bet esse sensibilis : Sed remedium istud ,
 quò eluebatur originale peccatum , con-
 stituebat infantes Ecclesiæ membra , si-
 cut circumcisio in lege Mosaica , & ba-
 ptisimus in Evangelica : igitur , &c .

Dices : Plurimi Ecclesiæ Doctores te-
 stantur solam fidem internam fuisse
 suf-

sufficiens remedium in lege naturæ ad originalis peccati remissionem in infantibus; igitur ita est. Probatur antecedens ex Tertulliano lib. de Baptismo cap. 13. *Fuerit salus retro per fidem nudam ante Domini passionem, & resurrectionem; at ubi fides aucta est credendi in Nativitatem, passionem, resurrectionem ejus, addita est ampliatio sacramenti, obsignatio baptismi, vestimentum quodammodo fidei, quæ retro erat nuda, nec potest jam sine sua lege, lex tingendi imperfecta est, & forma præscripta.* Sed & ex S. Gregorio 4. Moral. cap. 3. *Quod apud nos valet aqua baptismi, hoc egit apud Veteres, vel pro parvulis sola fides, vel pro majoribus virtus sacrificii, vel pro his, qui ex Abrahæ stirpe prodierunt, mysterium Circumcisionis.* Ex S. Bernardo epist. 77. in Nationibus: *Quotquot inventi sunt fideles, adultos quidem fide, & sacrificiis, credimus expiari; parvulis autem etiam solam fidem profuisse, imò sufficere credimus.* Eis adscriptur Bedæ in Lucam c. 8. dicens: *Qui vel ante Circumcisionis tempora, vel post datam Circumcisionem, de exteris Gentibus, existeret fideles, ut Joh. & amici, liberique illius, sive viliis hostiarum se, suosque ab originali peccato, seu certe sola fide subvabant.*

Respondet, eas omnes Patrum auctoritates eo modo solvendas, & explicandas, quomodo subtilis Doctor loco supra laudato, num. 3. solvit auctoritatem S. Gregorii, dicens: Quod sanctus Gregorius non intelligit solam fidem pro solo habitu, nec fortè tantum pro actu interiori: sed pro actu exteriori sensibili protestante fidem: ille autem actus sufficienter potuit habere rationem sacramenti. Quæ ratione fidem justificativam etiam usurpat S. Augustinus lib. 2. de Nuptiis, & concupiscentia cap. 11. scribens. Ex quo instituta est circumcisio in populo Dei: quod erat tunc signaculum justitiæ fidei ad significandam pur-

gationem valebat parvulis originalis, veterisque peccati, ut baptismus ex illo valere cœpit ad innovatorem hominis, ex quo institutus est, non quod ante circumcisionem justitia fidei nulla erat; nam cum adhuc esset in præputio, ex fide justificatus est ipse Abraham Patet gentium, quæ fidem ipsius erant secturi: Sed superioribus temporibus omni modo latuit sacramentum justificationis ex fide: eadem tamen fides Mediatoris salvos justos faciebat antiquos, pusillos cum magnis. Quibus verbis S. Augustinus fidem illam justificativam appellat sacramentum fidei, ac proinde censet illam non fuisse dumtaxat actum internum, sed etiam aliquo signo exteriori, & sensibili declaratum. Quodam autem fuerit illud sensibile signum, an videlicet sacrificium aliquod oblatum pro eluendo originali peccato, an ipsa pueri emaculandi oblatio coram Deo: nihil certi definiri potest, eum illud Scriptura sacra tacerit.

CONCLUSIO TERTIA.

In lege scripta, seu Mosaicæ præter Circumcisionem, plura alia erant sacramenta: Hæc est pariter communis, & colligitur ex Concilio Florentino in decreto Eugenii, ubi post enumerata septem legis sacramenta, subdit: *Quæ multum à sacramentis differunt antiquæ legis: illa enim non causabant gratiam: sed solum eam per Passionem Christi dandam figurabant: Hæc verò nostra, & continent gratiam, & eam dignè suscipientibus conferunt.* Item ex Concilio Trident. sess. 7. can. 2. *Si quis dixerit ea ipsa nova legis sacramenta à sacramentis antiquæ legis non differre, nisi quia ceremonie sunt aliæ, & alii ritus externi, anathema sit.*

Probatur etiam auctoritate sanctorum Patrum, maxime S. Augustini lib. de vera Religione cap. 16. & lib. 19. contra Faustum cap. 17. ubi ait: *Sacramenta*

„ veteris legis ablata sunt, quia im-
 „ pleta, & alla sunt instituta virtute
 „ majora, utilitate meliora, actu fa-
 „ cilia, & numero pauciora.

Ratio etiam suffragatur, quia ex dictis, sacramentum est signum sensibile, & permanens ex Dei ordinatione institutum ad significandam aliquam gratiam, & sanctitatem; sed præter circumcisionem plures erant in veteri lege ritus, & cæremoniz, quibus talis definitio competit; igitur, &c. Major constat. Probatur minor: triplicis enim generis erant ejusmodi signa: alia namque erant *consecratoria*; alia *Eucharistica*, alia *Purificatoria*. Primi generis erant omnes Pontificum, ac Sacerdotum inaugurationes, & sacri ritus, quibus destinabantur, & initiabantur aliqui homines, ut debitum Deo cultum impenderent, quales erant Sacerdotes, & Levitæ, quorum consecrandorum ritus memorantur Exodi 28. & 29. *Secundi generis* erat agnus Paschalis, qui comedeatur in memoriam beneficiorum Dei, maxime verò liberationis à captivitate Ægyptiaca. *Tertii generis* erant omnes purificationes, & expiationes, quæ maxime duplicis erant generis; aliz enim erant expiationes ab immunditiis exterioribus, & legalibus, quæ fiebant per asperisionem aquæ, vel per aliquod sacrificium ordinatum ad tollendum peccatum, quo immunditiæ illæ contractæ fuerunt. Expiationes verò à peccatis fiebant per sacrificia, quæ offerebantur, vel pro universo populo, vel pro peccatis personis.

Porro omnia ista tum legis naturæ; tum scriptæ sacramenta figuræ fuerunt, ac imagines veritatis, & gratiæ, quæ per sacramenta novæ legis debebat ubertim redundare, cum hoc tamen discrimine, ut notat Hugo Victorinus part. 11. cap. 6. *Quod*, inquit, *primæ sacramenta legis naturalis, quasi veritatis umbra, quæ verò tempore legis*

Moyfi, quasi quedam imago veritatis; quæ autem sub gratia non finitè consequuntur, jam non umbra, vel imago, sed ipsum corpus veritatis.

Advertendum ipsuper, quod ex omnibus sacramentis legis scriptæ, aliqua nostris correspondebant; circumcisio enim erat figura baptismatis; comestio agni Paschalis, & Panum propositionis Eucharistiæ: Purificationes penitentiz, & consecrationes Sacerdotum, sacramenti Ordinis. Nullæ autem erant figuræ confirmationis, *Extremæ-Unionis*, & *Matrimonii*. Non quidem *Confirmationis*, quia hæc est sacramentum plenitudinis gratiæ, quæ tunc non fuerat ad homines derivata, nihil enim ad perfectum adducit lex: neque *Extremæ-Unionis*, quia est immediata præparatio ad consequendam gloriam æternam, cujus possessio, & aditus nondum patebat in veteri lege, quia nondum solutum erat nostræ redemptionis pretium: Non denique *Matrimonii*, licet enim eo tempore verum fuerit matrimonium, non tamen erat verum sacramentum ex ea parte, qua confert gratiam, quia nondum facta fuerat Verbi divini cum humanitate conjunctio. Nec proinde erat signum indissolubilis conjunctionis Christi cum Ecclesia; unde S. Paulus loquens de matrimonio significante unionem Christi cum Ecclesia, non dicit: Sacramentum magnum erat, sed magnum est, ut nempe denotet tempus præsens, non verò præteritum.

QUÆRES, Vtrum circumcisio habuerit vim, & efficaciam remittendi peccatum originale, & conferendi gratiam sanctificantem ex opere operato?

AFFIRMAT Doctor in 4. dist. 1. qu. 6. num. 2. ubi ait. *Hic supponendum est tanquam certum, quod per circumcisionem peccatum originale debebatur, quod patet per auctoritates SS. &c.* Porro

ro

ro hę Sanctorum auctoritates hanc veritatem comprobantes potissimę petuntur ex S. Augustino, qui plurimis in locis aperte docet, Circumcisionem habuisse vim remittendi peccatum, & ex ejus necessitate, tanquam medio efficacissimo plerumque usitur contra Pelagianos, ad probandam peccati originalis veritatem, & existentiam: maxime verò lib. 4. de Baptismo cap. 24. ubi sic ait: *Veraciter conjicere possumus, quid valeat in parvulis Baptismi sacramentum ex Circumcisione carnis, quam prior populus acceperat. Et infra: Cur ergo ei (Abrahamo) præceptum est, ut omnem deinceps infantem masculum octavo die circumcideret, qui nondum poterat corde credere, ut ei deputaretur ad justitiam, nisi quia & ipsum per seipsum sacramentum multum valebat?* Et lib. 3. contra Julianum cap. 18. sic eum compellit: *Responde, si potes, cur ipse Isaac, nisi Baptismatis Christi signo circumcissus octavo die fuisset, perisset anima ejus de populo suo? Explicia, si potes, tantę penę, quã meritò plecteretur, nisi ab hac illo sacramento liberaretur?* Et lib. 16. de civit. cap. 37. *Ac per hoc, quia Circumcisio signum regenerationis fuit, non immeritò parvulum propter originale peccatum, quo primum Dei dissipatum est testamentum, generatio disperdet, nisi regeneratio liberet.* Tandem lib. 2. de nuptiis, & concupiscentia c. 11. *Ex quo, inquit, instituta est circumcisio in populo Dei, quod erat tunc signaculum justitię fidei, ad significationem purificationis, valebat & parvulis ad remissionem originalis, veterisque peccati: sicut & Baptismus ex illo valere cepit ad innovationem hominis, ex quo institutus est.*

Ei subseribunt plures è SS. Patribus, maxime S. Gregorius lib. 4. Moral. c. 2. ubi ait, *Quodd apud nos valet aqua Baptismi hoc egit apud veteres, vel pro parvulis sola fides, vel pro majoribus virtus sacrificii, vel pro iis, qui de A-*

Tom. X.

brabę stirpe prodierant, mysterium Circumcisionis. Similiter sanctus Bernardus epist. 77. quę est ad Hugonem de S. Victore. *Quia verò, inquit, & alia præter Baptismum contra originale peccatum remedia, antiquis non defuisse temporibus, Abraham quidem, & semini ejus Circumcisionis sacramentum in hoc ipsum divinitus traditum est, in nationibus verò, quotquot Fideles inventi sunt, adultos quidem fide, & sacrificiis credimus expiatis: parvulis etiam solam profuisse, imò & sufficere fidem parentum.* Et serm. 2. de Assumptione: *In Baptismo, inquit, sola gratia lavat hanc maculam, quam olim rasisit petra Circumcisionis.*

Idem docent S. Prosper epist. quę est 84. apud S. Ambrosium. Et Bedę in illud Lucę: *Postquam consummati diei octo, ut circumcideretur puer, ubi scribit: Scire debet fraternitas vestra, quia idem salutiferę curatienis auxilium Circumcisio in lege contra originalis peccati vulnus agebat, quod nunc Baptismus agere revelatę gratię tempore consuevit, excepto quod Regni celestis januam necdum intrare poterant, donec adveniens, benedictionem daret, qui legem dedit.*

Ipsam quoque veritatem luculenter docuit Innocentius III. ut refertur cap. Majores de Baptismo, ubi cum dixisset Baptismum Circumcisioni successisse, & utriusque æqualem necessitatem, probavisset, ex eo quodd Genes. 17. dicitur: *Masculus, cujus præputii caro, &c. quemadmodum Joan. 3. Nisi quis renatus fuerit, &c. utriusque tandem affiguans differentiam, ait: Quoniam est originalis culpa remittebatur per Circumcisionis mysterium, & damnationis periculum vitabatur, non tamen perveniebatur ad regnum Celorum, &c.*

Probat Doctor eandem veritatem hac ratione; Ad hoc, inquit, est ratio, congrua, quia Deus nullo tempore, reliquit genus humanum sine remedio

G

dio

„dio ad salutem; maximè illos, qui-
 „bus ipse legem dedit, ut per ejus ob-
 „servantiam pertingerent ad salu-
 „tem. Frustrâ enim fuisset data talis
 „lex sine remedio: ergo tempore le-
 „gis Mosaicæ dedit aliquod tale re-
 „medium, observantibus ejusmodi
 „legem: non possunt autem attingere
 „ad salutem sine deletione originalis
 „culpæ: ergo in illa lege instituit ali-
 „quod remedium contra illam cul-
 „pam, istud, & non aliud videtur esse
 „ibi institutum, tanquam tale reme-
 „dium contra illam, juxta illud Ge-
 „nes. 17. *Masculus, cujus præputii caro*
 „*circumcisa non fuerit, delebitur*
 „*anima illa de populo suo, quia pactum*
 „*meum irritum facit.*

Quam utique Doctoris rationem sic
 in forma proponere licet: Lex Mosaica
 verè hominibus, qui ad ejus obser-
 vantiam tenebantur, subministrabat
 media necessaria ad salutem; ac subin-
 de ad remissionem originalis peccati:
 sed ad ejusmodi peccati remissionem
 non erat tunc aliud remedium, quàm
 Circumcisio. Major patet; Nullus enim
 originali peccato, aut actuali sordatus
 consequi potest vitam æternam in statu
 illius peccati, quia nihil inquinatum
 introibit in regnum cælorum. Mino-
 rem vero probat Doctor ex illo Genes.
 ca p. 17. *Masculus, cujus præputii caro,*
 &c. Quo pariter oraculo maximè niti-
 tur S. Augustinus, ut apparet ex dictis,
 præsertim ex lib. 16. de civit. cap. 17. ubi
 scribit: *Idem potest movere, quomodo in-*
telligi poterat, quod hic dictum est. MA-
SCHULUS, qui non circumcidetur car-
ne præputii sui octavo die, inter-
ibit anima illa de genere suo;
 quia TESTAMENTUM MEUM DISSIPAVIT.
Quia hæc nulla culpa sit parvuli, cujus
dixit animam perituram, nec ipsi dissi-
paverat Testamentum Dei; sed Majores,
qui eum circumcidere non curarunt: nisi
quia etiam parvuli non secundum sue
vite proprietatem, sed secundum consue-

munem generis humani originem, omnes
in illo uno Testamentum Dei dissipave-
runt, in quo omnes peccaverunt... sed
intelligenda sunt hæc divina verba, tan-
quam dictum sit: Qui non fuerit rege-
neratus, interibit anima illa de genere
ejus, quia Testamentum meum dissipavit,
quando in Adam cum omnibus etiam
peccavit.

Respondet: Illa verba (octavo die) ne-
 que in Hebraico, neque in vulgato
 Textu haberi, adeoque cum sancti Au-
 gustini, & Doctoris argumentum illis
 maximè verbis innititur, infirmum est,
 & invalidum. Insuper verba illa, seu
 divina comminatio dirigitur ad eum,
 qui capax est præcepti, & pœnæ; at
 parvulus non est capax implendi præ-
 cepti; ac subinde illa comminatio di-
 rigitur non ad parvulum, sed ad adul-
 tum, qui puniri debet morte temporali,
 quod negligeret, vel circumcidi, vel
 filium suum circumcidere. Quod utique
 confirmatur: quia textus Hebraicus,
 & Græcus, imò & Caldaicus sic ferunt:
Masculus, qui non circumciderit car-
nem, &c. ubi verbum circumcideo sumit-
ur activè, non autem passivè; quem-
admodum etiam S. Ambrosius legit.
Præterea eodem capite, ubi præcipitur
Circumcisio infantis octo dierum, nula
pœna indicitur ei, qui circumcissus
non fuerit; sed absolute statuitur: In-
fans octo dierum circumcidetur in vobis.
Denique, non rectè videtur colligere
S. Augustinus, pactum illud, ob cujus
transgressionem delenda est de populo
Dei, esse divinum pactum initum cum
Abramo; Nam pactum istud non aliud
est, quàm de quo prior facta fuerat
mentio, his verbis. Hoc est pactum meum
quod observabitis inter me & vos, &
semen tuum post te. Hoc autem pactum
aliud non est, quàm præceptum fre-
quentandæ Circumcisionis: nam statim
subditur circumcidetur in vobis omne ma-
sculinum: igitur præfata ratio est nulla.

Respondet, his omnibus nihil quid-
 quam

quam adversus nostræ assertionis veritatem evinci: Primò namque vocabula *octavo die* habent 70. Interpretes etiam post emendationem Sixti V. Quam etiam lectionem habent Origenes lib. 2. in Epist. ad Rom. cap. 2. Ambrosius Epist. 33. &c. Deinde, sive vocabula *octavo die* addantur, sive non, propositio illa generalis: *Masculi, cujus præputii caro*, extenditur etiam ad parvulos, de quibus paulò ante sermo fuerat, his verbis: *Infans octo dierum circumcidetur in vobis omne masculinum in generationibus vestris*. Unde existimo illa vocabula *octavo die* à 70. Interpretibus claritatis gratia fuisse addita, cùm aliunde rescirent eum esse sensum illius divinæ interminationis, divini-que præcepti. Nam Genes. 21. Abraham filium suum Isaac circumcidit; *die octavo, sicut præcepit ei Dominus*. Et Levitici 12. *Die octavo circumcidetur infantulus*.

Adde quòd oportuit hæc verba fuisse usu recepta tempore S. Augustini: cum enim exinde maximè urgeret Pelagianos negantes peccatum originale, facile eis fuisset illius argumentum refellere, dicendo nempe, illum argumentari ab autoritate interpolata. Hinc mirari satis non possum quo genio Lugo d. 5. sect. 4. ausus fuerit scribere n. 66. Augustinum illa verba Genesis intellexisse, quasi inducentia necessitatem Circumcisionis ad illum effectum, sed fundatur in falsa lectione illius Textus, additis illis vocibus *octavo die*, quæ tamen in vera littera non reperiuntur. Quamquam enim sola editio vulgata jam sit indubitæ autoritatis, inde non est consequens omnem aliam lectionem ei minimè contrariam, esse falsam.

Obijciens primò varios Scripturæ Textus, quibus significari videtur, primò neminem ex legis operibus justificari. Sic ad Rom. 3. Ex lege tantùm cognitio

„ justificabitur omnis caro coram illo,
„ &c. Secundo, Circumcisionem nihil
„ prodesse, nec ullam habere efficaciam: Sic ad Galat. 5. *Necque Circumcisio aliquid valet*. Et 1. ad Corinth. 7. *Circumcisio nihil est*. Tertio, idem Apostolus ad Rom. 3. referens omnes Circumcisionis utilitates, & prærogativas, non meminit illius efficaciz ad delendum peccatum originale, & conferendam gratiam sanctificantem. Quarto, Sacramenta veteris legis appellantur ab eodem Apostolo ad Galat. 3. *Infrma, & egena elementa*: igitur nec in se gratiam continebant, nec eam conferre-

bant.
Respondeo ad primum, in lege veteri tria fuisse operum genera, nempe moralium, ceremonialium, & judicialium. Moralia eadem fuerunt, quæ in lege Evangelica, putà decem præcepta Decalogi; judicialia autem omninò fuerunt abrogata sicut & ceremonialia: Moralia autem erant meritoria, ac proinde conferbant gratiam ex opere operantis, quando fiebant ex fide in Christum venturum; Unde Apostolus ad Rom. 3. post præmissa in objectione verba, subdit. *Iustitia autem Dei per fidem Iesu Christi in omnes, & super omnes, qui credunt in eum: non enim est distinctio* (supple personarum) *Judei; aut Græci, &c. & ratio est: omnes enim peccaverunt, & egent gloria Dei. Iustificati estis* (non ex merito scilicet nature, aut Circumcisionis, aut operum) *per redemptionem, quæ est in Christo, quem proposuit Deus propitiationem per fidem in sanguine ipsius ad ostensionem justitiæ suæ* (supple gratiæ, quæ intelligitur iustitia, per quam justificamur) *propter remissionem præcedentium delictorum, ut sit ipse iustus, & iustificans eum, qui est ex fide Iesu Christi*. Concludit *Ubi est ergo gloriatio tua? exclusa est, per quam legem? factorum? non: sed per legem fidei; quia nempe tollit gloriationem hominis, sive per*

legem, siue per opera naturæ, ut non gloriatur omnis caro in conspectu ejus; & rationem subdit: *Arbitramur enim justificari hominem per fidem sine operibus legit. An & Iudeorum Deus tantum? Imo & Gentium. Quoniam quidem unus est Deus, qui justificat Circumcisionem ex fide, & præputium per fidem: Legem destruimus per fidem? Absit, sed legem statuimus.*

Ad secundum dico, Apostolum nihil aliud intendere, quàm quòd per Christi Passionem evacuata fuerit omnis virtus Sacramentorum, & sacrificiorum veteris legis; ac proinde Circumcisionem nullius amplius esse virtutis, & efficacitatis, currente lege Evangelica. Quòd autem Circumcisio plurimam utilitatem, & efficacitatem habuerit, significat ipsemet Apostolus ad Rom. 2. ubi ait: Circumcisio quidem prodest, si legem observet. Et cap. 3. Quæ utilitas Circumcisionis? multum per omnem modum.

Ad tertium dico esse argumentum, petitum ab autoritate negativa, ex qua nihil concludere licet. Adde quod necesse non judicaverit Apostolus hanc Circumcisionis prærogativam referre, cum illa jam aperte constaret ex Genes. cap. 17. neque id spectabat ad scopum ab eo intentum: siquidem ejus mens erat, retundere Judæorum vanam jactantiam, & superbiam, quæ se Gentilibus ad fidem conversis præferri volebant, eo quòd illis credita fuissent eloquia, & mysteria, ait enim ibidem: Quid ergo præcellimus eos? Nequaquam, causati enim sumus, Iudeos, & Græcos omnes sub peccato esse. Unde concludit, An Iudeorum Deus tantum, nonne & Gentium? imò & Gentium; quoniam quidem unus est Deus, qui justificat Circumcisionem ex fide, & præputium per fidem.

Ad quartum dico, Apostolum per infirma, & egena elementa ibidem intelligere non sacramentum veteris legis,

sed idola Gentium; siquidem versu præcedenti ait: Tunc quidem ignorantes Deum, iis, qui naturæ non sunt dii serviebatis. Unde post verba in objectione allata subdit: Quibus denud servire vultis, dicite observatis, & tempora, & annos. Quæ omnia Gentes facere consueverant.

Urgebis: Si Circumcisio habuerit vim justificandi, maximè respectu Abraham, cui primùm à Deo præcepta est, sed ita non est: nam Apostolus ad Rom. 4. sic scribit: Dicimus enim, quia reputata est. In Circumcisione, an in præputio? non in Circumcisione, sed in præputio; & signum accepit Circumcisionis signaculum justitiæ fidei, quæ est in præputio, &c.

Respondet Doctor num. 11. Circumcisionem equidem non contulisse Abraham, hæ gratiam; *Quia, inquit, Abraham jam attigerat, vel transcenderat illum gradum, ad quem determinata fuerat Circumcisio. Et intelligi, nihil ei intus contulit, per modum Sacramenti, siue virtute operis operati: sed credo, quòd ei contulerit per modum meriti, siue virtute operis operantis: quia credo, quòd actus circumcidendi se ex obedientia Dei, & ex charitate procedens, ei fuit meritorius, sicut & immolatio Isaac.* Instabis: Exinde ergo sequitur Circumcisionem non contulisse gratiam, ex opere operato.

Respondet Doctor, negando sequens, lam: nam significabat certitudinaliter gratiam vel fieri, si non adsit obex, vel jam inesse. Sicut si beata Virgo fuisset in Conceptione Filii in summa plenitudine gratiæ, ad quam Deus disposuit eam perventuram, si postea fuisset baptizata, nullam ibi gratiam recepisset de novo; tamen Baptismus non fuisset in ea signum falsum, vel incertum, quia gratiam significaret, vel tunc fieri, vel prius datam tunc incisæ.

Obijciat secundò varias SS. Patrum auctoritates, quibus insinuat Circumcisionem nullam vim, aut utilitatem habuisse ad conferendam justitiam, & gratiam sanctificantem. Sic *Irenæus* lib. 4. cap. 3. asserit Circumcisionem datam, non ut consummationem justitiæ, sed ut cognoscibile perseveraret genus Abrahæ. Idem affirmant S. *Hieronymus* in caput 3. ad Galat. *Damasceus* lib. 4. fidei orthodoxæ cap. 26. *Chrysostomus* homil. 27. in Genesim: nonnulli autem expressè dicunt illam non valuisse ad justitiam, sic *Tertullianus* lib. contra Judæos cap. 2. *Cyrillus* lib. 10. in Julianum. *Theoderetus* q. 7. in Genesim: quibus addere licet *Cyprianum* lib. 1. contra Judæos cap. 8. *Ambrosium* epist. 71. Igitur nostra assertio militat in SS. Patrum doctrinam.

Nego consequentiam, & ad antecedens respondet Doctor *quæst. 6. num. 11.* idcirco SS. Patres negare Circumcisionem, & alia Sacramenta veteris legis contulisse gratiam: *Vel* quia, inquit, parvam gratiam contulit Circumcisio, respectu Baptismi: *Vel* quia non contulit gratiam, ut dispositionem, immediatam ad gloriam; quia non aperuit januam: sed hoc non fuit ex defectu ejus; sed quia fluxit tempore, quò pretium non fuit solum: *Vel* quia non universaliter cuicumque suscipienti. Determinabatur autem fortè ex institutione sua ad certum gradum gratiæ; ita quòd ultra illum gradum non posset, nec intendendo, nec inducendo: & ita si tantum gradum inveniret in suscipiente, nihil ipsi conferret.

Ne igitur SS. Patres invicem committantur, & aliqui aliis repugnent, unò aut altero ex illis tribus modis à Doctore assignatis explicandi sunt: & meritò quidem, nam aliqui, ut *Irenæus*, *Tertullianus* *Hieronymus*, *Cyprianus* dicunt Circumcisionem datam esse in signum, & non in justitiam; quia expli-

cant effectum explicitum Circumcisionis, & magis notum quia per eam genus Abrahæ distinguebatur à cæteris Gentibus: aliqui verò, ut *Cyrillus*, & *Basilus* lib. de Spiritu sancto cap. 14. & *Epiphanius* Hæres. 8. loquuntur in genere de legalibus respectivè ad Sacramenta novæ legis, & sic Circumcisio in comparatione ad Baptismum, quasi nihil erat; sicut figura, & umbra respectu veritatis, quam significat, nihili reputatur, licet reverà in se sit aliquid.

Obijciat tertio Concilium Florentinum in decreto Eugenii sic pronuncians: *Sacramenta novæ legis multum differunt à Sacramentis veteris legis; illa enim non causant gratiam, sed eam solum per passionem Christi dandam figurabant: hæc verò nostra, & continent gratiam, & ipsam dignè suscipientibus conferunt.* Quæ utique doctrina confirmatur à Tridentino sess. 7. Can. 2. de Sacramentis in genere: *Siquis dixerit ea ipsa novæ legis Sacramenta, à Sacramentis antiquæ legis non differre; nisi quia ceremoniæ aliæ, & alii ritus externi, anathema, sit.*

Respondeo primò, utramque illam auctoritatem non excludere vim, & efficaciam Circumcisionis, quæ non potest comprehendi sub Sacramentis antiquæ legis; quippe cum ante legem annis 400. instituta sit: unde *Christus Dominus* Joan. 7. Judæos alloquens, ait: *Moyse dedit vobis Circumcisionem, non quia ex Moyse est, sed ex Patribus.* Quæ utique responsio eò debet majoris esse ponderis, quòd non sit verisimile Concilia voluisse decernere aliquid contra doctrinam S. Augustini, & aliorum SS. Patrum, nec non, & contra sententiam celeberrum Theologiarum Doctorum: igitur fatendum est illa Concilia loqui stylo, & verbis ipsius S. Augustini, qui in Psal. 73. *Sacramenta novi Testamenti dant salutem*, inquit, *Sacramenta veteris Testamenti promiserunt Salvatorem*, &c. Epist. 19. ad S. Hie-

ronymum: *Cur non dicam præcepta illa veterum Sacramentorum nec bona esse, quia eis non justificantur homines; umbra enim sunt prænuntiantes gratiam, quâ justificamur.* Item lib. 19. contra Faustum cap. 13. similia habet.

Sicut ergo S. Augustinus ipse loquitur de Sacramentis veteris legis, non comprehendendo Circumcisionem; ita etiam Tridentinum, & Florentinum de iisdem agunt, quæ erant propria veteris legis: alioquin non rectè Circumcisio sub ejusmodi comprehendebatur; quia etiam proderat aliis descendentibus ex Abraham, & viventibus extra Judæam, puta Idumæis, ac subinde non erat propriè Sacramentum legis antiquæ.

Obijcies quartò, Remedium originalis peccati, sicut cætera media esse communia masculis, & sœminis: talis non erat Circumcisio: igitur, &c.

Deinde, Circumcisio fuit omissa in deserto 40. annis, ut habetur Josue 5. sed non est verisimile Moysen permisisse, ut tanto tempore Judæi carerent mediò conducente ad remissionem peccati originalis.

Denique, Remedium peccati originalis debuit quolibet tempore applicari, maxime dum urget necessitas: sed Circumcisio non poterat applicari ante octavum diem: igitur, &c.

Respondeo ad primum, non omnia media salutis, debere esse masculis, & sœminis communia: nam Sacramentum Ordinis, quod est medium salutis, licet non necessarium, institutum est pro solis masculis; unde Circumcisio tantum erat necessaria viris, pro quibus fuerat præscripta: mulieribus verò, sicut, & parvulis ante octavum diem, nec-non, & Judæis tempore peregrinationis in deserto, opitulabatur remedium legis naturæ.

CONCLUSIO QUARTA.

Conveniens fuit, ut in Evangelicæ lege aliqua à Christo Domino instituerentur sacramenta, per quæ suam gratiam in homines derivaret.

Probatur quadruplici ratione petenda Primò ex parte Dei instituentis sacramenta: Secundò ex parte hominis suscipientis: Tertiò ex parte institutionis: Quartò denique ex parte ipsorum sacramentorum.

Primò quidem id fuit conveniens ex parte Dei, ne videlicet Deus antiqua, sive sacramenta, sive sacrificia, quasi sibi utilia, & delectabilia imperare videretur: quapropter omnia illa tanquam inutilia, & sibi minùs grata reprobat, ut docet S. Paulus ad Hebr. 9. & 10. Hanc rationem subjicit S. Augustinus lib. de Civitate Dei cap. 5. Mutanda, inquit, erant oportundò, certòque jam tempore, ne ipsi Deo jam desiderabilia, vel certè in nobis acceptabilia, ac non potius quæ his significata sunt, crederentur.

Ex parte verò hominis, qui cum per Evangelicæ legis gratiam, novas acceperit vires, & abjectà servili conditione in Dei filium fuerit adoptatus, etiam perfectioribus sacramentis initiari debuit: unde præclare S. Augustinus lib. de vera Religione cap. 17. Pater fam i lias, inquit, iustissimum aliud imperat, iis, quibus servitutem duriores utilem judicat, aliud eis, quos in filiorum gradum adoptare dignatur. Et ibidem. Alii per ministros suos imbecillioribus, alii per semetipsos valentioribus præcepit. Nunquid, ait idem in tit. Psal. 51. quoniam puero dantur quedà puerilia Indicera, quibus puer illis annis vocetur propter grandæscenti non exequantur è manibus, ut aliquid jam utilius traheret?

Tertiò, ex tempore institutionis, quia veteris legis sacramenta Christum dumtaxat venturum promittebant; nova autem præsentem exhibent: oportet autem aliis signis denotare futura, & aliis

aliis præsentia, unde præclare S. Augustinus epist. 5. *Quispiam, inquit, expectet à nobis causus ipsius mutationis accipere, quod ipse nostri, quàm proluxisset negotii: veruntamen breviter dici potest, quoddam homini acuto fortasse suffecerit aliis sacramentis prænuntiari Christum, cum venturus esset, aliis eum venisset annuntiari oportuisse: sicut modò nos idipsum loquentes, diversitas rerum compulsi etiam verba mutare.*

Quartò denique, conveniens fuit alia sacramenta instituere ex parte ipsorum Sacramentorum: quoniam sacramenta veteris legis erant egena, & vacua elementa, & umbræ futurorum: unde adveniente plenitudine gratiæ, & veritatis, conveniens fuit, ut illa desinerent: Ablata sunt, inquit S. Augustinus in Psalm. 39. signa promittentia, quia exhibita est veritas promissa; cum enim lex esset vana, venit Christus, ut eam impleat: implevit autem, cum per nova sacramenta charitatem donavit: plenitudo enim legis est charitas. Unde præclare Tertullianus lib. de Oratione cap. 1. Omnia, inquit, de carnalibus in spiritualia renovavit nova Dei gratia, expungere totius retro vetustatis.

Dices primò: Illa sacramenta non debuerunt mutari, quæ instituta sunt, ut durent in perpetuum: sed talia sunt sacramenta veteris legis; eadem quippe est ratio cæterorum, ac Agni Paschalis, & Sacerdotii Aaronici: at hæc instituta sunt, ut in perpetuum subsisterent: nam de Agno Paschali Levitici 12. præcipitur: Custodi verbum istud legitimum tibi, & filiis tuis usque in æternum: de Sacerdotio autem Aaronico cap. 14. & functio eorum in Sacerdotium sempiternum proficiat.

Distingo majorem: Si instituta sint, ut durent in perpetuum, tum ratione sui, tum ratione significati, concedo: si ratione tantum significati, nego: & similiter distincta minore, nego consequentiam; comestio enim Agni Pascha-

lis erat figura Sacramenti Eucharistiæ, & Sacerdotium Aaronicum imago, & umbra Sacerdotii novæ legis in perpetuum conservandi.

Dices secundo: Adveniente gratiâ, & veritate, cessare debet figura, & umbra: sed gratia, & veritas per Jesum Christum facta est: igitur cum sacramenta sint veritatis umbra, & figuræ gratiæ, nulla post Christum debent admitti ab ejus sæcatoribus.

Distingo minorem: Si veritas intuitivè, & perfectè conspicienda exhibeatur, ut in futura gloria, concedo: Si tantum imperfectè, & abstractivè, ut in hac vita, etiam sub lege nova, nego: cum enim, ut bellè observat S. Dionysius lib. de Ecclesiastica Hierarchia c. 5. status novæ legis medius sit inter statum veteris legis, cujus figuræ impletur in nova, & statum gloriæ, ubi veritas omnis nudè, & apertè manifestatur: Ideo nulla tunc erunt sacramenta: nunc autem quandiu per speculum, & in æigmatè cognoscimus, necessum est, ut per sensibilia sacramenta, spiritualem gratiam consequamur. Debent equidem cessare figuræ, quæ Christum futuram præsignabant: at non debent desinere signa passionis ejus rememorativa, & gloriæ Electis præparatæ prænuntia. Unde Eusebius Emisenus homil. de Transfiguratione ex Hebr. 9. præclare tria tabernacula distinguit. Primum est Synagoga in umbra, & figura: Secundum est Ecclesia in figura, & veritate: Tertium est cælum in veritate sola. In primo offenditur vita: In secundo datur: In tertio possidetur.

Dices tertio: Apud Deum non est mutatio, nec vicissitudinis obumbratio, ut ait S. Jacobus 1. cap. sed esset aliqua mutatio, si alia subministraret sacramenta, quibus homines aliter sanctificarentur post, quàm ante adventum Christi: igitur, &c.

Respondet S. Augustinus Epist. 5. quòd sicut non ideo mutabilis homo, quia manet

„manè aliud, aliud vespere: illud hæc
 „menfe, illud alio: non hoc istò an-
 „nò, quod illo: ita non ideo mutabi-
 „lis Deus, quia universi sæculi priore
 „volumine aliud, aliud posteriori sibi
 „iussit offerri, quo convenienter si-
 „gnificationes ad doctrinam Religio-
 „nis saluberrimam pertinentes, per
 „mutabilia tempora, sine ulla sui mu-
 „tatione disponeret. *Quam utique,*
veritatem prius exemplis confirmaverat,
scribens: Nonne hyemi æstas addito
 „sensim calore succedit? Nonne diur-
 „nis tempora nocturna vertuntur?
 „Quoties nostræ variantur ætates?
 „Adolescentiæ pueritia, non rediturę
 „cedit; juvenus adolescentiæ non-
 „mansura: succedit finiens juvenu-
 „tem senectus; senectus autem morte
 „finitur: Hæc omnia mutantur, nec
 „mutatur divinæ providentiæ ratio,
 „quæ fit ut ista mutantur. Nonne au-
 „tem opinor cum agricola æstate aliud
 „iusserit, quàm iusserat hyeme; ratio
 „mutatur agriculturæ: & cum mane
 „surgit, qui ea nocte quiescebat, vitæ
 „consilium non mutavit: aliud magi-
 „ster adolescenti, quàm puero solebat,
 „imposuit? Doctrina igitur constans
 „mutato præcepto non mutat instru-
 „ctionem.

QUÆSTIO QUINTA.

*Quot, & quæ sint novæ legis Sacra-
 menta.*

Notandum primò, Catholicos om-
 nes invicem consentire, septem
 esse novæ legis sacramenta, nimirum
 Baptismum, Confirmationem, Eucha-
 ristiam, Pœnitentiam, Extremam Un-
 ctionem, Ordinem, & Matrimonium:
 at huic septenario Sacramentorum nu-
 mero refragantur omnes quotquot sunt
 recentiores hæretici, qui in assignando
 novæ legis sacramentorum numero,
 non solum invicem pugnant, sed tanta

animi inconstantia jactantur, ut author
 cujusque sectæ sibi ipsi non consen-
 tiant.

Lutherus enim, qui initio libri de *cap-
 tivitate Babylonica* dixerat tantum-
 tria esse admittenda, nimirum baptis-
 mum, pœnitentiam, & panem: subdit:
 Quod si Scripturæ usu loqui velimus,
 unicum dumtaxat profitebimur sacra-
 mentum, & tria signa sacramentalia:
 Nam, inquit, Eucharistia, & pœniten-
 tia sunt rememorativa passionis, &
 adoptionis Baptismi. Tandem circa fi-
 nem libri asserit, duo tantum ex pro-
 prietate sermonis admittenda esse sa-
 cramenta, nempe baptismum, & panem;
 unde fit, ut Lutherani invicem non
 conveniant de numero Sacramento-
 rum: alii namque duo tantum, putà
 baptismum, & Eucharistiam; alii verò
 tria admittunt, his duobus pœnitentiam
 adjunctentes.

Calvinus autem agnoscit quidem tria
 nempe baptismum, cœnam, & imposi-
 tionem manuum, quæ Ecclesiæ Ministri
 initiunt; Ilcèt enim lib. 4. Instit. c. 18.
 §. 19. duo tantum esse dicat, nempe
 baptismum, & cœnam; tamen cap. 14.
 §. 20. ait: *Duo sacramenta instituta sunt,*
quibus nunc Christiana Ecclesia utitur,
baptismus, & cœna Domini; loquor au-
tem de iis, quæ in usum totius Ecclesiæ
sunt instituta: nam impositionem ma-
nuum, quæ Ecclesiæ Ministri in suum mu-
nerari sacramentum; ita inter ordinaria
sacramenta non numero: Melancton verò
 totus hac in re videtur dubius; primò
 enim admisit duo tantum cum Luthero
 postmodum tria; sed tandem in locis
 Theologicis editis an. 1552. addit ordi-
 nationem, seu vocationem ad Evange-
 lii ministeriũ: tum locis editis an. 1558.
 propendit, ut admittat matrimonium
 inter sacramenta; fatetur enim illud esse
 signum rei sacræ, divinum habens
 „mandatum, & annexam promissio-
 „nem; Unum tamen, inquit, abest ne
 sit

„ fit sacramentum ; eò quòd videlicet
 „ fuerit institutum ante Christi Incarnationem. Verùm quàm sit levis hæc
 „ ratio, nullus est qui non videat; quid
 „ enim obstat quominus Christus D.
 „ rem jam existentem, ac suæ Incarnationis futuræ signum, & vaticinium potuerit ad sacramenti dignitatem promoveri.

Notandum secundò, ad rationem sacramenti novæ legis, tria potissimum requiri, nimirum quòd sit signum divinitus institutum, ordinatum ad conferendam homini sanctificationem internam; ac subinde quòd habeat vim, & efficacitatem gratiæ justificantis conferendæ: & tandem quòd divinum adsit mandatum, divinaque institutio hoc signum frequentandi, ut obtineri possit effectus per illud designatus. Hinc plurima sunt signa rei sacræ, quæ licet à SS. Patribus appellantur sacramenta, hanc tamen appellationem sibi propriè non vendicant, sed dumtaxat impropriè, & in laxiori significatione. Sic S. Augustinus lib. 19. contra Faustum cap. 14. *Signum crucis* appellat sacramentum. Et lib. de Symbolo cap. 2. baptismi *cæremonias*, & *exorcismos*, & similes ritus sacramenta nuncupat. Et lib. 2. de peccatorum meritis, cap. 26. *Partem benedictum* Catechumenis dari solitum, sacramentum appellat; non quidem propriè, & strictè; sed, ut dixi, latè, & impropriè: quia sacramenta propriè dicta novæ legis habent gratiæ promissionem, & efficacitatem, ac institutionem à Christo: prædicta autem non sunt ejusmodi: porro hic est sermo dumtaxat de sacramentis propriè dictis.

Notandum tertio, tria potissimum hac in questione occurrere ventilanda: *Primum*, utrum reverà Christus D. septem designaverit, & instituerit signa sensibilia gratiæ sanctificantis efficaciter productiva, eorumque septenarius numerus ex verbo Dei scripto, aut tradi-

Tom. X.

to apertè possit colligi: *Secundum*, utrum signa ista pauciora sint, quàm septem; quemadmodum hæretici hujus temporis insiciantur, sicut præstatum est in primo notabili: *Tertium* tandem, utrum signa illa sacra plura sint, quàm septem, sicut docuisse videntur nonnulli è SS. Patribus, dum sacramenti vim, & efficaciam, alii pedum lotioni, alii aquæ benedictæ; nonnulli eulogiis, seu pani benedicto, sacramenti vim, ac appellationem tribuere videntur. Quæ utique tria licet in unum, & idem collineent; attamen majoris claritatis, ac evidentialioris dissertationis, & discussionis gratia placet sub tribus distinctis conclusionibus ventilare.

CONCLUSIO PRIMA.

REVERA sunt septem novæ legis sacramenta. Hæc conclusio colligitur ex Scriptura sacra, quod sic ostenditur: Sacramentum est signum sacrum, seu ritus sacer divinitus institutus, cui annexa est gratiæ promissio, & vis sanctificandi à Deo indita: sed ex Scriptura sacra non obscurè colligitur septem esse ejusmodi ritus sacros, quibus indita est promissio virtutis ad conferendam gratiam: igitur, &c. Major constat. Minor verò probatur, primò quidem de *baptismo*; nam Marci ult. Christus D. delegans Apostolos ad Gentium conversionem, & Evangelii disseminationem, ait: *Ite docete omnes Gentes, baptizantes eos in nomine Patris*, &c. Subdit autem: *Qui crediderit, & baptizatus fuerit, salvus erit*. Hinc S. Paulus ad Ephes. 5. expendens summam Christi D. erga suam Ecclesiam dilectionem, ait: *Christus dilexit Ecclesiam, & seipsum tradidit pro ea, ut illam sanctificaret, mundans lavacro aquæ in verbo vitæ*.

De *Confirmatione* idem colligitur Actuum 8. v. 17. & 19. v. 6, ubi legimus per impositionem manuum Apostolorum infallibiliter collatum fuisse Spiritum sanctum, qui sanè effectus non

H

fuit.

fuiſſet infallibilis per ejuſmodi ſigni applicationem, niſi Chriſtus D. ita ſta-
tuiſſet: neque conſtanter ſignum iſtud
ad eum effectum uſurpaſſent Apoſtoli,
ſi ab amantiffimo ſuo Præceptore, &
Magiſtro ita edocti non fuiſſent.

Euchariftiæ ritus apertè traditur
Matth. 17. & 1. ad Cor. 11. *Accipit pa-
nem, & gratias agens fregit, & dixit: Accipite,* &c. Promiſſio verò gratiæ
Joan. 6. *Qui manducat hunc panem vivet
in æternum.*

Penitentiæ verò ritus, & gratiæ ſau-
diſcantis conferendæ viſ habetur,
Joan. 20. ubi Chriſtus Diſcipulos allo-
quens, ait: *Accipite Spiritum ſanctum
quorum remiſeritis peccata, remittun-
tur eis, &c.*

Extremæ Unctionis ritum, & gratiæ
conferendæ virtutem aperit S. Iacobus
cap. 5. cum ait: *Infirmatur quis in vobis?
inducat Presbyteros Eccleſiæ, & orent
ſuper eum, ungentes eum in nomine Do-
mini: & oratio fidei alleviabit infir-
mum. . . . & ſi in peccatis fuerit dimit-
tentur ei.*

Sacramenti *Ordinis* institutionem,
ritum, & gratiæ conferendæ vim tradit
S. Paulus 1. ad Timoth. 4. his verbis:
*Noli negligere gratiam; quæ in te eſt, quæ
data eſt tibi per prophetiam cum impoſi-
tione manuum Presbyteri.* Et 2. ad Ti-
moth. 1. *Admoneo te ut reſiſteſ grati-
am, quæ in te eſt per impoſitionem ma-
nuum nearum.* Tandem ritus Matrimo-
nii habetur Matth. 19. his verbis: *Quod
Deus conjunxit, homo non ſeparet:* pro-
miſſio autem gratiæ colligitur ex cap. 5.
ad Eph. ubi Apoſtolus loquens de
matrimonio, ait: *Sacramentum hoc ma-
gnum eſt: Ego autem dico in Chriſto, &
in Eccleſia.* Quibus verbis ſignificat ma-
trimonium eſſe magnæ ſacramentum
in Chriſto, & in Eccleſia, quatenus
conjunctio viri cum muliere ſignificat
unionem Chriſti cum Eccleſia; ac proin-
de gratiam, quæ ad ejus præſentiam
tribuitur; Duplicem conjunctionem

Chriſtus habet cum Eccleſia; unam qui-
dem ſecundum naturam, quæ utique
facta eſt per Incarnationem, quâ Chriſ-
tus ut Eccleſiæ caput exteris membris
in natura aſſimilatur; ſecundam verò
per gratiam, & charitatem, ratione
cujus dicitur Eccleſiæ ſponſus. Porro
hanc utramque conjunctionem matri-
monium ſignificat; primam quidem in
quantum eſt unio naturalis inter vi-
rum, & mulierem; ſecundam verò, qua-
tenus eſt ſpiritualis unio viri, & mulie-
ris per gratiam, & charitatem, quæ in
ipſo matrimonio conſertur.

Eadem veritas colligitur ex verbo
non ſcripto, ſeu ex traditione, quæ com-
pertum habemus ejuſmodi ſeptenarium
ſacramentorum numerum ex divina
inſtitutione, & Apoſtolica doctrina ad
nos uſque perpetua, & interrupta nuſ-
quam obſervatione dimanare; cum
enim non poſſit oſtendi quando ſacri
ipſi ritus primùm in Eccleſia frequenta-
ri cœperint poſt Apoſtolos, neceſſariò
ſatendum eſt eos à Chriſto Domine, &
Apoſtolis fuiſſe derivatos; juxta hanc
regulam S. Auguſtini lib. 4. de Baptiſmò
cap. 24. *Quod univerſa tenet Eccleſia, nec
Conciliis inſtitutum, ſed ſemper retentum
eſt, non niſi auctoritate Apoſtolica tra-
ditum reſiſſimè creditur.*

Quam utique veritatem expreſſè de-
ſiniunt Concilia, maximè Florentinum
in decreto Eugenii, ubi inter cætera
num. 5. ſtatuitur: *Novæ legiſ ſeriem ſunt
ſacramenta, videlicet baptiſmus, &c.
quæ multum à ſacramentis differunt an-
tiq̃ue legiſ; illa enim non cauſabant
gratiam, ſed cum ſolùm per paſſionem
Chriſti dandam eſſe figurabant; hæc verò
noſtra, & continent gratiam, & ipſam
dignè ſuſcipientibus conferunt.* Simili-
ter Concilium Tridentinum ſeſſ. 7.
Can. 1. his verbis: *Si quis dixerit ſacra-
menta novæ legiſ non fuiſſe à Domino no-
ſtro Jeſu Chriſto inſtituta; aut eſſe plura
vel pauciora, quam ſep̃tem, videlicet
baptiſmum, &c. aut aliquod horum ſep̃-
tem*

tem

ptem non esse verè, & propriè sacramentum, anathema sit.

Eandem doctrinam tradunt SS. Patres, & Ecclesiæ Doctores, quorum plurimi licet septem Ecclesiæ Sacramentorum expressam fortè mentionem non fecerint: quia nulla necessitas urgebat, nec ulla præsens aderat occasio ista septem sacramenta numerandi, nihilominus non desunt ex antiquioribus, qui plurimum ejusmodi Sacramentorum meminerunt: inprimis enim *S. Dionysius* lib. de Ecclesiastica Hierarchia præter baptismum, & Eucharistiam, de quibus plurimum sermonem sparsim instituit: meminit etiam sacramenti Ordinis. Et epistol. ad Demophilum declarat etiam poenitentiae sacramentum.

Prodit etiam Tertullianus, non obscure lib. de Præscriptionibus cap. 40. ubi referens qualiter diabolus ipsas quoque res sacramentorum divinarum in idolorum mysteriis amuletur, ait: *Tinguit, & ipse quosdam credentes, & fideles suos, expiationem delictorum de laqueo reponit, quibus significatur baptismus, & poenitentia. Celebrat, & panis oblationem, ut adumbret Eucharistiam. Etiam solum Pontificem in unius nuptiis statuit, quibus denotat imitationem sacramenti Ordinis, cujus summus gradus est Pontificatus, seu Episcopatus; cui præscribitur ab Apostolo Paulo Monogamia 1. ad Timoth. 3. his verbis: Oportet unius uxoris esse virum. Meminit etiam nuptiarum, seu Matrimonii. Addit etiam curationem aegrorum, quibus denotat extremam Unctionem.*

Sed ne longiorem in referendis veterum Doctorum sententiis hac de re sermonem protraham, unus pro ceteris sufficit *S. Augustinus*; ille enim lib. 5. de Baptismo c. 20. ait: *Si adhuc valet quod dictum est in Evangelio, ut per peccatorem sacramenta non celebrentur: quomodo exandit homicidam deprecantem, vel super aquam baptisum, vel super oleum vel super Eucharistiam, vel*

super capita eorum, quibus natus inaptatur, nimirum per reconciliationem; Et lib. contra litteras Petilianus c. 104. declarat Confirmationem his verbis: In hoc unguento Sacramentum chrismatis, vult Petilianus interpretari, quod quidem in genere visibilem signaculorum sacrosanctum est, sicut ipse baptisus: Et lib. 2. contra litteras Parmeniani cap. 13. loquitur eodem modo de Ordine ac de Baptismo: Utrumque, inquit, sacramentum est, & quidam consecratione utrumque homini datur: illud enim baptizatur: istud enim ordinatur. Et paulo post: Si enim utrumque sacramentum est, quid nemo dubitas, cur illud non admittitur, & istud admittitur? Neutri sacramento facienda injuria est. Denique lib. de bono conjugali cap. 18. & 14. & lib. de nuptiis cap. 10. manifestè docet matrimonium in nova lege esse sacramentum.

Dices: Si reverà essent septem sacramenta, illum numerum Scriptura sacra designasset: ita non est scriptum septem sacramenta non sunt asserenda.

Distinguo majorem: Illum numerum designasset explicitè, vel implicitè, concedo. explicitè tantum, nego: & similiter distinctè minore, nego consequentiam: quanquam enim expressis verbis Scriptura sacra non indicet septem esse novæ legis sacramenta; attamen id implicitè saltem significat, cum exprimit septem sacros ritus, quibus annexa est gratiæ promissio, ut suprà dictum est.

Deinde, Pari ratione foret consequens, neque duo esse sacramenta, neque tria, nec quatuor, neque omnino aliquem esse definitum eorum numerum, propterea quòd Scriptura sacra certum illum numerum non expresse-rit. Similiter non sequitur, Scriptura nullibi dicit quatuor esse Evangelia, aut quatuordecim Pauli epistolas, aut septem verba à Domino in cruce prolata: ergo non sunt totidem: ad id enim sufficit, quòd in Scriptura res ipsæ numera-

metatæ tradantur, nec requiritur quòd eorum numerus determinatè exprimat-
tur.

Denique, Licet non suppetent Scrip-
turarum testimonia, tamen ad id suffi-
cientissima foret Ecclesiæ autoritas,
sicut docet S. Hieronymus lib. contra
Luciferianos, ubi differens de manuum
impositione ait: *Exigis ubi scriptum sit?*
in Actibus Apostolorum; & etiam si sa-
cræ Scripturæ autoritas non subesset,
totius orbis in hanc partem consensus,
instat præcepti obtineret.

Dices secundò; Apocalyp. 17. Ange-
lus spondet Joanni, se ei referaturum
sacramentum bestię, quæ habet septem
capita: quâ figurâ significat, inquit
Kemnitius, numerum septenarium sa-
cramentorum spectare ad bestiam, hoc
est, ad Ecclesiam Romanam, in qua se-
det Antichristus.

Nego minorem; Blasphemum enim est
sacramenta Christi designari per ipsa
bestię capita; nam inter illa sunt ba-
ptismus, & Eucharistia, quæ nec ipsi
hæretici refragantur esse vera sacra-
menta; Unde per septem illa bestię ca-
pita nihil aliud mysticè designatur,
quàm septem Reges, aut septem mon-
tes, in quibus infidelitas suam in Chri-
sti fideles tyrannidem maximè debebat
exercere.

Si autem ex septenario numero à
Scriptura memorato vellet quis septem
novæ legis sacramenta colligere, pluri-
ma sunt, tam in novo, quàm in veteri
Testamento huic assertioni suffragantia
testimonia; sicut enim Deus septem
dierum curriculum mundum; sic & Chri-
stus Dominus septem sacramentorum
ordine recreationis, ac renovationis
mysterium operari voluit. Hinc præ-
stantiora Dei opera in Scriptura septe-
nario numero comprehenduntur; nam
septem diebus præcepit comedi azima;
septem lucernæ erant in Sanctuario,
Num. 8. septem instituit tubas jubilæi,
Isue 6. in septem capillis constituerat

Samsonis fortitudinem, *Judicum* 16. se-
ptem vicibus præcepit Elifæus Naaman
Syrum lavari in Jordane, & mundatus
est, 4. Reg. Sapientia excidit sibi colum-
nas septem, *Proverb.* 9. septem panibus
Christus pavit 4000. hominum; & ne
longius excurram, ipsemet S. Joann.
Apocal. 1. septem candelabra aurea vi-
dit, & *ibidem* septem stellas in dextera
filii hominis: & cap. 5. septem sigilla,
quibus signatus est intus, & foris liber
quem tenet in dextera ille, qui sedet
super thronum. Quibus omnibus non
incongruè designari possent septem no-
væ legis sacramenta.

Dices tertio: SS. Patres nusquam as-
serunt septem esse sacramenta: imò pas-
sim pauciora recensent: nam S. Diony-
sius Areopagita in lib. Hierarchiæ Ec-
clesiasticæ, ubi de mysteriis, idest, sa-
cramentis Ecclesiæ ex professo disserit,
non plura quàm quinque pertractat,
omissis videlicet Extremæ-Uctione, &
Matrimonio. Similiter S. Justinus Apo-
logia 2. commemorat solum Eucharis-
tiam, & Baptismum. Item Irenæus
lib. 1. cap. 9. Eucharistiam, & cap. 13.
Baptismum. Cyprianus serm. de ablutio-
ne pedum, numerat solum Eucharis-
tiam, Chrisma, Pœnitentiam, & Or-
dinationem. Cyrillus Jerosolymitanus,
qui cum in suis catechesibus mystago-
gicis ex instituto de mysteriis seu sacra-
mentis agat, non aliorum tamen me-
minit, quàm Baptismi, Chrismatis, &
Eucharistiæ. Neque plura apud S. Gre-
gorium recensentur, refertur 1. quæst. 1.
capite *Multi secularium*, &c. Isidorus
in idem conspirat lib. 6. ethymologia-
rum cap. 19. Tandem S. Ambrosius lib.
de Sacrament. solum meminit Baptis-
mi, Eucharistiæ, & Confirmationis. Et
S. Augustinus pluribi docet sacramenta
novæ legis esse numero paucissima, ma-
ximè lib. 3. de Doctr. Christ. cap. 6.
igitur non erat ratum apud veteres se-
ptem esse novæ legis sacramenta.

Nego consequentiam: Quia neque
etiam

etiam SS. Patres ajunt esse duo, vel tria, vel quatuor, aut quinque tantum sacramenta, neque pariter negant esse numero septem; sed duorum, aut trium, aut pauciorum meminerunt pro ratione argumenti, quod tractandum erat, ut patebit ex responsione ad prefatas eorum auctoritates.

In primis enim *S. Dionysius* in illo opere, non agit ex professo de sacramentis Ecclesiæ, sed de sacris officiis, seu functionibus, quas vel Episcopi, vel Sacerdotes in mysteriis tum administrandis, tum conficiendis exercebant cum quadam consecratione: quocirca neque de matrimonio, neque de unctione infirmorum differendum ei fuit, tametsi obiter meminerit pœnitentię seu reconciliationis.

Ad S. Iustinum dico, ibi dumtaxat duorum sacramentorum idcirco meminisse, quia respondet Ethnicis accusantibus Christianos, quod essent athei, nec Deos colerent, quodque nefaria plurima in suis ritibus patrarent, putā quod vorarent humanas carnes; & idco suos solum ad eos ritus admittrent: Repōnit autem Justinus Christianos non esse atheos, utpote qui faterentur Deum, unum in essentia, & erinum in personis; ideo autem soli Christiani admittebantur ad Synaxim, quia hæc solis baptizatis erat concedenda: exponit autem, quid agebatur in synaxi diebus Dominicis, ut nempe levet criminationem, quā impetebantur Christiani, quod in suis ritibus infanti carnes vorarent: cætera autem sacramenta non attingit, quia Gentilibus erant ignota, & sic eorum calumniis non impetebantur.

Ad S. Irenæum dico, eum specialem disputationem non instituisse de sacramentis, sed occasione data modò meminisse unius, modò alterius; nam lib. 1. cap. 2. *Pœnitentię*, & cap. 9. meminit *Eucharistię*, quia refellit deliria cujusdam Marcii circa Eucharistiam. Similiter cap. 18. meminit *Baptismi*, quia

refellit errores plurium hæreticorum, circa baptismi administrationem: tum lib. 3. cap. 4. refert *Confessionem*, & lib. 4. cap. 32. iterum meminit sacramenti, & sacrificii Eucharistię: quia ibidem agit, de sacrificiis legis antiquę, & novę.

Ad S. Cyrillum Hierosolymitanum dico, eum idcirco trium illorum sacramentorum meminisse, quia Catechumenos, ac recentes fideles instruebat de iis, quę solebant fieri baptismi tempore. Tria autem eodẽ die conferebantur sacramenta, nempe Baptismus, Confirmatio, & Eucharistia, ut constat ex Amphilohio, qui in vita S. Basilii, sic scribit: *Maximus Episcopus baptizavit Basilium, & Eubulum, & ungent eos. S. Chrysostomus, tradidit eis vivificam communionem*. Eadem est responsio ad *Isidorum* seu potius *Gregorium*, qui *Isidori* nomine profertur.

Ad auctoritatem de *Cypriano* petitam dico, sermonem istum non esse S. Cypriani, sed alicujus Authoris posterioris: cujuscunque tamen sit, dico ibi tractatum non institui de sacramentis omnibus, sed tantum de iis, quę ad cardinalia Christi opera referri poterant: eò enim nomine opus illud sermonum ab Authore inscriptum est.

Ad S. Ambrosium dico, eum in illis libris non agere de omnibus sacramentis, sed de iis dūtaxat, de quibus instruendi erant fideles recenter baptizati, & confirmati, jamque admissi ad sacram synaxim: eo enim ordine, novelli fideles iniciabantur, ut ipse testatur lib. 3. de sacramentis cap. 3. nude de his tribus tantum sacramentis eo in opere instituenda erat illi tractatio, atque de iis dicit in fine operis, eos plenissimè accepisse.

Ad S. Augustinum dico, illum libro de Doctrina Christiana, non dixisse tantum esse duo sacramenta, sed agens ibi de sacramentis novę legis ita loquitur, *quædam pauca pro multis, eademque facillima, & intellectu augustissima, ipse Domini*

Dominus ex Apostolica tradidit disciplinam, sicut est baptismi sacramentum, & celebratio corporis, & sanguinis Domini. Quæ profecto verba non sunt enumerantis omnia sacramenta, sed tantum proferentis aliqua exempla.

Quod autem plura, quam duo sacramenta agnoverit S. Augustinus, patet ex Concione 1. in Psal. 13. ubi ait: *in Baptismo, Eucharistia, & ceteris sacramentis Ecclesiæ esse munera.* Hinc epist. 116, ubi dixit *nos habere sacramenta, numerò paucissima, signatione præstantissima, observatione facillima*, subjicit *sicut est baptismus, & communicatio corporis, & sanguinis Domini.* Et si quid aliud in divinis litteris commendatur: ubi particula (*scilicet*) non est nota dubitantis; infra quippe recensitis aliquot Ecclesiæ festis, puta Passionis, Ascensionis, Resurrectionis Domini, & adventus Spiritus S. subjicit: *Et si quid aliud tale occurrerit, quod ab universa servetur Ecclesiæ.* Certum est autem Augustini tempore festa Nativitatis; Epiphaniæ Domini, & similia celebrari solita.

Dices quartò: Ecclesiæ Græca non alia quam duo sacramenta agnoscit, nempe Eucharistiam, & Baptismum: ergo, &c. Probatur antecedens; nam Cyrillus Luparis Patriarcha Constantinopolitanus in Confess. fidei, Latine primùm, deinde Græcè edita, anno 1633. cap. 15. de Sacramentis sic habet. *Credimus Evangelica sacramenta, esse ea, quæ Dominus instituit in Evangelio, & ipsa esse duo, nempe baptismum, & Eucharistiam, ampliore numerum sacramentorum non habemus:* ergo Institutor non plura edidit.

Respondeo concessio antecedente, negando consequentiam, Cyrillus enim iste descendit penitus à cæterarum Ecclesiarum Græcarum placitis, ut Calviniana dogmata amplecteretur, quod non negant adversarii; nam Casaubonus, qui talem Confessionem Londini excudicuravit anno 1675. cum utraque ejus

cenfura tum Cyrilli Berroensis, tum Partenii Constantinop. Patriarchæ, in præfatione ad Lectorem sic habet: *Ecclesiarum tanten Græcarum, aut Orientalis confessionem non fuisse. Quod utique constantissimum apparet non solum ex SS. Patribus Ecclesiæ Orientalis, ac ex omnibus Euchologiis, & Ritualibus, sed etiam ex cenfura Cyrilli Berroensis, qui præfato Cyrillo succedit in Patriarchatu Constantinopolitano, eumque damnavit anno 1638. mense Septembris, hæc Synodali sententia: Cyrillo dogmatizanti, & evedenti non esse septena sacramenta Ecclesiæ, idest, Baptisma, Chrisma, Pœnitentiam, Eucharistiam, Ordinationem Sacerdotum, Extremam-unctionem, & Matrimonium; juxta constitutionem Christi, Apostolorum traditionem, atque consuetudinem Ecclesiæ, sed mentienti non esse tradita à Christo in Evangelio, nisi solum Baptismum, & Eucharistiam; anathema.* Idem habet cenfura Synodalis Partenii lata an. 1642. adversus eundem Cyrillum. Idem, inquit, *negat Ecclesiæ sacramenta quinque Sacerdotium, sacram unctionem, sacrum Oleum, Confessionem cum pœnitentia, & honorabilis Nuptiar; quæ omnia ut sacramenta, & divinam gratiam conferentia, antiqua nobis traditio reliquit.* Hujus quoque Græcorum, cum Latinis circa septenarium sacramentorum numerum consensus primos habemus testes recentiores Græcos, non modò orthodoxos, sed etiam schismaticos. Gregorium Protosinellum, Patriarcham Constantinopolitanum, in Apologia adversus Marcum Ephesium, Simonem Archiepiscopum Thessalonicensem lib. de septem Ecclesiæ sacramentis, Jereniam Patriarcham Constantinopolitanum in triplici responso adversus Vittembergenses, & confessionem Augustanam *Emmanuelalem Catecam* lib. de Fide, & principiis fidei Catholicæ cap. 6. *Gabrielem Philadelphii Episcopum* tract. de sacris mysteriis

riis, & plures alii quos refert Arcudius lib. 1. cap. 2.

CONCLUSIO SECUNDA.

Ratione, & ordine congruenti instituta sunt septem, non autem pauciora novæ legis sacramenta. Hujus conclusionis veritas non aliâ ratione à priori fulcitur, quàm Christi Domini voluntate, quæ cum rectissima sit, & ordinatissima, nil nisi quod decet, & expedit, statuit, ac præscribit; nihilominus à posteriori nonnullæ possunt proferri rationes congruentes ejusmodi institutionis:

Quarum primam subministrat Concilium Florentinum suprà laudatum, ubi cum dixisset. septem esse novæ legis sacramenta, subdit: Quinque prima ad spirituales unius cujusque hominis in seipso perfectionem; duo ultima ad totius Ecclesiæ regimen, multiplicationemque ordinata sunt. Per Baptismum enim spiritualiter renascimur, per Confirmationem augeamur, in gratia, & roboramur in fide. Renati autem, & roborati, nutrimur divina Eucharistia alimonia. Quod si per peccatum ægritudinem incurrimus animæ, per Pœnitentiam spiritualiter sanamur: Spiritualiter etiam, & corporaliter (prout animæ expedit) per Extremam-Uctionem. Per Ordinem verò Ecclesiæ gubernatur, & multiplicatur spiritualiter. Per Matrimonium corporaliter augeatur.

Eandem rationem præclare expendit subtilis Doctor in 4. dist. 2. quæst. 1. n. 3. ubi declarans perfectionem sacramentorum novæ legis, maxime quantum ad eorum extensionem, seu effectum, ad quem ordinantur, ait: Sicut in vita naturali, primum est generatio, deinde sequitur nutritio, & corroboratio, & sanitatis perditæ reparatio; & hæc quatuor pertinent ad quamlibet per-

sonam singularem: præter hoc autem requiritur aliquod pertinens ad communis, quo aliquis constituitur in gradu necessario ad aliquem actum necessarium communitati: Ita spiritualiter ad completam perfectionem extensivè, oportet esse adjutorium aliquod pertinens ad generationem spirituales; & secundò aliquid pertinens ad nutritionem, tertio pertinens ad roborationem, quarto ad reparationem post lapsum. Præter hoc autem quinto requiritur aliquid esse, quo exiens finaliter præparetur: quia vita ista spiritualis quædam via est ordinans, ut bene vivens in ea, de ipsa sine impedimento transeat ad aliam, pro qua præparatur. Hæc ergo quinque requiruntur tanquam adjutoria necessaria personæ cuicumque pro se.

Ad bonum autem communis observantiam istam legem, est multiplicatio carnalis, quia ista præsupponitur bono spirituali, sicut natura gratiæ, & multiplicatio spiritualis aliquorum in ista lege: sic ergo congruum fuit septem adjutoria conferri observantibus legis Evangelicæ, in quibus esset perfectio, non tantum intensiva, sed etiam extensiva, & sufficiens ad omnia necessaria pro observantia hujus legis; hæc autem sunt (ut dicit Magister in littera) Baptismus pertinens ad generationem spirituales: Eucharistia necessaria ad nutritionem: Confirmatio ad roborationem: Pœnitentia ad lapsi reparationem: Extrema-Uctio ad finalem præparationem: Matrimonium ad multiplicationem in esse naturæ, vel carnali; & Ordo ad multiplicationem in esse gratiæ, vel spirituali.

Alias similes congruas rationes affert Seraph. Doctor pluribi, maxime 3. p. Centilogii scilicet. 47. ubi ait: sufficientia sacramentorum sic accipitur: Sacramen-

„menta sunt *Medicamenta contra-*
 „*morbum*: Morbus autem est duplex,
 „scilicet morbus *culpæ*, & morbus *pe-*
 „*næ*. Morbus culpæ est duplex, scilicet
 „originalis culpæ, contra quam est
 „baptismus: & actualis culpæ contra
 „quam est penitentia: Quædam actualis
 „venialis, contra quam est Extre-
 „ma-Unctio, Morbus pœnæ est qua-
 „druplex, scilicet ignorantia, contra
 „quam est confirmatio: concupiscentia,
 „contra quam est matrimonium.

„Sacramenta sunt etiam *adjuva-*
 „*menta*, quia sunt in adiutorium sep-
 „tem virtutum. In adiutorium fidei,
 „est Baptismus. In adiutorium spei,
 „est Extrema-Unctio. In adiutorium
 „charitatis Eucharistia. In auxilium
 „prudentiæ, Ordo. In auxilium tem-
 „perantiæ, Matrimonium. In auxi-
 „lium fortitudinis, Confirmatio. In
 „auxilium iustitiæ, Penitentia.

„Sunt quoque sacramenta *arma-*
 „*menta Ecclesiæ militantis*, quæ in
 „Canticis dicitur: *Terribilis ut castro-*
 „*rum acies ordinata*. Et quidem ter-
 „ribilis, quia fortis, munita per sacra-
 „mentum Confirmationis. Acies, quia
 „conjuncta, & unita per sacramen-
 „tum Eucharistiæ: ordinata per Or-
 „dinem. Ex hac acie quidam subtra-
 „huntur per mortem, ad hos restau-
 „randos est matrimonium: quidam
 „prosteruntur per culpam, ad hos res-
 „talandos est penitentia. Hanc
 „aciem quidam ingrediuntur, ut præ-
 „liantur, & hoc per baptismum: qui-
 „dam egrediuntur ut coronentur, &
 „hoc per Extremam-Unctionem.

„Addunt alii cum S. Thoma hunc
 „septenarium numerum sacramentorum
 „rectè colligi ex vita supernaturali ani-
 „mæ acquirenda, & ad perfectionem
 „deducenda, cum similitudine, & ana-
 „logia ad vitam corporalem. In vita
 „autem corporali dupliciter aliquis per-
 „ficitur: Primò quidem quoad personam

propriam: Secundò quoad communi-
 „tatem societatis, in qua vivit: homo
 „enim est animal ad societatem natum.
 „Respectu autem sui ipsius homo dupli-
 „citer in vita corporali perficitur. *Primò*
 „quidem, per se acquirendo aliquam
 „vitæ perfectionem: *Secundò* per acci-
 „dens, removendo nempe omnia vitæ
 „impedimenta, scilicet morbos, aut eo-
 „rum reliquias. Vita autem corporea
 „primò perficitur quantum ad sui esse
 „per *generationem*, per quam homo in-
 „cipit esse, & vivere: cui in vita spiritali
 „correspondet baptismus, qui ab Apo-
 „stolo ad Titum 3. vocatur lavacrum re-
 „generationis; unde Christus Dominus
 „Joan. 3. dicebat: *Nisi quis renatus fuerit*
 „*ex aqua, & Spiritu S. &c.*

„Deinde, vita spiritalis perficitur per
 „augmentum, quò perducitur ad per-
 „fectam quantitatem, & virtutem: cui
 „assimilatur Confirmatio, in qua datur
 „Spiritus S. ad animi fortitudinem &
 „constantiam; ideo Discipulis suis ba-
 „ptizatis dixit Christus: *Sedete hic donec*
 „*induamini virtute ex alto*. Tertiò vita
 „corporea, per quotidianum cibum est
 „nutrienda, ac fovenda ne pereat: cuius
 „vices in spiritali vita gerit Eucharis-
 „tiæ sacramentum; nam, inquit Chri-
 „stus Dominus Joan. 6. *Nisi manducave-*
 „*ritis carnem filii hominis, & biberitis*
 „*ejus sanguinem, non habebitis vitam in*
 „*vobis. . . caro enim mea verè est cibus,*
 „*& sanguis meus verè est potus.*

„Quemadmodum autem vita tempo-
 „ralis hominis multis est miseriis, & in-
 „firmatibus obnoxia; unde duobus in-
 „diget tanquam remediis: Primò quidem
 „medicinâ ad recuperandam sanitatem;
 „& alterò ad removendum languorem,
 „ex infirmitate, quod fit per dietam, &
 „exercitium: ita in spiritali vita pro-
 „portionaliter reperiri debent hæc duo:
 „unò quidem tanquam spiritali medicina,
 „scilicet penitentia, quæ sanitatem
 „restituit, & peccati morbum eliminat:
 „& alterò ad reliquias morbi ejusque
 „lan-

languorem amovendum ; quod utique fit per Extremam- Uñtionem, quæ removel peccatorum reliquias .

Cæterum quia homo ordinatur ad societatem , ac in ordine ad illam dupliciter perficitur , nimirum vel suscipiendo potestatem administrandi aliquam officia in Republica , vel multiplicandi Rempub. priori correspondet sacramentum Ordinis : posteriori verò sacramentum Matrimonii : est enim simul officium naturæ , & gratiæ beneficium , ac signum .

Dices : Tot sunt sacramenta , quot peccati defectus ; ordinantur enim contra peccati defectum : at qui sunt tantum peccati defectus , culpa , & pœna .

Nego minorem : Quia culpa , & pœna diversitatem habent ; & secundum speciem , quia diversæ sunt species culparum , & pœnarum ; & secundum diversos hominum status , & diversas habitudines ; unde sacramenta multiplicari oportuit .

Dices secundò : Tot sunt sacramenta , quot actiones Ecclesiasticæ Hierarchiæ ; quia sacramenta pertinent ad eas actiones , ex S. Dionysio : sed tres tantum sunt actiones Hierarchiæ , purgatio , illuminatio , perfectio .

Nego majorem : Quia tria considerantur in actionibus Hierarchicis , agentes , recipientes , & actiones . *Agentes* sunt Ecclesiæ Ministri , ad quos pertinet Ordo ; *Recipientes* sunt ii , qui accedunt ad sacramenta , qui producuntur per Matrimonium ; *Aliones* sunt purgatio , illuminatio , perfectio : sola purgatio non est sacramentum novæ legis , quod gratiam confert ; sed potius spectat ad sacramentalia , quæ sunt Catechismus , & Exorcismus : purgatio autem , & illuminatio simul Ecclesiasticæ Hierarchiæ pertinent ad baptismum , & propter remedium secundario pertinent ad pœnitentiam , & Extremam-Uñtionem , at perfectio quoad virtutem , quæ est veluti formalis perfectio

Tom. X.

pertinet ad Confirmationem , quoad assecutionem finis ad Eucharistiam .

CONCLUSIO TERTIA .

Non sunt plura sacramenta , quàm septem . Hæc sufficienter constat ex præcedentibus conclusionibus , & probatur : Si aliqua præter septem memorata essent novæ legis sacramenta , maximè aliqua eorum , quæ à SS. Patribus nomine sacramenti donantur ; nempe Lotio pedum , aqua benedicta , eulogiz , & martyrium : sed nulla horum censeri possunt propriè dicta sacramenta : igitur , &c. Major constat . Minor verò ut clariùs innoteat , sub distinctis §§. est probanda ,

§. I.

Lotio pedum non est propriè dictum Sacramentum .

Probatur primò , quia nulla Concilia , nullæ Ecclesiasticæ institutiones , nullæ preces , nullæque Catechisticæ doctrinæ , quibus maximè Apostolica traditio continetur , & declaratur , ejusmodi cæremoniam sacramentis Evangelicis accensent .

Probatur secundò : Sacramentum novæ legis debet esse signum certum , divinitus institutum , cui annexa sit promissio gratiæ sanctificantis , & virtus eam conferendi ex divina institutione ab universa Ecclesia frequentandum : sed omnia hæc pedum Lotioni non conveniunt : *Primò* namque non habet certam promissionem gratiæ ; illa namque promissio nusquam in Scriptura , seu traditione legitur : *Secundò* , non habet etiam efficacitatem gratiæ conferendæ ; nam instituta fuit à Christo in signum purgationis faciendæ ante institutionem Eucharistiæ , & in signum humilitatis Christi ; non verò ad conferendam gratiam .

Denique , Non habet mandatum , aut institutionem hujus ritus usurpandi ; unde etiam nusquam frequentatum

I

fuit

fuit ab univerſa Eccleſia, maxime Rom. ut obſervat S. Ambroſius lib. 3. de Sacramentis, c. 1. Et S. Auguſt. epiſt. 119. c. 18. de lavandis pedibus, hoc proferit: *Cum Dominus formam humilitatis, propter quam docendam venerat, commendaverit, ut ipſe conſequenter expoſuit, quæſtum eſt quoniam tempore poſſiſſimum res tanta etiam ſulta doceretur. Et in illius tempus occurrit, quod ipſa commendatio religioſus inhereret: ſed ne ad ipſum baptiſmi ſacramentum videretur pertinere, multi hoc in conſuetudinem præcipere noluerunt. Nonnulli etiam de conſuetudine auſſerre non dubitaverunt: aliqui autem ut ſacratiori tempore commendarent, & à baptiſmi ſacramento diſtinguerent, vel diem tertium oſtendunt, quia ternarius numerus in multis ſacramentis maxime excellit, vel etiam aliam, ut hoc facerent, elegerunt.*

Dices: Tria ſunt ad perfectum ſacramentum deſideranda: Primum, ut ſit ſignum ſenſibile à Chriſto ordinatum, & gratiæ ſanctificantis ſignificativum: Secundò, ut gratiam ſanctificantem ſignificatam reverà ſuſcipientibus conferat: Tertiò denique, ut præcepta ſit illius frequentatio, & ſuſceptio: ſed hæc tria occurrunt in lotionem pedum à Chriſto facta: *Primum* namque erat ſignum ſenſibile; ſiquidem Chriſtus Diſcipulorum pedes, quæ ablutio non minus ſenſibilis erat, quàm ea, quæ ſit in baptiſmate: *Secundò*, gratiam ſignificabat, & mundationem interiorem: nam ibidem Chriſtus D. ait: *Qui lotus eſt, non indiget, niſi ut pedes lavet, ſed eſt mundus totus*, Quibus ſignificat neceſſariam eſſe lotionem pedum ad expiationem, quæ ſecundùm S. Auguſtinum ſunt veluti ſordes pedibus, id eſt, humanis adſeſibus adhærentes, ob humanam converſationem, & contrectationem bonorum ſenſibilium; quemadmodum adhærent corporeis noſtris pedibus, ex tactu, & conſultatione,

terreni pulveris. *Tertiò* denique, eadem videtur obligatio, idemque mandatum hanc lotionem frequentandi, ac baptiſmalem; quemadmodum Chriſtus dixit de baptiſmo: *Niſi quis renatus fuerit ex aqua, & Spiritu S. non introibit in regnum cælorum*: ita Petro reſpondenti hanc lotionem dixit, *Si non laveris te, non habebis partem mecum*.

Nego minorem, Chriſtus enim non idcirco lavit eorum pedes, ut lotio eſſet ſignum efficax gratiæ conferendæ, ſed ut humilitatis præberet exemplum, & ad internam animi mundiciam hortaretur, & ut Apoſtoli dignè fierent ſui corporis in proximè inſtituenda Euchariſtia particeps. Nec Petro dixit *ſciet autem poſſe*; ut per lotionem pedum, eum gratiam excepturum aſſereret: ſed ut præſignificaret, quid erat facturus inſtituendo, & Petro donando Euchariſtiam; ſiquidem cum Petrus corpus, & ſanguinem Chriſti de manu illius accepit, tunc myſterium hujus lotionis, & debite præparationis ad Euchariſtiam per hanc lotionem designatæ intellexit.

Similiter cum dixit *non habebis partem mecum*, noluit lotionem ad ſalutem eſſe neceſſariam exprimere, ſed vel ut Petrum ad debitam obedientiam ſua comminatione ſollicitaret, eumque propter contumacem inobedientiam ab æterna beatiſſitudine arcendum commoneſceret, ut interpretatur S. Baſilius in regulis brevius diſpuratis reſp. 60. & 33. *Vel* ut ſignificaret eum non habiturum partem in menſa ſua, & cœna parata, nec in corpore ſuo quod in eadem cœna erat conſecraturus, & aliis diſtributurus; cum enim moris eſſet apud Judæos ad menſam non accedere, niſi prius lotis manibus, & pedibus, Chriſtus eandem cœremoniam à Diſcipulis ſervari voluit; ipſeque ſervare voluit eorum pedes lavando, ut profundæ humilitatis conſilium, & Exemplum eis præberet: quâ ratione dixit ibidem: *Scitis quid feci-*

fecerim vobis? Vos vocatis me Magister: & Domine, & bene dicitis, sum et cetera. Si ergo ego lavi pedes vestros Dominus, & Magister, & vos debetis alter alterius lavare pedes. Exemplum enim dedi vobis, ut quemadmodum ego feci, ita, & vos faciat.

*Instabis: Hæc responsio militat in SS. Patres. Nam S. Cyprianus sive alius author sermonis de ablutione pedum, qui est inter illius opera reconditus, in principio hæc habet: Ne quid consumptioni doctrina decisset, interfixa, & immobilia præcepta, & ea, quæ moveri possunt, & reperti, distinctionem posuit, ut cæteris immutabiliter semel statutis (id est Baptismate, Confirmatione, & Ordine, quæ infra dicit esse initerabilia) ultima lavaeri species quotidianis expiationibus commodata, commendaretur fidelibus. Et sicut lex per singulas offensiones propria sacrificia requirebat, unum figuraretur fidei Christianæ remedium, ad quod curreret quoties se cognosceret offendisse. Et circa medium hæc habet. *Ait Dominus: Nisi laveris te non habebis partem mecum. Paulatim mysterii huius declaratur necessitas, quam conditio propo- sita inevitabilem reddit: & si cum Christo aliter partem habere non possumus, nisi ipse pedes nostros abluat, quandoquidem sic ardeatur consensus, lavet, & tergat, & sacramenti huius nobis virtutem exponat. Suprà diximus lotos baptismate eodem lavacro non indigere; sed hoc lavacrum quotidianis est excessibus institutum.**

*Respondeo autorem illum quilibet sit, hanc lotionem idcirco sacramentum nominare, quod ille pœnitentiæ lavacri figuram gerat. Eam enim per sensum accommodationis eum pœnitentiæ sacramento, aut virtute confundere satis patet, tum ex præcedentibus verbis, quibus eum afferuisse baptismum non esse iterabilem dixissetque: *Iræm Dei iterum in eos exardescere, qui contemptâ baptismatis indulgentiâ, proprio abun-**

*tur arbitrio, & voluntate non necessitate ducuntur; Addit nunc: Contempnissimum non statim ulciscitur Deus, nec per singulas offensas iudicantis ira discurrit, nec obstruxit fonti misericordiæ ostia, meatuque multiplicet, sed obviat fugientibus, & cogit regredi desperatos, ostendens eis pœnitentiæ viam, quâ nulla latior invenitur, & reversi dat, ut iterum eis possint sacramenta injuriata prodesse: quorum si pœnitentia non subesset, nullo modo deinceps experiri possent effusum. Propter hoc benignissime Domine pedes lavas Discipulis; quia post baptismum, quem sui reverentia non patitur iterari, aliud lavacrum procurrat, quod nunquam debeat intermitteri. Tum subjicit prædicta verba in objectione posita, nam hæc habet. *Sed hoc lavacrum quotidianis est excessibus institutum, & jugis retrahatio usque ad novissima veniens, omnia debet opera, & cogitatus singulos persequari, & affectui per vitia discurrerenti, vagam instabilemque animam per inania evahentes corrigere, & lavare, nec quidquam in vita prætermittere, quod gemitibus, & suspiriis non fuerit expiatum.**

*Urgebis. S. Ambros. lib. 3: de sacrament. suo calculo prædictam in objectionem sententiam firmat: nam ubi hæc præmisit Christi ad Petrum verba; *Nisi laveris te non habebis partem mecum.* subdit. *Non ignoramus, quod Ecclesia Romana hanc consuetudinem non habeat, cuius typum in omnibus sequimur, & formam: Hanc tamen consuetudinem non habet, ut pedes lavet. Vide autem ne fortè propter multitudinem declinarit. Sunt tamen qui dicant, & excusare conentur, quia hoc non in mysterio (id est sacramento) faciendum est, non in baptismo, non in regeneratione, sed quasi hostiis pedes lavandi sunt. Aliud est humilitatis, aliud sanctificationis. Denique audi quia mysterium est, & sanctificatio, Nisi laveris te non habebis partem mecum. Hoc ideo dico non quod**

alios reprehendam, sed ut mea officia ipse commendem: in omnibus cupio sequi Ecclesiam Romanam: sed tamen, & nos homines sensum habemus, ideo quod ibi rectius servatur, & nos rectè custodimus. Ipsum sequimur Apostolum Petrum, ipsius inbæremus devotioni. Ad hoc Romana Ecclesia quid respondet? Utique, ipse auctor est hujus assertionis Petrus Apostolus, qui Sacerdos fuit Ecclesiæ Romanæ. Ipse Petrus ait: Domine non solum pedes, sed & manus & caput.

Respondeo, Ex eo non colligi S. Ambrosium absolute docere hanc lotionem esse sacramentum; quippe cum fatcatur eam non esse Ecclesiæ Romanæ fidem, quam in omnibus secuturum se proficitur: sed tantum vult intermisceri Romæ lotionem pedum, in sua servari Ecclesia, tum ut Christi, ac Petri exemplò morem gerat; tum ut gratiam non ratione lotionis, sed virtute humilitatis, ac Christi imitationis obtineat. Ideo dicit consuetudinem, quæ rectius servatur in Romana Ecclesia de non lavandis pedibus, in Mediolanensi Ecclesia de ipsis lavandis etiam rectè custodiri propter exemplum Christi, ac Petri.

Instabis iterum. S. Bernardus serm. 1. in Cœna Domini evidentiùs prædictam tuetur sententiam his verbis. *Ut de remissione quotidianorum minime dubitemus, habemus ejus sacramentum pedum abluitionem. Quæris fortè unde sciam, quod sacramentum sit hujus remissionis?* (post pauca respondet) *Vis autem nasse, quia pro sacramento illud est, non pro solo exemplo factum? Illud attende, quod Petro dictum est, si non laveris te, &c. Aliquid igitur latet quod necessarium est ad salutem, quando sine eo nec ipse Petrus partem haberet in regno Christi & Dei.* Post pauca. *Et unde scimus quia ad diluendam peccata, quæ non sunt ad mortem, & à quibus plene evadere non possumus ante mortem, ablutio ista pertineat? Ex eo planè quod offerenti manus*

& caput pariter ad abluendum responsum est, Qui lotus est, non indiget nisi ut pedes lavet. Letus est, qui gravia peccata non habet; ejus caput, id est intentio; & manus id est operatio, & conventio munda est. Sed pedes, qui sunt animæ affectiones, dum in hoc pulvere gradimur, ex toto mundi esse non possunt; quin aliquando vanitati, aliquando voluptati, aut curiositati plussquam oportet cedat animus.

Respondeo S. Bernardum esse intelligendum de sacramento generaliter, & improprie nominato, quatenus est aliquod signum sacrum aliquid significans, non verò de sacramento proprie dicto, id est pro signo efficaciter gratiam significante; sciebat namque Bernardus in Ecclesia Romana septem tantum excipi, & credi sacramenta: equidem ergo contrarium docuisset?

Nec refert, quòd asserat hanc pedum abluitionem esse ad salutem necessariam, & peccatorum venialium remissivam: non enim hanc necessitatem esse absolutam arbitratur, aliàs sibi ipsi contradiceret; quippe cum doceat eam institutam ad sola venialia expianda, propter quæ sola certò certius est nullum à Christi, & Dei regno esse ascendum. Idcirco autem dicit eam venialia expungere, quia est actio humilitatis, & charitatis, ac proinde meritoria, & venialium remissiva.

§. 2.

Aqua benedicta non est etiam proprie dictum Sacramentum.

Probatur, quia Ecclesia non habet potestatem, & auctoritatem instituendi signum aliquod, vel ceremoniam certam, & determinatam, quæ vim infallibilem habeat gratiam sanctificantem conferendi, ac peccatorum remissionem largiendi, cum id sit solius Dei: sed consecratio, & usus aquæ benedictæ non à Christo D. sed ab Ecclesia suam

suam habet institutionem : igitur , &c. Major patet si enim id posset Ecclesia , eandem virtutem plurimis aliis ceremoniis conferret, quas proinde ex opere operato gratiam largiri fatendum esset: quod tamen nullus Theologorum, aut SS. Patrum admittit. Deinde , si valeret aqua benedicta ad gratiæ sanctificantis largitionem , & peccatorum venialium remissionem , ex opere operato , simili ratione valeret ad alios effectus , ad quos ordinatur , & consecratur, videlicet ad fugandos dæmones , eorumque tentationes repellendas , & alia ab eis inferenda nocumenta avertenda; eoque magis , quod hæc in ejus benedictione exprimentur, remissionis autem venialium non fiat mentio ; sicut nec gratiæ largitionis . Minor etiam patet: nam, hujus sacri ritus institutio revocatur ad Alexandrum I. summum Pontificem , qui hujus sacræ ceremoniæ author dicitur : nam hic summus Pontifex V. post S. Petrum, loquendo de ejusmodi aqua benedicta ait : *Aquam falem conspersam populis benedicimus , ut eam cuncti aspersi sanctificentur , & purificentur. Quod , & omnibus Sacerdotibus , faciendum esse mandamus . Nam si cinis vitule sanguine aspersus populum sanctificabat , atque mundabat ; multo magis aqua fale aspersa , divinisque precibus sacrata populum sanctificat , atque mundat . Et si fale aspersio per Heliseum Prophetam sterilitas aquæ sanata est , quanto magis divinis precibus sacratum sal sterilitatem rerum aufert humanarum , & coinquinatos sanctificat atque mundat , & purgat , & cetera bona multiplicat , & insidias diaboli avertit , à phantasmatum versutiis homines defendit ?* Quibus verbis præcipuos enumerat effectus aquæ benedictæ .

Nec obstat , quod ei tribuat vim sanctificandi : hæc enim sanctificatio , & mundatio per se ei non competit ex opere operato ; sed tantum ratione actus , & effectus assumptis ejusmodi aquam ; unde inter sacramentalia qui-

dem refertur; non verò inter sacramenta debet censerì .

§.3.

Martyrium habet quidem vim , & efficacitatem sacramenti : non tamen est sacramentum propriè dictum .

Prima pars constat : certo namque certius est martyrium pro Christi nomine passum , ac consummatum habere vim gratiam sanctificantem conferendi . Quod utique probabitur quæst. 2. sequentis disputationis, conclusionè 2. ubi declarabimus martyrium supplere vicem Baptismi aquæ tam in parvulis , quàm in adultis ,

Secunda pars verò ejusdem assertionis est evidens; Sacramentum enim propriè dictum debet esse certum signum , & efficax gratiæ conferendæ , & habere determinatam materiam , & formam cum debita intentione Ministri : sed martyrium nec est signum gratiæ conferendæ , à Christo D. ad id determinatum , & institutum : quis enim dixerit actionem peccaminosam ex parte agentis , qualis est actio, qua vis insignitur martyri , esse signum divinitus ordinatum ad gratiam conferendam ? Neque etiam determinatam habet materiam , & formam ; cum innumera sint à dæmone , & tyrannis excogitata tormentorum genera ad Martyres torquendos , & necandos : nec etiam competentem Ministrum habet à Christo D. designatum ; quis enim dixerit Christum D. instituisse lictores tanquam gratiæ ministros ; eos maxime , quorum operatio fieri nequit absque gravissimo peccato mortali , utpotè cum sit occisio hominis innocentis in odium Dei , & Christianæ Religionis ? Addit Seraphicus Doctor in 4. dist. 4. part. 2. quæst. 3. *Quod Baptismus sanguinis non est , Sacramentum , quia ei deficiunt omnia ea , quæ sunt de integritate Sacramenti , scilicet representatio ex similitudine , significatio*

ficatio ex institutione, sanctificatio ex verbi prolatione: quorum quodlibet deficiat, ut in opponendo nullum est, & inspicienti patet; & ideo Sacramentum non est.

§. I V.

Panis benedictus, & Eulogia non sunt Sacramentum propriè dictum.

Panis benedicti in symbolum Catholicæ communionis fidelibus tradi soliti, primus omnium meminisse videtur Melchisedech Papa, qui sedem Pontificiam tenuit ab anno Christi Domini 311. ad annum 314. Hic autem, ut refertur in libro de Romanis Pontificibus; fecit ut oblationes consecratae per Ecclesias ex consecratu Episcopi dirigerentur, quod declaratur fermentum. Similia refert de Siricio, qui ab an. 387. ad ann. 397. summum Pontificatum administravit, is enim constituit, ut nullus Presbyter Mistas celebraret per omnem hebdomadam, nisi consecratum Episcopi loci designati susceperet, quod declarat fermentum. Similiter Innocentius I. qui ab anno 402. sedet ad annum 419. respondens ad interrogata Decentii Episcopi Eugubini hoc habet epist. 1. cap. 5. *De fermento verò, quod die Dominico per Titulos mittimus, superflue nos consulere voluisti: cum omnes Ecclesie nostræ intra Civitatem sint constitutæ, quarum Presbyteri, quia die ipso propter plebem sibi creditam, nobiscum convenire non possunt: idcirco fermentum à nobis confectum per Acolythos accipiunt, ne se à nostra communione, maxime illa die iudicent separatos. Quod per Parochias fieri debere non puto, quia non longè portanda sunt Sacramenta; nec nos per cœmeteria diversa constitutis Presbyteris destinamus, ut & Presbyteri eorum conficiendorum jus habeant, atque licentiam. Denique, idem apparet ex antiquo Rituali Romano, in quo hæc habentur verba:*

Quinta Dominica in quadregesima datur fermentum, in Consistorio Lateranensi.

Cœterum quòd fermenti nomine, nihil aliud significetur, quàm panis ab Episcopis, vel Presbyteris benedicti solitus, qui dividebatur fidelibus ad sacram Eucharistiam non accedentibus, ut ejusmodi fermenti, & eulogiarum participatio symbolum esset Catholicæ communicationis, satis apertè colligi videtur ex antiquo Canone Pii Papæ, & Martyris titulo inscripto, qui habetur tomo primo Conciliorum his verbis: *Vt de oblationibus, quæ offeruntur à populo, & consecrationibus, quæ supersunt, vel de panibus, quos deserunt fideles ad Ecclesiam, vel certè de suis Presbyter conveniunt partes incisas habeat in vase nitido, & convenienti, ut post Missarum solemniam, qui communicare non fuerint parati, eulogias die Dominico, & in diebus festis exinde accipiant, quæ cum benedictione prius faciat.*

Ejusmodi autem panis idcirco dicebatur fermentum, vel per accommodationem ad illam parabolam Evangelicam, qua Dominus noster Jesus Christus Matth. 13. assimilat regnum cœlorum fermento, quod acceptum mulier abscondit in farinæ satis tribus donec fermentatum est totum, regnum namque Christi presentis temporis, illud esse definitur, quod communicatione Catholica unius massæ coagmentatione constringitur; unde qui panem benedictum accipiebat, significabat eo symbolo se esse cum aliis Christi fidelibus fide, & charitate conjunctum. Vel potius idcirco dicebatur fermentum, ut distingueretur ab Eucharistia, quæ in azymis conficiebatur.

Ejusmodi autem Catholicæ communicationis Symbolum non solum frequentabatur Romæ, & in Occidentali Ecclesia, sed etiam in Orientali, ut declarari videtur in Concilio Laodice-

no

nio cap. 19. in quo dicitur *Sanctas oblationes ad vicem Eulogiarum per festivitatem Paschalem ad alias Parochias mitti minime oportere*: non alia, ut arbitror, ratione, quàm quòd eo die omnes fideles ad sacram Synaxim accederent: ac proinde eis non erat opus alio communicationis, ac unitatis in fide symbolo: cæteris autem diebus Dominicis, ac festivis licitum erat eulogias ministrare: imò & aliis diebus ferialibus, excepto Quadragesimali tempore, ne videlicet jejunium frangeretur, ut colligitur ex eadem Synodo cap. 49. ubi statuitur: *Non oportet in quadragesima panem offerri, nisi Sabbato, & Dominica tantum*. Non enim servabatur jejunium in Orientali Ecclesia de Sabbato, sicut nec in Occidentali feriâ quintâ, ut constituerat Melchias summus Pontifex; nam de ipso legimus in libro Romanorum Pontificum. *Hic constituit, ne ulla ratione die Dominica, aut quintâ feriâ jejunium quis fidelium ageret, quia eos dies Pagani quasi sacrum jejunium celebrabant*.

Duplicis autem generis erant eulogiæ; aliæ quidem publicæ, quæ scilicet in publico Ecclesiæ ministerio distribuebantur; aliæ verò privaræ, quas amici inter se ultrò, citròque dare; atque accipere consueverant; cujus quidem antiqui usus plura exempla suppetunt; inter alia verò S. Paulini Noli Episcopi, epist. 1. ad Severum, hæc scribentis *Panem campanam de cellula nostra tibi pro eulogia misimus*: Et epist. ad S. Augustinum, *Panem unicum, quem unanimis indicio misimus caritati tuæ rogamus accipiendo benedicere*. Et ipsemet S. Augustinus epist. 34. ad eundem Paulinum eulogias mittens scribit: *Panis, quem misimus, uberior benedictio fiat dilectione accipientis benignitatis vestræ*.

His omnibus constat, quod et si ejusmodi eulogiæ appellentur *Sacramenta*,

non tamen perfecti Sacramenti vim & significationem habebant: sed tantum Sacramenti nomen inditur, quod ejusmodi eulogiarum participatio symbolum esset Catholice communicationis fidelium inter se, ut nempe qui sacratissima Eucharistia minime communicassent: saltem alio communionis signo censerentur esse fideles. Quapropter Concilium Laodicenum, cap. 32. statuit: *Quod non oporteat ab hæreticis eulogias accipere, quia sunt maledictiones potius, quàm benedictiones*.

Nec obstat quòd fermentum illud, seu panem fermentatum oblationis consecratus per Ecclesias, ex consecrato Episcopi appellent Melchias summus Pontifex, nec-nen & Syriacus: apud eos enim idem est consecratio, quòd benedictio, & fermentum consecratum quòd benedictum: Dicebantur autem oblationes, quia, ut notavimus ex Canone S. Pii, ejusmodi panes à populo offerebantur, ut Episcopali, vel Sacerdotali benedictione accepta minutatim fidelibus erogarentur.

Ex his igitur omnibus constat nihil aliud fuisse fermentum, quàm fermentatum panem benedictum, quem ob communicationis symbolum ab Episcopo acceptum impertirentur cuncti Parochiales Presbyteri, eundemque, sub se constitutis fidelibus distribuerent. Ipsum verò panem diversis nominibus fuisse appellatum, nimirum, *fermentum*, ad distinctionem panis azimi, ex quo solet confici Eucharistia, dictumque esse *Sacramentum*, ob sacræ rei signum: nempe Catholice unionis, & benedictione consignatum, ob idque benedictionem itidem, & eulogias dici consuevisse.



ARTICULUS SECUNDUS.

QUAESTIO PRIMA.

De Sacramentorum institutione, seu causa efficiente, virtute, & effectu.

Utrum solius Dei sit Sacramenta instituere?

EXPLICATA Sacramentorum essentia, & asserto eorum numero, jam investiganda est ipsorum origo, secunditas, & effectus, in quibus maximè illorum dignitas, & præstantia mirum in modum elucet. Quid enim illustrius, & ad commendationem nobilissimum, & præclarior existimari potest, quàm quòd eorum nostræ salutis adminiculorum solus Deus Auctor, & Institutor assequatur: nec creaturæ cuiusvis præstantissimæ virtus ad illam institutionem, & ordinationem quidquam conferre queat? Quid censeri posset hominum admiratione dignius, quàm quod ejusmodi signorum, quantumvis aspectu exilium, tanta sit virtus, ut hominem peccatorum fæce deturpatum non emundet solum, sed & celesti gratiæ sanctificantis luce, ac decore perfundat, & quod stupendum magis, ipsum in Dei filium consecret, & heredem constituat, ac consortem. Unde merito dixit Tertullianus lib. de Baptismo cap. 1. *Nihil adeo est, quod obduret mentes hominum; quàm simplicitas divinorum operum, quæ in actu videatur, & magnificentia, quæ in effectu repromittitur; ut hic quoque, quoniam tantæ simplicitatis sine pompa, sine apparatu novo aliquo, denique sine sumptu homo in aqua demissus, & inter pauca verba tinctus, non multo, vel nibilo mundior resurgit, eo incredibilis existimetur consecutio eternitatis, &c.*

Tria itaque hic sunt determinanda: Primum, utrum solius Dei sit sacramenta instituere. Secundum, quænam sit eorum efficacia respectu gratiæ producendæ: Tertium, quænam sacramenta characterem producant.

Notandum primò, circa institutionem Sacramentorum, duplicem potestatem distingui posse; aliam quidem auctoritatis, aliam verò ministerii. *Potestas auctoritatis* dicitur, quæ est independens à quacumque alia, & per propriam virtutem quædam feligit signa, eisque gratiam producendi vim, & efficaciam confert. *Potestas verò ministerii*, est illa delegata virtus à principali causa ad sacramentorum, vel consecrationem, vel administrationem. *Insuper* potestas ministerii duplex statuitur, una quidem *principalis*, & *excellentiæ*; alia verò *communis*. Principalis excellentiæ ea est, quæ competit alicui cum singulari prærogativa supra cæteras causas, quæ ad sacramentorum vel designationem, vel consecrationem concurrere possunt. Potestas verò ministerii communiter dicti, ea est, quæ competit cuilibet ministro, quatenus dumtaxat minister est sacramentorum, hoc est administrator, & dispensator. Hinc duplex exurgit difficultas: Prima, utrum solus Deus conferre possit alicui creaturæ potestatem auctoritatis instituendi sacramenta, putà humanitati Christi; seu utrum Christus Dominus quatenus homo ex se virtutem haberit principalem potestatem excellentiæ.

Notandum secundò, ex Doctore 1. 4. dist. 1. qu. 3. num. 4. quòd aliud sit signum prætium instituere ad producendam gratiam: aliud verò illud signum reddere certum, & efficax ad eandem gratiam producendam: Possibile enim est, inquit Doctor, quænam doque aliquem non veracem ut illo signo: signationem enim habet ex institutione: sed quod sit certum, non habet nisi ex determinatione ali-

„alicujus causę cooperantis illi signo,
 „ad causandum significatum; v.g. si
 „ab aliquo Legislatore instituatur in
 „politia sua pro signo pacis tactus
 „manus, vel hujusmodi, etsi ex ista
 „impositione habet istud signum,
 „quod practicę significet pacem: tamen
 „si alius non verax potest uti isto si-
 „gno, istud signum non est certum ex
 „impositione Legislatoris; sed reman-
 „net æquivocum; quandoque scilicet
 „verum, quando habet concomitans
 „signatum, quandoque falsum; falsus
 „enim utitur isto signo, sive signato,
 „sicut uteretur signo speculativo, sive
 „signato, dicendo; *concedo tibi dile-*
 „*ctionem meam*, habens aliud, scilicet
 „oppositum, in mente. *Hęc Doctor*,
 „quibus significat duo esse in sacra-
 „mentorum institutione distinguenda; *Primum*
 „est signi sensibilis designatio ad
 „gratiam significandam, & conferen-
 „dam: *Secundum* est virtus, & efficacitas
 „illius signi, ratione cujus dicitur
 „certò, & infallibiliter gratiam signifi-
 „care, & inferre, quantum est in se:
 „Primum autem se habet dumtaxat in-
 „complete, & imperfecte ad institutionem
 „sacramenti; quippe cum de ipsius
 „ratione sit, non solum quod sit signum
 „gratię sanctificantis, sed quod sit si-
 „gnum certum, & efficax illius, quod
 „utique obtinere non potest, nisi ab eo,
 „qui habet virtutem physicam produ-
 „cendi gratiam, & eam productionem
 „huic signo annectendi.

Notandum tertio, Sacramenta duobus
 „modis à Deo censi posse instituta,
 „nimirum vel immediate, per seipsum;
 „vel mediate, per aliquem Angelum,
 „aut hominem. Immediate quidem,
 „puta si Deus designaret aliquod
 „signum sensibile, ad cujus applicationem
 „certò, & infallibiliter produceret,
 „& conferret gratiam. Quod utique
 „fieri potest duobus modis; nempe vel
 „immediate à Deo, ut Deus est, vel à
 „Deo quatenus est Deus-homo, id est,

Tom.X.

quatenus divina persona, quę immediate
 „ea sacramenta instituit, in assumpta
 „humanitate subsistit. Quod rursus
 „concipi potest duobus modis: *Primo*,
 „ita ut illa designatio Sacramentalis si-
 „gni, & vis ei annexa producendi gra-
 „tiam, tota refundatur in personam di-
 „vinam; sola autem illius manifestatio
 „fieret per humanitatem assumptam,
 „vel ut ipsa assumpta humanitas à divi-
 „na persona communicatam habeat vir-
 „tutem ejusmodi signa efficaciam insti-
 „tuendi, quasi sibi propria, ita ut hujus
 „institutionis censeatur causa princeps.
Similiter Deus concipi potest instituere
 „sacramenta mediate duobus modis;
 „nempe vel incomplete, si videlicet con-
 „cederet alicui creaturę facultatem de-
 „signandi, & assumendi aliquod signum
 „sensibile, ad cujus presentiam, & po-
 „sitionem, ipse certò, & infallibiliter
 „gratiam produceret; vel complete, si
 „nempe ipsi creaturę, cui concedit fa-
 „cultatem signum instituendi, concederet
 „etiam vim, & efficaciam producendi
 „gratiam.

His ita præmonitis, tria supersunt
 „statuenda; *Primum*, quod solus Deus
 „potestatem autoritatis, ac principalem
 „habeat instituendi sacramenta,
 „proprie dicta, ita sibi propriam, & pec-
 „culiarem, ut nulli creaturę possit eam
 „delegare. *Secundum*, quod Christus D.
 „quatenus homo non sit causa princeps,
 „& physica, sed moralis institutionis sa-
 „cramentorum. *Tertium*, quod omnia
 „sacramenta (quatenus est Deus) im-
 „mediate instituerit.

CONCLUSIO PRIMA.

Solus Deus complete, & proprie potest instituire sacramenta. Hęc est
 „*Doctoris* loco suprā laudato num. 5. ubi
 „ait; Quantum ad signationem, pos-
 „sibile esset quod ab aliqua creaturā
 „institueretur sacramentum, quia si-
 „cut posset homo imponere signum
 „speculativum effectus Dei, ut patet
 „de ista oratione; *Deus causat gra-*

K

tiam

21 *siam in animas*, ita posset imponere
22 signum, quod practicè signaret
23 Deum invisibiliter agere; sed non
24 posset dare illi signo, quod esset re-
25 gulariter certum; non enim potest
26 dare certitudinem alicui signo pra-
27 ctico, nisi in cujus potestate est pos-
28 se causare signatum illius signi; so-
29 lus autem Deus potest se determina-
30 re ad causandum effectum sibi pro-
31 prium; ergo solus Deus potest dare
32 certitudinem signo practico sui effe-
33 ctus. Sic ergo patet, quod à Deo
34 solo potest institui sacramentum,
35 quantum ad signum certum. *Et in-*
36 *frà num. 6.* ibi: Quod si hoc (signum
37 certum) est de ratione sacramenti, uti
38 videtur ex illa particula, *efficax*, se-
39 quitur, quod de ratione ejus propriè
40 dicta, à solo Deo possit institui. Si
41 autem est de ratione ejus, &c.

Quibus verbis Doctor satis apertè
docet solum Deum posse sacramentum
instituire: quippe cum solus virtutem
habeat gratiam infallibiliter produ-
cendi ad applicatorem, & positionem
alicujus signi, quamquam posset com-
mittere puræ creaturæ designationem
alicujus signi practici, ad cujus præ-
sentiam ipse gratiam sanctificantem
conferret: Hæc autem, ut diximus,
designatio, esset dumtaxat sacramen-
tū imperfectum ex parte ipsius desi-
gnantis, qui enim tale signum deter-
minaret, ex se non haberet vim illud
signum efficax, & practicum efficiendi,
sed id necessariò præstandum esset à
Deo, ac subinde solus Deus potest au-
thoritativè instituire sacramenta.

Quæ utique ratio sic formari potest.
Ille tantum autoritativè potest insti-
tuere sacramenta, qui potest virtutem
sacramento tribuere, & significatum,
per illud effectum producere. Atqui
solus Deus potest virtutem tribuere sa-
cramento, & illius effectum, nempe
gratiam sanctificantem, & peccati rem-
issionem producere: Igitur, &c.

Major constat. Minor probatur illis
omnibus Scripturæ textibus, quibus
Deus asseritur solus gratiæ sanctifican-
tis, & iustificationis author. Sic Job. 4.
Quis potest facere mundum de immundo
conceptum semine? nonne tu qui solus es?
Et Psalm. 83. *Gratiam, & gloriam dabit*
Dominus, &c.

Dices; Sacramenta legis naturæ
erant signa pro arbitrio ab hominibus
fidelibus ad suæ fidei obtestationem as-
sumenda: sacramenta verò legis scriptæ
sicut & ipsa lex Moysi consignata fue-
rant per Angelos: igitur sacramenta
possunt institui à creaturis.

Respondeo ad primum, ex eo solum
inferri, quòd determinatio signorum
sacramentalium fuerit ex voluntate
humana, non verò quòd ab ea pende-
ret sacramentorum institutio: Deus
enim voluit, & immediatè per se ip-
sum instituit, quòd homines tempore
legis naturæ assumerent ad suam san-
ctificationem signa sensibilia, ad quo-
rum positionem ipse gratiam produceret,
non verò quòd homines illis signis
tribuerent vim producendi gratiam.

Ad secundum dico, legem, & sacra-
menta legis Mosaicæ, ideo dici tradita
per Angelos, non quòd legem istam
condiderint, aut sacramenta illa insti-
tuerint propria autoritate, sed tantum
quòd eorum fuerint promulgatores.

Dices secundò; Qui potest producere
effectus sacramenti, potest etiam in-
stituere sacramentum: sed Ecclesiæ Mi-
nistri producere possunt effectus sacra-
mentorum: igitur, &c. Major constat
ex dictis. Minor verò probatur: Effec-
tus sacramentorum est, ut homo pur-
getur à peccatis, illuminetur, & per-
ficiatur per gratiam: sed purgare, il-
luminare, & perficere pertinet ad Ec-
clesiæ Ministros, ut docet S. Dionysius
in lib. de Ecclesiastica Hierarchia, cap. 5.
igitur, &c.

Nego minorem, & ejus probationem
distinguo. Purgare, illuminare, &
per-

perficere per se immediatè est effectus sacramentorum, concedo: mediatè tantùm, nego: Similiter distincta minore, neganda est consequentia; purgatio enim, quæ attribuitur Ecclesiæ Ministris, non est immediata; Illi namque ideo purgare dicuntur, quia spiritus immundos ejiciunt à cœtu fidelium, & catechismis, ac sacris admonitionibus disponunt ad sacramentorum receptionem; similiter illuminant populum Dei, non quidem per se illuminando singulorum animas, aut gratiam infundendo, sed verbum Dei prædicando, & sacramenta ministrando.

Dices tertio. Ex S. Augustino tract. 5. in Joann. circa medium: Baptismus Joannis erat baptismus hominis: sed baptismus Joannis erat verum sacramentum; igitur homo potest instituere verum sacramentum. Major est ipsius S. Augustini; ait enim; *Aliud est, inquit, baptizare per ministerium, aliud per potestatem; baptisma enim tale est, qualis est ille, in cujus potestate datur: non qualis est ille per cujus ministerium datur: tale erat baptisma Joannis, qualis Joannes; baptisma tamen justi hominis, sed qui acceperat à Deo talem gratiam, ut dignus esset præire judicem; tale autem baptisma Domini, qualis Dominus, &c.*

Respondes negando minorem; baptismus enim Joannis non habebat vim conferendi gratiam sanctificantem, nec remittendi peccata, ut probavimus agendo de baptismo.

Dices denique: Creatura potest designare aliquod signum, ad cujus præsentiam Deus infallibiliter produceret gratiam; sed hoc sufficit ad rationem sacramenti; igitur creatura potest instituere sacramentum. Probat major authoritate S. Augustini loco supra laudato, ubi ait, *Potuit autem Dominus noster Jesus Christus, si vellet dare potestatem alicui servo suo, ut daret ba-*

pptum suum tanquam vice suo, & transisset à se baptizandi potestatem; & constitueret in aliquo servo suo, & tantam vim dare baptismo, translatam in servum, quantum vim haberet baptizans datus à Domino, &c.

Respondes ad minorem cum Doctore loco supra laudato num. 6. quod si hæc ad rationem sacramenti sufficiant, reverà quidem pura creatura poterit ex commissione Dei instituere sacramenta: & hac ratione concillari poterit sententia Doctoris cum opinione Doctorum Angelici, & Seraphici assentientium posse à Deo creaturæ committi virtutem, & facultatem instituendi sacramenta; si nempe hæc institutio sumatur præcisè tantùm, ut est designatio formæ, & materiæ sensibilis, & ut præscindit à certitudine, & efficacia respectu effectus; quod utique patet, quia sic aliqui statuunt remedium legis naturæ fuisse institutum, ut in potestate cujuslibet esset assumere quamlibet rem ad potestatem fidei: Sic Christus per potestatem excellentiæ instituit sacramenta, quæ homo, & sicut Ecclesiæ data est potestas instituendi ritus, & solemnitates sacramentorum, ita potuit committi potestas designandi materiam, & formam, tamen non inde sequeretur certitudo, & efficacia signi instituti, sed ex decreto Dei, quo determinaret concurrere infallibiliter ad productionem effectus significati: igitur signa sic instituta habent quidem suam designationem à pura creatura, suum verò effectum à Deo, & sic creatura esset quidem auctrix institutionis signi, Deus verò esset author effectus significati.

Nec aliud certè voluit S. Augustinus verbis in objectione laudatis, ut constat ex sequentibus; ait enim; *Hoc novit ideo ut in illo spes esset baptizatorum, à quo se baptizatos agnoscerent. Noluit ergo servum ponere spem in servo, ideo clamabat Apostolus, cum vide-*

ret homines volentes ponere spem in seipso; Numquid pro vobis Paulus crucifixus est, aut in nomine Pauli baptizati essitis? Baptizavit ergo tanquam minister, non tanquam ipse potestatis. Baptizaret autem Dominus tanquam potestatis. Quibus patet S. Augustinum nolle eam potestatem primariam, & absolutam interius per sacramenta sanctificandi potuisse communicari servo. Enimvero si talis concederetur, nihil prorsus sequeretur absurdi, si quis in eo spem collocaret; solum itaque voluit potestatem sacramentalem conficiendi, ac ministrandi nomine proprio conferentis, v.g. *Ega te baptizo in nomine Claudii*, vel *meum tibi confiro baptismum*, potuisse quidem conferri servo, sed non fuisse conveniens, ne servus verbis ipsis deceptus in baptizante spem suam, non autem in Deo principali causa reponeret.

CONCLUSIO SECUNDA.

CHAISTUS Dominus quatenus homo est tantum causa moralis, & meritoria institutionis sacramentorum. Probatur. Christus D. aliquam causalitatem habuit circa sacramentorum institutionem: sed non habuit physicam: Ergo moralem. Major patet quia; ut probabitur Concl. sequenti, ipse omnia sacramenta instituit. Minor vero probatur. Causalitas physica vel est principalis, vel instrumentalis: sed neutram habuit.

Non quidem principalem. Tum quia solus Deus est causa principalis justificationis, ut colligitur ex his Scripturæ textibus, *Job. 14. Quis potest facere mundum de immundo conceptum semine? nonne tu qui solus es?* *Isaya 43. & Osee 13. Non est absque te Salvator.* Nec solvitur dicendo, eos textus solum innuere Deum esse causam primam justificationis: siquidem licet Deus sit causa prima calefactionis, ineptè tamen diceretur: Quis potest calorem facere? nonne tu qui solus es? cum ignis par-

ter ad calorem efformandum concurrat.

Tum quia si Christi humanitas esset causa principalis gratiæ per sacramenta producendæ; maximè vel ex innatâ suâ virtute, vel divinitus inditâ. Non primum: quippe cum illius humanitas ejusdem sit speciei, ac ordinis naturalis, cujus sunt ceteræ; gratia autem sit ordinis supernaturalis, & cujusvis nature vires excedens. Non etiam secundum. Id enim haberet vel à gratia habituali, vel ab unione hypostatica. *Non primum:* alias quilibet justus talem habere posset fecunditatem; quippe cum habeat gratiam Christi gratiæ in specie similem. Nec obstat major intensio gratiæ Christi: quia non mutat naturam, & vim efficiendi; forma enim intensior id solum habet, ut intensiorem effectum possit edere; quem, remissior non ederet ratione majoris resistantiæ in passo, quod in præsentî locum non habet.

Non etiam secundum, quia per illam unionem natura non mutatur substantialiter, ac proinde; nullam vim physicam accipit, quam ex se non haberet: Sed Deus ratione unionis ei tantum assistit, quâ divinâ assistentiâ, & unione fit ut humanitas sit causa moralis, meritoria & impetratoria gratiæ, quam alter justus ratione suorum operum, & suæ gratiæ impetrare, & obtinere non posset. Hæc autem moralis causalitas non debet immutare physicè Christi humanitatem: sed sufficit ut Deus per extrinsecum respectum eam dignam efficiat id obtinendi, quod postulat; sicut regia dignitas non immutat physicè naturam Reginæ, quæ aliquid a Rege obinet ratione talis dignitatis; quod alteri non concederetur, v.g. Esther. Sic Christus exauditus est pro sua reverentia, inquit Apostolus; Ut autem esset causa secunda, & physica efficiens ratione unionis hypostaticæ, oporteret ut aliquid reale, & physicum in eam ab unione ipsa effunderetur, alioquin immu-

immutata manens physicè, nullam physicam activitatem ab unione obtineret.

Dicit 1. Illa est causa principalis, cui per se assimilari debet effectus: Sed nostra justificatio in hoc consistit, ut nos assimilet Christi humanitati, juxta illud ad Rom. 8. *Prædestinavit nos conformes fieri imagini* (id est humanitati) *filii sui*. Ergo, &c.

Nego majorem. Siquidem Deus uti potest tanquam instrumento gratiâ unius justî ad producendam gratiam in altero justo; & tunc effectus esset similiis causæ illi morali, & causa illa non esset principalis.

Dicit 2. Quidquid est principium universale nostræ justificationis, est ejus causa principalis: Sed talis est Christus; de plenitudine enim ejus omnes nos accepimus. *Nego majorem.* Et ad minorem dico Christum ideo dici causam universalem justificationis, quia meruit ut homo omnem gratiam, quam ut Deus producit.

Urgebis. Ex hoc plura sequuntur absurda. *Primo* enim sequitur Christum non differre à reliquis ministris, qui etiam sunt causæ instrumentariæ. *Secundo*, si solum esset instrumentum morale, non deberet prius esse justus, & Deo gratus, instrumentum enim non debet habere formam quam in alio producit; quò sit ut etiam Sacerdos, licet sit in peccato mortali, conferat gratiam, & à peccatis solvat, quia tantum est instrumentum. *Tertio*, sequeretur nostram gratiam esse perfectiorem gratiâ, & justificatione Christi: effectus enim semper est nobilior instrumento, quo producitur.

Nego has omnes sequelas. *Primum* quidem, quia licet per instrumentariam virtutem non differat, differt tamen, quia ipse per verum meritum de condigno impetrat à Deo gratiam; ceteri autem per nullum sui meritum, sed per sacramenti virtutem gratiam produ-

cunt. *Secundam* pariter, quia gratia, & sanctitas vere prærequiritur in Christo ut verè impetret; secus si tantum, ut Sacerdos ministraret ea, ex quorum collatione gratia infallibiliter conferatur. *Tertiam* denique: id enim verum est de instrumentis physicis, non de moralibus, & impetrativis; cum enim dona iniquorum non probet Altissimus, nec peccatores exaudiat; hinc ut quis ab eo petita excipiat, justus, & ei gratus esse debet.

Dicit 3. Christus est justus per essentiam, habet enim sanctitatem ex propriis, non autem per participationem: Sed quod est tale per essentiam, est causa principalis cæterorum, quæ talia sunt per participationem.

Distinguo majorem. Quatenus Deus homo habet sanctitatem à se non ab alio emendicatum, concedo; quasi ejus humanitas haberet justitiam à se, non verò à divinitate mutuam, nego. Similiter est distinguenda major. *Quæ* suapte natura talia sunt, concedo; quæ tantum ab alio, nego. Humanitas autem Christi suapte natura sancta, non est, sed per gratiam habitualement, internam, & per externam Dei assilientiam ab unione profluentem, quæ eam physicè non immutant, nec proinde aliquam efficacitatem physicam ei conferunt.

Non est etiam causa instrumentalis physica: Tum quia, ut dictum est, humanitas non habet physicam activitatem in gratiam. Tum quia, ut infra dicetur fusiùs, nulla creatura habere potest efficacitatem naturalem erga gratiam, & ea quæ sunt ordinis supernaturalis. Restat itaque inferendum, Christum tantum esse causam moralem & meritoriam. Meritoriam inquam: quippe cum (inquit Doctor in 4. d. 2. quæst. 1. num. 7. ille sit causa meritoria sacramentorum, qui signis à se institutis meruit efficacitatem gratiæ producendæ; At Christus ut homo id meruit.

Pro-

Probatur. Deus ab hominibus offensus decreverat talem offensam non condonare, nec aliquod auxilium ad eam expiandam concedere, nisi prius divinus honor resarciretur, iustitiæque divinæ factum fuisset satis, per oblationem alicujus tantum honoris Deo tribuentis quantum hominis peccatum abstulerat: Sed id præstitit Christus, seipsum offerendo ut nos redimeret ab omni iniquitate: imò ubi abundavit delictum superabundavit & gratia, ut copiosa apud eum esset redemptio: Ergo, &c.

Confirmatur, nam omnis sacramentorum efficacia provenit ex passione Christi: igitur est eorum causa meritoria.

Probatur antecedens ab eo sacramenta habent suam efficacitatem, à quò habent quòd gratia ad eorum collationem regulariter, & infallibiliter producat ut quid id habent meritorie à passione Christi. Major constat; siquidem non alia est sacramentorum, efficacia. Minor probatur. Omnis gratia hominibus conferenda solum confertur intuitu, & virtute Christi meritorum. Unde S. Joannes: *Gratia, & veritas per Jesum Christum*. Et rursus, *De ejus plenitudine omnes nos accepimus*. Ergo maximè ratione completorum Christi meritorum: Sed Christi merita non fuisse completa nisi per mortem, & passionem, quæ fuit nedum vitæ passibilis terminus; sed & signaculum, & complementum ejus meriti. Licet enim nomen Jesu ei fuerit inditum in Circumcisione, & prius ab Angelo prænuntiatum quàm nasceretur: Attamen in sola passione ejus nominis perfectam virtutem assecutus est, juxta illud Apostoli. *Christus humiliavit semetipsum, salsus obediens usque ad mortem, mortem autem crucis, propter quod, &c.* Cum ergo Salvatoris nomen non nisi per mortem perfectè fuerit assecutus, inferendum est ab ejus morte no-

stræ salutis media, qualia sunt sacramenta, suam duxisse virtutem, & originem. Idipsum indicant omnes illi sacri contextus, quibus Christus dicitur nos lavisse à peccatis nostris in sanguine suo; redemisse nos non corruptilibus auro vel argento, sed pretiosissimo sanguine, &c.

Dices. Effectus in actu, non est nisi à causa in actu, ex Arist. 5. Metaph. 5. cap. 2. sed passio Christi non est in actu: ergo non potest tribuere efficaciam, quam actu sacramenta obtinent.

Distinguit majorem Doctor. Causa efficiens, & physica, concedit: moralis, & meritoria, negat: Plura namque actu beneficia conferimus propter obsequia præterita, & quorum sola memoria perseverat.

Dices 2. Sacramenta haberent illam efficaciam à Christi passione vel præterita, vel futura. Non primum, aliàs Baptismus, & Eucharistia non haberent illam efficaciam; quippe cum ante passionem fuerint instituta. Non etiam secundum, aliàs sacramenta legis veteris parem habere potuissent efficaciam. Ergo, &c.

Respondet Doctor, habuisse à passione exhibita non quidem in actu exteriori, sed interiori, quo Christus ab instanti Conceptionis se cruci, & morti adjudicavit, juxta illud: *In capite libri scriptum est, &c.* Et illud. *Baptismo habeo baptizari, & quomodo coarctor donec perficiatur? &c.* *Resp.* 2. quòd si ministrata fuissent vivente Christo, minorem efficacitatem habuissent, tum quia cælum non aperuissent suscipientibus; tum quia si ex tota Christi vita sit facta, & integrata una oblatio ad nostram redemptionem, ex qua sacramenta nostra suam hauserunt efficaciam, certo certius est eam non ita secundam fuisse ex incompleta, quàm fuit ex completa per passionem oblatione.

Dices 3. Si Sacramenta haberent illam efficaciam à Christi passione, maximè

mè vel tanquam à causa meritoria, vel tanquam à causa principali. Non secundum; quia nihil potest esse causa principalis, & efficiens sacramentorum, nisi quod potest esse causa effectus signati per sacramenta: sed solus Deus potest esse causa efficiens, & principalis gratiæ. Neque etiam secundum; quia gratiæ nulla est causa meritoria, *si enim ex meritis, jam non est gratia*, ut arguit Paulus, Rom. 9.

Respondet Doctor esse causam meritoriam. Ad Apostolum dicit, gratiæ non esse quidem causam meritoriam de condigno in eo, qui ipsam suscipit, aliàs esset præmium, non gratia. Possè tamen in eo esse causam meritoriam de congruo; & alius pro illo qui suscipit potest mereri de condigno; sic gratia nobis data non est gratia respectu Christi, *ei enim, qui operatur, merces non reputatur secundum gratiam, sed secundum debitum*, ut loquitur Apostolus: sed est gratia respectu nostri, tum quia illius principium, nempe Christus, nobis datum est gratis; tum quia gratia ipsamet nobis gratis applicatur.

Instabis. Ergo absolute non debet dici gratia licet mihi concedatur gratis, quia est præmium alterius. *Resp.* Doctor, quod si in rigore sumatur gratia, nullum opus Dei dici potest puræ gratiæ, nisi sola Incarnatio; quia omnia alia opera in homines à merito passionis, effluunt: Incarnatio verò fuit quidem accelerata, & in aliqua ratione ac persona operata propter meritum de congruo, vel Patriarcharum, vel B. Virginis; non fuit autem decreta, nisi ex pura misericordia.

Dices 4. Si sacramenta efficaciam exceperunt à Christi passione: maxime ex vulnerato ejus latere: dicit enim S. Aug. 15. de civit. cap. 26. *Osium in latere arce Noe est vulnus lateris Christi ex quo sacramenta manarunt*: sed ab eo vulnere non potuerunt habere effica-

ciam, quia vulnus illud inflatum fuit lateri Christi jam mortui, & ac proinde incapaci meriti: igitur, &c.

Respondeo sacramenta non habere efficaciam à vulnere: sed ab operibus, & passionibus Christi meritoriis dum viveret. *Vel* si à vulnere; non prout illatum est; sed prout illud prævidens Christus dum viveret, voluntariè acceptavit. Unde S. Aug. mysticè loquitur, & per quandam similitudinem eorum, quæ à Christi latere fluxerunt cum sacramentis. Sanguis enim assimilatur speciei vini in Eucharistia, & aqua quæ fluxit, assimilatur aquæ baptismali; unde dicit S. Augustinus hæc duo sacramenta ex Christi latere fluxisse.

CONCLUSIO TERTIA.

OMNIA novæ legi sacramenta sunt immediate instituta à Christo Domino. Hæc videtur esse de fide determinata in Concilio Tridentino sess. 7. Can. 1. his verbis: *Si quis dixerit sacramenta novæ legi non fuisse omnia à Christo instituta anathema sit*. Ubi quamvis particula *immediate* expressè non habeatur: tamen Canonem de immediata institutione intelligendum esse, apertè colligitur: *Primo* quia aliàs Concilium hunc Canonem non edidisset, si ageretur solum de institutione mediata: eam enim ultra fatentur omnes; quippe cum certum sit Ecclesiam nihil præscribere, maxime in his, quæ spectant ad sacramentorum consecrationem, & administrationem, nisi per auctoritatem sibi à Christo D. delegatam. *Secundo*, quia hic Canon additus est præsertim contra Lutheranos, qui contenebant sacramenta baptismi, & Eucharistiæ tantum esse à Christo D. instituta, ac subinde affirmabant, cætera esse quidem sacros ritus ac Ecclesia ordinatos, sed negabant esse propriè dicta sacramenta. *Tertio*, quia sess. 21. cap. 2. declarat S. Synodus hanc potestatem perpetuo

tud in Ecclesia fuisse, ut in sacramentorum dispensatione, salva illorum substantia, statueret vel mutaret ea, quæ suscipientium utilitati, seu ipsorum sacramentorum venerationi, pro rerum, temporum, & locorum varietate magis expedire judicaret: at frustra adderetur hæc exceptio, *salva illorum substantia*, si illa non à Christo, sed ab Ecclesia, fuissent instituta; enim verò si illa instituisse Ecclesia, illorum quoque substantiam mutare posset; ejusdem enim est potestas, & leges ferre, & approbare. Quarto denique, si difficultas foret de immediata institutione alicujus sacramenti à Christo D. maximè de Extrema-Unionione, quam à S. Jacobo institutam esse nonnulli contendunt, ex capite 4. ejus epistolæ Canonice: sed Concilium Tridentinum sess. 14. Can. 1. de sacramento Extreme-Unionionis, decernit: *Si quis dixerit Extremam-Unionionem non esse verò, & propriè sacramentum à Christo D. N. institutum, & à B. Jacobo promulgatum, sed ritum tantum acceptum à Patribus, aut signum tantum humanum, anathema sit.*

Colligitur pariter hæc veritas è Scriptura sacra nam S. Paulus 1. ad Cor. 4. ait: *Sic nos existimet homo, ut Ministros Christi, & dispensatores mysteriorum Dei*, id est sacramentorum: sed si sacramenta quædam instituisse Apostoli, non essent tantum dispensatores: sed etiam auctores: & institutores mysteriorum Dei: igitur, &c. Deinde Actor. 1. Christus D. dicitur post Resurrectionem, per dies quadraginta apparuisse Discipulis, cum eis conversatum, & locutum esse de regno Dei, id est de Ecclesia ædificanda, & administranda: sacramenta autem pertinent imprimis ad ædificationem, & administrationem Ecclesiæ.

Unde præclare S. Leo serm. 1. de Ascensione Domini, scribit: *Hi dies qui fuerunt inter Domini Resurrectionem, & Ascensionem, non otiosè transiere de-*

cursu, sed magna in eis confirmata sacramenta, magna sunt revelata mysteria.

Hoc ipsum luculenter confirmat subtilis Doctor in 4. d. 2. quest. 1. num. 4. ubi ait: Omnia sacramenta instituta sunt à Christo, vel à Deo pro tempore istius legis. Quod breviter ostendo hic: quia de singulis in locis eorum propriis plenius apparebit. De Baptismo patet quod fuit institutus à Christo vivente: quia Discipuli baptizabant, ut patet Joan. 3. & præceptum fuit ut publice prædicaretur. Matth. ult. *Ite, docete omnes Gentes baptizantes eos &c.* De Eucharistia patet ejus prædicatio diffusa, Joan. 6. sed institutio in Cæna. Matth. 6. De Confirmatione patet institutio. Joan. 20. *Accipite Spiritum sanctum, &c.* Vel in die Pentecostes, Act. 2.

De Pœnitentia dicitur quod est instituta Jacob. 5. *Confitemini alterutrum, &c.* Sed hoc non videtur probabile ex processu litteræ, quia statim sequitur: *Orate pro invicem, &c.* Manifestum est enim quod per illud sequens non intendebat aliquod sacramentum instituere, nec promulgare: nec etiam erat apud Jacobum authoritas instituendi aliquod sacramentum, sicut post tangetur in ratione ponenda ad istam conclusionem. Melius ergo est ut dicatur institutum fuisse. Joan. 22. *Accipite Spiritum sanctum, quorum remiseritis peccata, &c.* Et promissam. Matth. 16. *Tibi dabo claves regni cælorum, quodcumque ligaveris, &c.* Ista enim potestas non erat principaliter dimittendi peccata, quod est Dei proprium: sed arbitrandi de dimissione peccati, arbitrio à Deo approbatò, sic autem arbitrari, est in foro pœnitentiæ, solvere vel ligare.

De Extrema Unionione dicitur quod Jacob. 5. *Infirmatur quis in vobis? &c.* Sed licet ibi promulgaverit sacramen-

mentum, est melius dicere, quòd fuerit institutum à Christo. Legimus enim *Marci 6.* quòd Apostoli ungebant oleò multos infirmos, & sanabantur: constat autem quòd hoc non fecerunt, nisi in virtute Christi, qui instituerat illam unctionem virtuosam.

De Matrimonio apparet *Matth. 19.* *Non legistis* (ait Christus) *quia masculum, & feminam fecit eos,* supple Deus, & dixit, supple os Adæ. *Quamobrem relinquit homo;* &c. ubi Christus approbat, & ratificat id, quòd Deus in statu innocentie, per os Adami publicavit.

De Ordine, *Matth. 26.* *Hoc facite in meam commemorationem.* Et *Joan. 20.* *Quorum remisistis peccata,* &c. Hæc enim duo pertinent ad Ordinem Sacerdotalem, scilicet potestas, respectu corporis Christi veri, & potestas respectu corporis Christi mystici, ut dicetur in materia de Ordine.

Quòd autem hæc omnia à solo Deo fuerint instituta, patet per illud; quòd tactum est in generali de institutione sacramenti. Nulli enim competit signum instituire practicum, nisi vel respectu alicujus actus sui proprii, vel respectu alicujus, qui subest sibi, quantum ad illum actum; sacramentum autem est signum practicum respectu effectus Dei proprii, & Deus non potest in actu sibi proprio alicui alibi subesse: Ergo, &c. *Hæc Doctor.*

Eandem veritatem docent SS. Patres, maxime S. Dionysius, qui in Ecclesiast. Hierarchia cap. 1. ait: *Apostoli sacramentorum formas accipere, non confinxere:* Sed aliunde non potuerunt accipere, quam à Christo; igitur, &c.

Similiter S. Ambrosius lib. 4. de Sacramentis c. 4. ait: *Auctor sacramentorum quis est, nisi Dominus Jesus?* Et S. Augustinus lib. de vera Religione cap. 17. *Ubi,* inquit, *venit tempus gra-*

Tom. X.

tia, ab ipsa Dei sapientia bonitæ assumpto, à quo in libertatem vocati sumus, pauca sacramenta saluberrima constituta sunt, &c.

Suadetur etiam triplici ratione, seu congruentià; decens enim erat, ut omnia sacramenta, quæ sunt efficacia media ad salutem consequendam, ab eo ortum ducerent, qui est reverà Mediator Dei, & hominum, ne videlicet in alio, quàm in ipso Mediatore homines suam spem constituerent. *Secundò* ne divisio, & schisma in Ecclesia fieret, propter diversa sacramenta à diversis instituta; si enim facta fuisset inter fideles contentio, ex eo quòd qui baptizati fuerant ab Apostolis, se præferendos esse existimarent iis, qui dumtaxat à Discipulis baptismum susceperant, ut observat Apostolus 1. ad Cor. 1. objurgans eos, quòd dicerent, *Ego quidem sum Pauli: ego autem Apollæ, ego verò Cephe,* licet omnes in Christi baptismo fuissent baptizati; at quando magis fuissent invicem divisi, si à diversis diversa suscepissent baptismata? Denique, cum ad caput Reipub. pertineat condere leges fundamentales, & quæ vim habeant in tota Reipub. cujusmodi sunt leges sacramentales, eò ipso quòd essent plures sacramentorum institutores, essent etiam plura capita in Ecclesia, quòd utique absurdum, & periculosum esset.

Dices primò: Christus D. *Joan. 20.* Discipulis alloquens ait: *Sicut misi me vivens Pater, & ego mitto vos:* atqui ille ita missus est à Patre, ut habuerit potestatem instituendi sacramenta: ergo eandem Apostolis delegavit.

Distinguo majorem: Quantum ad aliquid, nempe quoad munus reconciliationis hominum, & extensionem remissionis peccatorum, concedo: quia ut dicebat S. Paulus, *Pro Christo legatione fungimur:* quantum ad omnimodam autoritatis plenitudinem, nego: Alioquin sequeretur, quòd quemadmodum

L

Chri-

Christus D. potuit remittere peccata, abique ulla sacramentorum interventione, ita etiam peccata sic remittere potuerint Apostoli.

Dices secundò : Author quisquis est sermonis in Cona apud S. Cyprianum, agens de ablutione pedum, ait : *Ipsè summus Sacerdos sui est sacramenti institutor, & author, in cæteris homines Spiritum sanctum habuere Doctores, & ut par est Spiritui S. & Christo divinitas, ita suis in institutis par est auctoritas, & potestas, nec minus ratum est, quod dilante Spiritu S. Apostoli tradidere, quàm quod ipse Dominus tradidit, & in sui commemorationem fieri præcepit* : Ergo censet Christum D. solam Eucharistiam immediatè instituisse.

Respondeo primò negando consequentiam : Christus enim ideo dicitur institutor, & author Eucharistiæ præ cæteris sacramentis, quia prius eam celebravit; nec tantùm instituit, sed etiam exhibuit, & accepit; alia sacramenta non ita. Hæc enim Apostoli jam à Christo instituta contulerunt, & acceperunt.

Respondeo secundò, Authorem illum per Sacramentum Christi intelligere, non solam Eucharistiam, sed etiam alia sacramenta; per ly verò *in cæteris*, intelligere cæremonialia, quæ non à Christo immediatè, sed ab Ecclesia fuerunt instituta, ut explicant Bellarminus, Gravina, & alii. Addo, præfatam auctoritatem non favere hæreticis, cùm illi doceant, non solum Eucharistiam, sed etiam baptismum à Christo immediatè fuisse institutum.

Dices tertio : Ex S. Augustino epist. 118. *Christus levi suo iugo nos subdidit, & sarcina levi*; unde sacramentis numerò paucissimis, observatione facillimis, significatione præstantissimis, societatem novi populi colligavit, ut est baptismus, communicatio corporis, & sanguinis ipsius, & si quid in Scripturis Canonicis commendatur: illa autem, quæ

non scripta, sed tradita custodimus, quæ totò terrarum orbe servantur, intelligi vel ab ipsis Apostolis, vel plenariis Conciliis, quorum est in Ecclesia saluberrima auctoritas, commendata, & statuta ratineri : Ergo Christus ea solum instituit immediatè sacramenta, quæ commendantur in Scripturis, alia sunt ab Apostolis instituta.

Nego consequentiam : Omnia quippe sacramenta commendantur in Scripturis saltem implicite. *Secundò*, multa de sacramentorum materia, & forma Christus immediatè tradidit Apostolis, & ipsi suis Successoribus, quæ scribere noluerunt, ne vilescerent apud imperitos, & profanos. Nam ex S. Augustino epist. 57. *Nosti in quo sacrificio dicitur: Gratias agamus Domino Deo nostro*. Ex 3. Hierarchiæ Ecclesiasticæ. *Vide nè Sancta Sanctorum enunties: sed veneris potius; nec ea minus perfectà tradas, sed cum iis solis, qui sacri sunt, communices*. Et cap. 7. *Consecratorias invocationes nefas est seipso interpretari, & arcenum carum sensum, virtutisque, quas in iis Deus operatur secretò, in publicum efferre*. Quare quæ dicit S. Augustinus *Apostoli, aut Concilii statuta custodit*, sunt Ecclesiasticæ cæremoniæ, putà quòd Domini Passio, Resurrectio, Ascensio in cælum, & adventus de cælo S. Spiritus anniversarià solemnitate celebrantur, et si quid aliud universa servat Ecclesia.

Urgebit : Idem S. Augustinus lib. 3. de doctrina Christiana, cap. 19. ait : „ Postquam resurrectione Christi manifestum nostræ libertatis indicium „ illuxit, ne eorum quidem signorum, „ quæ jam intelligimus operatione, „ gravi sumus onerati, sed pauca pro „ multis, eademque factu facillima, & „ intellectu augustissima; & observa- „ tione castissima, ipse Dominus, & „ Apostolica nobis tradidit discipli- „ na : igitur ex ejus mente non solum „ Christus, sed & Apostoli sacramen-

„ta tradiderunt, & instituerunt.

Distinguo majorem : Ipse Dominus, & Apostolica tradidit disciplina, nempe Dominus instituendo, Apostolica autem disciplina commendando, & dispensando, quod Christus instituit; concedo : quasi Christus ipse dumtaxat quædam sacramenta, Apostolica verò disciplina cætera instituerit, nego. Et similiter distinctâ minore, nego consequentiam.

Dices quartò : Plurimi sunt Doctores Catholici : qui diserte asserunt aliqua sacramenta vel ab Apostolis, vel in Conciliis esse instituta. Nam Hugo Victorinus lib. 2. de sacramentis, p. 15. cap. 2. expressis verbis habet, Sacramentum Extremæ-Uctionis infirmorum ab Apostolis institutum legitur : Jacobus enim Apostolus in epistola sua scribens sic ait : *Infirmatur quis in vobis? &c.* Idem de sacramentali Confessione censet S. Bonaventura in 4. dist. 17 art. 1. quæst. 3. Confessio, inquit, fuit à Domino insinuata, & ab Apostolis instituta, ab Episcopo Jerosolymitano S. Jacobo promulgata in epist. sua cap. 5. ubi ait : *Confitemini alterutrum peccata vestra.*

Quam utique assertionem sic probat. Quia, inquit, confessio hominis est opus purè humanum : Unde non est data virtus sacramenti ipsi confessioni, sed absolutioni; ideo rectè hominibus puris institutio debuit reservari. Ex his quæ dicta sunt, quatuor possunt rationes elici, quare Dominus immediatè confessionem, & expressè non instituit. *Prima*, quidem, quia non oportuit. *Secunda* verò, quia in hoc voluntariam esse debere docuit. *Tertia*, quia est sacramentum recidivantium. *Quarta*, quia quantum est de se, est opus humanum. Unde credo, quòd per se non instituit; etsi dicatur instituisse, hoc est intelligendum, innuendo, & auctoritatem dando.

Insuper Alenus noster quæst. de sacramento Confirmationis membr. 1. ait : Dicunt alii hoc sacramentum fuisse institutum à Domino, & collatum : utpote quando manus super pueros imposuit. *Matth. 19.* Sed quia in illa impositione manuum non expressum est aliquid de forma verborum, vel de materia, qua mediante hoc sacramentum exerceretur, patet quòd non fuit à Domino institutum.

Dicunt alii, quòd hoc sacramentum fuit institutum ab Apostolis, collatum, & ministratum; quod non est verum, & hoc patet per hoc quòd Apostoli confirmabant sola impositione manuum sine inunctione, & sine forma verborum, qua utitur Ecclesia.

Propter hoc sine præjudicio dicendum, quòd Dominus neque hoc sacramentum, ut est sacramentum, instituit, neque dispensavit, neque Apostoli. Intelligendum est igitur, quòd post Ascensionem Domini congruebat Apostolos confirmari, & illis Spiritum sanctum dari ad robur; Unde *Spiritus sanctus nondum erat datus, quia Jesus nondum erat glorificatus.* Non, inquam, in plenitudine, vel ad robur, sed fuit datus die Pentecostes : unde Apostoli confirmati sunt à Spiritu S. immediatè sine mysterio, & sacramento, & ipsi deinde confirmabant sine sacramento. Quare hoc? Infrà patebit. Sed postquam Apostoli, qui erant bases Ecclesiæ, qui à Domino erant prælati, & Spiritu sancto confirmati, defecerunt : institutum fuit hoc sacramentum, sancti Spiritus instinctu, in Concilio Meldensi quantum ad formam verborum, & materiam elementarem, cui etiam Spiritus S. contulit virtutem sanctificandi. *Idem docet S. Bonaventura in 4. d. 7. qu. 1.*

Respondeo primò, nomine *institutoris* sacramentorum illos autores co-

rum promulgationem, & ministrati-
onem intellexisse; quod autem nonnulli
de Confirmatione cum Alensi censent,
illam in Concilio Meldensi celebrato
anno 844 fuisse institutam, nulla ratio-
ne confirmari potest: cum nequidem
ullum verbum institutionis, vel pro-
mulgationis in Canonibus illius Con-
cilii habeatur. Si enim spectemus Acta
Concilii, prout referuntur tom. 3. Con-
ciliorum Galliæ, duo tantum Canones
habentur de Chrismate, nempe 45. &
46. In primo prohibetur ne quis propter
sacrum chrisma aliquod muneris acci-
piat: In secundo, ne quis sacrum chris-
ma, nisi in feria 3. majoris Septimanæ
conficere præsumat. Si autem attenda-
mus ad caput *ut Episcopi*, à Gratiano
ex Concilio Meldensi citatum de con-
secratione, dist. 5. præcipitur tantum
ut Episcopi; nonnisi jejuni per im-
positionem manuum Spiritum sanctum
tradant. Nulla autem sit mentio de
institutione.

Respondeo secundò, quòd olim respon-
debat S. Augustinus Donatistis ob-
cientibus auctoritatem S. Cypriani de
nullitate Baptismi ab hæreticis collati,
libro 2. contra Cresconium cap. 30. *Non
accipio*, inquit, *quod de baptizandis hæ-
reticis, & schismaticis B. Cyprianus sen-
sit, quia hoc Ecclesia non accipit pro qua
B. Cyprianus sanguinem fudit.*

QUÆSTIO SECUNDA.

*Quenam sit Sacramentorum efficacia,
& virtus?*

Notandum primò, circa sacra-
mentorum efficacitatem, ac produ-
cendi virtutem variè erratum esse tum
à veteribus, tum à Recentioribus hæ-
reticis. Refert enim S. Augustinus lib.
de hæresibus hæresi 46. *Manicheos ne-
gasse sacramentis vim justificandi; Ba-
ptismum*, inquit, *in aqua nihil cuiquam
perhibent salutis asserre, nec quemquam*

*eorum quos decipiant; baptizatum pu-
tant.* PAULITANI quoque, teste Euty-
mio lib. 2. Panopliæ, cap. 22. docuerunt
baptismum nullatenus animæ prodesse;
quamvis aliquam utilitatem asserret
corpori, *Liberos*, inquit, *jussu ab Ec-
clesiæ Præbyteris salutari baptismo vo-
lunt aliquando lustrari; existimant
enim crucem, & baptismum corpori pro-
desse: quorum tamen vim ad animæ pur-
gationem pervenire non putant, nec ul-
lam aliam asserre allicitatem.* Similiter
Mazzaliani, seu Messaliani, referente
S. Damasceno lib. de centum hæresibus
circa finem, emendationem animæ so-
lis precibus aiebant fieri: nec baptis-
mum hominem perficere, neque divina
sacramenta animi sordes expiare, sed
ad id conferre solas preces, quæ ab ho-
mine funduntur: hinc *Euchyte*, hoc
est, *precatores* dicti sunt, quia ex Theo-
doreto lib. 4. hæreticarum fabularum,
cap. 11. salutis perfectionem solis pre-
cibus tribuebant, rati baptismum au-
ferre solum peccata novacula instar,
non autem peccatorum radices, quas,
ajebant, oratione sola, funditus evelli;
malumque dæmonem unicuique ab ini-
tio assignatum penitus ab animo ex-
pelli. Vocabantur etiam *Entusastæ*,
quòd alicujus dæmonis in se vim ad-
mitterent, quam sancti Spiritus præsen-
tiam appellabant. Tandem Armenii
distinguentes inter remissionem pecca-
torum, & gratiam, fatebantur per sa-
cramenta remitti peccata, negabant
tamen per ea gratiam, sive quodlibet
aliud bonum justificans conferri, ut
asserit Guido Carmelita lib. de hæresi-
bus cap. 16.

Quantum autem ad recentiores hæ-
reticos, non una, eademque, sed mul-
tiplex fuit eorum circa Sacramento-
rum efficacitatem sententia: nam Sa-
cramentarii, & Anabaptistæ omnimo-
dam eis gratiæ productionem dene-
gant. Quod autem pertinet ad Luth-
erum, & Calvinum, si eorum verba
spe-

species, aliquando nobiscum consentire, aliquando verò dissentire videntur: reverè tamen à nobis penitus discrepant; neque enim aliam causalitatem astruunt in sacramentis, quàm vel oblationis, vel rememorationis, non autem veræ productionis gratiæ; ita quòd velint quidem per sacramenta excitari, & nutrirì fidem, per quam homo divinas promissiones comprehendat: cujus apprehensionis beneficio iustificetur per fidem. Unde Melancthon in apolog. Confessionis Augustanæ circa artic. 5. & 13. audacter pronuntiat: *Damnamus totum populum Scholasticorum Doctorem, qui docent quòd sacramenta non poenitentibus obicem conferunt gratiam ex opere operato sine bono motu utentis. Hæc simpliciter Judaica est opinio; quod per caeremonias iustificamur sine bono motu cordis, hæc est sine fide, & tamen hæc impia, & perniciofa opinio magna auctoritate docetur in toto Regno Pontificio.* Qui quidem errores ut confutentur, & Catholica doctrina ab impia hac hæreticorum criminatione, & calumnia vindicetur, tria hic statuenda sunt; *Primum*, quòd sacramenta producant gratiam sanctificantem ex opere operato; *Secundum*, qualiter eam producant, utrum per physicam activitatem; an verò dumtaxat per moralem; *Tertium*, qualem gratiam producant, & conferant, quæ ut evidentiore fiant.

Notandum secundò, quòd cum dicitur gratiam produci ex opere operato, nihil aliud significatur, quàm ipsam produci virtute operis externi elicit; duplex enim humanum opus distingui potest, externum videlicet, & internum: externum autem se habet veluti passivè, quia ab interno imperatur, & suum valorem, ac meritum obtinet, unde Theologi sumperunt ansam distinguendi duplicem operandi modum, nempe ex opere operantis, & ex opere operato. Tunc dicitur aliquis agere ex

opere operantis, quando producit effectum ex vi, & efficacia operis interioris, putà cum quis gratiam sanctificantem obtinet virtute contritionis, aut alterius dispositionis: dicitur verò agere ex opere operato, dum scilicet aliquem exercet actum exteriorem, virtute cujus producat gratia, etiam si nulla in suscipiente esset ad gratiæ susceptionem efficax dispositio, dummodò ex parte ipsius nullus addit obex.

Itaque conferre gratiam ex opere operato, est eam conferre ratione operis exterioris: seu collationis sacramenti, non autem ratione actus interioris suscipientis, aut ministrantis; vel quòd idem est, ipsam conferre non ratione meriti, sed ultra meritum suscipientis, & solum ratione operis exterioris suscepti. Non quòd velimus sacramenta conferre gratiam adultis absque ulla eorum dispositione; quemadmodum nobis perperam imponunt Melancthon, & Calvinus lib. 4. Instit. c. 14. §. Ubi fingit sensum hujus controversiæ esse. *Num sacramenta gratiam conferant sine fide, aut bono motu cordis, vel dispositione suscipientis?* Contrarium enim apertè tradit Concilium Tridentinum sess. 6. ubi docet ad gratiam sacramentalem percipiendam in adultis prærequiri fidem, poenitentiam, devotionem, &c.

Neque est quòd Calvinus ibidem §. 14. irrideat hæc vocabula ex opere operato, eaque appellet monstra verborum, & nova commenta: si enim teste Horatio de arte Poetica.

Multa renascentur, quæ jam ceciderent, cadentque,

Quæ nunc sunt in honore vocabula,
si volet usus.

Et Cicerone scribente in Tusculanis: *Usus multa vocabula adinvenit, & inventa antiquavit.* Certè usus plusquam 400. annorum pro hac voce præscripsit: siquidem eam reperimus ab Innocentio III. usurpatam lib. 3. de mysterio

Mis-

Misæ cap. 5. ubi scribit. *Non ergo Sacerdotis iniquitas effectum impedit sacramenti: sicut nec infirmitas medici virtutem medicinæ corrumpit: quamvis igitur opus operanti aliquod sit immundum, semper tamen opus operatum est mundum.* Neque insinuatum est, ac insolitum nova cudere verba, & contra Grammaticæ regulas, verbum deponens in passivum commutare: hujus enim praxis fundamentum habemus in epistola ad Hebræos cap. 3. his verbis: *Talibus hostiis promeretur Deus*, ubi verbum deponens *promeretur* passivè sumitur. Unde in simili S. Augustinus in Psal. 138. maluit dicere *offum ossi*, quàm *os ossi*, ut nempe faciliùs intelligeretur à populo. *Melius est enim*, inquit, *ut nos reprehendant Grammatici, quàm non intelligant populi.*

Notandum tertio, duplicem distingui posse causam productivam alicujus rei: unam physicam; aliam moralem. *Physica* dicitur, quæ per actionem realem attingit ipse rei entitatem, & productionem: *Moralis* verò, quæ non attingit effectum per actionem suam, sed vel applicando activa passivis, sicut medicus dicitur causa sanitatis: vel inducendo agens ad agendum precibus, consiliis, imperio, prohibitione, proposito præmio, & similibus. Rursus utraque causa est duplex, nempe principalis, & instrumentaria; *Principalis* physica est, quæ per se effectum attingit, & independentè ab influxu alterius causæ, licèt aliam in effectus producendi consortium admittat: *Moralis* verò principalis ea dicitur, quæ principalis, & efficacius movet ad effectus productionem: v.g. Princeps, qui præcipit ærarii Præfecto, ut centum aureos alicui largiatur, dicitur causa principalis ejusmodi largitionis. Causa *Physica instrumentalis*, ea est quæ non operatur per virtutem formæ sibi inexistentis, sed solum per motum: quo movetur à principali agente: *Moralis* verò

instrumentalis dicitur organum, quo principalis causa utitur ad effectum producendum: v.g. epistola regia manu scripta ad ærarii Præfectum, ut largiatur centum aureos, est causa moralis instrumentaria ejusmodi donationis, quia est instrumentum, quo utitur Princeps ad talem effectum; principalis autem moralis est voluntas Principis. Queritur autem qualiter sacramenta producunt gratiam: utrum videlicet per modum causæ physicæ, aut moralis; principalis, aut instrumentariæ: cùm autem sacramenta diversa sint, & alia aliis præstantiora, etiam statuendum est utrum majorem, aut æqualem gratiam in subjectis æqualiter dispositis producant.

CONCLUSIO PRIMA:

SACRAMENTA novæ legis producunt gratiam ex opere operato, seu vi sua, ut causa instrumentaria. Hæc est de fide determinata in Conciliis: Primò quidem Nicæno ab Alphonso Pisano linguæ Latinæ reddito, ubi lib. 3. Constitutionis de S. Baptismo sic habetur; *Baptisma nostrum*, inquit, *non oculis corporeis considerandum est, sed mentis oculis, aquam videt, considera virtutem Dei in aquis absconditam: descendit qui baptizatur reus peccatorum, & ascendit liberatus ab hac servitute, & peccato, factus filius Dei, & heres ejus gratiæ.* Idem expressè tradit Florentinum in decreto Eugenii, ubi decernitur septem esse novæ legis sacramenta, quæ multum differunt à sacramentis veteris legis; illa enim non causabant gratiam; sed solum per passionem dandam esse significabant: hæc verò nostra, & continent gratiam, & ipsam dignè suscipientibus conferunt.

Sed omnium clarissimè Tridentinum sess. 7. Can. 6. de Sacramentis: *Si quis dixerit Sacramenta novæ legis non continere gratiam: quam significant, aut gratiam ipsam non ponentibus obicem, non conferre, quasi & signa tantum exte-*

terna sunt accepta per fidem gratiae, & iustitiae, & nota quaedam Christianae perfectionis, quibus apud homines discernuntur fideles ab infidelibus, anathema sit. Et can. 7. Si quis dixerit per ejusmodi sacramenta non dari gratiam semper, & omnibus, quantum est ex parte Dei, etiam si ea vix suscipiant; sed aliquando, & aliquibus, anathema sit. Et Can. 8. Si quis dixerit per ipsa non legi sacramenta ex opere operato non conferri gratiam, sed ipsam fidem solam divinae promissionis, ad gratiam conferendam sufficere, anathema sit: Idem colligitur ex Symbolo Constantinopolitano, & Nycæno; ubi definitur: Confiteor unum baptismum in remissionem peccatorum.

Probatur primò hæc veritas, ex iis omnibus Scripturæ textibus, quibus gratia per Sacramenta conferenda, aut collata declaratur; Primò quidem, id constat de baptismo; scriptum est enim Joan. 3. Nisi quis renatus fuerit ex aqua, & Spiritu sancto, &c. Quibus verbis regeneratio, & nativitas spiritalis tribuuntur Spiritui sancto, tanquam causæ principali: aquæ verò tanquam causæ instrumentali: aqua enim conjungitur cum Spiritu sancto tanquam causa hujus regenerationis, quod maximè denotatur per particulam ex; illa namque causalitatem aliquam indicat, ut norunt Grammatici.

Respondet Calvinus lib. 4. Institutionum cap. 16. num. 27. per aquam significari Spiritum sanctum: Aquam ergo, inquit, & Spiritum simpliciter accipio pro Spiritu, qui aqua est. Neque hæc est nova locutio: prorsus enim cum illa, quæ Matth. cap. 3. habetur conuenit; Qui sequitur me; ille est qui baptizatur in Spiritu sancto, & igne. Quemadmodum ergo Spiritu sancto, & igne baptizare, est Spiritum sanctum conferre, qui in regeneratione ignis officium, naturamque habet: ita renasci aqua, & Spiritu, nihil

aliud est, quàm vim illam Spiritus recipere; quæ in anima id facit, quod aqua in corpore.

Verùm, Hunnius Lutheranus lib. de Baptismo cap. 10. meritò hanc Calvinii interpretationem vocat *profligatam temeritatem*, & *diaboli glossam contortam*: siquidem hæc directè militat in alios Scripturæ textus, quibus peccatorum remissio, & hominis justificatio ipsi baptismati tribuitur. Sic Act. 20. Baptizetur unusquisque vestrum in nomine Christi in remissionem peccatorum, ubi particula in cum accusativo casu denotat in quem finem, & ad quem effectum, & fructum ejusmodi fiat ablutio, & præterea denotat baptismum antecedens ad justificationem, ac proinde non est illius tantum sigillum, & signum connotativum, ut vult Calvinus.

Hinc Ananias ajebat Paulo Act. 22. Baptizare, ablue peccata tua in nomine ejus. Unde ipsemet S. Paulus ad Ephes. 5. Baptismi efficacitatem instrumentalem explicans, ait: Christus dilexit Ecclesiam, & tradidit semetipsum pro ea, mundans eam lavacro aquæ in verbo vite. Et ad Titum 3. Per lavacrum regenerationis salvari nos fecit. In quibus locis mundatio, & salus assignantur ut effectus lavacri aquæ.

Idem constat de Eucharistia: nam Joan. 6. scribitur: Nisi manducaveritis carnem Filii hominis, & biberitis ejus sanguinem, non habebitis vitam in vobis. Si autem Eucharistia solum esset signum gratiæ, non autem illam conferret, non minus absorta, & ridicula foret ista locutio, quàm si quis diceret; Nisi quis biberit ex hedera vinum venale significante, non explebit sitim. Similiter 1. ad Cor. 10. Apostolus infert, fideles unum esse unitate charitatis: Quoniam unus panis, unum corpus multi sumus omnes, qui de uno pane participamus; si autem est ratio constitutiva unitatis corporis participatio minus panis, manifestum est, quod hæc uni-

unitas sit effectus talis participationis, proindeque charitas, per quam sit illa compago, attribuitur sacramento corporis Christi, tanquam effectus causæ suæ.

Idem constat de ceteris sacramentis: nam de *Pœnitentia* legimus: *Quorum remisistis peccata, remittuntur eis*. De *Ordine* ad Titum 2. *Ut susciteis gratiam quæ in te est per impositionem manuum mearum*. De *Extrema-Vnctione* Jacobi 5. *Oratio fidei salvabit infirmum, & si in peccatis sit, dimittentur ei*. De *Matrimonio* autem, licet non ita sit evidens, & apertum testimonium, id tamen colligitur ex cap. 5. ad Ephes. ubi dicitur *Magnum Sacramentum*, ut nempe denotetur eandem esse illius, ac cæterorum sacramentorum efficaciam.

Eandem similiter veritatem probare licet variis argumentis petendis ex doctrina SS. Patrum: *Primò* quidem ex eo quòd asserant, nonnisi fide inveniri posse, ac intelligi, qualis quantaque sit sacramentorum operatio, quæ infirmiore ingenii aciem naturalem superet. *Mirandum*, inquit Tertullianus lib. de Baptismo cap. 2. *Et lavacro dilui mortem, at quin eò magis credendum, si quia mirandum est, ideo non creditur: qualia enim decet esse opera divina, nisi super omnem admirationem? Nos quoque ipsi miramur, sed quia credimus*. Similiter S. Chrysostomus homil. 24. in Joan. 4. *Quæ quotidie videmus, inquit, ac tangimus, fide indigent, quantò magis arcana illa, & spiritalia? Hinc trita illa S. Augustini exclamatio tract. 88. in Joan. Unde tanta virtus aquæ, ut corpus tangat, & cor abluit: ac nisi aqua baptismalis concurreret ad gratiæ productionem, sed ad ejus tantum præsentiam homo de excitanda fide provocaretur, nihil in ea mirum, nihilque exclamatione dignum appareret: igitur, &c.*

Secundò idem suadetur ex variis similitudinibus, quibus utuntur SS. Patres

ad declarandam regenerationem, quæ sit per aquam baptismatis, nam sanctus Chrysostomus homil. 25. in Joan. eam assimilat utero materno: *Quod est, inquit, matrix embryoni, hoc est fidei aqua; siquidem in aqua gignitur, & formatur*: Item ibidem baptismum comparat aquis, quibus initio mundi jussit Deus, ut reptilia producerent: *Primum enim, inquit, dictum est: Producant aqua reptile animæ viventis: at ex quo Christus abluum Jordanis ingressus est, non amplius animarum viventium reptilia, sed animas rationales, & spirituales aqua producit*. S. autem Leo serm. 4. de Nativitate Domini, baptismum comparat utero B. Virginis: *Omni homini renascenti aqua, inquit, baptismatis, instar est uteri virginis, eodem Spiritu replente fontem, qui replevit & Virginem, ut peccatum, quod ibi vacaverat sacra Conceptio, hic mystica tollat ablutio*. Unde etiam nonnulli è SS. Patribus dicunt, quod quemadmodum Spiritus sanctus supervenit in Virginem, ut conciperet Christum Filium Dei, ita mysticè supervenit in aquas baptismatis, ut eis vim conferat producendi filios Dei adoptivos. *Supervenit, inquit Tertullianus lib. de Baptismo cap. 40. Spiritus de cælis statim, & aquis supernat, sanctificans eas de semetipso, & ita sanctificatæ vim sanctificandi combibunt*. Idem docet S. Hieronymus, Dialog. adversus Luciferianos, non longè ab initio: *Priùs, inquit, ipsa aqua lavatur ex Spiritu, ut alios lavare spiritualiter possit*. Et S. Cyrillus Alexandrinus, *Quemadmodum viribus igni intensius aqua calefacta, non aliter urit quàm ipse ignis, sic Spiritus sancti operatione, aqua, quæ baptizati corpus aspergitur, reformatur ad divinam virtutem, & potentiam; quæ certè omnes, & alia similes loquendi formulæ irritæ forent, & nullæ, si Baptismi sacramentum nullâ ratione concurreret ad gratiam producendam*.

Ter-

Tertio, eadem veritas aperte constat ex eo quod Baptismus infantibus collatus remittat peccatum originale, eis gratiam sanctificantem conferat, ipsoque si ante adeptum rationis usum ex hac vita migraverint, ad regnum coelorum perducatur, ut contra Pelagianos passim docet S. Augustinus: sed illi mirandi effectus non possunt tribui efficacitati fidei ipsorum infantium, ac subinde duntaxat sacramentorum virtuti.

Reponunt Lutherani, & Calvinistæ, pro eo tempore, quod baptizantur parvuli, eis divinitus concedi usum rationis. *Verum*, hæc responsio potius digna est risu, quam impugnatione: quis enim credat Deum istud miraculum operari, cum illius nec Scripturæ nec SS. Patres ullatenus meminerint?

Denique, eadem veritas apparet ex præclaris elogiis; quibus SS. Patres Baptismi efficaciam commendant: Sic S. Ambrosius lib. de Iniclandis cap. 4. *In illo*, inquit, *mundi conspectus elenentis; peccato mortuus, est ad vitam resuscitatus æternam*. Theodoretus in epitome divinorum decretorum cap. de Baptismo: *Donum baptismi non solum remissionem dat vestrorum peccatorum, sed spera etiam ingerit promissorum bonorum, mortisque dominica, & Resurrectionis efficit participes, & domi Spiritus sancti participationem largitur, & filios Dei reddit, ac hæredes Dei, & cohæredes Christi; non enim, ut amentes Messiani putant, novæculam tantum imitatur auferens peccata.*

Reponunt hæretici, SS. Patres loqui de sacramentorum efficientia, per excitationem fidei.

Verum contra, primò plerique scribunt Evangelica sacramenta è perosso Christi latere fluxisse, Christumque baptizari voluisse, ut mundissimæ carnis suæ tactu mundandi vim aquis daret, ut Ambrosius lib. 2. in Lucam: At si tantum excitando fidem, & non efficiendo gratiam influeret, ut concio,

Tom. X.

seu tabella, representando fidei mysteria, non rectè dicerentur è Christi latere fluxisse; ut nec concio, seu tabella dicitur inde fluxisse; nec Christus magis dicitur aquæ vim ullam dedisse, carnis suæ tactu, quam sacris concionibus. Non haberent etiam Evangelica sacramenta quid amplius, quam Mosaica in gratia conferenda; quia Mosaica fidem etiam excitabant: at Patres nostra sacramenta distinguunt à veteribus, quod nostra producant gratiam, quam antiqua significabant tantum.

Ratio est, quia fides ex hæreticis, est verè causa salutis, & gratiæ: sed ex Scriptura sacramenta novæ legis eodem modo causa gratiæ dicuntur, ac fides: nam dicitur de fide Lucæ 7. *Fides tua te salvam fecit*. Joan. 5. *Qui credit ei, qui me misit, habet vitam æternam*. Actor. 7. *Fide purificantur corda eorum*. Rom. 4. *Arbitramur hominem justificari per fidem*. Rom. 9. *Justificati ergo ex fide*. De sacramentis Baptismi, & Eucharistiæ dicuntur eadem iisdem verbis 1. Petri 3. *Vos salvos facit baptisma*, Joan. *Qui manducat meam carnem, habet vitam æternam*. Tit. 3. *Salvos vos facit per lavacrum regenerationis*. Joan. 3. *Nisi quis renatus fuerit ex aqua, &c.*

Obijciunt hæretici varios Scripturæ textus, quibus evincere conantur hominem non justificari per sacramenta suscepta, sed per fidem, & devotionem suscipientis: Primò quidem, quia Abacuc 2. Rom. 1. & Hebr. 10. *Iustus ex fide vivit*: non vivit autem ex sacramentis: ergo sacramenta dici non possunt justificare.

Distinguo majorem: Iustus ex fide vivit, id est, per fidem præstolatur, & expectat vitam æternam sibi à Deo promissam, nec frangitur, aut desistit, etsi eam retardari videat, ob fidem, quam habet, concedo: hinc Abacuc ait: *Si moram feceris expecta eum, quia veniens veniet, & non tardabit*. Ecce qui incredulus est, non erit recta anima ejus in-

M

se-

semetipso. Iustus autem in fide sua vivet. Apostolus similiter ad Hebr. 10. ait: *Patientia vobis necessaria est, ut voluntatem Dei facientes reportetis promissionem; adhuc enim modicum aliquantulum qui venturus est, veniet, & non tardabit; iustus autem meus ex fide vivit.* Id est, sola fides confert ad iustitiæ vitam, nec ad eam per se quidquam conferunt sacramenta, nego: falsum enim est, quod fides gratiam sanctificantem producat, & ad justificationem per se solam conferat, ut diximus disp. de fide.

Obijciunt secundo illud ad Ephes. 5. ubi Christus dicitur mundasse Ecclesiam *lavacro aque in verbo vite*: sed per *verbum vite* nihil aliud intelligitur, quam verbum, quod fide conceptum vitam producit, dum videlicet homo apprehendit per fidem divinas promissiones sibi factas, easque animo constanti expectat: igitur &c.

Nego minorem: Nam, ut diximus artic. 1. per *verbum vite* intelligitur verbum consecratorium, nempe invocatio divinæ Trinitatis, cujus benedictione, & virtute aqua concipit vim regenerandi: & ita verbum illud dicitur verbum vite; quandoquidem Spiritu sancto replente fontem, aqua baptismalis vim recipit sanctificandi hominem, & eum perducendi ad vitam, & salutem.

Obijciunt tertio, illud 1. Petri, ubi dicuntur octo animæ salvæ factæ per aquam: *Quod et vos*, inquit, *nunc similibus formis facit baptisma, non carnis depositio sordium, sed conscientiæ bonæ interrogatio in Deum per resurrectionem Jesu Christi*: Sed hæc interrogatio conscientie nihil aliud est, quam excitatio fidei Resurrectionis Christi, quæ habet vim sanctificandi: ergo salus non est tribuenda aque baptismatis, sed bonæ conscientie; ac fidei virtuti.

Distinguo majorem: Salvos nos facit conscientie bonæ interrogatio, quatenus est dispositio, & præparatio ad fructum baptismi utiliter percipiendum,

concedo: tanquam causa sola productiva gratiæ, & salutis, nego: *Ad minorem* dico ipsam interrogationem conscientie, nihil aliud esse, quam mentis interiore emundationem, quæ vocatur interrogatio conscientie bonæ in Deum per Resurrectionem Jesu Christi, ratione videlicet sui effectus; hæc enim interrogatio est effectus ablutionis animæ; nam emundatio sordium animæ facit ut conscientia nostra possit à Deo interrogari, & probari, tanquam si vera, & bona; nec non Deum rogare, eique respondere, propterea quod firmiter credat Resurrectionem Christi, ut in novitate vitæ ambulemus: nam, ut dicit Apostolus Rom. 4. *Christus resurrexit propter justificationem nostram.*

Obijciunt tertio: illud Lucæ 5. *Quis potest dimittere peccata, nisi solus Deus?* Igitur homo per sacramenta non potest quidquam conferre ad peccatorum remissionem. *Confirmant* ex S. Hieronymo in 4. cap. Isaïæ, ubi ait: *Homo præbet aquam, Deus autem Spiritum sanctum, quod sordes animæ abluntur, & peccata purgantur*: Ergo homo per sacramentorum ministrationem nullatenus confert ad gratiam largiendam.

Distinguo antecedens: Solus Deus remittit peccata, ut causa princeps, concedo; ait enim Isaïa 43. *Ego sum ipse, qui deleo iniquitates*: ut causa ministerialis, & instrumentalis, nego: Sic enim v.g. Christus D. restituit cæco nato visum ut causa princeps, tamen aqua Siloe, quæ ad Christi imperium usus est cæcus, contulit ad ejusmodi visus restitutionem ut causa ministerialis: Unde S. Augustinus lib. 3. quæstionum in Leviticum quæst. 84. *Et Moyses*, inquit, *sanctificabas, & Dominus: sed Moyses visibilibus sacramentis per mysterium suum; Dominus invisibili gratiâ per Spiritum sanctum.*

Obijciunt quarto varias S. Augustini auctoritates, quibus significare videtur, non aliter homines conferre ad ju-

fi-

ificationem per administrationem sacramentorum, quàm orando, & deprecando: Sic maximè docet tractatu 6. in Joan. *Vidit*, inquit, *Simon Magus per impositionem manuum dari Spiritum sanctum, non quia ipsi dabant, sed quia ipsi orantibus datus est*: Idem docet lib. 15. de Trinitate, cap. 17. *Quantus*, inquit, *Deus, & qui dat Deum; neque enim aliquis Discipulorum, ejus dedit Spiritum sanctum; orabant quippe ut veniret in eos, quibus manus imponebant, non ipsis eum dabant; quem morem in suis præpositis etiam servat Ecclesia*: At si Apostoli non conferebant Spiritum sanctum per manuum impositionem; neque etiam gratiam largiebantur: Nam, inquit Apostolus, *Charitas Dei diffusa est in cordibus nostris per Spiritum sanctum, qui datus est nobis*.

Respondeo, S. Augustinum nihil aliud velle quàm quod Apostoli non dabant Spiritum sanctum, ut est divina persona; nec etiam largiebantur gratiam per modum causæ principalis, concedo: ut est donum Spiritus sancti, nego: & sic neganda est consequentia; non enim alia est mens S. Augustini, ibi enim, probat Christum esse Deum, ex eo quòd dederit Spiritum sanctum die Pentecostes: ait enim: *Quomodo Deus non est, qui dat Spiritum sanctum; imò quantus Deus, qui dat Deum*: nec enim aliquis Discipulorum ejus dedit Spiritum sanctum; quia nempe dari tantum ab eo propriè potest, à quo procedit: non procedit autem à Discipulis, ac subinde ab eis personaliter dari non poterat: Nihilominus ut Ministri Christi dabant ipsius Spiritus sancti donum: Legimus enim Actor. 8. *Quòd per impositionem manuum dabatur Spiritus sanctus*.

Obijciunt quintò alias ejusdem S. Doctoris auctoritates, quibus probare nituntur sacramenta duntaxat agere secundum fidem, & dispositionem suscipientis. Sic ferm. 3. de verbis Domini: *Baptisma quod semel adhibetur per fi-*

dem mundat. Et lib. quæstionum veteris & novi Testamenti qu. 59. *Qui baptismum putat carnali ratione consistere, hic non est spiritualis, nec donum cælestè poterit consequi; qui per se aquam, non per fidem immutari credat, aqua enim cernitur, sed qui non videtur Spiritus operatur, ut fides in eo sit*: Aequi si homo per fidem, non per aquam immutatur, salus est tribuenda fidei, non sacramento.

Respondeo ad primum: Baptisma mundat per fidem, ut dispositionem præviam, concedo: ut mundationis causam efficientem, quam excitet baptismus, & ex qua mundandi vim habeat, nego: nam S. Augustinus explicat illud Lucæ 11. *Nunc vos Pharisei, quod de foris est calicis, & catini, mundatis. Quod autem intus est vestrum, plenum est rapinâ, & iniquitate*: Unde Christus arguit Phariseos, qui quotidie ante prandium se lavabant aquâ ac si calotio posset esse cordis mundatio, suosque Discipulos monet, ne Justitiam esse putent in mundatione corporis: quia baptismus mundat adultos per fidem, ut per dispositionem necessariam: fides autem intus est, non foris; juxta illud Actor. 7. *Fide mundant corda eorum*: Pharisei autem, quod erat foris, lavabant; intus verò plurimis vitiis erant inquinati.

Ad secundum respondeo primò, hoc opus nullatenus esse S. Augustini, sicut pluribus argumentis probatur ab Erasmo in censura hujus libri, neque hujusce tractatus fit mentio, sive in libris retractationum S. Augustini; sive in indice Possidii: inter cætera hic author cum doctrina S. Augustini pugnat: docet enim quòd per Spiritum Domini, qui ferabatur super aquas in origine mundi, non intelligatur Spiritus sanctus, sed spiritus materialibus substantiis præpositus. Item quòd Melchisedech non fuerit homo, sed Spiritus sanctus sit: & in quæst. 59. quæ nobis

opponitur; hæc verba dominica, Joan. 5. *Spiritus ubi vult spirat*, &c. de veneto non de Spiritu sancto exponit. Quæ omnia S. Augustino, & veritati prorsus opposita sunt.

Respondeo secundò, hominem dici posse non per aquam, sed per fidem immutari. *Primò* quod non immutatur per aquam mundam, sed per aquam, ad quam accedit invocatio Trinitatis; quia Trinitas est objectum fidei; & ita non per aquam, sed per fidem immutatur, sicut ex alibi dictis verbum mundat, non quia dicitur, sed quia creditur: *Secundò*, quia causa formalis immutationis non est aqua, sed fides formata; unde sicut antè diximus, iustus ex fide vivit, quia per fidem formatam constituitur iustus.

Obijciunt sextò: Si sacramenta novæ legis reverà concurrerent ad productionem gratiæ, essent diversæ efficacitatis, & virtutis à sacramentis veteris legis: at contrarium docet S. Augustinus: igitur, &c. Major patet ex dictis. Minorem probat Calvinus lib. 4. Institutionum cap. 14. num. 26. ex S. Augustino homil. 26. in Joan. ubi S. Doctor ait: *Sacramenta Judæorum in ignis fuisse diversa, in re quæ significatur paria: diversa specie visibili, paria virtute spirituali*. Et homil. 45. *In ignis diversis eadem fides: sic in ignis diversis, ut in verbis diversis, quia verba sonos mutant per tempora, & utique nihil aliud sunt verba, quàm signa. Bibebant Patres eundem spirituales potum, nam corporalem non eundem*. Videte ergo, *fide manente, signa variata*. Ibi *petra Christus, nobis Christus quod in altari ponitur*. Et illi *pro magno sacramento biberunt aquam profluentem à petra: nos quid bibamus, norunt fideles*. Si *visibilem speciem intendas, aliud est; si intelligibilem significationem, eundem potum spirituales biberunt*. In Psal. 77. lib. 19. contra Faustum cap. 13. *Idem in mysterio cibus, & potus illorum, qui noster: sed significa-*

tione idem, non specie: quia idem ipse Christus illis in petra figuratus, nobis in carne manifestatus. Quamquam hæc quod in parte aliquâ differentiæ esse concedimus. Utraque enim in Paternam Dei in Christo benevolentiam, ac Spiritus sancti gratias nobis offerri testantur; sed nostra illustrius. ac luculentius. In utrisque Christi exhibitio: sed in his uberior ac plenior, nempe prout fert illud, de quo suprà differuimus veteris, & novi Testamenti discrimen: atque id est quod voluit idem Augustinus (quem ut optimum ex totâ antiquitate, & fidelissimum testem sæpiùs citamus) cum tradit, Christò revelato, sacramenta fuisse instituta numero pauciora, significatione augustiora, virtute præstantiora. Ita Calvinus.

Respondeo primò, primam auctoritatem mendaciter, & corruptè à Calvino proferri; nusquam enim S. Augustinus dixit, sacramenta veteris, & novæ legis esse paria virtute spirituali, sed virtute spirituali idem significare; ait enim: *Sacramenta illa in ignis diversa sunt, sed in re quæ significatur, paria*. Apostolum audi: *Nolo enim vos ignorare, fratres, quia Patres nostri omnes sub nube fuerunt. . . & omnes eandem escam spiritualem manducaverunt; spirituales utique eandem; nam corporalem alteram, quia illi manna, nos aliud; spirituales verò, eandem quam nos*. Et subdit: *Omnes eundem potum spirituales biberunt, aliud illi, aliud nos, sed specie visibili quidem, tamen hoc idem significante virtute spirituali*. Quibus patet S. Augustinum non aliud significare, quàm quòd sacramenta veteris, & novæ legis conveniant in virtute; non quidem efficiendi gratiam, sed eam significandi: cum hoc tamen discrimine quòd illa futura solum speculative, hæc præsentem, & practicè significant.

Respondeo secundò, sacramentorum novæ legis duo esse officia; unum quidem instruere, alterum mederi. Instruunt

struunt, cum gratiam significant; merentur cum eam conferunt: Per primum sunt signa protestativa fidei, per secundum sunt signa operativa salutis, ut observat S. Chrysostomus homil. 83. in Matth. *Per sacramentum istam mentem*, inquit, *et salvat, et docet* In priori officio conveñiant eum sacramentis veteris legis, quæ eandem fidem commendabant, & docebant, solumque discrepant in eo quodd sacramenta veteris legis objectum fidei futurum respiciebant, ac significabant: sacramenta autem novæ legis præteritum repræsentant, nempe Christi Incarnationem, vitam, mortem, & alia ejus mysteria.

In posteriori autem officio sacramenta novæ legis omnino discrepant à sacramentis veteris legis; quamvis enim hæc eandem gratiam significarent; illam tamen nec continebant, nec conferebant, erant enim egena, & vacua, inquit S. Paulus, & si quid haberent plenitudinis, non nisi umbris, & figuris implebantur; omnia enim in figura continebant illis.

Porro hoc discrimen idcirco distinctè non annotavit præfatis in locis S. Augustinus: tum quia versabatur in Africa, ubi grassabatur hæresis Manichæorum, qui legem veterem damnabant; unde convenientius erat exprimere concordiam sacramentorum veteris & novæ legis, quàm eorum discrepantiam prædicare: Tum quia Tractatus in Joann. & narrationes in Psalmos, homilie sunt, & narrationes ad populum, quibus aderant Catechumeni, & plerique infideles, quibus licitum non erat Ecclesiæ mysteria revelare. Unde etiam frequenter in eis sermonibus S. Augustinus ait: uti norunt fideles.

Obijciunt septimo: Qui docent sacramenta producere gratiam, non solum homines distrahunt à Christi meritis, sed divinam potentiam veluti sacramentis alligant; efficiunt enim ut homines recurrant ad rem corpoream,

tanquam ad causam, & originem suam justificationis, quasi Deus non posset eos justificare, nili dependerent ab ipsis exterioribus signis: sed consequens est absurdum: igitur, & antecedens.

Nego majorem; Potius enim per hæc subsidia homines ad Deum, & Christum promovent; quippe cum faveantur sacramenta habere vim duntaxat à Christi meritis, & significatum per ea effectum efficienter à solo Deo produci, moraliter verò ab ejusmodi sacramentis. Unde quemadmodum qui curabantur à Christo per contactum ejus vestimenti, sicut mulier sanguine, fluens, aut per lutum divinis ejus manibus impositum, ut cæcus natus, non collocabant spem suam in ejusmodi rebus materialibus, sed potius in ipso Christo D. à quo velut à fonte hæc sanativa virtus exundabat: sic nos spem nostram non reponimus in ipsis sacramentis, sed eam collocamus in Dei efficientia, & Christi meritis, quod utique nullam absurditatem præferret; alioqui non debuisset Deus Israelitis à morsu serpentium sanare, per aspectum ænei serpentis, aut mundare Namaan Syrum per aquas Jordanis; nec debuisset etiam Dei Filius carnem assumere, ne magis homines adhererent rei corporeæ, quàm Deo. Neque Deus per sacramenta justificans alligatur ipsis sacramentis: sed sacramenta Deo, quia Deus absque sacramentis justificare potest: sacramenta sine Deo non possunt. *Adde quod* ipsi hæretici velint ad id, cui Christi sanguis applicatur, non justificari nisi per fidem, nec tamen volunt Deum alligari fidei, vel sanguini Christi: Igitur idem dicendum de sacramentis.

Obijciunt ultimò: Non potest creatura corporea producere rem spiritualem, & supernaturalem: atqui sacramentum est creatura corporea; gratia verò est res supernaturalis: ergo, &c.

Respondet, distinguendo majorem:

Non

Non potest producere, ut causa principalis, concedo: ut instrumentalis, subdistinguo: physice, concedo: moraliter, nego. Deinde concessa minore, similiter distinguo consequens: sive autem physice, sive moraliter producant gratiam, id sufficit ut obstruatur os adversariorum loquentium iniqua.

CONCLUSIO SECUNDA.

Sacramenta novæ legis non producant gratiam physice, sed duntaxat moraliter. Ita Subtilis Doctor in 4. dist. 1. quæst. 4. & 5. num. 12. ubi ait: „Ad primam ergo questionem dico, quod cum necessitas eorum, quæ sunt ad finem, sumatur à fine: & secundum omnes loquentes de sacramentis, finis sacramenti est gratia, vel aliquis effectus Dei invisibilis, disponens hominem ad salutem: & iste finis possit sufficienter haberi, eo modo quo habetur per sacramentum, absque hoc quod dicatur sacramentum habere aliquam actionem propriè dictam, sive respectu gratiæ, quam non potest attingere, cum illa creetur; sive respectu dispositionis supernaturalis præviæ, quia illa etiam crearetur; sequitur quod non sit ponenda talis actio, cum nec ista plura sint necessaria, nec manifestè ponibilia.

In eandem sententiam propendunt S. Bonaventura ibidem artic. 1. quæst. 4. *Alensis* 4. 3. p. q. 5. memb. 3. art. 5. p. 3. 4. & 5. *Aurcolus* qu. 1. art. 4. *Durandus* qu. 1. *Vasquez* dist. 132. cap. 5. & illam probat Doctor; quia necessitas alicujus colligitur ex fine: finis autem institutionis sacramentorum est gratia sanctificans, aut effectus aliquis invisibilis supernaturalis: at effectus iste per sacramentum obtineri potest absque illo influxu physico: igitur, &c. Quæ utique Doctoris ratio efficacissima est, ex præsupposita impugnatione sententiæ affirmativæ, quam infrà subjiciemus.

Probatur itaque conclusio. Primo

quidem autoritate SS. Patrum, qui denegant veram efficientiam physicam sacramentis novæ legis: Sic S. Cyprianus serm. de baptismo Christi: *Remissio*, inquit, peccatorum sive per baptismum, sive per alia sacramenta donetur, propria Spiritui sancti est, & ipsi soli hujus efficientiæ privilegium manet: verborum solemnitas, & sacri Invocatio nominis, & signa institutionis Apostolici Sacerdotum ministeriis attributa, visibile celebrant sacramentum; rem verò sacramenti Spiritui sancti format, & efficit. Concordat Basilii lib. de Spiritu sancto, cap. 15. ubi sic ait: *Qui nobis vitam dispensat Dominus, baptismatis patrum nobis statuit; mortis quidem imaginem implente aqua; Spiritu verò vitam arbam præbente.* Ergo existimat Baptismum esse pactum, vel signum pacti: quo posito statuit Deus per se immediate gratiam infundere.

Accedat Ambrosius lib. 7. de sacramentis cap. 5. *Aliud est elementum, aliud consecratio: Aliud opus, aliud operatio: aqua opus est, operatio Spiritus sancti est.* Denique S. Augustinus epistola 23. *Aqua*, inquit, exhibens forinsecus sacramentum gratiæ, & Spiritus operans intrinsecus beneficium gratiæ; solvens vinculum culpæ, reconcilians bonum naturæ, regenerant hominem in uno Christo. Ex quibus apparet qualiter SS. Patres denegent efficaciam physicam sacramentis, non autem moralem: nam alibi affirmant sacramenta producere gratiam. Ut ergo inter se conciliantur, debet statui causalitas moralis, & negari physica. Sic in comuni modo loquendi uni, & eidem causæ attribuimus, & negamus effectum; v. g. si laudetur artificium alicujus Palatii, dicitur princeps non extruxisse, sed artifex: si verò sumptuositas, princeps; non artifex. Similiter Patres, quando in sacramentis explicant, quæ sit vis physice producens gratiam, eam attribuant soli Deo: quando verò explicant quid

quid possint sacramenta ratione suę institutionis, & meritorum Christi, docent ea causare gratiam.

Probatur secundò ratione. Eadem est causalitas aliorum sacramentorum, quę baptismi: sed Baptismus non habet veram causalitatem, & efficaciam physicam respectu gratię producendę: igitur nec alia sacramenta. Major constat: Perfectior virtus causandi gratiam, & justificationem non convenit Baptismo, quàm Christi D. humanitati: sed Christi D. humanitas solam habuit efficaciam moralem, & meritoriam respectu gratię producendę: Igitur causalitas physica, quę perfectior est non convenit Baptismo. Major patet; Baptismus enim, & cetera sacramenta omnem suam efficaciam mutuuntur ab operibus meritoriiis Christi, quę ipsis insunt, & applicantur, ut docet S. Augustinus in Enchiridio cap. 52. & Origenes, & Anselmus ex illo S. Pauli ad Rom. 6. *Quicumque baptizati sumus in Christo, in morte ipsius baptizati sumus.*

Probatur minor ex Concilio Tridentino sess. 6. cap. 5. ubi loquens de causis justificationis, ait: Hujus causę justificationis sunt, finalis quidem gloria Dei & Christi, & vita æterna; efficiens verò, misericors Deus, qui gratuito abluit, & sanctificat, signans, & ungens Spiritu sancto promissionis... meritoria autem dilectissimus unigenitus suus D. noster Jesus Christus, qui cõm essemus inimici... sua sanctissima Passione in ligno crucis nobis justificationem meruit, & pro nobis Patri satisfecit: Instrumentalis autem sacramentum baptismi, quod est sacramentum fidei, &c. Quibus verbis Concilium duplex genus causalitatis attribuit Christo, nempe finalis, & meritorie: causalitatem autem causę efficientis, quatenus ab instrumentali, & meritoria distinguitur, soli Deo tribuit, idque sine ulla limita-

tione; qua loquendi formula denotat efficientiam physicam, quę est efficientia simpliciter: igitur mens Concilii est, illam efficientiam neque sacramento, neque Christo competere.

Probatur consequentia: quia Concilium declarat Christi meritum maximè repetendum esse ex ejus passione, per quam debitam satisfactionem pro nobis Deo Patri exolvit. Sed meritum, istud non potest habere veram efficientiam physicam, siquidem operari sequitur esse, ac subinde quod non existit realiter, & physicè, non potest etiam physicè, & realiter influere in alicujus rei productionem: sed Christi D. Passio, ejusque merita, neque in se, neque in aliquo suo effectu realiter existunt, sed tantum in acceptione divina: igitur non possunt habere efficientiam physicam.

Adde quodd Concilium tribuit duntaxat causalitatem Passioni Christi; quatenus habuit rationem satisfactionis, & meriti; sic autem non habuit aliud genus causalitatis, quàm moralis. Probatur, quia passio Christi non aliter insluit in justificados, ut exhibita, quàm ut exhibenda; Christus enim fuit uniformis Redemptor, & caput omnium, qui præcesserunt, & subsecuti sunt, juxta illud Pauli: *Bibebant omnes de spiritali consequente eos petra; petra autem erat Christus;* sed Christi passio non habuit rationem causę influentis physicè respectu eorum, qui ejus Incarnationem præcesserunt; quippe nondum extabat: igitur neque etiam nunc agit physicè.

Probatur tertio, & præcedens ratio confirmatur: Quod physicè concurrat ad alicujus productionem, debet realiter existere, dum res fit, & habere aliquam activitatem, qua physicè possit agere, & producere: sed sacramenta nec sunt realiter dum producitur gratia, nec aliquam habent activitatem physicam, quę possint concurrere ad illius pro-

pro-

productionem: igitur, &c. Major con-
stat quoad primum membrum; quod
enim non existit realiter, nequit ali-
quid magis realiter producere, quàm
homo possibilis, aut mortuus possit de
facto, & actu loqui aut ambulare; ope-
rari namque sequitur esse, ac proinde
quod non est actu, & realiter, nequit
actu, & realiter operari. Constat pari-
ter quoad secundum membrum; si enim
ullam activitatem habeat in actu pri-
mo circa aliquid, nusquam illud magis
poterit edere, quàm nigredo albificare,
&c.

Probat ur itaque minor quoad primam
partem. Sacramentum, puta Baptis-
mus, non existit realiter, nec secundum
se totum, nec secundum aliquam sui
partem, nec secundum aliquid à se
productum dum gratia producitur.
Probo. Sacramentum non operatur,
nec gratiam producere potest, nisi sit
perfectum, & completum, tam secun-
dum materiam, quàm secundum for-
mam: si enim v. g. quis baptizando
tantum proferret vel per malitiam, vel
per ignorantiam, vel per decessum bap-
tizati: *Ego te baptizo in nomine Pa-
tris, & Filii, & Spiritus*, non autem
adderet illam ultimam particulam,
sancti. Baptismus nullus foret, ac proin-
de nullam gratiam ederet, quia sacra-
mentum esset imperfectum, ut omnes
fatentur: & si quis negaret, convinci
posset ex eo quod si deficiens unum
verbum formæ non irritum faciat sa-
cramentum, nec duo irritum facient,
nec tria, & sic de cæteris; quia penul-
timum non magis est de essentia, & in-
tegritate, quàm sit ultimum, sicque
omittendo vocabula *Spiritus sancti*, vâ-
lidum nihilominus foret baptismus,
quod tanquam hæreticum à Conciliis
proscribitur. Itaque baptismus gratiam
non producit, nisi dum perficitur per
ultimæ syllabæ formæ prolationem. Sed
nec ultima syllaba illius formæ est sa-
cramentum, tum quia alioquin sola ad

gratiam producendam sufficeret; tunc
quia gratia non producitur nisi eo in-
stanti, quo formaliter completur Inte-
gra verborum necessariorum prolatio,
& in quo verum est dicere, jam non est
integra illa forma, sed immediate ante
fuit. Ergo eo instanti quo producitur
gratia, sacramentum non est realiter
neque secundum se totum, neque se-
cundum aliquam sui partem.

Nec etiam remanet secundum ali-
quid à se productum, quo mediante
gratiam produceret, quia eadem, quæ
de gratia producenda recurreret diffi-
cultas; Insuper nullus alius assignatur
(à sacramentis characterem non im-
mentibus) effectus producendus, præ-
ter gratiam sanctificantem, & quædam
gratiæ auxilia.

Nec valet dicere cum quibusdam, sa-
cramentum gratiam producere pro in-
determinato tempore, vel determinato
antequam perficiatur sacramentum:
Vel cum aliis, quod gratia producatur
eodem instanti, quod perficitur Sacra-
mentum, tum quia omnis causa realis,
& physica saltem prioritate nature sup-
ponitur ad effectum. Ergo non potest
producere antequam sit; tum quia dum
forma perficitur, & absolvitur, rema-
net tantum in esse ultima syllaba, quæ
non est sacramentum.

Nec valet pariter respondere: Per po-
tentiam obedientialem Deum elevare
illam postremam sacramenti partem;
idque, sive per aliquam qualitatem su-
pernaturalem, sicut elevatur intelle-
ctus per lumen gloriæ ad videndum
Deum, & voluntas per Charitatem, ad
amandum; sive per extraordinarium
concursum, quod creatura ratione po-
tentie obedientialis ad effectum præter
activitatem elevatur. Non, inquam, va-
let replica; tum quia illa pars sic eleva-
ta, & physice causans, non est sacra-
mentum baptismi; eo quod ad produ-
cendum gratiam per sacramentum bap-
tismi, requiritur prolatio aliorum.

ver-

verborum, & exterior ablutio, quæ actu non existunt: tum quia si existant, id solum moraliter: ergo si possint priora verba moraliter Deum movere ad elevandam illam particulam, ut physicè producat gratia; quidni integra verba sufficienter Deum movebunt ad gratiam producendam?

Reponunt non requiri existentiam, realem totius causæ, ut agat physicè, sed sufficere, ut præteritis aliis partibus una remaneat quæ vice totius effectum edat: v.g. alteratio licet successiva, concurrat secundum se totam ad productionem caloris, licet una pars tantum illius existat dum calor producit.

Contrà. Implicat ut aliquid dicatur quidquam producere physicè secundum partem non existens, nisi illa pars dum existeret produxisset aliquid conduens ad productionem effectus, aliàs esset causa, & non causa. Nec una pars producere potest virtute aliarum partium, nisi priores partes aliquid edidissent, quod mediante ultimâ aliquid exequi posset, quod se sola non exequeretur.

Neque urget exemplum de alteratione; quia vel calor producit in instanti post motum, & sic non dicitur produci ab alteratione, nisi quatenus removel obstacula, & præparat subjectum; vel producit per alterationem successivam, & sic quælibet pars motus quamlibet partem caloris producit. Unde illud ad rem non proficit. Nam priora verba nec producant partem gratiæ, tum quia non habent rationem sacramenti; tum quia si aliæ non proferrentur, homo non minùs diceretur justificari, quod implicat, & omnes negant; neque tollunt impedimentum, nec animam præparant, quia anima de se sufficienter est disposita ad gratiam recipiendam, & nullum esse potest aliud impedimentum, quàm pertinax voluntas hominis in peccato, quæ non per priora formæ verba, sed per gratiam

Tom. X.

excitantem, & cooperantem potest mutari: ergo, &c.

Obijciuntur 1. omnes Conciliorum, & SS. Patrum autoritates in primâ concl. laudatæ, quibus tribuitur sacramenti novæ legis vera causalitas respectu gratiæ.

Respondet Vasquez illam causalitatem optimè, & meliùs salvari per causalitatem moralem, quàm per physicam; Tum quia illa est facilior intellectu, & minores involvit solvendas difficultates: Tum quia eo modo Patres, Concilia, & Scripturæ testantur Christi mortem, sanguinem, & passionem nos mundare, sanctificare, &c. quo modo id asserunt de sacramentis; attamen certum est Christi mortem non sanctificare nos physicè sed tantum moraliter, & meritoriè: Tum denique quia Patres eodem modo loquuntur de efficacia sacramenti, dum diu peractum est, ac dum actu ministratur, ut in casu obicis positi gratiæ baptismali; nam JS. Aug. 3. de Bapt. cap. 3. Tunc, inquit, incipit valere idem baptismus ad dimittenda peccata, cum ad Ecclesiæ pacem venerint, non ut jam remissa non retineantur, neque ut ille baptismus quasi alienus aut alius improbetur, aut alter tradatur, sed ut idem, ipse, &c.

Obijcit Isambertus 1. preces Ecclesiæ in benedictione aquæ baptismalis, in quibus inter alia similia hæc habentur: Tu has simplices aquas tuo ore benedicito, ut præter naturalem emundationem, quam lavandis possunt adhibere corporibus, sint etiam purificandis mentibus efficacæ. Et ubi immergitur cereus hæc dicuntur: Descendat in hanc plenitudinem fontis virtus Spiritus sancti. Et insuspirando in aquam: Totamque hujus aquæ substantiam regenerandi sæcundet efficiat.

2. Precès quibus Episcopus Feriâ 5. in Cœna Domini utitur in consecrando oleo: Clementiam tuam suppliciter deprecamur, ut huic unguento spirituales

N

gra-

gratiam largiendo plenitudinem sanctificationis infundat.

3. Verba Catechismi Concilii Tridentini parte 2. cap. 1. num. 27. ubi aperiens modum quo gratia produci-
tur, hæc habet. *Quo autem pacto tanta res, & tam admirabilis per sacramentum efficiatur, ut quemadmodum sancti Augustini sententia celebratum est, aqua corpus tangat, & cor abluit; id quidem humana ratione atque intelligentia comprehendendi non potest; Constitutum enim esse debet nullam rem sensibilem suapte naturâ ea vi præditam esse, ut penetrare ad animam queat: at fidei lumine cognoscimus omnipotentis Dei virtutem sacramentis inesse, quâ id efficiant, quod suâ vi res naturales præstare non possunt.*

Respondeo hæc nil urgere: Tum quia certum est per has preces aquam non accipere virtutem sanctificandi, quia quilibet alia aqua non benedicta sufficeret ad baptismum.

Insuper non soli aque, sed etiam verbis illa vis inesse deberet, cum ex materia, & forma conficiatur sacramentum: Tum quia per ea verba solum intelligi potest sola moralis efficacia, quam non habet quidem ex natura sua aqua, vel oleum, sed ex ordinatione divina; & sicut Rex plura potest operari per auctoritatem regiam, quæ secundum vires naturales, & physicas non posset exequi, ipsa tamen regia auctoritas nihil physicum in eo constituit; ita sacramenta plura possunt ex ordinatione divina, & per moralem efficaciam, quæ secundum virtutem naturalem præstare non possent, ut loquitur Catechismus.

Instabis: Catechismus dicit illum operandi modum esse admirabilem, & ineffabilem. Et S. Cyrillus lib. 4. in S. Joan. c. 14. loquens de Carne Christi, ubi cum dixisset: *Non solummodo verbo atque imperio ut Deus utebatur, verum etiam carnem suam, quasi cooperatricem nonnunquam adhibebat: ut recipi osten-*

deret carnem quoque suam, quoniam sibi conjuncta est, vivificam esse. Cap. 24. agens de efficacia ejusdem carnis in Eucharistia, subdit: *Quomodo autem fiat, nec mente intelligere, nec lingua dicere possumus; sed silentio atque firma fide suscipimus.* At si arbitratus fuisset id fieri per moralem efficaciam, id non diceret esse ineffabile; quid enim ea morali efficacia conceptu facilius?

Respondeo eam quidem moralem efficaciam physicâ longe esse conceptu faciliorem; nihilominus valde mirabilem in eo quod ad talium signorum etiam ab indignissimo homine applicationem, infallibiliter Deus gratiam producat.

Dices S. Ambrosius 4. de Sacramentis cap. 4. comparat verba consecrationis, & transubstantiationis cum verbis creationis: sed hæc habuerunt efficaciam physicam: ergo & illa.

Distinguo antecedens: Comparat ea quantum ad veritatem effectus ex parte loquentis, concedo: quantum ad efficacitatem locutionis, & verborum, nego. Intendit enim solum ibi S. Ambrosius, quod sicut Deus ex nihilo potuerit verbo omnia creare, multo magis creata potuerit verbo transmutare: siue interim verba illa physicam efficacitatem habeant, siue moralem, perinde est, modò effectus sequatur.

Dices. Ex hoc sequeretur sacramenta non habere majorem efficaciam, quam verba maleficorum ad operanda præstigia ope demonum. *Nego;* quia sacramenta habent efficaciam infallibilem, & à nulla causa impedibilem, respectu gratiæ producendæ in subiecto disposito. Secus de maleficiis, &c.

CONCLUSIO TERTIA.

Sacramenta conferunt æqualem gratiam subiectis equaliter dispositis, & inæqualem inæqualiter preparatis. Ita expressè Tridentinum sess. 6. cap. 7. ubi inæqualitatem gratiæ, non solum

in

in Dei voluntatem, sed & in diversam suscipiuntur dispositionem refundit his verbis. *Verè iusti nominantur, & sumus, iustitiam in nobis recipiendo, unusquisque suam secundum mensuram, quam Spiritus sanctus partitur singulis prout vult & secundum propriam cuiusque dispositionem, & cooperationem.*

¶ Notandum autem per has particulas (*prout vult*) non intendere Concilium quoddam Spiritus S. Idubus eodem modo dispositis inaequalem interdu gratiam conferat, alias frustra adderet, *& secundum propriam cuiusque dispositionem*: sed intelligit mensuram ex parte Dei esse illius voluntatem, qua in universum dona singulis partitur prout vult, sive in sacramentis, sive extra sacramenta.

Eandem doctrinam passim habent SS. Patres. Damascenus lib. 4. de Fide cap. 20. *Quamvis, inquit, peccatorum remisso omnibus aequè per baptismum datur: Spiritus tamen gratia pro fidei, ac praecedentis purgationis modulo, ac ratione comparatur.* S. Cyprianus Epistola 6. quæ nunc est 76. docet pluribus exemplis Scripturæ sacrae, effectum baptismi, ut baptismus est, sive per lotionem, sive per infusionem, aut asperisionem morientibus datur, æqualem in omnibus gratiam operari; id inquam probat exemplo *Solis*, qui super omnes pari, & æquali luce diffunditur: *Manna*, qui Exodi 16. sine discrimine sexus, vel ætatis ad mensuram Gomor à singulis colligebatur: *Seniis* quod in Evangelio equaliter feminatur: *Denarii* quod Matth. 2. à Patre-familias per procuratorem æqualiter distribuitur: qui bus addit: *Spiritus sanctus non de mensura datur, sed super credentes totus infunditur: Nam si dies æqualis omnibus nascitur, & si Sol super omnes pari, & æquali luce diffunditur, quanto magis Christus sol, & dies verus in Ecclesia sua lumen æternæ vitæ pari æqualitate largitur?* Nec dicas ex hoc inferri S. Cy-

prianum velle æqualem semper gratiam per sacramenta communicari, non obstante diversa suscipiuntur dispositione.

Respondeo enim eum ibi tantum agere de sacramento baptismi secundum se considerato, sive per lotionem, sive per asperisionem conferatur, contenditque utrumque valere, & parè conferre gratiam, quatenus sacramentum est secundum suam efficacitatem; non verò per respectum ad subjectum.

Sacramentum enim considerari potest tribus modis: *Primò* per comparisonem ad aliud specie diversum: v. g. comparando baptismum cum Eucharistia, &c. & sic cum unum sit alio præstantius, ut decernit Concil. Trident. sess. 7. can. 3. *Si quis dixerit hæc septem sacramenta esse virtute paria, ut nulla ratione aliud sit alio dignius, anathema sit*; certum est pariter præstantiorem gratiam edere. *Secundò* considerari potest in seipso solum, & penes proprium illum effectum ad quem determinat à Christo fuit institutum. *Tertiò* per habitudinem ad subjectum cui applicatur.

Primò modo unum sacramentum præstantiorem gratiam producit, quàm aliud, non obstante æquali dispositione: *Secundò modo* habet ut conferat gratiam sibi propriam in hoc, & isto determinato gradu, & non in ampliori, vel minori: v. g. dum parvulis confertur baptismus, cum nullam in eis positivam dispositionem non reperiat, sed solum meram non repugnantiam, quæ in omnibus est æqualis, habet etiam in illis omnibus æqualem gradum, quia nihil aliud habet, quàm quod voluit Christus correspondere operi operato sacramenti, sine habitudine ad dispositionem subjecti.

Tertiò modo gratiam producit æqualem, vel inaequalem pro diversa suscipiuntur dispositione, idque ex opere operato, tum juxta Christi ordinationem,

nem, quæ nobis innotescit per Concil. Trid. suprà laudatum; tum ex analogia quam sacramenta habent cum causis naturalibus, quæ æqualem, vel inæqualem effectum pro varia subiecti dispositione producant: tum denique ex congrua, & suavi providentiæ ordinatione, qua major gratia melius disposito conferri debet, ut spe majoris illius fructus, excitetur ad suscipienda sacramenta, cum majori dispositione, & reverentia. Ita solvendæ sunt omnes obijciendæ Patrum autoritates.

Id autem voluisse S. Cyprianum, constat ex assumptis ab eo exemplis: lux siquidem Solis licet sit eadem, nihilominus major, vel minor sit ratione majoris, vel minoris perspicuitatis subiecti; Manna licet idem, attamen diversas habebat suavitates pro diversa dispositione, & desiderio manducantium. Immo & ipsemet expressè urgendo exemplum seminis, hæc habet: *In Evangelio dominicum semen æqualiter seminatur? sed pro varietate terræ aliud absuntur, aliud in multiformem copiam vel trigefimi, vel sexagesimi numeri fructu exuberante numeratur.*

Neque huic assertioni contradicit subtilis Doctor, ut nonnulli ipsi falsò imponunt, asserentes ipsum docere, quòd de facto major datur gratia virtute sacramenti Prædestinati, quàm reprobis, imò etiam inter Prædestinatos amplior gratia per baptismum conferatur ei, qui ad majorem gloriam est prædestinatus; imò contrarium apertè docet; quamquam id sentiat esse possibile, quod ut apertè constet, placet illius verba describere, ex lib. 4. dist. 4. quæst. 7. num. 3. ubi ait: Respondeo, quòd cum ad effectum baptismi, sci licet gratiam, concurrat causa principalis, scilicet Deus, & causa meritoria, ut Passio Christi, & ipse suscipiens baptismum; ex parte cuiuslibet istorum posset attendi æqualitas, vel inequalitas. Quantum ad

Deum determinantem se cooperari isti signo per effectum significatum, & in hoc instituentem istud signum, in ratione signi certi, aliquo modo potest esse differentia, aliquo modo non. Aliquam enim gratiam dispositione regulariter conferre cum isto signo; ita quòd nulli minorem, & ista dici potest conferri virtute baptismi; quia virtute veritatis hujus signi, & sicut determinatio illa universalis, quantum ad istum gradum est uniformis, ita effectus æqualis. Ecce in terminis nostra conclusio.

Pergit. Verumtamen quia Deus prædestinavit diversos Electos ad diversos gradus gloriæ, & hoc ante determinationem hujus signi, ad tantam, vel tantam gratiam conferendam, & ordinationi ad majorem gloriam rationabiliter potest conferri major gratia: potest Deus in determinando veritatem, seu certitudinem hujus signi disponere conferre alicui suscipienti præcisè illam gratiam, quæ requiritur ad certitudinem signi, & alicui majorem, quem prædestinavit ad majorem gloriam; sed ille ulterior gradus non conferretur virtute baptismi, sed de speciali benevolentia divina. Propter hoc dici potest, quod ex parte causæ principalis, effectus est regulariter æqualis simpliciter, qui datur virtute baptismi: quia supponitur quod de lege communi prima gratia non datur major absque omni differentia extra causam principalem. *Quid clarius? Adstruit possibilitatem inequalitatis ex parte causæ principalis, sed negat alium de lege communi.*

Eodem modo loquitur num. 4. de inequalitate ex parte causæ meritorie, inquit: De secundo potest dici, quòd illa causa meritoria potest efficacius operari ad gratiam in uno, quàm in alio: vel quia specialius pro uno, quantum ad intentionem offerentis, quàm

„ quàm pro alio: vel quantum ad executionem pro uno oblata in effectu, „ pro alio non, nisi in prævisione divina. Primo modo Christus ponitur „ communiter nosse omnia, quæ Deus „ novit, scientia visionis, & per consequens novit omnes Electos, & ad „ quem gradum gloriæ fuerunt electi. „ potuit ergo pro Prædestinato ad maiorem gloriam plenius offerre passionem suam, & præcipue cum „ offerret pro genere humano, ad hoc „ ut de eis impletur divina prædestinatio.

„ Secundo modo passio Christi efficacius cooperatur pro nobis, qui sumus in lege Evangelica, quàm pro „ Patribus in lege Moylis; quia obsequium præstitum ad majus bonum „ retribuendum magis acceptatur, „ quàm beneficium prævisum. Et illo „ secundo modo est inæqualitas in suscipiendis gratiam, per Circumcisionem, & Baptismum, propter inæqualem applicationem causæ meritorie ad illos, & forte etiam in baptizatis ante passionem, & post passionem. Si autem primo modo, scilicet propter specialem obligationem in voluntate Christi, sit inæqualitas gratiæ in aliquibus nunc baptizatis, dubium est de facto: sed „ possibilitas est offensa. Huc usque „ Doctor: igitur non facile quisquam „ credat Authoribus citantibus Doctorem pro aliqua sententia, nisi verba textus legerit, & expendit, ne ipsi obtineat, quod dicitur *Eccl. 19. v. 4. Qui credit cito, levis corde est, & minorabitur.*

QUÆRES 1. *Utrum sacramenta præter gratiam sanctificantem, aut illius augmentum conferant aliqua auxilia à virtutibus infusi, & donis Spiritus sancti distincta.*

R. *Espondeo id videri probabilius, ut communiter docent Theologi. Tum quia alioqui frustra plura, & di-*

stincta sacramenta essent instituta; quippe cum augmentum gratiæ haberi posset per frequentem ejusdem sacramenti repetitionem, putà per sacram communionem; verisimile enim est, quòd plus gratiæ habitualis conferatur per frequentationem Eucharistiæ, quàm per receptionem aliorum sacramentorum. Tum quia SS. Patres docent sacramenta Matrimonii, & Ordinis esse instituta, ut per gratiam ejusmodi sacramentorum Ecclesiastica munia ritè possent perfici, & conjugii onera æquo animo sustineri; nec-non & mutuus amor inter conjuges rependi, mutuaque servari fides, & proles piè educari. Docent pariter Confirmationem esse institutam ad conferendam gratiam, qua constanter, ubi necessum fuerit, fidem profiteamur adversus quoslibet illam impugnantes, etiam cum bonorum jactura, & vitæ dispendio: Idem dicendum de cæteris sacramentis, cum enim Baptismus sit per se institutus ad spiritualem generationem hominis, & ad vitam gratiæ instaurandam, verisimile est quòd per ipsum conferantur auxilia quædam specialia, quibus illa vitæ novitas perficiatur, ac servetur.

Similiter sacramentum Pœnitentiæ confert aliquod auxilium speciale ad efficacius detestanda peccata, & satisfaciendum pro commissis. Pariter Eucharistia, cum sit instituta per modum alimenti spiritualis, confert auxilia, per quæ præservamur à morte spirituali, nempe mortali peccato. Idem constat de Extrema-Unctione, quæ cum ordinata sit ad abstergendas peccatorum reliquias, & conferendum robur in illo vitæ discrimine, meritò credi potest, quod specialia conferat quædam auxilia ad ejusmodi effectus.

Denique, ea distinguuntur, quorum effectus sunt diversi: atqui diversi sunt effectus gratiæ gratum facientis, & gratiæ sacramentalis: effectus enim gratiæ gratum facientis est tribuere aliquam, si-

similitudinem divine naturæ, juxta illud 1. Petri cap. 1. *Ut per hæc efficiamini divina consortes naturæ*; effectus autem gratiæ sacramentalis, est conferre aliquod remedium contra defectus peccati: ejusmodi autem effectus sine dubio sunt diversi: igitur, &c.

Idem patet de gratia sacramentali respectivè ad virtutes, & dona: gratia enim sacramentalis se habet ad gratiam virtutum, & donorum, quemadmodum gratia virtutum, & donorum se habet ad gratiam sanctificantem, communiter sumptam. Quod ut percipiat: *Advertendum* est gratiam sanctificantem tripliciter considerari: *Primo* quidem communiter, quatenus videlicet hominem facit Deo gratum, & divine naturæ consortem: *Secundo*, gratiæ virtutum, & donorum addunt super ejusmodi gratiam sanctificantem auxilia quædam, quibus homo perficitur, & vegetatur, ad eliciendos actus conformes ipsis donis, & virtutibus, maxime verò ad credendum; sperandum, & diligendum Deum super omnia: gratia verò sacramentalis perficit hominem ad speciales sacramentorum effectus mox designatos.

Quod autem reverà sacramentalis gratia addat aliquid super gratiam virtutum, & donorum, sicut & supra gratiam habitualement, apertè colligitur, quia aliàs sacramenta frustra conferrentur habentibus gratiam habitualement, ac virtutes, & dona Spiritus sancti; maxime cum ejusmodi gratia facilius augeri posset virtutum, & donorum exercitio, quàm sacramentorum ope.

Dices. Gratia sacramentalis ordinatur tantum ad tollendos animæ defectus, qui ex peccatis oriuntur; sed ad id sufficit gratia virtutum, & donorum, omnia quippe peccata excluduntur per ejusmodi virtutes, quia nullum est, quod alicui virtuti non opponatur; igitur, &c.

Distinguo minorem: Ad id sufficit generatim, concedo: speciatim, nego: nam habitualis gratia virtutum, & donorum tollit quidam generale defectum animæ, & generale vulnus potentiarum ejus, privationem virtutis, & gratiæ; non tollit autem peculiare aliquos defectus, ad quos auferendos ordinatur gratia sacramentalis.

QUÆRES 2. *Quanam sit illa gratia sacramentalis?*

RESPONDET Paludanus esse habitum aliquem peculiarem realiter distinctum ab habituali gratia, virtutibus, & donis Spiritus sancti, quem, appellat regenerativum in Baptismo, corroborativum in Confirmatione, nutritivum in Eucharistia. Idem dicendum de cæteris.

Verum refellitur, tum quia nulla est necessitas admittendi istius habitus: actus enim ad quos juvat gratia sacramentalis, aut sunt communes, & ordinarii ex deliberata voluntate elici: aut sunt extraordinarii, & ex solo speciali Spiritus sancti motu, non autem ex propria deliberatione exerciti, quales sunt interdum à viris sanctioribus: sed ad priores actus sufficit gratia habitualis, cum virtutibus supernaturalibus; ad posteriores verò sufficiunt dona Spiritus sancti, quibus reddimur facile mobiles ad sequendum ejusmodi divini Spiritus impulsus.

Alii aliter sentiunt, sed omisiss eorum sententiis, existimo dicendum gratiam sacramentalem addere supra gratiam habitualement, & virtutes ac dona Spiritus sancti, auxilia actualia, putà piàm, & sanctam cogitationem, motusve subitos voluntatis à Deo divinitus immisiss, ad consequendum finem sacramentorum, ad quæ quidem auxilia jus habet, qui sacramenta suscipit; licet enim quæcumque gratia habitualis exlget aliqua auxilia, sive gratias
præ-

prævenientes ad resistendum tentationibus, & bene operandum : *Deus namque* (loquitur Tridentinum sess. 6. c. 11.) *sua gratia actuali semel iustificatos non deserit, nisi ab eis prius deseratur. Rationem præmiserat : Quo (inquit) sit, ut iusti ipsi eo magis se obligatos ad ambulandum in via iustitiæ sentire debeant, quo liberati jam à peccato, servi autem & amici facti Deo, sobriè, iustè, & pie viventes proficere possint per Christum Jesum, quin diligentes se diligit, ditans eos specialibus favoribus, & auxiliis, quibus, cum facilius possint, si velint, mandata Dei servare : id quippe consentaneum est legibus amicitiae, ut amicus juxta voluntatem amici operetur. Licet quæcumque gratia habitualis sibi vendicet specialia auxilia necessaria ad sui conservationem : attamen potissimum convenit gratiæ sacramentali, quæ de congruo postulat certa quædam auxilia, quibus obtineatur finis à Christo Domino per sacramentum specialiter intentus : quemadmodum contingit apud homines, ut dum subditus aliquis meruit sui Principis amicitiam suis obsequiis in aliquo loco, maxime dignus est ; ut ibidem præmio donetur : v. g. dum urbem aliquam ex parte adversariorum ad dedicationem compulit, dignus est, ut ejus urbis præfectus instituitur.*

Dices : Idem habitus gratiæ non sufficit ad actus specie diversos : sed in sacramentis sunt actus specie diversi ; matrimonium enim ordinat ad servandam conjugii fidem, ad Christianam liberorum educationem, & onera familiæ ferenda : ergo ad eos actus eliciendos concurrere debet alius habitus : sed ille alius esse non potest, quàm gratia sacramentalis ; ergo gratia sacramentalis non est auxilium actuale, sed habituale.

Nego majorem : Nam gratia sanctificans, quæ collata fuit in statu innocentiae, & in veteri Testamento, non

videtur specie diversa ab ea, quæ confertur hominibus iustis in lege Evangelica, diversos tamen specie præstat effectus : nam gratia status innocentiae coercerat effrenes motus sensitivæ partis, & corpus animæ, ac sensum rationi subponebat ; quem utique effectum non præstat gratia sanctificans novi Testamenti. Hæc similiter longè efficacior est, quàm gratia veteris Testamenti : quippe cælum hominibus prius clausum aperit.

QUÆRES DENIQUE, Quinam habeant jus ad illa auxilia Sacramentalia ?

RESPONDEO, probabilius videri, eos duntaxat jus illud sibi vendicare, qui gratiam sanctificantem in sacramenti receptione obtinent, & obtentam conservant : Unde qui gratiam Dei cum sacramento matrimonii non accipit ; nec acquirit jus ad auxilia specialia, quæ sanctos conjuges ad educationem liberorum, & alia matrimonii onera ferenda juvant, & ita in aliis sacramentis.

Probat, quia Author sermonis in cœna apud S. Cyprianum cap. De ablutione pedum, ait ; Deus reverfit per penitentiam dat, ut iterum possint eis injuriata sacramenta prodesse ; quorum si penitentia non subesset, nullo modo deinceps experiri possent effectum : Hinc qui suscepto Confirmationis sacramento, gratiam per peccatum mortale amittit, & rursus ad Deum per penitentiam redit, haud dubiè plus recipit gratiæ, quàm qui non accepta Confirmatione, cum æquali dispositione accedit ad penitentiam sacramentum : is enim animo promptiori paratus est ad subeunda, quæque tormenta pro tuenda fide, quàm qui non suscepto Confirmationis sacramento simili ratione ad Penitentiam accederet. Hic autem animi vigor non confertur præcisè per Penitentiam sacramentum : quia hoc gratia con-

confert pro mensura dispositionis suscipientis : oportet ergo , ut proveniat ex vi susceptæ Confirmationis , cujus gratia reviviscit per pœnitentiam , quantum removel impedimentum , nempe peccatum .

Dices : Actuale gratiæ auxilium non exigit statum gratiæ sanctificantis ; siquidem istud Deus interdum largitur , etiam perditissimis hominibus , ut constet exemplò S. Pauli , Magdalene , & aliorum peccatorum , qui divinò irradiante gratiarum lumine ad bonam frugem sese receperunt : igitur status gratiæ habitualis sanctificantis non est necessarius ad suscipienda auxilia per sacramenta .

Distinguo antecedens : Si gratia actualis detur ex mera liberalitate , & misericordia , qualiter data est , tum S. Paulo , tum aliis illustribus pœnitentibus , concedo : si detur ex aliquo jure seu debito , quemadmodum dantur auxilia per sacramentorum collationem debita , nego .

Instabis : Gratia sacramentalis non habet majorem connexionem cum gratia sanctificante , quàm virtutes divinitus infuse : sed hæc possunt esse sine gratia sanctificante ; nam in peccatoribus possunt esse fides , & spes , in quibus tamen gratia gratum faciens non residet .

Distinguo majorem : Non habet majorem connexionem , quàm virtutes , quæ ab ipsa gratia sanctificante profluunt , concedo : quàm virtutes , quæ requiruntur ut dispositiones ad gratiam , nego : & similiter distinctà minore , nego consequentiam . Fateor enim gratiam sacramentalem non habere majorem connexionem cum gratia sanctificante quàm charitas , quæ ab ipsa profluit , estque eadem realiter cum ipsa ; secus autem est de virtutibus , quæ ab ipsa non profluunt , sed potius ad eam sunt dispositiones præviæ , quales sunt fides , & spes .

QUESTIO TERTIA.

Utrum , qualem , & cui Sacramenta characterem imprimant ?

Notandum primò , ex Doctore in 4. dist. 6. quest. 9. num. 3. nomine *characteris* hic significari signum aliquod , quo assimilantur invicem ii , qui tali signò notantur , & ab aliis hominibus secernuntur : χαρακτήρ enim Græcè , Latine dicitur *forma* , *figura* , vel *imago* ; nota , aut signum quoddam distinguens aliquos ab aliis : Hinc Heb. 1. Filius Dei dicitur Græcè χαρακτήρ τῆς ὑποστάσεως αὐτοῦ , hoc est , *figura* , & *imago* substantiæ ipsius Patris : Et Apoc. 13. dicuntur aliqui habere *characterem bestie* , seu figuram in frontibus , & manibus , quò significetur eos pertinere ad familiam bestie . Quocirca figura , quæ candente ferrò pecoribus imprimitur , ut domini sui notam gerant , & discerni possint à pecudibus alterius domini , vulgari sermone *character* appellatur . Hoc modò etiam , inquit Doctor , dicimus *characteres* , figuræ , quibus litteræ scribuntur ; quæ ratione etiam figuræ quædam protractæ in incantationibus *characteres* solent appellari . Itaque nomine *characteris* , proprie significat Theologi signum quoddam spirituale impressum à Deo suscipienti sacramentum non iterabile .

Notandum secundò , ex eodem ibidem duas potissimum hujus characteris distinguui proprietates , duosque effectus : alium quidem physicum , alterum verò moralem ; *Physicus* est , ut sit assimilatio subjecti habentis characterem ad aliud quod similem formam obtinet , & distinctio ejusdem ab alio ita non signato : *Moralis* verò est , ut sit signum rememorativum sacramenti suscepti , conformativum Christo , cujus sacramentum suscipitur , & obligans suscipientem ad legem , & fidem servandam , cujus est initiatio : tandem ut per illud signum fu-

suscipiens sacramentum deputetur ad aliquod munus ; quemadmodum per aliquam notam peculiarem homines olim militæ adscribebantur . Inde colligit Doctor , characterem distingui ab alio effectu sacramenti , nempe gratia , nec-non à virtutibus infusis , fide , spe , & charitate : quia , inquit , tales virtutes non semper imprimuntur suscipienti sacramentum non iterabile , utpote si fide suscipienti Ordinem , vel Confirmationem : character autem semper imprimitur . Hoc etiam apparet ex quadam alia conditione , quæ communiter loquentes attribuant characteri , scilicet quod est indelebilis : virtutes autem istæ sunt debiles , ut patet de peccante mortaliter , in quo non remanent istæ virtutes .

Notandum tertio, recentiores hæreticos in dubium revocare , quod per sacramenta novæ legis ejusmodi character imprimatur suscipientibus ; nam *Joannes Voicles* lib. 4. dialogi c. 15. ait : Multiplicant quidam in ordinibus à sacramentis characteres ; sed istorum fundationem , & fructum , nec in Scriptura sacra , nec in ratione confidero . *Lutherus* quoque lib. de captivitate Babylonica , cap. de Ordine , characterem sic irridet . Efinxerunt , inquit , characteres , quos huic suo sacramento tribuerunt , qui imprimerentur ordinatis ; unde ergo tales cogitationes , quæ authoritate , quæ ratione stabiliuntur ? Similiter *Calvinus* in Antidoto Canonis 9. sess. 7. Concilii Tridentini : Quod , inquit , de characterē indelebili fabulantur , ex eadem prodiit officina ; nam in veteribus id totum ignotum fuit , & magis consentaneum est incantationibus magicis , quàm sanæ Evangelii doctrinæ : eadem ergo facilitate repudiabitur , qua excogitatum fuit .

His præmissis , quatuor potissimum hæc in questione sunt statuenda : *Primo*.

Tom. X.

Primo, quod reverà per aliqua duntaxat sacramenta imprimatur character : *Secundum*, quod ille non sit aliqua relationis , ut voluit Durandus , nec tantum realis , ut quidam perperam fingunt Doctorem subtilem asseruisse ; sed qualitas quædam spiritualis . *Tertium*, utrum character ille immediatè subijciatur in animæ substantia , vel in aliqua ex ejus facultatibus . *Quartum*, denique an sit omnino indelebilis , & inamissibilis .

CONCLUSIO PRIMA.

T*ria sacramenta novæ legis , scilicet Baptismus , Confirmatio , & Ordo imprimunt characterem spirituales .* Hæc est de fide , determinata in Conciliis , maxime Florentino in Decreto Eugenii , ubi legimus : *Inter hæc sacramenta (novæ legis) tria sunt , Baptismus , Confirmatio , & Ordo , quæ characterem , id est , spirituale signum à cæteris distinctivum imprimunt in anima indelebile* ; unde in eadem persona non reiterantur : reliqua autem quatuor characterem non imprimunt , & reiterationem admittunt . Idem definit Concilium Tridentinum sess. 7. Can. 9. his verbis : *Si quis dixerit in tribus sacramentis , Baptismo scilicet , Confirmatione , & Ordine , non imprimi characterem in anima , hoc est , signum quoddam spirituale , & indelebile ; unde ea iterari non possunt , anathema sit .*

Eandem veritatem perpetuâ traditione ab Ecclesiâ primordio acceptam luculenter expressit Innocentius tertius ut refertur in capite *Majores de Baptismo* , ubi cum quæreretur an dormientibus , & amentibus character sacramenti imprimatur in Baptismo , ita ut excitati à somno , vel ab ægritudine , non sint denuò baptizandi , respondet , *Sunt qui dicunt , quod Baptismus , & Ordo , non solum dormientibus , & amentibus , sed invitis , & contradicentibus , etsi non quoad rem , quoad characterem tamen conferuntur ; alii non*

O

non

„ non absurde distinguunt, quòd hic,
 „ qui terroribus, atque suppliciis vio-
 „ lenter attrahitur, ne detrimentum
 „ incurrat, Baptismi suscipit sacramen-
 „ tum, ut & qui fictè ad Baptismum
 „ accedit, characterem suscipit Chri-
 „ stianitatis impressum. Qui verò pe-
 „ nitentis contradicit, & nunquam con-
 „ sentit, nec rem, nec characterem
 „ suscipit sacramenti; dormientes
 „ autem, & amentes, si priusquam
 „ amentiam incurrerent, aut dormi-
 „ rent, in contradictione peristerent,
 „ etsi sic fuerint immersi, characterem
 „ non suscipiunt sacramenti: secus au-
 „ tem, si prius catechumeni fuissent,
 „ & habuissent propositum baptizandi
 „ Tunc ergò characterem sacramen-
 „ talis imprimi operatio, cum obicem
 „ voluntatis contrariæ non invenit ob-
 „ stentem.

Quibus verbis supponit Innocentius, doctrinam de caractere sacramentali, esse in Ecclesia constantem, & à Majo-ribus acceptam; ut optimè notat subtilis Doctor laudatus qu. 9. nu. 14. ubi observat, quod etsi dici posset priora huius auctoritatis verba nomine *characteris* significare Baptismum; tamen per posteriora, inquit, quibus dicit, quòd sacramentalis operatio imprimi characterem, videtur expresse loqui de caractere, tanquam de aliquo impresso ipsi animæ, sicut loquimur in proposito.

Non desunt etiam Scripturæ testimonia huic veritati patrocinantia; inprimis enim proferri potest illud 2. ad Corinth. 1. *Qui unxit nos Deus: qui, & signavit nos, & dedit pignus Spiritus in cordibus nostris.* Quibus verbis Apostolus distinguit tres effectus Confirmationis, quorum Primus est gratia, qua instar olei unguimur, & roboramur; Secundus est character, quo consecramur Deo, & consignamur tamquam signo Christi ad cultum divinum, & aliquod officium; Tertius est Spiritus sanctus, qui nobis reddit testimonium bonæ

conscientiæ, estque in nobis velut pignus futura gloriæ. Fateor tamen ex hac, & simili Scripturæ auctoritate non clarè, & explicitè concludi posse ejusmodi sacramentalis characteris impressionem: aliquis enim reponere posset, ejusmodi Scripturæ textus exponendos esse de gratia sanctificante; quemadmodum Tridentinum sess. 6. cap. 7. vocat illam promissionis Spiritum sanctum, dicens: *Efficienti verò (causa justificationis) misericors Deus, qui gratuitè abluit, & sanctificat, signans, & ungens Spiritu promissionis sancto, qui est pignus hereditatis nostræ?* Et de hac intelligunt locum Apostoli 2. Corinth. 1. Chrysostomus, Oecumenius, & alii. Quamvis autem non omnes eam recipiant in susceptione sacramenti, tamen ipsum sacramentum, quantum est ex se, natum est illam conferre, quod sufficit.

Proferuntur etiam plures SS. Patrum auctoritates, eamdem veritatem insinuantes; Primò quidem Cyrillus Hierosolymitanus præfatione in suas Catecheses: ubi ait. *Magnum est sanè propositum Baptismi captivitatis liberatio, peccatorum remissio, mors peccati, animæ regeneratio, vestimentum candidum, signaculum, sanctum, & indelebile:* Sed Baptismus non est indelebilis ratione gratiæ sanctificantis; hæc enim per quodlibet mortale peccatum deperditur: ergo talis dicitur ratione signaculi in baptizato manentis, quale nullum esse potest aliud, nisi character. Similiter S. Basilius homil. 13. ait: *Nisi signaculum in te agnoscat Angelus, quemodo pro te pugnabit, aut ab inimicis vindicabit? Quomodo, dices, Dei sum, signa Dei non ostendens? an ignoras quemadmodum signatas domos in Ægypto præteritis exterminator, in non signatis verò primogenita peremit? Thesaurus non ob-signatus facile patet furibus; ovis absque nota, protinus infidiis est obnoxia.* Item S. Gregorius Nazianzenus orat. 4. *Bat-*
tis-

ptismus, inquit, est sigillum, quia conservatio est, ac dominationis significatio significat enim cuius Domini possessio sumus. Et infra, Prius signata non facile infidit appetitur, quæ non est signata facile capitur à furibus.

Sanctus Chrysostomus homil. 2. in epist. ad Ephesios: *Signati sunt Israelitæ: sed nota circumcissionis, ut pecora; nos ut filii in diem redemptionis.* Unde homil. 14. ait: *Non fecit gregem regalem.*

Idem habent alii SS. Patres, ut Hieronymus ad Ephes. 4. *Deus imprimit animæ signaculum sancti Spiritus.* Et S. Ambrosius 1. de Spiritu sancto c. 6. *Spiritu signamur, ut splendorem, & integritatem ejus, & gratiam tenere possimus, quod est spirituale signaculum.* Sed omnium optimè huic veritati adstipulatur S. Augustinus pluribi, maxime verò lib. 6. de Baptismo, cap. 1. scribens: *Elumit Pastoribus Ecclesiæ ovem, quæ foris errabat, & dominicum characterem à fallacibus depredatoribus foris acceperat venientem ad Christianæ unitatis salutem, ab errore corrigi, à vulnere sanari, characterem tamen Dominicum in ea potius agnoscei quam improbari: quandoquidem ipsum characterem multi, & lupi, & lupi infigunt; ille autè dominicus character, aut est ipsa Dei gratia, aut ipsum sacramentum, aut aliquod indelebile signaculum impressum animæ: sed non est ipsa gratia; hæc enim non infigitur lupis, id est malis hominibus in malitia sua permanentibus, nec agnoscitur in ove foris inter hæreticos errante. Non etiam est ipsum sacramentum; quia character ille, cujus meminit S. Augustinus, infigitur lupis: at exterius sacramentum dici non potest infigi; nam est actio transiens: igitur necessum est, quòd loquatur de characteris impresso animæ.*

Advertendum nihilominus ut notat Doctor num. 14. hanc auctoritatem, posse intelligi de ipso Baptismo, non

autem de effectu Baptismi. Unde fateor, quòd neque hæc auctoritas, nec aliz suprà à nobis memoratz sufficiunt ad asserendum istum characterem sacramentalem, nisi intercederet Ecclesiæ definitio. Unde ibidem Doctor præclare colligit: *Propter ergo solam auctoritatem Ecclesiæ, quantum occurrit ad præsens, est ponendum characterem im-* „ *primi.* Unde præclare Suarez disp. 11. „ lect. 1. postquam varia recensuisset „ SS. Patrum testimonia pro impressione „ characteris sacramentalis, subdit: „ Quoniam verò, inquit, hæc omnia „ testimonia non videntur cogere; ideo „ Scotus dist. 6. quæst. 9. dicit facile ex- „ poni posse ipsum sacramentum Ba- „ ptismi, v. g. esse characterem; & ideo „ concludit solà auctoritate Ecclesiæ „ nos cogi ad ponendum characterem „ Sed quamvis verum sit Ecclesiæ au- „ thoritatem habere præcipuas partes „ in hoc negotio; tamen ea supposita „ intelligimus mentem Sanctorum, „ fuisse in eadem significatione de cha- „ ractere loqui; & sine dubio multa ex „ dictis Sanctorum melius prædicto „ modo intelligentur. Quibus verbis „ optimè attingit scopum Doctoris, & „ mentem à nobis expositam.

Tres nihilominus pro asserendo ejusmodi characteris congruentias profert „ Doctor num. 15. ubi scribit: *Primò,* „ congruum est ad formam perfectam, „ poni aliquam dispositionem: gratia „ autem forma est supernaturalis, & „ perfecta: ergo congruit ad eam esse „ aliquam dispositionem præviam su- „ pernaturalem: talis est character. „ *Secundò:* congruit Deum non infi- „ tuisse sacramenta vana, saltem pro „ nova lege, quæ perfecta est: ergo „ congruit, quòd sacramenta sua „ nullo recipiantur verè, quin aliquem „ effectum habeant: sed non semper „ habent gratiam, sicut in ficto: ergo „ aliquem alium. *Tertiò,* congruit re- „ ceptum in familiam Christi, distin-

„ qui à non recepto per aliquod intrin-
 „ secum sibi: quia licet Christus posset
 „ distinguere sine tali intrinseco, ta-
 „ men perfectior est & in se, & in
 „ comparatione ad omnem Ecclesiam,
 „ militantem scilicet, & triumphan-
 „ tem, si fiat per aliquam formam in-
 „ trinsecam manentem, quàm si non
 „ sic fiat. Tale distinctivum ejus, qui
 „ suscepit sacramentum, quo intratur
 „ in familiam Christi, ab eo, qui non
 „ suscepit, & immanens in suscepto
 „ ponitur character.

Subdit autem quòd istarum congruentiarum tertia est magis rationalis: quia est etiam specialis de Baptismo: duæ autem aliæ talem habent probabilitatem, quòd si ponatur character, tali modò ponetur, qualem illæ congruentiæ tangunt. Unde concludit: *Sic ergo breviter teneatur conclusio propter auctoritatem Ecclesiæ prius adductam, & due congruentiæ, una de susceptione in familiam Christi, & alia de dispositione conferenda, sunt probabiles.*

Ex quibus apparet Doctorem subtillem non revocare in dubium veritatem, & existentiam characteris sacramentalis ut quidam perperam ipsi imponunt: sed tantum quòd illa veritas probari non possit expressis, & evidentibus Scripturæ sacræ, aut sanctorum Patrum sententiis; neque ulla efficaci ratione demonstrari, sed dumtaxat quòd constet ex auctoritate Ecclesiæ, cujus traditioni, & definitioni suffragantur tum Scripturæ, tum sanctorum Patrum oracula.

Aliam hujus veritatis congruentiam subjicit Author sermonis de Cena, apud Sanctum Cyprianum nam ageus de ablutione pedum, aperte significat Baptismum, Confirmationem, & Ordinem iterari non posse, quia impræmunt characterem. *Baptismum repeti Ecclesiastica prohibent regula* (scilicet in Canonibus Apostolicis 46. & 68.) *Et semel sanctificatis nulla deinceps manus iterum*

consecrans præsumit accedere. Nemo sacros ordines semel datos renovat; nec sacro oleo linitos iterum linit, & consecrât: Nemo impositioni manuum, vel ministerio derogat Sacerdotum, quia contumelia esset Spiritus sancti, si evacuari posset, quòd ille sanctificat. Reponunt hæretici 1. baptismum non iterari, quia est ingressus in Ecclesiam. *Contrà*, exinde sequeretur quòd ubi quis ab Ecclesia, per apostasiam est egressus; iterum ad eam accedens deberet baptizari, quod militat adversus præfatorum Patrum, & veterem Conciliorum doctrinam.

Reponunt 2. Ideo non iterari; quia est spiritualis [regeneratio] purgans animum ab originali peccato. *Contrà* dum quis cum effectu peccati mortalis baptizatur, nec regeneratur spiritualiter, nec peccatum originale dimittitur; attamen iterum dum facti pœnitent non baptizatur.

Deinde regeneratio spiritualis fit etiam per contritionem excitatam per Evangelii prædicationem, ut dicitur Apoc. 1. & ad Corinth. 4. *Per Evangelium ego vos genui*, nihilominus sic geniti baptizantur. Denique toties homo regeneratur, quoties amissam spiritualement vitam recipit, non tamen toties baptizatur.

Reponunt 3. in probanda characteris existentia fieri circulum vitiosum, idcirco enim dicimus, tria sacramenta imprimere characterem, quia non possunt iterari; & non posse iterari, quia characterem imprimunt: sed hæc ratio natio nulla est, ut constat ex Aristotele. lib. priorum. Ergo, &c.

Nego majorem: Circulus enim vitiosus est dum fit in eodem genere causa: secus hic: nam impressio characteris est causa, cur sacramentum non iteretur, & non iteratio est effectus illius characteris: unde sicut rationale ritè probatur à posteriori per risibile; & risibile à priori demonstratur per rationale, ita, & character rectè infertur per negationem

non iterationis, & hæc per characteris impressionem .

Dices primo: Nulla apparet sufficiens ratio, propter quam videatur admittendus sacramentalis character: igitur frustra assertitur. Probatur antecedens. *Vel* enim admitteretur tanquam dispositio ad gratiam, quod affirmari non potest, quia sacramentum in voto susceptum, confert gratiam independentem a characterem. Insuper, inquit Doctor *num. 16.* cum in quolibet sacramento conferatur gratia, in quolibet requireretur impressio alicujus characteris, ut esset dispositio prævia ad ejusmodi gratiam conferendam, quod falsum est: *Vel* admitteretur ut distingueret baptizatum à non baptizato: at hoc videtur etiam inutile: tum respectu Dei, qui absque ullo prorsus signo novit homines qui, & quales sint; tum respectu Beatorum, & Angelorum, quia in divina essentia clarissimè vident ac discernunt baptizatum à non baptizato; tum respectu nostri, quia cum illud signum spirituale sit, non potest à nobis percipi sensuum beneficio; tum in comparatione ad demones, & damnatos, cum enim signum istud sit ordinis supernaturalis; consequens est quòd cognosci non possit ab intellectu operante dumtaxat ex naturæ viribus: tum denique per ordinem ad officia, & ministeria, ad quæ hujusmodi sacramenta suscipientes, deputantur, siquidem illa deputatio fieri potest per solam denominationem extrinsecam; quemadmodum deputantur iudices ad jus cuique dicendum .

Respondeo, characterem censeri posse hominibus collatum per sacramenta, propter omnes fines assignatos, siquidem Deus hominem characterem insignitum sibi speciali jure vendicat: beati eum in specialem custodiam assumunt: viatores in societatem fidei, & sacramentorum associant, & licet in se non sit sensibilis, tamen per causam, seu per sacramentum semel collatum distin-

guit ab eo, qui tale sacramentum non suscepit. Beati etiam inquit Doctor *n. 9.* & damnati, possunt cognoscere quem hominem characterem insignitum, quem non cognoscerent eo modo, si tali characterem non notaretur; etenim, character in beatitudine subsistit ad majorem gloriam, & in damnatione ad majorem confusionem . Denique, sicut qui deputantur ad diversa officia in domo cujusdam Principis, notari solent quibusdam signis, quibus eorum munia noscantur; ita homines qui per Baptismum recipiunt in familiam Christi; per Confirmationem verò designantur tanquam milites ad proficendam fidem, & per Ordines donantur aliqua potestate circa corpus Christi verum, & mysticum, congruum, inquam, fuit ut peculiari characterem sacramentali ad eadem officia designarentur .

Dices secundò: SS. Patres nomine characteris, & mystici Christi signaculi, seu sigilli; nihil aliud intelligunt, quàm ipsum Baptismi sacramentum; igitur sacramentalis character non est alius effectus sacramenti .

Distinguo antecedens: Nihil aliud intelligunt, quàm sacramentum Baptismi, quod est signaculum causaliter, & efficienter, ut animæ regeneratio, peccati mors, & remissio, concedo: formaliter, & per se, nego: nam illud signaculum dicitur imprimi, vel insigi credentibus, & ab eis portari, ut quid semper manens: at signum foris adhibitum non est ejusmodi, sed potius Baptismatis effectus: nam ex Cyrillo Cateches. 16. *Spiritus sanctus obsignat animas in Baptismo.* Ex S. Ambrosio lib. 1. de Spiritu sancto: *Signamur in corpore, veritate tamen in corde signamur, ut Spiritus sanctus exprimat in nobis effigiem imaginis celestis, ut sciamus cordis nostri magis hoc, quàm corporis esse signaculum.* Igitur illud signaculum in corde est quid internum, & à sacramento distinctum.

Inflabit: Character, de quo loquimur, est signaculum quoddam internum, & spirituale indelebilitè animæ impressum: sed character, de quo loquuntur SS. Patres, maximè verò S. Augustinus, non est ejusmodi, nihilque est aliud, quàm invocatio sanctissimæ Trinitatis, ut constat ex sermone super gestis cum Emerito Cæsariensi Donatistarum Episcopo: *Ego, inquit, quando venio ad fratrem meum, & corrigo errantem fratrem meum, attendo fidem in nomine Patris, & Filii, & Spiritus sancti; iste est character Imperatoris mei, militibus, vel potius eum militibus suis ut hunc imprimerent eis, quos congregabant, castris ejus, præcepit dicens: Ite, baptizate gentes.*

Confirmatur, quia ibidem S. Augustinus docet, quòd si Donatus, aut Paulus baptizassent in nomine suo, impressissent suum characterem: igitur nomine characteris impressi in Baptismate, nihil aliud intelligit S. Augustinus, quàm ipsam invocationem sanctissimæ Trinitatis, in cuius nomine, & virtute confertur Baptismi sacramentum. Patet antecedens, ait enim ibidem: *Quid est, inquit, quòd dico? Desertor characterem suum non fixit, Donatus non baptizavit in nomine Donati: nam si Donatus, quando schisma fecit, in nomine Donati baptizaret, desertoris characterem insingeret.* Et rursus ait infra: Quòd merito Paulus prohibuerit eos, qui dicebant, *Ego sum Pauli*, quia in ejus nomine baptizati non erant, & habebant alium characterem, nempe Patris, & Filii, & Spiritus sancti: *Quid vultis, inquit, esse mei, & non potius ejus ego sum? agnosceite, advertite characterem vestrum, numquid in nomine Pauli baptizati estis?*

Respondeo, concessa majore, distinguendo minorem: Baptismus est character imprimens, concedo: impressus, nego: nam, ut eadem imago Regis, idemque character est in sigillo, & cera; sed in sigillo est imprimens, in cera verò est impressus: sic Baptismi sacramentum,

maximè ejus forma, est character imprimens; nam ejus nota spiritualis imprimitur animæ, quæ nota character impressus appellatur. Hinc ipsemet S. Augustinus Epist. 23. ait: *Baptismi sacramentum apud hæreticos valet ad consecrationem, non ad æternæ vitæ participationem.* Nomine autem consecrationis non intelligit gratiam sanctificantem, hæc enim est vitæ æternæ participatio; neque Baptismus, qui præterit: ergo necessum est, quòd intelligat characterem. Unde tract. 1. in 1. Joann. Epist. *Videat baptizatus quicumque, si habeat charitatem, & tunc dicat: Natus sum ex Deo: si autem illam non habeat, characterem impostum habet.* Character autem ille non est sacramentum ipsum; quippe cum non maneat, neque gratia; quia hæc non acquiritur absque charitate: igitur, &c.

Ad confirmationem dico, sensum verborum S. Augustini esse, quòd si Donatus, aut Paulus in nomine suo baptizasset, illa nomen ipsum invocationis præ se tulisset speciem characteris imprimantis, reverà tamen non fuisset character imprimens, quia character fuisset desertoris, non Imperatoris, qui unum subinde attulisset effectum; quocirca ait se deleturum, abjecturum, & anathematizaturum, si talem invenisset in homine ad unitatem accedente. Quemadmodum igitur in re monetaria, quando argentum, vel aurum signatur Principis imagine, distinguendus est character imprimens in sigillo ferreo, & impressus in argento, vel auro: ita etiam in re sacramentaria, quando anima in aliquo sacramento character signatur, distinguendus est character imprimens in invocatione sanctissimæ Trinitatis, & character impressus in anima suscipientis sacramentum.

Dices tertio: Omnis character est signum: sed nullum in anima potest esse signum; omne enim signum debet esse sen-

sensibile : igitur in anima nullus potest esse character .

Distinguo majorem : est signum analogicè , & per aliquam similitudinem , quatenus videlicet id omne alicui configurat , & assimilât , aut ab alio distinguit , appellatur imago , figura , & signum ; quemadmodum Filius dicitur character , & figura substantiæ Patris , concedo : sacramenta enim Fideles invicem colligunt , Christo configurant , & eos ab infidelibus discernunt : est signum propriè dictum ; rursus distinguo ; ratione sui , & per se , nego : ut sic enim est aliquid insensibile : ratione sacramenti sensibilis , quod suscepit , concedo : novimus enim , & asserere possumus , aliquem insigniri charactere baptismali , quia compertum habemus , quòd aqua sit ablutus in nomine sanctissimæ Trinitatis .

Peter : Quare duntaxat sunt tria sacramenta characterem imprimantia ?

Respondet subtilis Doctor in 4. dist. 6. qu. 10. num. 1. 2. numerum characterum optimè colligi , & declarari ex proportionem , quam habet status legis Evangelicæ ad regimen politicum , secundum quod in familia Principis servantur quidam speciales gradus dignitatis , qui omnibus non conveniunt : *Primus* est associatio in familiam , qui convenit quidem omnibus servis Principis , & per quem ab aliis distinguuntur . *Secundus* est militiæ ; seu militum deputatorum ad custodiam Principis , & Regni tutelam : *Tertius* est Ministrorum , & dispensatorum , juxta varios suos gradus . Servata hac autem proportionem , Baptismus est , per quem quis recipitur in familiam , Confirmatio in militiam , Ordo in ministerium , & dispensationem . Cætera sacramenta possunt esse communia omnibus aliis in Christiana familia existentibus , quæ ut fiant evidentia , & planiora , Doctoris verba lubet hic attexere .

„ Dico , inquit , quòd hoc potest pa-

tere per simile in politis istis mundanis : nullus enim habet determinatum gradum in familia Regis , quia comedit , vel bibit , nec quia post offensam dominus reconciliatur sibi , nec quia multiplicat personas in ista politia : nam isti actus communes esse possunt omnibus in quocunque gradu : sed alium gradum habet aliquis , quando recipitur in familiam domini ; alium , quando ulteriùs proficit , & constituitur , miles ad defendendum Rempub. alium , quando constituitur ut supremus sub domino ad constituendos alios in gradibus determinatis in sua familia ; utpote aliquis Senescallus generalis , & immediatus sub Domino , cui commissa est autoritas universalis ad recipiendum aliquos in familiam . Domini : & ideo si esset nomen impositum , quod significaret gradum in familia , vel baliviam , non diceretur gradum , vel dignitatem habere aliquis , quia accedens ad mensam , vel quia conjugatus , vel quia rediens ad gratiam post offensam : sed diceretur tantum habere gradum , qui de populo esset assumptus in familiam domini : & ulteriorem gradum , qui in familia constitueretur ad defendendam domum , vel dominum ; & ulteriorem , qui constitueretur tanquam præpositus ad recipiendum aliquos ad familiam , & instituendum inferiores .

Sic in proposito , tria sacramenta , scilicet Eucharistia ad nutritionem spiritualement : Matrimonium ad procreationem corporalem : Pœnitentia ad reconciliationem annualem , in nullo certo gradu constituunt in Ecclesia , imò possunt esse communes omni membro , Ecclesiæ , in quocunque gradu . Sed *Primus* gradus Ecclesiæ , & quidem universalissimus , est recipi in familiam Christi , quod fit in baptismo . *Secundus specialis* ,

in

„ in militiam ad defensionem fidei
 „ Christianæ, quod fit in Confirmacione. *Tertius*, constitui in Patrem,
 „ & Pastorem ad introducendum alios
 „ in Ecclesiam, & ad dirigendum, &
 „ instituendum eos, quod fit in Ordine. Et sicut in politia illa non congruit illas tres dignitates iterari, scilicet receptionem in familiam, promotionem ad militiam, & prælationem ad doctrinam, bene tamen iterari possunt nutritio, & procreatio, & reconciliatio: ita in proposito, tria sacramenta non decet iterari, alia autem iterantur, & in non iterandis gradus non iterabilis acquiritur, & character dicitur, in iterandis autem non.

His concinit Catechismus Tridentinus quæst. de Sacram. in communi, num. 30, ubi ait: Jam verò character hoc præstat, tum ut apti ad aliquid sacri suscipiendum, vel peragendum efficiamur, tum ut aliqua nota alter ab altero interuoscatur. Ac Baptismi quidem character utrumque consequimur, ut ad alia Sacramenta, percipienda reddamur idonei, & eo præterea fidelis populus à Gentibus, quæ fidem non colunt, distinguatur: Idem autem in character Confirmacionis, & sacri Ordinis licet cognoscere: quorum altero veluti Christi licet cognoscere milites ad ejus nominis publicam confessionem, & propugnationem, ac contra iusitum nobis hostem; & spiritualia nequitia in cœlestibus armamur, atque instruimur, simulque ab iis, qui nuper baptizati, tanquam modò geniti infantes sunt, discernimur: alter verò tum potestatem Sacramenta conficiendi, & ministrandi conjunctam habet, tum eorum, qui ejusmodi potestate præditi sunt, à reliquo fidelium cœtu distinctionem ostendit.

CONCLUSIO SECUNDA.

Character sacramentalis non est relatio rationis, nec realis, sed forma realis absoluta. Hæc videtur probabilior subtilis Doctoris sententia; quidquid nonnulli minùs modestè ipsi perperam affingant: quod ut appareat evidentiùs; placet Doctoris verba in 4. dist. 6. qu. 10. num. 13. exscribere. Ait autem: Ad quæstionem potest dici, quòd sicut non potest probari aliquam formam realem imprimi in susceptione Baptismi, aliam à gratia, & virtutibus, & hoc neque per rationem naturalem, neque etiam per rationem evidentem ex creditis manifestis: ita non potest probari characterem, si ponatur forma realis, esse formam absolutam realem, vel respectivam: quia utrumque salvari potest: quòd sit, scilicet forma respectiva, sic ut jam ostensum est, vel quòd sit forma realis absoluta. Si ponatur, non potest evidenter improbari: quædam enim sunt satis rationabiliter concedenda de characteribus, si ponatur esse, utpote quòd est forma spiritualis impressa à Deo cuiusque suscipienti sacramentum non iterabile. Et quòd ex institutione divina efficaciter significat gratiam illam sacramenti, & quòd disponat ad eam, sicut declaratum est in quæstione præcedente, quia est in eodem susceptivo, & ab eodem agente, & forma prior, & imperfectior, & quòd sit indelebilis, cum non habeat causam meritoriam corruptivam. Et quòd sit signum memorativum respectu susceptionis sacramenti, quia præterit, & signum configurativum, idest, signans obligationem animæ ad Christum. Quòd etiam sit forma assimilativa alteri suscipienti sacramentum, & ab alio distinctiva, qui non suscipit.

Ex his apparet, quàm temerè subtili Doctori quidā cū Vasquezio 3, p. d. 134. cap. 2.

cap. 3. obloquentur, & eum temeritatis infumunt, quod dixerit characterem esse relationem rationis: imò longè non minùs ab ejus sententia recedunt, qui volunt ipsum asseruisse characterem esse relationem realem; nam si penitus à recto rerum affirmatore, & judice inspiciatur Doctor, apparebit eum duntaxat docuisse, quod utique propugnari posset sententia affirmans characterem esse relationem realem; probabiliorem tamen judicat illam esse sententiam, quæ contendit ipsum characterem esse formam absolutam de genere qualitatibus; quam utique sententiam quasi suam propriam, ut assolet, postremo loco assignat, & propugnat. Unde illam, etiam propugnant celebriores illius Discipuli, Bassolius hic quæst. 3. Mayronius dist. 7. quæst. 5. art. 10. Rubionius quæst. 2. art. 2. Vorillon. dist. 3. quæst. 3. con. 1. Ut missos faciam omnes Modernos, qui cum doctissimo Scholiaste Cavella eandem assertionem tuentur.

Probatur itaque conclusio: In eo constituenda est characteris essentia, quod magis conducit ad illius dignitatem, & efficacitatem: at ita est de sententia, quæ affirmat illum consistere in aliqua forma reali absoluta: igitur, &c. Major patet; siquidem sacramentorum effectus eà majori commendatione celebrandi sunt, quâ possunt absque ulla contradictione, & repugnantia; hoc enim maximè confert ad dignitatem Christianæ Religionis, & Dei bonitatem erga homines celebrandam. Minor verò probatur: forma realis absoluta est multò perfectior, quàm quælibet respectiva, ut norunt Philosophi; siquidem relationes sunt exilioris, ac tenuissimæ entitatis, magisque dependent, quàm formæ accidentales absolutæ; siquidem hæ duntaxat dependent à subjecto cui inhaerent: illæ verò non solum dependent à subjecto, sed etiam à fundamento, & termino. Et insuper, relationes

extrinsecus advenientes, inter quas aliqui volunt reponendum esse characterem, dependent etiam à conditionibus extrinsecis, sine quibus non existent.

Deinde, relatio per se non producitur, sed resultat ad alterius productionem, ut similitudo inter duos parietes albos; at character per se primò producitur, ut dictum est in præcedenti conclusione, ubi probatum est quædam sacramenta producere, & imprimere characterem immediatè in eo, qui cum fictione, & tamen validè suscipit sacramentum aliquod imprimens characterem: non potest autem illius sacramenti assignari alius terminus, aut effectus, quàm ipse character; quandoquidem eo in casu non producatur sacramentalis gratia: igitur character est aliqua forma realis absoluta.

Denique, si esset relatio, maximè vel rationis, vel realis: sed neutrum rectè potest affirmari. Non primum: Tum quia Concilia, & SS. Patres asserunt characterem esse signum spirituale animæ impressum; sed hæc de ente rationis verificari non possunt; utpote cum non imprimatur animæ, sed tantum objectivè sit in intellectu: *Tum quia* Deus est præcipuus author sacramentalis characteris: sed Deus non est author entium rationis; absit enim, ut dicamus Deum aliter concipere rem à parte rei, quàm sit: *Tum quia* homo per characterem signatur, & reverà distinguitur ab alio, qui hujusmodi characterem non insignitur: sed ita signari non potest per ens rationis; quomodo enim illa relatio rationis, & extrinseca denominatio posset esse signum, quo unus præ alio deputatur ad sacras actiones, & facultatem habeat illas exercendi, cum nihil ponat in homine, nec per se sit cognoscibilis? *Tum denique quia* character est indelebilis: at ens rationis non potest dici indelebile, cum tantum existat per intellectus fictionem, quæ facillimè

evanescit : igitur character non potest censeri relatio rationis .

- Probabilius est pariter illum non esse *relationem realem* ; etenim esset vel intrinsecus , vel extrinsecus adveniens . Non quidem *prima* ; hæc enim postulat fundamentum proximum , & terminum realiter existentem : sed character Baptismi , & Ordinis v. g. impressus Apostolis , non habuit aliquando terminum actu existentem , putà in triduo mortis , quando Christus non erat . Nil etiam assignari potest , quod sit illius fundamentum proximum ; si quid enim esset , maxime actualis susceptio sacramenti : sed hæc censeri non potest fundamentum proximum characteris ; quia impossibile est relationem actu subsistere non subsistente amplius illius fundamentò proximo ; sed character subsistit , utpote cum sit indelebilis , etiam transacta actuali susceptione sacramenti : igitur illa sacramenti susceptio non potest censeri fundamentum proximum illius characteris . Concludendum est ergo , quod character sit forma absoluta .

Non etiam est *relatio extrinsecus adveniens* ; licet enim in homine baptizato , ordinato , & confirmato , ex actione sacramentali , quâ baptizatus , confirmatus , & ordinatus est , maneat relatio extrinsecus adveniens ipsius hominis ad ministrum talium sacramentorum ; hæc tamen relatio non potest dici character ; alioqui ex actione aliorum sacramentorum , sequeretur etiam imprimi characterem ; quippe cum ex illa actione ejusmodi relatio exurgat . Quod utique probatur , quia illa relatio , quæ manet ex applicatione Baptismi , v. g. non est aliud , quàm denominatio baptizati : atqui similis relatio , seu denominatio nutriti , absoluti , sanati , & conjugati , manet ex applicatione Eucharistiæ , Pœnitentiæ , Extremæ-Uctionis , & Matrimonii : igitur , &c.

PERES , ad quam speciem qualitatis spectet character ?

Respondet Doctor , locò suprà laudatò num. 15. posse revocari ad primam , vel ad secundam speciem qualitatis , nempe vel ad habitum , vel ad potentiam : ait enim Doctor : *Respondeo ergo , quodd si (character) ponatur accidens absolutum , potest poni in secunda specie qualitatis , vel etiam in prima ; nec alterum istorum potest evidenter improbari ; quod utique sic probat .* Si character non posset reduci ad secundam speciem , maxime quia ad illam speciem solum pertinent ea , quæ habent rationem potentie naturalis ; ac proinde cum character sit qualitas supernaturalis , non potest ad illam spectare , sed hæc ratio nulla est ; quia , inquit Doctor , quanquam Philosophus complexus fuerit sub hoc membro solas qualitates naturaliter activas ; Tamen , inquit , *potentia supernaturalis , si est absoluta , & accidentalis , & spiritalis , bene potest pertinere ad idem genus intermedium , cum habitu naturali .*

Similiter si revocetur ad primam speciem , nempe ad habitum , quia est difficile mobilis , non poterit improbari ; si enim quid obesset , quominus character posset revocari ad habitum , maxime quia habitus datur ad facilliter operandum ; character verò , cum sit supernaturalis , datur ad simpliciter operandum ; vel quia character est dispositio ad gratiam , ac subinde non est habitus ; vel quia habitus est determinatus ad unum agendi modum bonum , aut malum ; quia non possumus habitibus indifferenter uti ; nullus enim uti potest malè virtutis habitu , nullus bene habitus vitii : character autem ad utrumlibet est indifferens , nempe ad bene , & ad malè operandum ; quidam enim utuntur characterè sacramentali bene , religiosè , & piè : nonnulli autem male , sacrilegè , & impiè : sed hæc rationes nullæ sunt .

Non quidem *prima*; quia, inquit Doctor num. 16. potest habitus supernaturalis, ut est forma supernaturalis, difficile mobilis, esse principium agendi, vel resistendi corruptivo, & sic habere rationem potentie supernaturalis; unde licet habitus naturalis dicat duntaxat facilitatem, non autem potentiam, tamen habitus supernaturalis, quatenus est forma spiritualis immobilis, potest habere rationem habitus; prout verò est principium, quò possumus elicere actum supernaturalem, dici potest potentia.

Non etiam secunda; quia, inquit Doctor *ibidem*, bene potest esse unus habitus dispositio ad alium, sicut secundum distinguentes habitum principii, ab habitu conclusionis, habitus principii disponit ad habitum conclusionis, nec tamen inde sequitur, quòd sit dispositio, quatenus hæc distinguitur contra habitum in prima specie qualitatis; hæc enim dispositio est qualitas facile mobilis, & ut sic distinguitur ab habitu, quatenus est qualitas difficile mobilis à subjecto, qualis est character.

Non etiam tertia: Quia, inquit *ibidem*, aliquis potest esse actus indifferens; sicut enim ex frequenter repetitis actibus bene agendi acquiritur habitus inclinans ad bene agendum, & ex frequentatis actibus male agendi, comparatur habitus inclinans ad male agendum; sic ex frequentibus actibus absolute agendi, acquiritur habitus ad eliciendum actum, qui nec sit bonus, nec malus. Quod utique probat hoc exemplo; *Potest enim aliquis frequenter considerans Geometriam, habere facilitatem magnam ad considerandum conclusionem in illa scientia: at nec ibi est habitus bonus, vel malus, sicut nec actus, ex quo generabatur: sic & in habitu supernaturali potest esse.*

CONCLUSIO TERTIA.

Probabilis est characterem immediate, & formaliter inesse voluntati; mediatè autem, & realiter ipsi substantie anime. Hæc est Doctoris in 4. d. 6. quæst. 10. num. 4. ubi ait: Dico, ergo ad questionem, supponendo... de gratia, quòd est idem cum charitate; & per consequens est primò in potentia, scilicet in voluntate; & ulterius quòd ista dispositio ad formam est in eodem susceptivo cum forma; character autem, si ponatur in esse, convenienter ponitur dispositio ad gratiam sacramentalem... ergo congruum est ponere characterem formaliter in voluntate. Ita Doctor, in quibus verbis signanter dicit esse congruum; nam rationes, quas profert ad ejusmodi assertionem probandam, non evincunt omnino necessitatem, sed solum majorem quandam convenientiam.

Probat itaque primò: Convenientius est, quòd dispositio constituatur in eodem subjecto proximo; in quo recipitur forma, ad quam disponit: sed character est dispositio saltem moralis ad gratiam, quæ formaliter, & immediate in voluntate residet, ut probatum est in tractatu præcedenti: igitur, &c. Major videtur manifesta ex Physica; dispositio enim cum debeat amovere obstacula, quæ obessent introductioni formæ, cumque præparari debeat subjectum ad formæ receptionem, oportet quòd illa reperiatur in eodem subjecto, in quo forma est recipienda. Minorem supponit Doctor probatam, quæst. 9. num. 18. ubi loquendo de characterè, & sibi obijciens, quòd dispositio potest esse ex parte passi vel agentis.

Respondeo non agentis, inquit, quasi sit quoddam agens medium inter primum agens, & passum: non enim pono characterem habere aliquam virtutem activam respectu gratiæ causandæ: sed Deum assistere illi, tanquam signum invisibile

ad causandam gratiam, quam signat, recedente impedimento, sive obice inherente. Est ergo dispositio ex parte susceptivi, quia est forma prior, sine qua non recipitur forma posterior; non simpliciter necessarium, sed necessarium comparando ad potentiam ordinariam agentis causantis utramque formam. Quibus Doctor significat, quod etiam si character, & gratia non habeant ullam inter se necessariam connexionem ex natura rei, habent tamen in morali estimatione; quia character ordinatur ad gratiam, conferendam, tam per sacramentum, per quod ipse imprimitur, quam per alia sacramenta, maxime si loquamur de characteris baptismali: quia per illud capaces efficiuntur aliorum sacramentorum: non enim est ratio eorum characteris esset indelebilis, nisi subordinaretur gratiæ tanquam forma prior, neque propriè potest subsistere configuratio animæ, & imaginis, quæ principaliter fit per gratiam in solo characteris, nisi diceret aliquem ordinem ad gratiam: neque obligatio, quæ sequitur ad talem configurationem ad Christum, potest abstrahere à mediis, per quæ debet impleri, nempe à gratia actuali, vel habituali: igitur necessum est, quod habeat quamdam connexionem saltem moralem cum gratia, ad quam est dispositio.

Probat secundò: Omnis obligatio ad opus morale spectat ad voluntatem, sed character baptismalis v.g. inducit obligationem animæ ad Christum, ut servet legem Christianam: hæc autem obligatio est necessitas moralis operandi; ac subinde inclinatio quædam ad ipsam operationem: non secus ac lex, seu præceptum, aut votum, quæ dicuntur inclinare ad operationem, quatenus opponuntur libertati operandi, vel non operandi, & faciendi hoc, aut illud. Similiter character Confirmationis inducit obligationem militiæ, & confes-

sionis fidei: Item character Ordinis est principium operandi; est enim potestas activa: omnis autem obligatio moralis maxime spectat ad ipsam voluntatem: igitur cum character inducat obligationem moralem operandi, potius debet esse in voluntate immediatè, quam in ipsa animæ substantia, quæ per se non est operativa, aut in intellectu, qui ex se non est capax actionis moralis.

Deinde, character est potestas, sive signum potestatis suscipiendi ea; vel trahendi, quæ pertinent ad cultum divinum: atqui ad virtutem Religionis, quæ est in voluntate, spectat ea expendere, & peragere, quæ pertinent ad cultum divinum: igitur signum talis potestatis debet etiam reponi in voluntate.

Confirmatur, quia sacramenta spectant ad Religionem: ergo, & effectus ille, qui deputat hominem ad cultum divinum, qualis est character, etiam spectare debet ad Religionem. Concludendum est ergo, quod character immediatè, & formaliter fit in voluntate, realiter autem in ipsa animæ substantia, cum qua ipsa voluntas identificatur: quemadmodum gratia, & charitas insunt ipsi voluntati, tanquam formæ illam afficientes, & pericientes in ordine ad operationem: realiter autem insunt ipsi animæ substantiæ, à qua voluntas est indistincta realiter.

Dices primò: Character non ordinatur ad operandum, sed duntaxat ad perficiendam, & signandam animam: ergo potius inesse debet ipsi animæ substantiæ, quam alicui facultati.

Distinguo antecedens: Non ordinatur per se, & effectivè, concedo: per aliud, & dispositivè, nempe ratione gratiæ operativæ, ad quam disponit, seu ministerii, & officii, ad cuius impletionem obligat, nego.

Dices secundò: Substantia animæ est subiectum potentiæ, cui videlicet facultates animæ inexistunt; potentia autem non potest esse subiectum alterius

rius potentie: atqui, ut diximus, character revocari potest ad secundam speciem qualitatis, quæ est potentia: igitur non potest existere in aliqua facultate, & potentia animæ.

Distinguo primam partem majoris: Substantia animæ est subjectum potentie naturalis, quæ ab ipsa fluit, veluti proprietas ipsi connaturalis, & ipsi realiter identificata, concedo: potentie, quæ sit accidens supernaturaliter ab ipsa anima realiter distinctum, nego: Similiter distinguo alteram partem ejusdem majoris: Potentia non est subjectum alterius potentie substantialis, & realiter sibi identificata, concedo: accidentalis, & ab ea realiter distincta, nego. Et sic distincta minore, neganda est consequentia; alioqui sequeretur, nullum habitum virtutis esse respondentum in ipsa voluntate.

Dices tertio: Character est quoddam lumen spirituale: sed omne lumen spectat ad intellectum: igitur, & character. Major constat ex S. Dionysio lib. Ecclesiasticæ Hierarchiæ cap. 2. ubi ait: *Divina beatitudo hominem adductum ad baptismum in sui participationem, seu communicationem recipit, & admittit, ac proprii luminis, instar signi cuiusdam ipsum participans fuit, intinuit, Deo reddens, & consortium munerum, ac ordinis sacri, quorum sacra est tessera summi Sacerdotis, datum accedenti signaculum, &c.* Hoc autem signaculum nihil est aliud, quam character, quem lucem, ac lumen appellat: igitur, &c.

Distinguo majorem: Character est lumen spirituale, ordinatum ad propriam illuminationem habentis characterem, nego: ad illuminationem aliorum, ut nempe per characterem cognoscant, me esse deputatum domesticum, aut militem, vel ministrum Christi, concedo: tale autem lumen non debet esse in intellectu: sic enim characteres, & insignia servorum alios illuminant, seu deducunt in noticiam, quod sunt

servi talis, vel talis domini, nec tamen illæ servitutis notæ, & characteres debent esse in intellectu.

CONCLUSIO QUARTA.

Character sacramentalis est indelebilis, & inamissibilis. Hanc veritatem sic probat Doctor dist. 6. quæst. 9. num. 20. ubi ait: Licet multipliciter dicatur de indelebitate characteris, nec sit multum utile recitare: breviter dico, quod nulla forma potest esse in anima alia ab anima, quam non possit Deus de potentia absoluta delere, sicut posterius à priori: quia in hoc nulla potest inveniri contradictio. Sed character, si ponatur, hoc modo est indelebilis, nec potest deleri hoc modo; quia nec virtute alicujus creature. Patet, quia est forma supernaturalis, nec potest virtute divinâ deleri de potentia ejus ordinata, quia ordinavit nullam formam supernaturalem delere, nisi propter aliquod demeritum inherens animæ: respectu autem characteris delendi nulla potest esse causa demeritoria: cum enim imputatur in actu peccandi mortaliter, nihil potest demereri ipsi tolli. Quibus Doctor aperte significat, characterem sacramentalem de via ordinaria esse indelebilem; quam utique veritatem aperte tradunt Concilia Florentinum, & Tridentinum, ut constat ex eorum decretis conclusione prima laudatis, quibus significatur illum characterem indelebiter inesse animæ.

Constat pariter ex SS. Patribus, qui appellant signaculum istud indissolubile, maxime ex S. Augustino lib. 2. contra Parmenianum cap. 23. ubi ait: *Non minus hærent sacramenta Christiana, quam corporalis militiæ nota, quæ quondam imprimebatur carni... & sacramentorum sanctitas inviolabilis, & impolluta manet in bonis ad præmium, in malis ad judicium.*

Suadetur etiam ratione congrua;
con-

conveniens enim fuit, ut ille character esset omnino indelebilis, nec ullo peccato posset evacuari; enimverò si potestas Ordinis, quæ significatur per characterem, posset deperdi per aliquod peccatum, consequens esset, quòd homines plerumque forent dubii, an valide sacramenta susceperent, cum nullum habeant indicium, utrum Sacerdotes, à quibus suscipiunt sacramenta, sint in statu gratiæ, nec ne: Quod certè vergeret in magnum fidei detrimentum.

Dices primò: Si aliquis character esset indelebilis, maximè Ordinis: at ille per peccata, & nefaria scelera deleri potest: igitur, &c. Major constat. Minor verò probatur. Character Ordinis est potestas administrandi, & gerendi ea, quæ peculialiter ad cultum divinum, Sacramentorum administrationem, & publicum Reipublicæ Christianæ regimen spectant: sed illa autoritas per peccatum ita amittitur, ut quidquid à Ministris nefarius gestum est, tauquam irritum, & nullum ab Ecclesia reproberetur: igitur, &c. Probatur minor ex plurimis actis, & exemplis; maximè verò *Photii* Constantiupolitanæ Sedis Episcopi, *Maximi Cynici* ejusdem urbis Antistitis, *Proculi* Masiensis Præsulis, & *Ebbonis* Archiepiscopi Rhemenfis, quorum ordinationes, & Ecclesiastica munia prorsus irrita, ac nulla declarata sunt.

Primò quidem irritam, & nullam esse pravi Ecclesiæ Ministri auctoritatem constat exemplo *Photii*, cujus ordinationes, & Ecclesiastica munia reprobandur, & irritantur. Is enim eum *Bardæ* Eunuchi artibus, à Gregorio Siracusano Episcopo jam excommunicato Constantinopolitanus Patriarcha, esset consecratus, detruso primò in carcerem, & postmodum in exilium ejecto legitimo Episcopo Ignatio, Synodus Romana coacta est à Nicolao I. summo Pontifice, in qua contra Pho-

tium hæc sententia lata fuit, *Sit omni Sacerdotii honore, & nomine alienus, & omni Clericatus officio exutus.* Et idem Pontifex hanc quoque sententiam adversus eum emisit: *Eos verò, quos Photius Neophitus, & Constantinopolitanæ Sedis invasor in quolibet Ecclesiastico Ordine provexit, omni Clericali officio privamus.* Alia his similia habes in ejusdem summi Pontificis Epist. 7. Et epist. 9. quæ est ad Michaellem Imperatorem, ubi scribit, quòd nihil *Photius* à Gregorio accepit, nisi quantum Gregorius habuit: nihil autem habuit, nihil dedit. Idem etiam decrevit Adrianus II. summus Pontifex, ut legimus Act. 3. Synodi 8. Oecumenicæ, in qua de ordinatis à Photio sic habet: *Quos quidem Photius in gradu quolibet ordinasse putatus est, ab Episcoporum numero, & dignitate, quam usurpavit, & sibi dedit, meritò sequestramus:* cujus rei triplicem rationem subiungit. *Primò*, quòd Photius sit similis Maximo Cynico, qui, ut mox dicemus, nullam Episcopalem auctoritatem habuit: *Secundo*, quòd ita decretum est, à Nicolao suo Prædecessore. *Tertiò*, quòd ordinatus est ab excommunicato, qui nihil habuit, nihil dedit, nisi forte damnationem, quam sequentibus propinavit.

Unde in Concilio IV. Constantin. „ Can. 4. hæc habentur; Amorem prin-
„ cipatus, utpote quamdam malam,
„ radicem exortorum in Ecclesia scan-
„ dalorum, radicitus excidentes, eum,
„ qui temerè, & prævaricatoriè, ac
„ irregulariter veluti quidam gravis
„ lupus, in Christi ovile insiliit, Pho-
„ tium scilicet, qui mille tumultibus,
„ & turbationibus orbem terræ reple-
„ vit, iusto decreto damnamus, promul-
„ gantes nunquam fuisse prius, aut
„ nunc esse Episcopum; nec eos, qui
„ in aliquo Sacerdotali gradu ab eo
„ consecrati, vel promoti sunt, manere
„ in eo, ad quod provecti sunt: insu-
per

„ per & eos, qui ab illo consuetas orationes ad præposituræ promotionem susceperunt, ab ejusmodi patrocinio coercemus, sed & Ecclesias, quas, ut putatur, tam Photius, quàm ii, qui ab ipso consecrati sunt, dedicaverunt, vel si commotas mentes stabiliant, rursus dedicari, & inthronizari, atque stabili decernimus; omnibus maximè, quæ in ipso, & ab ipso ad Sacerdotalis gradus acceptionem, vel damnationem actæ sunt, in irritum ductis. *Hæc Concilium.* Sed si Photius non censeatur Episcopus, quia à Gregorio excommunicato fuit ordinatus, & si omnia, quæ gessit ipse Photius, irrita sint, quia intrusus fuerat in Sedem Constantinopolitanam, & postmodum excommunicatus, consequens est, quod character, & authoritas Episcopalis in homine nefario, & excommunicato desinat: igitur, &c.

Idem constat exemplo Maximi Cynici, qui cum à nonnullis Ægypti Episcopis pecunia corruptis fortiva electione Episcopus Constantinopolitanus constitutus esset: ita de illo, & ejus ordinationibus pronuntiavit Concilium primum Constantinopolitanum Can. 6. his verbis: *De Maximo Cynico Philosopho propter indisciplinationis ejus doctrinam, quæ Constantinopoli orta est, statutum est, ut neque Maximus fuisse, aut etiam esse putetur Episcopus, neque hi, qui ab eo sunt ordinati, qualemcumque gradum Clericatus obtineant, omnibus scilicet, quæ circa eum, vel ab eo gesta sunt, in irritum revocatis.*

Tertio eadem veritas apparet ex Proculo Massiliensi: cum enim in Concilio Taurinensi, seu Taurinatenſi celebrato anno 397. declaratum esset canone primo, quod proculus Massiliensis Episcopus Civitatis gereret se tanquam Metropolitanum Ecclesiis, quæ in secunda Provincia Narbonensi positæ videbantur: Zozimus summus Põn-

tifex post 20. circiter annos, tale judicium Synodale irritavit, sicut constat ex variis ejus epistolis, maximè ex 6. ad Carthaginensem Episcopum, ubi Ordinationes duorum Episcoporum, nempe Universi, & Terentii à Proculo factas, irritas declarat. Et epist. 9. ad Episcopum Arelatenſem damnat Proculum, quod talia esset aggressus. Cum autem nec dum Proculus acquiesceret, scripsit epistolam 10. ad Massilienses, in qua inter cætera scribit. *Cum ipse Proculus jam non sit Episcopus, quæ Episcoporum sunt, facit, & humanus largitor aliis se dicit posse præstare, quod datum sibi aliquando immerito gerere non potuit, &c.* Sed si Episcopus damnatus desinit esse Episcopus, & Sacerdotes ab eo ordinati careant sacerdotio, consequens est, quod illius character, & authoritas desinat, ac subinde non est indelebilis.

Constat quarto, exemplo Ebbonis quondam Rhemenſis Archiepiscopi, cum anno 835. tempore Gregorii Papæ quarti, in conventu Episcoporum in Theodonis villa habito, Episcopatu se abdicasset propter nonnulla crimina, de quibus accusabatur, maximè verò, quod fuisset promotor depositionis Ludovici Pii Imperatoris, nihilominus autem post suam depositionem, regnante Lothario Ludovici filio in suam sedem restitutus esset per Synodum Episcoporum Provincialium, & plures in ea Ecclesia Clericos ordinasset; ab ea demum Caroli Regis auxilio, à Galliarum Episcopis amorus, & depositus est, eique adhuc viventi Hincmarus fuit substitutus: cum autem Hincmarus post obitum Ebbonis, quos ipse ordinaverat Sacerdotes, & Clericos, nollet admittere, Galliarum Episcopi celebrarunt Concilium Sueffionense anno 853. tempore Leonis Papæ, in quo damnarunt omnes ordinationes ab ipso Ebbono post depositionem factas, & eas irritas, ac nullas declararunt, ut

refert Flodoardus lib. 3. Hist. Rhem. cap. 11. ubi fufius acta hujus Concilii enarrat: igitur his omnibus conftat quod Epifcopalis character, & authoritas non fit indelebilis, & inamiffibilis; quippe cùm per crimina, aut depofitionem Epifcopi definat.

Nego confequentiam, & ad primum exemplum dico, reverà ordinationes à Photio factas, fuiſſe validas, non tamen licitas, propterea quod contra Ecclefiæ Canones Photius fuiſſet ordinatus: nam ut ait Nicetas apud Baronium „ ad an. 838. Photius homo gloriæ ap-
 „ petentiſſimus, ſex diebus ex laico
 „ transformatus eſt in Patriarcham,
 „ nimirum primæ die ex laico factus
 „ eſt Monachus, ſecundò efficitur Ana-
 „ gonofteſ, tertio Subdiaconus, quartò
 „ Diaconus, quintò Presbyter, ſextò
 „ denique Patriarcha ſedem conſcen-
 „ dens pacem populo annuntiavit ni-
 „ hil pace dignum cogitans. Conſe-
 „ cratus eſt autem per Gregorium Sy-
 „ racuſanum Epifcopum Ignatii per-
 „ duellem, excommunicatum, & è
 „ trono ejectum, uſus eſt autem com-
 „ miniſtris Petro Sardorum Epifcopo,
 „ qui cognominabatur miſer, & Eu-
 „ lapio Apameæ Epifcopo. At iſta de-
 „ notant quidem illicitam fuiſſe con-
 „ ſecrationem Epifcopalem Photii, non
 „ verò invalidam. Unde licet ab eo or-
 „ dinati nunquam potuerint licitè exer-
 „ cere munia ſuſcepti ordinis, à cujus
 „ executione ſuſpenſi erant, quod ordi-
 „ nem ſuſcepiſſent ab eo, qui in aliena
 „ Diœceſi, & non ſua ſine Epifcopi illius
 „ loci aſſenſu, manus impoſitionem de-
 „ derat: tamen validè fuerunt ordinati,
 „ & ordinis characterem ſuſceperunt.

Quod autem Photii ordinatio fuerit valida, conſtat ex Epiftoſa Joannis VIII ſummi Pontificis ad Baſilium, & Alexandrum Imperatores, in qua approbat reſtitutionem ipſius Photii in Sedem Conſtantinopolitaram mortuo Ignatio: *Not*, inquit, *ſtatutis Apoſto-*

licis non præjudicantes, nec Beatorum Patrum regulas reſolventes, eundem Photium ſatisfaciendo miſericordiam coram Synodo ſecundum conſuetudinem poſtulantem in vera dilectione Fratrem, in Pontificali officio Communiſtrum, in paſtorali magiſterio Conſecrædorem, pro Eccleſiæ Dei pace, atque utilitate: amodò Chriſto favente recipimus, atque habemus. Id autem fieri poſſe probat exemplis, tum Donatiſtarum, tum Bonofianorum, quos conſtat abſque ulla reordinatione receptos fuiſſe in honoribus, & muniis.

Nec obſtat quòd à plurimis redarguatur Joannes, quòd ita facilem ſe præbuerit erga reſtitutionem Photii, qui poſtmodum Eccleſiæ Romanæ hoſtis inſenſiſſimus fuit, & author ſchiſmatis, ac defectionis Græcorum à Latinis; nemo enim hactenus eum culpandum cenſuit, quòd eum judicaverit recipiendum abſque reordinatione.

Idem dicendum de ordinationibus ab ipſo factis; nam Formoſus Papa ſcribens ad Stylianum Neocæſaræ Epifcopum Provinciæ Epifcopum, qui ſupplicem ſe gerebat pro Photio, inter cætera ſcribit: *Cum his, qui a Photio fuerant ordinati, miſericorditer non graves, decernimus, ut oblatiſ libellis ſe deliquiſſe fateantur, & penitentiam veniam deprecantur, pollicentes ſe nunquam tale quid commiſſuros.* Quibus approbat eorum receptionem, cum penitentia quidem, ſed abſque nova ordinatione.

Idem dicendum ad exemplum de Maaximo Cynico; quippe cùm Adrianus ſecundus epiſt. ad Ignatium ſcribat, Photii ordinationem in omnibus eſſe ſimillimam ordinationi Maximi; utpote cùm utraque fuerit illicitè facta, licet validè.

Nec obſtat, quod uterque dicatur non Epifcopus: hæc enim dicta ſunt ad communem vulgi intelligentiam, non ad doctrinæ rigorem; ſimili pene ratio-

tionem, qua veri Sacerdotes non dicuntur impii, & Sacerdotii suis actionibus violatores, non quod Sacerdotii dignitatem, gravitatem, auctoritatem, statum, perfectionemque non assequantur, qui turpibus facinoribus conscientiam suam maculant; sed quod Sacerdotii leges non servant: quomodo vulgò negantur esse consules, qui Reipublicæ non consulunt, medici qui aliis non medentur, Doctores qui docendis aliis nullam operam infumunt, Reges qui Regis munia aspernantur. Quas & similes phrasas, imò & duriores ad vitiolorum infectionem dici posse, nemo inficiabit.

Ad exemplum *Proculi* Massiliensis dico, eum idcirco à Zozimo dici non Episcopum, non quod reverà (non haberit characterem, & auctoritatem Episcopalem, sed quod illicitè, & contra Canones illam præfecturam Metropolitanam ambiat: quod enim reverà hic semper verus fuerit Episcopus, apertè constat ex S. Hieronymo *epist. 4. ad Rusticum*, ubi scribit: *Habes istic sanctum & doctissimum Pontificem Proculum, qui viva & præsentis voce nostras schedulas superet, quotidianisque tractatibus iter tuum dirigat, &c.* Insuper reperitur cum S. Ambrosio subscripsisse in Concilio Aquileiensi anno 381. Quando itaque Proculus dicitur non esse Episcopus, vel ordinati ab eo remouentur à quocumque gradu Ecclesiastico, vel dicuntur carere Sacerdotio: hæc omnia intelligenda sunt, non de privatione characteris in conferente ordines, aut suscipientibus; sed de privatione honorum, graduum, & officiorum.

Ad quartum dico, quicquid à Synodo Sueffionensi intigante Hincmaro determinatum fuerat contra Clericos ab Ebbone ordinatos, id omne ab Apostolica sede fuisse damnatum, & reprobatum, sicut apparet ex *epistolis 46. & 47. Nicolai summi Pontificis*. Ex quibus constat, quod cum Hincmarus pro

confirmatione hujus Concilii iteratè legatione egisset apud Leonem IV. nihilque ab eo impetrasset, Benedictum Leonis suecessorem falsis narrationibus induxit; Synodique confirmationem subreptitiè obtinuerit, sed sub hac forma tantum conditionata: *si ita est, &c.*

Refert ibidem Nicolaus Pontifex, quod cum Benedictus Papa per epistolam suam voluntati Hincmari non planè satisfecisset, ille quædam eidem epistolæ addiderit: quædam verò pro suo arbitratu ab ea sustulerit.

Adde, quod idem Nicolaus ad calcem epistolæ 46. declararet quod licet omnia, quæ adversus Ebbonem proponebantur, essent vera; nihilominus Clerici ab eo ordinati, cum humilitatem, & obedientiam exhiberent, cum suis honoribus essent recipiendi. Quia Ebbo, qualiscumque fuerit, nullum, prorsus ipsis offendiculum intulit. Quod utique confirmat exemplo Maximi, qui licet Neophitus, & reprehensibiliter fuisset ordinatus, tamen S. Leo noluit eum ab Episcopali dignitate repelli. Et ex epistola Anastasi 11. qui rescribens ad Anastasium Imperatorem, ait, quod multà bona ministrando, sibi tantummodò noceant, nec Ecclesiæ sacramenta commaculent.

Tandem ex ipsius Concilii Sueffionensis Actis, nec non & ex iis, quæ postmodum pro eorundem Clericorum ab Ebbone ordinatorum gesta sunt, evidenter constat, ejusmodi Clericos suis tantum gradibus pulsos, & à suorum Ordinum ministratione suspensos. Constat, inquam, ex Concilio Sueffionensi, confirmat enim, quod ante ab Hincmaro factum fuerat: quid autem illud sit, apparet ex petitione ejusmodi Clericorum, qui ex libello supplicii oblato ejusmodi Concilio, inquirunt: *Misericordiam petimus, nobis à vestra paternitate impendi, de administratione ordinum Ecclesiasticorum, ad quos à Domino Eb-*

„ bone quondam provecti , & vestra
„ autem autoritate suspensi sumus .

Constat pariter ex gestis pro eorum
restitutione . Nicolaus enim summus
Pontifex , nihil aliud Hincmaro , &
aliis Gallie Episcopis præcipit , nisi ut
tales Clerici in suis gradibus restituan-
tur : Unde quando in eodem Concilio
dicitur , *Actione quinta decretum est , ut
quidquid in ordinationibus Ecclesiasti-
cis idem Ebbo post suam damnationem
egerat præter sacram baptismi , habeat
vacuum , & irritum* : hoc intelli-
gendum est , quantum ad honorem , &
gradum , à quo suspensi censebantur
illi Clerici ab Ebbone ordinati . Eadem
ratione accipiendum est id , quod sub-
jicitur post actionem sextam , de Al-
duino , qui dicitur Presbyteratum ac-
cepisse per saltum à Lupo Catalaunensi
Episcopo , quia antea Diaconatum ab
Ebbone acceperat : mens enim Concilii
non est quod Alduinus ille non fuerit
reverà Diaconus , sed quod recipiendo
characterem Diaconatus , non potuit
accipere gradum , & honorem illius
ordinis ; unde cum illo agitur eodem
modo quantum ad executionem mini-
sterii , ac si reverà per saltum fuisset
promotus .

Urgebis : Ipsimet summi Pontifices
aliquando improbarunt ordinationes à
suis predecessoribus factas , & ab eis
ordinatos iterum ordinandos esse cen-
suerunt : igitur non existimabant Sa-
cramentum Ordinis imprimere charac-
terem indelebilem . Probatur antece-
dens . *Primo* quidem exemplo Step-
hani IV. summi Pontificis , qui anno 769.
convocato Romæ Concilio ex selectis-
simis Gallie , Germanie , & Italie Epi-
scopis irritas declaravit omnes ordina-
tiones factas à suo predecessore *Con-
stantino* . Quam utrique irritationem
ratam habuit Concilium , ut legitur in
ejus Actis , quod etiam refert Anastasi-
us Bibliothecarius , qui loquens de
istò Concilio Romano : *In eodem* , in-

quit , *Concilio promulgatum est , ut qui
Episcopi ex Presbyteris , sive Diaconis ab
eo ordinati fuerant , in primum honoris
sui gradum reverterentur , nisi placabile
fuisset omni populo civitatis sue , denud
decretò factò electionis , more solito cum
Clero , & plebe ad Apostolicam venis-
sent Sedem , ut ab eodem S. Stephano Pa-
pa benedictionis susciperent consecratio-
nem* . Addit , idem statutum fuisse de
Presbyteris , & Diaconis , & statim
subjungit . *Illico Episcopi illi reverten-
tes in primo honoris gradu , electi denno
à Clero , & plebe , cum solito decreto ad
Sedem Apostolicam properantes , ab eo-
dem sanctissimo Papa consecrati sunt* . Et
tandem concludit : *Ita enim in eodem
Concilio statutum est , ut omnia quæ idem
Constantinus in Ecclesiasticis sacramen-
tis , ac divino cultu egit , iterari debuis-
sent præter S. Baptisma , ac S. Chrisma* .

Constat secundo exemplo Stephani
VI. cum enim Formosus ejus Predecessor
plures ordinasset sive Episcopos , si-
ve Presbyteros , Stephanus , congrega-
to Romæ Concilio , non modò eos om-
nes deposuit , sed etiam iterum ordi-
navit , ut refert Luithprandus lib. r. c. 8.
ubi scribit . *Cunctos* , inquit , *quos ipse
ordinaverat , gradu proprio depositos ite-
rum ordinavit* . Tum , quod Formosus
antea fuerat excommunicatus à Joan-
ne VIII. Tum , quod contra Canones
relictà propria uxore , id est , Episcopa-
tu , ex Portuensi Episcopo Romanus
Pontifex creatus esset , quod utique de-
cretum non solum Concilium istud
approbavit , sed etiam Sergius II. de
eo namque idem Luithprandus scri-
bit . *Sergius lætenter Romam ingressus
Papatum invasit , & Romanos minis , &
terroribus populis , ut omnes ordina-
tiones Formosi irritas haberent* .

Tertio tandem , id ipsum constat exem-
plo Joannis duodecimi , qui congrega-
to pariter Romæ Concilio anno 904.
Leonis vulgò dicti *offensi* summi Ponti-
ficis electionem anathematizavit ; de
or-

ordinatus autem ab eo ita decretum est *Ad. 3.* ejus Concilii: Eos verò, quos ipse „ Leo Neophytus, & invasor S. Catho- „ licæ, & Romanæ Ecclesiæ, in quo- „ libet Ecclesiastico Ordine provexit, „ Apostolica, atque Canonica autho- „ ritate, & Synodali decreto in pri- „ mum revocamus gradum, quia qui „ ordinator eorum nihil sibi habuit, „ nihil illis dedit: Sicuti olim noster „ prædecessor pie memoriæ Papa Ste- „ phanus sententiam tulit de iis, qui „ ordinati fuerant à Constantino quo- „ dam Neophyto, & invasore Sedis A- „ postolicæ, & postmodum quidam „ eorum sibi placabiles Presbyteros, „ aut Diaconos consecravit: Igitur ex iis omnibus constat summos Pontifices existimasse Pontificiam, & Episcopalem auctoritatem posse deperdi, & conse- „ quenter characterem illius non esse in- „ delebilem.

Nego antecedens, & ad primam illius probationem respondeo eum Baronio ad annum 769. n. 6. quòd Episcopi, qui dicuntur à Stephano IV. consecrati, non debeant censeri denuò ordines suscepisse, sed dicuntur consecrati: quia acceperunt more majorum benedictionem pontificiam, & ritus omnes servari solitos in reconciliandis schismaticis, vel hæreticis; quæ utique reconciliatio necessaria fuit eis, qui ab ipso Constantino fuerant ordinati: quoniam ille erat Pseudo-Pontifex, qui Turtoniæ Ducis Netinæ civitatis frater, & illius fratris potentia fretus, sedem Apostolicam invadens, unò ferè momento, & nullis servatis interstitiis, tanquam ex sacra prodiiit Romanus Pontifex, ac per annum sedens, plures ordinavit Diaconos, Presbyteros, & Episcopos; qui cum illius partes tuerentur, à Concilio, & Stephano legitimo summo Pontifice meritò à suis officiis, & ministeriis suspensi sunt, donec nova populi, & Cleri eorum electione, seu potius approbatione interveniente, be-

nedictionem Apostolicam acciperent, & suis gradibus, honoribus, ac ministeriis redderentur.

Nec obstat, quòd Auxilius, lib. 2. cap. 4. affirmans Stephanum IV. iterum ordinasse ordinatos à Constantino factum illud non aliter excusat, nisi quòd exemplum non sit sumendum à malis, uterque autem summus Pontifex, tum Constantinus, tum Stephanus, quintus essent homines pravi: Constantinus quidem, utpote cum Romanæ Sedis effect invasor, Stephanus verò, quia ejus iussu, & approbatione illius sequaces deprehensum fugientem Constantinum, multis affectum plagis, ac semivivum relictum oculis privaverunt: Quod utique factum, inquit Auxilius, non Apostolicum, sed Apostaticum est. Hoc, inquam, non obstat; quia falsum est, quòd illa cruenta in Constantinum sævities imperante Stephano facta sit: nam Anastasius Bibliothecarius, qui eodem seculo floruit, quo Auxilius, adscribit illam oculorum suffusionem Constantini, non ipsi Stephano, sed cuidam nomine Gratioso qui infesto Stephano militum caterva stipatus, hanc sævitiem in Constantinum exercuit; unde idem Anastasius Stephanum nullius criminis accusat, imò pluribus laudibus eum celebrat, nec-non, & Episcopos; qui cum ipso in Concilio Romano convenerant.

Si tamen malis stare sententiæ Auxilii, & existimare cum eo consecrationem à Stephano factam, veram fuisse reordinationem: Respondebo exinde non sequi, quòd Stephanus censuerit, vel per sacramentum Ordinis characterem non imprimi, vel illum esse amissibilem; sed tantum quòd erraverit in facto, existimando nempe Constantinum non fuisse validum Episcopum; sicut illegitimus erat Pontifex: & sic existimare potius omnia ipsius Pontificia munia prorsus irrita fuisse. Imò nequidem omnia irrita censuit; nam ut refert idem Anastasius, non solum ap-
pro-

probavit Baptismum à Constantino collatum, sed etiam chrismationem, nempe Confirmationem, quæ non nisi per verum Episcopum conferri solet.

Ad secundum respondeo item cum Baronio ad annum 817. primò *Stephanum* illum posse meritò reprobari è numero Pontificum Romanorum, sicut, & *Sergium*; quippe cum in periculosis- simis illis Ecclesiæ temporibus factione Marchionum Tusculanorum in Romanam sedem intrusi pellebantur. ab intrusis: Non auderem, inquit Baronius num. 6. Stephanum inter Romanos Pontifices annumerare, nisi id à Majoribus factum accepissem. Et meritò quidem; ille enim Stephanus tot, ac tantis criminibus infamis fuit, ut Romani Pontificis nomine, & appellatione omnino indignus sit: nam inter varia ipsius horrenda facinora, Formosum prædecessorem præcepit è sepulchro extrahi, atque in Sedem Romani Pontificatus Sacerdotalibus vestimentis indutum, collocari; demum, & isdem exutus, digiti- que tribus abscessis, quibus, populo benedicere solebat, in Tyberim ejus sic mutilatum corpus projici; ut narrat Luithprandus lib. 1. cap. 8. his verbis: „ Formoso defuncto, atque Arnulpho „ in propria reverso, is, qui post mor- „ tem Formosi constitutus est (*Bonifa- „ cius nimirum*) expellitur, Sergiusque „ Papa (*scribere debuit, Stephanus*) „ per Adelbertum constituitur, quo „ constituto, ut impius, doctrinarum- „ que sanctarum inscius, Formosum è „ sepulchro extrahi, atque in Sede „ Pontificatus Sacerdotalibus vesti- „ mentis indutum collocari præcepit „ cui, & ait: Cum Portuensis esses Epi- „ scopus, cur ambitionis spiritu Roma- „ nam universalem Sedem usurpasti? „ His expletis, sacratis exutum vesti- „ mentis, digiti- que tribus abscessis in „ Tyberim jactari præcepit, cunctos- „ que quos ipse ordinaverat, gradu „ proprio depositos, iterum ordinavit.

„ Quod quàm malè egerit, Pater san- „ ctissime, animadvertere poteris: „ quoniam; & hi, qui à Juda Domini „ nostri Jesu Christi proditore, ante „ probationem salutem, seu benedi- „ ctionem Apostolicam perceperunt, ea „ post prodicionem, propriique corpo- „ ris suspensionem non sunt privati; „ nisi quos improba fortè defecérant „ flagitia. Benedictio siquidem, quæ „ Ministris Christi impenditur, non „ per eum; qui videtur, Sacerdotem „ infunditur. Neque enim qui rigat est „ aliquid, neq; qui plantat, sed qui in- „ crementum dat Deus. Quantæ autem „ autoritatis, quantæque religionis „ papa Formosus fuerit, hinc colligere „ possumus, quoniam dum à piscatori- „ bus postmodum esset inventus, atque „ ad B. Petri Apostolorum Principis „ Ecclesiam deportatus, Sanctorum „ quædam imagines hunc in loculo „ positum venerabiliter salutârunt. „ Hoc namque à religiosissimis Roma- „ næ urbis viris per læpè audivi. „ Addo tamen, quòd factum illud Ste- „ phani reordinantis à Formoso jam ordi- „ natos, tyrânicum fuerit in facto, non „ verò error in fide: quidquid enim à Ste- „ phano septimo, & Sergio tertio gestum, „ non nisi minis, & terroribus fuit pera- „ ctum bonis reclamantibus, malis autem „ suo facto perterritis. Unde etiam post- „ quam infelici exitu ex hac vita sublatus „ est Stephanus; nam anno 900. detru- „ sus fuit in carcerem, ibidemque laqueo „ suffocatus, tres succedentes summi „ Pontifices nempe Romanus, Theodo- „ dorus, & Joannes nonus, Acta ejus om- „ nino resciderunt, ut narrat Luithpran- „ dus de Romano, & Auxilius de Theo- „ doro; Joannes autem nonus duobus „ celebratis Conciliis, primo quidem „ annò 904. Pseudo-Synodum à Step- „ hano congregatam damnavit, his verbis. „ *Episcopi, seu Presbyteri atque Diaconi „ nec-non, & Subdiaconi, ceterique alte- „ rius ordinis sanctæ Sedis Apostolicæ, qui*

ab eodem venerando Papa Formoso canonice consecrati, & pro quorundam libitu temere dejecti sunt in proprios ordines, & gradus, communi Synodi consultu revocimus, perpetuoque robore, ac canonica censurâ stabilitis, Deo auctore decernimus; &c.

Eodem similiter anno ab eodem Joanne celebrata est alia Synodus Ravennæ, cujus meminit Siebertus, his verbis: *Hic etiam ad confirmandum Formosi Ordinem, quem Stephanus Papa deposuerat, Synodus 74. Episcoporum presentibus Francorum Archiepiscopis, & Rege, apud Ravennam statuit, & coram eis combusta est Synodus, quam Stephanus in damnationem Formosi fecerat.* Concludendum est ergo cum Bellarmino lib. 4. de summo Pontifice ca. 12. Stephanum, & Sergium non edidisse aliquod decretum, quo decernerent ordinatos ab Episcopo degradato, vel nominatim à Formoso, tanquam degradato esse iterum ordinandos, sed solum de facto iussisse iterum eos ordinari; quæ iussio non ex ignorantia, aut hæresi, sed ex odio in Formosum procedebat, & non nisi per vim, & tyrannidem executioni demandaretur.

Nec obstat, quod decretum Stephani probatum fuerit à Romano Concilio ab eo celebrato anno Domini 897. nam id totum per tyrannidem, & metu incurso à probis qui aderant, Episcopis factum est: unde quotquot illi Pseudo-Synodo interfuerunt, veniam admissi reatus exorarunt in Concilio Romano, sub Joanne IX. sic enim in eo legimus: Episcopi & Presbyteri, & reliquis Clerus, qui eidem Synodo interfuerunt; quia ipsi veniam petentes coacti se terroris metu, ac formidine interfuisse confessi sunt, prece sanctæ Synodi eis indulgimus.

Ad tertium denique respondeo, nihil aliud in illo Concilio Romano gestum fuisse adversus ordinatos à Leone, nisi quod fuerint gradu illo pulsi, ad quem evecti fuerant à Leone, & ad pristinum

gradum revocati: nam Siebertus, qui acta Synodalia hujus Concilii legisse visus est, sic ea summam refert in chronico: *Joannes Synodo collecta Leonem deposuit, & ejus gesta cassavit: Statutum quoque est publico omnium judicio Synodum à Leone habitam, nec nominandam Synodum, sed Prohibulum favens adulteris (ita Leonem nominabat, quod is Romanam Ecclesiam alteri desponsatum invasisset) quicumque ed ordinante erant damnati, iussi sunt suam ipsorum proseriptionem presentare in echarta, hæc continente verba: Pater meus nihil sibi habuit, nihil mihi dedit: & sic depositi remanserunt in illis gradibus, quos habuerant, non à Leone ordinati, Si qui autem digni judicantur, ut non accepta prius consecratione ordinentur, indultis illis eodem decreto, quod & damnato à Constantino Neophyto. Hæc Siebertus.*

Nec movere debent illa verba: *Pater meus nihil sibi habuit, nihil mihi dedit, &c.* Intelligenda sunt enim, quantum ad honorem, gradum, & ministerium; quemadmodum dictum est de ordinatis à Constantino Neophyto; quandoquidem Siebertus asserit decretum illius Constantini illis fuisse intimatum.

Obijciens tertio varios Canones Conciliorum, quibus irritæ declarantur ordinationes factæ vel ab iis, qui non ordinant subditos, vel ab iis, qui sunt excommunicati, aut suspensi, aut degradati: Primo quidem, Canonem 16. Concilii Nicæni: Si quis ad alium pertinentem audacter invadere, & in sua Ecclesia ordinare tentaverit, non consentiente Episcopo, à quo discessit ille, qui regule mancipatur; ordinatio hujusmodi irrita comprobetur. De ordinationibus autem excommunicatorum sic habet Concilium *Quintilincburgense* celebratum anno 1085. tempore Gregorii Papæ septimi, ubi legimus: *In eadem Synodo ordinatio Varnilionis Mozuntii in-*

invasoris, & Sigefridi Auguſtensis, & Norberti Curienſis: imò omnes Ordinationes, & Conſecrationes excommunicationum penitus irritæ judicatæ ſunt, juxta Decreta SS. Patrum Innocentii, Leonis primi, Pelagii, atque ejus ſucceſſoris Gregorii primi. Idem decernitur de Ordinationibus Simoniacorum in Concilio Placentino ſub Urbano II. ubi ſtatuitur, Ut ſi quid in ſacris Ordinibus, & Eccleſiaſticis rebus data, & promiſſa pecuniâ acquiſitum ſimoniacè videtur, pro irritò haberetur: Ergo ſemel acquiſita authoritas conferendi ſacerdos Ordinas deperdi poteſt; ac proinde character non eſt inamiffibilis.

Nego conſequentiam, & ad præſatos Canones reſpondeo ejuſmodi ordinationes dici irritas, non quantum ad characteris Impreſſionem, ſed quantum ad miniſterii, & ſuſcepti Ordinis ſuſpenſionem; quemadmodum definitur, in Concilio Tridentino, ſeſſ. 6. cap. 7. de Reformatione, ubi ſtatuitur. Nulli Epifcopo liceat, cujuſviſque privilegii præſextu Pontificalia in alterius Diœceſi exercere, niſi de Ordinarii loci expreſſa licentia, & in perſona eidem Ordinario ſubjectæ tantum: ſi ſecus ſolum fuerit Epifcopus: ab exercitio Pontificalium: & ſi Ordinati ab executione Ordinum ſint ipſi jure ſuſpenſi. Quod autem nihil aliud prætendatur in præſatis Canonibus, maxime Quintilineburgenſi, evidens eſt; quippe cum proferat authoritatem Innocentii, Leonis primi, Pelagii, & Gregorii Magni, quos certum eſt approbaſſe Ordinationes factas à Neophytis, hæreticis, & excommunicatis, ut videbimus agendo de Miniſtro Sacramentorum.

QUÆRES, *Utrum character ille etiam poſt mortem ſubſiſtat, tam in Beatis, quam in Damnatis?*

R *ſpondeo, id videri certum; quippe cum Concilia, & SS. Patres abſolute pronuntient hunc characterem,*

eſſe indelebilem; quamquam enim non fuerit eorum mens determinare utrum ſubſiſteret etiam poſt mortem, quia de hoc dubio non movebatur controverſia cum hæreticis; attamen iſtud conſtans apparet ex praxi Eccleſiæ; quæ reſuſcitatum à mortuis non ſolet de novo baptizare, confirmare, & ordinare, tamen permittit eum ſacramenta ſuſcipere, ac miniſtrare, ut faciebat dum erat in vivis, & ante mortem: Aſſerere autem, quòd Deus de novo reproducat in eo characterem, quemadmodum reproducit vitam, eſt admittere miraculum ſine ulla neceſſitate, & ratione ſufficienti: inferendum eſt ergo mentem Eccleſiæ eſſe, quòd character in eo ſubſiſtat.

Suadetur inſuper hac ratione communi. Si character periret cum vita, maxime vel propter corruptionem ſubjecti, vel propter oppoſitionem contrarii, vel propter defectum conſervationis: at nullo ex his tribus modis deleri poteſt. Non ex corruptione ſubjecti; nam anima, quæ eſt ſubjectum ejus, corrumpi non poteſt: non ex oppoſitione contrarii, quia nihil ei contrarium eſt: nec ex defectu conſervationis, quia Deus eum conſervat in Beatis ad ornatum, in damnatis ad ſupplicium, & ignominiam. Cum enim aliquid à Deo conſervatur, Deus non intercipit influxum conſervativum, niſi ratio quædam urgens, & efficax id ſuadeat: ſed character perſeverat uſque ad mortem, nec apparet ulla ratio, cur in morte pereat, aut cur Deus ipſi conſervativum denegat: quippe cum ſpiritalis ſit, & à corpore independens.

Dices: Ceſſante ſine, ceſſant ea, quæ ordinantur ad finem; aliàs enim fruſtrà maneret; unde poſt generationem non ſubſiſtet matrimonium: quia ceſſabit generatio, ad quam illud ordinatur; ſed ceſſabit etiam in morte finis characteris, nempe Dei cultus exterior; quippe

pe nullus erit in inferno , nec etiam aliquis erit in patria ; in ea siquidem nihil fiet in figura , nec in operta , sed in aperta , ac nuda veritate .

Respondeo distinguendo majorem : Si finis omnino cesset , concedo : si cesset tantum quoad aliquid , nego . Minorem similiter distinguo : Cessabit cultus exterior in patria , quantum ad materiam exteriorem , concedo : quantum ad finem , nego . Et similiter , nego consequentiam : nam in cultu divino duo possunt considerari , nempe materia cultus , scilicet opera quædam externa ; & finis cultus , videlicet honor , & gloria Dei , quæ per hæc opera externa ipsi exhibentur . Cessabunt quidem in patria externa illa opera , sed remanebit finis , nempe honor , & gloria Dei ; ac consequenter ipse etiam character perseverabit , in bonis quidem ad gloriam , in malis autem ad ignominiam : quem admodum militaris character perseverat in militibus post adeptam victoriam , in his quidem qui vicerunt ad gloriam , in his autem , qui victi sunt ad penam .

Instabis : Damnati indigni sunt omni dono supernaturali , ut testatur S. Dionysius lib. de Divinis nominibus c. 4. ubi dicit dæmones carere omnibus divinis donis , tam secundum habitum , quam secundum operationem : sed character est aliquod donum supernaturale : igitur non remanet in damnatis .

Respondeo, quod etsi damnati indigni sunt omni dono supernaturali , quod conducere posset ad eorum solatium ; tamen non sunt indigni , immò summè digni eo omni , quod conferre potest ad illorum penam , & supplicium , qualiter haud dubiè conferent illi characteres , quibus divinitus sunt insigniti . Sicut enim summum dedecus , ac opprobrium est in Repub. civili militem fieri proditorem , aut desertorem : æconomum commissi sibi boni fieri dissipato-

rem , ac fraudatorem , & filium , aut servum fieri degenerem , & in patrem , aut dominum perduellem : ita in Repub. Ecclesiastica summè dedecorum est Christi fidelem , militem , ac dispensatorem , tanquam perduellem , proditorem , ac dissipatorem damnari : quocirca tres illi characteres filiationis adeptæ per Baptismum , militiæ comparatæ per Confirmationem , & dispensationis bonorum Christi commissæ per Ordines , remanebunt in damnatis , in penam suæ perduellionis , & defectionis .

ARTICULUS TERTIUS.

De legitimo Sacramentorum Ministro ?

CERTUM est Sacramenta novæ legis tribus perfici , nempe rebus tanquam materiâ , verbis tanquam forma , & persona Ministri conferentis Sacramentum , uti jam pluries dictum est : nec abs re quidem : cum enim Sacramenta consistant ex rebus sensibilibus inanimatis , quæ non possunt per seipsas invicem conjungi , necessum est , quod ad earum unionem , & applicationem interveniat alicujus ministerium , qui utrumque præstet . Verùm disceptatur , quis sit ille Sacramentorum idoneus Minister , an soli Fideles , & Justi ; an verò etiam ad id conferre possint quicumque infideles , & peccatores : Circa quam controversiam , varîè erratum est , non solum ab hæreticis , sed etiam à viris aliunde Catholicis , antequam quid ex fide sentiendum esset , Ecclesia statuisset .

Primò namque Tertullianus nondum hæreticus circa finè secundi sæculi censuit nullum esse Baptismum ab hæreticis collatum ; nam lib. de Baptismo , cap. 17. ait : *Hæretici nullum habent consortium nostræ discipline , quos extraneos utique testatur ipsa ademptio communicationis : non debet in illis agnos-*

scere quod mihi est præceptum; quia non idem Deus est nobis, et illis, nec unus Christus ideo idem, et ideoque nec Baptismus unus, quia non idem, quem cum ritibus non habeant, sine dubio non habent, &c.

Hunc autem fortè à Tertulliano Gentili suo errorem accepit Agrippinus Carthaginensis Episcopus, qui prætexu pietatis statuit, hæreticorum Baptisma irritum esse, quasi quæcunque eorum essent, Ecclesia respuere deberet, & abominari. Unde circa annum 517. coacto in Africa Concilio ex omnibus Numidiæ, atque Africæ Episcopis, illud idem confirmavit, ut testatur S. Cyprianus Epist. ad Jubajanum, ubi ait: *Non nova apud nos, aut repentina res est; ut baptizandos censuimus eos, qui ab hæreticis ad Ecclesiam veniunt, quando multi jam anni sunt, et longa ætas, ex quo sub Agrippino bonæ memoriæ viro convenientes in unum Episcopi plurimi hoc statuerunt: Atque exinde in hodiernum tot millia hæreticorum in Provinciis nostris ad Ecclesiam conversi, non aspernati sunt, neque cunctati; imò et rationabiliter, et libenter amplexi sunt, ut laveri vitalis, et salutaris baptismi gratiam consequerentur.* Idiplum testatur Vincentius Lirinensis in commonitorio num. 46. ubi scribit: *Agrippinus Carthaginensis Episcopus, contra divinum Canonem, contra universalis Ecclesiæ regulam, contra sensum omnium Confacerdotum, contra morem, atque institutionem Majorum rebaptizandum esse censuit.* Attamen non in omnibus Provinciis Africæ hæc consuetudo inoleverat ab Agrippino ad S. Cypriani tempora, ut præclare demonstrat sanctus Augustinus lib. 3. de Baptismo cap. 12. *Cæterum, inquit, si permanebat ab Agrippino ad Cyprianum consuetudo baptizandi ab hæreticis venientes, ut quid facta sunt à Cypriano de hac re, concilia? ut quid Jubajano dicit non se rem novam facere, aut repentinam, sed*

ab Agrippino institutam? Cur enim Jubajanus de novitate turbaretur, ut eum per auctoritatem Agrippini sanari oporteret, si ab Agrippino ad Cyprianum hoc tenebat Ecclesia? Cur denique tot ejus collegæ in Concilio dixerunt rationem, et veritatem consuetudini esse præponendam: ac non potius dixerunt eos, quod aliud facere vellent, et contra veritatem, et contra consuetudinem facere?

Idem postmodum dogma, circa annum 354. instauravit Novatus Episcopus, qui ex Africa Romam veniens, adversus Cornelium summum Pontificem insurgens, suis fraudibus egit, ut Novatianus ex Presbytero crearetur Romanus Pseudo-Pontifex, à quo originem, & appellationem duxerunt.

Novatiani, seu Novatianenses, quorum inter varios errores hic unus erat, quod accedentes ad se Catholicos rebaptizarent, ut constat ex Epistola sancti Cypriani ad Jubajanum: *Nec nos, inquit, movet, frater charissime, quod in litteris tuis complexus es, Novatianenses rebaptizare eos, quos à nobis sollicitant.* Unde Dionysius Alexandrinus apud Euseb. lib. 11. Hist. cap. 11. dicit, quod Novatus, seu Novatianus sanctum Baptismatis lavacrum abrogaverit, improbo scilicet Baptismo Ecclesiæ Catholicæ, volebat denuò eos baptizari, qui ex Catholicis ad suam sectam deficiebant.

Ariani quidam eundem errorem sectati sunt, ut constat ex S. Ambrosio sermone de Basilicis non tradendis hæreticis, ubi ait: *Baptismum Joannis non solverunt Judæi: Auxentius solvit Baptismum Christi.* Cur igitur rebaptizandos Auxentius fideles populos putat baptizatos in nomine Trinitatis, cum Apostolus dicat: *una fides, unum Baptisma?* Idem docet S. Augustinus lib. de Hæresibus, Hæresi 49. ubi de Arianis ait: *Rebaptizari quoque ab his Catholicos novimus, utrum et non Catholicos non novimus.*

¶ Etia-

Ætiani ab *Ætio* Diacono postmodum Episcopo, qui etiam dicti sunt Anomzi; quia Filium Dei non solum Patri consubstantiali, sed etiam similem negabant; rebaptizare etiam ausi sunt, ut refert S. Epiphanius hæresi 76. *Ætii*, inquit, *discipuli* cum eorum successore, qui *Eunomius* falso nominatur ad hæc tempora supersunt, aliud quiddam secleratum, ac nefarium committunt; siquidem eos, qui baptizati jam fuerunt, iterum baptizat *Eunomius*; non modo, qui ad Catholicos, aut alios secesserunt, sed etiam qui ab ipsi *Arianis* deficiunt.

Eos secutus est *Hilarius* quidam Diaconus, sectâ Luciferianus, qui editis libellis propugnabat rebaptizandos esse, qui ab hæreticis Baptisma susceperant; ei tamen cæteri Luciferiani non adhaeserunt: quippe cum S. Augustinus lib. de agone Christiano, cap. 20. asserat Luciferianos potius schisma, quam hæresim fecisse.

Idem pestilens dogma inter alios errores instauravit *Basilius* quidam professione Medicus, qui *Bogomilus* appellari voluit, à voce *Bog*, quæ Bulgarorum lingua Deum significat, & *milus*, quæ significat misereri; itaut *Bogomilus* idem sit apud eos, quod qui misericordiam Dei implorat: hic autem, ut refert *Euthymius* in *Panopl.* p. 2. accedentes ad se rebaptizabat, quod nullum eorum Baptisma existimaret.

Idem docuit *Petrus de Bruis*, ejus varios errores refert, & impugnât *Petrus Cluniacensis* in duabus epistolis contra *Petro-Brunianos* editis, in quarum pleniori non longè ab initio scribit: Novo, & apud Christi-colas inaudito scelere, in paribus nostris populi rebaptizati, Ecclesiæ profanatae, &c.

Tempore S. Bernardi, hæretici quidam, *Henriciani*, qui se *Apostolicos* appellari volebant, quasi essent successores, & imitatores Apostolorum, etsi nullum Apostolatus sui signum ostenderent, aiebant peccatores idoneos non

esse Sacramentis dandis, & suscipiendis ut refert S. Bernardus serm. 66. in Cantica, cap. 11. Jam vero, inquit, qui Ecclesiam non agnoscunt, non est mirum si ordinibus Ecclesiæ detrabant, si instituta non recipiunt, si Sacramenta continent, si mandatis non obediunt. Peccatores, inquit, sunt Apostoli, Archiepiscopi, Presbyteri, ac per hoc nec dandis, nec accipiendis idonei Sacramentis. Quem utique errorem sic S. Bernardus perstringit: Episcopus erat *Caiphas*, & tamen quantum peccator, qui in Dominum mortis dilatabat sententiam? Si negas Episcopum, argues te testimonium *Joannis*, qui cum in testimonium sui Pontificatus etiam prophetasse refert; Apostolus erat *Judas*, & licet avarus, & sceleratus, electus à Domino. An tu de illius Apostolatu dubitas, quem Dominus elegit? Nonne ego, inquit, vos duodecim elegi, et unus ex vobis diabolus est? Audis eundem electum Apostolum, & extitisse diabolum, & negas posse esse Episcopum, qui peccator est? Super Cathedralam *Moyse* sederunt *Scribæ*, & *Pharisæi*, & qui non obediunt ei tanquam Episcopis, inobedientie rei fuerunt, etiam in ipsum Dominum præcipientem, & dicentem; Quæ dicunt facite, &c.

Plures sunt alii recentiores hæretici, qui circa idoneum sacramenti ministerium erraverunt; ut referemus seq. q. 2. num. 3. Cum autem præ cæteris exorbitaverint *Donatistæ*, idcirco placeat hic sub distinctis titulis paucis expendere, ac referre, quis fuerit eorum hæresis, ac schismatis ortus, & progressus?

Quæ fuerit origo Donatistarum?

Cum *Mensurius* Episcopus Carthagenensis, sevientie in Christianos persecutione; à tyranno *Maxentio* Romanæ evocatus sibi conceditis Ecclesiæ bonis consulere voluisset, cuncta vasa aurea, & argentea senioribus Sacerdotibus consignavit, dato illorum indice

R

seniori cuidam fideli aniculæ, quem subinde post illius obitum in manus sui successoris traderet. Mortuò igitur in itinere Mensurio, & concessa Ecclesiis ubique pace, convenerunt Episcopi Carthagini, ut in ejus locum aliquem eligerent, ac sufficerent. Electus est autem Cæcilianus totius populi votis. At electionem egrè tulit Lucilla fœmina Hispana præpotens, & ambitiosa, quæ Carthagine versans reprehensâ fuerat à Cæciliano tunc Ecclesiæ Carthaginensis diacono, quòd ante Eucharistiæ sumptionem solita esset exoculari reliquias cujusdam, quem Ecclesia nondum in seriem Sanctorum retulerat. Illa autem correctionis impatiens captabat occasionem ulciscendi se de Cæciliano, sicut, & Botrus, & Cælestius, qui Carthaginensem sedem ambiebant.

Creato igitur Cæciliano Episcopo, scriptum illud, quod *Commemoratorium* vocat Optatus, ut Mensurius jusserat, ei datur: quo accepto Cæcilianus ex officio repetit à senioribus vasa aurea, & argentea, quæ à Mensurio acceperant; hi autem ne ipsa restituere cogerentur, instigante Lucillâ, & conspirantibus Botro, ac Cælestio, non solum se se, sed etiam sibi commissam plebem à Cæciliani communione subdixerunt: *Sic tribus convenientibus causis, & personis, inquit Optatus, factum est, ut malignitas haberet effectum, sehisma igitur illo tempore confusa mulieris iracundia peperit, ambitus nutrit, avaritia roboravit.*

Insuper ab his tribus personis contra Cæcilianum causæ confectæ sunt, ut vitiosa ejus ordinatio diceretur. Mittunt itaque ad Secundum Tigistitanum Numidiæ Primatem, qui unâ cum plurimis Episcopis traditoribus convenientes, qui paulò antè in Concilio Numidiæ confessi fuerant suum crimina, nempe quòd tradidissent, sacros libros infidelibus, ut mortem effugerent, & indul-

gentiam, & absolutionem sibi invicem tribuerant. Hi in Urbem Charraginensem allekti se à Cæciliani communione separantes creaverunt Pseudo-Episcopum Carthaginensem Majorinum Lectorem Lucillæ domesticum, ipsâ suffragante, & ad id summam pecuniam largiente; quæ omnia narrat S. Augustinus lib. 1. contra Parmenianum, cap. 3. Legant qui volunt, inquit, quæ narret, & quibus documentis quàm multa persuadeat venerabilis memorie Milevitanus Episcopus Catholicæ communionis Optatus, sive de Lucilla pecuniosissima tunc, & factiosissima fœmina, quam pro Ecclesiæ disciplina S. Cæcilianus adhuc Diaconus laeserat: vel de cæteris factiosis ejus consortibus, sive furibus Ecclesiastici argenti, sive ad Episcopatum se non pervenisse dolentibus, & sibi prælatum Cæcilianum, infidiis, quibus poterant, insectantibus: sive de Numidiis Episcopis, quos ista factio consecraverat ad perniciem Cæciliani, ut illo deposito, alter ex eis ordinaretur: qui venientes cum Primante suo tunc Secundo Tigistitano, & aliis quibus traditionis confessa crimina Secundus ipse donaverat, veluti pacem consulens (sicut Ecclesiastica gesta testantur) absentem Cæcilianum sine ulla dilatione diligentioris inquisitionis, nullo responssionis loco servato, Traditorem esse censuerunt, ut ei videlicet obessent absenti traditionis crimina tantummodò objecta, cum sibi metipsis præfentes confessa donaverint.

Hoc igitur fuit Donatistarum schismatis enormis principium: *Non enim, inquit Optatus Parmenianum alloquens lib. 1. Cæcilianus exiit à Majorino ayo tuo, sed Majorinus à Cæciliano; nec Cæcilianus recessit à cathedra Petri, vel Cypriani sed Majorinus, ejus tu in cathedra sedes, quæ ante ipsum Majorinum originem non habebat.* Cæterum non

non

non fuit satis schismaticis Episcopis hæc contra Cæcilianum egisse; sed coacto fermè 70. Episcoporum Carthagine Concilio, Cæcilianum absentem vocatum, & non parentem damnarunt, quod (inquit S. Augustinus in breviculo collationis dici tertiæ cap.4.) ad eos venire noluerit, tanquam à Traditoribus ordinatus, & quia cum esset Diaconus, vitium afferri Martyribus in custodia constitutis prohibuisse dicebatur. At quam suppositicia fuerit, & falsa hæc criminatio in Cæcilianum, apertè demonstrarunt Catholici, ut ibidem refert S. Augustinus, cap.16. idque suo silentio testati sunt Donatistæ, quos cum interpellasset Cæcilianus, si esset, quod in eum probaretur, exiret accusator, & probaret: illo tempore, inquit Optatus, à tot inimicis nihil in illum potuit conungi: sed de ordinatore suo, nempe Felice Aptungitano Episcopo, quod ab eis falso traditor diceretur, meruit infamari.

Licet autem schisma illud constatum præcipuè fuerit à Botro, & Cælestio, qui Carthaginensem sedem ambiebant, & à senioribus deposita Ecclesiæ ornamenta negantibus; auctumque fuerit à Secundo Episcopo Tigistano Primate Numidiæ, & in creatione Majorini demonstratum, ac firmiter stabilitum; ab eis tamen suum nomen non sunt mutati; sed à Donato non quidem Mascuilitano, aut Calamensi, qui cum aliis Traditoribus adversus Cæcilianum convenerant: sed maluerunt sic appellari ab alio Donato, qui post schismatis originem Majorino successerat in Pseudo-Episcopatu Carthaginensi, eò quod ab omni labe purissimus ab eis habebatur; & insuper eloquentiâ, quâ pollebat hoc schisma unâ cum hæresi confirmaverat, Unde S. Augustinus lib. de Hæresibus, cap.69. sic scribit de Donatistis: *Hujus hæresis principem accepimus fuisse Donatum, qui de Numidia veniens, & contra Cæcilianum Christianamq; dividens ple-*

bem, adjunctis sibi ejusdem factionis Episcopis, Majorinum apud Carthaginem ordinavit Episcopum; cui Majorino Donatus Episcopus alius in eadem divisione successit; qui eloquentiâ suâ se confirmavit hanc hæresim, ut multi existiment propter ipsum potius eos Donatistas vocari. Refugiebant insuper sic denominari à priori Donato, quod constaret eum à Melchiade Papa fuisse damnatum.

Quis fuerit schismatis, & hæresis Donatistarum progressus?

Circa autem Christi 308. tempore Constantini Imperatoris. Donatistæ adversus Cæcilianum Episcopum, collegerunt Concilium Carthagini 170 Episcoporum, adjunctis ad eam factionem Numidis Episcopis, sollicitatisque Mauritanis, datis ubique litteris calumniis in Cæcilianum refertis, allecitisque ad suam ipsorum communicationem, etiam iis, qui in persecutione lapsi essent impiis Traditoribus. In quo quidem Concilio, ut refert S. Augustinus epist.48. per 75. dies postpositis omnibus præteritis, limata sententia atque decreta, *Ut Traditoribus immensè criminis reit, si baptizari nollent, pro integritate communicarentur.*

Sed maximo studio ejusmodi Synodi licet numerosissimæ memoriam supprefferunt Donatistæ; Quod, inquit, S. Augustinus, eam Synodum ex Traditorum gregibus collectam esse novissent; sicque pateret eos, & traditionis labe, & Traditorum communione esse fœdatos, cum nihilominus se ab illa macula immunes jactarent; atque in Cæcilianum, tanquam à Traditore ordinatum ex justitiæ amore insurgere.

Interea Cæcilianus tot hostium numero circumseptus fidenter agebat, quod sibi patrocinantem Romanam sedem haberet; quod utique sic declarat

S. Augustinus epist. 161. *Poffet non curare conspirantem multitudinem inimicorum, cum se videret Romanæ Ecclesiæ in qua semper Apostolicæ cathedræ viguit principatus, & cunctis terris; unde Evangelium ad ipsam Africam venit, per communicatorias litteras esse conjunctum, &c.* Ipsi pariter patrocinabatur Constantinus Imperator; nam datis ad Anulinum Proconsulem litteris, declarat Clericos Ecclesiæ Catholicæ, cui Cæcilianus præerat, immunes ab omnibus functionibus publicis conservari: Quam utique epistolam refert Eusebius lib. 10. cap. 17.

Hæc cùm accepissent Donatistæ, animadvertentes Constantinum propensorem esse erga Cæcilianum, nec sibi sperandum Imperatore ei propitio de sede Carthaginensi, quod alias sæpe, sed frustra tentassent, exturbare posse: Interpellant eundem Anulinum, ut suos ea de re libellos duos mittat ad Imperatorem tunc in Galliis agentem, ut habetur in epistola Hipponensium ad Januarium primæ Sedis Numidiæ Episcopum Donatistam, quæ est inter Augustini Epistolas num. 68. quorum libellorum titulus hic unus erat: *Libellus Ecclesiæ Catholicæ criminum Cæciliani traditus à parte Majorini.*

Delegant pariter aliquos Episcopos unâ cum delatore litterarum, qui petierunt ab Imperatore, ut sibi daret Judices; non quidem ex Africa; quia, inquebant, inter nos, & alios Episcopos contentiones sunt: sed ex Gallia. Constantinus autem lectis epistolis, & auditis Episcopis, sapienter respondit (inquit Optatus lib. 1. contra Parmenianum.) *Petit is à me in sæculo iudicium, cùm ego ipse Christi iudicium expectem.*

Nihilominus eis Judices tres assignavit, Maternum ex Aggrippina civitate Rheticum ab Augustoduno, & Majunum Arelatensem. Sentiens verò potestatem Imperator iudicia Episcoporum

absque primariæ sedis Antistite nefas esse cognosci, causam illam detulit ad Melchiadem Romanum Pontificem, qui præsentibus tribus illis, quos elegerat, aliisque Comprovincialibus in Italia Episcopis, illam controversiam dirimeret. Quod ut libratissimis omnibus fieret, & legitima iudicii forma servaretur, nempe ut præsens adfuit reus, qui suam causam dicat, præsentibus accusatoribus, Imperator scripsit ad Anulinum, mandans, ut Cæcilianum cum decem à suis, & ejus adversarios cum totidem Episcopis Romam venire præcipiat intra diem sextam Nonas Octobris.

Paret utraque pars Imperatoris mandato, Romamque adveniunt omnes signato die, conveniunt cum tribus Episcopis Galliis, & Melchiade quindecim alii Episcopi Judices: testes inducti à Donato fatentur se non habere, quod in Cæcilianum dicerent. Unde omnium suffragiis Cæcilianus innocens est pronuntiat; ita sententiam suam ferente Melchiade summo Pontifice; *Cùm confiteris Cæcilianum ab iis qui cum Donato venerunt, juxta professionem suam non accusari, nec à Donato convictum esse in aliqua parte confiteri: suæ communioni Ecclesiasticæ integro statu retinendum meritis esse censet.*

Cùm autem Cæcilianus à Donatistis accusatus esset, etiam Donatus, à castis nigris dictus, accusatus est à Catholicis, qui stabant à parte Cæciliani, quod rebaptizasset, & Episcopis lapsis manum imposuisset; unde in ipsum hæc sententia lata est: *Quod confessus sit rebaptizasse, & Episcopis lapsis manum imposuisse, quod ab Ecclesiâ alienum est.* Nec durius in eum, quamvis totius mali principem, agere voluit summus Pontifex, spe sanitatis recuperandæ; imò paratus erat communicatorias litteras mittere etiam iis, quos à Majorino ordinatos esse constaret: Itaut quibuscunque locis duo essent Episcopi, quos dissenso geminasset, eum confirmari vellet,

let, qui fuisset ordinatus prior, alteri autem eorum plebs altera regenda provideretur, ut refert S. Augustinus epist. 161. unde ibidem exclamat: *O virum optimum? o Filium Christianæ pacis, & Patrem Christianæ plebis.*

Verum non idem fuit Donatistis pacificus animus; vix enim in patriam reversi, de Romani Concilii sententia ad Constantinum Imperatorem appellant: quod audiens Imperator sic exclamavit ut refert Optatus. *O rabida furoris audacia! sicut in causis Gentilium fieri solet, appellationem interposuerunt.* Quam etiam exclamationem repetiit in epistola ad Episcopos, quæ extat in Appendice ad Optatum editionis Parisiensis.

Constantinus autem nimia ductus erga procacissimos, & sceleratos facilitate, futurumque sperans, ut sic ad quietem demum se componerent, procurat novam, & confluentium Episcoporum numero ampliore Synodum *Arelatis* congregari. Sed quia in ipsa causa jam dudum duæ videbantur laborare personæ; nempe ordinati, & ordinatores, hoc est Cæciliani, & Felicis Aptungitani, quem fuisse sacrorum librorum traditorem Donatistæ calumniabantur; ut rebus utrinque libatis æquior sententia in Arelatensi Synodo emergeret, Constantinus ad *Ælianum* Proconsulem scripsit, ut de vita Felicis Aptungitani inquireret, utrum tempore persecutionis, ut mortem effugeret, sacros libros igne cremandos infidelibus tradidisset. Re itaque disquisita, & advocatis testibus, qui cum Felice sub persecutione vixerant, responsis omnium nihil tale inventum est, quod vitam Felicis Episcopi sordidare potuisset. Unum fuit, quod obicerent Donatistæ, nempe epistolam Cæciliani ad Felicem, qua mandare videbatur Cæcilianus, ut Felix assumpta clavi, quos invenisset in cathedra libros, & sacros codices, eos tolleret, & infidelibus traderet. Verum cum Cæcilianus

contestaretur interpolatam fuisse suam epistolam, advocatus est Ingentius Officialis, & Scriba publicus, qui à Donatistis subornatus hanc epistolam protulerat, qui cum pependisset sub metu imminentium tormentorum, ut veritatem fateretur, confessus est se reverà hæc addidisse epistolæ Cæciliani.

Quapropter exceptâ Judicum sententia Proconsul pronuntiavit *Felicem Episcopum religiosum esse; & liberum ab exussione instrumentorum Deificorum.* Quam sententiam misit ad Imperatorem, reservato in carcere Ingentio, quem Imperator mandavit ad se mitti, quo adversarii Cæciliani, qui à lata Proconsulis sententia pro Felice ad Imperatorem appellaverant, confutari possent ipsius Ingentii confessione, qui fraudem Donatistarum, & quam eis sollicitantibus interpolationem fecerat, eis publicè obijceret.

Interea cogitur Concilium Arelatense, mandante Constantino, & approbante Sylvestro summo Pontifice, qui in demortui Melchiadis locum successerat anno 314. Conveniunt plurimi Episcopi ex Gallia, Hispania, Britannia, Italia, Africa; interfuere quoque summi Pontificis Legati, Claudianus, & Avitus Presbyteri, Eugenius, & Quiriacus Diaconi. Adest etiam Constantinus Imperator: adsunt pariter tres illi Gallicani Episcopi, quos Imperator delegaverat Judices, ut cum Melchiade Pontifice Romano Cæciliani causam agerent. Denuò exactissimè Cæciliani, & Felicis causa discutitur; & uterque innocens declaratur, ac Donatistæ condemnantur; quò fit ut plurimi ex Donatistis in concordiam cum Cæciliano redierint: ac eorum plurimi pertinaciores facti à Concilii sententia rursus appellant ad Imperatorem, qui jubet eos servari in custodia, & Mediolanum duci ubi advocatus Cæcilianus, remotis omnibus arbitris rursus in causam inquit Imperator, & Cæcilianum inno-

cen-

centissimum, illos verò improbissimos judicat: quam sententiam refert S. Augustinus lib. 2. contra Cresconium, cap. 7.

His actis anno 317. Schismatici in Africam reversi novas turbas excitant, convitianturque Imperatorem [gratiâ corruptum, ut narrat S. Augustinus lib. 1. contra epistolas Parmeniani, c. 6. Cujus rei causa commotus Imperator jubet eorum aliquos ad campum, hoc est, ad supplicium duci, ut ibidem refert S. Doctor c. 8. at indignationem subinde cohibens ab eorum sanguine abstinent, illosque duntaxat exilio multavit, à quo tandem eos revocavit anno 321. illorum furorem Deo vindici dimittendo, inquit S. Augustinus lib. ad Collatorem cap. 13.

Verùm cum tandem aliquando quiescere deberent Donatistæ tot sententiis fracti, totque Imperatoris gratiis illati, nihilominus nova in Catholicos odia exercent; tunc enim Donato Carthaginensi Episcopo hortante, prodierunt quidam sectæ defensores, qui Circumcelliones dicti sunt, quod circumcellas vagarentur, ut observat sanctus Augustinus in Psal. 132. & apud Donatistas *duces Sanctorum*, & publicæ Justitiæ vindices dicebantur.

Ut autem huic sectæ Catholicum nomen non deesset, mittunt unum Episcopum à suis Romam, qui suis sectatoribus præfesset, & Romanæ Ecclesiæ communionem ipsis vendicaret, ab eisque Romanus Pontifex appellabatur. Huic successivè quinque successi sunt Episcopi, qui vel ex Africa mittebantur ordinati; vel, ut scribit S. Augustinus lib. de hæresibus cap. 69. alii Episcopi Donatistæ ex Africa pergebant Romam, ad eos ordinandos. Quidquid sit certum est eos omnes Episcopos Donatistas Afros fuisse, nullum autem Romanum, ut ipsis exprobrat Optatus lib. 2. Qui autem Romæ agebant, ab ipsa civitate exclusi in vicinorum

montium speluncis sua conventicula celebrabant. Unde *Montenses* appellati sunt, ut notat Optatus ibidem 3. & *Rupite*, atque *Rupitani*, ut observat sanctus Augustinus lib. de unitate Ecclesiæ cap. 3.

Quis fuerit Donatistarum successus post mortem Constantini.

MORTUO Constantinus anno 337. & orbis imperium inter se partuntur tres ejus filii, Constantinus, Constantius, & Constans; cum autem Constanti obvenisset Africa, & comperrisset miserum illius Ecclesiæ statum, misit in Africam duos spectatissimos viros, Paulum & Macharium, ut Africanam Ecclesiam eleemosynis sublevarent, sed eo præsertim consilio, ut suppresso schismate omnes ad unitatem revocarent, unde *Operarii unitatis* appellabantur, inquit Optatus lib. 3.

At Donatus Carthaginensis Pseudo-Episcopus illis resistit, nec solum oblatam ab illis pecuniam, & Ecclesiasticam suppellectilem repudiat; sed litteras dirigit in Provincias singulas, ne suæ sectæ pauperes ab illis quidquam accipiant, utpote à sua communione alienis, & peccatoribus; Quinimò in eos commoveret Circumcellionum turbas; quapropter coguntur advocare armatos milites, qui à Circumcellionibus malè accepti, aliquos ex eis occiderunt, qui subinde pro Martyribus à Donatistis habiti sunt, ut refert Optatus lib. 3.

Quibus compertis, Imperator Constans Donatum Carthaginensem cum præcipuis ejus sectatoribus exilio multat, quo factum est, ut plurimi à plebe ad Ecclesiæ unitatem relirent. Pertinaciores verò ex Donatistis circa illa tempora, quæ S. Augustinus appellat *Machariana*; alii verò ex *Legatis*, falsi martyrii cupiditate illecti percussores in sui perniciem conducebant; alii ve-

ro

rò vel in aquas, vel ex altorum montium cacuminibus se se præcipientes dabant; vel laqueo se suffocabant: Unde S. Augustinus lib. 2. contra litteras Petilianæ, cap. 49. sic eum interpellat; „ Vellem mihi diceret, Confessores illi „ vestri, quando seipso præcipitant, „ cui dicant martyrium, utrum Christo, qui talia suggerentem diabolum „ repulit, an potius ipsi diabolo, qui talia Christo facienda suggessit? Dum „ sunt maximè viles, atque usitatæ „ mortes eorum, qui seipso interimunt; laqueus, & præcipitium. Tu „ certè dixisti in primis partibus hujus epistolæ, *Laqueo Traditor periit, laqueum talibus dereliquit*; hoc ad nos omnino non pertinet: neque enim veneramur nomine Martyrum „ eos, qui sibi collum ligaverunt: „ quanto autem probabilius in vos dicimus, Magister Traditoris diabolus præcipitium Christo suadere voluit, „ & repulsus est? Quid ergo dicendi sunt, quibus hoc iussit, & auditus „ est? Quid enim nisi inimici Christi, „ amici autem diaboli; Discipuli seductoris, condiscipuli traditoris, spontaneas enim mortes ab uno Magistro „ utrique didicerunt, illi laqueum, „ isti præcipitium.

Anno 362. cum Constans occisus fuisset, & jam imperii habenas regeret Julianus, Donatistarum principes in exilium acti, Legationem ad eum mittunt, qua petunt ab exilio liberari, & Basilicæ sibi ademptas restitui. Annuit Imperator, & ab exilio reducti serviunt in Catholicos, & in sacra omnia: ita ut etiam aliqui ex eorum Episcopis (quod horrendum dictu) sacram Eucharistiam canibus objecerint, ut narrat Optatus lib. 2. Anno autem 368. mortuo Donato Carthaginensi Pseudo-Episcopo, susceptus est Parmenianus, qui in defensionem suæ sectæ scripsit amplissimam epistolam, quam Optatus Milevit. in Numidia Episcopus, & S. Augustinus, imò

& Tyconius quidam Afer, doctissimè refutarunt.

Vita functo Parmeniano circa annum 383. subrogatus Priminianus multis criminibus reus, qui idcirco per Concilium Donatistarum coactum, apud Cavernas Suis prope Carthaginem damnatus, ac depositus est, ejusque damnatio, & depositio approbata fuit in pleniori Donatistarum Concilio centum, vel amplius Episcoporum, qui Cebarsosii convenerant, ut refert S. Augustinus lib. 4. contra Cresconium, c. 6. In illius autem Priminiani locum electus est Maximianus Diaconus Carthaginensis, quem ipse Priminianus ante damnaverat: at Priminianus resumptis viribus Episcopos Numidiæ ad sui defensionem provocat, qui numero 370. convenientes celebrant Bagaiense Concilium, restituntque, & absolvunt Priminianum. Maximianum verò absentem, & inauditum dampnant, & destituunt. Hinc grande oritur schisma inter Donatistas, quam plurimi enim Priminiano adhæserunt, alii autem Maximiano, ut ibidem narrat sanctus Augustinus. In hoc tamen, quod hæreticis omnibus familiare est, consentiebant Donatistæ, ut in Catholicos, qua possent arte, & sævitia grassarentur, ut eis exprobat Optatus libro secundo, ubi ut cruentis moribus pastos, & Christianorum sanguine opimatos fuisse ostendat, commemorat ipsorum furorem, & impietatem. Cum pax „ alta, inquit, Ecclesiæ esset, imperante Constantino, & duces Donatistarum merita relegassent sua: Julianus „ Apostata precibus Donatistarum rogatus, relegatos ire præcepit pro „ voto suo, quos intellexerat ad disturbandam pacem cum furore esse „ venturos. Venerunt irati, membra laniantes Ecclesiæ, subtiles in seditionibus, in cordibus immanes. Felix Diabensis, & Januarius castellum „ Lemanense invaserunt, diriperunt, &

„ & Diaconos Catholicos altare de-
 „ scendentes, plurimos tegulis cruen-
 „ tarunt, duos occiderunt. In Mauri-
 „ taniæ civitatibus, Donatistis intrans-
 „ itibus, quassatio populi facta est.
 „ Mortui sunt in utero matrum, qui
 „ fuerant nascituri. In Thipasa Cæsa-
 „ rienfis Mauritaniæ civitate Catholi-
 „ ca frequentia exurbata, & cruentata
 „ de sedibus suis expulsa est. Lacerati
 „ sunt viri, Tractæ sunt matronæ, in-
 „ santes necati sunt, abacti sunt par-
 „ tus. Jusserunt Eucharistiam canibus
 „ infundi, non sine signo iudicii divi-
 „ ni. Nam iidem canes rabie accensi,
 „ ipsos dominos suos, quasi latrones,
 „ sancti corporis reos, dente vindice,
 „ tanquam ignotos, & inimicos la-
 „ niaverunt.

„ Ampullam chrismatis per fene-
 „ stram, ut frangerent, jactaverunt,
 „ & cum casum juvaret abjectio, non
 „ defuit manus angelica, quæ ampul-
 „ lam spiritali subvectione deduceret,
 „ projecta casum sentire non potuit,
 „ illæsa inter saxa confedit. Urbanus
 „ Formensis, & Felix Idicrensis inde
 „ revertentes invenerunt matres, quas
 „ de castimonialibus fecerunt mulle-
 „ res.

„ Idem Felix vitiauit puellam, cui
 „ mitram ipse imposuerat, à qua pau-
 „ lō ante Pater vocabatur.

„ Idem Donatus annorum septua-
 „ ginta Episcopum spoliare ausus est
 „ nomine, officio, honore Episcopali,
 „ innocentem reus, Dei Sacerdotem
 „ sacrilegus, incestus casum, &c.

Nec potuit eorum pervicacia fran-
 „ gi; licet variis, sed irritis conatibus
 „ fuerint sollicitati, ut ad Ecclesiæ gre-
 „ mium se se reciperent, donec summis
 „ S. Augustini laboribus, & assiduis scrip-
 „ tis, ac disputationibus debilitati, tan-
 „ dem Honorii Imperatoris pœnalibus
 „ edictis domita est eorum sceleratorum
 „ protervia, ad id præcipuè agente Mar-
 „ cellino Tribuno, quem ad compescen-

dam Donatistarum vesaniam Honorius
 cum amplissima potestate, & copiis
 militaribus in Africam delegaverat.
 Omissa igitur ampliori relatione, ac
 discussione schismatis Donatistarum,
 jam determinandum est, quis sit ido-
 neus Sacramentorum Minister, & u-
 trum in ipso desideretur, primò status
 hominis viatoris: secundò vitæ probi-
 tas: tertio fides; quartò intentio:
 quod utique resolvetur in sequentibus
 quætionibus.

QUÆSTIO PRIMA.

*Quis debeat esse Sacramentorum Mi-
 nister?*

Notandum primò, duplicem distin-
 gui posse Sacramentorum Mini-
 strum: unum quidem *ordinarium*, al-
 terum vero *extraordinarium*. Ordina-
 rius ille dicitur, qui ex concessa sibi fa-
 cultate potest qualibet data occasione,
 & opportunitate ministrare sacramen-
 tum: extraordinarius autem, qui non
 nisi ex delegata autoritate, & com-
 missione sacramenta ministrat, urgente
 necessitate propter absentiam, & dese-
 ctum ordinarii Ministri: Certum est
 autem homines ministros esse sacra-
 mentorum, dum à Christo Domino de-
 legatam potestatem obtinent: Unde,
 Apostolus 1. ad Cor. 4. *Sic nos existimet
 homo, ut Ministros Christi, & dispen-
 satores mysteriorum Dei.* Dixi, dum
 habent à Christo delegatam potesta-
 tem, ille enim omnis, & solus est Mi-
 nister Sacramentorum, quem Christus
 in sua institutione designavit. Quis
 autem sit singulari cujusque sacramenti
 peculiaris Minister à Christo designa-
 tus, resolvetur agendo de Sacramentis
 in particulari. Hic autem duntaxat in-
 vestigamus, quisnam in communi de-
 beat esse ordinarius Sacramentorum
 Minister, utrum homo, vel Angelus.

*Notandum secundò, Lutherum eo non
 di-*

dicam erroris, sed etiam amentiae progressum, ut in lib. de Missa privata, & unctioe Sacerdotum, non solum omnibus hominibus, sed etiam demonibus attribuat potestatem ministerialem omnium sacramentorum. Ego, inquit, non dicam quod Papistae dicunt, nullum Angelorum, nec Mariam quidem ipsam consecrare posse: sed è contra dico, si diabolus ipse veniret, & ego possem reficere diabolum sic irrepsisse in officium Pastoris Ecclesiae in specie hominis vocatum, ad praedicandum, & publice in Ecclesia docuisse, baptizasse, celebrasse missam, & absolvisse à peccatis, & tali munere functum esse, juxta institutionem Christi, tunc cogeremur fateri sacramenta ideo non esse inefficacia, sed verum Baptismum, verum Evangelium, veram absolutionem, verum sacramentum corporis, & sanguinis Christi nos accepisse.

Verum, ut heresis in seipsam militat, ipsi Luthero extreme repugnat Calvinus, qui nequidem in necessitate concedit mulieribus facultatem baptizandi: nam in antidoto ad Can. 10. sessionis 7. ait. *Nemo sanus Christianus omnes in verbis, sacramentorumque administratione parvi facit: non solum quia decenter, & ordine geri omnia in Ecclesia deest; sed etiam quod singulari Christi mandato ad eam rem ordinantur Ministri.* Subdit autem. *Porro munus baptizandi, ubi mulierculis injunctum reperient, quemadmodum illi permittunt?*

At Ecclesia Catholica hoc utrumque erroris extremum declinans, fatetur solos homines viatores esse Ministros ordinarios sacramentorum: immo etiam omnes urgente necessitate posse Baptismum ministrare: quamquam concedat Angelos etiam per extraordinariam Dei delegationem, posse sacramenta ministrare.

Notandum tertio, ex Doctore in 4. dist. 6. qu. 1. num. 2. quod ad sacramen-
Tom. X.

torum administrationem tria concurrere debent ex parte Ministri: *Primum* est actio exterior, quae sit per motum localem, & potentiam motivam, per quam applicatur materia: *Secundum*, est prolatio sensibilis formae per verba articulata; *Tertium*, est intentio faciendi quod facit Ecclesia; qui autem aliquo eorum caret, non potest sacramentum administrare, unde excluduntur ab hac administratione, qui carent manibus, loquela, & ratione. Inde concludit Doctor nullum suppositum naturae intellectualis simpliciter excludi à potestate baptizandi, nisi propter aliquem ex ejusmodi defectibus. Duo itaque hic maxime sunt statuenda. *Primum*, quod soli homines viatores sunt ordinarii ministri sacramentorum: *Secundum*, quod Angeli non solum boni, sed etiam mali, possunt ad istud ministerium à Deo deputari extraordinarie.

CONCLUSIO PRIMA.

Soli homines Viatores habent potestatem ordinariam ministrandi sacramenta.

PROBATUR PRIMA PARS: Sacramentorum administratio, sicut, & efficacia pendet ex Christi institutione, & mandato, quod innotescit maxime per Scripturam sacram: sed ex ea constat facultatem ordinariam ministrandi sacramenta, non fuisse concessam Angelis, sed hominibus. Probatur per inductionem; siquidem de Eucharistia Lucae 11. v. 19. non Angelis, sed Apostolis, qui erant homines viatores, dictum est: *Hoc facite in meam commemorationem;* & de Baptismo Matth. ultim. v. 19. *Baptizate omnes Gentes.* De Extrema-Untione Jacobi 5. v. 14. *Inducat Presbyteros Ecclesiae, & orent super eum, ungentes eum, &c.* De Pœnitentia Joann. 20. v. 23. *Quorum remiseritis peccata, remittuntur eis.* Quantum ad Sacramentum Ordinis, & Confirmationis, constat tum ex Scriptura, tum ex Traditione, eorum Ministerium

necessariò debere esse Episcopum, & Pontificem; qui, ut legimus Heb. 5. ex hominibus assumptus pro hominibus constituitur in iis, quæ sunt ad Deum. Quantum verò ad Matrimonium res est evidens; non enim initur nisi inter homines contrahentes, qui videntur ministri, juxta illud Genes. 2. *Hæc nunc os de ossibus meis, & caro de carne mea, &c.*

Hujus autem veritatis ratio est aperta; quatuor enim sunt in sacramentis, à quibus maximè æstimari debet Minister, nempe sacramentorum institutor, videlicet Christus Dominus, cujus ipse vices gerit, juxta illud S. Pauli 1. ad Cor. 4. *Sic nos existimet homo, ut Ministros Christi, & dispensatores mysteriorum Dei.* Secundum est Ecclesia in cujus gratiam sacramenta instituta sunt, & cujus proinde ille est Minister. Tertium est suscipiens, inter quem, & Christum Dominum, qui ministrat medium locum tenet. Quartum denique est sacramentum, quod ministratur, sed ex hoc quadruplici capite Minister ordinarius sacramentorum necessariò debet esse homo, non autem Angelus; quia Christus institutor, cui debet assimilari, est verus homo, non autem Angelus. Similiter Ecclesia est cæteris visibilis hominum, non autem Angelorum. Item qui suscipiunt sacramenta sunt homines, non Angeli. Denique sacramentum ipsum non est merè spirituale, quemadmodum Angeli, sed partim conficitur ex spirituali, & corporeo: spirituali quidem, nempe intentione, Ministri; corporeo autem, scilicet materiâ, & formâ: quod maximè convenit hominibus partim spiritualibus, partim corporeis.

Quas utique rationes Doctor egregie expendit ibidem num. 3. *Congruum est, inquit, ab homine viatore conferri baptismum, & non ab Angelo aliquo; tum quia Christus, qui instituit, homo fuit: tum quia in Sacramento est aliquid sensibile, & aliquid spirituale; & per con-*

sequens magis congruit Ministro, utenti sensu, & intellectu, quàm purè intellectuâli: & tertio, quia per susceptionem Baptismi adscribitur aliqui, ut sit membrum Ecclesiæ militantis: ergo congruum est hoc fieri, per aliquem in illa Ecclesiâ.

Dices primò: Quidquid potest Minister inferior, potest superior; nam quidquid potest Diaconus, potest Sacerdos, non vicissim; sed Angeli in ordine Hierarchico superiores sunt hominibus quibuscvis, ex S. Dionysio: igitur idem ministerium exercere possunt quod homines.

Distinguo majorem: Idem potest superior diverso modo, concedo: eodem modo, nego: quod enim homines operantur inferiori modo per sensibilia sacramenta naturæ hominum proportionata, faciunt Angeli ut superiores ministri superiori modo invisibiliter purgando, illuminando, perficiendo, non sensibiliter humano modo per sacramenta. Quare beati homines, qui in cælo characterem habent indelebilem, quo sacramenta ministrare possent; similes sunt Angelis, Matth. 22. sed in participatione gloriæ, non in conditione naturæ, sacramentorumque dispensatione.

Dices secundò: Sacramenta possunt administrari per malos homines, qui sunt membra diaboli: multò magis per diabolum, qui est eorum caput.

Negò consequentiâ: Nam homines mali non habent potestatem ministrandi sacramenta, eò quòd per malitiam sint membra diaboli, sed eò quòd sint instrumenta Christi rationabilia, quòd Sathanæ, seu diabolo non competit.

Probatur etiam secunda pars, nempe quòd sacramentorum ordinarius Minister debeat esse viator. Probatur, inquam, primò ex illo ad Heb. 5. *Omnia Pontifex ex hominibus assumptus pro hominibus constituitur in iis, quæ sunt ad Deum, ut offerat dona, & sacrificia pro pec-*

peccatis; qui condolare posset iis, qui ignorant, & errant : quoniam & ipse circumdatus est infirmitate, &c. Sed solus homo viator est ejusmodi : igitur , &c.

Deinde, Ille solus est ordinarius , & legitimus Sacramentorum Minister , quem Christus suâ institutione designavit : sed ad id designavit duntaxat homines viatores ; etenim neque ex Scriptura, neque ex Conciliis, neque ex Traditione constat hominem non viatorem à Christo assumptum , & institutum fuisse Ministrum sacramentorum Ecclesiæ militantis : igitur , &c.

Denique, ut ait Bellarminus lib. 1. de Sacramentis in genere cap. 24. num. 3. Sacramenta data sunt Ecclesiæ, ut ministrarentur iis , qui sunt intra Ecclesiam ab ipsa Ecclesiâ visibili, per suos Ministros, quales non sunt ii , qui jam sunt extra mundum , & qui nullatenus subjacent directè vel indirectè ipsi Ecclesiæ; alioquin Episcopus damnatus cum corpore, & anima, posset in odium Dei, & Christi, alterum in corpore , & anima etiam damnatum in Sacerdotem ordinare, & ille ordinatus Sacerdos, si haberet præsentem penem, & vinum, posset Eucharistiæ sacramentum conficere : at hæc absurda sunt : igitur non est asserendum sacramenta posse de via ordinaria ab aliis conferri , quàm à viatoribus .

Dices primò: Thomas Stapletonus in Collectaneis de S. Thoma Apostolo , refert, quòd anno 1120. Patriarcha quidam Indorum Joannes nomine , Romanam venerit, ibique summo Pontifici, Calixto II. & Cardinalibus in consistorio testatus fuerit S. Thomam Apostolum omni anno se visibilem præstare fidelibus sibi subditis, & eos , quos sacrâ synaxi dignos judicat, propriâ manu communicare ; indignos verò à sacramenta arcere , & eis Eucharistiâ denegare .

Respondet Bellarminus *ibidem*, quidquid sit de veritate illius historiæ, ex illa non haberi, quòd Apostolus Eucharisti-

am conficeret, & consecraret; sed solum , quòd consecratam distribueret . Verùm, hæc responsio non videtur solvere objectionem; exinde enim saltem colligere liceret , Beatos posse dici Ministros ordinarios eorum sacramentorum , quæ consistunt in applicatione, materiæ sensibilis, & prolatione verborum formæ, qualia sunt Baptismus, Extrema-Unctio , Confirmatio , &c.

Unde respondeo secundò, quòd si verum sit S. Thomam hæc præstitisse , id non fecerit ex communi lege, sed ex singulari Dei concessionem, maximè cum non possit constare Apostolum proprium corpus assumpsisse, totiesque repetito miraculo resurrexisse, & iterum fuisse mortuum, unde credibilius est, eum apparuisse duntaxat, & hæc præstitisse in acreo corpore .

Dices secundò: Ecclesiâ suis in orationibus petit à beatis Apostolis remissionem peccatorum , ut in Apostolorum hymno: *Qui calum verbò clauditis, servasque ejus solvitis, nos à peccatis omnibus solvito jussu quæsumus.* Et in hymno S. Petri: *Peccati vincula resolve tibi potestate tradita, quæ cunctis calum verbò claudis, aperis*: igitur Apostoli beati sunt Sacramentorum Ministri .

Distinguo antecedens : Petit remissionem, per modum impetrationis, exhibendo beatis Apostolis potestatem eis commissam, dum in Ecclesiâ militante versarentur, ut eos magis flectat, sicut dicimus B. Virgini in ejus hymno, *Solve vincula reis*, concedo : per modum jurisdictionis, quasi jus, & ministerium absolutionis adhuc retineant, nego .

Dices tertio : Si qui sacerdotes aut Episcopi resurgerent è mortuis, adhuc possent aliqua sacramenta conficere : non ergo necessario sacramentorum minister est viator .

Nego consequentiâ: Id enim agerent è mortuis excitati, potestate quam accepissent viatores; unde possent ea sacramenta validè conficere, quæ confici-

bant ante mortem absque Jurisdictione, ut Baptismum, & Eucharistiam; nam ea solum egent caractere, statuque debito, non jurisdictione; sed ea valide ministrare non possent, quæ jurisdictionem postulant, ut absolutionem penitentium: quia Jurisdictio cessat per mortem: at absolutio sacramentalis penitentium est actio Jurisdictionis, utpote verum judicium.

CONCLUSIO SECUNDA.

Angeli possunt esse extraordinarii Sacramentorum Ministri. Hæc est communis apud utramque scholam, Anglicam, & Subtilum: Enimverò Anglicus Doctor 3. part. quæst. 64. art. 7. ait: *Secundum tamen, quod sicut Deus virtutem suam non alligavit sacramentis, quin possit sine sacramentis effectum sacramentorum conferre: ita etiam virtutem suam non alligavit Ecclesie Ministris, quin etiam Angeli possint virtutem tribuere ministrandi in sacramentis. Et quia boni Angeli sunt Nuntii veritatis, si aliquod sacramentale ministerium à bonis Angelis perficeretur, esset ratum habendum; quia deberet constare, hoc fieri voluntate divina; sicut quædam templum dicuntur Angelicis ministris consecrata.*

Similia habet subtilis Doctor num. 2. ubi cum dixisset, omne suppositum naturæ intellectualis posse deputari in Ministerium sacramentorum, hanc rationem profert: *Quia, inquit, si bonus Angelus baptizaret in corpore assumpto, cum omnibus prædictis conditionibus, tunc supponendum esset verum esse ejus baptismum: quia non fieret, nisi de præcepto Dei, nec esset ille baptizatus ab Angelo iterum rebaptizandus: sicut Michael prohibuit Episcopo dedicare Ecclesiam suam in monte Gargano, asserent eam à se dedicatam fuisse.* Quibus verbis Doctor non contendit, Angelos habere potestatem ordinariam ministrandi sacramenta, vel plurimi perperam affirmant; sed tantum, quod ad illud mu-

nus possunt extraordinariè à Deo delegari.

Probat autem conclusio: Si enim, ut legimus Actuum 7. & ad Galatas 3. Lex antiqua ordinata fuit per Angelos in manu Moysis Mediatoris, quidni per eosdem poterunt novæ legis sacramenta ministrari? non enim major est difficultas in apponenda materia sacramentali, & proferendis verbis formæ, quàm in exaranda lege super tabulam lapideam, & illa vivâ voce intonanda, & promulganda.

Hanc etiam veritatem luculenter docet S. Augustinus lib. 2. contra Parmenianum cap. 15. ubi cum objiceret Parmenianus injustum non posse ministrare validè sacramenta, ut ibidem memorat S. Augustinus, his verbis. *Ut quid ergo Parmenianus inani jactantia exultat, & dicit: Nunquam divina legis censura patietur, ut vivificare quemquam mortuus possit, curare vulneratus, illuminare cæcus, vestire nudus, & mundare pollutus, &c.* quibus assererat injustum non posse tribuere Baptismum ad justitiam, & ad hujus confirmationem objiciebat cap. 15. illud Joann. 3. *Non potest accipere homo quidquam, nisi fuerit illi datum de cælo.* Cujus falsam interpretationem variis rationibus redarguens S. August. ejusque pravam intelligentiam Scripturæ, tandem concludit: *Nemo ergo, inquit, sine dante, sed quod pertinet ad Baptismi sanitatem, adest Deus, qui det, & homo, qui accipiat; sive per seipsum donante Deo, sive per Angelum, sive per hominem sanctum, sive per Petrum, sive per Joannem, sive per hominem iniquum, &c.* Quibus verbis luculenter significat Baptismum ministrari posse per Angelum.

Nec refert quod dicat Deum aliquando per se conferre gratiam Baptismalem, hoc est, non mediante aliquo sacramento, putà dum sanctificat vel puerum in utero, vel adultum per martyrium, quod nec est sacramentum,

nec

nec subordinatur sacramento ; licet, ut diximus, sacramenti vim habeat : hoc, inquam, non refert ; quia hæc non officium, quominus afferat Angelum , aut hominem justum, aut injustum conferre gratiam mediante sacramento .

*Probat*ur insuper ex Nicephoro lib. 11. historiæ c. 20. ubi refert, quomodo ad Amphiloichium in locis desertis philosophantem , ob excellentem ejus vitam & doctrinam Deus misit Angelos, qui mystica ordinatione, & arcana benedictione Episcopali eum dignitate, intellectuâli modo consecrarunt , & Hierarcham Iconii renuntiârunt ; ad quem cum paulo post ordinandi Episcopi illius Provinciæ convenissent, ubi noverunt ex eo ipsum ab Angelis Dei consecrationem suscepisse , data Deo gloria de tam sacra , divinaque gratia, illum ut Pontificem Dei, Præconem Evangelii, defensorem fidei, cum timore reverenter admitterunt, & solita salutatione, ac osculo ei imposito, functiones Episcopales, ac omnia Pontificalia munera , absque alia nova inauguratione palam exequi permiserunt .

*Probat*ur etiam ratione: Primò, quia, ut mox dictum est, sicut Deus non alligavit virtutem suam sacramentis, sed potest pro libito , independenter à sacramentorum collatione , gratiam sanctificantem alicui infundere ; ita nec sacramentorum administrationem sic hominibus delegavit, quin possit pro voluntate , & nutu illud ministerium Angelis committere ; maximè cum omnes illi sint administratorii Spiritus in ministerium missi, propter eos, qui hæreditatem capiunt salutis .

Deinde, Sacramentorum administratio non est difficilioris executionis , quàm consecratio templorum ; quippe cum utrumque istud munus hominibus fuerit delegatum : sed consecratio templorum fieri potest per Angelos, & aliquando reverà ab illis peracta est , ut constat de consecratione templi mon-

tis Gargani , quæ facta fuit per S. Michaelem Archangelum .

Denique ; tria , sicut notavimus cum Doctore, duntaxat requiruntur ad administrationem sacramenti ; *Primò* quidem vis motiva, quâ baptizandum v.g. Minister abluat aqua : *Secundò*, vox, qua verba formæ proferat : *Tertiò* rationis usus , qua Christi D. & Ecclesiæ intentionem habeat : sed Angelus extraordinaria Dei commissione in assumpto corpore, vel extra corpus omne, potest habere ea tria : nam potest aquam movere, & applicare baptizando ; non est enim opus , ut Angelus baptizans applicet aquam per instrumentum conjunctum, ut sacerdos per manum : sufficit enim instrumentum separatum, aut nullum ; potest etiam excitare verba, non vitaliter ut homo, sed distinctè significantia idem, ac vitalia verba : cum etiam intellectiva facultate sit præditus, haud dubie potest habere intentionem debitam . Itaque fatendum est, quòd si constaret sacramentum aliquod ab Angelis fuisse ministratum, deberet haberi ut ratum, ac validum .

Dices primò: Ad Hebr. 5. *Omnis Pontifex debet assumi ex hominibus*, ut offerat dona, & sacrificia : ac subinde hoc ministerium implere non possunt Angeli : igitur multò minùs poterunt sacramenta ministrare ; quippe cum per sacramenta conferatur gratia, non autem ordinariè per sacrificia ex opere operato .

Distinguo antecedens : Ita fit de lege ordinaria, concedo : ita fit necessàriò, ut aliter fieri non posset, si ita Deus ordinaret, nego : nam consecratio Ecclesiæ, etiam est ministerium Ecclesiæ ; quod Angelis commissum fuisse ex certa historia constat : ministrare Eucharistiam, est ministerium Ecclesiæ per Presbyteros, & Diaconos ; sed & hoc aliquando etiam Angeli præstiterunt ex speciali commissione , ut ex vitis Sanctorum, probatis sæpius constat . Promulgatio

le-

legis divinæ est ministerium hominis, sed in monte Sinai id præstiterunt Angeli, ut Dei legati, Act. 7. Quidni ergo, & baptismum possint etiam ex speciali Dei commissione dare in corpore assumpto, servata substantia sacramenti?

Dices secundò: Administratio sacramenti est actus vitalis: sed Angeli non possunt exercere actus vitales in corpore assumpto: igitur nec ministrare sacramenta.

Distinguo majorem: Administratio, quæ sit per Ministrum ordinatum, est actus vitalis, concedo: quæ fieret per Ministrum extraordinarium, necessariò deberet esse actus vitalis, nego: Nam absolute loquendo, ad validitatem sacramenti, sufficit, quòd debita materia applicetur, & forma proferatur sensibiliter, & articulatè per corpus humanum, sive verum, sive apparens; non enim aliud requiritur simpliciter ex parte formæ, qua sacramentalis est, quam ut sit signum practicum effectus, tam in baptizato, quàm etiam respectu Ecclesiæ, cui debet constare de forma applicata: neque enim Ecclesia attendit modum formandi verba, sed significationem, quam habent ex institutione divina, & communi hominum usu; quemadmodum revelatio facta viris sanctis per Angelos sensibiliter loquentes, non aliter attenditur, & accipitur ab eis, quàm si verè vitalis esset: quia consideratur non modus loquendi, sed locutionis sensus.

Petes, an etiam dæmones possent validè sacramenta conferre?

Affirmat Doctor ibidem, dicens: Si etiam malus Angelus in corpore assumpto baptizet, & consilet, quòd esset de præcepto Dei; talis habendus esset pro baptizato: quia oportet malum Angelum etiam inquit obedire Deo. Sed non esset sine certa revelatione super hoc habita credendum, quòd malus Angelus verè baptizaret; tum quia Deus non ministrat sacramenta per exclusos finaliter

à salute: tum quia si non esset certus de præcepto divino ad oppositum; supponendum est semper ipsum fraudulenter agere, nec completè facere ea, quæ essent necessaria ad salutem baptizati propter inimicitiam, quam habet ex invidia procedentem. Quibus verbis Doctor non asserit diabolum validè ministrare sacramenta, quasi hoc ei competeret de lege ordinaria: quemadmodum non nulli falsò existimant: asserentes eandem ipsius, quæ postmodum Lutheri, esse sententiam: contrarium enim aperte patet ex verbis mox expressis.

Dices: Si dæmon ministraret sacramenta ex ordinatione Dei, cum sit in statu peccati mortalis, committeret sacrilegium; cuius Deus esset author; quippe cum dæmonem ad istud ministerium cogeret: sed Deus non potest esse author alicujus peccati: igitur nec potest ordinare dæmoni, ut ministret aliquod sacramentum.

Distinguo minorem: Deus non potest esse author actus peccaminosi, quando malitia est conjuncta actui malitioso ab intrinseco, concedo: quando duntaxat conjuncta est ab extrinseco, & ex malitia operantis, nego: sic autem contingit in proposito; quia ministerium sacramenti absolute bonum est; voluntas autem dæmonis cum sit perversa, invitè duntaxat à Deo cogitur, quoties ad aliquid bonum præstandum divino urgente mandato impellitur: nihilominus Deus hac dæmonis perversà voluntate uti potest in offensionem suæ bonitatis, & potentiam, per quam extorquet etiam obedientiam à diabolo quantumvis reluctante, in commodum, & utilitatem alterius. Hinc præclare S. Augustinus lib. de corrept. & gratia cap. 10. *Saluberrimè, inquit, confitemur, quòd rectissimè credimus Deum, Dominumque rerum omnium, qui creavit omnia bona valdè, & mala ex bonis extorta esse præscivit, & scivit magis ad suam omnipotentissimam*

bonitatem pertinere, etiam de malis bene facere, quam mala esse non finire, &c. Unde præclare monet Doctor, quod si diabolus sacramenta ministraret in assumpto corpore, necessum esset, ut per revelationem divinam constaret, ad id à Deo fuisse motum, & impulsu, ut nempe certum esset sacramentum illud fuisse validè ministratum.

QUESTIO SECUNDA.

Utrum Ministri prohibiti, & vitæ sanctitatis necessaria sit ad validè, & licitè conficiendum, & conferendum sacramentum?

Notandum primò, tria hic in questionem veniè, *Primum*, utrum peccatores validè conficere, ac ministrare possint sacramenta. *Secundum*, utrum licitè, & citra novum peccatum: *Tertium*, an ab eis sacramenta petere, & accipere liceat. Quantum autem ad primum, sciendum est, duplicem distingui posse sacramentorum administrationem: Unam quidem *validam*, sed *illicitam*: alteram autem *validam*, & *licitam*: Prima est, qua sacramentum ritè confectum, hoc est, adhibita materia, forma, & prærequisita intentione, confert quidem gratiam suscipienti; sed illius confectio, & administratio novum infert peccatum conferenti propter indignam, & illegitimam rei sacræ tractationem, & ministrationem: secunda verò, non solum gratiam confert suscipienti, sed etiam conferenti, propter debitam utriusque dispositionem. Quæritur autem utrum Minister in peccato mortali existens validè quidem, non autem licitè conficere possit, ac conferre sacramenta. Quod utique intelligi potest, tam de Ministro consecrato, cui videlicet ex officio incumbit sacramentum ministrare, quam de non consecrato, qui videlicet duntaxat in casu necessitatis sacramentum ministrare potest.

Notandum secundò, ex Doctore subtili dist. 5. quæst. 2. num. 2. Ministrum peccatorem, & improbum censerem talem, vel occultè, vel manifestè; ita quod pravus appareat quidem coram Deo, talis autem non habeatur apud homines; maxime apud eos, quibus ministrare debet sacramentum. *Insuper*, Minister occultè malus dici potest duobus modis; vel quia peccatum ejus est occultum, & ignotum suscipienti sacramentum; vel quia, licet ipsi sit notum, non est tamen aliis notorium, & manifestum. Similiter notoriè malus Minister, vel est toleratus in Ecclesia, & scientibus Prælati, nullo reclamante sacramenta publicè ministrat; vel non est toleratus, sed ab omni Ecclesiastico munere per excommunicationem, degradationem, aut suspensionem, manifestè sepositus; ut declaravit Martinus V. in Concilio Constantiensi, qui cum animadverteret gravissima oriri scandala, & plurimos fideles revocari à frequentatione sacramentorum, quod nescirent an quidam Ministri peccatores, vel aliquà sententiâ Ecclesiasticâ innodati, possent validè, aut licitè conferre sacramentum pœnitentiæ; anno 1418. constitutionem edidit, his verbis: *Ad evitanda scandala, & multa pericula, ad subveniendum conscientis timoratis; constitutum, ut nemo deinceps teneatur abstinere, & separare se, neque vitare communicationem alicujus, in administrando, vel recipiendo sacramento, aut in alio divini officii, aut extra illa, ratione alicujus sententiæ, aut censure Ecclesiasticæ, aut suspensionis, aut prohibitionis ab homine, aut jure generaliter promulgatæ: neque servari interdictum Ecclesiasticum, nisi sententiâ, prohibitionis, suspensio, vel censura hujusmodi fuerit in, vel contra personam, Collegium, Universitatem, Ecclesiam, aut locum certum, à Judice publicata, vel denunciata specialiter, aut expressè, aut si sit notorius Clerici perversor, &c.* Quæ uti-

utique Constitutio innovata fuit in Concilio Basilenfi sess. 20. & in Lateranensi, sub Leone undecimo, sess. 11. anno 1516.

Notandum tertio, præter memoratos veteres hæreticos initio præsentis articuli, qui asserabant, peccatores non posse validè sacramenta conficere, aliquos Recentiores eundem errorem instaurasse; maxime verò *Valdenses*, ita dictos à quodam homine Lugdunensi, nomine *Valdo* circa annum 1106. qui cum divitiis plurimis abundaret, pauperatatem Evangelicam palam profiteri cœpit; unde illius Sectatores dicti sunt *Pauperes de Lugduno*, sicut colligitur ex Trithemio in Chronico Hirsaugieusi: nuncupati sunt etiam *Albigenses*, & *Tholozates*; quia eorum pestilens doctrina in illis maxime provinciis grassata est, ac disseminata. Inter varia autem eorum capita, quæ promulgabant, accusabantur, quòd assererent non modò per Sacerdotes, sed etiam Laicos corpus Christi confici posse, dummodò iusti, ac probi censerentur: quia per malos etiam Sacerdotes, confici posse negabant, ut refert Rogerius in Annalibus Anglis.

Verùm, nullus hunc errorem apertius; & audacius professus est, quàm *Viclef*: nam inter varios illius articulos in Concilio Constantiensi sess. 8. damnatos, hic quartus erat: *Si Episcopus, vel Sacerdos est in peccato mortali, non ordinat, non conficit, non consecrat, non baptizat*. Nonnulli eundem errorem tribuerunt *Joanni Hui*, cujus errores pariter damnati sunt in eodem Concilio Constantiensi, sess. 15. Nec immeritò quidem, non solum quia pestilentia *Viclefi* dogmata propalabat, ac tuebatur in Bohemia; unde hic vigesimus articulus ejus erat, quòd condemnatio 45. articulorum Joannis *Viclefi* facta per Doctores, est irrationalis, & iniqua, & malefacta: sed insuper in 22. articulo aiebat, quòd *Papa, vel Præ-*

latus malus, & præfatus est tantum, equivocè Pastor, & verè sur, & laicus; ac subinde censebat peccatorem non esse verum Pastorem, proindeque non posse conferre sacramenta, quæ per veros tantum Pastores, ac Ecclesiæ Ministros conferri possunt.

Statuendum est igitur in præsentì quæstione; *Primo*, quòd Ministri, quantumvis peccatores, & pravi, possint validè conficere sacramenta: *Secundo*, quòd illicitè sacramenta conferant: *Tertio*, quandonam ab eis liceat sacramenta petere, & recipere.

CONCLUSIO PRIMA.

Sacramenta verè, & validè confici, ac conferri possunt per Ministros pravi, & peccatores. Hæc est de fide determinata in variis Conciliis, tum universalibus, tum particularibus; maxime verò in tribus Conciliis *Romanis* sub Leone nono, annis 1409. & 1051. in quibus determinatum est, ut quicumque à Simoniacò consecratus esset, in ipso ordinationis suæ tempore, non ignorans Simoniacum, cui se obtulerat promovendum, 40. numero dierum, pœnitentiam ageret, & sic in accepti ordinis officio ministraret. Supponunt ergo hæc Concilia validè collatum esse Ordinem per Simoniacum Episcopum. Idem definitum est in Concilio *Gallieno* celebrato anno 1106. cujus acta describuntur à Rogerio in Annalibus Angliæ, ubi contra *Tholozates*, & *Albigenses* definitum est, quòd sicut solis radius per cloacas maculam non contrahit, vel fæctorem, vel sicut aqua pura, & nitida transit ad arcolas per canales luteos, aut sordidos, vel limosos, sic verba Dominica non sordidantur; nec melius, nec nitidius per bonum, quàm per malum proferuntur.

Idem definitum est in Concilio *Constantiensi* sess. 8. in quo damnati sunt articuli *Viclefi*, & *Salisburgerfi* anno 1420. Rubrica de *summa Trinitate*, ubi, definitur: Si aliquis Clericus, vel

Lai-

„ Laicus : . . . ausus fit predicare , aut
 „ occulte docere : credere , vel tenere ,
 „ quòd Sacerdos in mortali peccato
 „ existens , non possit consecrare corpus
 „ Christi , &c. pro hæretico , & incre-
 „ dulo habeatur . Idem apertè definit
 Concillium Tridentinum sess. 7. Can. 12.
 de sacramentis In genere : Si quis di-
 xerit Ministrum in peccato mortali exi-
 stentem , modò omnia essentialia , quæ ad
 sacramentum consecrandum , aut consecran-
 dum pertinent , servaverit , non consecrare ,
 aut conferre sacramentum , anathema a-
 fit .

„ Rationem à priori Catholicæ verita-
 tis assignat Doctor subtilis 4. d. 5. qu. 1.
 „ num. 4. Veritas , inquit , quæstionis
 „ patet ex autoritatibus multis , quòd
 „ quacumque malitia minister sit ma-
 „ lus ; sive hæresis , sive schismatis ,
 „ sive morum , salvà unitate Ecclesiæ ,
 „ si intendit facere , quod facit Eccle-
 „ sia , & servet modum Ecclesiæ , verè
 „ confert Baptismum , & talis Baptis-
 „ mus verè habet effectum In baptiza-
 „ to , non obstante malitià Ministri , nisi
 „ obstet malitià suscipientis in hoc ,
 „ quod recipit à tali Ministro . Veritas
 „ autem istius solutionis non habet ,
 „ nisi rationem unam propter quid ,
 „ scilicet quia ita placuit Christo in-
 „ stituere , ut malitia Ministri non im-
 „ pediret sacramentum , nec ejus effe-
 „ ctum .

Porrò hoc Christi D. beneplacitum ,
 maxime colligitur ex perpetua , & con-
 stanti Ecclesiæ Traditione , quam contra
 S. Cypriani auctoritatem à Dona-
 tistis objectam urgebat S. Augustinus
 lib. 2. de Baptismo , cap. 7. ubi ita scribit :
Nolite ergo nobis obijcere auctoritatem
Cypriani , ad Baptismi receptionem , sed
tenete nobiscum exemplum Cypriani ad
unitatis conservationem : Nondum enim
erat diligenter Baptismi questio per-
tractata , sed tamen saluberrimam con-
suetudinem tenebat Ecclesia , in ipsi
quoque schismaticis , & hæreticis corri-

gerie , quod prævum est , non iterare , quod
datum est ; sanare , quod vulneratum est ,
non curare , quod sanum est . Quam con-
suetudinem credo ex Apostolica Tradi-
tione venientem , sicut multa non inveni-
untur in litteris eorum , neque in Con-
ciliis posteriorum , & tamen quia per
universam custodiuntur Ecclesiam , non
nisi ab ipsi tradita , & commendata le-
gantur , &c.

Idem constanti Traditione docent
 SS. Patres variis adductis exemplis . Sic
 Opeatus Milevitanus lib. 3. contra Par-
 menianum circa medium : Quid inter-
 est , inquit , quales fuerint operarii ,
 dummodò quod operatum est , bonum
 esse constet ? nam & vinum à peccato-
 ribus operariis , & calcatur , & premi-
 tur ; & sic inde Deo sacrificium offertur :
 oleum quoque à sordidis conficitur . . .
 & tamen liquor in sapore , in lumine ,
 etiam in sacro chrismate simpliciter
 erogatur , &c.

Similiter S. Nazianzenus Orat. 40.
 comparat bonum , vel malum mini-
 strum sigillo aureo , vel ferreo , quod
 eundem habet effectum , sive aureum
 sit , sive ferreum . Sanctus autem Augu-
 stinus ad id etiam utitur exemplis ,
 maxime lib. 3. contra Cresconium ,
 cap. 8. ubi utitur exemplo *seminis* , cui
 perinde est , quòd sordidis , aut lotis
 manibus seminetur ; modò enim ex se
 fructiferum sit , & terra idonea , ac fœ-
 cundante solis influxu germinabit , ac
 ubertim exurget : Tract. autem 5. in
 Joannem : *Superbus Minister cum dia-*
bolo computatur , sed non contaminatur
donum Christi , quia per illum purus stu-
vius transit ; & non venit ad sterilem
terram . Et paulò post subdit : Lapis ex
agua fructum ferre non potest , & si per
lapideos canales transit ad areolas aqua ,
in canali lapideo nihil generatur , sed ta-
men hortis plurimum fructum offert : spi-
ritualis enim virtus sacramenti , ut pura
lux ab illuminandis exicipitur , sed per
immundas transiens non coinquinatur .

Idem lib. 1. de Baptismo, cap. 10. cùm dixisset : Non est autem aqua profana, & adultera, super aquam nomen Dei invocatur, etiamsi à profanis, & adulteris invocetur; quin nec ipsa creatura, nec ipsum nomen adulterum est; Baptismus verò Christi verbis Evangelicis consecratus, & per adulteros, & in adulteris sanctus est, quamvis illi sint impudici, & immundi; quia ipsa ejus sanctitas pollui non potest: & Sacramento suo divina virtus afficit, sive ad salutem benevolentium, sive ad perniciem male viventium. Id confirmat exemplo: An verò Solis, inquit, vel lucerne lux, cum per cœnosa diffunditur, nihil inde sordium contrahit; & Baptismus Christi potest cujusquam sceleribus inquinari? Si enim ad ipsas res visibiles, quibus Sacramenta tractantur, animum conferamus, quis nesciat eas esse corruptibiles? Si autem ad id, quod per illas agitur, quis non videat non posse corrumpi, quamvis homines per quos agitur, pro suis moribus, vel præmia percipiant, vel pœnas luan?

Eandem veritatem probat Doctor num. 4. & sequentibus triplici congruentia: Primam repetit ex fine sacramenti quidem, quia rationabile est Deum assistere suo signo practico, ad causandum signatum ex determinatione voluntatis suæ præcedente omnem conditionem Ministri; ut si, cum illa determinatio sua, qua tribuit signo esse certum signum, est ab ipso, immediate omnino, & primò; ita & assistentia consequens illam determinationem, ad cooperandum, sit immediate ab ipso. Quibus Doctor significat, quod cùm sacramentum omnem suam efficacitatem habeat à Deo, & Christo Domino illius institutore, isti non potest obesse Ministri pravitatis. Quam utrique rationem etiam profert S. Augustinus pluribi, sed maxime lib. 2. contra litteras Petilian, c. 2. Nec aqua nostra inquinatur, inquit, nec vestra mundatur, sed aqua Baptismi... sum

datur alicui, nec nostra, nec vestra est, sed illius, de quo dictum est: Hic est qui baptizat. Unde Tract. 7. in Joan. circa medium ait: Baptisma tale est, qualis est ille, in cujus potestate datur, non qualis est ille, per cujus ministerium datur; unde quid tibi facit malus Minister, ubi bonus est Dominus? Quid te impedit malitiosus præco, ubi bonus est iudex.

Secundam rationem desumit Doctor ex fine ipsius sacramenti, videlicet ex parte salutis hominum, ob quorum gratiam sacramenta instituta sunt; si enim ad sacramenti valorem requiretur sanctitas, & fides Ministri, vix ulla esset in fidelibus securitas de sua salute; sicut enim semper essent incerti de bonitate Ministri: ita & de valore sacramenti ab eo collati. Nam ut præclare Doctor ait: Si Baptismus non posset conferri, nisi à bono, non esset in magnum remedium viatoris, sed quasi communiter in detrimentum. Cùm enim quasi nullus possit esse certus de bonitate propria, multo magis nec de bonitate alterius: ergo si ex bonitate Ministri dependeret Baptismus, nunquam posset aliquis esse certus se verè recepisse Baptismum, quod est inconveniens. Et si objicias, quod nec modò potest esse certus, quia nescit dispositionem suam propriam, hoc non obstat: quia satis potest nosse certitudinaliter, sicut requiritur certitudo, quod ipsemet intendit recipere per Baptismum: & hoc sufficit ex parte ejus.

Si dicas quod non potest esse certus de intentione Ministri: hoc non obstat, quia probabiliter præsumi potest, quod Ministri talem actum, exercentes intendunt facere illud, ad quod actus secundum se ordinatus est: sed non ita posset haberi certitudo de bonitate, vel sanctitate, Ministri. Ita Doctor.

Hanc rationem etiam indicat sanctus Augustinus lib. 1. contra litteras Pe-

Petilian cap. 3. ubi ait: *Ergo baptizantur à bonis, ut possint fidem percipere, non reatum. Sed quomodo, & de istis securi erunt, si conscientia dantis attenditur, quæ latet oculos accepturi? ita secundum eorumdem sententiam fit salus illa spiritualis incerta, dum contra Scripturas sanctas, quæ dicunt, Bonum est confidere in Domino quàm confidere in homine (Ps. 127.) &: Maledictus omnis, qui spem suam ponit in homine (Jerem. 17.) spem baptizandorum auferunt à Domino Deo, & in homine ponendam esse persuadent.*

Tertiam rationem repetit Doctor ex parte suscipientis: Quia omnino injustum est, inquit, alterum pro iniquitate alterius puniri, quando ille alter, nullo modo communicat iniquitati, alterius; itaque possit sibi deputari: sed ille baptizandus, disponit se ad gratiam, quantum potest: si ergo malitia Ministri impediret, ille puniretur, propter culpam alienam nullò modò sibi imputandam. Quod utique argumentum urget S. Augustinus lib. 2. contra litteras Petiliani cap. 6. *Si ex innocentia baptizantis, inquit, expectatur ut fiat innocentia baptizati, tantò erit quisque innocentior, quantò innocentiorum, à quo baptizetur, invenerit: & tantò ipse minus erit innocens, quantò, & ille, à quo baptizatur. At hoc dici non potest: Quia, inquit, si Ministri innocentia sublevar, malitiam ejus gestabit; & ita sepe curretur ad Baptismum, non ut remittantur peccata propria, sed potius ut imponantur aliena. Unde lib. de unitate Ecclesiæ cap. 18. Quando Paulus dixit: Gratias Deo, quia neminem vestrum baptizavi nisi Christum, & Cajum, credendum esset invidisse hominibus meliorem, sanctificationem, si quantò melior erat, tantò melius poterant baptizari, qui ab illo baptizarentur: immò verò ad hoc ipsum vigilavit cautissimi, & fidelissimi Dispensatoris intentio, ne quisquam ideo sanctus se baptizatum putaret, qui à Ministro sanctiore baptizaretur.*

Varia proponebantur à Donatistis contra præsentem Catholicam veritatem, & assertionem, non solum Scripturarum oracula, sed, & plurima argumenta, tum ex autoritate, tum ex ratione petita; quæ omnia ut evidentiore ordine dissolvantur, placet ea sub distinctis titulis proponere, & refellere.

Proponuntur, & refelluntur auctoritates Scripturæ, quas in sui patrocinium Donatistæ usurpabant.

Objiciebant primò illud Exod. 19. *Sacerdotes, qui accedunt ad Dominum, sanctificantur, ne percutiat eos. Nec non, & illud capitis 30. Misi aqua, lavabunt in ea Aaron, filii ejus manus suas, ac pedes, quando ingressuri sunt tabernaculum testimonii, & quando accessuri sunt ad altare, ut offerant in eo thymiama Domino, ne forte moriantur. Et insuper Levitici 21. Loquere ad Aaron: Homo de semine tuo per familiar, qui habuerit maculam, non offeret panes Deo suo, nec accedet ad ministerium ejus.*

Respondet S. Augustinus lib. 2. contra epistolam Parmeniani: *Primò quidem, hæc divina oracula significare non posse Dei Ministros in statu peccati mortalis absque gravissima culpa sacrum, ministerium implere; ac subinde rei sacræ administratio multum quidem officit ministranti, non autem suscipienti, Dicant ergo mihi, (inquit S. Augustinus) cui Sancto secundum salutem spiritum, rituale obfuerit, vel in Sacerdotibus, vel inter populos constituto, malus, aut maculatus Sacerdos? Ubi erat Moyses, & Aaron, ibi murmuratores sacrilegi, quos Deus à facie sua semper perdere minabatur: ubi erat Caiphas, & cæteri tales, ibi Zacharias, ibi Simeon, & cæteri boni: ubi Saul ibi David: ubi Hieremias, ubi Isaïas, ubi Daniel, ubi Ezechiel, ibi Sacerdotes, & populi mali: sed facinoram suam unusquisque portabat.*

T 2

Re-

Respondet secundò, retorquendo argumentum in Donatistas: Nullam ne, inquit, habuit maculam, & vitium, non dico Optatus, sed ipse Parmenianus, aut ipse Donatus? Sed tanto isti amore hominum cæci sunt, & corde impudico adulteros mentis suæ, uni legitimo viro cõsequare non dubitat, ut quod de solo D. Jesu Christo dici potuit, etiam in Donatò perfectum fuisse contendat... Sed iterum attendat utrum saltem Optatus habuerit aliquam maculam, aut aliquod vitium. Non usque adeo cæci sunt, ut istius vitam omninò immaculatam, omnino vitiò carentem, fuisse respondeat. Cur ergo accedebat, dona offerre Deo, & ab eo cæteri conjunctis manibus accipiebant, quod maculosus, & vitiosus obtulerat? Qui rectissimè sapiunt, intelligunt quemlibet hominum, quamvis jam pro consortio societatis humane, non absurdè dici possit justissimè vivere; non tamen posse esse sine aliquo vitiò, quando caro concupiscit adversus spiritum, spiritus autem, adversus carnem, &c.

Obijciunt secundò illud Psalmi 49. *Peccatori dixit Deus: Quare tu enarras justitias meas, & assumis Testamentum meum per os tuum? Tu verò odisti disciplinam, & projecisti sermones meos retrorsum, &c.* Nec non, & illud Psalmi 140. *Oleum peccatoris non impinguet caput meum.*

Respondet S. Augustinus ibidem ca. 9. ad primum Ministros quidem nihil prodesse verba, quæ ore pronuntiat, si, quod dicit ipse, non faciat; veruntamen aliis prodesse, qui etiam per malos audiunt, & faciunt: quod ipse Dominus docet in Evangelio, dicens de Phariseis, *Super cathedram Moysis sedent; quæ dicunt facite, quæ autem faciunt facere nolite, dicunt enim, & non faciunt.* Deinde retorquet argumentum in ipsos Donatistas, demonstratque omnia illius divinæ aui-

madversionis jacula in ipsos Donatistas convertere. Quomodo enim, inquit, non projiciunt sermones Dei retrorsum, qui pronuntiant pacem, & non amant pacem? Quomodo non odio habent disciplinam, qui damnare audent verbum inauditum, &c.

Ad secundum textum respondet c. 10. per *oleum peccatoris* non intelligi sacramentalem Unctionem, ut perperam interpretabantur Donatistæ, sed blanditias adulatoris; quibus repudiatis, Vates regius eligit potius à justo emendari, & argui; ait enim: Corripiat me justus in misericordia; oleum autem peccatoris non impinguet caput meum. Unde manifestum est, inquit S. Augustinus, oleo peccatoris blanditias adulatoris esse significatas, quibus repudiatis, & detestatis, eligit à justo emendari, & argui, quia hoc justus non fallaci lenitate adulationis, sed veraci asperitate objurgationis faciens, multo magis misericorditer facit; unde est, & illud in Apocalypsi, cap. 3. *Ego quos amo, arguo, & castigo.* Et illud apud Salomonem Proverb. 27. *Meliora sunt vulnera amici, quàm voluntaria oscula inimici.*

Obijciunt tertio varia oracula petita ex his verbis libri Sapientie 1. *Spiritus sanctus disciplinæ effugiet solum, & auferet se à cogitationibus, quæ sunt sine intellectu.* Et ex illis Eccli. 10. *Musce morientes perdunt odorem suum.* Et c. 34. *Ab immundo quis mundabitur?* Et ibidem: *Qui baptizatur à mortuo, quid prodest lavatio ejus?*

Respondet S. Augustinus ad primum textum lib. 2. contra litteras Petiliani, cap. 16. sensum hujus oraculi esse, quod qui sibi ministrat, aut suscipit res divinas, non habeat spiritum sanctum: licet autem divinus ille Spiritus fugiat Ministri fallaciam, si tamen ille exhibeat necessaria ad confectionem Sacramenti, aderit Spiritus sanctus accipienti, veraci, & credenti: Utrumque simul

præstans, nempe fugere ministrantem, & fovere accipientem; unde sequitur, Spiritum sanctum fugere quidem hominis fallaciam, non Sacramenti virtutem. Lib. autem 2. contra epist. Parmeniani, c. 10. sic retorquet in Donatistas, qui jactitabant neminem ex suis apertum esse peccatorem. Satis est nobis ad necessarium articulum, hujus causæ, quod fictos bonos, id est occultos malos, apud se esse negare non possunt. Per multos enim redarguuntur, qui cum ibi perditis, & sceleratis moribus viverent, & per ipsam fictionem diu latuissent, aliquando proditi, expulsi sunt. Dicamus ergo: Si nolunt ibi adhuc esse aliquos tales, illi certè, qui ejecti sunt, si in eadem fictione laterent, & eos fugeret Spiritus sanctus, de quo scriptum est: Spiritus sanctus discipline effugiet fictum; quomodo baptizare possunt? cur non recensentur saltem, qui vivunt, ut accipiant Baptismum, quem utique à fictis, quos deferuit Spiritus sanctus, accipere nequiverunt? Si autem dicunt, Spiritus quidem sanctus daturis fidei gentibus deerat justificandis, sed accepturis credentibus aderat ablutionis per ineffabilem efficaciam potentie suæ, utrumque valens facere, illos fugere, istos fovere; illos culpare, istos mundare: quam pro se questionem solvunt, simul cernant solutam esse pro nobis.

Ad secundam respondet S. Hieronymus per *musea morientes* intelligi peccatores, qui brevi unius peccati stulticia sedant, & perdunt suavitatem gratiæ, & famæ. Vel, ut explicat S. Aug. l. 2. contra epist. Parmen. cap. 10. intelliguntur ii, qui ad vomitum redeuntes perdunt suavitatem gratiæ sanctificantis, & exterminant bonum odorem Christianorum, suis pravis exemplis, suntque in causa cur blasphemetur nomen Dei, & homines à pietatis semita

ad peccati declivia rapiantur: Oleum suavitatis, inquit, scilicet bonum odorem, id est, bonam famam Christianorum, illi exterminant, qui malè victuri, & ad mortem suarum iniquitatum redituri, magnâ multitudinem corrigunt, ut eis per Baptismum peccata donentur, & ad ea denuo revertantur: nam propter numerositatem muscis arbitror esse comparatos: sed hi exterminant oleum suavitatis, quoniam non ipsam Dei gratiam, sed hominum mores intuentur.

Ad tertium oraculum dico, sensum illius, quod non sit attendendum vanitati somniorum; ait enim ibidem Ecclesiasticus: *Ab immundo quis mundabitur, & à mendace quid verum dicetur? divinatio erroris, & auguria, mendacia, & somnium malefacientium vanitas est.* Quibus significat, quod sicut immundus per se alium mundare nequit, sic veritas non est expectanda à mendace, ariolo, & somniorum interprete. Jam verò certum est, rem immundam per accidens, ac per aliud mundari posse, putà si manus immunda, vel scopam, vel lexivium rei mundandæ applicet: igitur, & Ministri immundi mundare possunt susipientem, non per propriam suam virtutem, sed per Sacramenta, quæ applicant.

Ad quartum respondet S. Augustinus loco mox laudato, per illa verba, *qui baptizatur à mortuo, quid proficit lavatio ejus?* Paganorum Baptismata esse, denotata, qui homines, & à justitia, & ab ista vita mortuos colunt, in quorum nomine baptizantur. Quamvis enim, & ipsi Sacerdotes per impietatem mortui dicantur, non tamen propter eos sic intelligitur, sed propter mortuos deos eorum, in quorum signatione dicitur: *Dominus Deus noster Deus vivus.* Quapropter etsi apud Christianos sint aliqui Præpositi, vel Ministri; qui per impie-

„tatem, & iniquitatem suam mortui
„sunt; vivit tamen ille, de quo dictum
„est in Evangelio: *Hic est qui baptizat*;
„quia sicut dicit Apostolus, *Christus*
„*resurgens à mortuis jam non moritur,*
„*mors illi ultra non dominabitur.*

Eandem solutionem, & expositionem
profert lib. 1. contra litteras Petiliani
cap. 9, unde cap. 15. sic retorquet argu-
mentum in Donatistas. Si Maximiani-
stæ mortui non sunt, cur in plenario
suo concilio (*Donatistæ*) dicunt (de
Maximianistis) quod *Ægyptiorum ad-*
„*modum exemplo pereuntium sumeri-*
„*bis plena sunt littora, quibus in ipsa*
„*morte major est pena, quod post ex-*
„*toriam aquis ultreibus animam, nec*
„*ipsam inventiunt sepulturam?* Si au-
tem mortui sunt, unde venit bapti-
„sma, quod dederunt?

Obijciebant quartò illud Hieremiæ
15. *Falsa est plebs mea mihi sicut aqua*
mendax, non habens fidem. Et illud Eze-
chielis 27. *Aspergam super vos aquam*
mundam. Igitur aqua baptismalis, ut
sit efficax ad remissionem peccati, prius
mundari, & sanctificari debet à Sacer-
dote; quomodo autem, inquebant,
aquam mundat, & sanctificat homici-
dæ, quomodo benedicunt oleum tene-
bræ; nempe peccatores? cùm Dominus
dixerit Num. 19. *Quæcumque tetigerit*
immundus immunda erunt.

Respondet ad primum S. Augustinus
„lib. 2. contra epist. Parmeniani circa
„medium; Aqua mendax non habens
„fidem, potest intelligi non falsum,
„Baptisma, sed populus mendax, &
„infidelis, non annumeratus veraci-
„bus, & fidelibus, sed his solum, qui
„infideles, & mendaces sunt. sic enim
„dicitur Joanni, Apocal. 17. *Aque,*
„*quas vidisti, super quas sedet meretrix*
„*illa, populi, & tribus sunt, & gentes,*
„*& lingue.*

Ad secundum respondet lib. 5. de
Baptismo, c. 20. per aquam illam mundam
significari gratiam novi Testamenti, &

abundantiam spiritualem, quæ habetur
per Sacramenta: verum hanc benedi-
ctionem non dat ipse Minister ex se,
per aquam baptismalem, cui confert
mundandi virtutem: *Sed Deus, inquit,*
adest Sacramentis, & verbis suis, per
quoslibet administrantur, & Sacramen-
ta Dei ubique recta sunt, & mali homi-
nes, quibus nil profunt, ubique perversi
sunt.

Obijciebant quintò illud Matth. 7.
Numquid de spinis colligunt uvas, aut
de tribulis ficus? Et ibidem: *Non potest*
arbor bona malos fructus facere, neque
arbor mala bonos fructus facere: igitur
peccatores non possunt quidquam ad
alterius justificationem conferre.

Nego consequentiam: Nam, ut pra-
„clare respondet S. Augustinus lib. 2.
„contra epistolam Petiliani, c. 6. Om-
„nis homo, etiam si non sit suis crimi-
„nibus reus, alterum non facit inno-
„centem, quia non est Deus; & alio-
„quin si ex innocentia baptizantis ex-
„pectatur, ut fiat innocentia baptiza-
„ti, tanto erit quisque innocentior,
„quanto innocentior, à quo bapti-
„zetur, invenerit: & tanto ipse mi-
„nus erit innocens, quanto, & ille,
„à quo baptizetur. Et si fortè contra
„aliquem tenet odium, qui baptizat,
„hoc, & illi, qui baptizatur imputa-
„bitur. Ut quid ergo miser currit ad
„Baptismum? Ut ei dimittantur pec-
„cata sua, an ut imponantur aliena?
„An sicut navis mercatoris alia ponat
„alia suscipiat? Arborem autem bo-
„nam, & fructum ejus bonum, & ar-
„borem malam, & fructum ejus ma-
„lum, homines solemus intelligere,
„& opera eorum, sicut consequenter
„ostenditur in verbis, quæ tu quoque
„commemorasti: *bonus homo de bono*
„*thesauro cordis sui profert bona, &*
„*malus homo de malo thesauro cordis*
„*sui profert mala.* Cùm autem Dei
„verbum prædicat; non de suo si ma-
„lus est, prædicat, aut ministrat, &c.

Un-

Unde lib. 1. cap. 8. sic retorquet argumentum in Donatistas, qui contendebant valere quidem Baptismum collatum ab occulto peccatore, non autem à manifesto: Si arbor bona, bonus baptizator est, ut fructus ejus bonus sit ille, quem baptizaverit: quisquis ab homine malo etiam non manifesto fuerit baptizatus, bonus esse non poterit: de mala quippe arbore exortus est; aliud est enim arbor bona, aliud arbor occulta, sed tamen mala. Aut si cum occulta est arbor mala, quicumque fuerit ab illa baptizatus, non de illa, sed de Christo nascitur, sanctius justificantur, qui baptizantur ab occultis malis, quam qui baptizantur à manifestis bonis.

Obiectebant sexto illud Joan. 9. Deus peccatores non audit: Sed quis Deum colit, & facit voluntatem ejus, hunc audit. Similiter, & illud Matth. 12. *Qui non est mecum, contra me est; & qui non colligit mecum, dispergit.*

Respondet S. Augustinus lib. 2. contra epistolam Parmeniani cap. 8. illa verba: Deus peccatores non audit, non esse dicta à Domino, sed ab illo, qui oculos corporis jam quidem restitutos habebat; sed ei oculi cordis nondum patebant: unde ipsum Dominum adhuc Prophetam putabat; nam eum postea cognitum Dei filium, adoravit: Ipse autem Dominus, cum in uno templo orarent Phariseus, & Publicanus, Publicanum confitentem peccata sua, magis justificatum dicit, quam Phariseum jactantem merita sua . . . quanquam enim justificatus destitit esse peccator, tamen ut justificaretur peccator, orabat, & peccator confitebatur, & exauditus justificatus est, ut desineret esse peccator: non utique desineret esse peccator, nisi prius exaudiretur peccator. Quamobrem non quidem omnem peccatorem exaudiri; sed tamen non omnem peccatorem non exau-

diri, veritas testis est. His adde quòd Baptismi efficacia non pendet à merito baptizantis, sed à meritis illius, cujus nomine Baptismus confertur.

Ad secundum respondet lib. 6. de Baptismo, cap. 31. illa Christi Domini verba potius in Donatistas, quam in Catholicos posse retorqueri: Spargunt enim, inquit, oves Christi, qui eas ad morum suorum labem prava imitatione perducunt; unde constat, per filios alienos, quòd omnes iniqui appellantur, & soboles Non-Christi, quòd sunt omnes, qui Christo adversantur, Spiritum sanctum per manus impositionem tantummodò non posse descendere, si cordis non adsit vera conversio, cum manifestum sit ini- quos, quandiu iniqui sunt, Baptisma quidem posse habere, sed salutem, cujus Sacramentum Baptisma est, habere non posse.

Obiectebant septimò illud Christi Domini oraculum Joan. 20. Accipite Spiritum sanctum, quorum remiseritis peccata, remittuntur eis. Unde sic arguebant: Qui per Sacramenti collationem debet remittere peccatum, prius ipse debet immunis fieri ab omni peccato, & habere in se Spiritum sanctum, ut ipsum aliis conferat: sed peccator non habet Spiritum sanctum: ergo nec potest eum alteri per Sacramentum conferre, nec ad alterius peccati remissionem quidquam prestare.

Respondet S. Augustinus lib. 2. contra epistolam Parmeniani c. 21. quòd Spiritus S. in Ecclesiæ Praeposito, vel Ministro sic inest, ut si fictus non est operetur per eum Spiritus sanctus, & ad ejus mercedem in salutem sempiternam, & eorum regenerationem; vel edificationem, qui per eum sive consecrantur, sive evangelizantur. Si autem fictus est, quoniam verissime scriptum est; Spiritus enim sanctus disciplina effugiet fictum; deest quidem saluti ejus, ut auferat se à cogi-

„ cogitationibus, quæ sunt sine intel-
 „ lectu; ministerium tamen ejus non
 „ deferit, quo per eum salutem operatur
 „ aliorum.

*Proponuntur objectiones, quas vel ex
 SS. Patribus, vel ex ratione Theo-
 logica Donatistæ poterant
 objicere.*

Objicies tertio: Si debita forma,
 aut materia, aut intentio desit;
 non potest valide confici sacramentum;
 ergo à simili si desit debitus Minister,
 non poterit etiam perfici: sed ille cen-
 setur debitus, & legitimus Minister, qui
 mundus est ab omni peccato, juxta il-
 lud Levitici 22. *Homo qui habuerit ma-
 tulam, non offeret panem Deo suo, nec ac-
 cedet ad ministerium ejus: igitur, &c.*

Distinguo majorem: Si in materia,
 forma, & intentione, aut Ministro de-
 sit aliquid essentiale, concedo: si aliquid
 dumtaxat accidentale, & requisitum,
 solum ex decentia, & majori congrui-
 tate, nego: hoc autem posteriori modo,
 tantum requiritur Ministri probitas,
 non autem prior; hinc præclare S. Au-
 gustinus Tract. In Joan. Omnes dici-
 „ mus, quia Justos oportet esse tanti
 „ Judicis Ministros: At si noluerint esse
 „ Justi, qui in cathedra Moysis sedent:
 „ securum me facit Magister meus, de
 „ quo Spiritus dixit: hic est, qui bapti-
 „ zat... non timeo adulterum, non
 „ ebriosum, non homicidam, quia co-
 „ lumbam attendo, per quam mihi di-
 „ citur: Hic est qui baptizat... de-
 „ dit baptismum Judas, & non bapti-
 „ zatum est post Judam: Dedit Joan-
 „ nes, & baptizatum est post Joannem;
 „ quia qui datus est à Juda, Baptismus
 „ Christi erat; qui datus est à Joanne,
 „ Joannis erat: Non Judam Joanni, sed
 „ Christi Baptismum, etiam per Judæ
 „ manus datum, Baptismo Joannis præ-
 „ colimus. Quos baptizavit Joannes,
 „ Joannes baptizavit; quos baptizavit

„ Judas, Christus baptizavit: sic ergo
 „ quos baptizavit ebriosus, adulter,
 „ homicida, si Baptisma Christi erat;
 „ Christus baptizavit, quod sacramen-
 „ tum tam sanctum est, ut nec homini-
 „ da ministrante polluitur.
 „ *Inflabis;* Idem S. Augustinus lib. 3.
 „ de Baptismo, cap. 18. *Mali ministri re-
 „ missionem peccatorum non dant: ergo
 „ nec gratiam.*

Distinguo antecedens: Mali ministri
 non dant remissionem peccatorum im-
 petratoriæ, eam scilicet, quæ per ora-
 tionem Sanctorum, & columbæ, id est,
 Ecclesiæ gemitus, ac preces datur; con-
 cedo; illa enim remissio datur ex opere
 operantis, quatenus pii Ministri sacra-
 mentorum sanctis operibus, aut oratio-
 nibus obtinent à Deo bonos motus gra-
 tiæ excitantis, & adjuvantis, quibus ad
 suscipientes Deum convertantur: non
 dant remissionem peccatorum, quæ con-
 fertur virtute sacramentorum, & ex
 opere operato, nego: nam, ut ipsemet
 S. Augustinus docet lib. 2. contra epi-
 „ stolam Parmeniani: Omnia sacra-
 „ menta, cum obint indignè tractan-
 „ tibus, prosunt tamen per eos dignè
 „ sumentibus: unde dictum est Matth. 23.
*Quæ dicunt facite; quæ autem faciunt,
 nolite facere.*

Urgebit: Peccatorum remissio fit per
 gratiæ collationem, quæ per sacramen-
 ta confertur: sed illa remissio, & gratia
 datur solum per sanctos Ministros, non
 autem per improbos, ut docet ipsemet
 S. Augustinus pluribi, & sæpè. maxime verò
 lib. 3. de Baptismo cap. 18. affirmans il-
 la Christi Domini verba: *Quorum re-
 miseritis peccata, remittuntur ei;* non
 esse dicta raptoribus, & sacratoribus.
 Et lib. 5. cap. 21. *Sacramentum gratiæ
 dat Deus, etiam per malos; ipsum vero
 gratiam, non nisi per seipsum, vel San-
 ctos suos.*

Distinguo minorem: Remissio pecca-
 torum, & gratiæ collatio non fit per
 improbos, & malos, decenter, & de-
 bi-

bitè, concedo: non fit validè, & abfolutè, nego: nam, ut ipfemet S. Auguftinus docet lib.6. de Baptifmo, c.7. *Nihil infert ad Baptifmi fanctitatem, quantum quifque peior id habeat, & quantum peior id tradat: poteft tradere fe paratus, ut poteft habere fe paratus: fed quàm perniciofè habere, tam perniciofè tradere: ille autem cui tradit, poteft falubriter accipere, &c.*

Obijciat tertio S. Ambrofium lib. de Initiandis cap.4. ubi ait: Eft in aliquibus aqua mendax, non sanat Baptifmus perfidorum, non mundat, fed polluit. Et Innocentium I. ut refertur q.1. Canone qui perfedionem, ubi legimus: Qui perfedionem fpiritus, quàm acceperant, perdidierunt, non poffunt ejus plenitudinem dare, quam per fuam perfidiam perdidierunt: qui bonorem non habuit, bonorem dare non potuit, nec aliquid accepit, quia nihil in dante erat, fed damnationem, quam habuit, per pravam mentis impofitionem dedit: Igitur pravi miniftri non conferunt gratiam per sacramenta.

Nego confequentiam, & ad primum, dico, S. Ambrofium non loqui de sacramentis ritè per malos miniftratos collatis fed de hæreticis, qui Baptifma non in Ecclefia, fed in fuæ perversitatis forma celebrabant. Ad fecundum, diftinguo, quando adultus fciens, ac volens Ecclefia sacramenta fufcipit citra neceffitatem à miniftris ab Ecclefia feparatis, cum poffet à legitimis Miniftris ea facillè fufcipere, potius damnationem fufcepit, quàm gratiam propter Ecclefia: defpectum, & contemptum concedo: propter nullitatem, & irritationem sacramenti, nego.

Inftebis: Pravi miniftri sacramenta profanant, & inquinant: ergo per illa fanctificare non poffunt.

Diftinguo antecedens: Profanant, ratione fui, propter fuam perversam voluntatem, & malitiam, qua fit ut rem facram indignè tractantes, magis in-

Tom.X.

quinentur, dum alios abluunt, concedo: ex parte sacramentorum, & fufcipientium, nego: nam ex Auguftino 3. de Bapt. cap.10. Non eft aqua profana, & adultera, fuper quam Dei nomen invocatur: ergo nec ipfa creatura, nec ipfum nomen adulterum eft. Baptifmus Chrifti verbis Evangelicis confecratur, & per adulteros, & in adulteris fanctus eft: quia fanctitas ejus tolli, & inquinari non poteft, & Sacramento fuo divina virtus affit, five ad falutem bene utentium, five ad perniciem malè utentium; nam vera folis aut lucerna lux, cum per canofa diffunditur, nihil inde fordium contrahit; & Baptifmus Chrifti non poteft fecleribus inquinari.

Et ex Nicolao I. ad confulta Bulgarorum, cap.1. Non poteft aliquis, quantumcumque pollutus, sacramenta divina polluere; nec poteft folis radius per cloacæ tranfient inde aliquid contaminationis attrahere. Proinde qualifcumque Sacerdos fanctum coinquinare non poteft. Hinc ab eo Communio percipienda eft, donec Epifcoporum iudicio reprobetur: quoniam mali bona miniftrantes, fe tantummodò lædunt, ut cerea fax accenfa fibi quidem detrimentum præftat, aliis verò lumen in tenebris adminiftrat.

CONCLUSIO SECUNDA.

Minifter confecratus mortaliter peccat, quoties sacramenta conficit, & miniftrat in ftatu peccati mortalis.

Probatur prima pars. Toties quis peccat, quoties divinum expreffum mandatum transgreditur: at dum Minifter confecratus sacramentum conficit, & miniftrat in ftatu mortalis peccati, divinum transgreditur mandatum: igitur, &c. Major conftat peccatum enim eft transgreffio, & prævaricatio legis. Minor verò probatur illis omnibus Scripturæ textibus, quibus præcipit Deus, ut Dei Miniftri fanctè fanctæ tractent; maximè verò ex 21. Levitici: *Sancti erunt Deo fuo, & non polluent nomen ejus: incenfum enim Do-*

V

mi-

mini, & panes Dei sui offerunt, & ideo Sancti erunt. Et cap. 22. Dic ad eos (filios Aaron) & ad posteros eorum: Omnis homo, qui accesserit de stirpe vestra ad ea, quæ consecrata sunt, & quæ obtulerunt filii Israel Domino, in quo est immunditia, peribit coram Domino. Et Isaiæ 52. Mundamini; qui fertis vasa Domini. Unde Pl. 49. Deus peccatorem oburgans, dixit: Quare tu enarras iustitias meas, & assumis Testamentum meum per os tuum? tu verò odisti disciplinam, &c. Ex quibus inferri licet, quod si summa puritas, & munditia requirebatur in Ministris veteris legis, & si peccator arguatur ex eo quod Dei Testamentum, legis præcepta, & laudes audeat eloqui; quanto magis conscientiæ, & animi puritas, requiritur in ministris novæ legis, ut dignè accedant ad sacramenta tractanda, quæ ordinantur ad conferendam non solum sanctitatem legalem, sed internam, & supernaturalem.

Probatur eadem veritas autoritate summorum Pontificum, & SS. Patrum; nam S. Gregorius lib. 1. Epistolarum, epist. 24. Necessè est, inquit, ut esse mundas studeas manus, qui diluere sordes curas, ne tuius quæque deterius inquinet... scriptum namque est: Mundamini, qui fertis vasa Domini. Item ex Nicolao I. in responsis ad consulta Bulgarorum: Multi, inquit, bona ministrando, se tantummodo ledunt, ut cerea fax accensa sibi quidem detrimentum præstat; aliis verò lumen in tenebris ministrat, & unde aliis commodum exhibet, inde sibi dispendium præbet. Urbanus II. epistola ad Lucium, Prædecessores nostri Nicolaus, & Gregorius VII. Missi Sacerdotum, quos ebriosos, vel adulteros esse constituerit, fideles abstinere decreverunt, ut huiusmodi ad dignæ penitentiae lamenta revocarent. Gregorius X. cap. ult. de temporibus ordinationis, removendos esse ait Sacerdotes fugulos, & sub interminatione divini iudicii obtestandos, si non penituerint, ut in susceptis ordi-

nibus non ministrant. Et cap. ult. de cohabitatione Clericorum ac mulierum, Quemlibet Sacerdotem pro mortali peccato, quoad seipsum esse suspensum, non quod specialis Ecclesiæ censura affectus sit, sed quia ratione sui status est impeditus, ne divina operetur.

Eandem veritatem docent SS. Patres, maximè S. Augustinus lib. 2. contra epistolam Parmeniani c. 10. ubi ait, Sacramenta cum obsint indignè tractantibus: profunt tamen per eos dignè summentibus.

Suadet etiam ratio: Quia irreverentia Dei, sacrorumque contaminatio est peccatum ex genere seu mortale, utpote cum sit sacrilegium, sed sacramentorum administratio, dum fit à Ministro qui est in peccato mortali, est quædam Dei irriverentia, & ipsorum sacramentorum contaminatio; illa namque Minister, quantum est in se, polluit, Deique præsentia se indignum præbet, dum se in ministerium sacrum ingerit in statu odioso Deo: igitur, &c.

Deinde, Ille in agendo peccat, qui operatur ut non oportet, sed qui sacramenta ministrat in statu peccati mortalis, non operatur ut oportet, quia Minister debet conformari Domino suo, juxta illud Eccl. est. 10. Secundum iudicem populi, sic & Minister ejus: Dominus autem sanctissimus est. Unde, S. Augustinus tract. 5. in Joan. colligit: Omnes dicimus, quia iustos esse oportet tanti iudicis Ministros, &c.

Denique, Sacramentorum sanctitas, cum sit res sacra, debet etiam sanctè tractari, non autem profanè, id est cum indignitate peccati mortalis, ut exercetur actio profana, sed dum administrantur sacramenta in statu peccati mortalis, talis actio ex parte Mini stri non discernitur à profana, cum sit Deo odiosa, & injuriosa; igitur, &c.

Dices: Peccatores non admittunt novum peccatum, dum exercent opera charitatis: sed sacramentorum admini-

ni-

nistratio est opus charitatis: igitur peccator, qui illa administrat, non admittit novum peccatum.

Distingo majorem: Qui exercet opera charitatis ex re non consecrata, & ad quæ non tenetur ex iustitia, transcat, qui exercet opera charitatis ex re sacra, ad quæ exercenda tenetur ex motivo iustitiæ, non peccat mortaliter, nego, & similiter distincta minore, neganda est consequentia: cum enim sacramenta ex se sacra sint, & ea Minister ex officio teneatur conferre, in ipso prærequiritur vitæ probitas, ut sancta sanctè pertractet.

Instabis: Si sacramenta in statu peccati mortalis ministrare, mortale sit: maximè quia omnis rei sacre administratio in statu peccati mortalis novum ingerit mortale peccatum: sed falsum consequens: ergo, &c. Major constat ex mox dictis: Minor verò probatur: Primò, quia si Episcopus in mortali conferat primam Tonsuram, conficiat chrismum, benedicat oleum, aut Ecclesiam consecret, rem sacram conficit; nec tamen mortaliter peccat. Similiter Diaconus, aut Subdiaconus, in mortali peccato ministrantes rem sacram perficiunt, nec tamen admittunt novum mortale peccatum. Denique, Concionatores Verbum Dei ex officio nuntiantes in statu peccati mortalis rem sacram administrant, nec tamen videntur peccare mortaliter: igitur nec qui sacramenta administrant.

Nego minorem, & ad primam illius probationem dico, equidem non improbabile videri Episcopum præfata, conscientem non peccare mortaliter: quia ista sunt tantum sacramentalia quedam, quæ per se proximè non sunt instituta ad conferendam gratiam, neque in illis Minister se habet ut legatum Dei sanctificantis animam, ac proinde hæc peragendo in statu peccati mortalis, non videtur admittere novum peccatum: ad id enim requiritur non

solum, quod sit res sacra: sed quod illa actio sit per se consecrata, & ordinata ad conferendam proximè sanctitatem animæ, & insuper ad eam actionem sit deputatus ex officio: nollem tamen à peccato veniali immunem censere, qui hæc in mortali statu perageret: quia, Ministri sacrorum tenentur habere sanctitatem præ cæteris hominibus; debent enim conformari Domino, cujus sunt Legati.

Quantum ad Diaconum, & Subdiaconum, in peccati mortali statu sibi proprium ministerium peragentes, non videntur immunes à novo peccato: Si quidem S. Paulus 1. ad Timoth. 3. monet, *Diaconus similiter esse pudicus, non bilingues, non multo vino deditus, non turpe lucrum sedantes, habentes mysterium fidei in conscientia pura.* Hinc Alexander II. ut legimus dist. 32. cap. præter, statuit: Quicumque Sacerdos, Diaconus, Subdiaconus, post constitutum beatæ memoriæ prædecessoris nostri S. Papæ Leonis, ac Nicolai de castitate Clericorum, concubinam palam duxerit, vel ductam non reliquerit, ex parte omnipotentis Dei, & autoritate beatorum Apostolorum precipimus, & omnino contradicimus, ut Missas non canteat, nec Evangelium, aut Epistolam, ad Missam legat, neque in Presbyterio ad divina officia cum his, qui beatæ constitutioni obediunt fuerint, maneat, neque partem ab Ecclesia suscipiat. Quamquam autem solum præscribat contra Diaconum, & Subdiaconum concubinariorum: idem tamen dicendum videtur de ipsis quovis mortali peccato reis, propterea quod rem sacram irreverenter, & indignè peragunt. Unde cap. *Questum de temporibus ordinationum* Gregorius novus ait, quod non modo Sacerdotes, sed alii Clerici adulteri, homicidæ, perjuri, falsi testes sint monendi, ac sub interminatione divini iudicii obtestandi, ut in ressi-

monium suæ damnationis in susceptis Ordinibus non ministrant, si non penituerint.

Censeo tamen, minorum Ordinum actus exercere in peccato mortali, non esse mortale peccatum: Tum quia materia levis est: Tum quia actus illi non nisi remotè ad sacrificium, & sacramentum ordinantur, neque omnino certum est illos minores Ordines habere rationem perfectam, & completam sacramenti.

Quantum ad *Concionatores*, verisimile apparet suum ministerium in mortali peccato implentes, peccare mortaliter: quia rem justam, & sanctam exequuntur injustè: quippe cum exorbitent à sanctitate, tum Evangelii, tum Christi D. cujus vicem, & ministerium obeunt. Unde etiam acriter eorum audaciam sic redarguit Deus his verbis Psalmi. *Quare tu enarras justitias meas?* &c.

CONCLUSIO TERTIA.

Lect petere, & accipere sacramenta Baptismi, & Penitentiae à quocumque Ministro in casu necessitatis. Licet etiam accipere à quocumque malo Ministro, quando toleratur in Ecclesia, si aliqua necessitas urget, secus autem si præcisus sit, nec ulla adsiturgens necessitas. Hæc conclusio tribus partibus constat, quarum prima traditur in Concilio Trident. sess. 14. cap. 7. ubi legimus; *In Ecclesia Dei custoditum semper fuit, ut nulla sit reservatio in articulo mortis: atque ideo omnes Sacerdotes quotlibet penitentes à quibusvis peccatis, & censuris absolovere possunt in extremo vitæ discrimine.* Idem statuitur in decreto Eugenii ad calcem Concilii Florentini, ubi decernitur, quod in casu necessitatis etiam Paganus, & Hæreticus baptizare possint, dummodò formam servant Ecclesie, & facere intendant, quod facit Ecclesia. Idem etiam docet S. Augustinus lib. 1. de Baptismo, cap. 2. ubi ait: *Si quidem forsè cogitis*

extrema necessitas, ubi Catholicum, per quem accipias non inveneris, & in animo pacem Catholicam custodias, ut per aliquem extra unitatem Catholicam possum, acceperis, si statim eum de hac vita migrare contigerit, non eum, nisi Catholicum reputamus.

Suffragatur etiam ratio: Nam jurisdictionis revocatio, & sublatio, quantum ad consecrationem, & ministratio-nem sacramentorum, non fit in pœnam fidelium sacramenta suscipientium, sed in pœnam ministrantium improborum. Deinde, inquit Doctor dist. 5. qu. 2. n. 3. *Præceptum superioris plus obligat, quàm inferioris; Deus autem præcipit Baptismum suscipi, nec determinavit à quibus tempore necessitatis; Ecclesia autem prohibet communicare eum illo, quem præscindit; ergo magis obediendum est præcepto divino, quàm Ecclesie in casu illo.* Hoc est, quando obligatio juris Ecclesiastici concurret cum obligatione juris divini; jus Ecclesiasticum divino cedit, & minus majori: sed obligatio suscipiendi sacramentum Baptismi, & Penitentiae, est juris divini; prohibitio autem recipiendi sacramenta à Ministro ab Ecclesia separato, est juris solùm Ecclesiastici; igitur, &c.

Denique, inquit ibidem Doctor, plus tenetur excommunicatum vitare alios, quàm alii ejus consortium debeant fugere, quia vitare excommunicatum, est in pœnam illius propter suam contumaciam, magisque ipsum obligat vitare ceteros, quàm alios obliget ad ipsum vitandum; Sed, inquit Doctor, præcisus, vel excommunicatus in casu illo, non tenetur vitare alium: immo tenetur non vitare; si enim talis præcisus sciret parvulum aliquem non baptizatum statim moriturum, teneretur necessariò eum baptizare, & ita eum non vitare in actu baptizandi. Hoc probo, quia si inveniret eum expositum periculo vitæ corporalis propter famem, te-

ne-

„neretur cum necessariò juvare ad
 „salvandam vitam corporalem; magis
 „autem tenetur diligere vitam ejus
 „spiritualem, quàm corporalem: ergo
 „quando parvulus expositus est peri-
 „culq vitæ spiritualis, tenetur ille ipsi
 „conferre remedium necessarium ad
 „vitam spiritualem: ergo multò ma-
 „gis alius non tenetur vitare eum-
 „dem, communicando eum eo in tali
 „actu.

*Secunda pars probatur, nempe quòd
 sacramenta petere liceat à Ministro
 malo ab Ecclesia non præciso, sed tole-
 rato, cui ex officio incumbit ministrare
 sacramentum. Probatur; inquam pri-
 mò, ex decretis summorum Pontificum,
 maximè Nicolai primi, ut refertur qu. 8.
 cap. Scisitantibus, ubi respondens ad
 consulta Bulgarorum, scribit: Scis-
 tantibus vobis, si à Sacerdote, qui sive
 comprehensus in adulterio, sive de hoc
 fama sola respersus est, debeat commun-
 ionem suscipere, nec ne? Respondemus..
 Ab eo donec Episcoporum iudicio repro-
 betur communio percipienda est. Simi-
 liter Lucius tertius cap. Vestra de coha-
 bitatione Clericorum; & mulierum,
 ubi legimus: Aliam dicitur. Nullus
 audiat Missam Sacerdotis, quem scitis
 indubitanter concubinam habere. A-
 libi legitur: Non potest quantumcum-
 que pollutus divina polluere sacra-
 menta. Sumuntur ergo intrepidè ab
 omni Sacerdote Christi mysteria. Ce-
 terum aliud discrimen notorium, a-
 liud occultum: Notorium definitur,
 de quo Presbyter eanonicè condem-
 natur; occultum, quod ab Ecclesia
 toleratur: aliud est quando crimen
 notorium non diffidetur Presbyter,
 vel de ipso eanonicè condemnatur.
 Item aliud est à talium oculis abstin-
 nere, ut peccandi licentia cæteris au-
 feratur, & huiusmodi ad pœnitenti-
 æ sacramentum trahantur. Aliud, si
 tanquam in fornicatione jacentium
 talia mysteria respuantur, sine dubi-*

„tatione igitur teneatis, quod à Cleri-
 „cis, & Presbyteris tanquam fornicari-
 „is, quandiù tolerantur, nec habent
 „operis essentiam licitè divina myste-
 „ria audiantur, & alia recipiantur Ec-
 „clesiastica sacramenta. Et ibidem
 „Gregorius Nonus cap. Quæsitum est,
 „ait; Quæsitum est de Clericis in for-
 „nicationem prolapsis, si eorum sit
 „officium priusquam pœnituerint au-
 „diendum. Verum, etsi quemlibet
 „pro mortali peccato, quoad seipsum
 „constet esse suspensum, non debet
 „tamen in officiis evitari, quia quan-
 „tùm ad alios, iam in casu proposito
 „suspensus non est, nisi peccatum hu-
 „jusmodi sit notorium per senten-
 „tiam, seu confessionem factam in-
 „jure, aut per evidentiam rei, quæ
 „tergiversatione aliqua celari non
 „possit.

Hanc autem veritatem lueulenter
 explicat Doctor dist. 5. qu. 2. num. 5. ubi
 ait; Quantùm autem ad secundum
 „membrum distinctionis scilicet de
 „malo non præciso ab Ecclesia, si est
 „occultus malus, ita quod vita ejus
 „non sit scandalosa populo, satis con-
 „ceditur quod possit populus aliquis à
 „tali; imò debeat recipere Baptismum,
 „si alias debeat: quia propter pecca-
 „tum, quod non est notorium, non
 „debet aliquis in actibus notoriis vi-
 „tare proximum.

Si autem est publicè, vel notoriè
 „malus, utpote publicè fornicarius,
 „aut huiusmodi, aut incumbit sibi ex
 „officio dispensare sacramentum Ba-
 „ptismi, utpote quia est Sacerdos, vel
 „Curatus Parochialis; aut si non in-
 „cumbit, tamen congruit ratione of-
 „ficii, utpote quia est Sacerdos ali-
 „quis datus, vel vocatus in adjuto-
 „rium Curati; si primo modo, non
 „peccat, qui recipit Baptismum pro
 „se, vel pro parvulo suo, quia non
 „peccat, qui à malo debitum petit;
 „ille autem Curatus debitor est Para-
 „chiz

„ chie sue in sacramentis istis mini-
 „ strandis . Si secundo modo ; si possit
 „ habere alium, cui incumbit ex officio
 „ baptizare, aut æquè malum, aut me-
 „ liorem . Si meliorem, peccat qui ab
 „ illo recipit : quia non incumbit sibi
 „ sacramenta ministrare, & si æquè ma-
 „ lum, debet recipere à suo . Sed si
 „ nullus alius possit haberi Curatus,
 „ vel Sacerdos, nisi æquè malus isti,
 „ possit tamen haberi bonus Laicus;
 „ dubium est quis, cui sit præferendus
 „ in isto actu, an bonus Laicus Sacer-
 „ doti publicè malo, an Sacerdos ma-
 „ lus bono Laico . Et breviter, quia
 „ officium ministrandi Sacramenta in
 „ Ecclesia competit Sacerdotibus: vi-
 „ detur dicendum, quod quoad istum
 „ actum, magis est eligendus malus
 „ Sacerdos .

Dices primò: Ex Apostolo ad Ro-
 man. x. *Digni sunt morte, non solum*
qui ea (peccata) faciunt; sed etiam qui
consentiunt facientibus. At qui sacra-
 „ menta petit, aut recipit à malo Mini-
 „ stro, ei communicat in peccato, nempe
 „ in administratione sacrilega sacra-
 „ menti, igitur, &c.

Nego minorem, etenim qui sacramen-
 „ ta recipit à Ministro malo per Eccle-
 „ siam tolerato, non communicat illius
 „ improbi peccato, sed potius sanctitati
 „ Ecclesiæ, quæ Ministrum illum exhibet,
 „ aut tolerat ad res divinas perageandas,
 „ & inserviendum fidelium salutem.

Instabis. Qui inducit alium in pec-
 „ catum, ipse communicat ejus peccato,
 „ sed qui sacramentum petit à Ministro,
 „ quem novit improbum, inducit eum
 „ ad peccandum, nempe ad committen-
 „ dum sacrilegium; igitur, &c.

Negat minorem Doctor loco supra
 „ laudato num. 9. ubi ait: Dico quod il-
 „ le, qui petit Baptismum à malo Sa-
 „ cerdote, non cooperatur illi directè
 „ ad peccatum mortale; petit enim ab
 „ eo actum debitum, & in hoc non de-
 „ linquit: quia nullius malitia excusat

„ eum à solvendo debitum, quia tene-
 „ tur alteri . Ille etiam actus petitus
 „ possit solvi sine peccato, si baptiza-
 „ turus converteretur . Unde quantum
 „ est ex actu petentis, petens magis
 „ necessitat Sacerdotem ad pœnitenden-
 „ dum, quàm ad actum peccandi . Si
 „ autem ille non pœniteat, nihil im-
 „ putandum est ei, qui petit illum ac-
 „ tum; quia non in quantum est pec-
 „ catum petit, sed in quantum debi-
 „ tum est .

Peter, qualiter se gerere debeat quis
 „ erga Ministrum simoniacum, qui nol-
 „ let sacramentum conferre absque ac-
 „ cepto pretio .

Respondet Doctor num. 7. Dico, quòd
 „ si ille nullomodo vellet baptizare,
 „ nisi pro actu baptizandi recipiat
 „ pretium, & sic sit perfectè simonia.
 „ cus, quia vendens sacramentum;
 „ nullo modo recipiendus est Baptis-
 „ mus ab eo, neque pro adulto, quia
 „ peccaret mortaliter, & non obliga-
 „ tur ad recipiendum sacramentum,
 „ quando non potest recipere sine
 „ peccato mortali: neque pro parvulo
 „ suo: esto etiam, quod nullus esset,
 „ qui vellet baptizare in Provincia .

Et si arguat, tunc exponit parvu-
 „ lum suum periculo damnationis .

Respondet, baptizet ipse si possit,
 „ utpote si non est mancus, vel mutus,
 „ vel non possit invenire aliquem in-
 „ baptizando parvulum suum, nisi
 „ emendo Baptismum, debet dimittere
 „ parvulum suum, mori sine Baptismo,
 „ non sunt facienda mala, ut inde ve-
 „ niant bona, ad Rom. cap. 3. & quili-
 „ bet magis debet diligere seipsum,
 „ quàm proximum, & per consequens
 „ magis in seipso vitare peccatum
 „ mortale, quàm in alio damnatio-
 „ nem, tamen ille casus de difficili
 „ vel nunquam contingeret, quin sine
 „ simonia committenda ex parte ba-
 „ ptizandi, vel offerentis parvulum
 „ baptizandum, possit Baptismus ha-
 „ be-

berī . Si enim ille Sacerdos vellet vendere aquam suam , & nullo modo aliter concederet eam , potest ipsa emi , esto etiam quod sit consecrata : sed nullo modo habendo oculum ad consecrationem , quia tantum valeret , quantum non consecrata . Sic enim licet vendere calicem non consecratum , nullo modo oculum habendo ad emendum , vel vendendum consecrationem .

Si autem Sacerdos nitatur vendere actum baptismationis , potest ille , qui offert parvulum emere , non intendens actum emere , in quantum est sacramentale , sed laborem Sacerdotis in illo actu . Sicut conduuntur hodie Sacerdotes ad celebrandum Missas , non ut ipsi vendant , & alii emant actum celebrationis , in quantum est sacramentale , quod ab eis ; sed ipsi vendunt laborem , & alii emunt eum : quia oportet unumquemque de suo labore taliter qualiter victitare , & vitam acquirere .

*Probat*ur denique *tertia pars* , nempe quod non liceat petere sacramenta à Ministro ab Ecclesia præciso ; *Primo* quidem , ex Concilio Constantiensi , Basileensi , & Lateranensi supra nominatis , in quibus decernitur pœna adversus eos , qui Ordinem , aut alia sacramenta à prohibitis Ministris susceperunt . *Secundo* , ex summis Pontificibus , maximè Innocentio I. epist. 22. cap. 3. ubi scribit : *Dicimus ab hæreticis ordinatos , vulneratos per illam manus impositionem habere caput* . Sancto Gregorio lib. 3. Dialog. cap. 31. ubi refert , & laudat generosam animi constantiam S. Hermenegildi , qui potius voluit cruentam patris Imperio illatam necem subire , quam Eucharistiam ab Episcopis Arianis porrectam recipere .

Similiter *Nicolaus I.* ad consulta Bulgarorum cap. 71. respondet : Quamvis cumque Sacerdos sit , quæ sancta sunt , coinquinare non potest , ideir-

co ab eo usquequo iudicio Episcopo-
porum reprobetur , percipienda est
Communio , ac subinde censet , non
esse percipiendam ab his , qui Episcopali
sententia , & iudicio ab Ecclesia præ-
sciinduntur .

Idem statuit *Gregorius VII.* lib. 2. epistolarum epist. 45. quæ est ad Rodolphum , & Bertoldum : *Vos* , inquit , *officium eorum , quos aut simoniacè promotos , & ordinatos , aut in crimine fornicationis facientes cognoveritis , nullatenus percipiatis* . Tandem hanc veritatem luculenter tradit Urbanus II. epist. ad Lucium , ubi de sacramentis à notoriis peccatoribus ministrandis , hæc habet : *Proprias quidem habent virtutes , & dignitates : sed agentibus , vel suscipientibus hæc eadem sacramenta contra præfatorum Pontificum instituta , nisi forte sola morte interveniente , ne sine Baptismate , vel Communionem quilibet humanis rebus excedat : his* , inquam , *agentibus , & suscipientibus in tantum obstant , ut verè idololatæ sint , cum talibus , & ordinationum , & sacramentorum confectio , & aliter , quàm permissum est , scienter susceptio , vehementer à sanctis Canonibus prohibeantur* .

Idem docent SS. Patres , maximè S. Ambrosius lib. de Initiandis , cap. 4. ubi ait : *Non sanat perfidorum Baptismus , non mundat , sed polluit* . Et S. Fulgentius lib. de Fide ad Petrum , cap. 36. *Firmissime tene , & nullatenus dubites , sacramentum Baptismatis apud hæreticos esse posse ; sed extra Ecclesiam Catholicam prodesse non posse* . Et lib. 1. de Baptismo , cap. 2. & alibi : *Separati* , inquit , *formam habere possunt , virtus in eis inesse non potest , quemadmodum sensus non sequitur membrum , quando amputatur à corpore* .

Ex his omnibus sequuntur quatuor regulæ ex debito iustitiæ Religionis , & Charitatis servandæ , quas tradit , & sic expendit noster Hiquæus in Commentario ad laudatam quæstionem .

Do-

Doctoris nu. 13. *Prima est*: In casu extremæ necessitatis, sive proprio, sive infantis, Ministrum etiam præcisum, posse ministrare Baptismum, & hoc posse ab eo peti, & accipi: quia ille ex debito charitatis, ex debito etiam Religionis ratione Ordinis ad hoc obligatur extremè indigenti, & sic ex præcepto tam charitatis propriæ, quàm pueri, & ex debito Religionis tenetur petens amplecti sacramentum à quocumque datum, & hæc regula supponit præcisam necessitatem extremam, vel realem, vel moralem.

Secunda regula est: Sacerdotem toleratum, qui sit Parochus, ultra debitum charitatis, & religionis habere etiam debitum iustitiæ ministrandi sacramentum suis subditis extra necessitatem, quando alius non suppetit, & Parochianum licitè etiam ab eo petere sacramentum, quando sine gravi damno non differretur. Grave damnum, intelligo omissionem, qua lex, & consuetudo Ecclesiastica non impleteretur, vel quando pateret ex omissione ejus detrimentum notabile fructus spiritualis, aut periculum peccati. Hujus ratio habetur ex præmissis, & regula hæc perinde currit in petitione sacramenti ab alio, qui potest illud ex concessione, Parochi, aut alterius dare, non perinde tamen currit obligatio in Ministro, nisi sit ordinarius, aut certè ut Vicarius, & coadjutor à superiore constitutus, in quo casu habet debitum ministrandi non solum ex charitate, sed etiam ex iustitia, modo assumat Provinciam illam, & curam supplendi defectum Parochi.

Tertia regula est: Quando quis potest sine damno suo providere sibi aliter, sine damno spirituali sui Parochi, tenetur ex charitatis præcepto affirmativo, non petere sacramentum à Parochio improbo, quem novit non ministraturum nisi sacrilegè, qui ex frequentatione ministerii confirmatur in malo,

& datus in reprobum sensum, contemnit conversionem, quam fortè subtrahentibus se aliis ab ejus communione non differret; quia plerumque festinantes in malum ex ipsa confusione subsistunt, & convertuntur ad bonum. Et fortè Parochianus etiam ad idem tenetur præcepto religionis, & honoris divini, ac reverentiæ Sacramenti: Quid autem horum concurrat in particulari hic & nunc, perpendendum est ex circumstantiis casus applicando has generales regulas, ex quibus singuli casus in particulari resolvi possunt, in quibus communicare potest Ministro notoriè malo, sive præciso, sive non præciso.

Quarta regula: Quoad Ministrum, qui occultè est malus, & publicè, & privatim debet ab eo petere sacramentum, si alius non occurrat, aut expectari non potest commodè, si sic servetur regula charitatis, quæ præmissa est de scandalo Phariseorum, procurando ejus salutem, & reverentiam debitam sacramento, prout fieri commodè potest. Ita Hiquerus.

QUAESTIO TERTIA.

Utrum Sacramenta validè conferantur ab Hæreticis.

NOtandum primò, Agripinum Carthaginensem Episcopum, omnium primum censuisse, ac definisse, rebaptizandos esse eos, qui ab hæreticis baptisma susceperant; ut jam præmonuimus in hujus articuli præludio. Quamquam enim ut ibi diximus Tertullianus idem dogma professus fuerit lib. de Baptismo cap. 17. ubi scribit; *Hæretici nullum habent consortium nostræ disciplinae, quos extraneos utique testatur ipsa adeptio communicationis. Non deo in illis cognoscere, quod mihi est præceptum, quia non idem Deus est vobis, & illis, nec enim Christus, est idem;*
idco-

ideoque nec Baptismus unus: quia non idem; quem cum rite non habeant, sine dubio non habent, &c. Attamen non est omnino probabile Tertullianum antiquiorem fuisse Agripino: quia quo tempore vixerit Agripinus, & quandiu sederit, omnino incertum est: Unde non constat, an Agripinus à Tertulliano huc de rebaptizandis hæreticis errorem hauserit: Nam ipse Tertullianus paulo ante dixerat, *Circa hæreticos sane quid custodiendum sit, dignè quis retraheret? Ad nos enim editum est.* Quibus verbis significat jam ab aliquo Ecclesiæ præfule definitum fuisse Baptisma ab hæreticis collatum prorsus esse invalidum. At certè ab alio definiri non potuit, quàm ab Agripino: si enim alius antiquior dogma istud tradidisset, haud dubiè laudaretur à S. Cypriano. Insuper si Agripinus id hausisset à Tertulliano, non tacuissent Augustinus, & alii defensores Baptismi collati ab hæreticis. Huic enim defensioni non modicum favisset, ostendere Cypriani, & Agripini sententiam depromptam, fuisse à Tertulliano plurimis erroribus laborante. Sed quidquid sit, certum est Agripinum primum omnium de iterando ab hæreticis collato baptismo sententiam tulisse. Hic enim quodam pietatis prætextu; ratus quòd quæcumque hæreticorum essent, deberet Ecclesiæ Catholica abominari, collatum ab hæreticis baptismum convellere nixus est: ne autem solus id sentire videretur collegit Africæ, atque Numidiæ Episcopos anno 217. & celebrato concilio, ac omnium rogata sententia, de iterando hæreticorum baptismo canonem edidit: cujus constitutionis meminit S. Cyprianus epistola ad Quintum his verbis: *Quandoquidem & Agripinus bonæ memoriæ vir cum cæteris Coepiscopis suis, qui in illo tempore in Provincia Africa, & Numidia Ecclesiæ Dei gubernabant, statuit, & librato consilii communis examine firmavit;*

Tom. X.

quorum sententiam, & religiosam, & legitimam, & salutarem fidei, & Ecclesiæ Catholicæ congruentem nos etiam secuti sumus.

Cæterum idne rectè fecerit Agripinus? Hæc Augustinus tractans lib. de Bapt. cap. 7. aperit his verbis. *Hanc consuetudinem suscipiendi ab hæreticis baptizatos, credo ab Apostolica traditione venientem, sicut multa, quæ non inveniuntur in litteris eorum. Neque in Conciliis posteriorum; & tamen quia per universam custodiuntur Ecclesiæ, non nisi Ab Apostolis credita, & commendata, creduntur.* Hanc ergo saluberrimam consuetudinem dicit S. Cyprianus per Agripinum prædecessorem suum quasi cepisse corrigi. Sed sicut diligentius inquisita veritas docuit quæ post magnos dubitationis fluctus ad plenarii Concilii confirmationem perducta est, verius creditur per Agripinum corrupti cepisse, non corrigi.

Similiter Vincentius Lirinensis D. Augustini contemporaneus in commentorio ca. 6. eamdem tractans contentionem hæc habet: *Quondam venerabilis memoriæ Agripinus Carthagenfis Episcopus, primus omnium mortalium contra divinum Canonem, contra universalis Ecclesiæ regulam, contra sensum omnium Consacerdotum, contra morem, ac instituta majorum, rebaptizandum esse censibat, quæ præsumptio tantum mali invexit, ut non solum hæreticis omnibus formam sacrilegii; sed etiam quibusdam Catholicis occasio-*

NEM PRÆBUEIT ERRORIS.

Notandum secundò, quod defuncto Donato Episcopo Carthagenensi anno 210. & Fabiani Papæ 12. Carthageni Ecclesiæ præfatus fuit S. Cyprianus; his enim scribens ad Cornelium Papam epist. 55. anno secundo, ex quo ille sublato per martyrium Fabiano factus fuerat Romanus Pontifex, quartum annum tunc elapsus sedis suæ testatur: cum autem Cornelius Pontifex

X

post

post biennium suæ sessionis martyrio fuisset coronatus sub Imperatoribus Balbo, & Volusiano, ei suffectus fuit *Lucius*, qui similiter biennio cum sedisset, dum ad martyrium duceretur omnem Ecclesiæ potestatem dedit Archidiacono suo *Stephano*, qui ei in Pontificia sede successit. Eo autem sedente anno sui Pontificatus II. reddita Ecclesiæ pace per extinctos prænominatos errores, occasione Novatianorum, & Kataphrygarum magna inter Catholicos præfules orta est contentio.

Cum enim *Novatiani*, & ante eos *Kataphrygæ*, quos ab Ecclesia Catholica divulsissent, ut Immundos denuo baptizare essent soliti: id provocavit ad emulationem quosdam Episcopos in Africa potissimum consistentes; eorumque Primatem S. Cyprianum, ut ipsi quos ex Novatianis ab Ecclesiam susciperent, tanquam hæretico Baptismate potius maculatos, quam mundatos denuo baptizarent: ne secus facientes, apud hæreticos vera sacramenta, proindeque veram Ecclesiam esse probare viderentur, neve liberam ansam præberent hæreticis Catholicis insultandi, si Catholici hæreticorum sacramenta probarent: à Catholicis verò collata ut immunditias hæretici aspernarentur. His accedebat, stimulumque adaugebat, quod omnes propemodum Scripturæ divinæ tum ex veteri, tum ex novo Testamento petite in hanc ipsam sententiam conspirare viderentur, dum quæ ab impiis facta essent, quo sacratoria, eo execrabiliora Deus habeat, ac improbet.

At non primum in Africa ejusmodi controversia cœpit agitari, sed primi tempestatis hujus fluctus, moti sunt in Oriente, ea nimirum occasione, quod ex Cappadocia, Cilicia, Galitia, aliisque vicinis regionibus Iconium convenientes Episcopi, statuerant nihil eorum, quæ ab hæreticis facta essent, ab Ecclesia Catholica esse recipiendum,

non ordinationes, non baptismum nec aliud quodvis sacrum. Meminit hujus Synodi Firmilianus episcopus ad S. Cyprianum, his verbis præius recitatis subjunctis. *Quoniam quidam de eorum baptismo dubitabant, qui etsi novis Prophetas recipiunt, eosdem tamen Patrem, & Filium nobiscum nosse videntur, plurimum simul convenientes in Iconio diligentissimè tractavimus, & confirmavimus repudiandum esse omne omnino baptismum, quod sit extra Ecclesiā constitutum.* Quibus verbis indicat hanc collectam Synodum fuisse adversus Kataphrygas, qui patrem quidem, & Filium, ut Catholici affirmabant: Spiritum verò sanctum non alii præter Montanum suum Authorem affirmabant.

Verum arbitror dicendum, non solum à Kataphrygis collatum baptismum repudiassent, sed etiam ab omnibus prorsus hæreticis; nullum siquidem Kataphrygarum baptismum, ac irritum fuisse aperte colligitur ex Concilio Nicæno Canone 19. Si autem tantum invalidum ab hæreticis collatum baptismum propter formæ defectum repudiassent, in eaque sententia repudiandum esse firmiter stetit, quid causæ fuisset Stephano, ut eos excommunicaret, uti fecit?

Nam Dionysius Alexandrinus Episcopus in epistola sua, quæ legitur apud Eusebium lib. 7. cap. 4. Stephanum, Pontificem excommunicasse hos omnes Episcopos in ea sententia persistentes affirmat his verbis. *Stephanus antea scripserat Epistolam de Helena, de Firmiliano, de omnibus Episcopis, qui erant ex Cilicia, & Cappadocia, & Galatia, & ex omnibus Gentibus, quæ erant finitimæ, quod necque eum iis quidem communicare vellet, nam illi (inquit) hæreticos rebaptizant.*

Idque Stephanus ipse facto comprobavit. Nam cum Orientales illi Patres, qui hæc statuentes Apostolicæ sedis communionem privati erant, Legatos Episcopos ad ipsum Stephanum Romani mis-

sis-

essent reddituros rationem de iis, quæ in Synodo gesta erant, eos Legatos nec excepit, nec ab aliquo excipi permisit Stephanus, ut queritur Firmilianus, qui cum Apostolicâ communione fuisset interceptus, plura Episcopo, & viro Christiano indigna obloquitur in Stephanum Papam in laudata sua Epistola, ubi hæc per ironiam habet. *Quid eo humiliter aut lenius, quam cum tot Episcopis per mundum dissenfisse; pacem cum singulis vario discordiæ genere rumpentem, modò cum Orientalibus, quod nec vos latere confidimus; modò vobiscum, qui in meridie estis, à quibus Legatos Episcopos patienter suscit, & leniter suscepit, ut eos nec ad sermonem saltem colloquii communis admitteret: adhuc insuper dilectionis, & charitatis memor, præciperet fraternitati universæ, ne qui eos in domum suam reciperet, ut venientibus non solum pax, & communio, sed etiam, & hospitium negaretur.*

Hanc autem Iconij priùs celebratam fuisse Synodum, quàm quidquam hac de controversia in Africa definiretur, apertè testatur Dionysius laudatus apud Euseb. lib. 7. cap. 6. in fine. *Hoc tamen, inquit, dîdici quod non Episcopi in Africa solum istam consuetudinem de hæreticis rebaptizandis sanxerunt; verum etiam longo tempore antè, Episcoporum memoria, qui antegressi sunt in Ecclesiis maxima hominum frequentia celebratis, & Synodis fratrum, tum Iconij, tum aliis multis in locis convocatis, illud decretum fuit; quorum iudicia, & sententias condemnare non audeo.*

Unde infero latam illam excommunicationis sententiam non in Africanos, sed in Orientales fuisse; spretoque legatos eos esse non qui ex Africa post Synodum Carthaginensem, sed qui ex Oriente post absolutas illas Synodos Romanæ adibant, compertum est.

Ceterùm dum Cyprianus Carthaginæ Synodum ex Coepiscopis coegisset anno 258. & Stephani 1. rogatus fuit à

quibusdam Numidiæ Episcopis, ut patet ex epistola, quam scripsit ad Januarium, ceterosque Numidiæ Episcopos, quæ apud eum est 70. ut aperiret, quid cum suis sentiret de baptismo ab hæreticis collato: ad quos ita scribit. *Cum simul in Concilio essemus, fratres Charissimi, legimus litteras vestras, quas ad nos fecistis, de iis, qui apud hæreticos, & schismaticos baptizati videntur, an ab Ecclesia Catholica, quæ una est, baptizari debeant. De qua re quamquam illi ipsi veritatem, & firmitatem Catholica regulæ teneatis, tamen quoniam consulendos nos pro communi dilectione existimavimus, sententiam nostram non novam, promimus, sed jam pridem ab Antecessoribus nostris statutam, à nobis observatam vobiscum pari consensione coniungimus, consentes scilicet, & pro certo tenentes neminem foris baptizari extra Ecclesiam posse, cum sit baptisma unum in sancta Ecclesia constitutum, &c.*

Cùm autem animadverteret plures Episcopos quas acceperant ea de re majorum traditiones illibatas velle servare, eos errore seduci arbitratus Cyprianus, majori remedio conatus morbo (quod putabat) occurrere cupiens, novam, sed celebriorem Carthagini Synodum 71. Episcoporum cogit; cuius meminit ipse scribens ad Iubaianum epist. 78. his verbis. *Quid in Concilio cum plures adestemus, decreverimus, quid item postea Quinto collega nostro de eadem re querenti rescripserimus, & nunc quoque cum in unum convenissemus, Provinciæ Africæ, quàm Numidiæ Episcopi numerò septuaginta unus, hoc item denud sententiæ nostræ firmavimus. Ut autem quod in hoc pleniori Concilio omnium calculo fuerat stabilitum, huiusce controversiæ adhuc inscium Stephanum summum Pontificem certum, faceret: omnia antè edita decreta, rescriptaque hac de re ad Numidiæ Episcopos, & ad Quintum epistolas, ad eum per emissos Romanæ legatos direxit; ut*

constat ex Epistola ad eundem Stephanum quæ est num. 72.

Quid verò responderit, & rescripserit Stephanus, licet ipsius litteræ non extant: attamen facile colligi potest ex iis, quæ ipse Cyprianus habet epist. 74. ad Pompejum Episc. Sabratensem in Africa, ubi ait. *Quia desiderasti in notitiam tuam perferri, quæ mihi ad litteras nostras Stephanus frater noster rescripserit: mihi tibi rescripti ejus exemplum; quod lecto magis, ac magis ejus errorem denotabis, qui hæreticorum causam contra Christianos, & contra Ecclesiam Dei asserere conatur: nam inter cetera vel superba, vel ad rem non pertinentia, vel sibi ipsi contraria, quæ imperitis, atque improvidè scripsit; illud etiam adjunxit. Si quis ergo a quacumque hæresi venerit ad nos, nihil innovetur nisi quod traditum est, &c.* Quam quidem rescriptionem pluribus objurgat, & lacessit S. Cyprianus in ea epistola; quam paulò ardentius, & minùs reverenter in Stephanum scriptam eùm Augustinus legisset, nec de singulis in Stephanum prolatiis conviciis Cyprianum excusare posset, maluit eam obvolvare silentio, quàm ipsam nondum obductis cicatricibus refricare. Unde lib. 5. de baptis. cap. 25. meminit dumtaxat prioris epist. S. Cypriani ad Stephanum, in qua nulla erant convitia.

Cùm igitur Cyprianus obnitentem sibi Stephanum cerneret, haud cunctatus convocat ex Africa, Numidia, Mauritania, Episcopos 87. cum eisque Synodum tertiam Carthaginè cogit; ubi exceptis omnium calculis statuitur, ac confirmatur prior sententia de rebaptizandis ab hæreticis baptizatis. Hujus autem Concilii acta integra habes apud eundem S. Cyprianum, & S. Aug. l. 6. & 7. de baptis. contra Donatistas, ubi singulas sententias apprime refellit.

Hoc autem Concilium celebratum fuisse post duo prædicta, exceptamque Stephani Epistolâ exinde patet; t. quod

Cypriani ad Jubanum, & Episcopos Numidiæ, eorumque ad Cyprianum. Epistolæ initio Concilii legantur, hæ autem post duo priora fuerant editæ. Tum quia commotus in Stephanum, ejus animus satis appareret initio ejus Concilii, ubi Stephanum tacito ejus nomine arguit, quod se Episcopum Episcoporum nominaret. *Superest, inquit, ut de hac resinguli quid sentiamus aperiamus, neminem judicantes, aut à jure communionis aliquem si diversum senserit, amoventes. Neque enim quisquam nostrum, Episcopum se Episcoporum constituit, aut tyrannico terrore ad observandi necessitatem, collegas suos adigit.*

Quibus alludi videtur ad id, quod Stephanus more Majorum in suo decreto dixerat se *Episcopum Episcoporum*, & quod aliter quàm quod definitur, sentientibus excommunicationis pœnam erat acriter comminatus.

Notandum tertio, post 45. annos à consummato Martyrio sancti Cypriani, qui passus est anno 261. ortum fuisse schismâ *Donatistarum*, anno videlicet 306. quod postmodum in hæresin apertam declinavit: duo namque præcipui notantur Donatistarum errores: *Primus*, quod dixerint Ecclesiam toto orbe terrarum contagione communionis cum Traditoribus esse extinctam, & tantùm in Africa penes Donati sectatores integram remansisse: *Secundus*, quod adversus Ecclesiæ universæ definitionem restaurarent dogma de rebaptizandis, non solum qui ab hæreticis baptizati fuerant, sed etiam à Catholicis: quos ut sacrorum codicum, & vasorum traditores infamabant: quamquam aiebant se non baptizare accedentes ad partes Donati, sed dare Baptisma, quod antea datum non erat: quia nullum esse apud Catholicos, ut nec aliud sacramentum existimabant: nam iterum ungebant, iterum manus imponebant, non solum inferioribus Clericis, sed etiam Sacerdotibus, & Episcopis, quorum non-

nonnullos ad Laicorum ordinem redigebant.

Porro cùm instigante dissensionis principe, agitur, ac foveatur omnis hæresis, unitatem, ac concordiam servare nequit: unde non mirum si, ut observat S. Augustinus hæresi 69. secta hæc Donatistarum varias in partes scissæ fuerit, quibus etiam, ut diximus, diversa inerant nomina; nam alii dicti sunt *Maximianistæ*, à Maximiano Carthagenensi Pseudo-Episcopo; alii *Primianistæ* à Primiano ejusdem urbis Pseudo-Episcopo; nonnulli *Rogatistæ* à Rogato Episcopo in Mauritania Cæsariensi, cæteri *Montensès*, seu *Rupitani*, qui circa Romam in speluncis montium, & rupium hiatibus suos conventus agebant, dicuntur etiam *Campitæ* seu *Campensès*. Huic hæresi affinis fuit illa, quæ appellata est *Circumcellionum*, genus hominum aggressæ, qui nedum in alios, sed, & in seipso insanâ feritate sæviebant; nam per varias mortes, maximè præcipitiorum, aquarum, & ignium, seipso necabant, ut Martyres viderentur, & alios ad ejusmodi furorem provocabant. Cæterum cùm illa secta veram apud se duntaxat Ecclesiam subsistere jactarent, accedentes ad se, etsi alibi baptizatos, iterum baptizabant, quòd cùm alios ut hæreticos haberent, collatum ab eis Baptisma ut irritum, & ipane repudiabant: omnes autem perversum illud dogma fulciebant, ac tuebantur autoritate doctrinæ S. Cypriani, quem universalis Ecclesia pro sanctissimo Martyre venerabatur.

His prælatis, majoris claritatis gratia rerum dicendarum, unum superest, videlicet ut probemus fidem non esse conditionem requisitam in Ministro, ut valide sacramenta conferat, ac subinde collatum ab hæreticis Baptisma non esse repudiandum.

CONCLUSIO UNICA.

Fides Ministrum non est absolutè necessaria ad consecrationem; & ministratio-

tionem sacramenti. Hæc est de fide determinata in variis Conciliis maximè Arelateni primo sub Sylvestro primo celebrato anno 314. Can. 8. ubi legimus de *Afris*, quòd propriâ lege sua utuntur, ut rebaptizent, placuit, ut si ad Ecclesiam aliqui de hac hæresi venerint, interrogent eos nostræ fidei Sacerdotes Symbolum; & si crediderint in Patre, Filio, & Spiritu sancto, manus eis imponatur, ut accipiant Spiritum: quòd si interrogati, non responderint hanc Trinitatem, baptizentur. Cujus quidem Canonis vim, & sui erroris damnationem, ut declinarent Donatistæ, creduntur pro ea voce de *Afris*, supposuisse hanc de Arianis; quæ utique suppositio colligitur ex eo quòd Ariana hæresis Occidentali Ecclesiæ nondum innotuerat anno 314. quo verisimilius est celebratum fuisse primum Arelatense Concilium, quàm anno 316. ut ferunt aliqua Acta ejusdem Concilii.

Afri autem Cæciliano Carthagenensi Episcopo adversantes facti sunt schismatici, è schismaticis Anabaptistæ ex Anabaptistis Trinitarii, qui paulò post orti dictique Arian; qui idcirco jubentur rebaptizari, quòd in eorum baptismo servata non fuisset debita forma, & Trinitatis invocatio. Ita enim constat ex prædictis verbis: *Si ad Ecclesiam aliqui de hæresi venerint, interrogent eos nostræ fidei Sacerdotes Symbolum, & si perviderint eos in Patre, & Filio, & Spiritu sancto esse baptizatos, manus eis tantum imponatur ut accipiant Spiritum: quòd si interrogati non responderint hanc Trinitatem, baptizentur.*

Nicænum primum idem statuit; nam, referente S. Hieronymo in fine dialogi contra Luciferianos circa finem, prohibuit rebaptizare hæreticos, exceptis Paulianistis; quia necessariam, & servari solitam formam non usurpabant; ita enim statuit Can. 19. *Si quis confugerit ad Ecclesiam Catholicam à Paulianistis, & Kataphrygis, flatutum est eos reba-*

rebaptizari debere: qui verò Clerici erant apud eos, si inculpatis fuerint, & irreprehensibiles, iterum etiam ordinentur ab Episcopo Ecclesiæ Catholice. Et Can. 8. Si qui voluerint ad Ecclesiam Catholicam ex Novatianis venire, placuit, ut eis manus imponatur, & sic maneant in Clero. Non jubet autem Concilium ut iterum baptizentur; quoniam baptizabant in debita forma, & materia.

Refert etiam *ibidem* S. Hieronymus, quod Episcopi, qui cum S. Cypriano in tribus præcedentibus Conciliis Carthaginensibus, fenserant baptizatos ab hæreticis, & schismaticis denuò esse baptizandos, ad antiquam Ecclesiæ consuetudinem re versi priorem sententiam deponentes, novum emiserunt decretum de ipsis hæreticis non rebaptizandis.

Similiter in *Carthaginensi primo*, tempore Julii primi, cum Episcopus Carthaginensis quævisset à suis Collegis, utrum in aqua semel tinctum iterum tingere liceat: Episcopi universi dixerunt: *Abst, illicitis sancimus esse rebaptizationes, & alienas à sincera fide, & Catholica disciplina.*

Insuper in *Arelatenſi 2. celebrato anno 330. Can. 26.* decernitur Photinianos, seu Paulianistas secundum Patrum instituta baptizari oportet. *Can. autem 17. decernitur Bonosianos autem ex eodem errore venientes, quos ut Arianos baptizare in Trinitate manifestum est, dum interrogati fidem nostram totò corde confessi fuerint, cum chrismate, & impositione manus in Ecclesia recipi sufficit.*

Idem definitum est in *Concilio Capuensi*, seu Capuano celebrato circa annum 377, cujus fit mentio apud S. Ambrosium epistolarum lib. 1. epistolis 7. & 9. Similiter, & in tertio Concilio Carthaginensi celebrato anno 397. præfide Aurelio Cart. Episcop. Decernitur enim *Can. 38. Illud quoque suggerimus mandatum nobis, quod in Capuensi ple-*

naria Synodo videtur statutum: non liceat fieri rebaptizationes, & reordinationes, vel translationes.

Tandem hæc veritas definita est in Conciliis Florentino, & Tridentino. Tridentinum sess. 7. *Can. 4. de Baptismo sic definit: Si quis dixerit Baptismum, qui datur ab hæreticis in nomine Patris, & Filii, & Spiritus sancti, cum intentione faciendi quod facit Ecclesia, non esse verum, anathema sit.*

Probatur primò hæc veritas à S. Augustino, & Optato, ex variis figuris veteris Testamenti, quibus præsignatur sacramenta extra Ecclesiam valere. Primò namque Ecclesia figuratur per Paradisum terrestrem, & aqua baptismalis per famosum illum fontem, & fluvium, qui egrediebatur de loco volutatis ad irrigandum paradisum, & inde dividebatur in quatuor capita: eam, inquit S. Augustinus lib. 2. contra Cresconium, cap. 13. Sicut aqua in aliquo ex illis memorabilibus, negari non potest quod sit aqua paradisi, quamvis non sit in solo Paradiso, quæ etiam extra inde manavit: ita aqua Baptismatis, quamvis Ecclesiæ sit, tamen etiam foras profluit, cum apud illos invenitur, qui ex nobis exierunt, sed non erant ex nobis.

Secunda figura petitur ex aquis diluvii: nam, inquit S. Augustinus lib. 6. de Baptismo c. 39. Aqua diluvii constituta intra arcam salutaris fuit, extra arcam verò mortifera: eadem tamen fuit. Cur ergo, inquit, non suscipiunt aliquid cœlestis, vel schismatici, vel hæretici? sicut spinæ, sive zizania pluviam, sicut ipsi, qui extra arcam fuerunt, aquam de cataractis cœli venientem susceperunt quidem, ad perniciem, non ad salutem.
Tertia peti potest ex filiis Jacobi, quorum aliqui ex legitimis uxoribus, alii autem ex ancillis nati, ad eandem tamen hereditatem vocati sunt: Unde S. Augustinus quæst. super gestis cum Emerito: *De Jacob, inquit, novimus in*

unam hereditatem aduocatos, simul numerati sunt omnes Patriarchæ duodecim; nullum ab altero utri diuersitas separauit: quia omnes eharitas sociavit: quid interest ergo ubi Baptismum acceperis? Noli superbire, ueni ad hereditatem.

Quarta petitur ex illo Num. 16. ubi legimus, quod cum terra absorberet Core, Dathan, & Abiron cum aliis schismaticis aduersus Moysen, & Aaron rebellantibus; thuribula, quibus incensum Domino offerebant, non sunt absorpta, sed præcipiente Domino ex eis ductæ sunt laminæ repositæ in angulis arcæ Testamenti. Quod utique signum est, quod licet reprobentur schismatici, non improbantur tamen collata ab eis sacramenta: unde Optatus lib. 6. „Cum, inquit, eosdem peccatores absorberet terra, remanserunt de manibus eorum excussa thuribula, & factæ sunt inde laminæ, & positæ in angulis arcæ Testamenti: quia nomen Dei illic invocatum fuerat; ita licet reprobandi sint schismatici, non tamen sunt repudianda sacramenta ab eis collata, quia illic invocatum est nomen sanctissimæ Trinitatis.

Quinta denique peti potest ex Samaritanis, qui erant inter Judæos sicut hæretici, & schismatici inter Christianos, & apud utrosque vigeat Circumcisio quemadmodum Baptismus viget apud nos: sed Circumcisio Samaritanorum non repetebatur, cum aliquis ex eis accedebat ad Judæos: Nam, inquit S. Augustinus epist. 203. quæ est ad Maximinum Episcopum Donatistam; si vellet Samaritanus, quem Samaritani circumciderant, fieri Judæus, vacaret certe iterationis audacia, & id quod apud hæresim factum erat, quod præceperat Deus, non repetere, sed approbare cogemur. Unde concludit: Quodd si in carne circumcisi hominis, non inuenirent locum, ubi circumcisionem repeterent, quia unum est illud membrum; multo minùs inuenitur locus in uno corde, ubi Baptismus

Christi repetatur: ideo qui duplicare Baptismum vultis, necesse est omnino, ut corda duplicia requiratis.

Probatum secundò, autoritate summorum Pontificum, qui veritatem illam docuerunt: inprimis verò ex Stephano primo in epistola, quam rescripsit ad S. Cyprianum, & collegas Episcopos Africanos, qui definierant rebaptizandos esse ab hæreticis baptizatos: quam enim illius epistola integra non extet, tamen illius partem legimus apud Cyprianum in epistola ad Pompejum, ubi refert Stephanum scripsisse: Si quis à quacunque hæresi venerit ad vos nihil inouetur, sed teneatur quod traditum est; ut manus illi imponatur in penitentiam: cum ipsi hæretici propriè alterutrum ad se venientes, non baptizent, sed communicent tantum. Quam utique sanctionem sic egregiè commendat Vincentius Lirinensis cap. 9. ubi scribit: Cum undique ad novitatem rei cuncti reclamarent (nempe rebaptizandos esse ab hæreticis baptizatos) atque omnes quaquaversum Sacerdotes pro suo quisque studio reniterentur, tum beatæ memoriæ Papa Stephanus Apostolicæ sedis Antistes cum cæteris quidem collegis suis; sed tamen præ cæteris restitit; dignum, ut opinor, existimans si reliquos omnes tantum fidei devotione vinceret, quantum loci autoritate superabat.

Denique in epistola, quæ tunc ad Africam missa est, idem his verbis sanxit, Nihil novandum, nisi quod traditum est: Intelligebat enim vir sanctus, & prudens, nihil aliud rationem pietatis admittere, nisi ut omnia, quæ fide à Patribus suscepta forent, eadem fide consignarentur filiis, nosque religionem, non quæ vellemus ducere, potius quæ duceret illa sequi oportere; idque esse proprium Christianæ modestiæ, & gravitatis, non sua posteris tradere, sed à majoribus accepta servare, Quis ergo tunc universi

„ verſi negotii exitus? Quis utique, niſi
„ uſitatus, & ſolidus? Retenta eſt ſa-
„ cramenti antiquitas, & exploſa no-
„ vitas.

Idem ſtatuerunt alii ſummi Pontifi-
ces, maximè *Siricius* primus epiſt. ad
Himerium *Tarraconenſem* Episcopum
cap. 1. *Signiſcaſti*, inquit, baptizator
ab *Arianis* plurimos ad fidem Catholi-
cam ſeſſinare, & quosdam de fratribus
noſtris baptizare velle, quod non licet,
cum hoc fieri, & *Apoſtoloſ* vetet, & *Ca-
nones* contradicant; & poſt *Ariminenſe*
Concilium miſſa ad *Provincias à Præde-
ceſſore meo Liberio* generalia decreta
prohibeant; quod, & nos cum *Novatianis*,
aliſque hæreticis, ut eſt in *Synodo* con-
ſtitutum, per invocationem ſolum ſep-
tiſimiſ *Spiritus*, *Episcopalis* manûs im-
poſitione Catholicorum conventui ſocia-
mus, quod etiam totus *Orientis*, *Occidentis*
que cuſtodis, à quo tramite vos quoque
poſt hæc minimè conventi deviare, ſi non
vultis à noſtro Collegio *Synodali* ſenten-
tia ſeparari.

Idem ſtatuit *Innocentius I.* epiſt. 22. ad
Episcopos *Macedoniæ* cap. 4. *Leo Magnus*
epiſt. 79. ad *Nicetam* cap. 7. *Ana-
ſtaſius II.* epiſt. ad *Anaſtaſium Impera-
torem*, cap. 7. & *Gregorius Magnus* lib. 9
epiſt. 61. ad *Quirinum*, & alios *Hiber-
niæ* Episcopos: Ab antiqua, inquit,
Patrum inſtitutione didicimus, ut
qui apud hæreſim in *Trinitatis* no-
mine baptizantur, cum ad Eccleſiam
redeunt, aut unctione Chriſmatis,
aut impoſitione manûs, aut profeſ-
ſione fidei revocentur. Unde *Aria-
nus* nos per impoſitionem manuum *Occi-
dens*, per unctionem ſancti Chriſma-
tis *Oriens* reformat ad ingreſſum Ec-
cleſiæ: *Monophyſtas*, & alios ex ſola
vera confeſſione recipit, quia ſan-
ctum Baptiſma, quod apud hæreticos
conſecuti ſunt, tunc in eis vires munda-
tionis recipit. Hæretici verò, qui
non baptizantur in nomine *Trinita-
tis*, ut *Donoſiani*, & *Kataphrygæ*;

„ quia & illi Chriſtum D. non credunt,
„ & iſti Spiritum ſanctum perverſo ſen-
„ ſu quemdam eſſe pravum hominem
„ *Montanum* credunt, & alii tales, cum
„ ad Eccleſiam veniunt, baptizantur;
„ quia Baptiſma non fuit, quod in *Tri-
„ nitatis* nomine non acceperunt. *Ne-
„ ſtoriani* verò, qui in ſanctæ *Trinita-
„ tis* nomine baptizantur, ſed eos *Ju-
„ daicæ* perfidiæ ſimiles, *Incarnatione*
„ nem non credentes, hæreſeos error
„ obſcurat; ideo venientes ad Eccle-
„ ſiam, de fidei veritate, & confeſſio-
„ ne docendi ſunt, &c.

Obijcies primò varios *Conciliorum*,
Canones, quibus præcipitur hæreticos
ad Eccleſiam accedentes eſſe baptizan-
dos, & ordinandos, eorumque Bapti-
ſmus, & *Ordinatio* reprobat. Sic
ſanxerunt *Apoſtoli* *Can. 26.* his verbis:
Episcopum, aut *Presbyterum* ſuſcipien-
tem hæreticorum Baptiſma damnari
præcipimus. Et 47. *Episcopum* aut *Pre-
sbyter*, ſi cum, qui ſecundum veritatem
habuerit Baptiſma, denud baptizaverit,
aut pollutum ab impiis non baptizaverit
deponatur, ut deridens crucem, & mor-
tem Domini; nec veros Sacerdotes à fal-
ſis diſcernens. Et *Can. 68.* Si quis *Epi-
ſcopus*, vel *Presbyter*, vel *Diaconus* ſe-
cundam ordinationem ſuſceperit ab ali-
quo, deponatur tam ipſe, quàm qui ipſum
ordinavit, niſi forſè conſlet cum ab hæ-
reticis ordinationem habere; qui enim à
talibus baptizati ſunt, aut ordinati, nec
fideles, nec Clerici eſſe poſſunt.

Similiter in *Nicæno Can. 8.* ſtatuitur
de his, qui ſe nominant *Cataros* id eſt
mundos; Si qui venerint ad Eccleſiam,
Catholicam, placuit ſancto, & magno
Concilio, ut impoſitionem manûs acci-
pientes, ſic in Clero permaneant; vel
ut habet *Editio ſecunda* ejusdem *Con-
cilii*: Si qui venerint ad Eccleſiam ex *No-
vatianis*, placuit, ut ordinentur, & ſic
in Clero maneant: igitur licet eorum
Baptiſma admittat Eccleſia, tamen ordi-
nationes ut illicitas, & irritas repro-
bat.

bat. Item ex Can. 95. sexta Synodi in Trullo: *Venientes ad Ecclesiam ab hæresi baptizamus*. Denique, id sancitum fuit in Carthaginensi sub Agripino, & tribus Carthaginensibus sub S. Cypriano, nec non Iconiensi sub Firmiliano, constat decretum fuisse baptismum ab hæreticis collatum esse nullum.

Nego consequentiam, & ad Canones Apostolorum respondeo: Baptismus ab hæreticis collatus, qui non servat solitam Ecclesiæ formam, ut faciebant veteres hæretici, sicut refert S. Irenæus lib. 1. contra hæreses cap. 18. reprobatus est ut irritus, & nullus, concedo: Baptismus collatus ab hæreticis in debita forma, & materia, nego: licet enim, Baptismus ille ab adulto susceptus, ministerio hæreticorum, plerumque sit illicitus, & infructuosus, propter pravam suscipientis dispositionem, tamen est validus.

Ad Canonem Nicæni respondeo, per eam manus impositionem, non intelligi ordinatoriam, sed confirmatoriam, quæ præscribebatur Clericis Novatianorum; quia Novatiani non sacramenta, Chrisma, proindeque nec Confirmationis sacramentum admittebant, ut refert Theodoretus lib. 3. hæreticarum fabularum.

Vel dico, illam manus impositionem non fuisse consecratoriam, sed tantum reconciliatoriam, scilicet benedictionem, per quam Clerici prius ad Ecclesiastica munia inhabiles, ad eadem obeunda recipiebantur. Quæ utique explicatio prior apparet: Tum quia sic Canonem explicat S. Hieronymus in dialogo contra Luciferianos, qui negabant Arianos cum suis honoribus recipiendos esse; scribit enim: Nicæna Synodus omnes hæreticos suscipit, exceptis solis Samozateni Discipulis; quod jus majus est, Episcopo Novatianorum si conversus sit, Præbyterii gradum servat. Tum quia in Nicæna secunda Añ. 1. cum ambigeretur, utrum Episco-

Tom. X.

pi Iconoclastæ recipi deberent, & lectus esset præfatus Canon Nicæni; Tharsius Patriarcha Constantinopolitanus rogatus, quid per illam manus impositionem intelligeret: respondit, *forte benedictionem esse tantum, non ordinationem*, ubi vox illa forte videtur irrepsisse Interpretis incuria. Tum denique quia in eadem Synodo, & actione concluditur, ex sententiis SS. Patrum Clericos redeuntes ad Ecclesiam ab hæresi, recipiendos esse cum impositione manuum, & suis gradibus, & honoribus restituendos; unde Episcopi Iconoclastæ, qui in Ephesino Conciliabulo imagines damnaverant cum aliis Patribus confederunt, datis prius, & lectis suæ confessionis, & fidei libellis.

Ad Canonem Trullanum respondeo, per eum dumtaxat repudiari Baptismum collatum ab hæreticis in indebita forma; non verò quod ab hæreticis sit acceptum; sic enim in eo Canone præscribitur: *Venientes ad Ecclesiam hæreticos suscipimus secundum morem, & ordinem antiquorum. Arianos, Macedonianos, & Novatianos, qui se puros vocant, Tetradistas, & Apollinaristas, suscipimus, si libellos afferant, & execrentur quamlibet hæresim. De Paulianistis constitutio ab Ecclesia Catholica nulla est, ut omnino rebaptizentur Eunomiani, qui sub una unctione baptizant, Montanistas, & Subellianos, & reliquas pestes, qui à Galatarum regione præfati sunt, venientes ad Ecclesiam, non secus ac Gentiles suscipimus, & primo die ipsos facimus Christianos, secundo Catechumenos, tertio ipsos auctoramus, postquam ter insufflavimus in faciem, & aures, sic illos intiamus facimusque ut in Ecclesia numerentur, & audiant Scripturas, & tunc illos baptizamus: Manichæos verò, Valentinianos, Marcionistas, & similes, libellos oportet facere, & execrari hæresim, & Nestoribus, Eutychen, Dioscorum, Severum, & reliquos hæresum principes, & ita participes esse sunt à communione.*

Y

Ad

Ad cœtera Concilia, nempe *Leonienſe*, & *Carthagenſe*, reſpondet S. Auguſtinus lib.2. de Baptiſmo, cap.3. illa fuiſſe Concilia Provincialia, quæ poſtmodum per generale totius orbis Concilium proſcripta ſunt. *Ipsa*, inquit, *Concilia*, quæ per ſingulas regiones, vel provincias ſunt, plenariorum Conciliorum authoritati, quæ ſunt ex univerſo orbe Chriſtiano, ſine ullis ambagibus cedere: ipſaque plenaria ſæpe priora poſterioribus emendare, cum aliquo experimento rerum aperitur, quod clauſum erat, & cognoscitur, quod latebat, ſine ullo typho ſacerilegæ ſuperbiæ, ſine ulla inſtante cervicæ arrogantia ſine ulla contentione lividæ invidiæ, cum ſancta humilitate, cum pace Catholica, cum charitate Chriſtiana.

Adde quod etiam ipſemet S. Cyprianus haud dubiè mutata ſententiâ, Concilia illa damnaſſet, ſi eorum Decreta ab univerſali Concilio proſcripta accepiſſet. Porrò plûrima poſt ipſum Oecumenica Concilia approbaverunt Baptiſma collatum ab hæreticis; ac ſubinde nulla vis eſt facienda in authoritate S. Cypriani hac de re, nec in Conciliis ab eo celebratis.

Unde S. Auguſtinus lib.2. de Baptiſmo cap.3. & 9. Cyprianus, inquit, in ſine epiſtolæ ad Quintum, oſtendit in quo, tanquam lectulo authoritatis, quaſi ſellus acquieverit: Quod quidem, inquit, & Agripinus cum cæteris Coepiſcopis ſtatuit, & librata Concilii communis examinatione firmavit, quorum ſententiam religioſam, & legitimam nos etiam ſecuti ſumus. Hæc atteſtatione ſatis oſtendit, multò magis ſe fuiſſe commemoraturum, ſi quod de hac re tranſmarinum, vel univerſale Concilium factû eſſet. Nondum autem factû erat: quia conſuetudinis robore tenebatur orbis terrarum, & hoc ſolum opponebatur inducere volentibus novitatem: poſtea tamen dum inter multos ex utra-

que parte tractatur, & quæritur, non ſolùm inventa eſt, ſed etiam ad plenarii Concilii authoritatem robur, quæ producta poſt Cypriani paſſionem, ſed antequam nati eſſemus.

Objicies ſecundò: Anaſtaſius ſummus Pontifex divina ultione percuſſus eſt, quod amiſiſſet baptizatos ab hæreticis; nam in Gratiano diſt.19. cap.9. legimus: Quia voluit occultè revocare Acacium, & non potuit, nutu divino percuſſus eſt. Adde, & quia probavit ſacramenta ab ipſo collata, ut patet ibidem cap. præcedenti, ubi refertur idem Anaſtaſius epiſt.1. cap.7. & 8. ad Anaſtaſium Auguſtum ita ſcribens. Secundum Eccleſiæ Catholicæ conſuetudinem ſacratiffimum ſervitutis tuæ peccatū agnoſcat, quod nullum de hiis, quos baptizavit Acacius, vel quos Sacerdotes, ſive Levitas ſecundum Canones ordinavit, ullæ ex nōmine Acacii portio leſionis attingat, quod forſitan per iniquam tradita ſacramenti gratia minus firma videatur.

Reſpondeo, Gratianum deceptum eſſe occasione vitæ Anaſtaſii excerptæ ex Pontificali Romano, unde hanc aut horitatem deprompſit, & in quo legimus: Anaſtaſius ſecundus, natione Romanus, ſuit temporibus Theodorici Regis; eo tempore multi Clerici, & Presbyteri ſe ab ejus communione abegerant, eo quod communicaſſet ſine conſilio Epiſcoporum, vel Presbyterorum, & Cleri Eccleſiæ Catholice Diacono Theſſalonienſi, nomine Photinò, qui communicaverat Acacio, & quia occultè voluit revocare Acacium, & non potuit, nutu divino percuſſus eſt: Hæc autem narratio prorsus fabuloſa eſt, & verum figmentum à ſchiſmaticis Laurentianis ad vitam Anaſtaſii additum: quod vel inde ſatis oſtenditur, ut notat Gloſſa ad præſatum caput, quia Anaſtaſius dicitur voluiſſe revocare Acacium, qui longè antè obierat: nam ex Evagrio lib.31. cap.23. & Nicephoro lib.16. cap.12. Acacius obijt tempore Feliciſ tertii, qui ipſum excommuni-

ca.

caſerat; Felici autem ſucceſſit Gelafius, & Gelafio Anaſtaſius . Quomodo ergo potuit Anaſtaſius de eo revocando cogitare, quem jam ſciebat mortuum? nam ipſemet in præfata epiftoſa ad Anaſtaſium ſcribit, *Acacium mortuum ſtare cum Felice ante Judicem Chriſtum.*

Neque etiam culpandus apparet, quæ conſenſerit Anaſtaſio Imperatori, cæteriſque deſenſoribus Acacii, ut ſcribit Juſtinus Imperator epiftoſa ad Hormiſdam ſummum Pontificem: nam Symmachus Anaſtaſii ſucceſſor in ſuis litteris Apologeticis ſignificat, hoc eſſe commentitium; ibidem enim ait, ſe conformiter agere ſuis deceſſoribus excommunicando deſenſores Acacii: quod certè non faceret, ſi illius prædeceſſor Anaſtaſius eos fovifſet .

Neque tandem damnandus apparet; quòd probaverit ſacramenta collata ab Acacio; id enim præſtitit, quoniam ſacramenta illa in legitima forma, & materia miniſtraverat Acacius; ac ſubinde non erant reiicienda: quod utique probat ſex rationibus: *Primà*, quia in ſacramentis virtus Chriſti operatur, quæ omnem maculam repellit. *Secundà*, de radiis ſolis, qui etſi tranſeant per loca fœtida, tamen non coinquinantur. *Tertià*, de Juda, qui licet malus fuiſſet, multa tamen fecit, quæ rata ſunt habita. *Quarta*, de auctoritate Domini, qui præcepit verba Scribarum, & Phariſæorum ſervanda, & implenda. *Quinta* ratio, quòd omne bonum à quocumque fiat, fit à Deo. *Sexta* denique, quia in ſacramentis, non eſt attendendum, qualis, vel quis conferat, ſed quid conferat; quia incrementum ſolus Deus præbet. Hæc autem omnia Catholicæ doctrinæ continent, ac proinde eſt abſurdum exiſtimare Pontificem. Anaſtaſium propter illa divinitus fuiſſe percuſſum .

Obijciat tertio: Eadem diſtinctione cap. 1. refertur auctoritas ſancti Leonis Magni petita ex epiftoſa 37. ubi ſcribit:

Maniſeſtum eſt per crudeliſſimam, inſaniſſimamque ſævitiam Dioſcorig, & aliorum Hæreticorum in Alexandrina cede omne cœleſtium ſacramentorum lumen, extinguiſſum eſſe: intercepta eſt enim ſacrificii oblatio, deſecit chriſmatis ſanctificatio, & parviciſſis manibus impiorum, omnia ſe ſubſtraxere myſteria: Ergo cenſet penes hæreticos non remanere jus miniſtrandi, & conficiendi ſacramenta.

Similiter Pelagius Papa, ut ibidem cap. 3. ſubiſſima quæſt. 1. ait: *Non eſt Chriſti corpus, quod ſchismaſticus conſecit, ſi veritate duce erigimur. Præmiſerat autem: Qui ſpiritum non habent corporis Chriſti ſacrificium habere non poſſunt.*

Item ex Innocentio 1. qui epiftoſa 18. ad Alexandrum decernit, quod etſi valeat baptiſma Arianoſum, tamen irritæ ſint, & nullæ eorundem ordinationes. *Non videtur*, inquit, *Clericos Arianoſum cum ſacerdotio miniſterii cuſuſſum ſuſcipere dignitatem*, quoniam quibus ſolùm baptiſmum ratum eſſe permiſſimus, prælationem ſpiritus, quam acceperant, amiſerunt, nec dare ejus plenitudinem poſſunt, quæ maxime in Ordinibus operatur. Quam utique conſtitutionem ponderans Petrus Damianus Opuſculo 6. cap. 22. ſcribit. *In quibus decretalibus verbis maniſeſte datur intelligi, quod in promotionibus Clericorum non immeritò fides ordinantis attenditur, ex quo videlicet pendet, ut ordinatio ipſa ſive rata, ſive irrita judicetur.*

Denique 1. qu. 7. cap. Daibertum. Ex Urbano II. Daibertum à Nezelone licet ſimoniaco, non ſimoniacè ejusdem confeſſione reperimus in Diaconum ordinatum, & beati Innocentii Papæ ſententia conſtat declaratum Nezelonem ab hæreticis ordinatum, quia nihil habuit, nihil dare potuit ei cui manus impoſuit, nos tanti Pontificis auctoritate firmati, & Damiani Papæ teſtimonio

„robórati, qui ait, *reiterari oportet*
 „quod male ab hæc est. Daibertum ab hæ-
 „reticis corpore, & spítu digressum
 „ex integro Ecclesiæ necessitate in-
 „gruente Diaconum constituimus:
 „quod non reiterationem existimari
 „censemus, sed integram Diaconii
 „dationem, quia, ut diximus, qui
 „nihil habuit, nihil dare potuit: igitur
 „ex sententia summorum Pontifi-
 „ficum collatio sacramentorum ab hæ-
 „reticis est invalida.

Nego consequentiam, & ad primum
 dico, S. Leonem loqui duntaxat de li-
 cita, non autem de valida Mysterio-
 rum, & sacramentorum administra-
 tione, cùm enim propter illam eadem
 omnes Præsules, qui Nestorio favebant,
 incurrissent excommunicationis sen-
 tentiam, non licebat eis amplius divi-
 nis interesse ministeriis, ac mysteriis.

Ad Pelagium autem dico, non est
 Christi corpus, quod schismaticus con-
 ficit, quantum ad mysticam significa-
 tionem, qua sacramentum Eucharistiæ
 repræsentat unitatem Ecclesiæ mem-
 brorum, tam inter se, quam cum suo
 capite, ex quibus fit unum corpus my-
 sticum, quod est Ecclesia, juxta illud
 Apostoli, *Unus panis, unum corpus,*
multi sumus, qui de uno pane participa-
mus, concedo: nam hæc unitas cum à
 schismatico scindatur, ac divellatur,
 non potest repræsentari per confectam
 ab illo Eucharistiæ, non est Christi
 corpus, quantum ad veritatem sacra-
 menti, quasi schismaticus Sacerdos non
 haberet amplius auctoritatem, & vir-
 tutem conficiendæ Eucharistiæ, nego.

Ad Innocentii auctoritatem distin-
 guo: scilicet baptisma Arianorum ab eo
 validum habetur non autem ordinatio
 quantum ad honorem, & dignitatem,
 concedo, quia ab illis baptizati post
 peractam penitentiam recipiebantur
 in cœtum fidelium, & erant idonei ad
 alia sacramenta suscipienda etiam ad
 sacros Ordines, secus verò de iis, qui

ab eis fuerant ordinati, quibus honor
 non servabatur, sed redigebantur in
 ordinem Laicorum, neque post suam
 reconciliationem permittiebantur fun-
 gi suis muneribus, ac ministeriis: quan-
 tum ad characterem, quasi imprimeretur
 in baptismo collato ab hæreticis,
 non autem in ordinationibus ab eis fa-
 ctis modo debito, nego: nec aliud cer-
 tū voluit Innocentius, ut constat ex E-
 pist. 22. quæ est ad Episcopos Macedo-
 niæ, cap. 4. ubi scribit. *Nostri lex est*
Ecclesiæ, vententibus ab hæreticis, si
tamen illi baptizati sint, per manus im-
positionem tantum Laicam tribuere com-
munionem, nec ex iis aliquem in Cleri-
catus honorem, vel exiguum subrogare.

Eadem solutione fit satis auctoritati
 S. Petri Damiani. Ibi enim distinguit
 hæreticos duplicis ordinis, quorum ali-
 qui peccabant in fidem, non tamen à
 fide recedebant, sicut Novatiani: alii
 autem recedebant à fide ut Ariani. De
 hæreticis primæ classis dicit eorum ra-
 tam esse ordinationem, & illos in Ec-
 clesia recipi cum suis honoribus, & gra-
 dius. De Arianis autem, dicit irritam
 esse illorum ordinationem, nec eos in
 Ecclesia cum suis honoribus admitti,
 quod utique probat auctoritate præsa-
 ta Innocentii.

Ad factum Daiberti ordinati à Neze-
 lone Moguntino Archiepiscopo Simo-
 niaco, implet Urbanus II. qui eum
 ordinavit iterum, dicit priorem ordi-
 nationem estimandam esse ex sententia
 Innocentii Papæ, & testimonio Papæ
 Damasi. Porro secundum utriusque
 Papæ sententiam, hæreticorum ordi-
 natio legitime facta, est non iteranda.
 Unde Daibertus ab Urbano reordina-
 tus est, quia Nezelon eum vel in Ecce-
 siæ forma non ordinaverat, vel non
 habuerat ordinandi potestatem; sicque
 illa ordinatio prorsus erat irrita, non
 defectu fidei, sed ordinis, & caracte-
 ris Episcopalis; quemadmodum statuit
 Damasus Epist. 4. ubi decernit ordina-

eos ab hæreticis, iterum ordinandos, si præter Ecclesiæ formam, & ritum, aut à non habentibus ordinandi potestatem fuerint ordinati: loquitur enim de iis, qui à Chorepiscopis quibusdam, qui non erant Episcopi, fuerant ordinati; unde circa finem reddit rationem, cur hi non potuerint ordinare; Quia, inquit, qui Pontificalem honorem non habuit, Pontificalia jura tribuere non potuit.

Obijciat quartò aliquos è SS. Patribus, qui videntur improbasse baptismum ab hæreticis collatum: Primò quidem Dionysium Alexandrinæ urbis Episcopum, qui, ut testatur S. Hieronymus lib. de Scripturis Ecclesiasticis in Cypriani, & Africanorum dogma consentiens, de hæreticis rebaptizandis ad diversos plurimas misit epistolas in quibus hoc dogma tuebatur. Item S. Athan. serm. 3. contra Arianos videtur reprobare Baptisma ab Arianis collatum; Ariani, inquit, in periculum veniunt, ne admittant integritatem mysterii. loquor autem de Baptismate: sic enim in nomine Patris, & Filii, datur profutura initiatio. Patrem autem verum illi non pronuntiant, eo quod negent aliquid ex ipso existere, & simile esse illius substantiæ: negant quoque verum filium, aliumque ex non entibus conditum sibi comminiscuntur in Baptismate proferunt: quomodo igitur non planè vanum, ac inutile fuerit Baptisma, quod ab illis datur, cum id non nisi speciet sit, & inane simulachrum, ipsique eorum nihil solidæ opis afferant ad pietatem.

Deinde S. Cyrillus Jerosolymitanus in Præfatione ad suas Catecheses, ait: non licet hîc, aut ter hoc lavacro uti; unus enim Dominus, & una fides, & unum baptisma; nam soli hæretici rebaptizantur. Et Optatus Milevit. lib. 1. ante medium. Scimus hæreticorum Ecclesiæ singulorum prostitutas nullis legalibus sacramentis, & sine jure hænesti matrimonii esse. Et infra; Dixisti fieri

non posse, ut falso Baptismate inquinatus abluit; &c.

Tandem S. Bernardus serm. 66. in Cantica loquens de quibusdam hæreticis, negat eos habere potestatem conficiendi corpus Christi Domini: igitur SS. Patres censent nulla esse sacramenta ab hæreticis collata.

Nego consequentiam, & ad primum dico, S. Dionysium aliquandiu stetit in ea sententia, quòd authoritatem Conciliorum Iconiensis, Synodensis, & similium damnare non auderet: At in illa sententia diu non stetit, quippe sequester, & supplex accessit, & scripsit ad Stephanum summum Pontificem, pro reconciliandis ei Orientalibus Episcopis: quod utique signum est eum, hac in re, non fuisse pertinaciter Stephanò obstrictum.

His adde, quod ipsemet consuluerit Sixtum Stephani successorem, utrum rebaptizare deberet senem quemdam, ab hæreticis baptizatum, qui eorum Baptisma execratus à Catholicis baptizari postulabat, ut constat ex ejus Epistola apud Eusebium lib. 7. Historiæ c. 8. Sic autem non se gessisset Dionysius, nisi sententiam Stephani fuisset amplexus, & opinionem Africanorum Episcoporum deseruisset; nam alioqui incunctanter hunc hominem baptizasset, maxime cum ex eo acciperet præter Ecclesiæ formam ab hæreticis fuisse baptizatum.

Ad secundum distingo majorem: Baptismus ab Arianis collatus in nomine Patris, & Filii, & Spiritus sancti, vanus est, & inutilis, quantum ad primarium effectum, nempe gratiam, concedo: quantum ad secundum effectum, nempe characterem, nego: Quòd autem sic exponendus sit S. Athanasius, constat ex his verbis, in periculum veniunt, ne amittant integritatem mysterii; si enim reverà irritum esset eorum Baptisma, quantum ad omnes effectus, non dicerentur in periculum venire, am-

amittendæ integritatis myſterli, ſed abſque ulla dubitatione dicerentur talem integritatem amittere. *Vel dico ipſum loqui de Arianis, qui licet Patris, & Filii nomen exprimerent: fortè eis addebant nomina Creatoris, & creaturæ, Factoris, & facturæ; unde ſubdit: Non in Patre, & Filio tribuunt Baptiſma Ariani, ſed in Creatore, & creatura, in Factore, & factura: ſicut igitur creatura quiddam diverſum eſt à Filio, ita diverſum quiddam à vero Baptiſmate eſt, quod ab ipſis exiſtimatur dari.*

Ad S. Cyrillum, & Optatum reſpondeo, quod licet abſque ulla diſtinctione dicant, hæreticos eſſe extraneos à Catholicis ſacramentis, & eos eſſe rebaptizandos: quia prius eorum baptiſma, nullum erat: attamen cum diſtinctione ſunt intelligendi, nempe de hæreticis, quos exiſtimabant peccare in forma: Optatus enim lib. 5. apertè docet, poſt Trinitatem non licere in Trinitate baptizare: *Quid, inquit, vobis viſum eſt, non poſt nos, ſed poſt Trinitatem baptiſma geminare? cuius de ſacramento non leve certamen innatum eſt, & dubitatur an poſt Trinitatem in eadem Trinitate hoc iterum liceat facere: Vos diſcitis, licet, nos dicimus, non licet: inter licet veſtrum, & non licet noſtrum, numerant animæ populorum.*

Ad S. Bernardum. Dico eum ibi loqui de quibuſdam hæreticis, qui Apoſtolicos ſe nominabant, qui cum non eſſent Sacerdotes ordinati, ut colligitur ex eo quod nomen eos ruſticanos, idiotas, & prorsus contemptibiles, dicatque eos detrudere ordinibus Eccleſiæ, & eſtimare omnes Archiepiſcopos, Epicoſcopos, & Presbyteros eſſe peccatores: Cum, inquam, non eſſent ordinati, nihilominus Manichæorum hæreſim excitantes, ciboſque communes aſpernantes ut immundos, & indignos, qui trajicerentur in Chriſtianum ſtomachum, aſſerebant ſe poteſtatem habere quotidie in menſa

ſua conſecrandi corporis Chriſti, ut ſe in corpus, & membra Chriſti nutrent, & foverent.

Obijcies quintò: Sententia de recipiendo ab hæreticis collato Baptiſmate, nullo legitimo fundamento nititur: igitur non eſt alteri præferenda. Probatur antecedens: Eccleſiaſtica dogmata fundari debent, vel in Scriptura ſacra, vel in Evangelica, & Apoſtolica Traditione: at ita non eſt de hæſententia, ſiquidem nullis Scripturæ teſtibus apertè declaratur: non etiam, nititur legitima Traditione: omnis enim legitima Traditio, de Dominica, vel Apoſtolica auctoritate deſcendit: at ita non eſt de illa Traditione, quam Stephanus Pontifex oſtendebat: nuſquam enim in Evangelio, aut Apoſtolorum Epistoſis, vel Actibus habetur, ſuſcipiendos eſſe hæreticos baptizatos cum ſola manuſ imponitione: igitur humana duntaxat erat illa Traditio, cui propterea meritò reluſtabatur ſanctus Cyprianus cum Africanis Epicoſpis.

Nego antecedens, & minorem illius probationis: Traditio enim illa eſt verè Apoſtolica; nam, ut præclare docet S. Auguſtinus lib. 4. de Baptiſmo ca. 24. „ Quod univerſa tenet Eccleſia, nec „ Conciliis inſtitutum, ſed ſemper re- „ tentum eſt, non niſi auctoritate Apo- „ ſtolica tractum, certiffimè creditur, „ ac rectè baptizatos, à quavis hæreſi venientes ad Eccleſiam, abſque novo Baptiſmate recipiendos, antiquiſ- „ ſima conſuetudo ſemper, & ubique tenuit ante Stephanum, & ea nullo „ ſancita Concilio, ſed unanimi totius „ Eccleſiæ conſenſu; nam ipſo teſte „ Cypriano, firma fuit ante Agripinum, „ & hic eam primus correxit, ſeu potius corrupit, neque novitas inducta „ per Agripinum ubique recepta fuit, „ nec ab Agripino vigit apud Africanos ad Cyprianum uſque, ſicuti ſuprà diximus. *Et antea cap. 6.* Non

„ invenimus aliquem , cùm apud hæ-
 „ reticos baptizatus esset, in eo Baptis-
 „ mo admissum esse , & communicasse
 „ temporibus Apostolorum : at nec in-
 „ venimus ab hæreticis aliquem ve-
 „ nientem, qui fuerit apud illos bapti-
 „ zatus , ab Apostolis denuò baptiza-
 „ tum . *Et ibidem* : Quod accepimus
 „ ab Apostolis , quod Ecclesiæ consue-
 „ tudo semper tenuit , quod plenarium
 „ Concilium confirmavit , hoc sequi-
 „ mur .

„ *Et 2. de Baptismo cap.6.* Nolite no-
 „ bis objicere auctoritatem Cypriani
 „ ad Baptismi repetitionem , sed tene-
 „ te nobiscum exemplum Cypriani ad
 „ unitatis conservationem ; nondum
 „ erat diligenter illa Baptismi quæstio
 „ pertractata, sed tamen celeberrimam
 „ consuetudinem tenebat Ecclesia ; In
 „ ipsis quoque schismaticis , & hæreti-
 „ cis corrigere , quod pravam est, non
 „ iterare, quod datum est ; sanare quod
 „ vulneratum est , non curare , quod
 „ sanum est : quam consuetudinem
 „ credo, ab Apostolica Traditione ve-
 „ nientem .

His adde , quòd tam Cyprianus
 ipse , quam ejus collegæ in Concilio a-
 pertè agnoverint consuetudinem , &
 Traditionem Ecclesiasticam sibi adver-
 sari ; siquidem pluries inculcavit con-
 suetudinem debere veritati cedere ;
 nam ibi Libofus Vagenfis Episcopus
 sententiam suam ferens, ait : *In Evan-
 gelio Dominus, Ego sum, inquit, veritas,*
non dixit , ego sum consuetudo ; itaque
veritate manifestatà , cedat consuetudo
veritati . Et Cassus Siccensis : *Qui con-*
temptà veritate præsumit consuetudinem
sequi , aut circa fratres invidus est , &
malignus, quibus veritas revelatur ; aut
circa Deum ingratus est , cujus inspira-
tione Ecclesia ejus instruitur . Idem pro-
 ferunt alii plurimi Episcopi in eodem
 Concilio, ut videre est apud S. Augusti-
 num lib. 3. de Baptismo , cap. 7. & se-
 quentibus .

Urgebis : Illa traditio cenferi non
 potest Apostolica , cujus contraria vi-
 gebat apud plurimas Ecclesias : sed ita
 est : nam consuetudini de recipiendis
 ab hæresi venientibus abique novo Ba-
 ptismate contrariam consuetudinem
 objicit Firmilianus Cæsareæ Cappado-
 cum Episcopus in sua epist. ad S. Cy-
 prianum, ubi cùm dixisset : *Quod autem*
pertinet ad consuetudinem refusandam ,
quam videntur opponere veritati , quis
tam vanus sit , ut veritati consuetudinem
præferat ; aut quis perspectà luce tenet-
bras non derelinquat , nisi est Judæos
Christo adveniente, id est, veritate, adju-
vat in aliquo antiquissimo consuetudo ;
quòd reliquà novà veritatis vià , in vctu-
state permanserit . Quod quidem adver-
 sus Stephanum, vos dicere Afri potestis,
 cognitâ veritate , errorem vos consuetu-
 dinis reliquistes, statim subdit. *Ceterum*
nos veritati, & consuetudinem jungimus,
& consuetudini Romanorum consuetudi-
nem , sed veritati opponimus , ab initio
hoc tenentes , quod ab Apostolis nec me-
minimus hoc apud nos capisse ; cùm sem-
per istic observatum sit , ut non nisi unam
Dei Ecclesiam nossemus , & S. Baptisma
non nisi sanctæ Ecclesiæ computaremus .
 Insuper S. Cyprianos epist. ad Jubaja-
 num : *Non nova , inquit , apud nos aut*
repentina res est , ut baptizandos conse-
amus eos , qui ab hæreticis ad Ecclesiam
veniunt ; quando multi jam anni sunt ,
& longa ætas, ex quo sub Aleripino bonæ
memoriæ viro convenientes in unum Epi-
scopi plurimi hoc statuerunt : Igitur illa
consuetudo , quâ nitebatur S. Step-
hanus Romanus Pontifex ; non erat Apo-
stolica, neque universalis .

Distinguo minorem : Objiciebat con-
 suetudinem reverà ab Apostolis tradi-
 tam de rebaptizandis iis , qui ab hære-
 ticis baptizati non fuerant in debita
 forma , & materia , concedo : qui legiti-
 màm formà , & materià ab hæreticis
 Baptisma susceperant , nego . *Ad Fir-*
milianum autem dico , ipsum studiò
 par-

partium, & animi livore percitum, quòd à Stephano summo Pontifice unà cum suis Collegis excommunicatione fulminatus esset, plura in ipsa epistola ad Cyprianum comminisci, quæ non solum à veritate erant omnino aliena; sed etiam apertam rerum Ecclesiasticarum ignorantiam præ se ferebant. Nam *ibidem* asserit, Hermogenem, Cerinthum, & Basilidem, post longam ætatem ab Apostolorum tempore vixisse, cum tamen ex S. Ignatio epist. 5. ad Trallenses, & epist. 10. ad Smirnenes apertissime constet, prædictos hæreticos fuisse Apostolis cœvos. *Ibidem*, etiam Romanam Ecclesiam damnat, quòd diversâ die celebraret Pascha ab ea, quam tradiderant Apostoli, quibus apertè Judæis, & Quartodecimanis jam antea ab Ecclesia proscriptis favebat. Tandem falsò supponit Stephanum, & Ecclesiam Romanam approbare Baptisma quorumlibet hæreticorum, putà Kataphrygarum, & aliorum, qui non baptizabant etiam in legitima Ecclesiæ forma. Supponit pariter morem viguisse apud Orientales rebaptizandi omnes hæreticos ad Ecclesiam venientes, etiam eos, qui baptizati fuerant in debita forma, & materia; quod omnino erat alienum à veritate.

Ad S. Cyprianum respondet S. Augustinus lib. 3. de Baptismo, cap. 12. ejus sententiam cum proprio illius facto pugnare: Nam, inquit: *Si permanebat ab Agripino usque ad Cyprianum consuetudo baptizandi ab hæreticis venientes, ut quid facta sunt à Cypriano de hac re Concilia? Et quid eidem Subajano dicit, non se rem novam facere aut repentinam, sed ab Agripino institutam? Cur enim Subajanus de novitate turbaretur, ut cum per auctoritatem Agripini sanari oporteret, si ab Agripino usque ad Cyprianum hoc tenebas Ecclesia? Cur denique tot ejus collegæ in Concilio dixerunt rationem, & veritatem consuetudini præponendam, ac non*

potius dixerunt eos, qui aliud facere velent, & contra veritatem, & contra consuetudinem facere?

Objicies sexto. Ex S. Cypriano: ille non potest validè baptizare, qui non potest dare remissionem peccatorum: sed hæretici non possunt dare remissionem peccatorum.

Respondet S. Augustinus lib. 5. cap. 2. de Baptismo, distinguendo minorem: hæretici non possunt suis sectatoribus dare remissionem peccatorum propter defectum potestatis conferendi Baptismum, quâ remitterentur peccata, negat: propter defectum fidei, & charitatis in suscipientibus, concedit: Proinde, inquit, *consentimus Cypriano, hæreticos remissionem dare non posse; Baptismum autem dare posse; quod quidem illis, & dantibus, & accipientibus valeat ad perniciem, tanquam tantò munere Dei malè utentibus: sicut etiam maligni, & invidi, quos & intus esse ipse testatur, remissionem peccatorum dare non possunt; cum eos tamen Baptismum dare posse omnes fateantur.*

Inflabat S. Cyprianus: Illi non possunt dare remissionem peccatorum, qui non habent Spiritum sanctum; siquidem Christus D. Joannis 20. dixit: Sicut misit me Pater, & ego mitto vos; hoc cum dixisset, insufflavit, & dixit: Accipite Spiritum sanctum, quorum remiseritis peccata, &c. sed hæretici non habent Spiritum: igitur, &c.

Respondet S. Aug. lib. 2. contra epistolam Parmeniani, hoc oraculo significatum iri baptismum non solum per hominem, sed etiam hominis, esse si „ postea quam dixit: *Eccc ego mitto vos,* „ *subjecisset continuò: Si cui dimiseritis* „ *peccata, dimittentur: & si cui te-* „ *nueritis, tenebuntur; Cum verò inter-* „ *positum est, hoc cum dixisset, insuff-* „ *flavit, & ait illis, Accipite Spiritum* „ *sanctum, & deinde illatum, per eos* „ *vel remissionem, vel retentionem fieri* „ *peccatorum; satis ostenditur, non*
iplos

„ ipsos id agere, sed per eos utique.
 „ Spiritum sanctum, sicut alio loco dicitur: *Non enim vos estis, qui loquimini sed Spiritus sanctus, qui in vobis est.*
 „ Spiritus autem sanctus in Ecclesie præposito, vel Ministro sic inest, ut si factus non est, operetur per eum Spiritus sanctus, & ad ejus mercedem in salutem sempiternam, & eorum regenerationem, vel ædificationem, qui per eum sive consecrantur, sive evangelizantur. Si autem factus est, quoniam verissimè scriptum est. *Spiritus enim sanctus disciplinæ effugiet filium,* deest quidem saluti ejus, ut auferat se à cogitationibus, quæ sunt sine intellectu; ministerium tamen ejus non deserit, quo per eum salutem, operatur aliorum.

„ Urgebat S. Cyprianus: Ille non potest conferre remissionem peccatorum etiam homini bene disposito, qui peccatis inquinatur; etenim, Deus peccatorem non audit, & nemo dat, quod non habet.

Respondet S. Augustinus ibid. c. 20. Si ad hoc valet, quod dictum est in Evangelio, *Deus peccatorem non audit*, ut per peccatorem Sacramenta non celebrentur: quomodo exaudit homicidam deprecantem, vel super aquam Baptismi, vel super oleum, vel super Eucharistiam, vel super capita eorum, quibus manus imponitur? Quæ omnia tamen, & fiunt, & valent etiam per homicidas, id est, per eos, qui oderunt Fratres, etiam in ipsa Intus Ecclesia. Cum dare nemo possit quod non habet; quomodo dat homicida Spiritum sanctum? Et tamen ipse intus etiam baptizat: Deus ergo dat etiam ipsò baptizante Spiritum sanctum.

Instat S. Cyprianus: Non potest ritualia agere, & conferre, qui amisit Spiritum sanctum: sed hæreticus amisit Spiritum sanctum: igitur, &c.

Respondet Augustinus ibidem c. 21. Tom. X.

Si quisquis sanctum Spiritum dare non potest, baptizare non potest; cur intus baptizat homicida? aut quomodo Spiritum sanctum habet homicida; cum omnis, qui sanctum Spiritum habet, illuminatus sit; qui autem odit fratrem suum, in tenebris sit usque adhuc?

Obijcit septimò S. Cyprianus epist. ad Jubajanum: Qui foris baptizatur, utique id accipit quod credidit; falsum, autem credens verum accipere non potest; adultera, & profana, secundum quod credebatur, accipit.

Respondet S. Augustinus lib. 3. de Baptismo. cap. 14. Non interest cum de Sacramenti integritate, & sanctitate tractatur, quid credat, & quali fide imbutus sit ille, qui accipit Sacramentum. Interest quidem plurimum ad salutis viam, sed ad Sacramenti questionem nihil interest. Fieri enim potest, ut homo integrum habeat Sacramentum, & perverfam fidem: sicut fieri potest, ut integra teneat verba Symboli, & tamen non rectè credat, sive, de ipsa Trinitate, sive de Resurrectione, vel aliquid aliud. Neque enim parva res est in ipsa Intus Catholica tenere integram fidem; ita ut omnino non de aliqua creatura, sed de ipso Deo nihil aliud credat, quam veritas habet. Nunquid nam ergo in ipsa Catholica baptizatus, postea legendo, audiendo, & pacificè differendo, ipsò Dominò revelante cognoverit aliter se antè credidisse, quam debuit, denudè baptizandus est? Quamobrem, ut rectè observat S. Augustinus lib. 6. cap. 1. B. Cyprianus cum suis sectatoribus non alia ratione censuit, non esse posse apud hæreticos, vel schismaticos Baptismum Christi, nisi quia non distinguebat Sacramentum ab effectu vel usu Sacramenti, & quia ejus effectus atque usus in liberatione à peccatis, & eorum restitutione non inveniebatur, ipsam quoque Sacramentum non illic esse putabatur.

Obijcit octavò epistolà ad Pompejum: Eccle-

Ecclesia, & Spiritus sanctus, & Baptisma ab invicem non possunt separari; & ideo qui ab Ecclesia separati sunt, & à Spiritu sancto, etiam à Baptismo separatos esse oportet.

Respondet S. Augustinus libro 5. de baptismo cap. 23. Si ita est, cum quisquis in Ecclesia Catholica Baptismum acceperit, tandiu in ea manet, quandiu in Ecclesia & ipse manet: Si autem inde discesserit, discessit à Baptismo, quod non ita est; nam ideo redeunt non redditur, quia cum discessit, non amittit; quemadmodum autem Spiritum sanctum, sicut habent filii dilecti, non habent filii mali, qui, & tamen Baptismum habent: sic, & Ecclesiam sicut habent Catholici, non habent heretici; & tamen Baptismum habent. Itaque sicut potest Baptisma esse, unde se aufert Spiritus sanctus, ita potest esse Baptisma, ubi non est Ecclesia.

Obijcit nonò S. Cyprianus: Non potest vis Baptismi major esse aut potior, quàm Confessio, quàm passio: sed confessio, & passio, seu Baptismus sanguinis hereticorum non prodest, quamvis Christum confessus extra Ecclesiam fuerit occisus; igitur nec Baptismus prodesse potest.

Respondet S. Augustinus lib. 4. de Baptismo, cap. 17. majorem esse veram, quantum ad effectum sanctificationis; non verò quantum ad veritatem Sacramenti: Hoc verissimum est, inquit, extra Ecclesiam quippe occisus charitatem non habuisse convincitur, de qua Apostolus dicit: Et si tradidero corpus meum ita ut ardeam, charitatem autem non habeam, nihil mihi prodest. Quod si propter hoc, quia charitas deest, passio nihil prodest, nec illis prodest, quos in invidia intus, & malevolentia sine charitate vivere Paulus dixit, Cyprianus exponit: & tamen verum Baptisma possunt, & accipere, & tradere.

Urget S. Cyprianus: Salus extra Ecclesiam non est.

Respondet S. Augustinus ibidem: Qui negat? & ideo quæcumque ipsius Ecclesia habentur, extra Ecclesiam non valent ad salutem. Sed aliud est non habere, aliud non utiliter habere. Qui non habet, est baptizandus ut habeat: qui autem non, utiliter habet, ut utiliter habeat corrigendus.

Obijcit decimò: Si hereticorum Baptisma approbatur, heretici exinde existimabant se habere veram Ecclesiam, & idcirco ad Catholicam Ecclesiam se se recipere reuenerunt; ait autem: Nec quisquam existimet hereticos, eo quod illis Baptisma apponitur, quasi secundi Baptismi vocabulo scandalizatos, ut ad Ecclesiam veniant retardari: immodò verò hoc ipsò magis ad necessitatem veniendi testimonio ostensa sibi, & probata veritatis adiunguntur. Nam si viderint iudicio ac sententiâ nostrâ id decerni, & statui, ut Baptisma iustum, & legitimum computetur, quo illic baptizantur; putabunt se Ecclesiam quoque, & cetera Ecclesie munera iuste, & legitime possidere; nec erit causa veniendi ad nos, quando habentes Baptisma, habere videantur, & cetera. Porro autem cum cognoscunt Baptisma nullum foris esse, nec remissionem peccatorum extra Ecclesiam dari posse, avidius ad nos, & promptius properant, & munera ac dona Ecclesie matris implorant; certi pervenire se omnino non posse ad veram divinæ gratiæ pollicitationem, nisi prius venerint ad Ecclesie unitatem.

Simile argumentum urgebant Donatistæ, ut refert S. Augustinus lib. 1. de Baptismo, ca. 11. Querunt etiam. Utrum peccata dimittantur per Baptismum in parte Donati: ut si dixerimus dimitti, respondeant: Ergo est illic Spiritus sanctus, quia cum insufflante Domino datus esset Discipulis, tunc secutus est, & ait: Baptizate gentes in nomine Patris, & Filii, & Spiritus sancti.

„ sancti : si cui dimiseritis peccata, di-
 „ mittuntur ei; si cui tenueritis, tene-
 „ buntur . Et si ita est, inquit, com-
 „ munitio nostra est Ecclesia Christi . Non
 „ enim præter Ecclesiam, dimissionem
 „ peccatorum Spiritus sanctus opera-
 „ tur . Et si nostra communio est Eccle-
 „ sia Christi, non est Ecclesia Christi ve-
 „ stra communio . Una est enim, quæ-
 „ cunque illa sit, de qua dictum est :
 „ *Una est columba mea, una est matris*
 „ *super me.* Nec possunt Ecclesiæ tot esse, quot
 „ schismata . Si autem dixerimus, non
 „ ibi dimitti peccata: ergo, inquit,
 „ non est illie verus Baptismus; & pro-
 „ pterea quos à nobis suscipitis, vos
 „ baptizare debetis, quod quia non fa-
 „ citis, in Ecclesia Christi vos non esse
 „ fateamini .

Respondet 1. S. Augustinus lib. 5. de
 Baptismo, cap. 2. S. Cyprianus ibidem
 fateri, ab hæreticis baptizatos reverè
 posse salvari; cum enim sibi opposuisset
 S. Cyprianus: *Quid ergo fiet de his, qui*
in præteritum ad Ecclesiam de hæresi ve-
nientes sine Baptismo admissi sunt? Res-
 pondet: *Potens est Dominus, misericor-*
diam suam indulgentiam dare, & eos qui ad
Ecclesiam simpliciter admissi in Ecclesia
dormierunt, ab Ecclesiæ suæ muneribus
non separare. Quæ verba sic expendit
 S. Augustinus Bene quidem præsum-
 „ pfit, quòd charitas unitatis possit coo-
 „ perire multitudinem peccatorum ;
 „ quòd si habebant Baptismum, & de
 „ aliis non rectè sentiebatur; qui eos
 „ denuò baptizandos esse censebant id
 „ erratum cooperiebat unitatis chari-
 „ tas, quandiu inerat ista non diabolica
 „ dissensio, sed humana tentatio .

Argumentum autem sic illud re-
 „ torquet : His ita, inquit, resistimus
 „ secundum Scripturas, eos interro-
 „ gantes, ut quod à nobis quærunt, sibi
 „ ipsis respondeant. Quæro enim ut di-
 „ cant, utrum dimittantur peccata, ubi
 „ charitas non est: peccata enim tene-
 „ bræ animarum sunt. Audimus quippe

„ Joannem dicentem: *Qui odit fratrem*
 „ *suum, in tenebris est usque adhuc.* Nul-
 „ li autem schismata facerent, si fra-
 „ ternò odio non excecarentur. Si ergo
 „ dicimus, non ibi dimitti peccata,
 „ quomodo renascitur qui apud eos
 „ baptizatur? Quid est enim renasci
 „ per Baptismum, nisi à vetustate, cui
 „ peccata præterita non dimittuntur?
 „ Quòd si renatus non est, nec Chri-
 „ stum induit, ex quo conficitur, ut
 „ denuò baptizandus videatur, quia
 „ dicit Apostolus: *Quotquot in Christo*
 „ *baptizati estis, Christum induistis:*
 „ quem ille si non induit, nec in Chri-
 „ sto baptizatus habendus est. Porro
 „ quia in Christo dicimus baptizatum,
 „ fatemur eum Christum induisse. Et si
 „ hoc fatemur, regeneratum fatemur.
 „ Quòd si ita est, & peccata dimissa,
 „ sunt,

Inflabant Donatistæ, ut refert S. Au-
 gustinus ibidem, cap. 10. Baptismus
 Christi collatus ab hæreticis generat
 filios apud ipsos hæreticos, vel non ge-
 nerat; si generet: ergo illi habent Eccle-
 siam matrem, quæ filios potuit de Chri-
 sti Batismate generare; cum autem,
 oporteat unam esse Ecclesiam, conse-
 quens est eos veram Ecclesiam habere :
 Si dixerimus, non generat, inquit S. Au-
 gustinus, statim subsumunt: Cur ergo
 apud vos non renascuntur per Baptis-
 mum, qui transeunt à nobis ad vos, cum
 apud nos fuerint baptizati, si nondum
 nati?

Respondet S. Augustinus ibidem: Quasi
 verò ex hoc generet, unde separata est,
 & non ex hoc unde conjuncta est: Se-
 „ parata est enim à vinculo charitatis,
 „ & pacis, sed adjuncta est in uno Ba-
 „ ptismate. Itaque est una Ecclesia, quæ
 „ sola Catholica nominatur, & quid-
 „ quid suum habet in communionibus
 „ diversorum à sua unitate separatis,
 „ per hoc quod suum in eis habet; ipsa
 „ utique generat, non illæ; neque enim
 „ separatio earum generat, sed quod

„secum de ista tenuerunt; quod si, &
 „hoc dimittant, omnino non gene-
 „rant. Hæc itaque in omnibus gene-
 „rat, cujus Sacramenta retinentur;
 „unde possit tale quid ubicunque ge-
 „nerari: quamvis non omnes, quos
 „generat, ad ejus pertineant unita-
 „tem; quæ usque in finem perseveran-
 „tes salvat; neque enim hi soli ad eam
 „non pertinent, qui separationis aper-
 „tò sacrilegiò manifesti sunt, sed etiam
 „illi, qui in ejus unitate corporaliter
 „mixti per vitam pessimam separantur
 „etenim Simonem Magum per Ba-
 „ptisma ipsa pepererat; cui tamen di-
 „ctum est, quod non haberet partem
 „in hæreditate Christi. Nunquid ei
 „Baptismus, nunquid Evangelium,
 „nunquid Sacramenta defuerunt? Sed
 „quia ei charitas defuit, frustra natus est,
 „& ei expediebat fortasse non nasci.

Urgebant Donatistæ: Si Baptismus
 nostrum acceptatis, quid minus habemus,
 ut nobis de vestra communione
 consulendum putetis?

Respondet S. Augustinus, ibidem c. 14.
Non Baptismus vestrum acceptamus,
quia est Baptismus ille hæreticorum, vel
schismaticorum; sed Dei, & ubicunque
fuerit inventus, & quocunque transla-
tus. Vestrum autem non est, nisi, quod
pravè sentitis, & sacrilegè agitis, & im-
piè separamini.

Objiebat undecimò S. Cyprianus:
 Apostoli, ut legimus Act. 19. Baptiza-
 runt iterum eos, qui à S. Joanne Bap-
 tista tincti fuerant: sed hæretici non
 sunt meliores, aut majores Joanne Bap-
 tistâ: igitur nec potior eorum Baptis-
 mus, ac subinde multò magis, qui ab
 eis baptizati sunt, iterum sunt baptiz-
 andi.

Respondet S. Augustinus lib. 5. ca. 9.
 non ob aliud à Joanne tinctos iterum
 fuisse baptizatos, quàm quia Joannis
 Baptismus non fuerit Christi Baptis-
 mus, sed Joanni à Christo concessus:
 ideo autem à Joanne baptizati iterum

erant baptismò Christi iniciandi; quia;
 ut subdit cap. 10. *Quoniam ita cre-*
dam baptizasse Joannem in aqua Peni-
tentiæ in remissionem peccatorum, ut ab
eo baptizatis in spe remitterentur pecca-
ta; reipsa verò in Domini baptismo id
fieret. Unde in forma distinguo mino-
 rem: Hæretici baptizantes non sunt
 meliores Joanne Baptistâ, quantum ad
 fidei integritatem, & vitæ sanctimo-
 niam, concedo: quantum ad Baptismi
 dignitatem, & efficacitatem, nego: hæ-
 retici enim debite baptizantes confe-
 runt Christi Baptismum, qui longè me-
 lior est, & præstantior ipso Joannis Ba-
 ptismate.

Objiebant tandem Donatistæ au-
 thoritatem S. Cypriani: Cyprianus, in-
 quunt (apud S. Augustinum lib. 1. de
 „Baptismo, cap. 1.) cujus tantum me-
 „ritum novimus, tantamque doctri-
 „nam, cum multis Cœpiscopis suis
 „sententias proprias conferentibus, in
 „Concilio statuit hæreticos, vel schis-
 „maticos, id est omnes qui extra
 „unius Ecclesiæ Communionem sunt,
 „Baptismum non habere; & ideo quis-
 „quis ab eis baptizatus ad Ecclesiam
 „venerit, esse in Ecclesia baptizan-
 „dus.

Respondet ibidem S. Augustinus:
 „Non me terret authoritas Cypriani,
 „quia reficit humilitas Cypriani. Ma-
 „gnum quidem meritum novimus Cy-
 „priani Episcopi, & Martyris. De quò
 „idem Cyprianus in Epistola ad Quin-
 „tum ita loquitur: Nam nec Petrus,
 „inquit, quem primum Dominus ele-
 „git, & super quem ædificavit Eccle-
 „siam suam, cum secum Paulus de
 „Circumcisione disceptaret, postmo-
 „dum vindicavit sibi aliquid insolent-
 „ter, aut arroganter assumpsit, ut
 „diceret se primatum tenere, & ob-
 „temperari à novellis, & posteris, sibi
 „potius oportere. Nec despexit Pau-
 „lum, quòd Ecclesiæ prius persecutor
 „fuisset, sed Concilium veritatis ad-
 „misit,

„ mist, & rationi legitima, quam Pau-
 „ lus vendicabat, facile consensit, do-
 „ cumentum scilicet nobis, & concor-
 „ diæ, & patientiæ tribuens, ut non per-
 „ tinaciter nostra amemus, sed quæ
 „ aliquando à fratribus, & collegis
 „ nostris utiliter, & salubriter sugge-
 „ runtur, si sint vera, & legitima, ipsa
 „ potius nostra ducamus. *Ex quibus*
 „ *infert S. Augustinus:* Si ergo potuit
 „ Petrus contra veritatis regulam,
 „ quàm postea Ecclesia tenuit, cogere
 „ Gentes judaizare, cur non potuit Cy-
 „ prianus contra regulam veritatis,
 „ quam postea tota Ecclesia tenuit, co-
 „ gere hæreticos, vel schismaticos de-
 „ nuò baptizari? Puto quòd sine con-
 „ tumelia Cyprianus Episcopus Petro
 „ Apostolo comparatur, quantum at-
 „ tinet ad martyrii coronam. Cæterum
 „ magis vereri debeo, ne in Petrum
 „ contumeliosus existam: quis enim
 „ nescit illum Apostolatûs principa-
 „ tum cuilibet Episcopatu præferen-
 „ dum? Sed etsi distat cathedrarum,
 „ gratia, una tamen est Martyrum glo-
 „ ria, &c.

QUÆRES I. *Utruna pax, & communio inter SS. Stephanum, & Cyprianum in illa celebri de Baptismo controversa, soluta fuerit, & extincta?*

R *Espondeo* verisimilius esse salvâ pace, & vigente mutua charitate, ac confederatione, illam controversiam agitatam fuisse, nec inter utrumque mutua communionis, & charitatis vinculum fuisse solum: Tum quia ipsemet S. Cyprianus mutua charitatis, & concordia zelantissimus, pacem in omnibus semper sectandam prædicavit, ut constat ex omnibus ejus epistolis de ejusmodi controversia scriptis: Tum quia ipse hac occasione scripsit librum de Unitate, ut nempe omnes Coepiscopos ad servandam pacem, & concordium adhortetur: Tum quia in tertio

Concilio Carthaginensi ab eo propter hanc controversiam celebrato, Coepiscopos initio Concilii sic alloquitur: *Supereſt*, inquit, *ut de hac re singuli, quid sentiamus, aperiamus, neminem judicantes, aut à jure communionis aliquem si diversum senserit, amoventes.* Tum denique, quia nullibi legitur Stephanum summum Pontificem S. Cyprianum, aut ejus Coepiscopos ab Ecclesiastica communione seposuisse.

Cæterum hanc veritatem plurimis momentis urget S. Augustinus contra Donatistas, schismaticos, & hereticos; sic enim scribit lib. 1. de Baptismo, c. 6. *Quæſtionis hujus obscuritas prioribus Ecclesiæ temporibus ante schisma Donati magnos viros, & magna charitate præditos Patres Episcopos ita inter se compulſit, salva pace diſceptare, atque ſuſtinere, ut diu Conciliorum in ſuis quibusque regionibus diverſa ſtatuta mutaverint, donec plenario totius orbis Concilio, quod ſaluberrime ſanciebatur, etiam remotis dubitationibus firmaretur.* Hinc lib. 5. de Baptismo, cap. 25. scriptum ad Pompejum Epistolam excusat, dicens: Stephanus abstinendos putat, verat qui de ſuſcipiendis hæreticis præſcam conſuetudinem convellere conarentur: Iſte autem (Cyprianum dicit) quæſtionis difficultate commotus, & charitatis viſceribus largiſſimè præditus, in unitate cenſuit eſſe manendum cum eis qui diverſa ſentirent; ita quamvis commotus, ſed tamen fraternè indignaretur; vicit tamen pax Chriſti in cordibus eorum, ut in tali diſceptatione nullum inter eos ſchiſma oriretur.

Item l. 2. sæpe objurgat Donatistas, quòd Cypriani auctoritatem pro ſuo ſchiſmate aſſumerent, & ejus exemplum pro Eccleſiæ pace reſpuerent. Et eodem lib. cap. 5. ſibi objiciens quomodo teneant veritatem, qui in rebus obſcurioribus diverſa ſentiant; aut quomodo accipiant veritatem, cum

„ cum contra id, quod sentiebant, de-
 „ claratum esse cognoscunt? *Respon-*
 „ *det*, quorum duorum manifestatum
 „ tenemus: unum in B. Cypriano, id
 „ est quomodo tenuerit unitatem cum
 „ eis à quibus diversum sentiebat: ait
 „ enim (in principio tertii sui Conci-
 „ lii) Neminem judicantes, aut à jure
 „ communionis aliquem si diversum
 „ senserit amovescentes. Alterum autem
 „ quomodo accipere potuerit verita-
 „ tem contra id, quod sentiebat inven-
 „ tam? Et si litteræ tacent, merita cla-
 „ mant: si epistola non invenitur, co-
 „ rona testatur; si Concilium non in-
 „ dicat Episcoporum consortium, in-
 „ dicat Angelorum. Non enim parvum
 „ documentum est pacatissimæ animæ
 „ in ea unitate martyrium meruisse,
 „ unde se diversum sentiens noluit se-
 „ parare.

Insuper lib. de unico Baptismo c. 14.
 contra Petilianum Donatistarum prin-
 cipem, qui S. Stephanum inter Romanos
 Pontifices annumerabat, & eum il-
 libatè gessisse annuebat, sic eum carpit
 S. August. Cum ergo Stephanus non so-
 lum non rebaptizet hæreticos, verum
 etiam hoc facientes, vel ut fieret decer-
 nentes excommunicandos esse censeret, si-
 cut aliorum Episcoporum, & ipsius Cy-
 priani Epistola ostendunt; tamen cum eo
 Cyprianus in unitatis pace permansit;
 quid hic dicturi sunt? Quibus constat in-
 dubitatum fuisse, tum apud Augustini-
 um, tum apud Donatistas, Cypria-
 num nullatenus ab Ecclesiæ unitate per
 excommunicationem fuisse sejunctum.

Hujus autem veritatis assertor ne-
 dum est S. Augustinus, sed, & Vincen-
 tius Lirinensis contra Hæreses cap. 9. &
 S. Hieronymus Dialogo adversus Luci-
 ferianos, ubi loquens de tertio Conci-
 lio à Cypriano celebrato ait: *Sciatis il-*
lum hæc non cum anathemate eorum, qui
se sequi noluerant edidisse; siquidem in
communione eorum permansit, qui senten-
tia sue contrarii erant.

Insuper ibidem asserit, *Omnes prorsus*
Episcopos ad antiquam consuetudinem,
revolutos contrarium, & novam emisisse
decretum. Cujus indicium evidenti-
 mum est, quod Firmilianus ipse cum
 Orientalibus excommunicatus, in cele-
 bri Antiochena Synodo adversus Pau-
 lum Samosatensem federit, & cum in
 Ecclesiæ pace piè sanctèque deſunctum
 Græci colunt, ut constat ex eorum Me-
 naglio die 28. Octobris.

Imò S. Dionysius Episcopus Alexan-
 drinus ipsis cœvus, testatur apud Eu-
 feb. l. 7. c. 3. & 4. S. Cyprianum à S. Ste-
 phano non descivisse unitate, sed sen-
 tentia, atque se Mediatorem extitisse
 illius pacis, quæ tum ex Orientalibus
 tum ex Afris cum Stephano Pontifice,
 anno sequenti, hoc est 259. inita est,
 omnibus illis suam priorem sententiam
 rescindentibus, ut unà cum Stephano
 sentirent.

Nec valet objicere verba Firmiliani
 in laudata epistola: *in qua sepe incul-*
cat, Stephanum pacem cum singulis vario
disseordiarum genere rumpentem, modò
cum Orientalibus... modò vobiscum,
qui in meridie elis à quibus legatos, &c.
 Enim verò suprà monui eum indigna-
 tionè perditum plura contra veritatem
 ibi congerere, cumque eum excommu-
 nicasset Stephanus ob eandem senten-
 tiam, putavit ex Cypriani in Step-
 hanum querimoniis; idem actum à Ste-
 phano cum Afris: sed dispar erat causa:
 Orientales enim hujus controversiæ au-
 thores severiori animadversione erant
 digni, præsertim quòd nulla habita ra-
 tionè majorum decretum contra anti-
 quam consuetudinem calculo firmave-
 rant. Cyprianus verò cum sua decreta
 formavit, semper contestatus est se pa-
 cem, ac unitatem servaturum.

Insuper sprete illi legati non erant ii,
 quos miserat Cyprianus; quippe cum
 nullibi de eo queratur; imò litteras à
 Stephano per nuntium recepit. Fateor
 quidem Stephanum fuisse commina-
 tum

tum excommunicationem, sed quòd eam non fulminaverit, patet ex dictis.

QUÆRES 2. *Utrum S. Cyprianus suam mutaverit, & revocaverit sententiam ante passionem?*

R *Espondeo id probabilius videri:* quia quanquam illa retractatio in ejus scriptis non appareat, tamen idipsum non levia argumenta suadent. *Primò*, quia certum est, non modo Orientales cum Firmiliano, & Dionysio Alexandrino, verùm etiam Episcopos, qui cum S. Cypriano tribus Conciliis Carthaginensibus interfuerant, suam sententiam revocasse, & adhæsisse communi Ecclesiæ Traditioni, quam propugnabat S. Stephanus Pontifex: sed non est verisimile S. Cyprianum solùm pertinaciter sup̄ opinionem adhærere voluisse contra sententiam ab omnibus fidelibus totò orbe propugnatam, & assertam: igitur, &c. Minorem nulus negabit, qui compertam sancti Cypriani humilitatem, & pietatem habuerit: Quà ratione enim vir sanctissimus absque manifesta culpa potuisset suum sensum privatum communi Ecclesiæ sententiæ opponere? Major verò constat: primò quidem de Orientalibus, & Dionysio Alexandrino, ex ipsius Dionysii Epistola ad Stephanum, quæ legitur apud Eusebium lib. 7. epist. 4. ubi mutata sententia, errorem vocat novam Novati pravitatem sententiam eorum, qui contendebant rebaptizandos esse ab hæreticis baptizatos. Idipsum etiam patet ex altera ejusdem epistola ad Sixtum Stephani successorem, in qua, ut suprà diximus, eum consulit, utrum baptizare posset hominem ab hæreticis baptizatum. Constat etiam ex collegis S. Cypriani: Sic enim scribit S. Hieronymus dialog. contra Luciferanos: *Conatus est, inquit, B. Cyprianus contritos lacus fugere, nec bibere de aqua aliena, & idcirco hæreticorum ba-*

ptisima reprobat ad Stephanum tunc Romæ urbis Episcopum, qui à B. Petro viginti sextus erat, super hac re Africanam Synodum direxit, sed conatus ejus frustra fuit. Denique illi ipsi Episcopi, qui rebaptizandos hæreticos cum eo statuerant: ad antiquam consuetudinem revolati, novum emisere decretum. Idipsum testatur Vincentius Lirinensis in Commonitorio primo n. 54. Postremò, inquit, ipsius Africani Concilii, sive decreti, quæ vires? Deo donante nullæ, sed universa tanquam somnia; tanquam fabulæ, tanquam superflue, antiquitæ, abolitæ, calcatæ sunt.

Probatur secundò, ex S. Augustino, qui idipsum affirmat pluribus in locis, maximè epistol. 48. quæ est ad Vincen-
tium, ubi post medium ait: *Cyprianus sensisse aliter de Baptismo, quam forma, & consuetudo habebat Ecclesiæ, non in Canonicis, sed in suis, & in Concilii litteris invenitur: correxisse autem istam sententiam non invenitur, non incongruenter tamen de tali viro existimandum est, quod correxerit, & fortasse suppressum sit ab eis, qui hoc errore utinam delectati sunt, & tanto velut patrocini carere noluerunt. Quanquam non desint, qui hæc Cyprianum prorsus non sensisse contendunt: sed sub ejus nomine à præsumptoribus, atque mendacibus fuisse confictum: neque enim se potuit integritas, atque notitia litterarum, unius quantumlibet illustri Episcopi custodire: quemadmodum Scriptura Canonica, tot linguarum litteris, & ordine, & successionē celebrationis Ecclesiasticæ custoditur; contra quam tamen non defuerunt, qui sub nominibus Apostolorum multa confingerent. . . . Nos tamen non negamus illud sensisse Cyprianum, quod & stylus ejus habet quandam propriam faciem, qua possit Agnosci.*

Idem apertè docet lib. 2. de Baptismo cap. 5. ubi sic loquitur de Cypriano: Quomodo accipere potuerit veritatem contra id, quod sentiebat inventam, & si littere

tacent, merita clamant; epistola non invenitur, corona testatur: si Concilium non indicat Episcoporum, consortium indicat Angelorum: non enim parvum documentum est pacatissima anima in ea unitate Martyrium meruisse, unde se diversa sentiens noluit separare. Homines enim sumus; unde aliquid aliter sapere, quàm se rei habet, humana tentatio est: nimis autem amando sententiam suam, aut invidendo melioribus, usque ad præscindenda communionis, antecendenda secessionis, vel hæresi, sacrilegia pervenire, diabolica præsumptio est; in nullo autem aliter sapere, quàm rei habet, Angelica perfectio est: quia itaque homines sumus, sed spe Angeli, quibus æquales erimus in Resurrectione, quandiu perfectionem Angeli non habemus, præsumptionem diaboli non habeamus.

Dicit: S. Augustinus ibidem cap. 4. scribit se nescire, utrum S. Cyprianus suam mutaverit sententiam; ait enim, ipsum illam correctionem fuisse, si quis ei veritatem explicuisset, & consensum Ecclesiæ novisset; non autem ait, ipsum novisse consensum Ecclesiæ, aut aliquem hanc veritatem ei declarasse.

„ Distinguo; Non novit certo, &
 „ indubitato aliquo testimonio, concedo, non novit probabiliter, & ex
 „ vehementi conjectura, nego; ait
 „ enim: Fortasse factum est, sed nescimus; neque enim omnia, quæ illo
 „ tempore gesta sunt inter Episcopos, memorie, litterisque mandari potuerunt, aut omnia, quæ mandata sunt,
 „ novimus. Quomodo enim potuit ista res tantis alterationum nebulis im-
 „ polluta, ad plenarii Concilii luculentam illustrationem, & confirma-
 „ tionem perducì, nisi primò diutius, per orbis terrarum regiones multis
 „ hinc atque hinc disputationibus, & collationibus Episcoporum pertra-
 „ ctata conflarent? Hoc autem facit
 „ sanitas pacis, ut cum diutius aliqua

„ obscuriora queruntur, & propter
 „ inveniendi difficultatem diversas faciunt in fraterna disceptatione sententias, donec ad verum, & liqui-
 „ dum perveniatur, vinculum permaneat unitatis, ne in parte præcisa remaneat insanabile vulnus erroris:
 „ ergo si uni verum demonstranti facile Cyprianus cessisset, ex Augustino; multò magis ille cessit Africanorum, & Orientalium Conciliis, priora sua decreta rescindentibus, nova, & contraria emittentibus, & Stephani Papæ definitioni acquiescentibus.

APPENDIX.

DE CONCILIO PLENARIO, in quo S. Augustinus pluries asserit fuisse definitum non esse rebaptizandos hæreticos.

NON levis est inter Theologos hujus temporis controversia, quodnam Concilium intellexerit S. Augustinus, ubi proscriptum asserit dogma de rebaptizandis ab hæreticis baptizatis. Quidam enim *Arelatense primum* esse conjiciunt; validissimis quidem, ut putant, freti momentis: alii *Bagaiense* ariolantur; quibusdam *Sardienſe* placet: non paucis arridet *Capuanum*; Alii *Constantinopolitanum* adducunt in medium: nec desunt id *Alexandrino* tribuentes; alii denique contendunt non aliud, quàm *Nicænum* designari. Ut autem inter tot invicem pugnantes Authorum sententias, quid verius existimemus, aperte constat.

Observandum inprimis Concilium istud, quocunque tandem fuerit, vocari à S. Augustino aliquando *Concilium plenarium totius orbis*, sic lib. x. de Baptismo adversus Donatistas c. 7. *Quæſtionis hujus obscuritas*, inquit, *prioribus Ecclesiæ temporibus magnos viros, & magna charitate præditos Patres Episcopos ita inter se compulſit, salva pace,*
 di-

discrepare, atque fluctuare, ut dñi Conciliorum in suis, quibusque regionibus diversa statuta nuntaverint, donec PLENARIO TOTIUS ORBIS CONCILIO, quod saluberrimè sentiebatur, etiam remotis dubitationibus firmaretur. Ut & ca. 8. Restat ut hoc de Baptismo piè credamus, quod universa Ecclesia à sacrilegio schismatis remota custodit, in qua tamen si aliud alii, & aliud alii salvà pæce, sentirent, donec UNIVERSALI CONCILIO unum aliquid eliquatum, sincerumque placuisset, humane infirmitatis errorem cooperires charitas unitatis. Et paulò infra, sic subiungit; Antequam PLENARI CONCIILII sententia quid in hac resequendum esset, TOTIUS ECCLESIAE CONSENSU confirmasset, visum est ei (Cypriano) cum fermè 80. Episcopis, &c. Aliàs idem Concilium appellat universa Ecclesia concordissimam auctoritatem: Sic lib. 2. de Baptismo, cum dixisset cap. 3. Quis nesciat Episcoporum litteras per Concilia licere deprehendi, si quid in eis forè à veritate deviatum est, & ipsa Concilia, quæ per singulas regiones, vel Provincias fiunt, plenariorum Conciliorum auctoritati, quæ fiunt ex universo orbe Christiano sine ullis ambagibus cedere? Ipsaque plenaria sæpe priora posterioribus emendari, dum aliquo experimento rerum, aperitur quod clausum erat, & cognoscitur quod latebat, &c. Subjicit cap. 4. Cyprianus tantò excellentior, quantò humilior, satis ostendit facillimè se correctorum sententiam, si quis ei demonstraret Baptismum Christi sic dari posse ab iis, qui foras exierant, quemadmodum amitti non potuit cum foras exirent? Nec nos ipsi tale aliquid auderemus asserere, nisi UNIVERSAM ECCLESIAE CONCORDISSIMAM AUTHORITATE firmati, cui & ipse sine dubio cederet, si jam illo tempore quæstionis huius veritas eliquata, & declarata per PLENARIUM CONCILIUM solidaretur; Si enim Petrum laudat ab uno posteriore Collega patienter, concorditerque corre-

Tom. X.

Hum, quantò citius ipse cum Concilio Provinciae suæ UNIVERSI ORBIS AUTHORITYATI parefilla veritate cessasset? Iterumque paulò post: Quomodo potuit ista res tantis altercationum nebulis involuta ad PLENARI CONCIILII luculentam illustrationem, confirmationemque perducì, nisi primò diutius per orbis terrarum regiones multis hinc atque hinc dispersionibus, & collationibus Episcoporum pertractata confasset?

Interdum verò illud appellat Concilium cunctarum Gentium, & totius orbis Christiani; Sic lib. 5. de Baptismo, cap. 17. ait: Neque enim (Cypriano) placeo, si ejus ingenium, facultat, atque sermonis, & doctrinæ ubertatem sancto Concilio CUNCTARUM GENTIUM, cui profectò interfuit per Spiritus unitatem, præponere assilem. Et paulò infra: Neque illius huic sententia, in qua ei visum est aliter suscipiendos ab hæreticis venientes, quàm vel in præteritum suscipiebantur: sicut ipse testatur, vel nunc suscipiuntur, sicut TOTIUS ORBIS CHRISTIANI PLENARIO CONCILIO rationabilis consuetudo firmata est, mecum propono sententiam, sed Ecclesie sanctæ Catholice, quam sic ille dilexit, & diligit, &c. Ex quibus apertè liquet Concilium illud, de quo S. Augustinus loquitur, verè esse Concilium Oecumenicum, utpote cum illud appellat, non solum plenarium: sed totius Orbis Christiani Concilium: vel universam Ecclesiam quancunque se diffundit auctoritatem: vel Concilium ex universo orbe Christiano factum: vel Ecclesie universæ concordissimam auctoritatem, & alia his similia, quæ passim reperies in ejus libris contra Donatistàs: non enim Concilia Oecumenica aliter appellare solet sanctus Augustinus, quàm Concilia Ecclesie universæ, vel universi Orbis. Sic lib. 4. ad Bonifacium, Pelagianorum superbiam arguit, quod iam damnati in variis Conciliis Provincialibus, & nationalibus ambirent, ut propter illos

A a

Orien-

Orientis, & Occidentis Synodus congregaretur, & Catholicum orbem, quem pervertere non poterant, commovere conarentur. Nec aliunde certè Oecumenici nomen defumitur, nisi quia ex universo Catholico terrarum orbe convocatum est: quale à S. Augustino plenarium Concilium, de quo loquitur, collectum esse significatur: Sic enim S. Leo epist. 49. ait. Vt vocatis de cunctis Provinciis Sacerdotibus, verè possit esse universale Concilium: quapropter septima Synodus actione 6. Constantino-politanum Concilium, vel potius Conciliabulum contra cultum sacrarum, imaginum habitum damnat: quia non euitis fons ejus in omnem terram.

Observandum secundò, Concilium illud plenarium celebratum fuisse ante nativitatem S. Augustini; id quippe, apertè significat lib. 2. de Baptismo, ubi eum protulisset sententiam S. Cypriani affirmantis se non aliud sapere, quàm quod decretum fuerat in Concilio celebrato ab Agripino, collectis ex Africa, & Numidia Episcopis, subjicit: Hac attestatione satis ostendit, multò magis se fuisse commemoraturum, si quod de hac re transmarinum, vel universale Concilium factum esset. Nondum autem factum erat, quia consuetudinis robore tenebatur orbis terrarum, & hac sola opponebatur inducere volentibus novitatem, quia non poterant apprehendere veritatem. Postea tamen dum inter multos ex utraque parte tractatur, & queritur, non solum inventa est, sed etiam ad plenarii Concilii auctoritatem, roburque perducta, post Cypriani quidem passionem: sed antequam nos nati essemus. Hanc autem fuisse consuetudinem Ecclesie, quæ postea multis discussis ambagibus patefacta veritate plenario Concilio confirmata est. Satis ostenditur, ex ipsius Cypriani verbis in eadem de Subajannum epistola, quæ in Concilio lecta commemoratur. Quibus verbis S. Augustinus apertè significat

Concilium illud, in quo proscriptus fuit Donatistarum error, fuisse celebratum ante suam Nativitatem; natus est autem S. Augustinus secundum aliquos anno 354. secundum alios verò anno 357. Quibus ita prælibatis.

Dico primò, non fuisse Arelatense: Primò, quia Concilium Arelatense, nullam habet ex illis notis, quibus Concilium à se laudatum designat sanctus Augustinus: non enim est Concilium plenarium, nec cunctarum Gentium, nec totius orbis Christianum, quippe cum huic Concilio legantur tantum subscripsisse 25. Episcopi.

Secundò, quia idem S. Doctor pluribi meminit Arelatensis Concilii, in quo testatur Donatistas victos, ac superatos: nec tamen vocat illud plenarium Concilium, sed duntaxat judicium Arelatense; Sic lib. 2. contra epistolam Parmeniani cap. 6. ubi ait: Factetur quoque Parmenianus ad Arelatense oppidum, & Episcopos Judices, & partes ex Africa conecnisse, ubi omnia suis credidit, qui nihil visum potuerunt de Judiciis conqueri: Nec tamen negat, rursus eos ad Constantinum venisse. Et quia ibi quoque ultimo Judicio superati sunt, etiam ipsum gratia corruptum esse criminatur. En simpliciter Episcopos Judices apud oppidum Arelatense convocatos: En Constantini judicium ultimum appellatum, quod judicio Episcoporum supervenerit, ut cognitam ab illis causam iterum expenderet. En utriusque judicii parem in absolvendo Cæciliano conditionem inculcatam. Quibus ne leviter quidem plenarii Concilii meminit. Et lib. 2. contra litteras Petiliani cap. 92. Pelagianos alloquens, ait: Penitentibus tum Majoribus vestris Episcopale iudicium dederat Constantinus, & apud Romam, & apud Arelatum, quorum primum apud eum accusasti, ab altero ad eum appellasti. Similia habet epist. 63. & lib. 4. contra Cresconium cap. 2. & in brevicu-

culo collationum cum Donatistis collatione tertiæ diei cap. 5. 12. 19. & 22. & alibi sæpe.

Tertio, quia S. Augustinus epist. 62. aperte testatur Arelatenſe Concilium non fuiſſe plenarium, ibi enim redarguens Donatiſtas, quod poſt Melchiadis iudicium non apud Concilium plenarium, ſed apud Imperatorem, Iudices ſuos acculare auſi fuiſſent, quod malè iudicaſſent, & dicerent malos Iudices ſe eſſe perſeſſos. *Quæ vox eſt*, inquit, omnium malorum litigatorum, cum fuerint etiam maniſeſtiſſima veritate ſuperati. Subdit: *Quaſi non eis ad hoc dici poſſet, & juſtiſſimè dici: Ecce putamus illos Episcopos; qui Romæ iudicarunt, non bonos Iudices fuiſſe, reſtabat adhuc plenarium Eccleſiæ univerſæ Concilium, ubi etiam cum ipſi Iudicibus cauſa poſſet agitari, ut ſi male iudicaſſe conſiliū eſſent, eorum ſententiæ ſolverentur. Quod utrum fecerint probent; nos enim non ſciſſum eſſe, facile probamus, ex eo quod totus orbis non iis communicas, aut ſi ſciſſum eſt, etiam ibi ſunt viſi: quod ipſa eorum ſeparatio maniſeſtat, ſed tamen quid poſtea fecerint Imperatores, liſteris ſufficientiſſimè oſtenditur: Iudices enim Eccleſiaſtici tantæ authoritatis Episcopos, quorum iudicio, & Cæciliani innocentia, & eorumdem improbitas declarata eſt, non apud alios Collegas, ſed apud Imperatorem acenſare auſi ſunt, quod malè iudicaret. Dedit ille aliud Arelatenſe Iudicium aliorum Episcoporum, non quia jam necesse erat, ſed eorum perverſitatibus cedent, & omnino cupienti tantam impudentiam prohibere. Quibus verbis ſignificat Concilium Arelatenſe, non eſſe plenarium illud Concilium, cujus toties meminit, quippe dicit Donatiſtarum cauſam nondum eſſe in plenario Concilio eliquatam; ſed duntaxat in Arelatenſi. Confirmatur quia ubi S. Auguſtinus agit de rebaptizandis hæreticis, nunquam mentionem facit*

Conciliū Arelatenſis, ſed ſolum ubi ſermo eſt de cauſa Cæciliani; igitur ſignum eſt maniſeſtiſſimum, illum non exiſtimariſſe quæſtionem de rebaptizatione in Concilio Arelatenſi fuiſſe deſinitam. Inſuper aſſerit in illo Concilio rem poſt magnos dubitationis fluctus diſcuſſis ambagibus, remotis dubitationibus, totius Eccleſiæ concordiam, authoritate firmatam, ſeu ultimo iudicio generalis Eccleſiæ perſpicuè deſinitam fuiſſe: atqui hæc non poſſunt dici, nec ab Auguſtino intelligi de Synodo Arelatenſi, ut patet ex diſtis.

Denique, ut Concilium aliquod habeat veram, ac perfectam rationem, Concilii plenarii, & Oecumenici, convocari debet authoritate, aut ſaltem conſenſu ſummi Pontificis quandiu indubitatum Eccleſiæ caput eſt, ut præclare docet Perronius Cardinalis c. 42. ad Regem Anglicanum: unde S. Leo epist. 61. quam Synodo Calcedonenſi ſcribit. Propter fidei cauſam, inquit, generale Concilium, & ex præcepto Chriſtianorum Principum, & ex conſenſu Apoſtolice Sedis congregari placuit. Quapropter Iulius primus Orientales arguit, quod Synodum univerſalem ſe inconſultò celebrare tentaffent; Cum Eccleſiaſticus Canon, inquit, prohibeat; ne præter ſententiam Romani Pontificis adminiſtrentur Eccleſiæ, &c. Sed Concilium Arelatenſe primum ſine ulla Romani Pontificis participatione, vel conſenſu à Conſtantino ſolo Imperatore convocatum eſt, ut conſtat tum ex reſcripto Imperatoris: tū ex ep. Synodica Patrum ejuſmodi Concilii ad Silveſtrum ſummum Pontificem, ubi ita ſcribunt; *Ad Arelatenſium civitatem Piſſimi Imperatoris voluntate aduſti, inde te religioſiſſime Papa cum merita reverentia ſalutamus.* Et infra: *Vtinam Frater dilectiſſime, ad hoc tantum ſpectaculum intereſſes; tanti ſeciſſes proſpectu credimus, quia in eò ſeverior fuiſſet ſententia prolata, & te pariter*

nobiscum judicante, cætus noster majore lætitia exultasset, &c. Non ergo huic Concilio aderat summus Pontifex, nedum per se: sed nec per suos Legatos: igitur Concilium istud nulla ratione censeri potest totius orbis Christiani. quippe cum ei summus Pontifex Ecclesiæ visibile caput non adesset.

Dices primò: Concilium illud appellari potest ad mentem S. Augustini, Catholicum totius orbis, atque cunctarum Gentium, ad quod ex omnibus mundi partibus Episcopi convocantur: atqui hac ratione Concilium Arelatense dici potest Catholicum, seu Oecumenicum: nam S. Augustinus lib. de unitate Ecclesiæ cap. 2. loquens de Synodo Arelatenſi, scribit: *Reſtabat utique ut Episcopi transmarini, quâ pars maxima diffundeſcatur Catholica Ecclesiæ de Afro- rum collegarum diſſenſionibus congregarentur:* igitur, &c.

Respondet ad majorem, non sufficere ad Concilium Oecumenicum, quod aliqui Episcopi ex totius mundi partibus convocentur: sed omnes quotquot sunt in Christiano orbe convocari debent: quemadmodum S. Augustinus significat lib. 2. de Baptismo, cap. 3. cum ait: *Quis nesciat ipsa Concilia, quæ per singulas regiones, vel Provincias fiunt, plenariorum Conciliorum auctoritati, quæ fiunt ex universo orbe Christiano sine ambagibus cedere?* Ex quo inferri S. Cyprianum consensurum universi orbis auctoritati, si tale Concilium plenarium suo tempore actum, fuisset.

Respondet secundò negando minorem: nam Concilium Arelatenſe non est coactum ex universi orbis partibus, sed ex Occidente tantum: imò ex alijs quibus duntaxat Occidentia partibus, nempe Italia, Africa, Hispania, Britannia, Gallia, unde etiam 26. tantum Episcopi ei Concilio subscripſiſſe videntur: quamquam enim Ado sexcentos recenseat, ab omnibus rejicitur.

Ad S. Augustinum dico, ipsum per illud Concilium Transmarinum, non significare aliquod Concilium reipsa celebratum, sed quod Donatistæ potuissent postulare, quod tamen non fecerunt, aut si reverà Concilium istud illis datum est, quod tamen non admittit S. Aug. in eo damnati sunt: quippe cum universus orbis cum ipsis non communicet. Unde post verba in objectione laudata, ait: *Hoc si factum non est, culpa eorum est à quibus fieri debuit: non orbis terrarum, qui non ad se perlata nescivit. Si autem factum est, quid peccaverunt Ecclesiastici Judices, qui crimina etiam si vera, & ad se delata, sibi tamen non probata, damnare nullo modo debebant? Nunquid eos mali pollere poterant, qui eis manifestari non poterant? Si autem manifestati sunt eis, & aliqui vel segnitia, vel cohibentia tales à communione removere noluerunt: & perverſi judicis pro eis etiam dixerunt sententias: quid peccavit orbis terrarum, qui causam illam malis Judices habuisse nescivit, & eos male judicasse non credidit, de quibus judicare non potuit?* Ex quibus apparet per transmarinum judicium non intellexisse S. Augustinum Synodum Arelatenſem: etenim de illo transmarino judicio suspensus, ac fluctuans loquitur, & ex hypothesi quod habitum fuerit: compertissimum autem erat S. Augustino. reipsa coactum fuisse Arelatenſe Concilium, in quo toties testatur Cæcilianum fuisse absolutum, & Donatistas illius accusatores damnatos.

Inſubis: Concilium secundum Arelatenſe celebratum anno 330. ut vult Petrus Saxius, aperte significat Canone 18. in prima Synodo Arelatenſi, ſe diſſe Præſules ex omnibus mundi partibus collectos, ait enim: *Ad Arelatenſis Episcopi arbitrium Synodum congregandam, ad quam urbem ex omnibus mundi partibus, præcipuè Gallicanis, sub S. Martini (Maximi) tempore, legimus fuisset*

fuisse celebratum Concilium, atque conventum, &c. igitur Arelatenſe primum reverà cenſeri debet Concilium plenarium totius orbis.

Nego conſequentiam: Illud enim Concilium coactum duntaxat fuit ex orbe Latino, imò etiam ex quadam orbis Latini parte; quod utique non ſolùm apparet ex dictis, ſed maximè ex Epiftola Episcoporum ejusmodi Concilii Arelatenſis primi ad Silveſtrum ſummum Pontificem; non enim ajunt ſe congregatos ex omnibus mundi partibus, ſed diverſis: *Quàm diverſe*, inquit, *ſunt Provinciæ, ex quibus advenimus; ita, &c. varia contingunt, quæ nos conſenſus obſervari debere.*

Nec obſtat, quòd in Epiftola Conſtantini ad Creſcum Syracuſanum Episcopum legamus ſecundùm verſionem Valeſii, *Ex locis diverſis, & propè inſinitis*; nam in alia verſione, quæ extat in nupera editione Conciliorum legimus, *ex diverſis compluribus locis.* Nec aliud certè inferre licet ex ipſamet Episcoporum epiftola; ſunt enim duntaxat num. 26. Episcopi, qui ejusmodi Synodice epiftolæ ſubſcripſerunt.

Inſtabis. S. Auguſtinus loquens, de controverſia exorta inter Priminianum, & Maximianum Carthagenſes Pſeudo-Episcopos, quorum primum centum Episcopi Donatiſtæ damnaverant, trecenti verbò abſolverant; confeſſus cum eis Cæcilianum Carthaginienſem legitimum Antiftitem ſcribit: *Quòd ſi vos fortè numerus movet, ut ideo contra centum, à quibus damnatus eſt Priminianus, valere arbitremini Bagaienſe Concilium, quia in eo trecenti, & decem fuerunt; cur in majori numero Episcoporum orbi terrarum conſentire non vultis? Quibus ſignificat cauſam Cæciliani libratam fuiſſe ab Episcopis ex toto terrarum orbe collectis, ſed à numeroſo Episcoporum cœtu non fuiſſe alibi ventilata, ac definita cauſa Cæciliani, quàm in Synodo Arelatenſi; igitur reverà*

cenſet Synodum Arelatenſem eſſe Concilium totius orbis terrarum.

Nego ſequitiam. majoris: Non enim hunc majorem numerum Episcoporum S. Auguſtinus ad eos refert, qui judicârunt, ſed qui judicantibus crediderunt, ac eis credentes cenſuerunt Cæcilianum reverà innocentem fuiſſe, & immunem ab omnibus, de quibus à Donatiſtis accuſatus fuerat; unde non ait: Cur majori numero Episcoporum conſentire non vultis? ſed cur in majori numero Episcoporum, qui nempe legitimè abſolutum Cæcilianum credunt, conſentire non vultis? Eo ſenſu quo libro 2. contra Creſconium, cap. 61. dixit: *Omnes, qui tunc erant, vel in propinquis vel in remotis terris tam longè latèque diffuſi Catholici Chriſtiani, ad quos fama de Cæciliano, & de collegit ejus potuit pervenire, non debuiſſe accuſatoribus viſitis, ſed Eccleſiaſticis judiciis credere; quia ubi judices omnes eſſe non poſſumus, melius illis, qui eſſe poſſuerunt, judicibus, credimus quàm credendo litigatoribus viſitis, quorum eſſe Judices non poſſimus, de ipſis judicare Judicibus audeamus.*

Urgebis: Si quid obſeſſet quominus Concilium Arelatenſe diceretur non ſolùm univerſale, ſed, & œcumenicum totius orbis; maximè quia ex toto orbe Episcopi convocati ad ipſum non convenerant: ſed hoc non officiſ; ſiquidem Concilium Conſtantinopolitanum primum ſolùm inſtituebant Orientales Episcopi; nec minùs tamen Œcumenicum, & generale appellatur: Hæc ratione pariter Concilium Tridentinum non diceretur univerſale, & Œcumenicum, quia nullus ei ex Oriente adfuit & magna pars deſuit Occidentis: quid ni igitur Arelatenſe ſimiliter, quamvis ex Occidente convocatis Episcopis celebratum, ſi non Œcumenicum, ſaltem univerſale cenſeri debeat?

Nego minorem, & ad ejus probationem dico Concilium Conſtantinopolitanum

tanum primum idcirco dici generale, & Oecumenicum, quod junctum sit cum Romano eodem tempore celebrato sub Damaso Papa, ex Occidentali- bus Episcopis, qui Constantinopolitano interesse non potuerant, nec Orientales interesse Romano; nihilominus eadem utrique quantum ad res fidei decessissent, & quæ sancita fuerant Constantinopoli, Romæ fuissent probata.

Ad Concilium Tridentinum dico, non mirum videri debere si Orientalis Ecclesiæ Præsules ipsi non adfuerint; quia eo tempore habitum est, quo schismaticus Oriens erat; nec Episcopi tales erant, qui convocari possent, aut convocati vellent convenire; quia se à Papæ convocantis autoritate subduxerant: ac propterea plenarium non desinebat esse, etsi Orientales non adessent. Ex illis tamen adfuisse notantur decem nominatim, & inter illos Macharius Chienfis Græcus Archiepiscopus Thessalonicensis, factâ fidei professione, ac debitâ submissione cum Latinis admissus est.

Dico secundò: Concilium istud plenarium nec fuisse *Alexandrinum* celebratum annò 362. neque Constantinopolitanum celebratum annò 381. neque Capuense celebratum annò 377. vel, ut vult Baronius, annò 389. quia, ut diximus in secunda observatione, Concilium istud, in quo proscriptus est rebaptizantium error, celebratum est ante Nativitatem S. Augustini; natus est autem S. Augustinus annò 354. vel ad summum annò 357. ac subinde priusquam cogerentur præfata Concilia.

Dico tertio. Multò minùs nomine Concilii plenarii S. Augustinum intellexisse Concilium *Bagaiense* celebratum à 370. Episcopis Donatistis, ut ortum inter eos schisma sedaretur; quantum enim plurimi S. Augustinus Concilium istud appellet nunc plenarium, nunc universale, maximè lib. 2. contra epistolam Parmeniani cap. 3. ubi scri-

bit. *Quid ergo ponunt, quod in ipso detorqueri non possit, nisi fortè de ovibz aspidum quorum multò antè meminerat Didactor illius sententiæ plenarii Concilii 370. qui cum universis Provinciis Africa convenerant.* Et paulò infra sic eos describit: *Trecenti decem plenarii Concilii ore veridico.* Et rursus; *quare in schismaticos suos Maximianistas per eandem plenarii Concilii sui sententiam, talia dixerunt?* Idem habet lib. 2. cap. 7. & alibi sæpe.

Licet, inquam, plenarii appellacionem isti Concilio assignet, non tamen appellat plenarium simpliciter, & absolute; sed plenarium Donatistarum: sic nempe lib. 3. de Baptismo, cap. 1. ait: *Maximianistas plenarii Concilii sub damnatos, &c.* Et contra epistolam Parmeniani lib. 2. cap. 3. *Plenarii Concilii sui sententiam dixerunt, &c.* Et contra litteras Petiliani lib. 2. cap. 15. *Tellis est plenarii vestri Concilii sententia.*

Addere possum, quòd cum Donatistæ præposterâ præsumptione assererent, Ecclesiam ubique terrarum perisse, & solum remansisse integram penes suos Sectatores in Africa; volebantque de sua duntaxat Ecclesia intelligi illud Cantic. 1. ubi Ecclesia Christum suum divinum Sponsum mysticè alloquens, ait: *Indica mihi, ubi cubet, & ubi pascas in meridie?* quia nempe Africa meridiana mundi pars est. Cum, inquam, Donatista ita desiperent, S. Augustinus non serid, & ex proprio sensu, sed ex falsa Donatistarum imaginatione Concilium illud appellat universale, & plenarium, quia in eo convenerant omnes Donatistæ, qui suam Ecclesiam universalem plenariam appellabant. Sic enim lib. 4. contra Cresconium cap. 8. „ Cum ergo dixerim si quæ essent veræ „ vestra documenta, vos Ecclesiæ Catholicæ ea probare debuissetis, ut vos „ intus effectis; illi autem, quos convin- „ ceretis pellerentur foras, quid est quòd

„ quòd respondere voluisti, ideo sepa-
 „ rationem factam quod nos foras ef-
 „ semus propulsi; vestri autem in Ec-
 „ clesia Plenaria, & Catholica reman-
 „ serunt? Et mox hanc ipsam Ecclesie
 „ illorum plenarie presumpam notio-
 „ nem irridens: Hoc si totidem verbis,
 „ *inquit*, vobis Maximianenses ipsi
 „ dicant, quid respondebis, nisi non
 „ refelli dignos, sed tantum rideri,
 „ qui ECCLESIAM PLENARIAM cum Epi-
 „ scopis jam minus quam centum con-
 „ tra tantam numerositatem, ac mul-
 „ titudinem cui plusquam trecenti
 „ president, andeant affirmare? Cum
 „ per omnes Africæ regiones, ubi Ma-
 „ ximianenses sunt, non desit etiam
 „ communio Primiani; per alios autem
 „ multo plures, multoque latiores Af-
 „ ricæ partes unum Maximianensem
 „ nemo reperiat, nisi fortè peregrin-
 „ nantem: Quò igitur ore contra Ec-
 „ clesiam à Solis ortu usque ad occasum
 „ promissam voce veritatis, & reddi-
 „ tam audes ECCLESIAM PLENARIAM di-
 „ cere partem Donati? Cum ipsa non
 „ sit nisi Africæ; illa verò cum tot Gen-
 „ tibus sit & Africæ. Ex his apparet qua-
 „ liter PLENARIAM, & ECCLESIAM CATHO-
 „ LICAM Donatistæ non agnoscerent, nisi
 „ suam, tametsi solis Africanis terminis
 „ limitatam: Quid ergo mirum, si PLE-
 „ NARIUM CONCILIUM intelligerent suo
 „ sensu ad Ecclesiam universam perti-
 „ nens, quam putabant, & contende-
 „ bant impudenter suà duntaxat parte
 „ contineri? hoc nempe sensu *Plenarium*,
 „ & *Catholicum* Augustinus per ironiam
 „ supradictis omnibus locis juxta men-
 „ tem illorum usurpavit: non quòd pro
 „ Concilio Provinciali, regionali, vel
 „ non Oecumenico plenarium putaret
 „ sumi posse; cum alioqui suo sensu tot
 „ locis prius recensitis hanc ipsam vocem
 „ de orbe toto, vel Ecclesia universa,
 „ tam evidenter explicarit, ut contra Ite-
 „ ras Petilianæ lib. 1. cap. 22. *Ecclesie per
 „ tot Gentes diffusa* PLENARIAM, & CA-

THOLICAM unitatem appellat.

Dico quartò, per Concilium plena-
 rium S. Augustinum non intellexisse
 Concilium Sardicense. Tum quia inter
 Canones Sardicenses nullus legitur,
 quò prohibeatur iteratio Baptismi: Tum
 quia S. Augustinus non videtur aliud
 Sardicense Concilium agnovisse præter
 Conciliabulum Sardicense celebratum
 ab Arianis eodem tempore, quo legiti-
 mum Sardis agebatur Concilium; sicut
 colligitur l. 3. contra Cresconium, c. 34.
 Cum enim Donatistæ gloriarentur,
 quòd in principio epistolæ Synodalis
 Concilii Sardicensis inscriptum esset
 nomen Donati Carthaginensis Episco-
 pi; sicque Orientales Episcopi eis com-
 municarent.

Respondet S. Augustinus: Disce ergo
 „ quod nescis, Sardicense Concilium
 „ Arianorum fuit, &c. Unde subdit
 „ causam cur Orientales quidam Episcopi
 „ communicarent Donatistas, nempe ait:
 „ Africanam heresim Orientalis hæ-
 „ resis sibi tentavit adungere.

Dico ultimò, nomine Concilii plena-
 rii S. Augustinum non aliud intellexis-
 se, quam Nycænum; quod utique tam
 apertum, tamque manifestum visum
 illis, qui S. Augustini editiones recen-
 suerunt, ut ad marginem textus quo-
 tiescumque *plenarium* exprimit, non
 aliud notarint quam *Nycænum*: ita
 evidens Maldonato, cum de Sacramen-
 to Baptismi agit, ut ex multiplicibus
 S. Augustini testimoniis ab eo tantum
 indicatis, necessario colligendum asse-
 ruerit, quòd intelligi de Nycæno de-
 beant, quæ in his omnibus locis de ple-
 nario S. Doctor affirmat: ita demum
 evidens Bellarmino, ut nullam causam
 dubitandi subesse affirmarit; cum Con-
 cilium orbis terræ ante nativitatem
 suam celebratum, expressè dicat, nec
 aliud Concilium esse potuerit, aut fingi
 possit quam Nycænum, utraque illa tam
 insigni expressione designatum.

Probatur insuper primò, quia omnes
 notæ,

notæ, quibus designat Concilium istud S. Augustinus, maxime quod fuerit Concilium totius orbis Christiani, apud primæ Nycæno conveniunt: siquidem S. Athanasius, Apolog. 2. Concilium Nycænum appellat magnam Synodum, & de eo scribit in Epistola, quam ad ipsos Africanos dirigit, quod omnem terram habitabilem, sive orbem implebit universum, nec Indi tantum illud, sed quotquot sunt apud alios quosque barbaros Christiani noverunt: quin & epistolâ Synodali de Arimini, & Seleuciæ Synodis ad Constantinum Imperatorem, quam ipse habet; legimus de Concilio Nycæno, quod illius doctrina in omnium aures, vel montes penetravit, vel ut publice, ubicumque terrarum penetrat promulgata: Non leve igitur indicium est, quod in hoc universali Concilio non multum diu post excitationem de hæreticis rebaptizandis controversiam, & post Synodum Arelatensem celebratam, actum fuisse ea de controversia, quæ Africanos schismate tam horrendo, & tam pernicioso dividerat: cum potissimum Cæcilianus presens esset, qui maxime tam gravis contentionis à Donatistis fingebatur occasio.

Secundò, idem S. Athanasius epistolâ ad Epictetum scribit in Nycæno Concilio omnes hæreses fuisse proligatas: *Existimabam, inquit, omnem omnium, quosquos fuerunt, aut sunt, hæreticorum vaniloquam garrulitatem Nycæno Concilio compressam esse, ac sopitam: nam fides, quæ secundum Scripturam ibi à Patribus tradita est, sufficiens est ad quamlibet impietatem evertendam. Et ejus, quæ in Christo est fidei, stabilendam pietatem.* Subdit paulò infra: *Nulla in Catholica Ecclesia Synodus præter unam Nycænam æstimanda, quæ omnium hæresum proligatarum, atque inprimis Ariane, trophæum habenda est: Quomodo autem ad quamlibet hæresim evertendam, non Arrianum tantum sus-*

sciens dicitur, si hæresim Donatistarum, seu rebaptizantium, de qua tot lites, totque tumultus non ita pridem excitati fuerant, non proseripit? quomodo vaniloquentiam omnem hæreticorum quorumcumque confudit, omnem impietatem, & irreligionem evertit, piam omnem in Christo D. fidem solidavit; hæresim demum universalum generale trophæum fuit; si adversus aliquos, & præsertim adversus eos, putà rebaptizantes, nihil planè decrevit?

Tertiò, S. Hieronymus in dialogo contra Luciferianos, cap. 9. respondens ad interrogatum Luciferiani, quod expresserat, cap. 8. *Quare ab hæreticis baptizati suscipiuntur?* post prolixam responsionem in qua etiam meminit controversiæ inter SS. Stephanum, & Cyprianum, tandem concludit: *Synodus quoque Nycæna, cujus paulò antè fecimus mentionem, omnes hæreticos suscepit, exceptis Pauli Samozateni Discipulis &c.* Quomodo autem hæretici penitus omnes præter Pauli Samozateni discipulos, quia non in nomine Trinitatis Baptismum receperant, in illo Concilio recepti sunt, si de Baptismo Africanorum, & controversia Donatistarum nil prorsus actum est?

Denique, Concilium istud, quod plenarium appellat S. Augustinus, generale fuit, & Oecumenicum, ut jam diximus, ante ipsius S. Augustini natiuitatem celebratum: sed antequam natus esset Augustinus, nullum aliud Concilium generale præter Nycænum, celebratum fuit, quod S. Augustino notum esset: nec, ut dictum est, Sardicense legitimum prorsus ignoravit.

Dicit S. Augustinus illud Concilium intellexit, cujus Canones noverat: sed Canones Nycæni Concilii sibi non erant noti ante sextum Carthaginense Concilium; cum enim in eo orta esset contentio de appellatione ad summum Pontificem, quam licitam esse, ac probatam ferebatur in Concilio Nycæno, iust.

jussit Concilium Nycænum Canones disquiri ex primariis sedibus; hoc est Alexandrina, & Constantinopolitana, ut quid in eo decretum esset, appareret: igitur S. Augustinus non noverat, quid decretum fuerat in Nycæna Synodo.

Respondeo ad minorem, quòd si Augustinus non noverit quid decretum fuisset in Nycæna Synodo, antequam conquisti fuissent illius Canones ex primariis sedibus, sequeretur, quòd non magis probè tenuisset, post inventos Canones, quid in ea Synodo decretum esset circa rebaptizationem hæreticorum; quia non plures, quàm qui circumferuntur Canones in prædictis Sedibus inventi sunt; attamen aliquid de ejusmodi controversia determinatum fuisse liquet ex his momentis, quæ statim protulimus. Potuit ergo S. Augustinus probè tenuisse, quid actum fuisset in Concilio Nycæno circa controversiam Donatistarum, vel ex fama per totum orbem pervagata juxta testimonium S. Athanasii, maxime verò per Africam, quippe cum isti Concilio præfatus fuerit Cæcilianus, qui noverat, quòd in eo decretum quoad rem illam, quæ maxime ad Afros pertinebat, ut inde posset ad Augustini notitiam post aliquantum tempus, per aliorum traditionem pervenire, cum in Africa ipse viveret. Adde quòd falsum appareat ipsum nesciisse Canones Nycæni; quippe cum in libro de hæresibus hæresi 44: scribat: *Pauliniani à Paulo Samozateno Christum non semper fuisse dicunt, sed ejus initium ex quo de Maria natus est asseverant, nec eum aliquid amplius, quàm hominem putant: Illos sanè Paulinianos baptizandos esse in Ecclesia Catholica Nycæno Concilio constitutum est: Unde credendum est eos regulam Baptismatis non tenere, quam secum multi hæretici, cum de Catholica discederent, abstulerunt, eamque custodiunt. Quasi per oppositum virtualiter saltem, & implicitè dicat visos non esse Concilio reba-*

Tom. X.

pizandos illos, qui Catholicam Baptismatis regulam in hæresi retentam semper observarent.

Obijciunt secundò SS. Patres, Epiphanius, & Basilium, qui non obscure significant, nil præscriptum, ac definitum fuisse in Concilio Nycæno circa non rebaptizandos ab hæreticis baptizatos; *Primò* namque S. Epiphanius in Anacephaleosi post enumeratas hæreses num. 8. quosdam errores alios perstringens, sic habet: *Alii, qui audaciores videntur ex Catholicorum partibus privata sibi fæctione constata præter Ecclesiæ consuetudinem, ac citra generalis Concilii decretum, eos qui ab Arianis ad suam partem transierunt, iterum baptizare nihil verentur, cum nondum ea res, ut dixi, universali judicio decisa sit, &c.* Sed nulla ratione id assereret, si quæstio ista definita fuisset in Concilio Nycæno nam S. Epiphanius scripsit istum librum anno 11. Valentiniæ, & Valentis, ut ipsemet indicat in præfatione ejus operis, hoc est anno 374. Concilium autem Nycænum celebratum est anno 325. aut 326.

Nec valet reponere, sortè Canones Concilii Nycæni latuisse S. Epiphanium contrarium enim ipsemet revincit: nam hæresi 69. quæ est Arianorum p. 11. scribit: *Imperator Ecclesiæ consulens, Oecumenicam Synodum colligit 318. Episcoporum ... eadem in Synodo Canones quidam Ecclesiastici conditi sunt, nec non, & de Paschatis celebratione, &c.*

Deiinde S. Basilus epist. 1. liberam facultatem admittit rebaptizandi, vel non rebaptizandi baptizatos à Catholicis, & Enekratitibus, & Hidroparastis, &c. ait enim: *Antiquis visum est, Cypriano dico, & nostro Firmiliano, eos omnes uni calculo subijcere, Catharos, Enekratitas, &c. Quare eos, qui ab ipsis hæreticis baptizati erant ... jussunt ad Ecclesiam venientes verò Ecclesiæ Baptismo expurgari: sed quoniam nonnullis Asiatibus omnino visum est propter peccatorum acco-*

B b

no-

nomiam, & dispensationem eorum Baptisma suscipi, suscipiatur. Et infra: Existimo ergo, quod quoniam nihil est de his, nempe Eneeratis, apertè dictum, oportet nos eorum Baptismum abrogare: quod si hoc universali œconomia sit impedimento futurum, rursus consuetudine utendum est, & sequi oportet Patres, qui quæ ad nos pertinent providerunt: Sed si controversia illa definita fuisset in Concilio Nycæno, neque S. Basiliius hanc disceptationem ad œconomiam tantum, sed ad fidem pertinere nuntiasset, neque liberum faceret, ut unusquisque suæ regionis consuetudinem servaret in baptizandis, vel rebaptizandis hæreticis: igitur, &c.

Respondeo ad S. Epiphanium, eum ibi quæstionem Baptismi non tractare ex professo, sed hoc obiter solum per aliam occasionem de Arianis dicit, quos aliqui rebaptizabant, licet nulla Synodus decrevisset: ait enim: Student quidpiam sibi præter Canones arrogare ab orthodoxis incitati, ac sibi ipsis conventiculum congregantes: quin & absque Synodi Oecumenicæ statuto rebaptizare, qui veniunt ex Arianis: cum nondum hæc res ullo statuto, vel decreto Synodi decisa sit, propter quod permixtum adhuc degunt populi, ac inter se mutuò convertantur, & multi quoque orthodoxi sunt, ac simulatè cum Sacrorum Ministris coniunguntur, donec blasphematoris huius hæresis manifesta segregatio fiat, & tunc ea deficientur, quæ contra illam pugnant. Quibus verbis Epiphanius non asserit; nihil fuisse statutum de non rebaptizandis baptizatis ab hæreticis: contrarium enim apertè docet S. Augustinus asserens, quod hæreticos fuisse condemnatos, qui contrarium assererent, etiam longè ante nativitatem suam, quæ utique multis annis Episcopatum Epiphani anteceffit: sed duntaxat innuit, quòd nihil adhuc distinctè circa rebaptizandos ab Africanis venientes Ecclesia statuisse.

Ad S. Basilium dico, ipsum de Baptismo hæreticorum admittendo, indehuit non dubitasse, sed solum de baptismo illorum, qui nati essent in hæresi, vel qui Baptismi formam non tenerent in mente, quam ore proferebant, ut colligitur ex epistola prima ad Amphiloichium, ubi significat, quòd quia hæreticos, & eorum Baptismum juxta Ecclesiasticam regulam datum, Concilium Nycænum susceperat; non declaraverat autem, an etiam intelligeret hæreticos, qui de divina Trinitate absurde, & impie sentientes, errarent circa legitimam formam Baptismi, licet integram illam, & legitimam formam pronuntiarent. Utrum, inquam: ab eis collatus Baptismus esset legitimus, nec ne, in dubium revocare videtur.

Obijcies tertio, Concilium Nycænum nil expressè definit circa non rebaptizandos hæreticos indefinitè; quia de solis Paulianistis rebaptizandis agit: igitur S. Augustinus per plenarium Concilium, in quo ventilatum, & damnatum dicit Donatistarum dogma, non intelligit Nycænum, sed Arelatense, in quo id expressè definitum est.

Respondeo primo, quòd etsi nullus Nycænus Canon modò reperiatur, qui rem illam expressè definiat, inde non esse consequens nullum antea extitisse: cum extitisse quosdam ex variis testimoniis constet; siquidem S. Hieronymus in Præfatione in lib. Judith, ait: Hunc librum Judith Synodus Nycæna in numero sanctarum Scripturarum legitur computasse: ubi autem Nycænus ille Canon ubi legatur iste liber computatus? S. Ambrosius epist. ad Verceilensem Ecclesiam scribit, Interdictam à Synodo Nycæna Bigamorum ordinationem. S. Augustinus epist. 110. testatur definitum fuisse in Concilio Nycæno, ne duo Episcopi in eadem civitate simul sederent: Adhuc, inquit; in corpore posito B. memorie Patre, & Episcopo mca

meo fene Valerio Episcopus ordinatus sum, & sedi cum illo, quod Concilio Nycæno prohibitum fuisse nesciebam. Ubi sunt autem canones ejusdem Concilii, qui modò istud prohibeant? Potuit ergo S. Augustinus rescire damnatos fuisse Donatistas in Concilio Nycæno fama vulgante, per totum orbem, & apud Catholicos invalente, quòd de eadem damnatione editus fuerit ille canon; quamvis cum aliis quibusdam injuria temporum periisset, unde fit, quod S. Augustinus nusquam *Nycæni* nomen expresserit, quoties sermonem instituit de Concilio plenario: vel quia ea de re Canon expressus non extaret, aut cum fortè non vidisset. Quod autem non respexerit ad Concilium Arelatense, præter superius dicta, inde etiam fit compertum, quòd Canonem Concilii Arelatenfis sibi aliunde compertum, nusquam expressè laudaverit, sicut alia multa in utramlibet partem ad hujusmodi controversiam pertinentia, ex Conciliis ipsius hæreticorum refert nominatim, quantò magis ex Concilio Catholicorum, si Canonem illius plenarii Concilii vidisset? Nec enim est eadem ratio de Nycæno, quòd non sic ei notum fuit, ac de Arelatenfi, quòd notissimum sibi fuisse, satis probat, cum ad præmissam causam defendendam, toties illud urget.

Hic adde, quòd fortè tunc temporis nondum Latine redditi erant, nec consequenter Latinis, & Africanis comperti octoginta illi Canones, quos ex Arabico exemplari ab Alexandrino Patriarcha precario acceptos, & in Latinum, translatos, edi curaverunt Alphonfus Pisanus, & Franciscus Turianus Theologi societatis Jesu; quos utique omnes Canones Abrahamus Echelem natione Syrus, religione Maronita, genuinos esse demonstrare nifus est. Porro inter hos Canones unus est, in quo prohibetur, rebaptizandos hæreticos, quem utique Canonem fama disseminante

rescire potuit Sanctus Augustinus: at cum ipsius tenor illi non esset compertus, idcirco expressè illum laudare noluit.

Instabit, S. Augustinus nomine Concilii plenarii intelligit illud Concilium, in quo eliquata fuit Donatistarum causa: ait enim lib. 2. de Baptismo cap. 9. *Dum inter multos ex utraque parte tractatur, & queritur, non solum inventa est (veritas) sed etiam ad plenarii Concilii auctoritatem, roburque perducta.* at illa non fuit librata in Concilio Nycæno; quippe cùm ex Africanis Episcopis solus Cæcilianus ei interfuisse legatur: igitur, &c.

Respondco S. Augustinum censere, Donatistarum causam non alibi, quàm in universali, & plenario Concilio, ubi dicitur definita, ad auctoritatem, roburque perductam; siquidem lib. 2. de Baptismo adversus Donatistas, c. 4. ait: *Diutius per orbis terrarum regiones multis bine atque bine Episcoporum disputationibus, & collationibus, pertractatam illam causam fuisse.* Unde etiam S. Augustinus non in eodem Concilio id factum significat; sed in singulis Conciliis, quæ magna charitate prædicti Patres, vel Episcopi separatim in suis, quibusque Provinciis, & regionibus habuerunt: scribit enim lib. 1. cap. 7. *Questionis hujus obscuritas prioribus Ecclesie temporibus ante schisma Donati magnos viros, & magna charitate præditi Patres, Episcopos ita inter se compulsi salva pace disceptare, atque fluctuare, ut diu Conciliorum in sui, quibusque regionibus diversa statuta mutaverint: donec plenario totius Orbis Concilio, quod saluberrimè sentiebatur, etiam remotis dubitationibus firmaretur.*

Adde quòd etiam si Donatistæ non adfuerint Concilio Nycæno, nihilominus eis absentibus disceptari potuit, ac utrinque librari eorum dogmata à Catholicis, absentium objectio-

nes proponentibus, & solventibus, ut definitio feret explicatio; quemadmodum licet Lutherani, aut Calvinistæ in Concilio Tridentino disceptatores non fuerint, nihilominus utrimque agitatum est eorum dogma à Catholicis Theologis, ut inde Catholica veritas constantior effulgeret.

QUAESTIO QUARTA.

Utrum, & qualis intentio requiratur in Ministro Sacramentorum.

Notandum primò, ex Doctore in 4. dist. 6. quæst. 5. num. 2. quòd cum in administratione sacramenti duo possint spectari: nempe sacramentum ipsum, & id quod sequitur sacramentum. Per sacramentum intelligo, signum, sensibile rei sacræ ordinatum ad hominis sanctificationem; per id autem quod sequitur sacramentum, intelligo finem, quem quisque minister, Sacramentum conferendo sibi proponere possit, putà; si quis conficiat Eucharistiam, vel propter lucrum inde capefendum, vel propter obtinendam aliquam gratiam, & superandas aliquas tentationes: ita duplex in Ministro potest intentio distinguì; una, quæ respicit sacramentum ipsum conficiendum, & ministrandum modo debito, & valido; alia verò, quæ intendit finem assequendum per sacramentum. *Talis autem finis*, inquit Doctor num. 3. *est duplex, scilicet principalis, & remotus, utpote, quòd baptizatus fiat filius regni, qualis fieri non potest si non habeat gratiam, per quam est dignus vita. Alius est proximus, & minus principalis, ut scilicet baptizatus fiat Christianus, sive membrum Ecclesiæ militantis, & utrumque finem potest aliquis intendere in universali, vel in particulari. Queritur itaque quænam ex illis intentionibus requiratur ad validè conficiendum, & ministrandum Sacramentum.*

Notandum secundò, quòd cum sacramentum possit spectari, vel materialiter, quatenus nempe constat rebus, & verbis sensibilibus, physice, & secundum suam entitatem spectatis; vel formaliter, & moraliter, videlicet quatenus est signum rei sacræ ordinatæ ad hominis sanctificationem: ita etiam distinguì potest duplex intentio Ministri, nempe interior, & exterior: *Exteriolem* appello, per quam aliquis intendit dumtaxat administrare sacramentum materialiter spectatum, id est, adhibere res, & verba, ex quibus sacramentum conficitur, & constat, nullà factà attentione ad ejus significationem, & efficacitatem moralem: *Interiolem* verò dico, per quam aliquis intendit administrare sacramentum formaliter sumptum, id est, sub ratione formali sacramenti: quatenus novit rem, & verba, quæ adhibet, ordinari ad hominis sanctificationem, & salutem.

Insuper intentio interior, alia est directà, alia indirecta: *Indirecta*, est, quæ per se res non intenditur, sed ratione alterius; talis est intentio homicidii in homine ebrio, qui per se quidem directè tantum intendit largiorem vini potationem, ex qua nihilominus prævidet futurum homicidium; quam etiam intentionem nonnulli *interpretivam* appellant: *Directa* verò ea est, per quam res aliqua per se, & directè intenditur; qualis esset intentio homicidii ab homine mentis, & rationis compote.

Notandum tertio, intentionem directam solitè distinguì triplicem, nempe habitualem, virtualem, & actualem: *Habitualis* est illa facilitas, pronitas, & inclinatio Ministri ad conficiendum, sacramentum comparata ex frequenti ejus administratione: *Virtualis* ea est, per quam Minister censetur agere virtute prioris intentionis, quam actu formavit, nec eam retractavit, aut mutavit quamvis de facto, & actu non attendat ad id, quod exequitur, nec cogitet de

Sacra-

Sacramento conficiendo , & ministrando , quando de facto illud conficit , aut ministrat : *Actualis* tandem ea est , per quam Minister actu , & de facto intendit sacramentum conficere , dum illud conficit , aut ministrat .

Rursus actualis , & virtualis intentio duplex distingui potest : alia quidem absoluta ; alia verò conditionata : *Absolutam* dico , quā quis absolute , & efficaciter intendit alicui conferre sacramentum , & illius effectum : *Conditionatam* verò , quā tantummodo id intendit sub conditione ; idque vel sub conditione de futuro , vel de præterito , vel de præsentis ; puta , si quis Sacerdos intendet absolvere poenitentem eā duntaxat conditione , vel quod debite confessus fuerit , vel quod reverā doleat de peccatis , & firmum propositum non peccandi de cætero habeat , vel quod nullatenus peccet in posterum .

Denique , Intentio absoluta duobus modis determinari potest : *Primo* quidem ad materiam , & subjectum præsentis , abstrahendo ab eo , quod materia sit hæc materia , vel hoc subjectum : *Secundo* , ad hoc , aut illud subjectum , hanc , vel illam materiam in particulari .

His ita præmissis , resolvendum est , utrum , & qualis intentio requiratur ad confessionem , & ministrationem sacramenti . Lutherus , & Calvinus , eorumque sectatores negant ullam intentionem esse necessariam ex parte Ministri , Lutherus enim in assertionem articulorum damnatorum per Bullam Leonis X. art. 12. ait , quod si per impossibile confessus non esset contritus , aut Sacerdos non seriò , sed joco absolveret , si tamen credat se esse absolutum , verissime est absolutus : quoniam , ut docet , sacramentum institutum est tantum ad excitandum fidem de apprehendenda divina promissione , per quam fidem apprehensivam censet hominem justificari . Calvinus autem in antidoto Ca-

nonis fess. 7. de sacramentis Concilii Tridentini , aliam proferens rationem , ait : *Quod de intentione consecrandi garrunt Sophistæ , nulla probabili ratione fuit proditum : nam si intentio Ministri esset necessaria , nemo eil nostram , qui certum sui Baptismi se facere auit , &c.* Unde subdit : *Ego verò sacro-sanctæ institutioni tantum desero , ut si Epicureus quisquam inter totam actionem subsannans , mihi cenam ex Christi mandato , & secundum regulam à Deo datam , ritumque legitimum administraret , non dubito panem , & calicem illius manu porrecta , esse corporis , & sanguinis Christi pignora : putidas illas nugas piget excutere , ut cum dicunt , saltem facienti , quod facit Ecclesia , nempe Magistrorum suorum dictatu recinunt .*

CONCLUSIO PRIMA .

Reverà ad confessionem , & validam administrationem sacramenti requiritur in Ministro intentio faciendi rem sacram . Hæc est de fide , determinata in Concilio Florentino , in decreto Eugenii , ubi legimus : *Omnia legis Evangelicæ sacramenta tribus perficiuntur , rebus ut materiâ ; verbis , ut formâ ; & persona Ministri conferentis sacramentum cum intentione faciendi , quod facit Ecclesia : quorum si aliquid desit , non perficitur sacramentum .* Et ex Tridentino fess. 1. Can. 11. *Si quis dixerit in Ministris , dum sacramenta conficiunt , & conferunt , non requiri intentionem saltem faciendi quod facit Ecclesia , anathema sit .* Sessione 14. cap. 6. *Non debet Poenitens ita sibi de sua ipsiusmet fide blandiri , ut etiam nulla illi adsit contritio , aut Sacerdoti animus seriò , & verè absolvendi desit , ut tamen se propter suam solam fidem verè , & coram Deo esse absolutum credat ; nec enim fides sine poenitentia remissionem peccatorum præstaret : nec is esset , nisi salutis suæ negligentissimus , qui Sacerdotem joco se absolventem cognosceret , & non alium seriò agentem sculdbus requireret .* Et Can. 9. *Si quis dixerit ab-*
solu-

ſolutionem Sacerdotali: non eſſe actum judicialẽ, ſed nudum miniſterium pronuntiandi, & declarandi remiſſa eſſe peccata conſentienti, modò tantum credat ſe eſſe abſolutum, aut Sacerdos ſerio, aut ſic abſolvat anathema ſit.

Idem conſtat ex Bulla, quã Martinus V. in fine Concilii Conſtantiensis damnat errores Huſſitarum, & Vvicleſitarum, ubi ſuſpectum interrogat, an credat quòd malus Sacerdos cù debita materia, & forma, & cum intentione faciendi, quod facit Eccleſia, verè conſiciat verè baptizet, verè abſolvat, & alia denique ſacramenta verè conſiciat.

*Probat Doct̃or hanc veritatem in 4. diſt. 6. q. 5. duplici ratione: Prima quidem, num. 4. ex eò quod omnis actus ex ſe indiſſerens ad ſignificandam rem ſacram, & profanam, debet determinari ab aliquo, ut ſit ſacer: ſed quæ aguntur in ſacramentis indiſſerentia ſunt ad multa: poſſunt enim agi propter officia multa, multoſque fines; & ablutio, quæ ſit in Baptiſmo, fieri poteſt ad mundiciam corporalem, ad ſanitatẽ corporis, ad ludum, & ſimilia: nihil eſt autem per quod determinetur ad unum ſacramentalem effectum, niſi ſola miniſtrantis intentio: quia determinata verborum forma determinat materialem ſacramenti actionem ad effectum proprium: at iſta verborum forma ſacramentalis determinari debet per intentionem Miniſtri; nam verba, quæ ſunt indeterminata, ut in Baptiſmo hæc: *Ego te baptizo*, niſi determinentur intentione, quã Miniſter vult facere quod Eccleſia facit; certum eſt quòd abluſionem aquæ non ordinarent ad animæ ſanctificationem, unde non eſſent ſacramenti forma: Baptizantis autem intentio ſignificatur per verba Evangelica; *Ego te baptizo, &c.* Pariter & intentio Miniſtrorum in aliis ſacramentis per verba eorum formæ.*

Probat ſecundò, num. 3. ex eò quòd omnis actio ſacramentalis debeat eſſe

actus humanus, ſeu iudicio deliberatus: nam, ut inquit, intentio requiritur in quocunque homine agente aliquid non fortuitè, vel exercente aliquid quem actum humanum propriè loquendo de actibus humanis, qui ſcilicet cauſantur per intellectum, & voluntatem ab homine: ille autem actus, quem Miniſter debet exercere, debet eſſe humanus in eo, & non casualis, vel fortuitus; quia ſuper fortuita non cadit obligatio: iſta etiam obligatio eſt, ut homo intendat illud, ad quod obligatur. Ita Doct̃or. Quasi diceret: Miniſtratio ſacramentorum neceſſariò debet importare intentionem Miniſtri: Tum quia eſt actus humanus: quippe cùm Chriſtus Dominus ſacramenta commiſerit Miniſtris, & diſpenſatoribus bonorum Eccleſiæ; actus autem humanus neceſſariò requirit intentionem, quã dirigatur in proprium effectum; quia quæ ſunt abſque intentione, casualia ſunt, & fortuita; ac proinde cenſeri non poſſunt fieri cum deliberatione, & humano modò. Tum quia Miniſter, cùm ſit delegatus à Chriſto, debet agere eò modò, quò ſibi demandatum eſt; & ſubinde debet intendere id exequi, quod eſt ſibi delegatum, & præceptum: at actio præcepta debet fieri cum intentione; quia ſuper fortuita non cadit obligatio: igitur, &c.

Dicit primò: Si requireretur intentio in Miniſtro ſacramenti; maxime, quia Deus non conferret effectum ſacramenti, niſi juxta intentionem miniſtrantis: ſed ita non eſt: plerumque enim Deus gratias, & beneficia divina confert præter intentionem Miniſtri, ſeu iſtrumenti, quo utitur ad illum effectum. Nam Genef. 17. Iſaac præter intentionem benedixit Jacob, cùm Eſau benedicere intenderet; quam tamen benedictionem Deus ratam habuit: ergo à ſimili, licet Miniſter conferat ſacramentum præter intentionem, non minus ſuſci-

sciens effectum sacramenti consequetur.

Nego minorem, & ad ejus probationem dico, exemplum propositum adversariorum cause non patrocinari, imò ei adversari; siquidem Isaac reverà habebat intentionem benedicendi unum ex suis filiis, eumque primogenitum instituere, in domo sua, quamquam erraverit in persona: igitur licet sacramenti Minister erraret in persona, modò reverà intendat sacramentum conferre, non minus suscipiens effectum sacramenti consequetur.

Dices secundò: Non magis requiritur intentio in ministrante sacramentum, quàm in prædicante Evangelium; siquidem Christus Dominus Matth. 20. eodem modò delegat Apostolos ad baptizandum, & prædicandum, dicens: *Ite, docete omnes Gentes, baptizantes eos, &c.* sed non præcipit intentionem in docendo; siquidem Evangelii prædicatio, etiam non sincerè, & per invidiam facta proficit, ut docet S. Apostolus ad Philip. 2. *Quid tu quidem, quod propter invidiam, & contentionem; quidam autem propter bonam voluntatem Christum prædicant: quidam ex charitate, sciens quoniam in defensionem Evangelii positis sum.* *Quidam autem ex contentione Christum annuntiant, non sincere existimantes presuram se suscitare vineulis meis.* *Quid enim dum omni modò, sive per occasionem, sive per veritatem, Christus annuntietur? Et in hoc gaudeo, sed & gaudebo.* Igitur ex ordinatione Christi Domini, non etiam requiritur intentio in sacramentorum administratione.

Nego antecedens, & ad ejus probationem dico, non omni modò, sed duntaxat secundum quandam comparationem delegatum fuisse potestatem baptizandi, & prædicandi; siquidem Baptismus dirigebatur ad omnes prorsus, etiam parvulos; prædicatio verò duntaxat ad adultos; unde licet duo ista ministeria simul præcipiantur, non tamen

eodem modò, sed accommodatè ad rem præceptam, & ad suscipientes. Hinc non est eadem prædicationis, & ministrationis sacramenti fors: nam verbum Evangelii proponit quidem res credendas, non autem creditas efficit; unde ex parte ministrantis tantum est speculativum: verbum autem sacramentale est practicum, & efficax, adeoque ex parte ministrantis debet determinari ad eum effectum, ad quem ordinatur.

Dices tertio: Sanctus Augustinus dubius hæret, nec quidquam cerò definit circa necessitatem intentionis Ministri: igitur non fuit semper ratum, ac certum in Ecclesia Ministri intentionem esse necessariam.

Probatur antecedens ex eodem S. Augustino l. 7. de Baptismo, cap. 53. ubi inter varias quæstiones, quas sibi proponit, etiam inquirens, an qui baptizat animò simulatò, vel jocò, vel ludò, reverà baptizet, cum dixisset: *Nobis tutum est in ea non progredi aliquà temeritate sententiæ, quæ nullo in Catholico regionali Concilio cepta, nullo plenariò Concilio determinata sunt: id autem fidelià securæ voci assererem, quod in gubernatione Domini nostri Jesu Christi universalis Ecclesiæ consensione roboratum est.* Subjicit: *Si quis tamen fortè me in eo Concilio constitutum, ubi talium rerum quæstio versaretur, non præcedentibus talibus, quorum sententiæ sequi malle, argeret, ut dicerem, quid ipse sentirem: si eodem modò affectus essem, quod eram, cum hæc dicerem, nequaquam dubitarem eos habere Baptismum, qui ubicunque, & à quibuscumque illud verbis Evangelicis consecratum sine sua simulatione, & eum aliqua fide acceperint, quamquam eis ad salutem spirituale non prodesset, si charitate caruissent, quæ Catholicis inferebantur Ecclesiæ, &c.* Quibus verbis significat, se non dubitare, quin Baptismus administratus verbis Evangelicis sit validus, etiam abque ul-

ulla baptizantis intentione, probitate, & sine.

Nego antecedens: Sanctus enim Augustinus ibidem ea de re dubitabat; quia nullum adhuc Concilium generale id definierat: nunc autem constat intentionis necessitatem in Ministro definitam fuisse in tribus Conciliis, Constantiensis, Florentino, & Tridentino; unde inferre licet, quod si adhuc superstes esset sanctissimus ille Doctor, huius definitioni, ac veritati acquiesceret: diu autem aie, sibi certum esse, quod valeat Baptismus Evangelicis verbis consecratus, solum intendit significare Baptismum esse validum à quibuscunque Ministris, vel hæreticis, vel Catholicis conferatur; non autem quod ad validitatem Baptismi duntaxat requiratur ablutio cum prolatione verborum, formæ cum exclusione intentionis Ministri.

Inflabit: Sanctus Augustinus censet, validum esse Baptismum ab hæreticis collatum: sed ex illius sententia hæretici non possunt habere legitimam intentionem in sacramentorum administratione: ergo reverà non existimat illam intentionem esse necessariam. Major constat ex dictis. Minor probatur ex præfatione in Psal. 32. ubi docet legitimam intentionem dirigi per fidem: hæretici autem non possunt habere fidem: ergo nec intentionem debitam.

Nego minorem, & ad ejus probationem dico S. Augustinum ibidem non loqui de intentione requisita ad consecrationem, & ministrationem sacramenti: sed tantum de ea, quæ desideratur ad perficiendum bonum opus meritum, ait enim: Nemo computet opera sua ante fidem; ubi fides non erat, bonum opus non erat; bonum enim opus intentio facit, intentionem fides dirigit: non attendas valde de quid homo faciat, sed quid cum facit, aspiciat, quò lacertos optima gubernationis dirigat.

Urgebis: Idem S. Augustinus tract. 5. in Joannem, dicit se non timere Ministrum ebrium baptizantem, sed tantum attendere ad Christum, cujus nomine, & virtute Baptisma traditur: *Non timeo, inquit, adulterum, non ebriosum, non homicidam; quia columbam attendo, per quam mihi dicitur: hic est qui baptizat:* Sed ebrius non potest habere determinatam intentionem, cum non sit compos mentis, & rationis.

Respondet Doctor num. 10. S. Augustinum loqui de ebrioso, idest, de homine ad ebrietatem assueto, & proclivi, non verò de ebrio, & ratione orbato: ebriosus autem, sicut & adulter possunt cum perversa sua habitudine rectam, habere baptizandi intentionem. Nec aliud certè intendebat S. Augustinus, nam eò loco agit de sacramentis per pravam Ministrum collatis, quæ affirmat esse valida.

Dicit quartò: SS. Patres, ut dictum est in questione præcedenti, constanter docent in sacramentorum administratione non esse attendendam dantis conscientiam, sed duntaxat virtutem Christi, cujus nomine, & autoritate sacramentum confertur; quia alioqui salus spiritualis esset incerta, ut ait S. Augustinus lib. 1. contra litteras Petiliani cap. 3. atqui endem incertitudo occurreret, si requireretur intentio Ministri: igitur sicut non requiritur in Ministro probitas, ita nec requiritur intentio.

Respondet, concessa majore, negando minorem; quamvis enim aliqua incertitudo occurrat, plurimum tamen abest, ut tanta sit, quanta foret, si ad validam sacramenti consecrationem Ministri probitas necessaria desideraretur: Vix enim dari potest aliquis ita improbus, qui intentionem non habeat conferendi sacramentum; sæpius autem occurrunt Ministri, qui mortali peccato inficiuntur. *Adde quòd,* cum intentio facile possit haberi, & consequenter non haberi absque gravissima malitia, quam

in Ecclesiæ Ministro suspicari facile non licet; inde moraliter certi esse debemus eum talem intentionem habuisse, sicut habemus de pluribus aliis minis evidentibus, puta quod simus filii talis hominis, non verò alterius. Denique non major foret certitudo collati nobis veri sacramenti, si duntaxat requireretur materiæ, & formæ sacramentalis applicatio: quis enim rescire potest veram, & naturalem aquam in suo Baptismate fuisse adhibitam, & integra formæ verba fuisse prolata?

Dicit quintò: Sacramenta se habent respectu Ministri, sicut medicamenta respectu Medici; illa enim sunt animi remedia, sicut hæc sunt corporis: sed medicamenta corporum non egent intentione Medici ad suos effectus: ergo nec sacramenta intentione Ministri.

Negomajorem: Sacramentorum enim collatio verè est actus humanus, qui tantum operatur ex intentione divina; quare ne quidem esse possunt sine agentis intentione, nec agere ex opere operato; quippè cum illa Ministri intentione contineatur in illo opere operato, cum istud sit humanum opus.

Dices 6. Sacramenta sunt signa sensibilia, ac proinde constare debent rebus sensibilibus; sed intentio ministri non est quid sensibile: igitur nil confert ad valorem, & integritatem sacramenti.

Distinguo majorem: Sunt signa sensibilia speculative significantia, nego: practice concedo. Ut autem significant practice oportet quod annexam habeant intentionem operantis, & ministri efficientis, quia actio sacramentalis fieri debet humano modò, sic autem fieri nequit, ut diximus, absque deliberatione, & intentione. *Vel aliter distinguo* cum Doctore *quest. 5. num. 9.* Sacramenta constare debent rebus sensibilibus, si res illæ habeant rationem materiæ, & formæ, concedo: si se habeant ut determinantes materiam,

Tom. X.

& formam ad esse sacramentale, nego. Vel ut loquitur Doctor, Dico quòd ad Baptismum pertinent alia, qua tanquam intrinseca, & aliqua ut extrinseca: Et concedo quòd nihil intrinsecè pertinet ad ipsum, vel ad fundamentum ejus, nisi sit sensibile: tamen sicut causa efficiens requiritur necessariò ad ipsum tanquam causam extrinsecam; ita & illud quod est quasi principium agendi tali causæ effectivæ: Principium autem ultimum determinans agens intellectuale ad agendum, est intentio; quia tale, ageus per imperium voluntatis est causa activa motiva aliarum potentiarum, quæ subjacent imperio voluntatis. Quando ergo dicitur quòd nihil pertinet ad sacramentum nisi sit aliquid sacramenti, vel res ejus; verum est de eo, quod est intrinsecum ipsius sacramenti, vel signati ipsius sacramenti: sed intentio neutro modò est intrinsecum, requiritur tamen ex parte agentis. *Hec Doctor*, quibus significat materiam, & formam, quibus intrinsecè constare debet sacramentum, debere quidem esse sensibiles: secus autem de his, quæ sunt velut extrinseca, & ex parte agentis conficientis, ac conferentis sacramentum.

CONCLUSIO SECUNDA.

Sola intentio exterior non sufficit ad validitatem sacramenti, sed necessariò requiritur etiam interior, vel scientia quod facit Ecclesiæ: vel quod Christiani facere solent: vel quod Christus Dominus iussit: vel saltem faciendi Christianum eum, qui baptizatur. Ita Doctor locò suprà laudatò, num. 4. ubi ait: Dico ergo quòd intentio finis ultimi nullo modò requiratur in baptizante, quia Paganus nullò modò intendit ordinare istum, quem baptizat, ad vitam æternam. Requiritur tamen intentio respectu finis proximi: & hoc vel in particulari, vel in generali: In particulari, ut si intendat istum in-

C c

tra-

„trare legem Christianorum servan-
dam: in generali, si intendit facere
circa istum, quod Christiani solent
facere circa suos.

„*Probat*ur etiam conclusio iisdem
momentis, quibus firmata fuit præce-
dens; Concilia namque ibi laudata
apertè docent, ad validitatem sacra-
menti necessariò requiri intentionem in
Ministro faciendi quod facit Ecclesia:
hæc autem intentio non solum est ex-
terior, sed interior.

Confirmatur: Quia si tantum exterior
intentio requireretur, consequens esset,
quod si per ludum, aut jocum aliquis
baptizaret, aut absolveret, validum
conferret sacramentum: at hoc falsum
est, & directè militat in Concilium
Tridentinum sess. 24. cap. 6. ubi ait: *Non
debet et penitens adeo sibi de sua ipsius fide
blandiri, ut etiam si nulla illi adsit Con-
tritio, aut Sacerdoti animus seriò agendi,
et verè absolvendi, desit.* Subdit: *Nec ita
est, nisi de sua salute negligentissimus,
qui Sacerdotem iocò se absolventem co-
gnosceret, et non alium seriò agentem se-
dulò requireret.*

Nec valet reponere: Concilium loqui
duntaxat de subsannatione exteriori,
non verò duntaxat de sola interiori,
quæ per externa signa non declararetur.
Contrarium enim apparet: *Primo*, quia
cum subsannatione exteriori potest
æquè subsistere exterior intentio
servandi ritus Ecclesiæ, sicut cum subsan-
natione interiori. *Secundò*, quia in rei
veritate cum subsannatione exteriori
potest quis validè baptizari, si in Mini-
stro adsit interior intentio verè bapti-
zandi, & consequenter subsannatio ex-
terior non officit sacramento, nisi pro-
pter interiorem, ideoque si hæc non no-
cet, nec illa nocere potest.

*Probat*ur *secundò*: Quia ad sacra-
menti perfectionem ea requiritur intentio,
quæ Minister sese agenti principali con-
formet, & res, & verba ex se indifferen-
tia determinet adesse sacramentale: sed

intentio faciendi quod facit Ecclesia,
seu quod Christiani facere solent, est
ea, per quam Minister se conformat
Christo principali agenti, & materia,
ac forma applicata determinantur ad sa-
cramenti constitutionem, cum ex se sint
indifferentia ad alium affectum, si talis
desit intentio. Quod utique constat:
nam posset aliquis puerum balneò lava-
re sanitatis causâ in nomine Patris, &
Filii, & Spiritus sancti, quas divinas
Personas invocaret ad instaurandam
pueri sanitatem; quamvis autem hæc
ablutio haberet eandem materiam, &
formam, quæ solet adhiberi in confe-
rendo sacramento Baptismatis; illa ta-
men non foret sacramentum, quia bal-
neans, & abluens non haberet inten-
tionem faciendi quod facit Ecclesia, aut
quod Christus instituit pro sacramento
Baptismi; igitur, &c.

Dices primò: Minister se habet ad
sacramentum, ut instrumentum Christi,
& Dei; non enim est agens præcipuum
respectu effectus sacramenti: sed actio
non perficitur per intentionem instru-
menti, sed per intentionem agentis
præcipui: igitur sacramentum potest
esse validum, etiam si nulla adsit in-
terior intentio Ministri.

Respondet Doctor quæst. laudata nu. 9.
ad maiorem, quod Minister est causa se-
cunda respectu abluionis, non tan-
tum ut ablutio est, sed ut sacramenta-
lis; & ideo habet propriam intentio-
nem, cum sit agens voluntarium, &
non naturale; illam scilicet, quæ per-
tinet ad cognoscentem: sed res-
pectu principalis effectus Baptismi, sci-
licet gratiæ, potest dici instrumen-
tum respectu Dei, eò modò, quò
agens dispositivum dicitur instru-
mentum respectu perficientis: & ta-
le agens non habet intentionem re-
spectu termini principalis agentis,
sed respectu sui proprii termini; &
ita concedo, quod non est necesse ba-
ptizantem habere intentionem re-
spe-

„ spectu ultimi finis Baptismi : sed respectu Baptismi . *Hæc Doctor* , quibus significat Ministrum esse causam secundam respectu sacramenti , sed respectu gratiæ esse duntaxat instrumentum , dispositivum : non est autem necesse , quod conferens Baptismum intendat producere gratiam , sed sufficit , quod intentionem habeat faciendi quod facit Ecclesia , vel quod Christiani facere solent .

Unde in forma distinguo minorem : Actio non pericitur per intentionem instrumenti , quod est inanime , & rationis expert , qualis est penicillus , qui sola pictoris intentione , non autem propria movetur , concedo : ejusmodi enim instrumentum in tantum confert ad effectum , in quantum movetur ab agente principali : si sit instrumentum animatum , & rationale , qualis est aut servus in familia , aut præfectus , & Judex à Rege delegatus , qui nomine Regis juxta populi administrat , nego : cum enim Rex non eis determinet actiones particulares , sed eos relinquat in eorum arbitrio , hinc est , quod egeant prudentia , quæ certas actiones exerceant ex intentione , & deliberatione : sacramentorum autem Minister est ejusmodi : non enim tantum est instrumentum , Dei , & Christi secundum vim motricem ; siquidem non solum movetur , & agitur ; sed etiam aliquo modo seipsum movet , & agit . Ejus enim prudentiæ Christus Dominus multa commisit in speciali , & determinata sacramentorum administratione ; Ministri namque sacramentorum sunt dispensatores mysteriorum Dei : sed ex 4. cap. 1. ad Cor. *Inter dispensatores queritur , ut fidelis quis inveniat , ac proinde deliberatione , & intantione eget , ut debite commissum ministerium impleat .*

Urgetur : Instrumentum etiam ratione præditum non requirit peculiarem intentionem , ut actio , ad quam assumitur , debite fiat per causam principalem :

igitur hac ratione non est opus intentione Ministri ad valorem sacramenti . Probatur antecedens : Quis enim potest ex alterius commissione emere , aut vendere , nuptias cum absente sponsa contrahere , & alteri inservire per modum interpretis ad deponenda sua peccata eorum Sacerdote : sed quovis animo id exequatur ille Minister , & si ve actionem improbet , si ve approbet , si ve volens interius , si ve nolens ; actio , quam gerit , censetur valida : igitur , &c .

Respondet , aliquid posse fieri per Ministrum duobus modis : *Primò* , ut referat tantum mentem , & voluntatem hominis , qui cum rei gerendæ interesse non possit , ipsum ut delegatum , internum , & interpretem assumit , & constituit : *Secundò* , ita ut ille delegatus domini sui personam sustineat , & vices agat ; ex suo tamen arbitrio commissum sibi ministerium impleat , ut æconomus , aut dispensator rerum familiarum . Itaque *distinguo antecedens :* Instrumentum ratione præditum potest aliquid validè facere citra intentionem , quando rem non exequitur ex proprio arbitrio , nec illa res pendet ab ejus voluntate , sed habet duntaxat rationem internuntii , aut interpretis , concedo : secus , nego : Minister autem sacramenti habet partem in consecratione sacramentorum , quorum est æconomus , & dispensator , & illa dispensat , & administrat ex proprio nutu , & arbitrio ; igitur neganda est consequentiâ .

Dices secundò : Non requiritur interior intentio faciendi quod facit Ecclesia , si Baptismus per jocum , & ludum collatus , censetur validus : at ita est ; igitur , &c . Major constat : qui enim mimice tantum , & ludicre operatur non aliam habet intentionem , quam ludendi , & risum , ac voluptatem aliis faciendi . Minor verò probatur ex facto S. Genesii Romani Martyris ; nam , ut testatur Adu. in suo Martyrologio ad diem 25. Augusti : Cum Genesius mimum

ageret in Theatro coram Diocletiano, ut ludum exhiberet Imperatori, finxit se ægrotare, & proposuit batizari; ideoque accersiti sunt alii duo Mimi, qui Presbyteri, & Exorcistæ personam gerentes, cum aqua lavarent; ab eis autem interrogatus utrum crederet, respondit ex animo se credere, statimque vidit desuper manum cœlis venientem, & Angelos Dei radiantes circa se stantes, qui omnia peccata ejus in ipsa aqua lavarunt; unde tali visione mirum in modum confortatus, liberè, & constanter coram Imperatore professus est se esse Christianum, & idolorum cultum cœpit execrari: quapropter variis tormentis laniatus, tandem capitis obtruncatione gloriosum martyrium subiit.

Nego minorem, & ad ejus probationem dico primò S. Genesium dici posse fuisse baptizatum non ministerio hominis, sed Angeli cujusdam ex illis, qui circa illum steterunt. *Secundò*, quòd cum repente mutatus esset, & Baptismum seriò postularet, potuit docere ipsum Pseudo-Presbyterum ritum legitimum administrandi Baptismum, adeoque licèt talis actio visa fuerit sedentibus in theatro, tanquam subfannatio; potuit tamen reverà censerì Baptismus seriò collatus. Unde in Martyrologio Rom. legimus: Cum Genesius mysteriis Christianorum illuderet, inspiratus à Deo, repente conversus ad fidem, baptizatus est. *Tertiò* denique, dici possit non fuisse fortè verum Baptisma; licèt enim Genesius non fuerit denuò baptizatus, justificari tamen potuit per vivam illam fidem charitate formatam, quâ Catholicam Religionem animosè professus est, & martyrium subiit; unde fortè nonnisi specietenus baptizatus est Baptismo fluminis, reverà autem mundatus per Baptismum fluminis, & sanguinis.

Urgetur: Reverà Baptismus per jocum, & ludum sine ulla intentione vera

collatus, approbatus fuit ab Ecclesia: ergo præfata solutio nulla. Probatur antecedens: nam Baptismus ab Athanasio adhuc puero ludi gratià collatus aliis pueris, ratus habitus est, & validus ab Alexandro Episcopo Alexandrino, & ex Concilio Sacerdotum judicatum est pueros illos non esse rebaptizandos, ut constat ex Rufino lib. 1. Ecclesiasticæ Historiæ cap. 14. Alexander, inquit, collocutus cum Concilio Clericorum statuisse dicitur, illis, quibus integris interrogationibus, & responsonibus aqua fuerat infusa, iterari Baptismum non debere, sed adimpleri ea, quæ à Sacerdotibus ministrari mos est Idem testatur Socrates lib. 1. cap. 11. Sozomenus lib. 2. cap. 16. Nicephorus lib. 9. cap. 14. Quòd autem Baptismus ille collatus fuerit cum sola intentione exteriori, constat: quænam enim potuit esse alia intentio in puero cum pueris colludente, & Episcopum simulante? igitur; &c.

Respondet primò, negari posse antecedens, & illius probationem; historia enim illa non ita videtur certa: Primò namque fuit à Rufino scriptis mandata; ille autem eam dubiam habet, ut rem, quæ aliorum narratione vulgaretur, unde illam referens, ait: *Ferunt &c.* Secundò, Authores, qui prædictam historiam referunt, invicem non consensunt: Socrates enim ait, quòd Alexander prætergrediens ludentem Athanasium contemplatus fuerit: Sozomenus eum animadvertisse, cum Clericos convivas expectaret; Nicephorus autem, quòd in loco sublimiori sedens hunc ludum observaverit. Tertiò, idem Socrates ludum hunc puerilem narrans, prætermisit ea, quæ spectant ad Baptismum, neque ullum verbum facit de aliquibus pueris ab Athanasio baptizatis. Verùm, cum Rufinus memoret, se illam historiam accepisse ab his, qui cum ipso Athanasio vixerunt, idcirco ne tot, tantisque Authoribus fides denegetur, supposità ipsius rei veritate;

Respondet

Respondeo secundò, Athanasium baptizando habuisse intentionem faciendi quod facit Ecclesia, quod utique colligi potest, *Primò* ex eo quòd Athanasius tunc temporis licet dicatur puer, nihilominus non erat ætatis ita parum provectæ, quin potuerit intentionem legitimam interiorem habere: Tum quia de Athanasio speciatim Sozomenus tradit, quòd Alexander non ita diu post eum Convictorem suum, & scribam constituerit: Nicephorus addit, quòd non ita longò post tempore illum in Diaconorum ordinem evexerit.

Cui consentit Socrates, scribit enim: *Cum jam adolevisset Athanasius, Alexander eum ordinavit Diaconum, Niceam duxit secum, ut ibi in Concilio sibi esset in disputando subsidium*: unde fit consequens Athanasium ad minimum fuisse 12. annuorum, cum hunc Baptismum faceret: Alexander enim eum sibi reliquit successorem in Episcopatu Alexandrii; testatur autem Baronius eum mortuum fuisse anno Domini 326. ludus autem ille, ut refert Rufinus, contigit anno 311. ac subiude ad minus 12. annorum puer erat Athanasius, qui cum aliunde esset eximia ingenii sagacitate, ac solertia præditus, facile potuit intelligere, quæ necessaria erant ad Baptismum: Id confirmatur ex eo quòd Rufinus ibidem dicat, pueros ab Athanasio baptizatos, fuisse Catechumenos; ac subinde jam de rebus fidei eruditos: ergo multò magis ipse Athanasius eas noverat.

Tum quia idem Rufinus narrat, quòd cum Alexander hunc ludum, puerorum inspexisset, vocavit ad se Clericos, & eis quid eminens ipse videret, ostendit; Tum eos ire jubet, & comprehensos omnes pueros, ad se perducere; cum adessent pueri, querit quis eis ludus, quid egissent, & quo nodo; illi, ut talis habet ætas, pavidè negarunt primò; tum rem gestam ordine pandunt, & baptizatos

esse quosdam Catechumenos fatentur per Athanasium, qui puerilis ludus simulatus fuerat Episcopus; Alexander diligenter ab iis, qui baptizati dicebantur, quid interrogati fuissent, quid respondiissent: simul & ab eo, qui interrogaverat; ubi videt juxta Religionis nostræ ritum, omnia constare, statuit ex Concilio Clericorum, iis, quibus aqua fuerat infusa, Baptismum iterari non debere, sed adimpleri ea, quæ solent à Sacerdotibus. *Hæc Rufinus*: Sed Alexander non adhibuit hoc examen, nisi ut expenderet, an baptizans habuisset intentionem faciendi, quod viderat in Ecclesia fieri ab Episcopo baptizante: igitur, &c.

Nec obstat, quod Baptismus ille fuerit per ludum collatus: ludus enim, & jocus distingui potest duplex. *Unus* quo nulla res seria intenditur, sed tantum simulatio, fingendo videlicet facere; quod reverà tamen non fit, ut cum in comedia quis fingit se manducare, & lugere, cum tamen reverà non manducet, nec lugeat: alius verò, quo ludus intenditur, tanquam finis extrinsecus actionis, nihilominus seriò geritur id quod fit: quemadmodum histriones solent in theatris interdum cœnam instruere ad celebrandas nuptias, ubi reverà bibunt, & comedunt, quamquam id præsent ad oblectandos spectatores: hoc autem posteriori modo ludendo baptizabat Athanasius, dirigebat enim baptizandi intentionem ad recreationem, & ludum: quemadmodum Ministri avari sacramenta conferunt propter comparandam pecuniam.

Eadem solutione solvitur factum, quod narrat Nicephorus lib. 3. cap. ult. ubi scribit: Christianorum pueris, *inquit*, Hebræus puer familiaris erat, & cum eis ad mare colentibus natandi infessisset cupiditas, consecutus est eos Judæus; tum per ludum pueri, nudum ad mare stantem bapti-

prizarunt, principio non invitum : postea quàm verò, & tertiam divini numinis appellationem nominarunt & simul tertiam merisionem peregerunt, extrema lineæ vestis textura discissa imaginario amictu facto in capite ejus arcanam, mysticamque galeam adumbrarunt. Deinde pro cereo dexteram ligno tenui armautes, quæ ejus sacri ritus sunt mysteria omnia absolverunt : postremo & circum vicinum templum psallentes obambularunt, ut verò etiam templum ingressi sunt, sanctum munus receperunt: idem porro ex æquo qui ita Baptismo initiatus erat, fecit. Quam rem per diligentem inquisitionem cognitam, qui ibi sacris præfuit, ad Ecclesiam Constantinopolitanam renunciavit: eo etiam puer est accitus, cùm quidam Judæi, ne id fieret, multa molirentur; atque ibi quoque decretum, ut tantum ab illo, quod deesset, juxta mysterii executionem compleretur: Et ita factum est, qui puer, ubi ad justam ætatem pervenit, in sacerdotii Ordinem est allectus, & æditus, seu Custos maximi templi factus etiamnum ibi vivit.

Eadem, inquam, solutio, quæ præcedens recurrit: ex hac enī narratione colligitur, quod isti pueri jam essent grandævi, quippe cùm natationi incumberent, & insuper quod suscipiens habuerit intentionem Baptisma reverà accipiendi: dicitur enim volens illud accepisse: ac subinde validus fuit ille Baptismus; cum nec materia, nec intentio in suscipiente, & conferente deesset.

Dices tertio: Si in Ministro sacramenti requireretur interior intentio faciendi quod facit Ecclesia, maxime illa intentio dirigi deberet ad id, quod facit vera Ecclesia: sed Baptismus collatus ab eo, qui non intendit facere, quod facit vera Ecclesia, non minus est

validus: igitur ad validitatem sacramenti talis intentio non requiritur. Major constat. Minor probatur. Hæretici validè baptizant: sed non intendunt facere quod facit Ecclesia Romana, quæ sola est vera, sed Calvinistæ v. g. tantum intendunt facere, quod fieri assolet in eorum secta, & congregatione, quæ non est Ecclesia vera, sed potius synagoga Sathana: igitur, &c.

Nego minorem, & ejus probationem distinguo: Calvinistæ non habent intentionem faciendi quod facit vera Ecclesia Romana, quoad effectum sacramenti, putà impressionem characteris, gratiæ sanctificantis infusionem, & realem peccatorum remissionem, concedo: non enim existimant hæc omnia, per Baptismum fieri, & conferri: non intendunt facere, quod facit vera Ecclesia, quoad actum sacramentalem, institutum à Christo, quem vera Ecclesia ministrat, & celebrat, nego: quamquam enim Calvinistæ non credant Ecclesiam Romanam esse veram, nec in ministrando Baptismate intendant facere quod illa præstat; & consequenter habeant intentionem materialiter oppositam intentioni veræ Ecclesiæ: habent tamen intentionem ipsi formaliter conformem: illi siquidem intendunt facere quod Christus instituit, & fieri mandavit; hoc autem ipsum est, quod Ecclesia Romana in ministrando Baptismate intendit. Quamobrem Calvinistæ, vel alii hæretici volunt facere, quod Ecclesia vera formaliter facit: volunt enim facere, quod facit Ecclesia Christi, licet in hoc errent, quod existiment, illam Christi Ecclesiam non aliam esse, quàm suam Congregationem.

Inflabis; Vera Ecclesia non tantum intendit actum Baptismi, sed etiam ejus effectum, scilicet peccati remissionem, gratiæ sanctificantis infusionem: at hæretici istud non intendunt, ut concessum est: igitur non intendunt facere,

re quod facit vera Ecclesia.

Distinguo majorem: Vera Ecclesia id intendit primario, & formaliter, nego: sic enim duntaxat intendit sacrum opus, actum, & ritum sacramentalem; id intendit materialiter, consequenter, seu secundario, concedo: & similiter distincta minore, neganda est consequentia; non enim est necessum; quod Ecclesie Ministri distinctè, & directè intendant id omne, quod intendit Ecclesia, licet hoc laudabile sit: Unde Baptismus à Pelagianis collatus, admissus fuit ab Ecclesia, quamquam ipsi in conferendo Baptismo non intenderint remissionem peccati originalis, quod non agnoscebant,

CONCLUSIO TERTIA.

Habitualis intentio non sufficit ad validam sacramenti administrationem: virtualis autem est sufficiens, actualis verò est perfectissima. Hæc est communis apud Theologos; eamque tradit subtilis Doctor in 4. diff. 6. num. 3. ubi ait. Dico quod sola intentio habitualis non sufficit in Baptismo: quia propter istam non dicitur actus ejus, licet sit conformis illi habitui actus humanus. Nam si aliquis habeat habitum inclinantem ad desiderium sanitatis, si curatur nullo modo intendens sanitatem, sed ad ludum, non dicitur consequi sanitatem per aliquem actum humanum, sed casualiter, vel fortuitè, non magis, quam si non habuisset intentionem ad sanitatem; ergo sola intentio habitualis non sufficit respectu finis actus humani, ut humanus est. Nec requiritur in baptizante semper intentio actualis, quia non obligavit Deus hominem ad impossibile, vel nimis difficile, cujusmodi est non distrahi: quia secundum Augustinum 3. de lib. arb. *Non est in potestate nostra, quin visis tangamur*. Nec etiam plus obligavit Ministrum in illo actu, quam in exequendo actus

aliorum Sacramentorum. In conficiendo autem Eucharistiam, quæ est excellentissimum sacramentum, non obligavit hominem ad non distrahi, quia prius intendens celebrare, licet in proferendo verba sacramentalia distractus sit; verè tamen conficit. Ex his concludo, quod sufficit in baptizante intentio virtualis, hoc est, quod aliquando habuerit intentionem actualem, ex qua descendit tunc verè actus baptizandi, sive in isto actu habet intentionem actualem, vel aliquam ex ea descendentem, sive non. Intelligo autem, quod descendit iste actus absque omni motu voluntatis contrario interveniente. Sicut si induens se ad Missam, intendens celebrare secundum usum Romanæ Ecclesiæ, & ex isto procedat continuè fortè secundum aliquem habitum derelictum in phantasia, cum magna distractione verè facit ea, quæ necessaria sunt ad istum actum sacramentalem, qui est conficere.

Probatur autem conclusio: Quia (ut diximus) Minister in sacramentis debet operari humano modo, hoc est, cum deliberatione, & judicio; sed res, quæ fit cum intentione tantum habituali, non fit semper cum deliberatione, & judicio, ebrius enim, & furiosus multa potest exequi ex habitu aliunde comparato. *Deinde*, habitualis intentio est indifferens ad hunc, aut illum effectum, nec determinari potest ad unum potius, quam ad alterum, nisi accedat quædam actualis advertentia, mentis, & deliberatio voluntatis: si quis enim habitu misericordiæ præditus, nihil de elemosyna cogitans, propiciat pecuniam, quam pauper accipiat; illa pecuniæ projectio, & collectio non censetur actus misericordiæ: quia fit absque advertentia rationis, & deliberatione voluntatis: unde sequitur, quod si quis dormiens, aut amens ex contra-

At habitu baptizaret, aut verba consecratoria proferret super debitam materiam, nullus esset Baptismus, nulla-que consecratio, cum ipse potius ageret ex impetu, & operaretur instar naturæ non verò modo humano, & voluntario.

Dicitur: Intentio habitualis sufficit ad suscipiendum sacramentum: igitur, & ad conferendum. Probatur antecedens: Si furiosus, aut amens per lucidum intervallum postulaverit Baptismum, deinde furore, aut amentia corripitur, non tantum non potest, sed etiam debet ei Baptismus conferri: quoniam ille censetur habere intentionem habitua-lem suscipiendi Baptismatis igitur, &c.

Nego consequentiam: Plura namque requiruntur ad conferendum sacramentum, quam ad suscipiendum; quia suscipiens se habet ad modum patientis, non agentis; ideo in eo solum desideratur, quod non ponat obicem per reluctantiam voluntatis: qui verò sacramentum ministrat, cum habeat rationem agentis, Idcirco tenetur per operationem humanam sacramentum administrare, & ejus materiam, & formam ad esse sacramenti determinare: id autem fieri nequit, nisi sit in eo voluntatis actus, cum actione sacramentali conjunctus, quò velit implicitè, vel explicitè, facere quod facit vera Ecclesia; ac subinde necessum est, quòd ejus actio, vel habeat annexam illam intentionem, vel saltem ex ejus virtute procedat.

Dicitur secundò: Si quis ebrius ex habitu percutiat aliquem, ejus intentio sufficit, ut ei deputetur ad peccatum, & subijciatur poenæ: Igitur pari ratione illa intentio habitualis sufficiet ad bonum aliquod opus præstandum, & consequenter ad validam sacramenti consecrationem.

Nego consequentiam: Nam illa percussio non vertitur vicio, nec imputatur ad culpam, pro tempore, quò ebrius,

aut amens eam elicit in amentia, aut ebrietate; sed solum propter pravam habitudinem, & voluntariam consuetudinem, ac complacentiam: hæc autem de actione sacramentali dici non possunt; nam illa æstimari debet ex tempore, quo elicitur; quippe cum ejus materia, & forma ex se indifferentes, determinari debeant ad esse sacramenti per intentionem conferentis.

Probatur secunda pars, nempe quòd actualis intentio sit sufficientissima, & omnium optima; omnis enim intentio sufficiens ad sacramenti veritatem in actuali fundatur, & ab ea vim suam accipit: unde Minister eniti debet eam habere ministrando, quia tendere debet ad ministerii sui perfectionem. Hæc tamen non est omnino necessaria; Deus enim justior est, quam qui ad impossibilia obliget: at est impossibile Ministrum habere semper actualem intentionem in administratione sacramenti; mentis enim evagatio prohiberi non potest; nam humanum ingenium adeo lubricum est, & inconstans, ut suam in una re cogitationem diu retinere non possit: in potestate nostra quippe non est, ut variis sensibilibus objectis subinde non afficiamur, & ad diversa phantasmata non distrahamur.

Tertia pars denique constat, nempe, quòd intentio virtualis sufficiat. Ut enim actio sacramentalis fiat debito modo, sufficit quòd fiat cum ea deliberatione, quæ requiritur, ut actio sit moralis, & humana: at ad id sufficiens est intentio virtualis, ut omnes fatentur, ac proinde etiam sufficit ad legitimam sacramenti ministrationem. Hanc veritatem probat Doctor eadem *diff. 6. qu. 6. num. 2.* ubi ait: Si aliquis intendit in principio Missæ, celebrare Missam, si postea est distractus, non habet actualem intentionem, quando est distractus, patet; quia non intelligit tunc illud in actu: ergo nec vult illud in actu, nec habet tantum in-

intentionem habitualement, quia talem habet dormiens: habet ergo se medio modo: & hanc ejus dispositionem appello *intentionem virtualement*, quia scilicet virtute alicujus intentionis prius habitæ actualiter, facit omnia quæ facit, ex illa tanquam ex radice: ita quod illa intentio actualis fuit principium ordinatum ad omnes istos actus, & habet in se virtualiter intentionem propriam cuilibet istorum actuum, sicut intentio finis habet in se virtualiter intentionem propriam cujuscunque ordinati ad finem: & pro tanta manente intentione cujuscunque ad finem ordinati, manet illa intentio actualis prima, virtualiter in omnibus istis.

Hoc modo intendens ire ad S. Jacobum, ex intentione hujus finis, ordinat multa alia necessaria ad illum finem. Exequens autem illa ordinata, non semper cogitat de S. Jacobo, nec de reverentia ejus. Dico tamen, quod semper meretur, quia vel habet intentionem eorum, quæ sunt ad finem, cujus est illa prima intentio: vel habet actus aliquos sequentes ex illis intentionibus: licet cum illis actibus concurrant aliqui actus distrahentes, & ab intentione illa prima, & ab intentionibus propriis eorum, quæ sunt ad illum finem, sicut declaratum est in 2. dist. 14. & in 3. dist. 15. ubi dictum est, quod fortè Martyres in actu sustinendi Martyrium, non habuerunt intentionem, nisi istam virtualement: quia immensitas pœnarum absorberet fortè usum rationis: ista tamen permissio pœnarum erat quidam effectus derivatus ex intentione servandæ fidei Dei: & ideo dum durabat passio, durabat semper ista intentio virtualiter, sicut in effectu.

Ex his sequitur, ad valorem sacramenti requiri intentionem directam in Ministro, quia velut actionem sacramen-

talem, & rem sacram, ac religiosam perficere, ac celebrare: nam Minister in sacramentis debet operari humano modo; ac subinde cum deliberatione, & judicio: sed id quod fit cum intentione tantum indirecta non censetur fieri humano modo: igitur qui vellet tantum actionem sacramentalem in alia, putà Baptismum in largiore vini potu, quia videlicet experimento comperit habet, se toties moveri ad baptizandum, quoties largius biberit, non baptizaret.

Sequitur secundò, aliqua sacramenta valide ministrari sub conditione de presenti, vel de præterito: siquidem jus Canonicum decernit cap. 2. de Baptismo valere Baptismum conditionatum: nam de quibus dubium est, an baptizati fuerint, baptizantur his verbis præmissis, *Si baptizatus es, non te baptizo: sed si nondum baptizatus es, ego te baptizo, &c.* Ratio autem hujus assertionis est, quia illa conditio de presenti, vel de præterito transit in absolutam, juxta illud Instit. de Verb. oblig. 7. *Conditiones, quæ ad præsens, vel præteritum referuntur, aut statim infirmant obligationem, aut omnino non differunt.* Veluti, si Titius Consul fuit, vel S. Mævius vivit, dare spondes? Nam si ea ita non sunt, nihil valet stipulatio: sin autem ita se habent, statim valet. Quæ enim per rerum naturam sunt certa, non morantur obligationem, licet apud nos incerta sint. Ita jus civile, quo utitur Ecclesia, nisi sacris Canonibus contradicat, cap. 1. de novi operis nuntiatione ibi: *Quia verò sicut leges non dedignantur sacros Canones imitari, ita, & sacrorum statuta Canonum Principum constitutionibus adjuvantur.*

Secus autem est de intentione conditionali pro futuro, maxime de ea conditione, quæ humano modo cognosci non potest, putà si Sacerdos hac conditione pœnitentem absolveret: Absolve te, si es prædestinatus, vel si non sis

denuò peccaturus: nam illę conditiones suspendunt actum sacramentalem: quòd enim ut existat, pendet ab eventu aliqujus effectus ponendi, non potest dici existere, quandiu suspenditur positio ejusmodi effectus: sed ita est de ejusmodi intentione conditionali pro futuro contingenti: igitur, &c.

Nec refert, quòd conditio de futuro contingenti, non minùs sit in se certa, quàm quę est de præterito, & præsentī: nam conditio de futuro, quæcunque illa sit, suspendit intentionem; nec talis conditio potest dici efficax, quandiu non ponitur effectus: conditio enim de futuro juxta communem concipiendi modum, apponitur ad suspendendum effectum, donec impleatur.

Sequitur tertio requiri quòd ministri intentio sit determinata circa materiam, ac subjectum, saltem in specie. Non tamen requiritur, ut sit determinata ad subjectum, vel personam in particulari, si matrimonii sacramentum excipias.

Prima pars constat, quia actio sacramentalis debet procedere ex intentione ministrī; at ita non procederet nisi versaretur circa materiam determinatam, & subjectum capax suscipiendę illius actionis sacramentalis; alias enim actio illa esset omnino vaga, & absque deliberatione, & judicio.

Adde quod formę sacramentorum designant aliquod subjectum præsens, ut constat ex his verbis: *Ego te baptizo*, &c. *Abfolvo te*, &c. *Hoc est Corpus*, &c. Nam illa particulę *te*, & *hoc*, aliquam personam, aut rem præsentem demonstrant. Hinc fit, ut si sacerdos habeat præ manibus duas formulas, & unam, dumtaxat intendat consecrare, non determinando quænam illa sit, neutram consecrabit; quia intentio non est determinata, sed vaga, & indifferens. Si verò putet se unam habere præ manibus, & reverà duas habeat, modò velit consecrare id quod habet præ manibus, utramque consecrabit.

Secunda pars est etiam evidens, quia non potest melius colligi, quæ debeat esse sacramentalis intentio, quàm ex formis sacramentorum: atqui ex his non apparet, quòd illa intentio debeat esse determinata in individuo, quia valida est illa forma circa quodlibet subjectum capax sacramenti suscipiendi. Unde si Paulus accedat ad deponenda sua peccata coram sacerdote, qui existimat illum esse Petrum; quamquam Sacerdos intendat absolvere eum, quem existimat esse Petrum, non minùs valida erit absolutio.

Tertia pars tandem apparet: cum enim in matrimonio conjuges sibi mutuo tradant potestatem suorum corporum in individuum vitę societatem, ratio, & æquitas humani contractus postulat, ut determinatio intentionis feratur in subjectum in particulari: iniquum enim esset, ut quis archismo matrimonii vinculo usque ad propriam, vel conjugis mortem, jungeretur ei personę, cujus affectus, & mores nullatenus novisset.

Peter, an qui cum impedimento legitimo, putā defectu examinis prævi, irregularitatis, litterarum dimissoriarum, patrimonii, aut beneficii, &c. accedunt, ut ordinentur ab Episcopo, reverà ordines suscipiant, quando ut plurimi fieri assolet, Episcopus per Ministrum denuntiat publicè se non intendere eos ordinare.

Respondet, quòd si illa intentio non sit tantum comminatoria; sed absoluta, tales non suscipiunt ordines; quia intentio prærequisita ad valorem sacramenti, nempe actualis, aut virtualis, hic non occurrit. Non quidem actualis, quia circa illos Episcopus habet intentionem contrariam, nempe eos non ordinandi: non etiam virtualis, quia hæc fundatur in actuali præcedente non revocata; specialis enim intentio in individuo determinata generali derogat: at intentio Episcopi de ordinandis his, qui

qui presentes sistuntur, est tantum generalis; intentio verò non ordinandi repullos, est specialis, quæ Episcopum determinat, ut hunc effectum determinatè nolit. Igitur eorum ordinatio censetur nulla.

Nec refert quòd Episcopus exerceat eundem actum ordinationis imponendo manus, porrigendo instrumenta, & formam proferendo tam circa repullos, ac circa receptos: nam id exercet solum materialiter, non autem formaliter; quemadmodum Sacerdos, qui sacros Missæ ritus discit, eadem consecrationis verba profert super debitam presentem materiam; nec tamen consecrat, quia non profert ea formaliter, seu cum formali intentione consecrandi: Idem enim potiori jure dicendum de Episcopo respectu eorum, quos non solum non intendit ordinare, sed absolute, & positivè non vult eis ordines conferre.

Si autem requiratur ex quo judicari

possit, an Episcopalis illa declaratio sit tantum comminatoria, vel absoluta. *Respondeo* istud esse maximè respiciendum ab ipso Episcopo, si adhuc in vivis perseveret: si autem obierit, ejus intentio colligi debet ex verbis, quibus suam mentem declaravit. Si autem ex eis illius mens certò colligi non possit, præfata ordinatio haberi debet ut dubia, & ordinatus tandiu cessare debet ab officio, donec sub conditione iterum ordinetur.

Mens mihi fuerat hic resolvere, quænam sit sacramentorum reviviscentia, quæve dispositiones ex parte suscipientis ad debite accipiendum sacramentum desiderentur: verum cum diversa sit sacramentorum efficacia, diversamque dispositionem requirere videantur; ideo convenientius duxi harum quæstionum enucleationem ad disputationes speciales de singulis sacramentis disferre; ac subinde hæc de Sacramentis in communi dicta sufficiant.



TRACTATUS PRIMUS

De Sacramentis institutis, & ordinatis in remedium peccati.



*V*ersuam hactenus, in explicandis prioribus Sententiarum Libris, agendi, & tractandi rationem, hoc in postremo delineando constanter teneamus, ac servemus, placet illius elucidationem aspicari ab eorum Sacramentorum explicatione, quæ maximè conducunt ad expianda peccata. Quamquam enim omnia novæ legis Sacramenta (ut cum Seraphico Doctore præmonuimus in hujus operis Præfatione) ordinata sunt, ac divinitus instituta in curam, & medelam variarum infirmitatum, quibus in hoc miserie statu jactatur, & premitur humana mortalitas; nihilominus tria sunt, nempe Baptismus, Pœnitentia, & Extrema-Unctio, quorum potissima virtus, & efficacia in peccati emaculationem exeritur: Baptismate namque diluuntur crimina intransiunt in Ecclesiam; Pœnitentiâ vero in Ecclesia manentiam, Extremâ autem Unctione ab Ecclesia militante in triumphantem migrantium. Baptismo, inquam, eluuntur omnia in Ecclesiam intransiunt peccata: Hæc enim est virtus Christi, & Domini (inquit S. Maximus homil. 1. de Elemosyna) ut quamvis peccator, qui ejus undâ se laverit, denud in Virginem reparatus, non meminerit ante quod fecerit, & juventutis scelera non cognoscat; sitque Virgo fide Christi, qui fuerat adulter corruptione peccati. Quam utique mirandam efficaciam sic egregiè commendat Eusebius Emissenus homil. 7. de Paschate. Ecce (inquit) quidquid iniquitatum scimpiterius gehennæ ignis excoquere, & expiare vix possit, subiecto sacro fonte submersum est, & de æternis debitis brevissimo lavacri compendio cum indulgentissimo Creditore transactum est. Nec certè minor prærogativa pœnitentiæ: Hæc enim (inquit Tertullianus lib. de Pœnit. cap. 9.) de periculi timore Dominum honorat, ut in peccatorem ipsa pronuntians pro Dei indignatione fungatur, & temporali afflictione æterna supplicia, non dicam frustretur, sed expungat. Unde lib. 2. adversus Marcionem cap. 1. inducens Adamum, & Evam lugentes, & pœnitentes appellat eos, restitutionis candidatos, nempe per pœnitentiam piè præsumebant in seipsis quasi resculpere iustitiam originalem, & salicem Innocentiæ statum sibi quasi restituere. Nec mirum, nam ait Petrus Damianus Serm. 56. Consuevit Deus honorare pœnitentes magis quàm innocentes. . . . Respectum Christi sequitur fletus Petri, & lacrymarum amaritudo dulcedinem antiquæ dignitatis Instaurat. Idem de Unctionis Extremæ miranda efficacia constabit ex dicendis.

Nemini igitur mirum videri debet, quod à frequentata apud Theologos tractandi methodo tantillum in hoc opere recedamus, alterò quàm illi, ordine Sacramentorum delineationem aspicientes: hoc enim non solum exigit nostra tractandi ratio, sed etiam postulare videtur divina ipsa Sacramentorum Oeconomia, quorum cum primarius effectus sit ipsa restituenda homini sanitas, & integritas, ab eis potissimum Disputationem ordiri juvat, quæ ad sananda, hominibus per peccatum, inflicta vulnera, ordinantur.

Hic igitur Tractatus tres in Disputationes distribuetur: quarum prima Baptismi institutionem, naturam, Ministerium, & effectum aperiet: Secunda Pœnitentiam ut virtutem, & Sacramentum explicabit: Tertia tandem vim, & efficaciam Extremæ-Unctionis declarabit.

Di-

DISPUTATIO PRIMA.

De Sacramento Baptismatis.

TANTA est, tamque stupenda
 hujus divini Sacramenti virtus,
 & præstantia, ut meritò jure
 illud omnium Dei beneficiorum præ-
 clarissimum, ac præstantissimum dixerit
 S. Gregorius Nazianzenus: *Baptis-
 mus* (inquit oratione in sanctum Bap-
 tisma) *est omnium Dei beneficiorum*
præclarissimum, & præstantissimum: huic
gratulantur cæli, huic Angeli propter
splendoris cognationem celebrant, hic
futura beatitudinis imaginem gerit:
huic prædicare quidem, & laudibus orna-
re gessimus: verum pro rei dignitate non
possumus. Quis enim dignis laudibus
celebrare possit felix aquæ Sacramen-
tum, inquit Tertullianus lib. de Baptis-
mo cap. 1. quod ablatis delictis pristina
cæcitatibus in vitam æternam liberamur?
 Unde cap. 5. Sacramentum istud as-
 similans piscinæ Bethsaidæ, ait: Figura
 ,, ista medicinæ corporalis spiritalem
 ,, medicinam canebat; eâ formâ, quâ
 ,, semper carnalia in figura spiritua-
 ,, lium antecedunt. Proficiente itaque
 ,, in hominibus gratiâ Dei, plus aquis,
 ,, & Angelo accessit: qui vitia corporis
 ,, remediabant, nunc spiritum meden-
 ,, tur: qui temporalem operabantur
 ,, salutem, nunc æternam reformant:
 ,, qui unum semel annò liberabant,
 ,, nunc quotidie populos conservant,
 ,, deletâ morte per ablutionem deli-
 ,, ctorum: exemptò scilicet reatu, exi-
 ,, mitur, & pœna. Ita restituitur homo
 ,, ad similitudinem ejus, qui retrò ad
 ,, imaginem Dei fuerat; imago in ef-
 ,, figie, similitudo in æternitate cense-
 ,, tur: recipit enim illum Dei spiritum,
 ,, quem tunc de afflatu ejus acceperat,
 ,, sed post amiserat per delictum. *Hæc*
ille. In tantum etiam nonnulli è SS.
 Patribus Baptismi dignitatem efferunt,

ut illum Incarnationis æmulum asse-
 re non vereantur; nec abs re sanè, què-
 admodum enim in illo divinarum
 operum omnium maximo tria stupen-
 da relucunt miracula: *Primum*, quòd
 divinus Spiritus in Virginem sic illa-
 plius: *Secundum*, quòd eam tantâ fœ-
 cunditate donaverit, ut pareret Dei
 Filium: *Tertium* tandem, quòd San-
 ctum Sanctorum in utero recluderet,
 ut significaverat Angelus hujus inef-
 fabilis mysterii prænotius, dicens *Spi-*
ritus S. superveniet in te, & virtus Altis-
simi obumbrabit tibi, ideoque, & quod
nascetur ex te sanctum, vocabitur Filius
Dei. Ita his non abfimiles stupendos ef-
 fectus in Baptismate mirantur SS. Pa-
 tres: nam, inquit S. Leo serm. 4. de Nati-
 vitate Domini: *Omni homini renascenti,*
agua Baptismatis inillas est uteri Virgi-
nalis, eodem Spiritu replente fontem, qui
replevit, & Virginem. Unde luculenter
 Eusebius Emisenus in homil. 2. de Sym-
 bolo sic Deum deprecatur: *Dilata Do-*
mine, ac benedic sub instante regenera-
tionis tempore sacra sinus parentis: dic,
Domine, Ecclesiæ tuæ, quod dixisti per
Angelum Matri tuæ: Spiritus sanctus
superveniet in te, & virtus Altissimi
obumbrabit tibi; iterum mater de Spiritu
sancto concipias, iterum Virgo par-
turiat, iterum homo Dei Filius efficiatur,
iterum Virginitas sæcundetur. Nec ina-
 nes sanè, & cassas Deus patitur has Ec-
 clesiæ preces: *Superveniet enim* (inquit
 Tertullianus cap. 4.) *statim Spiritus de*
cælis, & aquis superest, sanctificans eam
de semetipso, & ita sanctificata vim san-
ctificandi combibunt.

Unde per salutiferam Baptismatis
 lotionem homo ex vitiorum senio sibi
 resculpit infantem innocentiam, & in
 novum hominem recreatur, ut præclarè
 docet

docet S. Maximus homil. de Juda proditore, ubi ait: *Baptismus Christi nobis est sepultura, in quo peccatis morimur, criminibus sepelimur, & veteris hominis conscientia resoluta in alteram natiuitatem recidivâ infantiâ reparatur.*

Majora hijs proferre audeat S. Augustinus serm. 36. de Tempore, ubi Baptismi lavacrum uterò Virginali præferre vix dubitat: *Pene, inquit, majori munere, quàm Maria, unda ditata est: illa enim sibi tantum meruit castitatem; ista nobis contulit sanctificationem: Illa meruit nè peccaret, illa ut peccata dele-ret: Illa propria delicta à se repudiat, ista in se per Dei gratiam aliena condonat: illi est collata Virginitas, isti est donata fecunditas: illa unum procreavit, & pura est: ista generavit plurimos, & Virgo est: illa præter Christum nescit alium filium, ista cum Christo mater est populorum.*

De hoc ergo præstantissimo sacramento jam differendum est tribus in sequentibus Articulis: quorum *Primus* Baptismi institutionem, & naturam: *Secundus* illius Ministrum, & suscipientem, seu subjectum: *Tertius* ejus effectus, & ritus explicabit.

ARTICULUS PRIMUS.

De Institutione, & Natura Sacramenti Baptisinalis.

BAPTISMA Græcè, Latine idem est, ac lotio, tinctio, ablutio, & immersio, unde triplicem potissimum in Scriptura significationem obtinet: *Primo* namque baptizare, idem significat, ac lavare; unde Judith. cap. 12. de ipsa legitur: *Et exibat nobis in valle Bethulie, & baptizabat se in fonte aquæ.* Et Marci 7. dicitur: *Pharisæi enim, & omnes Judæi, nisi crebrò laverint manus, non manducant, tenentes Traditionem Seniorum, & à foro nisi baptizentur, non comedunt; & alia multa sunt, quæ tradita sunt illis servare Baptisina cali-*

cum, & urceorum, & cramentorum, & lectorum. *Secundo* denotat rei cuiusque abundantiam, quia homines ita impletur, ut ea obrui, ac immergi videantur: sic afflictio vehemens quæ instat inundantis aquæ obruere, & absorbere solet hominem, appellatur etiam interdum Baptismus: Hinc Lucæ 12. Christus Dominus prænuntians omnes calamitatum fluctus, qui ingruente passione in ipsum exundare debebant, appellat Baptismum, dicens: *Baptismo habeo baptizari, & quomodo coarctor, usque dum perficiatur:* unde Marci 10. filios Dei alloquens ait: *Potestis bibere calicem, quem ego bibiturus sum, & baptismo, quo baptizor baptizari?* *Tertio* tandem, Baptismus significat primum ex septem novæ legis Sacramentis, cujus plerumque mentio fit in sacra Scriptura quam utique appellationem ab idiomate Græco derivatam jam Sacramentum istud sibi vendicat, & in ea acceptione usurpari solet à Theologis.

Quo utique sensu variis periphrasticis nominibus illustratur: Nam ratione materiæ dicitur *lavacrum aquæ salutarijs; unda genitilis; sacrum, & vitale lavacrum, fluvius aquæ vitalis*, ut videre est apud S. Cyprianum, maxime epist. 12. Ratione formæ, dicitur *sigillum*, & obsignatio fidei, à Tertulliano lib. de Pœnitentia cap. 6. quia per ipsum Deus signat fideles velut oves pascuæ suæ, & eos in suos filios consecrat. Ab effectibus verò dicitur *regeneratio*, seu natiuitas spiritualis, Joan. 3. *Nisi quis renatus fuerit ex aqua, & Spiritu sancto, &c.* Vel illuminatio, quia per ipsum confertur fidei lumen; unde Græci festum Epiphaniæ appellabant *festum luminum*, quòd Christus eâ die baptizatus creditur. Sanctus autem Basilus oratione ad Baptizandos, nominat *testram militum Christi, amicum splendens, &c.* Optatus autem Milevitanus vocat tunicam immutabilem, & cœlestes nuptias: *O tunica semper una, & immutabilis,*

bilis, inquit, quæ decenter vestiat, & omnes etates, & formas, nec in infantibus rugatur, nec in juvenibus tenditur, nec in senibus mutatur. Aderit profecto ille dies, ut celestes nuptiæ incipiant celebrari. Ac si anima à Baptismo pura, & Baptismalis gratiæ decore ornata, cùm Deo maritetur ad bonorum operum, fecunditatem; unde ibidem Baptismum dicit; Virtutum esse vitand, criminum mortem, natiuitatem immortalem, celestis regni comparationem, innocentie portum, peccatorum naufragium.

De hoc itaque mirando Sacramento, quæritur quando cæperit ejus institutio, & præceptum, quænam illius materia, quæve forma esse debeat. Quoniam autem Joannes non solum innocentie, sed Baptismatis præcursor fuit: Et nos; inquit Tertullianus lib. 4. aduersus Marcionem. cap. 23. *limitem quendam agnoscimus, Joannem constitutum inter vetera, & nova, ad quem deferretur Judæismus, & à quo inciperet Christianismus;* idcirco, ut evidentius pateat, quæ de Christi Domini Baptismate sumus dicturi, prius pauca sunt de Baptismate Joannis delibanda, juxta Doctoris methodum, qui ab eadem Quæstione Tractatum de Baptismo orditur.

QUÆSTIO PRIMA.

Utrum Baptismus Joannis idem fuerit cum Baptismo Christi, & vim habuerit remittendi peccata.

NOtandum primò, eam fuisse plurius tam veterum, quàm recentium hæreticorum sententiam, quòd Baptisma Joannis idem esset cum Christi Domini baptismate. Id enim in primis affirmabat Petilianus Constantiniensis Episcopus Donatista: de eo namque scribit S. Augustinus librò secundò contra litteras Petiliani cap. 32. Licet inquit hæc unus sit baptismus, erat ta-

men tribus gradibus consecratus. *Dedit aquam Joannes, sine nomine Trinitatis; sicut ipse professus est dicens, Ego vos baptizo in aqua, &c. Dedit Spiritum sanctum Christus, ipse ignis Paracletus crepitantibus flammis ardens in Apostolis supervenit: Quibus verbis solum distinguit tria illa baptismata, in eo quòd Joannes aquam, Christus Dominus Spiritum sanctum, Paracletus verbò ignem dederit. At Recentiores hæretici, maxime Zuinglius librò de vera, & falsa religione cap. de Baptismo; Centuriatores Centuria 40. titulò de Baptismo, & Calvinus librò 4. Institut. cap. 15. num. 7. audacius pronuntiant nullum, omnino esse discrimen inter baptismum Joannis, & Christi Domini. Ait enim Calvinus: Certissimum sit idem, fuisse prorsus Joannis ministerium, quòd Apostolis postea delegatum est: non enim diversum baptismum faciunt diverse manus, quibus administratur, sed eundem esse eadem doctrina ostendit: in eam doctrinam Joannes, & Apostoli consenserunt, utrique in penitentiam, utrique in remissionem peccatorum, utrique in nomen Christi, à quo penitentia, & remissio peccatorum esset, baptizarunt. Et post pauca impudentissimè scribit: Quare neminem perturbet, quòd alterum ab altero discernere Veteres contendunt? Quorum non tanti nobis esse debet calculus, ut Scripturæ certitudinem quatesciat: quis enim Chrysostomo potius auscultet neganti in Joannis Baptismo fuisse, comprehensam remissionem peccatorum, quàm Luca contra asserenti Joannem, baptismum penitentiae prædicasse in remissionem peccatorum: Nec recipienda, est illa Augustini argutio, in spe dimissa fuisse peccata baptismò Joannis, Christi baptismò reipsa dimitti, &c. Verùm, quis potius auscultet Calvino perversis expositionibus verum Scripturæ sensum interpolanti, quàm omnibus SS. Patribus, quos sicut loquitur Concilium VIII. actione 1. Can. 1. Deus tanquam inextin-*

Et illuminantes gressus nostros lampades sequendo nobis proposuit.

Notandum secundò, quòd quemadmodum Joannes erat Christi D. Præcursor, ut verbò, & exemplo homines præpararet ad recipiendam gratiam per Verbum Incarnatum disseminandam, ita ejus Baptismus fuit præparativus, & dispositivus ad Baptismum Christi, ut docent SS. Patres; maximè Origenes tomò 8. in Joan. *Ut præparem, inquit, veluti populum instruitum, ego veni, & ad præparandum locum respicientis per Baptismum post me venturo, &c.* Athanasius quæst. 134. *Baptisma Joannis introductorium appellat: Basilus exhortatione ad Baptismum, initiatorium.* Cyrillus Alexandrinus lib. 1. in Joan. cap. 26. *præparativum: & lib. 2. cap. 57. introductorium: sicut & Damascenus lib. 4. fidei orthodoxæ, rudimentum, &c.* Denique Cyprianus de Baptismo Christi, & manifestatione Trinitatis: *Præparabat viam Domino Joannes, lavando exterius corpora, ut præcederet exterius lavaerum, sicuturum Baptisma, in quo conservetur animarum ablutio, & peccatorum remissio, &c.* Augustinus in Enchiridio c. 49. *Non renascebantur, qui Baptismo Joannis baptizabantur, &c. sed quidam præcursoris illius ministerio, qui dicebat: Parate viam Domini: huic uni, in quo solo renasci poterant, parabantur, &c.* Unde meritò colligit Doctor in 4. d. 2. q. 2. num. 2. Baptismum Joannis in hoc solum hominibus profuisse, quòd homines disponderet ad Baptismum Christi, tum illos ad Baptismum Christi suscipiendum excitando per externam ablutio-nem aquæ; tum etiam prædicando fidem, & pœnitentiam, quibus digni fierent recipiendæ gratiæ novæ Legis.

Notandum terciò, ex eodem Doctore ibidem, certum esse, quòd materia Baptismi Joannis fuerit aqua, & ablutio; id enim habetur expressè Matth. 3. Lucæ 3. Marci 1. & 3. de forma verò non ita constat: quidam enim Do-

ctores contendunt eum baptizasse in determinata forma, putà in nomine Christi venturi; ita Hugo Viſtorinus lib. 2. de sacramentis, parte 6. cap. 6. & *Magister sententiarum* dist. 2. quos sequuntur celebriores Ecclesiæ Principes, maxime *Alenſi* 4. p. q. 6. memb. 3. art. 11. *S. Thomas* 3. p. q. 58. art. 6. ad 5. unde *Doctor* tanquam magis receptam sententiam, priori loco statuit. Cui pariter sententiæ adſtipulantur plurimi è SS. Patribus, maximè S. Ambrosius lib. 1. de Spiritu sancto cap. 7. ubi ait: *Joannes quidem, in advenienti Jesu, non in suo baptizabat nomine.* S. Augustinus lib. quæſtionum novi Testamenti quæſt. 29. dicens, *Baptismum Joannis non fuisse sine mentione Christi.* Idipsum tradit S. Hieronymus in illa verba Joelis: *Effundam de spiritu meo, &c.* Favet etiam illud Actor. 19. *Joannes baptizavit Baptisma pœnitentiæ, dicens in eo, qui erat post ipsum, ut crederent.* Quod etiam inferri videtur ex illis verbis *Matthæi* 3. Ubi S. Joannes Phariseos, & Sadduceos alloquens, ait: *Ego quidem vos baptizo in aqua, in pœnitentiam: qui autem post me venturi est, . . . ipse vos baptizabit in Spiritu Sancto, & igne.*

Nihilominus reclamant Durandus ibidem q. 3. Gabriel quæst. 2. & alii nonnulli existimantes Joannem baptizasse absque ulla verborum forma, aut saltem non in ea, quam mox diximus. Tum, quia forma illa esset falsa; Christus enim jam venerat, cum baptizaret Joannes, & id ipsum Joanni erat notum, ac proinde non erat venturus. Tum, quia Joannes idem Baptisma Christo, ac aliis ministravit; non erat autem conveniens, ut baptizando Christum, uteretur hac forma. Nihilominus existimo priorem sententiam esse præferendam: Tum, quod facile dilui possint fundamenta oppositæ sententiæ; facili enim ad primam rationem reponitur, vocabulum *venturi*, intelligi respectivè ad manifestationem Christi per prædicationem.

Evau-

Evangelii, & munus baptizandi: Joannes enim baptizando disponebat homines ad Baptismum Christi suscipiendum. Secunda pariter ratio facile eliditur; cum enim Joannes per revelationem cognovisset Christum ad se venientem, ut baptizaretur; vel eum baptizando, nullam adhibuit formam, ut docet Pauldanus; vel usus est alia formâ, ut vult Maironius.

His ita præmissis, determinandum restat, utrum Baptismus Joannis idem fuerit cum Baptismo Christi. *Secundò*, utrum vim habuerit remittendi peccata, & conferendi gratiam sanctificantem.

CONCLUSIO PRIMA.

Baptismus Joannis diversus erat à Christi Baptismo. Hæc est de fide determinata in Concilio Tridentino sess. 7. Can. 1. *Si quis dixerit Baptismum Joannis eandem vim habuisse cum Baptismo Christi, anathema sit.* Eadem fuit sententia Patrum Nicæni Concilii, nam in ejus Actis lib. 1. circa finem, Patres respondentes Philosopho per Macharium Jerosolymitanum, ita loquuntur de Christo. *Tunc ad Baptismum venit predicante Joanne Zachariæ filio ad populum Baptismum Penitentiae, non autem Baptismum peccatorum, aut adoptionis filiorum Dei largiente: non enim erat Joannis hoc dare, sed ipse duntaxat inhumanati Verbi Dei.*

Eandem veritatem tuerentur SS. Patres, quibus prævit Tertullianus lib. de Baptismo cap. 10. ubi cum dixisset, Baptismum Joannis divinum fuisse ratione mandati, humanum verò ratione conditionis, subdit; *Nihil enim celeste præstabat, sed celestibus præministrabat: penitentia scilicet præposita, quæ est in hominibus potest. Et infra; Adeo postea in Actis Apostolorum invenimus, quoniam qui Joannis Baptismum habebant, non acceperunt Spiritum sanctum, quem nec auditu quidem noverant; ergo non erat celeste, quod celestia non exhibebat.* Postmodum concludit; *Agebatur ita-*

Tom. X.

que Baptismus Penitentia, quasi candidatus remissionis, & sanctificationis in Christo substituitur: nam quod prædicabat Baptismum Penitentia, in remissionem delictorum, in futuram remissionem Deo renuntiatur est: siquidem Penitentia antecedit; remissio subsequitur, & hoc est viam præparare: Qui autem præparat, non idem perficit, sed alii perficiendum procurat. Quibus verbis Tertullianus præclare difficultatem propositionem explicat.

Idem docet S. Chrysostomus hom. 10. in Matthæum, ut etiam fatetur ipse Calvinus, & S. Augustinus pluribus, maxime homil. 5. super Joannem, ubi ait: *Si quos baptizavit Joannes, iterum sunt baptizandi: plane iterum, sed non iterato Baptismo, quos enim Judas baptizavit, & Christus, quos baptizavit Joannes, non, &c.* Item lib. 5. de Baptismo, cap. 9. Christus tali Baptismo mundas Ecclesiam, quo accepto alterum non erat necessarium. Joannes autem, tali Baptismo pertingebat, quo accepto esset Baptisma Dominicum necessarium.

Hanc veritatem idem S. Doctor probat variis argumentis deductis ex Scriptura sacra: *Primo*, quia Matth. 21. Baptismus Joannis dicitur Baptismus hominis; Christus enim inquit: *Baptismus Joannis unde erat? & de celo, an ex hominibus?* Atqui Baptismus Christi nullibi dicitur Baptismus hominis: *Ergo*, inquit S. Augustinus lib. 3. contra litteras Petiliani cap. 56. *Apostolorum aliquibus locis dixisse; Evangelium meum, Baptismum autem meum nunquam dixit: sed nec ejusquam, per quem ministratur.* Nam solus ille Baptismus, quem dedit Joannes, diutius est Baptismus Joannis.

Probat *secundò* ex illo Joannis cap. 1. Testimonium perhibuit Joannes, dicens: *quæ vidi Spiritum descendentem, quasi columbam de celo, & mansit super eum, & ego vespicebam eum, &c.* Quæ verba

Ee

Aç

sic expendit S. Augustinus lib. 5. de Baptismo, cap. 3. *Secundum aliquid sciebat*, secundum aliquid adhuc nesciebat: sciebat sponsum Filium Dei, de cuius plenitudine omnes acciperent; sed quia ex ejus plenitudine ipse acciperat baptizandi potestatem, ut Joannis Baptismus diceretur, nesciebat utrum sic esset daturus, & ceteris: at si Baptismus Joannis esset idem cum Baptismo Christi, non posset dici Joannes eum nescisse: igitur, &c.

Probat tertio, quia licet *lex*, & *Propheta usque ad Joannem*, tamen Joannes non erat finis legis. Nam, inquit Apostolus, *finis autem legis Christus ad justitiam omni credenti*; sed si Baptismus Joannis idem esset cum Baptismo Christi, Joannes dici posset aliquo modo finis legis: quia in illius Baptismo standum esset: unde S. Augustinus lib. 5. de Baptismo cap. 9. Si in Joanne finis esset, Christi Baptismate opus non esset: sed quia finis legis Christus ad justitiam omni credenti, ab illo demonstratum est, ad quem pergeretur, ad hunc cum perventum fuerit, permaneretur.

Probat denique eadem veritas hac ratione: Ille Baptismus est diversus, cujus forma diversa est; & effectus diversi; at forma, & effectus Baptismi Christi fuerunt diversi à forma, & effectibus Baptismi Joannis; igitur, &c. Major constat. Probat minor quoad primam partem. Baptismus Christi fit in nomine Patris, & Filii, & Spiritus sancti: Taliter non fiebat Joannis baptismus, ut colligitur evidenter ex Actorum 19. ubi cum Paulus venisset Ephesum, invenissetque ibi quosdam discipulos: *Dixit ad eos, Si Spiritum sanctum accepistis credentes? At illi dixerunt ad eum, Sed neque si Spiritus sanctus sit audivimus. Ille vero ait. In quo ergo baptizati estis? qui dixerunt. In Joannis baptismate? Dixit autem*

Paulus, Joannes baptizavit populum dicens, In eum qui venturus esset post eum ut crederent, hoc est in Iesum. His autem auditis baptizati sunt in nomine Domini Iesu.

Ex quibus duo licet inferre. *Primum*, Joannem non baptizasse in nomine trium personarum, cum ab eo baptizati, nec si Spiritus sanctus esset audivissent. *Secundum*, eum tantum baptizasse in nomine Christi venturi.

Probat eadem minor quoad efficaciam diversitatem: cum ex illo *Matth. 5.* ubi Joannes ipse Judæis ita loquitur. *Ego quidem baptizo vos in aqua, in penitentiam, qui autem post me venturus est, fortior me est, ipse vos baptizabit in Spiritu sancto, & igne.* Tum ex illo *Joan. 3.* ubi legimus discipulos S. Joannis conqueri, quod Christus baptizaret. *Ecce hic baptizat, & omnes veniunt ad eum.* Si enim Baptismus Christi fuisset idem cum baptismo Joannis, hic facile fecisset satis eorum querimoniam dicendo Christi baptismum eundem esse, cum suo, quoad efficaciam, ac proinde eis potius esse gloriantum, quam conquerendum, cum sic Christus velut discipulus illum didicisset à Joanne: at contrarium facit, & insinuat quanta sit inter suum, & Christi baptismum differentia per eminentem Christi dignitatem. *Respondit Joannes, & dixit: Non potest homo accipere quidquam, nisi ei datum fuerit à celo. Ipse vos mihi testimonium perhibebitis quod dixerim: Non sum ego Christus, sed quia missus sum ante illum, qui habet sponsam, sponsus est, &c.* Tum denique ex eo, quod baptizati Joannis baptismate, iterum Christi baptismate fuerunt ab Apostolis baptizati: Ergo non unum, idemque erat baptismus.

Obijciunt hæretici. Ubi est idem signum, eadem significatio, & idem ministerium, ibi est idem sacramentum: Sed in utroque baptismate hæc sunt eadem. Primo quidem aquæ ablutio, ut

patet *Matthæi 3. & Marci 1.* idem ministerium, quia uterque albebat exterius; eadem pariter significatio, nempe peccatorum remissio. Nam de baptismo S. Joannis dicitur *Marci 1.* *Fuit Joannes in deserto baptizans, & prædicans baptismum pœnitentiæ in remissionem peccatorum.* Similiter *Matth. 3.* *Exibat ad eum Ierosolyma, & omnis Judæa, & omnis regio circa Iordanem, & baptizabantur ab eo in Jordane confitentes peccata sua.*

Concedo Majorem, & duas priores partes minoris; sed distinguo posteriorem. In utroque baptismo eadem peccatorum remissio eodem modo, & virtute signi exterioris applicati nego: diverso modo, & in uno ex opere operato, in alio ex opere operantis, concedo. Siquidem baptismus Joannis remittebat peccata tantum virtute pœnitentiæ per signum illud, & præviam prædicationem excitatæ. Unde non simpliciter dicitur *baptismus in remissionem peccatorum; sed baptismus pœnitentiæ in remissionem, &c.* At Christi baptismus, *Actuum 2.* absolute dicitur à Petro. *Baptizetur unusquisque vestrum in remissionem peccatorum.* Et in Symbolo Constantinopolitano: *Confiteor unum baptismum in remissionem peccatorum.* Unde *Tertull. lib. de Baptismo cap. 10.* dicit Baptismum sancti Joannis fuisse candidatum remissionis, & sanctificationis in Christo subsequuturæ. *Nec refert quòd Petrus præfato loco Actuum dicat: Pœnitentiam agite, & baptizetur unusquisque vestrum in, &c.* Ibi enim remissio peccatorum non conjungitur, cum pœnitentiam agite; sicut in Baptismo Joannis: sed cum baptizetur, Idcirco verò dicit esse agendam pœnitentiam, quia alloquitur adultos, qui ut baptismum dignè susciperent, aliquem de peccatis doctorem efformare debebant.

Obijciunt secundò: Si Baptismus Joannis non esset idem cum Baptismo

Christi, qui baptizati fuerant Joannis baptismo, debuissent iterum baptizari; sed id factum non fuit, quod utique Zuinglius lib. de vera, & falsa Religionem cap. de Baptismo probat tribus argumentis; *Primò*, quia S. Andreas fuit discipulus Joannis, & consequenter illius Baptismo tinctus, quem tamen Christi discipulum postea factum nullibi baptizatum legimus; *Secundo*, quia discipuli Joannis ad ipsum retulerunt, quòd Christus baptizaret, si autem baptizasset diverso Baptismo, id quoque nuntiassent. *Tertio*, quia Joan. 4. Discipuli Christi dicuntur baptizare, ac proinde baptizati fuerant eo baptismo, quem conferebant; non potest autem dici, quòd baptizati fuerint a Christo; cum expresse ibidem dicatur, quòd Christus ipse non baptizaret: ideoque baptizati fuerant Baptismo Joannis: quem ipsi conferebant: igitur cum Christus dicatur per discipulos baptizasse, consequens est, quòd Baptismus Christi idem esset cum Baptismo Joannis. *Quartò* tandem id ipsum probari potest auctoritate sanctorum Patrum: nam S. Ambrosius lib. 1. de Spiritu sancto cap. 3. docet baptizatos Joannis Baptismo fuisse in duplici differentia, quosdam quidem in nomine Christi baptizatos: quemadmodum, inquit, Joannes baptizare solebat; alios verò baptizatos ab ipsis Joannis Discipulis; neque in nomine Christi, neque in fide Spiritus sancti: Priores negat fuisse iterum baptizatos: posteriores verò, dicit denuò Baptismum suscepisse: Illi, inquit, qui negaverunt, se scire Spiritum sanctum, *Act. 14.* quoniam baptizatos se dicerent in Joannis Baptismo, baptizati sunt postea: quia Joannes in remissionem peccatorum, in advenientis Jesu, non in suo baptizavit nomine, & ideo Spiritum nesciebant; quia nec baptismum in Christi nomine, sicut Joannes baptizare solebat, acceperant:

„ rant. Joannes enim licet non baptizaret in Spiritu, tamen & Christum predicabat, & Spiritum . . .
 „ ergo isti, quia nec in Christi nomine, nec cum fide Spiritus sancti baptizati fuerant, non potuerunt accipere Baptismi Sacramentum, baptizati sunt itaque in nomine Jesu Christi; nec iteratum est in his baptisma; sed novatum, unum enim Baptisma.

Quam etiam sententiam amplectitur, & propugnat Eulogius part. 2. contra Novatianos, in Bibliotheca Photii, ubi duo probat. Primum, quod baptizatus Joannis Baptismate, non indigeret alio Baptismo: Secundum, quod tale Baptisma mundos faceret, qui ad illud accederent. Nullibi, inquit, legitur iterum baptizatos eos; qui ante Resurrectionem Christi à Ioanne essent baptizati, &c.

Respondeo negando minorem: Nam baptizatos jam Joannis Baptismate, iterum Christi Baptismo fuisse inauguratos colligi potest: Primum ex Scriptura, siquidem Actuum 2. legimus tria millia hominum ab Apostolis, iubente Petro fuisse baptizatos in nomine Jesu Christi: ex eis autem plures jam tinctos esse Baptismo Joannis apparet ex illo Matth. 3: *Exibat ad eum Ierosolyma, & omnis regio circa Iordanem, & baptizabantur ab eo in Iordane, confitentes peccata sua.* Paulus quoque Act. 19. cum cognovisset aliquos Discipulos baptizatos tantum fuisse in Joannis Baptismate, iussit eos baptizari in nomine Domini Jesu.

¶ Insuper idem affirmant SS. Patres: Hieronymus epist. 83. ad Oceanum, & Dialog. adversus Luciferianos, ubi ait: *Joannis Baptisma in tantum imperfectum fuit, ut confectio postea Christi Baptismate baptizatos, qui ab eo fuerunt baptizati.* Et S. Aug. tract. 4. in Joannem circa medium: *Ne, inquit, hoc ipsum; quod accepit à Ioanne Christus*

proponeretur Baptismati Christi, permixti sunt & alii: sed qui baptizati sunt à Ioanne, non his sufficit: baptizati sunt enim Baptismo Christi, quia Baptismus Joannis non erat Baptismus Christi. Qui accipiunt Baptismum Christi, Baptismum Joannis non querunt: qui acceperunt Baptismum Joannis, Baptismum Christi quaesierunt.

Hinc facile solvuntur momenta, quibus niti, & probari videtur minor à nobis negata: Primum namque, qua ratione colligunt hæretici Andream fuisse baptizatum Baptismo Joannis, quia fuit ejus Discipulus; ita colligi debet eum baptizatum fuisse Baptismo Christi, quia secutus est Christum Dominum, & ejus factus est Discipulus: Ad secundum, dico contrarium potius exinde colligi; nam Discipuli Joannis non ei annuntiassent tanquam quid novum, quod Christus Dominus baptizaret, nisi diverso à Ioanne Baptismate eum baptizantem conspexissent. Ad tertium denique, dico pariter contrarium hæreticorum assertioni colligi; quo enim argumento probare nituntur Apostolos tinctos Joannis Baptismate, quia Joannis Baptisma contulerunt; nos è converso probare possumus eos fuisse baptizatos Christi Baptismate, quia, ut docet S. Augustinus lib. 3. contra Petilianum cap. 55. *Non Joannis, sed Christi Baptismum ministrarunt Apostoli.*

Non favent etiam hæreticis præfata Patrum testimonia: Nam S. Ambrosius non videtur aliquo niti testimonio in illa distinctione, quam profert de duplici baptismate Joannis, quorum unum sit ritè, & validè collatum in nomine Christi cum fide Spiritus sancti; aliud autem, quod aliter collatum fuerit, quodque hac ratione debuerit iterari: hujus namque distinctionis nullum apparet vestigium, nec in Scriptura sacra: nec in SS. Patribus, qui eum præcesserunt, unde etiam Magister

ster sententiarum, qui eandem distinctionem adhibet in 4. dist. 2. ab omnibus Theologis hac in parte respuitur. Neque etiam ei suffragatur Eulogius: hic enim plusquam par esset tribuit Baptismo Joannis, ut illum perfectum demonstraret contra communem SS. Patrum sententiam: unde post verba suprâ citata subjungit. Cum plurimi Patres ostendant Joannis Baptisma fuisse omnino imperfectum.

CONCLUSIO SECUNDA.

Baptismus Joannis non habebat vim remittendi peccata, nec conferendi gratiam. Hæc est communior apud Catholicos, & sequitur ex præcedenti, illamque Doctor probat loco suprâ laudatò, ubi demonstrat, necessum fuisse baptizatos à Joanne iterum baptizari Baptismo Christi: Quia, inquit, medicinâ præparativâ susceptâ congruum est accipere medicinam curativam; dispositione etiam inducâ congruum est adhuc induci formam principalem: sed ille Baptismus Joannis erat sicut dispositio merè præparativa ad Baptismum Christi, ut per illam ablutionem facilius inclinarentur homines ad suscipiendam ablutionem sibi salutarem: nec esset molestum ipsis jam ad simile exercitatis. Et hanc rationem innuit Joannes Baptista, dicens Joan. 1. *Baptizo vos aquâ* (supple tantum) *medius autem vestrum stetit; quem vos nescitis; qui* (supple) *baptizat vos, non in aqua tantum, sed in spiritu, & veritate.* Hæc Doctor.

Objectiones plures SS. Patres affirmantes Baptismum Joannis habuisse vim remittendi peccata, Sic Basilium homil. de Baptismo, cap. 2. ante medium: *Per gratiam, inquit Dei, & Christi ipsius, simul atque accesserat quis, & peccata sua quantacunque, qualiacunque fuissent, confisus fuerat, in Jordanis flumine baptizabatur, confisus peccatorum remissionem accipiebat.* Similiter S. Augusti-

nus lib. 5. de Baptismo cap. 10. *Tamen, inquit, ne quisque contendat etiam in Baptismo Joannis dimissa esse peccata, sed aliquam ampliorem sanctificationem eis quor jussit Paulus Apostolus denud per Baptismum Christi baptizari, esse collatam, non ago pugnaciter, Et S. Petrus Chrysologus serm. 137. dicit, quod Baptisma Joannis culpam tollebat, non autem gratiam conferebat.*

Respondeo S. Basilium posse exponi de remissione peccatorum, quam baptizatus consequeretur ex opere operantis per efficaciam, & meritum poenitentiz.

Ad S. Augustinum dico, quod quamvis nolit pugnaciter agere cum eo, qui contenderet in Baptismo Joannis reipsâ dimissa fuisse peccata, inde non est consequens, quod existimaverit illâ fuisse dimissa ex opere operato, sed dumtaxat ex opere operantis. Unde cum per Baptismum Christi peccatorum remissionem consequerentur ex opere operato, longè majorem sanctificationem accipiebant.

Denique, Ad S. Petrum Chrysologum, dico, non ejus mentem esse, quod per Baptismum Joannis peccata dimitterentur absque infusione gratiæ; hoc enim non fit de lege ordinaria, sed quod fortè per illam ablutionem corporalem Judæi mundarentur ab illis legalibus inquinamentis: exponens enim illud Lucæ 3. *Venit in omnem regionem Jordanis, &c.* ait: *Venit ad Jordanem, quia Judaicas fordes non poterat hydria jam lavare, sed flumen.*

Deinde, Exponens sequentia verba: *Prædicant Baptismum poenitentiae in remissionem peccatorum* subdit: *Erat penes Joannem venia, sed non sine poenitentia; erat remissio, sed ludibus comparata: erat cura vulneris cum dolore: erat Baptisma, quod culpam tolleret, conscientiam non deleberet. Et quid plural Per Baptisma Joannis purificabatur homo ad poenitentiam, non promovebatur ad gratiam, &c.*

QUAE-

QUAESTIO SECUNDA.

Quid sit Baptismus, & quando institutus fuerit, ac sub præcepto esse caperit?

Notandum primò, extra controversiam esse apud Catholicos, & hæreticos, Baptismum esse verum novæ legis Sacramentum; siquidem, qui Sacramenta aliqua legis Evangelicæ fantentur, Baptismum omnium primum deputant; unde subtilis Doctor censet hanc veritatem potius esse supponendam, quàm probandam, scribit enim in 4. dist. 3. quæst. 4. num. 2. *Quæstio supponit Baptismum institutum fuisse in lege nova, quod verum est, & rationabile, Verum, sicut patet ex multis authoritatibus novi Testamenti, & Christi, & Apostolorum in quibus probatur necessitas Baptismi; quod non esset, nisi esset institutus in lege illa legitime Et infra n. 3. Istud etiam suppositum est rationabile; quia Sacramentum principale legis Evangelicæ, per quod scilicet intratur in ejus observantiam, debuit esse novum, & proprium illi legi. debuit etiam istud sacramentum esse evidens in significatione; quia ista est lex veritatis evacuans umbram. Et debuit esse copiosum in gratiæ collatione; quia hæc est lex gratiæ. Joan. 1. Gratia, & veritas per Jesum Christum facta est. Debuit etiam esse facile; quia Jugum Christi suave, & onus ejus leve. Matth. 11. Item debuit esse commune, quia Deus ad legem Moysi elegit unum populum tantum, sed ad novam legem totum mundum. In omnem terram exivit, &c. Hæc quatuor inveniuntur in uno, scilicet in ablutione cum verbis; quia hoc evidenter significat mundationem animæ, quæ est effectus principalis. & dat gratiam copiosè, unde in Psal. dicitur aqua refectionis; Super aquam refectionis educavit me. Et facilius; quia nullomodo periculosa, sicut*

fuit Circumcisio: & communis omni sexui, & ætati.

Conveniunt pariter Baptismum esse primum omnium Sacramentorum ratione institutionis, ut docet Concilium Florentinum in decreto Eugenii, his verbis. *Primum omnium Sacramentorum locum tenet Baptismus.* Et ostendens de qua primate loquatur, addit: *Quod vitæ spiritualis janua est, per ipsum, enim membra Christi, ac de corpore efficiuntur Ecclesiæ, Et Doctor: Per quod scilicet intratur in ejus (Ecclesiæ) observantiam.* Eodém modò loquitur Rit. Rom. titulò de Sacramento Baptismi in principio: *Sacrum, inquit, Baptisma Christianæ Religionis, & æternæ vitæ janua, quod inter alia novæ legis Sacramenta à Christo instituta primum tenet locum, &c.* Hoc etiam ratio suadet; quia primum in una quaque re est ipsum esse rei: sed esse fidelem, & Christianum datur per Baptismum: est enim *Sacramentum regenerationis, Tit. 3. & ex S. Dionysio Ecclesiasticæ Hierarch. 2. est ineffabilissima divini nostri statûs, aut esse fabricatio quædam, & divina nativitas; ut enim existere nos oportet in natura, priusquam operemur, aut recipiamus ea, quæ naturalia sunt, motionem, & alia: sic, & priusquam ea, quæ sunt divina, patiamur, aut agamus, oportet nos habere quoddam esse divinum: at hoc fit per Baptismum; ut enim ait inclytus præceptor Hierothous: Prima mentis ad divina motio, est dilectio Dei: sacræ dilectionis in sancta divinorum præceptorum observatione progressus primus, est ineffabilissima divini nostri statûs fabricatio: hæc autem fit per Baptismum; nam ex paraphrasi Pachimari Baptismus est præceptum, introductio, via ad Dei familiaritatem, & coelestem hæreditatem, Unde homo formatur ad meliorem, & salutarem habitudinem, & ad verborum, operumque Dei institutio-*

tionem: efformat autem naturales nostros habitus, & effectus: inferens vim quandam formatricem sigmento nostro, scilicet appetendi; sed cœlestia bona; movendi, sed ad omne bonum; ratiocinandi, seu cogitandi, sed quæ oculis non vidit, nec auris audivit; concupiscendi, sed meliora; irascendi, sed adversus nostræ salutis inimicos: Nam ea, quæ ex semine est nostri fabricatio, et si ex Conditor Deo sit, est naturalis: at ea, quæ fit ex Baptismo, per quam divinum informamus statum, est divina: Joan. 1. *Qui non ex sanguinibus, neque ex voluntate carnis, neque ex voluntate viri, sed ex Deo nati sunt.*

*Notandum secundò, omnes Catholicos Doctores invicem convenire, quòd Christus Dominus suum Baptisma non instituerit, antequam ipsemet à Joanne baptizaretur in Jordane: quoniam non antè cœpit Evangelium predicare, & promulgare legem gratiæ: Conveniunt pariter ejusmodi institutionem factam fuisse antequam per triumphalem suam Ascensionem in cœlum reciperetur: sed invicem discordant quòdam tempore intermedio inter baptismationem Christi & illius Ascensionem fuerit institutus. Circa quod triplex est capitalis sententia: Prima contendit institutionem Baptismi factam fuisse post Passionem, Christi, illo videlicet tempore, quo in cœlum ascensurus dixit suis Discipulis: Docete omnes Gentes, baptizantes eos, &c. Ita docuisse videntur Alensis noster 4. p. qu. 8. memb. 2. art. 3. & Albertus Magnus in 4. d. 3. quibus ad stipulantur plurimi à SS. Patribus, maxime S. Chrysostomus homil. 28. in Joannem, scribens: *Utrumque Baptisma Joannis, & Discipulorum Christi similiter expert Spiritus erat, & unam eandemque baptizandi causam habebat, ut nempe Christo conciliaret baptizatos, &c.* Idem S. Leo epist. 4. ad Episcopos Siciliæ c. 3. ubi scribit: *Christus postquam resurrectionis à mortuis, Discipulis suis, in quibus**

omnes Ecclesiarum Præsules docebantur, & formam, & potestatem tradidit baptizandi, dicens: Matth. 2. Euntes docete omnes Gentes, &c. de qua utique eos ante Passionem potuisset instruire, nisi propriè voluisset intelligi Resurrectionis gratiam ex sua Resurrectione capisse. Idem docet Tertullianus lib. de Baptismo c. 11. ubi scribit: Itaque tunc tingebant Discipuli ejus (Christi) ut Ministri, ut Joannes antè præcurzor eodem Baptismo Joannis, ne qui aliud putet, quia non extat alius, nisi postea Christi, qui tunc utique à discipulis dari non poterat, utpote nondum adimpletâ gloriâ Domini, nec instruitâ efficiâ lavacri per Passionem, & Resurrectionem; quia nec mors nostrâ dissolvi posset, nisi Domini Passione, nec vita restitui sine resurrectione ipsius.

Secunda sententia eorum est, qui asserunt Christi Baptismum institutum fuisse, quando in Jordane ipse baptizatus est à Joanne: ita Magister sententiarum d. 3. S. Thomas q. 66. art. 2. & omnes illius Discipuli: Tertia verò sententia est subtilis Doctoris q. 4. n. 2. ubi rejectis duabus prioribus opinionibus, contendit tempus institutionis Baptismi fuisse ante illud tempus, quò Discipuli Christi baptizabant: licet præcisè hoc institutionis non legatur in Evangelio.

Notandum tertio, quantum ad tempus quo Baptismus fuerit sub præcepto, & homines ad sui susceptionem, & frequentationem obligare cœperit, non levem etiam apud Theologos moveri controversiam: Quidam enim, quorum meminit S. Bernardus epist. 77. asserabant olim, quòd Baptismi præceptum ab eo tempore vim obligandi habuerit, quò Christus D. dixit Nicodemo: Nisi quis renatus fuerit ex aqua, & Spiritu sancto.

Nonnulli verò existimant obligationem Baptismi viginisse statim post Christi Domini Passionem, & Resurrectionem: quam sententiam præ cæteris tueatur S. Thomas, Suarez, Vasquez, &c.

Ceteri verò cum subtili Doctore censent Baptismum non fuisse sub præcepto usque ad sufficientem, ac solemnem Evangelii promulgationem; quæ facta fuit in die Pentecostes: Duplex enim, inquit Doctör qu. 4. num. 5. distingui potest hujus Sacramenti promulgatio; una per modum consilii: alia per modum præcepti: Prior fuit ante mortem Christi D. congruum enim fuit primum Baptismum proponi per modum consilii: *Primò*, quia, inquit Doctör, lex Evangelica, quæ est perfectissima non debuit præcipitanter imponi, sed maturè debuit induci lex nova, quæ est perfectissima. *Secundò*, quia neque lex vetus, cum non esset mala, sicut est idololatria, sed optima fuerat pro suo tempore, non debuit etiam cum præcipitatione abrogari, sed sensim, & supposità debitâ instructione, ejus virtute, & observantiâ. Unde debuit Synagoga cum honore sepeliri, ut ostenderetur fuisse bona pro tempore. Tertiam rationem subijcere possumus; nempe quòd non ita facilis erat transitus à lege Mosaica ad Evangelicam, & à Circumcisione ad Baptismum, maximè quantum ad Judæos, qui Patrum traditionibus tenaciùs inherentes non nisi magna cum difficultate ab eis poterant avelli; unde conveniens fuit, ut Baptismus priùs proponeretur sub consilio, ut postea exercitatus imponi posset sub præcepto.

CONCLUSIO PRIMA.

Baptismus rectè definitur à Doctore d. 3. q. 1. nu. 3. alterutro ex his duobus modis. *Primò*: Baptismus est ablutio hominis aliquàlter consentientis facta ab alio in aqua, simul verba certa cum intentione debita proferente, significans efficaciter ex institutione divina, ablutionem animæ à peccato. *Secundo* modo aliter definiri potest: Baptismus est sacramentum ablutionis animæ à peccato, consistens in ablutione hominis ali-

qualiter consentientis, facta in aqua ab ablutente, & in verbis certis simul ab eodem ablutente cum debita intentione prolatis. Advertit autem Doctör ibidem num. 4. utramque hanc definitionem ut legitimam posse propugnari. Nec enim, inquit, est differentia inter istas rationes quin eadem secundum utramque sint necessaria ad Baptismum: sed una ponit ipsam definitionem ejus solam ablutionem in re: alia ponit, & ablutionem, & verba ex æquo ad eam rationem pertinere: quæ differentia conjungit ex diverso opinandi modo de fundamento hujus relationis, an sit sola ablutio circumstantionata, an simul ablutio, & verba.

Ceterùm judicarem posteriorem definitionem convenientiorem esse: *Tum*, quia datur per genus, & differentiam; Sacramentum enim habet rationem generis; cætera verò denotant Baptismi distinctionem, tam in materia, & forma; quàm in effectu ab aliis Sacramentis: *Tum*, quia hæc maximè convenit definitioni, quam tradit Catechismus Romanus titulo de Baptismo: Baptismus est Sacramentum regenerationis per aquam in verbo; hoc est, per ablutionem aquæ, & invocationem sanctissimæ Trinitatis.

Hujus autem definitionis particulæ Constabunt ex dicendis in præsentis disputatione, & facile per se patent. *Primò* namque, dicitur Sacramentum ablutionis; licet enim Baptismus secundum primævam suam institutionem idem significaret ac ablutio; nihilominus apud Scriptores Ecclesiasticos jam obtinuit, ut aliquid præter ablutionem denotaret; nempe invocationem sanctissimæ Trinitatis. *Secundo*, dicitur ablutio animæ à peccato, ut distinguatur à qualibet ablutione rerum corporearum, & ut denotetur præcipuus illius effectus nempe emaculatio animæ ab omni prorsus peccato. *Tertio*, dicitur ablutio hominis aliquàlter consentientis, hoc est, vel per actum propriæ suæ volun-

tatis, qualiter consentire debet adultus baptizandus: vel per actum voluntatis alienæ; quemadmodum parvuli censentur consentire per voluntatem eorum, quorum nutu, & auctoritate reguntur; quales sunt parentes, aut principes. Cæteræ particulæ indicant Ministrum illius Sacramenti, qui debet esse distinctus ab ipso baptizando, verba sacramentalia proferre, ablutionem ministrare cum debita intentione.

Ex his sequitur definitionem Baptismatis, quam profert Apostolus ad Ephes. 5. dum appellat. *Lavacrum aquæ in verbo vitæ*; nec non, & illam, quam tradit Magister sententiarum dist. 3. his verbis: *Ablutio corporis exterior sub præscripta verborum forma*; potius esse descriptionem per partes quasi physicas; nempe lavacrum aquæ, & verbum vitæ, quàm definitionem metaphysicam: non secus ac si quis definiret hominem per partes eum physicè constituentes dicendo: Homo est corpus, & anima simul unita.

Sequitur etiam definitionem, quam tradit Hugo Victorinus lib. 3. de sacramentis p. 6. cap. 2. his verbis. *Baptismus est aqua diluendis criminibus sanctificata per verbum Dei*, non esse pariter accuratam; sacramentum enim est signum sensibile gratiæ sanctificantis, ut sanctificans est: aqua autem quantumvis sanctificata non est ejusmodi signū; ac proinde illa definitio ei non congruit, nisi fortè sumatur in sensu causali; quatenus videlicet aqua confert ad ablutionem, externam, quæ est signum ablutionis interioris animæ.

Multò minùs probandæ sunt definitiones, quas tradunt hæretici, maxime Melancton in locis Theologicis anni 1559. ubi Baptismum definit: *Signum, quò Deus nobiscum agit, & nos in gratiam recipit*. Hæc enim definitio convenit omnibus Sacramentis; imò etiam, & verbo Dei, quod non est Sacramentum. Repudianda pariter est illa, quam

tradit Calvinus lib. 4. Institutionum, cap. 15. ubi ait: *Baptismus signum est institutionis, quò in Ecclesiæ cooptamur societatem, ut Christo insiti, inter Filios Dei censeamur*. Hæc enim definitio tantum datur per effectum secundarium; nempe consignationem inter filios Dei, quæ fit duntaxat per gratiam sanctificantem, quæ est primarius, & præstantior ipsius Baptismi effectus, quò justificamur, & regnecramur in Christo.

CONCLUSIO SECUNDA.

Probabilius est Baptismum fuisse institutum ante Christi Passionem. Hæc est communio apud Doctores, eamque tradit Doctor in 4. dist. 3. qu. 4. num. 2. ubi ait: Quando Baptismus primò fuit institutus, dubium est. Non quidem quando Christus baptizabatur à Joanne, quia ille non fuit Baptismus Christi, idest, in forma Christi, sed in forma Joannis: tamen, Christus dedicavit tunc aquam, tantam materiam idoneam suo Baptismo, ex contactu suæ mundissimæ carnis: quia in Legislatore confirmatus est usus aquæ, idest, ut ministeriū. Nec etiam in illo verbo Joan. 3. dicto Nicodemo: *Nisi quis, &c.* quia non est verisimile tam necessarium in Sacramento in conclavi, & coram persona privata institui, quæ non debuit esse præco institutionis illius. Neque etiam differebatur institui, usque ad tempus Ascensionis, *Matth. ult.* nam Discipuli Christi ante Passionem baptizabant baptismo Christi: *Joan. 3.* dicunt Discipuli Joan. ad ipsum: *Rabbi, cui testimonium perhibuisti, ecce ipse baptizat, & omnes veniunt ad eum*. Convincitur ergo tempus institutionis fuisse ante illud tempus, quo Discipuli Christi baptizabant, licet præcisè hora institutionis non legatur in Evangelio. *Hæc Doctor.* Probatur itaque conclusio ratione, quam assignat Doctor: Christus D. unā

cum suis Discipulis ante suam Passionem baptizavit: sed non baptizavit Baptismate Joannis: igitur baptizavit Baptismo à se instituto. Major constat ex Scriptura sacra; nam Joan. 3. legimus: *Pest hæc venit Jesus, & Discipuli ejus in terram Judæam: & illic demorabatur cum illis, & baptizabat.* Et infra, Discipuli Joannis animadvertentes Christum baptizare unà cum suis Discipulis: *Venerunt ad Joannem, & dixerunt ei: Rabbi, qui erat tecum trans Jordanem, cui tu testimonium perhibuisti, ecce hic baptizat, & omnes veniunt ad eum.* Et cap. 4. *Et ergo novit Jesus, quia audierunt Pharisei, quod Jesus plures Discipulos facit, & baptizat, quàm Joannes, quanquam Jesus non baptizaret, sed Discipuli ejus, reliquit Judæam.*

Minor verò probatur. Primò quidem: Si Christus baptizasset Baptismo Joannis, non emulati, vel conquesiti fuissent Joannis Discipuli, quòd Jesus baptizaret; Baptismus enim à Christo D. collatus eis potius fuisset occasio gaudii, & gratulationis, quàm emulationis, & invidiæ, videntes, quòd ipse, quem Joannes dixerat se majorem, & cujus non erat dignus, ut solveret corrigiam calceamenti, se tamen inter Joannis Discipulos veluti consignaret, illius Baptismum, & ministerium exequendo. Deinde, Christus ibidem dicitur baptizasse per suos Discipulos: sed si Discipuli Christi baptizassent Baptismo Joannis, aut alio per Christum non instituto, Christus non diceretur per suos Discipulos baptizare, sed potius Joannes; aut alius ille Author Baptismi, quem ipsi ministrassent: igitur, &c. Denique, Baptismus Joannis non conferebat Spiritum sanctum, nec remissionem peccatorum; sed præscribebat duntaxat poenitentiam ad illam remissionem obtinendam: Baptismus autem, quo Christus baptizabat, utrumque istud beneficium conferebat; ut docet

S. Joannes Baptista, Joan. 1. his verbis: *Ego baptizo in aqua, medius autem vestrum stetit, quem vos nescitis hic est, qui baptizat in Spiritu sancto.* Ubi non tantum loquitur de futuro Christi Baptismate, sed etiam de præsentis, hoc est, brevi tempore instituendo, & conferendo Baptismate à Christo D. unde Lucæ 3. respondit Joannes dicens omnibus: *Ego quidem aquâ baptizo vos; venit autem fortior me, cujus non sum dignus solvere corrigiam calceamentorum ejus, ipse vos baptizabit in Spiritu sancto, & igne.*

Quam utique rationem confirmat, & urget S. Augustinus tract. 5. in Joan. *Discitum est, inquit, de Domino, antequam pateretur: Baptizabat plures, quàm Joannes, quomodo ipse non baptizaret, sed Discipuli ejus. Adhuc erat ibi Iudas inter Discipulos; quos baptizavit Iudas, si non sunt iterum baptizati; quos baptizavit Joannes, iterum baptizati sunt: quia datus à Iuda Baptismus Christi erat; datus à Iohanne, Joannis erat.* Et tract. 25. *Baptizabat Iesus plures, quàm Joannes, quanquam Iesus non baptizaret, sed Discipuli ejus, an utrumque verum est, quia baptizabat, & non baptizabat? Baptizabat enim, quia ipse mundabat, non baptizabat, quia non ipse tingebat, præbebant Discipuli ministerium corporis, præbebat ille adiutorium majestatis.* Sed hoc adiutorium est gratia sanctificans, quàm Joannis Baptisma non conferebat igitur, &c.

Probatur secundò: Quia juxta legem à Christo D. præscriptam, Baptismus præsupponitur aliis Sacramentis; est enim Ecclesiæ janua, necnon aditus ad participationem Sacramentorum, & omnium beneficiorum, quæ in Ecclesia conferuntur; sed Apostoli ante Christi Passionem incorporati sunt in Ecclesiæ membra, & susceperunt aliqua Sacramenta; Christus enim in ultima cœna suis Apostolis Eucharistiam exhibuit, & eos inauguravit Ordine Sacerdotali, ut de-

definitur in Concilio Tridentino, sess. 22. cap. 1. igitur, &c. Quam utique rationem approbat S. Augustinus epist. 163. *Quomodo, inquit, poterant Eucharistiam accipere Apostoli nondum baptizati? Quomodo Petro nolenti, ut totum se lavaret Christus, respondit: Qui lotus est semel, non oportet cum iterum lavari sed est mundus totus? At perfecta mundatio non erat in Joannis Baptismo, sed in Baptismo Christi D. igitur, &c.*

Obijcies primò; Sacramentorum novæ Legis institutio, & efficacia, petitur ex ordinatione, & mandato Christi: sed Christus tantum mandavit, & iussit Apostolis, ut ministrarent Baptismum post suam resurrectionem, quando videlicet Matth. 28. dixit: Euntes, docete omnes Gentes, &c. igitur, &c.

Nego minorem: Præceptum enim illud non continet primam Baptismi institutionem, sed ejus extensionem ad Gentes; ita quòd Apostoli, qui antea solum facultatem habebant conferendi Baptismum Christi Judæis, tunc deberent illum ministrare omnibus omnino nationibus, quibus erant Evangelium prædicaturi.

Obijcies secundò: Per Baptismum Christi confertur Spiritus sanctus: at hic non fuit datus ante Christi Ascensionem, ut patet his verbis Joan. 7. Nondum Spiritus erat datus, quia Jesus nondum erat glorificatus. Et Act. 1. Christus D. post suam Resurrectionem dixit Discipulis: Vos autem baptizabimini Spiritu sancto, non post multos dies.

Distinguo minorem: Spiritus sanctus non erat datus absolute, & modò invisibili: nego. Certum enim est ante Christi Passionem Apostolos, & eos omnes, quibus Christus dixit, eis esse remissa peccata, fuisse justificatos, & consequenter accepisse Spiritum sanctum, idest, gratiam sanctificantem: nondum erat datus modò visibili, ut factum est in die Pentecostes, concedo: illo enim die rursus baptizati sunt Di-

scipuli Baptismo fluminis, repleti utique omnium charismatum donis; nam, ut ait S. Cyrillus Jerosolymitanus, Ut is, qui aqua mergitur, & baptizatur, undique ab aqua circumdatur; sic illi à Spiritu sancto sunt perfecti; Nam, ut ait S. Gregorius homil. 30. in Evangelia: Spiritus sanctus repente sonitu super Discipulos venit, mentesque carnalium in sui amorem permutavit; & foris apparentibus linguis igneis intus facta sunt corda flammantia: quia dum Deum in ignis visione susceperunt, per amorem suaviter arserunt.

Obijcies tertio: Si Christus suum instituisse Baptisma ante Passionem, præcepisset Apostolis, ut illud ministrarent, maxime quando Lucæ 9. dedit illis virtutem, & potestatem super omnia demonia, ut languores curarent, & misit illos prædicare regnum Dei, & curare infirmos: at ibi nulla fit mentio de conferendo Baptismo: igitur signum est illud tunc non fuisse institutum.

Respondeo ad minorem, mirum non debere videri, quòd ibi mentionem de Baptismo conferendo non fecerit Christus, cum ea facultas Apostolis non esset nova, sed ipsam antea exercuisent.

Obijcies quartò SS. Patres in secundo notabili laudatos, maxime verò S. Leonem, qui docere videtur, Sacramentum Baptismatis non fuisse à Christo institutum, nisi post ejus Resurrectionem.

Respondeo, illos SS. Patres, solum id obiter, & dum aliud agerent, dixisse, ac subinde non mirum, si in re levioris momenti non probetur eorum sententia; maxime quando occurrunt alii SS. Patres contrariam sententiam tuentes; sicuti plures nostræ assertioni ad stipulantur cum S. Augustino. Ad S. Leonem dico, ipsum in ea epistola nihil definisse, sed tantum doctrinaliter agere cum Episcopis Siciliæ, quibus intendit probare Baptismum non esse conferendum in die Epiphaniæ, sed differendam

usque ad Resurrectionem, & Pentecosten.

Obijciat quintò: Causa præcedit effectum: sed Christi Passio est causa Sacramentorum omnium novæ legis; operatur enim in his, & in Baptismo præcipue: quia Rom.6. *Quicumque baptizati sumus in Christo Jesu, in morte ipsius baptizati sumus:* igitur illa debuit præcedere baptismum.

Distinguo minorem: Christi Domini Passio, ut perfecta tantum, nego: ut prævisa, & à Deo ad id acceptata, concedo: unde neganda est consequentia: Baptismus enim etiam ante Christi Passionem habebat efficaciam à Christi Passione, quia præfigurabat eam: at aliter quàm Sacramenta Mosaica: nam hæc erant tantum figuræ inefficaces: Baptismus erat efficax, quia justificandi vim habebat à Christo, per cuius virtutem ipsa quoque Passio de facto salutifera fuit. Qualiter autem meritum Passionis Christi potuit vim suam refundere in eos, qui ejusmodi Passionem præcesserunt, explicat Doctor in 3. dist. 19. quæst. 1. num. 10. ubi scribit: Quod meritum Christi prævidebatur ab æterno, & ut sic prævisum acceptum fuit, ut aliquid boni conferretur Electis, ratione illius antequam exhiberetur, ut scilicet eis, qui præcesserunt exhibitionem Passionis ejus, dimitteretur originale, & conferretur gratia. *Probat exemplò ex S. Anselmo lib. 2. cur Deus homo, cap. 16.* Eito, inquit, quod multi offenderunt unum Regem, & pro offensa exulant; venit unus innocens de sanguine illorum, & promittit facere unum opus pro Rege placitum ei certo die statuto, ut Rex remittat eis offensam, & reconcilietur eis. Rex acceptando servitium promissum remittit offensam, & si aliquis eorum deliquerit, si satisfacere, & pœnitere voluerit, promittit ei iterum offensam illam dimittere; protestando tamen, quod nullus eorum, qui fuerant ini-

mici, intrabant Palatium suum, quousque servitium innocentis impleatur. Sic hic, Passio Christi hominis innocentis ab æterno prævisa, ut exhibenda in certo tempore, fuit multum accepta Trinitati, & pro ista omnibus credentibus illam exhibendam in tempore remisit offensam, quam contraxerant ex Adam, & quam postea commiserant, si pœnitere voluerunt; non tamen acceptavit eam tantum, ut aliquis ingrederetur Palatium suum æternum, antequam Passio exhiberetur in effectu. Illo modo remisit Patribus offensam in Circumcisione, sicut nobis in Baptismo: sed nullus est ingressus Palatium ante passionem exhibitam.

CONCLUSIO TERTIA.

Baptismus non fuit institutus, dum Christus baptizatus est in Jordane; neque in colloquio, quod habuit cum Nicodemò Joan. 3. sed paulò post electionem Apostolorum. Ita Doctor, ut constat ex priori conclusione, cui subscribitur Gabriel dist. 3. quæst. unica art. 3. & Richardus art. 5. quæst. 1. dicentes Christum insinuassee materiam Baptismi, dum baptizatus est in Jordane, & designassee formam in colloquio cum Nicodemò; sed tantum instituisse post electionem, & nominationem Apostolorum.

Quod autem reverà Baptismus suum non instituerit, dum ipse baptizatus est: Patet; quia institutio Sacramentorum est actus Legislatoris: Christus autem, dum baptizatus est, non gerebat personam Legislatoris, sed potius pœnitentis; unde Ecclesia in festo Epiphaniæ canit: *Hodie in Jordane à Joanne Christus baptizari voluit, ut solveret nos;* hoc est, ut impleat manus pœnitentis, & satisfaciens pro nobis: quia nempe causam naturæ humanæ gerens, ac sustinens, Baptismum pœnitentiæ suscipere voluit. *Tum quia Sacramentorum novæ legis institutio fieri non debuit ante ipsam*

novam legem initiatam : at ipsa potissimum initium duxit per Evangelii prædicationem : prius enim lex promulgari debuit, quam obligaret, & vim aliquam obtineret : igitur cum Christus Dominus dum baptizatus est, nondum promulgasset Evangelium ; nec consequenter novam legem fuisset auspiciatus, non debet etiam censeri instituisse Baptismum. *Tum denique*, qui eo modo Christus Dominus censendus est instituisse suum baptismum, quomodo voluit illud applicari, & ministrari : sed præceit Apostolis, ut priusquam Baptismum ministrarent baptizando, instruerent, & docerent fidei mysteria : igitur pari ratione prius ipse docuisse videtur, quam Baptismum institueret, & ministraret.

Secunda & tertia pars, etiam est evidens, nempe quod non instituerit Baptismum in colloquio Nicodemi ; quia, ut optime docet Doctor, non est verisimile tam necessarium Sacramentum, & ordinatum pro omnibus omnino hominibus, institutum fuisse, ac præceptum in conclavi, & cum homine privato. Conventientius enim erat, ut illa institutio fieret publicè, maximè coram eis, qui ejusmodi Sacramenti propalatores, ac ministri esse deberent ; institutio Sacramenti debet esse publica, & respectiva ad Ecclesiam : igitur probabilius apparet, Sacramentum istud duntaxat institutum fuisse paulò post susceptum Baptismum à Joanne, & Apostolorum vocationem.

Dices : Plurimi è SS. Patribus constanter asserunt, aquas Baptismi accepisse virtutem sanctificandi, quando Christus baptizatus est à Joanne in Jordane ; ita maximè S. Ambrosius lib. 2. in Lucam : *Baptizatus est Dominus*, inquit, *non mundari volens, sed mundare aquas, ut ablute per carnem Christi, quæ peccatum non cognovit, Baptismatis jus haberet*. Nazianzenus Oratione 59. *Baptizatus Joannes, Iesus accedit, fortasse ut*

ipsum quoque, à quo baptizatur, sanctitate afficiat, proculdubio autem, ut totum veterem Adam in aqua sepeliat. Hilarius in Matth. Can. 2. *Christus exempli sui auctoritate, salutis humane Sacramenta consumat, hominem & assumptione sanctificans, & lavacro*. Hieronymus Dialogo contra Luciferianos : *Iesus non tam mundatus est in lavacro, quam lavacro sub universas aquas mundavit*. August. sermone 36. qui primus est de Baptismo Christi, ubi dixit Deum ita res Christi disposuisse, ut in eodem anni tempore esset quasi continuata festivitas, subdit : *Ut quemadmodum tunc eum miremur incorrupta Matre progenitum : ita & nunc suscipiamus eum purà unda submersum, & gloriemur in utroque facto, quia Filium genuit Mater & casta est ; & quia Christum unda lavit & sancta est*. Nam sicut post partum glorificata est Maria castificatio : ita post Baptismum aqua est purificatio comprobata : nisi quòd pæne majori munere quam Maria unda ditata est, illa enim sibi tantum meruit Castitatem ; ista nobis contulit sanctificationem : illa meruit, ne peccaret ; ista ut peccata purgaret : illa propria delicta à se repudiat ; ista in se per Dei gratiam aliena condonat : Illi est collata virginitas ; isti donata fecunditas : illa unum procreavit, & pura est ; ista generavit plures, & Virgo est : illa præter Christum nescit alium filium ; isti cum Christo mater est populorum ; Et postea : *Ex quo Salvator in aqua se misit, ex eo omnium gurgitum tractatus candelarumque fontium venas ministris Baptismi consecravit*. Et sermone 37. de Tempore, qui creditur esse B. Maximi, non Augustini : *Quòd fluentis Jordanis baptizatur Iesus, aqua nostro Baptismati consecrantur*. Et postea : *Baptizatur Iesus, non sibi, sed nobis ; baptizatur, non ut purificetur aqua, sed ut aqua ipse sanctificet ; baptizatur novus homo, ut novi Baptismatis Sacramentum instituat*.

R: spondeo SS. Patres his omnibus solùm

lùm significare, non quòd Christus Dominus, in suscipiendo Baptismate aliquam sanctificativam virtutem indiderit aquis Jordanis; quæ fierent capaces producendæ gratiæ, & remissionis peccatorum, ut sit per Baptismum; alioquin in sola Jordanis aqua Baptismus esset conferendus, quippe cùm illæ duntaxat ipsam virtutem sanctificandi retinuisent; sed solùm significant tunc temporis aquam in Christi Domini Baptismate designatam esse, ut inserviret hominibus sanctificandis per Baptismum. Communis enim loquendi modus SS. Patrum est, aquam destinatam per benedictionem Sacerdotis ad Baptismi Sacramentum, sanctificari, & vim sanctificandi combibere; ita enim loquitur S. Clemens lib. 2. Constitutionum Apostolicarum cap. 24. & Tertullianus lib. de Baptismo, cap. 4. ab ait: *Omnes aquæ de pristina originis prærogativa Sacramentum sanctificationis consequuntur invocato Deo; supervenit enim statim Spiritus de cælis, & aquis superest, sanctificans eas de semetipso, & ita sanctificata vim sanctificandi combibunt, &c.* Cyprianus epist. 70. *Oportet ergo mundari, & sanctificari aquam prius à Sacerdote, ut possit Baptismo sub peccata hominis, qui baptizatur, ablucere.* Hæc tamen non sic veniunt accipienda, quasi aqua sic benedicta per suum contactum habeat vim sanctificandi, sed quòd ordinetur, ac destinetur, ut materia apta ad Sacramenti consecrationem. Idem proportionem servatà dicendum est de aqua Jordanis.

Figuratum ergo fuit mysticè Sacramentum Baptismi, in Baptismo Christi Domini à Ioanne in Iordane suscepto, tam quoad formam, quàm quoad materiam; utraque designata fuit de facto; forma quidem ex manifestatione trium divinarum personarum; Pater enim, seipsum manifestavit voce; Spiritus sanctus in figura columbæ; Filius autem in assumpta humanitate. Materia similiter,

quæ ex contactu carnis Christi aqua sanctificata est, & designata, ut fieret materia Sacramenti. Hæc autem sanctificatio aquæ rectè dicitur dedisse jus mundandi à peccatis; non quòd tunc fieret institutio Sacramenti, sed quòd fuerit illius delineatio, & designatio.

CONCLUSIO QUARTA.

Baptismus fuit utilis, & sufficiens pro expiando peccato originali ante Christi Domini Passionem. Hæc est Doct. contra S. Thomam, qui 3. p. quæst. 66. art. 2. distinguit duo tempora Baptismi: *Primum*, quò fuit duntaxat sub consilio, nempe ab ejus institutione usque ad mortem Christi; *Secundum* verò tempus, in quo Baptismus fuit sub præcepto, videlicet statim à morte Christi. Tria pariter tempora statuit Circumcisionis. *Primum*, usque ad mortem Christi, quando videlicet Circumcisio fuit non solum sub consilio, sed etiam sub præcepto; quia nondum abrogata fuerat lex Moïsaica; *Secundum* tempus fuit à Christi morte, usque ad solemnem promulgationem legis Evangelicæ, quæ facta in die Pentecostes, quò tempore intermediò dicit licitam fuisse Circumcisionem, sed inutilem; quia omnis ejus virtus, sicut & aliorum Sacramentorum legis veteris vigere desierat in Christi Domini morte; *Tertium* denique tempus statuit ab ipsa solemni Evangelii prædicatione, postquam Circumcisio non solum inutilis, sed etiam prorsus erat illicita, & mortifera.

Docet itaque Doctor *primò*, Baptismum statim ab ejus institutione fuisse sufficiens remedium ad salutem parvulis: *Si enim*, inquit, *unum præceptum impositum totaliter revocat aliud; consilium, seu monitio de uno, facit aliud non necessarium; quia cuius altius præceptum, est alterius prohibitio; ejus altius consilium, est licentia de non observando reliquum; ergo si præceptum de Baptismo erat prohibitio Circumcisionis, quantum ad fructum: etiam consilium de Baptis-*

ptismo reddebat Circumcisionem non necessariam. Hoc est, præceptum impositum de suscipiendo Baptismate evacuat Circumcisionem quantum ad fructum, & obligationem: igitur consilium de Baptismo etiam removel obligationem Circumcisionis. Antecedens admittitur ab omnibus. Consequentiam verò probat Doctor ratione morali petita ex natura legis, & præcepti; quia quoties una lex abrogat aliam legem de aliquo, etiam consilium de altero faciendo, quàm quod lex præcipit, tollit illius legis obligationem; ac subinde consilium de suscipiendo Baptismate, quod vim obtinuit ab illius institutione, evacuat obligationem legis Circumcisionis; unde optimè colligit Doctor num. 8. *quodd si ante passionem aliquis Iudæus, ad prædicationem Christi, vel Petri parvulum suum baptizasset, & non circumcidisset; si parvulus fuisset mortuus, salvatus fuisset; quia receperet gratiam in Baptismo: à prima enim institutione baptismus contulit gratiam.*

Reponunt adversarii, rationem Doctoris tantum vigere, quando duo actus (quorum unus fieri debet ex præcepto, ratione legis id ordinantis; alter verò fieri potest ex consilio ratione Principis id suadentis) sunt talis naturæ, ut non possint simul subsistere: quemadmodum consilium de servanda Virginitate tollit præceptum de matrimonio ineundo; quia Virginitas, & matrimonium consumatum simul stare non possunt: secus autem est de Circumcisione, & Baptismo; quia utrumque simul subsistere potest; nam ante mortem Christi fateatur Doctor tam Circumcisionem, quàm Baptismum fuisse proficuum: igitur eorum actus non repugnabant, & consequenter consilium de suscipiendo Baptismate non removebat obligationem Circumcisionis.

Contra: Non magis præceptum de suscipiendo Baptismate inducit repugnantiam inter actus, quàm consilium

de eodem: sed fatentur omnes præceptum de suscipiendo Baptismo sustulisse omnem obligationem Circumcisionis, quæ vigere desit ab eo tempore, quò Baptismus fuit præceptus: ergo idem dicendum de consilio. Probatur major: quia præceptum de Baptismo suscipiendo per se non infert repugnantiam ullam cum præcepto Circumcisionis; neque enim in se formaliter, aut virtualiter continet illius revocationem: potuit enim utrumque præceptum simul vigere, si nempe Deus statuisset; ut Christiani adhuc post susceptum Baptismum tenerentur ex præcepto ad suscipiendam Circumcisionem; igitur Baptismi præceptum non aliunde habet vim removendi obligationem Circumcisionis, quàm ex Christi Domini Legislatoris voluntate, quæ nempe decrevit Baptismum succedere circumcisioni, quatenus Baptismus est professio legis novæ, & janua Ecclesiæ, in qua veritate illucescente, evanescere debent umbræ figurarum legis veteris: sed id pariter sequitur ex voluntate Christi Baptismum instituitur, ac ministrantis, ac ejus susceptionem consulentis, tanquam aditum, & transitum ad legem novam inchoandam; igitur quæ ratione præceptum Baptismi removel obligationem Circumcisionis, eadem consilium de suscipiendo Baptismo pariter obligationem illam revocabat.

Confirmatur: Qui vovit ingressum alicujus Religionis laxioris, voto, ac obligationi facit satis, ingrediendo Religionem aliquam strictiorem, & perfectiorem: ergo à simili Iudæi; qui tenebantur ad servandam legem divinam ex præcepto, ipsi satisfaciebant proficendo fidem Evangelii, ac recipiendo media ordinata à Christo ad salutem. Consequentia patet: Tum quia lex Evangelica continet explicitè, & perfectè quidquid adumbratum erat in veteri, eaque est longè perfectior: Tum quia Iudæi tenebantur recipere Christum

scum promissum, & ejus doctrinam, ac legem sectari; nam, ut ait Ioan. 15. *Si non venissem, & locus eis fuisset, peccatum non haberent, &c.* igitur peccatum habuerunt, non recipiendo Christum, & doctrinam ejus sectando: Tum denique, quia quæ Christus Dominus docuit, & instituit, erant legis veteris complementum; ac proinde Baptismus erat adimpletio Circumcisionis: quemadmodum igitur, qui finem obtinet, non indiget amplius mediis conducentibus ad ipsius assuectionem, & consequenter, qui receperat Baptismum, non egebat amplius Circumcisione.

Dicitur: Lex Mosaica viguit saltem usque ad Christi D. Passionem, ut constat ex variis Scripturæ locis: nam Christus D. dum viveret, dixit Matth. 5. *Non veni legem solvere; sed adimplere:* Unde Matth. 23. dicebat: *Super Cathedram Moysi sederunt Scribæ, & Pharisei... quaecumque dixerint vobis, facite.* Unde Apostolus ad Hebr. 8. & 9. dicit vetus Testamentum consummatum fuisse in morte Christi; igitur omnia legis veteris præcepta, ac proinde etiam præceptum Circumcisionis viguit usque ad Christi Passionem, & consequenter Baptismus tunc temporis non erat medium sufficiens ad salutem. Deinde Doctor subtilis in Reportatis dist. 3. q. 4. 5. num. 2. ait. *Dupliciter fuit promulgatio facta Baptismi; uno modo per modum consilii, Christo veniente in carne, sed non per modum præcepti; alio modo per modum præcepti. Primo modo non fuit necessarium recipere Baptismum; quia tunc imponebatur necessario Iudeis Circumcisio usque ad Passionem Christi, & observatio legis Mosaicæ, quod probant aliqui, quia Christus ante passionem suam comedit Agnum Paschalem, quod non fecisset, nisi necesse fuisset Iudeos adhuc servare legem Mosaicam. Patet igitur, quod ita est.*

Distingo antecedens: Lex Mosaica viguit usque ad Christi Passionem in

eis, quorum oppositum non consulebatur, concedo; secus, nego: non enim necesse est, quod lex maneatur quoad omnia, & singula ejus præcepta, ad hoc ut ipsa vigere, & perseverare dicatur: potest enim fieri derogatio in aliquibus ejus præceptis, quando contrarium suadetur à Principe: quemadmodum Christus suavit receptionem Baptismi ante suam Passionem. Unde lex vetus non omnimode consummata, fuit in morte Christi. Tandiu namque viguit, donec promulgata fuit publicè lex nova, ut statim dicemus; ac proinde tantum defuisse dicenda est in morte Christi, quantum ad vaticinia Prophetarum, quæ ejusmodi Passionem prænuntiabant; nec non & quantum ad sacrificia, & Sacramenta, quorum omnis virtus evacuata est per Christi mortem.

Ad Doctorem dico ipsum illis verbis tantum significare quod Circumcisio necessaria fuerit Iudeis usque ad Passionem Christi: necessitate præcepti, quia adhuc vigeat præceptum de illa suscipienda respectu Iudeorum, qui baptismum non susceperant: non autem censet eam fuisse necessariam necessitate medii, ita ut qui baptizatus fuerat, teneretur adhuc circumcidi, quia ut dixit supra, baptismus tunc erat medium sufficiens ad salutem. Non est igitur contradictio, quod Circumcisio ut medium necessarium evacuata fuerit à tempore institutionis baptismi, & quod simul perseveraverit esse necessaria necessitate præcepti adultis, & parvulis in signum professionis legis Mosaicæ, quæ nondum omnino vigere desierat.

Quod autem nil aliud voluerit Doctor, apparet ex his quæ subjicit *nu. 8. in 4. d. 3.* ubi post verba à nobis supra laudata num. 7. statim sibi obijciens, quod equidem dici posset quod baptismus fuisset quidem sufficiens parvulo: sed pater peccasset eum non circumciden-

dendo; sic respondet. *Contra, quia ante octavum diem potuit baptizare parvulum, & ex quo ille habuit jam remedium contra originale, & hoc credidit pater (nam credidit Baptismum efficacem ad hoc) tunc videtur, quod non tenebatur necessario providere parvulo de alio remedio, scilicet contra originale. Ubi non excusat patrem à peccato, si octavo die non adhibuit Circumcisionem præceptam à lege in signum fœderis: sed vel ab omni delicto, si infans mortuus fuerit intra octavum diem: vel à solo peccato contra pietatem, quæ patrem obligat ad providendum filiis de remedio contra peccatum originale, quodcumque illud sit. Quod eisdem ferè verbis explicat, & inculcat in Reportatis loco jam citato num. 7. Si Iudeus, inquit, fuisset baptizatus, & postea baptizasset filium suum postea genitum, & ille puer fuisset mortuus ante Passionem Christi; certum est, quod fuisset salvatus: quia ejusdem efficacis fuit Baptismus tunc, sicuti nunc: igitur non fuit necesse ipsum puerum circumcidere, supple ut salvaretur, & eximeretur à transgressione legis, quæ præcipiebat octava die circumcidere.*

CONCLUSIO ULTIMA.

Baptismus non fuit necessarius necessitate præcepti statim post Christi D. mortem: sed tantum post sufficientem Evangelii prædicationem, respectivo tum ad Iudeos, tum ad Gentiles. Ita Doctor loco supra laudato n. 11. ubi ait: Dico quod in Baptismo non est distinguere, nisi duo tempora, scilicet tempus, quo erat sub consilio, & tempus, quo erat sub præcepto: & primum duravit à principio, ex quo prædicabatur Evangelium, vel Baptismus per Christum, vel per Apostolos, usque ad prædicationem solemnem, & authenticam ejusdem, post Ascensionem Christi: ita quod primum tempus nullam habet differentiam per mortem Christi; nec

Tom. X.

post eam, ex hoc solo, quod aliter cucurrit Baptismus post, quam ante. Secundum autem tempus, ut credo) incipit in die Pentecostes, in Jerusalem, quia usque ad illum diem Apostoli non prædicaverunt publicè, juxta illud verbum Christi Luca 24. Vos autem sedete in civitate, donec induamini virtute ex alto. Sed in die Pentecostes misso Spiritu sancto, solemniter prædicaverunt, & apposita sunt illo die circiter tria millia, & baptizati sunt. Act. 2. Inde autem ad alias civitates, secundum ordinem, cuilibet loco, vel Genti, erat tempus secundum, quando ibi publicè, & solemniter prædicabatur lex Evangelica: ita quod tempus non incepit simul apud quoscumque: Sed de Sion exibat lex, & verbum Domini de Jerusalem, juxta Prophetiam Isaie, & quibusdam incepit tempus ad mensem post Pentecosten, & aliquibus ad annum: aliquibus ad decem annos, & sic deinceps, sicut eis prædicabatur.

Sed quantum ad Circumcisionem, distinguo quatuor tempora; Pro primo erat necessaria: pro secundo utilis, non necessaria: pro tertio, nec utilis, nec necessaria, tamen licita: pro quarto omnino illicita, & mortifera.

Primum tempus Circumcisionis præcessit utrumque tempus Baptismi: Secundum tempus Circumcisionis comitabatur primum tempus Baptismi: nam sicut argutum fuit prius, ex quo primò consulebatur Baptismus, non fuit Circumcisio necessaria volenti baptizari: sed tunc cucurrit utrumque sub disunctione, ut Iudeus eligeret quodcumque vellet. Licuit enim, & profuit sibi circumcidi si voluit (nec enim fuit tunc revocata, quantum ad utile, nec quantum ad licitum) licuit etiam sibi, imò laudabile fuit baptizari: &

G g

hoc

„ hoc etiam congruum fuit, quod in
 „ tempore intermedio, inter duas leges,
 „ quando non subito prima tollitur,
 „ nec secunda imponitur; illo
 „ inquam tempore simul currant am-
 „ bæ sub disjunctione.

„ *Tertium* autem tempus Circum-
 „ cisionis cucurrit cum secundo tem-
 „ pore Baptismi, & hoc quantum ad
 „ Judæos, usque ad illud tempus Pauli,
 „ de quo argutum est prius; imò veri-
 „ simile est, quod bene ultra, quia
 „ tempore purificationis Pauli vide-
 „ bantur Fratres in Ierolymis op-
 „ probare observantiam legis, & de
 „ ea consulere Paulo.

„ Sed quantum ad Gentiles conver-
 „ sos ad fidem, secundum tempus Bap-
 „ tismi, & quantum Circumcisionis si-
 „ mul concurrerunt, saltem post qua-
 „ tuordecim annos à Passione Christi,
 „ vel circiter; quando scilicet Paulus
 „ ascendit Ierolymam ad seniores,
 „ super illa questione consulens, de
 „ qua habetur Actuum cap. 15. ubi pri-
 „ mò allegat Petrus factum Concilii;
 „ de quo habetur Actuum 10. Et dein-
 „ de Iacobus tanquam Episcopus in
 „ Ierolymis profert sententiam secun-
 „ dùm Magistrum sententiarum, di-
 „ cens. *Ego iudico non inquietari eos,*
 „ *qui ex Gentibus convertuntur ad*
 „ *Deum; sed scribere ad eos, ut absti-*
 „ *neant se à contaminationibus, etc. &*
 „ *de illis quatuor, duo, scilicet absti-*
 „ *nere ab idololatriis, & fornicatione,*
 „ *sunt necessaria. Ita Doctor.* Ubi ad-
 „ verte hæc posteriora verba scripsisse so-
 „ lum juxta mentem historici: nam ipsi
 „ Concilio præfuit S. Petrus; quod sentit
 „ etiam Doctor: siquidem infra num. 15.
 „ dicit nuntios à Iacobo missos fuisse Pe-
 „ tro subditos.

„ *Reponunt adversarii primò, Legem*
 „ *divinam non exigere promulgationem*
 „ *sui, ut habeat vim obligandi. Verum,*
 „ *contrarium apertè docuimus in Tract.*
 „ *de legibus, & validissimis rationibus*

„ probavimus omnem legem, etiam di-
 „ vinam, necessariò promulgari debere;
 „ quia lex divina non potest obligare ad
 „ impossibile; obligaret autem, si infer-
 „ ret necessitatem observandi ea, quæ sunt
 „ incognita; nec sufficienter manifestata:
 „ igitur, &c.

„ *Reponunt secundò, legem veterem,*
 „ *expirasse in morte Christi, ut etiam*
 „ *nos docuimus in tract. de legibus,*
 „ *agendo de lege Mosaica; igitur lex*
 „ *nova debuit inferre obligationem, ma-*
 „ *xime respectu Baptismi, qui est aditus*
 „ *ad legem Evangelii. Verum, respon-*
 „ *deo negendo consequentiam: quia,*
 „ *nullus aliter tenetur ad legem servan-*
 „ *dam nunc, quàm antea, nisi quia lex*
 „ *est ei aliter promulgata; sed Baptismus*
 „ *non fuit aliter promulgatus sub præ-*
 „ *cepto post mortem Christi usque ad diem*
 „ *Pentecostes, quàm fuerat ante Passio-*
 „ *nem: igitur tunc erat dumtaxat sub*
 „ *consilio; quemadmodum & ante Chri-*
 „ *sti mortem.*

„ *Confirmatur, quia non prius vigere*
 „ *debuit obligatio Baptismi suscipiendi*
 „ *& amplectendæ novæ legis, maxime*
 „ *respectivè ad Judæos, antequam eis*
 „ *constaret revocatam fuisse legem Mo-*
 „ *saicam, ad quam servandam teneban-*
 „ *tur, sed illa revocatio dumtaxat facta*
 „ *est per solemnem illam novæ legis pro-*
 „ *mulgationem in die Pentecostes; igitur*
 „ *ante illud tempus non vigeat adhuc*
 „ *obligatio novæ legis. Minor constat,*
 „ *quia sicut promulgatio legis se habet*
 „ *ad communitatem: ita & revocatio le-*
 „ *gis prioris per subsequentem legem:*
 „ *igitur sicut promulgatio legis Mosaicæ*
 „ *fuit publica: ita debuit esse solemnis,*
 „ *& publica illius revocatio: Majorem ve-*
 „ *rò probat Doctor num. 9. quia Iudæi*
 „ *tenebantur servare legem Circumcisio-*
 „ *nis, donec eis innotesceret eam esse*
 „ *prorsus inutilem, & vanam, nec am-*
 „ *plius necessariam sibi ad salutem: hoc*
 „ *autem constare debuit per publicam,*
 „ *revocationem illius obligationis, qua*
 „ *con-*

constaret Iudæis legem Circumcisionis non amplius vigere, igitur, &c.

Dices: Christus D. moriendo dixit: Consumatum est, Ioan. 19. quibus significare voluit, consumatam esse, & prorsus abrogatam omnem legem veterem. Quod utique confirmatur per Apostolum, *ad Rom. 7.* ubi ait: *Itaque, Fratres mei, & vos mortificati estis legi per corpus Christi.* Ubi intelligendus est de corpore Christi crucifixo.

Respondet Doctor ad primum nu. 18. illis verbis, Christum D. dumtaxat significare voluisse, vel quod consummata essent, quæ penuntiata gerant de sua passione: sicut consumanda prædixit, *Lucæ 18.* dicens: *Eccē ascendimus Ierosolimam, & consumabuntur omnia, quæ scripta sunt per Prophetas de filio hominis.* Vel, inquit Doctor, si illud referatur ad antiquam legem, sic debet intelligi, quod lex Mosaica consummata fuerit, & abrogata in sua causa; nam mors Christi D. causa erat confirmationis legis Evangelicæ; sed illa non fuit confirmata tanquam necessaria ad observandum ante prædicationem ejus publicam, quæ non incepit in Passione, sed in Pentecoste; tempore enim intermedio Discipuli sederunt in cœnaculo, nemini solemniter, vel publicè prædicantes.

Ad Apostolum dico, cum sic esse intelligendum, quod nempe mortificati sumus legi per corpus Christi: quia lex extincta est in sua causa per Christi D. crucifixionem; siquidem mors Christi D. fuit confirmatio legis Evangelicæ, & consequenter extinctionis, & revocationis legis Mosaicæ. Nec obstat, quod ibidem Apostolus utatur exemplo mulieris, quæ per mortem viri sui solvitur ab ejus lege: quia Apostolus ibi non comparat mortem Christi cum morte viri, & ideo non dixit: Mortificati estis legi in morte, aut corpore Christi, sed per corpus Christi; hoc est, per mortem, & crucifixionem, quæ causa fuit, cur Mosaica lex obligare desineret.

QUÆSTIO TERTIA.

Quotuplex sit Baptismus.

Notandum primò, Baptismus à Theologis solito distingui triplicem, nimirum fluminis, flaminis, & sanguinis: Baptismus fluminis ille est, qui confertur in aqua naturali cum expressa invocatione sanctissimæ Trinitatis. Baptismus verbò sanguinis est martyrium; flaminis autem est Contritio cum proposito suscipiendi Baptismum aquæ. Porro hæc duo idcirco vocantur Baptismata, quòd quemadmodum Baptismo aquæ abluimur, ita & Martyr proprio sanguine perfunditur, & penitens propriis lacrymis irrigatur.

Baptismus sanguinis designavit Christus D. *Marci 10.* cum filios Zebedæi alloquens ait: *Potestis bibere calicem, quem ego bibiturus sum, & Baptismo, quo ego baptizor, baptizari?* Quem Baptismus sic commendat *sanctus Cyprianus* epist. ad Jubaianum, ubi loquens de Catechumenis martyrium subeuntibus, dicit illos non privari Baptismi Sacramento, *atque qui baptizentur gloriosissimo, & maximo sanguinis Baptismo, de quo & Dominus dicebat, habere se alio Baptismo baptizari. Sanguine autem suo baptizatos, & Passione sanctificatos consumari, & divinæ pollicitationis gratiam consequi, declarat in Evangelio idem Dominus, quando ad latronem in ipsa Passione credentem, & consistentem loquitur, & quod sicut futurus sit in Paradiso pollicetur.*

Baptismus verbò flaminis pluries commendant SS. Patres, maxime verbò *S. Augustinus* lib. 4. de Baptismo, ca. 21. ubi ait: *Catechumenum Catholicum divina charitate flagrantem hæretico baptizato anteporre non dubito, sed etiam in ipsa intus Catholica bonum Catechumenum malo baptizato anteponimus, nec ideo tamen Sacramento Baptismi affigi, quo*

iste nondum, ille jam imbutus est, facimus injuriam, aut Catechumeni Sacramentum Sacramento Baptismi præferendum putamus, cum aliquem Catechumenum aliquo baptizato fidiorem, melioremque cognoscimus: melior enim Centurio Cornelius nondum baptizatus Simone Mago baptizato: ille enim & ante Baptismum S. Spiritu repletus est: ille & post Baptismum immundo spiritu infatus est.

Notandum secundò, quòd etsi Baptismus sanguinis, & flaminis à SS. Patribus (ut constat ex SS. Cypriano, & Augustino mox laudatis) appellentur Sacramenta; reverà tamen Sacramenti dignitatem, ac definitionem sibi non vendicant; nec enim martyrium, & Contritio sunt signa certa, & sensibilia divinitus instituta ad gratiam efficaciter significandam, & conferendam, ut jam de martyrio dictum est, agendo de Sacramentorum numero: de Contritione verò dicemus disp. sequenti: sed appellantur Sacramenta propter eam, quam habent cum Baptismo aquæ analogiam, & maxime quoad illius effectum, quem supplere dicuntur. De Baptismo quidem flaminis apertissima est veritas in Scriptura sacra illis omnibus oraculis, quibus Deus spondet veniam, & gratiam peccatori pœnitenti, ac divinam misericordiam postulanti: Sic Ezechiel 18. Cum averteris se impius ab impicitate sua, animam suam vivificabit. Sic Abor. 10. v. 22. Cornelius Centurio nondum baptizatus Baptismo aquæ dicitur Vir justus, & timens Deum. Et ibidem cecidit Spiritus sanctus super Gentiles contritos, nondum baptizatos. Unde S. Petrus ait: Nuncquid aquam quis prohibere potest, ut non baptizentur hi, qui Spiritum sanctum acceperunt, sicut & nos? Hinc S. Ambrosius orat. in obitu Valentiniani junioris Imperatoris Catechumeni occisi, cum nondum esset baptizatus, ait: Baptismi gratiam, quia postulavit, accepit.

Idque constantissimum est ex Concilio Tridentino, sess. 6. cap. 4. ubi loquens de justificatione per baptismum dicit, quod justificatio est translatio ab eo statu, in quo homo nascitur filius primi Adæ, in statum gratiæ, & adoptionis filiorum Dei, per secundum Adam Iesum Christum Salvatorem nostrum, quæ quidem translatio post Evangelium promulgatum, sine lavacro regenerationis, aut ejus voto fieri non potest. Ubi per votum significat contritionem, quæ urgente necessitate sufficit ad consequendam Baptismi gratiam: Sic enim interpretatur hæc Christi D. verba: Nisi quis renatus fuerit, &c.

Quapropter optimè notavit S. Bernardus epist. 77. quòd cum Christus D. Marci 16. dixisset: Qui crediderit, & baptizatus fuerit, salvus erit. Non repetiit: Qui verò non baptizatus fuerit: sed tantum: Qui verò non crediderit, condemnabitur, innuens solam interdum fidem charitate flagrantem ad salutem sufficere, ut optimè docet S. Augustinus l. 4. de Baptismo c. 24. ubi cum dixisset fidem formatam interdum justificare extra Sacramentum, idque probasset exemplo boni latronis, & Cornelii Centurionis, subdit, cap. 25. Quibus rebus omnibus ostenditur, aliud esse Sacramentum Baptismi, aliud conversionem cordis; sed salutem hominis ex utroque, compleri: nec si unum eorum consequens esse, ut alterum desit; quia & illud sine isto potest esse in infante, & hoc sine illo potuit esse in latrone, complente Deo sive in illo, sive in isto, quod non ex voluntate defuisset, &c. Sola itaque remanet difficultas de Baptismo sanguinis. Quapropter

Notandum tertio, Baptismum sanguinis, seu martyrium; secundum significationem idem esse, ac testimonium, quod datur Deo, vel Christo per mortem: ac secundum rei veritatem, est mors violenter illata pro fide Christi, aut vera vir-

*virtute homini non resistenti . Quibus verbis quatuor ad martyrium perfectum conditiones necessaræ declarantur : Prima est, quod sit mors illata, requiritur enim ad completum, & perfectum martyrium; quod reverà animam quis pro fide, aut Religione ponat, ita quod mors reverà sequatur, aut saltem naturaliter sequeretur, nisi vita divinitus servaretur, prout servata fuit tribus pueris in fornace Babylonica, nec-non & S. Joanni Evangelistæ missio in ferventis olei dolium, & pluribus aliis, qui ab Ecclesia inter Martyres computantur . Profecto, quod mors divinitus impediatur, auget rationem martyrii: per hoc enim sit omnibus manifestum, quod Deus hominis patientis causam approbet: unde acceptatio illa mortis est tam efficax fidei testimonium, quàm si reverà ipsa mors sequeretur . Quapropter Doctor subtilis in 4. dist. 4. qu. 6. n. 4. non dubitat asserere aliquem fieri posse pluries Martyrem: ait autem . *Quod baptizatus Baptismo sanguinis, si postea est nobiscum viator, tenetur affectu, & pro loco, & tempore recipere effectum Sacramentum, id est Baptismum fluminis; hoc autem quod supponitur, est bene possibile, sicut de quibusdam legitur, quod sunt facti bis Confessores: quia sustinuerunt bis pœnas pro fide, propter quas tamen non sunt mortui .**

Secunda conditio est, quod illa mors sit violenter illata, quamvis enim aliquis pro Dei gloriâ, & fratrum salute morderetur, non tamen propterea perfectus Martyr esset censendus, unde qui pro fratribus animas ponunt, sive in obsequio pestiferorum, sive in justo bello, non sunt propriè dicendi Martyres . Hinc in Martyrologio ad diem 28. Februarii scriptum reperimus: Commemoratio SS. Presbyterorum, Diaconorum, ac ceterorum Ministrorum, qui tempore Valentiniiani, cum pestis sævissima grassaretur, morbo laborantibus ministran-

tes libentissimè mortem appetierunt, quos velut Martyres, religiosæ Piorum fides venerari consuevit . Dicuntur, *velut Martyres* coli, quamvis tales non sint; quia mortui quidem sunt pro fratribus, sed pro fratribus eis mors non est violenter illata; aliud autem est mori, & aliud mortem inferri pro fratribus, hoc enim ultimum desiderari videtur ex communi Ecclesiæ sensu ad propriè dictum martyrium .

Tertia conditio est, quod mors sit illata in odium fidei, aut vere virtutis; Nam, inquit S. Augustinus in Psal. 38. *Martyrem non facit pœna, sed causa:* Hinc epist. 50. quæ est ad Bonifacium: *Veri Martyres, inquit, illi sunt, de quibus Dominus ait: Beati qui persecutionem patiuntur propter iustitiam: non ergo qui propter iniquitatem, & propter Christianæ unitatis impiam divisionem, sed qui propter iustitiam persecutionem patiuntur, hi Martyres veri sunt.* Dixi, *aut vere virtutis;* Ecclesiæ enim colit pro veris Martyribus, non solum eos, qui mortem obeunt propter veræ fidei confessionem, sed etiam qui moriuntur propter aliquam violentiam; sic enim inter Martyres numerantur Thomas Cantuariensis occisus propter defensionem libertatis Ecclesiasticæ, & plures Virgines occisæ propter custodiam castitatis .

Quarta tandem conditio ad verum martyrium, est, quod mors violenter inferatur homini non resistenti; unde commune illud effatum: Martyr non pugnât, sed patitur; siquidem conformari debet Christo I. D. qui testimonium perhibuit veritati, non contradicendo, sed patiendo: cum enim pateretur, non comminabatur, sed tanquam ovis ad occisionem ductus coram tundente se obmutuit, & non aperuit os suum . Unde milites in bello ob defensionem fidei, & religionis suscepto generosè occumbentes quamvis plurimum mereantur, tamen censendi non sunt veri

veri Martyres; milites enim ordinariè pugnare cum spe evadendi mortem; imò, & occidendi invasorem: finis enim pugne victoria est; ac proinde patiuntur mortem magis ex necessitate, quàm voluntate.

His ita prælatis, duo maximè suspensum hac in questione determinanda: *Primum*, utrum Baptismus fluminis ita sit unicus numerò, ut nullà ratione possit iterari: *Secundum*, utrum Baptismus sanguinis verè virtutem habeat delendi quodlibet peccatum, & hominem iustificandi.

CONCLUSIO PRIMA.

Baptismus ita est unicus numerò, ut semel validè collatus, nullà ratione possit iterari. Hæc est de fide determinata in illis omnibus Conciliis, in quibus stricte prohibetur, ne debite ab hæreticis baptizati, iterum baptizentur; expressè verò in Concilio Tridentino sess. 7. can. 11. *Si quis dixerit, ritè collatum Baptismum iterandum esse illi, qui apud infideles fidem Christi negaverit, cum ad penitentiam revertitur, anathema sit.*

Probant aliqui hanc veritatem ex illo ad Ephes. 4. *Unus Dominus, una fides, unum Baptisma*: Ita S. Leo epist. 37. c. 1. *Scimus*, inquit, *expiabile esse facinus, quoties iuxta hæreticorum damnata à SS. Patribus instituta, cogitur aliquis lavacrum, quod regenerandis simul tributum est, bis subire, Apostolicè reclamante doctrinà, quæ nobis unam prædicat in Trinitate Deitatem, unam in fide confessionem, unum in Baptismate Sacramentum.* Hinc epist. 79. cap. 7. scribit: *Hanc regulam (ut scitis) servandam omnibus Ecclesiis prædicamus; ut lavacrum semel initum, nullà iteratione violetur, dicente Apostolo: Unus Dominus, una fides, unum Baptisma.*

Verùm reponi posset hanc unitatem Baptismatis, de qua loquitur Apostolus; esse specificam, non verò numericam, quemadmodum S. Augustinus explicat

unitatem fidei lib. 13. de Trinit. cap. 2. *Ita dicitur*, inquit, *ea credentium fides una, quemadmodum eadem volentium voluntas una; cum istis in ipsis, qui hoc idem volunt, sua voluntas sit cuique conspicua; alterius autem lateat, quamvis id vellet.*

Unde satius est asserere cum Doctore, non aliam à priori huiusce veritatis proferri posse rationem, quàm ipsam voluntatem Christi sic Baptismum instituentis, ut circa eandem personam semel validè collatus, nullà ratione posset iterari, cum rationes congruentes id suadeant, saltem à posteriori, quas Doctor sic expendit in 4. dist. 6. quæst. 7. nu. 3. ubi ait: Dico, quod ratio interabilitatis Baptismi, est institutio divina, cuius non est aliqua causa prior, nisi voluntas ejus; tamen ista institutio est rationabilis, tum ex morbo, contra quem principaliter instituitur; (istud remedium enim principaliter instituitur contra originale peccatum, quod non est nisi unicum: nec iterari potest) tum ex fine principali, ad quem est: habet enim plenam remissionem pœnæ, & culpæ. Si autem posset homo habere frequenter talem remissionem plenam ab utroque, esset magnum incrementum delinquendi. Illud enim, quod est institutum in remedium relabentium, utpote Penitentia non est sine magna pœna solvenda pro peccato. Tum tertio, quia per istud Sacramentum; cum sit principium, & janua, per quam intratur in legem Christianam, adscribitur aliquis familiæ Christi, & sit membrum ejus, & Ecclesiæ militantis. Licet autem aliquis ingressus in Collegium, si offendat, postquam ingressus fuerit, possit reconciliari & Collegio, & capiti Collegii: non tamen frequenter in collegium intrat.

Quibus verbis Doctor significat non posse aliam assignari rationem à priori, cur Baptismus semel collatus non sit

ite-

iterabilis; quàm divinam voluntatem, quæ ita statuit, ac ordinavit. Nihilominus à posteriori possunt aliquæ assignari rationes congruentes illius divine ordinationis: quarum *prima* petitur ex parte originalis peccati, ad quod eluendum Baptismus principaliter institutus est. Cum autem hic morbus semel sanatus non reviviscat, etiam nec iterari debet illius remedium.

Secunda repeti potest ex parte effectus, videlicet plenariæ remissionis peccati: quàm ubi semel quis affectus est, conveniens fuit, ut iterum in se proponeretur accipienda, nè videlicet præberet ausam sæpius delinquendi, si absque ullo prorsus labore ex parte sui, posset peccator plenariam suorum peccatorum indulgentiam consequi. Unde, etiam S. Paulus ad Hebræos 6. ait. *Impossibile est enim eor, qui semel sunt illuminati, gustaverunt et donum cælestis, & participaverunt Spiritui sancto, gustaverunt nihilominus bonum Dei verbum, virtutesque sæculi venturi, & prolapsi sunt, rursus renovari ad Penitentiam.* Quibus significat juxta communem Interpretum sententiam, semel acceptam plenariam peccatorum remissionem per Baptismum non posse obtineri absque satisfactione ex parte peccatoris: licet obtineri possit per frequentem, & laboriosam penitentiam.

Tertia tandem ratio est, quod per Baptismum quis adscribitur familiæ Christi, & fiat membrum corporis ejus; unde sicut aliquis adscriptus in societatem alicujus regni, si offendant, poterit quidem reconciliari capiti, & membris; per hoc autem non dicitur eis inferi; quia peccando non amittit jura regni, aut civitatis, sed dumtaxat fit reus legis; ita baptizatus offendens Deum, per Penitentiam reconciliari poterit, non tamen poterit iterum fieri Christianus, quia jam talis esse supponitur.

Eandem veritatem probant alii Theologi, ex eo, quod Sacramentum Baptis-

mi characterem indelebilem imprimat: quod fit, ut nulla ratione sit iterabilis; quæ utique ratione etiam utitur Concilium Florentinum in decreto Eugenii, ubi loquens de Sacramentis novæ legis, ait: *Inter hæc Sacramenta tria sunt, Baptismus, Confirmatio, & Ordo, quæ characterem, id est, spirituale quoddam signum à cæteris distinctivum imprimunt in anima indelebile; unde in eadem persona non iterantur.* Consonat Concilium Tridentinum sess. 7. can. 9. *Si quis dixerit in tribus Sacramentis, Baptismo, scilicet, Confirmatione, & Ordine, non imprimi characterem in anima . . . unde ea iterari non possunt, anathema sit.* Quam utique rationem non improbat Doctor, ut volunt aliqui; nam ipsam, ut veram supponit q. 9. sed tantum q. 7. num. 2. dicit illam rationem, non procedere ex notioribus; quia magis notum est Sacramentum non posse iterari, quàm quod imprimat characterem: *Quia, inquit, à principio, ex quo Baptismus fuit institutus, suis manifestum de eo, quod non licuit cum iterari: quod autem character imprimatur, non est notum ex prima ejus institutione; nec ex tota Scriptura, neque etiam ex multis auctoritatibus Sanctorum.*

Igitur nulla alia efficacior hujus veritatis asserendæ proferri potest ratio, quàm constantissima, & universalis Ecclesiæ praxis, quæ Baptismum non esse iterabile perpetuò docuit: ejus quidem traditionem in primis testis est S. Clemens Romanus lib. 6. Constit. cap. 15. ibi: *Eidem modo ibi contenti sunt und solò Baptismo, qui in Domini mortem traditur. . . neque impiorum Baptismus recipitur, neque is, qui præter sanctos ad ministratur, alterò Baptismo debet irritus effici: ut enim unus est Deus, & unus Christus, & Patet: unus, sic unus est Baptismus, qui in Christus nomine datur.* Ex paulò inferius. *Verumtamen initiatos Baptismate, iterum baptizare tentantes, crucifigunt Dominum, iterum eum inte-*

rimunt, derident divina, elidunt sancta, insultant Spiritui, sanguinem sanctum veluti communem contemnunt, peccant in mittentem, in passum, & in testificantem. Concordat can. 47. Apostolorum: Episcopus, inquit, aut Presbyter, si eum, qui secundum veritatem habet Baptisma, denuò baptizavit, aut pollutum ab impiis, hoc est, baptizatum ab hæreticis non servantibus sinceram formam Baptismatis, non baptizaverit, deponatur tanquam deridens crucem, & mortem Domini. Ut quid hoc? quia Baptismus representat mortem, sepulturam, & resurrectionem Christi, teste Apostolo ad Rom. 6. v. 3. 4. & 5. An ignoratis, quia quicumque baptizati sumus in Christo Jesu, in morte ipsius baptizati sumus? Consepulti enim sumus eum illo per Baptismum in mortem, ut quomodo Christus surrexit à mortuis per gloriam Patris, ita & nos in novitate vitæ ambulemus, Si enim complantati sumus similitudinis mortis ejus, simul & Resurrectionis erimus. Unde sicuti Christus semel tantum pro peccatis nostris mortuus est, & semel resurrexit: ita & nos per Baptismum eidem consepulti, & per eundem resurgentes, non possumus iteratò sepeliri, ne significemus Christum iteratò posse mori, & sepeliri. Atq; hæc est optima congruentia voluntatis instituentis.

„ Objicit Doctor ibidem: Baptismus

„ non est præstantius Sacramentum,

„ quàm Eucharistia, & Pœnitentia: sed

„ hæc sæpius iterantur: igitur etiam

„ Baptismus iterari potest.

Respondet Doctor num. 3. quantum ad Eucharistiam, paritatem in hoc solum valere inter Eucharistiam, & Baptismum, quòd quemadmodum eadem hostia non potest pluries consecrari, ita eadem persona pluries baptizari. Ad argumentum dico, inquit, quòd illa prolatio verborum, quibus Eucharistia consecratur, non est Sacramentum, sed est consecratio sacramentalis, & illud non licet bis iterare super eandem materiam;

ut si secundò iteratur, nihil feret; quia prius factum est.... Licet ergo eadem persona possit frequenter communicare, sive recipere Eucharistiam, non tamen super eandem materiam frequenter possunt proferri verba consecrationis Eucharistiae: nec sic Eucharistia debet iterari, quòd propriè aliqua materia hujus Sacramenti bis suscipiat formam ejus. Ergo a simili non licet verba formæ Baptismi pluries super eandem personam proferre.

CONCLUSIO SECUNDA.

Baptismus sanguinis reverà habet vim supplendi vicem Baptismi fluminis ex opere operato. Hæc est communior, & verior; & probatur primò illis omnibus Scripturæ textibus, quibus Christus D. spondet vitam æternam ei, qui vitam temporalem pro Dei gloria perdidit: Sic Matth. 16. Qui voluerit animam suam salvam facere perdet eam, qui autem perdidit animam suam propter me, inveniet eam. Vel, ut legitur apud Marcum cap. 8. Qui autem perdidit animam suam propter me, & Evangelium, salvam faciet eam. Hinc Matth. 10. idem Christus D. testatur: Qui confitetur me coram hominibus, confitebor & ego eum coram Patre meo, qui in cælis est. Quæ propositiones non minùs generales sunt, quàm illa Christi comminatio: Nisi quis renatus fuerit ex aqua, &c. Unde S. Augustinus lib. de civitate cap. 2. sic ratiocinatur: Tam certum est perfectum Martyrem suâ passione consequi gratiam, & remissionem omnium peccatorum; propter hoc Christi D. testimonium: Qui me confessus fuerit, &c. quàm certum est neminem sine Baptismo posse salvari, propter hæc verba: Nisi quis renatus, &c. sed hoc certum est: ergo & prius. Quòd autem martyrium hunc effectum præstet, quasi ex opere operato, probatur ex sensu Ecclesiæ: Quæ, inquit S. Augustinus lib. 3. de libero arbitrio, cap. 23. non frustra, etiam infantes illos, qui cum Dominus le-

fus

sus Christus necandus ab Herode quæretur, occisus fuit, in honorem Martyrum receptus commendat: Hinc de iisdem cantat Ecclesia in Collecta diei festi SS. Innocentium: *Deus cuius hodiernâ die præconium innocentes Martyres non loquendo: sed moriendo confessi sunt.* Et in Hymno: *Salvete flores Martyrum, quos lucis ipso in limine, Christi insecutor sustulit, cum turbo nascentes rosas.*

Nec valet reponere, eos duntaxat Martyres ab Ecclesia coli, qui prius per Circumcisionem ab originali peccato mundati fuerant: Hæc, inquam responsio prorsus est inutilis: Tum, quia S. Augustinus lib. de symb. ad Catechumenos, cap. 4. de ipsis infantibus generaliter pronuntiat, eos per Martyrium fuisse ab originali peccato mundatos: „ Ipsi, inquit, qui moriebantur, natura filii iræ erant, sicut & cæteri: sed quid eis præstitit gratia, nisi ut eos erueret à potestate tenebrarum? Prestitit eis Christus, ut pro Christo morerentur, præstitit ut suo sanguine ab originali peccato diluerentur, nati sunt ad mortem, sed continuo eos reddidit vitæ.

Ipsi consonat S. Leo Papa serm. 1. de Epiphania, cap. 3. *Quis Rex impius eximit mundo, Christus inserit cælo, & quibus necdum sanguinis sui impendit redemptionem, jam martyrii tribuit dignitatem.* Quis autem ambigat multos ex illis necdum fuisse iustificatos à peccato originali? Etenim variæ erant proles infidelium Judæis permixtorum: plures quoque necdum erant occlusi nati, adeoque nec circumcisi. Deinde esto fuissent omnes antea iustificati, cur tamen magis, quam alii parvuli in gratia decedentes colerentur specialiter ab Ecclesia tanquam sancti, si ratione mortis illatæ specialem gratiam, aut sanctitatem non accepissent? Neque enim honorantur ab Circumcisionem, sed ob mortem toleratam pro Christo.

Porrò quæ SS. Innocentium, eadem

Tom. X.

est ratio aliorum parvulorum, si contingat illos pro fide Christi, aut verâ virtute occidi. Quid enim speciale potest in his excogitari, quod non in aliis? Unde S. Leo serm. 2. in Epiphaniâ. *Ita Christus, ut nullum tempus ei esset absque miraculo, ante usum lingue potestatem Verbi tacitus exercebat, & quasi jam diceret; Sinite parvulos venire ad me, talium est enim regnum cælorum: nova gloria coronabat infantes, & de initiis suis parvulorum primordia consecrabat, ut disceretur nullum hominem incapacem esse divini Sacramenti, quando etiam illa ætas gloriæ esset apta martyrii.*

Hanc pariter martyrii efficaciam ut supplementis vicem baptismi aquæ in adultis statuunt SS. Patres. Cyprianus in præfatione suæ exhortationis ad martyres, his verbis. *Nos tantum qui Domino permittente primum baptismum credentibus dedimus, ad aliud quoque singulos præparemus, insinuantes, & docentes hoc esse baptismum in gratia majus, in potestate sublimius, in honore præstiosius; baptismum, in quo Angeli baptizant; baptismum, in quo Deus, & Christus exultant; baptismum post quod nemo jam peccat; baptismum, quod fidei nostræ incrementa consumat; baptismum, quod nos de mundo recedentes statim Deo copulat.* Similiter S. Ambrosius in Psalmum 118. Orationario 3. circa medium distinguens triplex baptismum, fluminis, flaminis, & sanguinis; ait, *Unum est baptismum, quod hic tradit Ecclesia per aquam, & Spiritum sanctum, quod necesse est baptizari Catholicum. Est aliud baptismum de quo ait D. Iesus: Baptismo habeo baptizari, quod vos uestitis: Ut utique jam baptizatus in Jordane fuerat: sed si hoc baptismum Passionis, quæ etiam sanguine suo uniusquisque mundatur. Idem expressè probat prædictis citatis autoritatibus S. Bernardus epist. 77. quæ est ad Magistrum Hugonem à S. Victore; ubi contrarium asserentem nominat, notarum inventores assertionum, & assertores in-*

H h

ven-

ventionum. (Aitque.) *Ab his duobus columnis, Augustinum loquor & Ambrosium, disseilè uovellor: eum his inquam me aut errare, aut sapere fateor, credens & ipse solâ fide hominem posse salvari eum desiderio percipiendi Sacramentum.*

Dicit: S. Cyprianus, & Patres Africani Concilii, cùm prius in quodam Concilio suo statuisent, ut lapsi non nisi diu pœnitentiâ actâ admitterentur ad pacem, nisi fortè periculum infirmitatis urgeret; jam novâ urgente persecutione statuerunt in alio Concilio, omnibus, qui pœnitentiam egissent, pacem dandam, ut fortiores essent ad passionis prælium: ut constet ex eorum epistola, quæ apud Cyprianum 54. locum obtinet, & ad Cornelium sum num Pontificem dirigitur. In qua num. 16. hæc habentur. Nec quisquam dicat: qui martyrium tollit, sanguine suo baptizatur, nec pax illi ab Episcopo necessaria est habituro Ecclesiæ pacem, accepturæ majorem de Domini dignatione mercedem. Quasi diceret martyrium non sufficere lapsis, nisi acceperint ab Episcopo pacem, & peccatorum absolutionem.

Respondeo, prædictos Patres ibi tantum loqui de eo casu, in quo lapsi possunt accipere beneficium absolutionis antequam martyrium subeant, qui (inquiunt ibidem) hæc omisso censetur esse ex parte lapsorum quidam præsumptio, & contemptus absolutionis: ex parte verò Prælatorum quedam negligentia segnis, & crudelis duritia, quæ (inquiunt) nobis adscribetur in die judicii, quod ereditas, & commissas oves, nec curare in pace, nec in acie voluerimus armare. Ex quibus colligitur Patres nolle eos veniam non consequi defectu martyrii, sed præviæ dispositionis; nam S. Cyprianus, quod prodesset martyrium, satis superque supra laudatus indicat.

Dicit: In Concilio Bracharen. 35. prohibetur ne fiat oblatio pro Catechumenis absque Baptismo morientibus; et-

go censet eis nec martyrium, nec contritionem prodesse.

Nego consequentiam; loquitur enim Concilium de eis solum Catechumenis, qui gravi baptismatis negligentia, vel contemptu moriuntur; pro quibus superfluum esset orare, cùm talis contemptus tanti remedii eos faciat veniâ indignos: eam autem esse mentem Concilii, colligitur ex eo, quod Canone præcedenti decernat non esse faciendam commemorationem in Missæ sacrificio eorum, qui in statu peccati mortales obierunt.

Dicit 3. Licet martyrium ab adulto consummatum, videatur posse remittere peccata, non tamen ita de parvulis, aut dormientibus, cùm nec sit actus aliquis virtutis, aut charitatis, aut fortitudinis, aut religionis; quippe cùm actus virtutis debeat esse liber, & à libera voluntate elicitus; ejus conditionis non sunt nec infantes, nec dormientes, nec pariter sit Sacramentum. Ut constabit infra.

Resp. Martyrium præcisè sumptum nihil aliud esse, quàm actuale mortem pro Dei gloria exceptam; qualiter præscindit tam ab actu virtutis, quam à non actu virtutis. Id namque in speciali, & ratione subiecti duplex potest distinguere; quatenus enim ab adultis voluntariè toleratur, est actus virtutis charitatis, aut fortitudinis, &c. quatenus verò est in infantibus, aut amentibus, aut dormientibus, est tantum opus secundum Dei ordinationem pro ejus gloria toleratum. Huic autem utrique Deus justificantem gratiam, aut ejus augmentum annexum esse voluit, sicut Ecclesia testatur de Innocentibus in oratione, & officio eorum solemnitate. Deus ejus bodièrâ die præconium innocentes Martyres, non loquendo, sed moriendo confessi sunt, &c.

Inhabis. Hæc responsio militat in S. Bernardum. Is enim epistolâ 77. supra laudata cùm dixisset: imminente mor-

morte , hominem per fidem , & desiderium fuscipiendi baptismatis , si de facto fuscipere non possit , nihilominus salvari , addit : *Vide etiam ne forte id voluerit Salvator cum diceret : Qui crediderit , & baptizatus fuerit salvus erit : caute , & vigilanter non repeteris , qui verò non baptizatus fuerit . sed tantum : qui verò (inquit) non crediderit , condemnabitur : nimirum innuens solam fidem interdum sufficere ad salutem , & sine ipsa sufficere nihil . Quapropter etsi martyrium vicem Baptismi posse implere conceditur , non planè hoc facit pœna , sed fides , nam absque ipsa , quid est martyrium , nisi pœna ?*

Nego antecedens. S. enim Bernard. ibi tantum loquitur de adultis , & ratione utentibus , quos fateor debere consentire , non verò invitè subire martyrium ? Hic autem consensus , & à fide , & à charitate est eliciendus . Sanctus enim Bernardus serm. de sanctis Innocentibus distribuit omnes Martyres in tres classes . In prima reponit illos , qui voluntate , & externo opere Martyrium consumant . In secunda constituit eos qui voluntate solum martyrium fecerunt ; ut S. Martinus , & seraphicus Pater Franciscus , quibus non martyrio voluntas , sed voluntati martyrium defuit . In tertia , ordinat eos , qui opere duntaxat externo sunt martyres . Martyrium primi , & secundi ordinis debet esse actus virtutis ; alioquin esset frustraneum : posterioris verò non ita . De prioribus loquitur Bernardus in dicta epistola , non de posteriori , cum ipse Innocentes opere tantum , nihilominus veros martyres fuisse pronuntiet .

Urgebis : Hæc responsio est contra doctrinam Apostoli dicentis , & docentis 1 ad Corinth. 13. *Si tradidero corpus meum , ita ut ardeam , charitatem autem non habuero , nihil mihi prodest :* Ergo nullam efficacitatem habet martyrium , nisi à charitatis actu ; ac proinde qui sunt talis actus eliciendi incapaces ,

erunt & percipiendæ gratiæ per martyrium conferendæ .

Nego antecedens. siquidem S. Paulus de seipso adulto , ac proinde qui poterat sese liberè ad martyrium determinare , loquebatur . Fateor enim adultum in peccato mortali existentem , qui nec martyrium desideravit , nec ad id sese determinavit , si dormiens occideretur in odium Christi , non propterea salvari , quia cum peccatum mortale committitur propriâ voluntate , non potest absque proprio voluntatis motu deleri . Vel

Distingo . Martyrium sine charitate antecedente , & comitante nihil prodest in eo , qui vel antecedentem , vel consequentem habere potest , concedo : nihil prodest in eo , qui neutram habere potest , cum sit libertatis , & rationis impos , nec in eo , qui cum præcedentem non habuerit , habet comitantem , nego . Implicat autem adultum fidelem velle pro Christo animam fundere , & de facto exponere , absque eo quod habeat charitatem . Dixi *fidelem* ; quia si hæreticus circa unum fidei articulum , pro alio verò , quem credit , occideretur non esset martyr dicendus , eo quod Christo nullatenus nec per charitatem , nec per fidem infusus uniretur . Dixi *pro Christo* , quia si pro vana gloria , vel motivo præter Christum obiret , martyr non esset .

Dices 4. Si martyrium primam gratiam conferat , id erit vel ante mortem , vel in instanti mortis ; vel post mortem . *Non primum ;* tum quia cum mors sit de formali ratione martyrii , sequeretur ipsum conferre gratiam antequam esset ; ac proinde majoris esse efficacitatis , quàm sacramenta ; tum quia operari sequitur esse : Ergo prius debet esse perfectum martyrium , quàm gratiam edat ; tum denique quia plures ipsa etiâ morte instante in tormentis defecerunt à fide , & gratia ; ac proinde non sunt affecti martyrii gratiâ , à qua nullus excidit , cum sit ultima ad gloriâ dispositio .

H h 2

Non

Non etiam secundum, nec tertium; quia instans mortis est primum non esse hominis, ac proinde est extra statum vite, & consequenter extra statum salutis. Ergo, &c.

Respondent communiter Doctores cum Verga, & Isamberto; tunc conferri primam gratiam, vel ejus augmentum per martyrium, quando martyr accepto lethali vulnere, ac tormentis eo in statu sistitur, ut ab eo nullâ causarum secundarum virtute, nec vitam servare, nec pristinam sanitatem iterum possit assequi; siue interim moriatur, siue per miraculum vitam tueatur, sanitatemque recipiat; in cujus confirmationem Ecclesia ut martyres colit eos, qui gravi accepto vulnere pro Christo in fide non defecerunt, licet tormentis, ac plagis inflictis supervixerint. Nec refert quòd physicè pro libertate possint adhuc peccare, ac proinde à gratia martyrii excidere; Nam (*inquirunt*) moraliter ita prævenitur eorum voluntas, ut nusquam sit à charitate defectura.

Respondet quòd cum Deus perspicacissimus sit cordium scrutator, tunc gratiam infundit adultis, cum Martyris voluntas per actum liberum sese determinat ad tormenta, mortemque constanter pro Christo subeundam; si verò mors non subsequatur, id non provenit defectu martyris, qui jam voluntariè ad eam obeundam sese determinavit: sed defectu persecutoris ab incèptis tormentis, & plagis desistentis: tunc enim martyr verè pro Christo animam suam ponit, eumque coram hominibus confitetur.

Instabis. Ex hoc sequitur eum, qui verè martyrium desiderat, seseque determinat ad id subeundum, si persecutor adefset, verè dici martyrem, ac martyrii gratiam consequi, licet tamen nulla unquam tormenta patiatur. Falsum consequens, ergo, & antecedens.

Nego sequentiam, quia aliud est deside-

rare martyrium, aliud ad id sese determinare, cum præsens instat occasio. Apostoli enim pro Christo mortem obire decreverant dùm dixeront: Eamus, & nos, & moriamur cum illo; & tamen dum quærerent Christum Judæi, relicto eo omnes Apostoli fugerunt. Unde censeo martyrium, quod dicitur (voluntatis) gratiam non operari qua martyrium est formaliter: sed quâ præstantissimus est charitatis actus, quò quis Deum etiam usque ad propriæ vitæ contemptum diligit.

Urgebis. Actus exterior non addit quidquam bonitatis actui interiori: Ergo si voluntas subeundi martyrii gratiam non operetur, nec ipsummet martyrium operabitur.

Distinguo. Actus exterior, qui per se non præcipitur, aut intenditur, ac ordinatur ad effectum, transeat: secus, nego: baptisus enim, & cætera sacramenta, cum per se ordinentur ad gratiam, aliquid efficiunt, v. g. characterem, & gratiam ex opere operato, quam actus interior, seu sola voluntas non producit: Martyrium autem, seu probatio voluntatis per tormenta, ex se ad gratiam ordinatur. Unde Christus ait, *Qui confitebitur me* (non solum coram Deo per voluntatem) *sed etiam coram hominibus* (per tormentorum perpeffionem) *confitebor, & ego eum coram Patre meo.*

QUÆRES, *Utrum Baptisus sanguinis sit dignior Baptismo fluminis?*

R *Respondet* Seraph. Doctor dist. 4. p. 2. art. 2. q. 2. quòd dignitatis præminencia in his Baptismatibus conspicitur ex consideratione effectuum eorumdem. Utriusque autem effectus, scilicet sanguinis, & fluminis, est, & in liberando à malo, & in ordinando ad bonum, & utroque modò se habent sicut excedentia, & excessiva. Nam major effectus, siue est.

efficacia in liberando à malo potest esse vel extensivè, vel intensive. Si extensivè, Baptismus aquæ excedit, quia plures personas liberat, & à pluribus morbis, quia à peccato mortali, & veniali. Baptismus autem sanguinis liberat paucos, & solum à veniali liberat, à mortali non, quia præsupponit charitatem, aliter nihil valeret ad salutem. Similiter in ordinando ad bonum major potest excessus attendi dupliciter, aut extensivè, aut intensive. Si extensivè, sic præcellit Baptismus aquæ, quia dat gratiam gratis datam, scilicet characterem, & gratiam gratum facientem, quæ disponit ad gloriam, & præmium essentialia. Baptismus autem sanguinis gratiam gratum facientem non tribuit, sed consumat: nec tribuit characterem, per quem distinguitur anima, & præparatur ad gratiam. Utroque modorum prædictorum Baptismus sanguinis excedit, intensive, sicut excedit extensivè. Nam efficacius, & melius liberat à malo culpæ, & pœnæ, quia omnem refecat, & secundum potentiam, & secundum actum. Similiter efficacius ordinat ad bonum, quia statim perducit ad gloriam: & perfectionem, & gloriosorem: hoc Baptismo baptizatus consequitur palmam.

QUÆSTIO QUARTA.

Quenam sit materia remota Baptismi fluminis.

Notandum primò, ex Doctore dist. 3. quæst. 3. num. 2. Sacramentorum materiam dici analogicè, & secundum quamdam proportionem, quam res sensibiles confectioni Sacramentorum deservientes habent cum materia, quæ est pars compositi physici. Sicut enim, inquit, in illo toto sensibili aliquid est principalis, ut ultimè determinans, &

ideo dicitur forma; ita aliquid est minus principale, vel determinabile, & illud dicitur materia. Hoc est, quemadmodum in composito physico materia est ex se indifferens ad varias formas, & determinatur per formam particularem ad constitutionem alicujus specialis compositi: ita in composito Sacramentali, illud materiæ rationem, & appellationem obtinet, quod ex se indifferens est ad varias applicationes, & diversa munia: sed determinatur ad rem sacram significandam, & efficiendam, per verba sacramentalia, & intentionem Ministri conferentis Sacramentum.

Notandum secundò ex eodem ibidem, Sacramentorum, quæ consistunt in usu rei sensibilis, & in actione Ministri, qualis est Baptismus, materiam esse duplicem, nempe proximam, & remotam. Remota, est res ipsa sensibilis, quæ sumitur in signum, & causam gratiæ ad Sacramentum consociendum, ut christi in Confirmatione. Proxima verò, est ipsius rei sensibilis usus, & applicatio, ut unctio vel applicatio Baptismalis in fronte confirmandorum. Quærimus autem in præsentia, quænam sit materia remota Baptismi; de proxima autem sermonem faciemus in quæstione sequenti.

Notandum tertio, circa materiam remotam Sacramentorum varie erratum fuisse ab hæreticis; Manichæi namque, teste S. Augustino hæresi 45. cum existimarent, & assererent omnia elementa, & res corporeas à Deo malo esse conditas, etiam aiebant Baptismum in aqua nihil ad salutem conferre. Quapropter nullà ratione aquam, aut aliquid id genus in baptizandis suis Sæcutoribus adhibebant. Licet autem Marcionitæ idem crederent de productione rerum corporearum à malo principio, nihilominus in suo Baptismate adhibebant aquam propter præceptum Christi D. ut refert Theodoretus lib. 1. hæ-

hæreticarum fabularum ca. de Marcione. *Sylvestriani*, ac *Hermiani* Baptismum in aqua non accipiebant: præve interpretantes illud Ioannis Baptiste: *Ego vos baptizabo in aqua, ... Ipse autem vos baptizabit in Spiritu S. & igne*: ut refert S. Augustinus hæresi 59. Idem Ioannis oraculum perverso sensu accipientes *Jacobitæ*, non adhibebant aquam in suo Baptismate, sed ferro candente crucis formam impresso stigmate frontibus, vel genis parvulorum imprimebant, ut refert Sanderus lib. 3. de visibili Monarchia, hæresi 113. & Præteolus verbo Iacobitæ. Fuerunt etiam aliqui hæretici, *Flogellantes* dicti, qui turmatim per vicus, & plateas errantes, maxime in Germania, omnibus mundi divitiis spretis, paupertatem Evangelicam sese profiteri jactabant, agebantque Baptismum aque jam suo tempore defuisse, & omnes quotquot salvi fieri optarent, debere proprio cruore, & sanguine baptizari per flagella, sanguinem ex corpore variis impressis stigmatibus eliciendo, ut refert Bernardus Lutzenburgensis, & ii omnes, qui veterum, & recentiorum hæreticorum indicem texuerunt.

Verum hi omnes, si penitius eorum errores inspiciantur, non tam videntur errasse circa ipsam Baptismi materiam, quam circa Baptismum, quem ad salutem necessarium non esse censebant: Unde qui directè necessitatem aque in materia Baptismatis repudiaverunt, fuerunt aliqui recentiores hæretici, maxime *Lutherus*, qui in *Symposiacis*, id est, colloquiis convivialibus cap. 17. rogatus, an aqua deficiente, liceat in lacte, vino, aut cervisia baptizare: respondet primum id iudicio Dei committendum, & reservandum esse, tum addit, Aqua deficiente quidquid balnei nomine nuncupari potest, ad Baptismum esse aptum, & sufficiens. Id ipsum *Beza* erroneè censuit epist. 2. ad Thomam Thilium: *Videtur*, inquit,

si defuit aqua, & alicujus Baptisma cum edificatione differri non possit, nec debeat; ego certè quovis alio liquore, non minus ritè, quam aqua baptizarem.

Contra quos omnes Errores duo hic stabilienda sunt. Primum, quod aqua naturalis sit legitima baptismi materia: secundum, quod omnis, & sola aqua naturalis ad id sufficiat.

CONCLUSIO PRIMA.

Materia remota Baptismi est aqua naturalis. Hæc est de fide expresse determinata in Conciliis, maxime Lateranensi sub Innocentio tertio, ubi decernitur: *Sacramentum Baptismi (quod ad Dei invocationem, & individue Trinitatis, videlicet Patris, & Filii, & Spiritus sancti, consecratur in aqua) tam parvulis, quam adultis, &c.* Concilio Florentino in decreto unionis sub Eugenio IV. quod sic inquit: *Materia huius Sacramenti (Baptismi) est aqua vera, & naturalis, nec refert, frigida sit, an calida.* Novissime Concilio Tridentino sess. 7. can. 2. de Baptismo. *Se quis dixerit aquam veram, & naturalem non esse de necessitate Baptismi; atque ideo verba illa Domini nostri Jesu Christi: Nisi quis renatus fuerit ex aqua, & Spiritu sancto, ad metamorphosin aliquam detorserit, anathema sit.*

At enim quod in Scripturis sanctis, ait S. Augustinus lib. 3. de doctrina Christiana, cap. 10. *perspicue sonat, non est ad aliud referendum, quasi figuratè dictum sit.* Quid autem magis perspicue sonat, quam quod Act. 8. v. 36. ait Eunuchus ad Philippum: *Eccæ aqua, quis prohibet, me baptizari?* Sequitur v. 38. *Et iussit flare currum, & descendere uterque in aquam, Philippus, & Eunuchus, & baptizavit eum:* Idem luculenter indicant verba Petri, Act. 10. *Nunquid aquam, quis prohibere potest, ut non baptizentur hi, qui Spiritum acceperunt, sicut & nos?* unde Apostolus ad Titum 3. *Salvos nos fecit per la-*

vacuum regenerationis. Et ad Ephes. 5. *Mundam eam* (Ecclesiam, *lavacro aquæ in verbo vite*. Quod utique prædictum fuerat Ezechielis 36. ubi Judæis spondet Deus: *Effundam super vos aquam mundam, & mundabimini ab omnibus inquinamentis vestris*.

Confirmari potest hæc veritas ex perpetuo usu, & traditione universalis Ecclesiæ, nec non ex constanti omnium SS. Patrum doctrina, qui unanimes calculo docent aquam naturalem esse necessariam, ac legitimam Baptismi materiam. Sic S. *Clementis Romanus* epist. 4. S. *Iulianus* oratione ad Antoninum Pium. S. *Irenæus* lib. 3. contra hæreses cap. 19. S. *Nazianzenus* oratione 40. & omnes alii posteriores: unde S. *Cyprianus* epist. 65. & 76. varia profert, & expendit veteris Testamenti oracula in hujus veritatis assertionem. Et S. *Hieronymus* epist. 83. quæ est ad Oceanum, varia recenset mysteria, quæ primitus Deus in aquis celebravit, ut eas veluti jam consecraret, ac Baptismati devoveret.

Verum, omnium luculentissimè hanc veritatem probat Tertullianus cap. 3. de Baptismo, & sequentibus, ubi ait. Habes homo in primis ætatem, venerari aquarum, quod antiqua substantia: de hinc dignationem, quod divini Spiritus sedes, gratior scilicet cæteris tunc elementis. Nam & tenebræ adhuc totæ sine cultu fiderum informes, & tristis abyssus, & terra imparata, & cælum rude, solus liquor, semper materia perfecta, læta, simplex, de suo pura, dignum vectaculum Deo subiciebat. Quid quòd exinde dispositio mundi, modulatricibus quodammodò aquis Deo constitit? Nam, ut firmamentum cælestis suspenderet in medieta te distinctis aquis fecit, & ut terram aridam suspenderet, segregatis aquis expedit; ordinato de hinc per elementa mundo, cum incolæ da-

ventur primis aquis, præceptum est animas proferre. Primus liquor, quod viveret edidit, ne mirum sit in Baptismo, si aquæ animare noverrunt, nam ipsius quoque hominis figurandi opus sociantibus aquis absolutum est de terra materia, non tamen habili, nisi humecta, & succida, quam scilicet ante quartum diem segregatæ aquæ in stationem suam superfluite humare limo temperarant. Hinc capite 9. referens famosiora Dei prodigia, quæ in aquis patrata sunt, tum in veteri, tum in novo Testamento, scribit: Quot igitur patrocina naturæ, quot privilegia gratiæ, quot solemnities disciplinæ, figuræ, præstrationes, preces Religionem aquæ ordinaverunt? Primo quidem cum populus de Egypto libere expeditus, vim Regis Egypti per aquam transgressus evadit, ipsum Regem cum totis copiis aquæ extinxit. Quæ figura manifestior in Baptismi Sacramento? Liberantur de sæculo nationes per aquam scilicet, & diabolus Dominatorem pristinum, in aqua oppressum derelinquant. Item aqua de amaritudinis vitio in suum commodum suavitatis Mosi ligno remediatur: Lignum illud erat Christus venenatæ, & amaræ retrò naturæ venas insaluberrimas, aquas Baptismi scilicet ex sese remediens. Hæc est aqua, quæ de comite petra populo disfluebat. Si enim petra Christus, sine dubio aqua in Christo Baptismum videmus benedici; Quanta aquæ gratia penes Deum, & Christum ejus est ad Baptismi confirmationem? Nunquam sine aqua Christus; siquidem & ipse aqua tingitur. Prima rudimenta potestatis suæ vocatus ad nuptias aqua auspicatur. Cum sermonem facit, sitientes ad aquam suam, invitat sempiternam. Cum de Agape docet, quæ calicem fratri oblatum

„ tum inter opera dilectionis probat.
 „ Apud puteum vires resumit: super
 „ aquam incedit libenter, transfretat;
 „ aquam discitentibus ministrat, perfe-
 „ verat testimonium Baptismi usque
 „ ad Passionem; cum deditur in cru-
 „ cem, aqua intervenit, sciunt Pilati
 „ manus: cum vulneratur, aqua de
 „ latere prorumpit, scit lancea militis,
 „ &c. Similia habet S. Cyrillus Hieroso-
 „ lymitanus Catechesi 3.

Hujus veritatis alia non subest effi-
 cax ratio, inquit Doctor num. 2. quàm
 Christi D. voluntas, quæ per Scriptura-
 rum oracula innotescit. *Quare autem
 sit institutum*, inquit, *sunt aperta congruentia*, quia aqua est frigida, fluida,
 lucida, necessaria, & communis: quæ
 omnes proprietates conveniunt illi hu-
 mori, in quo debet fieri Baptismus: qui
 est ad reprimendum ællum concupiscen-
 tiæ, ad stellendum rigorem inobedientiæ,
 ad illustrandum claritatem fidei, ad in-
 troducendum in viam salutis: & hoc est
 commune omnibus, sicut lex illa, cujus
 hoc Sacramentum est initium, commu-
 nis est omnibus ad salutem.

Objicies primò. Aqua, quæ fluxit ex
 latere Christi pendentis in cruce, fuit
 symbolum, & pignus Sacramenti, ut
 docent S. Cyprianus serm. de Passione
 Christi, S. Hieronymus epist. ad Ocea-
 num, S. Augustinus tract. 120. in Joannem,
 & alii: at ista aqua non erat vera,
 naturalis, & elementaris, sed humor
 quidam phlegmaticus, quia in corpori-
 bus mixtis, quale est corpus Christi,
 non reperitur pura, & elementaris
 aqua: igitur Baptismus absolute con-
 ferri non debet in aqua naturali.

Respondet Doctor, num. 7. negando
 minorem: contrarium enim, inquit,
 aperte docet Innocentius III. in episto-
 la ad Episcopum Ferrariensem, & ha-
 betur Extravag. de celebratione Missæ
 cap. IN QUADAM, &c. ubi scribit.
*Ceterum sicut fuit verus Spiritus, & ve-
 rus sanguis, ita proculdubio vera aqua,*

*tum Christus sit veritas, & à veritate
 omni fallacia sit penitus aliena: nam si
 non fuisset aqua, sed phlegma, quod de
 latere Salvatoris exiit, ille qui vi-
 dit, et testimonium veritati per-
 hibuit, professus non aquam, sed phleg-
 ma dixisset: nec in hoc verum regenera-
 tionis Sacramentum fuisset offensum,
 cum per Sacramentum Baptismi non re-
 generemur in phlegmate, sed in aqua:
 Neque per hoc posset vero argumento
 probari, quod in Sacramento Eucharis-
 tiæ admiscenda sit aqua vino, si de latere
 Christi non aqua, sed phlegma cum san-
 guine profuisset. Sed nec vera fuisset
 figura, quæ super hac re præcessit in ve-
 teri Testamento, quando Moyses virgo
 percussit siliem, & ex ea non phlegma,
 sed aqua manavit.*

*Restat igitur, ut qualiscunque fuerit
 illa aqua, siue naturalis, siue miraculo-
 sa, siue de novo divina virtute creata,
 siue de componentibus ex parte aliqua
 resoluta, proculdubio vera fuit, cum
 naturaliter possit, & compositum in com-
 ponentia, & elementatum in elementa
 resolvi; quemadmodum verus exitit
 sudor ipsius, sicut gutta sanguinis decur-
 rentis in terram. Hæc Innocentius.*

Quibus (inquit Doctor) probat a-
 quam, quæ fluxit ex latere Salvatoris,
 fuisse reverà aquam naturalem, siue
 productam per resolutionem, siue de
 novo creatam. Probat, inquam, à priori
 per testimonium Evangelistæ; à poste-
 riori verò per materiam Sacramenti
 Baptismi; *secundò* per aquam miscen-
 dam in Sacramento Eucharistiæ; *tertio*
 per figuram, quæ præcessit in veteri Te-
 stamento, quando Moyses percussit si-
 licem, & ex eo non phlegma, sed aqua
 manavit.

*Confirmatur hæc responsio in Conci-
 lio Tridentino sess. 22. cap. 7. ubi ait,
 Præceptum esse ab Ecclesia Sacerdotibus,
 ut aquam vino in calice offerendo misce-
 rent: tum, quod Christum D. ita fecisse
 credatur: tam etiam, quia de latere ejus
 aqua*

aqua simul cum sanguine exierit, quod Sacramentum hac mixtione recolitur.

Obijciat secundo. Dum S. Ioannes Baptista Matth. 3. de Christo D. loquens, ait ; *Ille vos baptizabit in Spiritu sancto, & igne, per ignem* metaphoricè significat Spiritum sanctum, qui die Pentecostes in Apostolos visibiliter descendit, & missione invisibili etiam illabitur in baptizatos Christi Baptismate, quo denotatur discrimen inter Baptismum Christi, & Joannis : quia hic solum erat in aqua, & Spiritum sanctum non conferebat : ille autem operabatur peccati consumptionem, mentis illuminationem, & cordis inflammationem, ad id, quod Dei gloriam, & salutem sapit, animosè præstandum : igitur pari ratione dum Christus D. ait Ioan. 3. *Nisi quis renatus fuerit ex aqua, &c.* ibi aquam non usurpat propriè, sed metaphoricè, nempe pro Spiritu sancto, quatenus per gratiam sanctificantem animam à peccati sorde abluat, &c.

Respondeo primo, negari posse antecedens : Reverà enim multi è SS. Patribus per ignem intelligunt verum ignem, nempe ignem illum sensibilem, qui Apostolis in forma linguarum illapsus est, & veluti Sacramentum erat, ac signum sacrum illius mystici ignis charitatis, quo per illapsum S. Spiritus Discipulorum corda succendebantur ; Nam, inquit S. Gregorius, *foris apparentibus linguis igneis, intus facta sunt corda flammantia*. Unde qui prius torpebant animi imbecillitate, & pusillanimitate, ab ea immunes, generosè Christi Domini gloriam, & divinitatem propagarunt : ut exponunt *sanctus Hieronymus*, & *Beda* lib. 1. in Lucam c. 9. & *S. Cyrillus Hierosolymitanus* Catechesi 3. *Vel* per ignem S. Ioannes intelligit ignem Purgatorii, ut exponunt idem Hieronymus in c. 3. Matth. & *Beda* loco mox laudato. Qua ratione, inquit S. Hieronymus, Apostolus 1.

Tom. X.

ad Corinth. 3. ait : *Uniuscujusque opus, quale sit, ignis probabit, &c.* Ubi sermo est de igne purgatorii, nec certè illa interpretatio aliena est à sententiâ S. Ioannis Baptiste : nam ibidem subiungit : *Cujus ventilabrum in manu ejus, & purgabit aream suam, & congregabit triticum in borreum suum : palea autem comburet igne inextinguibili*. Vel denique per ignem designabat effectum Baptismi, scilicet ferventem illam charitatem, qua inardescabant nascentes Ecclesiæ filii, ubi Baptismum, & Confirmationem acceperant, ut interpretatur S. Chrysostomus homil. 11. in Mattheum.

Obijciat tertio : Narrat Nicephorus lib. 3. cap. 17. tempore Aurelii Imperatoris, Judæum quemdam in necessitate constitutum iter facientem repentino morbo correptum, quo statim moriturus putabatur, Baptismum petiisse, & ob loci siccitatem aqua deficiente, baptizatum fuisse sola arena, invocato nomine sanctissimæ Trinitatis, moxque e morbo convalescente, quod signum erat Baptismum illum fuisse à Deo probatum. Cujus etiam historię meminit Cedrenus in compendio num. 97. igitur urgente necessitate, loco aque, licebit aliud ad baptizandum assumere.

Nego consequentiam, & ad antecedens dico, primo non satis constare de veritate hujus historię, cum diversimodè ab illis Authoribus referatur, & Cedrenus asserat eam contigisse sub Antonino Pio ; unde non omnimodam ei fidem, facit Baronius ad annum Christi Domini 181.

Deinde, quamquam esset vera, inde tamen non sequitur in casu necessitatis posse aliquid aliud à vera, & naturali aqua assumi in materiam remotam veri Baptismi. Nec enim Baptismus ille Judæi probatus fuit ab Ecclesia, imò reprobatus à Dionysio Episcopo Alexandrino, sive, ut placet Baronio, Corinthio, qui jussit postea Judæum re-

Ii

ba-

baptizari. Non igitur miraculum tribuendum est asperse arene, quasi restituta Iudæo sanitas, fuerit indicium veri suscepti Baptismatis: sed Deus partim Iudæi, partim aliorum Christianorum pietate delectatus voluit integram Iudæo sanitatem restituere, ut postmodum haberet facultatem voto suo satisfaciendi, suscipiendo verum Baptisma.

Obijciat quartò: Stephanus Papa, hujus nominis secundus aut tertius, interrogatus à Monachis Britannici Monasterii, utrum urgente necessitate Baptismus, aqua deficiente, collatus in vino esset validus: respondit affirmativè: nam in ejus rescripto, quod habetur tomo secundo Conciliorum Gallie inter varia ad varias quæstiones responsa: capitulo 12. sic præfatæ inquisitioni respondet: *Si in vino quis, propterea quod aquam non inveniebat, omnino periclitantem infantem baptizavit: nulla ei proinde adscribitur culpa; infantes sic permanent in illo Baptismo: igitur aliud, quàm aqua, saltem in casu necessitatis, potest ad validum Baptismum assumi.*

Nego consequentiam; Et ad antecedens dico, primò hanc auctoritatem non esse omnino certam: quippe cum hujus rescripti non adco certa, & authentica extent monumenta; Secundo dico, esto admittatur tanquam rescriptum legitimum, responsum illam tantum obiter factam, non esse ita solidæ auctoritatis, ut fidem mereatur: in responsionibus enim Romanorum Pontificum distingui debet, id quod directè reponunt ad interrogationem sibi factam, ab iis, quæ plerumque istis suis responsum obiter tantum, & quasi per transennam, ac veluti aliud agendo delibant, & intermiserunt: Primum enim, inquit *Isambertus* disp. 2. art. 2. ad quæst. 64. validum subministrat argumentum fundatum In summa Pontificia illorum auctoritate: Secundum autem, inquit, non est tanti ponderis,

sicut nec rationes, quas Concilia Interferunt suis decretis, ac definitionibus: Summus autem Pontifex Stephanus interrogatus fuerat non de valore istius Sacramenti, sed de peccato, & pœna, quam luere deberet Sacerdos, qui sic baptizaverat, ut constat tum ex titulo, tum etiam ex eo, quod ibi distinguat duplicem ejus Sacerdotis statum; unum, in quo tali periculo instante nullam habebat aquam præsentem, alterum, in quo aquam habebat: ad primum respondet, Sacerdotem illum esse immunem à peccato, & pœna, eo quod propter ignorantiam, cum esset dubius, an in casu necessitatis vinum esset materia sufficiens Baptismi; in extremis autem melius sit uti remedio dubio, quàm nullo; idcirco Sacerdos ille ex recta conscientia poterat sic baptizare, ut quantum in ipso erat subveniret infantium salutem: si autem aquam præsentem habuisset, statuit Pontifex, illum gravissimè peccasse, & ideo gravi pœna esse plectendum. Unde subjicit: *Si præsens adfuit aqua, ille Presbyter excommunicetur, & pœnitentia submitatur: quia contra Canonum sententiam agere præsumpsit*, Quibus significat, non fuisse propositam quæstionem de valore Baptismi, sed de culpa, & pœna baptizantis. Hinc sic emendari debent præfata illius rescripti verba, *nulla ei adscribitur culpa, si sic infantes baptizati permanent.*

CONCLUSIO SECUNDA.

Omnis, & sola aqua naturalis est sufficiens materia Baptismi. Hæc est communis apud Catholicos, qui perinde ratum, ac validum habent Baptismum collatum in aqua, sive fluviali, sive fontali, sive marina, quod pridem significaverat Tertullianus cap. 4. de Baptismo scribens: *Idco nulla distinctio est; mari, quis, an stagno, flumine an fonte, lacu, an alveo diluatur; nec quidquam refert inter eos, quos Joannes in Jordane, & quos Petrus in Ty-*

Tyberi tinxit, nec ille Spado, quem Philippus inter vias fortuita aqua tinxit, plus salutis, aut minus retulit. Igitur omnes aquæ de pristina originis prærogativa Sacramentum sanctificationis consequuntur invocato Deo, supervenit enim statim Spiritus de cælis, & aquis superest, sanctificans eas de semetipso, & ita sanctificatæ vim sanctificandi combibunt. Quibus verbis Tertullianus significat omnem prorsus aquam elementarem, quæcumque illa sit, ad validum Baptismum sufficere: quamquam non sit ab Ecclesia benedicta: Quoniam, inquit Spiritus sanctus ipsi assumptæ ad Baptismum aquæ illabitur, eam sanctificans, ac sanctificandi vim conferens. Cujus utique ratio est aperta: quia Scriptura, Concilia, ac SS. Patres, cum de materia Baptismi sermonem faciunt, eam dicunt simpliciter, & sine addito esse aquam: at aqua simpliciter dicta non alia est, quam naturalis, & elementaris: non verò artificialis, aut excrementitia, quæ non nisi æquivocè aquæ appellantur: igitur, &c.

Ex quibus inferri licet primò, ad Baptismum validè conferendum sufficere quamlibet aquam, modò, reputetur naturalis, & usualis: ad eum autem perinde esse, quòd aqua frigida sit, an calida, putei, fluminis; an maris, pluvialis, an resoluta ex nive, grandine, glacie, turbida, an clara: tincta etiam colore, & licet transferit per sulphureos meatus, aut cineres: & generaliter valet Baptismus collatus in aliquo liquore, qui in communi sermone vocatur aqua; omnis quippe talis liquor est vera aqua naturalis, & elementaris, sive usualis.

Sequitur secundo, nullum esse Baptismum collatum in cervisia, aut jussulo bene decoctis, sudore, lacte, urina, lacrymis, spuro, seu saliva, phlegmate, aqua rosacea, aut ex aliis herbis distillata. Hæc omnia luculenter explicat Doctor subtilis suprà num. 3. Re-

spondeo, quod aquæ illæ, quæ communiter dicuntur ARTIFICIALES, sunt corpora quedam mixta, & non dicuntur aquæ, nisi æquivocè. Probat primò, quia habent à tota specie aliquam qualitatem dissimilem aquæ elementari. Secundo: quia sunt per actionem ignis decoquentis, & resolventis: ignis autem non videtur esse sufficiens in virtute, activa ad corrumpendum, vel convertendum quæcumque mixta in aquam elementarem. Propter quod (inquit) universaliter concedi potest, quod aquæ illæ, quæ dicuntur artificiales, non sunt convenientes materia Baptismi, quia non sunt in specie aquæ elementaris.

Sequitur tertio, aquam lutosam, arenosam, & impuram etiam sufficere ad validè baptizandum; modò illa impuritas tanta non sit, ut aqua recedat à ratione, & statu aquæ naturalis, & elementaris: quod utique optimè explicat Doctor ibidem num. 4. dicens: „ Impuritas in aqua potest intelligi „ duobus modis, vel propter mistio- „ nem, secundum juxta positionem, „ ut aqua lutosa dicitur impura: vel „ propter mitionem alterantem à „ specie, sicut humor mixtus dicitur „ non esse aqua pura. Et prima quidem „ impuritas non prohibet: dum tamen „ non excludat ab aqua; quin sit con- „ veniens ad lavandum, vel abluen- „ dum. Nec est alia ratio, nisi quia sic „ institutum est. Unde aqua imbibita „ farina in pasta, vel in spongia, dum „ ibi est, vel imbibita in spisso luto, & „ sic de aliis, si contingant carnes, „ non sunt convenientes materia Ba- „ ptismi tales aquæ, quia talis conta- „ ctus non est lotio, sed tantum con- „ tactus aquæ fluidæ liberè conjun- „ gentis se cuti, vel separantis inter „ cutem, & aliud corpus: In secundo „ modo, dico quod aliqua impuritas „ potest esse manente aqua intra speci- „ em; sicut fortè si incipiat inspissari „ tendendo ad generationem elemen-

„ti grossioris; ista non prohibet, dum
 „tamen sit fluida. Quod pro tanto
 „dico, quia in glacie, nive, & gran-
 „dine, quæ tamen sunt imperfecta,
 „vel in via ad missionem, dum talia
 „sunt, non potest in eis fieri Baptis-
 „mus, quia ibi non est lotio, sicut
 „nec in duro.

„Si autem per illam alterationem,
 „jam sit extra speciem aquæ, omnino
 „non est materia Baptismi, & de qui-
 „busdam alterationibus satis patet,
 „quia constituunt alteram extra spe-
 „ciem aquæ, putà de humoribus na-
 „turaliter resolutis per digestionem,
 „ut saliva, urina, & hujusmodi, juxta
 „illud *Extrav. de Baptismo, & ejus*
 „*eff. 11. Non ut apponeret.*

„De aliis autem non est ita manife-
 „stum, putà de decoctionibus, & ad-
 „missionibus secundum sensum, in
 „quibus non apparet evidenter, quòd
 „sit alterata species: ut patet de brodio
 „carnium, & farinata, & hujusmodi;
 „& cervisia, & medone. Non enim
 „manifestum est, quòd sit ibi aliquod
 „activum corrumpens speciem aquæ;
 „tamen hoc discutere non pertinet ad
 „Theologum determinantem mate-
 „riam Baptismi, in quantum haberi
 „potest ex Canone Bibliæ: neque ad
 „Canonistam determinantem condi-
 „tiones materiæ, prout determinatur
 „ab ordinatione Ecclesiæ: sed pertinet ad
 „Philosophum naturalem, cujus est in-
 „quirere, quæ alteratio transferat
 „aquam à specie sua, & quæ non: quòd
 „si de aliquibus sit dubium, & in tali-
 „bus fuerit Baptismus factus, utendum
 „est illis tribus maximis positis in so-
 „lutione præcedentis questionis de
 „remediis adhibendis circa eos, de
 „quibus probabiliter dubitatur. *Hæc*
 „*Doct.*

Obijciat primò: Aqua artificialis est
 ejusdem substantiæ cum naturali: igitur
 comprehenditur etiam sub nomine
 aquæ necessariæ ad Baptismum. Proba-

tur antecedens: Ubi sunt eadem acci-
 dentia, ibi est eadem substantia; substan-
 tia namque cognoscitur ex accidenti-
 bus sibi connaturalibus: sed aqua ele-
 mentaris, & artificialis habent eadem
 accidentia, scilicet humiditatem, frigi-
 ditatem, perspicuitatem, & alia ejusmo-
 di: igitur sunt ejusdem substantiæ.

„*Negat antecedens Doct. n. 6.* Quan-
 „quam enim, *inquit*, aqua artificialis
 „habeat aliqua accidentia communia
 „genericè cum aqua elementari, non
 „habet tamen accidentia specificè
 „communia; ac subinde convenit qui-
 „dem genericè cum aqua in ratione
 „liquoris, non verò in ratione specifi-
 „ca aquæ elementaris, & consequenter
 „non habet eandem substantiam cum
 „ipsa.

Instabz: Si aqua artificialis non esset
 ejusdem substantiæ cum elementari, se-
 queretur illam esse aliquod corpus mi-
 xtum: sed ita non est. Probat: Cor-
 pus mixtum crassius est elementari: sed
 aqua artificialis est subtilior, aut saltem
 non est crassior elementari; ac subinde
 non est corpus mixtum.

Negat minorem Doct., & ad ejus
 probationem respondet, quòd etsi ali-
 qua aqua artificialis videatur subtilior,
 quàm elementaris, quia magis est pene-
 trativa, ut constat vel de aqua viva, vel
 de ea, quam spiritum vini appellant; ista
 tamen subtilitas non est subtilitas sim-
 plicitatis, sed virtutis activæ; quâ ra-
 tione vinum dicitur subtile, imò subtili-
 us aqua; subtilitas autem conveniens
 aquæ elementari, est subtilitas simplici-
 tatis, eò modò, quò elementum est sim-
 plicius mixtò.

Urgetis: Omne corpus mixtum con-
 stat ex elementis; ac subinde omnis li-
 quor constat ex aqua elementari: sed
 illa aqua elementaris resolvi posset, &
 elici ex liquore mixto beneficio artis
 elixativæ, ac distillativæ: miscibilia
 namque possunt separari à mixto, ut
 docet Aristoteles lib. 1. de generatione,
 tex-

textu 38. ergo aliquis potest adhibere activum passivo ad faciendum talem separationem: ergo aqua artificialis potest esse aqua elementaris, separata à mixto. *Confirmatur* per illud *Exodi* 7. de ranis, ubi ars dæmonum adhibuit activum passivo ad producendum statim ex aqua fluvii ranas: ergo æquè possibile est è converso per artem exhiberi activum passivo, ut fiat separatio elementi à mixto, maximè cum resolutio sit facilior, quàm generatio, vel compositio.

Respondet Doctor ibidem, possibile quidem esse, quòd Angelus bonus, vel malus adhibere possit aliqua activa, mixto ut passivo. . . sed dico, *inquit*, quòd nulla ars potest adhibere idem activum, putà ignem, quantumcumque diversis mixtis, & passis; ita, quòd per illud agens fiat immediate resolutio in aquam: scilicet elementarem, quia illud idem agens non potest habere virtutem, ut sit sine formis intermediis mutandi; neque etiam ita, taliter diversa in eundem terminum corrumpi. Quibus Doctor significat nullam aquam artificialem posse dici naturalem: quia ars ex mixto non potest immediate transformare elementum; sicut enim agit motu ordinatò per medias formas in producendo mixto: pariter eisdem mediis formis uti debet in eo resolvendo; unde contingit mixtum non resolvi in idem elementum, ex quo fit, sed in aliud mixtum, ut lignum in cineres.

Petes, an sal resolutum in aquam sit materia conveniens Baptismi?

Respondet, id videri probabilius; eandem quippe videtur ratio de sale, ac de gelu, nive, & grandine; quemadmodum enim hæc nihil sunt aliud præter aquam nimio frigore densatam: ita pariter sal nihil aliud est, quàm aqua marina æstivo Sole condensata; unde per resolutionem videtur suam priorem aquæ naturam recipere. Quoniam tamen nonnulli

sunt, qui existimant, quòd quemadmodum ex aqua, & hordco generatur cer-visia, tanquam corpus mixtum; ita fortè vi caloris Solis ex aqua falsa exurgit corpus mixtum distinctum, quod proinde resolvitur non in aquam, sed in aliud liquorem; ideo existimo liquorem istum ex sale resolutum esse ad minus materiam dubiam, adeoque duntaxat usurpandam tempore necessitatis.

Adverte autem illam resolutionem, tum falis, tum grandinis, & aliorum, vel jam supponi debere factam priusquàm assumatur a baptizante; vel saltem fieri debet in manu ipsius baptizantis; ita ut istillæ effluent in corpus baptizandi, alioquin non ipse applicaret materiam ablutioni aptam, si tantum imposeret nivem, aut grandinem super caput baptizandi, quæ resolveretur per ejus calorem naturalem; quia eo in casu ipse non ablueret, sed baptizaudus seipsum lavaret: non secus ac si impositam tuo capiti hydriam aquà plenam, frangeret; aut spongiam imbibitam aquà exprimeret.

Petes secundò: quænam sit aqua elementaris certa, ac debita materia Sacramenti extra casum necessitatis?

Respondet, non aliam esse adhibendam, præter aquam benedictam in Sabbato sancto Paschatis, vel Pentecostes, ut docet Rituale Romanum tit. de sacramento Baptismi §. de materia, his verbis; *Aqua folemni Baptismi fit eo anno benedicta, in Sabbato sancto Paschatis, vel Sabbato Pentecostes, quæ in fonte mundo nitida, & pura diligenter observetur*. Porro hujus benedictionis mentionem fecit S. Dionysius lib. de cælesti Hierarchia cap. 2. & S. Ambrosius lib. 1. de Sacramentis cap. 5. & S. Augustinus homil. 27. & 50. & Basilius lib. de Spiritu sancto cap. 2. ubi significat, benedictionem, & consecrationem aquæ, esse Traditionem Apostolicam.

Quod utique confirmari potest ex summa sollicitudine Ecclesiæ, ut Ba-

Baptismus nusquam solemniter admittitur extra casum necessitatis, sine ejusmodi aqua benedicta; unde præclare monet Rituale Romanum loco suprà laudatò: *Si aqua benedicta tam immixta sit, ut minus sufficere videatur, alia non benedicta admisceri potest; in minori tamen quantitate. Si verò corrupta fuerit, aut effluxerit, aut quovis modò defecerit, Parochus in fontem bene mundum, ac nitidum recentem aquam infundat, eamque benedicat ex formula, quæ infra præscribitur. Sed si congelata sit, curetur ut liqueat; sin autem ex parte congelata sit, aut nimium frigida, poterit parùm aquæ naturalis non benedictæ calefacere, & admiscere aquæ baptismali in vasculo ad id parato, & eà resposità ad baptizandum uti, ne noceat infantulo.*

QUÆSTIO QUINTA.

Quæ, & qualis sit materia proxima Baptismi?

Notandum primò, Theologos invicem convenire materiam proximam Baptismi esse ipsam actualem ablu-tionem corporis per aquam: *Ipsa enim, inquit Doctor quæst. 3. dist. 3. num. 2. eum verbis, tanquam signum proximum, significat effectum Baptismi.* Non enim verba, quæ formæ vicem habent in Baptismo, sunt reverà forma illius Sacramenti, quòd accedant ad aquam immotam, sed quòd accedant ad aquam, ut applicatam sub ratione materiæ Baptismi; si quis enim materiæ immotæ adhiberet verba: *Ego te baptizo*, nihil ageret; unde eùm S. Augustinus ait: *Accedit verbum ad elementum, & fit Sacramentum*, non sic est intelligendus, quasi velit verbum accedere ad elementum immotum aquæ, sed ut applicatum corpori, unde subdit: *Quæ est tanta virtus aquæ, ut corpus tangat, & cor abluit?* Debet enim aqua per ablu-tionem corpus tangere, ut rationem, & virtutem

Baptismi obtineat. Unde ibidem Doctor merito ridet explicationem Gandulphi 1. qu. 1. cap. in glossa ad illud verbum, *detrahe*, ubi ajebat Gandulphus cavendum esse, ne fortè assinus bibat Sacramentum. *Hæc enim dubitatio, inquit Doctor, est verè assinina; quia illa ablu-tio non durat, nisi in fieri, & quantumcumque aqua possit bibi, vel huc, vel il-luc transfundi, ipsa ablu-tio non.*

Definitur autem abludo ab eodem Doctore ibidem nu. 4. *Contactus aquæ fluidæ liberè conjungentis sicuti, ut se-parantis inter carnem, & aliud corpus. Vel clarius: Ablutio, est motio aquæ liquidæ circa corpus, quæ per se ordina-tur ad sordes abluendas. Dico per se ordinatur; nam, ut ibidem advertit Doctor num. 2. non oportet, quòd sit* „ ibi ablu-tio, prout distinguitur con- „ tra motionem, & Includit a motio- „ nem sordium à corpore per conta- „ ctum aquæ: sed sufficit lotio in cora- „ muni dicta corporis ab aqua, aliò „ hoc agente. Quod nihil aliud est, nisi „ quòd oportet istum contactum cor- „ poris ab aqua fieri ab alio causante „ contactum istum: & istò modò intel- „ ligendo ablu-tionem, & lotionem, „ lotio est materia proxima, quasi per „ se fundamentum, vel pars funda- „ menti istius significationis: aqua au- „ tem est materia remota, quæ appli- „ catur corpori in ista lotionem.

Notandum secundò, duplicem distin-gui lotionem, unam quidem activam, aliam verò passivam: *Activa* est ipsa aquæ motio, quatenus fit à baptizante in baptizatum: Passiva verò est ipsamet aquæ motio super baptizatum, qua-tenus ipsum successivè tangit; conta-ctus enim aquæ in ablu-tione Baptisma-li, debet esse mobilis, & successivus; aqua siquidem immota existens in vase, non dicitur vas illud abluere, licèt illius omnes partes tangat, quando vas plenum est aqua; quia ablu-tio, ut vera sit, & perfecta, debet fieri cum motu, ut rectè

rectè notavit subtilis Doctor nu. 2. dicens: *Intelligitur ablutio hic, non tantum sicut aqua dicitur lavari corpus, quasi formaliter; sed sicut homo dicitur lavare corpus cum aqua, quasi propriè actiò: nam solus contactus corporis ab aqua immota (veluti cum quis in balneo quiescit, aqua undique circumfusus) quæ est quasi ablutio formalis, non est instituta tanquam signum; vel pars signi, sed ipsa solio effectiò facta ab aliquo ablucens.*

Ex quibus verbis Suarez disp. 20. sect. 2. colligit Doctorem sentire ablu-tionem potius consistere in actione, quàm in passione, seu receptione aquæ in corpore hominis baptizati: quia Sacramentum, inquit, est actio sacra ipsius Ministri: igitur, & Baptismus ex parte materiæ proximè erit lotio, ut facta à Ministro. Contrà verò Vasquez disp. 141. cap. 2. contendit ablu-tionem sacramentalem formaliter esse passivam, quatenus nempe recipitur in eo, qui ablu-tur; siquidem Sacramentum est cæremonia sacra, quæ quis justificatur, ac proinde quatenus in ipso recipitur, & est passio. Quam ulterius sententiam confirmat auctoritate Doctoris ex distinct. 6. qu. 2. num. 4. ubi ait: *Ex isto videtur sequi corollarium, quodd Sacramentum Baptismi magis est baptizatio passiva, quàm activa: quia plurificata baptizatio activa, non plurificatur passiva, nec Baptismus, quia passiva est una. Illud autem illatum videtur probabile, quia baptizatus propriè suscipit Sacramentum: suscipit autem propriè ablu-tionem passivam, & non activam, nisi dicatur idem realiter.*

Verùm rectiùs dicendum arbitror materiæ proximam Baptismi consistere in ablu-tione tam activa, quàm pas-siva, siquidem cæremonia sacra Baptismi non potest fieri separatim ab illa passione, siue receptione actionis in sub-jecto: neque vicissim passio sine actione; ac subinde utraque ingreditur conce-ptum essentialè ablu-tionis Sacramen-

talis. Utrum autem ratio illa formalis Sacramenti magis tribuenda sit actio-ni, quàm passioni, vel è converso; an verò utrique aequaliter competat, me-ritò dicit Suarez quæstionem illam ad rem Theologicam esse parvi momenti, & nullius utilitatis.

Notandum tertio, ablu-tionem Sacra-mentalem fieri posse triplici modò, scilicet vel per immersionem baptizandi, vel per asper-sionem, vel per infusionem aquæ in ipsum baptizatum: cum enim Christus D. statuendo materiæ pro-ximam hujus Sacramenti esse ablu-tionem, non determinaverit modum, quò illa fieri deberet; inde triplex ille bap-tizandi modus ab Ecclesia fuit usur-patus diverso tempore, secundum re-rum exigentiam, & opportunitatem.

Primò namque, Baptismus videtur collatus per asper-sionem ab Apostolis *Act. 2.* ubi post prædicationem Petri probantis Christum esse verum Mes-siam, legimus: *Qui ergo receperunt ser-monem ejus baptizati sunt, & appositæ sunt in die illa animæ circiter tria mil-lia.* Quod utique fieri non potuit per infusionem aquæ super caput singulo-rum, aut eorum immersionem; quâ ratione enim Apostoli, ac Discipuli numerò paucissimi tantam hominum multitudinem ab hora nona ad solis occasum sic lavare potuissent? meritò igitur colligunt Theologi ipsos bap-tizasse per asper-sionem; unicâ enim, aut paucis saltem asper-sionibus plures si-mul baptizare poterant.

Posteâ verò mos invaluit ab Apo-stolis, ut Baptismus non-nisi per trinam immersionem fieret. Ac tandem ratio-nabili de causa statutum est ab Ecclesia, ut Baptismus duntaxat conferretur per infusionem aquæ in caput, aut aliam notabilem corporis partem ipsius bap-tizandi: queritur ergo an triplex hic baptizandi modus sit sufficiens, & va-lidus.

His ita præmissis, quatuor supersunt hac

hac in quæstione determinanda: *Primum*, an ad validum Sacramentum requiratur, quòd ablutio fiat in notabili corporis parte, & quantitate aquæ: *Secundum*, utrum ablutio, quæ esset occisiva baptizandi, revera foret validum Sacramentum. *Tertium*, utrum ablutio debeat esse unica, vel triplex.

CONCLUSIO PRIMA.

Ad validum Sacramentum Baptismi requiritur ablutio notabilis, tam quoad partem corporis, quàm quoad aquæ quantitatem. Ita Doctor in 4. dist. 4. q. 3. ubi determinans puerum in utero matris non posse baptizari; secus verò si pars principalis ejus extra maternum uterum appareat, ait, num. 3. Ad quæstionem dico, quòd vel puer secundum omnes partes est in utero matris: vel secundum aliquam partem apparet extra uterum. Si primò modò, dico quòd non potest baptizari: non propter rationem priorem, quia conjunctus esset causæ corruptionis: sed quia Baptismus est lotio, vel ablutio in aqua: sed parvulus sic in utero, non potest lavari, quia nec sic immediatè tangi ab aqua. Si secundò modò sic; aut apparet pars principalis, ut caput, & tunc potest baptizari in illa parte: & in hoc etiam simpliciter baptizari; non est enim verisimile, quòd in die Pentecostes, quando baptizati sunt tria millia, Act. 2. quòd quilibet quantum ad totum corpus suum lavaretur aqua: sed præcisè quantum ad faciem aspergendo, vel quantum ad caput perfundendo. Et in isto casu, si post puer nasceretur, non oportet ipsum baptizare. Si autem apparet pars minùs principalis, scilicet manus vel pes, illa est baptizanda, quia ibi est tota anima, licèt non omnis sensus, sicut in capite. Et si hoc minùs sufficeret ad hoc, ut esset simpliciter baptizatus, si nasceretur postea vivus, esset sub conditione

„ baptizandus, ut docetur *Extrao. de Baptismo, & ejus effectibus, cap. de quibus*. Credendum enim est, quòd Deus „ suppleret illud, quòd impotentia „ impediret: talis enim etiam mortuus „ nascitur, sepeliendus est in terra be- „ nedicta; ratione dicta.

Ipsi Doctoris subtilis sententiæ per omnia consonat Angelicus Doctor, qui parte 3. qu. 68. art. 11. ad 4. ita ait: *Ad quartum dicendum, quòd expectanda est totalis egressio pueri ex utero ad baptismum, nisi mors immineat. Si autem primò caput egrediatur, in quo fundantur omnes sensus, debet baptizari periculum imminente, & non est postea rebaptizandus, si cum perfectè nasci contigerit. Et videtur idem faciendum, quæcunque alia pars egrediatur, periculum imminente. Quia tamen in nulla exteriorum partium integritas vitæ ita consistit, sicut in capite (ergo loquitur de partibus, in quibus vita partialiter consistit, & non de aliis, quæ nullomodò vivunt) videtur quibusdam, quòd propter dubium, quæcunque alià parte corporis abluta, puer post perfectam natiuitatem sit baptizandus sub hac forma: si non ei baptizatus, ego te baptizo.*

Probatur autem hæc assertio ex eomuni Ecclesiæ praxi; nam in Rituali Romano tit. de Sacramento Baptismi, paragr. de forma ita statuitur: *Baptismus, licèt fieri possit, aut per infusionem aquæ, aut per immersionem, aut per aspersionem; primus tamen, & secundus modus, qui magis sunt in usu, pro Ecclesiarum consuetudine retineantur, ut trina ablutione caput baptizandi perfundatur, vel immergatur. In quibus verbis præscribitur, & notabilis pars, imò præcipua; & similiter notabilis quantitas aquæ, juxta illud S. Augustini in homil. 3. & habetur cap. 78. de consecr. dist. 4. Postquam vos credere dixistis, tertio capita vestra in sacro fonte demersimus.*

Quòd si parvulus ita est infirmus, ut

capitis abluionem non ferat, abluendum est pectus, vel humeri. Quod autem imminente periculo mortis, possit conferri Baptismus in qualibet parte, etiam minima infantuli, docet idem Rituale paragr. de baptizandis parvulis his verbis: *Si aliud membrum emiseric, quod vitalem indicet motum in illo . . . baptizetur : Et tunc si natus vixerit, erit sub conditione baptizandus eo modo, quod dictum est supra : si non et baptizatus, ego te baptizo .*

Dices: Si Baptismus conferri posset in parte minus principali; maxime quia, inquit Doctor, ibi est tota anima, licet non omnis sensus, sicut in capite, quibus significare videtur, inquit Vasquez loco supra laudato, num. 30. idcirco Baptismus valere etiam in minima parte, quia anima, quæ contraxit peccatum originale est tota in illa parte, quæ ablui dicitur: sed hæc ratio nulla est: anima enim non est subiectum abluionis Baptismalis, sed totus homo: igitur, &c.

Nego minorem, & ad ejus probationem dico, Vasquezium perperam subtilem Doctorem vellicare, & interpretari; siquidem Doctor, ut optime advertit Hyquæus in Commentario nu. 18 non ideo dicit esse totam animam in parte non principali, quasi anima esset subiectum abluionis, sed loquitur respectivè ad caput, in quo Baptismus fieri omnes concedunt, ex eo quod sit pars principalis, in qua sensus animæ magis vigent, & functione vitæ, & sine qua vita nequit consistere in homine quæ est differentia partis principalis à non principali, estque fundamentum, ex quo Doctores colligunt Baptismus in ea parte esse absolute Baptismus hominis, & validum.

Ad occurrendum ergo objectioni tacite, quæ fieri potest contra Baptismus in parte non principali, dicit animam totam esse in parte non principali, quamvis non sit ibi omnis sensus, qui est in capite. Hic verus sensus Docto-

Tom. X.

ris, non autem ille ab aliis præsumptus, qui humilis est, & satis puerilis in hac materia. Excluditur etiam Baptismus, qui fieret in capillo, vel ungue per stilam, quem contendit Vasquez esse verum Baptismus: nam si dubitant Doctores de Baptismo partis non principalis, licet viventis, & uno ore dicunt iterandum esse Baptismus sub conditione, ut etiam scribunt Rituales; quanto magis excluditur ab abluione Baptismali ea, quæ fieret in capillo, aut ungue, quæ non denominant hominem absolute, nec sunt propriæ ejus partes. Ita Hyquæus.

Dices secundò: Vulnus inflictum in minima parte, quæcunque illa sit, sufficiens est, ut ab eo homo dicatur vulneratus: igitur pari ratione ablutio facta in qualibet minima parte, sufficiens erit ad validitatem Baptismi, etiam citra necessitatem.

Diringo antecedens: Secundum abusivum; & improprium loquendi modum, concedo: juxta sermonis proprietatem, & rigorem, nego: Nullus enim Sapientum est, qui non rideret hominem dicentem se vulneratum, quod acicula digitum leviter pupugisset. Unde neganda est consequentia; siquidem non debet regulari veritas materiæ, & formæ Sacramenti ab improprio, & abusivo loquendi modo, sed juxta proprietatem sermonis, & usum receptum, ac probatum à Sapientibus.

Ex his patet probatio secunda partis conclusionis, nempe quod ad abluionem Baptismalem non sufficiat minima aquæ guttula, cum ab illa homo moraliter non rectè dicatur ablutus, lotus, & tinctus; juxta communem Sapientum estimationem: nam eam abluionem Christus D. instituit pro materia proxima hujus Sacramenti, per quam homo proprie dici potest ablutus, & lotus: sed ita non appellaretur propter contactum alicujus guttulæ aquæ in minima parte sui corporis, ut constat: igitur il-

K k

la

la non potest sufficere ad propriè dictam materiam Baptismi. Quoniam tamen aliqui cum Vasquezio contrarium affirmant, idcirco non abnuerem, quòd aliqua urgente manifesta necessitate, conferretur Baptismus etiam in modica aquæ guttula, si amplior aqua non adesset; cum enim materia, & efficacia Sacramenti pendeat à voluntate Christi. D. quæ quantum ad omnes omnino circumstantias, & difficultates occurrentes in administratione Sacramentorum apertè non apparet ex Scriptura, aut Traditione, aut Conciliis; non irreligiosum est, ad evitandam animæ damnationem, adhibere remedium, quod aliqui Doctores eo in casu judicant fore utile, & efficax; quanquam alii Doctores istud in dubium revocent.

CONCLUSIO SECUNDA.

Probabilius est ablutionem occisivam, seu ex qua mors sequeretur, non esse sufficientem, & validam ad sacramentum Baptismi. Ita subtilis Doctor in 4. d. 4. q. 3. nu. 3. ubi dicit, *Proiectus de ponte non baptizatur, quia hoc non est ad vitam ordinatum: vel lotionem, sed ad mortem. Et dñs. 5. qu. 3. nu. 1. referens sententiam Richardi asserentis puerum sic projectum, non esse baptizatum, ait: Dicitur etiam, quòd talis sic projectus non esset baptizatus, quia baptismus est ablutio ordinata ad vitam abluendi, non sic ordinatur illa immersio. Qua propter in reportatis eadem quæst. num. 2. eandem difficultatem expendens dicit, *Sed si adultus projiciatur in flumen dicendo, Baptizo te, &c. credo quòd non baptizatur, quia projiciens non habet intentionem Ecclesiæ, quia intentio Ecclesiæ est sic madefacere eum, quod ipso vivente possit iterum discipari: vel esto quòd baptizetur, non dubito, quin projiciens peccet mortaliter. Quibus omnibus constat Doctorem magis propendere in negativam sententiam.**

Probat utique hæc assertio ratione Doctoris: Deus non instituit aliquid pro

materia legitima Sacramenti, quod vergit in præjudicium, & detrimentum humanæ naturæ, nec voluit vitam spirituales ordinariè comparari cum dispendio, & jactura vitæ propriæ: igitur non approbat pro legitima materia Baptismi illam ablutionem, ex qua directè sequeretur ipsius baptizati interitus. Probatur antecedens; quia Deus materiam, & formam Sacramentorum instituit, & maximè hujus Sacramenti, quòd voluit esse commune omni sexui, & ætati, quæ magis decebat suavem suam providentiam, & habebat rationem lotionis usualis: sed ablutio occisiva non spectat ad suavem Dei providentiam, nec habet rationem abluendi usualis; quis enim dixerit, Deum suaviter providere creaturis de mediis ad vitam æternam consequendam necessariis; quæ nonnisi cum vitæ dispendio possent adhiberi? Quis pariter dixerit hominem alium abluere, & lavare, quem ligatis manibus, & pedibus, & ingenti saxo ad collum alligato, in flumen, aut mare projiceret? Quis sibi non exciperet hominem, qui immunda sua pecora abluere cupiens, illa demergeret in stagnum, aut alium locum, ex quo moraliter novisset illa non posse vitæ incolumi emergere?

Nec valet reponere, Deum equidem hæc non statuisse, ut fierent de via ordinaria, seu quolibet in casu, sed dumtaxat in casu extreme necessitatis; ubi videlicet non suppetit alius modus ministrandi Baptismum. Hæc, inquam, responsio non proficit; siquidem Deus non tenetur de communi lege providere de medio, quod debeat extraordinario modo applicari, ubi aliqua urget necessitas. Ideo infanti in utero matris existentem noluit applicari Baptismum, ut dicemus infra; quanquam aliud medium non ei subesset: igitur non est etiam ullum fundamentum, asserendi Deum voluisse, ut ablutio occisiva in casu necessitatis esset suff-

sufficiens materia Baptismi.

Confirmatur: Non est probabile Deum voluisse illam ablutionem esse materiam Sacramenti, cui necessario, & per se annexum est homicidium, & peccatum mortale ex natura ipsius actionis Ministri: sed certum est eum peccare mortaliter, qui sic puerum, aut adu- lum baptizandum demergeret, ut non posset vita salva de mergi, quia talis projectio esset directa occisio innocentis, ut docet Doctor præfata dist. 7.

„ ubi ait: Dico quod quando si præsumitur mors, nullomodo debet aliquis eum propellere, & projicere: „ quia peccabit mortaliter occidendo; „ & quilibet tenetur magis vitare peccatum mortale in seipso, quam quærere salutem proximi: quia ordinata charitas magis est ad seipsum.

Insuper, ablutio, quæ est materia Sacramenti, debet consistere in actione Ministri, & ab eo procedere: talis autem mersio, & projectio non procederet proximè à Ministro, neque esset ejus actio, ut recipitur in passim: igitur non esset ablutio baptismalis. Minor constat: quia ablutio, quæ baptismalis est, illa videtur esse, quæ determinatur à forma secundum strictam verborum significationem: *Ego te baptizo*; unde requiritur, ut actio significetur, quatenus exercita à Ministro, seu ut exiens ab ipso: ac proinde videtur requiri, ut proximè applicet per se, aut per instrumentum conjungens, vel baptizatum aquæ, vel aquam baptizato. Id autem non fiet in præfata hypothese: igitur, &c.

Dicitur primò: Si quid obesset, quominus eo in casu proici posset infans; maxime, quia non licet aliquem infentem occidere: sed hoc non ita constat: contingere enim potest, ut inculpanda, imò laudanda censeretur excusatur mors Sampsonis; qui, ut legitur Judicum 16. seipsum unà cum astantibus

Philistæis sub rhina, & materia concussæ domus occidit: igitur, &c.

Nego minorem, & ad ejus probationem dico, occasionem Sampsonis non aliunde excusari, quàm quia id præstitisse videtur ex instinctu divini Spiritus, ut ait S. August. lib. 1. de civit. Dei cap. 21. *Nec Sampson*, inquit, *aliter excusatur, quod seipsum cum hostibus ruinâ domus oppræssit, nisi quia Spiritus sanctus hoc jussit, qui per illum miracula faciebat.*

Dices secundò: Baptismus potest esse validus, quanquam ex eo sequatur mors baptizati: igitur ablutio occisiva potest esse sufficiens ad Baptismum. Probatur antecedens: Sacerdos, qui sincera intentione puerum mergens fonti Baptismali, viribus subita infirmitate lea destitueretur, ut prolatis verbis formæ non posset infantem educere, unde contingeret eum suffocari: certum est, quod eo in statu infans verè conficeretur baptizatus: quanquam non per illam ablutio- nem vita fuisset orbatus: igitur, &c.

Distinguis antecedens: Quando sequitur mors baptizati, indirectè transeat directè, nego: eo autem in casu occisio baptizati sequeretur tantum indirectè ex illa mersione; siquidem hæc mersio per se ordinatur ad facilem emersionem, & tantum ex accidenti evenit, quod emersionem non habeat: secus est autem de mersione, quæ directè esset occisiva, quatenus videlicet emersionem facilem non haberet ex natura sua, qualis esset illa projectio hominis in flumen, aut puteum; unde citra miraculum incolumis non posset evadere.

CONCLUSIO TERTIA.

Baptismus validè confertur aliquo ex assignatis tribus modis in tertio Notabili. Hæc est jam communis apud omnes Theologos, & apertè traditur in Rituali Romano §. *De forma Baptismi*: Non est autem verisimile Ecclesiam Catholicam in administratione Sacramenti summè necessariis invalidam materiam

riam pro legitima subministrare, & approbare: igitur, &c.

Probatur autem hæc assertio: Omnis ea ablutio sufficiens est ad Baptismum, per quam homo verè dicitur ablutus: atqui ita dicitur per quamlibet præfatam abluionem: igitur, &c. Quam utique rationem urget S. Cyprianus epist. 76. quæ est ad Magnum, ubi licet liberum relinquit aliis iudicandum, utrum Baptismus per asperisionem collatus esset validus, tamen ipse affirmativam partem tuetur: *Aliter*, inquit, *pellus credentis abluatur, aliter mens hominis per fidei merita mundatur in Sacramentis salutaribus necessitate cogente, & Deo indulgentiam suam largiente; totum credentibus conferunt divina compendia*. Ubi per divina compendia, intelligit modicam abluionem, qualis est ea, quæ fit per abluionem comparativè ad eam, quæ fit per immersionem.

Dices: Baptismus est signum sepulture, & Resurrectionis Christi, juxta illud ad Coloss. 10. & ad Rom. 6. *Quicumque baptizati sumus in Christo Jesu, in morte ipsius baptizati sumus; conscripti enim sumus cum illo per Baptismum in mortem, ut quomodo Christus surrexit à mortuis per gloriam Patris, ita, & nos in novitate vitæ ambulemus*. Sed hæc repræsentatio mortis, & Resurrectionis Christi non potest fieri nisi per immersionem, & emersionem: igitur solus ille baptizandi ritus est licitus.

Respondeo primò cum S. Thoma, q. 66. art. 7. ad 2. *Quòd in immersione expressius repræsentatur figura sepulture Christi sed in aliis modis baptizandi repræsentatur aliquò aliò modo, sicut non ita expressè*. Nam quocunque modo fiat ablutio, corpus hominis, vel aliqua pars ejus, aquæ supponitur, sicut corpus Christi sub terra fuit positum.

Respondeo secundò, abluionem Baptismalem ordinari tantum secundariò ad significandam Christi Domini sepul-

turam; primariò enim, & per se ordinatur ad significandam abluionem, animæ à peccato, per quam mysticè morimur peccato, & vivimus Deo, ut præclarè docet S. Ambrosius libro de Bono mortis cap. 2, ubi distinguens tria mortis genera, sic secundum describit: *Alia mors mystica, à qua quis peccato moritur, & Deo vivit, de qua ait Apostolus: Conscripti enim sumus cum illo per Baptismum in mortem*. Item S. Augustinus serm. 9. de Tempore, ubi paulò post principium ita scribit: *Quando in salutari lavacro tertio Christiani merguntur tunc Ægyptii, id est, originalia peccata, & actualia crimina, quasi in rubro mari sepeliuntur, & filii Israel pertranseuntibus ad Dei servitium, sola patiuntur peccata naufragium*.

Dices secundò: Ea sola ablutio est sufficiens materia proxima Baptismi, quam hoc verbum (*baptizo*) directè importat, & significat: sed non significat quemlibet contactum aquæ ad corpus: sed eum dumtaxat, qui fit per immersionem igitur, &c.

Distinguo minorem: Verbum *baptizo* non significat aliud, quàm immersionem, secundum suam derivationem, grammaticalem ab idiomate Græco, concedo: secundum usum, & praxim Ecclesiæ, nego: usurpatur enim ab Ecclesia ad significandum omnem, & quamlibet veram abluionem aquæ, sive hæc fiat per infusionem, sive per asperisionem, sive per immersionem. Quod utique apertius exinde constat, quòd Ecclesia nusquam reprobaverit Baptismum per infusionem, vel asperisionem aquæ collatum, tanquam nullum, & invalidum.

CONCLUSIO QUARTA.

PErinde est ad valorem, & substantiam Sacramenti Baptismi, quòd fiat per abluionem unicam, aut triplicem. Hæc est communis apud Catholicos, eamque veritatem pridem definivit S. Gregorius Magnus librò 12. epist. 41.

epist. 47. quæ est ad Leandrum Episcopum Hispalensem, cujus epistolæ decretum refert, & approbat Concilium Toletanum IV. can. 5. ubi ait : De Baptismi autem Sacramento, propter quod in Hispaniis quidam Sacerdotes trinam, quidam simplam merionem faciunt; à nonnullis schisma esse conspicitur, & unitas fidei scindi videtur Beate ergo memorie Gregorius Romanæ Ecclesiæ Pontifex, qui non solum partes Italix illustravit, sed, & longè existentes Ecclesias sua doctrina perdoeuit, efflagitante sanctissimo Leandro Episcopo de hac Hispaniæ diversitate, quid potius esset sequendum, inter cætera rescribens ei, sic ait : De trina verò merione Baptismatis; nihil responderi verius potest, quàm ipsi sensistis: quia in una fide nihil officit sanctæ Ecclesiæ consuetudo diversa: nos autem quod tertio mergimus, triduanæ sepulture Sacramenta signamus, ut dum tertio infans ab aquis educitur, Resurrectio triduanæ temporis exprimitur. Quod si quis fortè etiam pro summæ Trinitatis veneratione existimet fieri, neque ad hoc aliquid obstat, baptizandum semel in aquas mergere. quia dum in tribus subsistentiis una substantia est, reprehensibile esse nullatenus potest, infantem in Baptismate in aquam vel ter, vel semel mergere, quando, & in tribus merionibus Personarum Trinitas, & in una potest Divinitatis singularitas designari, Sed si nunc usque ab hæreticis infans in Baptismate tertio mergebatur, faciendum apud vos esse non censeo; nedum meriones numerant, Divinitatem dividant: dùmque quod factis faciabant, morem vestrum se vicisse gloriantur. *Et statim Concilium subdit:* Quapropter, quia de utroque Sacramento, quod fit in S. Baptismo, à tanto viro reddita est ratio, quod

utrumque rectum, utrumque irreprehensibile in sancta Dei Ecclesia habeatur; propter vitandum autem schismatis scandalum, vel hæretici dogmatis usum, simplam teneamus Baptismi merionem, ne videantur apud nos, qui tertium mergunt, hæreticorum approbare assertionem, dum sequuntur, & morem. *Ita Concilium.* Sed non est verisimile S. Pontificem, & Concilium ex nobilioribus Hispaniæ Ecclesiæ Episcopis adunatum, errasse in solemni, & essentiali Sacramentorum administratione: igitur fatendum est, unam aut trinam, ablutionem esse sufficientem ad validam Baptismi administrationem.

Objecies Can. 50. Apostolorum in quo ita decernitur: Si quis Episcopus, aut Presbyter non trinam merionem unius mysterii celebret: sed semel mergat in baptismate, quod dari videtur in Domini morte, deponatur. Insuper Pelagius Papa in epist. ad Gaudentium, asserit trinam merionem esse à Domino præceptam: *Multi sunt, inquit, qui in nomine solum Christi, una etiam merione se asserunt baptizatos: Evangelicum verò præceptum ipso Deo, & Domino Salvatore nostro Jesu Christo tradente nos admonet, in nomine Trinitatis trinam etiam merione sanctum Baptisma unicuique tribuere, dicente Domino: Ite, docete omnes Gentes baptizantes eos in nomine Patris, &c.* Item Tertul. l. de corona militis ca. 3. Hieron. in dialogo contra Luciferianos num. 15. & Basilus lib. de Spiritu sancto c. 27. asserunt trinam merionem inter traditiones non scriptas esse recensendam. Imò & Theodoretus lib. 4. hæreticarum fabularum cap. de Eunomio: *Ipse, inquit, subvertit sancti Baptismi ritum à Domino, & Apostolis ab initio traditum, & contrariam legem aperte tulit dicens non oportere ter mergere eum, qui baptizatur, nec Trinitatem invocare; sed semel baptizare in nomine Christi.* Insuper hac

hac de cauſa videtur damnatus Euno-
mius à Concilio I. Conſtantinopolita-
no, Can. 7.

Reſpondeo hæc omnia nobis non ad-
verſari. Non quidem Canon Apoſto-
licus, ibi enim non decernit unicam
merſionem eſſe contra Domini præce-
ptum, ſed baptiſmum collatum ſub in-
vocatione mortis Chriſti, ut conſtat
ex ratione quam aſſert: *Non enim*, in-
quit, *dicis Dominus*, &c. Similiter in-
telligendus eſt Pelagius, ut Evangeli-
cum præceptum referat non ad trinam
merſionem, ſed ad trium perſonarum
invocationem, ſubdit enim *Ite bapti-
zate omnes gentes in nomine*, &c. Inſuper
ex præcedentibus illius epistolæ verbis
ſatis aptè colligitur eum loqui de iis,
qui Eunomii hæreſim ſeſtantes, bapti-
zabant, non in nomine Trinitatis, ſed
ut ait: *Multi ſunt, qui in nomine ſo-
lius Chriſti, una etiam merſione ſe aſſe-
runt baptizatos*. Denique cum poſtea
deſinit hos hæreticos ad Eccleſiam re-
vertentes eſſe rebaptizandos, nihil de
Trina merſione, ſed ſolùm de invoca-
tione Trinitatis meminit: *Eos*, inquit,
*ad Catholicam fidem venientes in ſanctæ
Trinitatis nomine baptizabis*.

Similiter dico Eunomium non fuiſſe
præciſè damnatum, quod trinam mer-
ſionem tolleretur: neque id intelligit
Theodoretus dicens, *eum ſubvertere
ritum à Domino, & Apoſtoliſ traditum*:
ſed quod non adhiberet invocationem
trium divinarum Perſonarum; nam ut
reſertur cap. 7. dicti Concilii Conſtant.
& ab Epiph. hæres 75. Eunomius non
baptizabat in nomine Patris, & Filii,
& Spiritus S. ſed vel ſolùm in nomine
Chriſti mortui, vel, *in nomine Patris
increati, & Filii creati, & Spiritus ſan-
ctificantis*? & à creato Filio creati. Unde
merito cenſuit Concilium ab eo ha-
ptizatos iterum eſſe baptizandos. Sic-
que dum Eunomius, & trinam merſio-
nem, & divinarum perſonarum invo-
cationem ſuſtulit, ſenſit, & contra Ec-

cleſiaſticum, & contra divinum præce-
ptum. Contra quidem Dominicum,
quia trium perſonarum divinarum in-
baptiſmate invocatio eſt à Chriſto man-
data; contra verò Eccleſiaſticum, quia,
trina merſio eſt ex Eccleſiaſtica tradi-
tione ſervanda, & hoc eſt quod ſolùm
innuere volunt citari Patres: enimverò
ab Eccleſiæ primordiis ad Gregorii Ma-
gni tempora, uſitata ſemper fuit trina
immerſio: eam autem idcirco ſuſtulit,
vel non eſſe neceſſariam ſtatuit, ut A-
rianorum errorem cohiberet, ut jam
dictum eſt.

Urgetis. Quod expreſſè, & diſtinctè
repreſentat tres Perſonas divinas, eſt
de eſſentia baptiſmi; ſed triplex illa
merſio ita eſt. Nam Tertull. lib. contra
Praxeam cap. 16. loquens de præcepto,
& ritu, quo Chriſtus præcepit Apoſto-
lis baptizare, hæc habet: *Mandans ut
tingerent in Patrem, & Filium, & Spi-
ritum ſanctum, non in unum; nam nec
ſemel, ſed ter ad ſingula nomina in per-
ſonas ſingulas tingimur*. Hæc enim par-
ticula nam deſignat trinam abluſionem
tam eſſe neceſſariam ex parte materiæ,
quàm diſtincta Perſonarum divinarum
nominatio ex parte formæ. Idem docet
S. Damascenus epiſt. de Triſagio,
„ dum ita ſcribit: Si quis ex nobis ſci-
„ ſciteretur, quid ſit cauſa, quam ob rem
„ cum alicui Baptiſmum exhibemus,
„ ter eum mergimus: quidnam aliud
„ reſpondebimus, quàm quòd ob u-
„ namquamque perſonam eum im-
„ mergimus?

Diſtinguo majorem. Quod expreſſè
repreſentat Trinitatem ex parte formæ
cujus eſt diſtinctè ſignificare, concedo:
ex parte materiæ cujus eſt tantum con-
fuſe, ſeu minus diſtinctè repreſentare,
nego. Nec particula (Nam) ſignificat
Eccleſiam tunc ter immerſiſſe, quòd
Chriſtus id præcepiſſet, ſed ideo id ſer-
vaſſe, quia illa trina immerſio tres per-
ſonas diſtinctè ſignificabat, non ratio-
ne ſui, ſed quia ad quamlibet immer-
ſio-

tionem una divina persona proferebatur in forma baptismi.

Confirmatur, quia apud alios sanctos Patres, trina illa immersio fiebat, non ad designandum Trinitatis Personas, sed triduanam Christi sepulturam: idque expressè habetur in 5. Canone quarti Concilii Toletani, ubi Patres ita loquuntur: *Nos autem quoddam tertio mergimus, triduanam sepulturæ sacramentum significamus, &c.*

QUÆSTIO SEXTA.

Quenam sit legitima forma Baptismi?

Notandum primò, variè erratum fuisse antiquitus ab hæreticis circa legitimam Baptismi formam: in ipsis enim nascentis Ecclesiæ primordiis, nonnulli baptizabant in nomine trium principii expertum; vel trium Filiorum, vel trium Paracletorum, ut colligere licet ex Canone 48. aliis 49. Apostolorum, ubi decernitur. *Si quis Episcopus, aut Presbyter juxta præceptum Domini non baptizaverit, in nomine Patris, & Filii, & Spiritus S. sed trium principii expertum, aut trium Filiorum, aut trium Paracletorum, abjiciatur.* Refert etiam Eusebius lib. 4. cap. 11. ex S. Irenzo lib. 1. cap. 8. de Valentinianis, & quodam Marco, quem dicit magicis artibus imbutum: quod quidam eorum thalamum construant; & nefarium quoddam initiandi celebrant genus, tanquam secretis quibusdam carminibus ac verbis, non tam sacris, quam excrecabilibus, eum, qui introducitur consecrantes, spirituales nuptias ajunt esse, quod faciunt: inflat videlicet supernarum conjugationum. Adducentes verò ad aquam, & eos baptizantes; hæc super eos proferunt verba: In nomine ignoti Patris omnium, & in veritate omnium Matre, & in eo, qui descendit in Jesu. Alii verò Hebraicè nomina super eos, quos initiant

ad novam salutem terribiliter loquuntur. Paulianistæ, Photiniani, Montanistæ, & Cataphryges non baptizabant in invocatione S. Trinitatis, quam non credebant; unde eos rebaptizare jubet Concilium Nicænum. Can. 19. & Laodicensè Can. 8. Arianorum aliqui baptizabant in nomine Patris, per Filium in Spiritu S. quasi forent aliqui gradus in Trinitate; baptizare autem volebant in nomine Filii, ne cogerentur eum Deum fateri, sed per Filium, quasi per instrumentum: Testatur etiam S. Epiphanius hæresi 76. Etianos, sicut & Eunomianos hanc formam baptizando usurpasse, in nomine Dei increati, & Spiritus S. sanctificantis, & à procreato Filio procreati.

Notandum secundò, quod etiam hæretici hujus ævi secundum praxim non videantur errare circa Baptismi formam, quia semper inter baptizandum utuntur hac, vel æquivalenti forma: *Ego te baptizo in nomine Patris, &c.* Unde Ecclesiæ ratum, & validum habet Baptismum ab eis collatum: nihilominus si doctrinam eorum attendas, percipies eos non leviter hoc in articulo, sicut & in plurimis aliis à Catholica veritate deflectere: Lutherus enim lib. de captivitate Babylonica, cap. de Baptismo, scribit; utendum quidem esse formæ consueta; valere tamen Baptismum quibuscumque tandem verbis conferratur, ac sufficere si ministretur in nomine Domini, imò etiam si non detur in nomine Domini, satis esse, modò à baptizato in nomine Domini suscipiatur: Zuinglius lib. de vera, & falsa Religione cap. de Baptismo circa finem permittit qui in inter baptizandum uti formæ consueta, sed addit certam verborum formam in Baptismo non esse necessariam. Brextius in suo Catechismo, cap. de Baptismo, docet legitimam fore Baptismum, si Minister post recitatum à Catechumeno fidei symbolum ita dicat: *Audisti jam ex te confessionem fidei*
tua,

tue, quod credas in Deum Patrem, & Filium, & Spiritum S. In hanc igitur confessionem intingo te in aquam, ut hoc signaculo certus sis te Christo insertum esse: admonet tamen Ecclesiam formam esse servandam.

Notandum tertio, ex Doctore in 4. dist. 3. qu. 2. num. 5. quod in Sacramentorum consecratione, & administratione, aliquid dicitur necessarium dupliciter: Primo quidem simpliciter, nimirum inquit ex parte Sacramenti, quo videlicet non existente nullum esset Sacramentum: Secundo, aliquid dicitur necessarium aliqua ex parte, scilicet ex parte Ministri: sine quo Minister dispensando Sacramentum, peccatum vitare nequit. Queritur ergo quænam verba ita sint necessaria ad Baptismi formam, ut eis non prolatis, nullum foret Sacramentum: quænam autem ita dumtaxat sint necessaria, ut omitti quidem possint, salva Sacramenti substantia, sed non absque gravi baptizantis peccato: cui quidem questioni faciemus satis in subiiciendis questionibus, ubi prius assignaverimus legitimam formam baptismi.

CONCLUSIO UNICA.

Conveniens, & legitima Baptismi forma hæc est: *Ego te baptizo in nomine Patris; & Filii, & Spiritus S.* Ita determinatum est in Concilio Lateranensi, cap. firmiter, & Florentino in decreto Eugenii: Trident. sess. 7. de Baptismo cap. 4. Colligitur ex Matthæi cap. 28. ubi Christus D. mandat Apostolis, ut doceant omnes Gentes, baptizantes eos in nomine Patris; & Filii, & Spiritus sancti. Licet enim ibi expressè non præcipiat, ut baptizando proferant hæc verba, tamen perpetua Ecclesiæ Traditione constat illud Christi D. præceptum sic esse intelligendum, ut apparet non solum ex suprâ dicto Canone Apostolorum, sed ex continua Ecclesiæ praxi: legitimus enim in veteri Ordine Romano: *Tunc accipit Pontifex*

insansem, & dicit: Ego baptizo te in nomine Patris, & Filii, & Spiritus sancti. Unde Alexander III. ut refertur cap. x. de Baptismo, & ejus effectu, decrevit: *Si quis puerum ter in aqua immerfit in nomine Patris, Filii, Spiritus sancti, Amen: Et non dixerit: Ego te baptizo in nomine Patris, Filii, Spiritus sancti, non est puer baptizatus.*

Eandem veritatem docent SS. Patres, maxime S. Augustinus pluribi, sed præsertim lib. 3. de Baptismo c. 10. ubi ait: *Baptismus Christi verbis Evangelicis consecratus, & per adulteros, & in adulteris sanctus est.* Unde conclusit cap. 15. *Quamobrem si Evangelicis verbis in nomine Patris, Filii, & Spiritus sancti, Marcion Baptismum consecrabat, integrum erat Sacramentum, quamvis ejus fides sub eisdem verbis aliud opinantis, quàm Catholica veritas docet, non esset integra, sed fabulosis falsitatu- bus inquinata.*

Suadetur etiam ratione: Illa forma est conveniens, & legitima, per quam omnia, quæ sunt in Baptismo, significatur: sed præfata est ejusmodi. Probatur: Quatuor distinguuntur in Baptismo: Primo ipse actus Sacramentalis; Secundo persona recipiens; Tertio causa princeps; Quarto Minister: sed eæ quatuor exprimuntur per istam formam: nam pronomen (*ego*) significat Ministrum: (*te*) personam recipientis: verbum (*baptizo*) sacramentalem actum: alia autem verba exprimunt causam, principalem, nempe sanctissimam Trinitatem: igitur, &c.

Dicitur primo: Dùm Christus Marci ult. contulit Discipulis virtutem ejiciendi dæmonia, his verbis: *In nomine meo dæmonia ejicient;* non præcepit ut dæmones expellendo dicerent, *Dæmon ego te ejicio in nomine Christi.* Et cum Lucæ 22. Apostolos Sacerdotes consecrans, eis potestatem dedit, ut conficerent suum sacratissimum corpus, non imperavit, ut consecrando dicerent: *Hoc facio*

cio in Christi commemorationem: igitur pari ratione cum dixit: *Docete baptizantes*, &c. nihil aliud præcepit, quam ut Apostoli doceant, & baptizent in fidem, & potestatem sanctissimæ Trinitatis.

Dislinguo consequens: Id sequitur ex verbis Scripturæ sacræ, si secundum se dumtaxat, & seorsim à Traditione accipiuntur, transeat: si cum Traditione perpetua, ex qua Christi D. præcepti sensus est accipiendus nego. Constat enim ex Ecclesiæ praxi; & SS. Patrum autoritate hæc verba inter baptizandum esse usurpanda.

Instabis: Si hæc fuisset continua Ecclesiæ praxis, innotuisset omni sæculò: at ita non est; refert enim *Petrus Claromontensis Episcopus* suo tempore hanc consuetudinem viguisse in sua diocesi, ut qui in necessitatis articulo baptizabant, omisisis cærimonis, non dicerent: Ego te baptizo, nec aliud æquivalens, sed dumtaxat infundendo aquam (quod ibi vocat *undejare*) dicerent *in nomine Patris*, &c. Petrus autem Episcopus dubius de valore talis Baptismi consulti per epistolam Mauritium Episcopum Parisiensem, & Stephanum Abbatem S. Euvèrtii apud Aurelios: sententia autem Episcopi fuit, Baptismum non valere; sententia verò Abbatis eum esse legitimum; eorum autem tres Epistolæ inferuntur in tomo tertio Bibliothecæ Patrum; igitur tunc temporis non erat compertum hanc formam esse in praxi per universam Ecclesiam.

Nego minorem: Si enim non fuisset notum ex Ecclesiæ universalis Traditione, & praxi Baptismum sic esse conferendum, dubius non fuisset Episcopus Claromontensis de valore ejusmodi Baptismi. *Insuper* Mauritius in sua responsione non ita constanter scripsisset hanc formam esse à Scriptura, & SS. Patribus acceptam, *in quem modum*, inquit, *forma Baptismi tradi, & accipi debeat, Seripturarum divinæ autoritate*, &

Tom. X.

SS. Patrum testimoniò habemus in hunc modum, scilicet: EGO TE BAPTIZO IN NOMINE PATRIS, &c. *Et tanta est verborum vivacitas, ut nihil immolari, nihil innovari oporteat; nisi verò tota hæc verba simul à quocunque, & quacunque lingua proferantur Baptismum esse non credimus.*

Neque rationes, quibus Stephanus tueri nititur suam assertionem, sunt alicujus ponderis. Non quidem prima, quam his verbis assert: *Nondum*, inquit, *legi baptizantes eos*, & dicentes: *Ego te baptizo in nomine Patris*, &c. Hæc enim ratio nititur tantum autoritate negativa; argumentum autem ab autoritate negativa desumptum non est alicujus momenti, quando maximè contrarium nititur autoritate positiva, & affirmativa, nempe Ecclesiæ Traditione, & SS. Patrum doctrinà.

Neque etiam multum urget secunda illius ratio, quam dumtaxat repetit ex eo, quod S. Innocentius primus, & sanctus Augustinus pluribus in locis, quos ibi refert, agendo de Baptismo hæreticorum, dicant illum esse validum, dummodò fuerint baptizati sub expressa invocatione trium personarum sanctissimæ Trinitatis: nec unquam meminerunt hujus particulæ, *baptizo te*, nam in primis locus ille S. August. lib. de unico Baptismo, quem Stephanus ibi posteriori loco refert, probat Baptismum perfecti, & consecrari verbis Evangelicis, & illis omissis nullum esse: at juxta intelligentiam universalis Ecclesiæ verba illa non sunt tantum hæc, *In nomine Patris, & Filii, & Spiritus sancti*, sed & ista, *baptizo te*. Quare tum S. Augustinus, tum alii Patres agendo de Baptismo hæreticorum, mentionem tantum faciunt expressæ invocationis trium in Deo personarum, quia plures hæretici circa divinam Trinitatem tantum errabant, nec inter baptizandum omitebant hæc voces, *baptizo te*, quas sciebant Christum adhiberi voluisse, ut actio

LI

BA-

Baptismi, & Minister baptizans exprimeretur. Cum igitur circa has voces nulla moveretur difficultas, aut dubitatio, ideo necessum non fuit SS. Patribus earum meminisse. Ut autem singularum ejusmodi formæ baptismalis particularum plena, ac plana habeatur ratio, conveniens est eas sub quæstionculis examinare.

QUÆRES 1. *Utrum hoc pronomen Ego, necessariò proferri debeat in forma Baptismi?*

Respondet Doctor dist. 3. q. 2. n. 7. ad valorem Baptismi non absolutè requiri, ut Minister exprimat; *Ministrum enim*, inquit, *non est simpliciter necessarium aliquò verbò exprimi, neque pronomen cujusque personæ, quia non est in verbis Christi*, Matth. ult. Insuper hoc pronomine omisso, manet integer substantialis formæ sensus; hic enim maximè consistit in significatione ablutionis, ut exercetur à baptizante circa baptizandum cum expressa nominatione, seu invocatione trium divinarum personarum: sed ad id non est necessarium pronomen *ego*; quia verbum *baptizo* cum sit indicativum primæ personæ, implicite includit illud pronomen; *baptizo* enim idem est, ac *ego baptizo*.

Peter secundò: Utrum verbum baptizo activè necessariò proferri debeat in forma Baptismi, ut illa sit valida?

Respondeo, id non esse necessarium; siquidem Baptismus Græcorum approbatus est ab Ecclesia, qui tamen hoc verbo modo activo non utuntur, sed tantum passivo; sic enim definitum est in decreto Eugenii ad calcem Concilii Florentini, ubi loquens de Baptismo, cum dixisset: *Materia hujus Sacramenti est aqua vera, & naturalis: nec refert frigida sit, an calida; forma autem est, Ego te baptizo in nomine Patris, & Filii, & Spiritus sancti*; subdit: *Non tamen*

*negamus, quin & per illa verba: Baptizetur talis servus Christi in nomine Patris, &c. verum perficiatur Baptisma. Rationem proferit: Quoniam, inquit, cum principalis causa, ex qua Baptismus virtutem habet, sit sancta Trinitas; instrumentalis autem sit Minister, qui tradidit exterius Sacramentum, sufficit si exprimaturs alius, qui per ipsum exercetur Minister, cum S. Trinitatis invocatione perficiatur Sacramentum. Eamdem veritatem antea docuerat Doctor loco superius laudato num. 3. & 7. ubi scribit: *De forma necessaria ex parte Sacramenti, patet quod illa (ordinaria Ecclesiæ Latinæ) non est talis, quantum ad omnia verba, ex hoc quod dictum est, quod Græci verè baptizabant, non tamen sub eadem forma.**

Quare autem hanc formam modo passivo, potius quàm activo usurpaverit Ecclesia Græca, explicat ibidem Doctor num. 5. dicens, id factum fuisse occasione quorundam Corinthiorum, qui gloriabantur, se baptizatos esse ab Apostolis, & idcirco censebant se aliis esse præferendos, qui à Discipulis Baptismum susceperant: *Causam*, inquit Doctor, tangit Apostolus 1. Corinth. 1. *Hoc autem dico, quod unusquisque vestrum dicit: Ego quidem sum Pauli, &c. gloriabantur enim de Ministris baptismis, quasi eis adscriberetur Baptismus: & redarguit eos, & istam eorum contentionem dicens, Divisus est Christus? Et propter hoc, ortum fuit inter eos schisma, & ordinatum fuit inter eos ad istud schisma tollendum: nè Minister exprimeretur in propria persona, nec actus in indicativo modo, sed optativo; quia tunc Minister non significatur esse, author Baptismi: sed tantum Minister desiderans, & orans effectum Baptismi conferendum à Deo: & suscipiens etiam non exprimeretur in secunda persona, sed in tertia, quasi non præcisè reciperet, quod recipit*

ab

„ ab aliquo sermone sub dirigente.
 „ Veruntamen melius potuisset susci-
 „ piens fuisse expressus, quàm per hoc,
 „ *servus Christi*, scilicet nomine pro-
 „ priò. Non enim iam servus Christi
 „ baptizatur, sed baptizatur ut sit ser-
 „ vus Christi, loquendo de servicio spi-
 „ rituali, quò Christianus est servus
 „ Christi.

Quòd autem reverà vitium istud fue-
 rit in aliquibus Corinthiis tempore
 S. Pauli, docet S. Chrysostomus hom. 1.
 in 1. cap. ad Cor. necnon & homil. 3.
 expendens illa verba: Aut in nomine
 meo baptizati estis, ubi ait: *Nec dixit:*
numquid Paulus baptizavit? baptizavit
enim multos: sed non erat id, quod qua-
rebat, à quonam baptizati essent, sed
in cuius nomine essent baptizati, nam
quoniam hæc quoque erat causa schisma-
tis, quòd vocarentur ab iis, qui baptiza-
rent, &c. Quamvis autem his verbis
 non insinuet, eos fuisse in illo errore;
 infra tamen dicit periculum ejus fuisse:
 Nam si cum viles, & abjecti, & qui nul-
 lius sunt estimationis homines bapti-
 zarent, orta est hæresis, si ego, qui annun-
 tiavi Baptismum, multos baptizassem,
 verisimile esset, futurum fuisse, ut conve-
 nientes, non solum in meo nomine voca-
 rentur, sed mihi quoque Baptismum
 tribuerent, &c.

Idem docet S. Augustinus lib. de uno
 Baptismo cap. 5. ubi loquens de Corin-
 thiis, qui dicebant, *Ego quidem sum*
Pauli, &c. ait: *Quamvis non per impio-*
rum, sed Sanctorum nomina, ipsi tamen
impia schismata faciebant; hæc ipsorum
erat detestabile vitium, &c. Et cap. 11.
 scribit: *Nec illos Corinthios arbitror,*
quos in schismata dissolviste redarguit,
veram fidem habuisse, quòd dicebant, ego
sum Pauli; hoc enim falsum erat: ve-
rum tamen Baptismum habebant, ex cu-
jus veritate, ut istam corrigerent falsi-
tatem, ab eo ipso audiunt: numquid Pau-
lus pro vobis crucifixus est, aut in nomine
Pauli baptizati estis? &c.

An autem hodie cessante istà causà
 liceat adhuc Græcis Catholicis hanc
 formam usurpare?

„ *Respondet* Doctor num. 6. De hac
 „ forma potest dici, quòd quamdiu to-
 „ lerata fuit ab Ecclesia Romana, lici-
 „ ta fuit eis, & pro tempore, pro quo
 „ instituta fuit, rationabilis fuit du-
 „ rante causa prædicta, sed cessante,
 „ illa causa, rationabiliter potuit for-
 „ ma communis fuisse eis imposita. Vel
 „ ergo Romana Ecclesia prohibuit il-
 „ lam formam, quantum ad eos, &
 „ tunc peccant servando (quod ex-
 „ pressè non invenitur in aliquo ca-
 „ pitulo, specialem mentionem facien-
 „ te de eis.) Vel si permisit, sive con-
 „ cessit, licitum videtur eis illam for-
 „ mam continuare: & si tali permissio-
 „ ne, seu licentia stante, in Conciliis
 „ suis particularibus, ordinaverunt in-
 „ ter se talem formam esse servandam,
 „ videtur quòd Ministri eorum tene-
 „ tur eam servare: sicut stante istà per-
 „ missione, Ecclesia, quæ determinavit
 „ trinam immersionem servandam, sic
 „ faciendum est, & est de necessitate
 „ Ministri, præceptum, & modum Ec-
 „ clesiæ propriæ servare.

Controversia autem est apud Theolo-
 gos, qualiter vocabulum (*baptizetur*)
 usurpatum in forma Græcorum sit acci-
 piendum, an videlicet *imperativè*, ut
 ut vult S. Thomas; an *deprecativè*, ut
 illud accipit subtilis Doctor: quod utiq-
 ue convenientius, si attendamus ad
 rationem suprà dictam, ob quam Græ-
 ci non expriment personam Ministri;
 ne scilicet in seipso glorietur, & ne
 Baptismus ab ipso virtutem ullam for-
 tiri intelligatur, tanquam à causa prin-
 cipali: Etenim imperativus modus de-
 signat auctoritatem Ministri; depreca-
 tivus autem non ita, sed magis autho-
 ritatem causæ principalis, à qua Sacra-
 mentum habet suam efficaciam, sicut
 ministerialiter fit à conferente. *Insuper*
 si verbum istud sumeretur imperativè,

istud imperium dirigeretur, vel ad personam Ministri, vel ad effectum sacramenti: at primum dici non potest, quia nemo sibi propriè imperat. Neque etiam secundum, quia effectus, qui est à causa superiori, non cadit propriè sub imperium inferioris; maxime quando non fundatur in potestate jurisdictionis communicatæ; sicut effectus pœnitentiæ, qui procedit à potestate clavium: igitur convenientius est, ut verbum istud accipiat deprecativè. Nihilominus dici potest, quòd istud verbum quatenus nunc usurpatur à Græcis in forma Baptismi, non est imperativum, neque deprecativum, sed indicativum: aiunt enim Græci, dum baptizant: *Baptizatur servus Dei*, vel *serva Dei*, in nomine Patris, & Filii, & Spiritus sancti, ut rectè observat Arcudius lib. de Baptismo, cap. 7. ex Græcorum euchologio.

QUÆRES 3. *Utrum persona baptizati exprimi debeat in forma Baptismi, per pronomen (te,) vel per aliquid aliud æquivalens?*

Affermas Doctor ibidem num. 7. ubi cum dixisset, ad valorem Baptismi non requiri necessariò, quòd exprimat personam personam Ministri: subdit. Alia autem dico, scilicet actum, & suscipientem, necessarium est exprimi: sed non determinatè eodem modo, quo istis verbis exprimuntur, scilicet actus verbo indicativi modi, & suscipiens per pronomen secundæ personæ: sed potest actus exprimi verbo alterius modi, & suscipiens verbo alterius, ut Græci exprimunt. Ratio autem necessitatis, quòd illa duo sic, vel sic exprimerentur, sumitur ex illo Matthæi ult. *Baptizantes eos*, &c. ubi exprimitur actus, & suscipiens. *Hec Doctor*, quibus significat, idcirco personam baptizatam debere exprimi; quia Christus D. id sufficienter indicavit,

cum dixit: *Baptizantes eos*, &c. actum baptizantis, & suscipientem Baptismum debere exprimi in collatione Baptismatis.

Confirmatur à simili: Idcirco in pœnitentiæ forma necessum est, ut exprimat personam absolvenda, dicendo, *absolve te*, nec valeret absolutio sub hac formula, *absolve*, vel *datur absolutio in nomine Patris*, &c. quia Christus D. Joan. 20. instituit Sacramentum pœnitentiæ, dixit: *Quorum remisistis peccata remittuntur eis*, ita à simili debet exprimi persona baptizanda, quoniam illam exprimendam significavit Christus D. cum dixit, *baptizantes eos*, &c. Adde quòd Baptismus ex baptizato potissimum suam denominationem, & determinationem, seu individuationem accipit: igitur ut exprimat actus in individuo, qui per Ministrum exercetur, necessum est, quòd in verbis exprimat personam baptizanda.

Dices: Concilium Florentinum in decreto Eugenii asserit, quòd in Baptismo, si exprimitur actus, qui per ipsum exercetur Ministrum, cum sanctissimæ Trinitatis invocatione, perficitur Sacramentum; ubi non facit mentionem personæ, quæ baptizatur: igitur illius expressio non est necessaria.

Nego consequentiam, & ad antecedens dico primo quòd, cum decretum requirat, ut exprimat actus Baptismi, quatenus hic & nunc exercetur, implicite saltem connotat personam baptizati; siquidem Baptismus fieri non potest sine subiecto illius capaci. Secundo dico, non esse mirum, quòd Eugenius non meminerit personæ baptizandæ; quia nulla cum Græcis erat controversia circa expressionem suscipientis Baptismi; utpote cum eam Græci etiam exprimerent, dicendo; baptizatur servus, vel ancilla Christi.

Dixi autem hoc pronomen (te) suppleri posse per aliquid æquivalens, puta si quis diceret, baptizo Petrum, vel

ba-

baptizari à me : quemadmodum Græci dicunt , baptizatur servus Christi : hoc enim , aut aliò simili loquendi modò sufficienter apparet , ac significatur persona baptizanda .

QUÆRES 4. *An necessaria sit particula (in) ad formam Baptismi ?*

Respondeo illam non esse necessariam ad essentiam formæ Sacramentalis , quippe idem remaneret sensus eà omisâ : enimverò qui aliquid se præstare significat nomine alterius , idem est , ac si diceret se in nomine ejusdem id facere. Nōrunt enim Grammatici ablativum absolutum eandem habere significationem , ac ablativum per præpositionem in designatum .

QUÆRES 5. *Quid significetur particula (nomine) & utrum illa sit absolutè necessaria ad formam Baptismi ?*

Respondeo primò , particulam istam significare , vel unitatem essentiae divi- & subsistentis in tribus divinis personis , ut docent SS. Patres , imprimis verò S. Ambrosius lib. 2. de Sacramentis , cap. 7. *In uno nomine*, inquit , baptizari nos jussit , hoc est , in nomine Patris , & Filii , & Spiritus sancti . Nolim mirari , quia dixit , unum nomen , ubi est una substantia , una Divinitas , una Majestas . Et S. Augustinus lib. 3. contra Maximinum , cap. 22. *In nomine* , inquit , non in nominibus ; hi enim tres unum sunt ; & hi tres unus est Deus . Unde Catechismus Romanus cap. de Baptismo : *Quod in nomine* , inquit , non in nominibus dictum est , hoc planè declarat unam Trinitatis naturam , & Divinitatem ; hoc enim loco nomen ad personas non refertur , sed ad divinam substantiam , virtutem , & potestatem , quæ una , & eadem est in tribus divinis personis significata .

Suffragatur huc explicationi ratio Theologica ; quia ad formam Baptismi , non minùs necessarium est , ut exprimat unitas essentiae in divinis , quàm Trinitas personarum ; cum utrumque ex æquo ad fidem Catholicam desideretur : Porro unitas essentiae designatur per illam particulam (nomine) : igitur , &c.

Sunt tamen qui existimant (in nomine) idem esse , ac in autoritate , potentia , majestate , & virtute , quo sensu Psal. 29. dicitur : *Hi in curribus , & hi in equis ; nos autem in nomine Domini invocabimus* . Et Psal. 53. *Deus in nomine tuo saluum me fac , & in virtute tua judica me* . Et Christus D. plerumque eodem loquendi modò utitur in Evangelio , putà cum dicit : *In nomine meo demonia ejicient ; & Spiritus Paracletus , quem mittet Pater in nomine meo , &c.*

Respondeo secundò , particulam (nomine) sic esse necessariam , ut si quis illam omitteret , dicens : *Baptizo te in Patre , & Filio , & Spiritu sancto* : vel singularem numerum in pluralem convertendo proferret , in nominibus Patris , & Filii &c. nullus conseretur Baptismus , ut colligitur ex sancto Hieronymo , qui explicans illud Ephesiorum 4. *unum Baptisma* , ait : *Non baptizamus in nominibus Patris , & Filii , & Spiritus sancti ; sed in uno nomine , quod intelligitur Deus* . Et ex S. Augustino lib. 3. contra Maximinum , cap. 22. mox à nobis laudato . Cui ratio etiam adstipulatur , quam statim prælibavimus , nempe quòd cum forma Baptismi sit Christianæ fidei professio , significare debet unitatem essentiae trium divinarum personarum ; ea autem vox nomen in singulari numero rectè significat unitatem essentiae trium in Deo personarum . Unde Apostolus ad Ephes. 3. *Unus Dominus , una fides , unum Baptisma* .

QUÆ-

QUÆRES 6. *Utrum in forma Baptismi exprimi debeant tres divinae personae sub distinctis nominibus Patris, & Filii, & Spiritus sancti; itaut Baptismus esset invalidus, si conferretur in nomine Genitoris, Geniti, & procedentis ab utroque?*

A *Confirmat Doctor, d. 4. quæst. 2. n. 9.* ubi ait: De nominibus significantibus proprietates, & non personas, ut *genitor, &c.* dico quod non servatur in eis forma; quia Christus voluit personas vocari nominibus personarum, & rationabiliter secundum illud, quod tactum est in primo libro, *dist. 2.* ut sicut Judæis datum, erat aliquod nomen significans essentiam divinam sub propria ratione, quod ipsi vocabant nomen Dei *Tetragrammaton*, ita Christus dedit Ecclesiae nomina significantia personas sub propriis rationibus. Si etiam non sic dederit, tamen probabile est in aliqua invocatione, nomen personae habere aliquam efficaciam, quam non habet nomen proprietatis personae; petendo enim aliquid donum ab aliquo pro amore Joannis, citius impetraretur, quam si loco nominis proprii poneretur nomen indicans proprietatem suppositi.

Quibus verbis Doctor significat Baptismus non valere, si conferretur sub aliis nominibus, quam sub nominibus Patris, & Filii, & Spiritus sancti: quia Baptismus est Sacramentum fidei, quo nempe fideles initiantur, invocando, & protestando Deum unum in essentia, & trinum in personis; igitur conveniens fuit, ut id fieret per nomina distincte significantia ipsas personas; quemadmodum in veteri lege consuetum erat invocare, & profiteri Deum sub ratione unius essentiae (cujus tunc solius fides explicita singularis erat necessaria) per nomen *Tetragrammaton*, quod significat Deum

sub ratione essentiae propriae. Unde etiam cum Baptismus sit Sacramentum communissimum, utpote quod ab omnibus est suscipiendum, debuit administrari sub nominibus magis vulgaribus, & frequentatis tum in Scriptura, tum in Symbolis, qualia sunt dumtaxat nomina Patris, & Filii, & Spiritus sancti, quae singulis fidelium nota sunt: nomina autem genitoris, geniti, &c. non sunt omnibus nota, sed dumtaxat Theologis. Eandem sententiam tuetur Alensis 4. p. qu. 8. memb. 3. a. 3. & Seraphicus Doctor dist. 3. S. Thomas 3. p. q. 66. art. 5. ad 7.

Dices: Nomina illa genitoris, &c. equivalent nominibus Patris, & Filii, & Spiritus sancti: igitur Baptismus sub ejusmodi vocabulis collatus esset validus.

Negat antecedens Doctor num. 15. ubi respondens huic argumento à se proposito ait: Ad illud de *genitoris, &c.* dicendum quod Augustinus 5. de Trinitate cap. 7. intelligit, quod idem est *genitor & Pater* quantum ad hoc, quod est dici ad alterum, sive importare proprietatem ejusdem personae: sed non sunt idem quantum ad primum conceptum significatum utrobique.

Quia *Pater* significat primum, & per se suppositum in natura divina: aliud autem significat primum, & per se proprietatem: & non est eadem via nominis proprii, & proprietatis nominis, in invocatione facta alicujus personae ad aliquem effectum. Hæc Doctor, quibus significat voces istas *genitor, &c.* non designare personas divinas, ut personae divinae sunt, idest, in ratione subsistentium, sed per modum originis unius ab altera.

Ex iis sequitur Baptismus etiam non valere, si conferretur solum in nomine *Trinitatis*; quia inquit Doctor num. 9. Christus D. instituendo Baptismus, voluit ut personae divinae Trinitatis di-

„ distinctè explicarentur : in hoc au-
 „ tem nomine Trinitatis tantum im-
 „ portantur implicitè , ac proinde Ba-
 „ ptismus hæc ratione collatus non
 „ valeret .

Non prodesset etiam si loco vocis *Filii* ponatur vox *Iesu Christi* ; quia non exprimitur sufficienter secunda persona : secus si ad *ly Spiritus* addatur *Patris* ; quia mutatio illa est solius epitheti , non substantiæ , Spiritus enim significat personam .

Rursum invalidus est Baptismus collatus , *In nomine primæ , secundæ , & tertiæ personæ* ; hæc enim non sufficienter explicant mysterium Trinitatis secundum proprietates personales , neque emanationem unius personæ ab altera . Idem est si conferatur , *In nomine Omnipotentis , & Sapientis , & Boni* , quæ non sunt nomina propria singulis personis , sed tantum appropriata .

QUAERES 7. An valeret Baptisma collatum in solo nomine Christi ?

Respondeo probabilius videri , quòd aliquando licuerit sic baptizare , ut cum Magistro dist. 3. docent *Alensis* 4. p. q. 8. memb. 3. art. 3. *S. Thomas* 3. p. q. 66. art. 6. ac *S. Bonaventura* dist. 3. p. 1. art. 2. q. 1. & *subtilis Doctor* ibidem q. 2. „ num. 9. ubi scribit : De quinto , scilicet „ de nomine Christi , patet , quòd ali- „ quando licitum fuit baptizare , Act. „ 2. 10. de Cornelio , & 19. sed an mo- „ do esset baptizatus , si sic traderetur , „ dubium est . Videtur quòd sic bapti- „ zans peccaret moraliter ; imò omni- „ no non baptizaret . Quod utique „ probat ; quia , *inquit* , legem superioris „ nullus inferior potest revocare , nec „ simpliciter , nec ad tempus : sed lex „ de baptizando in ista forma com- „ muni , *In nomine Patris , &c.* promul- „ gata fuit à Christo Matth. ult. ergo „ eam pro tempore , pro quo Christus „ non revocavit , nullus alius revocare

„ potest . Sed licet dispensaverit in illa „ lege , pro tempore primitivæ Eccle- „ siæ , quia fuit ratio dispensandi , ut „ divulgaretur nomen Christi : tamen „ illa ratione cessante , non dispensa- „ vit : ergo nullus inferior pro tempore „ illo posteriori , potest aliquid ad illam „ lege illa absolvi .

Huic doctrinæ , & assertioni adstipulantur SS. Patres , maxime *S. Ambrosius* lib. 1. de Spiritu sancto cap. 3. ubi ait : *Sicut qui benedicitur in Christo , benedicitur in nomine Patris , & Filii , & Spiritus sancti ; quia unum nomen , potestas una : ita etiam ubi operatio aliqua divina aut Patris , aut Filii , aut Spiritus designatur , non solum ad S. Spiritum , sed etiam ad Patrem refertur , & Filium : nec solum ad Patrem , sed etiam ad Filium refertur , & Spiritum sanctum . Denique & Æthiops Eanuchus Candace Regine baptizatus in Christo plenum mysterium consecutus est .* Et infra : *Nunc consideremus utrum quemadmodum in Christi nomine plenum esse legitur Baptismi Sacramentum ; ita etiam sancto Spiritu nuncupato , nihil deest ad plenitudinem .* Pro responsione subjungit : *Rationem sequamur ; quia qui hunc dixerit , Trinitatem signavit . Si Christum dicat , & Deum Patrem , à quo unicus est Filius , & ipsum , qui unicus est , Filium , & Spiritum sanctum , quòd unicus est , designasti .* Ac paucis interjectis : *Unde & rationi copuletur autoritas ; in Spiritu quoque relictè baptizare nos posse , Scriptura indicat , dicente Domino : Vos autem baptizabimini in Spiritu Sancto . Et alibi Apostolus ait : Omnes enim in unum corpus , in uno Spiritu baptizati sumus .*

Idem docuit Theophilactus quoque ult. cap. Lucæ ad questionem : *Quomodo Baptisma in nomine solius Christi fieri intelligamus , præsertim cum aliàs doceantur baptizare in nomine Patris , &c.* in responsione ait : *Christi nomen in se continet , & Patrem inungentem , &*
 un-

ait: *In quo ergo baptizati esis? qui dixerunt, In Joannis Baptismo: Nulla autem, inquit, & omnino aliena fuisset Apostoli interrogatio, si Baptismus tunc temporis conferri solitus esset in alia forma, quam in nomine Patris, & Filii, & Spiritus sancti; existimabat namque Apostolus eos non potuisse baptizari Baptismo Christi, quin noticiam habuissent Spiritus sancti, in cuius nomine, sicut & Patris, ac Filii, fuissent baptizati.*

Fateor tamen responderi posse huic eorum fundamento, idcirco Apostolum mirari, quod non audivissent quidquam de Spiritu sancto, quia cum essent adulti, prius baptizari non poterant, quin instructi fuisset de præcipuis fidei mysteriis, ac proinde novissimè tres esse in Deo personas: quippe divinæ Trinitatis mysterium primum est, ac caput omnium fidei mysteriorum.

Nec etiam obstat Canon. 49. Apostolorum: *Si quis Presbyter, aut Episcopus non trinam merionem unius mysterii celebrat; sed semel mergat in Baptismo (quod dare à quibusdam jubetur in morte Domini) deponatur: non enim dixit nobis Dominus: In morte mea baptizate; sed, Euntes, docete omnes Gentes, baptizantes eos in nomine Patris, & Filii, & Spiritus sancti.* Non, inquam, obstat: quia in illo Canone videtur tantum damnari quorundam hæreticorum error, qui idcirco per unicam merionem baptizabant, & in morte Christi, ut excluderent Trinitatem personarum, & Christi D. Divinitatem, quem errorem propagarunt Bonosiani, & Cataphryges, de quibus scribit Gregorius Quirino Episcopo in Iberia, lib. 9. epist. 61. & refertur de consecr. dist. 4. cap. 84. *Hi, inquit, hæretici, qui in Trinitatis nomine minime baptizantur, sicut sunt Bonosiani, & Cataphryges (quia & illi Christum D. non credunt, & illi sanctum Spiritum perverfo sensu esse, quemdam pravum hominem Montanum*

Tom. X.

credunt: quorum similes multi sunt) & alii tales; cum ad sanctam Ecclesiam veniunt, baptizantur, quia Baptisma non fuit, quod in errore positi in sanctæ Trinitatis nomine minime perceperunt. Quidquid sit de veritate alterutrius sententiæ, de qua nihil certi definire licet, cum utrinque appareant non improbabiles conjecturæ.

Respondeo secundo cum Doctore ibidem, certum esse, quod nunc temporis nulla ratione liceat Baptismum conferre in solo nomine Christi; Nam, inquit Doctor: videtur, quod sic baptizans peccaret mortaliter. Primum probatur: quia legem superioris nullus inferior potest revocare, nec simpliciter, nec ad tempus. Lex de baptizando in ista forma, communi: In nomine Patris, & Filii, &c. promulgata fuit à Christo, Matth. ult. ergo eam pro tempore, pro quo Christum eam non revocavit, nullus alius potest revocare.

Subsumit Doctor: Sed licet dispensaverit in illa lege pro tempore primitivæ Ecclesiæ, quia fuit ratio dispensandi, ut divulgaretur nomen Christi: tamen illa ratione cessante non dispensavit: ergo nullus inferior pro tempore illo posteriori potest aliquammodo à lege illa absolvi.

Consimiliter probatur secundum: quia forma tradita communiter, semper manet forma, nisi per formam institutorem pro aliquo tempore fiat aliqua dispensatio; sed forma non fuit dispensativè tradita, nisi pro tempore, pro quo fuit dispensandi ratio; scilicet in Ecclesiâ primitivâ, ut nomen Christi divulgaretur: ergo tempore illius dispensationis cessante, forma illa sola manet, quæ fuit forma ex institutione.

Et concludens interrogat: Quid ergo? Non audeo dicere, quod baptizatus hodie in nomine Christi, esset baptizatus; sed nec audeo dicere, quod

M m

quod

quod non esset baptizatus; quia non lego ubi fuerit illa dispensatio revocata. In hoc ergo casu reputo dubium, an talis sit baptizatus.

Quod autem Baptismus in nomine Christi collatus esset nunc invalidus, colligitur ex epistola Pelagii summi Pontificis ad Gaudentium Episcopum, & refertur dist. 4. de Consecr. cap. 81. his verbis: *Multi sunt, qui in nomine solum modò Christi, una etiam merfione se affirunt baptizare. Evangelicum verbò preceptum ipso Deo, & Domino Salvatore nostro Jesu tradente, nos admonet in nomine Trinitatis, trina etiam merfione sanctum baptismum unicuique tribuere, dicente Domino Discipulis suis (Ite baptizate omnes Gentes in nomine Patris, & Filii, & Spiritus sancti.)*

Confirmatur ex cap. 83. ejusdem distinctionis, quod est Zachariae Papae ad Bonifacium Episcopum in epistola, cujus initium: *Sacris liminibus*, in qua sic scribit Pontifex. *In Synodo Anglicae decretum, & judicium firmissimè preceptum, & diligenter demonstratum esse dignoscitur, ut quicumque sine invocatione Trinitatis merfus fuisset, Sacramentum regenerationis non haberet. Quod omnino verum est, quia si lotus in fonte Baptismatis quis fuerit sine invocatione Trinitatis, perfectus Christianus non est, nisi in nomine Patris, & Filii, & Spiritus sancti fuerit baptizatus. Hoc quoque observari in praedicta Synodo Sacerdotes voluerunt; ut qui vel unam de Trinitate personam in Baptismo non nominaret, illud Baptisma esse verum non posset. Quod pro certo verum est; quia qui unam ex sancta Trinitate personam confessus non fuerit, perfectus Christianus esse non potest. Qui enim confitetur Patrem, & Filium, si confessus non fuerit, & Spiritum sanctum, neque Patrem habet, neque Filium, & qui confessus fuerit Patrem, & Spiritum sanctum, & Filium non fuerit confessus, neque Patrem habet, neque Spiritum sanctum,*

sed vacuus est à divina gratia.

Nec refert, quod Nicolaus affirmit Baptismum in solo Christi nomine esse validum; quod confirmat autoritate S. Dionysii. *Respondeo* enim Nicolaum hæc dixisse tantum obiter, & non ex professo, non enim fuerat interrogatus, utrum valeret Baptismus ratione formæ, sed solum utrum obstaret valori Baptismatis, quod Minister esset Judæus. *A quodam*, inquit, *Judæo, necitis utrum Christiano, an pagano, &c.*

Respondet autem Baptismus valere, siue fuerit Christianus, siue paganus, dummodò usus fuerit legitima forma. Porro quæ esset legitima forma, ibi non quærebatur, sed occasione inde sumpta explicat suam opinionem, quam ipse de illa tanquam Doctor particularis tenebat, putà quod valeat hæc forma: *Ego te baptizo in nomine Christi*, ductus autoritate Scripturæ, & sancti Ambrosii quam allegat.

Potuit autem facile fieri, ut Nicolaus non viderit responsum Pelagii, & Zachariae, cum tunc temporis decreta Conciliorum, & Pontificum nondum essent in jure canonico collecta, & ordinata: vel si cognoverit, forsitan aliter duxit ea explicanda, quam modò universalis Ecclesia intelligit: videlicet vel de implicita invocatione Trinitatis contra hæreticos, qui baptizabant in mortem Domini unica merfione, ut excluderent Trinitatem, & Divinitatem Christi, vel de explicita contra illos, qui unam personam nominabant cum positiva exclusionem, & errore circa alias.

ARTICULUS SECUNDUS.

De Ministro, & subjecto Baptismi.

EX præcedenti Disputatione jam satis apertè liquet ordinatum baptismi, sicut & aliorum Sacramentorum, Ministrum, & subjectum esse dum-

dumtaxat hominem viatorem; cum enim Sacramenta animarum sint medicamenta, quæ nec mortuis, nec perfectè sanis quidpiam prodesse possunt: hinc est, quod nec pro damnatis, nec pro Beatis in termino jam existentibus, sed tantum pro viatoribus hominibus, quibus adhuc salus affulget, instituta censeantur. Iusta itaque, ac omnino sapienti ordinatione divinitus factum est, ut soli mortales homines sacramentorum beneficio, ac ministerio mortalibus opitarentur. Quocirca hic dumtaxat determinandum superest, quinam sint capaces tum ministrandi; tum suscipiendi Baptismatis: quod utique declarabimus in quatuor sequentibus questionibus.

QUESTIO PRIMA.

Quis sit idoneus Minister Baptismi.

Notandum primò, Baptismum dupliciter administrari posse, primò solemniter, & cum omni publico ritu, & Ecclesiasticis cæremoniis adhiberi solitis, dum Baptismus ab Ecclesiæ Ministris publicè confertur, secundò, *citra solemnitatem* omnem, seu omittis omnibus cæremoniis, & adhibitis dumtaxat, quæ essentialia sunt ad validam Sacramenti confectionem. *Insuper* Baptismus conferri potest, vel in casu urgentis necessitatis, nimirum si instet mortis periculum, vel extra necessitatis casum, dum videlicet baptizandus integra sanitate fruitur. Hinc duplex distingui potest Sacramenti Minister, unus quidem solemnitaris; alter verò necessitatis. *Rursus* Baptismi solemniter administrandi alius esse potest *ordinarius* Minister, cui ex proprio munere competit baptizare; alter verò *extraordinarius*, qui hanc facultatem habet ex conditione, & delegatione. Queritur ergo, quis sit idoneus Minister Baptismi solemniter, & citra casum neces-

tatis, vel non solemniter, & urgente necessitate conferendi.

Notandum secundò, in Sacramentorum administratione, sicut & in plurimis humanis actibus, aliud esse, quod aliquid fiat *validè*, aliud verò quod fiat *licitè*. Primum enim respicit substantiam rei, quæ affirmatur fieri validè, ita ut illa stet integra, & omnibus suis partibus constans, abstrahendo ab eo, quod qui illam exercet, peccatum incurrat, nec-ne: secundum verò spectat ad conscientiam facientis, ita quod qui rem exequitur, non solum illam faciat quatenus fieri debet, ut sit integra, & perfecta secundum se; sed etiam ut fiat modo debito, & ut præscribitur à Superiore ejusmodi rei confectionem ordinante. Cæterum hic de utroque modo conferendi Baptismum movetur questio: utrum videlicet omnibus omnino hominibus sive fidelibus, sive infidelibus, non solum validè, sed etiam licitè competat urgente necessitate, vel citra necessitatem baptizare.

Notandum tertio, quod etiam conveniant *Lutherani* cum Catholicis quolibet privatum Fidelem, etiam mulierem, in casu necessitatis non solum validè, sed etiam licitè baptizare, ut expressè docet *Hunnius* opusc. de Sacrament. cap. de Baptismo, ubi ait: illud etiam esse articulum confessionis Augustinæ, nihilominus refragantur *Calvinistæ* cum suo hæresiarcha, qui lib. 4. instit. cap. 25. licet non ita apertè mentem declarat, utrum loquatur tantum *de licito*, an etiam *de valido*, ita agit ut videatur velle, solos Verbi divini Ministros, Ecclesiæ Pastores legitimè vocatos, posse validè baptizare, & si mens, & intentio illius sit inquirenda ex ipso Beza, ita esse constabit: hic enim lib. quæst. & responsum de Sacramentis qu. 140. interrogatus de Baptismo administrato à privatis personis, ministerio non fungentibus, respondet *illum non esse pluris faciendum, quam id quod*

Regis, aut Reipub. nomine privatus quispiam pro libito gereret, aut quàm fabulosa. At satis constat id fore nullum, & non solum illicitum, quod privatus aliquis pro libito faceret nomine ipsius Regis, aut Reipub. ex defectu potestatis ab illa ad hoc faciendum acceptæ, similiter & istud quod est fabulosum. Unde etiam Idem Beza quæst. 144. de Sacramentis impudenter ait, se præferre Baptismum à Sathana, & diabolo sese pro verbi divini ministro gerente collatum, Baptismo per mulierem, aut privatum fidelem conferendo.

CONCLUSIO PRIMA.

Quilibet homo viator rationis compo-
por valide semper, & si urgeat
necessitas licetè baptizare potest
privatim, & sine solemnitate. Hæc est
de fide determinata in Concilio Late-
ranensi sub Innocentio tertio, & re-
fertur cap. Firmiter, ubi statuitur, Sa-
cramentum Baptismi . . . tam parvuli,
quàm adulti in forma Ecclesiæ à quocumque ritè collatum, profevit ad salu-
tem.

Quam utique determinationem di-
stinctius innovavit, & confirmavit
Concilium Florentinum in Decreto
Eugenii, ubi de Ministro Baptismatis
sic legimus. *Minister hujus Sacramenti
est Sacerdos, cui ex officio competit ba-
ptizare: in causa autem necessitatis, non
solum Sacerdos, vel Diaconus: sed etiam
Laicus, & mulier, imò etiam Paganus,
& hereticus baptizare potest, dummodo
formam servet Ecclesiæ, & facere inten-
dat quod facit Ecclesia.*

De Sacerdote, & Diacono dicemus
conclusionem sequenti. De Paganis au-
tem, & infidelibus aperte docet Isido-
rus, ut refertur dist. 4. de consecratione
cap. 23. his verbis; *Romanus Pontifex
non hominem judicat, qui baptizat, sed
Spiritus Dei subministrare gratiam
Baptismi, licet paganus sit, qui bapti-
zet.* Idem docet Nicolaus primus, ad
Consulta Bulgarorum ca. 104. ut refer-

tur ibidem cap. sequenti, ubi legimus:
*A quodam Judæo nescitis, utrum Chri-
stiano, an pagano, multos in patria ve-
stra baptizatos asseritis, & quid de iis
sit agendum consulitis. Hi profecto si in
nomine sanctæ Trinitatis, vel tantum in
nomine Christi, sicut in Actibus Apo-
stolorum legimus, baptizati sunt . . .
constat eis non esse denuò baptizandos.*
Quantum autem ad hereticos jam suf-
ficienter constat ex dictis in priori Di-
sputatione, ubi probavimus Baptismum
ab hereticis collatum esse validum.

Porro Baptismum à quocumque ritè
collatum in forma Ecclesiæ constanter
docet S. Hieronymus in dialogo contra
Luciferanos ca. 4. & S. Augustinus lib. 2.
contra Parmenianum cap. 23. ubi ait:
*Et si Laicus aliquis pereunti dederit
(baptisma) necessitate compulsus, quod
cum ipse acciperet, dandum esse addi-
cit, nescio anpiè quisquam dixerit esse
repetendum. Nulla enim egente neces-
sitate si fiat, alieni muneris usurpatio est:
si autem necessitas urgeat, aut nullum,
aut veniale delictum est: sed etsi nulla
necessitate usurpetur, & à quolibet cui-
libet detur, quod datum fuerit non potest
dici non datum, quamvis ritè dici possit
illicitè datum.*

Eos præter Tertullianus lib. de
Baptismo cap. 17. ubi cum dixisset Ba-
ptizandi officium ex æquo spectare ad
Episcopos, de hinc ad Presbyteros,
postmodum ad Diaconos, non verò ad
Laicos, addit, Laicum alloquens: *Suf-
ficias scilicet in necessitatibus, ut utaris,
se ubi aut loci, aut temporis, aut per-
sonæ conditio compellit: tunc enim con-
stantia succurrentis excipitur, cum ur-
get necessitas periclitantis: quoniam reus
erit perditioni homini, si superfederit præ-
stare, quod libere potuit.*

Obijcit primo Calvinus: Illi soli va-
lide baptizare possunt, quibus Christus
D. baptizandi facultatem contulit: sed
eam dedit solis divini verbi Ministris
legitimè vocatis; Tum, quia *Matth.*
ult.

ult. Christus D. Baptismum conferendum præcipiens, solos Apostolos alloquitur, ac eorum successores; Tum, quia ibidem conjungit prædicationem Verbi divini cum administratione Baptismi, dicens: *Ite, docete omnes Gentes.*

Respondeo, concessa majore, distinguendo minorem: Solis Apostolis, & divini verbi Ministris Christus D. dedit facultatem baptizandi publicè, & solemniter, concedo; privatim, & in casu necessitatis, nego. *Ad probationem* autem dico, eo loco Christum D. non de iis Apostolis simplicem potestatem baptizandi, quam etiam ante Passionem, cum necdum essent Sacerdotes, aut Episcopi, habebant, & exercebant; sed iis jam Episcopis dedit speciale mandatum, & simul contulit jus primum publicè, & solemniter prædicandi Evangelium, ac ministrandi Baptismum.

Obijcit secundo, Illud Concilii quarti Carthaginensis, cap. 100. *Mulier quantumvis docta, & sancta viros in conventu docere, vel aliquos baptizare non præsumat.* Similiter Tertullianus pluribus docet Baptismum esse mulieribus interdictum, maximè lib. de velandis Virginibus, cap. 9. & lib. de præscriptionibus, cap. 42. & lib. de Baptismo, c. 17. ubi ait: *Petulantia autem mulierum, quæ usurpavit docere, atque non etiam tingendi jus sibi pariat.*

Respondeo, tam Concilium, quam Tertullianum proscribere, ac damnare quarundam mulierum, maximè Marcionistarum petulantiam, & audaciam, quæ etiam citra necessitatem baptizandi, non solum privatim, sed & solemniter officium usurpabant, unde loco supra laudato de velandis Virginibus ait: *Non permittitur mulieri in Ecclesia loqui, sed nec docere, non tingere, nec offerre, nec ullius virilis muneris, nec dum Sacerdotalis officii sortem sibi vendicare.*

Obijcit tertio Gregorium secundum

epistolâ ad Bonifacium Episcopum, & refertur de consecratione *dist. 4. cap. 52.* ubi ait: *Quos à Paganis baptizatos esse asseruisti, si ita habetur, ut denno baptizet in nomine Trinitatis, mandamus.* Insuper S. Augustinus lib. 2. contra epistolam Parmeniani, cap. 13. dubitat, *utrum ab iis, qui nunquam fuerunt Christiani, possit Baptismus dari?* Respondet autem, *nec aliquid temerè inde affirmandum est sine autoritate tanti Concilii, quantum tante rei sufficit.* Denique in Concilio Eliberitano, Can. 38. permittitur solum baptizatis, & prohibetur Bigamus in necessitate baptizare; habet enim: *Peregrè navigantes, aut si Ecclesia in proximo non fuerit, posse fidelem (qui lavaerum suum integrum habet, nec sit Bigamus) baptizare in necessitate infirmitatis postum Catechumenum.* Igitur non omnes possunt etiam in necessitate validè baptizare.

Nego consequentiam, & ad Gregorium II. dico eum loqui de *Baptizatis ritu Pagano*, non autem ritu Ecclesiastico; observat Glossa ad præfatum, c. 52. *dist. 4.* quod utique insinuat etiam Pontifex, ait enim ibidem, *quisquis in nomine Patris, & Filii, & Spiritus sancti baptizatus est, rebaptizare eum minimè licet.*

Ad S. Augustinum dico, eum non revocare in dubium, quin Baptismus à Laicis in necessitate collatus sit validus; quamquam enim non audeat aperte affirmare validum esse, si conferatur à non baptizato; tamen id absolute non negat; imò disertè assereret si nunc viveret; ait enim, hoc non esse constanter asserendum sine autoritate Concilii: habemus autem auctoritatem apertam Concilii Florentini id affirmantis; ac subinde eam veritatem nobiscum jam propugnaret S. Augustinus.

Ad Canonem Concilii Eliberitani dico, per eum tantum significari, quod in casu necessitatis non Baptizatus, & bigamus non debeat ministrare Baptismum

num in præsentia baptizati non bigami; alioqui Baptismus ille esset illicitus, nec ministraretur sine peccato, non tamen propterea foret invalidus.

CONCLUSIO SECUNDA.

Minister ordinarius Baptismi solemniter, aut privatim citra necessitatem conferendi, est solus Sacerdos Episcopus, aut Curatus; delegatus autem potest esse quilibet Sacerdos, imò etiam, & Diaconus. Illam apertè tradit Tertullianus lib. de Baptismo, cap. 7. ubi ait: *Dandi quidem Baptismum habet vim summus Sacerdos, qui est Episcopus; de hinc Presbyteri, & Diaconi, non tamen sine Episcopi auctoritate, propter Ecclesiæ honorem.* Illam etiam veritatem declarat Concilium Florentinum verbis in priori conclusione laudatis. Et S. Isidorus lib. 2. de Officiis, cap. 24. & refertur de consecratione dist. 3. cap. 9. ubi scribit: *Constat Baptisma solis Sacerdotibus esse tractandum: ejusque mysterium nec ipsi Diaconis explere est licitum, absque Episcopo, vel Presbytero, nisi his procul absentibus ultima languoris necessitas cogat.* Porro hujus assertionis rationem congruam profert Doctor dist. 6. quæst. 1. num. 3. ubi cum dixisset: *Congruum est inter viatores solum Sacerdotem baptizare, & soli Sacerdoti congruit ex officio,* subdit: *Cujus ratio est; quia per Baptismum recipitur baptizatus in collegium Ecclesiæ militantis: receptio autem alienius in collegium pertinet ad Presidentem, & habentem auctoritatem in collegio; ideo quando aliquis haberet majorem auctoritatem in Ecclesia, tanto magis pertineret ad eum recipere, & introducere in Ecclesiam, & per consequens baptizare.* Unde magis competere Episcopo, quam simplici Sacerdoti, si sufficere possent Episcopi: sed propter paucitatem Episcoporum, & pluralitatem baptizandorum, regulariter conceditur omnibus Sacerdotibus.

Hæc autem Doctoris sententia, quam afferit ex officio omnibus Sacerdotibus

convenire facultatem baptizandi, intelligenda est, ut optimè observat Hyquæus in commentario ad hunc locum num. 29. quantum ad capacitatem, & in casu necessitatis quantum ad effectum, seu officium: vel illa distributio intelligenda est pro generibus singulorum, quoad eos, quibus ex cura, vel ex concessione Parochorum in proprio districtu, aut Episcopi auctoritatem habent; quia nempe ex usu jam solis Presbyteris ministerium hoc tribuitur: nam rarus est Episcopus, qui illud exhibet, nisi in prærogativam personæ alicujus, ut Principum, aut Magnatum.

QUÆRES, Quisnam sit servandus ordo inter Ministros Sacramenti Baptismatis?

Respondeo cum Catechismo Concilii Tridentini p. 2. tit. de Baptismo mi Ministro, triplicem esse eorum ordinem; ac in primo quidem Episcopos, & Sacerdotes collocandos esse: quibus datum est: ut jure suo, non extraordinaria aliqua potestate, hoc munus exerceant. Id enim Apostolis præceptum est à Domino: *Euntes baptizate*: quamvis Episcopi, ne graviores illam docendi populi curam deferere cogerentur, Baptismi ministerium Sacerdotibus relinquere soliti essent.

Quòd verò Sacerdotes jure suo hanc functionem exercent, itaut præsentè etiam Episcopo ministrare Baptismum possint, ex doctrina Patrum, & usu Ecclesiæ constat. Nam cum ad Eucharistiam consecrandam instituti sint, quæ est pacis, & unitatis Sacramentum: consentaneum fuit, potestatem iis dari omnia illa administrandi, per quæ necessariò hujus pacis, & unitatis quilibet particeps fieri posset.

Quòd si aliquando Patres Sacerdotibus, sine Episcopi venia, baptizandi

zandi jus permissum non esse dixerunt, id de eo Baptismo, qui certis anni diebus solemnī cæremōnia administrari consueverat, intelligendum videtur. Secundum Ministrorum locum obtinent Diaconi, quibus sine Episcopi, aut Sacerdotis concessu, non licere hoc Sacramentum administrare, plurima SS. Patrum decreta testantur.

Extremus ordo illorum est, qui, cogente necessitate, sine solemnibus cæremōniis baptizare possunt, quo in numero sunt omnes, etiam de populo, sive mares, sive fœminæ, quæcumque illi sectam profiteantur. Nam & Judæis quoque, & infidelibus, & hæreticis, cùm necessitas cogit, hoc munus permissum est: si tamen id efficere propositum eis fuerit, quod Ecclesia Catholica in eo administrationis genere efficit...

Neque verò hoc munus ita omnibus promiscuè permissum esse Fidelibus arbitretur, quin ordinem aliquem Ministrorum statuere maxime deceat. Mulier enim, si mares adsint, Laicus item præsentem Clerico, tum Clericus coram Sacerdote, Baptismi administrationem sibi assumere non debent. Quamquam obstetrices, quæ baptizare consueverunt, improbandæ non sunt, si interdum, præsentem aliquo viro, qui hujus Sacramenti conficiendi minimè peritus sit, quod alias viri magis proprium officium videretur, ipsæ exequantur. Idem statuitur in Rituali Romano, tit. de Baptismo, §. de Ministro Baptismi, ubi cùm determinasset: *Quoties infans, aut adultus versatur in vita periculo, potest sine solemnitate à quocunque baptizari in qualibet lingua, sive Clerico, sive Laico, etiam excommunicato, sive fidei, sive infidei, sive Catholico sive hæretico, sive viro, sive fœmina, servatâ tamen formâ, & intentione Ecclesiæ: statim subdit: Sed si adsit Sacerdos, Dia-*

cono præferatur, Diaconus, Subdiacono, Clericus Laico, & vir fœmina, nisi paucioris gratiâ debeat fœminam, potius quàm virum baptizare infantem non omnino editum, vel si melius fœmina sciret formare, & modum baptizandi.

CONCLUSIO TERTIA.

Ita necessariò baptizans distingui debet personaliter à baptizato, ut nullus seipsum baptizare possit. Est communis apud omnes eamque decrevit Innocentius III. epistolâ ad Episcopum Metensem, ut refertur cap. *Debitum de Baptismo*, & ejus effectû, ubi scribit: *Sandè intimasti, quòd quidam Judæus in mortis articulo constitutus, cùm inter Judæos tantum existeret, in aquam se ipsum immergit dicendo: Ego me baptizo in nomine Patris, & Filii, & Spiritus sancti, Amen.*

Et infra. Respondemus, quòd cùm inter baptizantem, & baptizatum debet esse discretio, sicut ex verbis Domini colligitur, dicentis Apostolis: *Ite baptizate omnes Gentes in nomine Patris, & Filii, & Spiritus sancti*; memoratus Judæus est denuò ab alio baptizandus: ut ostendatur, quòd alius est, qui baptizatur, & alius qui baptizat. Ad quod etiam designandum ipse Christus non à seipso, sed à Joanne voluit baptizari: quævis si talis continuò decessisset, ad patriam protinus evolasset, propter Sacramenti fidem, est non propter fidelis Sacramentum. In Baptismo quippe illa spiritualis generatio celebratur, de qua Veritas ait: *Oportet vos nasci denuò: quia nisi quis renatus fuerit ex aqua, & Spiritu, non intrabit in regnum celorum.* Sicut ergo in carnali generatione, qua proles ex viro, & fœmina nascitur, alius est, qui carnaliter gignit, & alius qui carnaliter gignitur: sic in sacramentali generatione, qua soboles ex aqua, & Spiritu sancto renascitur, alius debet esse, qui spiritualiter generet, & alius qui

„ qui spiritualiter generetur: Sanè cùm corpus exterius, sive cùm cor interius baptizatur, oportet, ut utrobique Paternitas, & Filiatio valeat inveniri, quibus baptizans, & baptizatus ad invicem referantur. Ita S. Pontifex.

Quàm utique determinationem sic expendit Doctor *dist. 6. quæst. 4. num. 2.* dicens quodd ab Innocentio summo Pontifice ad hujus rei confirmationem profertur simul figura, auctoritas, & ratio congrua: *Figura* quidem quia Christus, *inquit*, ad hoc signandum, non à se, sed à Joanne baptizari voluit. Auctoritas colligitur ex verbis Domini dicentis Apostolis, *Matth. ult. Ite, baptizate omnes Gentes in nomine Patris, &c.* ubi Discipulos exprimit in secunda persona, & baptizatos in tertio. Ratio quæ innuitur ibi, est ista, quia in Baptismo celebratur illa spiritualis generatio, de qua Veritas ait Joan. 3. *Oportet vos nasci denuo*. Sicut ergo in carnali generatione alius est qui gignit, & alius, qui gignitur: ita, & in sacramentali generatione, alius debet esse qui spiritualiter generat, & alius, qui spiritualiter generatur.

Dices: Sacerdos sibi ipsi in Missa ministrat Eucharistiæ Sacramentum: igitur potiori jure posset aliquis in extremis constitutus sibi ministrare Sacramentum Baptismi.

Negat consequentiam, Doctor ibidem *num. 13.* & rationem disparitatis profert; quodd, *inquit*, *susceptio Eucharistiæ non est Sacramentum, sed est sacramentalis comestio, seu perceptio: Baptismus autem est Sacramentum.*

Deinde sibi objiciens, Sacerdos saltem ministrat sibi Sacramentum Eucharistiæ: ergo pari ratione posset sibi ministrare Sacramentum Baptismi.

Negat similiter consequentiam: quia, *inquit*, ministratio Sacramenti Eucharistiæ, non est Sacramentum; siquidem

Sacramentum istud non consistit in usu ministratio verò Sacramenti Baptismi, est ipsum Baptismi Sacramentum. Hanc autem rationem diversitatis profert: *Quia Sacramentum Baptismi consistit in usu essentialiter, & non in aqua. Eucharistia autem est quoddam permanentis distinctum ab usu Sacramenti: quamvis ergo aliquis posset esse in usu Sacramenti permanentis, Minister, & suscipiens illum usum: non tamen potest hoc in Sacramento, quod essentialiter consistit in usu.*

CONCLUSIO QUARTA.

Uno licet, & validè plures simul baptizari possunt. Ita Doctor *dist. 6. quæst. 1. num. 6.* ubi ait: De tertio membro divisionis conceditur, quodd iste plures simul aspergens, vel infundens, & simul proferens formam, in plurali, dicendo, *Ego baptizo vos*: baptizat simul omnes; tamen peccat mortaliter; quia non servat formam impositam sibi ab Ecclesia, nisi fortè esset tanta necessitas, quodd immineret mors omnium: & si quando singulos baptizaret singillatim, aliquis eorum moreretur antequam ceteros baptizasset.

Subdit infra: An autem casus necessitatis, qui positus est de pluribus statim morituris excusaret Ministrum utentem illa forma: *Baptizo vos*; à peccato mortali, dubium est. Videtur tamen hoc rationabile: quia ex quo in potestate Ecclesiæ fuit determinare istam formam ad illa verba, *baptizo te*: non videtur, quodd ipsa voluerit aliquem ita præcise ad illam formam arctare, ut per hoc alicui præcluderetur via salutis. In casu autem prædicto alicui illorum, præcluderetur salus, si quis sine peccato mortali non posset uti ista forma, *Baptizo vos*: nam si in eo casu esset peccatum mortale, nullus deberet eos sic baptizare; nullus enim debet salutem alterius procurare, pec-

„ peccando in se mortaliter. Ita Doctor subtilis cui consentiunt Alenſis, S. Bonaventura, & S. Thomas qu. 67. art. 6. ad 2. ubi ait: In casu necessitatis unus posset plures simul baptizare sub hac forma, *Ego vos baptizo*, putà si immineret ruina, aut gladius, aut aliquid huiusmodi, quod omnino moram non pateretur, ut singulati omnes baptizarentur. Nec per hoc diversificaretur forma Ecclesiæ, quia plurale non est nisi singulare geminatum: præsertim cum pluraliter dicatur Matth. ultim. *Baptizantes eos*, &c.

Ratio igitur hujus assertionis est, quia eo in casu nihil deficit requisitum ad valorem Sacramenti, nec ex parte materiæ, nec ex parte formæ. quia illa variatio formæ de singulari in plurale, quoad particulam *vos*, requiritur dumtaxat ex parte subjectorum: ac proinde hæc variatio non irritum facit Sacramentum.

Confirmari potest etiam ex facto Apostolorum, qui, ut legimus *Actor. 2.* una die plura hominum millia baptizarunt: nō enim poterant singulati singulos baptizare.

PETES, *Utrum eo in casu plura essent Baptismata?*

Respondet Doctor *ibidem*: Videtur, quòd sic: quia plures sunt baptizati, & per consequens plures baptizationes passivæ, & ita plures actiones, & plures Baptismi. Deinde obijcit Doctor, quia non est nisi una forma; nam verba tantum sunt semel prolata. Respondet, Posset tamen magis concedi, quòd sunt plures Baptismi. Et tunc ad argumentum dicendum, quòd non oportet ad plurificationem alicujus, omnia, quæ sunt in illo, plurificari; sed sufficit aliquod eorum plurificari, ad hoc quòd totum plurificetur. Et illa etiam forma non est simpliciter

Tam. X.

„ una, quia *ly vos*, includit in se singulare, quòd pluries geminat.

QUÆRES, *Utrum etiam plures simul eundem baptizare possint?*

Respondet Doctor num. 2. quòd plures baptizare possit intelligi duobus modis; itaut baptizent vel eundem suscipientem, vel plures suscipientes, & utrumque adhuc subdividitur, quia si eundem, vel uterque totum facit, vel unus abluit, & verba alius proferat, putà si unus est mutus, & tantum abluit; alter mancus, qui verba proferat. Secundum etiam membrum subdividitur, quia si baptizat plures, vel manifestè distinctos, vel non ita manifestè, ut in ministro: de quo dubitatur si sit una persona, vel due. His ita præmissis.

Respondet Doctor, quòd quando plures simul baptizant; ita ut unus verba proferat, alter abluat, Baptismus est nullus. Dico, inquit num. 5. quòd utroque seorsim aliquid faciente, & neutro totum simul sic ablutente, & proferente verba, nihil fit. Nec est alia ratio, nisi institutio Dei, qui, sicut voluit esse unum principale agens, ita voluit habere unum Ministrum in collatione integra Sacramenti. Eandem ferè rationem proferat S. Thomas qu. 67. art. 6. ubi ait: *Ex tali forma nos te baptizamus*, exprimitur talis intentio, quòd plures conveniant ad Baptismum conferendum, quòd videtur esse contra rationem ministerii: homo enim non baptizat nisi ut Minister Christi, & vicem ejus gerens: unde sicut unus est Christus, ita oportet esse unum Ministrum, qui Christum representet. Propter quòd sequanter Apostolus dicit Ephesiorum 4. *Unus Dominus, una Fides, unum Baptisma*: & ideo contraria intentio videtur excludere Baptismi Sacramentum.

Si verò uterque simul abluat, & verba proferat, validus esset Baptismus: quia,

N n

quia,

quia, inquit Doctornum. 2. non est verisimile, quod unus faciens annullat factum alterius: sed si tantum unus eorum faceret, quod facit, factum esset: ergo pariter quod facit, factum est, alio similiter faciente. Signanter dixit (similiter) hoc est, dum uterque in eodem instanti physico simul absolvit materiam, & formam: si quis enim prius, quam alter materiam, & formam ministraret, solus ipse validè baptizaret, & actio alterius esset vera rebaptizatio. Quod etiam docet S. Thomas loco mox laudato, ubi scribit. Si uterque diceret. Ego te baptizo, in nomine Patris, &c. tunc manifestum est, quod ille, cui prius verbum proferret, daret Baptismi Sacramentum. Si autem omnino si utriusque proferant, & hominem immergerent, vel aspergerent; uterque quantum in se est, baptizaret; nec traderent aliud, & aliud Sacramentum, sed Christus, qui est unus interius baptizans, unum Sacramentum per utrumque conferret.

Dices primò: Unus, & idem effectus procedere nequit à duabus causis totalibus non subordinatis: sed si duo possent simul baptizare, Baptismus ille procederet à duabus causis totalibus adequatis, nec invicem subordinatis: igitur, &c.

Respondet Doctornum. 3. distinguendo majorem. Non potest procedere effectus à duabus causis totalibus induentibus formam effectivè, concedit; producentibus effectum dumtaxat ministerialiter, negat; Baptismi autem effectus à duobus illis Ministris producit tantum ministerialiter; nam solus Deus gratiam sacramentalem effectivè producit.

Urgetur: Saltem uterque Minister inducit formam Baptismi, & ut sic sunt duæ causæ, & utraque totalis.

Respondet Doctornum ibidem, quod si uterque abluat, neuter in abluendo est causa totalis, & hoc sive ablutio, fiat immergendo (tunc enim mo-

vent corpus immergi uno motu causato à virtute motiva amborum: & licet alter posset illum motum causare, tamen quando simul movent, neuter utitur tota sua virtute motiva, quæ posset ea uti, sicut apparet, quando duo portant unum pondus, quod alter solus posset portare) sive fiat perfundendo, vel aspergendo, licet uterque madefaciat aqua à se infusa, vel aspersa; neuter tamen madefacit tota illa madefactione, quæ est per asersionem amborum. Instat ibidem Doctornum: Uterque est causa totalis respectu prolationis verborum; & sic quantum ad unam partem effectus exterioris, qui est Sacramentum, erunt duæ causæ totales, & hoc est impossibile, ita de parte effectus, sicut de toto.

Respondet, id vix contingere: quia, inquit, difficile est, quin alterius verba superfluant, ita quod non sint per se pars unius Sacramenti: quia ponere duo ejusdem rationis esse partes unius, quod simpliciter esset perfectum, habendo alterum eorum pro parte, videtur superfluum. Quæ autem superfluant: & cujus proferentis, difficile est assignare: quia quæ ratione illa, & ista, & ita utraque, vel neutra, quia uterque æquè completè, & consimili intentione profert. Ita Doctornum.

Quibus significat eo in casu, quod duo simul in eodem instanti abluerent, & verba proferrent, esset duplex Sacramentum Baptismi, quia esset duplex signum sacramentale completum, & perfectum, intrinsecè, & essentialiter. Unde statim subdit: *Responsionem quære*, id est, quærat responsionem præfatæ objectioni, cui placet sententia asserens, quod in tali casu non sunt plura Baptismata.

Urgetur: Non potest una, & eadem persona duobus distinctis numerò Baptismatibus baptizari: igitur eo in-

casu non essent duo Baptismata.

Distinguo antecedens: Passivè, concedo: activè, nego: hoc est, eadem persona non potest revera suscipere duplicem effectum ablutionis Baptismalis; ubi enim semel remissum est originale peccatum, non iterum remitti potest; quamquam duo concurrerent ad ministrandum Sacramentum, per quod fit talis remissio. Unde ibidem Doctor nu. 4. colligit, *Quod Sacramentum Baptismi magis est baptizatio passiva, quam activa, quia plurificatà Baptizatione activa, non plurificatur passiva, nec Baptismus, quia passiva est una. Ipsi autem illatum videtur probabile, quia baptizatus propriè suscipit Sacramentum, suscipit autem propriè ablutionem passivam, & non activam, nisi dicatur idem realiter.*

De tertio, & quarto membro distinctionis prædictæ, hic non est sermo; quippe plures à pluribus, imò etiam, & ab unico valdè baptizari possunt, ut mox diximus: qualiter autem agendum sit circa monstrum ibidem disertè n. 7. aperit Doctor, ubi scribit: *Dico, inquit, quòd si tempus haberi potest ad discernendum, an monstrum sit simpliciter una persona, vel duæ, de hoc haberi debet diligens inquisitio antequam baptizetur.*

Sed unde. Vel ex partibus, inquit, corporis, putà si sint duo capita, vel duæ spinæ dorsi, vel principale indicium de cordibus; sed illud non potest esse faciliter evidens, dum vivit. Sed nec signum de duobus capitibus esset omnino certum: quia possibile esset aliquam cellulam in matrice esse perforatam per totum, præterquam in parte superiori, & tunc concurrerent partes seminis cadentes in diversis incastraturis matricis, pro tota parte inferiori, & tunc distinguerentur in parte suprema, & ibi formarentur duò capita, cum tamen reliqua materia non sufficeret, nisi pro formatione unius personæ,

Breviter, evidentissimum signum, distinguendi est per intellectus, & voluntates: Si enim sunt duæ animæ, non est necessarium unam scire quidquid sciat alia, & velle quicquid vult alia: tamen raro, vel nunquam accidit; quòd sint duæ animæ, quia sint duo capita, vel duæ partes principales capitis, licet non è converso. Et si quòd modò possit deprehendi diversitas intellectuum in intelligendo, putà quòd per aliquod signum deprehenderetur idem sciri, & nesciri: vel possit deprehendi diversitas voluntatum, putà quòd esset ibi velle, & nolle de eodem, absque dubitatione tenendum esset, quòd essent ibi duæ animæ.

Sed istud non potest judicari, nisi de monstro adulto, quale ponitur fuisse in Francia habens duo capita, quorum unum expressit nolle de eo, de quo aliud expressit velle. Unum enim voluit continere, & sobriè vivere; & aliud lascivire, & epulari: & cum unum per os suum excederet, reliquum clamabat, se gravari. His præmissis de signis unius, vel duplicis persone in monstro, hanc statuit Doctor resolutionem.

De tali monstro dico, quòd si certitudo potest haberi, & sine partes, de quibus patet, quòd pertinent ad distinctas personas, separatim perfundi deberet ista pars, & illa, cum iteratione formæ in singulari super utrumque. Si autem certitudo haberi non possit, baptizandus est saltem in illis partibus, quæ principaliter pertinent ad unum, cum forma in singulari: & secundò abluendæ sunt aliæ partes, quæ non videntur principaliter pertinere ad illum primum, & hoc cum forma, quæ servanda est in illis, de quibus est dubium, quæ ponitur extra de Baptismo, & de ejus effectu, capite de quibus. Sed de monstro satis.

¶ N. 2

¶ QUAE

QUÆSTIO SECUNDA.

Quinam, & quomodo teneantur ad Baptismum suscipiendum?

Notandum primò, ad finem supernaturalem consequendum, aliquod medium dici posse necessarium duobus modis. Primò quidem necessitate præcepti; quando videlicet aliquid est faciendum, vel habendum in ordine ad consecutionem alicujus finis; non quòd finis ille nequeat haberi sine ejusmodi re præcepta; sed quia res illa præcipitur fieri, ut finis obtineatur; ita quòd illius contemptus esset peccatum, ratione cujus finis non posset obtineri. Altera verò est necessitas medii, quando scilicet aliquid ita ordinatur ad consecutionem alicujus finis, ut eò non posito, finis non possit obtineri. Ceterùm inter utramque illam necessitatem hæc intercedit differentia, quòd posterior nullam admittat excusationem; prior verò excusationem patiatur, putà quando præceptum invincibiliter ignoratur, vel non potest executioni demandari propter aliquam causam legitimam. Querimus itaque an hoc utroque modo Baptismus sit necessariò habendus ab omnibus omnino hominibus, tam parvulis, quàm adultis, ut beatitudinem æternam obtinere possint.

It Notandum secundo, quod etsi omnes fateantur baptismum suppleri posse, tam in parvulis, quàm in adultis per Baptismum sanguinis, seu per martyrium reipsà toleratum: attamen non levis inter Catholicos, & Hæreticos movetur controversia de necessitate Baptismi respectu arvulorum, ubi non adest occasio subeundi martyrii: quidam enim hæretici negant absolute infantes esse capaces suscipiendi Baptismatis ante usum rationis; & ideo Anabaptistæ solitò vocantur: Nennulli,

ut Beza in quæstionibus de Sacramentis, quæst. 121. & Hunnius Lutheranus opusculò de Sacramentis cap. 11. negant infantes Judæorum, Mahumetanorum, & Gentilium esse capaces Sacramenti Baptismi, quandiu sunt in infantia. Calvinus autem in suo Commentario ad illa verba capitis tertii S. Joannis: *Nisi quis renatus fuerit ex aqua, & Spiritu sancto, &c.* negat Baptismum esse omnibus necessarium necessitate medii, tam parvulis, quàm adultis; maxime verò respectivè ad parvulos parentum fidelium, quos vult esse justificatos, & adoptatos à Deo antequam etiam nascentur; ait enim lib. 4. Instit. cap. 15. num. 20. *Infantes nostros, antequam nascentur, se adoptare in suis pronuntiat Deus, cum se nobis in Deum fore promittit, seminiq; nostro post nos: hoc verbò continetur eorum salus. . . . Quantum damni invexerit dogma illud malè expositum, Baptisma esse de necessitate salutis, pauci animadvertunt: ideoque minus sibi cavent: nam ubi invaluit opinio, perditos esse omnes quibus aqua tingi non contigit, nostra conditio deterior est, quàm veteris populi, quasi restrictior esset Dei gratia, quàm sub lege; venisse enim Christus censetur, non ad implendas promissiones, sed abolendas: quando promissio, quæ tunc ante octavum diem salutis conferenda per se erat satis efficax, nunc absque signi adminiculo rata non esset.*

Notandum tertio, necessitatem Baptismi, maxime respectu infantium, posse intelligi tribus modis: Primò quidem de absolute, & extraordinaria Dei potentia, quasi Deus non posset aliter parvulos, quàm per Baptismum salvare: de hoc autem sensu nulla est inter Theologos difficultas; omnes enim conveniunt Deum posse eos, vel alio remedio, vel ex merito suæ misericordiæ beneplacito mundare ab originalibus; & ad æternam beatitudinem promovere. Secundus modus intelligitur de

de lege communi, & ordinaria, utrum videlicet parvulis; quibus non potest ministrari Baptismus, non possit altero medio subveniri, videlicet per remedium legis naturæ, respectivè ad infantes Gentilium, vel Circumcisionis, per ordinem ad infantes Judæorum, vel orationis, voti, aut alicujus pii operis Parentum fidelium, quibus servari possent eorum parvuli, dum Baptismus aquæ non potest eis adhiberi. Tertius denique modus intelligi potest de aliqua lege speciali, utrum videlicet ex aliquo singulari privilegio Dei, infantes aliqui interdum salventur sine Baptismo aquæ scilicet suscepto, Deo supplente ejus defectum propter orationes, & vota Parentum, qui non possent Baptismum suis parvulis procurare.

Hic itaque tria maxime occurrunt determinanda: *Primum*, quod omnibus omnino hominibus, tam adultis, quam parvulis baptismus sit necessarius necessitate mediæ in re, vel in voto: *Secundum*, quod parvuli tam Fidelium, quam infidelium sint capaces suscipiendi Baptismum: *Tertium*, quod non possit ipsis parvulis altero medio, & remedio nunc subveniri.

CONCLUSIO PRIMA.

Baptismus est necessarius necessitate mediæ omnibus hominibus, tam adultis, quam parvulis. Hæc est de fide determinata in Conciliis Milevitano, & Carthaginensi, ut constat ex S. Augustino epist. 90. & 91. & ex Tridentino, sess. 7. Can. 5. *Si quis dixerit Baptismum liberum esse, hoc est, non necessarium ad salutem, anathema sit.*

Colligitur autem hujus conclusionis veritas ex illis verbis Christi D. Joan. 3. *Nisi quis renatus fuerit ex aqua, &c.* Quibus verbis Christus D. significat, post promulgatam legem neminem posse, salutem æternam consequi, nisi fuerit aqua Baptismi renatus. Quam utique veritatem aperte docuit Tertullianus

lib. de Baptismo cap. 12. ubi ait, *Præscribitur, nemini sine baptismo competere salutem ex illa maxime pronuntiatione Domini, qui ait: nisi natus ex aqua quis erit, non habet vitam.* Unde cap. sequenti loquens de iis, qui asserbant fidem sufficere ad salutem: *Hic ergo, inquit, scelestissimi illi provocant questionem, adeo dicunt; Baptismus non est necessarius, quibus fides satis est: nam & Abraham nullius aqua, nisi fidei Sacramento Deo placuit.* Respondet: *Fuerit salus retrò per fidem nudam ante Domini Passionem, & Resurrectionem: at ubi fides aucta est credendi in Nativitatem, Passionem, Resurrectionemque ejus, addita est ampliatio Sacramento, ob signatio Baptismi, vestimentum quodammodo fidei, quæ retrò erat nuda: quibus verbis Tertullianus non obscure convellit impiam illam Calvinistarum assertionem, quæ contendunt hominem per fidem posse justificari etiam sine Baptismo.*

Eandem veritatem ex eodem Christi D. oraculo elicit S. Ambrosius lib. 2. de Abraham cap. 12. ubi proferens præfata verba S. Joannis: *Nisi quis renatus, &c.* ait: *Utique nullum excipit, non infantem, non aliquâ præventum necessitate.* Ipsi subscribunt cæteri SS. Patres. S. Hieronymus dialogo contra Pelagianos. Gregorius Nazianz. orat. in sanctum Baptisma: *Baptismus exhortatione ad baptismum: sed maxime epist. 18. ad S. Hieronymum, ubi scribit: Quisquis dixerit, quod in Christo vivificabuntur etiam parvuli, qui sine Sacramento ejus participatione de vita exeunt, hic profecto, & contra Apostolicam prædicationem venit, & totam condemnat Ecclesiam: ubi propterea cum baptizandis parvulis finitur, & curritur, sine dubio creditur aliter eos in Christo vivificari non posse.* Et lib. 3. de origine animæ cap. 9. *Noli credere, noli dicere, noli docere, infantes, antequam baptizentur, morte præventos pervenire posse ad ori-*

ginalium indulgentiam delictorum, si vis esse Catholicus.

Hanc autem veritatem ita apertam agnoverunt Pelagiani, ut licet negarent Baptismum necessarium ad delendum originale peccatum, quod utique non admittebant; illius tamen summam necessitatem ad consecutionem regni caelestis constanter propugnarent, ut plurimi testatur S. Augustinus, maxime lib. 1. operis imperfecti contra Julianum cap. 53. ubi refert verba Juliani ita scribentis: *Nos igitur in tantum gratiam Baptismatis omnibus utilem confitemur, ut cunctos, qui illam non necessariam etiam parvulis putant, æternam feriamus anathemate.* Unde idem S. Augustinus serm. 14. de verbis Apostoli, cum dixisset cap. 7. Pelagianum alloquens: *Quia parvulus non baptizatus non intrat in regnum caelorum, & tu dicis, & ego. Illi igitur communi adversario, qui dicit non baptizatum parvulum intraturum in regnum caelorum, resistamus ambo, & adversus ejus infidiosissima jacula scutum fidei proferamus.* Subdit cap. sequenti: *Eccce simul dicamus huic homini, Christianus es? Christianus, inquit. Audi Evangelium, qui vis, non baptizatos parvulos mittere in regnum caelorum, audi Evangelium; nisi quis renatus fuerit ex aqua, & Spiritu sancto, non intrabis in regnum Dei, Domini sententia est: huic non resistis, nisi non Christianus.*

Reponit Danq̃us Calvinista ad cap. 4. Bellarmini de Baptismo, ex hoc S. Joannis oraculo non colligi Baptismum aquæ esse absolute necessarium; quia, inquit, hæc particula (*&*) debet sumi pro disjunctivis (*aut, vel*) quasi sensus Christi D. sit ille: *Nisi quis renatus fuerit ex aqua, vel Spiritu sancto, salvus non erit; ita quodd duplex sit medium salutis, unum regenerationis per aquam Baptismi, alterum regenerationis per gratiam Spiritus sancti.*

Contrà primò, omnes SS. Patres ac-

ciunt particulam (&) non disjunctivè, sed copulativè, ut viderè est apud S. Cyprianum epist. 72. & 73. S. Ambrosium lib. de Spiritu S. cap. 12. sanctum Augustinum tract. 11. in Joannem; ita ut aqua, & Spiritus sanctus requirantur ad regenerationem spiritualem,

*Secundò, si vera esset hæc Calvinistarum responsio, sequeretur quodd posset fieri regeneratio spiritualis per solam applicationem aquæ elementaris, cum exclusione Spiritus sancti; nam, ubi duo præcipiuntur, & dicuntur necessaria solummodò sub disjunctione, sufficit quodd alterutrum adhibeatur ad consecutionem illius, ad quodd ordinatur, & præcipitur; neque est necesse simul utrumque collectivè facere; hæc enim est natura, & conditio præcepti disjunctivè facti, ut alterutrà ex rebus præceptis adhibita, fiat satis ejusmodi præcepto, ut patet per inductionem in omni lege disjunctiva: igitur si in verbis Christi particula (&) disjunctivè sit accipienda, consequens erit, quodd quemadmodum juxta Calvinistas, spiritualis regeneratio ibi assignata per hunc terminum, *Spiritu sancto*, est sufficiens, seclusà abluitione exteriori, etiam in voto, & affectu; pari ratione sola exterior ablutio exclusò etiam Spiritu sancto, erit sufficiens ad regenerationem spiritualem, & consecutionem beatitudinis, quo nihil absurdius excogitari potest.*

Tertiò denique si Baptismus non sit absolute necessarius parvulis ad consequendam æternam salutem, maxime quia, ut supra diximus ex Calvino in tertio Notabili, fidellum parvuli inseruntur in Christo virtute suæ propagationis à parentibus fidellibus: at hoc apertè falsum esse constat, non solum auctoritate SS. Patrum, qui, ut mox diximus, absolute pronuntiant, Baptismum omnibus parvulis esse necessarium ad salutem; sed etiam ratione,

Vel enim illa spiritualis generatio fit

fit immediatè à Deo sine ullo Sacramento adminiculo intuitu fidei parentum; *vel* intuitu fœderis, quod Deus pepigerat cum Abrahamo, ejusque posteritate, his verbis Genes. 17. *Statuam pactum meum inter me, & te, & inter semen tuum post te in generationibus suis; fœdere semiternò.* Cui utique pacto succedunt fideles in nova lege, ut indicat Apostolus ad Rom. 4. & ad Galat. 3. dicens: *Eos, qui ex fide sunt, esse filios Abraham.* *Et eorum tantum esse benedicendos cum fidei Abraham.* Sed neutrum dici potest: *Non quidem primum*, quia ipsimet Calvinistæ cum Beza quæst. 126 de Sacrae nœtis id aperte negant; docet enim Beza, regenerationem illam fieri dumtaxat interveniente fide priorum parentum, virtute cujus pietatis fit, ut nati, vel nascituri infantes censentur in fœdere.

Non etiam secundum, quia juxta Calvinistas falsum est, eos omnes, qui sunt prognati ex parentibus fidelibus etiam sanctissimis, pertinere ad istud fœdus, ut expressè tradit Beza ibidem qu. 123. Quod utique confirmat exemplo Esau, necnon & quotidiana experientia; ergo fateantur, necesse est, falsum esse eo ipso, quo infantes nascuntur ex parentibus fidelibus, illos esse sanctos, nec indigere Baptismo aquæ, ut regenerentur in Christo?

Confirmatur quia si ratio formalis illius sanctificationis infantium, esset petenda ex eo, quod sint prognati ex fidelibus parentibus, consequens esset, quod talis insitio in fœdus Christi D. & sanctitas ei correspondens, deberet reperiri in omnibus Infantibus, qui nascuntur ex parentibus fidelibus, quod cum Calvinistæ non admittant, nec etiam debent aliud admittere.

Neque eis quidpiam suffragatur præfatus textus Genesis: quantumvis enim intelligatur de semine spiritali Abrahamæ, non esset inde consequens, parvulos fidelium sanctificari posse absque Ba-

ptismo: imò contrarium potius inferquitur; quemadmodum enim in Moisaica lege nemo censebatur spirituale semen Abrahamæ absque circumcissione, aut alio remedio; quo elueretur originale peccatum; sic in lege Evangelica nullus reputari debet de semine Abrahamæ, quin mundatus fuerit ab eodem peccato per baptismum: *Insuper* sicut non obstante propagatione à Parentibus fidelibus, necessarii parvuli Judæorum erant circumcidi; & nunc sunt necessario baptizandi.

Obijciunt primò illud Christi Domini Matth. 19. *Sinite parvulos venire ad me, talium enim est regnum cœlorum.* Ergo, inquit, sine Baptismo pueri possunt salvari.

Nego consequentiam: Siquidem Christus D. ibi loquebatur de parvulis Judæorum, ac aliorum fidelium, qui iustificati erant per Sacramentum Circumcisionis, aut remedium legis nature.

Deinde, hæc Christus D. protulit, ut significaret parvulos illos ratione ætatis nihil habere malitiæ actualis, quod eos excludat à regno cœlorum, sicut habent adulti, quibus parvulos illos opponit. Vel dico cum S. Augustino lib. 1. de peccatorum meritis cap. 19. Quod parvulorum vitam laudaverit Dominus, dicens talium esse regnum cœlorum, cum verax sit ille intellectus, quod humilitatis similitudinem iam parva ætate posuerit.

Obijciunt secundò, illud S. Pauli 1. ad Cor. 7. ubi parvulos à fidelibus genitos vocat sanctos, dicens: *Sanctificatus est vir infidelis per mulierem fidelem, & sanctificata est mulier infidelis per virum fidelem, alioquin filii vestri immundi essent; nunc autem sancti sunt:* igitur parvulis ex fidelibus natis, Baptismus non est necessarius.

Nego consequentiam; primò, quia Apostolus non dicit eos filios esse ex utero, vel ab utero matris sanctos, quod

manducaveritis carnem Filii hominis ... non habebitis vitam in vobis. Et tamen in hac generali sententia parvulos non comprehendimus; igitur nec comprehendere debent in sententia priori.

Nego minorem; & ad primam ejus probationem dico, omnes illos sanctos vixisse, & mortuos fuisse ante consummationem Novi Testamenti per mortem Christi Domini, & consequenter priusquam Baptismus aquæ fuerit necessarius hominibus necessitate mediæ ad salutem consequendam. Nec refert, quod illa verba; Nisi quis renatus fuerit, protulerit Christus D. ante suam mortem; non enim illa dixit pro illo tempore, quo tunc loquebatur cum Nicodemo, sed tantum pro eo tempore, quo sufficienter promulgata esset lex Evangelica.

Ad secundum autem dico, non esse perinitatem inter utrumque Christi D. oraculum, quantum ad universalitatem obligationis: siquidem pueri sunt capaces regenerationis spiritualis, ad quam ordinatur Sacramentum Baptismi; non verò nutritionis spiritualis, ad quam ordinata est Eucharistia; nutritio enim spiritualis est instituta ad restaurandum id omne, quod per quotidiana peccata deperditur de viribus spiritualibus: quæ utique deperditio cum locum non habeat in parvulis, etiam nec in ipsius locum habere debet spiritualis nutritio.

CONCLUSIO SECUNDA.

Parvuli siue fidelium, siue infidelium sunt capaces Baptismi suscipiendi. Hæc est de fide determinata in Conciliis Carthaginensi quinto, Milevitano secundo can. 2. Gerundensi, can. 5. secundo Bracharensi, can. 7. Viennensi, ac Lateranensi sub Innocentio III. ut refertur cap. firmiter de summa Trinitate his verbis: *Sacramentum verò Baptismi ... tam parvulis, quam adultis in forma Ecclesiæ à quocumque ritè collatum proficit ad salutem*; Et novissime

Tom. X.

Tridentino sess. 7. can. 13. his verbis: *Si quis dixerit parvulos eo, quod actum credendi non habent: suscepto Baptismo, inter Fideles computandos non esse: ac propterea cum ad annos discretionis pervenerint, esse rebaptizandos: aut prestare, omitti eorum Baptisma, quàm eo non actum proprio credentes baptizari in sola fide Ecclesiæ, anathema sit.*

Colligitur hæc veritas è Scriptura sacra, illis videlicet locis, quibus dicuntur familia integræ baptizata: Sic *AB. 16. v. 5.* de Lydia dicitur: *Cum autem baptizata esset, & domus ejus.* Et ibidem versu 33. de clauode carceris, in quo reclusus fuerat S. Paulus dicitur: *Baptizatus est ipse, & omnis domus ejus continuò.* Et 1. ad Corinth. 1. *Baptizavi Stephanæ domum.* Quis autem prudenter dubitet in istis familiis universim baptizatis, fuisse aliquos parvulos ab Apostolis Baptismo initiatos? igitur parvuli reverà sunt capaces Baptismi.

Eandem veritatem definierat Innocentius III. cap. *Majores*, ubi ait: *Cum ergo Circumcisio tam adultis, quàm parvulis ex præcepto Domini conferretur: ne Baptismus, qui successit loco ipsius, & generalior tamen existit, cum tam viri, quàm femine baptizentur, minoris videatur effici. His, tam adultis, quàm parvulis esse conferendus.*

Idem docent SS. Patres; Dionysius lib. de Ecclesiastica Hierarchia cap. ult. Irenæus lib. 2. cap. 36. ubi signanter ait: *Salvari omnes, qui renascuntur in Christo, infantes, pueros, juvenes, &c.* Origenes in cap. 6. *Ecclesiæ*, inquit, *ab Apostolis traditionem accepit etiam parvulis dare Baptismum.* Idem docet S. Augustinus (ut ceteros omittam) lib. 4. de Baptismo, cap. 23. ubi scribit: *Quod traditum tenet universitas Ecclesiæ, cum parvuli infantes baptizantur, qui certe non possunt credere ad justitiam, & ore confiteri ad salutem, quod latro potuit; quin etiam flendo, & vagiendo, cum in eis mysterium celebratur, ipsis*

OO

my-

myſtic vocibus obſtrepunt : & tamen nullus Chriſtianorum dixerit eos inaniter baptizari .

Suffragatur etiam ratio : Tum , quia parvuli ſalvari poſſunt , ut conſtat ex illo Matth. 19. *Sinite parvulos venire ad me, talium eſt enim regnum cælorum* : Tum , quia innocentes occiſos, ut SS. & Martyres colit Eccleſia, Tum denique , quia poſſunt eſſe participes peccati Adami; ergo etiam , & gratiæ Chriſti; ſed, ut dictum eſt in priori concluſione , nullus poſt ſufficienter promulgatam legem Evangelicam ſalvari poteſt ſine Baptiſmo: igitur Baptiſmus iſtis parvulis verè poteſt prodeſſe .

Dicitur primò : Chriſtus D. ſuos Apoſtolos delegans ad prædicandum Evangelium, ait Matth. 19. *Euntes docete omnes Gentes baptizantes eos, &c.* Unde ſic argumentari licet : Illi ſoli ſunt capaces ſuſcipiendi Baptiſmatis , qui ſunt capaces ſuſcipiendæ doctrinæ ; priùs enim docere debent Miniſtri, quàm baptizare; ac ſubinde baptizandus priùs doceri debet, quàm baptizari : ſed parvuli ante uſum rationis non ſunt capaces doctrinæ : igitur nec Baptiſmi .

Confirmatur . Priùs quis credere debet myſteria fidei , quam baptizetur ; ait enim Chriſtus D. *Qui crediderit, & baptizatus fuerit, ſalvus erit* ; ubi fidem vult præmitti, quæſi neceſſariam Baptiſmo ; unde S. Hieronymus in præſatum textum Matth. ait : *Non poteſt fieri ut corpus baptiſmi recipias ſacramentum , niſi antea anima fidei ſuſceperit veritatem* : ſed pueri non poſſunt credere : ergo nec baptizari .

Reſpondeo hoc utrumque Chriſti D. oraculum intelligendū eſſe de adultis , in quibus baptizandis hunc ordinem ſervari voluit, ut priùs inſtruerentur de rebus fidei quàm baptiſmum ſuſciperent ; nam Marci 16. antè dixerat prædicare Evangelium omni creaturæ , utique adultis , ad quos inſtruendos , & baptizandos eos delegat , quatenus vi-

delicet ſuſceptà inſtructione parati ſint ad credenda fidei myſteria priuſquam baptizentur . Quamquam nec in adultis requiratur actus fidei ad valorem baptiſmi , ut patebit inſrà , ſed ſufficiat , quòd ſuſcipiant Fidei divinitus inſuſe habitum , cujus etiam parvuli ſunt capaces ; ac proinde credunt ſaltem habitualiter , & fidem proſtentur, ſi non per actum fidei, ſaltem per ſuſceptum fidei ſacramentum .

Ita præſatum textum explicat Innocentius III. ut reſertur cap. *Majores* . ubi cùm dixiſſet authoritatem illam 1. Petri 4. *Charitas operis multitudinem peccatorum* , intelligendam eſſe tantùm de adultis, qui habent multitudinem peccatorum, non de parvulis qui peccato tantum originali tenentur, ſtatim ſubdit, ſimiliter , & illa authoritas eſt ſolvenda : *Qui crediderit, & baptizatus fuerit, &c. cum non poſſint credere parvuli, ſed adulti* : ne ad alios prima, & ad alios ſecunda clauſula referatur . Quamvis nonnulli concedant , quòd parvuli credunt non per uſum , ſed per habitum fidei , quem ſuſcipiunt in Baptiſmo : ſicut , & alia multa verba , ſecundùm communem uſum loquendi non ad actum, ſed ad aptitudinem referuntur .

Hunc utrumque intellectum exprimit Doctör ſubtilis ſuprà reſpondens ad hoc argumentum Marci ultim. *Qui non crediderit, condemnabitur* : Parvulus non poteſt credere : ergo per Baptiſmum non poteſt ſalvari : ergo fruſtra baptizatur . Ad aliud, inquit , patet quod debet intelligi de adultis per illud , quod præcedit . *Qui crediderit , & baptizatus fuerit, &c.* Vel poteſt dici , quòd qui non crediderit, nec actu, nec habitu , condemnabitur ; quia ſecundùm Apoſtolum Hebræor. 11. Sine fide impoſſibile eſt placere Deo , &c. Parvuli autem , eſſi non poſſint habere actum , poſſunt tamen habere habitum .

Vel aliter reſponderi poteſt cum S. Auguſtino lib. 1. operis imperfecti contra Ju-

Julianum, cap. 66. quod sicut parvuli sunt rei per alienam voluntatem, nempe Adami; sic etiam sunt fideles per alienam fidem, dum videlicet credunt per paternos pro ipsis respondentēs, & stipulantes. Quoniam, inquit, verum est, quod per alios credunt (propter hoc enim, & fideles per totam Ecclesiam nuncupantur) prof. illo non pertinent ad illud, quod ait Dominus: Qui autem non crediderit condemnabitur. Condemnabuntur ergo si per alios non credant, cum per seipsos non valeant credere. Vel, ut clarius hanc veritatem explicat serm. 14. de verbis Apostoli, cap. 11. Ad verba aliena sanatur, quia ad factum alienum vulneratur. Credit in Jesum Christum, sit interrogatio: respondetur, credit. Pro non loquente, pro silente, & stendo quoddam modum, ut subornatur orante, respondetur, & valet. Absq. ad cordibus qualiumcunque Christianorum, ergo respondetur, & valet. Conspiratione quadam communiceat Spiritus, credit in altero, quia peccavit in altero.

Dices secundum: Baptizati tenentur ad observantiam legis Evangelicę, sed infantes sunt incapaces ejusmodi obligationis, & observantia: igitur, & Baptismatis.

Distinguo minorem: Sunt incapaces illius obligationis, pro tempore, quod baptizantur, & antequam adoleverint, concedo: ubi pervenerunt ad adultam ætatem, nego: Unde Concilium Tridentinum sess. 7. can. 14. Si quis dixerit ejusmodi parvulos baptizatos, cum adoleverint, interrogandos esse, an ratum habere velint, quod patris eorum nomine, dum baptizarentur polliciti sunt, & ubi se nolle responderint, suo esse arbitrio relinquendos, nec alia interim pœnā ad Christianam vitam cogendos, nisi ut ab Eucharistia, aliorumque Sacramentorum perceptione arceantur, donec resipiscant, anathema sit.

CONCLUSIO TERTIA.

POH sufficientem Evangelicę legis promulgationem nullum est (si martyrium excipias) aliud remedium originalis peccati eluendi, nec medium consequendę salutis de via ordinaria, quod prodesse posset parvulis sive fidelium sive infidelium etiam in necessitate constitutis, præter Baptismum. Hęc est communis Catholicorum doctrina contra non solum Calvinistas, sed etiam contra Cajetanum, qui in Commentario ad quest. 68. artic. 2. docet: deficiente opportunitate baptizandi parvulos, votum Baptismi à parentibus, aut ab aliis conceptum eis sufficienter prodesse ad salutem; quod ibidem sic explicat, dicens: Debet autem in tali casu parent signis crucis infantem cum invocatione Trinitatis munire, sique Deo offerre morientem in nomine Patris, & Filii, & Spiritus sancti. Et super artic. 11. addit: Parvulos in maternis uteris periclitantes posse salvari per Sacramentum Baptismi; non in re, sed in voto Parentum susceptum cum aliqua benedictione prolis, seu oblatione ipsius ad Deum cum invocatione Trinitatis. Quod utique Commentarium jussu S. Pii V. summi Pontificis expunctum fuit ex Scriptis ipsius Cajetani.

Patet hujus conclusionis veritas ex dictis in prima conclusione, ubi ostendimus necessitatem Baptismi generalem esse; & ad omnes omnino homines, cujuscunque ætatis, & fortis sint, pertinere. Probatur insuper ex illo 1. Petri cap. 3. ubi comparat necessitatem Baptismi aquę cum arca Noe; In qua, inquit, pauci, id est, oïo anime salvę salvę sunt per aquam, quod, & vos nunc similis formę, salvos facit Baptisma. Quod loco duę particulę sunt observandę, nunc facit; nam S. Petrus confert tempus ab Evangelio Christi D. promulgato, seu tempus legis Christianę cum tempore Noe, & Baptismum aquę, cum arca Noe per aquam elevatam, ita ut sicut

tempore Noe illi soli salvi facti sunt à diluvio aquarum, qui in ejusmodi arca recludebantur; ceteri verò perierunt: sic ab Evangelii promulgatione solemnè, quæ jam facta erat, dum hæc scriberet S. Petrus, nullus salvari potest (si martyrium excipias) nisi Baptismum in re, vel in voto susceperit.

Sic enim hunc S. Petri textum intellexerunt S. August. lib. 12. contra Faustum, cap. 14. ubi scribit: Noe cum suis per aquam, & lignum liberatur, sicut familia Christi per Baptismum crucis passionis significatum. Et S. Hieronymus epist. 57. quæ est ad Damasum summum Pontificem, ubi loquens de Ecclesia Catholica, & Romana, ait: *Quicumque extra hanc domum agnum comederit, profusus erit: Si quis in arca Noe non fuerit, peribit regnante diluvio.*

Confirmatur autoritate SS. Patrum, maxime S. Ambrosii lib. de vocatione Gentium, cap. 8. *Non est fas credere, inquit, parvulos, qui regeneratione non sunt adepti Sacramentum, ad ullum pertinere Beatorum consortium, cum Dominus dixerit, Joan. 13. Nisi quis renatus fuerit, &c.* Similia docet S. Augustinus variis in locis, maxime lib. 1. de peccatorum meritis, cap. 23. ubi ait: *Nulla ex arbitrio nostro salus æterna præter Baptismum Christi, promittatur infantibus, quam non promittit Scriptura divina humanis omnibus ingeniis preferenda.* Similiter S. Fulgentius lib. de fide ad Petrum, cap. 26. *Firmissimè tene, & nullatenus dubites non solum homines jam ratione utentes, verum etiam parvulos, qui sive in utero matrum vivere incipiunt, & ibi moriuntur; sive cum de matribus nati, sine Sacramento S. Baptismatis, quod datur in nomine Patris, & Filii, & Spiritus sancti, de hoc loco transiunt, ignis æterni sempiternò supplicio puniendos.*

Idem docet S. Bernardus epist. 77. ubi expressè ait eò ipsò tempore, quò hæc scribebat, nullam posse proferri ra-

tionem, quin Baptismus esset necessarius etiam infantibus; *Nunc verò; inquit, cum in omnem terram exieris sonus prædicationis, & in fines orbis terræ verba eorum; quia dissimulare non valet auditus, profectò inexcusabilis est, & contemptus.* Nec obstat, quòd loquens de tempore subsequente promulgationem Evangelii per Apostolos, videatur relinquere judicio Dei, utrum tunc Baptismus fuerit absolutè parvulis necessarius, an verò ultra, *penes Deum est, non meum definire.* Hoc, inquam, non obstat: paulò enim infra scribit de infantibus natis post prædictam promulgationem Evangelii ab Apostolis factam: *Sunt infantes, qui hac prohibente ætate non possunt habere fidem, hoc est cordis ad Deum conversionem, consequenter nec salutem, si absque Baptismi perceptione moriantur.*

Objicit primò, Calvinus lib. 4. institutionum cap. 15. nu. 20. Non est deterior conditio Christianorum, quàm veteris populi: nec restrictio Dei gratia suo Evangelio, quàm sub lege; alioquin Christus venisse censetur, non ad implendas promissiones, sed abolendas, nec ad salvandos homines, sed damnandos: sed non obstante præceptò Circumcisionis in lege veteri, dum necessitas urgebat ante octavum diem natiuitatis pueri, sufficiebat illi ad salutem applicatio remedii legis naturæ, nempe fides parentum testata per aliquod signum sensibile: ergo pari ratione, imò jure potiori in lege gratiæ, non obstante præcepto Baptismi, sufficiet parvulo, qui non potest baptizari applicatio ejusdem fidei, cum signo, & invocatione sanctissimæ Trinitatis.

Nego paritatem, & ratio discriminis est, quòd cum in lege veteri expressè prohibuisset Deus parvulum circumcidere ante octavum diem, conveniens erat, ut periclitantibus ante diem illum relinqueret applicandum remedium legis naturæ; secus est autem de lege gratiæ; cum

cum enim Deus voluerit Baptismum ita institui, ut parvulus applicari posset ita-
tim ac in locum eduntur, mirum videri
non debet, si nullum aliud remedium
ipsis applicandum reliquerit.

Nec inde sequitur deteriorem esse
conditionem parvulorum sub lege E-
vangelica, quam sub Mosaica, aut na-
tura; siquidem Baptismi remedium,
non solum efficacius est, ac longè ube-
riorem, & digniorem gratiam sanctifi-
cantem confert; sed etiam generalius
est, quippe cum in universa Ecclesia
toto orbe propagata administretur;
necnon & facilius; siquidem aqua, quæ
est materia Baptismi valde communis,
& longè facilius est abluere, ac pauca
formæ Baptismalis verba proferre,
quam adhibere signum sensibile, &
actum fidei supernaturalis, qui requi-
rebat ad remedium legis naturæ.

Adde quod tunc temporis non pote-
rat à tot hominibus subveniri parvulis,
ac modo; siquidem remedium legis na-
turæ poterat dumtaxat ministrari, &
applicari per Fideles; Baptismus verò
non solum per Fideles, sed etiam hære-
ticos, Judæos, & Paganos potest ad-
ministrari.

Nec etiam inde sequitur, quod Chri-
stus venerit potius ad damnandos,
quam ad salvandos homines; si nempe
populi, & nationes omnes, quibus non-
dum prædicatum est Evangelium, nec
innotuit necessitas suscipiendi Baptismi
priventur omni alio remedio pro obti-
nenda remissione peccati originalis.
Hoc, inquam, non sequitur: nam Ame-
ricani v. g. & alii populi, quibus non-
dum annuntiatum est Evangelium, sive
infantes, sive adulti, non ideo damnan-
tur, quia Christus venit ad eorum dam-
nationem; nec similiter propter fidem
Christi non habitam, neque ob non ex-
cepta ejus Sacramenta, sed propter pec-
cata tam originalia, quam actualia, cum
quibus ex hac temporalis vita discedunt
ut à simili docet S. Augustinus lib. de

natura, & gratia, cap. 2. ubi simile tra-
ctans argumentum, & expendens illa
Apostoli verba ad Rom. 10. *Quomodo
credent in quem non audierunt? aut quo-
modo audient sine predicante? fides enim
ex auditu, auditus autem per verbum
Christi. Sed dico, nunquid non audie-
runt? In omnem terram exivit sonus eo-
rum, &c.* Subdit S. Augustinus: Sed
antequam hoc inciperet fieri, ante-
quam denique usque ad fines totius
orbis terræ prædicatio ipsa perveni-
ret; quoniam non desunt adhuc ul-
timæ gentes, licet, ut perhibetur,
paucissimæ, quibus hoc nondum fue-
rit prædicatum; quid faciet humana
natura, vel quid fecit, quæ vel antè
non audierat hoc futurum, vel adhuc
non comperit factum, nisi credendo
in Deum, qui fecit cælum, & terram,
à quo, & se factam naturaliter sentit,
& rectè vivendo ejus impleat volun-
tatem, nulla fide Passionis Christi, &
Resurrectionis imbuta? Quod si fie-
ri potuit, aut potest, hoc, & ego dico,
quod de lege dixit Apostolus: Ergo
Christus gratis mortuus est? Si enim
hoc ille dixit de lege, quam accepit
gens una Judæorum; quanto justius
dicitur de lege naturæ, quam accepit
universum genus humanum? Si per
naturam iustitia, ergo Christus gratis
mortuus est. Si autem non gratis
Christus mortuus est: ergo omnis na-
tura humana justificari, & redimi ab
ira Dei iustissima, hoc est vindicta,
nullomodo potest, nisi per fidem, &
Sacramentum sanguinis Christi.
Et cap. 4. Unde hi, qui non per il-
lam liberantur, sive quia audire non-
dum potuerunt, sive quia obedire
noluerunt, sive etiam cum per æta-
tem audire non possint, lavacrum re-
generationis, quod accipere possent,
per quod salvi fierent, non accepe-
runt, iuste utique damnantur: quia
sine peccato non sunt, vel quod ori-
ginaliter traxerunt, vel quod malis

mo-

„ moribus addiderunt: *Omnes enim peccaverunt*, live in Adam, live in semetipsis, *et egent gloria Dei*. Et cap. sequenti: Universa igitur massa penas debet, & si omnibus debitum damnationis supplicium redderetur, non injuste procul dubio redderetur. quis igitur usque adeo demeritis infamiat, ut non agat ineffabiles gratias misericordiae, quos voluit liberantibus; qui recte nullomodo posset culpae iustitiam universos omnino damnantis. *Hæc S. August.*

Obijciat secundo: Tandiu viget lex, aut privilegium, quandiu illius revocatio non pervenit ad aures utentium: sed remedium legis naturæ est aliquod Privilegium, seu quædam indulgentia, cujus revocatio nondum innotuit eis populis, quibus non est adhuc sufficienter prædicatum Evangelium: igitur apud eos adhuc vigere potest remedium legis naturæ.

Respondeo ad maiorem, privilegia esse in duplici differentia; alia enim sunt, quæ conceduntur absque ulla limitatione temporis; alia verò, quæ tantum conceduntur ad tempus præfixum, & determinatum: quæ sunt prioris generis possulant quidem pro sua abrogatione, ut hæc abrogatio, & revocatio sufficienter innotescat iis, quibus privilegia illa fuerant concessa: secus verò est de privilegiis posterioris generis: quia eò ipso, quòd tempus illis præfixum effluxit, statim nulla significatione, seu promulgatione factà, cessant vigere.

Hujus autem generis erant privilegia, seu remedia tam legis naturæ, quam Mosaicæ: Lex enim, & Prophetæ usque ad Joannem, qui scilicet fuit ultimus Prophetarum veteris legis, & velut crepusculum, & aurora legis Evangelicæ. Unde Apostolus ad Galat. 3. *Lex propter transgressionem posita est, donec veniret semen*, id est Christus. Quapropter ubi Christus advenit, & legem Evangelicam promulgavit, ac alia Sa-

cramenta, & media ad salutem necessaria instituit, eò ipso cessavit obligatio veteris legis, sicut, & virtus omnium illius Sacramentorum. Unde Apostolus ad Hebr. 7. *Transito Sacerdotio necesse est, ut legis translatio fiat.*

Urgebis: Ex pluribus dictis, lex non obligat ante promulgationem, vel receptionem: igitur lex Baptismi non eos obstringit, quibus nondum est sufficienter promulgata.

Distinguo antecedens: Non obligat per modum præcepti, & mandati, cujus omisio sit speciale peccatum, & impu-
tetur ad culpam, & penam, concedo: non obligat per modum medii, seu rem-
edii necessarij ad finem consequen-
dum, nego: Eò enim ipso, quòd à su-
periore aliquid ordinatur ut necessa-
rium ad finem obtinendum; ita ut eò
omisio finis non possit obtineri, statim
alia media sunt inutilia. Unde præcep-
tum de Baptismo suscipiendo non ob-
stringit quidem eos, quibus nondum
innotuit lex Evangelica; ita quòd illius
omisio inducat novum aliquem rea-
tum: sed necessarium est necessitate me-
dij ad beatitudinem consequendam,
ita ut illo medio omisso non possit salus
obtineri.

Obijciat tertio: Ea voluntas, quæ ex parte sui liberi arbitrii sufficit ad pec-
candum, etiam sufficit ad justificandum
sed voluntas primi hominis est suffi-
ciens infantibus, ut censeantur cum
illo peccavisse: igitur etiam voluntas
parentum sufficiens erit, ut per eorum
vota, & eorum affectus justificationem
possint assequi.

Distinguo maiorem: Si voluntas illa
eodem modo se habeat in esse moris, &
liberi arbitrii, tam respectu boni pro-
merendi alicui, quàm respectu mali ei-
dem demerendi: quemadmodum erat
voluntas primi hominis, qui in quan-
tùm erat caput totius naturæ humanæ,
omnes nostras voluntates continebat
moraliter respectu iustitiæ originalis
no.

nobis promendæ, vel deperendæ, concedo: si voluntas ita se non habeat, nego: contrarium enim apparet in ipso: primo parente, cujus voluntas, & libertas, quamvis eadem esset in genere physico, dum peccavit, & dum pœnituit: quia tamen non erat eadem in genere moris, eò quòd quando pœnituit, non habebat rationem capitis generis humani, idcirco ejus voluntas, quæ sufficiens fuit, ut omnes ejus posterii ipsius peccato inicerentur, non fuit ita sufficiens, ut per ejus pœnitentiam ab omni peccato mundarentur.

QUESTIO TERTIA.

Utrum validè, & licitè infantes infidelium nondum habentes usum rationis, invitis eorum parentibus, baptizare liceat?

Notandum primò, Infidelium duplex esse genus, quorum aliqui nomen Christo dederunt in Baptismate sed per hæresim, & apostasiam ab Ecclesiâ, & fide Catholica defecerunt; hæresis enim est quædam species infidelitatis, ut communiter docent Theologiæ principes: alii verò nusquam professi sunt Catholicam Religionem, nec per Baptismum facti sunt Ecclesiæ filii, & mystici Christi D. corporis membra, quales sunt Gentiles, Judæi, Mahumetani, &c. De utriusque autem præfens movetur difficultas, utrum videlicet non solum validè, sed etiam licitè possint eorum pueri absque illorum consensu baptizari.

Notandum secundò, infideles non baptizatos, esse in triplici differeptia: quidam enim eorum ita sunt sui juris, ut sub nullius Christiani Principis dominio vitam ducant: aliqui verò Principibus Christianis subijciuntur, quantum ad dominium civile, habentque jus civium in eis provinciis, & civitatibus, in quibus Christiani principes domina-

tum obtinent: ceteri verò ei subijciuntur subjectione dispositica, & servili, qualis est eorum, qui jure belli, vel emptionis, vel alio iusto titulo sunt mancipia Christianorum Principum, eorumque authoritati serviliter subjacent. De hoc autem triplici infidelium genere quæritur, an ipsis invitis, & reclamantibus eorum pueri validè simul, ac licitè baptizari possint.

Notandum tertio, filios ejusmodi infidelium posse considerari, vel in extremo vitæ periculo, vel citra ejusmodi periculum. *Insuper*, eos posse in tali statu constitui, ut sive jure, sive injuria fuerint erepti parentibus, ita aliò transportentur, ut nusquam suis parentibus infidelibus sint restituendi: vel eo in statu spectari possunt, ut post susceptum Baptismum suis statim infidelibus parentibus redderentur, sub eorum dominio, cura, & educatione vitam tractaturi.

Denique nomine infantium possunt intelligi non solum illi, qui nondum adepti sunt rationis usum, sed etiam illi, qui non sunt adhuc sui juris, sed subijciuntur imperio, & committuntur tutelæ, & curæ, vel parentum, vel tutorum, de quibus omnibus præfens movetur difficultas in sequentibus conclusionibus determinanda.

CONCLUSIO PRIMA.

Filii quoruncunque infidelium invitatis parentibus validè baptizari possunt. Hæc est communis apud Theologos, si nonnullos excipias contrarium affirmantes cum Durando, eamque, apertè docet S. Augustinus epist. 13. quæ „ est ad Bonifacium, circa medium, ubi „ cum dixisset: Offeruntur parvuli ad „ percipiendam spiritalem gratiam, „ non tam ab eis, quorum gestantur „ manibus, quamvis, & ab ipsis si, & „ ipsi boni fideles sunt, quàm ab uni- „ versa societate Sanctorum, atque fi- „ delium; ab omnibus namque offerri „ rectè intelliguntur, quibus placet, quod

quod offeruntur, & quorum sancta, atque individua charitate ad communicationem S. Spiritus adjuvantur: tota hoc ergo mater Ecclesia, quæ in Sanctis est, facit; quia tota omnes, tota singulos parit.

Subdit paulò infra: Illud autem nolo te fallat, ut existimes reatus vinculum, ex Adam tractum aliter non posse disrumpi, nisi parvuli ad percipiendam Christi gratiam à parentibus offerantur. Cujus rationem antea protulerat, dicens: *Ut eum possit regenerari per officium voluntatis alienæ, eum effertur consecrandus, facit hoc unus Spiritus, ex quo regeneratur oblatus: non enim scriptum est: Nisi quis renatus fuerit ex parentum voluntate, aut ex offerentium, vel ministrantium fide: sed, nisi quis renatus fuerit ex aqua, & Spiritu.* Quasi diceret, quod quemadmodum ad contrahendum peccatum originale, non exigitur consensus parentum, vel alicujus alterius præter Adami; ita neque ad remissionem originalis contracti requiritur consensus, aut fides cujusquam præter fidem Ecclesie, & consensum Ministri, nomine, & autoritate Ecclesie, & Christi baptizantis: nam, inquit Apostolus ad Rom. 5. *Si unius delicto mortis regnavit per unum, multò magis abundantiam gratiæ, & donationis, & justitiæ accipientes in vita regnabunt per unum Jesum Christum.*

Dices primò: Baptismus ille non potest esse validus, qui fit in injuriam, & præjudicium parentum: sed talis esset baptismus filiorum, qui fieret contra eorum parentum voluntatem: igitur, &c.

Nego majorem: Siquidem actio illa non est intrinsecè injuriosa parentibus, nec sufficiens, ut irritus sit Baptismus; nam si quis Sacerdos baptizet parvulum hominis fidelis, vel infans, vel repugnante Parocho, Baptismus ille fit cum ipsius Parochi injuria, nec minùs

tamen est validus; unde quantumvis aliqua fieret injuria parentibus, dum ipsi invitis, eorum filii baptizantur, Baptismus tamen non erit irritus. Quod utique confirmatur ex praxi Ecclesie, quæ nusquam rebaptizat parvulos contra voluntatem parentum infidelium baptizatos: imò, dum potest, eos à parentibus abstrahit, & postquam adoleverint, ad fidei Christianæ, & Ecclesie præcepta servanda compellit; sicut decernit Innocentius III. cap. *Majores* de Baptismo: *Oportet, ut fidem, quam necessitate fuisse perunt, tenere cogantur, ne nomen Domini blasphemetur, & fides, quam fuisse perunt, vilis, ac contemptibilis habeatur.* *Dices secundò:* Non potest validdè baptizari adultus contra propriam voluntatem: ergo nec parvulus contra voluntatem parentum.

Distinguo antecedens: Ex parte Sacramenti, nego: ex parte subjecti, ut sit capax medii ordinati ad salutem, concedo: statuit enim Deus neminem rationis compotem, justificari, nisi volentem, ut præclare docet S. Augustinus serm. 25. de verbis Apostoli, cap. 11. *Sine voluntate tua, inquit, non eris in te iustitia Dei. Voluntas quidem non est nisi tua, iustitia non est nisi Dei. Esse potest iustitia Dei sine voluntate tua, sed in te esse non potest, nisi per voluntatem tuam.* Et infra: *Qui ergo fecit te sine te; non te justificat sine te: ergo fecit nescientem, justificat volentem.* De parvulo autem, qui impotens est propriam voluntatis, de verb. Apostoli serm. 14. *Ad verba, inquit, aliena sanatur, quia ad factum, alienum vulneratur. Credit in Christum? fit interrogatio, respondetur, credit. Prò non loquente, pro silente, stente, & stendo quodammodo ut subveniatur orante, respondetur, & valet. A quo respondetur? Ab offerentibus inquires. Quid si nullus offerat, sed solus Minister baptizet? Rectè intelligitur respondere tota mater Ecclesia, quæ in sanctis est; quia,*

ut

ut mox diximus ex eodem S. Doctore epistola 23. *Tota omnes, tota singulos parit*, per voluntatem Ministri, suo, & Christi nomine baptizantis. Valet itaque Baptismus parvulorum quorumcunque parentum, ipsis quantumcunque invitis, & contradicentibus, si adsit legitima materia, forma, & intentio Ministri.

CONCLUSIO SECUNDA.

Filii hæreticorum, schismaticorum, nec-non & eorum infidelium, qui sunt mancipia Christianorum, non solum validè, sed etiam licitè baptizari possunt, invititis parentibus. Hæc est communis quoad utramque partem, maximè quantum ad primam: *Quia* Ecclesia potestatem habet vi compellendi omnes baptizatos ad observantiam legis Evangelicæ: eo enim ipso, quo baptizati sunt, subjiciuntur Ecclesiæ potestati, atque jurisdictioni; ratione enim characteris baptismalis, sunt aliquatenus ipsius mystici corporis membra: ac proinde compelli possunt; ut sese conforment moribus, & legibus, quibus mysticum illud corpus regitur. Unde Ecclesia semper probavit justissimas illas, ac sanctissimas Christianorum Principum sanctiones, quibus hæretici, vel exilio, vel aliis pœnis subiciebantur, nisi ad Ecclesiæ gremium sese reciperent; ergo multò magis potest eorum filios ipsius invititis baptizare.

Secunda pars etiam constat: servi namque, seu mancipia subsunt dominio reali, unà cum suis filiis, iis sub quorum potestate mancipantur: ita ut Dominus pro suo libito possit ejusmodi vel Filios vendere, sicut & parentes, vel eos à parentibus distrahere. *Partus* quippe sequitur ventrem, & filii mancipiorum titulo natiuitatis sunt mancipia: igitur eorum dominus potest eos per Baptismum Ecclesiæ jurisdictioni subicere.

Confirmatur, quia si quid obstatet,

Tóm.X.

maximè essent dominium naturale parentum in filios, ratione cuius nullum fieri posset ejusmodi filiorum subiectio Ecclesiasticæ potestati absque eorum parentum consensu: sed id non obstat; quænammodum enim parentes, quamvis jure naturali sint liberi: tamen jure Gentium privantur sua libertate; ita licet jure naturali potestatem habeant supra filios suos, attamen jure gentium, & belli aut emptionis ea potestate licitè privantur; ita ut dominus eorum filios possit vendere, & à parentum consorcio distrahere; igitur multò magis potest eos Ecclesiæ baptizandos offerre.

Nec tantum potest, sed etiam debet eis Baptismum procurare, siquidem succedit in jus parentum, adeoque contrahit obligationem providendi de necessariis ad salutem, ubi ejusmodi parentes deficiunt parvulis. *Addè quòd* filii mancipiorum censeantur de domo, & familia sui domini, & consequenter ex conscientia teneantur eis procurare, ac subministrare necessaria, non solum ad vitam corporis, sed etiam animæ: nam, inquit Apostolus 1. ad Timoth. 5. *si quis suorum, maximè domesticorum, curam non habet, fidem negavit, & est infideli deterior.*

Idem dicendum de filiis eorum parentum, quorum unus fidelis est, qui vult, parvulum suum baptizari; alter vero infidelis, qui renuit: eo enim in casu standum est pro bono prolis, ut decrevit Concilium Toletanum IV. can. 62. ubi sic habet. *Judei, qui Christianas mulieres in conjugio habent, admoneantur ab Episcopo civitatis illius; ut si cum eis permanere cupiant, Christiani efficiantur. Quòd si admoniti noluerint, separentur, Filii autem; qui ex talibus nati existunt, fidem, atque conditionem matris sequantur. Similiter & hi, qui procreati sunt de infidelibus mulieribus, & fidelibus viris, Christianam Religionem sequantur, non Judei-*

P p

cam

cam superstitionem. Hujus autem decreti ratio est, quia uterque parens habet jus in filium, & utrique incumbit cura filiorum, etiam in spiritualibus, & consequenter potius proles ei parenti concedenda est; qui illam legitimè in salutem, quàm qui in perniciem, & damnationem educaret: ita respondit Gregorius IX. Episcopo Argentinensi, & refertur cap. ultimo de conversione infidelium; ubi inter cætera hæc habet. *Cum autem filius in patris potestate consistat, cujus sequitur familiam, & non matris, & in ætate tali, qua non debet ab eis remanere personar: de quibus possit esse suspicio, quod saluti vel vitæ infideliter illius, & pueri post triennium apud Patrem non suspectum ali debeant, & morari: materque pueri, si cum remanere contingeret apud eam, posse illum adducere ad infidelitatis errorem, in favorem maximè fidei Christianæ; respondemus Patri Christiano eundem puerum assignandum.*

CONCLUSIO TERTIA.

PVeri infidelium civiliter, & politice dumtaxat Christiani Principibus subditorum licitè possunt, accedente Principis mandato, aut consensu invitis parentibus baptizari. Hæc est Doctoris in 4. dist. 4. quæst. 9. num. 2. ubi ait. *Dico ergo breviter, quod si Principi faceret cum cautela bona, scilicet ne parentes prius cognoscentes hoc futurum, occiderent pueros suos, & quod baptizatos faceret religionè educari, bene fieret.* Idem habet in reportatis fidei qu. 2. Probatur ratione Doctoris. Præceptum superioris servari debet non obstante repugnantia, & voluntate contrariâ inferioris: sed baptizari pueros, est præceptum Dei: repugnantia verò parentum est voluntas hominis inferioris Deo: igitur non obstante tali voluntate in infidelibus, eorum parvuli possunt licitè baptizari. Majorem simul ac minorem probat Doctor: nam in

, parvulo, inquit, Deus habet majus

jus dominii, quàm parentes: uni-
versaliter enim in potestatibus ordinatis, potestas inferior non obligat in his, quæ sunt contra superiorem, sicut docet S. Augustinus de verbis Domini, hom. 6. & ponitur cap. ult. lib. 2: *Si aliquid jubet potestas, quod non debes facere: hic sanè contemne potestatem, timendo potestatem majorem*. Et declarat in exemplo de Curatore, & proconsule, de Proconsule, & Imperatore, de Imperatore; & Deo: ergo si quis habet regere Rempub. magis debet, quantum in se est, cogere unumquemque subditi Domino superiori, quàm inferiori, quando inferior in tali dominio resistit superiori.

Sicut ergo Imperator deberet sententiare aliquem debere obedire Proconsuli, contempto præcepto Curatoris, id est, inferioris Proconsule, si contradiceret Proconsuli; ita, etiam, si essent sub eodem dominio ordinata, scilicet, quod aliquis esset servus Titii, & Titius Petri, magis deberet Imperator cogere servum, servire Petro, quia superior est Titio, quàm Titio, si Titius vellet uti servo illo contra dominium Petri: ergo maximè debet Princeps zelare pro dominio servando supremi Domini, scilicet Dei, & per consequens non solum licet, sed debet Princeps auferre parvulos à dominio parentum volentium eos educare contra cultum Dei, qui est supremus, & honestissimus Dominus, & debet eos applicare cultui divino.

Reponunt Thomistæ majorem esse veram, quando superior vult præceptum suum servari non obstante voluntate contraria, & quocumque jure inferioris; secus verò quando superior vult præceptum à se impositum servari sine violatione juris inferioris: ita autem (inquiunt) contingit in proposito: Deus enim præcipiendo, ut omnes etiam

etiam parvuli baptizentur, vult hoc præceptum observari sine violatione juris naturalis, quod Pater habet in prolem, quia gratia non destruit, sed perficit naturam.

Verum, hæc responsio prorsus est evanida: licet enim Deus non præceperit explicitè, ut Baptismus etiam invictis parentibus parvulis ministraretur, attamen id præcipit saltem implicitè, dum illum tanquam remedium necessarium omnibus, & singulis ad salutem instituit, & ordinavit: eo enim ipso sufficienter concessit parvulis jus accipiendi Baptismum, à quo proinde sine injustitia nequeunt violentè impediri: adeò ut parentes, etsi non peccent contra justitiam, non procurando parvulis Baptismum, sed solum contra pietatem, aut charitatem: attamen reverà in justitiam peccant, impediendo Ministrum paratum ad conferendum Baptismum, ad quem eorum parvuli jus habent: quemadmodum licet dumtaxat teneat ex charitate corripere proximum, peccaret tamen contra justitiam, qui me impediret violentè ab illa correptione, quia præpediret executionem commissi mihi divinitus muneris; unicuique enim mandavit Deus de proximo suo.

Probatur secundò. Si quid obstaret, quominus infidelium Filii non possent invictis parentibus baptizari, maxime quia fieret injuria manifesta ipsis parentibus contra jus naturale, & potestatem paternam, quam habent in Filios, quamdiù rationis usu sunt destituti, non minus, quàm in propria bona, quæ possident; sed hæc ratio nulla est: *Tum*, quia potest Princeps subditos privare tali dominio in sua bona, quando eo abutuntur; Parentes autem nolentes suos filios baptizari, abutuntur dominio, quod habent in ipsos contra honorem Dei, & parvulorum salutem: *Non enim sine causa gladium portat*, inquit S. Paulus ad Rom. 13.

Videmus in iram ei, qui malum agit; quoddam autem majus est malum, quàm privare aliquem remediò necessariò ad salutem? igitur tali jure, & dominio paterno in filios privari possunt infideles, & consequenter eorum infantes licetè baptizari.

Tum quia si pater infidelis vellet interficere filium, posset infans non obstante jure naturæ ab ipsius parentis manibus vi eripi, & ab ejus potestate distrahi: ergo multò magis, si parens nolit eum baptizari, ut per Baptismum æternam mortem evadat: vita enim spiritualis longè præstantior est vita corporea, Patet antecedens; potestas enim defendendi innocentes, jure naturæ competit omnibus; sed pueri sunt innocentes, & maximo damno sunt obnoxii, si non baptizentur; igitur jure naturæ licitum est eos, reluctante parente, baptizare.

Respondunt Thomistæ, posse quidem Principem privare subditos dominio, quod habent in filios, quando illo abutuntur contra legem naturæ; secus verò, quando eo abutuntur contra legem supernaturalem ipsis ignotam, qualis est lex, quæ obligat ad Baptismum: cum enim potestas civilis sit merè naturalis, & ab hominibus dimanans, non potest extra jus naturæ se extendere ad legem supernaturalem, ejusque observantiam, qualis est lex de suscipiendo Baptismate, & consequenter à nullo Principe possunt privari jure, & dominio naturali, quod habent supra filios; quando eo abutuntur contra legem supernaturalem, & parvulorum salutem.

Verum contrà, Jus naturale non potest obligare in præjudicium legis fidei; quidquid enim continetur jure naturali, comprehenditur in decalogo, saltem implicitè, & reducitur ad præcepta virtutum, quæ omnia confirmantur per legem Evangelicam. *Insuper*, quæcumque lex præscribitur, & ordi-

natur ad ſinem charitatis, & ſalutis; ac ſubinde nulla lex obligat in præjudicium Fidei, & charitatis; igitur pietas, in qua fundatur omne jus parentis in filium, non obligat contra charitatem & ſalutem, & conſequenter nullum jus concedit parenti in filium contra præceptum de ſuſcipiendo Baptiſmo; quod per legem Evangelicam præſcribitur tanquam medium ad ſalutem neceſſarium.

Secundò, fides ſuſcepta non minuit in homine ſideli jus paternum in proprios filios: alias homo baptizatus, & ſidelis, eſſet pejoris conditionis, quantum ad auctoritatem in filios, quam Gentilis, aut Judæus: ſed conſentium nobiſcum adverſarii filios Catholicorum, necnon & hæreticorum invitis parentibus licitè baptizari poſſe accedente Principis, & Eccleſiæ auctoritate, non obſtat: jure naturali parentum in filios; igitur etiam infidelium ſubditorum filii licitè poſſunt baptizari ſine præjudicio juris paterni, ſi accedat Principis auctoritas, quantumvis parentes renuant.

Conſirmatur, quia ex eo quòd parens aliquis ſit baptizatus, nullum inde accedit jus Principi in ejus parentis baptizati filios, magis quam in filios non baptizati, neque parentis baptizati filius majus habet jus ad Baptiſmum ſuſcipiendum, quam filius parentis non baptizati; igitur ſi ille licitè poſſit baptizari, quidni & hic?

Tertio, filius rationis compos poteſt licitè baptizari, ſi conſentiat, quantumvis parentes renuant: ſed uſus rationis in filio non officiit, nec derogat juriſdictioni paternæ in ipſum: ergo etiam ſine præjudicio paternæ juriſdictionis poterit filius rationis expertus baptizari. Major conſtat: nullus enim tenetur obedire parentibus in iis, quæ ſaluti ſuæ adverſantur, dicente Chriſto D. *Si quis venit ad me, & non odit Patrem ſuum, & Matrem non poteſt*

meus eſſe diſcipulus. Hoc eſt, ut explicat S.Gregorius, quos *adverſarios in via Dei patitur odiendo, & fugiendo neſciamus*. Si ergo filius removeri poſſit à Patris conſortio, & dominio ea ætate, qua obſequium ei poteſt impendere, ac prodeſſe, ut ſuæ ſaluti invigilet: multò magis ab ejus auctoritate poterit ſubmoveri in ea infantili, & infirma ætate, qua parentibus dumtaxat eſt in gravamen, ut ejus ſaluti conſulatur.

Dicitur: Si pueri infidelium invitis parentibus baptizarentur, vel eripiendi eſſent poſt Baptiſmum à ſocietate, & conſortio parentum, ut inter Fideles educarentur, vel apud ipſos parentes infideles eſſent relinquendi; ſed neutrum licet. Non qui dem *primum*, quia manifeſtam continet injuriam: ſiquidem Parentes ſpoliarentur juræ naturæ, quod habent in filios, qui ſunt ſub eorum poteſtate, quamdiu rationis ſunt expertes: non ſunt autem faciendæ mala, ut veniant bona. Non etiam *ſecundum*, quia vergeret in detrimentum, & profanationem Baptiſmi, periculolum enim eſſet, ne parentes infideles eos pueros ſuis peſſimis ritibus infeſcerent, & ubi ad adultam perveniſſent ætatem, Baptiſmum abrenuntiare cogerent; igitur, &c.

Nego minorem: Poſſent enim; ſi adeſſet periculum ſubverſionis; ejuſmodi infantes removeri à dominio, & conſortio parentum, propter rationem mox expreſſam, ſi enim filius, dum rationis, & libertatis eſt compos, poſſit ſe ſubmovere ex conſortio, & cura parentum, ut ſuæ ſaluti conſulat, ea ſcilicet ætate, qua ex debito naturæ tenetur parentibus obſequi, & famulari; multò magis ab eorum præſentia licitè poterit ſubmoveri ea ætate, qua rationis expertus nil quidquam obſequi, imò gravaminis, & laboris multum parentibus poteſt ingerere. *Accedit*, quod etiam abſque ulla diſtractione, & ſeparatione poſſit provideri infanti, donec

nec ad usum rationis perveniat, cum parentes tenentur ipsi puero omnia ad vitam naturalem necessaria conferre, nec eo in statu quidquam illi possint ingerere, quod saluti officiat.

Dicitur secundo: Christus D. neminem voluit violenter, sed liberè, & absque ulla coactione, vel propria, vel aliena ad Catholicam fidem promoveri: igitur parvuli, quamdiu non habent aliam voluntatem, quam parentum, non possunt, ipsis parentibus reluctantibus ad Religionem Christianam per Baptismum induci. Probat antecedens Gonetius disp. 3. art. 3. §. 3. *Primo* quidem, inquit, quia ad fidem æternam nemo cogi potest: igitur lex Evangelica, quæ non nisi per fidem corde suscipitur, injuria, & metu, ac violentiis non debet ingeri. *Secundo*, quia cum intentio Christi esset persuadere universo orbi fidem, non qualemcumque, sed eam, quæ per solam dilectionem operatur: charitati autem, sive dilectioni, nil magis sit adversum, quam vis, injuria, & metus: congruum fuit, ut ad eam nemo ejusmodi violentiis cogeretur. *Tertio*, ne fides, quæ naturalis rationis vires excedit, per violentiam Gentibus prædicata, exosa fieret, & quasi tyrannis existimaretur, ac diaboli figmentum rationi repugnans. *Quarto*, ut hac excellentia lex nostra, cum Mahumeti perfidia comparata, resplenderet; ista enim tantquam, quæ nulla ratione persuaderi poterat, vi & armis in mundum obtrusa est: nostra verò fides, per homines inermes, & mites, sola veritatis vi, ac energia, mundum vicit, & Philosophos, ac Imperatores debellavit. Unde egregie Chrysostomus serm. 3. *Pentecostes:* *Peragravit Piscatores orbem terrarum, & infirmum cum innocentibus, ad sanitatem reduxerunt, & in ruina positum, ad stabilitatem revocaverunt; non secuta moventes, non arcus tendentes, non sagittas mittentes, non pecuniam largientes, non in eloquentia confidentes, sed*

regnum celorum possidentes, non habentes humana solatia, habentes autem Dominum secum. Peragravit universum orbem oves simul cum lupis, & vulnerata à bestiiis non sunt oves, sed magis lupi ad ovium mansuetudinem sunt conversi.

Respondeo negari posse antecedens; quamquam enim Deus sub parabola Patris-familias liberè vocaverit ad cœnam omnes invitatos, nihilominus jubet: *Exi in viam, & sepe, & compelle intrare, ut impleatur domus mea.* Unde S. Augustinus epist. 43. ad Vincentium, *Putas neminem posse cogi ad justitiam cum legat Patrem-familias dixisse servis, quoscumque inveneritis cogite intrare: tunc Doctor nu. 2. ait: Crederem religionem fieri, si ipsi parentes cogerebantur minis, & terroribus ad suscipiendum Baptismum, & ad conservandum postea susceptum: quia esto, quod ipsi non essent veri fideles in animo; tamen minus malum esset eis, non posse impune legem suam illicitam servare, quam posse eam liberè servare. Item filii eorum, si bene educarent, in tertia, & quarta progenie essent veri Fideles.* Quod utique probat ex decreto Concilii Toletani quarti, ubi legimus can. 56. De Judæis autem præcepit sancta Synodus, nemini deinceps ad credendum vim inferre. *Cui enim vult Deus miseretur, & quem vult indurat.* Non enim inviti sunt salvandi, sed volentes, ut integra sit forma justitiæ. Sicut enim homo propria arbitrii voluntate serpenti obediens perit: sic vocante se gratia Dei propria mentis conversione homo quisque credendo salvatur: ergo non vi, sed libera arbitrii voluntate, ut convertantur, suadendi sunt, non potius impellendi. *Qui autem jam pridem ad Christianitatem venire coacti sunt, sicut factum est temporibus religiosissimi Principis Sisenandii: quia jam constat, eos Sacramentis divinis sociatos, & Baptismi gratiam suscepisse, & chrismate unctos esse,*

&

„ & corporis Domini , & sanguinis
 „ extitisse participes, oportet ut fidem
 „ etiam, quam vi, vel necessitate susce-
 „ perunt, tenere cogantur, ne nomen
 „ Domini blasphemetur, & fides, quam
 „ susceperunt, vilis ac contemptibilis
 „ habeatur .

Licet autem Concilium prohibeat Ju-
 deos, & alios infideles cogendos ad sus-
 ceptionem fidei, & Baptismatis, nihi-
 lominus dum utitur particula (*deinceps*)
 significat, id non semper fuisse illicitum;
 ac proinde illam coactionem,
 quæcumque sit, non esse illicitam ex
 natura rei, sive ex jure naturali, & di-
 vino. Unde ibidem subdit: *Qui autem*
jam pridem, ad Christianitatem coacti
sunt venire, sicut fuitum est temporibus
religiosissimi Principis Sisenandi, &c.
Ergo, inquit Doctor supra num. 3. *in*
hoc approbat tanquam Principem reli-
giosum, non ob ipsius egregiam fidem,
& alia facta pietatis, de quibus ibi nul-
la est mentio; sed, quia infideles coegit
ad fidem. Simili ratione laudibus cele-
 brantur omnes illi Catholici Principes,
 qui leges severissimas, non solum in in-
 fideles, sed etiam in hereticos edide-
 runt, nisi ad Ecclesiam Catholicam sese
 recipere.

Adde quod si coactio illa jure natu-
rali, & divino foret illicita; maxime,
quia induceret ad fictam, & dumtaxat
externam susceptionem Baptismi: si
plerumque contingit, ut, qui sic com-
pelluntur, non solum fidem, sed ex animo
Baptismum suscipiant; nam, inquit san-
ctus Augustinus epist. 60. Multis profuit
(quod experimentis probavimus, & pro-
bavimus) prius timore, vel dolore cægi, ut
postea possint doceri, aut quod jam verbis
didicerant, opere scitari. Quod utique
plurimis probat, maxime verò exemplo
Conversionis S. Pauli, scribena: Cum
Petrum, & alios Apostolos solo verbo vo-
casset, Paulum prius Saulum, Ecclesia
sua postea magnum edificatorem, sed
horrendum antea vastatorem non solum

voce compestuit, verum etiam potestate
prostravit, atque ut infidelitatis tenebris
serientem, ad desiderandum lumen cordis
urgeret, prius corporis cecitate percus-
sit... Ubi est, quod isti clamare consue-
verunt, liberum est credere, vel non cre-
dere? Cui vim Christus intulit? quem
coegit? Ecce habent Paulum Apostolum,
agnoscant in eo prius cogentem Christum,
& postea docentem, prius ferientem, &
postea consolantem... Cur ego non coe-
ret Ecclesia perditos filios ut redirent, si
perditi filii coegerunt alios, ut perirent?
&c. Idem probat S. Doctor exemplo
ovis à grege aberrantis, quam inven-
tam ad ovile dominicum, si resistere,
voluerit, flagellorum terroribus, vel
etiam doloribus revocare juvat. Probat
etiam parabola Patris-familias præci-
pientis servis, ut quos invenerint in
viis, & sepibus, idest, in hæresibus, &
schismatibus, cogant intrare.

Nec dicat, id quidem verum esse de
 hæreticis, qui Christo nomen suum per
 Baptismum dederunt: non autem de
 infidelibus non baptizatis. Quamquam
 enim præcipuus S. Augustini scopus in
 illa epistola sit, ostendere Bonifacio
 viro militari, ad quem ipsam dirigit,
 hereticos, maxime Donatistas legitime,
 ut ad Ecclesiam redeant, posse compelli:
 nihilominus ipsius rationes idem
 probant de quibusvis infidelibus; unde
 prius scripserat, *Si equus, & mulus, qui-*
bui non est intellectus, moribus, & calci-
bui resistunt hominibus, à quibus eorum
vulnera contrahantur, & cum inter den-
tes eorum, & caecos sæpe homines peri-
clitentur, & aliquando veniuntur, non
tamen eos deserunt, donec per dolores, &
molestias medicinales revocent ad salu-
tem: quanto magis homo ab homine, &
frater à fratre ne in æternum pereat, &
non est deserendus, qui correctus intelligere
potest quantum sibi præstatur benefi-
cium, quando se persecutionem perpeti
querelatur? Unde concludit: Quando
Imperator pro falsitate contra verita-
tem

tem constituunt multas leges, probantur bene credentes, & coronantur perseverantes: quando autem pro veritate contra falsitatem constituunt bonas leges, terrentur scelerantes, & corriguntur intelligentes: quicumque ergo legibus Imperatorum, quæ contra veritatem Dei feruntur, obtemperare non vult, acquirit grande præmium: quicumque autem legibus Imperatorum, quæ pro Dei veritate feruntur, obtemperare non vult, acquirit grande supplicium. Non igitur, absurda est subtilis Doctoris sententia, quando censet non illicitum esse aliquando infideles cogere ad fidem amplectendam, quando maxime illa coactio profutura est eorum posteritati, eò quod ipsorum filii tandem aliquando perfecti Catholici sint futuri. Non enim est ipius mens, qualemcumque coactionem, in quibuscumque circumstantiis jure divino esse permissam, sed moderatam, ubi, & quando recta ratio dicat illam vergere, non in destructionem fidei, sed in edificationem; non in odium, sed potius in amorem, nisi aliter per Ecclesiam fuerit sancitum.

QUÆSTIO QUARTA.

Quenam prævia dispositiones requirantur in adulto, ut validè, & debitè Baptismus suscipiat?

NOtandum primò, præsentem difficultatem moveri maxime de quadruplici dispositione hominis adulti accedentis ad suscipiendum Baptisma; nempe de fide, quæ excludat omnem infidelitatem, & errorem; consensu, qui coactionem non admittat, sinceræ voluntate, quæ simulationem, & fictionem removeat, denique penitentia, quæ animum à peccatis revocet, & ad Deum convertat.

Porrò constantissimum est fidem in adulto requiri ad obtinendam gratiam justificationis; nam Matthæi ultimo

Christum Apostolos delegans ad conversionem gentium, præcipit: *Eantes, docete omnes gentes, baptizantes, &c.* ubi vult doctrinam præmitti Baptismo ob necessitatem fidei; *Fides enim ex auditu, auditus autem per verbum Dei*, idest, prædicationem. Hinc Marci ultim. *Qui crediderit, & baptizatus fuerit, salvus erit.*

Quapropter Eunuchò Baptismum, postulanti dixit Philippus Actor. 8. *Si credis, licet.* Cui cum Eunuchus dixisset, *Credo*, statim eum Philippus baptizavit. Hanc etiam veritatem constantissimam habuerunt omnes SS. Patres, exigentes confessionem fidei à Catechumenis, tanquam dispositionem necessariam ante Baptismum. Ita S. Dionysius lib. de Ecclesiastica Hierarchia, cap. 2. Origenes homil. 5. in lib. Num. Cyrillus Hierosolymitanus Catechesi 2. Basilii lib. 3. ad Eunuomium. Chrysostomus in caput 15. ad Corinth. & alii Patres Græci.

Quibus adstipulantur etiam Latini, Tertullianus de spectaculis cap. 4. Cyprianus epist. 70. & 76. Ambrosius lib. de Spiritu S. cap. 11. Hieronymus dialog. contra Luciferianos cap. 5. & S. Augustinus lib. de fide, & operibus cap. 9. & 20. Idem decernunt Concilia, Laodiceum, can. 49. & 47. Sexta Synodus Constantinopolitana, cap. 7. ac novissimè Tridentinum, sess. 6. c. 6. fidem constituit tamquam primam dispositionem adulti ad justificationem, cujus rationem subdit cap. 8. quia est *radix, & fundamentum justificationis.*

Non tamen necessariò fides prærequiritur in suscipiente ut validè baptizetur, sicut præclarè docet S. Augustinus lib. de Baptismo cap. 14. ubi ait; *Nec interest cum de Sacramenti integritate tractatur, quid credat, & quali fide imbutus sit ille, qui accipit Sacramentum: Interest quidem plurimum ad salutis viam; sed ad Sacramenti questionem nihil interest; fieri enim potest ut homo in-*

*integrum habeat Sacramentum, & per-
versam fidem.*

Notandum secundò, ex Doctore sub-
tili in 4. dist. 4. qu. 4. num. 2. adultum
posse distingui duplicem; alium scilicet
etate solum, alium verò etate, & ra-
tione simul: *Prior* est, qui licet adole-
verit ad plurimam etatem, tamen non
est rationis compos, idque vel à nati-
vitate sua; vel licet aliquando habuerit
usum rationis, eum tamen non obti-
net, dum occurrit occasio suscipiendi
Baptismum, sed sperat eum aliquan-
do habiturum. *Posterior* verò ille est,
qui plenà, & perfectà ratione actuali-
ter potitur: de utroque autem movetur
quæstio, utrum sine consensu baptizari
possit.

Porro ex eodem Doctore in 2. d. 41.
quæst. unicà, triplex est consentiendi,
vel dissentiendi modus, nempe actualis,
virtualis, & habitualis. Consensus
actualis est ille, quo quis de facto vult,
& consentit, ac determinat aliquid age-
re, vel suscipere: *Virtualis* ille est, qui
aliquando actualiter fuit elicitus, nec
revocatus est; sed manet in virtute,
quia nempe voluntatem excitavit ad
effectum ponendum, per applicatio-
nem mediorum, qualis consensus est in
eo, qui distrahitur, dum id exequitur,
quod voluntate determinata facien-
dum suscepit: *Habitualis* verò est
voluntas inefficax, qua quis vult qui-
dem effectum, non tamen applicat me-
dia pro eo tempore, quo habetur, licet
removeat obicem contrariæ volunta-
tis, idque vel negativè, per suspensio-
nem actus non consentientis, sive con-
trariè per elicitionem actus dissensus.
Nam, ut docet Doctor præfata dist. 4.
quæst. 4. num. 3. aliquis potest dici non
consentire duobus modis, nempe vel
contrariè, vel *negativè*. *Negativè*, tan-
tùm negat *actualem consensum*: Contra-
riè verò ponit *actualem dissensum*. Cujus
discriminis hanc rationem profert;
quia, inquit, *non est idem, non velle, &*

nolle; nam non velle significat suspen-
sionem actus volendi: *nolle* autem po-
sitionem actus non volendi.

Rursus, qui dissentit *contrariè*, seu
positivè, vel dissentit *simpliciter*, itaut
ratione velit actionem; vel tantùm *se-
cundùm quid*, itaut nolle, quidem talem
actionem, si non esset periculum ca-
vendum; sicut, inquit ibidem Doctor,
projiciens merces in mare, ut fugiat
submersionem, simpliciter vult projici-
cere merces, nam potentiam suam mo-
tivam ad projiciendum voluntas movet
imperando, & ipsa seipsam liberè
moveret, quia cogi non potest: simpliciter
ergo volens projicit: sed secundùm
quid nolens, hoc est, sub conditione
nolens, quia mallet si posset, alio modo
salvare vitam. Quæritur ergo, quisnam
ex illis modis consentiendi, requiratur,
& sufficiat ad validè recipiendum Sa-
cramentum.

Notandum tertio ex Doctore *ibidem*,
qu. 5. num. 2. aliquem posse rem inten-
dere, & exequi sicut duobus modis;
fictio enim, ut in actibus humanis in-
venitur, consistit in eo, quòd aliquis
exteriùs prætendat, aut præferat,
quod interiùs non intendit: in verbis
dicitur *mendacium*, in operibus autem
simulatio: at ex communi Theologorum
usu appellatur *fictio*, quæ respec-
tivè ad susceptionem Sacramenti, du-
plex est: *prima*, quando reverà reci-
piens Sacramentum nullomodo inten-
dit illud recipere, licet exteriùs se fe-
velle simulet: *secunda* respicit disposi-
tionem præviam ad debitè recipien-
dum Sacramentum, quam utique dis-
positionem suscipiens Sacramentum,
simulat se habere, quæ tamen caret,
putà cùm simulat se credere mysteria,
quorum fides exigitur, nec tamen cre-
dit: vel simulat se pœnitere de peccatis
ante Baptismum commissis, licet de fa-
cto non pœniteat, vel si in ipsamet sus-
ceptione Sacramenti actu mortaliter
peccet per pravam internam affectum.

His

His ita præmissis, quatuor supersunt determinanda: *Primum*, utrum, & quando adultus, qui non est rationis compos, possit licite baptizari: *Secundum*, utrum adultus non consentiens revera recipiat Baptismum: *Tertium*, utrum qui sicte accedit ad Baptismum, suscipiat illius effectum: *Quartum*, utrum impenitens debite Baptismum suscipere valeat?

CONCLUSIO PRIMA.

A *Adultus ratione defraudatus à nativitate si lucidum non habeat rationis usum, validè, & licitè baptizatur.* Ita Doctor præfata *quest. 4. nu. 2.* ubi hanc difficultatem ita luculenter explicat, ut non solum ejus doctrinam, sed, & verba hic lubeat exscribere. Ait autem: De illo adulto idem dicendum esse, ac de parvulo, cum hoc solo discrimine, quod si speratur ipsum aliquando curandum, & usum ratione, expectandum est tempus illud, ut cum majori reverentia suscipiat Sacramentum. Si autem desperatur de eo, quod ad usum rationis nunquam attingat, statim conferendum est sibi Sacramentum: quia nulli Deus excludit remedium ad salutem. De secundo, scilicet nunc non utente, qui aliquando tamen usus est ratione, dico quod supponitur nunc habitualiter consentiens, vel dissentiens, secundum quod se habuit in sanitate, ante istud impedimentum immediate, scilicet si tunc actualiter consensit, judicatur nunc habitualiter consentiens; si tunc actualiter dissentit, nunc judicatur habitualiter dissentiens. Et dixi, *inmediate*, ita quod inter actum illum & istud impedimentum, non interveniret motus voluntatis oppositus. Et sic universaliter dico, quod iste habitualiter se habens, potest recipere Sacramentum, sicut potuit prius, quando actu sic, vel sic, habuit. Qualiter autem actualiter se habens, possit baptizari, statim

Tom. X.

dicetur in tertio membro. Sed expedit ne talem baptizari? *Multa enim licent, quæ non expectant.* 1. Corinth. 6. *Respondco*, si speretur eum rediturum ad usum rationis, magis expedit tempus expectare, quo utetur ratione, puta de dormiente, tempus vigiliæ expedit expectare: & furioso tempus lucidi intervalli. Si autem non speretur, puta de eo, qui incidit in perpetuum impedimentum usus rationis, eum expedit baptizare, si tamen est capax Baptismi; quia aliàs exponeretur periculo damnationis. Qualiter autem sit capax, statim dicetur de utente ratione. Hæc Doctor.

Id ipsum colligitur ex Rituali Romano tit. de Baptismo, ubi legimus: *Amentes, & furiosi non baptizentur, nisi tales à nativitate fuerint: tunc enim de iis idem judicium faciendum est, quod de infantibus; atque in fide Ecclesiæ baptizari possunt. Sed si dilucida habeant intervalla, dum mentis compotes sunt baptizentur, si velint. Si verò antequam insanirent, suscipiendi Baptismi desiderium ostenderint, ac vitæ periculum imminet, etiam si non sint compotes mentis; baptizentur.* Idemque dicendum est de eo, qui lethargò aut phrenesi laborat, ut tantum vigilans, & intelligent baptizetur, nisi periculum mortis impendat, si in eo prius apparuerit Baptismi desiderium.

Ubi primò prohibet baptizare amentem, aut furiosum, *Secundò* permittit, si sit perpetuò amens. *Tertiò*, etsi non sit perpetuò amens, si dum dilucida habebat intervalla, Baptismum desideravit: tunc enim baptizari potest, etiam in amentia, si nempe sit periculum vitæ.

CONCLUSIO SECUNDA.

A *Adultus, qui nullatenus consensit, invalidè recipit Sacramentum: sicut verò si saltem secundum quid consentit.* Hæc est communis quantùm ad primam partem, illamque expressè tra-

Qq

dit

dit Innocentius, cap. *Majores* de Baptismo, & ejus effectu, ubi ait: *Ille verò, qui nunquam consentit, sed penitus contradiçit, nec rem, nec characterem suscipit Sacramenti, quia plus est expressè contradicere, quàm minimè consentire, & probat à simili: Sicut, inquit, nec ille notam alicujus reatus incurrit, qui contradicens penitus, & reclamans thurificare idolis, cogitur violenter.*

Idem decernit ibidem Pontifex de illo, qui in somno, vel amentia suscipit Sacramentum Baptismi, non retractata priori voluntate de Baptismo nunquam suscipiendo; *Dormientes autem, inquit, & amentes si priusquam amentiam incurrerent, aut dormirent, in contradictione persisterent, quia in eis intelligitur contradictionis propositum perdurare, & fuerint si sic emerit (aliàs immerit) characterem non suscipiunt Sacramenti.*

Ratio autem hujus veritatis petitur à voluntate Christi D. qui poterat quidem absolute Sacramenta sic instituire, ut etiam prodesse non volentibus; ea tamen non sic instituisse colligitur ex sensu D. D. & Ecclesiæ, *Congruentiam* verò, assignat Doctor. 4. *disp. 4. quæst. 4. nu. 3.* ubi ait: Si ergo iste sit utroque modo (negative, & contrariè, simpliciter, & secundum quid) dissentiens, dico quòd non recipit Sacramentum; quia Deus per Sapientem dicit Prov. 23. *Fili præbe mihi cor tuum, nolens aliquem omnino invitum adscribi familiæ suæ: suscipiens autem Baptismum adscribitur per hoc familiæ Christi.*

Addit Doctor: Neque oportet hic distinguere de reclamante, sive protestante signo exteriori suum dissentium, & de non reclamante; quia in rei veritate si est dissensus, omnino idem est quoad Deum: tamen quoad judicium Ecclesiæ judicantis de manifestis, & eum, qui tacet præsumens consentire: non cogetur reclamans ad observantiam Religio-

nis Christianæ; cogetur autem non reclamans. Nec in hoc potest argui Ecclesià, quòd isti nolenti; tamen non reclamanti fiat injuria. Minus enim malum est sibi, quòd invitus servet legem Christianam, quàm quòd impunè permittatur agere contra eam: quia minus malum est invitum aliqua bona facere, & mala fugere, quàm liberè & impunè mala agere, & bona dimittere.

Dices 1. Innocentius III. eodem cap. *Majores*, ait, *Sunt nonnulli, qui dicunt, quòd sacramenta quæ per se sortiuntur effectum, ut baptisumus, & Ordo ceteraque similia, non solum dormientibus, & amentibus, sed invitis, & contradicentibus, etsi non quantum tamen ad characterem conferuntur; cum non solum parvuli, qui non consentiunt, sed, & fidei qui quamvis non ore, corde tamen dissentiant, recipiant sacramentum.* Igitur invitis, & renuentibus potest validè ministrari baptismus.

Nego consequentiam. Nec enim ea est summi Pontificis Innocentii sententia, sed solum refert quid alii sentiant, unde continud subjungit: *Sed oppositur talibus, quòd qui fuissent invitati, & reluctantes immergi, solum ratione sacramenti ad jurisdictionem Ecclesiæ pertinerent; unde ad servandam regulam fidei Christianæ, forent rationabiliter compellendi: verum id est religioni Christianæ contrarium, ut semper invitati, & penitus contradicent, ad recipiendam, & servandam Christianitatem, aliquis compellatur.* Propter quod inter invitum, & invitum, coactum, & coactum alii non absurdè distinguunt; quòd is qui terroribus atque suppliciis violenter attrahitur, & ne detrimentum incurrat baptismi suscipit sacramentum talitè (sicut, & is qui fide ad baptismum accedit) characterè suscipit Christianitatis impressum. Quibus verbis Pontifex concedit quidem invitum dumtaxat secundum quid posse quidem validè baptizari; non vero

rò eum, qui absolute ad baptismum suscipiendum compelleretur.

„ *Secunda pars probatur ab eodem*
 „ *Doctore ibidem, nempe quòd dissentiens tantum secundum quid, hoc*
 „ *est timore alicujus mali incurrendi,*
 „ *si Sacramentum non susciperet, re-*
 „ *verà baptizetur; Si autem, inquit,*
 „ *secundum quid dissentiat, sed simp-*
 „ *pliciter consentit; & hoc non tan-*
 „ *tum in illam abluionem, tanquam*
 „ *in quoddam balneum, sed in ablu-*
 „ *tionem eo modo, quo illam intendit*
 „ *facere Ecclesia, ille simpliciter reci-*
 „ *pit Sacramentum; quia simpliciter*
 „ *est volens, licet secundum quid no-*
 „ *lens, & de tali loquitur illud Con-*
 „ *cilium Toletanum, quod allegatur*
 „ *Extrav. de Baptismo, & ejus effecti-*
 „ *bis, cap. Majorer: Quòd illi qui jam-*
 „ *pridem ad Christianitatem coacti*
 „ *sunt, quia jam constat Sacramentis*
 „ *divinis associatos, oportet, ut fidem*
 „ *quam necessitate susceperunt, tenere*
 „ *conantur, ne nomen Domini blas-*
 „ *phemetur, & fides, quam suscepe-*
 „ *run, contemptibilis habeatur.*

„ Exemplum hujus, qualiter aliquis
 „ potest sentire in illam abluio-
 „ nem suscipiendam, eo modo, quo
 „ confertur ab Ecclesia, & tamen nol-
 „ let, si posset evadere tormenta, quia
 „ non credit eam aliquid valere, sicut
 „ potest haberi de eo, qui non credit
 „ verba incantationis posse habere,
 „ aliquem effectum, tamen concedit
 „ incantanti, quòd dicat illa verba su-
 „ per eum, ea intentione, qua solet ea
 „ dicere, dicendo in corde suo, valeant
 „ quantum valere poterunt: iste verò
 „ diceretur incantatus: etsi talis in-
 „ cantatio super aliquem diceretur
 „ consecratio diabolo, ille esset diabo-
 „ lo consecratus. Patet autem differen-
 „ tia istius membri secundum quid,
 „ dissentientis à membro præcedenti:
 „ quia ille simpliciter dissentiens, om-
 „ nino non recipit Sacramentum, &

„ ideo cessante dissensu esset simplici-
 „ ter baptizandus. Iste verò, quia sim-
 „ pliciter consentit, licet secundum
 „ quid dissentiat, est baptizatus, &
 „ cessante dissensu illo secundum quid,
 „ non est iterum baptizandus.

„ Si quis autem non consentiat tan-
 „ tum negativè, dico, quòd recipit Sa-
 „ cramentum, si consensit virtualiter;
 „ quia noluit Deus obligare hominem
 „ ad impossibile, vel secundum statum
 „ hujus vitæ nimis difficile. Nunc au-
 „ tem non distrahi, nimis videtur homi-
 „ mini difficile pro statu: quia secun-
 „ dum August. 3. de lib. arb. *Non est ia-*
 „ *voluntate nostra, quin visi tangerentur.*
 „ Ergo noluit Deus salutem hominis
 „ ponere in ista conditione, *si non di-*
 „ *strahatur.* Nec ergo voluit obligare
 „ eum, qui in suscipiendo Baptis-
 „ mum, non distraheretur. Et ita est
 „ universaliter in aliis Sacramentis.
 „ Sacerdos etiam in consecrando Eu-
 „ charistiam, non obligatur necessa-
 „ riò, dico ad hoc, ut non sit distra-
 „ ctus. Verè enim conficit distractus,
 „ dum tamen prius induendo se, in-
 „ tenderet celebrare Missam, secun-
 „ dum morem Ecclesiæ.

„ Etsi quæras, esto quòd non con-
 „ sentiens actualiter, tamen consen-
 „ tiens virtualiter (eo modo, quo po-
 „ situm est exemplum de Sacerdote
 „ celebrante) recipiat Baptismum,
 „ nunquid & ille qui solum consentit
 „ habitualiter, recipit? Distinctio au-
 „ tem istorum, *virtualiter, & habi-*
 „ *tualiter*, patet 2. lib. *distinct. 41.* Et
 „ esto quòd sic, nunquid ille, qui tan-
 „ tum negativè non consentit, nega-
 „ tivè, etiam non dissentit? Quia nec
 „ actum, nec habitum oppositum,
 „ habet.

„ De primo posset dici, quòd talis ju-
 „ dicatur habitualiter consentiens,
 „ quia aliquando habuit consensum
 „ actualem, non interveniente dissen-
 „ su; & talis, licet utens ratione, re-

„ cōpit Sarramentum : quia non vide-
 „ tur propter aliquam conditionem
 „ minus capax, si utitur ratione, quā
 „ si prius usus, non utatur nunc : sed
 „ in tali non utente nunc, prius ta-
 „ men uso, sufficeret habitualis con-
 „ sensus : ergo & hoc .

„ De secundo, licet difficile esset ali-
 „ quem talem inveire, præcipue qui
 „ prius aliquando cogitasset de Baptis-
 „ mo; quia vel tunc placuisset sibi ba-
 „ ptizari, vel non placuisset, imò dis-
 „ plicuisset; & secundum ultimum,
 „ modum judicaretur talis habitualis
 „ consensus, vel dissensus esse inpo-
 „ sterum; tamen si quis esset omnino
 „ non consentiens, nec dissentiens,
 „ tam actualiter, quā habitualiter;
 „ & tamen utens ratione, non esset ca-
 „ pax Baptismi, quia ex quo utitur
 „ ratione, oportet quod habeat devo-
 „ tionem aliquam ad Sacramentum, si
 „ debet sibi valere; aliter enim vide-
 „ retur contemnere .

Quibus omnibus Doctor quin-
 que potissimum determinat : *Primum*, quod dissentiens negativè, aut
 contrariè non baptizetur validè. *Secundum*, quod qui dissentit dumtaxat
 secundum quid, reverà baptizetur,
 quia censetur simpliciter consentire. *Tertium*, quod consensus virtualis suf-
 ficiat, ut quis non solum validè, sed &
 debite baptizetur: si enim intentio vir-
 tualis sufficiat in Ministro, multo ma-
 gis in suscipiente, minor enim requi-
 ritur intentio in suscipiente, quā in
 Ministro, ut diximus agendo de ne-
 cessitate Ministri. *Quartum*, quod con-
 sensus habitualis sufficiat ad validam
 receptionem Sacramenti : quia volun-
 tas præterita reputatur semper perfe-
 verare donec revocetur. Quod utique
 pariter docet Innocentius ca. *Majores*,
 ubi dicit, quod amentes, & dormientes,
 qui jam consenserunt; nec postea dis-
 senterunt, validè baptizentur. Quod
 utique pariter determinat Concilia .

Concilium Carthaginense 3. ca. 24. ubi
 ait; *Ut egrotantes, si pro se respondere
 non possunt, cum voluntatis eorum tes-
 timonium sui dixerint, baptizentur. Si-
 militer & de penitentibus agendum est.*
 Idem decernit Concilium Africanum
 l. cap. 12. alias 12. Subito obmutescens,
 prout statutum est; baptizari aut peni-
 tentiam accipere potest, si voluntatis præ-
 terita testimonium aliorum verbis ha-
 bet, aut præsentis in suo nutu. *Quin-
 tum* denique, quod qui indifferenter se
 habet, id est, qui nec consentit, nec
 dissentit, non recipit Sacramentum .

Dicit: Innocentius præfato cap. *Majores*,
 ait: *Tunc characterem Sacramen-
 talem imprimit operatio, cum obicem
 voluntatis contrarie non invenit ob-
 stantem.* Sed in eo, qui nec consentit,
 nec dissentit, non est contraria volun-
 tas; igitur in ipso imprimitur chara-
 cter Baptismi, & subinde validè bapti-
 zatur. *Deinde* in Extrema-Uncione
 suscipienda nullus requiritur consen-
 sus: igitur nec in Baptismo .

Respondet ad primum, Innocentium
 nomine *contrarie voluntatis*, significa-
 re etiam illam, quæ negativa est : ait
 enim . Ille verò qui nunquam consen-
 tit, sed penitus contradicit, nec rem,
 nec characterem suscipit Sacramenti;
 ubi verba illa, *sed penitus contradicit*,
 non adduntur per modum dubitatio-
 nis, sed per modum augmenti, ut ibi-
 dem optimè observat Hiquerus, quia
 casus propositus fuit de iis, qui ad Ba-
 ptismum inviti rapti fuerant, in quibus
 dicit Baptismum esse nullum : quia, *in-
 quit*, plus est contradicere, quā mini-
 me consentire; ubi etiam supponit
 hunc validè baptizari, qui enim con-
 sentit, non censetur invitus .

Ad secundum dico, non esse parita-
 tem; quia Extrema-Uncio non suppo-
 nit alium consensum, quā consensum
 universalem hominis fidelis & peni-
 tentis, qui in ipso mortis articulo, non
 abs re supponitur velle omnia media
 ad

ad salutem conducentia sibi adhiberi. Unde Rituale Romanum titulo de sacramento Extreme-Unionis docet: *Infirmis qui dum sana mente, & integris sensibus essent, illud petierunt, seu verisimiliter petissent, seu dederunt signa contritionis, et amens deinde loquelam amiserint, vel amens effugii sint, vel delirent, aut non sentiant, nihilominus præbeatur.*

CONCLUSIO TERTIA.

Aultus, qui reus est alienius peccati mortalis actualis, necessario debet agere penitentiam, & revera dolere de peccatis commissis, ut dignè, ac debitè Baptismum suscipiat. Hæc est communis apud Theologos, & probatur primò ex Scriptura sacra. Act. 2. ubi S. Petrus videns Judæos, quibus fuerat concionatus, paratos ad id omne exequendum, quod ipsis necessarium præscriberet ad salutem, dixit; *Penitentiam agite, & baptizetur unusquisque vestrum, in nomine Jesu Christi, in remissionem peccatorum vestrorum, & accipietis donum Spiritus sancti.*

Hinc Concilium Tridentinum sess. 6. cap. 5. declarat penitentiam esse necessariam in adulto accedente ad Baptismum, ut dignè ejus effectum percipiat, loquens enim de præparatione necessaria ad justificationem, ait. *Propterea moventur adversus peccata per odium aliquod, & detestationem, hoc est, per eam penitentiam, quam ante baptismum agi oportet.* Unde Can. 3. definit. *Si quis dixerit, sine præveniente Spiritus sancti inspiratione, atque ejus adjutorio, hominem credere, sperare, diligere, aut penitere posse, sicut oportet, ut ei justificatio, & gratia conferatur, anathemati sit.*

Nec abs re quidem, ad omne enim justificationem hominis peccatoris, utpote rem maximè supernaturalem, prærequiritur dispositio supernaturalis, saltem in modo. Unde idem Concilium sess. 14. cap. 1. ait. *Fuit quidem peniten-*

tia universis hominibus, qui se mortali peccato inquinassent, quovis tempore ad gratiam, & iustitiam assequendam necessaria: illis etiam, qui Baptismi Sacramento ablui petivissent, ut perveritate abjecta, & emendata, tantam Dei offensionem cum peccati odio, & pio animi dolore deriderentur.

Eandem veritatem propugnat Doctor subtilis, nam dist. 4. qu. 5. num. 2. ait. *Alio modo potest aliquis esse fidei, ostendendo se esse dispositum ad recipiendum Sacramentum, & tamen non esse dispositum interius: vel quia non habet rectam fidem, vel quia habet aliquod peccatum mortale tunc in actu, vel præteritum, de qua nullo modo atteritur, vel conteritur.* Loquitur autem de Sacramento Baptismi, ac proinde supponit, Baptismum non justificare adultum reum, alicujus peccati actualis, sine prævia attritione, vel contritione.

Dices. Idem Doctor videtur asserere homini peccatori adulto non esse absolutè necessarium dolorem de peccato, sed solam voluntatem recipiendi Sacramentum, sine complacentia actuali in peccato, ait enim in 4. dist. 14. qu. 3. art. 3. *Sicut ergo adultus primam gratiam delentem originale potest habere duplici via, vel ex bono motu disponente ad illam de congruo, vel ex susceptione Sacramenti, ita & in proposito, &c.* Hoc declaratur sic, quia ad primam susceptionem gratiæ, requiritur aliquis motus meritorius de congruo: ad secundam autem non requiritur, nisi voluntaria susceptio Baptismi, & sine fisione, hoc est, cum intentione suscipiendi quod confert Ecclesia, & sine actu, vel voluntate peccati mortalis, ita quod in primo requiritur aliquod opus intrinsecum, aliquo modo acceptum, tanquam meritum de congruo; in secundo solum requiritur opus exterius cum amotione interiori impediendi; non solum ergo attritus per aliquod tempus, &c.

Respondent aliqui his verbis, Docto-

rem

rem non asserere quodd non requiratur penitentia ad dignam susceptionem Baptismi, sed quod non requiratur contritio perfecta, quæ extra Sacramentum iustificet, de qua contritione ut plurimum tota illa distinctione. Verum, inquit Hiquæus in commentario, non est necessarium ad hoc recurrere; quia clarè loquitur, si membra discursus ejus discernamus, & scopum perpendamus.

In principio enim illius articuli rejicit sententiam Magistrî in diff. 18. asserentis Sacerdotem Evangelicum non remittere peccata, sed ostendere remissa. Hanc impugnât Doctor, quia derogat Sacramento Pœnitentiæ, quia sic nunquam remitteret peccata, sed supponeret remissa per veram Contritionem, & consequenter non esset secunda post naufragium tabula. Subdit sententiam Alensis, qui dicit ad Sacramentum Pœnitentiæ adeo requiri dispositionem congruam, ut per Sacramentum remittatur peccatum, non tamen alligasse virtutem suam Sacramentis, quin sine ipsis remittat peccatum per perfectam dispositionem extra Sacramentum: quia est majoris misericordiæ, duplicem viam, & medium remittendi peccati instituere, quàm ad unum tantum arctare.

Subdit autem Doctor exemplum de Baptismo adulti, & remissione peccati originalis per duplicem illam viam, nempe vel per bonum motum voluntatis, tauquam meritum de congruo, vel per realem susceptionem Baptismi, excludendo fictionem, ut inde probet etiam peccatorem post Baptismum utroque modo justificari, sive per Contritionem, sive per Sacramentum Pœnitentiæ, supposita attritione, quod denotat illa clausula, *ita & in proposito*, &c. id est, de Pœnitentiæ Sacramento.

Et amplius subdit declarationem: *Hoc, inquit, declaratur sic, &c. quia ad primam susceptionem gratiæ* (nempe

ab adulto, quando justificatur à peccato originali extra Sacramentum) *requiritur aliquis motus meritorius de congruo*, &c.

Prefatis itaque verbis nil aliud innuit Doctor, quàm quodd adultus, qui nullum admisisset actuale peccatum, non aliam ad recipiendum effectum Baptismi dispositionem exigat, præter voluntatem sinceram recipiendi ejusmodi Sacramentum, loquitur enim, dumtaxat de modo, quo remittitur peccatum originale, ut constat ex ejus verbis; non autem sermonem ibi facit de peccato actuali, ad quod delendum, ultra voluntatem recipiendi Sacramentum Baptismi; requiritur etiam pœnitentia, seu dolor de commissione ejusmodi peccati.

PETES, *Utrum illa pœnitentia debeat esse alius contritionis perfectæ, an verò sufficiat attritio?*

Respondeo, attritionem sufficere; siquidem Sacramentum Baptismi per seipsum habet vim remittendi peccatum, & regenerandi hominem, ut docet Concilium Tridentinum sess. 6. cap. 4. ubi postquam dixisset, justificationem impij, esse translationem ab eo statu, in quo homo nascitur filius primæ Adæ, in statum gratiæ, & adoptionis filiorum Dei per Jesum Christum Salvatorem nostrum, statim subjungit: *Quæ quidem translatio post Evangelium promulgatum sine lavacro regenerationis, aut ejus voto fieri non potest.* Quibus verbis Concilium attribuit vim regenerandi, vel ipsi Sacramento realiter suscepto, aut voto illud suscipiendi: votum autem istud aliud non intelligit quàm contritionem perfectam; igitur censet Concilium, Baptismum in re susceptum habere vim justificandi, non autem necessariò supponere hominem jam justificatum per contritionem:

Con-

Confirmatur ex eo quod idem Concilium, in præmio sessionis 7: loquens de Sacramentis ait, Per quæ omnis vera iustitia vel incipit, vel cepta augetur, vel amissa reparatur: iustitia autem non incipit per aliud Sacramentum, quam per Baptismum, qui primus est omnium Sacramentorum, & eorum janua, sicut & Ecclesiæ aditus: igitur, &c.

Accedit Concilium Florentinum in decreto Eugenii, ubi loquens de effectu Baptismi, ait: *Effectus Baptismi est remissio omnis culpæ originalis, & actualis, ac inbide censet Baptismum ex se vim habere remittendi quodlibet peccatum; non autem necessario debere supponere illius remissionem virtute contritionis perfectæ.*

Quam utique doctrinam pridem ante utrumque Concilium docuerat subtilis Doctor in 4. dist. 14. qu. 4. num. 6. ubi ait: *Dicitur ergo, quod ita Deus requirat dispositionem de congruo (scilicet contritionem perfectam) ad hoc, ut peccatori conferat gratiam per Sacramentum Pœnitentiæ, & hoc non, quod alliget potentiam suam Sacramentis; quin tamen sine dispositione illa prævia, & congrua, quæ sufficeret, conferat per Sacramentum gratiam, & hæc est majoris misericordiæ; scilicet duplicem viam instituisse, per quam iustificetur peccator, quam ad unam viam arctare. Sicut ergo adultus primam gratiam delentem originale; potest habere duplici via, vel ex homo motu disponente ad illam de congruo, vel ex susceptione Baptismi: ita & in proposito, &c.*

Dices: Homo per peccatum avertit se à Deo, ut ab ultimo fine; igitur ut liberetur à peccato, necessarium est, quod ad Deum se convertat, ut ad ultimum finem, adeoque per actum charitatis, & contritionis.

Nego ultimam consequentiam: enimverò per contritionem imperfectam, sive Attritionem, si voluntatem pec-

candi excludat cum spe veniæ, peccator sufficienter se convertit ad Deum, tanquam ultimum finem, ut per Sacramentum peccati remissionem obtineat. Quod utique luculenter explicat Doctor in 2. dist. 37. qu. 1. num. 8. ubi ait: „ Quod aversio à fine ultimo potest „ intelligi dupliciter, vel formaliter, „ vel virtualiter; formaliter, vel contrariè, vel negativè, sic quod voluntas nolit illum finem, & tale nolle „ est odire; vel non velit eum deberet „ velle, & tale non velle est omittere „ illud præceptum. Dilige Dominum „ Deum tuum. Virtualiter sic, quod „ quando aliquid est necessarium ad „ consequendum finem ultimum, voluntas avertit ab illo, in hoc virtualiter à fine avertitur; sicut intellectus negans conclusionem, virtualiter avertitur à principio, & sic infirmus dicitur averti à sanitate, „ quando avertit se à potu amaro, si ne quo non potest haberi sanitas. „ Prima aversio secundum se est ejusdem rationis; nec includitur formaliter in quolibet peccato; est enim odium Dei speciale peccatum. „ Secundo modo aversio est communis omni peccato mortali, quia in omni tali peccato mortali voluntas inordinatè se habet respectu alicujus necessarii ad finem. Hæc Doctor. Subsumo: Atqui per attritionem statim descriptam; voluntas ante à Deo per peccatum avertit ordinatè se habet respectu omnium necessariorum ad consequendum finem ultimum: ergo talis attritio proximè disponit peccatorem ad remissionem peccatorum in Sacramento Baptismi impetrandam. Consequentia est evidens. Probatur subsumptum ex verbis Christi Matth. 19. v. 17. Si vis ad vitam ingredi, serva mandata.

CONCLUSIO QUARTA.

Qui fide pietate accedit ad Sacramentum Baptismi, validè quidem baptizatur, non tamen recipit gratiam sanctificantem, nisi dum fide illa, si obex sublatus fuerit. Hæc est communis, & primam illius partem docet Doctor dist. 4. quæst. 5. ubi ait, num. 2. *Dico*, quia nolentem Deus non justificat, secundum illud Augustini: *Qui creavit te sine te, non justificabit te sine te.* Ille, qui habet actualiter obicem contra gratiam, puta infidelitatem, vel aliquod peccatum, quod tunc actu voluntatis committit, vel quod prius commisit, & nullo modo sibi displicet, nullomodo recipit gratiam, secundum Augustinum ubi supra: *Omnis, qui suæ voluntati arbitrio constitutus est, &c.* & de isto intelligitur illud Sap. 1. *Spiritus sanctus disciplinæ effugiet fictum.* Quibus verbis subtilis Doctor significat perverfam voluntatem illius, qui fictè accedit ad Baptismum, esse obicem ne gratia sanctificans accipiat, de quo certè nulla est controversia.

Porrò hanc veritatem luculenter explicat S. Augustinus lib. 1. de Baptismo, cap. 12. ubi non solum docet fictionem obicem esse, ne baptizandus gratiam sanctificantem excipiat, sed etiam quod recedente fictione, Baptismus reviviscat ac baptizatus gratiam sanctificantem, virtute Baptismi producendam excipiat. Ait autem: *Quid si ad ipsum Baptismum fictus accessit, dimissa sunt ei peccata, an non sunt dimissa?* Eligant, quod volunt, utrumlibet elegerint, sufficit nobis. Si dimissa dixerint, quomodo ergo Spiritus sanctus disciplinæ effugiet fictum, si in isto ficto remissionem operatus est peccatorum? Si dixerint non esse dimissa, quæro, si postea fictionem suam corde conculso, & verò dolore fatereatur, denudò baptizandus iudicaretur? Quod si dementissimum est dicere,

fateantur verò Baptismo Christi baptizari posse hominem, & tamen cor ejus in malitia, vel sacrilegio perseverans, peccatorum abolitionem non sinere fieri: atque ita intelligant in communionibus ab Ecclesia separatis posse homines baptizari, ubi Christi Baptismus eadem Sacramenti celebratione datur, & sumitur: qui tamen tunc proficit ad remissionem peccatorum, cum quis reconciliatus unitati, sacrilegio dissensionis exiit, quo ejus peccata tenebantur, & dimitti, non sinebantur. Sicut enim in illo, qui fictus accesserat, sit ut denudò baptizetur, sed ipsa pia correctione, & veraci confessione purgetur, quod non posset sine Baptismo, ut quod antè datum est, tunc valere incipiat ad salutem, cum illa fictio veraci confessione recesserit: sic etiam iste, qui Baptisma Christi, quod amiserunt, qui se separaverunt, inimicis charitatis, & pacis Christi, in aliqua hæresi aut schismate accepit; quo sacrilego scelere peccata ejus non dimittebantur, cum se correxerit, & ad Ecclesiæ societatem, unitatemque venerit, non iterum baptizandus est; quia ipsa reconciliatione, ac pace præstatur, ut ad remissionem peccatorum ejus, in unitate jam prodesse incipiat Sacramentum, quod acceptum in schismate prodesse non poterat.

Similia habet lib. 3. cap. 13. & lib. 6. c. 5. unde in collatione 54. Carthagine habita contra Donatistas legimus: *Ideo ad Christum venire debent, qui extra Communionem Baptismum ejus habent, non ut quod deerat, adset, sed ut quod inerat proficiat*; nempe ad salutem, peccatorum remissionem, & animæ justificationem.

Ei subscribit author, quisquis est, sermonis de Passione apud Cyprianum, ubi inter cætera hæc habet: *Licet indigni sint, qui accipiunt; Sacramentorum*

ta-

„dicens, illum qui tunc fuit fictus in
 „Baptismo, habere in pœnitendo quasi
 „duplicem gratiam. Itaque propter
 „has inconuenientias ex illa sententia
 „sequendas, non censet absolutè stan-
 „dum huic rationi: quapropter num. 8.
 „aliam proponit sententiam ad expli-
 „candam ejusmodi reuiviscentiam Ba-
 „ptismi.

„*Tertio modo*, inquit, principaliter
 „(hoc est ad principalem questionem)
 „potest dici, quòd ille pœnitens de fi-
 „ctione tantùm recipit gratiam virtu-
 „tis pœnitentiæ: & ita non maiorem,
 „quàm si non fuisset fictus in Baptis-
 „mo, & post Baptismum cadens re-
 „surgeret per Pœnitentiam.

„Non est enim verisimile, quòd æquè
 „pœnitenti de æquali peccato, vel mi-
 „nori, non detur æqualis gratia: iste
 „autem lapsus post Baptismum, licet
 „quantùm ad aliqd, gravior pecca-
 „uerit, quàm fictus; tamen fictus quan-
 „tùm ad aliquid gravior peccavit,
 „quia Sacra mento irreuerentiam fe-
 „cit. Et tunc illa verba, quæ dicuntur
 „de effectu Baptismi, quem sortitur
 „pœnitens, de fitione, intelligenda
 „sunt, non quòd in pœnitentia illa re-
 „cipiat gratiam aliquam virtute Ba-
 „ptismi (quia susceptio ejus mortua
 „fuit, & mortuus reuiviscere non po-
 „test) sed absolutus est à præcepto de
 „Baptismo suscipiendo, quia illud im-
 „plevit: illa autem impletio nil sibi
 „valuit ad salutem ante istam pœni-
 „tentiam.

„Quibus omnibus Doctor tres modos
 „proponit, quibus intelligi posset Sacra-
 „mentum Baptismi reuiviscere, quantùm
 „ad effectum, in eo, qui simulatâ pie-
 „tate illud susceperat: *Primus* quidem
 „modus est, quòd per Pœnitentiam, quam
 „agit ille, qui ficta pietate Baptismum
 „susceperat, remittatur quidem pecca-
 „tum illius simulatæ, & fictæ pietatis:
 „cetera verò peccata, quæ ante susce-
 „ptum Baptismum commiserat, remis-

tantur virtute Baptismi suscepti, cui as-
 sistit Deus, hoc est, qui semper est præ-
 sens Deo, ipsumque movens ad produ-
 cendum effectum; nempe remissionem
 peccati, & infusionem gratiæ sanctifi-
 cantis, quem reverà produxisset in ipsa
 reali Baptismi susceptione, si non ob-
 fuisset obex simulatâ pietatis. Quem
 utique modum impugnât ibidem Do-
 ctor, *Ed quod*, inquit, *nullum peccatum*
mortale, quod inest post Baptismum, po-
test deleri sine Pœnitentia; quia illa est
secunda tabula post naufragium, secun-
dum Hieronymum: illa autem alia pec-
cata, quæ non sunt causa fitionis, insunt
post Baptismum: ergo non delentur, nisi
per Pœnitentiam: vel si fingas illa deleri
per Baptismum, quando tollitur impedi-
mentum effectus Baptismi, quare non po-
test ita illa fictio, quæ fuit causa impedi-
menti, tolli, quando cessat impedimen-
tum per ipsum Baptismum? Proponit
autem ibidem duplicem solutionem,
hujus instantiæ. Primo, quòd Pœni-
 tentia, & Baptismus simul concurrent
 per modum unius causæ adæquatæ, ad
 remissionem omnium peccatorum, tam
 eorum, quæ præcesserunt Baptismum,
 quàm ipsius fitionis; ita quòd si ille,
 qui fictè accesserat ad Baptismum, an-
 tea commisisset sex peccata mortalia,
 quibus septimum per illam fitionem in
 susceptione Baptismatis adjiceret, sex
 illa priora peccata remitterentur à Deo
 intuitu Baptismi suscepti: septimum
 autem intuitu Pœnitentiæ. Unde, in-
 quit Doctor num. 6. *Secundum hoc effe-*
dicendum, quòd illa sex delentur, &
quantum ad culpam, & quantum ad pœ-
nam, nec de eis oportet habere contritio-
nem, nec Confessionem, nec Satisfactionem,
sed solum de illo septimo, quod fuit causa
fitionis.

Ad secundam partem instantiæ, nempe
 quòd illa septem mortalia peccata
 sunt in ipso homine post Baptismum;
Respondet, non tamen omnia debere
 per Pœnitentiam expungi: quia, inquit,
 nul-

nullum eorum fuit causa, quia essent jam deleta: illud autem septimum fuit causa, quare nec ipsum, nec alia sunt deleta; & ideo rationabile est, quod respectu eius non habeat Baptismus efficaciam, sed respectu aliorum: quia ipsum formaliter impedivit effectum Baptismi, alia non. Et tunc illa propositio (peccatum mortale post Baptismum non deletur, nisi per poenitentiam) debet intelligi de peccato commisso post Baptismum; vel omnino inbente, sic scilicet, quod de ipso non fuerit Contritio, nec Attritio in Baptismo, nec post Baptismum. Quoniam autem hæc responsio varias adhuc patitur difficultates, & instantias, idcirco Doctor proponit secundum modum explicandi ejusmodi reviviscen-
tiam.

Secundus itaque dicendi modus, quo fictio illa deletur, est, quod gratia baptismalis restituatur, non quidem in se, sed in æquivalenti; ita quod homini illi, qui ficta pietate ad Baptismum accesserat, ubi per poenitentiam resurgit, conferatur uberior gratia, quam habuisset virtute solius Poenitentiae præcisè; quia gratia illa æquivaleret simul gratiæ Baptismali, & Poenitentiali: ita tamen, ut nullam gratiam reciperet virtute Baptismi ex opere operato, sed tantum per modum dispositionis præviæ; ita ut Baptismus eo in casu se habeat per modum dispositionis ad gratiam illam, uberio-rem per Poenitentiam ex opere operato producendam; non quidem ex sola virtute propria ipsius Poenitentiae; sed ratione suscepti Baptismi, tanquam dispositionis præviæ.

Ideo autem Baptismus eo in casu dicitur se habere per modum dispositionis ad gratiam, quia baptizatus per susceptum characterem insignitur nova dignitate, ratione cujus ascribitur in familiam Christi, quo fit ut acceptetur ad illam gratiam magis, quam alius, qui non esset baptizatus. Quod etiam significat author sermonis de Cæna

Domini apud S. Cyprianum, ubi loquens de accedentibus ad Baptismum, ait: *Licet indigni sint qui accipiant, Sacramentorum tamen reverentia, & propinquiorem ad Deum parat accessum, & ubi redierint ad eor, constat ablutionis donum, & reddit effectus munerum; nec aliàs queri, aut repeti necesse est salutis Sacramentum.*

Verum huic dicendi modo opponit Doctor ipsum non posse admitti; quia, inquit, sequeretur, quod ille, qui ficta accesserat, haberet commodum de fisione sua magis, quam si tunc non fuisset fictus; & post in peccatum cecidisset simile illi fisioni: nam si cecidisset, & modo poeniteret, non haberet modo gratiam, nisi tantum virtute poenitentiae: tu autem dicis illam, qui tunc fuit fictus in Baptismo, habere in poenitendo quasi duplicem gratiam.

Huic instantiæ respondet Doctor duobus modis: *Primò*, falsum esse, quod ipse commodum habeat ex sua fisione, imò magis habet detrimentum; *Quid tempore Baptismi, & sequenti usque ad poenitentiam est filius gehennæ, & omnia opera ejus mortua sunt: si autem non fuisset fictus, fuisset tunc, & post usque ad lapsum filius regni, & opera ejus viva, quibus meruisset augmentum gratiæ, & gloriæ. Secundo*, negat quod lapsus post Baptismum ritè susceptum, & per poenitentiam resurgens, reportet aliquod commodum ex suo lapsu; licet recuperet etiam gratiam baptismalem, & aliquid amplius, ut præclare docet *dist. 22.* ubi agit de reviviscencia meritorum per Poenitentiam, ubi eandem veritatem nos etiam aperte propugn-
vimus.

Tertius tandem modus, quem proponit Doctor de reviviscencia Baptismi, persequentem Poenitentiam, est quod poenitens recipit quidem gratiam virtute Poenitentiae, per quam remittuntur ei peccata, ipsa quidem fictio directè, cætera verò indirectè: nullam autem

gratiam recipit virtute Baptismi; quia illud indignè recipit. Nec inde sequitur. Baptismus non valere converso ad salutem; Illet enim non valeat quantum ad gratiam, valet tamen quantum ad impletionem præcepti: quæ utique præcepti observatio proficit ad salutem, quando ille fictus pœnitentiam agit; siquidem per susceptum Baptismum fit filius regni, & membrum Christi, nec tenetur de novo ad præceptum Baptismi: unde ibidem observat Doctor, *Quod actualiter peccans mortaliter potest implere præceptum affirmativum, etiam in illo actu*: Præceptum enim affirmativum determinat actum quoad substantiam, non verò quoad finem extrinsecum, aut alias circumstantias, quæ separari possunt à substantia actus, prout cadit sub præceptum. Quoniam autem hæc questio de reviviscentia Sacramentorum iterum agitata est ubi erit sermo de Sacramento Pœnitentiæ, idcirco ab ampliori illius examine hic supersedendum judico.

ARTICULUS TERTIUS.

De Baptismi Efficaciis, & Ritibus servari solitis in solemni illius administratione.

Fœlix Sacramentum aque nostræ (ait Tertull. initio lib. de Baptis.) quia ablutis delictis pristina cæcitatibus in vitam æternam liberamur. Nec unus est hic baptismi mirandus effectus, alios enim decem egregie delibat S. Chrysostomus Homilia ad Neophitos, scribens: Ecce libertatis serenitate perfruuntur, qui tenebantur paulo ante, captivi: & cives Ecclesiæ sunt, qui fuerunt in peregrinationis errore, & iustitiæ in sorte versantur, qui fuerant in confusione peccati. Non enim tantum sunt liberi, sed & sancti: non tantum sancti, sed & iusti: non solum iusti, sed & filii: non solum filii, sed & hæreses: non solum

hæreses, sed & fratres Christi: nec tantum fratres Christi, sed & cohæreses: non solum cohæreses, sed & membra; non tantum membra, sed & templum: non tantum templum, sed & organa spiritus. Videt quos sunt Baptismatis largitates, & nonnulli deputant cælestem gratiam in peccatorum tantum remissione consistere: nos autem honores computavimus decem.

Alias similes, nec equidem his inferiores Baptismi prærogativas sparsim invenies apud ceteros SS. Patres, maxime apud S. Augustinum, qui plurimis honoris titulis a miranda fecunditate Baptismus commendat; maxime verò quod sit spiritualis hominis regeneratio, ac resurrectio; ait enim serm. 163. de tempore, *Resurrecturum humanum genus in sæculi consummatione post mortem, nunc resurgit in Baptismo: suscitandus est tunc Dei populus post soporem, nunc suscitatur post infidelitatem: liberandus est tunc à mortali conditione, nunc liberatur ab ignorantia cæcitatis: renascitur tunc ad æternitatem, nunc renascitur ad salutem.*

Verum, quoniam omnes illi mirandi Baptismatis effectus, maxime sunt appendices gratiæ sanctificantis per Baptismus divinitus infusæ, necnon & characteris per eundem impressi, de quibus jam multus fuit sermo in priori Disputatione: idcirco ne acta agere videamur, ab eis omnibus effectibus explicandis, (utpote quorum declaratio magis ad Concionatorem, quàm ad Theologum scholasticum spectare videatur) supersedendum judicamus. Duo itaque præcipue hic discutienda proponuntur. *Primum*, utrum Baptismus revera deleat omnia omnino peccata, ac debitam eis pœnam exsolvat, & gratiam æqualem omnibus baptizatis conferat. *Secundum*, quænam sint ceremoniæ servandæ in solemni ejus administratione.

QUAESTIO PRIMA.

Qualiter Baptismus peccatum, & debitas ei poenas remittat, ac gratiam conferat?

Notandum primò, eam esse erro-
neam, & hereticam Calvini sen-
tentiam, peccata reverà per Baptismum
non elui, sed dumtaxat oblevari, si-
quidem originale peccatum non aliud
esse censet, quàm concupiscentiam,
quæ etiam in renatis perseverat: Licet,
inquit, non eis amplius deputerur ad
interitum, & damnationem. Et insuper
„ lib. 4. Instit. cap. 15. ait: Ex hoc Sa-
„ cramento (Baptismi) quemadmo-
„ dum ex aliis, nihil assequimur, nisi
„ quantum fide accepimus si fides
„ deest, erit in testimonium ingratu-
„ tudinis nostræ, quo rei coram Deo
„ peragamur, quia promissionis illic
„ datæ increduli fuerimus; quatenus
„ verò confessionis nostræ symbolum
„ est, testari eo debemus fiduciam no-
„ stram in Dei misericordia esse, & pu-
„ ritatem nostram in peccatorum re-
„ missione, quæ parva nobis est per
„ Jesum Christum, nosque in Ecclesiam
„ Dei ingredi, ut uno fidei, & charita-
„ tis consensu cum fidelibus omnibus
„ vivamus unanimis. Quibus verbis
„ significat nullam inesse Baptismo, sicut
„ & aliis Sacramentis efficacitatem circa
„ remissionem peccatorum, quam dum-
„ taxat attribuit merito fidei: neque-
„ tiam vult fidei virtutem integram in-
„ esse ad diluenda omnia peccata: quippe
„ cum illa censeat in baptizatis perseve-
„ rare, non solum quantum ad eorum
„ appendices, putà calamitates, & ærum-
„ nas hujus vitæ, sed etiam quantum ad
„ eorum peccatorum defectum, licet ip-
„ sorum turpitudine non appareat, utpote
„ Christi D. meritis per fidem apprehen-
„ sis, & nobis applicatis, quasi Regio
„ pallio testat, & obvelata.

Notandum secundò, Pœnas propter
peccatum vel proprium, vel alienum
luendas, esse duplicis generis: Aliæ
enim sunt æternæ: aliæ verò tempora-
les. Æternæ sunt nusquam finienda in-
ferni supplicia, quibus cruciandi sunt
reprobi tam Angeli, quàm homines:
Temporales sunt, quæ finem obtinent,
quales sunt vel ærumnæ vitæ præsentis,
vel Purgatorius ignis, & cruciatus pro-
pter leviora delicta post mortem susti-
nendus.

Insuper, pœnæ vitæ præsentis, vel sunt
contractæ præter voluntatem, vel as-
sumptæ voluntariè. *Contractæ* pœnas,
scu ingestas appello, quæ sunt naturæ
per peccatum laiciatæ velut appendi-
ces, quales sunt mortalitas, morbi, fa-
mes. &c. *Assumptas* pœnas dico eas
omnes, quæ voluntariè ab homine pen-
nitente assumuntur, ut jejunia, & alia
ejusmodi corporalia exercitia contra
naturæ appetitum, & inclinationem,
ut Deo offenso fiat satis. *Queritur* au-
tem utrùm omnes ejusmodi pœnæ per
baptismum una cum peccatis dissol-
vantur.

Notandum tertio, omnes Theologos
consentire, gratiam sanctificantem re-
verà ex opere operato conferri per ba-
ptismum, sicut & per alia sacramenta
in subiecto non ponente obicem ad il-
lius receptionem. Conveniunt insuper,
æqualem gratiam conferri subiectis
æqualiter dispositis saltem de lege or-
dinaria. Utrùm autem de lege extraor-
dinaria Deus aliter disponat, determi-
nandum est in præsentì Quæstione.
Porro illa gratiæ inæqualitas conside-
rari potest vel ex parte Dei illam pro-
ducentis, vel ex parte Christi illam pro-
merentis, vel ex parte hominis illam
susipientis.

CONCLUSIO PRIMA.

Per Baptismum omnia omnino pec-
cata, tam originale, quàm æstuale,
sive mortale, sive veniale, reverà diluan-
tur. Hæc est de fide, ut colligitur ex
illis

illis omnibus Scripturæ textibus, in quibus vis remittendi peccata Baptismo tribuitur; Sic Actor. 2. *Baptizetur unusquisque vestrum in nomine Jesu Christi, in remissionem peccatorum vestrorum, &c.* Traditur pariter in Symbolo Nycæno, & Constantinopolitano: *Confiteor unum Baptisma in remissionem peccatorum.* Definitur in variis Conciliis, maxime Carthagiensi IV. cap. 1. ubi inter dogmata fidei, quæ prosteri debet Episcopus consecrandus. *Quærendum, ab eo, si in baptismo omnia peccata, id est, tum illud originale contrahunt, quàm illa, quæ voluntariè admissa sunt, dimittuntur.* Et in Florentino in decreto unionis, ubi agens de effectu Baptismi, ait: *Hujus Sacramenti effectus est remissio omnis culpæ, &c.* Ut autem significaret per culpam actualem, etiam venialem intelligere, subjunxit: *Propterea baptizatis nulla pro peccatis præteritis injungenda est satisfactio, sed morientes aut quàm culpam aliquam committant, statim ad regna cælorum, & Dei visionem perveniunt.* Si autem per Baptismum etiam venialia peccata non deleberentur, consequens esset, quod neque remitteretur pœna eis debita, neque sine satisfactione baptizatus statim ad regnum Cælorum perveniret, liquidem, ut legitur Apocalypsis 21. in Civitatem celestem Hierusalem non intrabit aliquid coinquinatum, aut abominationem faciens.

Eandem veritatem apertè definit Concilium Tridentinum sess. 4. in decreto de peccato originali; ubi num. 3. ait: *Si quis per Jesu Christi D. gratiam, quæ in Baptismo confertur, reatum originalis peccati remitti negat, aut etiam asserit, non tolli totum id, quod verum, & propriam peccati rationem habet; sed illud dicit tantum radi, aut non imputari, anathema sit.* Cujus quidem definitionis hanc rationem subicit: *In renatis enim nihil odit Deus: quia nihil est damnationis illi, qui verè conse-*

pulti sunt cum Christo, per Baptisma in mortem; qui non secundum carnem ambulanti, sed veterem hominem exuentes, & novum hominem, qui secundum Deum creatus est, induentes, innocentes, immaculati, puri, innoxii, ac Deo dilecti efficiunt, hæredes quidem Dei, coheredes autem Christi; ita ut nihil prorsus eorum ab ingressu cæli remoretur.

Id ipsam apertè docet S. Apostolus ad Ephes. 5. ubi ait: *Christus dilexit Ecclesiam, & seipsum tradidit pro ea, ut illam sanctificaret, mundans eam lavacro aquæ in verbo vite, ut exhiberet ipse sibi, gloriosam Ecclesiam, non habentem maculam aut rugam, aut aliquid hujusmodi, ut sit sancta, & immaculata.* Quomodo autem Ecclesia esset immaculata, & sancta, si baptizati ejus filii essent dumtaxat sepulchra dealbata, intus plena sanie, & fœtore peccati?

Idem docet 1. ad Cor. cap. 6. *Nolite, inquit, errare, neque fornicari, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt: & hæc quidem fuistis, &c.* Subjungit efficaciam Baptismi, qui hæc omnia delevit: *Sed Abluti, inquit, estis, &c.* Ex quibus colligitur veritas fidei definita à Conciliis, nempe peccata tam originale, quàm actualia, quæ præcedunt Baptismum (de his enim agit Paulus dumtaxat per Baptismum deleri).

Eandem veritatem docent SS. Patres, Martialis Papa epist. ad Tolosanos, cap. 1. *Vos enim estis membra Christi, & corpus immaculatum, nec aliqua in re coinquinatum, neque sordibus obvolutum, &c.* Subdit rationem: *Ita enim sanctificati, & mundati estis aqua regenerationis, &c.* Cyprianus de ablutione pedum: *De abluo, & secretissimo S. Spiritus munere, hujus gratiæ liquor emanat, sic lavam quos parentalis labor infecerat, ut nec actualis, nec originalis mac-*

eula sui post ablutionem illam vestigia derelinquat, &c. Lactantius lib. 7. cap. 5. Cum homo celesti lavacro purificatus exponit infantiam cum omni labe vitæ prioris, & incremento divini vigoris accepto, fit homo perfectus, & plenus. Rheticius Augustodunensis apud Augustinum lib. 1. contra Julianum, cap. 3. Hanc esse principalem in Ecclesia indulgentiam neminem præterit, in quo antiqui criminis omne pondus exponimus, & ignorantie nostræ prisca facinora delermus, &c. Ubi loquitur de Baptismo. Hieronymus lib. adversus Rufinum, cap. 6. & epist. 83. ad Oceanum, cap. 2. Omnia scorta, & publicæ collusionis sordes, impietas in Deum, patricidium, & incestus in parentes, atque in extraordinarias voluptates utriusque sexus mutata natura, Christi fonte purgantur, &c. Omnia in Baptismo condonata sunt crimina; nec post indulgentiam Judæis est metuenda severitas, dicente Apostolo. Et hæc quidem fuistis, sed abluti estis, sed sanctificati estis, sed iustificati estis in nomine D. nostri Jesu Christi, & in Spiritu Dei nostri, omnia peccata donata sunt &c.

S. Ambrosius hanc Baptismi virtutem multis eloquenter prosequitur serm. 131. Pauca tantum seligimus. Quænam est illa aqua, quæ consumit flammam, nec ipsa consumitur à peccatoribus, sed gebennæ consumit incendia? Quæ dum per Baptismum infunditur, & ipsa in hominibus, & tartari resinguit ardorem? Et post aliqua: Sed nec mirum, si in Baptismo Sacramento aperiatur infernus, cum tunc quoque refretur, & celum. Aperiuntur enim hæc elementa; ut ad lavacrum Christi convenient libertas, & gratia. Libertas enim resurrexeris tribuitur, gratia regnaturis. Illi eruantur de pena, hi assumuntur in gloria, &c. Et cap. 3. libri de iis qui initiantur, cum multa dixisset, ut aquæ Baptismalis virtutem efferret, concludit: Aqua est ergo, quæ caro mergitur, ut omne ablu-

tur peccatum, sepelitur illic omne vitium, &c.

Idem docet S. Augustinus maxime in omnibus operibus, quæ adversus Pelagianos edidit, præsertim vero lib. 1. ad Bonifacium, contra duas epistolas Pelag. cap. 13. ubi refert calumniam Pelagianorum imponentium Catholicis, quod dicerent, Baptisma non dare omnium indulgentiam peccatorum, nec auferre crimina, sed radere, ut omnium peccatorum radices in mala carne teneantur. Cui calumniæ respondens S. Augustinus, ait: Quis hoc adversus Pelagianos, nisi infidelis affirmat? Dicimus enim Baptisma dare omnium indulgentiam peccatorum, & auferre crimina, non radere, ut omnium peccatorum radices in mala carne teneantur; quasi rasorum in capite capillorum, unde crescant iterum refecunda peccata: nam, & illam similitudinem comperi suæ adhibere calumniæ, tanquam hoc nos sentiamus, atque dicamus.

Dices: Concupiscentia remanet in Baptizatis: sed illa dicitur peccatum ab Apostolo Rom. 6. & 8. igitur omne peccatum per Baptismum non auferatur?

„ Respondet S. Augustinus huic objectioni hæreticorum ibidem: Sed de „ ista concupiscentia carnis falli eos „ credo, vel fallere, cum qua necesse „ est, ut etiam baptizatus, & hoc si „ diligentissime proficit, & Spiritu Dei „ agitur, piâ mente configat: sed hæc „ etiam vocatur peccatum, non uti- „ que quia peccatum est, sed quia pec- „ cato facta est, sic vocatur: sicut scri- „ ptura, manus cuiusque dicitur, quod „ manus eum fecerit. Peccata autem „ sunt, quæ secundum carnis concu- „ piscentiam, vel ignorantiam illicitè „ fiunt, dicuntur, cogitantur, quæ „ transacta etiam reos tenent, si non „ remittantur. Et ista ipsa carnis concu- „ piscencia in Baptismo sic dimittitur, ut quamquam tracta sit à nas- „ cenc-

„scentibus, nihil noceat renascentibus.

Idem egregiè docet Concilium Tridentinum loco suprà laudato, ubi ait: *Manere autem in baptizatis concupiscentiam vel somitem: hæc sancta Synodus fatetur, & sentit: quæ cum ad agnoscendum reliqua sit, nocere non consentientibus, sed viriliter per Christi Jesu gratiam repugnantibus non valet: quinimò, qui legitime certaverit, coronabitur. Hanc concupiscentiam, quam aliquando Apostolus peccatum appellat, sancta Synodus declarat Ecclesiam Catholicam, nunquam intellexisse peccatum appellari, quod verè, & propriè in renatis peccatum sit, sed quia ex peccato est, & ad peccatum inclinatur. Si quis autem contrarium senserit, anathema sit.*

Insunt: Sanctus Augustinus lib. 1. de Nuptiis, & concupiscentia, usurpans similitudinem oleastri, & oleæ insertæ, & per primum intelligens peccatum; per secundum verò justitiam, & gratiam, ait: *Quia tam magnum peccatum fuit, inquit, ubi magna in deterius fieret mutatio naturæ, solum genus hominum fecit oleastrum, ut quemadmodum nunc in ipsis videmus arboribus, si quid inde in oleam gratia divina convertit; ibi vitium primæ natiuitatis, quod erat originale peccatum de carnali concupiscentia traductum, & trahitur, remittatur, tegatur, & non imputetur: inde tamen oleaster nascatur, nisi & ipse in oleam eadem gratiâ renascatur, &c.* Et cap. 33. *Beata itaque olea, cujus remisse sunt iniquitates, & cujus testis sunt peccata: beata cui non imputavit Dominus peccatum, sed illud remissum, & testis est, & non imputatur donec fiat in æternam immortalitatem plena mutatio, habet vim quandam occultam, unde seminetur amarus oleaster, nisi illic eadem Dei agricultura remittatur, tegatur, non imputetur, &c.* Quibus verbis S. Augustinus docet, peccatum originale ita remitti per Baptismum, ut tantum tegatur, & non im-

putetur: igitur censet peccata reverà non dilui virtute Baptismi.

Nego consequentiam, Nam S. Augustinus ibidem à capite 25. usque ad 33. apertè docet, peccata reverà per Baptismum remitti, quantum ad reatum, licet remaneant quantum ad inclinationem corruptam, quæ est concupiscentia, & peccati fomes; quia ex peccato oritur, & ad peccatum allicit. Unde quando dicit, peccatum tegi, & non imputari, seu remitti, vocabula remissionis, & non imputationis peccatorum, vel accipit, & intelligit de ipsa concupiscentia, quæ non imputatur oleæ dulcescenti ex agricultura Christi per gratiam Baptismalem; quia illa concupiscentia, quantumvis ex peccato oriunda, & ad peccatum inclinans, non imputatur ad damnationem homini non baptizato, qui pravis, & inordinatis illius motibus non acquiescit. Vel si intelligat de reatu peccati, verba remissionis, & non imputationis peccatorum, eodem modo usurpat, quo usurpantur in Psal. 31. *Beati quorum remisse sunt iniquitates, & quorum testis sunt peccata, &c.* Beatus vir, cui non imputavit Dominus peccatum, &c. ubi tegi, & non imputari, idem est quod remitti peccatum per indulgentiam: *Testis sunt peccata, non sic intelligas*, inquit S. Augustinus: in illum Psalmum, peccata coopta, quasi ibi sint, & vivant, &c. Quod & docent alii Expositores, nempe ita tegi, ut amplius non sint: teguntur enim per charitatem, & justitiam, & alias virtutes, tanquam per primam stolam candidam, & immaculatam, qua tollitur turpitudine peccati: sic enim charitas operit multitudinem peccatorum, per Apostolum. Ita explicant Origenes in cap. 4. epistolæ ad Rom. Ambrosius de Aroa Noe cap. 34. Gregorius homil. 4. in Ezechielem: igitur non imputari; idem est, ac obliterari; imputatur enim peccatum, quando est; sicut & bona opera, & fides dicitur reputari ad ju-

justitiam sapiens à S. Paulo , & dicitur imputari merces ad præmium . Ita sanctus Bernardus serm. 1. de Annuntiatione : *Utique quod factum est , Deo tamen non imputante , erit , quasi non fuerit , &c.* Scilicet per indulgentiam , & remissionem oblitteratum , sanatum , mundatum , ut dicitur de peccatis delictis per Baptismum .

CONCLUSIO SECUNDA.

Per Baptismum solvitur omnis pena aeterna, & temporalis, quæ per modum satisfactionis assumitur, non verò ea, quæ per naturam contrahitur. Hæc est communis, eamque docet Magister sententiarum in 4. distinct. 4. ubi hanc conclusionem ex integro docet ita apertè, ut non pigeat hic ejus verba, exscribere. Solet quæri de illis, qui jam sanctificati Spiritu, cum fide, & charitate ad Baptismum accedunt, quid eis conferat Baptismus? Nihil enim eis videtur præstare, cum per fidem, & contritionem jam remissis peccatis justificati sunt. Ad quod sane dici potest, eos quidem per fidem, & contritionem justificatos, idest, à macula peccati purgatos, & à debiti æternæ pænæ absolutos: tamen adhuc teneri satisfactione temporalis, quæ prænitentes ligantur in Ecclesia. Cum autem Baptismum percipiunt, & à peccatis, si qua interim post conversionem contraxerunt, mundantur, & ab exteriori satisfactione absolvuntur, & adjutrix gratia, omnisque virtus in eo augetur, ut verè novus homo tunc dici possit.

Fomes quoque peccati in eo amplius debilitatur. Ideo S. Augustinus homil. 74. super Joann. dicit, quòd fides, quæ Fideles facit, in aquis Baptismi datur, vel nutritur: quia non habenti aliquando datur, & jam habenti, ut plenius habeat, datur: sic & de aliis intelligendum est. Qui ergo mundus accedit, ibi fit mun-

Tom. X.

dior, & omni habenti ibi amplius datur. Quòd vero omnis exterior satisfactio ibi relaxetur, Ambrosius ostendit super illud, Rom. 11. *Sine Penitentia sunt dona Dei, & vocatio*, dicens, (*Gratia Dei in Baptismo non requirit gemitum, vel planctum, vel aliquod opus: sed omnia gratis condonatur.*) Quod quidem de exteriori gemitu, vel planctu accipiendum est. Nam sine interiore nemo adultus renovatur: sed exteriores satisfactiones, & afflictiones, scilicet sordæ pœnitentium ibi dimittuntur.

Multum ergo confert Baptismus, etiam jam per fidem justificato: quia accedens ad Baptismum, quasi ramus à columba portatur in arcam: qui antè intus erat judicio Dei, sed nunc etiam judicio Ecclesiæ intus est.

Cùm verò in Baptismo peccatum deleatur, & satisfactio exterior non imputetur: quæritur, cur pœnalitas, cui pro peccato addicti sumus, non tollatur? Hoc ideo tradunt fieri Viri sancti, quia si à pœna homines per Baptismum liberarentur, ipsam putarent Baptismi præmium, non æternum regnum. Ideo solutò reatu peccati, temporalis pœna tamen manet, ut sit fidei, & certandi materia, & vincendi occasio, qui non vinceret, si non pugnaret; nec pugnaret si in Baptismo fieret immortalis.

Eandem veritatem luculenter explicat, & confirmat Seraphicus Doctor d. 4. p. 1. a. 1. q. 2. ubi cùm dixisset Baptismum solvere omnem peccatis debitam pœnam æternam, & temporalem satisfactionem: non verò omnem contractam: quia Deus ita non ordinavit, subjicit rationem; Congruum fuit, quod hujusmodi pœnalitates in equitatem nobis reliqueret: & hoc ad manifestandam divini judicii, ad demonstrandam fructum Passionis Christi, ad promovendum meritum liberi arbitrii. *Ad manifestandam*

Ss

Sa-

„ æquitatem divini iudicii, ut illa sen-
 „ tentia, quam dictaverat de morte
 „ Adæ, & posterorum ejus, immobilis
 „ permaneret: unde ab illa nemo eva-
 „ dit. *Ad ostendendum fructum Passio-
 „ nis Christi*, quia si Dominus curaret
 „ naturam, & fomitem, filius nasce-
 „ retur immunis à culpa, nec indige-
 „ ret regenerari à Christo: ideo ut
 „ omnes se ipsius passione egere no-
 „ scant; data est virtus Sacramento
 „ à Passione, sua ad hoc ordinatum.
 „ est, ut pœnas remittat personales,
 „ non naturales, quia remedium re-
 „ spicit personam, non naturam, &c.
 „ *Ad amplificandum meritum liberi
 „ arbitrii*. Promoveant enim ad bo-
 „ num multipliciter hujusmodi pena-
 „ nalitates. Dantur enim propter hu-
 „ militatem: *Sagittæ Domini militant
 „ in me, quarum indignatio, &c.* Pro-
 „ pter timoris incursionem; *Terrores
 „ Domini militat contra me*. Propter
 „ suipius cognitionem tantummodo:
 „ *Sola vexatio dabit intellectum, &c.*
 „ Propter stimulationem ad bonum;
 „ *Surgite, & ite, quia non habetis hic
 „ requiem*. Propter exemplum non-
 „ peccandi: *Adam exemplum meum ab
 „ adolescentia mea*. Propter exercitium
 „ virtutum: *Hæ sunt Gentes, quas
 „ reliquit Dominus, ut erudiret Israel*.
 „ Propter hoc ut signum adoptionis
 „ filiorum. *Si extra disciplinam, estis
 „ &c.* Propter hoc etiam, ut nemo ac-
 „ cipiat hoc in retributionis præ-
 „ mium, ne scilicet homines propter
 „ hoc ad Baptismum venirent. Si enim
 „ datur ibi immortalitas, propter hoc
 „ plures accederent, quam propter
 „ gratiam, nec fides tunc haberet me-
 „ ritum, cui humana ratio præberet
 „ experimentum.

Quamquam autem collata per Ba-
 ptismum gratia non auferat, nec amo-
 veat omnimodè pœnas contractas, seu
 ingenas, nihilominus eas imminuit:
 maxime verò concupiscentiam, quam

S. Augustinus lib. 1. de nuptiis, & con-
 cupiscentia, cap. 25. docet de die in-
 diem magis ac magis minui: *Quantumvis,*
inquit, reatu suo jam soluto, manet ta-
men concupiscentia, donec sanetur omnis
infirmas nostra, proficiente renovatione
interioris hominis de die in diem, cum
exterior induerit corruptionem: non
enim substantialiter manet sicut aliquod
corpus, aut spiritus; sed affectio est qua-
dam malæ qualitatis, sicut languor. Et
post pauca: Quæ tamen concupiscentia
quotidie minuitur in proficientibus, &
continentibus, accedente autem senectute
multò maxime:

Idem docet subtilis Doctor *disp. 4.*
quest. 7. num. 1. ubi cum dixisset in om-
 nibus baptizatis non æqualiter remitti,
 nec imminui fomitem peccati, explicat
 modum, quo fiat ejusmodi fomitis, seu
 concupiscentiæ diminutio, scribit au-
 tem: *Quia fomes, inquit, cum sit in*
carne, vel in virtute aliqua corporali,
per gratiam, quæ est in anima, non po-
test formaliter diminui, quia non est in-
ter ipsum, & gratiam formalis repu-
gnantia, cum non sint nata fieri circa
idem: Sed dicitur fomes diminui quan-
tum ad effectum, quem consuevit causare
in anima, scilicet peccatum: non secun-
dum quod gratia augetur, fomes mino-
rem habet efficaciam inclinandi ad pec-
catum.

Explicat exemplo lapilli alligati alis
 aquilæ; *Quia, inquit, si cresceret vir-*
tus motiva aquilæ, licet non diminueret-
ur gravitas lapilli (quia opposita non
sunt, nec in eodem) tamen gravitas la-
pilli diminuitur quantum ad effectum:
quandò enim major est virtus in ala, san-
to lapillus minus impedit ascensum, vel
volatum.

CONCLUSIO TERTIA.

Baptismus virtute propria æqualem
 confert gratiam de lege ordinaria
 subjctis æqualiter dispositis; inæqualem
 autem subjctis inæqualiter preparatis:
 fieri tamen potest de lege extraordinaria,

ut aequaliter preparatis inaequalis gratia conferatur in collatione ejusmodi Sacramenti. Prima pars hujus conclusionis sufficienter probata manet ex priori Disputatione, ubi expresse probavimus Sacramenta inaequalem conferre gratiam subjectis inaequaliter preparatis, estque certissima ex Concilio Tridentino sess. 6. cap. 7. ubi loquens de justitia, cujus causa instrumentalis est Baptismus: *Quam, inquit, Spiritus sanctus partitur singulis prout vult, & secundum propriam cujusque dispositionem, & cooperationem.*

Suffragatur etiam ratio, enim verò Sacramentum confert gratiam ex opere operato instar causae naturalis, quae profectò eo perfectiorem producit effectum, quo subjectum invenit perfectius dispositum. Et certè conveniens fuit, ut Christus D. Sacramenta sic institueret, quòd accedens cum ampliori fervore, & devotione perfectiori, plus gratiae reciperet, quàm qui remissa cum dispositione ad Sacramentum accederet: inde enim stimulus inest hominibus, ut se debite disponant ad Sacramenti susceptionem, considerantes gratiam ampliorem conferri ex opere operato, secundum propriam cujusque dispositionem: quemadmodum enim lapis, & vitrum, licet aequè distent à Sole, vitrum tamen plus luminis recipit, quàm lapis: cujus amplioris illuminationis causa, est major capacitas ex parte subjecti, etiamsi Sol sit pariter illius majoris illuminationis causa efficiens.

Secundam partem unà cum priori egregiè declarat, ac probat Doctor in 4. dist. 4. qu. 7. ubi cum supposuisset ad gratiam Baptismi tres causas concurrere, nempe Deum, ut causam efficientem; Passionem Christi, ut meritoriam, & ipsum susipientem, ut materialem seu passivam: dixissetque aequalitatem, vel Inaequalitatem gratiae attendi posse ex parte cujusque; primum declarat, nem-

pe quòd etiamsi de lege ordinaria Deus per Baptismum aequalem gratiam conferat aequaliter dispositis: verumtamen, inquit: quia Deus praedestinavit diversos Electos ad diversos gradus gloriae, & hoc ante determinationem hujus signi ad tantam, vel tantam gratiam conferendam, & ordinato ad majorem gloriam, rationabiliter potest conferri major gratia: potest Deus in determinando veritatem, seu certitudinem hujus signi, disponere, conferre alicui susipienti praecise illam gratiam, quae requiritur ad certitudinem signi, & alicui majorem, quem praedestinavit ad majorem gloriam; sed ille ulterior gradus non conferretur virtute Baptismi: sed de speciali benevolentia divina. Propter hoc dici potest, quod ex parte causae principalis, effectus est regulariter aequalis simpliciter, qui datur virtute Baptismi; quia supponitur, quod de lege communi, prima gratia non datur major absque omni differentia extra causam principalem.

Quibus verbis Doctor asserit praeter effectum gratiae communis, quae omnibus baptizatis confertur virtute Baptismi de lege ordinaria, Deum posse ex speciali voluntate, & speciali benevolentia erga aliquem majorem conferre gratiam; cujus excessus non proveniret quidem ex virtute Baptismi, quatenus est instrumentum ordinarii gratiae producendae, sed ex benevolentia Dei, quae etiam mediante Sacramento ad hoc specialiter assumptum potest causare illum effectum ex opere operato, quem tamen producere posset independentèr à Sacramento. Non ergo dicit Doctor de facto dari majorem gratiam baptismalem, ei qui praedestinatus est ad majorem gloriam, ut falsò ei imponit Sotus dist. 6. qu. unica, art. 6. sed tantum loquitur de possibili, cum quo videntur convenire Alenſis

4. p. quest. 21. memb. 3. & S. Bonaventura
dist. 4. par. 2. art. 2. quest. 3.

Quantum autem ad causam meritoriam, dici potest, inquit Doctor num. 4. quod illa causa meritoria potest efficacius operari ad gratiam in uno modo, quam in alio: vel quia specialius oblata pro uno quantum, ad intentionem offerentis, quam pro alio: vel quantum ad executionem pro uno oblata in effectu, pro alio non; nisi in prævisione divina.

Primo modo Christus ponitur communiter nosse omnia, quæ Deus novit scientia visionis, & consequens novit omnes electos, & ad quem gradum gloriæ fuerunt electi. Potuit ergo pro prædestinatis ad maiorem gloriam, plenius offerre Passionem suam, & præcipue cum se offerret pro genere humano ad hoc, ut de eis impleteretur divina prædestinatio.

Secundo modo, Passio Christi efficacius cooperatur pro nobis, qui sumus in lege Evangelica, quam pro Patribus in lege Moysis: quia obsequium præstitum ad majus bonum retribuendum, magis acceptatur, quam beneficium prævisum: Et illo secundo modo est inæqualitas in suscipientibus gratiam per Circumcisionem, & Baptismum: propter inæqualem applicationem causæ meritoriae ad istos, & fortè etiam in baptizatis ante Passionem, & post passionem. Si autem primo modo, scilicet propter specialem oblationem in voluntate Christi sit inæqualitas gratiæ in aliquibus nunc baptizatis, dubium est de facto, sed possibilitas est ostensa.

His verbis declarat Doctor, quomodo gratia, quæ in Baptismo confertur, possit esse inæqualis ex parte offerentis, vel ex parte rei oblate. Ex parte quidem offerentis, nempe Christi D. qui aliter pro reprobis, aliter pro Prædestinatis videtur suam passionem

obtulisse: quia pro illis eam obtulit quantum ad sufficientiam; pro his vero etiam quantum ad efficacitatem; quippe cum nosset, quinam essent propter finalem iustitiam salvandi, aut propter finalem impenitentiam damnandi. Ex parte vero rei oblate, potuit etiam esse gratiæ inæqualitas: quia Christi D. Passio diversimodè applicata fuit Patribus legis naturæ, & scriptæ: sicut aliter applicatur Fidelibus legis Evangelicæ: hinc diversa erat gratia collata per Circumcisionem, & longè minor, quam quæ confertur per Baptismum, propter inæqualem applicationem Passionis Christi. Porro utrum, reverà in lege Evangelica ratione offerentis, & rei oblate de facto confertur major gratia uni, quam alteri baptizato, non definiit Doctor, ut perperam affirmat Sotus, & quidam alii: sed solum loquitur de possibili, ut optime notat Scholasticus.

Quod autem spectat ad suscipientem Baptismum, dicit Doctor num. 5. quod vel baptizati sunt parvuli, vel adulti: comparando parvulum ad parvulum, cum nullum habeant motum proprium, nullam habent inæqualitatem ad gratiam, ex parte sui recipiendam. Potest tamen in parentibus unius, esse major motus, quam alterius pro suo parvulo: vel in aliquibus aliis ministrantibus, vel assistentibus Baptismo: propter quorum merita Deus uni parvulo potest conferre maiorem gratiam, quam alteri; sed hoc non virtute Baptismi, sed meriti. Et hoc modo fortè parentes S. Nicolai orationibus suis meruerunt sibi maiorem gratiam, quæ erat in eo etiam parvulo principium tam mirabilis effectus, ut duobus diebus in hebdomada unica tantum lactatione contentus maneret. Et quoad hoc magis optandum est puerum baptizari à bono Sacerdote, quam à malo; quia orationes Sacer-

„ dotis boni, quas multas facit ante,
 „ & post Baptismum, magis exaudiun-
 „ tur, & valent illi, pro quo fiunt,
 „ quàm orationes mali. Si autem ba-
 „ ptizati sint adulti, cum illi per mo-
 „ tum proprium possint esse inæquali-
 „ ter dispositi, & in Sacramento con-
 „ fertur gratia secundum proportio-
 „ nem dispositionis in suscipiente se-
 „ quitur inæqualis effectus.

„ Quod si compares parvulum adul-
 „ to, regulariter parvulus nullum me-
 „ ritum habet: adultus quantumcum-
 „ que tenuem habeat voluntatem,
 „ dum tamen consentiat recipere Sa-
 „ cramentum, nec ponat obicem, vi-
 „ detur habere meritum proprium, &
 „ pro tanto magis dispositus est, quàm
 „ parvulus; ergo, &c. Sed esto, quod
 „ adultus toto tempore Baptismi pec-
 „ cet venialiter: videtur ergo esse in-
 „ dispositus quodammodo: parvulus
 „ autem nullam indispositionem habet:
 „ ergo in illo casu parvulus ma-
 „ jorem gratiam recipiet. *Respondes:*
 „ Peccatum veniale non prohibet gra-
 „ tiam infundi, nec etiam actum me-
 „ ritorium simul habere: tamen quia
 „ anima pluribus actibus non potest
 „ simul æquè perfectè esse intenta;
 „ actus bonus, cum quo concurrit ve-
 „ niale, est minus intensus, & ideo
 „ minus meritorius, quàm foret sine
 „ ullo veniali. Et ad propositum se-
 „ quitur, quod adultus, si non ponit
 „ obicem peccati mortalis, & in susce-
 „ ptione Baptismi consentit; aliquem
 „ motum habet disponentem, quo ca-
 „ ret parvulus: non obstante, quod
 „ ille habeat veniale peccatum simul.

„ Hac autem postrema sententia
 „ significat Doctor non esse inæqualem
 „ gratiam Baptismi ex parte recipientis
 „ si non sit adultus: nisi fortè ab extrin-
 „ seco, putà ex impetratione parentum,
 „ vel offerentium, vel ministri, quorum
 „ fides, & merita ampliorem gratiam
 „ impetrare possent parvulo baptizato,

non quidem merito de condigno, sed
 de congruo, ut optimè notat Scholia-
 stes. Nulla enim pura creatura prome-
 reri potest alteri gratiam de condigno;
 ac etiam ipsemet Doctor asserit *dist. 4.
 qn. 2. num. 4.* ubi respondens ad secun-
 dum argumentum dicit, *Quod de facto
 nulli datur gratia, nisi per aliquam
 causam meritoriam, quæ meruit conjun-
 ctionem ejus primam cum Deo, & hæc
 causa meritoria est Christus, sed præter
 ipsam non oportet dare aliam intrinse-
 cam in recipiente, qua conjungatur Deo,
 antequam recipiat gratiam.*

QUÆSTIO SECUNDA.

*De Ritibus, & Cæremoniis servari so-
 litis in solemni Baptismi admini-
 stratione.*

CÆREMONIA secundum nominis
 ethimon ducitur, inquit Valerius
 Maximus *lib. 1. cap. 11.* à Cære Hetrur-
 iæ oppido, eo quòd Roma à Gallis
 expugnata, Vestales quibus ornando-
 rum, ac servandorum simulacrorum,
 cura demandata fuerat, partito inter
 se onere, & munere, illuc ea transpor-
 tarunt: cum autem ab ejus oppidi in-
 colis benignè fuissent exceptæ, in hujus
 beneficii gratiâ, memoriam, & Romani,
 restituta libertate, sauxerunt, ut omnis
 cultus diis impensus, cæremonia ab il-
 lius hospitii nomine diceretur. Quan-
 tum autem ad rei veritatem attinet,
 cæremonia, est exterior circumstantia
 conduens ad religiosum cultum Dei,
 & sacrificiorum ornatum instituta; ut
 nempe majori eum celebritate cultus
 Deo Debitus impendatur.

Cæterum Lutherus *lib. de plis cære-
 moniis*, negat ullas alias usurpandas
 esse cæremonias in administratione
 Baptismatis, præter eas, quas Scriptu-
 ra commemorat. Idem docet Calvinus
lib. 3. Instit. cap. 25. num. 19. ubi impu-
 dentissimè, non minus, quàm impiè
 ita

ita scribit : Quod ad externum symbolum pertinet, utinam genuina Christi institutio valuisse quantum par erat ad cohibendam hominum audaciam. Quasi enim res esset contemptibilis, ex Christi præcepto, aqua baptizari, inventa est benedictio, vel potius incantatio, quæ veram aquæ consecrationem pollueret. Additus postea cereus cum chrismate : exustatio verò januum ad Baptismum aperire visa est. Etsi autem me non latet, quàm vetusta sit adventitiæ hujus farraginis origo : respicere tamen mihi, & piis omnibus fas est, quidquid ad Christi institutionem addere ausi sunt homines. Cùm autem videret Satan stulta mundi credulitate absque negotio fere inter ipsa Evangelii exordia receptas esse suas imposturas, ad crassiora ludibria prorupit : hinc sputum, & similes nuge palam, in Baptismi probum effrانا licentia invecit. Quibus experimentis discamus nihil, vel sanctius esse, vel melius, vel tutius, quàm unius Christi autoritate contentos esse. Quanto igitur satius erat, omisissis theatricis pompis, quæ simplicium oculos perstringunt, & mentes hebetant, quoties baptizandus aliquis esset, in cætum fidelium ipsum representari, & tota Ecclesia, velut teste, spectante, & orante super eum, Deo offerri ; recitari fidel confessionem, qua sit instruendus Cathecumenus ; enarrari quæ in Baptismo habentur Promissiones ; catechumenum baptizari in nomine Patris, & Filii, & Spiritus sancti : remitti demum cum precibus, & gratiarum actione ? Sic nihil omitteretur, quod ad rem faceret, & una illa ceremonia, quæ à Deo autore perfecta est, nullis exoticis sordibus obruta, clarissimè effulgeret.

Cætèrum mergatur ne totus, qui tingitur, idque ter an semel, an in-

fusa tantùm aqua aspergatur, minus refert ; sed id pro regionum diversitate Ecclesiis liberum esse debet. Quamquam & ipsum baptizandum verbum mergere significat, & mergendi ritum veteri Ecclesiæ observatum fuisse constat.

Verùm hujus impudentis hæresiarachæ perviciam sic frangit Concil. Trident. sess. 7. can. 13. his verbis, *Si quis dixerit receptos, & approbatos Ecclesiæ Catholicæ ritus in solemnibus Sacramentorum administratione adhiberi con-
fuctos, aut contemni, aut sine peccato à ministris pro libito omitti, aut in-
novos alios per quemcumque Ecclesiæ Pastorem mutari posse, anathema sit.* Erat itaque pars religionis, ac debiti servari solitas in solemnibus Baptismi administratione ceremonias hic expendere sub tribus distinctis Paragraphis.

§. I.

De Cæremoniis antecedentibus Baptismum quoad substantiam spectatum.

VARIA antiquitùs servanda erant ab homine adulto, qui Baptismum postulabat : *Primò* namque per aliquem ex fidelibus, cui notus esset, deducebatur ad Ecclesiæ Antistites, & Ministros, ut suum nomen, sicut, & hominis eum deducentis, tanquam Sponsoris consignaret, ut refert S. Dionysius lib. de Ecclesiastica Hierarchia cap. de Baptismo.

Deinde baptizandus mittebatur, ac tradebatur curæ, & vigilantie illius, qui edocendis, ac catechizandis Cathecumenis præficebatur, ut ab eo Christianæ Religionis mysteria ; & leges doceretur, juxta illud Christi D. oraculum ; *Docete omnes Gentes baptizantes eos* : quo utique tempore *Cathecumeni* dicebantur à vocabulo Græco *κατηχουμένης*, quod significat viva voce instruere. Unde etiam appellabantur *Audientes*, sive *auditores*, ut observat Tertul-

tullianus lib. de Pœnitentia, c. 6. Nemo, inquit, sibi aduleatur; quia inter auditorum tyrocinia deputatur, quasi etiam non sibi delinquere liceat; an alius est intinſus Chriſtus, alius audientibus? Num ſpes alia, vel merces, alia formido iudicii, alia neceſſitas Pœnitentiæ? Lavacrum illud obſignatio eſt fidei, quæ fides à Pœnitentiâ fide ineipitur, & commendatur. Non ideo abluimur, ut delinquere deſinamus: ſed quia jam deſiſſimus, quoniam jam corde noti ſumus: hæc enim prima audientis intinſio eſt, metus integer. Quibus verbis etiam ſignificat, quod pœnitentiam agere deberent Cathecumeni, ut ad Baptiſmi gratiam fierent idonei. Quod etiam luculenter declarat cap. 20. Ingreſſaros Baptiſmum orationibus crebriſ, jeſuniis, & genucationibus, & pervigiliis orare oportet.

Ubi autem jam ſufficienter inſtructi, & eruditi erant de myſteriis, & moribus Chriſtianiſ Religionis, appellabantur Competentes, ut notat S. Pacianus ſerm. de Baptiſmo, eò quod ſimul Baptiſmum peterent, quò alludit his verbis Tertullianus locò mox laudatò: Itaque audientes optare intinſionem, non præſumere oportet; qui enim optat, orat; qui præſumit, ſuperbit. Ad quod etiam ſpectat illud Concilii Agathenſis cap. 13. ubi legimus: Symbolum etiam placuit ab omnibus Eccleſiis una die, id eſt, ante octidies Dominicæ Reſurrexiõnis, publicè in Eccleſia COMPETENTIBUS prædicari. Appellabantur etiam Eleſti, ut conſtat ex Ordine Rom. & Sacramentario B. Gregorii, eo quod ad Baptiſmum factis ſcrutiniis eligerentur.

Porrò ſcrutinia ante Baptiſmum ſex fiebant Quadregelima tempore, ut docet Alcuinus, & Amalarius libris de divinis officiis. Primum ſcrutinium incipiebat à ſeria quarta Dominicæ tertie quod frequentius iterabatur, ut exploraretur ſapius, an poſt renuntiationem Sathane lacra verba datæ fidei radici-

tis corde deſiſſent. Septimum tandem ſcrutinium fiebat in vigilia Paſchæ juxta ordinem Romanum; quò utique die præcedentia ſex ſcrutinia repetebantur; maxime ob parvulos recenter natos, qui prioribus nõ interfuerant, ut patet ex Ordine Romano, & Amalario lib. 2. de divinis officiis, cap. 13. Quare Rabanus lib. 2. de inſtitutione Clericorum, cap. 27. & ſequentibus, omnes baptiſmi ceremonias ſimul recenset. Cui ut morem geramus congruū judicamus illas omnes ceremonias, prout ex Ritualium ordine nunc geruntur, diſtinctè, & enucleatè perſtringere.

Primo patrini, & matrinæ baptizandum offerunt Sacerdoti; cujus quidem conſuetudinis meminit Tertullianus lib. de baptiſmo, quos idcirco ſponſores, & ſidejuſſores appellat: ſimiliter Dionyſius lib. de Eccleſiaſtica Hierarchia, c. 2. Quem, baptizatum, inquit, Sacerdotes assignant ſuſceptorum ſuo. Et c. 7. Divini, inquit, noſtri Ducibus (id eſt Apoſtoliſ) ad mentem venit, & viſum eſt ſuſcipere infantes, ſecundum iſtum ſanctum modum, quod naturales pueri parentes, traderent puerum cuidam docto in divinis Pedagogo, & reliquum ſub ipſo puer ageret, ſicut ſub divino Patre, & ſalvationis ſanctæ ſuſceptore.

Dieunt autem ſuſceptores, vel quod recenter baptizatum ſuſciperent non ſolum in cuſtodia, & in inſtructionem; vel quod è ſacro fonte emergentem tenerent, & abſtergerent; unde eò olim baptizarentur adulti, & toto corpore nudi immergerentur, ſolæ fœminæ fœminas, & viri viros ſuſcipient. Poſtea verò liberum fuit mari muliebrem ſexum, & fœminæ virilem adhuc infantem ſuſcipere, ut ait Nicolaus. I. epiſt. ad Salonitanum Episcopum, ubi ſcribit: Noſſe deſideras, inquit, utrum mulier, quæ viri filium ex alia ſemina genitum de ſacro fonte levaverit, poſſit modum poſſit cum eodem viro copulari. Quos idcirco

ideo jungi posse decernimus, quia secundum sacros Canones, nisi amborum consensu, nullus Religionis obtentu debet dimittere conjugem.

Tres autem aliquando admittebantur susceptores ad sanctissimæ Trinitatis mysterium indicandum, ita Vualdenſis Tom. 3. tit. 5. cap. 49. Verum postmodum, ut divine naturæ, & Baptismi unitas exprimeretur, Concilium Metense cap. 12. decrevit: *Infantes nequam duo, vel plures, sed unus à sancte Baptismatis suscipiat; est enim unus Deus, & unus Baptisma.* Idem statuit Concilium Tridentinum sess. 24. cap. 2. ubi volens providere cognationis spiritualis impedimento, statuit: *Ut unus tantum sive vir, sive mulier juxta sacrorum Canonum instituta, vel ad summum unus, & una baptizatum de Baptismo suscipiant, &c.* Patrinus autem esse non potest, nisi adultus, isque baptizatus, ut nempe patrinus munus implere valeat, illud autem officium in his maximè consistit, ut baptizandum Sacerdoti offerat, pro ipso fidei professionem emitat, atque spondeat, baptizandum piè, atque religioſè victurum. Unde S. Augustinus serm. 163. de tempore ait: *Quicumque viri, quæcumque mulieres de sacro fonte filios spiritualiter susceperunt, cognoscant se pro ipsis fidejussores apud Deum extitisse, & ideo semper illis sollicitudinem veræ charitatis impendant.*

Hinc, ut refert Amalarius lib. 1. de officiis Ecclesiasticis, cap. 2. Neophyti per octo dies sub ducibus, videlicet patrinis, & matrinis deducebantur ad Ecclesiam, & ad alia Christianæ pietatis munera. Quæ quidem cura, aut temporis spatio non concludebatur; sed, & deinceps cum necesse fuerit, baptizatorum salutis patrinis invigilare debeant.

Insuper Sponsores baptizando imponunt nomina, ut fiebat in Circumcisione apud Judeos, prout constat exem-

plo Christi D. Lucæ 2. *Post quam consummati sunt dies octo, ut circumcideretur puer, vocatum est nomen ejus Jesus.* Interdum autem adulti propria nomina in Baptismo conservabant, ut liquet exemplo SS. Ambrosii, & Augustini; aliquando verò, & plerumque mutabant: Hinc Dionysius Alexandrinus apud Eusebium lib. 7. historiæ, cap. 12. loquens de S. Joanne Apostolo, ait multos Gentiles propter singularem amorem, quo erga illum affecti erant, & propter æmulationem, qua ad illum invitandum flagrabant, & quod à Domino pari ratione diligi cuperent, Joannis nomen in Baptismo sibi imponi deprecabantur.

Impositò nomine, baptizandus renuntiat diabolo per seipsum, si sit adultus: si vero non sit rationis compos, per patrinum, & matrinam. Cujus utique renuntiationis meminit Tertullianus pluribus in locis, maximè lib. de corona militis cap. 3. ait: *Aquam adituri ibidem sub Antistiti manu contestamur nos renuntiare diabolo, & pompæ, & Angelis ejus.* Quæ utique renuntiatio, ut testatur Interpret sancti Dionysii de Ecclesiastica Hierarchia, fiebat versus Occidentem, & tertio repetebatur: Occidentem versus, inquit, baptizandum statuens intendentem, manusque impingentem ad eandem regionem converſas, insufflare illum ter Sathanam jubet, ac præterea abrenuntiationem profiteri. Ejusmodi exsufflationis meminit etiam B. Gregorius in Sacramentario: quod utique accedit ad nostram consuetudinem, qua Sacerdos ter sufflat in faciem baptizandi, dicens: *Exi ab eo Sathan: quò pertinet illud S. Cyrilli Hierosolimitani catechesi 1. Insufflationes, inquit Sanctorum, & nominis Dei invocatio tanquam quædam flamma uris demones, & insugans convertis.*

Illius etiam meminit S. Augustinus lib. de nuptiis, & concupiscentia, c. 18. scribens de Juliano, qui negabat nascen-

scientes esse sub diabolo , & debere portari ad Christum , ut eruerentur è potestate demonum : *Asefe* , inquit S. Augustinus , *accusat Ecclesiam toto orbe diffusam , in qua ubique omnes baptizandi infantes non ob aliud exsufflantur , nisi ut ab eis princeps mundi mittatur foras , à quo necesse est , vasa iræ possideantur ; cum ex Adam nascuntur , si in Christo non renascantur . Et cap. 29. respondens Pelagianis dicentibus Manichæum esse errorem , asserere homines origine sua esse vitiatos , & malos , scribit : Non fecit iste , ait , perfecti Manichæus est , qui malum originale defendit : sed perfecti Pelagianus est , qui malum originale non credit : neque enim ex quo esse capit Manichæi pestilentiosa doctrina , ex illa ceperunt in Ecclesia Dei parvuli baptizandi exorcizari , & exsufflari , ut ipsi mysteriis offenderetur , non eos in regnum Christi , nisi erutos à tenebrarum potestate transferri .*

Exorcismus autem , inquit S. Isidorus lib. 2. de officiis Ecclesiasticis , cap. 20. sermo increpationis est contra immundum spiritum in energumenis , sive Cathecuminis factus , per quem ab illis diaboli nequissima virtus , & inveterata malitia expulsa fugetur .

Testatur Josephus lib. 8. antiquitatum Judaicarum , exorcismum à Salomone originem duxisse . Et S. Epiphanius hæresi 30. asserit , Judæos Exorcistas usos fuisse nomine tetragrammaton , cujus virtute demones fugabant . Quod autem Judæi soliti fuissent energumenes exorcizare , innuit Christus D. Matth. 12. ubi cum ei dixissent Judæi : *In Belzebub principe demoniorum eiicis , demonia , respondit : Si in Belzebub ejicio demonia , filii vestri in quo ejiciunt ?* &c. Patet etiam ex illo Actorum c. 19. Tentaverunt quidam de circumcunctis Judæis Exorcistis , invocare super eos , qui habebant spiritus malos , nomen Domini Jesu , &c. Verum non à Judæis Ecclesia ducit ritum exorcizandi , sed ab

Tom. X.

exemplo Christi D. qui *Matth. 7.* lunaticum increpuit , & exiit ab eo dæmon . Quam utique potestatem fidelibus contulit , maxime verò Ministris ad illud munus ab Ecclesia deputatis , cum dixit Marci 16. *Signa eos , qui crediderint , hæc sequentur , in nomine meo dæmonia ejicient , &c.*

Post insufflationem , & exorcismum ; vel , ut solent aliquæ Ecclesiæ pauld ante utrumque , Minister Baptismi signum crucis imprimit in fronte , & pectore baptizandi , cujus ceremonia meminit S. Dionysius Areopagita locis supra laudatis : *Imponit ejus capiti manum , inquit , confignasque illum Sacerdosibus manus dat , virum susceptoremque describant .* Idem testatur Tertullianus lib. de corona militis , & S. Augustinus lib. 4. de Symbolo , cap. 1. dicens : *Per sacramentissimum signum crucis vos suscepit in utero sancta mater Ecclesia .*

Imprimitur autem signum crucis in fronte simul , & in pectore , ut tradit S. Gregorius in Sacramentario , ut nempe undique muniatur ; utque noverit se destinatum ad ferendam crucem , & eam toto corde tanquam mysticam cæli scalam diligendam .

Postmodum Sacerdos *sal* benedicit , immittitque salis paululum in os infantis ; ut nempe , inquit Alcuinus , *putrida , & fluxa baptizati peccata sapientiæ sale divinò mudentur* : unde Origenes homil. 6. in Ezechielem , *Qui renascitur Christo , debet sale saliri* . Et S. Augustinus lib. 1. Confess. cap. 11. *Signabar jam ejus signo , & condiebar ejus sale .* Sales autem in mysterio Cathecumenis dando à Patribus institutum , inquit , Isidorus lib. 2. de officiis , cap. 20. *Ut eorum gustu condimentum sapientiæ percipiant , neque desipiant à sapore Christi .* Addit Ivo Carnotensis ferm. de Sacramento Neophytorum : *Datur sal benedictum in os pueri per typum sapientiæ , ut sale conditus factore careat iniquitatis .*

T t

Dein-

Deinde Sacerdos mittit de saliva oris sui in dextram aurem infantis, dicens: *Epheta, quod est adaperire*. Demum in nares, dicendo: *In odorem suavitatis*. Rursus in sinistram aurem, dicens: *Es fugare diabolo*. Ita præscribitur in Sacramentario S. Gregorii, & in Ordine Romano; cujus utique ceremoniæ origo ducta videtur ex Marci 7. ubi Christus D. volens sanare surdum, & mutum; *misit digitorum suorum in auriculam ejus, & exprensit et legit linguam ejus, & sufficiens in celum iugemuit, & ait illi; EPHETHA, quod est ADAPERIRE*. Unde S. Ambrosius lib. de iniciandis, Cathecumenus alloquens, ait: *Aperite aures, & bonum odorem vite æternæ in balatum vobis, nannere Sacramentorum capite, quod vobis signavimus, cum aperi-tionis mysteria celebrantes, Ephetha diximus, quod est adaperire*. Porro aures, & nares tangantur, & iniunguntur saliva, ut significetur, quod homo per peccatum Adæ factus surdus ad divinam, neque amplius sapiat, quæ Dei sunt, per Baptismum spiritualem auditum, & olfactum denuo accipiat, ait Hugo Victorinus lib. 1. de Sacrament. cap. 8.

Expulsi autem per Exorcismum, & alios sacros ritus demone à baptizando, Symboli Apostolici traditur ei fides, inquit Alcuinus, *Ut vacua domus, & à præfco habitatore derelicta, fide ornatur, & ut præparetur habitatio Dei*: Unde S. Augustinus lib. 8. Confess. cap. 2. refert quòd Victorinus Rhetor ex editori loco Romæ in conspectu populi professus fuerit fidem suam; quod etiam facere solebant Competentes. Ad quod alludere videtur Tertullianus lib. de corona militis, cap. 3. dum dicit: *Amplius aliquid respondetis, quàm Dominus in Evangelio determinavit*.

Post hæc Sacerdos Cathecumenum introducit in Ecclesiam, pannos quibus operitur tangens ac dicens: *Ingrederere, & insuper eum nominatim interrogat: Renuntias Satana? Cujus ceremoniæ*

meminisse videtur S. Petrus epist. 1. cap. 3. his verbis: *Sulcori non fecit Baptisma, non carnis depositis sordium, sed conscientie bonæ interrogatio in Deum, ut interpretatur S. Cyrillus lib. 6. in Joan.*

Deinde Sacerdos linat pectus, & scapulas infantis oleo Cathecumenorum. *Pectus perungitur*, inquit Alcuinus, *ut signet S. Crucis diabolo claudatur ingressus; signantur, & scapule, ut undique muniat*. Vel ut ait Rahanus lib. 1. de institutione Clericorum, cap. 27. *Ungitur illius pectus de oleo sanctificato, cum invocatione SS. Trinitatis, ut mens ejus confortetur; ungitur, & inter scapulas de eodem oleo, ut undique muniat, & ad bona opera faciendâ per Dei gratiam roboretur*. Hinc apud Græcos, baptizandus ungebatur toto corpore, ut referunt S. Cyrillus Hierosolymitanus Catec. 2. Chrysostomus hom. 6. in epistolam ad Coloss. ac B. Severus Alexandrinus in Baptismi ritibus. Verum in Ecclesia Latina dumeaxat ungi solet caput, & pectus indicat S. Ambrosius lib. de his, qui inficiantur, cap. 6. & Isidorus lib. 2. de divinis officiis, cap. 8.

Post hæc Sacerdos interrogat baptizandum: *Credis in Deum?* Respondet: *Credo*. Cujus quidem ceremoniæ ac professionis fidei meminit Tertullianus lib. de spectaculis, cap. 4. ubi ait: *Aquam ingressi Christianam fidem in legis sue verba profitemur*. Soledat etiam antiquis huic professioni addi solemne juramentum de propugnanda ejusmodi fide ad mortem usque, ut observat Tertullianus lib. ad Martyres, & lib. de corona militis, cap. 11. Quibus completis ministratur Baptismus.

§. II.

De Ceremoniis concomitantibus, maxime de Loco & Tempore.

Certum est, Apostolos baptizasse omni tempore, & omni loco, ubi opportuna occurrebat occasio; neque enim

enim post primam S. Petri prædicationem, Judæos ad fidem conversos, & media ad salutem necessaria postulantes, judicârunt alio tempore, & loco esse baptizandos: Sed qui receperunt sermonem ejus, baptizati sunt, & apposta sunt in die illa animæ circiter tria millia. Neque Philippus quæsit tempus, aut diem, quo Eunuchum baptizaret, nec Petrus quando Cornelium cum omni domo sua baptizavit, scilicet Apostolicæ prudentiæ non erat certum, ac præsentem mensem longius differre, ne passim à Gentilibus, aut Judæis, tanquam à furiosis beluis dissiparetur.

Insuper baptizandi nullo egebant tempore, ut fidei mysteria discerent; siquidem Spiritus sanctus docebat eos de omnibus, quæ ad Christianæ religionis, & fidei mysteria spectabant. Præterea ingens hominum multitudo ad Baptismum accedebat, & cum aliunde pauci essent Ministri, qui eos baptizarent, conveniens erat, ut Baptismus in alterum tempus non remitteretur.

Verum cum per orbem propagari cœpisset Ecclesia, & jam plures constituti essent Ministri, qui Baptismum conferre possent, communis Ecclesiæ mos ex Traditione Apostolica obtinuit, ut nemo extra Paschatis, & Pentecostes tempus solemniter baptizaretur, ut testatur in primis Tertullianus lib. de Baptismo, cap. 19. ubi scribit: Diem Baptismo solemniorē Pascha præstat, cum, & Passio Domini, in qua tingimur, adimpleta est: nec incongruent, ter ad figuram interpretabitur, quod cum ultimum Pascha Dominus esset acturus, missis Discipulis ad præparandum, *Invenietis, inquit, hominem aquam bajulantem*, Paschæ celebrandum: locum de signo aquæ ostendit. Exinde Pentecoste ordinandis lavacris latissimum spatium est, quo, & Domini Resurrectio frequentata est, & gratia Spiritus sancti dedicata, & spes adventus Domini subostensa, &c.

Hinc Baptismi celebrationem in reliquis festivitatibus interdictam fuisse, constat ex Conciliis *Gerundensi*, cap. 4. *Compendiensi*, cap. 3. & *Vormaciensi* c. 11. Cujus utique observantiæ rationem, hanc proferit S. Leo epist. 4. ad Episcopos per Siciliam constitutos, cap. 3. ubi loquens de festo Paschatis, ait: Apparere generandis filiis hominum, & in Dei filios adoptandis illum diem esse, & illud tempus electum, in quo per similitudinē, formamque mysterii ea, quæ geruntur in membris, his quæ in ipso sunt, capite gesta congruerent, dum in Baptismatis regula, & mors intervenit interfectione peccati, & sepulturam triduanam imitatur trina demersio, & ab aquis elevatio resurgentis instar est de sepulchro: ipsa igitur operis qualitas docet celebrandæ generaliter gratiæ cum esse legitimum diem; in quo orta est, & virtus muneris, & species actionis. Additur sancti huic observantiæ etiam Pentecostes ex adventu Spiritus sancti sacra solemnitas, quæ de Paschalis sancti pendet articulo, & cum ad alios dies alia festa pertineant; hæc semper ad eum diem, qui Resurrectione Domini est insignis, occurrit, porrigens quodammodo auxiliantis gratiæ manum; & eos, quos à die Paschæ, aut molestia infirmitatis, aut longinquitas itineris, aut navigationis difficultas interclusit, invitavit ut quibuslibet necessitatibus impediti desiderii sui effectum, dono Spiritus sancti consequantur. *Addit cap. 4.* Hoc autem nos non ex nostra persuasione defendere, sed ex Apostolica autoritate servare, satis idoneo probamus exemplo; sequentes B. Apostolum Petrum, qui in die, quo omnium credentium numerum promissus Spiritus sancti replevit adventus, trium millium populum suâ prædicatione conversum, lavacro Baptismatis consecravit.

Rabanus lib. 2. cap. 38. testatur eam consuetudinem perdurasse usque ad tempora Caroli, & Ludovici Imperatorum. Unde etiam orationes, & Cantica, quibus adhuc utimur solemniter in Paschalibus feriis, hanc cæremoniæ baptizandi eo tempore resonant; hoc indicat Responsorium, *Vidi aquam*: Hymnus, *Ad cenam Agni providi*: Introitus Feriæ 2. *Introduxit vos Dominus in terram fluentem lac, & mel*. Introitus Feriæ 3. *Aqua sapientiæ potavit eos*; & hujus diei Collecta: *Deus qui Ecclesiam tuam novo semper factu multiplicas*. Introitus Feriæ quartæ, *Venite Benedicere Patri meo*. Introitus Feriæ quintæ, *Viricem manum suam Domine laudaverunt pariter*, &c. Similiter hujus diei Collecta, & Secreta: Introitus Feriæ sextæ; *Eduxit eos Dominus in spe*; & illius diei Secreta. Introitus Sabbati: *Eduxit Dominus populum suum*: Introitus quoque Dominicæ diei octavæ: *Quasi modò geniti infantes*.

Causam autem cur abrogata sit hæc consuetudo, subodorari licet ex Socrate lib. 5. historiæ Ecclesiasticæ, cap. 29. ubi refert in Thessalia plurimos absque Baptismo mortuos, quod diebus Paschæ dumtaxat Baptismata fieri consuevisent. Eandem rationem mutasse etiam de toto tempore Pentecostes, verisimile est ex negligentia subinde aut parentum, aut Presbyterorum Parrochialium, ut observat Pamelius ad cap. 19. Tertulliani lib. de Baptismo. Ceterum urgente necessitate citra solemnitatem quovis tempore baptizare licebat, ut ibidem observat Tertullianus: *Ceterum*, inquit, *omnis dies Domini est, omnis hora, omne tempus habile Baptismo, si de sollemnitate interest, de gratia nihil refert*, Quod etiam significat Concilium Gerundense, cap. 5. ubi sic statuit: *De Cathæcumenis baptizandis id statum est, ut in Paschæ sollemnitate, vel Pentecostes, quanto majoris celebritatis major celebritas est, tanto magis ad baptizandum*

veniant, ceteris sollemnitatibus infirmis tantummodo debeant baptizari: quibus quocumque tempore convenit Baptismum non negari. Idem etiam statuit S. Leo epist. 4. cap. 6. *Si qui*, inquit, *necessitate mortis, agritudinis, obfisionis, persecutionis, & naufragii urgentur, omni tempore debent baptizari*.

Quantum autem ad locum, certum est Apostolos, & eorum Discipulos baptizasse in aquis obviis; nam legimus Act. 8. Philippum baptizasse Eunuchum in aqua, quam obviam habuerat. Et cap. 16. Lydia purpuraria baptizata est juxta flumen. Et in vita S. Marcelli Pontificis: (cujus die sacro hæc scribimus,) legitur, quod S. Cyriacus in sua domo fontem edificavit, quem consecravit S. Marcellus; ubi frequenter baptizabat. Cum verò Christiana Religio per orbem propagata, jam à frequentibus persecutionibus tantillum quievisset, Baptistæ in urbibus, in porticu Ecclesiarum construi cœperunt. Unde Cyrillus Hierosolymitanus baptizandos alloquens: *Jam*, inquit, *circa Porticum regalis Palatii suis*, &c. Post hæc verò in Ecclesiis Baptistæ erecta sunt: siquidem Clodovæum Francorum Regem in Ecclesia baptizatum fuisse, refert Gregorius Turonensis 2. Historiæ Francorum.

Baptismus autem conferri solebat antiquitus per trinam immersionem, & totidem emersiones, ut per hoc quod tertio infans ab aquis educitur, Resurrectio tridui temporis exprimitur, inquit Gregorius lib. 2. epist. Nihilominus valebat etiam Baptismus vel per asperisionem, vel per immersionem etiam unicam, ut decernit Concilium Tolætanum quartum cap. 5. his verbis: *Propter vitandum schismatis scandalum, vel hæretici dogmatis usum, simplicem teneamus Baptismi immersionem*. Verùm de his jam sufficienter actum est in questione de materia Baptismi, quod circa sit;

§. III.

De Cæramentiis Baptismi substantiam consequentibus.

Baptizatum è sacro fonte emersum amplexabatur Sacerdos, & osculabatur, ut colligitur ex epist. 59. Cypriani ad Fidum Episcopum contententem, infantes ante octo dies non esse baptizandos, quod nemo sine stomachi fastidio posset eos propter assuetas sordes ex utero contractos osculari, ad quem ita scribit S. Cyprianus, & ceteri Collegæ, qui in Concilio ad numerum 66. congregati fuerant: *Quod vestigium infantis in primis partibus suis diebus constituit, mundum non esse dixisti, quod unusquisque nostrum adhuc horreat osculari; nec hoc putamus ad celestem gratiam dandam impedimento esse oportere: scriptum est enim, omnia munda mundis; nec aliquis nostrum debet horrere, quod Deus dignatus est facere; Nam etsi adhuc infans à partu novus est, non ita est tamen, ut quisquam illum in gratia danda, atque in pace facienda horrere debeat osculari; quando in osculo infantis unusquisque nostrum pro sua Religione ipsas adhuc recentes Dei manus debeat cogitare, quas in homine modò formato, & recens nato quodammodò exosculamur, quando id, quod Deus fecit, amplectimur.*

Post osculum Sacerdos baptizatum ungit in vertice capitis, cujus quidem unctionis meminit S. Ambrosius lib. de initiandis, cap. 10. nec non, & lib. 2. de Sacramentis, cap. 7. & refertur de consecr. dist. 4. cap. 189. ubi sic recens baptizatum alloquitur: *Emergisti, venisti ad Sacerdotem, quid tibi dixit Deus, inquit, Pater omnipotens, qui te regeneravit ex aqua, & Spiritu sancto, concessitque tibi peccata tua, ipse te ungit in vitam æternam; vide ubi unctus es: in vitam, inquit, æternam. Cujus utique cæramenti rationem profert lib. 3. cap. 1. Accepisti mysterium, hoc est, unguentum*

supra caput: quare supra caput? Quia sensus spiritualis in capite est. Et infra, c. 2. subdit: Sequitur spiritale signaculum, quod nudisti hodie legi: quia post fontem superest, ut perfectio fiat, quando ad invocationem Sacerdotis Spiritus sanctus infunditur. Tertiam rationem profert Rabanus lib. 1. de institutione Clericorum, cap. 28. Postquam, inquit, ascenderit baptizatus de fonte, statim signatur in cerebro à Presbytero cum sacro chrismate, sequente simul, & oratione, ut regni Christi particeps fiat, & à Christo Christianus possit vocari. Quartam denique rationem adjicit Alcuinus cap. 19. Tunc sacro Chrismate, inquit, caput perungitur, ut intelligat se diadema Regni, & Sacerdotii dignitatem portare, &c.

Unctum caput pannò seu linteolò obvolvitur per octo dies, ut signum sit, inquit Amalarius lib. 1. cap. 29. quod sicut ab illorum capite oleum non deficit per octo dies, ita nunquam caritas à mente nostra deficiat.

Post Baptismum, inquit, Rabanus lib. 1. cap. 29. traditur Christiano vestis candida, designans innocentiam, & puritatem Christianam, quam post ablutas veteres maculas studio sanctæ conversationis immaculatam servare debet: representandam ante tribunal Christi. Cuncti verò renati albis induuntur vestibus, ad mysterium resurgentis Ecclesiæ. Idem ibidem. Utuntur ergo baptizati albis vestibus; ut quorum primæ natiuitatis faciem vetusti erroris pannus suffocaverat, habitus secundæ generationis gloriæ præferat indumentum. Tegitur enim post sacram unctionem caput ejus mysticò velamine, ut intelligat, se diademate regni, & Sacerdotali dignitate potiri. Ejusdem consuetudinis meminit S. Dionysius Areopagita lib. de Ecclesiastica Hierarchia, agens de Baptismo: *Assumentes autem illum (baptizatum) Sacerdotes, inquit, suique accessus duce consignant, & unà cum ipso illum vestem baptizati munditiæ congruam induunt; seque in-*
du-

dutum ruſum ad Pontificem ducunt .
 Unde canit Lactantius carmine de Reſurrexione Domini .

Candidus egreditur nitidit exercitus undis .

Cui concinit Pontius Paulinus , Baptiſmum ſic deſcribens .

Inde parent ſacrd ducit de fonte Sacerdos .

Infantes niteo corpore , corde , habitu .

Circumdatque rudes ſiſtis altaribus agnos .

Pura ſaluſiferis imbuit ora cibis .
Hinc ſenior ſociæ congandet turba catervæ ,

Alleluia novis balat ovile choris .

Portabatur autem hæc veſtis candida per octo dies nec deponabatur niſi Sabba ante Dominicam ſequentem feſtum Paſchæ , imò non niſi ipſo die octavo Paſchæ dimitti ſolere , indicat ſanctus Auguſtinus ſerm. 197. de tempore , qui eſt de illa die Dominica , ubi ait : *Paſchæ ſolemnitas hodiernâ feſtivitàte concluditur . Et ideo hodie Neophytorum habitus commutatur : ita tamen , ut candor , qui de habitu deponitur , ſemper in corde teneatur .*

Præclarum facinus hac de re narrat Viſtor Utiſenſis lib. 3. de perſecutione Vandalorum Arianorum , de Muritta Diacono Carthaginenſi , qui cùm baptizaret hominem quemdam nomine Elpidoforum , ſervavit Sabana , id eſt , linteamina alba , quibus eum de ſacro fonte ſurgentem texit . Cùm autem Elpidoforus ille poſtmodum à fide excidiſſet , & Judex , ſeu potius tyrannus , (qui Catholicos ad fidem ejurandam cogeret) ab Hunnerico Rege delegatus , Murittam ad Tribunal evocaſſet , & in die conſtanti damnaſſet ad ſupplicium ; id præſciens Muritta ſecum detulcrat veſtem illam albam , quam (ubi audivit prolata in ſe mortis ſententiam ,) ſtatim publicè expandens , eamque hujus tyranni oculis obiciens ,

animò generoſo , & dignò Martyr in hæc verba erupit . *Hæc ſunt linteamina , Elpidofore miſiſſer erroris , quæ te accuſabunt , dum Maſiſtas veneris judicantiſ , cuſtodiente diligentia meâ ; ad teſtimonium tue perditionis , ad demergendum te in abyſſo putei ſulphurantiſ . Hæc te immaculatum cinxerant de fonte ſurgentem . Hæc te acrius perſequentur flammantem gebennam cùm ceperis poſſidere , quia induiſti maledictionem ſicut veſtimentum , ſcindent te amittis veri Baptiſmatis , & fidei Sacramentum . Quid ſaſturus ei miſer , eum ſerovi Patris-familias ad cenam regiam congregare ceperint invitatores , tunc te aliquando vocatum terribiliter indignum exutum ſola Rex conſpiciet nuptiali , dicetque tibi : Amice , quomodo huc veniſti , veſtem non habens nuptialem ? Non video quod conſtuli , non noſco quod dedi , perdiſti militiæ chlamydem , quam in tela Virgineorum membrorum decem menſibus tenui , & pendicuias erueis , quas extendens aquam emundavi , & purpurâ mei ſanguinis decoravi : Non conſpiciunt oculi mei , charaſterem non video Trinitatis , talis intereſſe non poteris epulis meis , ligate eum pedibus , & manibus ſuniculis ſuis , qui ipſe ſe voluntaria ſeparare voluit à Fratribus ſuis Catholicis .*

Poſt acceptam veſtem albam Sacerdos baptizato porrigebat ceream ardentem , cujus cæremoniæ meminit S. Cyrillus Hieroſolymitanus in catecheſi ; ubi baptizatos alloquens , ait ; *Sponſales vobis lampades donatæ ſunt .* Unde Ivo Carnotenſis ſerm. de Sacramento Neophytorum . *Ad ultimum datur cereus ardenti in manus baptizati , quatenus implere doceatur illud Evangelii . Luceat lux veſtra coram hominibus .* Ipſi conciait Honorius in gemma animæ lib. 3. *Mox , inquit , de fonte elevatis , lumen dare ſolent , quatenus ſplendidis operum lampadibus ſponſo venienti occurrant .* Porro cùm hac ardente lucerna , ac veſtibus albis per ſeptem

ptem dies recens baptizati ad Ecclesiam properabant, & Ecclesiis assistere solebant, ut refert Alcuinus epistola ad Carolum Magnum.

Testatur etiam Rhenanus in Occidentis Ecclesiis hanc inolevisse consuetudinem. ut recens baptizatis vinum & lac daretur, idque probat auctoritate S. Hieronymi lib. adversus Luciferianos: Tertullianus autem lib. de Corona militis, dicit in Africa solitum esse dari baptizatis lac & mel; Iude suscepti, inquit, lactis, & mellis concordiam prægustamus. Cujus etiam ceremonię meminit ibidem S. Hieronymus.

Solebat etiam antiquitus statim post completas Baptismi ceremonias ministrari Eucharistię Sacramentum, ut testatur Tertullianus libro 4. adversus Marcionem, ubi dicit: *Nec alibi conjunctiones ad Sacramentum Baptismatis, & Eucharistię admittem.* Testatur etiam ibidem solitum fuisse administrari baptizatis Sacramentum Confirmationis: *Dehinc*, inquit ibidem ca. 8. manus imponitur per benedictionem, adorans & invocans Spiritum sanctum. Cujus etiam consuetudinis plurimi è veteribus meminerunt, S. Cyprianus epist. ad Jubajanam; *Quod nunc quoque*, inquit, apud nos geritur, ut qui in Ecclesia baptizantur, prępositi Ecclesię offerantur, & per nostram orationem, & manus impositionem Spiritum sanctum consequantur, & signaculo divino consumentur. Idem habet epist. 70. Similiter S. Hieronymus adversus Luciferianos: *Quid si hoc loco quaeris, quare in Ecclesia baptizatus nisi per manus Episcopi non accipiat Spiritum sanctum, quem non asserimus in vero Baptismate tribui, disce hanc observationem ex ea auctoritate descendere, quod post Ascensum Domini Spiritus sanctus ad Apostolos descendit:* Unde Melchisedes Papa epist. ad Epi-

scopos Hispanię; *Ita conjuncta sunt hæc duo Sacramenta, ut ab invicem nisi morte præveniente, nullatenus possint segregari: & unum sine altero ritè perfici non potest: nam unum præveniente morte, salvare sine altero potest, aliud autem non potest.* Denique omnium horum antiquissimus B. Clemens Papa I. *Omnibus festinandum est sine mora renasci Deo, & deum consignari ab Episcopo, id est, septiformem gratiam Spiritus sancti percipere: quia aliter perfectus Christianus esse non poterit, si non necessitate, sed incuria; vel voluntate se remanserit. Quod à B. Petro accepimus, & ceteri Apostoli docuerunt.*

Postremo tandem pulsantur campanę in signum exultantis Ecclesię, propter hominem generatum, & deputatum inter suos filios: Unde Tertullianus capite 20. libri de Baptismo ait: *Ergo & nos dicit aliquis à lavacro sejunare oportet: & qui enim prohibet nisi necessitas gaudii, & exultatio salutis?*

Unde circa finem libri baptizatos sic exultabundus alloquitur. *Igitur benedicti, quos gratia Dei exprimit; cum de illo sanctissimo lavacro novi natalis ascenditis, & primas manus apud matrem cum Fratribus aperitis: petite de Patre, petite de Domino pecunia, gratias, distributiones charismatum subjaciente, &c.* Et S. Augustinus serm. 87. de Dominica Paschali; *Hic dies, inquit, lucidior illucit, in quo Dominus novam plebem regenerationis spiritu conquirit, in quo singulorum mentes gaudio, & exultatione perfudit.*

His omnibus aperte constat ceremonias sacras in Baptismi administratione etiam nunc servari solitas, non esse novum quoddam figmentum, ut pessimè garriunt heretici, sed tota ipsa antiquitate consecratas, & ab ipso Ecclesię nascentis exordio usurpatas.

DISPUTATIO SECUNDA.

De Virtute, & Sacramento Pœnitentiæ.

Tanta est humanæ naturæ ad malum proclivitas, & in bono sectando levitas, & inconstantia; ut vix innocentie venustatem adepti, statim gravioris peccati colluvione deturpetur, & restituta illius sanitas novis succrescentibus morbis evanescat. Curatur equidem sacro baptismatis medicamine genialis morbus, & primi parentis noxa deperdita salus divini illius Sacramenti virtute reparatur: At non ita radicibus evelluntur morbi reliquie; quin iterum retrudescant, eoque læthalius animam inficiant quod jam prorsus indigna divino munere in certum, æternumque naufragium præcepis impingeret, nisi Pœnitentia veluti secunda tabula naufraganti fœliciter occurreret, & in portum divinæ clementiæ protelaret. Hæc enim est, ait Tertullianus; quæ in peccatorem pronuntians pro Dei indignatione fungitur, & temporali afflictione æterna supplicia, non dicam frustratur, sed expungit: cum enim provolvit hominem, magis revelat; cum squalidum facit, magis mundatum reddit, cum accusat, excusat; cum condemnat, absolvit.

Tantus namque est Pœnitentiæ vigor, & lacrymarum prærogativa, ut ex deterriori peccatore delictis turpi, flagitiis infami, demonum mancipio, & gehennæ reo, faciat non modò virum innocentem, immaculatum, & culpis defœcatum; sed ferè Sanctorum maximum, eumque admirabili metamorphosi, velut in Joannis Baptiste prærogativam, & sanctitatem transfermet, ut præclare significat S. Laurentius Novariensis, cum de homine, qui Pœnitentiæ vacat, sic ait: *Noli tu jam querere neque Joannem, neque*

Jordanem, ipse tibi esto Baptista, quasi dicat; Joannes Baptista virgo est, Martyr, Præcursor, Propheta, Anachoreta, quin & Angelus; esto igitur ex impudico virgo, esto Martyr à Pœnitentiæ acerbitatibus, esto Præcursor annuntians tibi Christum venturum in redemptionem, esto Anachoreta vitæ sanctimonia, Propheta vaticiniis, Angelus puritatis, Baptista meritis, verbo dicam, ipse tibi esto Baptista.

Nec immeritò sæpe, lacrymis enim, Pœnitentiæ, virtutem Baptismatis inesse non obscure significant SS. Patres, inprimis S. Ambrosius; cum exclamat: *Bona lacryma, in quibus est redemptio peccatorum!* Quasi lacrymæ sint redemptrices, & vicariæ non solum Baptismatis; sed etiam Dominicæ Passionis: unde apprimè quadrat in Pœnitentiæ lacrymas, quod de saliva Christi ingeniose dixit S. Chrysologus ad illud Joan. 9. *Expuit in terram, & linivit super oculos ejus: Divino, inquit, ore luciferam dat salivam, ut sanitatis gutta baptizaret oculos peccatoris, pie enim lacrymæ oculos baptizat, nam eorum fomitem temperant, & contractas ab eis fordes eluunt. Imò totum hominem emaculant, ut advertit Hugo Cardinalis, dicens: *Luxus est mentis humana baptisferium*: quasi diceret nihil aliud esse lavacrum lacrymarum, nisi secundum Baptismum, quo totus homo quantumvis criminibus fœdatus, omnino emaculatur, & virtutis, ac innocentie pulchritudinem induit.*

His eleganter consonat S. Petrus Chrysologus; cum de Magdalena pedes Christi lacrymis rigante exclamat: *O quanta vitæ in lacrymis peccatorum; rigant cælum, terram diluunt, extinguunt gehennam.*

gebennam : delent in omne facinus, latam divina promulgatione sententiam. Nec minus eleganter : sed ad scopum nostrum directius collimat, cum subdit : *In peccatriciis caput purgandis criminibus refluat unda, ut sus fonte mulier in novum Baptisma suorum dilueret illuvium peccatorum*. Liceat ergo cum S. Chrysostomo hic exclamare : *O Pœnitentia, quæ peccata, Deo misere, remittis, & Paradisum referas, contritum sanas, omnem tristitiam exilaras, vitam de interitui revocas, statum restauras, honorem renovas, fiduciam das, vires reformas, gratiam abundantiorum refundis* : Omnia ligata tu solvis, omnia soluta tu custodis, omnia adversa tu mitigas, omnia contrita tu sanas, omnia confusa tu lucidas, omnia desperata tu animas, &c.

Nec minus eleganter, & eruditè his concinit Author libri de vera, & falsa Pœnit. cap. 1. ubi scribit. *Quantum sit appetenda gratia Pœnitentiæ, omnis auctoritas declarat, amnis bonorum vita conatur ostendere : languores enim sanat, leprosi curat, mortuos suscitât, vitia fugat, virtutes exornat, mentem munit, & roborat, omnia satiat, omnia redintegrat, omnia lætificat, sanitatem auget, quam conservat. Claudis gressum, aridis copiam, cæcis restituit visum. Temperat successus, constringit impetus, moderatur excessus. Ignorantem, per hanc se recognoscit : querentem, per hanc se invenit. Hæc quæ homines ad Angelos ducit, & creaturam reddit Creatori : illa ovem perditam monstravit querenti, & decimam drachmam obtulit auxilianti. Hæc dissipatorem filium ad patrem reduxit. In hanc omne bonum inuititur, per hanc omne bonum conferatur : fugat tenebras, inducit lucem, excoquit omnia ipsa ignis consumens*.

De hoc itaque tam stupendo nobis concessio beneficio, ac remedio agendum erit in præsentis Disputatione tribus, ut sacri assulet, Articulis distin-

Tom. X.

guenda, quorum Primus erit de essentia, necessitate, & miranda efficacia virtutis Pœnitentiæ ; Secundus de institutione, materia, & forma Pœnitentiæ Sacramenti : Tertius denique de tribus ejusdem Sacramenti partibus, videlicet, Contritione, Confessione, & Satisfactione, quæ omnia, ut ordine convenientiori distribuuntur, quilibet Articulus tribus Sectionibus absolvetur.

ARTICULUS PRIMUS.

De essentia, necessitate, & efficacia Pœnitentiæ virtutis.

EAm specialem prærogativam sibi vindicat Pœnitentia, quod virtutis simul ac Sacramenti dignitatem, & rationem obtineat : cætera namque Sacramenta cum sint instrumenta divinitus instituta ad gratiam conferendam ; potiusque in actione ministrantis, quam in operatione suscipientis consistant, ex sua ratione formali virtutis nomen, & essentiam non obtinent. Secus autem est de Pœnitentia, quæ cum ex Pœnitentis actibus simul ac Dei beneficio integretur, etiam virtus simul est ac Sacramentum ; maximè in lege Evangelica, in qua Christus D. Sacerdotibus auctoritatem contulit absolventi reos pœnitentes ab omnibus peccatis, quibus inquinabantur, & divinæ justitiæ obstrangebantur.

Quamquam autem Pœnitentia, quatenus Sacramentum ; longè pœnitentiæ virtutis meritum, & dignitatem excedat ; attamen quia virtus Pœnitentiæ (inquit Concilium Tridentinum sess. 14. cap. 1.) *universi hominibus, qui se aliquo peccato mortali inquinassent, quovis tempore ad gratiam, & iustitiam consequendam necessaria, illis etiam qui Baptismi Sacramento ablui petivissent, ut perversitate abjecti, & emendati, tantam Dei offensionem, & pio animi*

V v

do-

dolore detestarentur . . . Dominus autem Sacramentum Pœnitentiæ tunc præcipue instituit, cum à mortuis excitatus infusus in Discipulos suos, dicens: *Accipite Spiritum sanctum, quorum remisistis peccata, remittuntur eis, &c.* Ideo prius de Pœnitentiâ, ut virtute, quàm ut Sacramento sermo habendus est tribus in sequentibus Sectionibus, quarum *Prima* Pœnitentiæ virtutis naturam; *Secunda* necessitatem; *Tertia* denique illius efficaciam aperiet.

SECTIO PRIMA.

De natura Pœnitentiæ virtutis.

Cum Pœnitentiâ (qua virtus) sit spiritualis quædam animæ qualitas, cujus entitas utpote tenuissima, non nisi per ordinem ad objectum, in quod tendit, & subjectum in quo residet: aperte possit innotescere; ideo illius natura est ex utroque investiganda.

Porro Pœnitentiæ vocabulum derivatur, vel à *punitio*ne, vel à *pœna*; Priori derivationem tradit S. Isidorus lib.6. originum cap. ult. *Pœnitentiâ*, inquit, appellata est, quasi *puni*entia, eo quod ipse homo se puniat *pœnitendo* quod male admisit, nam aliud nihil agunt, quos *veraciter pœnitet*, nisi ut id quod male fecerunt, impunitum esse non sinant. Ipsi concinit S. Aug. ep. 54. scribens; *Nihil aliud agit, quem veraciter pœnitet, nisi, ut id, quod male fecerit, impunitum esse non sinat, eo quippe modo sibi non parenti ille parcat, cujus altum, influmque iudicium nullus contemptor evadit.* Posterior derivatio, nimirum à *pœna*, traditur ab Authore libri de vera, & falsa Pœnitentiâ, cap. 19. ubi ait; *Pœnitere est pœnam tenere, ut semper puniat in se ulciscendo, quod commisit peccando. Pœna enim propriè dicitur læsio, quæ purit, & vindicet quod quisque commisit.* Ille igitur *pœnam* te-

net, qui semper punit quod commississe dolet. Pœnitentiâ itaque est vindicta, semper puniens in se, quod dolet commississe. Huic Postremæ derivationi subscribit Doctor in 4. disp. 14. qu. 1. nu. 15. ubi ait. *Pœnitentiâ* secundum nominis Ethymologiam idem esse, ac *pœno* tentiam; Pœnitere enim, inquit Doctor, idem est, ac *pœnam tenere*. Unde *metanoia* Latine *pœnitudo*, significat universim dolorem ob aliqua facta, vel omissa, juxta illud Ausonii Epigram

*Sûm Dea, quæ falli, non fallique
exigo pœnat:*

*Nempe ut pœniteat; sic METANOIA
vocat.*

Reclamant nihilominus hujus temporis hæretici, maxime Lutherani, & Calvinistæ una cum suis Antesignanis; *Lutherus* enim in epistola ad Vicarium sui ordinis ait; Pœnitentiâ non significare, dolorem, aut odium præteritæ vitæ, sed amorem justitiæ, & novæ vitæ instituendæ. Ei subscribit *Calvinus* lib. 3. Instit. cap. 3. ubi declarat Pœnitentiæ nomen maxime denotare conversionem vitæ præteritæ, ac mentis mutationem. Eis præverat *Laurentius Valla* scribens vocabulum, *metanoia*, rectius per resipiscentiâ, quàm per Pœnitentiâ Latine reddi. Suffragatur etiam *Erasinus*, qui quoties in textu Græco Bibliorum vocabulum *metanoia* repetit, toties illud per resipiscentiâ exprimit, unde in 3. c. S. Matthæi declarat Pœnitentiâ idem esse, ac *pœno* tentiam, & pœnitere, quasi *pœnam tenere*, id est, postea sapere, seu resipiscere: resipiscentiâ namque deducitur ex *re*, & *supientia*, & resipiscere à *re*, & *sapere*. Contra quos omnes Errores præscribendum est in sequentibus quæstionibus, quarum *Prima* aperiet, quid sit Pœnitentiâ. *Secunda*, qualis sit. *Tertia*, quodnam sit illius objectum: *Quarta*, in quo subiecto resideat.

Quæ-

QUÆSTIO PRIMA.

Quid sit Pœnitentia?

Notandum primò, Pœnitentiam, quatenus à Sacramento distinguitur, esse duplicem, habituales videlicet, & actuales. *Habitualis* est permanens in anima qualitas, eam promptam, & expeditam efficiens, ac cum ipsa concursans ad eliciendos Pœnitentiæ actus. *Actualis* verò est ipsemet actus Pœnitentiæ, quo peccator vindicare cupit, ac detestari peccatum à se commissum, quod utique actus generatim duplex est, interior videlicet, & exterior: Interior est ille motus animæ, quo peccator movetur ad eluendum peccatum à se commissum, hic autem quadruplex à Doctore ibidem num. 15. distinguitur, *Primus* velle vindicare, ac punire peccatum ex prævia cognitione intellectus manifestantis voluntati deformitatem, & malitiam, ob quam cognitionem movetur voluntas ad volendum illud vindicare, & execrari. *Secundus* est illius peccati detestatio, & odium; *Tertius* voluntaria acceptatio pœnæ propter illud inflictæ: *Quartus* ejusdem pœnæ sustinentia voluntaria, ac perpessio. *Exterior* verò est duplex, nimirum Confessio externa peccati admissi, quam comitatur, ac sequitur verecundia, & pudor, qui non est levis animæ pœna propter admissum peccatum. *Secundus* est omnis actus laboriosus corporalis, quo punitur pœnitens confessus; & satisfactio Deo pro admissis, & commissis criminibus. Hic autem maxime sermo est de illo quadruplici actu Pœnitentiæ, utrum videlicet quatuor illi actus reverà à Pœnitentia virtute eliciantur, ita quòd cum habitus distinguantur per actus, sic Pœnitentia per huiusmodi quatuor actus appareat vera virtus, & ab aliis omnino distincta.

Notandum secundò; ex eodem Doctore ibidem, Pœnitentiam ex his quatuor actibus quadruplicem fortiri definitionem, vel descriptionem, quarum prima est, pœnitere est vindicare peccatum à se commissum: cui utique descriptioni adstipulatur Author libri de vera, & falsa Pœnitentia apud S. Augustinum dicens, cap. 8. Pœnitentia est quedam volentis vindicare puniens in se quod dolet admisisse. Unde cap. 19. Pœnitere est pœnam tenere, ut semper punias se ulciscendo quod admisi peccando. Suffragatur etiam S. Augustinus epist. 308. ad Seleucianum. Est etiam pœnitentia, inquit, honorum & humilium Fidelium opera, in qua pectora tundimus dicentes: Dimitte nobis debita nostra. Accedit Isidorus Hispalensis lib. 6. Ethimol. cap. ult. ubi sic legitur; Pœnitentia appellata est quasi punientia, eo quod ipsemet homo in se puniat pœnitendo, quod male admisit.

Secunda descriptio est, pœnitere, & detestari vel odisse peccatum à se commissum, vel displicentiam habere de peccato à se commissio. Quæ utique Pœnitentiæ descriptio frequentissima est apud SS. Patres, eamque probat Concilium Tridentinum sess. 6. cap. 6. ubi loquens de dispositionibus ad justificationem necessariis, inter cetera ait. Propterea moventur adversus peccata per odium aliquod, & detestationem: hoc est, per eam pœnitentiam, quam ante baptismum agi oportet. Et sess. 14. cap. 6. Contritio, inquit, animi dolor ac detestatio est de peccato commissio cum proposito non peccandi de cetero.

Tertia descriptio est, pœnitere est pœnam inflictam pro peccato suo commissio gratanter acceptare. Unde Tridentinum ibidem, cap. 1. ait. Ut per versitate abjecta, & emendata tantam Dei offensionem cum peccati odio, & pio animi dolore detestarentur; ubi proprium animi dolorem voluntariam pœnæ acceptionem designat. Quam etiam

descriptionem approbat Author libri de vera, & falsa Pœnitentia cap. 3. dicens: *Hinc peccator semper doleat; & de dolore gaudet.*

Quartam tandem Pœnitentiæ descriptionem sic efformat Doctor: *Penitere, est penam sibi pro peccato suo infligam patienter sufferre.* Quam utique descriptionem unâ cum præcedenti approbat Tridentinum sess. 14. cap. 9. dicens: Docet denique, tantam esse divinæ munificentie largitatem, ut non solum penia sponte à nobis pro vindicando peccato susceptis, aut Sacerdotis arbitrio pro mensura delicti impositis: sed etiam temporalibus flagellis, à Deo inflictis, & à nobis patienter toleratis satisfacere valeamus. Quæritur autem utrùm Pœnitentia sub hac quadruplici ratione sit virtus, non quidem generalis, sed specialis.

Notandum tertio, quod ex Arist. 2. Ethic. cap. 6. *Virtus est habitus clementis in medietate conficiens, quoad nos, prout vir prudens deservierit.* Hæc autem generalis est duplex: generalis videlicet, & specialis. Virtus generalis dicitur quatuor modis Primo per prædicationem, quia prædicatur de omnibus aliis virtutibus; quâ ratione iustitia communiter accepta dicitur esse virtus generalis, & communis, quatenus videlicet est rectitudo animæ dictans qualiter bonum sit faciendum, & malum fugiendum. Unde Christus D. dicebat S. Joanni Baptiste Matth. 3. *Sic decet nos implere omnem iustitiam;* nulla enim est virtus cui hæc iustitiæ ratio non conveniat. Secundo, virtus dicitur generalis per regulationem: & sic prudentia dicitur regula omnium virtutum, quia omnes virtutes regulari debent per prudentiam; siquidem prudentia docet tenere medium, & fugere ab extremis. Tertio, virtus aliqua dicitur generalis per informationem; quia videlicet aliis virtutibus præteritum ac dignitatem confert, & sic charitas est virtus generalis, quia ipsa est

quæ alias virtutes informat: easque Deo dignas, & gratas efficit: Quartò denique dicitur generalis per aggregationem omnium virtutum, quia omnes aliæ virtutes videntur concurrere ad illius actum: sic Pœnitentia prout detestativa peccati, dicitur ab aliquibus virtus generalis, quia nulla est quæ vitium sibi positum non execretur.

His ita prælibatis quæritur, utrùm Pœnitentia sit mera animi resipiscencia, & vitæ præteritæ innovatio, aut animi dolor, & peccati vindicta. 2. Utrum secundum suum quadruplicem actum virtutis dignitatem obtineat. 3. Utrum sit virtus specialis aut generalis. Quæ utique resolventur in tribus sequentibus conclusionibus.

CONCLUSIO PRIMA.

Pœnitentia non est simplex resipiscencia, & nuda cessatio à peccato; sed etiam dolor de peccato ac offensæ præterita. Hæc est contra hæreticos, eamque apertè docet Concilium Tridentinum sess. 14. cap. 4. ubi de Contritione sic loquitur: *Declarat igitur sancta Synodus hanc Contritionem non solum cessationem a peccato, & vitæ novæ propositum, & incubationem, sed veteris etiam odium continere.* Quam utique veritatem probat his textibus Ezechielis 18. *Projicite à vobis omnes iniquitates vestras, in quibus prævaricati estis, & facite vobis cor novum, & spiritum novum.* Et statim subdit Concilium: *Certe qui illos Sanctorum clamores consideraverit: Tibi soli peccavi, & malum coram te feci: laboravi in gemitu meo, lavabo per singulas noctes lectum meum; recogitabo tibi omnes annos meos in amaritudine animæ meæ; & alios bujus generis: facillè intelliget, eos ex vehementi quodam ante alicuius vitæ odio, & ingenti peccatorum detestatione manasse.* Unde Can. 5. sic hæreticorum doctrinam damnat: *Si quis dixerit eam Contritionem, quæ paratur per dissolutionem, collectionem, detestationem peccatorum, quâ quis recogitat annos suos*

suos in amaritudine animæ suæ , ponderando peccatorum suorum gravitatem , multitudinem , fœditatem , amissionem æternæ beatitudinis , & æternæ damnationis incursum cum proposito melioris vitæ , non esse verum , & utilem dolorem ; nec preparare ad gratiam , sed facere hominem hypoeritam , & magis peccatorem anathema sit .

Probatur eadem veritas ex illis omnibus Scripturæ locis , in quibus quoties fit mentio Pœnitentiæ , toties dolor , ac subeunda pœna exprimitur . Sic Job . ult . ipse me reprehendo , & ago Pœnitentiam in Favilla , & cinere . Cinis autem , & favilla dolorem animi , & carnis afflictionem indicant . Similiter Math . 11 . Christus D . loquens de Pœnitentia neglecta à Chorozaïtis ait : Si in Tyro , & Sidone factæ essent virtutes , quæ factæ sunt in vobis , olim in cilicio , & cinere Pœnitentiam egissent . Porro cinis , & cilicium arguent animi displicentiam , & mœrorem de peccatis admissis , non tantum resipiscentiam , & sententiæ mutationem , nec solam vitæ novæ instaurationem , & institutionem .

Similiter Lucæ 10 . Christus D . laudat Ninivitarum Pœnitentiam : sed illa Pœnitentia dolorem , lacrymas , & afflictionem corporis importabat , ut legimus Jonæ 3 . ubi Ninivitarum saccos induerunt , & suum caput asperferunt cinere , non tantum ut dolorem suum de peccatis vitæ prioris ostenderent , sed etiam pœnalis exercitiis , & operibus laboriosis aliquod modò suas in Deum offensas , & culpas ulciscerentur : ut ea Pœnitentia pœnalis , & laboriosa , non erat tantum mera mutatio consilii , seu resipiscentia , sed resipiscentiam supponebat .

Denique Apostolus 1 . Cor . 7 . agens de Pœnitentia , quam Corinthiî conceperant de peccato fornicarii , ad primam suam epistolam , ait : *Contristati enim* , inquit , *estis secundum Deum : quæ enim secundum Deum tristitia est , Pœnitentiam in salutem stabili-*

tem operatur : Ergo tristitia quæ secundum Deum est , efficit ut Pœnitentia sit salutaris : at tristitia dolor quidam est .

Idem docent SS . Patres . Nazianzenus oratione ad sacra lumina , ubi Pœnitentiam appellat *Baptismum lacrymarum* . Et S . Augustinus lib . 3 . de Trinitate , cap . 4 . eam appellat *crucifixionem interioris hominis* . Unde lib . 50 . homiliarum homil . ult . cap . 5 . *Non sufficit mores in melius commutare , & à factis malis recedere , nisi de his quæ facta sunt , satisfiat Deo per Pœnitentiæ dolorem , per humilitatis gemitum , per contriti cordis sacrificium , cooperantibus elemosynis* . Omnium autem præclarissimè id docet S . Ildorus lib . 6 . Ethym . cap . 19 . ubi ait : *Pœnitentia , quasi PUNIENTIA dicitur , eo quod ipse homo puniat pœnitendo quod malè admixit : nam nihil aliud agunt illi , quos veraciter pœnitet , nisi ut id quod malè fecerunt , impunitum esse non sinant : eo quippe modò sibi non parcitibus ille parcat , cujus alium justumque judicium nullus contemptor evadet* .

Suffragatur etiam ratio Theologica : Nam Pœnitentiæ nomen significat perfectam anteactæ vitæ correctionem , & emendationem ; quæ utique tria significat : *Primò* errati cognitionem , quæ causa doloris est : *Secundò* displicentiam prioris vitæ , seu dolorem internum , ejus , quod actum aut omissum fuerit : *Tertiò* denique spontaneam castigationem , quæ doloris illius interni , seu displicentiæ vitæ prioris est effectus , ac perfectio : Pœnitentia autem dicitur præcipuè ex hoc effectu pœnititionis , aut ultionis voluntariæ peccatorum in nobis , à veteri , & antiquato verbo , *pœnio* , quod idem est ac punio ; unde pœnitet dicitur quasi pœnam tenet .

Dices primò , ex Tertulliano lib . 2 . contra Marcionem , cap . 24 . ubi inquires , quid significet Pœnitentiæ nomen , respondet : *Nihil aliud intelligitur , quàm simplex conversio sententiæ prioris , quæ etiam sine reprehensione ejus possit admitti* ,

ti, etiam in homine nedum in Deo, cuius omnis sententia caret culpa: igitur Pœnitentia ex se non importat dolorem, & pœnam.

Distinguo consequens: Si Pœnitentiæ vocabulum accipiat generatim, & quatenus à Scriptura sacra tam Deo, quam homini tribuitur concedo: si prout homini peculiaris est, & inservit obtinendæ peccatorum remissioni: nego. Porro Tertullianus ibidem agit de Pœnitentia, quatenus Deo tribuitur, qui pluries in Scriptura dicitur pœnitere: paulò enim antè dixerat, *superest enim jam agnoscere quid sit pœnitentia Dei:* at longè diversa est illa divina Pœnitentia ab humana: seu (inquit Tertullianus ibidem) *hæc definitio in omnibus aliam formam divinæ Pœnitentiæ statuit: quæ neque ex improvidentia, neque ex levitate, neque ex ulla boni, vel mali operis damnatione reputetur, sicut humana.* Quibus verbis distinguit divinam Pœnitentiam ab humana, quòd hæc primò in animi levitate, seu mobilitate fundetur: *Secundò* quòd includat operis omissi, seu admissi damnationem: *Tertiò* quòd significet dolorem, & vindictam de re commissa, nec-non, & exhibendam Deo satisfactionem.

Instabis: Tertullianus ibidem ait: Pœnitentiæ nomen significare duntaxat animi demutationem: nam, *U in Græco sono,* inquit, *Pœnitentiæ nomen non ex delicti confessione: sed ex animi demutatione compositum est:* igitur; &c. *Respondet* id quidem verum esse, si sola attendatur nominis Ethymologia, seu derivatio Græca; nam *μᾶλιν* dicitur à *μᾶλ*, quod significat, *trans*, seu *post*, & *νᾶ*; quòd idem est ac *mens*, & cogitatio: ita quòd *μᾶλιν*, idem sit ac posterior sententia, vel secunda cogitatio, seu sententiæ mutatio. Secus verò est si attendatur secundùm illius vocabuli usum frequentatum tum in Scriptura, cùm apud sacros Auctores; & ut vocabulum istud hominis Pœnitentiam

significat; ut sic enim nedum importat simplicem sententiæ mutationem, sed etiam animi dolorem. Quamquam etiam in Scriptura sacra interdum Pœnitentia solum significet animi mutationem, hinc efficaces gratiæ, quibus Deus Electos ad vitam æternam certò perducit, dicuntur Rom. 11. *Dona Dei sine Pœnitentia*, quia Deus ex quo destinavit eas alicubi, consilium non mutat.

Dices secundò: Lactantius lib. 2. Infit. cap. 24. dicit *μᾶλιν* Latine optimè reddi per respicienciam: igitur Pœnitentia nihil aliud significat quàm mentis mutationem, & revocationem.

Nego consequentiam: Lactantius enim ibidem ait: *Respiscit, ac mentem suam quasi ab insania revocat, quem errati piget, castigatque seipsum dementia, U confirmat animum suum ad rectius vivendum: Tum illud ipsum cavet, ne rursus in eisdem laqueos inducatur:* igitur ex Lactantio Pœnitentia non modò significat agnitionem errati, vitæque prioris emendationem, sed etiam animi dolorem, dementiae seu peccati castigationem, & ultionem, cum ipso vitæ in melius componendæ proposito.

Dices: Verbum *pœnitet* apud optimos Auctores interdum idem significat, ac *tædet*, *pudet*, *piget*, &c. Sic Cicero lib. de senectute: *Si ad centesimum vixisset annum, senectutis enim suæ pœniteret.* Et in somnio Scipionis: *Ipsa terra, inquit, ipsa parva mihi visa est imperii nostri, quo quasi punctum ejus attigimus, pœniteret.* Et Plinius lib. 1. cap. 17. loquens de Essenii apud Judæos religiosi: *Gens æterna, inquit, in qua nemo nascitur tam secunda illis aliorum vitæ pœnitentia est:* igitur vocabulum istud non semper significat dolorem peccati punitivum.

Nego consequentiam: Hæc enim omnia dicuntur per metaphoram, quòd videlicet in iis, quæ nobis tædio, pudori, contemptui sunt, pœna quedam,

mo-

molestia, ac displicentia videatur inesse: unde quidquid tædet, pudet, & piget, etiam dolere aliquatenus censetur.

CONCLUSIO SECUNDA.

Pœnitentia secundum suam quadruplicem acceptionem, & descriptionem potest esse actus virtutis. Ita subtilis Doctor diff. 14. quæst. 2. & probat primam partem num. 2. ubi ait: Prima Pœnitentia acceptio, est quod sit vindicta peccati commissi ab eo, qui illud commisit: sed hæc vindicta potest esse actus virtutis; & conformis rectæ rationi: Quia, inquit, secundum rectam rationem quilibet Legislator vindicta transgressionem legis: unde, & Philosophus in fine libri 10. Ethicorum post doctrinam de vitiis, & virtutibus, statim introduxit legem positivam tanquam ultricem vitiorum, & præmiatricem virtutum: sed si Legislator recta ratione vindicat, minister recta ratione exequitur; quia universaliter rectitudo in actu subministrationis est ex conformitate ejus ad agens, cui subministrat: ergo secundum rectam rationem, potest aliquis ut minister Legislatoris vindicare peccatum commissum contra legem: & hoc in illum, i. quem est sibi commissum vindicare, quia aliàs non est subministrans: sed unicuique commissum est esse Ministrum Dei ferentis legem suam ad vindicandum in seipsum pro peccatis, quæ commisit: pœnitere autem primo modo dicit sic vindicare in seipsum; tenere enim, quando non additur dativus exprimens cui teneatur, significat quod sibi ipsi tenenti teneatur, ut patet ex communi sermone. Ideo Deus licet puniat peccatorem, non dicitur pœnitere; quia non sibi, sed alteri pœnam infligit: sed sibi ipsi infligens dicitur pœnitere id est, pœnam applicando tenere. Hæc Doctor. Ne autem videatur asse-

rere vindictam peccati semper procedere ab habitu virtutis, statim subdit: Non dico quod pœnitere primo modo semper sit actus virtutis, id est, elicitus à virtute: sed dicitur actus virtutis, quia natus est elici à virtute vel generare virtutem, quia conformis est rectæ rationi, & in hoc est bonitas moralis, quod sit à virtute generata, vel virtutem generans. Quæ utique omnia cum evidentia sint ex terminis, in eis elucidandis non est quod diutius immoremur.

Idem probat de cæteris tribus Pœnitentiæ acceptionibus num. 21. & 22. De secunda, inquit, significatione hujus vocabuli pœnitere, scilicet de eo, quod est detestari peccatum commissum, vel displicentiam habere de commissio: Dico quod iste potest esse actus virtutis. Probatur ut prius, quia potest esse actus electivus concors rationi rectæ. Ratio enim recta sicut dicitur complacendum esse in bono honesto, ita dicitur displicendum esse in malo inhonesto. Et ex hoc patet secunda conclusio, scilicet cujus virtutis potest etiam esse actus; quia nullius specialis, sed cujuscunque appetitivæ: quæcumque enim virtus inclinat ad complacendum in bono honesto, inclinat etiam ad detestandum, & ad displicendum de malo inhonesto opposito: utpote castitas de aliquo inordinato contra castitatem inclinat ad displicentiam, & humilitas de actu inordinato superbiæ, & sic de cæteris. Qualibet tamen inclinans ad talem displicentiam est virtus appetitiva, quia nihil est principium odiendi, sicut nec amandi, nisi virtus appetitiva. Ex hoc patet, quod malè ponitur detestatio peccati actus Pœnitentiæ virtutis, loquendo de Pœnitentiæ virtute primo modo, ut est species iustitiæ: quia iste actus est multum generalior, quam possit esse ille, qui est proprius actus

Penitentia justiciæ elicitus ab ea.

De tertio, quod est gratanter acceptare penam inflictam pro peccato commissio. Dico quod etiam iste actus potest esse virtutis, quia concors rectæ rationi. Et secundo, quod potest esse multarum virtutum, quarum tamen quilibet sit appetitiva, quia quidquid potest esse principium acceptandi aliquod objectum, potest esse principium acceptandi aliud in ordine ad ipsum; per diversas autem virtutes potest acceptari aliud, & aliud objectum in ordine ad quod possit pena inflicta pro peccato acceptari. Nam si ex charitate amatur Deus, ex charitate potest acceptari pena, in quantum reductiva est ad Dei amicitiam. Si autem ex virtute spei desideratur Deus ut bonum mihi, ex virtute spei acceptatur pena ut ordinans ad istud primum attingibile. Si ex virtute timoris cavetur amissio vitæ æternæ, ex ipsa potest acceptari pena, ut excludens illam amissionem. Si ex amicitia honesta ad seipsum diligit qui sibi mundiciam, & innocentiam, ex illa potest acceptare penam, quæ solvit reatum, qui inficit.

De quarto, scilicet patienter ferre penam inflictam, patet quod potest esse actus virtutis, & specialis virtutis, quia patientiæ. *Ita Doctor.*

Quibus omnibus aperte fatetur penitentiam secundum quadruplicem illius acceptionem in secundo notabili superius ex pressam, fortiri posse rationem, & appellationem virtutis actualis, vel quatenus ad virtutem imperatur aut elicitur; vel prout ad eam ordinatur, & dirigitur: Verum sola primaria illius acceptio ad virtutem Penitentia præcisè spectat; nam tres alii actus qui interdum inveniuntur in perfecta ac suis omnibus numeris absoluta Penitentia, elici possunt ab aliis virtutibus, ut apparebit ex dicendis in tertia conclusione.

Quod autem Penitentia generatim accepta, prout nempe tendit ad detestationem, & destructionem peccati, quatenus est offensivum Dei, sit virtus, probatur primo: Non datur divinum præceptum, nisi de actu studioso, & laudabili: sed divinum præceptum est de Penitentia agenda. *Matth. 4.* ubi Christus cepit prædicare, & dicere: *Penitentiam agite, appropinquavit enim regnum cælorum.* Et *Marci 1.* *Penitemini, & credite Evangelio:* igitur Penitentia est virtus.

Insuper nullus actus est laudabilis, & meritorius, nisi sit actus virtutis: sed penitere est laudabile, & meritorium: igitur, &c.

Denique ex Aristotele 2. Ethic. cap. 6. *Virtus est habitus, qui facit bonum habentem, & ejus opus reddit bonum:* sed Penitentia bonum facit habentem; imò sæpè illum meliorem, & sanctiorem reddit, quàm erat ante lapsum: Nam, inquit S. Paulus ad *Rom. 5.* *Ubi abundavit delictum, superabundavit, & gratia.*

Unde Petrus Damianus *serm. 56.* *Consuevit Deus honorare penitentes magis, quàm innocentes:* Nam ut ait S. Gregorius *lib. 12. Moral. cap. 19.* *Discretus quisque ex eo quod mala se egisse intelligit, ad discretionis regulam reducitur; & inde altius ad justitiam proficit; unde ad tempus à justitia cecidisse videbatur. Quod utique præclare confirmat S. Ambrosius in sermone de Cathedra S. Petri, ubi inter cætera ait: Fidelior professio factus est Petrus, postquam fidem se perdidisse descevit; atque ideo majorem gratiam recepit, quam amisit. Cui præclare concinit S. Maximus *homil. 4.* *Petrus, inquit, contritionibus suis proficit, desistibus suis gaudet, periculis suis evasit; tanquam bonus enim Pastor Petrus gregem accepit, ut qui sibi autè infirmus fuerat, fieret omnibus firmamentum.* Constat igitur, Penitentiam esse summè laudabilem, & penitentem reddere.*

bo-

bonum habentem; ac proinde virtutis dignitatem, & rationem obtinere.

Dices primò: Virtus est dispositio perfecti ad optimum: sed Pœnitentiæ actus hanc rationem non obtinet; siquidem primarius actus pœnitendi est tantum velleitas, seu conditionata voluntas, qua peccator vellet, si fieri posset, se non commisisse peccatum; quòd utique non potest velle absolute, utpotè cum sit impossibile: igitur, &c.

Nego minorem: Licet enim pœnitere sit mera velleitas, quatenus tendit in peccatum præteritum, & factum; si tamen spectetur peccatum ut actu permanens in conversione ad creaturas, & aversione à Deo, & prout est animæ macula ex offensa Dei, sic est absolutus aliquis actus, quo voluntas avertens se à creatura, quam nimio, & inordinato amore dilexerat, ad Deum se se recipit, ut pro viribus ei ablatum honorem restituat, & quantum se glorificavit in deliciis, tantum subeat tormentum, & ludum; qua ratione pœnitens non habet simplicem velleitatem, sed voluntatem absolutam.

Urgebis ex Aristotele Ethic. 4. Nihil est stultum aut stolidum eorum quæ sunt secundum virtutem: ac velle peccatum non fuisse, sive voluntate absoluta, sive conditionata, est aliquid stultum, & stolidum, & ineptum; quippe cum præteritum non esse præteritum, sit omnino impossibile: igitur, &c.

Distingo minorem: Velle ut id quod præteritum est non fuerit, est aliquid ineptum transeat: velle reprobare malum admissum, & optare ut non fuisset est ineptum, nego: Pœnitentia autem non tendit in præteritum, quasi pœnitens existimet fieri posse, ut actus commissus de facto commissus non fuerit: sed ipsum reprobat ut male factum: nam est dolor Pœnitentis, seu displicentia, ac reprobatio facti præteriti cum intentione removendi sequelam ipsius, id est offensam Dei, & reatum pœniæ.

Tom. X.

Quod utique ineptum non est, sed prudentissimum.

Dices secundò: Omnis virtus propter se, seu propter finem sibi proprium est expetenda: atqui Pœnitentia non expetitur propter se, sed propter malum, culpæ eluendum: igitur non est censenda virtus.

Nego minorem: Pœnitentia enim expetitur propter se, hoc est propter finem sibi proprium, qui est delere malum culpæ, & Deo offenso satisfacere: non autem expetitur propter aliquem alium finem à fine sibi proprio distinctum.

Urgebis: Id quod tendit in malum, quatenus malum est, non potest expeti propter se, seu propter bonitatem, & perfectionem propriam: sed Pœnitentia tendit in peccatum, quod est per se malum: igitur, &c.

Distingo majorem: Quod tendit in malum motu prosecutionis, concedo: motu aversionis, & fugæ, nego: & sic distincta minore, neganda est consequentia: Medicina enim tendit in morbum, & tamen est expetibilis, & quidem ante morbum conditionatè: post morbum vero absolute: quia medicina tendit in morbum, non ut faciat aut conservet, sed ut destruat: ita etiam à simili Pœnitentia tendit in peccatum, non ut admittat, sed ut avertat. Unde pœnitens vult quidem peccatum, non utique faciendum, sed destruendum.

Dices tertio: Omnis virtus debet habere bonum pro objecto: sed Pœnitentia non habet bonum pro objecto; quia versatur circa peccatum: igitur non est dicenda virtus.

Negat majorem Doctor Seraph. dist. 14. art. 1. quæst. 1. ad 3. contrarium enim, inquit, apparet in temperantia, misericordia, & fortitudine, quæ versantur circa id quòd malum est. Aliter distingo majorem: Virtus debet habere ob-

jectum bonum, prosecutiva, concedo: averfativa, nego. Nam prosecui malum

X x

lum, & fugere bonum, equidem malum est: at vero prosequi bonum, & averfari malum, est rectum, & bonum. Hac ratione potestas punitiva bona est licet tendat in malum puniendum; *non est enim potestas, nisi à Deo* (inquit S. Paulus ad Rom. 13. unde subdit: *Si malum feceris, time; non enim sine causa gladium portat; Dei enim minister est, vindex in iram Dei, qui malum agit*: Cum ergo virtus Penitentiae sit averfiva, ac destructiva mali; hac ratione virtutis dignitatem sortitur. Adde quod Penitentia duplicem habet actum, inquit Seraphicus Doctor, scilicet refugere, ac detestari malum, & peccatorem emendare, ac in meliorem sortem, ac vitam reformare; quod per se bonum est: & sic ratione huius actus Penitentia tendit in bonum.

Dices quartò: Omnis virtutis actus delectationem quandam infert: at Penitentia non ingerit delectationem; sed dolorem: igitur non est virtus.

Distinque majorem: Virtus delectationem infert ratione sui actus, concedo; ratione sui objecti, nego: fortitudo enim ratione peculiaris objecti; puta periculorum in bello sustinendorum, aut aggrediendorum molestiam infert; siquidem illud objectum tristativum est, ac dolorificum; nihilominus actus illius per se virum fortem delectat; enim vero prompta animi alacritate pericula aggreditur: ita à simili tamen penitere triste ac molestum habeat objectum ratione sui; tamen delectat ob alacritatem, & promptitudinem, qua voluntas ex agendi frequentatione suos actus exercet, & voluntariè se fe ad peccati detestationem determinat.

Quod ut percipiatur evidentius, observandum est cum Doctore loco supra laudato num. 4. quod ad perfectam Penitentiam quinque concurrunt actus per ordinem, quos sic præclare expendit noster Pitigianus ad dist. 14. quæst. 2. art. 2. *Primum* est velle imperativum,

imperans atque conjungens causas tristitiæ ad invicem; *Secundum* sunt ipsæ causæ tristitiæ causantes: *Tertium* est ipsa tristitia: *Quartum* est complacencia, & velle; seu acceptatio illius tristitiæ: *Quintum* ex illo velle sequitur gaudium de illa tristitia, juxta dictum S. Aug. *Peccator de peccato doleat, & de dolore gaudeat*, V. g. Petrus peccavit peccato fornicationis, in penitendo hunc ordinem habet, primò habet velle imperativum, quo imperat causas tristitiæ, quæ sunt duæ, nempe fornicationis apprehensio, & nolle, seu odio habere fornicationem illam. Tum dico quòd velle illud imperativum, quo voluntas imperat intellectui, ut consideret, & apprehendat illam fornicationem, & sibi ipsi, ut illam detestetur, est *primum*; *Secundum* est apprehensio illius fornicationis, & nolitio, seu odium illius: *Tertium* est tristitia, quæ ex apprehensione fornicationis, & ejusdem nolitioe causatur. *Quartum* est unum velle, quo voluntas vult tristitiam illam habere. *Quintum*, ad illud velle, quo vult habere tristitiam, sequitur gaudium, & tunc verificatur dictum S. Augustini. *Peccator de peccato doleat, &c.*

Porro inter ista quinque Doctor ponit hujusmodi ordinem, seu distinctionem: quia *primum* se habet ut causa principalis tristitiæ, sed remota. *Secundum* se habet ut causa proxima, & immediata tristitiæ. *Tertium* se habet ut effectus. *Quartum* se habet tanquam effectus sequens ex illo actu. *Primum* itaque distinguitur à secundo, sicut causa principalis, & remota, à causa secundaria, & propinqua; *Secundum* distinguitur à tertio velut causa ab effectu, seu actio à passione. *Tertium* à quarto, sicut objectum ab actione, quæ transit super ipsum, & *primum* à quinto, sicut objectum à passione appetitiva illius objecti.

CONCLUSIO TERTIA.

Pœnitentia est virtus specialis non autem generalis: Hæc est Doctoris loco supra laudato num. 4. ubi ait: *Pœnitentia est alius specialis virtutis. Probatur, quia ille alius natus est habere speciale obiectum, & speciales circumstantias ordinatas: obiectum quidem, nempe peccatum vindicabile: circumstantias vero, quæ conveniunt alii, ut re-
solvendi tendenti in tale obiectum. Quasi diceret: Virtus illa specialis est, cujus obiectum formale non est commune aliis virtutibus; sed obiectum Pœnitentia, nempe peccatum vindicabile, non convenit aliis virtutibus, nulla siquidem alia virtus tendit in peccatum, ut vindicabile, & expiabile per debitam satisfactionem; igitur Pœnitentia est virtus specialis.*

Confirmatur. Ubi specialis est difficultas tendendi in obiectum, quæ non reperitur in aliis virtutibus, ibi debet esse virtus specialis; at in offensa Dei ut vindicabili, & expiabili per satisfactionem, & injuriarum compensationem, specialis est difficultas, quæ non reperitur in obiectis aliarum virtutum, in eo scilicet quod qui peccavit, doleat de offensa, & qui peccati voluntatem expertus est, pro eo velit satisfacere, ac pœnam subire; igitur Pœnitentia est virtus specialis.

Confirmat iterum Doctor ex circumstantiis; virtus enim illa specialis est, quæ aliter tendit in suum obiectum, quam quæcumque alia virtus; sed Pœnitentia aliter tendit circa peccatum, quam ceteræ virtutes; siquidem nulla alia virtus præter Pœnitentiam versatur circa peccatum ut vindicabile, & expiabile per debitam satisfactionem: igitur, &c.

Dicit primò. Illa virtus non est specialis, quæ se extendit ad objecta omnium aliarum virtutum; sed Pœnitentia versatur circa objecta aliarum virtutum: igitur non est virtus specialis: sed

generalis. Major constat. Minor verò probatur; Pœnitentia respicit omne peccatum; siquidem illius vindictam, & destructionem auspiciatur; sed peccatum secundum totam suam latitudinem involvitur in obiectis aliarum virtutum: siquidem virtus omnis media stat inter duo extrema vitiosa, quorum fugam, & destructionem intendit: ergo Pœnitentia non est specialis virtus.

*Distinguo majorem: Si se extendat ad objecta aliarum virtutum, sub eodem motivo, quo ab aliis virtutibus respicitur, concedo: sub motivo distincto, sub quo à nulla alia virtute attingitur, nego, & similiter distincta minore, nego consequentiam: Nam, inquit Seraphicus Doctor *diff. 14. art. 1. quest. 2.* in corpore: *Et si Pœnitentia respiciat malum in communi, tamen respicit sub propria ratione, & habet specialem actum, qui indiget virtute, non tantum præcipiente, sed eliciente; ita ut sicut ira per zelum, quæ detestatur omne peccatum in proximo, est specialis virtus, quia respicit illud sub ratione digni pœna, & obedientia est speculativa virtus, quia respicit exequendum sub ratione mandati; sic etiam Pœnitentia specialis est virtus, quia respicit peccatum sub ratione mali proprii à se contra Deum perpetrati, pro it homo ex hoc dignus est puniri. Unde respondens ad tertium, dicit: Ad illud, quod obijci-
tur de obiecto, dicendum, quod et si non contrahatur ad speciale peccatum, tamen illud considerat sub speciali, & propria ratione, hoc est in quantum à se perpetratum, & Dei offensivum, cui vult reconciliari, & emendam facere, & ideo est virtus specialis, quia virtus ponitur specialis, vel generalis, non ratione obiecti, quod est materiale, sed secundum quod habet rationem motivi.**

Dicit secundò: Quod contrariatur om-

omnibus peccatis non est virtus specialis: sicut enim virtus habet determinatum bonum, à quo specificatur; ita etiam habet determinatum malum, cui opponitur; Penitentia contrariatur omnibus peccatis, quod enim aliquid expellit à subjecto, nec est cum illo compatibile, ei contrarium est; Penitentia autem omnia peccata expellere nititur ab anima; igitur non est virtus specialis.

Respondeo primò, negari posse maiorem universaliter acceptam: siquidem charitas contrariatur cuilibet peccato mortali, nec minus propterea est virtus specialis. *Respondeo secundò* distinguendo maiorem; quod contrariatur, & aliud expellit formaliter, concedo; effectivè, nego. Ad minorem dico, omnem quidem virtutem expellere vitium sibi oppositum formaliter, sicut frigus calorem, & albedo nigredinem; quia habitus vitiosus, & studiosus circa idem objectum formaliter opponuntur; Penitentia verò expellit omnia peccata solum effectivè, quatenus videlicet operatur ad destructionem peccati, prout remitti potest ex divina gratia sibi suffragante. Unde non sequitur, eam non esse speciale virtutem.

Urgebis. Omnis virtus non solum formaliter, sed etiam effectivè tendit in destructionem vitii, & peccati sibi oppositi; igitur ad id non est necessaria specialis virtus penitentiae.

Distinguo antecedens. Tendit in destructionem vitii sibi oppositi secundum rationem, sub qua specialiter ei opponitur, ut fides v. g. tendit in destructionem infidelitatis, quatenus infidelitas est concedo; tendit in illius destructionem, quatenus non habet specialem virtutem oppositam cum ipsa virtute, videlicet quatenus est offensiva Dei vindicanda, & refarcienda per debitam satisfactionem, nego. Igitur ut peccatum destruat secundum rationem offensivæ Dei, necessaria est aliqua specialis virtus, nempe Penitentia.

Inflabis: Potiori jure non desideratur specialis virtus, quæ tendat in destructionem mali, quatenus est offensivum Dei, quàm ut tendat in prosecutionem boni, quatenus est honorificum Deo: sed ad hoc non est necessaria specialis virtus; siquidem omnis virtus refertur ad Dei honorem, & gloriam, alioquin irrita esset, & vana; igitur, &c.

Nego minorem: Siquidem virtus Religionis ad id specialiter ordinatur, ut tendat in bonum, quatenus est honorificum Deo, idque habet pro objecto peculiari, ac sine speciali: etsi enim, ceteræ virtutes ad eum referri debeant, ut veræ sint, non tamen referuntur ad ipsum, tanquam ad finem proximum, & objectum immediatum: igitur a simili necessaria est aliqua specialis virtus, quæ tendat in peccatum vindicandum, quatenus est offensiva Dei.

CONCLUSIO QUARTA

Penitentia est tantum specialis virtus secundum primariam sui accceptionem, non verò secundum tres alias. Hæc est pariter Doctoris ibidem n. r. ubi concedit quidem, quod detestatio peccati possit esse actus virtutis. Quia, inquit, potest esse actus electivus concors rationi rectæ: ratio enim recta sicut dilatat complacendum esse in bono honesto; ita dilatat displicendum esse in malo inhonesto. Negat tamen ibidem, quod illa detestatio sit actus specialis virtutis ab aliis distinctæ: quia potest esse actus cuiuscumque virtutis appetitivæ: Quæ, cumque enim virtus, inquit, inclinat ad complacendum in bono honesto, inclinat etiam ad detestandum, & ad displicendum de malo inhonesto, opposito; utpote castitas de aliquo inordinato contra castitatem inclinat ad displicentiam, & humilitas de actu inordinato superbiæ, & sic de cæteris. Quilibet tamen inclinans ad talem displicentiam est virtus operativa: quia nihil est principium odiendi, sicut nec amandi, nisi virtus

„tus appetitiva . Ex hoc patet, quòd
 „malè ponitur *detestatio peccati* actus
 „Poenitentiae virtutis ; loquendo de
 „Poenitentia virtute primo modo, ut
 „est species iustitiae, quia iste actus est
 „multum generalior, quàm possit esse
 „ille, qui est proprius actus Poeniten-
 „tia iustitiae elicitus ab ea . Quibus
 „Doctor, non negat equidem detesta-
 „tionem cuiuscumque peccati posse esse
 „actum imperatum à virtute Poeniten-
 „tia, sed tantum vult quòd non sit actus
 „ab ea elicitus .

Idem *num. 12.* docet de tertia acce-
 „ptione Poenitentiae, nempe quatenus est
 „voluntaria acceptio pene inflictæ pro
 „peccato commissio : Dico, *inquit*,
 „quòd etiam iste actus potest esse vir-
 „tutis, quia concors rectæ rationi . Et
 „secundò, quòd potest esse multarum
 „virtutum, quarum tamen quilibet sit
 „appetitiva; quia quicquid potest esse
 „principium acceptandi aliquod ob-
 „jectum, potest esse principium acce-
 „ptandi aliud in ordine ad ipsum :
 „per diversas autem virtutes potest
 „acceptari aliud, & aliud objectum,
 „in ordine ad quod possit poena infli-
 „cta pro peccato acceptari . Nam si ex
 „charitate amatur Deus, ex charitate
 „potest acceptari poena, in quantum
 „reductiva est ad Dei amicitiam . Si
 „autem ex virtute spei desideratur
 „Deus ut bonum mihi, ex virtute
 „spei acceptatur poena, ut ordinans
 „ad istud præmium attingibile . Si ex
 „virtute timoris cavetur amissio vitæ
 „æternæ, ex ipsa potest acceptari poe-
 „na, ut excludens illam amissionem .
 „Si ex amicitia honesta ad seipsum,
 „diligit quis sibi mundiciam, & inno-
 „centiam, ex illa potest acceptare poe-
 „nam, quæ solvit reatum, qui insuit .

Quantum autem ad quartum actum
 „ibidem docet Doctor, illum non esse
 „specialem actum Poenitentiae virtutis,
 „sed patientiae : siquidem patientia est
 „constanter ferre poenam inflictam, &

adversa quæque patienter tolerare .

Ex iis itaque sequitur Poenitentiam
 „habere rationem specialis virtutis,
 „quatenus inclinatur ad vindicandum
 „peccatum, non autem prout est peccati
 „detestatio, seu nolle peccasse, ut vol-
 „unt Thomistæ ; quippe illa peccati de-
 „testatio elici potest à quacumque virtu-
 „te, cui peccatum in genere, aut specie
 „repugnat, ejusdem enim virtutis est
 „prosequi bonum, & fugere à malo, seu
 „illud detestari, & in eo displicere ; sed
 „cujus est displicere de aliquo, ejusdem
 „est de eodem dolere, quatenus præsens
 „est, & applicatur, ac proinde cuiuscum-
 „que virtutis est detestari peccatum, &
 „vitium sibi oppositum .

Reponant Thomistæ, id equidem esse
 „verum si illa detestatio fiat quatenus
 „peccatum opponitur rectæ rationis di-
 „ctamini, & honestati speciali, quæ per
 „quamlibet virtutem intenditur : secus
 „verò si peccatum delendum, ac dete-
 „standum consideretur quatenus est
 „offensa Dei, ut sic enim, inquirunt, est
 „specialis actus virtutis poenitentiae, qui
 „alteri virtuti non convenit .

Contra. Non solius est poenitentiae
 „dolere de peccato, quatenus est offensa
 „Dei, & illud execrari, sed etiam cha-
 „ritatis : quia ejusdem est virtutis prose-
 „qui bonum, & illud aversari, & exe-
 „crari quod ei opponitur ; at omne pec-
 „catum sub ratione offensæ opponitur
 „Deo, qui est objectum charitatis : igitur
 „sub hac ratione illud execrari debet
 „charitas . Probatur minor . Eatenus
 „dolet charitas de peccato, quatenus est
 „contrarium suo objecto, seu ultimo fi-
 „ni, & Deo in quem tendit : sed pecca-
 „tum est præcisè contrarium Deo in ra-
 „tione offensæ; eatenus enim est offensa,
 „quatenus tollit amicitiam Dei cum ho-
 „mine, & avertit ab ultimo fine, & con-
 „vertit ad creaturam : sed hæc duo ma-
 „ximè opponuntur charitati, quæ tendit
 „in Deum sub motivo amicitiae, & con-
 „versionis ; igitur charitas non aliter
 „ex-

execratur peccatum, quàm quia est offensiva Dei, ac subinde hæc detestatio dumtaxat eatenus spectat ad virtutem pœnitentiæ, quatenus ab ipsa saltem remotè imperatur, ac proinde ad eum actum præsupponi debet actus imperans, qui sit proprius pœnitentiæ.

Dices: SS. Patres, & Concilia plerumque non aliter pœnitentiam expriment, quàm per dolorem, & detestationem de peccatis, asseruntque hanc detestationem esse ultimam, & perfectam dispositionem ad justificationem tam in Sacramento, quàm extra Sacramentum: Sic enim Concilium Tridentinum sess. 14. cap. 4. Contritionem definit per dolorem, ac detestationem; *Contritio*, inquit, *dolor animi, ac detestatio de peccato commisso: Unde* sess. 6. cap. 6. assignans modum præparationis ad justificationem, non meminit vindictæ peccati, sed solius detestationis; *Moventur*, inquit, *adversus peccata per odium aliquod, & detestationem, hoc est, per pœnitentiam, quam ante Baptismum agi oportet*: igitur, &c.

Respondeo Patres, & Concilia sic loqui, quod dolor, & detestatio de peccato includatur tanquam effectus primarius in voluntate vindicandi, quæ si sit efficax ad remissionem peccatorum, debet infligere pœnam, ac subinde imperare dolorem: cum enim pœnitere secundum nominis Ethymologiam, idem sit ac pœnam tenere, cumque teneatur pœna dum elicitur dolor, & formatur detestatio: idcirco tunc pœnitentia censetur dumtaxat completa, cum habet suum terminum, seu effectum, & obtinet rationem iustitiæ, quæ per vindicationem restituit jus suum Deo; sub qua utique ratione SS. Patres, & concilia considerant pœnitentiam, dum illam dolorem animi, ac detestationem de peccato commisso appellant.

Ad posteriorem autoritatem Concilii Tridentini, dico ipsum agere de

peccati detestatione, quæ oriatur non ex motivo pœnitentiæ, sed charitatis, ut patet ex verbis antecedentibus: ait enim; *Illumque* (id est, Deum) *tamquam omnis iustitiæ fontem diligere incipiunt*, ac propterea *moventur adversus peccata per odium aliquod, & detestationem*. Quibus verbis significatur, motivum, & causam illius odii, ac detestationis esse dilectionem Dei, ac subinde non esse actum elicitedum à virtute Pœnitentiæ, sed imperatum.

Dices secundò: Velle vindicare peccatum, & illud detestari, est unus, & idem actus, qui enim detestatur peccatum, quantum in se est, vult illud abesse, ac subinde vult illud vindicare; igitur si actus vindictæ sit actus virtutis pœnitentiæ, itidem erit actus detestationis.

Nego antecedens: Nam actus vindictæ est actus prosecutionis, quia est volitio pœnæ infligendæ in ultionem peccati, actus verò detestationis est actus fugæ, quia est nolitio peccati; igitur sicut amor alicuius honestatis, & odium turpitudinis oppositæ, non sunt à parte rei unus, & idem actus, sed plures saltem formaliter distincti; quamvis fortè ab eadem virtute eliciantur; pari ratione velle vindicare, & detestari peccatum, non sunt unus, & idem actus, maxime quando procedere possunt à diversa virtute, quemadmodum contingit in præsentī, detestario enim peccati provenire potest ex motivo tantum charitatis, spei, vel alterius virtutis ipsi peccato oppositæ, qua ratione non potest esse actus vindictæ, quia hic; postulat motivum iustitiæ.

Urgebis: Saltem detestatio peccati virtualiter continet voluntatem vindicationis peccati, ac proinde saltem virtualiter sunt unus, & idem actus.

Respondeo, hic sermonem esse de actu formaliter spectato, prout à speciali virtute procedit, ac subinde instantiam non esse ad propositum, *Deinde*, si detestatio peccati solum virtualiter in-

includat voluntatem vindicationis, consequens est, quod illi duo actus sint formaliter distincti: quemadmodum omnis actus formaliter distinguitur à causa, in qua virtualiter continetur.

Ex his igitur sequitur Pœnitentiam non esse virtutem generalem, neque per modum prædicationis, quasi esset quædam conditio generalis, ac prædicatum transcendens ad omnes virtutes, ut volunt Altiſſiodorensis, Major, & quidam alii Theologi; neque per aggregationem omnium virtutum, ut innuere videtur Alensis noster, qui fatetur quidem pœnitentiam esse virtutem specialem, quatenus est actus punitionis ipsius pœnitentis, in compensationem delicti. Existimat autem eam esse generalem in ordine ad actum odii, & detestationis peccatorum omnium, cum enim ad actum odii omnium peccatorum singule concurrant, saltem illud imperando, ex amore enim objecti alicujus virtutis nascitur odium objecti ipsi contrarii, quod est peccatum. Unde existimat Alensis pœnitentiam dici posse virtutem generalem per concomitantiam, & aggregationem omnium virtutum. Verum contrarium apparet non solum ex his, quæ diximus, sed etiam ex hac ratione; Quia si virtus pœnitentiæ esset generalis ex concomitantia, & aggregatione aliarum virtutum, sequeretur pœnitentem non posse unico actu elicto à virtute pœnitentiæ detestari omnia peccata: cum enim unaqueque virtus habeat objectum suum limitatum, & distinctum; nec possit in objectum alterius virtutis tendere, consequens esset, quod ad detestanda peccata contra omnes virtutes requireretur actus omnium virtutum; atque ita peccator non posset justificari per pœnitentiam unico instanti, qui non posset justificari, nisi detestetur omnia peccata; non posset autem omnia peccata detestari nisi exercendo actus omnium virtutum,

quos in instanti exercere nequit: hoc autem absurdum est; igitur & illud unde sequitur.

QUÆSTIO SECUNDA.

Qualis sit pœnitentia, & ad quam ex virtutibus reducatur.

TRia maxime hac in questione occurrunt determinanda; *Primum*, utrum pœnitentia sit virtus acquisita, vel infusa, Theologica, aut Moralis; *Secundum*, ex hypothesi quod sit moralis, ad quam ex quatuor capitalibus reducatur; *Tertium*, dato quod reducenda sit ad aliquam ex speciebus justitiæ, utrum comprehendatur sub justitia commutativa, vel distributiva; quæ ut facilius, & evidentiùs innoteſcant.

Notandum primò, virtutes generatim per ordinem ad Deum, esse in triplici differentia; *Aliæ* enim habent Deum pro objecto, & sine proximo; ita quod de ratione earum virtutum sit referre actus suos in Deum; cujusmodi sunt virtutes Theologiæ, quarum objectum est ipsemet Deus vel credendus, vel sperandus, vel diligendus; *Aliæ* nec pro objecto, nec pro fine proximo Deum habent, ut fortitudo, cujus objectum est mors aut quid simile, finis verò proximus saltem intrinsecus non est Deus, sed aliquid aliud: puta cum quis sese morti objicit pro Patria, ut hoste depulso pacificè vivatur; hujus enim actus fortitudinis objectum materiale est mors; formale verò, aut finis intrinsecus, est pax, seu vita pacata, & quieta; unde si talis actus refertur in Deum, hæc relatio erit dumtaxat ad finem extrinsecum, sicutque per virtutem non fortitudinis, sed charitatis, aut Religionis. *Aliæ* denique sunt, quæ etsi non habeant Deum pro objecto, habent tamen ipsum pro fine cui, seu proximum, ad quem videlicet om-

nes

nes earum actus diriguntur, quales sunt Religio, & Pœnitentia, quarum actus proximè ordinantur ad Deum, quæ propterea virtutibus Theologicis proximæ sunt, & ab eis plerumque imperantur.

Notandum secundò, ex Doctore, diff. 14. quæst. 3. num. 5. virtutem non idcirco censeri moralem, ex eo quòd sit nota, & eliciatur ex prævia cognitione dumtaxat naturali, non verò ex revelatione, vel fide, quia, *inquit*, secundum Philosophum virtus Moralis dicitur ex hoc quòd est more, vel ex consuetudine generabilis: quæcunque autem notitiæ sive ex lumine naturali habita, sive ex fide, potest secundum illam appetitus inclinari, & ex frequenti actione generare in se habitum sic inelinantem; qui erit habitus electivus; quia appetitivus, & secundum rectam rationem, licet non naturalem, sed aliam rationem; & hoc modò paupertas, humilitas, castitas, & hujusmodi sunt virtutes morales: quia secundum perfectam, & rectam rationem, licet non purè naturalem ex more, id est, frequenter sic eligere, generantur. *Unde concludit*: Supposita igitur istà regulà notà ex Evangelio, Pœnitentiam agite, *Matth. 3.* potest voluntas ex frequenti eliectione actus conformis isti regulæ generare in se habitum inelinantem ad consimiles actus; & ille verè erit virtus; quia rectæ rationi, imò rectissime consonus; & tamen moralis, quia ex more, & consuetudine generatus.

Hæc Doctor, quibus significat, quòd et si Pœnitentia, ut sit Christiana virtus, debeat elici propter Deum offensum ex præsupposito divino præcepto per revelationem cognito, non minùs propterea est virtus moralis ex frequentatis actibus genita, & comparata: unde ad virtutem infusam, & supernaturalem non sufficit, quòd præsupponat cognitionem mutuam ex revelatione,

sed ultrò requiritur, ut ejus acquisitio humanas omnino vires excedat, nec nisi Deò donante ac infundente possit obtineri.

Notandum tertio, omnes virtutes morales revocari ad quatuor ex capitalibus, quæ ideò vocantur Cardinales, quia extrinsecus in eis, sicut janua in cardinibus volvuntur, suntque Justitia, Fortitudo, Temperantia, & Prudentia. Constat autem Pœnitentiam non reduci ad Prudentiam, Fortitudinem, aut Temperantiam; quia illa dumtaxat occupant circa moderandas, ac regulandas Passiones appetitus sensitivi: Pœnitentia verò versatur circa omnia peccata, tum spiritualia, cum corporalia. Unde sola superest libranda difficultas de reductione ipsius Pœnitentiæ ad justitiam, ejus cum ratio formalis consistat in obligatione, & munere debiti reddendi secundum rectam rationem, ad varias virtutum species sese extendit: numerantur enim 22. virtutes tam immediatæ, quàm mediatæ, de quibus justitia tanquam de suis speciebus prædicatur; quæ sunt Latria, Pietas, Dulcia, Hyperdulcia, Legalis Justitia Epicheia, Benevolentia, Affabilitas, Beneficentia, Veritas, Amicitia, Liberalitas, Pœnitentia, Reverentia, Observantia, Misericordia, Vindicatio, Gratitude, ac Justitia punitiva, restitutiva, distributiva, & commutativa. Quorum omnium sufficientia, & justa enumeratio colligitur ex quadruplici capitali debito, quod habere potest homo, vel per ordinem ad causam, à qua pendet tanquam effectus; vel per ordinem ad propriam conditionem, & naturam, vel quantum ad perfectionem secundam, & superadditam, vel quantum ad actionem voluntariam. Quoniam autem hic potissimum sermo est de ordinatione hominis quoad obligationem, quæ consurgit per actionem voluntariam; idcirco sciendum est quòd actio illa voluntaria præsupponit factum, aut non; si factum præsupponit, vel

vel illud est sibi bonum, vel malum: si sibi bonum, obligatur ad recompensandum secundum possibilitatem, quod reddit per virtutem *gratitudinis*; si autem est malum, obligatur quis ex officio ad corrigendum, ad quod inclinat *Justitia punitiva*, & specialiter obligatur, qui malum gessit. si sit læsum proximi ad satisfaciendum, ad quod inclinat *Justitia restitutiva*. Si verò actio voluntaria non præsupponit factum, sed sit de pari; tunc potest oriri duplex obligatio, scilicet vel ad æqualitatem secundum proportionem Geometricam, & hanc exercet *Justitia distributiva*, vel ad æqualitatem secundum proportionem Arithmetica, & hanc exercet *Justitia commutativa*.

CONCLUSIO PRIMA

Pœnitentia est virtus moralis, non Theologica; acquisita, non infusa. Hæc est Doctoris quoad utramque partem, quarum primam declarat *dist. 14. quæst. 2. num. 9.* ubi ait: Ex hoc posset esse dubium de habitudine istius virtutis ad charitatem, ex quo enim Pœnitentia per actum suum imperat actum charitatis, videtur esse superior charitate: Sed oppositum est manifestum; quia objectum per se charitatis est Deus sub ratione objectiva nobilissima; proprium autem objectum istius est malum vindicabile, seu reus, in quem est vindicandum. Unde concludit, quod Pœnitentia non tantum non est virtus Theologica, sed nec virtus simpliciter nobilissima inter illas, quæ sunt circa objectum creatum; *Hinc num. 20. ait*: Ad ultimum dico, quod non est virtus Theologica; imò circa objectum creatum.

Probatur itaque hæc veritas ratione Doctoris petita ex *dist. 26. libri 3. quæst. 1. num. 15.* ubi ait: *Tres conditiones ponuntur pertinere ad virtutem Theologicam: Prima est respicere Deum pro objecto; Secunda, habere pro regula primam regulam humanorum actuum; non autem*

Tom. X.

regulam acquisitam: Tertia, immediatè infundi à Deo, sicut à causa efficiente: Sed nulla ex his regulis competit Pœnitentia: non quidem prima; siquidem Pœnitentia non tendit immediatè circa Deum, sed in peccatum vindicandum, & puniendum; est enim, ut statim dicemus, justitia punitiva, seu vindicativa, quæ pro objecto formali habet correspondentiam pœnæ ad culpam; pro materiali verò ipsam pœnam, & culpam.

Dices, Pœnitens in vindicando peccato intendit satisfacere Deo pro injuria illata: igitur pœnitentia tendit in Deum tanquam in objectum.

Nego consequentiam, non enim intendit satisfacere Deo, quasi ipsa satisfactio, vel punitio sit finis proximus, & motivum ultimum, quod sibi proponat; sed tantum quia satisfacere Deo, & punire peccatum, bonum est, & ipsi satisfaciendi; ac proinde satisfaciens, & puniens seipsum, habet pro objecto formali *cui*, non quidem Deum, quem illo actu non amat, sed voluntatem, quæ desiderat satisfacere Deo: quæ utique est aliquid creatum. Unde sicut obedientia licet velit obedire Deo, & Religio Deum colere, non sunt tamen propterea virtutes Theologicæ, eo quod proximè non versentur circa Deum, sed obedientia circa rem præceptam: Religio verò circa cultum divinum, quæ sunt entia creata: ita Pœnitentia licet intendat satisfacere Deo, tamen hæc ratione censeri non debet virtus Theologica; quia non immediatè versatur circa Deum: sed circa peccatum vindicandum.

Urgebis: Pœnitentia intendit placare Deum: sed illa placatio est quid increatum, est enim actus divinæ voluntatis acceptantis obsequia nostra, & condonantis offensas: ergo, &c.

Distinguo minorem: Illa placatio est quid increatum ex parte Dei, & in facto esse, concedo: quia solius Dei est

Y y

con-

condonare peccata : ex parte pœnitentis , & in fieri , nego : Pœnitens enim non immediatè versatur circa illam placationem , & remissionem , sed tantum circa opera apta ad placandum Deum , quæ vult exhibere ad obtinendam illam peccatorum remissionem ; quæ utique exhibitio operum in se est bona , & honesta , etiamsi inde nulla sequeretur peccatorum condonatio ; unde actus primarius Pœnitentiæ est velle punire peccatum , ac exhibere opera satisfactoria , quibus Deus placari possit .

Secunda etiam conditio ad virtutem Theologicam non reperitur in Pœnitentia ; siquidem non regulatur per primam regulam actuum humanorum , nempe vel Deum sub aliqua ratione essentiali , aut attributali , vel divinam voluntatem per revelationem cognitam , sed per dictamen rationis insinuantis pœnam esse proportionandam peccato , & satisfactionem offensionis gravitati .

Multò minùs habet tertiam conditionem , nempe quòd infundatur à Deo tanquam à causa efficiente ; nam , ut ait Doctor præfata dist. 14. q. 2. num. 20. *Ex multis actibus vindicandi in se justitiam , potest acquiri habitus , qui maneat cum peccato mortali , & possit acquiri ante deletionem peccati mortalis , nisi forte quia Deus justificat , antequam possint haberi actus sufficientes ad generationem Pœnitentiæ .*

Quæ utique sententia sic probatur : Virtutes infusæ solum admittuntur , ut inclinent suscipientem ad actus necessarios ad salutem : sic habitus fidei ad credendum , spei ad sperandum , & charitatis ad diligendum Deum , sicut oportet : sed habitus Pœnitentiæ si in se consideretur , non posset inclinare suscipientem ad actum pœnitendi necessarium ad salutem : igitur esset frustraneus . Major constat . Minor probatur : Eatenus Pœnitentiæ actus dicitur necessarius ad salutem , quatenus disponit

animam ad infusionem virtutum in instanti justificationis : sed actus ille qui est causa dispositiva subjecti ad susceptionem habitus infusi , produci non potest ab ipso habitu infuso : igitur , &c. Majorem tradit Concilium Tridentinum sess. 6. cap. 9. & 7. ubi Pœnitentia recensetur inter dispositiones prærequisitas in adulto ad suscipiendam justificationem . Et sess. 14. cap. 4. de attritione , quæ ex gehennæ , & pœnarum metu concipitur , si voluntatem peccandi excludat cum spe veniæ , dicitur quòd non faciat hominem hypocritam , & magis peccatorem , sed verum esse Dei donum , & Spiritus sancti impulsus , non adhuc quidem inhabitantis , sed tantum moventis , quòd pœnitens adjutus viam sibi parat ad justitiam . Minor verò probatur : Omnis forma introducenda est posterior dispositione ad ipsam : igitur actus Pœnitentiæ necessarius ad salutem non potest elici ab habitu Pœnitentiæ infusæ , ad quam est dispositio , maximè in sententia Thomistarum , qui admittunt virtutes morales per se infusas , quas asserunt non infundi , nisi in justificatione .

Dices primò : Ad deletionem culpæ non sufficit Pœnitentia naturalis , & acquisita igitur ad id requiritur Pœnitentia infusa . Probatur antecedens ex Concilio Tridentino sess. 3. can. 3. *Si quis dixerit , sine præveniente Spiritus sancti inspiratione , atque ejus adjutorio , hominem credere , sperare , diligere , aut pœnitere posse , sicut oportet , ut justificationis gratia conferatur , anathema sit* : igitur sicut credere , sperare , & diligere sunt actus supernaturales in substantia : ita etiam pœnitere , ut sit legitima dispositio ad remissionem peccatorum , debet esse supernaturalis .

Distinguo antecedens : Non sufficit pœnitentia naturalis tam in substantia , quam in modo , concedo : naturalis in substantia , & supernaturalis in modo , nego : igitur actus Pœnitentiæ , qui est præ-

præparatio ad justificationem, est equidem supernaturalis in modo, quia nempe non elicitur, nisi beneficio gratiæ, & auxiliò Spiritus sancti; quâ ratione actus virtutum moralium, quatenus meritorii sunt, dicuntur supernaturales; non quidem in substantia, sed in modo: quia non possunt esse Deo grati, & accepti in ordine ad salutem, sine beneficio gratiæ. Nec aliud voluit Concilium; ibi enim tantum definit contra Pelagianos, & Semi-Pelagianos hominem non posse justificari ex solis viribus naturæ sine speciali Dei adjutorio; unde non ex eis colligitur Pœnitentiæ supernaturalitas in substantia, sed tantum in modo: quæ utique necessaria est ad Pœnitentiam fructuosam.

Inflabit: Habitus acquisiti naturaliter inclinant ad producendos actus similes illis, à quibus sunt geniti: igitur si ex actibus Pœnitentiæ concurrentibus ad salutem generetur habitus naturalis, consequens erit, quòd habitus ille inclinabit ad producendos actus sufficientes ad salutem; & subinde, quòd ex solis naturæ viribus poterimus pœnitere; quod est Pelagianum.

Distinguo antecedens: Inclinant ad producendos actus similes, quantum ad substantiam, concedo; quantum ad modum, nego: Quemadmodum enim servari potest præceptum divinum, quantum ad substantiam actus, licet non observetur quantum ad finem Dei præcipientis: V. g. Si quis jejundet tempore Quadragesimæ in statu peccati mortalis, implet quidem præceptum quantum ad substantiam actus, non autem quantum ad finem Dei præcipientis, & intendentis quòd ille actus sit meritorius; ita habitus Pœnitentiæ acquisitus poterit equidem inclinare voluntatem ad actum pœnitendi, quantum ad entitatem, & substantiam actus, nempe nolle peccasse; non tamen inclinatur quantum ad finem præcipientis, nempe Dei intendentis, quòd ille actus pœnitenti sit ultima dispositio ad gratiam.

CONCLUSIO SECUNDA.

Pœnitentia renovatur ad iustitiam. Hæc est Doctoris dist. 14. quæst. 2. num. 5. ubi probat, quòd *velle punire peccatum* non sit actus amicitiae instaurande hominis cum Deo; quia non est actus virtutis appetitivæ ordinantis ad seipsum, sed ad alterum. Sequitur, inquit, alia conclusio, quòd (*Pœnitere*) non est appetitivæ virtutis ordinantis ad seipsum, cujusmodi sunt temperantia, & fortitudo; ergo virtutis ordinantis ad alterum, cujusmodi est iustitia. Hoc argumentum tenet, supponendo illam famosam virtutum, appetitarum distinctionem, quòd ad duo genera omnino reducuntur. *Antecedens* probatur, quia actum, istum vindicandi, potest aliquis eodem modò secundum rationem rectam exercere in alterum, sicut in seipsum. Si etiam exerceat in seipsum, non exercet in se, nisi ut in alterum; quia non exercet in se, nisi in quantum sibi committitur à Legislatore in istum reum vindicare. Sed accidit quòd iste, cui committitur ut ministro Judicis, sit iste reus, quia eodem modò exercet secundum rectam rationem ministri in reum, si esset omnino alius in persona: ergo ista virtus, cujus natura est esse iste actus, continetur sub Iustitia, prout in generali dicitur Iustitia omnis virtus ordinativa ad alterum.

Quibus verbis Doctor, declarat, quòd iste actus, qui est *vindicare peccatum*, potest aliquis elicere circa alium, sicut circa seipsum, & quòd dum aliquis vindicat peccatum suum, tunc se habet circa se, ac si ageret circa alterum, ac subinde actus ille non spectat ad virtutem ordinantem ad se, sed ad alterum. Si autem obijcias, quòd velle vindicare peccatum non sit actus circa alterum, sed ejusdem hominis erga seipsum; respondet ibidem Doctor, non ob stare, *quòd ille in actu suo*, inquit, *ordinetur*

Y y 2 ad

ad seipsum; quia non ad se, nisi ut ad alterum ut scilicet minister Judicis in reum contra legem, in quem commissæ est sibi auctoritas à Judice, hoc est, dum aliquis punit seipsum propter peccatum agit ut minister Dei; unde quamvis sit simul reus, & judex, tamen ut castigat seipsum, quasi virtualiter distinguatur à se ut reus est.

Dices primò: Pœnitentia reducitur ad charitatem: igitur non refertur ad justitiam. *Probat*ur antecedens: Ad eam virtutem reducitur Pœnitentia, à qua elicitur proprius Pœnitentiæ actus, qui est Contritio: sed hic elicitur à charitate: dolor enim de peccatis propter Deum summè dilectum est actus Contritionis; nam ejusdem virtutis est gaudere de bonis amici, & de malis illius dolere, & tristari: igitur actus Contritionis à charitate procedit.

Nego antecedens: & ad ejus probationem dico, Contritionem spectari posse dupliciter: nempe quatenus est dolor de peccato per simplicem displicentiam peccati, vel quatenus est dolor de peccato cum intentione illud vindicandi, & satisfaciendi Deo offenso: Priori modo spectat ad charitatem, non verò posteriori.

Inflabis: Ejusdem est virtutis odisse, ac intendere destructionem illius quod opponitur objecto, cujus est objectum illud sectari: sed charitas intendit Deum ut summum bonum, cui peccatum opponitur: igitur dolere de peccato cum intentione illud destruendi spectat ad charitatem.

Distinguo majorem: Sub ea ratione, sub qua malum opponitur bono ab ipsa virtute intento, concedo: sub alia, nego. *Ad minorem* dico charitatem dolere de peccato cum intentione illud destruendi sub ea ratione, sub qua opponitur bono divino, quod charitas intendit: dolere autem de peccato cum intentione illud vindicandi, ac puniendi, non est actus charitatis, sed Pœni-

tentiæ: ut jam demonstratum est.

Dices secundò: Iustitia consistit in medio, cum sit virtus moralis: sed Pœnitentia non consistit in medio: siquidem in excessum tendit, juxta illud Hieremiæ 6. *Luctum unigeniti fac tibi, plantum amarum:* igitur non revocatur ad Iustitiam.

Respondeo primo ad majorem, non idcirco virtutem dici consistere in medio, quasi necessario media stare debeat inter duo vitia, quorum unum exorbitet à recto dictamine per excessum; aliud verò per defectum: nam virginitas, quæ est nobilissima virtus, non solum temperat, sed omnem prorsus excludit veneream delectationem, atque adeo non versatur circa passiones delectabiles referendo excessum, vel defectum; sed omnino delectationem excludendo: igitur virtus generatim dicitur consistere in medio, quatenus commensuratur recto rationis dictamini.

Respondeo 2. explicando minorem; Medium enim Iustitiæ est æqualitas, quæ intercedit inter illos, inter quos reperitur Iustitia, ut ait Aristoteles 5. Moral. At in quibusdam æqualitas perfecta constitui non potest, ob alterius excellentiam; puta inter patrem, & filium, inter Deum, & hominem; quare qui deficiens est in talibus, debet facere quidquid potest, ut id pro viribus exequatur, quod ad æqualitatem conducit; & sic Pœnitentia debet intendi quantum fieri potest, ut nempe pœnitens pro viribus jus divinum resarciat. Ideo quantuncunque aliquem pœniteat, talis Pœnitentia ex parte iustitiæ non erit vitiosa. Unde quantumvis quis detestetur peccata sua propter Deum, non peccat; Imò quanto erit major detestatio, & peccati vindicta, tanto perfectior erit Pœnitentia.

Respondeo tertio cum Pitigianis, quod virtus generatim possit consistere in medio alterutro ex his quatuor modis: „ *Primò* quidem tam ex parte objecti, quam

„quàm ex parte circumstantiarum, ut
 „temperantia, contra quam peccari
 „potest per excessum, aut defectum;
 „sicut, & contra quasdam circumstan-
 „tias, videlicet nimis vel minus come-
 „dendo, & quando, & ubi non oportet.
 „*Secundò* quædam sunt quæ ex
 „parte objecti habent superabundantiam,
 „sed ex parte circumstantiæ sunt
 „in medio. Dicit enim Philosophus 4.
 „Ethic. cap. 4. quòd magnanimus qui-
 „dem magnitudine extremus est, eo
 „tamen quod ut oportet medius, ut
 „magnanimitas, & fortitudo: Tum,
 „quia magnanimitas est circa maxi-
 „ma, & fortitudo respicit ultimum,
 „terribilium pro objecto: Tum, quia
 „si magnanimus dignificaret se plus-
 „quam oportet, esset Vanus; sin au-
 „tem minus, esset pusillanimis: & for-
 „tis si exponeret se morti pro inani
 „gloria, esset audax, &c. *Tertio*, quæ-
 „dam sunt virtutes, quæ sunt in defe-
 „ctu ex parte circumstantiæ, ut virgi-
 „nitas, quæ negat omnem veneream
 „delectationem; atque adeo tenet ex-
 „tremum quoad materiam: sed tenet
 „medium quoad circumstantias: quia
 „hoc observat pro tempore, quòd hoc
 „expedit observare, hoc est, pro tem-
 „pore, quo non præcipitur, nec à Deo
 „consulitur vacare carnali copulæ, &
 „etiam observat hoc propter quod
 „oportet, scilicet ut mens liberius va-
 „cet spiritualibus. *Quarto*, quædam
 „sunt virtutes, quæ habent superabundantiam,
 „& non defectum, ut ma-
 „gnanimitas, & fortitudo; quædam
 „è converso, quæ plus habent de su-
 „perabundantia, ut latria, quædam,
 „quæ plus habent de defectu, ut tem-
 „perantia.

Quibus ita præmissis dici potest, quòd
 Pœnitentia consistat in medio, per defe-
 „ctum, & excessum, V. g. si quis ma-
 „gis detestetur parvum peccatum, quàm
 „magnum; vel si magis tristetur de pec-
 „cato propter amissionem alicujus boni

temporalis, quàm spiritualis. Ita Pi-
 tigius.

CONCLUSIO TERTIA.

Pœnitentia non est Justitia commu-
 tativa propriè dicta, neque distri-
 butiva, sed vindictiva. Hæc est Docto-
 ris disp. 14. quæst. 2. num. 8. ubi loquens
 de actu Pœnitentiæ ait: *Est ergo iste ac-
 tus Justitiæ punitivæ, quæ distinguitur
 contra Justitiam commutativam, &
 etiam contra amicitiam.* Probantur si-
 mul duæ priores conclusionis partes,
 nempe quòd Pœnitentia non sit Justitia
 commutativa, & distributiva; enim
 verò virtutes, quæ habent diversa obje-
 cta formalia, sunt invicem distinctæ:
 sed Pœnitentia, & Justitia tam commu-
 tativa, quàm distributiva respiciunt di-
 versa objecta formalia; Justitia enim
 commutativa respicit æqualitatem rei
 ad rem; id est, debitum strictum ad
 æqualitatem reddendum; Justitia verò
 distributiva respicit æqualitatem præ-
 miorum, vel suppliciorum cum propor-
 tione ad actus laudabiles, & culpas: sed
 Pœnitentia non potest reparare jus di-
 vinum læsum per peccatum ad æquali-
 tatem; quia offensæ contra Deum com-
 missæ per quolibet hominis satisfac-
 tionem non potest sufficienter expiari,
 nisi interveniat Dei clementia gratui-
 tæ, ac ex misericordia offensam condonantis: igitur Pœnitentia ad neutram
 illius Justitiæ speciem reducitur;

Confirmatur, maxime quantum ad
 Justitiam distributivam, quia hæc est su-
 perioris ad inferiorem; siquidem ad su-
 periores pertinet distribuere inferiori-
 bus de communibus bonis, & pœnis uni-
 cuique proportionaliter ad suum meri-
 tum, vel demeritum: Pœnitentia autem
 est potius inferioris, scilicet creaturæ in
 ordine ad Deum. *Deinde* Justitia distri-
 butiva pœnas, vel bona taxat uni per
 respectum ad alterum; quem etiam pun-
 nit, vel præmiatur; Pœnitentia verò non
 punit unum pœnitentem per respectum
 ad alium; sed per respectum ad culpam

in

in Deum commissam: igitur, &c.

*Probat*ur denique *tertia* pars, nempe quod Penitentia sit *Justitia vindicativa*; Primo quidem *authoritate* petita ex libro de vera, & falsa Penitentia supra à nobis laudato, quâ sic definit Penitentiam: *Est dolentis vindicta semper puniens in se, quod dolet commississe, si est vindicta: ergo est vindicativa.*

Insuper Sacramentum Penitentiae est Tribunal *Justitiae*: sed non alterius, quàm vindicativæ: igitur, &c. Majorrem, & minorem simul approbat Concilium Tridentinum *sess. 14. cap. 2.* ubi sermonem faciens de baptizatis, ait: *Nam hoc, si se postea crimine aliquo contaminaverint, non jam repetito Baptismo ablui, cum id in Ecclesia Catholica nulla ratione liceat: sed ante hoc tribunal (Penitentiae) tanquam reos sibi voluit.... Plenam, & integram peccatorum remissionem consequentes ad quam per Sacramentum Penitentiae sine magni nostri stetit, & laboribus divina id exigente Justitia (vindicativa) pervenire nequam possumus.* Et cap. 5. insinuat peccatorem publicè posse confiteri sua peccata in eorum vindictam: *Ceterum, inquit, etsi Christus non vetuerit, quin aliquis in vindictam suorum scelerum, & sui humiliationem, tum ob aliorum exemplum, tum ob Ecclesiae offensæ edificationem delicta sua publicè confiteri possit, &c.* Et cap. 8. de operibus satisfactionis ita statuit: *Habeant (Sacerdotes) prae oculis, ut satisfactio, quam imponunt, non sit tantum ad novæ vitæ custodiam, & infirmitatis medicamentum, sed etiam ad præteritorum peccatorum vindictam, & castigationem.*

Confirmatur: Deus ex *Justitia vindicativa* ordinat, ut peccatum per penam, & actus Penitentiales in Sacramento Penitentiae remittatur: igitur peccator actus Penitentiales exercendo, eundem finem, idemque motivum habere debet. *Consequentia* pater: quia Minister ut ordinatè procedat infligendo penam, de-

bet agere ex fine legis, & legislatoris; cum is sit finis potestatis ministerialis, qui intenditur à principali causa delegante: sed peccator exequendo penam in se mediante virtute Penitentiae, agit ut Minister Dei Judicis: nam, inquit Tertullianus lib. de Penitentia; hæc virtus in peccatorem pronuntians, pro Dei indignatione fungitur; igitur sicut Deus præscribit penam ex motivo *Justitiae vindicativæ*; ita penitens ex eodem motivo debet penam sibi præscribere.

Hæc præclare docet S. Augustinus, cum monet lib. 50. Homiliarum homilia 50. *Ascendat homo adversus se Tribunal mentis suæ, si timet illud, quod oportet non exhiberi ante Tribunal Christi, ut illie recipiat unusquisque, quæ corpus gessit, sive bonum, sive malum: constituat se ante faciem suam, atque ita constituto in corde judicio, adsit accusatrix cogitatio, testis conscientia, carnis fex timor.* Inde quidem sanguis animæ consentiens per lacrymas profluat. Postremo ab ipsa mente talis sententia proferatur, ut se indignum homo iudicet participatione corporis, & sanguinis Domini. Ut qui separari à regno eorum per ultimam sententiam summi Judicis metuat, per Ecclesiasticam disciplinam à Sacramento ecclesiæ patrie interim separatur. Versetur ante oculos imago futuri judicii, ut cum alii accedunt ad altare Dei, quo ipse non accedit, cogitet quàm sibi contremiscenda sit pena illa, quæ percipientibus aliis vitam æternam, ipse cum aliis in mortem præcipitur æternam.

Dices primò; Penitentia non reducit ad *Justitiam commutativam*: sed ex Doctore *diff. 19. qu. 1. num. 36.* *Justitia punitiva eadem est cum commutativa, alit enim.* Dico ergo, quod sicut in aliis commutationibus *Justitia commutativa* habet aliquam latitudinem: ita quod non respicit in commutationibus invisibile: sed medium rectæ rationis: ita *Justitia punitiva, quæ est com-*

mutativa pœna pro culpa, non respicit necessariò gradum indizisibilem pœnae correspondentem huic culpæ, sed est ibi aliqua latitudo, infra quam pœna minor non sufficit, & ultra pœna major non est impendenda. Similia habet in 4. dist. 46. quæst. 1. num. 4. Ad propositum, inquit, commutativa Justitia propriè respicit punitionem, & præmiationem, ut scilicet pro meritis, quasi commutando reddantur præmia, & pro peccatis supplicia.

Respondeo, Doctorem eis in locis non accipere Justitiam commutativam strictè, & quatenus respicit medium servandum in rebus, & mercimoniis propriè dictis; ut sic enim à punitiva distinguitur; quia hæc æqualitatem quandam servat in pœnis ad debitum culpæ; illa verò in commutationibus rerum. Unde etiam signanter addit, quasi commutando, quibus significat punitionem non esse actum Justitiæ commutativæ strictè sumptæ; sed in latiori quadam significatione, quatenus videlicet servat æqualitatem quantitatis, & respicit Arithmeticam proportionem, instar Justitiæ commutativæ strictè dictæ; non autem servat proportionem Geometricam, sicut distributiva; unde potius ad commutativam, quàm ad distributivam reducitur; quamvis propriè neutra sit: sed tantum quâdam proportionem, & similitudinem.

Dices secundò: Justitia vindicativa solum est in Judice, vel superiori infligente pœnam; non autem in subdito, & reo: igitur peccator puniens seipsum per Pœnitentiam, id non præstat ex Justitia punitiva.

Distinguo antecedens: Est in superiore magis principaliter, & authoritative, concedo: ministerialiter, & executive, nego: hoc enim posteriori modò est in subdito, & inferiori.

Urgebit: Exequi, & infligere pœnam non est pœnitere propriè loquendo: igitur neque etiam executive Pœnitentia est Justitia vindicativa. Probatur ante-

cedens: Possent aliquis velle assumere pœnam pro peccatis, nec tamen habere propositum iterum non peccandi, nec dolorem de præteritis: quæ utique Pœnitentia necessariò exigit.

Nego antecedens, & ad illius probationem dico, talem assumptionem pœnæ non fore veram vindictam pro peccatis præteritis, saltem in hac vita, quoniam non fieret secundum leges Justitiæ vindicativæ, & punitivæ à Deo præscriptas, quæ primò omnium postulant dolorem, & propositum emendationis, unde sicut non colit verè Deum, tametsi habeat voluntatem colendi, qui cum externo cultu actum internum Religionis non adhibet; sic nec verè pœnitet, neque vindicat peccatum, qui non adhibet media ad id ordinata.

Dices tertio: Pœna, quam pœnitens infligit, debet esse voluntaria in ipso suscipiente, utpote cum sit actus virtutis in ejus voluntate existentis; sed pœna, quam infligit Justitia vindicativa, est involuntaria respectu patientis: igitur Pœnitentia non est Justitia vindicativa.

Respondet Doctòr dist. 14. qu. 1. nu. 13. Pœnam quidem esse involuntariam, comparative ad voluntatem sequentem affectionem commodi: Tamen, inquit, potest esse voluntaria voluntate antecedente, scilicet voluntaria applicatione causarum, ad quas sequitur. Potest etiam esse voluntaria voluntate, jussu acceptante, & hoc voluntate sequente affectionem Justitiæ, quia sic acceptat quidquid habet ordinem ad per se volendum justè: ista autem tristitia potest esse ad aliquid per se justè volendum. Præmiserat autem num. 11. quòd involuntarium simpliciter est illud, contra quod voluntas simpliciter remurmurat, & per consequens per oppositum Voluntarium potest intelligi tripliciter. Uno modo contra quod non omnino voluntas remurmurat, sed patienter sustinet: SECUNDO MODO, quòd

voluntariè acceptat: TERTIO MODO, quod voluntariè causat, & hoc dupliciter, scilicet vel ut causa proxima partialis, & non intendens quoddam effectum: vel ut causa remota principalis, & intendens effectum, & sic habentur quatuor membra. Subjicit rationem hujus distinctionis: Quia, inquit, in primis duobus modis tristitia est objectum tantummodo volitionis; in tertio est effectus tantum, & non objectum: in quarto vero objectum est, & etiam effectus, nisi ali- quid impediatur.

QUÆSTIO TERTIA.

Quodnam sit Objectum Penitentiae?

Notandum primò, Quod eum virtus habitualis dumtaxat innotescat per actus, actus verò per objecta, non potest melius declarari, nec apparere penitentiae virtutis entitas, & natura, quam per notitiam illius objecti. Est autem duplex objectum, unum quidem materiale, alterum formale; sic appellatum per analogiam cum materia, & forma physice constitutiva alicujus totius. Quemadmodum enim materia, est de se indifferens ad varias formas, & subinde ad varia composita constituenda; per formam autem ad certum compositum determinatur: ita res, circa quam virtutes occupantur, eum ex se sit indifferens ad varias rationes amoris aut odii, & consequenter ad varias virtutes constituendas, dicitur objectum materiale; ipsa verò ratio motiva amoris, vel odii, per quam illa res determinatur ad certam virtutem constituendam, dicitur objectum formale: sic pecunia v.g. danda homini indigenti dici potest objectum materiale; quia est indifferens ad virtutem elemosynæ, liberalitatis, aut justitiæ restituti- vae: at datio istius pecuniæ propter sublevandam illius indigentis miseriam ex compassione, determinat ipsam pe-

euniæ largitionem ad virtutem cle- mosynæ, sicut ejusdem largitio, ut restituatur ablatum, ipsam pecuniam de- terminat ad virtutem justitiæ restitu- tivæ.

Notandum secundò, Objectum ma- teriale virtutis rursus esse duplex, nempe remotum, & proximum. Ob- jectum proximum appello circa quod primò virtus occupatur: sic actus inter- nus vel externus cultus divini, qui as- sumitur in signum summæ Dei excel- lentiae, & nostræ in eum observantiæ, & subjectionis, dici potest objectum, proximum virtutis Religionis; similiter objectum materiale proximum Peni- tentiæ, ut est justitia vindicativa, dici potest id omne quod assumitur ad con- stituendam æqualitatem inter culpam, & penam, nempe ipsa pœna culpæ cor- respondens. Quæ utique nihil aliud est, quam actus internus, vel externus as- sumptus ad vindicandum: Pœna enim est id, circa quod primarius effectus penitentiae versatur, hoc est, quod im- mediatè penitentia intendit: siquidem intendit pœnam infligere pro peccato commisso; objectum autem remotum illud voco, inter quod & internum, actum à virtute penitentiae elicitem aliquid mediat: sic inter peccatum, seu malum, ut vindicabile, & actum in- ternum penitentiae, nempe voluntatem vindicandi, intercedit vindicta; unde sequitur malum ut vindicabile, esse objectum remotum.

Notandum tertio, malum vindicabi- le, nihil aliud esse, quam id quod me- retur pœnam in vindictam, quodque Deus vult puniri, quo fit ut omne pec- catum non solum mortale; sed etiam veniale sub ratione mali vindicabilis comprehendatur; licet enim peccatum veniale non offendat Deum graviter; nec ideo meretur gravem pœnam, seu punitionem, nihilominus certum est ipsum pœnam aliquam mereri: siqui- dem pœna correlativa est culpæ; ergo ubi

ubi culpa levis, saltem levis debet esse pœna, levisque punitio. Hæc autem, pœna tamdiu debetur peccato, quamdiu remanet sub ratione peccati, & offensæ Dei, & consequenter donec per pœnitentiam eluatur; Nam, *inquit*, Doctor *diff. 14. quæst. 1. num. 7.* Nihil aliud est post actum peccati cessante offensa, macula, & reatus, nisi ista relatio rationis, scilicet ordinatio ad pœnam, ut est disconveniētiens ipsi animæ, dicitur ejus macula, sicut per oppositum pulchritudo; ut autem est obligatio formaliter ad illam pœnam, dicitur reatus, & ut est actus voluntatis divinæ, in qua est tota ista realitas, per quem actum ordinatur ad talem pœnam, dicitur offensa. Nihil enim aliud est offendi, vel irasci in Deo, quam velle vindicare ista pœna, & licet Deus dicatur figurativè iratus, vel offensus, tamen accipiendo istam rationem irasci pro velle vindicare, exclusâ passione concomitante itius velle, Deus formaliter est iratus, vel offensus; quia formaliter est volens vindicare peccatum commissum contra legem suam. Unde subdit *num. 8.* illud quod dictum est remanere post actum in peccatore, potest deleri, & quandoque deletur, juxta illud symboli; *Remissionem peccatorum.* Et *num. 9.* Dico quod non remittitur sine pœna, vel æquivalente in acceptatione divina, quia per quodcumque peccatum offenditur Deus, sicut Scriptura satis clamat: Offensa autem ejus vel ira, ut dictum est, est ejus velle vindicare, vel aliquid sufficiens ad placandum exigere; ergo posito quodcumque peccato Deus vult vindicare de peccante; sed velle vindicare est velle punire; ergo post peccatum commissum ad ejus deletionem requiritur aliqua punitio, vel æquivalens in acceptatione divina.

Ita Doctor, quibus verbis significat *Tom. X.*

etiam peccatum habituale comprehenditur sub objecto virtutis Pœnitentiæ. His præmissis, tria super sunt determinanda. *Primum*, quodnam sit objectum proximum, in quod tendit Pœnitentia; *Secundum*, quodnam sit ejus objectum materiale remotum; *Tertium* quodnam sit ejus objectum formale.

CONCLUSIO PRIMA.

Obj:ctum proximum Pœnitentiæ virtutis, est quilibet actus pœnitentis, sive internus, sive externus, qui elicitur, & assumitur ad vindicandum peccatum. Patet hujus assertionis veritas ex secundo notabili; quemadmodum enim objectum proximum materiale Justitiæ commutativæ, est illud omne, quod assumitur ad constituendam æqualitatem inter datum, & acceptum; Justitiæ verò distributivæ, sunt præmia, seu bona communia, quæ juxta uniuscujusque meritum distribuuntur: pari ratione objectum materiale proximum Pœnitentiæ, ut est Justitia vindicativa, erit id quod assumitur in ultionem admixtæ offensæ: hoc autem nihil aliud est; quam actus internus, vel externus pœnalis, qui assumitur ad vindicandum: igitur hic uterque actus censi potest objectum primum Pœnitentiæ.

Deinde. Illud est objectum primum materiale virtutis Pœnitentiæ, quod primum per eam intenditur; sed illud primum intendit pœnam infligendam in ultionem criminis; illud enim primum Pœnitentia intendit, à quo ipsa suam rationem formalem, ac denominationem obtinet: sed utrumque habet à pena in ultionem assumpta: siquidem Pœnitentia dicitur à pœnæ tenentia, & ejus ratio formalis, quatenus est specialis virtus, maximè consistit in ratione vindictæ: igitur ab ea pœna in ultionem assumpta suam mutuatur rationem formalem.

Dices: Pœna est effectus pœnitentiæ: igitur non potest censi illius

illius objectum primum.

Nego consequentiam: siquidem in virtutibus moralibus iidem actus externi, qui à virtute sunt, & sunt effectus internorum actuum voluntatis elicitorum à virtute: iidem, inquam, actus, quatenus priores in ordine intentionis, sunt objectum, seu materia talium virtutum, ut patet exemplo Iustitiæ distributiæ, & commutativæ: quid ni igitur pœna in ultionem assumpta, quæ est quasi effectus ipsius Pœnitentiæ, cense-ri poterit ejusdem primum ob-jectum?

Inflabis: Objectum primum habet rationem finis saltem immediati: sed finis, & effectus non possunt esse unum, & idem: igitur cum actus, quibus assumitur pœna in ultionem peccati, habeant rationem effectus pœnitentiæ, non possunt cense-ri illius ob-jectum primum.

Nego minorem. Tritum est enim apud Philosophos, finem, & effectum posse in idem coincidere sub diversis speciebus; sanitas enim potest esse simul effectus, & finis ambulationis, & cultus divinus, seu actus internus, vel externus, qui assumitur in signum summæ Dei excellentiæ, & nostræ subjectionis est effectus virtutis Religionis, & simul finis proximus, qui ab ea intenditur, seu objectum, quod ipsa proximè intendit: Quid ni igitur eadem pœna, quam Pœnitens sibi infligit, poterit esse simul effectus, & finis proximus, seu objectum, quod proximè pœnitentia intendat.

CONCLUSIO SECUNDA.

Objectum materiale remotum virtutis pœnitentiæ est omne peccatum, tam actuale, quàm habituale à pœnitente commissum.

Probatur; Illud est objectum materiale remotum virtutis pœnitentiæ, quod ipsa intendit aliquo medio: sed pœnitentia fertur in peccatum median- te pœna in vindictam assumpta; igitur

peccatum proprium, & à pœnitente commissum censetur objectum remotum pœnitentiæ. Dicit tamen posset ob-jectum proximum, quatenus attingitur ab actu elicito ipsius pœnitentiæ; nam ut optimè adverteit noster *Boëcio* disp. 6. sect. 1. concl. 7. Pœnitentia ex vi ejusdem affectus, & effectus, qui proximè ab ipsa emanat, eodem motu, quo versatur circa aliquam operationem, attingit etiam peccatum; non enim pœnitentiæ virtus consistit in nuda illa operatione, id est, in voluntate vindicandi, quæ significatur per hanc locutionem, *volo vindicare*: sed per illam transit in ipsum peccatum: ita quòd hæc voluntas, *volo vindicare peccatum*, applicet de facto pœnam debitam peccato.

Dixi omne peccatum tam actuale, quàm habituale, esse objectum virtutis pœnitentiæ: quamquam enim interdum remaneat habitus vitiosus etiam in Iustificatis: nihilominus, ut docet *Lugo* disp. 3. num. 15. hic habitus sic perseverans potest esse materia Pœnitentiæ, quantum ad actum retractationis, possum enim velle non fuisse illud peccatum, ne offenderetur Deus; quemadmodum post vulneris, vel morbi curationem dolere possum de causa, quæ morbum, aut vulnus intulit. Insuper velle possum illud peccatum vindicare, ac pro eo satisfacere, si remissio sit dubia, vel sub conditione, ex hypotesi quod dimissum non sit.

Quod utique multò verius est de peccato habituali remisso: nam, ut præclare docet *Doctor* disp. 14. qu. 1. illud quod remanet post actum in peccatore, potest deleri, & quandoque deletur, juxta illud Symboli: Credo remissionem peccatorum. Deus est remissivus peccatorum, & quandoque remittens peccata, & hoc probatur sic, quia aliquando prædestinatus labitur in peccatum mortale. Patet de David, Petro, & Pau-

„ Paulo , & quasi innumeris ; non au-
 „ tem potest beatificari, ad quod prin-
 „ cipaliter ordinatur per prædestina-
 „ tionem , nisi deleto peccato , acci-
 „ piendo peccatum modo prædicto ;
 „ quia nullus beatificatur , remanens
 „ obligatus ad pœnam solvendam ;
 „ quia vel simul solvendam cum glo-
 „ ria, quod est impossibile, quia ad mi-
 „ nus secundum dispositionem divi-
 „ nam , gloria illa , & pœna quæcum-
 „ que repugnant , vel post glorifica-
 „ tionem solvendam , quod similiter
 „ est impossibile , quia Deus disponit
 „ illam gloriam in quocumque fina-
 „ lem esse , ita quod non sequetur ali-
 „ qua pœna ; ergo oportet ante glori-
 „ ficationem remitti , vel deleri istam
 „ obligationem ad pœnam quando-
 „ que sustinendam . Secundò dico ,
 „ quod non remittitur sine pœna , vel
 „ æquivalenter in acceptatione divi-
 „ na , quia per quodcumque peccatum
 „ offenditur Deus , sicut , & Scriptura
 „ satis clamat ; offensa autem ejus , vel
 „ ira , ut dictum est , est ejus *velle vin-*
 „ *dicare* , vel aliquid sufficiens ad pla-
 „ candum exigere : ergo posito quo-
 „ cumque peccato Deus vult vindica-
 „ re de peccante ; sed velle vindicare ,
 „ est velle punire ; ergo post peccatum
 „ commissum ad ejus deletionem re-
 „ quiritur aliqua pœnitio , vel æquiva-
 „ lens in acceptatione divina .

Hæc Doctor , quibus verbis significat non solum reatum culpæ remanentem post actionem peccaminosam , sed etiam habitum viciosum esse vindicabilem ; seu ordinabilem ad pœnam ; ac subinde esse objectum materiale virtutis Pœnitentiæ .

Dicit . Virtus specialis debet habere objectum speciale ; Sed pœnitentia est virtus specialis ; igitur debet habere determinatum objectum ; at omne peccatum non est determinatum ob-
 „ jectum alicujus virtutis , sed omnium ;
 „ siquidem omnes virtutes generatim

sumptæ militant in omnia peccata , quolibet enim habet aliquod determinatum vitium , cui opponatur .

Distinguo consequens : Debet habere objectum determinatum formale , concedo : materiale , nego ; licet autem pœnitentia tendat in omnia peccata , quæ ab aliis virtutibus scorsim , ac distributivè impugnantur , attramen speciali aliqua ratione pœnitentia tendit in peccata , sub qua ab aliis virtutibus non attinguntur , nempe sub ratione vindicabilis , & punibilis , ut apparebit ex sequenti conclusione .

CONCLUSIO TERTIA.

Objectum formale , ac specificatum virtutis pœnitentiæ , est peccatum vel vindicabile . Hæc est Doctoris *dist. 14. qu. 2. num. 4.* ubi ait ; Pœnitere est actus specialis virtutis . *Probatur* , quia ille actus velus est habere speciale objectum , & speciales circumstantias ordinatas : objectum quidem , nempe peccatum vindicabile ; circumstantias verò , quæ conveniunt actui , ut rectè tendenti in tale objectum , scilicet finem , modum , & ejusmodi . *Et infra num. 9.* demonstrat pœnitentiam esse minus perfectam , quàm sit actus charitatis , quia , *inquit* ; per se objectum charitatis est Deus sub ratione objectiva nobilissima ; proprium autem objectum istius est malum vindicabile , seu reus , in quem est vindicandum .

Probatur autem conclusio . Peccatum , in quod tendit Pœnitentia , speciali ratione debet attingi , sub qua non attingatur ab aliis virtutibus : sed illa ratio non est alia , quàm vindicabilitas , seu obligatio ad puniendum peccatum : igitur , &c. Major constat . *Probatur minor* . Si aliqua esset ratio , sub qua pœnitentia tenderet in peccatum ; maxime illius malitia , quatenus detestanda ; & execranda : sed hæc ratio non est peculiaris pœnitentiæ ; siquidem omnes virtutes , saltem quæ tendunt

dunt in Deum, etiam tendunt in detestationem peccati; Charitas enim illud execratur, quatenus est malum oppositum infinitæ Dei bonitati, quam ipsa considerat: omne namque peccatum est malum Dei, saltem extrinsecè; quia displicet Deo, & ipsius gloriæ adversatur; cum autem ejusdem virtutis sit detestari malum oppositum objectum, cujus est objectum illud prosequi, hac ratione charitas detestatur quodlibet peccatum. Similiter cum omne peccatum nos privet supernaturali beatitudine, & subiciat pœnis æternis à Deo vindice infligendis, detestatio peccati ex ejusmodi motivo spectabit non ad pœnitentiam, sed ad spem. Potest etiam peccatum considerari, quatenus militat in Dei honorem, observantiam, & cultum, & sic illius detestatio spectat ad virtutem Religionis, & sic dicendum de cæteris virtutibus, quæ tendunt in Deum, ac subinde ratio detestationis non potest esse propria soli virtuti pœnitentiæ, ac consequenter peccatum, ut detestabile non est formale, & specificativum ipsius virtutis objectum.

Deinde, peccatum ut vindicabile, debet attingi ab aliqua virtute; sed non potest attingi ab alia, quàm à pœnitentia; igitur ut sic est illius objectum specificativum. Major constat; nam, inquit S. Augustinus lib. x. Confess. *Ynfissi Domine, & ita est, ut pœnas sibi quisque peccator.* Et meritò quidem; eum enim, ut suprà dicebat Doctor, per quodcumque peccatum offendatur Deus, ac propterea moveatur in peccatorem affectu vindictæ: velle autem vindicare idem sit, ac velle punire: inde fit quod homo peccator non possit reconciliari Deo, nec eum placare, quin prius in se peccatum vindicet, & puniat. Minor etiam constat; nulla siquidem virtus tendit in peccatum, quatenus puniendum, ut Deo fiat satis, nisi sola Pœnitentia; igitur, &c.

Dices: Jus divinum læsum per offen-

sam, & resarciendum per satisfactionem, & compensationem quamdam, est objectum formale pœnitentiæ; igitur illud objectum non est peccatum, ut vindicabile, & punibile.

Respondeo, negando antecedens, Jus enim divinum sic spectatum dici quidem potest finis Pœnitentiæ, non verò illius objectum; idcirco enim Pœnitentia tendit in vindictam peccati, ut quantum in peccatore est cum Dei auxilio faciat satis Deo, & illata ejus injuria resarciatur; sicque illa divini juris restitutio, ac reparatio offensæ, est finis movens pœnitentem ad vindicandum peccatum; unde illud jus divinum ut compensandum, potius habet rationem finis, quam objecti respectu virtutis Pœnitentiæ.

QUAESTIO QUARTA.

Quodnam sit subiectum tam immediatum, quàm mediatum virtutis Pœnitentiæ?

Notandum primò, habitus generatim distribui in intellectivum, & appetitivum; intellectivus est, qui subiectivè in intellectu recipitur; isque est duplex, alius *acquisitus* propriis ac geminatis actibus; alius divinitus *infusus*, & ex speciali Dei liberalitate. *Infusus* iterum duplex, nempe vel quoad substantiam, qui videlicet nullo prorsus humano studio comparari potest, sed ex sola Dei liberalitate, quales sunt virtutes Theologicæ; vel quoad modum, qui videlicet proprio labore comparari possent, & ex repetitis actibus generari; sed non cum tanta facilitate, nec temporis brevitate, tales sunt habitus scientiæ, aut virtutum moralium interdum à Deo hominibus concessi. *Acquisitus* similiter duplex, videlicet speculativus, & practicus; *speculativus* ille est, qui ad nudam objecti contemplationem inclinatur, nec circa illud ali-

quid

quid molitur, quod ad regulandam voluntatem spectet: isque iterum duplex, nempe *realis*, ut Metaphysicus, Mathematicus, & Physicus vel *rationalis*, ut Grammaticus, Rhetoricus, & Logicus: *Præficius* est, qui circa agibilia versatur, ut Prudentia; vel circa factibilia, ut artes tam mechanicæ, quàm liberales. *Habitus appetitivus* ille est qui subiectivè in appetitiva facultate residet; qui iterum duplex; scilicet acquisitus, & infusus: acquisitus rursus duplex, scilicet in ordine ad se, ut fortitudo. Temperantia, vel in ordine ad alterum, ut Justitia: infusus similiter est duplex, nempe in ordine ad se, ut spes; & in ordine ad alterum, ut charitas. Queritur autem ad quem huiusmodi habituum ordinem revocanda sit Pœnitentia.

Notandum secundò, duplex generatim esse cujuslibet habitus virtutis subiectum, videlicet immediatum, & mediatum: *Primum* est facultas, in qua habitus ille immediatè residet, quamque promptam, & expeditam efficit ad eliciendos suos actus; quod utique subiectum triplex ab aliquibus distinguitur, videlicet intellectus, voluntas, & appetitus sensitivus; Prudentia namque subiectatur in intellectu, Justitia in voluntate, Temperantia verò, & fortitudo secundum S. Thomam in appetitu sensitivo. Verùm reclamationi subtilis Doctor contendens, eam pariter in voluntate recipi. *Secundò*, sunt personæ, seu supposita, in quibus virtutes illæ resident. Queritur ergo quodnam sit subiectum immediatum, & mediatum virtutis Pœnitentiæ, seu in qua facultate, & in quibus personis ipsa resideat.

Notandum tertio, virtutem appetitivam esse habitum, qui voluntatem inclinât ad aliquid volendum, & fugiendum: qui utique duplex generatim assignatur juxta duplicem ordinationem, quam habitus ille intendit: quidam enim ordinat subiectum ad se, nempe

ad rectè volendum ea, quæ spectant ad subiectum in quo residet, quales sunt Temperantia, & fortitudo; istæ namque virtutes ordinant hominem circa ea, quæ ipsi conveniunt: alius verò ordinat ad alterum, nempe ad præstandum, & tradendum ei quod suum est, qualis est Justitia, quæ inclinât habentem ad volendum alteri quod suum est. Unde ex virtutibus quædam sunt, quæ hominem rectum faciunt in seipso absque ulla ordinatione ad aliud, ut temperantia, cujus effectus est moderatio passionum appetitus concupiscibilis in ordine ad seipsum; quædam verò faciunt hominem rectum in ordine ad alterum, ut justitia, cujus munus est hominem regere, ut alteri reddat quod suum est.

His ita observatis duo restant determinanda, nempe quodnam sit subiectum tam immediatum, quam mediatum virtutis Pœnitentiæ.

CONCLUSIO PRIMA.

Virtus Pœnitentiæ residet immediate in voluntate, prout ordinatur ad alterum. Ita Doctor dist. 14. quæst. 2. num. 5. ubi ait: *Pœnitere non est actus alienius virtutis intellectualis; quia est actus appetitivus, ut appetitus, qui imperat intellectui, ut consideret, & voluntati ut desisteret Porro hoc imperare non convenit nisi appetitui, vel voluntati; neque enim aliqua vis sensitiva potest imperare intellectui, & voluntati, & conjungere eos in actibus suis; neque intellectus sibi, & voluntati, sed sola voluntas, sibi, & intellectui imperat.* Hoc est, Pœnitentia est velle vindicare peccatum: sed hoc velle soli voluntati convenit, quia imperare intellectui ut consideret, & voluntati ut desisteret gravitatem offensæ non competit, nisi soli voluntati; non enim convenit potentie sensitivæ; quia nulla facultas sensitiva potest imperare intellectui, vel voluntati; siquidem appetitus sensitivus rationali subijcitur, juxta illud Genesis: *Sub te erit appetitus tuus, & tu dominaberis illi.*

illius; neque etiam convenit intellectui, quia intellectus non potest imperare sibi ipsi, neque voluntati: igitur illud imperium, seu velle vindicare peccatum, spectat dumtaxat ad voluntatem.

Quod utique confirmat Doctor: quia sola voluntas potest imperare, sibi ipsi, nec-non, & intellectui, ut docet S. Augustinus lib. 11. de Trinitate cap. 3. ubi scribit, quod *Voluntas copulat parentem cum prole*, id est, conjungit intellectum secundum speciem intelligibilem cum cognitione actuali; quæ est ejus proles: unde parens cognitionis est memoria secunda, nempe intellectus ab objecto, seu specie intelligibili secundatus: proles autem est actus intelligendi, vel ipsa intelligentia; ita quod voluntas copulat parentem cum prole, dum præcipit intellectui, ut unâ cum objecto producat actum intelligendi: Similiter voluntas sibi ipsi imperat; siquidem nihil est magis in potestate voluntatis, quam ipsa voluntas, id est, ejus actus: igitur cum ad voluntatem spectet imperare, consequens est, quod velle imperativum, seu voluntas vindicandi peccatum, quæ est ipsemet virtutis Pœnitentiæ actus, ad voluntatem, non autem ad intellectum spectet.

Probat secundò Doctor ibidem: Virtus intellectiva ordinatur ad cognitionem veri, ut verum est; virtus enim intellectualis judicat verum esse, vel non esse verum, sive in speculandis, sive in agendis, & dicitur hoc esse speculandum, vel non esse speculandum; agendum, vel non agendum sed Pœnitentia, seu velle vindicare peccatum, non est actus, quo sic dicitur aliquid agendum, vel fugiendum, speculandum, vel non speculandum: sed quo imperetur peccatum esse puniendum: igitur velle vindicare non est actus intellectus, neque appetitus sensitivi, sed voluntatis; ac subinde virtus Pœnitentiæ in sola voluntate residet.

Probat secundum partem ibidem Do-

ctor, nempe quod velle vindicare peccatum à se commissum sit actus virtutis appetitivæ ordinantis ad alterum, cujusmodi est justitia; quia, *inquit*, actum istum vindicandi, potest aliquis eodem modo secundum rectam rationem exercere in alterum, sicut in seipsum: si etiam exerceat in seipsum, non exercet in se, nisi ut in alterum; quia non exercet in se, nisi quantum sibi committitur à Legislatore in istum reum vindicare. Sed accidit, quod iste, cui committitur, ut ministro judicis sit iste reus, quia eodem modo exercet secundum rectam rationem ministri in reum, si esset omnino alius in persona: ergo ista virtus, cujus natus est esse iste actus, continetur sub justitia, prout in generali dicitur justitia omnis virtus ordinativa ad alterum, vel quasi ad alterum. Nec obstat, quod ille in actu isto ordinatur ad seipsum, quia non ad se, nisi ut alterum, ut scilicet minister judicis in reum contra legem, in quem commissæ est sibi auctoritas à Judice.

Ita Doctor, quibus verbis significat, quod quando pœnitens vindicat peccatum à se commissum, agit erga seipsum tanquam si esset persona distincta; ut enim sibi pœnam præscribit, & infligit, refert personam judicis; ut verò illam patitur, reum repræsentat, cui à Judice præscribitur pœna luenda.

Dicit: Pœnitentia est judicium, quo intellectus dicitur pœnam esse pro peccato lubeundam, ut quantum peccator se glorificavit in deliciis, tantum subire debeat tormentum, & luctum: sed judicium istud est actus intellectus, non verò voluntatis: igitur Pœnitentia residet potius in intellectu, quam in voluntate.

Distinguo majorem: est tale judicium præsuppositivè, concedo: formaliter, & entitative, nego. Fateor equidem, quod ad veram Pœnitentiam exercendam,

præ-

prærequiratur, ut intellectus cognoscat peccati malitiam, & gravitatem, quatenus penam luendam pro condignitate dicitur: nam Deuteronomii 25. *Pro mensura peccati eris, & plagarum modus*: Verum in hoc dictamine non consistit ratio formalis Pœnitentiæ, sed ultra requiritur, ut voluntas imperet peccati vindictam per animi dolorem, cordis contritionem, & mortificationem corporis; in quo quidem imperio maximè consistit ratio formalis Pœnitentiæ.

Dices secundo: Pœnitentia ordinatur ad eluendum omne peccatum; sed non potest peccatum eluere, & expellere, nisi sit in eo subiecto, in quo peccatum inest; non enim potest expellere peccatum, nisi quatenus ei contrariatur; habitus autem virtutis, & vitii, sicut, & alia contraria, non censentur oppositi, & incompatibiles, nisi respectu ejusdem subiecti, cui possunt inexistere: igitur ut Pœnitentia peccatum expellat, debet esse in eodem subiecto in quo peccatum residet: at peccatum est in qualibet facultate; nam per cujuslibet facultatis operationem peccatur: igitur Pœnitentia debet in qualibet facultate residere.

Distinguo majorem: Debet eluere, & expellere, formaliter, nego: effectivè concedo: Minorem similiter distinguo: Non potest eluere peccatum formaliter, nisi sit in eo subiecto, in quo peccatum residet, concedo non potest eluere effectivè, & imperativè, nego: unde neganda est consequentia. Cum enim ratio formalis Pœnitentiæ consistat in velle vindicare peccatum, istudque velle ratione dominii voluntatis in alias animi, & corporis facultates, in eas omnes se se extendat, ac suum imperium dirigat; ideo non est necesse quod in eis facultatibus formaliter existat, sed sufficit, quod resideat in voluntate, quæ est princeps, & moderatrix aliarum facultatum. Adde quod peccatum formaliter non existat in alia facultate, quam

voluntate; omne siquidem peccatum eatenus peccatum est, quatenus est liberum.

CONCLUSIO SECUNDA.

Pœnitentia potuit esse in statu innocentie, & in Angelis ac Beatis, saltem secundum aliquam sui rationem; propriè vero ac formaliter est in peccatoribus pœnitentibus post lapsum. Hæc est Doctoris quoad omnes partes, quarum primam declarat *dist. 14. qu. 2. num. 19.* ubi loquendo de Angelis, & primis parentibus in statu innocentie, postquam „ dixit: *Ad tertium* argumentum potest responderi dupliciter. Uno modo, ex quo virtus est in nobis supplementum defectus naturalis (unde non ponuntur virtutes morales à quibusdam in Angelis) nec in statu „ innocentie fuissent tales in natura, „ quales nunc; nec ergo tunc fuisset „ necessitas habendi omnes virtutes, „ quas, & nunc; & hoc specialiter de „ virtutibus, quæ non habent bonum „ pro objecto, sed malum, ut Pœnitentia; quia in statu illo non fuisset illud „ malum, sicut forte nec tunc fuisset „ Patientia; quia nec materia patientiæ; subdit illam sententiam. *Aliter dici potest, quod Pœnitentia est habitus inclinans ad faciliter vindicandum in se reum, & quod in se, hoc est, materiale, quia formalis ratio virtutis esset eadem, si committeretur sibi vindicare in alium reum: Beatus autem, & Innocens possunt habere habitum promptè vindicandi in alium reum: ergo, & in se, si tamen reatus inest, & sic potest concedi, quod in statu innocentie, & Beatitudine manet ista virtus.* Ubi, ut perspicuè manifestum est, Doctor utramque sententiam, tanquam probabilem proponit.

Similiter 3. *dist. 33. qu. 1.* problematice disputat, an in Angelis dentur veræ virtutes morales *Ad primum*, (inquit num. 16.) concedi potest, quod „ si Angelus esset creatus in puris naturalibus, non habens in voluntate vir-

„virtutes morales, possent generari in
 „eo ex multis rectis electionibus, non
 „quidem citra passionem in appetitu
 „sensitivo sibi inexistente, nec etiam
 „quæ infuerunt, vel inerunt, vel pos-
 „sunt inesse; sed solum circa tales pas-
 „siones in universalis ostensas per in-
 „tellectum, quæ ostensione posita, &
 „dictato quid esset eligendum, si pos-
 „sibile esset eas haberi ab eis, volun-
 „tas ejus consona tali dictamini ex
 „multis electionibus posset habere,
 „habitum moralem rectum.

Ira Doctor, quibus satis apertè signi-
 ficat Penitentiam, sicut, & alias virtu-
 tes morales versari posse circa obje-
 ctum, non solum quod est, vel infuit,
 vel inest, aut potest inesse; sed etiam
 circa objectum ipsis proprium, & uni-
 versale. Unde Penitentia, quatenus in-
 clinat voluntatem ad vindicandum,
 peccatum in universali, & abstrahendo
 ab eo quod sit commissum à propria,
 vel aliena persona, nedum in Angelis,
 sed etiam in Adamo esse potuit in statu
 innocentie.

Adde, Penitentiam reverà potuisse
 verè ac propriè reperiri in statu inno-
 centie; cum enim in eo statu Adamus
 potuerit peccare venialiter, ut docet
Doctor in 2. dist. 21. qu. 2. num. 73, pla-
 num est Adamum de illo peccato veni-
 aliter potuisse peccare, ac sumere vin-
 dictam, ut ibidem satis apertè innuit
Doctor. Respondens enim ad secundum
 argumentum in oppositum, quod erat
 de pena arcenda ab eo felici statu, &
 subinde etiam arcendum omne pecca-
 tum veniale, ait: *Alia pena quam mors
 potest respondere veniali, puta displicen-
 tia aliqua, vel aliquid hujusmodi: vel
 potest dici quod pena sibi propriè non cor-
 respondet, sed committens veniale est de-
 bitor severioris actus voluntatis, quam
 prius, qui severè consumeret peccatum
 veniale. Nec obfuisse innocentie Adæ
 habuisse penam debitam veniali præter
 mortem.*

Dices: Scriptura sacra, SS. Patres,
 & Concilia, quoties sermonem insti-
 tuunt de Penitentia, per eam semper
 intelligunt vindictam de proprio pec-
 cato, seu detestationem, & dolorem de
 peccato commissio cum proposito non
 peccandi de cætero: igitur virtus Peni-
 tentie non potest esse in iis, in quibus
 non est peccatum; ac subinde non po-
 tuit esse in Angelis nec in Adamo in
 statu innocentie.

Respondeo id quidem verum esse, quia
 videlicet loquuntur de Penitentia, qua-
 tenus de facto est necessaria dispositio
 ad remissionem peccatorum, non autem
 prout est virtus aliqua moralis incli-
 nans voluntatem ad procurandam,
 æqualitatem inter penam, & culpam,
 quatenus illam usurpat Doctor in se-
 cunda sua responsione, quo sensu peni-
 tentia etiam esse potuit in voluntate
 B. Virginis, imò, & Christi D. circa
 peccatum in universali per intellectum
 ostensum, quæ ostensione posita simul
 cum dictamine ejusdem intellectus circa
 id quod esset eligendum in hypotesi
 quod possibile esset peccatum illud; vo-
 luntas etiam consona tali dictamini,
 posset pluries habere electionem circa
 vindictam peccati, & ex hac multiplici
 electione sibi comparare posset habi-
 tum moralem rectum virtutis Peniten-
 tie, quo illa voluntas inclinaretur ad
 procurandam æqualitatem inter penam
 & culpam, ex hypothesi quod ipsa cul-
 pam admitteret. Unde quamvis volun-
 tas Christi, nec non, & B. Virginis
 esset impeccabilis, nec consequenter
 potuissent habere actum absolutum,
 vindicandi peccatum in se, tamen ha-
 bere potuerunt actum conditionatum,
 diceudo: *Si ego peccassem, vindicarem
 in me peccatum*; cum enim actus illi
 quatenus sunt absolutè elicitè à nobis
 sint veri ac perfecti actus Penitentie, &
 ex talibus in nobis generetur perfectus
 Penitentie habitus: simili ratione ex il-
 la voluntate conditionata generari po-
 tuit

tute in Christo , nec-non in B. Virgine ; quippe cùm nulla appareat ratio disparitatis .

Fateor tamen Pœnitentiam, quatenus significat animi dolorem, ac detestationem de peccato commissio cum proposito non peccandi de cætero; quemadmodum illam describit Concilium Tridentinum *sess. 14. cap. 4.* eamque dividit in contritionem charitate perfectam, & contritionem imperfectam, quæ dicitur attritio, posse dumtaxat existere in voluntate hominis peccatoris : quia ipsi dumtaxat competit præcisus, & hujus Pœnitentiæ actus, nempe velle vindicare peccatum à se commissum cum dolore, & laboriosa satisfactione, nec-non proposito non peccandi de cætero ; ac subinde subjectum denominationis seu mediatum Pœnitentiæ virtutis, quatenus vulgo usurpatur à Theologis esse dumtaxat hominem peccatorem in statu vitæ .

SECTIO SECUNDA .

De necessitate Pœnitentiæ .

TERTULLIANUS lib. de Pœnitentiâ cap. 4. Pœnitentiæ necessitatem, ac summam utilitatem ex divino præcepto commendat : *Audaciam*, inquit, *existimo de bono divini præcepti disputare : neque enim quia bonum est, ideo auscultare debemus ; sed quia Deus præcepit : Ad exhibitionem obsequii prior est majestas divinæ potestatis, prior est autoritas imperantis, quam utilitas fervientis . Bonum est pœnitere, an non ? Quid revolvis ? Deus præcepit : at ille non præcepit tantum, sed etiam hortatur Invitat præmio salutem ; jurans etiam Ezechielis 33. Vivo dicens, cupis credi sibi . O beatos nos, quorum causa Deus jurat ! O miseros si nec juranti Domino credimus ! Quod igitur Deus tantopere commendat : quod etiam humano more sub dejuratone testatur, summa utique gra-*

Tom. X.

vitute, & aggredi, & auscultare debemus ; ut in asseveratione divinæ gratiæ permanentes, in fructu quoque ejus, & emolumento proinde perseverare possimus . Quibus verbis Pœnitentiæ necessitatem ex solo divino præcepto colligit . Quoniam autem duplex solito rerum ad salutem deservientium necessitas occurrit, alia quam appellamus mediæ, altera verò quæ præcepti necessitas dicitur : ideo duplex potissimum hac in Sectione instituenda est questio, utrum videlicet hoc utroque modo Pœnitentia sit necessaria peccatori ad salutem .

QUESTIO PRIMA .

Utrum, & qua ratione Pœnitentia virtutis peccatori sit necessaria ad salutem consequendam ?

Notandum primò, duplicem, ut mox dictum est, quantum ad præsens attinet, esse necessitatem in ordine ad salutem ; nempe finis seu mediæ, & præcepti seu divini mandati . Illud dicitur necessarium necessitate finis seu mediæ, quod est simpliciter necessarium ad vitæ æternæ consecutionem, etiamsi nulla extet obligatio præcepti ; sicut è converso illud dicitur necessarium necessitate præcepti, quod ordinatur ad salutem dumtaxat ex divino præcepto ; unde si quis excusatur à obligatione præcepti, vel propter mentis inopiam, vel propter corporis infirmitatem, poterit absque tali medio vitam æternam consequi : sic infantes, & amentes, propterea quod non sint rationis compotes, salvari possunt absque observantia præceptorum Dei, & Ecclesiæ ; sic pariter infirmi salvari possunt, etsi non facient satis præcepto jejuniandi, à quo excusantur propter infirmitatem .

Notandum secundo, quod ea, quæ sunt necessaria necessitate finis, sunt in duplici differentia : quædam habent necessitatem intrinsecam ex intrinseca con-

A a a

ne-

nexionem, quæ reperitur inter ipsa media, & finem ultimum, nempe vitam æternam, & hoc modo gratia, sive charitas sunt necessaria necessitate finis. Quædam vero sunt necessaria ex sola institutione Dei ita statuentis ac ordinantis medium aliquod tanquam necessarium ad salutem pro aliquo determinato tempore, quod alias ita necessarium non erat: sic Baptismus in lege Evangelica necessarius est ad salutem, cum antea talem necessitatem non induceret, sub lege naturali, & scripta seu Mosaica. Porro inter ista duo media hoc deservit intercedit, quod media prioris generis in omni statu, & omnibus modis sunt necessaria ad salutem æternam: media autem secundi generis non item, sed pro illo statu dumtaxat, pro quo fuerunt instituta. Quæritur ergo utrum Pœnitentia virtus necessaria fuerit ad salutem ex necessitate intrinseca, & in omni statu; an dumtaxat ex ordinatione divina, & pro aliquo statu determinato.

Notandum tertio, quod inter ea, quæ sunt necessaria necessitate finis ex institutione Dei, quædam sunt simpliciter necessaria; ita ut neque per se, neque per accidens vita æterna possit obtineri absque huiusmodi mediis, sic Baptismus in re susceptus necessarius est parvulis; quædam vero sunt quidem per se necessaria ad vitam æternam, per accidens tamen in aliquo particulari casu, vel propter ignorantiam invincibilem, vel quia non adest facultas applicandi ejusmodi media, inde fit quod reddantur non necessaria: ita quod absque huiusmodi mediis adhibitis possit haberi salus; qua ratione Baptismus in re susceptus non dicitur necessarius aliquibus adultis, qui facultatem non habent illum sibi procurandi. Quærimus ergo utrum Pœnitentia virtus, quatenus sumitur vel generatur pro detestatione, & dolore de peccatis, vel speciatim, seu prout est specialis virtus ab aliis distin-

cta, sit per se necessaria ad salutem, & peccati remissionem.

CONCLUSIO PRIMA.

Pœnitentia quatenus est specialis virtus à cæteris distincta, & importat dumtaxat velle vindicare peccatum, non est absolute necessaria ad peccati remissionem. Hæc est Doctoris diss. 14. qu. 2. num. 23. ubi ait: *De secundo principali, scilicet an pœnitere, ut actus virtutis est, requiratur ad deletionem peccati: dico quod non, ut actus unius determinatæ virtutis. Quod utique sic probat: Quia, inquit, pœnitere secundum quamcumque quatuor significationum (puta vindicare peccatum commissum; illud idem peccatum detestari, & acceptare pœnam inflictam, & patienter illam ferre) sufficit, ut probatur autoritate, Ezechielis, 18. & 33. QUACUNQUE HOMO INGENUERIT PECCATOR, &c. actus autem primus, & alii non necessario sunt alienius ejusdem determinatæ virtutis; sed primus iustitiæ, ultimus patientiæ, duo intermediis cujusvisque virtutis appetitiæ: Quibus verbis significat virtutem Pœnitentiæ, quatenus ab aliis distinctam, non esse absolute necessariam, ad remissionem peccati; ac proinde nec absolute necessariam ad salutem, quippe cum peccatum remitti possit non solum per actum amoris Dei, ut dicemus infra, sed etiam per Pœnitentiam generatim sumptam, quatenus importat detestationem, ac dolorem de peccato commissio; quod utique procedere potest ab alia virtute, quam Pœnitentia, ut diximus in superiori Sectione.*

Confirmatur hæc veritas ex divinis testimoniis, quæ quoties meminerunt necessitatis Pœnitentiæ, toties Pœnitentiam exprimunt per aversionem à peccatis, & eorum detestationem, ut videre est apud Concilium Tridentinum sess. 14. cap. 20. ubi colligit varia Scripture testimonia ad astruendam Pœnitentiæ necessitatem, Significat autem c. 4. quænam sit illa Pœnitentia, quam

quam tantoperè necessariam affirmat, *Fuit autem*, inquit, *quodvis tempore ad impetrandam veniam peccatorum hic contritionis motus necessarius*. Declarat autem ibidem quid intelligat per illam contritionem, cum ait, initio capitis: *Contritio animi dolor ac detestatio est de peccato commissio cum proposito non peccandi de cætero*: Unde Contritionem sic definit: *Est animi dolor, & detestatio de peccato commissio cum proposito non peccandi de cætero*. Porro hic dolor, illaque detestatio elici potest à diversis virtutibus, puta Charitate, Spe, Religione, &c. Urde cum Pœnitentia absolute necessaria dicitur, ad remissionem peccati, tum ex Scriptura, tum in Conciliis, tum à SS. Patribus, id per se non debet intelligi de Pœnitentia, prout est specialis virtus à cæteris distincta.

CONCLUSIO SECUNDA.

Pœnitentia generatim sumpta, & quatenus est animi dolor, ac detestatio de peccato commissio cum proposito non peccandi de cætero, fuit necessaria peccatoribus quodvis tempore ad impetrandam veniam peccatorum: Hæc est de fide determinata in Concil. Trid., sess. 14. cap. 1. ubi ait: *Fuit quidem Pœnitentia universis hominibus, qui se mortali aliquo peccato inquinassent, quodvis tempore ad gratiam assequendam necessaria, illis etiam qui Baptismi Sacramentò ablui potuissent; ut perveritate abjectà, & emendatà, tantam Dei offensionem, cum peccati odio, & pio animi dolore detestarentur: unde Propheta ait: Convertimini & agite Pœnitentiam ab omnibus iniquitatibus vestris, & non erit vobis in ruinam iniquitas. Dominus etiam dicit: Nisi Pœnitentiam egeritis, omnes similiter peribitis. Et Princeps Apostolorum Petrus peccatoribus Baptismo initiandis Pœnitentiam commendans, dicebat: Pœnitentiam agite, & baptizetur unusquisque vestrum*.

Hanc conclusionem luculenter declarat Doctor diff. 14. quæst. 1. num. 9.

ubi loquens de remissione peccati mortalis, ait: *Secundo dico quod non remittitur sine pœna æquivalente in acceptatione divina; quia per quodcumque peccatum offenditur Deus, sicut Scriptura satis clamat: offensam autem ejus, vel ira (ut dictum est) ejus velle vindicare, vel aliquid sufficiens ad placandum exigere: ergo posito quocumque peccato, Deus vult vindicare de peccante: sed velle vindicare est velle punire: ergo post peccatum commissum ad ejus deletionem requiritur aliqua punitiō, vel æquivalens in acceptatione divina. Et infra: De potentia ordinaria ista est via universaliter præfixa à lege divina ordinante, scilicet, peccatum punire per pœnam, tanquam per proprium correspondens. Præterea num. 10. De re, inquit, est ista conclusio, quod ad deletionem peccati regulariter requiritur pœna, vel punitiō voluntaria*.

*Dicitur primò: Christus D. pluries peccata dimisit absque ulla prævia Pœnitentia: igitur ad remissionem peccati de via ordinaria non est necessaria Pœnitentia. Probat*ur antecedens ex Lucæ 7. ubi legimus, quod cum aliqui homines paraliticum portantes eum deposuissent per tectum ante Jesum, ei dixit: *Homo remittuntur tibi peccata tua*. Similiter Joannis 8. mulier adultera, cui Christus peccata dimisit, nulla dedit antea Pœnitentiæ signa, ubi enim ab ea requisivisset: *Nemo te condemnavit?* Illaque respondisset: *Nemo Domine: statim dixit: Nec ego te condemnabo, vade, & noli amplius peccare*; igitur ad peccati remissionem non est necessaria Pœnitentia.

Nego consequentiam, & ad antecedens dico primò quidem Christum D. per absolutam suam, & divinam in peccatis dimittendis auctoritatem potuisse peccata remittere, & condonare absque prævia formali Pœnitentia, sed solum

virtuali quam utique virtualement habebat ille paraliticus quippe fides, & spes in ipso maximè elucebat nam de eo legitur *Matth. 9.* quòd D. ipsi dixerit: *Confide fili, remittuntur tibi peccata tua.* Illa enim vox *confide*, non innuit tantum portantium fidem, & fiduciam, sed, & ipsius paralitici spem veniæ ex fide, quia nisi credidisset, & confusus esset nequaquam passus fuisset se dimitti per regulas; ideoque cum fides, & spes in peccatore Pœnitentiam efficiant; videtur ille Pœnitentiam saltem virtualement habuisse.

Ad secundum dico, mulierem illam habuisse pariter Pœnitentiam, & dolorem de peccato commissio, ut innuit S. Ambrosius epist. 72. ubi ait: Mulier adultera meruit absolvi, quæ recedentibus Judæis accusatoribus suis sola cum Christo remansit, ex ea quippe remissione videtur confessæ crimen, & testata per sinceram Pœnitentiam.

Dices secundò: Christus D. *Lucæ 11.* ait: *Date elemosynam, & ecce omnia munda sunt vobis.* Et *Matth. 6.* Si dimiseritis hominibus peccata eorum, ita Pater vester cœlestis dimittat vobis peccata vestra: Igitur ad remissionem peccati de via ordinaria non requiritur Pœnitentia.

Nego consequentiam: Perfecta enim charitas peccatis opponitur, & ea destruit extra Sacramentum, non autem imperfecta; perfecta autem charitas Pœnitentiam aut supponit, aut facit, aut saltem virtualiter complectitur: unde dum elemosynarum largitio, & injuriarum condonatio dicuntur habere vim remittendi peccata; necessariò supponunt perfectam charitatem; ac subinde Pœnitentiam saltem virtualement.

Dices tertio: Quod Deus potest in pueris, potest etiam in adultis; non enim minor est ejus virtus erga adultos, quàm circa infantes: atqui Deus peccata remittit infantibus absque Pœnitentia; ergo etiam in adultis.

Distinguo majorem: Circa ea, quæ sunt ex æquo utrisque communia, concedo: secus, nego: non est autem par ratio de justificatione infantis, & adultis; in infantibus enim tantum est originale peccatum, quod non consistit in actuali deordinatione voluntatis, sed dumtaxat in habituali quadam naturæ depravatione; quare peccatum iis remittitur, cum sola habituali immutatione per infusionem gratiæ, & virtutum; non cum actuali per exercitium alicujus actûs. Secus verò est de adulto, in quo sunt actualia peccata, quæ cum consistant in actuali deordinatione voluntatis, ut remittantur etiam per Baptismum, prærequirunt actualem voluntatis immutationem, quæ non fit nisi per Pœnitentiam.

CONCLUSIO TERTIA.

Remitti potest peccatum mortale, per solam Pœnitentiam virtualement, puta per actum eximie ebaritatis, in quo virtualiter dolor de peccatis includitur. Hec est communior contra Sotum in 4. dist. 15. quest. 1. art. 2. ubi docet Pœnitentiam formalem ita necessariò præquiri ad remissionem peccati, ut ad id nullus sufficiat charitatis actus, quantumvis egregius, exceptò actus Martyrii. Nec-non, & contra Canum, qui relect. de Pœn. p. 3. §. de charitate, nequidem excipit actum martyrii. Probatur primò autoritate Christi D. dicentis Joan. 14. *Qui diligit me, diligitur à Patre meo, & ego diligam eum, &c.* Et *Matth. 10.* *Qui confessus me fuerit coram hominibus, confitebor, & ego eum coram Patre meo...* *Qui perdidit animam suam (id est, corporis vitam) propter me, inveniet eam.* Quibus aperte significat actum amoris, nec-non, & martyrii sufficere ad salutem, & remissionem peccatorum. Eandem veritatem explicat Doctor num. 17. ubi loquens de Pœnitentia, quam dixerat esse necessariam, ad remittenda peccata, ait: *Intelligitur etiam conclusio de requiri non*

non simpliciter necessariò, cujus oppositum includit contradictionem; quia posset Deus remittere sine omni actu illius, cui remittitur, sed nec de requiri necessariò supposito actu hominis, cui remittit; posset enim Deus per aliquem motum ferventem dilectionis in Deum absque quocunque quatuor prædictorum actuum, sub propria ratione, utpote in actu fervoris ad martyrium statim sustinendum, ubi forte non esset cogitatio de aliquo peccato mortali prius commisso, nec per consequens aliud quod *pœnitere* prædictum; & hoc formaliter, licet virtualiter in illo motu esset *pœnitere*, juxta secundam significationem.

Et istud probatur, quia nullus excluditur à regno cœlorum, qui facit illud quod simpliciter est necessarium: sed est possibile aliquem usque ad instantem *A*, existentem in peccato mortali ab instanti *A*, necessitari ad toto corde insistentem circa actus distrahentes à cogitatione de peccato commisso, utpote statim exposito martyrio arctissimo. Et propter hoc dictum est in conclusione, quod requiritur ad hoc, ut peccatum mortale regulariter deleatur: quia dicitur regulariter fieri, quod fit secundum regulas determinatas à Sapientia divina, quarum hæc est una: Quòd peccatum commissum non deleatur sine displicentia de peccato commisso: quæ apparet multum rationabilis; quia sicut peccatum avertit à fine, convertit ad creaturam: ita rationabile est, quòd non deleatur, nisi per motum oppositum avertentem à peccato, sive à creatura, ut circa illam fuit peccatum, & convertentem ad Deum. Ad hoc autem, quod est displicere de peccato commisso, possunt reduci alia tria membra ejus, quod est punire, &c.

Quibus omnibus Doctor tria docet:

Primum quòd Pœnitentiæ de via ordinaria necessaria sit ad peccati remissionem; quoniam videlicet Deus ita statuit, ut non fieret peccati remissio secundum communem, & ordinariam rerum dispositionem.

Secundum, quòd de potentia absoluta Deus posset condonare peccatum absque ullo actu doloris, aut detestationis ex parte pœnitentis: quod utique insuper confirmari potest: Tum quia Pœnitentiæ antecedens infusionem gratiæ, & peccati remissionem habet tantum rationem dispositionis congruæ ex ordinatione divina, si enim ex natura rei requireretur, sequeretur quòd infantibus non posset conferri gratia Baptismalis: quippe cum non possint habere actus Pœnitentiæ, quam ante Baptismum exercere tenentur adulti; ac subinde tantum actus illi requiruntur ad justificationem ex ordinatione divina: sed quod requiritur dumtaxat ex ordinatione divina, amoveri potest de potentia extraordinaria: igitur independenter ab eis actibus pœnitentis Deus potest conferre gratiam sanctificantem, & remissionem peccati. Tum quia justificatio, ut definit Concilium Tridentinum, includit de facto remissionem peccati, & infusionem gratiæ, seu renovationem interioris hominis: sed neutrum illorum consistit in actu peccatoris, ut optimè observat Hiquerus in Commentario ad præfata verba Doctoris; quia remittere peccatum præcisè convenit Deo, sicut & gratiam infusionis gratis: igitur sine actu peccatoris fieri potest justificatio. Tum denique quia si esset aliqua connexio absolute necessaria inter actus pœnitentis, & justificationem, maxime in ratione meriti, aut satisfactionis: sed neutrum dici potest. Non quidem primum, alioquin peccatores justificationem mereantur, nec illa fieret gratis, contra Concilium Trid. sess. 6. ca. 8. Non etiam secundum; potest enim Deus per absolutam

tam

tam suam potentiam non exigere talem satisfactionem, & eam ex clementia gratis relaxare peccatori: igitur, &c.

Tertio tandem docet Doctor etiam interdum fieri justificationem, & peccatorum remissionem per solum actum dilectionis Dei super omnia sine dolore expresso, & formali Pœnitentia de peccato, ut constat exemplo hominis, qui inopinato casu raperetur ad martyrium, & oblitus esset alicujus peccati mortalis, cujus non recordaretur, dum æstuanti charitatis igne flagrans martyrium subiret; eo namque in casu hic homo justificaretur per actum charitatis, justificaretur per martyrium, absque actu formalis pœnitentiæ.

Confirmatur illis omnibus Scripturæ testimoniis, in quibus formali dilectioni Dei tribuitur efficacia remissionis peccatorum, nulla facta mentione pœnitentiæ, seu doloris, aut detestationis de peccato. Sic *Lucæ 7. Remittuntur ei peccata multa, quoniam dilexit multum, cui autem minus dimittitur, minus diligit.* *Proverb. 8. Ego diligenter me diligo.* *Eccl. 34. Oculi Dei in diligenter se.* *Joan. 1. cap. 4. Omnis qui diligit, ex Deo natus est.* Et *vers. 16. Deus charitas est, & qui manet in charitate, in Deo manet, & Deus in eo.* *Joan. 14. Qui autem diligit me, diligitur à Patre meo.* Et *vers. 23. Si quis diligit me, sermonem meum servabit, & Pater meus diliget eum, & ad eum veniemus (per gratiam sanctificantem) & apud eum mansionem faciemur.* *Zach. 1. Convertimini ad me ait Dominus exercituum, & ego convertar ad vos, dicit Dominus exercituum.* Quis autem sanæ mentis dubitare potest, quin per solum amorem Dei propter se super omnia, homo perfectè convertatur ad Deum? Ubi ergo Dominus bonus est, non sit nequam oculus noster, invidens remissionem peccatorum his, quibus Deus illam promisit.

Nec obstat quòd in aliis locis Scriptura meminerit pœnitentiæ, tanquam ne-

cessariæ ad remissionem peccatorum? *Exechielit 28. Convertimini, & agite Pœnitentiam ab omnibus iniquitatibus vestris, & non erit vobis in ruinam iniquitas.* *Luc. 13. Nisi pœnitentiam habueritis, omnes simul peribitis.* *Act. 2. Pœnitentiam agite, & baptizetur unusquisque vestrum.* Hoc, inquam, non obstat, quia commodè intelligi possunt, vel de pœnitentia formali, & explicita, vel de actu illi æquivalente, qualis est actus dilectionis Dei super omnia, alioqui cui nullum peccatum occurreret in genere, vel in specie, quod esset detestandum, non posset justificari, nec per consequens salvari.

Non abnuo tamen in actu amoris super omnia contineri actum pœnitentiæ virtualiter; *Tum quia* ad illum determinat data occasione, repugnat enim stare perfectam charitatem cum consideratione peccati, quin habeatur dolor de peccato, quatenus est offensa Dei: *Tum quia* actus amoris Dei super omnia totum motivum istius doloris continet, nam amare Deum super omnia, est amare illum super omne peccatum: insuper est illum præferre omnibus non solum pro tempore futuro, & præsentī, sed etiam pro præterito, ac proinde ibi est implicite nolle peccasse, hoc autem est, odio habere, quod peccaverit, ac dolere se fecisse illud; igitur talis actus amoris Dei sufficiet ad justificationem.

Dicer: Non minus pœnitentia necessaria est peccatori ad salutem, quam fides in fideli: sed fides est necessaria necessitate medii; itaut sine fide impossibile sit placere Deo; igitur etiam sine pœnitentia formali impossibile est peccatorem justificari.

Nego majorem: Quamquam enim pœnitentia sit necessaria peccatori necessitate medii de via ordinaria ad justificationem, sicut & fides infideli: tamen hoc intercedit discrimen inter fidem, & pœnitentiam, quòd fides non possit sup-
ple-

pleri per aliquem alium actum, in quo virtualiter contineatur, sicut Pœnitentia suppleri potest per actum dilectionis Dei, in quo virtualiter continetur.

Instabis: Actus dilectionis, vel ideo sufficit ad justificationem sine formali pœnitentia, quia ex natura sua habet repugnantiam ad peccatum per modum formæ, vel quia ex voluntate divina acceptatur, ut meritum de congruo: sed neutrum dici potest: Non primum, alioqui formaliter iustificaret, & non solum dispositivè. Non etiam secundum: nam exinde sequeretur, quod conferret ad justificationem, & ad eam requireretur secundum ordinariam Dei dispositionem, quod utique non est verum.

Respondeo, actum dilectionis censi sufficientem dispositionem ex divina voluntate, sicut & pœnitentiam, cujus efficacia desumitur ex radice charitatis, quando est perfecta. At hæc Dei dilectio super omnia nunquam est cum consideratione, & memoria peccati, quin annexam habeat pœnitentiam in viatore alicujus criminalis reo: nemo enim Deum diligit super omnia quin vehementer doleat, quod illum offenderit, quo in casu uterque actus concurrat ad justificationem.

CONCLUSIO QUARTA.

Pœnitentia quatenus est animi dolor, ac desectatio de peccatis, est necessaria ad remissionem peccatorum, ita quod non sufficiat veteris vite abjectio, & novæ instauratio. Hæc est contra Lutherum, ut apparet ex ejus articulis damnatis per sacram Facultatem Parisiensem, quorum hic unus erat: *Contritio, quæ paratur per discussionem, collectionem, & detestationem peccatorum, quæ quis recogitat annis suis in amaritudine animæ suæ, ponderando peccatorum gravitatem, multitudinem, seditatem, amissionem eternæ beatitudinis, ac eternæ damnationis acquisitionem: hæc, inquam; Contritio facit*

hominem hypocritam, imò magis peccatorem: Quam utique propositionem, sic damnat sacra Facultas. Hæc propositio est falsa, viæ ad pœnitentiam impeditiva: Scripturis sacris, & doctrinæ Sanctorum dissimilis.

Et meritò quidem; enim verò Scriptura sacra oraculis testatur necessariam esse pœnitentiam ad placandam divinam indignationem, & assequendam peccati remissionem. Sic Ezechielis 18. Si autem impius egerit Pœnitentiam ab omnibus peccatis suis, quæ operatus est, & custodierit omnia præcepta mea, & fecerit judicium, & justitiam; vita vivet, & non morietur: omnium iniquitatum ejus, quas operatus est, non recordabor. Quibus verbis Deus spondet peccati remissionem homini pœnitenti, & judicium, ac justitiam facienti: peccatorem autem pœnitentem facere judicium, & justitiam, nihil aliud est, quàm vindicare peccatum, & facere Deo satis per debitam satisfactionem, & revocationem à creaturis, ac conversionem ad Deum, quæ revocatio, & conversio maximè fieri debet per opera laboriosa, ac pœnalia, juxta illud Dei apud Joëlem monentis oraculum. Convertimini ad me in toto corde vestro, in jejuniis; & in fletu, & in planctu, & scindite corda vestra, &c. Hæc autem, cordis contritio, & planctus non est dumtaxat de novæ vite instaurazione, sed maxime de peccatis purgandis, juxta illud Apocal. 2. ubi Joannes jubetur scribere ad Episcopum Ephesi nomine Dei. Habeo adversum te, quoddam charitatem primam reliquisti, memor esto itaque unde excideris, & age pœnitentiam, & prima opera fac: sin autem venio tibi, & movebo candelabrum tuum de loco suo, nisi pœnitentiam egeris. Quibus verbis ad salutarem pœnitentiam non solum præcipitur vitæ innovatio, sed & præteritæ recordatio, ac planctus.

Quapropter David Psal. 50. non solum exorat pro præsentis, & futuro Cor-

mun-

mundum crea in me Deus, & Spiritum reſectum innova in viſceribus meis: ſed pro præteritis inſinuat: Miſerere mei Deus ſecundum magnam miſericordiam tuam... Quoniam iniquitatem meam ego cognoſco, & peccatum meum contra me eſt ſemper. Unde Chriſtus Luca 13. non ſolum à peccatore exigit novæ vitæ inſtitutionem, ſed etiam prioris vindictam, & emendationem, cum ait: Niſi pœnitentiam egeritis, omnes ſimul peribitis. Pœnitentiæ autem nomen ſignificat pœnam tenere, non tenetur autem pœna propter inſtitutionem novæ vitæ, quæ bona eſt, ſed propter malitiam præteritæ; pœna enim non natiſcitur, niſi ex malo nolito.

Igitur meritò Concilium Tridentinum ſeſſ. 14. cap. 4. ſermonem faciens de Contritione ait: *Declarat ſancta Synodus hanc contritionem non ſolum ceſſationem à peccato, & novæ vitæ propoſitum, & inchoationem: ſed veteris etiam odium continere, juxta illud, Projicite à vobis iniquitates veſtras, in quibus prævaricati eſtis, & facite vobis cor novum, & ſpiritum novum. Unde Can. 5. proſcribens Lutheranorum dogma, ait: Si quis dixerit eam contritionem, quæ paratur per diſcuſſionem, collectionem, & deteſtationem peccatorum, qua quis recogitat annos ſuos in amaritudine animæ ſuæ, ponderando peccatorum ſuorum gravitatem, multitudinem, ſeditatem, amiſſionem æternæ beatitudinis, æternæ damnationis incurſum, cum propoſito melioris vitæ, non eſſe verum, & utilem dolorem, nec preparare ad gratiam, ſed facere hominem hypocrytam, & magis peccatorem, demum illam eſſe dolorem coactum, & non liberum, ac voluntarium, anathema ſit.*

Eamdem veritatem docent SS. Patres, imprimis S. Cyprianus in libello de lapſis, ubi ſpondet quidem fidelibus, qui in idolatriam lapſi fuerant, ſui errati veniam, dummodò illam laborioſa Pœnitentia exorent; Putas, inquit,

tu Dominum citò poſſe placare, quem verbis perſidis abſnuiſti &c. Putas facile cum miſceri tui, quem tuum non eſſe dixiſti? Orare oportet eum impenſus, & rogare, diem luctu tranſgredere, vigiliis nodis, ac ſletibus ducere, tempus omne lacrymoſi lamentationibus occupare, ſtratos ſolo adbare cineri, in cilicio & ſordibus volutari, poſt indumentum Chriſti perditum, nullum jam hic velle veſtitum, poſt diaboli cibum malle jejunium, juſtis operibus incumbere, quibus peccata purgantur, eleemoſynis frequenter inſiſtere, quibus à morte anima liberantur. Et paulo poſt: Si precem, quis toto corde faciat, ſi veris Pœnitentiæ lamentationibus, & lacrymis ingemſcat, ſi ad veniam delicti ſui Dominum juſtis, & continuis operibus inſeſcat, miſereri talium poteſt, &c. poteſt ille indulgentiam dare, ſententiam poteſt ille deſcendere.

Subjungit S. Ambroſius lib. 1. de Pœnitentia cap. 4. *Expeſtat gemitus noſtros, ſed temporales, ut remittat perpetuos: expeſtat lacrymas noſtras, ut profundat pietatem ſuam. Et lib. 2. cap. 5. Qui agit pœnitentiam, non ſolum diluere lacrymis debet peccatum ſuum, ſed etiam emendationibus ſanctis operire, & tegere delicta ſuperiora, ut non ei imputetur peccatum; ergo tegamus lapſus noſtros poſterioribus ſanctis, mundemus ſletibus, ut audiat nos Dominus Deus noſter ingemifcentes, &c.*

Idem præcipuè docet S. Auguſtinus variis in locis, maxime ſerm. 34. de diverſis cap. 12. *Sunt quædam, inquit, gravia, & mortifera, quæ niſi per vehementiſſimam moleſtiam humiliationis cordis, & contritionis ſpiritus, & tribulationis Pœnitentiæ non relaxantur. Unde ſerm. 4. de communibus, Pœnitentiam ſic definit: Eſt pœnitentia medicamentum vulneris, ſpes ſalutis, per quam Deus ad miſericordiam provocatur, Pœnitentiæ à pœna nomen accepit, quia anima cruciatur, & caro mortifica-*

atur. Unde serm. 7. de tempore præclarè ait; *Multi assidue se dicunt peccatores, & tamen adhuc delectant eos peccare. Professio est, non emendatio. Accusatur anima, & non sanatur. Pronuntiatur offensa, sed non tollitur. Pœnitentiam certam non facit, nisi odium peccati, & amor Dei. Quando fit ut tibi amarum sapiat in anima, quod ante in vita fuit dulce, & quod te prius delectabat in corpore, ipsum te cruciat in corde: jam tunc bene ingemisces ad Deum, & dices: Tibi soli peccavi, & malum coram te feci: Bene tibi soli peccavi: quia nullus hominum sine peccato. Et ideo tibi soli peccavi: quia tu solus es sine peccato. Da misericordiam misero, qui tandiu pepercisti criminoso. Inclinet ad remedium humilitas pœnitentis, quem permovere non potuit diuturnitas peccatoris. Dic illi in fletu cordis, Aspice ad infelicem pietas immensa, Respice crudellem misericordia publica. Desperatus ad omnipotentem venio, vulneratus ad medicum curro. Serua pietatem mansuetudinis, qui tandiu suspendisti gladium ultionis. Dele numerositatem criminum, multitudo misericordiarum.*

Idem docent ceteri SS. Patres, qui ad veram, & sinceram pœnitentiam, non solum vitæ novæ institutionem, sed etiam prioris expiationem requirunt. Cujus utique præclaram hanc rationem subministrat Tertullianus cap. 9. libri de pœnitentia, nempe quod nostra Pœnitentia debeat vices gerere divinæ Justitiæ, idcirco peccatorem punire debet, & dolore ac lacrymis priora delicta emendare; Hæc omnia, inquit, „ Exomologesis, ut pœnitentiam com-
„ mendet, ut de periculi timore Do-
„ minum honoret, ut in peccatorem
„ ipsa pronuntians pro Dei indigna-
„ tione fungatur, & temporali affli-
„ ctione æterna supplicia non dicam,
„ frustretur, sed expungat. Et cap. 11.
„ Deliqui dicito in Deum, & periclitor
„ in æternum perire. Itaque nunc pen-

Tom. X.

„ deo, & maceror, & excrucior, ut
„ Deum reconciliem mihi, quem de-
„ linquendo læsi. Et initio cap. 12. Si
„ de Exomologesi retractas, gehennam
„ in corde consideras, quam tibi
„ Exomologesis extinguet, & pœnæ
„ prius magnitudinem imaginare, ut
„ de remedii adeptione non dubites.
„ Et paulo post, Exomologesim in ef-
„ fectu suo, & efficacia comparat Ba-
„ ptismo; Igitur, inquit, cum scias
„ adversus gehennam post prima illa
„ instructionis Dominicæ monimenta
„ esse adhuc in Exomologesi secunda
„ subsidia, cur salutem tuam deferis?
„ Cur cessas aggredi, quod scias me-
„ deri tibi? Exomologesim autem accipit
„ pro actu externo, & pro laboribus om-
„ nibus, quibus Ecclesia Peccatorum pur-
„ gat, ut ipse eam definierat cap. 9. paulo
„ ante verba primùm relata, ad quæ spe-
„ ctant, hæc omnia, &c.

Idem docet S. Ambrosius ad Virginem
lapsam cap. 8. ubi descriptis afflictioni-
bus, & laboribus, quos pœnitendo sub-
bire debet, subdit; *Peccator ergo si sibi
ipsum non pepercit, à Deo illi parcitur, &
si futura pœnæ gehennæ præcipui in
hoc parvo vitæ spatio compensaverit, se-
ipsum ab æterno iudicio liberat. Sub-
scribit S. Prosper lib. 2. de vita contem-
plativa cap. 7. de Laicis, qui ultra cri-
mina continentur, & de eis Pœnitentiam
libenter suscipiunt; Quod si ipsi
Judices fiant, & velut sue iniquitatis
ultores hic in se voluntariam pœnam se-
verissimæ animadversionis exercent,
temporalibus pœnis mutabunt æternæ
supplicia, & lacrymis ex vera cordis
compunctione fluentibus resinguent æter-
ni ignis incendia. Concludendum ergo
cum S. Petro Damiano cap. 2. libri
quem inscripsit Gomorrhianus; Quis-
quis quolibet eorum modo, quos supra
distingimus nefandæ turpitudinis se
contagione sœdaverit, nisi fructuosæ pœ-
nitentiæ fuerit satisfactione purgatus,
nunquam habere Dei gratiam poterit,*

B b b

nun-

nunquam Christi corpore, & sanguine dignus erit, nunquam celestis patriæ limen intrabit.

Obiicit Lutherus varia Scripturæ, oracula, in quibus Deus nihil aliud à peccatore exigit, quàm cessationem à peccatis, mandatorum observationem, & vitæ novæ institutionem; Sic *Isaiæ 55. Quærite Dominum, dum inveniri potest; invocate eum, dum prope est: derelinquat impius viam suam, & vir iniquus cogitationes suas, & revertatur ad Dominum, & miserebitur ejus, & ad Deum nostrum; quoniam multus est ad ignoscendum.* Sic *Matth. 19.* Christus homini petenti, quid opus esset ad salutem, respondet: *Si vis ad vitam ingredi, serva mandata: nullum autem est mandatum in toto Decalogo, quod nobis præcipiat vitæ prioris recordationem, seu detestationem; ergo ad remissionem peccati satis est, quòd homo novam vitam instituat, & ambulet in via mandatorum Dei.* Similiter ad *Galatas 5. & 6.* In Christo Jesu neque Circumcisio aliquid valet, neque præputium, sed nova creatura; igitur ad peccatorum veniam obtinendam non est necessaria detestatio prioris vitæ, sed sufficit innovatio præsentis, & futuræ.

Nego consequentiam, & ad primum oraculum dico opus esse impio, quòd derelinquat vias suas, non tantum negativè desistendo dumtaxat à peccatis, sed positivè, videlicet per propositum cavendi deinceps à peccato, quod utique propositum refertur ad Contritionem, & vitæ prioris detestationem; ille enim quiescere, seu deserre peccata dicitur proptèr, cui peccata displicent, & qui dolet se illa admisisse, quæ deserere peroptat.

Ad secundum nego minorem, nam, ut apparebit quæstione sequenti, præceptum de agenda Pœnitentia includitur saltem virtualiter in præcepto de diligendo Deo: non potest enim quis

Deum perfectè diligere, quin velit ablatum illius honorem resarcire, & ei debitam satisfactionem impendere.

Ad tertium dico, valere quidem ad salutem novam vitam per gratiam instauratam; at illa non potest esse perfectæ, quin præsupponat detestationem prioris, & debitam satisfactionem Deo pro injuriis illatis impendendam.

QUÆSTIO SECUNDA.

Utrum sit præceptum aliquod de agenda Pœnitentia, & quando implendum?

Notandum primò, Præcepta divina esse in duplici differentia: quædam enim sunt negativa, alia verò affirmativa. *Negativa* sunt, quæ verbis negativis exprimuntur, & remouent ab actione; *affirmativa* autem, quæ actionem aliquam imperant, & stimulant ad actum aliquem ponendum. Porro inter utrumque hoc maximum discrimen intercedit, quod negativa obligant semper, & pro qualibet temporis differentia, non solum quantum ad animi præparationem, & affectum, sed etiam quantum ad actum negativum. Sic v. g. præceptum de non furando obligat non solum ad nusquam habendum propositum furandi, sive ad semper habendum propositum non furandi; sed etiam obligat ad nusquam committendum furtum: Præceptum verò affirmativum obligat quidem semper, quantum ad præparationem, & effectum animi; non ita quantum ad exercitium actus affirmativi: id enim dumtaxat exigit tempore à Deo, vel Ecclesia determinato: Sic præceptum honorandi parentes, obligat quidem semper quantum ad illum animi affectum; quo semper tenemur habere illam animi propensionem erga honorem, observantiam, & obsequium eis exhibendum tempore congruo; non tamen semper obligat ad actum, sed tan-

tantum pro illa tēporis differentia, in quo parentes illi nostro egere possunt adminiculo, & subsidio. Queritur ergo utrum de agenda pœnitentia sit aliquod præceptum affirmativum, aut negativum.

Notandum secundò; quòd omne præceptum affirmativum secum importat unum negativum de non eliciendo actum contrario huic præcepto; sic præceptum honorandi parentes includit præceptum negativum eos nusquam inhonorandi, sive contumeliis afficiendi verbo, aut facto. Dixi de *actu contrario*, præcepta enim affirmativa non important negationem actus contradictorii, siquidem præceptum fidei v. g. includit quidem negationem infidelitatis, hoc est præceptum negativum, ne simus infideles, habendo actum fidei contrarium, prohibet enim infidelitatem positivam, verum non prohibet negativam, aut privativam, qualis est in illis, quibus nondum affulsit lex Evangelii, nec quidquam de Christo D. audierunt; similiter præceptum de diligendò Deo includit quidem negativum contrarium de nusquam odiendo Deum, non autem includit contradictorium: nempe, nusquam esse non amans Deum, inde enim sequeretur, quod teneremur ad continuum actum amoris Dei; quod utique videtur impossibile.

Notandum tertio; Præcepta divina posse dupliciter impleri, nimirum vel quantum ad substantiam actus præcepti, vel quantum ad finem præcipientis; Sic v. g. qui jejunit in statu peccati mortalis, implet quidem præceptum, quantum ad substantiam actus, nempe abstinentiam ab esu carniū, nec non ad parsimoniam cibi, aut potus, non tamen implet quantum ad finem præcipientis, nempe Dei intendentis, quod jejunium istud sit meritorium vitæ æternæ, propter quam comparandam præcipitur. Hinc in quolibet præcepto

duplex exurgit obligatio: alia quidem ex parte operis, altera verò ex parte finis, propter quem actus debet elici. Movetur ergo difficultas, an utroque hoc modo sit aliquod præceptum de Pœnitentia agenda, & quomam tempore illud obliget. Unde duo hic maxime sunt determinanda: *Primum*, quòd de pœnitentia agenda sit aliquod præceptum divinum: *Secundum*, quando illud impleri debeat, an videlicet statim post admissum peccatum, an verò dumtaxat diebus festis, aut in manifesto mortis periculo.

CONCLUSIO PRIMA.

Tenetur peccator sub præcepto agere Pœnitentiam; ita quod novum peccatum committat si illam neglexerit, tempore quo tenetur exercere. Ita conveniunt omnes Doctores Catholici cum (Subtili, *dist. 17. qu. unica, nu. 13.* ubi ait: Quicumque primam gratiam amisit, tenetur de necessitate præcepti, & hoc illius, *Diliget Dominum Deum tuum, &c.* agere quantum in se est, ad ejus recuperationem, & etiam virtute illius præcepti, *Diliget teipsum*; Sed iste peccator in peccato mortali amisit primam gratiam, & potest eam recuperare suscipiendo Sacramentum Pœnitentiæ ab illo arbitrio, quia hoc est institutum, ut remedium efficax ad recipiendam primam gratiam, ex illo verbo Joan. *Quorum remisistis peccata, &c.* & sic concluditur necessitas præcepti confessionis, non ex isto verbo tantum, *Quorum remisistis peccata, &c.* sed ex isto, & illo præcepto, *Diliget Dominum Deum tuum, &c.* simul juncto. Quibus verbis Doctor declarat Sacramentum pœnitentiæ ex præcepto esse suscipiendum, ac subinde etiam ex præcepto esse agendam Pœnitentiam per eandem rationem.

*Probat*ur itaque autoritate Scripturæ sacræ: Primò quidem ex illo *Luce 13. Nisi Pœnitentiam habueritis, om-*

ne simul peribitis. Quæ utique verba non solum significant Pœnitentiam esse necessariam ex parte mediæ, ut volunt aliqui, sed etiam necessitate præcepti; nam Doctores Catholici colligunt præceptum de suscipiendo Baptismo in re, vel in voto ex illo Joannis 3. *Nisi quis renatus fuerit ex aqua, &c.* Nec non præceptum de suscipienda Eucharistia, ex Ioan. 6. *Nisi manducaveritis carnem filii hominis, &c.* ergo cum idem sit loquendi modus Scripturæ de agenda pœnitentiæ, idem pariter præceptum inferri debet.

Fateor tamen oraculum istud magis insinuare Pœnitentiæ necessitatem sub ratione mediæ, quàm sub ratione præcepti, ita quod omnes peccatores, qui non egerint pœnitentiam necessario perituri sint, non quidem propter peccatum impenitentis, sed propter peccata præterita non remissa. Unde verius dicendum existimo cum Doctore, quod præceptum de agenda pœnitentiæ potius deducatur ex dilectione Dei & nostri; nam ex præcepto dilectionis nostri tenemur nobis procurare beatitudinem æternam, & consequenter ad amovenda ea omnia, quæ ab ejusmodi consecutione remonent, qualia sunt peccata, quæ dumtaxat per pœnitentiam possunt elui. Idem pariter colligitur ex dilectione Dei; siquidem Christus D. Joan. 14. dixit: *Si quis diligit me, sermonem meum servabit, &c. Pater meus diligit eum.* Fieri autem non potest, quod peccator velit reverà amare Deum; non autem velit implicite amorem Dei erga se; adeoque tollere omne illud, quod divinum illum amorem impediret; nec sane videretur finire amare Deum, qui nollet amovere, cum potest, id quod novit Deo summopere displicere, & istius aversionem ac odium erga se provocare.

Unde ex ratione D. Floris superius expressa sic in forma probatur conclusio: Quicumque gratiam sanctificantem, &

divinam amicitiam perdidit, tenetur ex necessitate præcepti de diligendo Deo, agere quantum in se est, ad ejusmodi divinæ gratiæ, & amicitis recuperationem; sed peccator per mortale peccatum gratiam, & amicitiam Dei perdidit, nec utramque recuperare potest, nisi pœnitentiam egerit; igitur ex illo præcepto de diligendo Deo simul juncto cum necessitate agenda pœnitentiæ, colligitur præceptum de illa exercenda.

Dicitur: Si præceptum esset de agenda Pœnitentiæ, sequeretur quod nullus posset damnari propter unum solum peccatum mortale, sed hoc falsum est, ergo & id unde sequitur. Patet sequela majoris; peccator enim, qui moreretur post commissum peccatum mortale, non acta pœnitentiæ, necessario damnandus esset non solum propter istud mortale peccatum, sed etiam propter omissionem præcepti de agenda pœnitentiæ, quæ quidem omissio esset speciale peccatum, quia in speciale præceptum militaret, igitur, &c.

Respondeo primò, nihil quidquam absurdi sequi, quod peccator non damnetur propter unicum dumtaxat mortale peccatum, quamvis unicum solum ad damnationem sufficeret; exinde enim magis elucesceret divina Justitia, quæ potiori jure hominem sic dupliciter rerum penis æternis addiceret.

Respondeo secundò, posse negari majorem; fieri namque potest, quod peccator pro uno dumtaxat mortali peccato damnetur, etiamsi omitat præceptum de agenda Pœnitentiæ, putà si statim, ac in peccatum mortale decidit, deperdat usum rationis; atque ita moriatur; talis enim damnabitur propter solum admissum mortale peccatum; non autem propter omissionem præcepti de agenda Pœnitentiæ; quippe cum perduto rationis usu, impossibilis ei fuerit talis præcepti observatio.

Adde quòd etiam aliquandiu rationis compos vivat in statu peccati mortalis, & in

& in eo moriatur, non propterea dampnandus erit propter omnium præceptum de agenda Pœnitentiæ; quod utique præceptum non tenetur implere statim, ac peccavit, ut indicabit.

CONCLUSIO SECUNDA.

Preceptum de agenda Pœnitentiæ non obligat per se peccatorem ad pœnitendum pro prima opportunitate post admissum peccatum. Hæc est Doctoris diff. 17. num. 21. ubi determinat præceptum de confessione faciendâ, ac subinde de agenda Pœnitentiæ, obligare dumtaxat in certo ac determinato tempore, maximè in articulo mortis. Quod autem non statim obliget post peccatum commissum, docet num. 23. ubi reiicit opinionem Alensis affirmantis 4. part. quæst. 77. memb. 4. art. 2. præceptum faciendæ confessionis, ac subinde agendæ Pœnitentiæ obligare statim, ac occurrit opportunitas: quod utique negat Doctor: Quia, inquit, præcepta pœnalia non sunt amplianda sed restringenda; nec invenitur quando præceptum istud affirmativum liget, vel obliget, nisi ad aliquando, &c.

Probatur autem conclusio, primò quidem quia si teneretur homo statim ac peccavit agere pœnitentiâ, sequeretur quòd in singulis momentis in quibus posset penitere, peccaret mortaliter, quia in singulis illis momentis esset transgressor præscripti sibi præcepti: sed hoc falsum apparet ex communi praxi fidelium, qui confitentes peccata sua, nusquam accusant Pœnitentiæ dilationem, aut protractionem, nisi fortè talis dilatio protracta fuerit ultra tempus determinatum ab Ecclesia de faciendâ peccatorum accusatione, & agenda Pœnitentiæ; neque de ejusmodi dilatione à Confessariis inrerrogantur: non est autem verisimile hunc accusationis defectum oriri ex minus perfecta instructione pœnitentium, & Confessariorum; alioqui culpanda esset Ecclesia; quippe quæ hujus accusationis defectum novit

nec tamen emendat, & corrigit: igitur signum est illam accusationem non esse necessariam ad salutem.

Deindè, si talis dilatio esset contra præceptum, & vitiosa, sequeretur Baptismus olim adultis collatum non contulisse eis primam gratiam, ad quam tamen principaliter ordinabatur: quia olim Ecclesia non permittebat baptizari Catechumenos solemniter, nisi in Paschate, & Pentecoste; ac subinde si debuissent conteri, statim post peccatum actuale commissum, non potuissent accedere cum peccato ad Baptismum; quia jam peccatum illud debuisset dilui, & expungi per Contritionem, quæ sufficeret ad justificationem; non enim sermo est de simplici retractatione peccati, sed de ea retractatione, & Pœnitentiâ, qua peccator constituatur extra periculum æternæ damnationis; idcirco enim adversarii requirunt Pœnitentiâ statim post peccatum commissum, ne videlicet homo exponat se manifesto periculo æternæ damnationis, tempore intermedio inter peccatum, & mortem.

Denique, præceptum de agenda Pœnitentiæ est affirmativum: igitur non obligat pro quolibet tempore; sed tantum pro determinato. Antecedens constat, sed de ea retractatione, & Pœnitentiâ est quo jubetur elicitio actus virtutis: sed virtutis actus jubetur elici, dumtaxat per præceptum affirmativum: igitur, &c. Consequentia patet à paritate rationis de aliis præceptis affirmativis, quæ obligant dumtaxat aliquo determinato tempore, ut constat de amore Dei, veneratione Parentum, auditione Missæ, &c. Quæ omnia præcepta non obligant ad eliciendum actum positivum pro quolibet determinato tempore, licèt ita obligent ad negationem actus contrarii. Nam, inquit Dâctor, præfato num. 28. semper oportet habere voluntatem confitendi tunc, pro quando præceptum obligat: Hoc dico,

„ dico, si quòd pronunquam voluntatem habeat.

Dices primò; Scriptura sacra sub gravissima determinatione, & comminatione peccatores admonet, ne Pœnitentiam differant: igitur censet eam non esse protrahendam citra peccatum. Patet antecedens ex illo Isaiæ 65. *Omnes in cœde corrueitis, pro eo quòd vocavi, & non respondistis; locutus sum, & non audistis.* Idem habet Hieremias cap. 8. *Confusi sunt, inquit, quia abominatorem fecerunt; quinimò confusione non sunt confusi, & erubescere nescierunt; idcirco cadens inter corruentes, & in tempore visitationis suæ corruent, dicit Dominus.*

Respondeo, his similibus Scripturæ sacre oraculis non damnari dilationem Pœnitentiæ cessante omni affectu actuali erga peccatum præteritum, de qua solum hic loquimur; sed perstringi perseverantiam in peccato actuali; nam Isaias immediatè subiicit: *Et faciebatis malum in oculis meis, & quæ nolui, elegistis.* Similiter Hieremias ibidem continud attextit: *Omnes, conversi sunt ad cursum suum, quasi equus in impetu vadens ad prælium.*

Urgebit; Eadem Scriptura sacra sub gravissima determinatione prohibet, differendam Pœnitentiam: igitur nulla solutio. Probatur antecedens ex illo Eccles. 5. *Non tardes converti ad Dominum, & ne differas de die in diem; subito enim veniet ira illius, & in tempore vindictæ disperdet te.* Et cap. 21. *Quasi à facie colubri fuge peccatum.* Et *Apo-cal. 2.* monet Angelus Episcopum Ephesi: *Memor esto unde excideris, & age Pœnitentiam, & prima opera fac; sin autem venio tibi; & movebo candelabrum tuum de loco suo, nisi Pœnitentiam egeris: igitur non potest differri Pœnitentia citra peccatum.*

Respondeo primò, illa omnia oracula, & his similia, significare, quidem saluberrimum esse consilium statim Pœni-

tentiam agere de peccato; non autem quòd illud fieri debeat sub præcepto.

Deinde dico, quod etsi divinum præceptum de agenda Pœnitentia referant; non tamen significant aliquem obligari quocunque momento ad eam agendam sed dumtaxat opportuno tempore, & ubi necessitas aliqua postulaverit; ille quippe non existimatur tardare, qui non facit quòd potest, sed qui non facit illud quando faciendum est: nam, ut inquit S. Petrus epist. 2. cap. 3. *Non tardas Dominus promissionem suam, sicut quidam existimant; sed patienter agit propter vos, &c.* Quibus verbis significat Deum non differre effectum suæ promissionis, etsi statim illam non impleat, quando potest implere, quia tempore convenienti illam implebit, nec ultra differt quam oporteat: ita à pari ille dici non debet Pœnitentiam tardare, qui eam agit tempore opportuno, & quando necessitas id exigit.

Subsumer; Scriptura sacra apertè significat Deum condemnare, & punire Pœnitentiæ procrastinationem, ut constat ex illo Proverb. 1. *Vocavi vos, & renuistis, extendi manum meam, & non fuit qui aspiceret; despectistis omne consilium meum, & increpationes meas neglexistis: ego quoque in interitu vestro ridebo, & subannabo, cum id, quòd timebatis, acciderit.*

Respondeo, Scripturam intelligendam esse de peccatoribus perseverantibus in peccato actuali; ut colligitur ex verbis præcedentibus; siquidem paulò antè dixerat: *Usquequòd parvuli diligitis infantiam, & stulti ea, quæ sibi sunt noxia: cupiunt, & imprudentes odibunt scientiam?* Similiter ratione intelligendus est S. Paulus ad Rom. 2. cum ait: *An divitias bonitatis ejus, & patientiæ, & longanimitatis contemnitis? ignoras quoniam benignitas Dei ad Pœnitentiam te adducit? Secundum autem duritiam tuam, & impenitentem cor thesaurizas tibi iram in die iræ, & revelationis iusti iudicii Dei,*

Ibi namque non loquitur de sola dilatione Pœnitentiæ, sed de iteratione peccatorum. Præmiserat enim antea: *Eximias autem hoc, homo, qui iudicas eos qui talia agunt, & facis ea, quia tu es fugies iudicium Dei.* Unde etiam mox post laudata verba subdit: *Qui reddit unicuique secundum opera ejus: iis quidem qui secundum patientiam boni operis gloriam, & honorem, & incorruptionem querunt, vitam æternam: iis autem qui sunt ex contentione, & qui non acquiescunt veritati, credunt autem iniquitati, & indignatio.* Loquitur ergo Apostolus contra eos, qui actu prosequantur eadem opera prava.

Instabis: Non alius est Scripturæ sacræ sensus quam qui à SS. Patribus usurpatur: at ex eis divinis oraculis SS. Patres docent obligationem statim pœnitendi, asseruntque Pœnitentiam, prorogatam fore inutilem, ut præ cæteris affirmat S. Augustinus lib. 50. homil. 42. ubi cum dixisset Pœnitentiam sinceram, & veram valere quocunque temporis momento, subdit seram Pœnitentiam esse valde dubiam: *Agens, inquit, Pœnitentiam, & reconciliatus cum sanus est, & postea bene vivens, securus hinc exit: agens Pœnitentiam ad ultimum reconciliatus, si securus hinc exit, ego non sum securus; unde securus, do securitatem: unde non sum securus, non do securitatem; Pœnitentiam dare possum securitatem dare non possum, &c.*

Respondeo S. Augustinum, ibi tantum eos arguere, qui Pœnitentiam nimis differunt, & ad mortem usque eam prorogant: unde serm. 57. de tempore præclare ait: *Pœnitentia, quæ ab infirmo petitur, infirma est, quæ à moriente petitur, timeo ne, & ipsa moriatur.* Quapropter serm. 110. de tempore prudenter admonet: *Præveniendus est dies, qui prævenire consuevit: ipse se illudit, & de morte sua ludit, qui agit ut quod potest extremis temporis indulgentia subvenire, Insanum est hoc: primum, quia pericu-*

lissimum est in ultimum diem promissa securitas: deinde stultissimum est, ut causa quæ de necessitatibus agitur æternis, inutilitatibus vite deditis committatur extremis: odibile est apud Deum, quando homo sub fiducia Pœnitentiæ in sensu suam reservata liberius peccat. Cui subscribit Encherius Lugdunensis: *Stultissimum est, inquit, ut causa, quæ de necessitatibus agitur æternis, mutabilibus vite deficientis committatur extremis.* Verum quam periculosa sit ejusmodi pœnitentiæ procrastinatio usque ad mortem, aperiemus circa finem hujus questionis.

Dices tertio: Majori charitate quis tenetur erga seipsum, quam erga proximum: sed ex præcepto charitatis teneor statim adhibere correctionem fraternam peccanti proximo, quando oportunitas, & spes subest emendationis: ergo multo magis teneor mihi ipsi subvenire per Pœnitentiæ remedium statim ac commodè fieri potest.

*Respondeo ad minorem, eam duxat esse veram, quando adest periculum relapsus, & suspicio gravis, ne si propinquus emendetur, statim in aliud peccatum incidat; siquidem peccatum præteritum non est materia faciendæ correctionis fraternæ; neque etiam peccatum permanens in suo reatu, ubi non subest periculum relapsus; sed tantum peccatum, quod prævidetur futurum, ut docet Ecclesiasticus c. 19. his verbis: *Corripe amicum, ne forte non intellexerit, & dicat, non feci; aut si fecerit, ne iterum addat facere. Corripe proximum, ne forte non dixerit: & si dixerit, ne forte iteret.* Corripe amicum; sæpe enim fit commissio. Quibus verbis significatur peccatum futurum esse materiam correctionis, non autem præteritum, quando non est periculum iterationis; ac subinde falsum est, quod quis absolute loquendo teneatur corrigere proximum statim ac peccavit.*

Quod utique confirmatur: Quia non
te-

teneor corripere proximum, nisi quando ipse tenetur audire, & correptionem suscipere; siquidem præceptum correctionis fraternæ sub hac conditione, præscripsit Christus D. *Matth.* 18. ubi significat, nos non teneri ad corripiendum eum, qui non tenetur audire: sed oportere illum Ecclesiæ denuntiare: at non tenetur proximus statim ac peccavit, sese emendare: igitur nec me corripientem audire, nec consequenter ego ipse teneor eo in casu emendare; nisi, ut præfatus sum, instet periculum relapsus. *His adde* quodd fieri potest, ut teneat subvenire proximo in rebus maxime temporalibus, esto non obliget erga me-ipsam; quia videlicet proximus est absolute, vel irrationabiliter voluntarius; ego autem voluntarius rationabiliter, ac prudenter.

Dices tertio: Qui abstulit alicui debitum honorem, aut rem aliquam, statim tenetur illi restituere: sed qui peccat, aufert honorem Deo debitum: igitur tenetur statim Deo satisfacere per Pœnitentiam.

Distinguo antecedens: Si periculum imminet ex dilatione restitutionis famæ, ne detrimentum proximo illatum augeatur, concedo: si non adit ejusmodi periculum, nego; quare si periculum sit, ne violatio divini nominis augeatur per dilationem Pœnitentiæ, puta si quis pravam doctrinam sparserit, tenetur statim Pœnitentiam agere, & illa prava dogmata à se disseminata revocare: secus autem est, si nullum tale periculum imminet, ut plerumque contingit.

Instabis: Qui rem alienam abstulit per furtum, tenetur quantocius illam suo domino restituere, & illatum proximo damnum reparare: ergo multo magis injuriam Deo factam per mortale peccatum, compensare per debitam Pœnitentiam, & ablatum illius honorem rescire.

Nego consequentiam: ratio disparitatis

est, quod homo per furtum patitur damnum in rebus necessariis, & utilis; unde per dilationem restitutionis novam patitur injuriam, eamque realem: quia cogitur carere aliquo sibi necessario, vel utili: Deus autem per nostra peccata realem non patitur injuriam; unde ex dilatione Contritionis nostræ, non cogitur aliqua re carere necessaria, sibi vel utili; juxta illud Psalmi 50. *Bonorum meorum non eges.* Et Job. 22. *Quid prodest Deo, si justus fuerit, aut quid ei confert, si immaculata fuerit via tua?*

Urgebit: Idcirco tenetur fur rem, ablatam statim restituere, quia quandiu illam detinet injustitiam facit; injustum enim est rem alienam detinere, sed quandiu peccator est in statu peccati; divinum honorem retinet injuste; peccatum enim est injustitia contra Deum: ergo tenetur statim Deo satisfacere, & debitum illi honorem per Pœnitentiam restituere.

Nego minorem: Peccatum enim regulariter loquendo, non est vera injustitia contra Deum, magis quàm contra Legislatorem humanum; non enim Deus expressè declaravit, quod ubi præcipit rem aliquam faciendam, aut omittendam, utatur potestate dominativa, seu dominio proprietatis, quo posset omnes actus humanos exigere tanquam debita ex stricta Justitia.

Si urgeat; Idcirco qui furatur, facit injustitiam, quia rem aufert ab altero, quæ erat sub illius dominio: sed illa res multo magis erat sub dominio Dei, quàm hominis; ergo qua ratione facit injustitiam respectu hominis, & tenetur eam statim rescire per debitam restitutionem, sic etiam tenetur statim reparare per debitam Pœnitentiam injuriam Deo illatam.

Negabo paritatem, & ratio disparitatis est, quod qui rem aufert ab homine invito, etiam dominium aufert: isti us hominis in rem suam; at per furtum Deus

Deus non perdit dominium in rem ablata; ac subinde non est paritas: illud equidem est contra præceptum Dei: *Non furtum facies*, sicque respectu illius est quidem inobedientia, non autem iniustitia.

Dices quartò: Peccatum mortale est, esse in periculo peccati mortalis, sed quandiu peccator non pœnitet, est in periculo incidendi in aliud peccatum mortale: igitur quantociùs tenetur pœnitere: Major patet ex illo Eccles. 3. *Qui amat periculum, peribit in eo*. Minor verbò probatur auctoritate S. Gregorii homil. 11. in Ezechielem, ubi ait: *Peccatum, quod per Pœnitentiam citius non deletur, aut peccatum est, aut causa peccati simul & pena peccati: omne enim quod prius committitur, peccatum est: sed si citius pœnitendo non tergitur, iusto iudicio omnipotens Deus obligatam peccatis mentem, etiam in culpa alteram permittit cadere, utqui stendo, & corrigendo noluit mundare quod fecit, peccatum incipiat peccato cumulare: peccatum ergo, quod Pœnitentia lamento non diluitur, peccatum simul est, & causa peccati: quia ex illo oritur, unde adhuc peccatoris animus altius obligetur.*

Distinguo majorem: Si periculum sit imminens, & proximum, concedo: si dumtaxat remotum, nego: *Periculum* enim ex Aristot. 2. Rhetoric. est *appropinquatio rei timende*: quare si quis agnoscat sibi non imminere proximum lapsum ex dilatione Pœnitentiæ, non videtur peccare Pœnitentiam differendo; unde ad S. Gregorium dico, illum his, aut similibus verbis, monere nedum differatur Pœnitentia post commissum peccatum, non autem asserere illam statim esse necessariam; quod utique colligitur ex verbis immediatè precedentibus; ait enim: *Diffusa sunt omnipotentis Dei iudicia, & qui peccatorem diu expectat ut redeat, non redeunti, atque contemnenti ponit adhuc ubi gravius impingat.*

Tom. X.

Dices quinto: Præcepto negativo tenemur non esse inimici Dei, sicut reverà sumus per peccatum: sed præcepta negativa obligant sèper, & pro semper: ergo homo sub præcepto tenetur nusquam esse in peccato, & consequenter peccat, quandiu in peccato permanet.

Respondeo ad majorem, contingere posse tripliciter, quòd quis sit inimicus Dei: *Primo* quidem activè, quando videlicet homo Deum odio habet: *Secundo*, passivè, quando habetur odio à Deo: *Tertiò*, demeritoriè, quando dignus est qui odio habeatur à Deo. Unde ad argumentum distingo majorem: Tenetur homo sub præcepto negativo non esse inimicus Dei; activè concedo; quia tenemur Deum nunquam odio habere: passivè, aut demeritoriè, nego: *Tum* quia vitare hanc inimicitiam non est in nostra potestate, nisi mediante actu Pœnitentiæ, quem statim non tenemur elicere. *Tum etiam*, quia hæc inimicitia Dei est tantum penes statum hominis peccatoris: at non meremur, neque demeremur secundum statum, nec ulla præcepta dantur de statu aliquo tenendo; nullum enim est præceptum, quòd semper existamus in statu gratiæ; sed tantum consilium.

Instabit: Qui Deum non amat, ipsum odio habet: sed peccator quandiu in statu peccati permanet, Deum non amat; ac proinde ipsum odio habet: igitur non solum passivè, & demeritoriè, sed etiam activè est inimicus Dei.

Nego majorem: Aliud enim est Deum non amare, & aliud Deum odio habere: nam inter amicum, & inimicum datur medium, nempe non amicus: quem admodum etiam inter Pœnitentiam, & impœnitentiam datur medium, nempe non pœnitere: est enim Pœnitentia displicentia de peccato commisso, & impœnitentia est complacentia in ipso peccato; quapropter non est idem esse non pœnitentem, & esse impœnitentem; sicut non idem est Deum odisse, &

C. c c

Deum

Deum non amare : unde quamvis præceptum affirmativum de diligendo Deo includat unum negativum de actu contrario, scilicet numquam habere Deum odio, quod obligat semper, & pro semper ; non tamen includit negativum de suo contradictorio, scilicet nunquam non amabis Deum, hoc est, semper amabis. Ex quibus constat, quòd quamvis differens Pœnitentiam non habeat actualem amorem Dei, non tamen habet illius odium, nec reus est illius præcepti: *Dilige Dominum Deum tuum*.

Urgebit: Nolle amari à Deo, opponitur amorì Dei: sed peccator quamdiu in peccatis perseverat non vult amari à Deo; siquidem eo in statu odio habetur; abominabilis est enim Deo impius, & impietas ejus: igitur, &c.

Distinguo majorem: Id nolle per actum positivum, quo quia divinum amorem repudiaret, ac sperneret, concedo: per actum negativum per suspensionem actus; quo quis sciens se non esse in amicitia Dei, negligeret sese revocare ab eo statu, quo divinam indignationem promeretur, nego: in eo enim statu perseverare non est prohibitum per præceptum de diligendo; quia cum illud sit affirmativum non obligat semper, & pro semper.

Instabit rursus: Saltem illa Pœnitentiæ dilatio sine justa causa repugnat amicitie, & reverentiæ Deo debitæ; etenim si filius graviter patrem offendisset, aut servus dominum, certum est, quòd ejus majorem animadversionem provocarent, si absque ulla causa differrent, etiam ad modicum tempus, veniam exorare, & reconciliationem.

Respondeo negando antecedenti, si sermo sit de nova offensa, nec urget quidquam exemplum; fortè enim inter homines viget obligatio, saltem indirecta statim satisfaciendi; quia cum homines non judicent de occultis, præsertim, merè internis, dum non vident exter-

nam veniæ petitionem, quando nulla adest justa causa differendi, judicant affectum internum adhuc perseverare; adeoque meritis de novo indignantur; secus est autem de Deo erga hominem; cum enim Deus perfectè noverit corda hominum, dum videt hominem omnino cessasse à volitione libera peccati, non habet circa illum novam displicentiam, ex eo quòd aliquandiu in peccato habitualiter maneat.

Subjumes: Nullus remanet voluntariè in peccato habituali, quin in ipso complacat; tandiu enim complacet in peccato, quandiu peccatum ei non displicet: non displicet autem quandiu illud non detestatur, nec dolet illud commississe: sed complacentia, & affectus erga peccatum divinam indignationem provocat: igitur, &c.

Distinguo majorem: Quin complacat per novam voluntatem, qua scilicet velit illud peccatum, istudque approbet, nego: complacat per negationem actus displicentiæ, concedo: Unde non valet consequentia: Peccatum in eo statu non displicet: ergo placet; quia inter placere, & displicere datur medium, nempe non displicere per negationem actus.

Subjumes iterum: Sed peccator, in eo statu nedum habet negationem actus; sed reverà habet volitionem, & affectum actualem erga peccatum, eo enim ipso quo non vult agere Pœnitentiam, vult manere in statu peccati: Qui enim vult antecedens bonæ consequentiæ, vult etiam consequens; si enim Petrus vult currere, vult etiam moveri: velle autem manere in eo statu, est complacere in peccato: igitur, &c.

Nego subsumptum, nec enim consequens est, quòd si peccator non velit positivè agere Pœnitentiam, eo ipso velit esse in statu peccati. *Ad probationem autem dico,* quòd illa regula, qui vult antecedens boni consequentiæ, vult etiam consequens, non sit universa-

saliter vera; etenim benè quidem sequitur, Christus D. redemit homines: ergo illi peccaverunt; non tamen sequitur, Christus voluit redimere homines: ergo voluit quòd peccarent . Similiter bene sequitur, ago Pœnitentiam: ergo peccavi, & tamen volo agere Pœnitentiam, quòd est antecedens, & tamen nolo peccasse, quòd est consequens: imò verò ipsum; quòd est agere Pœnitentiam, est velle non peccasse: ergo hæc regula solùm est vera, quando antecedens ordinatur ad consecutionem consequentis, aut è contrà; unde benè sequitur, vis beatitudinem: ergo vis media ad beatitudinem, & è contrà . In proposito ergo, licèt ex hoc quòd non agatur Pœnitentia, colligatur: ergo est in statu peccati; non tamen sequitur, volo non agere Pœnitentiam ergo volo esse in statu peccati; quia non agere Pœnitentiam non ordinatur ad consecutionem talis status; quia hunc statum non consequimur non pœnitendo, sed potius quando actualiter peccamus: atque ita velle, non pœnitere tempore quo tenor, non est actus bonus, neque malus secundum suam speciem; proindeque non est novum peccatum .

Dices sextò: Gravior est jactura vitæ spiritualis, quàm temporalis: sed si quis incidat in ægritudinem corporis, aut vulnus accipiat, statim ex obligatione naturæ, & ex præcepto de dilectione sui, & mandato, *Non occides*, tenetur statim adhibere medicamenta, ne vitam amittat: ergo multò magis ubi accepit vulnus lethale peccati, debet adhibere remedium Pœnitentiæ, ne vitam spirituales deperdat .

Respondent aliqui, quòd etsi præstantior sit vita spiritualis corporea; attamen disparitas est quantum ad obligationem ejus conservationis, vel recuperationis; quia, *inquiunt*, homo non est dominus vitæ corporeæ, quemadmodum dominus est vitæ spiritualis, quam acquirit, & sibi comparat propriis acti-

bus . Verùm licèt fortè in eo esset disparitas, quòd qui auferret sibi vitam corporalem, peccaret contra justitiam, quia rem auferret, quæ non esset proprii dominii, non ita autem peccaret, si vitam spirituales sibi auferret; nihilominus certum est, quòd auferre sibi vitam spirituales sit contra præceptum charitatis erga seipsum, quæ obligat unumquemque ad evitandum quòdque malum sive corporis, sive animæ, quantum commodè fieri potest; ac subinde obligat ad Pœnitentiam necessariam, ut recuperetur vita spiritualis per peccatum deperdita; maxime cum mors spiritualis sit gravissimum damnum efficiens hominem obnoxium æterne damnationi .

Unde *respondent alii distinguendo minorem*: Unusquisque tenetur statim, adhibere medicamenta, si necessitas urgeat, & periculum sit in mora curationis, secus verò si talis non urgeat necessitas . Porro non semper homini existenti in statu peccati incumbit periculum, vel relapsus, vel damnationis; quippe ex plurimis peccatoribus rarissimi sunt, qui statim moriantur post peccatum commissum, & antequam possint agere Pœnitentiam; alioquin si valeret hoc argumentum, etiam probaret Baptismum non posse ullatenus differri, saltem in parvulis, cum possint de repente mori, & tamen certum est, quòd per aliquot dies possit differri .

CONCLUSIO TERTIA.

Preceptum faciendæ Pœnitentiæ per se obligat sub novo peccato mortali, quoties imminet mortis periculum: per accidens verò in plurimis aliis occasionibus, Probatur prima pars; primò quidem auctoritate, & exemplo S. Augustini, qui (ut refert Possidius) dicere solebat, *neminem etsi nullius sceleris sibi conscius esset, committere debere, ut sine Pœnitentia migraret à vita*; unde etiam ipse cum imminere sibi discessum intellexisset, Pœnitentiales Davidis Psal-

mos in conspectu positos effusus uber-
rime lacrymis, recitabat.

Suadet etiam ratio; quia instante
mortis periculo, tenetur homo ex præ-
cepto Pœnitentiæ satisfacere Deo pro
suis in eum offensis, & injurias ei factas
compenfare; enim verò si aliquando,
maximè ea urgente necessitate, ista de-
bet exequi, ut sibi divinam indulgen-
tiam conciliet. Quæ tamen ita sunt in-
telligenda si homo eo instanti non
præveniat aliquo nobiliori affectu
erga Deum, puta per æstuans deſide-
rium subeundi martyrii, aut ardentis-
simum motum charitatis, vel elevatio-
nem mentis in Deum per cœlestis con-
templationis delicias; eo enim in casu
non teneretur justus ad exercendum
actum Pœnitentiæ, & doloris de pec-
catis.

Quod autem per accidens citra mor-
tis periculum etiam pluries homo te-
neatur agere Pœnitentiam, suaderi po-
test: Primò namque cùm sancta sanctè
tractari debeant, & recipi, tenetur pec-
cator agere Pœnitentiam, ut illius be-
neficio peccatum diluat, & gratiam
sanctificantiæ obineat, quoties mini-
stranda sunt Sacramenta, necnon, &
quando Sacramenta, quæ dicuntur vi-
vorum, sunt suscipienda: Minister enim
qui absque pœnitentia Sacramentum
aliquod administrat, peccat mortaliter,
ut diximus agendo de Ministro Sacra-
mentorum; multò autem gravius pec-
cabit, qui ejusmodi Sacramenta in statu
mortalis peccati suscipiet.

Similiter viget obligatio agendæ Pœ-
nitentiæ, quando vehemens urget ten-
tatio, & grave peccandi periculum im-
minet: non enim est opportunius vi-
tandi peccati subsidium, quam detestatio
prætoriorum: quippe cùm hæc detes-
tatio non solum animum revocet à
titillante concupiscentia, & ingestis
tentatione, sed etiam nova conciliat
gratiæ auxilia; quibus ejusmodi pericu-
lum evanescat. Urget etiam agendæ

Pœnitentiæ obligatio, cum adest publi-
ca necessitas, & imminens divina ultio
in communitatem tam propter propria,
quàm propter aliena peccata; tunc
enim unusquisque tenetur ex affectu, &
amore erga communitatem pro suam
Pœnitentiam, quantum in se est, divi-
nam iram amollire, & avertere, quia
membra debent esse sollicita pro se in-
vicem, necnon, & pro toto corpore,
cujus sunt.

QUÆRES; *Utrum periculosum sit Pœni-
tentiam ad extremum vite
prorogare?*

Affirmo una cum SS. Patribus, qui
hanc veritatem unanimi calculo
constanter prædicant. Maximè S. Au-
gustinus in lib. 50. homiliarum homil.
41, & S. Ambrosius lib. 2. de Pœnitentia
cap. 12. ubi scribunt: *Si quis postus in
ultima necessitate agnitiois sue, volue-
rit accipere Pœnitentiam, & accipit, &
mox reconciliatur, & hinc vadit; fateor
vobis, non illi negamus, quod petit: sed
non præsumimus, quia bene exit: non
præsumo, non vos fallo: Fidelis bene vi-
vens securus hinc exit: baptizatus ad ho-
ram securus hinc exit: agens Pœnitentiam,
& reconciliatus, enim sanus est, &
postea bene vivens securus hinc exit:
agens Pœnitentiam ad ultimum, & re-
conciliatus, si securus hinc exit, ego sum
securus, unde securus sum, do securita-
tem: unde non sum securus Pœnitentiam
dare possum, securitatem dare non
possum.*

Eandem rationem suppeditat S. Cæ-
sarius Arelatenſis homil. 43. & 44. ubi
cùm dixisset: se dubium habere an pro-
ſit Pœnitentia in extremis pœnitenti;
*Quid tibi dicam, inquit, nescio: dixi non
præsumo, non promitto, prorsus nescio
de Dei voluntate; statim subjungit: Vis
te, frater, à dubio liberare, vis, quod in-
certum est recedere? age Pœnitentiam,
dum sanus es; si enim agis terram Pœni-
tent-*

tentiam dum sanus es, invenerit te novissimus dies, currito, ut reconcilieris; Si sic agis, securus es: quare securus es, vis dicam tibi? Quia egisti Pœnitentiam, eo tempore quo & peccare potuisti. Ecce dixi, quare securus es: si autem tunc agere vis ipsam Pœnitentiam, quando peccare jam non potes, peccata te dimiserunt, non tu illa.

Idem docet S. Elgius homil. 6. cùm agens adversus eos, qui ad finem vite Pœnitentiam differunt, scribit: Cùm omnes homines Pœnitentiam velint in fine vite sue accipere, vix paucos videmus, eam secundum quod desiderant adipisci. Postmodum colligit.

Verum nemo fufius, & eloquentius incertitudinem illam narrat, & exaggerat Salviano Massilensi epist. ad Ecclesiam Catholicam, ubi scribit: Non quidem ulli vitii carnalibus implicato sufficere ad vitam æternam putem, si eum usque ad mortem in flagitiis consenueris, in obitu bene cuncta dispenses; nisi antea, & peccatis renuntiaveris. . . alioqui peccare non desinit, quem in extremis situm, recedere à criminibus sola tantum fecit impossibilitas, non voluntas: qui enim à malis actibus tantum in morte discedit, non relinquit scelera, sed relinquitur à sceleribus; quia quantum ad animum, nec dum desit, qui adhuc peccare velit, si possit. Et post plura subiungit; Quod si aut tanta vis morbi, aut tanta, . . . ægrotorum fuerit incuria, ut valetudinis labem usque ad dies ultimos trahant, quid dicam nescio, quid quid promittam penitus ignoro: re-vocare ab inquisitione ultimi remedii periclitantes, durum, & impium, spondere autem aliquid in tam sera curatione temerarius; sed melius tamen absque dubio, quamvis diuturna paralyfi aridas manus, aliquo tamen nisu ad cælum erigi, à quam lethali penitus desperatione dissolvi: melius est nihil inexpertum relin-quere, quam morientem non curare;

„ maximè quia nescio an in extremis
„ aliquod tentare medicina sit, certè
„ nihil tentare perditio.

Idem docent Isidorus Hispalensis lib. 2. sent. cap. 13. & S. Bernardus lib. de modo bene vivendi cap. 27. ubi ait: Quando homo peccare potens pœnitet, & vitam suam vivens ab omni crimine corrigit, sine dubitatione, quando ei mors advenerit, ad æternam perveniet requiem; qui autem malè vivit, & in morte Pœnitentiam agit, sicut damnatio illius est incerta: remissio illius est dubia. Qui ergo securus cupit esse in morte de indulgentia, in sanitate Pœnitentiam agat, & in sanitate peccata sua lugeat: igitur quia misratio Dei occulta est, sine intermissione flere necesse est.

Tres alias hujusce periculi causas assignat subtilis Doctor in reportatis distinct. 20. libri quarti sent. Primam repetit ab infirmitatis, & periculi effectibus, qui animum ob sui vehementiam ita occupant, nempe infirmitas dolore, periculum timore, ut vix aliud cogitare possit: Sed, inquit, nolendo peccatum oportet, quod sit magna consideratio intellectus, & detestatio, ad hoc quod sit Attritio sufficiens ex congruo ad remissionem peccati, & cut fuit vehemens delectatio prior, in peccato. Quam etiam rationem subjicit S. Raymundus ex autoritate S. Hieronymi, & S. Augustini lib. 3. de Pœnitentia, §. 23. In extrema ægitudine, inquit, vix potest aliquis pœnitere, vel etiam cogitare; ait enim Hieronymus. Cum ægitudine opprimeris, vix potes aliud cogitare, quam quod sentis, & il-luc rapitur intentio mentis; ubi est vis doloris: Multa enim (ut ait Augustinus) occurrunt tunc impedimenta; nam vobis urget, pœna terret, filii, quos illicite dilexit, uxor & mundus cum ad se vocant. Quam utique rationem egregiè urget quisquis est Eusebius scribens ad Damasum de morte S. Hieronymi, ubi ait: Fortè quis iterum dicet, Vir qui

to-

„ toto tempore, quo vixit, malè fecit,
 „ in mortis articulo accepta Pœnitentia à Deo veniam obtinebit. Heu
 „ quàm vana suspicio, & falsa meditatio,
 „ vix de centum millibus hominum,
 „ quorum mala semper fuit vita,
 „ meretur à Deo habere indulgentiam unus.
 „ Vir totus in peccatis genitus,
 „ & nutritus, qui nec Deum vidit, nec agnovit,
 „ nec de eo audire voluit, nec se peccasse cognoscit,
 „ nec quid Pœnitentia sit, nisi fortè dormiendo
 „ novit; totus adhuc secularibus innotatus negotiis,
 „ quem angustia premit filiorum quos deserit,
 „ quem infirmitas conterit,
 „ quem dolor divitiarum,
 „ & temporalium bonorum concutit,
 „ cum eis non posse frui amplius se cernit;
 „ quam acceptam Deo accipit Pœnitentiam,
 „ quam non acciperet,
 „ si adhuc se posse sanari crederet;
 „ certè verè concludam, qui dum sanus est,
 „ & juvenis Deum offendere non formidat,
 „ in morte non merebitur divinam obtinere indulgentiam.

Secundam rationem petit Doctor à timore, qui tunc temporis totum hominem occupat, quique non est sufficiens dispositio ad promerendam gratiam: Oportet enim, inquit, quòd sit voluntaria detestatio, & debita circumstantia finis, ut quòd homo non solum pœnitcat propter timorem pœnæ, sed timore filiali: sed difficile est tunc dolere, nisi ex timore solum; & si non sit cum amore, non disponit ex congruo: ideo difficile est. Eandem rationem profert Author libri de vera, & falsa Pœnitentia, cap. 17. Quem verè pœnitet, inquit, oportet non solum timere Deum Judicem, sed & Justam diligere non timeatur pro pœna, sed ametur pro gloria. Concludendum est ergo cum Thoma ab Argentina art. 1. In rei veritatem valde est difficile in extremis se mentem colligere, quòd homo non solum timore pœnæ, sed ex Dei dilectione debeat se Deum per peccatum offendisse,

& proponat etiam, si dùm deberet vivere, semper de hoc in futurum cavere: in his enim duobus consistit verum, & salutissimum pœnitere.

Tertiam rationem petit Doctor ab habitu in peccatis contracto, qui non potest non esse vehemens. Igitur difficile est tunc maxime contra istum habitum inclinari detestando, quæ prius erant delectabilia. Denique scribit multò majorem in infirmo requiri displicentiam, quàm in sano, quia liberius pœnitet sanus. Ideo, inquit, credo, quòd ad hoc, quòd infirmus mereatur gratiam ex congruo, multò majorem Attritionem requireret, cum sit interitui proximus, quàm si esset sanus. Sed difficile est habere tantam Attritionem sicut in sanitate, non solum majorem. Hinc tandem colligit, cum quis in ejusmodi statu verè pœnitet, rarissimum esse, & instar miraculi. Cui certè consentit Author libri de vera, & falsa Pœnitentia cap. 17. Convertitur, qui jam totus, & omnino vertitur, qui jam non tantum pœnas non timet, sed ad bonum Deum contendere festinas. Quæ conversio si contigerit alieni etiam in, sine desperandum non est de ejus remissione. Sed quoniam vix, vel rarè est tam justa conversio, timendum est de pœnitente serò. Quem enim morbus urget, pœna terret: ad veram vix venit satisfactionem, maxime cum filiis, quos illicite dilexerit, sint præsentis, uxor & mundus ad se vocent.

SECTIO TERTIA.

De efficacia virtutis Pœnitentiæ.

MIRANDAM, ac propriè divinam, Pœnitentiæ virtutis efficaciam egregiè commendat S. Chrysostomus serm. de Pœnitentia; ubi inter cætera sic exclamat: O Pœnitentia, quæ peccata Deo miserante remisit, & Paradisum reseat, contritum sanat, omnem tristitiam exilaras, vitam de interitu re-

vocas, statum restauras, honorem renovas, fiduciam das, vires reformas, gratiam abundantiorè refundis. Omnia ligata tu solvis, omnia soluta tu custodis, omnia adversa tu mitigas, omnia contrita tu sanas, omnia confusa tu lucidas, omnia desperata tu animas. Per te, ô Pœnitentia, David afflictus, vel contritus factus est sanctus: per te filius prodigus paternum amplexum meruit: per te Petrus, postquam ter Dominum negavit, indulgentiam recepit: Per te ô Pœnitentia, latronem subitò Christus ad regnum æternum rapuit, &c. Quæ omnia dignitatis elogia, cum maximè ad peccatorum remissionem collineant: ideirco potissimum hac in Sectione sermo erit de efficacia Pœnitentiæ circa generalem peccatorum omnium remissionem: *Primò* quidem circa remissionem omnium mortalium: *Secundò*, circa remissionem venialium: *Tertiò* circa solutionem, & relaxationem pœnæ eis peccatis debitæ; quibus annectemus quintam quæstionem de reviviscencia peccatorum per Pœnitentiam remissionem: Et sextam de reviviscencia meritorum per peccata mortificatorum.

QUÆSTIO PRIMA.

Utrum per Pœnitentiam omnia peccata mortalia, quantumcumque gravia remitti possint?

Notandum primò, circa præsentem quæstionem quinque potissimum fuisse erroneas sententias: *Primus error* quidem Novatianorum, qui affirmabant peccata post Baptismum esse omnino irremissibilia, ac subinde Pœnitentiam nihil quidquam peccatoribus suffragari, ut referunt S. Cyprianus lib. 1. epist. 1. Hieronymus Epist. ad Marcellam, Eusebius lib. 6. histor. Eceles. cap. 33. Verùm quoniam illi hæretici maximè impugnabant efficaciam Pœnitentiæ ut Sacramentum est; ideirco eorum erro-

rem referre, ac refellere auspicabimur, ubi sermo erit de efficacia Sacramenti Pœnitentiæ. *Secundus error* fuit quorundam Judæorum affirmantium tertium quidem peccatum post acceptam remissionis gratiam, esse remissibile; se-
 cus autem de quarto, & cæteris subsequenter. Quod utique confirmabant ex primo, & secundo capite Amos, ubi pluries testatur Deus, se condonaturum tertium, non verò quartum peccatum. *Tertius error* fuit Armachani lib. 9. de quæstionibus Armenorum, cap. 27. ubi docet aliquos viatores ita in malitiâ obfirmatos, ut secundum communem dispositionem, salutarè pœnitere non possint; quemadmodum Apostoli in gratia confirmati nullatenus mortaliter peccare poterant. *Quartus error* est quorundam affirmantium, certum esse numerum peccatorum, quem qui impleverit, secundum præscriptas ordinarias divini iustitiæ, ac Misericordiæ leges non potest veniam assequi; tamen nec eursus hujus vitæ, nec statum viatoris absolverit, nisi fortè ei suffragetur superexcellens misericordia Dei. *Quintus* tandem error fuit implii Lutheri, docentis omnia opera nostra esse peccata id volente, & consentiente Deo; ea tamen non imputari ad pœnam præter unum peccatum infidelitatis; contra quos omnes, ut secundum Catholicam doctrinam præseribamus.

Notandum secundò, hic non esse sermonem de Pœnitentia Sacramentali, quæ maximè consistit in absolutione peccatorum à penitente confessorum; sed de Pœnitentia virtute, quam SS. Patres appellant *Pœnitentiam cordis*: quæ utique solitò duplex distinguitur, imperfecta videlicet, & perfecta: Prima dicitur *Attritio*, quæ idcirco imperfecta Pœnitentia appellatur non quòd sit mala, sed quia insufficient est extra Sacramentum Pœnitentiæ ad perfectam peccati remissionem: perfecta verò dicitur *Contritio*, ea quæ sufficit ad remis-

lio-

sionem peccati cum voto, ac proposito faciendæ confessionis, & absolutionis suscipiendæ, à tempore legis Evangelicæ. Utrum autem hæc Pœnitentia necessaria sit, & valeat ad remissionem cuiuslibet peccati, quantumcumque gravis; utrumque enim negat Lutherus, ut patet ex articulis damnatis per sacram Facultatem Parisiensem, necnon & per Leonem decimum summum Pontificem; in eis namque damnatur Lutherus: Primum, quod asseruerit ad remissionem peccati, satis esse vitam novam inire, absque ulla Pœnitentia, & peccatorum detestatione; Secundum, quod ut mox diximus, docuerit solum peccatum infidelitatis deputari ad penam.

Notandum tertio, aliquos esse peccatores ita in malo obfirmatos, ut eis Pœnitentia, etsi non sit impossibilis, sit tamen factu valde difficilis. Quæ utique difficultas oritur ex parte peccatoris, & ex parte Dei. Ex parte quidem peccatoris, dum propter consuetudinem delinquendi jam obduruisset, juxta illud Proverb. 38. *Peccator enim in profundum malorum venerit, contemnet, nempe peccare; quia videlicet flagitia, præ nimia peccandi consuetudine leviora delicta ei apparent. Unde fit ut amplius de peccatis non erubescat, juxta illud Hieremiæ 3. Frons meretricis facta est tibi, noluisse erubescere.* Cum autem habitus ex variis actibus genitus, velut novam naturam ingerat, inde fit, quod peccatores quasi naturali impetu, & velut agentia naturalia ferantur in peccatum, à quo vix possunt recedere, juxta illud Hieremiæ 13. *Si mutare potest Æthiops pellem suam, aut pardus varietates suas; & vos poteritis bene facere, cum didiceritis malum?* Difficultas verò provenit ex parte Dei iustæ punientis peccatores, ac eis denegando plerumque auxilia specialia ad penitendum. De utraque hac difficultate loquitur S. Paulus, Actor. 13. ubi visâ Judæorum

perfidia, & obstinatione ad repellendum Dei verbum, dixit: *Vobis oportebat primum loqui verbum Dei; sed quoniam repellitis illud, & indignos vos iudicatis æternæ vitæ, ecce convertimur ad Gentes.*

His ita præmissis, duo supersunt determinanda: Primum, utrum quodlibet peccatum, quantumvis grave, possit remitti per Pœnitentiam: Secundum, an unum peccatum mortale remitti possit absque altero.

CONCLUSIO PRIMA.

Nullum est peccatum tam grave, quod per Pœnitentiam perfectam, non possit deleri. Hæc est de fide, & colligitur primò ex Scripturæ testimoniis, in quibus absque ulla limitatione, aut restrictione promittitur verè contritis, ac pœnitentibus remissio omnium peccatorum. Sic Sapientie 11. *Misereris omnium, quia omnia potes, & dissimulas peccata omnium propter pœnitentiam.* Et Ezechiel. cap. 18. *Si impius egerit pœnitentiam ab omnibus peccatis suis, omnium iniquitatum ejus non recordabor.* Et statim subdit: *Nunquid voluntatis meæ est mori impii, dicit Dominus Deus, & non ut convertatur à viis suis, & vivat?* Et cap. 33. *Vivo ego, dicit Dominus, nolo mortem impii, id est, nullius impii volo mortem, quacumque impietate fuerit reus.*

Probatur secundò authoritate Conciliorum, maxime Concilii Lateranensis sub Innocentio tertio, & refertur cap. *Firmiter* de summa Trinitate, ubi dicitur: *Si post suspensionem Baptismi quisquam prolapsus fuerit in peccatum, per veram potest semper pœnitentiam reparari.* Et ex Tridentino sess. 14. can. 2. ubi decernit per pœnitentiam posse remitti omnia peccata post Baptismum commissa.

Eandem apertissimis testimoniis tuentur SS. Patres Chrysostomus homil. 33. in Matt. *Non est aliquod peccatum, quod non cedat virtuti pœnitentiæ.* Et homil. 9

in

in Psalm. 50. *Peccasti & poenitere: millies peccasti & millies poenitere*. Item S. Ambrosius lib. 2. de poenitentia, cap. 5. *Tanta est*, inquit, *Dei erga homines propitiatio, ut Judas potuisset non excludi à venia, si poenitentiam non apud Judaeos egisset, sed apud Christum*. Ideo scribit eum indignum fuisse veniam, quia non intimà conversione poenituit, nec sedulo egit Poenitentiam; siquidem Christus tantæ pietatis est, ut veniam ei donasset, si Judas misericordiam expetisset. Et S. Augustinus in Enchiridio, c. 65. *Sed neque in his criminibus quamvis magnis remittendis*, inquit, *in sancta Ecclesia, de misericordia Dei sperandum est agentibus poenitentiam, secundum modum sui cuiusque peccati*. Quam utique varietatem luculenter colligit S. Petrus Chrysologus ex parabola filii prodigi, ubi ait, *Item. 3. Dissida non videt oris amoris, & ideo Pater peccata filii redemit osculo, clausit amplexu. Certe si abscessimus, si substantiam Patris totam luxuriose dispersimus, si quid unquam commisimus facinoris, & delicti, si ad impietatis præsumptum totum, totum venimus ad ruinam, surgant aliquando, & ad talem Patrem, tali invitati redeamus exemplo*.

Suadet etiam ratio: Si aliquod peccatum per poenitentiam deleri non posset, maxime vel quia de eo non posset peccator poenitere, quemadmodum demones, & damnati: quamquam summè displiceant de poena, quam patiuntur propter peccatum, cum tamen eorum affectus in malo sit obfirmatus, idcirco dolere non possunt de peccato per veram poenitentiam, quæ habeat spem veniæ: vel quia poenitentia non posset delere aliquod peccatum: sed quamdiu vivimus in via vitæ mortalis, neutro modo peccatum ullum dici potest irremissibile. *Non quidem primò*, quamdiu enim homo viator est, flexibile habet liberum arbitrium ad bonum, & malum, & divina gratia cor

Tom. X.

cujusvis peccatoris quantumvis obdurati potest ad veram poenitentiam flectere: Unde egregiè S. Augustinus *bo. mil. 50. et 50. homiliiis*. Fortasse dicis: „ Ego jam baptizatus sum in Christo, „ à quo mihi omnia præterita peccata dimissa sunt. Vilis factus sum nimis „ iterans vias meas, ut canis abominabilis coram oculis Domini, conversus ad vomitum suum. Quo ibo „ à spiritu ejus, & à facie ejus quo fugiam? Quo frater, nisi ad ejus misericordiam poenitendo, cujus potestatem peccata committendo contempseras. Nemo enim rectè fugit „ ab illo, nisi ad illum, ab ejus severitate ad ejus bonitatem. Quis enim „ locus excipiet fugientem, ubi ejus præsentia te non inveniat. Si ascenderis in Cælum, ibi est; si descenderis ad infernum, adest. Recipe ergo „ pennas tuas in directum, & habitabis in spe in extremo hujus sæculi; etenim illuc manus sua deducet te, & il- „ luc perducet te dextera sua. Quidquid enim feceris, quæcumque peccaveris, „ adhuc in hac vita es, unde & omni- „ no Deus, si sanare nollit, auferret. „ cur ergo ignoras, quia patientia Dei ad Poenitentiam te adducit? Qui enim clamando tibi persuasit, ut „ non recederes, parcendo clamat, ut „ recedas.

Hæc S. August. quibus apertè significat nullum omnino peccatum esse, cujus veniam per veram poenitentiam obtinere non possumus, quamdiu hanc mortalem vitam ducimus.

Non potest etiam peccatum dici irremissibile *secundo modo*: hoc enim repugnaret divino illi amorì æterni Patris erga homines, qui se dilexit mundum, ut Filium suum unigenitum daret, ut omnis, qui credit in eum, non pereat, quique ait Apostolus ad Rom. 8. *proprio filio non præceit, sed pro nobis omnibus tradidit illum*: quo pacto enim pro nobis omnibus tradidisset filium, ut om-

D d d

nis,

nīs, qui in eum credit, non pereat, si per veram conversionem in Christum, omnia peccata non possent deleri? *Secundò*, id repugnaret divinæ misericordiæ, de qua dicitur Joel 2. quod Deus *benignus sit, & misericors, & patiens, & multa misericordiæ, & præstabilis super malitia*: Deus enim aliquo modo vinceretur ab homine, si vellet homo peccatum deleri, quod Deus delere nollet. Derogaret etiam virtuti Passionis Christi, & copiosæ ejus redemptioni, à qua nullus mortalis quantuncumque peccator excluditur, & ad quam pertinet, ut sit universalis Redemptor omnium peccatorum: Hinc S. Joannes epist. 1. cap. 2. indefinite pronuntiat: *Si quis peccaverit, advocatum habemus apud Patrem, Jesum Christum justum, & ipse est propitiatio pro peccatis nostris: non pro nostris autem tantum; sed etiam pro totius mundi.* Cum ergo Deus suam de conversione peccatoris, & salutæ voluntatem exprimat, & veniam ei, si convertatur, promittat; argumentum est omne peccatum in hac vita per penitentiam posse deleri.

Obijciunt Novatiani illud ex 1. Reg. cap. 2. *Si peccaverit vir in virum, placari ei potest Deus: si autem peccaverit in Dominum vir, quis orabit pro eo?* Igitur peccata; quæ sunt directè contra Deum non possunt ullatenus condonari.

Nego consequentiam: Responderi enim potest *Primò*, verba illa non esse Prophetæ, sed Heli Sacerdotis increpantis filios suos ob gravia eorum peccata, quæ cum essent in scandalum publicum removebant Israelitas à sacrificiis, & divino cultu. *Secundò*, dici potest, quod ibi discrimen statuatur inter peccata, quæ directè lædunt Deum, & ea quæ directè proximum offendunt, quod hæc utique leviora sint illis, possetque faciliè reperiri vir aliquis justus, qui veniam à Deo per peccatum offenso, nec-non & gratiam conversionis

peccatori suis præcibus impetret; peccata verò directè in Deum commissæ, graviora sint, possetque difficillimè reperiri, qui veniam horum à Deo obtineat: unde particula interrogativa, *quis*, non significat idem, ac nullus, ut optimè notat S. Ambrosius lib. 1. de penitentia, cap. 8. Non enim, *inquit*, scriptum est, nullus orabit pro eo, sed *quis orabit pro eo?* Hoc est, quis ille sit, qui in tali causa possit orare? quæritur, non excluditur; Sic Ps. 14. dicitur: *Domine, quis habitabit in tabernaculo tuo; aut quis requiescet te monte sancto tuo?* Non enim nullus, sed probatus habitabit: nec ait, quod nemo requiescat, sed quod requiescat electus. Et Ps. 13. *Quis ascendet in montem Domini, aut quis habitabit in loco sancto ejus?* Id est, non quicumque de vulgo, nec plebeje vilitalis aliquis, sed egregiæ vitæ singularisque meriti vir. Non enim quicumque de vulgo pro Judæorum populo, sed Moyses rogavit, & meruit, & impetravit. Quare hæc interrogatio: *quis orabit pro eo?* requirit solum hominem eximie sanctitatis, & singularis vitæ, qui debeat orare pro eo, qui directè peccavit in Dominum, maxime per apertum, & manifestum sacrilegium, qualia erant peccata filiorum Heli. Ibi enim dicitur, quod *dormiebant cum mulieribus, quæ observabant ad bofilium tabernaculi*, & quod tollerent carnes per vim ab offerente animalia in sacrificium, priusquam immolata essent Domino, unde inferitur: *Erat ergo peccatum peccatorum grande nimis coram Domino, quia retrahabant homines à sacrificio Domini.*

Obijciunt secundò illud lib. 2. Machabæorum, cap. 9. ubi Antiochus Rex post plurima patrata scelera gravi, ac lethali correptus morbo Penitentiam egit: humiliatus enim coram Domino, testaturque *justum esse, hominem subditum esse Deo, & mortalem non paria Deo sen-*

sentire, agnoscit sua crimina, de eis dolet, spondet satisfactionem Judæis pro rebus ablatis, templum etiam sanctum, quod prius expoliaverat, optimis donis ornaturum, & sancta vasa multiplicaturum, & pertinentes ad sacrificia sumptus de redditibus suis præstiturum; super hæc & Judæum se futurum, & omnem locum terre perambulaturum, & prædicaturum Dei potestatem; attamen ibidem dicitur. Orabat hic seculus ad Dominum, à quo non esset misericordiam consecutus.

Respondet Pœnitentiam Antiochi fuisse frustraneam; quia erat imperfecta, & dumtaxat naturalis; dolebat siquidem de culpa præterita propter morbi acerbitatem, non autem propter offensam Dei. Quod utique indicat Author libri Machabæorum ibidem; cum enim recensuisset sevientem in eum, Dei vindictam, & acerbum illius corporis dolorem; itant, inquit, de corpore impij vermes scaturirent, ac viventis in doloribus carnes ejus effluerent, odore etiam illius, & fætoris exercitus gravaretur, & qui paulo ante sydera cæli contingere se arbitrabatur, cum nemo poterat propter intolerantiam fætoris portare; statim subdit: Hinc igitur cepit ex gravi superbia deductus ad agnitionem sui venire, &c. Quibus significat, eam afflictionem fuisse pœnitentiæ causam, non verò Dei offensam, ac proinde non mirum si illius inutiles, & invalida fuerit pœnitentia, cum ejus motivum effet omnino naturale.

Obijciebant tertio, illud oraculum, Dei momentis 1. Proverb. Peccatores, qui propter dilationem pœnitentiæ Dei consilium, & increpationes neglexerunt: Cum iruerit, inquit, repentina calamitas, & interitus quasi tempestas ingruerit; quando venerit super vos tribulatio, & angustia, tunc invocabunt me, & non exaudiam, manè consurgent; & non invenient me. Idem dicit Hieremias 14. Cum jejunaverint, non exau-

diam preces eorum, & si obtulerint holocausta, & victimas non suscipiam ea. Et Eccles. 7. Considera opera Dei, quia nullus potest corrigere, quem Deus dispexerit: igitur sunt aliqua peccata, quæ per pœnitentiam non possunt expiari.

Nego consequentiam: Illis enim omnibus oraculis solum agitur de peccatoribus, qui spretis diu monitionibus Dei, temporalium pœnarum aversione, magis quàm intima conversione cordis ad eum confugiunt, ut plurimum enim illi sui tantum amore, declinandarum pœnarum gratiâ, non humilitate verâ, neque sincerâ peccati displicentiâ, seu pœnitentia Deum invocant; sique sincerè convertantur, & doleant de offensâ Dei, quod eos excipit ad se redeuntes, quacumque peccatorum atrocitate, seu multitudine teneantur. Isaia 1. Si fuerint peccata vestra ut coccum, quasi nix dealbabitur, & si fuerint rubra quasi vermiculus, velut lana alba erunt.

Obijciebant quarto, tria testimonia Apostoli, quibus videtur docere nullum pro peccatis post Baptismum commissis dari in Ecclesia Christi remedium, quo expiari, & deleri possint. Primum habetur ad Heb. 6. ubi sic ait Apostolus: Impossibile est eis, qui sunt illuminati, gustaverunt etiam donum cælestis, & participaverunt Spiritus sancti, gustaverunt nihilominus bonum Dei verbum, virtutesque sæculi venturi, & prolapsi sunt, rursus renovati ad pœnitentiam, rursus crucifigentes sibi metipso Filium Dei, & offensum habentes. Secundum sumitur ex cap. 12. ejusdem epistolæ, ubi sic dicitur: Voluntariè peccantibus nobis post acceptam notitiam veritatis, jam non relinquitur pro peccatis hostia: terribilis autem quedam expressio judicis, & ignis æmulatio, quæ consumptura est adversarios. Tertium sumitur ex capite 10. Scitote, inquit, quoniam & postea cupiens hereditare benedictionem,

nem, reprobatus est: non enim invenit penitentiae locum, quamquam cum lacrymis inquisisset eam.

Respondeo ad primum, Apostolum loqui de Pœnitentia, quæ fieri debet ante Baptismum ab adultis, non verò de ea, quæ post Baptismum necessaria est ad justificationem hominis peccatoris. Duplex enim est Pœnitentia hominis adulti, una quæ antecedit Baptismum, de qua loquitur S. Petrus, cum ait: Pœnitenti an agite, & baptizetur unusquisque vestrum; quæ utique Pœnitentia nunquam iteratur, sicut nec Baptismus: alia verò Baptismo posterior, de qua sermo nem facimus, quam utique non improbat ipsemet S. Paulus, quippe qui Corinthium incestuosum licet post Baptismum peccantem absolvere non dubitavit. Quam etiam approbavit, & suscit S. Petrus, dum Simoni Mago jam baptizato, Act. 8. dixit: Pœnitentiam itaque age ab hac nequitia tua, & roga Deum, si forte remittatur tibi hæc cogitatio cordis tui, &c. Imò ipsemet S. Petrus, quando ter negavit Christum, jam erat baptizatus, jam Sacerdos inauguratus; & tamen per lacrymas, & Pœnitentiam reconciliatus est. Porro hujus duplicis Pœnitentiæ meminit Concilium Tridentinum sess. 6. cap. 14. ubi ait: Unde docendum est Christiani hominis Pœnitentiam post lapsum, multò aliam esse à Baptismali, eaque contineri non modò cessationem à peccato, & eorum detestationem, aut cor contritum, & humiliatum, verum etiam eorundem Sacramentalem Confessionem, saltem in voto, & suo tempore faciendam, & Sacerdotalem absolutionem, itemque satisfaciionem per jejunia, elemosinas, orationes, & alia pia spiritualis vitæ exercitia, non quidem pro pœna æterna, quæ vel Sacramentis, vel Sacramenti votò unà cum culpa remittitur, sed pro pœna temporali, quæ ut sacra litteræ docent, non ita semper, ut in Baptismo fit, dimittitur illi, qui gratiæ Dei, quam acceperunt,

ingrati, Spiritum sanctum contristaverunt, & templum Dei violare non sunt veriti (ac si diceret, qui gustaverunt donum cœlestē, & participes facti sunt Spiritus S. & prolapsi sunt.) De qua Pœnitentia scriptum est: Mors & unde excideris: age Pœnitentiam, & prima opera fac. Et iterum: Quæ secundum Deum tristitia est. Pœnitentiam in salutem habilem operatur. Et rursus: Pœnitentiam agite.

Eodem sensu solvitur secundum, *Voluntariè peccantibus non relinquatur bapsta pro peccatis*, hoc est, alia Christi mors, & Passio, quæ per Baptismum repræsentetur, & iterum applicetur ad integram remissionem culpæ, & totius pœnæ; siquidem S. Paulus ibidem videtur loqui de Judæis in fide cespitantibus, volentibusque legem Moysis, & Christi conjungere, quibus denuntiat eis jam nullam superesse hostiam pro peccato; quia neque deficientibus ad Moysen pro Christo prodesse poterat hostia in altari crucis oblata, neque, etiam legales hostiæ; quippe quæ jam per Christi D. sacrificium essent expunctæ, & abolitæ.

Ad tertium respondeo, Pœnitentiam ibi usurpari ab Apostolo, non pro dolore de peccatis commissis, sed pro mutatione operis facti, vel propositi, seu dispositionis animi erga factum aliquod quo sensu Deus pœnitere dicitur, ut explicat S. Augustinus Psal. 109. ubi ait: Pœnitentia, mutatio rerum significatur. Quomodo ergo tu, cum aliquid te pœnitet, doles factum quod fecisti? quando aliquid Deus præter spem hominum, id est, præterquam sperant homines, mutat, in aliud, pœnitere se dicit: usque adeo, ut de pœna nostra pœniteat cum, si de vitiis nostris nos mala pœniteris: Idem docet serm. 40. Numquid quasi errantem pœnitet Deum? Sed Pœnitentia dicitur in Deo, mutatio in rebus creatis, ipso immutabili manente. quo sensu Apostolus dixit ad Rom. 11. Dona Dei sunt finit & Pœ-

Pœnitentia, id est, Deus non mutat sententiam benefaciendi, dum eam semel habuit; Itaque dum Apostolus ait, Esau non invenisse locum Pœnitentiæ, loquitur de Pœnitentia Isaac Patris, id est, revocatione benedictionis datæ Jacobo, quam non potuit impetrare Esau, tametsi cum lacrymis inquisisset eam: Legimus enim *Genes. 27.* quod cum Isaac largitus esset benedictionem suam Jacob, quem existimabat esse suum primogenitum: *Auditis Esau sermonibus Patris, irrugit clamore magno, consternatus ait: Benedic etiam, & mihi, pater mi.*

Respondeo secundò, quod etsi ibi Pœnitentia acciperetur propriè, mirum non est, quod in Esau fuerit frustranea; quippe habebat annexum pravum mentis affectum, nempe animum occidendi fratrem; nam *Genes. 27.* legimus. *Oderat ergo semper Esau Jacob pro benedictione, qua benedixerat ei pater, dixitque in corde suo: Venient dies luctus Patris mei, & occidam Jacob fratrem meum.* Quocirca Apostolus ante verba in objectione posita scripserat: *Pacem sequimini cum omnibus, & sanctorum, sine quo nemo videbit Deum, contemplantes, ne quis desit gratiæ Dei, ne qua radix amaritudinis sursum germinans impediat, & per illam inquantur multi, ne quis fornicator, aut profanus ut Esau, qui propter unam escam vendidit primitiva sua, &c.*

Obijciunt quintò, illud Christi D. oraculum *Matth. 12.* *Omne peccatum, & blasphemia remittetur hominibus; Spiritus autem blasphemiæ non remittetur. Et quicumque dixerit contra Spiritum sanctum, remittetur ei, neque in hoc seculo, neque in futuro.* Igitur Pœnitentia non eluit omne peccatum.

Nego consequentiam; siquidem Christus D. per illam blasphemiam contra Spiritum intelligit impœnitentiam finalem, ut interpretatur S. Augustinus *serm. 21. de verbis Domini*: finalis autem impœnitentia prorsus irremissibi-

lis est, quia post hujus vitæ terminum, nulla futura est peccatorum remissio, nec ulla veniæ spes; siquidem in quantumque partem ceciderit arbor per mortem, aut ad Aquilonem, aut ad Austrum, ibi mansura est. Si verò per vocabulum *irremissibile*, intelligatur aliquod peculiare peccatum, dico illud ita appellare, non quia omnino remitti non potest, sed quia difficillimè, & rarissimè remittitur defectu efficacis gratiæ pœnitentis, & adjuvantis, necessariè illi peccatori ad convertendum se per veram Pœnitentiam; non quod blasphemia in Spiritum sanctum sit gravissimum omnium peccatum, sed quia magis directè opponitur bonitati divinæ, seu Spiritui sancto, qui est fons inspirationum, & gratiarum, sine quibus impossibile est pœnitere sicut oportet, ut justificationis gratia conferatur, juxta illud Trident. *sess. 6. can. 3.* *Si quis dixerit, sine pœniente Spiritus sancti inspiratione, atque ejus adjutorio, hominem credere, sperare, diligere, aut pœnitere posse, sicut oportet, ut ei justificationis gratia conferatur, anathema sit.*

Dignus itaque est, ut qui blasphemat in Spiritum sanctum, id est qui opera Spiritus sancti, quæ ad nostram salutem operatur, tribuit spiritui malo, prout tribuebant illi, contra quos loquebatur Christus: nam Marcus reddens rationem illius sententiæ, subiungit: *Quoniam dicebant; Spiritum immundum habet, sive, ut loquitur idem Evangelista ibidem v. 22. Quoniam Beelzebub habet, & quia in principe demoniorum ejicit demonia.* Dignus inquam, est quicumque sic loquitur, ut specialibus auxiliis destituatur, utpote qui contra hæc specialiter deliquit: indignus enim est, qui sic blasphemat Spiritum sanctum. ejus adjutorio. Hinc absolute remitti, sanarique potest illud peccatum per Dei misericordiam, & aliquando qui rei sunt illius peccati, Pœnitentiæ donum accipient, ut enim ait S. Ambrosius 2. de

de Pœnitentia: *Credibile est inter Judæos, qui dicebant in Belſabub ejicere dæmonia, qui sic peccabant in Spiritum sanctum, dæmoni tribuentes manifestam. Spiritus operatur, non nullus prædicatione Petri fuisse conversos ad finem. Imò sanctus Stephanus pro suis persecutoribus, quos ait Spiritui sancto resistere, Deum oravit, utique cum impetrandi fiducia.*

Nec immerito; nam etsi dicatur omnine peccatum in filium hominis esse remittendum, quale fuit eorum, qui dicebant de Christo, quod esset homo vorax, & potator vini, publicanorum, & peccatorum amicus: quia peccatum illud oriebatur ex ignorantia personæ Christi; tamen eorum, qui sic in eum peccaverunt, multi videntur impœnitentes in peccato mortui, damnatique: ergo licet peccatum in Spiritum sanctum ex ordinaria Dei lege, & gratia videatur non remitti; tamen verisimile est aliquando condonari.

Obijciunt sextò ex epistola S. Joannis cap. 5. Qui scit fratrem suum peccare peccatum non ad mortem, petat, & dabitur ei vita peccanti non ad mortem: Est peccatum ad mortem, non pro illo dico, ut roges quis: igitur peccatum illud non potest remitti.

Nego consequentiam: Peccatum enim illud ad mortem varias patitur interpretationes; primò namque plurimi sacri Interpretes pro illud intelligunt impœnitentiam finalem, & finalem in malo obliationem, ut etiam interpretatur S. Augustinus lib. de correptione, & gratia cap. 12. ubi cum præmisisset præfata Apostoli verba, subdit: *De quo peccato, quoniam expressum non est, possunt multa, & diversa sentiri: ego autem dico, id esse peccatum, fidem, quæ per dilectionem operatur, deserere usque ad mortem.* Quæ utique impœnitentia merito dicitur irremissibilis, quia est negatio Pœnitentiæ, & est peccatum hominis jam extra statum viæ; ac subinde non

minus frustraneum esset pro eo orare, quàm pro peccato demonum, ut docet idem S. Augustinus lib. 21. de civitate Dei, cap. 24. ubi scribit: *Si de aliquibus ista Ecclesia certa esset, ut qui sunt illi, etiam nosset, qui licet adhuc in hac vita sint constituti, tamen prædestinati sunt in æternum ignem ire cum diabolo, tam pro eis non oraret, quam nec pro ipso, sed quia de nullo certa est, orat pro omnibus dumtaxat hominibus inimicis suis in hoc corpore constitutis; nec tamen pro omnibus exauditur.* Si autem peccatum illud ad mortem intelligatur aliquod peculiare peccatum ab ipsa finali impœnitentia distinctum, S. Joannes dicit non decere, ut quis roget pro ipso; quia quicumque deprecatur non sufficit pro obtinenda venia ejusmodi peccati ad mortem; sed requiritur aliquis intercessor eximie sanctitatis, ut illius condonationem possit obtinere. Duplicis enim generis peccati Scriptura meminit, quorum aliqua dici possunt non ad mortem; quoniam facile curantur, qualia sunt ea, quæ neque fidem, neque desiderium salutis extinguunt, pro quibus Apostolus consulit orare, & spondet veniam: alia sunt, quæ difficillimè curantur, ut positiva infidelitas, qualis maximè est in hæresarchis, pro quibus peccatis licet Apostolus non prohibeat orare; non audet tamen consulere, ut quis pro eis roget; quia nisi ejusmodi oratio valde excellens fuerit, frustrabitur suo effectu.

Quod autem reverà S. Joannes id intellexerit, præclare demonstrat S. Ambrosius lib. 1. de Pœnitentia, cap. 9. ubi respondens ad præfatam Novatianorum objectionem, ait: Joannes non ad Moysen, & Hieremiam loquebatur, sed ad populum, qui suorum peccatorum alium peccatorem deberet adhibere, cui satis est si pro levioribus delictis Deum precetur, graviorum veniam iustorum orationibus reservandam putet: Nam quomo-

modò Joannes diceret non orandum pro delicto graviore, qui legisset Moysem rogasse, & impetrasse, ubi erat prævaricatio voluntaria, qui sciret etiam Hieremiam rogasse? Quomodo Joannes diceret non esse orandum pro peccato, quod esset ad mortem, qui ipse in Apocalypsi scripsit mandatum Angelo Ecclesiæ Pergami: *Habes illic tenentes doctrinam Balaam, qui docebat Balaac mittere scandalum coram filiis Israël, manducare immolata, & fornicari: ita & tu habes tenentes doctrinam Nicolaitarum. Similiter age Pœnitentiam; alioquin veniam tibi cito? Vides quòd Deus, qui Pœnitentiam exigit, veniam pollicetur? Denique & ibi dicit: Qui habes aures, audiat, quid Spiritus dicat Ecclesiis: Vincenti dabo manna absconditum. Nonne ipse Joannes cognoverat Stephanum persecutoribus suis, qui Christi nomen audire non poterant, deprecaturum, cum de ipsis, à quibus lapidabatur, diceret: Domine ne statuas illis hoc peccatum? Cujus precationis effectum in Apostolo videmus; Paulus enim, qui lapidantem Stephanum vestimenta servabat, non multò postea per gratiam Christi factus est, Apostolus, qui fuerat antea persecutor. Hæc S. Ambrosius, quibus aperte docet nullum esse tam grande peccatum, cuius per salutarem Pœnitentiam non possimus veniam impetrare.*

Instabis, S. Augustinus lib. 1. de serm. Domini in monte, cap. 22. ait: Peccatum ad mortem esse puto, cum post agnitionem Dei per gratiam Christi quisque oppugnat fraternitatem, & adversus ipsam gratiam evidenter faciebus agitur: illius peccati tanta labe est, ut deprecandi humilitatem subire non possit, etiamsi peccatum mala conscientia cognoscere, & adnuntiare cogatur: igitur centet, aliquid esse peccatum, quod per Pœnitentiam nulla ratione possit auferri.

Respondeo S. Augustinum nihil aliud velle, quàm peccatum illud non posse facile sanari, nec per hominis vires cum communi Dei adjutorio dilui: non autem quod absolute, & per extraordinariam Dei virtutem sanari non possit: nam perditissimos quosque peccatores posse à Deo converti, docet ipsemet S. Augustinus, explicans illa verba Psalms 76. *In profundum maris*: Convertit eos, inquit, qui in profundo hujus sæculi jacent demersi pondere peccatorum, ad eos liberandos, qui sunt desperatissimi peccatores.

CONCLUSIO SECUNDA.

Non potest de via ordinaria unum peccatum mortale remitti absque alio per Pœnitentiam: possit tamen per voluntatem, & potestatem Dei extraordinariam. Hæc conclusio duabus partibus constat, quarum prima communis est apud Theologos, colligiturque ex Scriptura sacra, quæ passim inculcat remissionem omnium peccatorum mortaliū fieri per Pœnitentiam: Sic Ezech. cap. 18. *Et cum averteris se impius ab iniquitate quam operatus est, & fecerit judicium, & justitiam, ipse animam suam vivificabit. Consideranti enim, & avertenti se ab omnibus iniquitatibus suis, quas operatus est, vita vivet, & non morietur.* Non posset autem vita vivere, hoc est, plenam, & perfectam habere vitam, si partim esset in statu mortis, partim in statu gratiæ per præsentiam unius peccati, & expiationem alterius: Siquidem monet S. Jacobus, cap. 2. *Qui enimque totam legem servaverit, offendat autem in uno, solus est omnium reus: qui enim dixit, Non Mœchaberis, dixit, & Non occides, quòd si non mœchaberis, occidas autem, factus es transgressor legis; singula autem peccata mortalia inferunt mortem ipsi animæ; juxta Ezechielis 18. Anima, quæ peccaverit, ipsa morietur.*

Unde meritò Concilium Tridentinum sess. 5. in decreto de peccato originali, ait:

ait: *Si quis per Jesu Christi D. nostri gratiam, quæ in Baptismate confertur, reatum originale peccati remitti negat, aut etiam asserit non tolli totum id, quod veram, & propriam peccati rationem habet, sed illud dicit tantum radi, aut non imputari, anathematis: in renatis enim nihil odit Deus, quia nihil est damnationis iis, qui verè conspulti sunt cum Christo per Baptismum in mortem, &c.* Igitur omnia peccata mortalia simul remittuntur ac condonantur:

Hanc veritatem sic declarat, & probat Innocentius III. ut refertur ca. *Maiores* de Baptismo, ubi querens, quare non saltem originale peccatum amenibus, & dormientibus in Baptismo ficit, & parvulis dimittatur, ait: *Ad hoc est taliter respondendum, quod Dominus, qui totum hominem saluum fecit in Sabato, opus imperfectionis non novit, & ob hoc peccata non ex parte, sed ex toto dimittit.* Addit alteram rationem; *Preterea pœna originalis peccati est earentia visionis Dei; actualis verò pœna peccati est gehennæ perpetuæ cruciatus; unde si dimitteretur alicui primum alterd non dimissio, talis non careret visione Dei propter originale dimissum, & cruciaretur in gehenna perpetuo propter reatum criminis actualis; seu hæc tanquam impossibilia se se minime patiuntur, imò sibi mutuo adversantur.* Hæc Innocentius, quibus apertissimè nostrâ assertionem tuetur, ex eo maximè, quod peccati remissio non fiat absque infusione gratiæ justificantis: illa autem est omnino incompatibilis de facto cum quolibet peccato mortali, utpote cum per eam formaliter constituatur homo amicus, & filius Dei, ac hæres vitæ æternæ, ut docet Concilium Tridentinum *sess. 6. cap. 7.* his verbis: *Hanc dispositionem, seu preparationem justificatio ipsa consequitur, quæ non est sola peccatorum remissio, sed, & sanctificatio, & renovatio hominis interioris per voluntariam susceptionem gratiæ, & donorum; unde ho-*

mo ex injusto fit justus, & ex inimico amicus, ut sit hæres secundum spem vitæ æternæ; quodlibet autem peccatum mortale hominem Dei inimicum, & filium gehennæ constituit, ac subinde non potest consistere cum infusione gratiæ sanctificantis, per quam homo Dei filius, & amicus constituitur.

Eandem assertionem egregiè declarat, & probat quisquis est author libri de vera, & falsa Pœnitentia cap. 9. ubi cum dixisset Christum nunquam aliquem, sanasse, quem omnino non liberaverit ab omni infirmitate: concludit: *Quedam enim, inquit, impietas infidelitatis est ab illo, qui justus, & iustitia est, dimidiam sperare salutem.*

Dicer: Reverà Deus interdum dimittit unum peccatum absque alio; quod utique indicat per Prophetam Amos cap. 4. ubi ait: *Plui super unam civitatem, & super alteram civitatem non pluit: pars una compluta est, & pars, super quam non pluit, aruit.* Quæ verba sic exponit S. Greg. hom. 10. in Ezechielem: *Cum ille, inquit, qui proximum odit, ab aliis vitiis se corrigat, una eademque civitas ex parte compluitur, & ex parte manet arida; quia sunt, qui cum quædam vitia rescant, in aliis graviter perdurant:* Igitur unum peccatum ex mente Sancti Gregorii, ac secundum Scripturæ sensum, remittitur absque alio.

Nego consequentiam, & ad S. Gregorium dico, quosdam esse, qui equidem unum vitium rescant quoad cessationem ab actu, non verò quoad remissionem culpæ: ita quod ille, qui plura peccata committere consuevit, deserit quidem unum, non tamen aliud; quò fit ut ad remissionem culpæ non pertingat.

Dices secundò: Peccata dimittuntur maximè hominibus per charitatem: sed aliqui pœnitentes præstantiorem habent actum dilectionis Dei, quàm alii: igitur plurium peccatorum, quàm alii

remissionem obtinent, ut significat Christus D. *Luce 7.* dicens: *Cui minùs dimittitur, minùs diligit: & consequenter pro amoris intentione, vel remissione plura vel pauciora peccata remittuntur.*

Disiungo maiorem: Dimittuntur per charitatem magis, vel minùs intensam, quantum ad intentionem, vel remissionem pœnæ, concedo: culpæ, nego; ita quòd quòd ferventiori actu dilectionis Pœnitens Deum prosequitur, eò amplioris pœnæ pro peccatis luendæ relaxationem obtinet; secus autem est de reatu culpæ, qui per quemlibet actum perfectæ Contritionis aut dilectionis Dei propter se, & super omnia potest dilui.

Secunda pars, nempe quòd per potentiam absolutam, & extraordinariam dispositionem Deus possit remittere unum peccatum sine alio; jam satis superque probata est in præcedenti volumine *tratt. 2. disp. 3. art. 2. quest. 4.* ubi ex subtili Doctore probavimus Deum posse remittere peccatum per solam extrinsecam, & gratuitam condonationem, & absque ulla infusione gratiæ sanctificantis: Probavimus etiam conclusionem præcedenti gratiam sanctificantem de potentia absoluta posse simul subsistere cum peccato. Ex quibus sic ratiocinari licet. *Qui potest peccatum remittere per solam condonationem extrinsecam, & gratiam simul conservare cum peccato, potest unum peccatum remittere non remittendo aliud:* at utrumque Deus præstare potest: igitur, &c. Maiorem ultrò admittunt Thomistæ, & meritò quidem; illa namque extrinseca condonatio omnino arbitraria est potestque pro libito condonantis sese extendere vel ad omnem prorsus offensam, vel dumtaxat ad partem illius. Et quamvis hæc ita non essent, quæ tamen esse verissima demonstravimus: & quanquam, ut volunt Thomistæ, fieri non posset peccati remissio absque infusione gratiæ, attamen

Tom. X.

cùm Deus, ut probavimus, possit de via extraordinaria conservare gratiam simul cum peccato; inde liquet quòd possit infundere gratiam necessariam, ad remissionem unius peccati putà adulterii, conservando tamen seu non remittendo aliud peccatum v. g. homicidium ab eodem adultero perpetratum, quæ omnia cùm jam plenissimè probata sint locis suprà laudatis, non opus est hic diutius immorari.

QUÆSTIO SECUNDA.

Per quid, & quomodo remittatur peccatum veniale tam in vita, quàm post mortem.

Notandum primò, certum esse quòd peccatum quodlibet etiam levissimum necessario debeat elui ante consecutionem felicitatis æternæ, nihil enim coinquinatum intrabit in regnum cœlorum, neque ullus ascendet in montem Domini aut requiescet in monte sancto ejus, nisi innocens manibus; & mundo corde; hinc beati mundo corde, quoniam ipsi Deum videbunt: at controvertitur inter Theologos quibus mediis ac remediis leviora peccata, quæ venialia dicuntur, possint dilui, & remitti; nam ea multis modis expiari posse apertissimè docet Concilium Tridentinum *sess. 14. cap. 5.* ubi ait, *Venialia quibus à gratia non excludimur, & in quæ frequentius labimur, quamquam rectè, & utiliter citraque omnem præsumptionem in confessione dicantur, quod piorum hominum usus demonstrat, tacerè tamen citra culpam, multisque aliis remediis expiari possunt.* Porro quæ sint ista remedia cùm Concilium non exprimat, inde ausam sumperunt Theologi varios proferre modos, quibus ejusmodi peccata deleri, ac remitti posse existimant.

Notandum secundò, tria esse præcipua, & capitalia remedia, quibus maximè

Ecc

cen-

cenſeri poteſt peccatum veniale poſſe expiari, nempe virtutem pœnitentiæ, frequentationem Sacramentorum, maxime Pœnitentiæ, & Eucharistiæ, necnon, & ſacras quaſdam actiones, quas Theologi *Sacramentalia* appellant, ſuntque numero decem juxta veteres Theologos; nempe confeſſio communis, quæ fieri ſolet initio Miſſæ; & in fine completorii, pectoris percuffio in ſignum doloris, & Pœnitentiæ; aquæ benediſtæ aſperſio; actus doloris interni de peccatis ejuſdem: oratio, maxime Dominicalis: ſigni crucis impreſſio: comestio panis benediſti; Eleemoſynæ largitio: Extrema-Unctio, pœnæ conſtans perſeſſio, & opera miſericordiæ; quæ omnia his verſibus comprehenduntur.

Confiteor, tundo, reſpergo, conterer, oro,

Liquor, edo, dono, perque venialia tollo:

Unctio, pœna levis, compaſſio, quæ ſit egenis.

Alii verò Theologi maxime Recentiores, ſex dumtaxat ejuſmodi actiones ſacras peccati venialis relaxativas numerant, quas completitur ſequens verſus:

Orans, ſinſtus, edens, confeſſus, dans, benedicens.

Quæ ſignificant primò orationem, Dominicam, in qua culpas quotidianas nobis dimitti oramus: *Secundò* aquam benediſtam, quæ, ut diximus in prima diſputatione, varios habet effectus, maxime efficaciam ad dimittenda peccata venialia, ex opere operantis: *Tertiò*, panem benediſtum: *Quartò*, confeſſionem generalem; *Quintò*, largitionem eleemoſynæ: *Sextò*, benedictionem Episcopii, vel Abbatis confeſſati. Queritur ergo, utrum non ſolum per virtutem Pœnitentiæ ſpeciatim, aut communiter acceptæ, necnon, & per receptionem Sacramentorum, ſed etiam per ejuſmodi Sacramentalia peccatum veniale diluatur.

Notandum tertid, ex Doctore in 4. diſt. 21. qu. 1. num. 8. peccatum veniale præter obligationem ad pœnam, relinquere in anima aliquam maculam, ſeu reatum culpe; cum enim dixiſſet nu. 6. duplicem eſſe ſententiam circa remiſſionem peccati venialis, quarum prior eſt: *Quòd nihil aliud eſt*, inquit, *culpe venialis remiſſio, quàm ſolutio pœnæ temporalis debita pro ea*; quia poſt actum tranſeuntem, culpa quæ manet, nihil aliud eſt, niſi reatus ad pœnam debitam: *iſte autem reatus venialis non eſt niſi ad pœnam temporalem*: ſubdit num. 8. *Sed iſte modus non placet, quia videntur Sancti diſtinguere inter remiſſionem culpe cujuſcumque, & pœnæ, & maxime inter remiſſionem culpe, & ſolutionem pœnæ debite illi culpe*. Hæc autem veritas à poſteriori manifeſtè colligitur ex univerſali praxi Eccleſiæ, quæ imponit Pœnitentiam Sacramentalem pro ſolis venialibus confeſſis, & per abſolutionem quoad culpam remiſſis. Ratio à priori eſt, quia peccatum veniale eſt vera, & realis Dei offenſa; juxta illud Jacobi Apoſtoli cap. 3. *In multis offendimus omnes*. Sicut ergo peccatum mortale, quia gravis offenſa, relinquit poſt ſe maculam habitualem gravem; pari utique ratione peccatum veniale, quia levis offenſa, relinquit poſt ſe habitualem maculam levem. Utrumque ergo diſplicet Deo, quia per utrumque violatur lex Dei, adeoque eſt virtualis quidam contemptus Dei, qui non poteſt ei non verè, & realiter diſplicere, licèt inæqualiter: queritur autem qualiter hic reatus culpe venialis dilui poſſit tam in vita, quàm poſt mortem.

CONCLUSIO PRIMA.

Peccatum veniale remittitur in hac vita quantum ad reatum culpæ & pœnæ, non ſolum per actum Pœnitentiæ formalis, aut virtualis, ſed etiam per receptionem Sacramentorum, & quodlibet opus meritorium; ac ſubinde etiam per Sacramentalia. Hæc conclusio quatuor par-

partibus constat, quantum probatur *prima*, nempe quòd peccatum veniale remittatur per actum Pœnitentiæ formalis, aut virtualis; siquidem per id remitti potest peccatum veniale, per quod mortale potest expungi: at ad deletionem peccati mortalis sufficit actus Pœnitentiæ, non solum formalis, sed etiam virtualis, ut dictum est in questione præcedenti: igitur multò magis utriusque Pœnitentiæ actus ad id sufficiens erit.

Deinde, id sufficit ad remissionem peccati venialis, quod ei opponitur: sed Pœnitentia virtualis sufficienter opponitur virtuali peccato; nam in veniali est recessus non quidem ab amicitia, quam tantum solvit peccatum mortale; sed à familiaritate Dei, propterea quòd peccatum istud sit conversio aliqua inordinata ad creaturam: sed in Pœnitentia virtuali, qualis est actus charitatis, est recessus à creatura, & accessus ad familiaritatem Dei: igitur ad ejusmodi peccati expiationem sufficit Pœnitentia virtualis.

Dicitur: Peccatum veniale non tollitur, nisi per id quod ipsi oppositum est: sed Pœnitentia virtualis ipsi non opponitur; si quis enim actus sit Pœnitentiæ virtualis, maximè actus ferventissime charitatis: sed hic non opponitur peccato veniali: *Tum*, quia potest cum eo subsistere: *Tum*, quia devotio erga res divinas, & mendacium jocosum nullam habent oppositionem; siquidem mendacio opponitur veritas, non autem devotio: igitur, &c.

¶ Nego minorem, & ad ejus probationem dico, quòd quamvis actus ferventissime charitatis, aut devotionis non opponantur formaliter peccato veniali, opponuntur tamen virtualiter, & secundum rationem genericam; nam utraque illa virtus promptè tendit in Deum, & cum animi alacritate; ac subinde opponitur retardationi, seu languori tendentiæ motus in Deum,

quam infert peccatum veniale.

Probatur secunda pars, nempe quòd peccatum veniale remitti possit per receptionem Sacramentorum novæ legis: *Tum*, quia omnia novæ legis Sacramenta ex primaria Christi D. hæc institutionis intentione ordinantur in remedium peccati mortalis; ad quod eluendum duo maximè instituuntur, nempe Baptismus, & Pœnitentia; cætera verò ordinantur ad illud præcavendum, ut diximus initio hujus Tractatus: igitur cum venialia peccata longè facilius quàm mortalia remittantur, consequens est, quòd per receptionem ejusmodi Sacramentorum peccata venialia possint remitti. *Tum* quia omnia Sacramenta nobis applicant fructum Passionis Christi, suntque instituta ad sanctificandas animas, easque perfectè disponendas ad gloriæ æternæ consecutionem: igitur & ad tollenda omnia impedimenta, quæ possunt ab ejusmodi consecutione remorari: cum igitur venialia ab ea retardent, inde fit, quòd per Sacramenta possint remitti.

Tum denique, quia singula Sacramenta habent specialem vim, & efficaciam circa remissionem peccati venialis: nam *Baptismus*, cum sit regeneratio spiritualis, transmutat omnino hominem à statu peccati ad statum gratiæ; unde Concilium Florentinum, dicit, effectum hujus Sacramenti esse remissionem omnis culpæ, tam originalis, quàm actualis; sub culpa autem actuali continetur veniale peccatum. Idem constat de Sacramento *Pœnitentiæ*, quod ordinatur maximè ad deletionem peccatorum mortalium; ergo potiori jure ad remissionem venialium. Unde Concilium Tridentinum docet peccata venialia esse materiam sufficientem absolutionis Sacramentalis, ut declarabimus infra, agendo de Confessione. Idem patet de *Confirmatione*, cujus virtus propria maximè ordipatur ad conferendum incrementum vitæ

spiritualis; & per consequens ad ea remouenda, quæ ejusmodi incremento, & perfectioni opponuntur, qualia sunt peccata venialia. Constat pariter de *Eucharistia*, quæ instituta est per modum cibi, & nutrimenti spiritualis, cujus propria virtus est restaurare, quod deperditur per calorem concupiscentiæ; ac subinde eluere peccata venialia, quæ ejusmodi spirituales vitam infestant. Adde quod proprius hujus Sacramenti effectus sit excitare fervorem charitatis; ac subinde amovere venialia, per quæ ejusmodi fervor imminuitur. Unde Concilium Tridentinum sess. 13. cap. 2. appellat hoc Sacramentum *antidotum*; quo liberemur à culpis quotidianis, & à peccatis mortalibus præferemur. Patet denique de cæteris Sacramentis, quæ sanctitatem specialem, animæ conferunt, & vigorem spirituales, non solum ad declinanda, sed etiam ad eluenda leviora delicta, quæ ejusmodi vitæ perfectioni, & conservationi opponuntur.

Tertia pars, nempe quod peccatum veniale remitti possit per quodlibet opus meritatorium, traditur à Doctore num. 8. suprà laudato, ubi ait: *Potest dici alio modo, quod peccatum veniale in ista vita remitti potest non tantum per penam interiorem, vel exteriorem; quia illi non est necessaria ad hoc: sed per aliquem actum Deo magis acceptum, quam peccatum veniale displicet; & hoc vel relatum ab ipso operante ad hoc peccatum veniale remittendum, vel non relatum ab ipso; sed à Deo acceptante in ordine ad illud.* Quibus verbis Doctor significat peccatum veniale, non solum posse condonari per actum Pœnitentiæ sive internæ, sive externæ, sed etiam per quemcunque actum bonum & meritatorium, qui magis sit acceptus Deo, quàm odiosus ipsi fuerit actus peccati venialis.

Quæ utique Doctoris sententia probatur, primò quia si ad id quodlibet

opus bonum non sufficeret, maximè quia ad id requireretur actus Pœnitentiæ actualis, aut virtualis: sed ita non est. Probatur: si Pœnitentia actualis, aut virtualis ita necessario præquiretur ad remissionem peccati venialis, sequeretur inde, quod veniale peccatum non majori facilitate solveretur, quàm mortale; siquidem mortale peccatum, potest tolli, & condonari per actum charitatis, nec-non & per martyrium absque ulla formali detestatione prævia; quidni igitur pari ratione per quodlibet opus meritatorium procedens ab extrema charitate, possit expiari?

Deinde, peccatum veniale non deletur per Contritionem actualem, aut habitualement: igitur ad illius expiationem non requiritur Pœnitentia formalis, aut virtualis. Consequentia patet: Antecedens probatur: Peccatum illud non remittitur per Contritionem, quod cum illa potest subsistere; sed veniale peccatum subsistere potest cum actu Contritionis: ergo, &c. Major constat; eatenus enim peccatum per Pœnitentiæ deletur, quatenus Pœnitentiæ actus ipsi opponitur, nec cum eo subsistere potest. Minor verò probatur. Peccatum tandiu non deletur, quandiu peccator in ipso complacet: at qui elicit actum Contritionis, per quem obtinet remissionem peccati mortalis, potest revocare in memoriam aliquod peccatum veniale sine proposito emendationis; ac subinde peccatum veniale subsistere potest cum veniali peccato: igitur, &c.

Denique, quidquid confert Contritio extra Sacramentum, conferre potest Attritio juncta Sacramento Pœnitentiæ: sed omnia peccata venialia per Attritionem cum peccato non semper delentur, ut docet Concil. Trid. se ss. 14. cap. 5. verbis in primo notabili à nobis laudatis, ubi significat peccata venialia in Confessione taceri posse citra culpam, multisque aliis remediis expiari posse:

posse: Hæc autem remedia distincta a Confessione, & Pœnitentiâ, debent habere efficaciam delendi ipsa, non aliter, quàm per satisfactionem, & consequenter per exhibitionem alicujus operis æquivalentis in finem remissionis ipsorum: sed opus æquivalens potest esse in materia cujuscumque virtutis, v.g. fidei, eleemosynæ, orationis, jejunii, quia hæc opera sunt satisfactoria, ut ex Scriptura constat; jejunium autem, eleemosyna, & oratio numerantur à Patribus, & Doctoribus inter partes satisfactionis; imò & quodcumque opus bonum potest hunc effectum habere: ergo maximè pro peccatis levibus. Porro ut quicumque actus meritorius habeat efficaciam ad delenda peccata venialia, opus est quod per modum satisfactionis, & compensationis eliciatur, & offeratur in eum finem; si enim actus Pœnitentiæ, & Contritionis, necnon & dilectionis Dei, non sit sufficiens ad deletionem peccati venialis, quando ad illud implicite, vel explicitè non dirigatur, ut mox dictum est, multò minùs eam efficaciam obtinebit quilibet alius actus bonus minoris ordinis, & dignitatis. Adde quòd si ad exhibendam satisfactionem pro peccato proprio debitam per jejunium, necesse sit, ut jejunium istud, quod varios ob fines posset fieri, dirigatur ad ejusmodi satisfactionem intendendam; sic etiam ut opus satisfactorium valeat pro dimittendis peccatis venialibus, requiritur, ut fiat ea intentione, quæ non tribuit quidem operi bono valorem, sed applicationem.

† *Probatur denique quarta pars*, nempe quòd Sacramentalia vim habeant remittendi peccatum veniale; illa namque non solum à Theologis, sed etiam à summis Pontificibus, & SS. Patribus dicuntur ex benedictione Ecclesiæ sanctificare, & mundare; sed non mundant à peccatis mortalibus: igitur mundare debent à venialibus. Minor constat; Si

enim mundarent à peccatis mortalibus, conferrent primam gratiam; sicque haberent veram, ac perfectam rationem Sacramenti. Minor verò jam probata est de aqua benedicta, necnon & de pane benedicto qu. ult. art. 1. hujus Tractatus.

Probatur verò de cæteris, inprimis verò de oratione Dominica: nam S. Augustinus in Enchiridio cap. 71. & ex eo Toletanus quartum cap. 9. ait: *De quotidianis brevioribus levibusque peccatis, sine quibus hæc vita non ducitur, quotidiana oratio fidelium satisfacit; eorum enim est dicere. Pater noster, qui et in cælis, &c. delet omnino hæc oratio minima, & quotidiana peccata.* Nec valet reponere cum Vasquesio id esse intelligendum de oratione, quæ habeat annexum motum Contritionis, & Pœnitentiæ: hæc enim responsio omnino fictitia est; alioquin talis levium remissio non esset magis tribuenda orationi Dominicæ, quàm aliis orationibus, ex quibus excitari potest Contritio, v.g. Psalmo, *Miserere mei Deus*, necnon, & aliis Psalmis Pœnitentialibus. Adde quòd non Contritioni, sed huic petitioni: *Dimitte nobis debita nostra*; talis remissio tribuitur, quod maximè significat S. Augustinus in lib. de Corrupt. & gratia cap. 5. ubi ex illis verbis orationis Dominicæ probat, neminem esse sine peccato, idque confirmat autoritate S. Cypriani, qui hunc locum Dominicæ orationis exponens, ait: *Quàm necessariè autem, quàm providenter, & salubriter admonemur, quòd peccatores sumus, qui pro peccatis rogare compellimur, ut dum indulgentia de Deo petitur, conscientie sue animus recordetur. Ne quis quasi sibi innocens placeat, & se extollendo plus pereat, instruitur, & docetur se peccare quotidie, dum quotidie pro peccatis jubetur orare. Sic denique & Joannes in epistola sua ponit, dixit: Si dixerimus, quia peccati non habemus, nos ipsos decipimus, & veritas in nobis non est.*

Idem

Idem constat de Confessione generali, quæ fieri affolet in principio Missæ, & Completorii; hæc enim peccatorum publica, & generalis accusatio efficaciam habet, dum ex animo, & affectu pietatis ac Religionis fit, remittendi non solum peccatum veniale, sed etiam satisfaciendi pro mortalibus dimissis, ut docet S. Augustinus *lib. 50. homiliarum homil. ult. c. 9. & epist. 108.* Ad id etiam maximè confert elemosynæ largitio, ut præclare docet S. Hieronymus ad cap. 4. Danielis, ubi inter cætera ait: *Sciendum est, quod si Nabuchodonosor bona opera facienti veniam repromittitur, multò magis aliis promittitur, qui leviora peccata commiserunt.* Tandem ad id confert Episcopalis benedictio, ut communiter docent Theologi.

Sciendum est autem, quod hujusmodi Sacramentalia non habent illam efficaciam remittendi veniale peccatum, nisi prævium, vel conjunctum habeant motum animi ex parte ea sibi applicantis; siquidem ad id requiritur, ut nobis mediante fide nostrâ, & cultu Religionis applicentur, quia sunt ceremoniæ sacræ, quorum usus debet esse religiosus, & fieri humano modò; ideo in amentibus, aut dormientibus fortè non habent effectum talem, licèt in infantibus habeant alios effectus, ut fugandi dæmones, & similia.

PETES, *Utrum Sacramentalia remittant peccatum veniale ex opere operato; vel ex opere operantis?*

Respondeo, quod si remittere peccatum ex opere operato, idem significet, ac illud præstare nedom intuitu dignitatis, & meriti actus elicit ab operante, sed etiam ex suffragante alterius merito, sic Sacramentalia dici possunt ex opere operato illam remissionem efficere; quia habent hanc efficaciam, quatenus Ecclesiæ sanctitas ipsi moraliter applicatur mediântibus precibus,

quibus hunc effectum ipsi impetrat à Christo Domino.

Si verò dicatur ex opere operato effici, quòd de condigno, & infallibiliter ex meritis alterius datur, vel operatur, tunc ista Sacramentalia dici non possunt agere ex opere operato: Tum, quia tantum hanc efficaciam suis precibus eis obtinet Ecclesiæ, quatenus videlicet exorat Deum, ut conferat auxilia quædam supernaturalia ad eliciendos actus supernaturales, quibus formaliter aut virtualiter peccata venialia displiceant, & revocentur; eatenus enim censentur remittere venialia, quatenus ceremoniæ sunt sacræ, quarum usus religiosus excitat in nobis vel Attritionem, vel devotionem seu fervorè charitatis, quò ipsa remittantur: cum enim venialia opponantur fervori charitatis, cujus ardorem imminuunt; cumque nulla privatio possit tolli, nisi per positionem formæ oppositæ, non videntur aliter Sacramentalia remittere peccatum veniale, quàm obtinendo ex meritis Christi per preces Ecclesiæ auxilia quædam supernaturalia, quibus homo excitetur, & juvetur ad eliciendos ferventes actus charitatis, vel Penitentiae, per quos talia peccata formaliter aut virtualiter retractentur. Unde in amentibus aut dormientibus adultis, eorum applicatio fortè non haberet illam efficaciam remittendi venialia, licèt in infantibus habeant alios effectus, putà fugandi dæmones, & præpediendi infestationes maleficiorum.

Diceret: Si Sacramentalia solum remitterent peccatum veniale excitando fervorem charitatis, sequeretur nullam esse differentiam inter illa, & sacras imagines; siquidem illæ etiam in nobis excitant pios motus, nec-non, & charitatis fervorem: sed hoc videtur absurdum: ergo, & illud unde sequitur.

Nego sequelam majoris; & ad ejus probationem dico hoc interesse discrimen inter Sacramentalia, & sacras imagines,

gines, quôd hæ in nobis fervorem charitatis excitent solum objective, quatenus ad earum conspectum excitatur recordatio meritorum, ac virtutum eorum quos repræsentant: Sacramentalia verò id efficiunt etiam impetrative, quatenus ex meritis Christi per preces Ecclesiæ impetrant à Deo auxilia supernaturalia quibus homo ferventes actus charitatis eliciat.

CONCLUSIO SECUNDA.

Gratia habitualis prærequiritur antecedenter, non autem formaliter, ad peccati venialis remissionem; actualis verò concomitanter. Hæc conclusio tres habet partes, quarum primam indicat subtilis Doctor, cum ait *diff. 15. quæst. 1. num. 7.* De potentia ordinata „Deus non disposuit alicui peccatori „dare primam gratiam, nisi in virtute „meriti illius, qui erat sine peccato, „scilicet Christi: quia sicut tactum est „suprà, non disposuit sibi reconciliari „re inimicum, nisi per obsequium „magis gratum, quam offensam ejus „erat sibi displicens: & tale obsequium „ejus est Passio Christi, vel meritum „ejus, & sicut non disposuit dare gratiam peccatori sine Passione, sine qua „gratia nulla potest esse satisfactio „(reconciliativa) omnino, quia nec „æquivalens aliquô modo, nec simpliciter; nec in divina acceptatione; „ideò multò magis de potentia ordinata non est possibile satisfieri Deo „de peccato, nisi in virtute Passionis „Christi.

Quibus verbis significat Doctor, non posse satisfieri, nec reconciliari Deo, nisi beneficio, & applicatione sanguinis Jesu Christi: ubi est loquatur dumtaxat de reconciliatione, & satisfactio- ne; quæ fiat propter peccatum mortale; attamen idem dici potest proportionè servata de peccato veniali: pietati enim ac Religioni conveniens est, credere quod non remittantur peccata venialia, nisi gratis, & intuitu meritorum

Christi. Quod utique satis apertè indicat S. Joannes epist. 1. cap. 1. *Si dixerimus, quoniam peccatum non habemus, ipsi non seducimus, & veritas in nobis non est.* Post quæ continuo subjungit modum remissionis eorum peccatorum dicens: *Si confiteamur peccata nostra, fidelis est, & iustus, ut remittat nobis peccata nostra, & emundet nos ab omni iniquitate;* quôd verò hæc remissio fiat propter Christum; significat, cap. sequenti, dum ait: *Advocatum habemus apud Patrem Jesum Christum iustum, & ipse est propitiatio pro peccatis nostris.*

Hanc veritatem indicat Apostolus, cum ait 1. Cor. 13. *Si tradidero corpus meum, ita ut ardeam, charitatem autem non habuero, nihil mihi prodest;* ex hoc enim inferre licet, quôd homo non possit satisfacere pro reatu culpæ venialis, qui sufficit ad impediendam, & differendam consecutionem vitæ æternæ; alioquin multum sibi prodesse posset, si extra charitatem illam satisfactionem posset impendere.

Nec obstat, quôd, ut dicemus infra, possit homo citra charitatem satisfacere pro pœna temporali; ex quo videtur inferri, quod sine charitate aliquid prodesse potest.

Respondet enim, quod non multum sibi proficiat qui solvit pro pœna temporali quod lege statutum est: quia, quantum bonum est liberatio à pœna, tantum malum est solutio æquivalentis non enim multum prodest furi, quod suspendatur, licet per suspendium satisfaciatur pro pœna temporali, vel potius satis patiat: quamvis igitur status peccati mortalis non tollat potestatem satisfaciendi pro pœna temporali, tollit tamen satisfactionem reconciliativam pro culpa: quoniam hæc gratia est, & misericordia per Christum, quam non convenit concedi, nisi ei, qui per gratiam sanctificantem est vivum membrum Christi.

Hanc autem assertionem expressè tra-

tradit S. Bonaventura 4. *diff.* 21. p. 1. *art.* 1. *qu.* 1. Dicendum, inquit, quod aliquorum positio fuit, quod venialia sine gratia gratum faciente deleri possint per gratiam gratis datam. Et rationem hujus ostendere voluerunt pro eo videlicet, quod veniale peccatum non repugnat gratiae gratum facienti, sed gratis datae: nec offendit Majestatem divinam; quia ibi non diligitur aliquid supra Deum, sed aliquantulum inordinatè sub Deo, & ideo sicut mortale potest deleri per gratiam, quia ei repugnat, & quia gratia Deo offenso reconciliat, & quia Deum contemptum, amare facit super omnia; sic veniale potest deleri per gratiam gratis datam, quae illam modicam inordinationem removet, & illam occasionem minus amandi Deum, ab ipsa anima tollit, nec oportet ibi esse gratiam elevatè animam ad dilectionem Dei super omnia, quia per veniale nihil amatur supra Deum.

Sed haec positio licet probabilis videatur, à veritate tamen deviat, si quis inspiciat: omne enim peccatum, eo ipso quod est peccatum, aliquo modo animam defecat, & aliquo modo ipsam deordinat, & necesse est ex hoc, quod aliquo modo Deo displiceat. Quoniam igitur nota displicentiae minima, quae esse possit sine habitu, qui reducit ad complacentiam, & ad amicitiam, auferri non potest, tenendum est omnino de omni peccato generaliter, quod nullum omnino potest deleri sine gratia gratum faciente; sic enim decrevit nos sanare divina misericordia, & hoc dicunt Sancti, & sonat Scriptura: quae maxime ponit gratiam esse necessariam ad delenda peccata. *Hucusque Doctor Seraphicus.*

Qui confirmat suam sententiam auctoritate S. Augustini 21. de civitate, cap. 27. ubi ait: *Verum tamen nec ipsa ma-*

gna (peccata) à quibus omnino, mutatis in melius moribus recedendum est, dimittuntur orantibus, nisi fiat quod ibi dicitur. Sicut, & nos dimittimus debitoribus nostris. Si enim minima peccata, sine quibus non est etiam vita iustorum, aliter non remittuntur: quanto magis multis, & magnis criminibus involuti, etiam si ea perpetrare jam desinant, nullam indulgentiam consequuntur, si ad remittendum aliis, quod in eis quisquam peccaverit, inemorabiles fuerint, cum dicat Dominus: Si autem non dimiseritis hominibus peccata; neque Pater vester dimittet vobis? Ex quibus infert Seraphicus Doctor quoddam non alia ratione qui non remittit offensam à fratre acceptam, non potest à Deo sperare indulgentiam offensae ipsi irrogatae, quam quia qui non vult dimittere est in statu peccati mortalis, in quo nullam remissionem meretur quandiu in eo habet complacentiam.

Probaturs secunda pars, nempe quod nova infusio gratiae habitualis, & sanctificantis non requiritur formaliter ad remissionem peccati venialis: id enim requiritur formaliter, quod requiritur ut forma tollens privationem, quae prius inerat; sed gratia sanctificans non est forma tollens maculam peccati venialis; quippe cum illud cum ea subsistat in viatore; ac subinde ad peccati venialis remissionem non est necessaria infusio gratiae sanctificantis.

PETES, Utrum saltem concomitanter aut consequenter illa remissio venialium requirat specialem gratiae sanctificantis infusionem?

R *Espondeo, id non esse necessarium siquidem cui peccatum veniale remittitur, jam in eo exiit gratia sanctificans; ac subinde non opus est, ut ei de novo infundatur.*

Dices: Peccatum veniale imminuit fervorem charitatis; ergo ut remittatur nec-

neceſſum eſt fervorem illum reſtitui : ſed non poteſt reſtitui, niſi per gratiam habitualement: igitur neceſſum eſt, ut aliquis illius gratiæ gradus in hujus peccati remiſſionem infundatur.

Nego minorem. Nam ut reſtituatur ille ardor charitatis, ſufficit gratia actualis, quæ hominem inordinatè adhe- rentem rebus temporalibus ab eis revo- cet, & ad Deum per actum dilectionis convertat.

Probatur tertia pars, nempe quòd gratia actualis neceſſaria ſit ad remiſſionem peccati venialis: Quia 1. Joan. 1. *Sanguis Chriſti emundat nos ab omni peccato:* ergo tam à veniali, quàm à mortali: porro Chriſti ſanguis abſque gratiâ non agit. 1. Joan. 2. *Si quis peccaverit, Advocatum habemus apud Patrem.* Ex Arauſicano 2. Can. 4. *Purgamur à peccato per operationem S. Spiritus,* quia ex Salomone. *Præparatur voluntas à Domino.* Et ex Apoſtolo: *Deus eſt, qui operatur in nobis velle, & perficere pro bona voluntate.* Et Can. 7. *Qui dicit per naturæ vigorem bonum, aliquid ad æternæ vitæ ſalutem pertinent nos cogitare, ut expedit, aut eligere poſſe ſine illuminatione, & inspiratione Spiritus ſancti, non intelligit vocem Domini dicentis in Evangelio Joan. 15. Sine me nihil poteſtis facere.* Nec illud Apoſtoli: *Non ſumus idonei cogitare aliquid à nobis, quaſi à nobis.* 2. Cor. 3. Can. 14. *Nullus miſer de quantacumque miſeria liberatur, niſi qui Dei miſericordiæ prævenitur,* ut dicitur Pſalm. 78. *Citò anticipent nos miſericordiæ tuæ, Domine.* Et Pſalm. 52. *Dei mei miſericordiæ ejus præveniet me.* Can. 22. *Nemo habet de ſuo, niſi mendacium, & peccatum.* Si quis homo veritatem, & juſtiti- am habet, ab illo fonte eſt, quem debemus ſtire in hac creta, ut non deſiciamus in via.

Obijciunt contra primam partem. Veniale peccatum non includit privationem gratiæ, & cum ipſa ſubſiſtit; igitur

Tom. X.

ut ad illius remiſſionem non requiritur gratia habitualis.

Diſtinguo conſequent: Non requirit gratiam habitualement per modum cauſæ formalis, phyſicæ, aut moralis, concedo: Per modum prærequiſitæ diſpoſitionis, nego: nam, ut diximus, ut quis dignus ſit conſequentiæ remiſſionis peccati venialis quantum ad reatum culpæ, debet eſſe acceptus Deo, ac proinde debet eſſe in ſtatu gratiæ ſanctificantis.

Obijciunt ſecundò: Peccata venialia remittuntur per Sacramentalia: ſed illa ex æquo applicantur tam juſtis, quàm peccatoribus, ut patet de aqua benedicta, & pane benedicto, qui tam juſtis, quàm peccatoribus traditur: igitur ad remiſſionem peccati venialis, non prærequiritur gratia habitualis.

Diſtinguo minorem: Sacramentalia applicantur tam juſtis, quàm peccatoribus ex intentione Eccleſiæ in ordine ad remiſſionem peccati venialis, quaſi ex æquo utriſque illa competere, nego: propter alias utilitates, quas ex ejuſmodi Sacramentalium applicatione accipere poſſunt peccatores, concedo: aſperſio enim aquæ benedictæ, v. g. eis prodeſſe poteſt ad abigendas, & removendas dæmonum, & maleficorum infeſtationes.

Obijciunt tertio: Peccatum veniale, remittitur in inferno; ſiquidem damnatis relaxatur pœna peccatis venialibus debita: ſed damnati nullam habent gratiam habitualement; igitur hæc ad peccati venialis remiſſionem non prærequiritur.

Diſtinguo majorem: Remittitur quantum ad reatum culpæ, nego, quantum ad reatum pœnæ propter rationes quæ ſeq. ſubjiciendas, concedo.

Obijciunt quarto: Remiſſio venialium, quæ ſit ſimul cum remiſſione mortali- um non ſupponit gratiam habitua- lem; ſiquidem hæc non præcedit illam mortali- um remiſſionem: igitur pecca-

E f f

to-

torum venialium remissio non requirit necessariò gratiam habitualem.

Distinguo consequens : Non requirit prioritatem temporis, & durationis, quia priùs gratia habitualis non debet esse in peccatore, quàm ei peccata dimittantur, concedo: non requirit per exigentiam, & simultaneam existentiam, nego: non potest enim de via ordinaria remitti peccatum, quin adsit gratia habitualis, per quam restituimur in amicitiam Dei, & in ius ad hereditatem æternam.

Obijciat quintò contra ultimam partem; Unum contrarium tollitur per aliud: veniale peccatum est actus naturalis, alicui sæpe naturali virtuti contrarius, ut iocosum mendacium veracitati, excessus in cibo, & potu, temperantia.

Nego minorem : In eo quippe statu, quo vivimus ad ordinem gratiæ, gloriæque supernaturalem promovendi; non solum veniale opponitur naturali perfectioni, sed etiam supernaturali, puta fervori charitatis, & familiaritati cum Deo. Quare tolli non potest, nisi per divinæ charitatis fervorem, & actum supernaturalem, quo familiaritas illa Dei restituatur.

Obijciat denique. Veniale peccatum est tantum nimia quedam ad creaturas adhesio, sed naturaliter, & absque auxilio gratiæ potest quis tollere hanc nimiam adhesionem, per actum scilicet amoris Dei, ut creatoris: igitur naturaliter absque divinæ gratiæ auxilio potest quis consequi peccatorum venialium remissionem. Major constat: Non enim peccatum veniale evertit ordinem ad ultimum finem, sed solum peccator per illud nimis inhæret creaturæ, salvo tali fide. Minor etiam patet: nam in statu naturæ puræ, quem in secundo volumine disp. 3. diximus esse possibilem, potuissent esse peccata venialia: in eo autem statu non potuissent elui alio modo, quàm per actum amoris Dei, ut Creatoris.

Nego minorem. Illa enim nimia adhesio creaturis, & retardatio ab ultimo fine, non solum est contra virtutem naturalem, sed etiam opponitur alicui perfectioni supernaturali, nimirum fervori charitatis, & familiaritati hominis cum Deo, subindeque tolli non potest, nisi per aliquem charitatis fervorem, aut alterum actum supernaturalem aliquo modo avertemtem hominem à creaturis, & convertentem ad Deum: quæ utique conversio fieri non potest, nisi per aliquod auxilium supernaturale. Ad illius probationem dico, *primò* dubium esse, utrum reverà in statu naturæ puræ possent esse quedam peccata venialia, nam status ille talis dicitur, maximè ex eo quòd sit immunis ab omni peccato, & gratiæ auxilio. *Secundò* dico, quòd si fortè in eo statu fierent venialia peccata, illa essent diversa rationis à nostris, eo quòd tunc non fuissent opposita fervori charitatis, & familiaritati hominis cum Deo, sicut ea, quæ modò sunt in statu naturæ elevatæ ad ordinem supernaturalem: ideoque potuissent remitti per amorem naturalem Dei, ut Creatoris, aut per actum cujuscumque virtutis naturalis.

CONCLUSIO TERTIA.

Remittitur peccatum veniale, vel post mortem, vel in instanti mortis intuitu meritorum præcedentium, non autem ratione meriti de novo elicit. Hæc Conclusio tres habet partes, quarum *prima* est, quòd reverà peccatum veniale quantum ad reatum culpæ possit remitti in purgatorio, & post mortem, aut in instanti mortis: *Secunda*, quòd hæc remissio fiat ratione operis meritorii præcedentis. *Tertia*, quòd non fiat intuitu actus meritorii de novo elicit.

Prima pars docetur non solum ab omnibus Theologis, sed etiam à SS. Patribus, illamque expressè tradit Doctor in reportatis *dist. 21. qu. 1. num. 2.* „ In ista questione, *inquit*, conclusio est

est certa, quod peccatum aliquod potest dimitti post mortem, non tantum quantum ad pœnam, quia scilicet pœna illi peccato debita, non fuit hic soluta; sed etiam quantum ad culpam in se; Quod utique probatur, quia nullus salvabitur cum aliquo peccato; sed existens cum aliquo peccato veniali potest dormire, & dormiendo mori, & similiter potest aliquis venialiter peccare usque ad ultimum instans, quo anima egreditur à corpore. Constat autem, quod sic morienti nunquam fuit dimissum peccatum hoc veniale: igitur vel intraret gloriam sine remissione culpæ talis venialis, vel ibi remitteretur ei: at non intrabit gloriam sine remissione talis venialis; quoniam non intrabit in eam aliquod coinquinatum. Apoc. 21. ergo ibi remitteretur ei.

Eandem sententiam colligit Magister sententiarum in 4. d. 21. ex illis verbis Christi, Matth. 12. *Qui dixerit (verbum) contra Spiritum sanctum, non dimittur ei, neque in hoc seculo, neque in futuro*, ex quo, inquit, datur intelligi, sicut SS. Doctores tradunt, quod quedam peccata in futuro dimittuntur, quedam enim culpæ in hoc seculo relaxantur, quedam verò parvæ etiam in futuro, quæ quidem post mortem gravant, sed dimittuntur, si digni sunt, si bonis actibus in hac vita meruerunt, ut dimittantur eis.

Illi autem Doctores sunt maximè SS. Patres, præsertim S. Augustinus de civitate, cap. 24. ubi ait; Neque enim de quibusdam veraciter diceretur, quod non eis remitteretur, neque in hoc seculo, neque in futuro, nisi essent, quibus etsi non in isto, ramen remitteretur in futuro. Idem colligit S. Gregorius Magnus lib. 4. dialogi c. 39. ubi expendens præfata S. Matthæi verba, ait; *in qua sententia datur intelligi, quasdam culpas in hoc seculo, quasdam verò in futuro posse laxari, quod enim de uno ne-*

gatur, consequens intellectus patet: quia de quibusdam conceditur. Idem docent S. Ildorus lib. de officiis Ecclesiasticis, cap. 18. S. Bernardus serm. 16. in Cantica, &c.

Dicit; Nullus iustus potest peccare post mortem: ergo nec à reatu peccati surgere. Patet antecedens. Consequentia probatur: *Tum*, quia eadem est ratio de potentia ad peccandum, & resurgendum à peccato: *Tum*, quia facilius est cadere, quam resurgere: *Tum denique*, quia resurgere à peccato non videtur ei competere, qui non potest mereri, sed qui non potest in aliquo statu cadere non potest etiam mereri: igitur, &c.

Negat consequentiam Doctor in 4. dist. 21. qu. 1. num. 11. Intelligendo, inquit, resurgere, pro liberari à peccato. Ad primam autem probationem, ait, non esse simile inter posse peccare, & resurgere à peccato: quia peccare est liberè agere, & pro statu viæ (intellige de peccato demeritorio) nam docet Doctor, in 2. dist. 7. qu. 1. damnatos velle peccare, si ceter per illud peccatum nihil de novo demerantur: resurgere autem, id est, immunem fieri à peccato, non requirit liberè agere etiam in viâ; quia vel secundum primam opinionem, non est nisi solvere pœnam, & hoc est pati eam, vel juxta secundam, non est nisi pro merita prius habita in viâ, & pro tunc accepta, culpam nunc dimitti.

Ad secundam probationem consequentia, ait: Concedo, quod facilius est cadere, quam resurgere, prout resurgere dicit actum ordinatum in potestate simpliciter resurgentis: sed sic non accipitur resurgere in ista remissione peccati venialis. *Ad tertiam probationem ait,* falsum supponere, scilicet quod resurgere tunc est per actum voluntatis meritorium, qui tunc infit, sed per actum meritorium, qui

prius inuit in vita, juxta secundam opinionem, vel per nullum actum meritorium, sed tantum per pati pœnam condignam pro illo peccato secundum primam opinionem.

Dices secundò: Nullum peccatum mortale post hanc vitam potest remitti: igitur nec veniale Consequentia patet; videtur enim esse eadem ratio mortalis, & venialis, quippe cum dumtaxat differant secundum magis, & minus.

Negat consequentiam Doctor, num. 12.

„ *Quia, inquit,* merita facta in vita
„ non possunt acceptari in instanti
„ mortis, ut per ea deleatur mortale,
„ quia Deus disposuit mortale non de-
„ lendum, nisi per susceptionem vo-
„ luntariam Sacramenti, vel per ali-
„ quam dispositionem, tanquam per
„ meritum de congruo, tunc vel usque
„ tunc inherenter, quando peccatum
„ deletur, non sic est in eo, qui disce-
„ dit in mortem.

*Ad probationem consequentiæ re-
„ spondet,* quod etsi peccatum mortale,
„ & veniale, quandoque opponantur
„ eidem virtuti, & privent eadem bo-
„ nitate in genere naturæ, aut moris,
„ sed bonitate physica, aut morali, non
„ tamen privant eadem bonitate mo-
„ rali Theologica, quia peccatum mor-
„ tale ex divina ordinatione opponi-
„ tur gratiæ justificanti, & privat ami-
„ citia divina, secus autem est de pec-
„ cato veniali: non igitur mirum si unum
„ remittatur post mortem, non verò al-
„ terum.

Dices tertio: Peccatum veniale re-
„ mitti potest per quamcumque pœnam,
„ maxime verò per pœnam mortis: igitur
„ non remanet dimittendum post mor-
„ tem.

Respondet Doctor, num. 13. quod po-
„ test bene concedi, quod mors volunta-
„ riè accepta sit pœna sufficiens pro pœna
„ cuiuscumque peccati venialis, & fortè
„ pro magna parte pœnæ debitæ pro mor-

talibus dimissis. Nec obstat, quod est
pœna necessaria: quia aliquis potest ne-
cessarium voluntariè acceptare, & sic
huic consonat, quod dictum est in se-
cunda opinione, quod peccatum venia-
le deleatur in instanti mortis. Unde
addit in reportatis *num. ult.* quod mors
posset imponi laicis pro satisfactione
„ Sacramentali: Et credo, *inquit,* quod
„ si fur illam voluntariè sustineat, tan-
„ ta posset esse illius Contritio, & di-
„ splicentia, quod statim evolveret in
„ cœlum.

Secundam partem probat Doctor,
„ *num. 5.* *Quia, inquit,* qui moritur in
„ charitate, etsi post mortem non re-
„ ferantur ipsius opera meritoria ad
„ veniale, in quo moritur, dimittit
„ dum; nec ipse etiam habeat aliquem
„ actum novum meritorium, per quem
„ deleatur veniale, tamen illa opera
„ prius facta possunt esse à Deo relata
„ ad remissionem istius venialis post
„ mortem. Quod sic probat: *Quia,*
„ *inquit,* causa impediibilis, dum est
„ impedita non ponit effectum, dum
„ verò non est impedita, ponit, sed me-
„ rita istius morientis in charitate, ef-
„ fectus causa sufficiens deletionis ve-
„ nialium istius, vel relata ab ipso, vel
„ à Deo acceptante in ordine ad istud:
„ sunt autem impedita dum iste vivit,
„ si semper actu manet in peccato ve-
„ niali: post mortem verò tunc non
„ sunt impedita, quia tunc non con-
„ trahit actum peccati venialis: igitur
„ per illa delebuntur venialia post
„ hanc vitam. hoc est, in instanti se-
„ parationis animæ. Ex quibus infer
„ duo; primum, quod in instanti mor-
„ tis remittuntur venialia, quia tunc
„ non manet actus peccati venialis, &
„ per consequens tunc cessat impedi-
„ mentum. Aliud, quod omne pecca-
„ tum veniale morientis in charitate,
„ remittitur in hac vita, nisi ille con-
„ tinuet actum peccati venialis usque
„ ad mortem, vel ad instans mortis.

Qui-

Quibus omnibus Doctor significat, quod sicut iustus per bona opera meretur gloriam, si moriatur in gratia; ita etiam meretur, si decedat cum gratia, ut consequatur veniam suorum levium delictorum, sine qua non potest consequi gloriam, quam meretur: igitur habet jus ex meritis præcedentibus hujus vitæ, ut post mortem remittantur ei venialia, aut in instanti mortis, si quamdiu vivit, in eis non complectatur.

Tertia denique pars probatur ex illo Eccl. cap. 11. Si ceciderit lignum ad Austrum, aut ad Aquilonem, in quocumque loco ceciderit, ibi erit. Quibus significatur, nullum amplius esse locum meriti, vel demeriti post mortem, quod ultrò fatentur omnes Theologi affirmantes statum hujus vitæ esse dumtaxat merito, vel demerito præfixum. Hinc improbat sententia S. Thomæ affirmantis qu. 7. de malo art. 11. peccata venialia remitti in purgatorio per actus Contritionis, vel charitatis, quibus anima illa peccata detestatur, & retractat: inde enim sequeretur animas in purgatorio patientes posse adhuc mereri: cujus contrarium docent Theologi communiter.

QUÆSTIO TERTIA.

Utrum, remissâ culpâ peccati mortalis, & venialis per penitentiam, remaneat reatus pœnæ temporalis, & quomodo hic solvi possit?

Notandum primo: certum esse, quod remissâ culpâ mortali per penitentiam, semper etiam remittatur reatus, seu obligatio ad pœnam æternam luendam: siquidem nunquam de via ordinaria remittitur mortalis culpa, quin infundatur gratia sanctificans, per quam homo justificatur: ipsa autem justificatio (inquit Concilium Tridentinum sess. 6. cap. 7.) non est sola peccatorum remissio: sed & sanctificatio, & re-

novatio interioris hominis per voluntariam susceptionem gratiæ, & donorum; unde homo ex injusto fit iustus, & ex inimico amicus, ut fit hæres secundum spem vitæ æternæ. Repugnat autem, saltem de lege ordinaria, ut aliquis sit hæres regni cœlestis, & simul addictus pœnæ æternæ; alioquin simul esset dignus vita, & morte æternâ: ac subinde repugnat pariter, quod remissâ per penitentiam culpâ peccati mortalis, remaneat in justificato reatus pœnæ æternæ.

Notandum secundo, controversiam moveri inter Catholicos, & Hæreticos utrum remissâ per penitentiam culpâ tam mortali, quam veniali superfit aliqua obligatio ad luendam pœnam temporalem. Affirmant omnes Catholici Doctores cum Concilio Tridentino, ibidem c. 14. ubi asserens peccatores rursus justificari posse per penitentiam, quam secundam post naufragium deperdit gratiæ tabulam SS. Patres aptè nuncupant: subdit illa peccata solvi posse per debitâ satisfactionem subeundam. Non quidem pro pœnâ æternâ, quæ vel Sacramento, vel Sacramenti voto, unâ cum culpa remittitur; sed pro pœnâ temporali, quæ, ut sacræ litteræ docent, non tota semper, ut in Baptismo fit, dimittitur illis, qui gratiæ Dei, quam acceperunt in gratiâ, Spiritum S. contristaverunt, &c.

Verum negativam partem teneant hæretici hujus temporis, maxime Calvinistæ cum nefario suo Antesignano; qui lib. 3. Instit. cap. 4. num. 25. ubi præmisit sententiam Catholicorum, de debita pro remissis peccatis solutione, subdit impudenter; Talibus mendacii oppono gratiam peccatorum remissionem, quæ nihil in Scriptura clarius prædicatur, quid enim est remissio: nisi mera liberalitatis donum? Non enim remittere dicitur creditor, qui antapœbâ testatur sibi numeratam pecuniam; sed qui nulla solutione ultro sua beneficentia nomen expungit: cui deinde gratiæ additur, nisi ad tollendam omnem satisfactio-

*nis opinio? qua leuitur confidentia
suis satisfactionibus adhuc erigunt, quæ
tam valido fulmine prosteruntur?*

Notandum tertiò, triplicem esse Doctorum sententiam circa pœnam peccato veniali debitam. Quidam enim, cum Alensi 2. part. qu. 124. memb. 9. volunt ipsi deberi per se pœnam æternam; per accidens verò temporalem: Aliqui verò cum Angelico Doctore 102 qu. 87. art. 5. & Seraphico in 2. dist. 42. art. 2. quæst. 2. affirmant deberi pœnam temporalem per se: æternam vero per accidens, quando videlicet aliquis dedit cum peccato mortali, & veniali, inde enim fit ut peccatum veniale junctum mortali perpetuò puniatur, quia in inferno nulla est redemptio. At subtilis Doctor, dist. 21. num. 6. expugnata utraque præmissa sententia contendit nec per se, nec per accidens pœnam æternam esse veniali peccato debitam. Duo itaque hic sunt statuenda. Primum, quod remisso reatu culpæ adhuc ut plurimum supersit pœna temporalis per satisfactionem exolvenda. Secundum, quòd peccatum veniale non sit puniendum pœnâ æternâ.

CONCLUSIO PRIMA.

DISSO per penitentiam reatu culpæ peccati tam mortalis, quam venialis, remanet in penitente sæpè sepius reatus pœnæ temporalis. Hæc est de fide determinata in Concilio Florentino in Decreto Eugenii, ubi decernitur tertiam penitentiae partem esse satisfactionem pro peccatis secundum arbitrium Sacerdotis, quæ præcipuè fit per orationes, jejunia, & eleemosynas: ac subinde supponit aliquam pœnam remissâ culpâ esse superfluentem. Apertissimè eam d. finit Tridentinum sess. 6. Can. 130. *Si quis post acceptam justificationis gratiam, cussibit peccatori penitenti ita culpam remitti, & reatum æternæ pœnæ deleri dixerit, ut nullus remaneat reatus pœnæ temporalis exolvende, vel in hoc sæculo, vel in futuro*

in purgatorio, antequam ad regna gloriarum aditus dateret possit, anathema sit. Unde sess. 14. cap. 8. Sancta Synodus declarat, falsum omnino esse, & à verbo Dei alienum, culpam à Domino nunquam remitti, quin universa etiam pœna condonetur: perspicua enim & illustra in sacris Litteris exempla reperiuntur, quibus præter divinam Traditionem hic error, quàm manifestissimè vincitur. Hæc autem divina oracula, quibus ejusmodi veritas confirmatur, repetuntur præcipuè ex cap. 32. Exodi, ubi Israelitis in adorationem aurei vituli lapsis Deus peccatum ad preces Moysis remittit; nam ibidem dicitur: *Placatus est Dominus, ne faceret malum, quod locutus fuerat adversus populum suum.* Nihilominus ibidem dicitur, Deum reservasse pœnam infligendam, isti populo propter illam noxam; subditur enim: *In die ultionis visitabo, & hoc ob peccatum eorum: percussit ergo populum Dominus pro reatu vituli, quem fecerat Aaron.*

Similiter num. 13. & 14. iisdem Israelitis in peccatum murmuris lapsis intercedente Moysè pepercit Deus, ait enim; *Dimissi juxta verbum tuum:* attamen omnibus, qui ex Ægypto fuerant egressi, reservatur ultio, subditur enim. *Attamen omnes homines, qui viderunt Majestatem meam, & signa, quæ feci in Ægypto, & in solitudine, & tentaverunt me jam per decem vires, nec obdierunt voci meæ, non videbunt terram, pro qua juravi Patribus eorum, nec quisquam ex illis, qui detraxit mihi; intuebitur eam.* Unde Psal. 94. *Quibus juravi in ira mea, si introibunt in requiem meam?* Eadem pœna ibidem cap. 20. decernitur contra Moysen, & Aaron, ob eorum peccatum ad aquas contradictionis; legitimus enim; *Quia non credidistis mihi, ut sanctificaretis me coram filiis Israel, non introductis hos populos in terram, quam dabo eis.* Et infra; *Pergat Aaron ad populos suos:*

non

non enim intrabit terram, quam dedi filiis Israel, eo quod incredulus fuerit ori meo ad aquas contradictionis. Et statim mors ejus ibi describitur: Moyse verò Deuter. 32. dicit Deus. *Astende in montem istum Abarim, id est, transiitum, in montem Nabo... quem ascendenti jungeris populo tuis, sicut mortuus est Aaron frater tuus in monte Hor: Et appositus populo suis, quia prævaricati estis contra me ad aquas contradictionis in Cadet deserti Sin: Et non sanxisti me inter filios Israel: & contra videbis terram, & non ingredieris in eam, quam dabo filiis Israel.* Certum est autem, quod illius peccati veniam obtinuerunt Moyse, & Aaron; Absit enim (inquit Augustinus lib. 16. contra Faustum cap. 16.) ut credamus Moysen esse alienatum, qui cum S. Elia meruit clarificato Christo assistere.

Patet eadem veritas ex 2. Regum c. 12. ubi Davidi penitenti remittit Deus peccatum adulterii cum Bersabea, & homicidii Uriæ; cum enim dixisset David ad Nathan Prophetam: *Peccavi Domino: statim reposuit Nathan: Dominus quoque transiit peccatum tuum, non morieris*: quibus verbis sine dubio totam peccati culpam remisit Deus; unde S. Ambrosius in priori apologia Davidis, cap. 2. ait: *Dominum dolor intimi movit affectus, ut Nathan diceret; quem admodum pœnituit te, & Dominus absolvit peccatum tuum: maturitas itaque venit profundam Regis fuisse Penitentiam declaravit, quæ tanti erroris offensam traduxerit.* Nihilominus ejusmodi criminum temporalem pœnam luit David morte filii ex adulterio suscepti; nam ibidem Nathan ait: *Veruntamen Domine blasphemare fecisti inimicos Domini, propter verbum hoc, filius qui natus est tibi, morte morietur.* Quibus verbis significat Davidem fuisse punitum non tantum ut caveret in futurum, vel ad terrorem aliorum, vel ad virtutis, & patientiæ exercitium, ut comminiscun-

tur hæretici, sed propter peccatum, & scandalum datum: inferre autem pœnam peccatori, quia peccavit, est propriè punire peccatum, & non solum infligere pœnas medicinales: unde S. Augustinus in Psal. 50. ait: *Veritatem dilexisti, id est: impunita etiam eorum, quibus ignoscis, non reliquisti.*

Ut hæc divina testimonia elevet Calvinus, reponit num. 31. & 32. Deum equidem interdum dimisso reatu culpæ pœnam peccatori justificato infligere, non in vindictam, sed in emendationem. Duplex enim, distinguendum est judicium, unum vindictæ, alterum castigationis: Porro (inquit) judicio vindictæ sic intelligendus est Deus inimicos suos ulcisci, ut iram adversus illos suam exerceat, confundat, dissipet, in nihilum redigat. Id ergo sit nobis propriè Dei vindicta, ubi punitio cum ejus indignatione conjuncta est. Judicio castigationis non ita sevit ut irascatur: nec vindicat ut perdat, vel fulminet ad interitum. Unde non est supplicium propriè aut vindicta, sed correctio, & admonitio. Alterum judicis est, alterum patris. Juxta enim cum facinorosum punit, in ipsum delictum animadvertit, & de facinore ipso pœnam expedit. Pater cum filium severius corrigit, non hoc agit ut vindicet aut mulcet, sed magis ut doceat, & cautiorem in posterum reddat. Paulò diversà similitudine Chrysostomus alicubi utitur, quæ tamen eodem recidit. Verberatur, inquit, filius: verberatur, & famulus: sed hic ut servus, quia peccavit, punitur: ille verò, ut liber, & filius disciplinæ indigens, castigatur. Hinc correctio in probationem, & emendationem cedit; illi in flagella, & pœnas. Ut breviter & expedite rem notam teneamus, hæc ex duabus statuitur prima distinctio. Ubi, cumque pœna est ad ultionem, ibi maledictio & ira; Dei se exeret, quam sem-

semper à fidelibus continet. Castigatio contra, & Dei benedictio est, & amoris habet testimonium, ut docet Scriptura. Hoc discrimen satis Dei verbo passim notatur. Quidquid enim afflictionum in presenti vita sustinent impii, nobis depingitur, seu quoddam inferorum atrium: unde eternam suam damnationem eminens jam prospiciunt; tantumque abest, ut inde emendantur, aut fructum aliquem percipiant, ut potius talibus præludiis ad dirissimam, quæ tandem eos manet, gehennam apparentur.

Verum hæc Calvinii responsio mera est elusio, & illusio; quàm enim perversè, & præposterè divinam Scripturam interpretetur, apparet ex præfatis divinis oraculis, quibus apertissimis verbis significatur Deum plagas, & calamitates hominibus jam in gratiam receptis inferre in vindictam, & ultionem dimissorum criminum; non autem in solam emendationem: & patientiæ exercitium. Hujus veritatis nulla quidem proferri potest ratio à priori, quippe cum hoc pendeat ex sola ordinatione Dei, qui sicut penam eternam unà cum mortali culpa gratis semper remittit; ita posset, si vellet semper omnem penam remittere. Varias tamen congruentias hujus divini ordinationis proferunt SS. Patres. *Primo* quidem, ut peccati gravitas magis innotesceret, & ab offensa timore penæ induendæ peccator removeretur. Quam utique rationem subministrat S. Aug. Tract. 124. in Joan. dicens: *Ne culpa putaretur parva, si cum ea finiretur, & penæ prolixiorum voluit esse penam, quàm culpam, temporaliter enim detinet penam; quem jam reum ad damnationem non detinet culpa.*

Secundò, ut debitam Deo satisfactionem peccator exolveret, intelligeretque quàm benigna fuisset Dei misericordia penam eternam condonando. Quod utique luculenter explicat S. Augusti-

nus lib. 22. contra Faustum cap. 67. ubi ait. Quando corruptus (David) per Prophetam, dixit: *Peccavi*, continuò adhuc verbum audire meruit, quòd receperit veniam: ad quam rem, nisi ad sempiternam salutem? Neque enim prætermissa est in illo secundum Dei comminationem, flagelli paterni disciplina; ut, & confessus in æternum liberaretur, & afflictus temporaliter plecteretur. Haud verò mediocre fidei robur fuit, aut parùm mitis, & obedientis animi indicium, cum audisset à Propheta, quòd sibi Deus ignovisset, & tamen quæ fuerat comminatus, consequenter evenissent, non se dicere deceptum esse Prophetæ mendacio, nec murmurare adversus Deum, quasi falsam peccatorum indulgentiam esse pronuntia- verit; intelligebat enim vir altè sanctus, & non contra Deum, sed ad Deum elevans animam suam, nisi Deus esset contenti, pœnitentique propitius, quantum penarum æternarum ejus essent digna peccata, pro quibus cum temporalibus emendationibus uretur; videbat erga se, & manere veniam, & non negligi disciplinam.

Tertiò, ad fræmandam peccandi licentiam, quæ certè longè major esset, unà si cum culpa omnis pœna relaxaretur. Quam utique rationem proferat S. Chrysostomus homil. de Pœnitentia, dicens: *Ne peccantes, & inultis manentes efficeremur deteriores; non remisit nobis supplicium, sed vidit hoc manifestè, quòd peccatis ipsi non minus damnosum sit, non puniri; & propter hoc imponit penam.*

Quartò, decens erat, ut vitiosos habitus malè vivendo contractos, per contrarios actus tolleremus: id autem fieri non poterat efficacius, quàm penam temporalem luendo: Unde S. Augustinus lib. 2. de peccatorum meritis, & remiss. cap. 34. *Propter hoc*, inquit, *Adam*

esse de Paradiso contra Eden habitavit; id est, contra sedem deliciarum; ut significaret quod in laboribus qui sunt deliciis contrarii erudienda esset caro peccati, quæ in deliciis obedientiam non servavit.

Denique, conveniens erat, ut esset quidam proportio membrorum cum capite. Cum igitur Christus pro nostris peccatis acerbissimos cruciatus temporales subierit, pari ratione decebat, ut pro ejusmodi peccatis penam aliquam pateremur.

Has omnes rationes disertissimè explicat Concilium Tridentinum sess. 14. cap. 8. his verbis: *Sane, & divinæ justitiæ ratio exigere videtur, ut aliter à Deo in gratiam recipiantur, qui ante Baptismum per ignorantiam deliquerint; aliter verò, qui semel à peccati, & demonis servitute liberati in acceptis Spiritibus S. donò, scientes templum Dei violare, & Spiritum sanctum contristare non formidaverint. Et divinam clementiam docet, ne ita nobis absque ulla satisfactione peccata dimittantur, ut occasione accepta, peccata leviora putantes, veluti injurii, & contumeliosi Spiritui sancto, in graviora labamur, thesaurizantes nobis iram in die iræ. Procul dubio enim magnopere à peccato revocant. & quasi fructus quiddam coercent hæ satisfactoriæ pœnæ, cautioreque, & vigilantiores in futurum pœnitentes efficiunt; medentur quoque peccatorum reliquiis, & vitiosos habitus malè vivendo comparatos contrariis virtutum actionibus tollunt. . . . Accedit ad hæc, quod dum satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra sufficientia est, conformes efficiamur, certissimam quoque inde arham habentes, quod si compatimur, & conglorificabimur.*

Obficiunt primò Hæretici, Deus Ezechielis 18. testatur se penitus oblitum peccatorum ejus, qui pœnitentiam egerit, *Omniū, inquit, iniquitatum*

Tom. X.

ejus non recordabor. Similiter cap. 33. *Impietas impij non nocet ei, in quemque die conversus fuerit ab iniquitate sua.* Quibus concinit Apostolus ad Rom. 8. *Nihil ergo nunc damnationis est in iis, qui sunt in Christo Jesu: Sed Deus haud dubiè iniquitatum peccatoris recordaretur, ipsaque impietas noceret impio, & aliquid superesset damnationis in iis, qui sunt in Christo Jesu, si dimissa culpa superesset luenda pœna temporalis: igitur remisso reatu culpæ, nullus pœnæ luendus reatus permanet.*

Nego minorem, & ad duo priora Scripturæ loca dico, quòd ut iniquitatum peccatoris obliviscatur Deus, satis est, ut eum in suam amicitiam recipiat, & ei pœnam æternam condonet, sic enim Deus oblitus est perduellionis Adæ, quia Sapientiæ 10. dicitur eum de delicto eduxisse: & tamen ei reservavit, & posteris pœnam mortis, Num. 10. Mariam Moysis sororem, ad ejus orationem, absolvit à peccato murmuris, & tamen eam extra castra septem diebus separari jussit. Similiter 3. Reg. 13. Vir Dei seu Propheta Domini propter inobedientiam occisus est à leone; videtur tamen antea, peccati veniam obtinuisse pœnitendo: nam in argumentum sanctitatis illius, leo nec ejus cadaver, nec asinum attigit: Et alius Propheta senex, qui prædixerat ei mortem istam in Bethel, corpus ejus in suum intulit sepulchrum, & planxit eum, & moriens propè ipsum sepeliri voluit.

Respondet secundò, Prophetam in illis oraculis comparationem instituere inter justum, & impium in ordine ad vitam æternam; unde eorum sensus est, quòd quemadmodum si justus avertit se à justitia sua, ipsa ei non proderit ad felicitatem æternam; ita quòd Deus illius videatur oblivisci; sic peccator, dum agit Pœnitentiam, cum per restitutam gratiam habitualement obtineat jus ad vitam æternam, Deus non vider

G g g

tur

418 *Tract. I. Disp. II. Art. I. Sect. III. Quæst. III.*

tut recordari illius iniquitatis, nec ipsa ei nocebit in ordine ad beatitudinem obtinendam; quanquam debitor remaneat pœnæ temporalis luendæ.

Ad textum Apostoli dico, quòd licet remissà per Pœnitentiam culpà, & pœnæ æternæ reatu, perseveret aliquando reatus pœnæ temporalis, nihil tamen damnationis est in iustificatis; tantum enim abest, ut ipsa pœna temporalis luenda dicat ordinem ad damnationem; imò ab ea revocat; siquidem peccandi licentiam cohibet, & peccatorem cautorem efficit, ne rursus in peccatum præceps ruat.

Urget Calvinus proferens alia Scripturæ testimonia, quibus Deus dicitur nullam amplius habere rationem peccatorum semel dimissorum, illaque projicere post tergum, Isaïæ 38. delere instar nubes: Delevi ut nubem iniquitates tuas, & quasi nebulam peccata tua. Ea projicere, & deponere in profundum maris, ut illud Michæ 7. Deponet iniquitates nostras, & projicies in profundum maris omnia peccata nostra. Tandem illa non imputare, & testà habere, ut illud Psal. 31. Beati quorum testà sunt peccata. Beatus vir, cui non imputavit Dominus peccatum. Unde colligit, si punit Deus peccata, imputat; si vindicat, recordatur: si ad iudicium vocat, testà non habet; si examinat, post tergum non projicit: si inspicit non oblitteravit instar nebulæ: si ventilat, non projicit in profundum maris. Atque, inquit in hunc modum interpretatur Augustinus in Psal. 52. scribens: Si tenuis peccata Deus, noluit advertere: si noluit advertere, noluit animadvertere: si noluit animadvertere, noluit punire, noluit agnoscere, maluit ignoscere.

Respondéo perperam, & insulsè hæc ab eo in sui erroris patrocinium advocari; enimverò his, aut similibus oraculis nihil aliud significat Deus, quàm quòd ita ad intuitum Pœnitentiæ peccata dimittat, ut illa amplius non revo-

cet in conspectum, & memoriam ad damnationem peccatoris, necnon ad reatum culpæ, & pœnæ æternæ: quod ultro fatemur.

Obijciunt secundo: Remissio peccatorum fit in Pœnitentia per virtutem, & meritum Passionis Christi, ut; testatur Apostolus ad Roman. 3. dicens: *Quem proposuit Deus propitiationem per fidem in sanguine ipsius ad ostensionem iustitiæ suæ propter remissionem præcedentium delictorum:* Sed Christus in sua Passione plenissimam satisfactionem exhibuit pro omnibus peccatis, non tantum pro reatu culpæ, sed etiam pro pœnis omnibus peccato debitis: igitur superfluit quælibet nostra satisfactio: Nam, inquit Calvinus num. 30. Quid, quæso, nobis præstiterit Christus, si adhuc pro peccatis pœna exigere? Nam cum dicimus eum pertulisse omnia peccata nostra in corpore suo super lignum, non aliud significamus, quàm defunctum pœnâ, & viadictâ, quæ peccatis nostris debebatur.

Distinguo minorem: Plenissimam satisfactionem exhibuit, & sufficientem remissionem omnium peccatorum, quoad culpas, & pœnas, secundum dignitatem, & virtutem, concedo: Christi enim, meritum valet ad exolvendum omnem reatum cujuslibet peccati: quoad applicationem, & modum, quo ab homine participatur, subdistinguo: Plenissimam satisfactionem exhibuit quantum ad modum applicationis aliquando, ut fit per Baptismum, & Martyrium, concedo; baptizatus enim participat totaliter virtutem Christi Passionis, utpote per aquam, & Spiritum Christo commoriens peccatis, & in Ipso regeneratus ad vitam æternam. Idem, proportionem servatâ, dicendum de Martyrio: semper & per ordinariam ejusmodi Passionis applicationem, qualis fit in Pœnitentia, nego: Christus equidem, satisfecit pro nobis ut causa universalis applicanda singulis per propriam coop-

pe-

perationem, & juxta mensuram illius cooperationis, maxime in penitentia; modus autem proportionatus liberæ naturæ est, ut, sicut liberè, & propria voluntate deliquit, peccando actualiter; ita liberè sibi applicet causam satisfactionis, & remissionis peccati.

Obijciunt tertio: Remota causa removetur effectus; sed reatus culpæ est causa reatus pœnæ; ideo enim aliquis pœna dignus est, quia culpam commisit: igitur sublato reatu culpæ per Penitentiam, aufertur etiam reatus pœnæ.

Distinguo majorem: Si causa illa sit reverà causa rei secundum esse, & conservari, qualis est forma respectu compositi, puta anima rationalis respectu hominis, concedo: si tantum sit causa secundum fieri, ut Architectus est causa ædificii: & simili modo distincta minore, nego consequentiam, nam reatus culpæ est quidem causa reatus pœnæ ut fiat; non verò ut conservetur: quare moralis pœna manere potest remota culpa, sicut ædificium subsistit mortuo Architecto.

Obijciunt quarto: Omnes pœnæ, quas iusti patiuntur, sunt exercitationes virtutis, & eorum certamina; non autem satisfactiones pro peccato, ut docet S. Augustinus in Psal. 138. *Flagellat nos, inquit, in istis languoribus, & eruit nos. Tot. 1 ista miseria generis humani, in qua gemit mundus, dolor medicinalis est, non sententia pœnalis.* Et lib. 2. de peccatorum meritis, & remissione, cum dixisset cap. 33. reverà Deum homines à peccatis mundatos adhuc ex Dei damnari ad pœnam, quod probat exemplo Adami manducantis panem in sudore vultus, & Evæ filios suos in dolore parientis, subdit cap. 34. *Ante remissionem esse illa supplicia peccatorum, post remissionem autem certamina, exercitationesque iustorum:* igitur pœnæ à iustis luendæ post remissa peccata non sunt satisfactionis, sed dumtaxat vel medicinales, vel æternæ vitæ meritorie.

Nego consequentiam & ad antecedens dico, quòd quamquam ibi S. Augustinus non meminerit satisfactionis; attamen alibi pluries docet, pœnas assumptas, non solum esse exercitationes iustorum, sed etiam satisfactiones: Sic lib. 13. de Civitate Dei cap. 6. ait: *Quidquid illud est in morientibus, quod cum gravi sensu adimit sensum, pœd fideliterque tolerando, angst meritum patientiæ, non aufert vocabulum pœnæ: ita enim ex hominis primi perpetua propagine, procul dubio fit mors nascentis pœnæ: si propièta te, iustitiae pendatur, fit gloria renascentis: & cum fit mors peccati retributio, aliquando impetrat, ut nihil retribuatur peccato:* Idcirco autem humani generis miseria, & calamitates, dicit magis esse dolorem medicinalem, quàm sententiam pœnalem; quia cum dolor medicinae tendat in bonum ægroti; sententia autem pœnalis à iudice lata, in malum, & detrimentum damnati; idcirco calamitates illæ diuntur medicinales, quia per eas homo Deo satisfaciens sibi viam parat ad felicitatem æternam; ac subinde illæ cedunt in bonum, non in damnum patientis.

Urgent: Calamitates illæ non possunt esse satisfactorie, nisi infligantur sub ratione pœnæ: sed ita non est, nisi dumtaxat materialiter; quippe eùm tam peccatoribus, quàm iustificatis, ac innocentibus, à Deo tribuantur; calamitates autem respectu innocentium, & eorum quibus donatus est uterque reatus pœnæ, & culpæ, non possunt habere rationem pœnæ, & supplicii: igitur, &c.

Distinguo minorem: Si calamitates illæ non infligantur ob culpam, concedo: si sic, nego: certum est autem ejusmodi calamitates hominibus iustificatis à Deo præscribi ob eorum peccata remissa, ut etiam fatetur Calvinus ip[s]is iustis tribuens illud Psalmi 89. *Vistabo in virga iniquitates eorum, & in verberibus peccata eorum:* at animadvertio, virgæ, verbera, pœnas propriè dictas

significant, ac subinde volens nolens Calvinus cogitur admittere penam, ultionem, ac vindictam esse adhuc peccato remisso superfluum.

CONCLUSIO SECUNDA.

Peccato veniali non debetur pena æterna per se, nec per accidens. Hæc est Doctoris loco sup. laudato n.6. ubi ait: Dico ergo, quod peccato veniali, sive hic puniendo, sive in inferno, sive alibi, non debetur nisi pena temporalis, nec per se, nec per accidens: quia secundum se est talis offensa, quæ secundum se punitur per temporalem penam sufficientem. Nec est inconueniens penam debitam veniali habere terminum in inferno: quia & verè penitens primò, & partem Penitentiae impositæ explens, & ante totam expletam recidivans in mortale, & in illo mortali decedens pro parte Penitentiae residua explenda solvet penam in inferno: sed non nisi temporalem; quia ex quo in remissione peccatorum priori commutabatur debitum penæ æternæ in debitum penæ temporalis, nunquam iste est debitor pro illis, nisi penæ temporalis, & per consequens pena totali soluta, erit liber ab istis. Non tamen in inferno est redemptio illius, scilicet peccati, pro quo iste est damnatus; quia pro illo debitum penæ æternæ nunquam fuit commutatum in debitum penæ temporalis; & ideo semper manet illud debitum, si nunquam potest esse illa pena tota soluta.

Quibus verbis Doctor constanter affirmat penam veniali peccato debitam non esse æternam nec per se, nec per accidens, sed determinari ex natura sua, & finiri completo passionis, seu satisfactionis termino. Quod utique probat ex receptissimo apud Theologos axiomate, nempe quod *Deus semper punit citra condignum, & præmiat ultra condignum*: Sed peccato veniali ex

natura sua sola debetur pena temporalis; quia, inquit num.3. Cum charitate non stat debitum penæ æternæ. Nam si cum charitate statet obligatio ad penam æternam luendam, simul aliquis esset dignus vita æterna, & pena æterna; siquidem quisquis habet charitatem dignus est vita æterna: quod utique implicat; nullus enim potest esse debitor penæ pro illo instanti, pro quo est ordinatus ad gloriam: quia tunc posset stare gloria, & pena aliqua: sed cum charitate stat peccatum veniale, non tantum deletum post actum, sed etiam actualiter commissum, ut probat Doctor num.4. Quia, inquit, peccatum mortale excedit disproportionabiliter in ratione malitiæ quodlibet peccatum veniale: infinita enim venialia si essent, non æquarentur uni mortali in ratione offensæ; quia nec omnia illa averterent à fine ultimo, sicut unum mortale: ac subinde pena secundum iustitiam corresponsdens mortali peccato, improporcionabiliter, & in infinitum excedit penam debitam veniali; non quidem secundum intensiorem: quia quælibet pena secundum intensiorem: finite excedit, vel exceditur ab alia: ergo excedit secundum extensionem & durationem; & consequenter non debetur veniali pena æterna.

Confirmat Doctor num.5. Esto, inquit, quod simpliciter secundum rigorem Deus puniret usque ad condignum, omnino injustum esset penam æternam infligere pro illo, cui secundum se debetur pena temporalis: sed peccato veniali sola temporalis pena debetur; quippe cum ejus malitia longè minor sit, quam peccati mortalis; ac subinde minori pena est plectenda. Nec obstat quod conjungatur cum mortali. Quantumcumque enim conjungatur alteri, inquit Doctor, hoc non facit illud in infinitum exire gravitatem, & genus

„ nus culpæ venialis : ergò , nec justè
„ ipsi corresponsdet pœna in infinitum
„ excedens .

Reponunt Thomista cum Cajetano , quòd peccato veniali per se non debeatur alia pœna , quàm temporalis , sed per accidens deberi pœnam æternam , ex conditione subjecti , & ex ejus conjunctione cum mortali : Quia , inquit , peccatum veniale non judicatur in dammando seorsim , sed conjunctim cum mortali , cui debetur pœna æterna ; ac proinde cum subjectum , nempe homo damnatus destinetur ad pœnam æternam luendam ratione peccati mortalis , eandem etiam luere debet ratione venialis .

Verùm contrà : Dignitas pœnæ , seu reatus , non oritur ex conditione subjecti , sed dumtaxat ex prævaricatione legis , & præcepti : igitur peccatum ex se veniale ex statu , & conditione subjecti , non meretur pœnam æternam .

Reponunt secundo , non deberi quidem pœnam æternam peccato veniali , ratione subjecti solitariè sumpti , sed quatenus est in subjecto habente etiam peccatum mortale ; ac proinde meretur pœnam æternam ex conjunctione , & concomitantia cum mortali .

Verùm contrà subtiliter urget Hiquæus : Nihil , inquit , infert novum debitum pœnæ , quod non aggravat peccatum in ratione peccati : quia peccato , quæ peccatum est , commensuratur pœna , & debitum ejus : sed peccatum mortale , propter quod damnatur quis ad infernum , & pœnam perpetuam , neque est circumstantia peccati venialis , aut faciens ullo modo ad malitiam ejus : ergo , &c. : Probatur subsumptum , quia peccatum mortale potest esse disparatum , & multis annis præcessisse veniale , aut subsequi sine ullo ordine unius ad alterum : in esse , operari , cognitione , intentione , ut manifestum est : nihil autem aggravat malitiam , nisi quod est circumstantia operis , materiæ , aut ope-

randi ; ergo neque pœna aggravatur : sed veniali ex ordinatione legis , & natura sua debetur sola pœna temporalis , & terminabilis : ergo , &c.

Confirmatur . Pœna debita veniali temporalis in hac vita non augetur ex conjunctione ad mortale in hac vita : ergo neque pœna eadem augetur in altera vita ex consortio ad idem . Consequentia manifesta ex paritate . Antecedens sine controversia . *Confirmatur* secundo , quia pœna venialis quoad intentionem in inferno non crescit : ergo neque quoad durationem . Consequentia patet , quia non videtur ratio cur magis crescat extensivè , quàm intensivè , sive consideretur in ordine ad subjectum , sive in ordine ad vindictivam justitiam Dei , quæ lege expressa est : nam sicut ex justitia pœna debita veniali secundum intentionem est levis respectivè ad pœnam mortalis (sicut ipsa culpa levis est) ita ut quicumque excessus ultra terminum statutum esset gravis , & non secundum justitiam ; ita etiam terminum habet pœna eadem secundum durationem , ut spectatà lege , & secundum se sit temporalis : ergo ex conjunctione cum mortali in inferno non protrahitur ultra illum terminum durationis , sicut nec intenditur ultra terminum proportionatum . Ita Hiquæus .

Objicit primò : Quodcumque peccatum est offensæ Dei : sed omnis Dei offensæ meretur pœnam æternam : *Tum* quia omnis offensæ Dei meretur annihilationem : ergo à fortiori digna est pœna æterna , quæ longè minus malum est , quàm annihilatio : *Tum* quia peccatum commissum contra Deum , offendit personam infinitam ; ac subinde habet malitiam infinitam , & consequenter dignum est pœna æterna .

Nego minorem , nec non & duas illius probationes , quæ omnino falsæ sunt . Prima quidem : non enim offensæ Dei meretur annihilationem , nisi quatenus avertit ab ultimo fine ; qui enim sese-

re-

removet à Deo omnium entium principio, meretur abire in nihilum : hæc autem averfio non fit per veniale, fed dumtaxat per mortale. Secunda pariter probatio deficit; quippe, ut diximus agendo de peccati gravitate, neque etiam ipfum mortale peccatum eft infinita malitiæ; quia dignitas, aut malicia non fumitur abfolutè à perfona offensa, aut objecto in quod tendit quantum à qualitatate, fed etiam ex modo, quo attingunt objectum, qui utique modus, ficut & potentia, à quibus actus peccaminofi eliciuntur, finita funt.

Objicies fecundò: Quamdiu manet culpa, femper remanet pœna; quia reatus pœnæ dicit inſeparabilem connexionem cum culpa; ſiquidem ſtatuitur contra inordinationem culpæ: fed reatus culpæ ſemper manet in inferno; igitur etiam remanet pœna luenda.

Nego majorem, & illius probationem diſtinguo: inſeparabilis eſt connexio pœnæ cum culpa *in fieri*; ita quòd nemini debeat inſigi pœna in ultionem, niſi propter pœnam admiſſam, concedo: *in factò eſſe nego*: Nec enim pœna luenda ſemper præſupponit culpam præſentem in eo, qui pœnam luit. Nam plerumque ſubditi, & filii pleſtuntur pro peccatis Principum, & Parentum, licèt ipſi prorsus innocentes ſint.

Inſuper, peccatis etiam remiſſis per Pœnitentiam virtutem, aut Sacramentum, plerumque debetur pœna temporalis in ſatiſfactione: igitur non eſt talis connexio in factò eſſe inter pœnam, & culpam, neque ex natura rei, neque ſecundum exigentiam juſtitie punitivæ, ſi pœna ſit terminabilis ex lege, ſicut eſt pœna téporalis debita peccato mortali remiſſo, & veniali etià perſeueranti.

Urgebis: Dammati non tantùm permanent in peccato veniali præterito, & in factò eſſe; ſed etiam de novo in eo ſibi complacent; adeoque continuò actualiter peccant: igitur continuò

debent pœnam luere. Probatur conſequentia auctoritate S. Fulgentii lib. de fide ad Petrum, ubi loquens de damnatione dæmonum, ait: *Pari itaque Angelorum, quæ ſolo bono beata, ſuit voluntaria prorsus averſione diſceſſiſſe, equitatis ſupernæ judicio initium ſuæ damnationis, in ipſa averſione voluntatis invenit: ut non aliud eſſet incipere jam puniri, quàm illius beatifici boni dilectione deſtitui; quàm Deus in æterno ſe totam præcepit remanere ſupplicio, ut etiam ignem ei æternum præpararet: in quo omnes illi prævaricatores Angeli, nec malâ poſſent unquam voluntate carere, nec pœna; ſed permanente in eis injuſte averſionis malo, permanet etiam juſte retributionis æterna damnatio.* Quibus verbis ſignificat, idcirco malos Angelos continuò puniri, quia continuam habent perversam voluntatem.

Reſpondeo primò, non conſtare, utrum damnati habeant novam complacentiam in peccato veniali præterito; hoc enim videtur moraliter impoſſibile, maxime ſi ſint multa peccata: quoniam intellectus, & voluntas in illis urgentibus pœnis vix poſſunt ad illa attendere.

Dico ſecundò, quòd etſi remaneat illa complacentia, non tamen damnatus propterea meretur novam pœnam, ut docet Doctòr in 2. diſt. 7. qu. 2. ubi ait: „ Sicut præmium ſubſtantiale in primo inſtanti, in quo aliquis Angelus eſt beatus, eſt determinatum; nec ex tunc creſcit, quia actus boni, qui ſequuntur, non ſunt meritorii, licèt ſint boni; ita etiam in Angelo damnato, in primo inſtanti ſuæ damnationis determinatur ad certam pœnam, quæ non creſcit intenſivè; nec tamen erunt mali actus ejus, quos elicit, impuniti, ſicut nec boni Angeli boni actus erunt irremunerati; illi quidem boni actus includuntur in primo actu, quia procedunt ex perfectione actus beatifici; ſed quantum ad accidentale præmium, quod poſ-

ſunt

sunt habere, quilibet actus est sibi præmium: ita etiam isti mali actus, quos elicit damnatus, includuntur in prima pœna, sibi certitudinaliter determinata, & quilibet, sicut posset habere pœnam accidentalem, & propriam, habet seipsum pro pœna. Iussisti Domine, (inquit Augustinus lib. confessionum) & ita est, ut sibi sit pœna omnis peccator (Textus genuinus: iussisti, & sic est, ut pœna sua sibi sit omnis inordinatus animus lib. 1. Confess. cap.) Potissima enim & maxima pœna est privatio maximi boni; qualis est formaliter in actu malo, malitia culpæ peccatorem, avertente à Deo (loquitur de actu mortali:) Crescet ergo pœna eorum in infinitum extensivè, sicut & malitia, & neutrum intensivè.

Et si objicias, quod secundum malum est actus demeritorius: ergo correspondet sibi propria pœna.

Respondeo, etsi concedi possit esse culpa, non tamen propriè demeritoria; quia non elicitur à viatore, cuius solius est mereri, & demereri, qui magis propriè potest dici esse actus damnatorius, sive damnati: sicut ex alia parte actus Beati, licet sit acceptabilis Deo, non tamen propriè est meritorius, sed magis actus beatificus, vel actus Beati, vel ex beatitudine procedens. Huc usque Doctor.

Ergo itaque damnatus continuò peccet, non tantum mortaliter, sed etiam venialiter per complacentiam in peccatis venialibus præteritis; dico per hanc complacentiam non mereri novam aliquam pœnam; sed, si ita velis, hæc complacentia seipsam habet pro pœna, & illa pœna est æterna, si peccatum est æternum. Verum de hac pœna non intelligitur nostra assertio, sed tantum de ea, quæ distinguitur à reatu culpæ, & propter illum inferitur; quæ utique crescere non potest in statu damnationis, cum

actus in eo statu eliciti, quamvis mali, tamen non sint demeritorii.

Obijcies tertio: In inferno nulla est redemptio: igitur neque ulla pœnæ solutio.

Distinguit antecedens Doctor, num. 6. Quantum ad debitum pœnæ æternæ pro peccato mortali non remisso, nec commutato in debitum pœnæ temporalis, concedit: sicut enim semper manet illud debitum, sic etiam pœna solvenda nusquam finem accipiet: quantum ad debitum pœnæ temporalis luendæ pro veniali, vel pro mortali dimisso, negat: Cum enim iustitia Dei vindicativa pœnas peccatis proportionatas infligit, non debet infligere pœnam æternam pro veniali, cui temporalis tantum debetur.

Urgetur: Non potest remitti pœna temporalis, nisi absoluta fuerit satisfactio pro eo luenda: sed in inferno nulla est satisfactio: ergo etiam nulla pœnæ peccato debitæ cessatio.

Distinguo minorem: Nulla est satisfactio reconciliativa, concedo, vindicativa, nego. Fateor equidem, quod si per satisfactionem intelligatur reconciliatio hominis Deum offendentis cum Deo offenso, quæ recipiatur in ejus amicitiam, & gratiam; verum est nullam esse talem satisfactionem in inferno, sicut nec remissionem, & reconciliationem damnati cum Deo; est tamen satisfactio, quantum ad iustitiam vindicativam quæ exigit æqualitatem pœnæ ad peccatum secundum præscriptionem legis, & voluntatem Dei legislatoris qui statuit, ut etiam in inferno sit pœnarum diversitas secundum diversitatem peccatorum, ut colligitur ex illo Apocalypsis 18. Quantum glorificavit se, & in deliciis fuit, tantum date illi tormentum, & lucrum. Nec-non, & ex illo Deuter. 17. Secundum mensuram delicti eris, & plagarum modus.

Insuper: Satisfactio etiam punitiva non fit, nec absolvitur, nisi divina interveniente misericordia, & Propter me-

merita Christi D. sed Dei misericordia non intervenit in inferno, ubi dumtaxat fœvit divina iustitia, neque ibi profunt Christi merita: igitur ibi nulla potest esse satisfactio etiam vindicativa.

Nego majorem: Hæc enim dumtaxat requiruntur ad satisfactionem reconciliativam; nec enim misericordia intervenit ex parte creditoris, quando debitor ei tantum impendit, quantum debet: neque Christus D. offert sua merita pro satisfactione vindicativa, sed dumtaxat pro reconciliativa; est enim mediator, & propitiator: in quo Deus reconciliavit, sive quæ in cælis, sive quæ in terris sunt, ut ait S. Paulus ad Rom. 5. & ad Hebræos 10. Omnis ergo satisfactio reconciliativa est per Christum, non autem rigorosa, quæ est purus effectus iustitiæ, & legis vindicantis peccata, cui per se satisficit exhibitione Passionis, quæ natura sua terminatur non intervenit, aut intuitu Mediatoris, aut operum ejus, sed ex statuto, & pacto Legislatoris sic ordinantis.

QUÆSTIO QUARTA.

Utrum & qualiter opera meritoria per peccatum mortificata virtute Pœnitentiæ reviviscant?

Notandum primum, opera, quæ homo in ordine ad finem supernaturalem potest elicere, esse in quadruplici differentia; alia enim sunt *viva*, quæ ex principio vitali, gratia scilicet, & charitate oriuntur: alia sunt *mortua*, quæ ex genere suo, & proprio objecto sunt quidem bona; sed quia fiunt ab homine existente in statu peccati mortalis; idcirco omni vitæ spiritualis principio carent: aliqua verò sunt *mortifera*, quæ videlicet privando animam gratia, ipsi mortem inferunt; gratia enim se habet ad animam in ordine ad vitam supernaturalem, sicut anima se habet ad

corpus, quantum ad vitam naturalem; nam, inquit S. Augustinus *serm. 5. de verbis Domini: Sicut anima est vita corporis, sic anima vita est Dei: & sicut expirat corpus, cum animam emittit, ita expirat anima cum Deum amittit*. Alia denique dicuntur opera *mortificata*, quæ ex se licet bona sint, quatenus à gratia, & charitate fuerunt elicitæ, per subsequens peccatum dicuntur mortificari; quia videlicet impediuntur, ne habeant vim, & efficaciam promovendi homines ad vitam æternam. Dicuntur autem mortificata, metaphora ducta à membris corporis animalis, quæ mortificata appellantur, dum præpediuntur ab exercitio suarum operationum.

Notandum secundò, duos præcipuos esse Pœnitentiæ effectus, nimirum remissionem peccatorum, & meritorum reviviscantiam: Primus ei convenit directè, & per se; alter verò per concomitantiam, & per accidens; siquidem Pœnitentia per se ordinatur ad diluenda peccata, quibus expunctis, & remotis, opera prius mortificata reviviscunt, & iterum jus habent ad præmium, æternæ beatitudinis eis ex iustitiæ titulo mercedis debitum; quemadmodum enim cum averteris se iustus à iustitiâ sua, & feceris iniquitates secundum omnes abominationes, quas operari solet impius, inquit Deus per Ezechielem cap. 18. omnes iustitiæ ejus, quas fecerat, non recordabuntur: in pravariatione, qua pravariatus es, & in peccato tuo, quod peccavisti, in ipsis moriamur. Hoc est opera meritoria, quæ prius exercuerat, nullius erant momenti apud Deum, in ordine ad præmium, gratiæ, & gloriæ: Sic, cum avertis se impius ab impietate sua, quam operatus est, & feceris iudicium, & iustitiam, ipse animam suam vivificabit; ait Dominus ibidem v. 27. Nec animam dumtaxat, sed etiam opera prius mortificata per salutarem Pœnitentiam vivificat, ut

ap-

apparebit ex dicendis in prima con-
clufione.

Notandum tertio, Jus ad gloriam, competere homini duplici titulo, videlicet titulo hæreditatis, & titulo mercedis. Titulus *hæreditatis* fundatur in gratia ſanctificante per quam efficiuntur confortes divinx naturæ, & adoptionem filiorum recipimus; *Si autem filii, & hæredes, hæredes quidem Dei*, Jo. ait Apoftolus; titulus verò mercedis fundatur in bonis operibus in gratia, & ex gratia factis, ſuppoſita Dei promiſſione, ac prævio pacto Dei, ut docet Concilium Tridentinum ſeſſ. 6. cap. 16. ubi ait, *Bene operantibus uſque in finem, & in Deo ſperantibus, proponenda eſt vita æterna, & tanquam gratia filiis Dei per Jeſum Chriſtum miſericorditer promiſſa; & tanquam merces ipſius Dei promiſſionis ipſorum operibus; & meritis fideliter reddenda.* Advertendum, inſuper, hominem juſtificatum ſuis bonis operibus, non ſolum mereri augmentum gloriæ, ſed etiam gratiæ, ut expreſſè deſinit Concilium Tridentinum ſeſſ. 6. can. 32. Queritur ergo an revivifcens per pœnitentiam, recipiat eandem gratiam deperditam, & jus ad eodem gradum gloriæ.

Circa cujus quæſtionis reſolutionem quadruplex poſſimiſſimum occurrit Authorum ſententia. *Prima* eſt Alenſis p. 4. q. 57. & S. Bonaventuræ in 4. d. 14. a. 2. q. 1. quos ſequuntur plures Recentiores nempe quòd deperdita per peccatum gratia non reſtituitur per Pœnitentiam, niſi juxta gradum Contritionis pœnitentis; ita quòd ſi Contritionis actus ſit ferventiſſimus, gratia reſtituetur in ampliori gradu: ſi verò actus ille ſit remiſſus, minor concedetur gratia, ſicque non alio modo opera mortificata volunt revivifcere, quam quia idem præmium eſſentiale, quod gratiæ per Contritionem collatæ correfpondet, pluribus titulis conferatur, nempe intuitu Contritionis præſentis, & meritum

antecedentium; licet ſit cōcedendum præmium accidentale, nempe majus gaudium propter opera meritoria ante peccatum elicta. *Secunda ſententia* eſt Ochani in 4. quæſt. 8. nec-non, & aliorum Nominalium docentium, quòd homo virtute Pœnitentiæ revivifcit non ſolum ad gratiam, & gloriam correfpondentem Contritioni præſenti; ſed inſuper ad tot gradus gratiæ; nec-non in jus ad tot gradus gloriæ, quot habuiſſet per merita præcedentia, ſi non fuiſſent mortificata. *Tertia* eſt S. Thomæ 3. p. q. 89. art. 3. & 5. quæ ſequuntur plures ex ejus diſcipulis aſſerentibus quòd reſurgens à peccato recipiat novum aliquem gradum gratiæ, & conſequenter jus ad novum gloriæ gradum eſſentialis, ratione præcedentium meritorum: non tamen recipiat totam gratiam, quam habebat antequam peccaret. *Quarta* denique ſententia eſt Doctoris, diſt. 22. num. 9. docentis merita mortificata per Pœnitentiam revivifcere quidem quoad jus ad eundem gradum gloriæ ipſis debitum ante peccatum: non autem ad majorem gratiam; ita quòd revivifcentia illa ſit ad gloriam reſpondentem meritis propriis; non autem ad gloriam reſpondentem gratiæ.

Tria itaque hic ſunt ſtatnenda: *Primum*, quòd reverà opera mortificata revivifcant per Pœnitentiam; *Secundum*, quòd revivifcant quantum ad gloriam eſſentialem debitam, non autem quantum ad accidentalem: *Tertium*, quòd non redeat eadem gratia deperdita.

CONCLUSIO PRIMA.

Revera opera meritoria, per peccatum mortificata, revivifcant per Pœnitentiam. Hac eſt communis apud Theologos, qui hanc aſſertionem adeò certam exiſtimant, ut oppoſitum eſſe erroneum cenſeant. *Probat*ur primò authoritate Scripturæ ſacræ, maxime ex illo Ezechielis 18. ubi teſtatur Deus: Si

H h h

im-

*impius egerit Penitentiam ab omnibus peccatis suis quæ operatus est, & custodierit omnia præcepta mea, & fecerit iudicium, & iustitiam, vita vivet, & non morietur. Omnium iniquitatum ejus, quas operatus est, non recordabor, in iustitia sua, quam operatus est, vivet. Et infra: Convertimini, & agite Penitentiam ab omnibus iniquitatibus vestris, & non erit vobis in ruinam iniquitas. Recordaretur autem Deus, iniquitatum & peccatorum esset in ruinam iniquitas, si propter illam privaretur in æternum effectu ac fructu meritorum præcedentium: igitur, &c. Idipsum probat Hugo Cardinalis ex illis verbis Hieremiæ cap. 2. *Recordatus sum tui miserans adolescentiam tuam, & charitatem desponsationis tue. Quid enim, inquit, est Deum miserantem recordari adolescentiæ, & charitatis nostræ, quam priora opera in charitate facta, & peccato mortificata oblivioni non tradere?**

Eandem veritatem insinuat Joel, c. 2. ubi Deus ait: *Reddam vobis annos, quos comedit locusta, & bruchus, & rubigo. Quem textum expendens S. Ambrosius, scribit: Penitentia est res optima, quæ omnes defectus revocat ad perfectum; illudque Oraculum omnes alii SS. Patres sic interpretantur, maxime S. Hieronymus, ut Deus significare volueris, se redditurum mercedem, & præmium bonorum operum, quæ locusta, & bruchus, & rubigo peccatorum consumpsit.*

Probatur insuper ex Apostolo ad Galatas 3. *Tanta passus es sine causa? Si tamen sine causa.* Quæ verba sic explicat S. Hieronymus: Sine causa passus dicitur, qui post labores ob Christum susceptos labitur in peccatum: at non perdit illos, si redeat ad pristinam fidem, & ad antiquum studium. Et Anselmus. Sine causa passus es, si in hoc errore perseveratis; non autem sine causa, si resipiscatis. Verum evidentius hanc veritatem confirmat Apostolus Hebr. 6.

ubi ait: *Confidimus de vobis, dilectissimi, meliora, & viciniora saluti: tamen ita loquimur, non enim iniustus Deus, ut obliviscatur operis vestri & dilectionis quam ostendisti in nomine ipsius, qui ministrastis Sacerdotibus, & ministrastis, nempe egentibus Christianis. Quibus verbis Apostolus solatur Hebræos, quos prius terruerat, dicens: Impossibile est eos, qui semel illuminati sunt, & prolapsi sunt, rursus renouari ad Penitentiam: ipsos inquam, consolatur, dicens: Deum benignè circa eos acturum, si à peccato per Penitentiam resurgant; quoniam priora eorum bona opera compensabit præmio vitæ æternæ. Ut etiam explicat Concilium Tridentinum sess. 6. cap. 16. ubi ait: Hæc igitur ratione iustificatis hominibus, si acceptam gratiam perpetuo conservaverint, si æ amissam recuperaverint, proponenda sunt Apostoli verba: Abundate in omni opere bono, sententes quod labor vestester non est inanis in Domino; non enim est iniustus Deus, &c. Quibus verbis significat Concilium duo hominum genera esse monenda; unum quidem eorum, qui gratiam servaverunt, quibus proponenda sunt Apostoli verba, 1. ad Corinth. 15. *Abundate in omni opere bono* intuitu præmii repromissi laborum; alterum eorum, qui gratiam amissam recuperarunt, ad quos spectat locus posterior Apostoli ad Hebræos.*

Probatur etiam Conclusio ex Tridentino ibidem; nam post laudata verba, subiungit: Nihil ipsi iustificatis amplius esse credendum est, quominus plene, illis quidem operibus, quæ in Deo sunt facta, divina Legi pro huius vitæ statu satisfecisse, & vitam æternam suo tempore, si tamen in gratia decesserint, consequendam verè promeruisse censeantur. Idem statuit Can. 32. Si quis dixerit... ipsum iustificatum bonis operibus, quæ ab eo per Dei gratiam, & Jesu Christi meritum, cuius vivum membrum est, sunt non verè mereri augmentum gratiæ, vitæ

tam

tam æternam, & ipsius vite æternæ, si tamen in gratia decesserit, consecutionem, atque etiam gloriæ augmentum, anathema sit. Quibus omnibus Concilium significat tres requiri condiciones, ut opera nostra sint meritoria, & vitam æternam consequamur: Nimirum ut sint opera hominis justificati, ex gratia, & auxilio Dei, & ut, qui ea fecit, in gratia decedat: at merita mortificata, duas habuerunt priores condiciones ante peccatum; Tertiam verò obtinent per Pœnitentiam, per quam recipiunt habitum gratiæ sanctificantis, cum qua homo potest se vivis excedere.

Probatur denique ratione, quam subministrat Doctor, dist. 22. num. 6. ubi docet reviviscentiam opus esse divinæ misericordiæ, non tantum quatenus Deus liberaliter tribuit auxilium efficax ad verè penitendum; sed etiam in quantum Deus voluit semper eis præmium retribuere, nisi adsit indispositio recipientis propter novam culpam. Ex quibus sic argumentari licet: causa carens aliquo suo effectu præcisè propter impedimentum, debet illum effectum consequi, statim ac illud impedimentum aufertur; sic lapis fune suspensus, ne cadat in terram, statim præcisò fune in eam labitur: sed merita per subsequens peccatum tanquam per impedimentum præpediuntur à consequendo effectu, nempe ab habendo jure ad vitam æternam: igitur ubi per Pœnitentiam illud impedimentum tollitur, reviviscere debent ad ipsum jus, quod prius habebant ad gloriam.

Hæc confirmat Doctor num. 7. Est, inquit, ad præpositum bonum exemplum Jussurum, quoddam alicui remanens aliquid juri, cui tamen non remanet, vel non competit ætio propter aliquod impedimentum. Ita habenti bona merita in acceptatione divina, mortificata tamen per peccatum mortale, remanet totum jus, quod correspondet illis meritis ad vitam æternam; sed non remanet ætio, quan-

dum ille est inimicus: & si perpetuò sit inimicus, cessat illa ætio: cessante autem illa inimicitia contraria per totum peccatum mortale, non redit totum jus, sed competit ætio secundum jus antiquum. Quibus verbis Doctor egregiè explicat quomodo peccator quanquam inimicus Dei, nihilominus ratione operum meritoriorum prius elictorum habeat adhuc aliquod jus ad beatitudinem debitam illis bonis operibus titulo mercedis; licet eam de jure non possit à Deo exigere quandiu in peccato permanet, quia eo in statu est illa indignus, cum sit inimicus Dei: ubi autem ei reconciliabitur per pœnitentiam, tunc ratione juris prioris, incipit habere actionem, seu jus ex postulandi eam æternam mercedem.

Dices primo: Quod omnino perit ac moritur, non potest reviviscere: sed bona opera per subsequens peccatum, omnino pereunt, & destruantur: igitur per Pœnitentiam reviviscere non possunt. Major constat à paritate rationis; idcirco enim peccata per Pœnitentiam dimissa non redeunt; quia omnino per eam extinguuntur ac destruantur, saltem quoad reatum culpæ. Minor etiam constat: qua ratione enim Deus Ezechiel 18. v. 17. dixit: *Cum averteris se impius ab impietate sua, quam operatus est, & fecerit iudicium, & iustitiam, animam suam vivificabit.* Eadem ratione ibidem v. 17. affirmat. *Cum averteris se iustus à iustitia sua, & feceris iniquitates secundum omnes abominabiles, quas operari solet impius, nunquid vivet?* Omnes iustitiæ ejus, quas fecerat, non recordabuntur; in prævaricatione, qua prævaricatus est, & in peccato suo, quod peccavit, in ipsis morietur: Igitur sicut peccata semel dimissa per pœnitentiam non redeunt; ita nec bona opera semel mortua per subsequens peccatum, postmodum reviviscere possunt.

Nego majorem, nec non, & majorem illius probationis, & rationem dispa-

ritatis profert Doctor *nu. 7.* Primò quidem ex parte diviⁿe misericordiæ: Quia, *inquit*, bona semper vivunt in acceptatione superabundantis bonitatis, & misericordiæ diviⁿe, & semper esset eis præmium retribuendum, nisi esset indispositio recipientis propter novam culpam; secus est autem de malis, & peccatis, quæ totaliter eximuntur; ita quod nec in intellectu, vel voluntate divina remaneant in ordine ad vindictam, quando semel per Pœnitentiam expuncta sunt.

Secundo eandem disparitatem repetit ex parte Justitiæ diviⁿe: Peccatum enim, *inquit*, non remittitur, nisi ad minùs debitum pœnæ æternæ commutetur in debitum pœnæ temporalis; qua commutatione facta, nunquam regulariter remittitur illa culpa, nisi illa pœna solvatur in se, vel in pœna æquivalenti: & per consequens remisso peccato mortali in se primò, & in pœna sua soluta, post nihil juris remanet, per quod ab isto sit exigenda pœna aliqua pro illo peccato. Non est ita verò de operibus meritoriis; nam post meritum aliquod vitæ æternæ dignum, nunquam dignitas ista ad bonum æternum commutatur secundum Justitiam in bonum temporale: igitur nunquam expirat illud jus, quousque bonum æternum sit solum: sed illud non solvitur in viatore, dum est viator: ergo semper manet illud jus; tamen extinctum per peccatum mortale; quia tunc non competit sibi executio juris sui. Non est igitur simile de remuneratione meritorum mortificationum, & de reditione peccatorum remissorum, non solum propter Dei misericordiam; quod utique verum est: sed etiam propter istam justitiam commutantem ibi æternum in temporale; non sic autem hic, nempe quantum ad bona opera mortificata.

Inistab: Ita se habent mala opera in ordine ad punitionem, & vindictam quomodo bona ad remunerationem, & mercedem: sed ex concessis mala non reviviscunt in ordine ad punitionem: ergo nec bona in ordine ad mercedem.

Negat majorem Doctor: & rationem disparitatis hanc profert, quod mala possunt puniri temporaliter, & sufficienter, si pœna æterna sit commutata in temporalem: sed bona merita non possunt premiari sufficienter per talem temporalem commutationem, nec per consequens, nisi ipsum præmium æternum in se sit collatum, quod nunquam fit viatori, & ideo semper manet jus sibi salvum ad gloriam, quam acquisivit per illa merita.

Possunt etiam aliæ rationes disparitatis assignari: *Prima* quidem, quia Deus prior est ad benefaciendum, & miserendum, quam ad puniendum, & insuper ipse est Author meritorum, non vero peccatorum: unde non mirum, si merita per peccatum mortificata maneat in acceptatione diviⁿa, & sublato peccato: quod impedit eorum effectum, reviviscunt: peccata verò remissa non maneat in intentione diviⁿa, ut per sequens peccatum mortale redeant in se formaliter quoad culpam, vel pœnam æternam. *Secunda*, quia remissio peccatorum est principaliter opus Dei; mortificatio autem meritorum præcedentium est hominis: homo autem sua actione potest evacuare simpliciter opus Dei; quamvis impedire possit, ne opus illud sibi proficiat, & ideo per peccatum frequens non potest præcedentium peccatorum remissionem expungere: potest autem sua actione evacuare, quod per ipsum factum est: & ideo potest mortificationem præcedentium meritorum per merita sequentia cum gratiæ auxilio penitus evacuare. *Tertia* denique, quia Scriptura aliter loquitur de meritis, & de peccatis: nunquam

quam enim ait merita hominis iusti post lapsum aboleri, projici in profundum maris, & familia, quæ dicit de peccatis per pœnitentiam remissis.

Dicitur secundo : Eo modo se habet peccatum ad opera meritoria; quomodo mors, & animæ separatio ad hominis corpus; nam, ut diximus in præcedenti questione, sicut vita corporis consistit in unionem animæ cum ipso, ita vita animæ, & virtutum consistit in unionem ipsius animæ cum Deo per gratiam; sed corpus mortuum non potest reviviscere citra miraculum; igitur nec absque miraculo possunt opera mortificata reviviscere.

Distinguo majorem : Secundum aliquam comparisonem, concedo; nam, ut mors impedit motum, & effectus, ac operationes corporis: ita peccata bonorum operum fructum, & effectum præpediunt: secundum perfectam similitudinem, nego: nam opera in charitate facta non mortificantur ex se, sed ob impedimentum superveniens ex parte operantis; corpus autem moritur secundum se, prout principio vite privatur.

CONCLUSIO SECUNDA.

Opera mortificata virtute pœnitentie reviviscunt semper, quantum ad gloriam essentialem: non autem quantum ad accidentalem tantum. Hæc est Doctoris loco supra laudato, num. 9. ubi ait: *Universaliter cuicumque merito debetur non tantum aliquod præmium accidentale, sed etiam essentialē.*

Probatur conclusio ex Concilio Tridentino supra laudato, ubi ait: Proponenda est vita æterna, & tanquam gratia filiis per Christum Jesum misericorditer promissa, & tanquam merces ex ipsius Dei promissione bonis ipsorum operibus, & meritis fideliter reddenda; porro merces bonis operibus non est tantum accidentalis; sed essentialis, quæ debeat his proponi, qui recuperaverint amissam Dei gratiam; hi autem sunt, in quibus

opera peccato mortificata reviviscunt per pœnitentiam; igitur, &c.

Probatur ratio : Quia opera mortificata ideo per pœnitentiam reviviscere dicuntur, quod sublato peccatorum obice recuperent efficaciam eum ad vitam æternam perducendi, qui hæc opera fecit; ea quippe vivificari nihil aliud est, quam ad gloriam acceptari per gratiam; at æterna vita non innuit solum accidentale gaudium, sed essentialē præmium; accidentale gaudium enim est potius appendix æternæ vite, quam æterna vita. *Deinde*, bona opera reſtituuntur in vitam, quam prius habuerant; sed vita est substantia rei, non autem aliquod accidens; ergo si merita reviviscant in ordine ad vitam æternam, indubiè reviviscunt ad præmium substantiale. *Denique*, reviviscere duntaxat ad gloriam accidentalem, seu ad accidentale præmium est tantum conferre jus ad speciale gaudium propter opera mortificata, sed istud non est speciale ipsis operibus mortificatis, sed etiam mortuis ante pœnitentiam elicitis; siquidem Beati gaudium accidentale habebunt de operibus bonis mortuis, id est, in statu peccati mortalis elicitis: cum horum intuitu forte Deus dederit illis Spiritum compunctionis, & pœnitentiæ. Enim verò plerumque Deus invitatur ex illis operibus, saltem de congruo ad largiendum gratiam, quæ ipsi peccatores ad pœnitentiam alliciantur; ac subinde ratione illorum operum habebunt Beati, cur gaudium accidentale percipiant.

Porro hæc nedum vera sunt de meritis eximiis, sed etiam de remissis, ut probat Doctor, num. 11. ubi cum dixisset, gloriam correspondere non solum gratiæ sub titulo hereditatis, sed etiam meritis sub titulo mercedis, subdit:

Hæc via, tenens gradum essentialē gloriæ correspondere merito, consonat Scripturæ, quæ in multis locis istam sententiam diviniæ justitiæ as-

„ferit, quòd reddet unicuique secundum opera sua, in *Psal. 61. & Rom. 2.*
 „nusquam autem habetur, quòd reddet unicuique secundum habitum suum. Et consonat observantiæ legis divinæ, quia secundum ipsam utile est continuè, quantum possibile est, opera meritoria exercere, quamvis remissa, adeo ut per illam non statim augeatur gratia; quia correspondet singulis in acceptatione Dei determinatus gradus gloriæ: nec adeo expedit salvare gratiam, quantum opus remissum agere, per quod non augeatur gratia; quia etsi iste remissè agens non habeat majorem gratiam per opus suum, quam ille dormiens, in quo salvatur gratia sine tali opere, non tamen frustra iste agit, nec in nullo excedit illum, qui dormitat; imò per illud, quod agit, jam dignus est aliquo æterno bono, quo non est dignus ille.

„*Hec Doctor*, quibus docet gloriam correspondere non solum gratiæ habituali, sed etiam meritis, idque non tantum eximilis bonis operibus, sed etiam remissis: quamvis proximè non sit quis dignus gloriâ, nisi ratione gratiæ sanctificantis.

„Unde insert primò, quòd aliquis dignus majori gloria, loquendo de eo in gloria, quòd correspondet meritis, & de digno non propinquè; sed remotè, putà secundum jus, sed suspensum, damnatur, & alius dignus multò minori gloria, isto modo salvatur, sed hoc ideo est; quia ille alius dignus est propinquè, quia habens jus non suspensum; dignus est etiam ad illud aliud in gloria correspondens gratiæ, ad quod non est ille damnatus dignus, & nulli datur correspondens meritis sine correspondente gratiæ.

„Si etiam illud correspondens merito est ejusdem rationis cum corre-

„spondente gratiæ, & per quodcumque meritum augeatur istud in divina acceptatione; igitur meritis finitis correspondebit tantum gloriæ, quantum est illud correspondens gratiæ. Aliquis ergo in gradu determinato habens illam, salvaretur, & habens omnia ista, sed mortificata, damnaretur. Damnatur igitur dignus, sed remota dignitate, & suspensa, & sic dignus multò majori gloria, damnabitur, & dignus dignitate propinqua multò minori salvabitur. Nec mirum, quia inimicum est inimicus, quæcumque bona præterita non sufficiunt ad præmium consequendum.

„*Insert secundò*, quòd illa, quibus respondet magnus gradus gloriæ, dum sunt mortificata, non possunt mereri minimam gratiam; alioquin qui cecidisset à multis meritis, jam meruisset, ut resurgeret ab illo lapsu per primam gratiam sibi propter ista merita conferendam. Nec tamen credo, quod merita mortificata omnino nihil faciant in acceptatione divina ad primam gratiam dandam huic lapsò, quia etsi secundum strictam justitiam, iste inimicus Dei non sit dignus de propinquo ad aliquam gratiam, & gloriam; tamen excellens misericordia Dei propter præcedentia merita, licet mortificata, citius dat gratiam ad resurgendum. Unde sicut credo quod perfectior gravius cadit propter majorem ingratitude; ita credo quòd ceteris paribus citius resurgit propter benignitatem, merita prædicta ad hoc aliquantè acceptantem. Unde aliquando audivi de viro prius valde perfecto, & postea profundissimè lapsò, cum propter facinorosa sua esse mortì adjudicatus, misericordissimè visitato perfectissima penitentia sibi subito inspirata est. Illud debet bene allicere quemlibet ad semper meri-

to-

torie agendum pro viribus, quia sive manfurus, sive lapsurus sit, non erunt in oblivione totaliter coram Deo. *Hec Doctor.*

Quibus significat *primò*, quod operibus remissis debeat gradus gloriæ; sicut, & ferventioribus: *Secundò*, quod illud debitum sit dumtaxat remotum, si attendantur opera illa seorsim à gratia sanctificante, siquidem gloria proximè non debetur nisi ei, qui cum gratia sanctificante è vivis excedit; Unde contingere potest, quod quis habens pura merita mortificata in acceptatione divina reservata, damnari possit: si nempe in statu peccati mortalis è vivis excedat; ac proinde quod damnatus propter illa opera mortificata habeat jus remotum ad gloriam; è contra verò aliquis adulter cum minori jure ad gloriam poterit salvari, si nempe habens dumtaxat merita remissa moriatur in statu gratiæ sanctificantis. *Tertiò*, quod opera mortificata quantumvis plura, & eximia, non possint prodesse ad promerendam primam gratiam de condigno; sed tantum de congruo: cum enim illa opera mortificata semper vigeant, & maneant in acceptatione divina; Deuseorum intuitu allici, & moveri potest ad conferendam illam primam gratiam, ut videlicet ea merita, reviviscere possint per conversionem peccatoris, & sic præmio æterno sibi debito donari.

C O N C L U S I O T E R T I A.

Probabile est per penitentiam non reviviscere, nec reparari gratiam deperditam. Hec videtur esse Doctoris in 4. dist. 22. num. 9. & 10. ait enim. *Dico quod præseindendo illud in gloria, quod respondet meritis, & illud dicatur B, ab illo quod respondet gratiæ, & illud dicatur A. foris A, excedit B. & quando ille resurgit, quia omnia priora merita vivant in Dei acceptatione, reddit sibi jux, & dignitas ad totum B- sed A non reddit sibi jux, & dignitas: ideo re-*

viviscunt merita, sed non reviviscit, prior gratia, quia prius habita, & illud est satis consonum justitiæ, quia gratia prior fuit tantum donum Dei: merita autem erant aliquo modo opera hominis. Et ideo illa sunt semper salva in acceptatione Dei: gratia verò non, ut propter eam ordinatur ad aliquod præmium; sed tantummodo per eam si habet eam.

Quibus verbis Doctor significat *primò* gloriam homini deberi duplici titulo, nempe ut hereditas ratione gratiæ sanctificantis: velut merces ratione bonorum operum, ita quod ut merita habeant jus proximum ad gloriam, sufficiat status gratiæ sanctificantis actualis; nec ad id opus est, ut etiam præsens adsit gratia sanctificans, cum qua illa opera meritoria fuerint elicita.

Unde fieri potest, ut homo cum amplioribus meritis, & minore gratia sanctificante obtineat majorem Dei fructificationem, quam ille, qui æqualem gratiam haberet, & minora merita; quia videlicet meritum fundat titulum proprium respectu gloriæ distinctum à titulo gratiæ habitualis, ut colligitur ex Scriptura, quæ pluries testatur gloriam esse repromissam bonis operibus. Sic ad Rom. 2. *Qui reddet unicuique secundum opera ejus:* Ad Rom. 4. vers. 4. *Ei qui operatur merces non imputatur secundum gratiam, sed secundum debitum.* Hebræorum 6. vers. 10. *Non enim injustus Deus, ut obliviscatur operis vestri.* Eccles. 16. v. 25. *Omni misericordia faciet locum unicuique secundum meritum operum suorum.* Et aliàs sæpissimè hujusmodi phrasi utitur Scriptura.

Tota Scriptura divina, inquit Scotus in Report. (ultimæ editionis) dist. 22. quæst. unica num. 8. clamat, quantitatè præmii correspondere operibus meritoriis, & non habitibus: nam secundum Philosophum 1. Ethic. 5. per habitum non distinguitur miser à felice, dormiens à vigilans; in Symbolo autem dicitur, quod

quod qui bona egerunt, ibunt in vitam eternam.

Enimverò promissio regni facta est homini, non propter habitus, sed propter opera; *Si vis ad vitam ingredi, serva mandata*, ait veritas Christus Matth. 19. vers. 17. & Matth. 5. vers. 3. *Beati pauperes spiritu, quoniam ipsorum est regnum celorum, &c.* Ergo opus ratione sui acceptum à Deo ad vitam eternam, & non solum ratione gratiæ quamvis non acceptetur, nisi gratia addit.

Posito, ait Doctor supra in Report. quod opus meritorium possit esse sine gratia acceptum, ut quod actus ex genere actus esset acceptus Deo, adhuc correspondet sibi premium, & gloria essentialis: quia quodlibet tale opus esset meritorium, & remunerabile vita eterna, & per consequens cuilibet gradui operis meritorii, correspondet gradus in premio, & majori gradui meriti major, & intensior gloria, & retributio: modò tamen ad hoc, quod opera nostra sint accepta Deo, & digna premio vite eterne, requiritur charitas, & gratia, quia sine ipsa impossibile est placere Deo, non tamen intentioni, sed operi meritorio, quod elicitur secundum inclinationem ejus, correspondet premium. Unde habens solum charitatem sine meritis, & bonis operibus, habebit tantum de gloria, & premio essentiali, sicut habens minorem charitatem cum multis meritis, & operibus bonis: non tamen habebit tantam gloriam, habens solum charitatem magnam sine operibus meritoriis, sicut cum eis, quia eis correspondet principaliter premium. Hæc Doctor.

Cujus sententia confirmari potest ex eo quod opera meritoria habeant speciale jus ad gloriam eternam distinctum à gratia habituali: si enim illa opera haberent illud jus dumtaxat ex gratia, & tantum ratione illius, & acceptarentur à Deo in ordine ad premium vite eterne; id fieret vel mediante prima gratia, & hoc non: quia

ipsa est ex dono Dei, nec tribuit jus ad gloriam, tanquam premium, ut patet in infantibus decentibus cum sola gratia Baptismali: vel acceptarentur mediante secundâ gratiâ, seu augmento gratiæ, quod dici nequit, cum illud augmentum sit premium secundarium ipsorum operum: adeo ut per ipsa opera, gratia accepta conservetur, & consumetur.

Itaque non est impossibile, aliquem habere plura merita in acceptance divina, & consequenter jus ad majorem gloriam, quamvis de facto non habeat; nec fortè post mortē habiturus sit intensiorem gratiam; nam potest manere jus fundatum in bonis operibus respectu gloriæ, quæ nondum concessa fuit; quamvis non remaneat idem jus ad gratiam, quæ data fuit, & per peccatum deperdita. Et quamvis jus ad gloriam impediatur in executione per absentiam gratiæ, reddit tamen per quamcumque minimam gratiam: siquidem Concilium Tridentinum sess. 6. Can. 33. hanc solam conditionem requirit, *Si in gratia decesserit*. Ex quibus omnibus inferre licet, quod possit recuperari totum jus, si ve tota actio ad jus antiquum gloriæ debita, si ve titulo mercedis, bonis operibus, si ve titulo hereditatis gratiæ sanctificanti retribundæ, absque restitutione gratiæ semel deperditæ.

Confirmatur iterum: Si necessariò in reviviscencia bonorum operum restitui deberet deperdita gratia. maximè quia hæc requireretur ad gloriam, vel per modum dispositionis præviæ: vel ut quis dicatur acceptatus à Deo in ordine ad istud premium consequendum; vel quatenus charitas, seu gratia est medium ad assequendum premium; sed nihil eorum evincit merita non posse reviviscere, quoad solum premium essentiali, quamvis non restituatur gratia deperdita, *Non quidem per modum dispositionis*; quia gratia quæ debetur me-

meritò reviviscenti, non est dispositio antecedens meritum, sed potius effectus ipsum consequens. Nec obstat, quòd prius concedatur augmentum illius gratiæ, quàm donetur gloria: quia augmentum illud idcirco prius conceditur, quoniam tribui debet homini viatori; gloria autem tantum conceditur post mortem. Neque etiam restitui debet gratia illa, ut opera mortificata prius fiant accepta Deo; siquidem ad id nihil aliud requiritur, quàm quod illa opera facta sint in gratia, & habeant annexam gratiam, per quam homo sit acceptus Deo. Hoc autem fieri potest absque restitutione deperditæ gratiæ: siquidem gratia sanctificans, quam homo pœnitens consequitur, sufficit, tum ut opera mortificata reviviscant, tum ut acceptentur à Deo in ordine ad vitam æternam.

Dixi in conclusione hoc quidem esse probabile, non verò quòd sit certum, quamquam Doctor videatur magis illam assertionem propendere, non enim opposita sententia probabilitate caret, nempe quod per pœnitentiam non solum reviviscant opera meritoria in ordine ad gloriam: sed etiam quòd restituatur gratia habitualis prius deperdita. Cui utique sententiæ adstipulantur omnia Scripturæ oracula, quibus suprà probavimus opera meritoria reviviscere, maxime verò illud Ezechielis 33. *Impietas inquit non nocet ei, in quacunque die conversus fuerit ab impietate sua*: noceret autem maxime, si per pœnitentiam cum restit uto iure ad gloriam debitam bonis operibus, pariter non restitueretur omnis gratia sanctificans deperdita, cui titulo hereditatis ipsa gloria erat repromissa.

Idem colligitur ex verbis Joëlis 2. *Reddam vobis annos, quos comedit locusta, bruchus, & rubigo, & crux*. Quæ verba expendens S. Hieronymus, ait: *Et annos, quos perturbationibus* (id est, peccatis) *ante regnantis perdidistis*

Tom. X.

in vobis, quando opera vestra locusta, bruchus, cruxque consumpserat, Deus vobis perire non passus est. Et post pauca: *Si autem post pœnitentiam, tantam ubertatem Deus rerum omnium pollteatur, quid respondebit Novatus, negans pœnitentiam, & reformari posse peccatores in pristinum statum; si digna fecerint opera pœnitentiæ? In tantum enim Deus recipit Pœnitentes, ut vocet eos populum suum, & nequaquam asserat confundendos, &c.* Non reformarentur autem in pristinum statum, si vel minima gratia antea habita non restitueretur.

Ad idem servire potest Parabola, Luc. 15. de filio prodigo, cui resipiscenti Pater familias jubet reddi solam primam. *Dixit autem Pater ad fratres suos: Cito proferte solam, &c. v. 22.* Ubi per solam Patres intelligunt gratiam; per primam, illam gratiam, quam habuit ante peccatum: nam S. Chrysost. homil. 4. in Lucam sic inquit: *Deinde mox jubet ei solam illam primam proferri, vel priusquam gloriam, quam ex seductione diaboli nudatus amiserat: reddi final, & annulum, sive signaculum salutaris symboli, seu magis dispensationis insigne, & nuptiarum pignus illarum, quibus Christus Eccl-siam sponsat, cum omnis anima resipiscens per annulum fidei jungatur Christo.*

Obijciat primò rationem, quam profert Doctor, *an. 9.* Inconveniens est, quòd omnis resurgens à peccato mortali, resurgat in ampliori, & majori gratia, quam fuit illa, quam peccando deperdidit: sed ita esset si restitueretur gratia deperdita cum gratia de novo per justificationem, & resurrectionem à peccatis concessa: igitur, &c. Probat majorem Doctor duplici ratione: *Prima*, quia si restitueretur gratia deperdita, & homo in justificatione eam reciperet cum nova gratia: sequeretur, quòd quoties rursus peccaret, semper peccaret gravius; quia videlicet caderet à statu nobiliori, & ampliores gratias deper-

111

deret : *Secunda* ; quia (inquit) prima gratia potest esse major & minor , & per consequens minima : sed per Pœnitentiam acquiritur prima gratia : igitur fieri potest , quod per Pœnitentiam restituatur gratia minima ; ac subinde homo resurgens cum gratia per Pœnitentiam accepta , non recuperat necessario omnes gratias deperditas .

Respondeo negari posse majorem : Si quidem id non assertivè , sed dumtaxat dubitativè protulit Doctor : ait enim ; *Videtur inconveniens* , &c. Unde negari potest *prima ratio* probativa ejus majoris ; inde namque non sequeretur rursus peccantem gravius peccare : quia peccati gravitas non desumitur præcisè à dignitate , & majori sanctitate peccantis ; sed ex ipsamet actione peccaminosa , quatenus nobiliori virtuti , seu rectitudini , & conformitati , ac tendentiæ in finem , aut objectum præstantius , ut ipsemet docet Doctor in 2. dist. 37. quæst. 1. num. 9. ubi ait : *Illud peccatum est gravius ex genere , quod opponitur rectitudini meliori ; illa autem est melior , quæ est fini immediatior cæteris paribus . . . loquendo autem in eodem genere peccati mortalis , illud est gravius , in quo voluntas majori libidine peccat* , &c. Adde quod negari possit esse inconveniens , quod quoties homo labitur in peccatum , toties gravius peccet , propter videlicet circumstantiam majoris ingratiitudinis , ut dicemus quæstione sequenti .

Ad secundam rationem dico , concedi posse , quod gratia , quæ per Pœnitentiam restituatur , possit esse minima , quatenus per Pœnitentiam obtinetur ; secus verò si sermo sit de gratia , quæ partim de novo acquiritur , partim restituitur . Quæ cum ita sint , poterit subtilis Doctoris Discipulus , absquæ injuria tanti Magistri alterutram partem tueri ; nimirum vel affirmantem , nempe quod omnis gratia habitualis deperdita per Pœnitentiam restituatur , ut do-

cent etiam plurimi Scotistæ recentiores , maxime Bosco disp. 6. sect. 7. nu. 71. vel negantem , in quam magis propendere videtur Doctor , quem sequuntur Durandus in 3. dist. 37. quæst. 2. Almainus dist. 22. qu. 1. & omnes antiquiores Scotistæ , quibus præ cæteris subscribit Hiquæus in Commentario ad dist. 22. num. 67.

Possent tamen , ut conjicio , duæ illæ oppositæ sententiæ invicem conciliari , nempe dicendo , quod restituatur gratia deperdita ; non quidem in esse physico , seu ut est qualitas , & habitus constituens nos participes divinæ naturæ , & filios Dei adoptivos ; sed in esse morali , sive in esse gratiæ , quatenus videlicet per eam iustus acceptatur ad gloriam mediantibus bonis operibus , vel præsentibus , vel præteritis ; sed remanentibus in divina acceptatione : Ita quod in reviviscencia , gratia dicatur augeri , non ut est qualitas supernaturalis , quo per additionem gratiæ deperditæ fiat major , & intensior ; quemadmodum omnis qualitas per additionem alterius ejusdem speciei fit intensior : sed dumtaxat quatenus habet rationem formalem gratiæ ; seu prout efficit hominem gratum Deo , qui ejus merita acceptat in ordine ad gloriam æternam sub titulo præmii , & mercedis conferendam .

Quod utique innuit Doctor eadem dist. 22. num. 9. ubi ait : *Per quodcumque meritum non augetur statim gratia , nec habens plura merita est semper in majori gratia* : Si igitur sufficiat sola gratia ad aliquam gloriam , tamen meritis correspondet aliquis gradus gloriæ saltem ; licet majori gratiæ sine meritis correspondeat maior gloria , quam minori gratiæ ; tamen in quocumque gradu eodem ponatur gratia merito adjuncto , licet per illud non statim intendatur gratia : tamen correspondet sibi gradus gloriæ ultra illum gradum , qui con-

„ sponderet præcisè illi gratiæ. Ita Do-
 „ ctor. Quibus significat posse gratiam
 augeri in ratione gratiæ, seu quatenus
 hominem reddit acceptum Deo, ratio-
 ne adjunctorum bonorum operum,
 quamvis non intendatur in ratione
 qualitatis supernaturalis per adjun-
 ctionem aliorum graduum similis gra-
 tiæ. Idem docet Doctor Angelicus 1.2.
 quæst. 114. art. 8. ad 3. ubi ait: Quoli-
 „ bet actu meritorio meretur homo
 „ augmentum gratiæ, sicut & gratiæ
 „ consumationem, quæ est vita æter-
 „ na: sed sicut vita æterna non statim
 „ redditur, sed suo tempore, ita nec
 „ gratia statim augetur, sed suo tem-
 „ pore, cum scilicet aliquis fuerit suf-
 „ ficienter dispositus ad gratiæ aug-
 „ mentum: ex quibus constat, quod
 „ habens plura merita, semper habet
 „ majorem gratiam in genere gratiæ,
 „ hoc est acceptationis, non tamen in
 „ genere qualitatis.

Dices: Albedo non potest intendi in
 ratione albedinis, quin intendatur in
 ratione qualitatis: igitur nec gratia aug-
 geri potest in ratione gratiæ, quin pa-
 riter augeatur sub ratione qualitatis;
 ac proinde si restituatur deperdita gra-
 tia, & fiat major in reviviscencia sub
 ratione gratiæ: igitur restituatur, &
 fiet major sub ratione qualitatis.

Nego paritatem, & ratio disparitatis
 est, quod illa qualitas, qua homo fit ju-
 stus, & gratus Deo, id non habeat ex
 natura sua, sed dumtaxat ex divina
 ordinatione; unde fit, ut qui habet
 unum gradum gratiæ habitualis, possit
 acceptari à Deo vel ex mera sua divina
 liberalitate, vel intuitu operum meri-
 toriorum ad decem gradus gloriæ, se-
 cus autem est de albedine, quæ ex na-
 tura sua habet, quod constituat subje-
 ctum album.

Subsumes: Igitur frustra conceditur
 augmentum gratiæ in genere qualita-
 tis; quippe cum Deus ratione unius
 gradus gratiæ possit acceptare homi-

nem ad centum gradus gloriæ.

Nego subsumptum; Gratia enim non
 solum inservit, ut efficiat hominem
 Deo gratum, & reddat illius opera gra-
 ta, & accepta in ordine ad gloriam;
 quod utique pendet ex divina ordina-
 tione, & institutione; sed etiam animam
 afficit, ut eam efficiat potentior, &
 vegetior ad operandum; maximè in
 ordine ad eliciendos actus supernatu-
 rales, qui sine ejusmodi gratiæ auxi-
 lio, & subsidio nullatenus possent elici:
 Et insuper gratia est internus animæ
 splendor; qui eam venustat, & illustrat.
 Unde licet tantum valere possit unus
 gradus gratiæ sicut decem respectivè ad
 acceptationem divinam, & in ordine
 ad gloriam; non tamen quantum ad
 virtutem operandi, & animæ decorem;
 quod enim plures gradus gratiæ anima
 suscipit, eo fit potentior ad eliciendos
 actus supernaturales, ac etiam nobilius
 illustratur, & venustatur.

QUÆSTIO QUINTA.

*Utrum peccata semel per Pœnitentiam
 remissa reviviscant per subsequens pec-
 catum, & denud impudentur, tam
 quoad culpam, quam quoad pœnam.*

Notandum primò, cogitari posse,
 quod peccata semel dimissa duo-
 bus modis redeant, nimirum *Primo*,
 quantum ad entitatem physicam, si vi-
 delicet idem numero actus peccaminosus
 jam omnino destructus reproduce-
 retur: *Secundo*, quoad deformitatem, &
 imputationem moralem, si nempe pro-
 pter peccatum subsequens Deus revo-
 cet præcedentem veniam, & condona-
 tionem: ita quod peccata jam dimissa
 rursus in conspectum, & judicium re-
 vocet; quatenus eorum ratione pecca-
 torem odio habeat, & pœnam ipsis
 omnibus peccatis etiam dimissis debi-
 tam decernat. *Rursus* dupliciter cogi-
 tari potest, quod peccatum jam dimis-

sum redeat quoad deformitatem moralem, nimirum *simpliciter*; ita quod peccatum subsequens remissionem in se virtualiter contineat omnem deformitatem, & reatum, tam quoad culpam, quam quoad pœnam præcedentium delictorum: *Et secundum quid*; eo quod peccatum subsequens fiat gravius intuitu præcedentis remissionis, & ratione aggravantis circumstantiæ ingrati tudinis.

Certum est autem, quod homo non possit revocare actus peccaminosos præteritos, nec consequenter renovare peccata præterita quoad eandem numero entitatem physicam, ac subinde neque etiam quoad eandem deformitatem moralem, quæ consequitur ad ejusmodi actum: Imò neque hoc postremum videtur fieri posse etiam de potentia Dei absoluta; quamquam enim posset Deus eandem numero entitatem actus peccaminosi reproducere, sicut & colorem, ac quodlibet accidens; tamen eum non possit esse peccati author quia peccatum est, evidens sit quod per eum non possit restitui extincta per Pœnitentiam eadem numero deformitas, & malitia moralis. Restat ergo determinandum, an redire possit virtualiter, seu quoad imputationem, necnon, & quoad obligationem ad pœnam luendam.

Notandum secundò, in peccato mortali duo distingui, nempe aversionem à Deo, & conversionem ad creaturas. Aversio à Deo secundum se mortalibus omnibus communis est; quia per quodvis mortale peccatum, homo separatur, & avertitur à Deo. Unde macula, quæ exurgit ex privatione gratiæ, quæque pœnam æternam inducit, omnibus peccatis mortalibus convenit: secus est autem de conversione ad creaturas, ratione enim illius peccata mortalia diversa sunt; siquidem alius est motus voluntatis, quo homo fertur in creaturam, affectu libidinis; & alius, quo in eam

tendit affectu avaritiæ, invidiæ, &c. Unde quantum spectat ad conversionem ad creaturam, sequens peccatum mortale, non restituit præcedentia per Pœnitentiam expuncta; alioquin per peccatum avaritiæ restitueretur homo in habitum, & dispositionem prodigalitatis; sicque unum contrarium esset causa contrarii, quod naturaliter implicat: at quantum ad id, quod est ex parte aversionis, videtur redire per subsequens peccatum; quia per illud homo privatur gratiâ Dei; sitque reus æternæ pœnæ, sicut erat ante acceptam remissionem, quo sensu dixit S. Jacobus c. 3. *Qui peccat in uno, factus est omnium reus.*

Quoniam verò aversio à Deo in peccato mortali videtur causari ex conversione ad creaturam, non quod malitiam, & deformitatem ex ea conversione mutuetur; siquidem potest esse conversio ad creaturam absque ulla deformitate, seu defectu, quando non est contra divinam legem, & voluntatem: sed quia prædicta conversio est materia, vel occasio aversionis à Deo, ideo illa, quæ sunt ex parte hujus aversionis, sunt aliquo modo diversa per comparisonem ad diversas comparisones, ut diversas causas; ita quod alia sit aversio, & macula, aliæve reatus, secundum diversam illam conversionem, & diversitatem actus peccaminosi. Hinc quaritur, utrum macula, & reatus æternæ pœnæ, prout oriebantur ex actibus peccatorum prius dimissorum, redeant per peccatum mortale subsequens veniam, & remissionem: ita quod is, qui jam furti admissi per Pœnitentiam fuerat remissionem consecutus, si postea recidat in peccatum mortale ebrietatis, non solum sit damnandus propter præsentem ebrietatem; sed etiam propter furtum jam dimissum.

Notandum tertio, quantum ad præsentis controversiæ definitionem,ariam, ac multiplicem esse Theologorum

rum

rum sententiam : fuerunt enim aliqui ex antiquioribus Theologis, qui putarunt, peccata dimissa redire virtualiter quantum ad deformitatem moralem, & reatum culpæ, & pœnæ, quibus subsciberetur videtur Hugo Victorinus lib. 2. de Sacramentis p. 14. cap. 9. Nonnulli, ut refert Seraphi. Doctor in 4. dist. 22. art. 1. quæst. 1. docuerunt, maximè Prepositivus quidam, peccata prius dimissa redire, non per quodlibet peccatum generatim; sed tantum per quatuor peccatorum genera, scilicet per odium fraternum, apostasiam à fide, contemptum confessionis, & revocationem Pœnitentiæ præteritæ, ita quod homo doleat se pœnituisse : Unde composuerunt istud disticon.

Fratres odit, apostata fit, spernitque fateri :

Pœnituisse piget; pristina culpa redit.

Et ratio eorum est, inquit Seraphicus Doctor; quia Dominus remittit culpam sub quadruplici conditione, scilicet si ipse dimittat proximo, si perseveret in fide, si confiteatur culpam, si perpetuò detestetur culpam commissam: & quoniam pactio frangitur, non existente conditione; idcirco quando aliquis peccat aliquo genere horum peccatorum, dicunt culpam redire. Gratianus dist. 4. de Pœnitentia quæstionem hanc expendit in utramque partem; at in affirmantem propensior est. *Mugisser Sententiarum* dist. 2. proferat argumenta in utramque partem, & affirmat utrique parti favere Doctores probatos; Unde non audet quidquam decernere; ait enim: *Ideoque, alicui parti non præjudicans, studiose lectori judicium relinquo, addens mihi tutum fore, ac saluti propinquum sub mensa Dominorum micat edere.* Communior verò Theologorum jam sententia est, peccata semel dimissa, numquam redire quoad culpam absolutè, & simpliciter, sed tantum secundum quid; nempe ratione circumstantiæ in-

gratitudinis: quapropter duo hic sunt statuenda : *Primum*, quod reverà peccata non redeant quoad culpam: *Secundum*, quod redeant penes aggravantem circumstantiam.

CONCLUSIO PRIMA.

Peccata semel per Pœnitentiam dimissa non redeunt simpliciter, quoad reatum culpæ, & pœnæ per ullum subsequens peccatum mortale. Hæc est communior, & verior; cuius quidem nulla proferri potest alia ratio à priori, quàm quod ita Deus ordinaverit: quæ utique divina ordinatio colligitur ex Scriptura, & ex communi sententia Doctorum. Quod probè intelligens Doctor subtilis in 4. dist. 22. num. 6. ait: Dico, „ quod Deus disposuit peccata pœnitentis post Pœnitentiam esse tecta, „ secundum S. Augustinum exponentem illud Psalmi 31. *Beati, quorum remissa sunt iniquitates, & quorum tecta sunt peccata*; id est, non amplius videntur ad vindictam.

Rursus probat Doctor ex illo Nahum 1. ubi Vulgata habet: *Non consurget prima tribulatio*. Septuaginta Interpretes vertunt: *Non vindicabit Dominus his idipsum in tribulatione*. Quod utique testimonium quamvis ad litteram intelligatur de populo Judaico, quem Deus afflixerat, tradendo decem Tribus potestati Assyriorum, reservata Tribu Juda, & Benjamin, quibus spondet Deus, se illas non traditurum Assyriis; nihilominus SS. Patres communiter interpretantur de punitione peccatorum: ita enim sanctus Hieronymus, Remigius, Cyrillus, Rupertus, quibus præiverat S. Cyprianus sermone de Passione Domini, ubi ait: *Neque enim his in idipsum judicat Deus, sed impœnitentes ipse judicat, & damnat; pœnitentes verò, quia à seipso suscipit iudicatos absolvit, neque iudicio, quod pœnitentiæ humanæ severitas protulit, aliquid iustitiae celestis apponit. Hucusque spectant preces fidelium, qui rogant,*

ut peccata eorum in hac vita puniantur, ne puniendi ferventur in altera vita. Unde S. Paulus ad Cor. 11. Dum iudicamur à Domino, corripiamur, ut non cum hoc mundo damnemur.

Confirmari potest hæc sententia ex illis Scripturæ textibus, quibus superioribus quæstionibus probatum est, peccata per Pœnitentiam omnino expungi, ac penitus aboleri, nec Deum eorum amplius recordari. Eam etiam veritatem aperte tradit Gelasius Papa, ut refertur dist. 4. de Pœnitentia, cap. finali: ubi ait: Divina clementia dimissa peccata in ultionem iterum redire non patitur. Illam etiam expresse tradit S. Prosper in resp. ad 2. objectionem Gallorum, ubi ait: Omnis homo, qui credens in Patrem, Filium, & Spiritum sanctum regeneratur in Baptismo, tam à propriis peccatis, quæ mala voluntate contraxit, quam ab originali, quod à parentibus traxit, absolvitur; sed relapsus post Baptismum ad infidelitatem, & impios mores, qui negat originali peccato fuisse purgatum, tam falsa opinatur, quam qui eundem asserit non æterna morte, esse damnandum; qui enim recedit à Christo, & alienus à gratia finit hanc vitam, quid nisi in perditionem cadit? Sed non in quod remissum est, recedit, nec in originali peccato damnabitur, qui tamen, propter postrema crimina ea morte afficietur, quæ ei propter illa, quæ remissa sunt, debebatur. Hæc sunt verba S. Prosperi, ex quibus non solum habetur clarè conclusio, sed colligitur ejus certitudo, cum dicat, non minus falsò posse negari, quam si negetur Apostatam à fide, esse damnandum: quare in eodem gradu certitudinis videtur utrumque collocare.

Suffragatur etiam ratio: Siquidem, quod omnino extinctum est, & abolutum, nullatenus potest redire: sed peccata per Pœnitentiam omnino extin-

guuntur, & abolentur, ut dictum est: igitur redire non possunt.

Deinde, si peccata per Pœnitentiam remissa iterum redirent per subsequens peccatum, teneretur homo, quoties confiteretur aliquod peccatum mortale, etiam omnia peccata mortalia per totam vitam commissa simul confiteri; non enim potest peccatorum absolutionem, & veniam obtinere, nisi ea confessus fuerit: sed consequens est absurdum, & à Benedicto XII. in Extrav. Inter cunctos damnatum; ibi enim definit, absurdum esse, ut quis peccata per Pœnitentiam dimissa rursus debeat confiteri; & ut debitor liberatus adhuc maneat ad solvendum obligatus.

Denique, si peccata actualia per Pœnitentiam remissa redire possent, etiam rediret peccatum originale sublatum, per Baptismum, eadem enim est ratio de peccato originali, ac de actualibus: sed hoc dici nequit; si enim rediret peccatum originale, deberet tolli per aliquod Sacramentum nempe, vel per Pœnitentiam, vel per Baptismum; neutrum autem dici potest; non quidem per Pœnitentiam; quia hæc non est instituta in remedium peccati originalis; sed tantum peccatorum actualium commissorum post Baptismum: non etiam per Baptismum, quia ille non debet iterari: igitur necessum esset, quòd peccatum illud maneret indelebile, quod est absurdum.

Obijciat primò varios Scripturæ textus, quibus significatur peccata reviviscere, & iterum restitui, maxime illud Psalmi 108. In memoriam redeat iniquitas Patrum ejus in conspectu Domini. Quem Psalmi textum S. Augustinus explicans de Juda traditore, ait: Si ergo Judas teneret illud, ad quòd vocatus est, nullomodo ad eum, vel sua præterita, vel parentum iniquitas pertinere: sed quia non tenuit adoptionem in familia Dei; sed iniquitatem vetusti generis, rediit iniquitas Parentum ejus in conspe-

Ha Domini, ut in eo etiam ipse puniretur. Similiter 3. Regum cap. 17. Mulier Sarreptana Eliam alloquens, ait: *Quid mihi, & tibi vir Dei? Ingressus es ad me, ut rememorarentur iniquitates meae, & interficeres filium meum.*

• *Respondeo*, his, & similibus Scripturæ oraculis, nihil aliud significari, quàm quòd parentum iniquitates redeant in conspectu Dei in memoriam Dei pro filiis, non quidem quantum ad culpam, sed quantum ad pœnam temporalem, qua Deus solet visitare, & castigare peccata parentum in filiis. Unde Tobias, cap. 3. precabatur: *Domine memor esto mei, & ne vindictam sumas de peccatis meis, neque reminiscaris delicta mea, vel parentum meorum.* Non autem ibi sermo est de reditu peccatorum, quantum ad reatum culpæ, & pœnæ æternæ.

• *Obijcies secundò*, Parabolam Matth. 18. expressam, ubi licet Dominus servo nequam omne debitum dimisisset, postmodum audita ejus in conservum crudelitate, illud revocavit, & servum illum tradidit tortoribus mittendum in carcerem, & cruciandum, dicens: *Non exeat inde, donec reddat universum debitum.* Ergo cum ipso Domino ibidem reite, Pater cœlestis sic faciet vobis, si non dimiseritis unusquisque fratri suo de cordibus vestris, consequens est, quòd saltem per admissum peccatum crudelitatis, redeant cætera alia peccata, quantum ad eandem imputationem, & obligationem ad pœnam.

Confirmatur ex S. Jacobo, qui cap. 2. ait: *Qui peccat in uno, factus est omnium reus.*

Respondeo primò, quòd in Parabolis ea tantum applicanda sunt rei propositæ, quæ scopus earum requirit: in ea autem Parabola Christus intendit solum declarare, quòd perperam peccati veniam à Deo postulent, qui proximo veniam exoranti concedere renuunt. Certum est enim, quòd omnia, quæ in

ipsa Parabola efferuntur, Deo convenire non possint: nam ille Dominus dicitur ignorare illius servi crudelitatem, in conservos; quod utique de Deo dici non potest. Unde per illam Parabolam Christus Dominus tantum significare voluit, quòd Deus gravissimè offendantur ab eo, qui non vult condonare offensas sibi illatas; quodque illud peccatum immisericordiæ severissimè sit puniendum, juxta illud S. Jacobi: *Judicium sine misericordia illi, qui non facit misericordiam.*

Respondeo secundò, cum Doctore, quod si hæc Parabola intelligatur de reditu peccati, debitum illud debeat intelligi de damnatione, quantum ad durationem pœnæ, quæ per peccatum subsequens reviviscit in æquivalenti; quia pœna ei debita æterna est quoad durationem; non verò redit pœna prioribus peccatis debita, & jam dimissa quoad intensionem; ita quòd ille propter dimissa peccata gravius torquetur: Quod enim ibi dicitur, inquit Doctor dist. 22. num. 20. Tradidit eum tortoribus, donec redderet universum debitum; intelligo ad propositum; quia non redderet universum debitum, nisi solvendo pœnam damnationis, pro eo mittatur in illum carcerem damnatorum; & ita ad propositum, recidivans eidem pœnæ damnationis adjudicatur, quam habuisset propter peccata priora, & prius dimissa, & æqualem quantum ad durationem, quia donec reddat, &c. sed non sequitur, quòd æqualem quantum ad intensionem.

Ad confirmationem respondet eodem modo num. 21. Isto modo, inquit, est intelligenda autoritas sancti Jacobi; quantum ad damnationem, quæ est generalis pœna omnium peccatorum mortalium: vel aliter, factus est omnium reus, quantum ad averfionem à fine ultimo; quæ utique averfio communis est omni peccato.

„eato; mortali: sed non est intelligendum, quòd factus sit omnium reus, „quantum ad gravitates singulorum „peccatorum.

Obijcies tertio omnes illas SS. Patrum auctoritates, quas profert Magister sententiarum pro affirmativa sententia: quarum prima est S. Ambrosii super 4. caput epistolæ ad Ephesios, ubi ait: *Donate invicem, si alter in alterum peccat, aliquin Deus repetit dimissa: si enim in his contemptus fuerit, sine dubio revocabit sententiam, per quam misericordiam debeat; sicut in Evangelio de servo nequam legitur, qui in conferuum suum impius deprebensus est.*

Idem docet S. Augustinus homil. 15. de verbis Domini: *Dixit Dominus, inquit: Dimitte, & dimittetur tibi: Si ergo prior dimisi, dimitte, vel postea: nam si non dimiseris, revocabo te, & quidquid tibi dimiseram, replicabo tibi.* Et lib. 1. de Baptismo contra Donatistas, cap. 12. *Redire dimissa peccata, ubi fraterna charitas non est, apertissime docet in Evangelio de illo servo, quem cum invenisset debitorem decem millium talentorum, deprecanti omnia dimisit; ille autem conferuum suum, qui ei debebat erupum denario; cum miseratus non fuisset, iussit eum Dominus reddere, quæ ei dimiserat.*

Idem subscribit S. Gregorius lib. 4. Dialogorum cap. ult. *Ex dictis Evangelicis constat, quòd si hoc, quod in nos delinquitur, ex corde non dimittimus, illud rursus exigitur, quod jam nobis per Pœnitentiam dimissum fuisse gaudebamus.* Similiter Beda lib. 4. in Lucam, cap. 48. exponens illa verba dæmonis, dicentis: *Revertar in domum meam, &c.* ait: *Timendus est ille versutus, non exponendus, ne culpa quam in nobis extingui credebamur, per incuriam nos vacantes opprimat.*

Respondet Doctor loco mox laudato, SS. Patres intelligendos esse de reditu peccatorum, quantum ad durationem

pœnæ æternæ, quæ aggravatur ratione circumstantiæ ingratitudeinis ex prioribus peccatis remissis. Vel dico SS. Patres loqui de reditu peccatorum, quoad circumstantiam ingratitudeinis, vel quoad culpam, & pœnam æquivalentem; quia per subsequens peccatum contrahitur similis pœna æterna sensus, & damni.

Obijcies quarto: Contritus de peccato; si postea contemnat confiteri, aut redit idem peccatum per Contritionem dimissum; & sic habetur propositum: aut non redit, & sic peccatum erit dimissum sine secunda, & tertia parte Pœnitentiæ, quod est inconveniens.

Respondet Doctor num. 21. duobus „modis: Primo potest dici, inquit, „quòd si contritus prius contemnit „postea confiteri, peccat novo peccato mortali in illo contemptu, nec tamen redit culpa dimissa per Contritionem, neque, inquam redit quantum ad malitiam, nec quantum ad reatum, sed semper sola pœna manet „temporalis debita illi, licet pœna „damnationis debeatur novo peccato mortali.

Alio modo potest dici, quòd pro peccato habetur pœna completa; „intellige completa quantum ad tres „partes Pœnitentiæ, Contritionem, Confessionem, & satisfactionem, tunc commutata est pœna damnationis in pœnam temporalem, non „sic autem de peccato, de quo habetur Contritio sine aliis duabus partibus Pœnitentiæ.

Eccæ duplex responsio: Sed prima, „inquit Doctor, est convenientior, „quia peccatum in Contritione simpliciter deletur; Ita quod non manet, nisi obligatio ad pœnam temporalem; & si post sequatur contemptus „satisfactionis, seu Confessionis, novum peccatum mortale est, & aggravatum propter culpam priorem in Contritione dimissam.

Obijcies ultimum: Peccata sunt tenebræ

bræ spirituales in mente : sed tenebræ eadem numero redire possunt ; quia privatio distinguitur numericè juxta distinctionem habitus, seu formæ, cujus est privatio, seu subjecti cui inest : sed tenebræ sequentes lumen habent idem subjectum cum tenebris præcedentibus ; & sunt privationes ejusdem numero luminis : nam idem lumen numero maneret si tenebræ non essent : igitur .

Negat minorem Doctor num. 22. Non enim, inquit, potest redire eadem, tenebra numero saltem per naturam : quia non potest esse eadem negatio, sicut nec eadem affirmatio, posita interruptione hinc, & inde . Ad probationem dico, quòd ad unitatem privationis non sufficit unitas subjecti, & habitus oppositi : sed requiritur unitas continuitatis ejusdem in subjecto eo modo, quo potest habere esse in subjecto. Patet hoc per simile ; quia ad unitatem negationis non sufficit unitas affirmationis ; nam non Socrates, quod est negatio unius numero affirmationis, potest esse non solum plura numero, sed in pluribus specie, & genere : & tot esse, quot sunt entia, quæ non sunt Socrates ; ita & privatio potest esse ejusdem formæ ; & tamen non eadem : potest etiam esse in eodem subjecto plurificata, si sit interruptio, sicut & habitus ejus est plurificatus, si cum interruptione inesset illi subjecto ; sive enim positivum, sive privativum, vel negativum, idem numero reparare, hoc solius est potentie infinitæ Dei, cui sit gloria, &c.

CONCLUSIO SECUNDA.

Peccata semel remissa propter peccatum subsequens redeunt secundum quid, ratione aggravantis circumstantiæ. Hæc est communior apud Theologos ; eamque declarat, & probat Doctor *dist. 22. num. 14.* Primò quidem, quia peccatum subsequens habet annexam

Tom. X.

circumstantiam ingratitude, ratione cujus gravius est : ingratitude namque per se vitium est ; quantò autem plura vitia, aut vitiorum circumstantiæ ad actum peccati concurrunt, tantò peccatum gravius est, & inajori pena puniendum : Porro qui peccat post acceptam gratiam remissionis, reverà ingratus est ; nam, ut dicit Seneca lib. 3. de Beneficiis : *Ingratus est, qui beneficium se recepisse negat, ingratus qui dissimulat, ingratus qui non reddit, ingratus omniū, qui oblitus est* : at qui iterum labitur in peccatum, non solum non reddit bonum pro beneficio remissionis ; sed etiam malum rependit ; & consequenter gravius peccat propter ingratitude remissionis acceptæ . Probat minorem Doctor : *Quia, inquit, quantò aliquis recipit ab alio majus beneficium sibi magis indebitum, tantò sibi magis tenetur lege gratitudinis, etiamsi beneficium receptum sit minus, & per consequens magis, si beneficium est æquale : sed existenti in peccato mortali nullus est Deus debitor, nisi pænæ : igitur si sibi gratiam confert, hoc erit donum maxinè gratuitè, & liberaliter datum, & precipuè si est gratia æqualis gratiæ collatæ alii innocentis : igitur iste ex lege gratitudinis est Deo specialiter obligatus propter hoc donum liberaliter collatum : & per consequens offendens post, contra eam gravius peccat propter ingratitude.*

Repetit secundò Doctor majorem illam gravitatem, ex notabiliōri transgressionē : *Quia, inquit, quantò aliquis tenetur pluribus obligationibus ad aliquid, tantò, si transgreditur, gravius peccat : sed pœnitens quotiescunque dignè pœnitet, obligat se saltem votò ad non peccandum in posterum : quia siue tali proposito non est digna Pœnitentia, & præter hoc est adstrictus ad non peccare eadem lege, quā innocens : igitur si postea pec-*

K k k

„ peccet, transgredietur duplicem le-
 „ gem obligantem ad non transgre-
 „ diendum, scilicet illam generalem,
 „ quâ omnes obligamur ad non pec-
 „ candum, & istam specialem de pro-
 „ misso servando, quæ maximè obligat
 „ de promisso facto Deo, & de aliquo
 „ pertinente ad honorem Dei.

Quibus Doctor declarat, peccato-
 rem recidivante idcirco gravius pec-
 care: non solum quia est inmemor be-
 neficii accepti; sed etiam quia est infide-
 lis, & inconstans in servando promisso,
 quod statuit dum pœnitaret, nempe se
 amplius non peccaturum. Nomine au-
 tem *promissi*, non intendit Doctor vo-
 tum propriè dictum; alioquin quodeun-
 que peccatum mortale post Pœniten-
 tiam esset sacrilegium; sed intelligit ob-
 ligationem fundatam in proposito de
 non peccando denuo; ad cuius promissi
 observantiam tenetur pœnitens, ex
 lege fidelitatis, seu fidei servandæ Deo,
 saltem ex constantia, ac firmitate te-
 nendæ, cujus ratio postulat, quod homo
 sibi in bono proposito constet, sibi que
 similis permaneat contra omnes occur-
 rentes difficultates, quandiu ratio di-
 ctabit: Cum ergo non fiat peccati re-
 missio sine illo proposito de cætero non
 peccandi, & ratio dictet nusquam ab
 hoc proposito esse recedendum: conse-
 quens est, quod recidivans post Pœni-
 tentiam peccet contra illam virtutem
 constantiæ per peccatum inconstantiam;
 quo utique non peccavit, quando pri-
 mum ab innocentia per Baptismum re-
 parata lapsus est.

Obijcit Doctor, Illud non aggravat,
 quo non existente, imò posito ejus op-
 posito, peccatum æquè esset grave, vel
 etiam gravius: sed si homo nusquam
 fuisset pœnitens, & semper innocentiam
 servasset, gravius peccaret deperdita
 innocentia, quàm peccet post remissio-
 nem in Pœnitentia acceptam: ergo, &c.
 Major constat. Probat minorem Doctor
 num. 15. *Quia, inquit*, cadens à statu

„ innocentia gravius peccat, quàm
 „ cadens à statu Pœnitentia: *Tum* quia
 „ innocēs minorem habet occasionem
 „ cadendi: *Tum* quia majus beneficium
 „ recipit iste, cui Deus conservavit in-
 „ nocentiam, quàm cui concessit Pœni-
 „ tentiam post peccatum.

Respondet Doctor, reverà quidem,
 conservationem innocentia, & præser-
 vationem ne quis in peccatum labatur,
 esse simpliciter majus beneficium, quàm
 concedere veniam post lapsum; unde,
 inquit, majus beneficium contulit Deus
 suæ Matri, eam præservando ab omni
 peccato, quàm Magdalena, dando ei
 Pœnitentiam; & singularis gloria est in
 Beatis, & ornatus ex beneficio inno-
 centia, quam non habent alii, qui salvi
 facti sunt per Pœnitentiam. Unde ad
 argumentum negat majorem: *Quia, in-*
 „ *quit*, possibile est aliquod peccatum
 „ habere nunc unam circumstantiam
 „ aggravantem, nunc aliam, & illa,
 „ quæ ibi aggravat, potest esse gra-
 „ vior, quàm illa, quæ hic aggravat.
 „ Id est, homicidium v. g. commissum
 „ post innocentiam, aut post Pœniten-
 „ tiam, potest utrinque habere aggra-
 „ vantem circumstantiam quarum ta-
 „ men una sit major alià; nec utraque
 „ simul possit subsistere: nam qui cadit
 „ ab innocentia per homicidium, non
 „ cadit à statu gratia per Pœnitentiam
 „ accepta; quia gratia remissionis, &
 „ gratia Pœnitentia simul esse non pos-
 „ sunt: Innocentia enim non stat cum
 „ Pœnitentia, nec vice versâ; siquidem
 „ qui est innocens, non eget Pœniten-
 „ tia; & qui eget Pœnitentia, non est
 „ innocens. Quanquam in hoc conven-
 „ niant, quod utrumque homicidium
 „ habeat annexam circumstantiam in-
 „ gratitudinis; quia per utrumque ho-
 „ mo Deum benefactorem offendit, &
 „ per peccatum sequens impugnatur, ac
 „ destruit beneficium innocentia, ac
 „ remissionis peccati, nihilominus cum
 „ gratia innocentia servata longè ma-
 „ jus

„ jus sit beneficiū, quàm gratia justitię
 „ reparatę per Pœnitentiam; inde sit,
 „ quòd qui cadit ab innocentia, gravius
 „ peccet, ac proinde falsa est major.

Urget Dôctor, contra solutionem præcedentem ex illa Parabola Lucę 7. ubi Christus Dominus Simonem leprosum alloquens occasione pœnitentis Magdalenę, ait: *Duo debitorerant eisdam feneratori, unus debebat denarios quingentos; & alius quinquaginta. Non habentibus illis unde redderent, donavit utrisque. Quis ergo eum plus diligit? Respondit Simon: Altimo quia is, cui plus donavit. Quam utique respon- sionem Christus approbans subjunxit: Rescēd judicasti: Sed, inquit, Dôctor, innocenti nihil donat Deus hoc modo: peccatori autem multa donat: ergo peccator plus Deo tenetur: quare magis ingratus est simpliciter, quando recidivat.*

Respondet Dôctor num. 16. quòd vocabulum *donare*, sit æquivocum, pos- sitque intelligi duobus modis: Donare, inquit, potest intelligi absolute, prout est actus voluntatis liberaliter communicantis; vel donare, id est condonare, sive remittere, ut accipitur, cùm dicitur: *donavit peccata*. Primo modo verum est, quod cui plus donatur, ille magis tenetur donanti: & hoc modo dico, quòd Deus innocenti majus donum dedit, quàm cui dimittit peccatum. Secundo modo pœnitenti donat plus, quàm innocenti; quia innocens non habet, quod sibi remittatur.

Esti subsumatur major, quòd ille plus tenetur diligere, cui plura donantur, id est, remittuntur; verum est comparando duos, quorum uni pauciora donantur, & alteri plura; & hoc si non esset beneficium aliud datum, nisi hoc, quod est donare, vel remittere. Sed nullus est, cui Deus pauca donat, quia pauca commisit, quin sit eidem aliud beneficium da-

„ tum majus, quàm donare, id est, re-
 „ mittere plura, scilicet pręservare,
 „ eum ab aliis, in quę cadere potuisset,
 „ & cecidisset, nisi pręservatus à Deo
 „ fuisset.

Quod optimè confirmatur duplici auctoritate S. Augustini: Prima petitur ex libro 2: Confess. cap. 7. ibi: *Gratię tuę deputo, & misericordię tuę*, (alloquitur Deum) *quòd peccata mea tanquam glaciem solvisti. Gratię tuę de-puto, & quęcunque non feci mala. Quid enim non facere potui, qui etiam gratum facinus amavi? Et omnia mihi dimissu est: fateor, & quę mea sponte feci mala, & quę te duce non feci. Quis est hominum, qui suam cogitant infirmitatem, audet viribus suis tribuere celsitatem, atque innocentiam suam, ut minus amet te, quasi minus ei necessaria fuerit misericordia tuā, quā donas peccata converfis ad te? Et post pauca: Et ideo te tantūdm, immo verò diligat; quia per quem nō videt tantis peccatorum meorum languoribus exui, per eum se videt tantis peccatorum languoribus non implicari.*

Secunda auctoritas habetur lib. 50. homil. 23. ibi: *Hoc tibi dicit Deus tuus: Regēbam te mihi, servabam te mihi, ut adulterium non committeres: Sufasor defuit, & ut sufasor deesset, ego feci: locus, & tempus defuit, & ut hęc deessent ego feci. Affuit sufasor, non defuit locus, non defuit tempus, ut non consentireis, ego tenui. Agnosce ergo gratiam ejus, cui debet, & quod non admisti. Mihi debet iste (peccator) quod factum est, & dimissum videri; mihi debet, & tu (à peccato pręservatus) quod non admisti. Nullum enim est peccatum, quod fecit homo, quod non possit facere alter homo, si defuit Rētor, à quo factus est homo.*

Hoc confirmat Dôctor exemplo: Si aliquis, inquit, ex liberalitate concedit alicui omnia sua, ut eis utatur ad li- bitum; alteri verò concedit aliqua mutuo, & post, quando debet illa

reddere, remittit sibi : quis cum plus diligit ? Dico, quod primus, quia majus beneficium recepit, & tamen plura remittit alteri ; sed quod primus nihil habeat sibi demittendum, hoc est, ex beneficio illius, qui omnia sua liberaliter ei concessit. Unde non est vera illa propositio simpliciter : *Cui plus dimittitur, plus diligit dimittentem*, nisi de illo dimittente, per cuius beneficium non stat, quod iste non tenetur ad tot, ad quot ille.

Quod autem reverà innocentie conservatio longè nobilior ac præstantior sit donum, quàm illius restitutio, & reparatio per Pœnitentiam, disertè explicat S. Cyprianus epist. 89. ubi inter cætera ait : *Primus felicitatis gradus est, non delinquere; secundus verò delicta cognoscere, & retrahere: illic currit innocentia integra, & illibata quæ servet, hic succedit medicata quæ sanet*, Et Hugo à S. Victore lib. 2. de Sacram. p. 146. 4. *Si magnum est, inquit, aliquando surgere, majus certe est nunquam cecidisse: Si bonum est sanatum esse; melius est nunquam corruptum fuisse.*

Suffragatur etiam ratio : Quia præservari a peccato ex dono Dei est beneficium speciale ; quia, & ad fructum præservati, & ad salutem, magis facit, & perfectius conjungit fini, & perfectius etiam effectum gratiæ Pœnitentiæ continet, nimirum præservando à peccato; quod utique constat exemplo beatissimæ Virginis, cujus insignis, ac peculiaris prærogativa fuit, non peccare, & ab omni peccato tam originali, quàm actuali per insignem Dei protectionem, & gratiæ plenitudinem præservari. Patet etiam exemplo Beatorum, quorum perfectio maxima est, immunes esse ab omni peccato, & nullatenus posse peccare, saltem proximè; quo fit, ut magis accedant ad divinam perfectionem, nobilissimèque divinos characteres referant, sanctitatem adumbrando. Similiter innocentia longè perfe-

ctius conjungit fini ; quia per eam homo constituitur non solum in statu; sed etiam in effectu meriti, quando præservatur ; non enim ut peccator solum revocatur à lapsu, tanquam ab impedimento removente à fine ; sed etiam habet fructum suæ Justitiæ, quantum ad meritum gratiæ, & gloriæ ; quia videlicet cum nihil habeat, quod ipsum removeat à sui ipsius unione cum Deo ; inde fit, quod innocens facilius, quàm pœnitens ad Dei fruitionem possit promoveri.

Dices secundò : Ingratitudo, & infidelitas, & inconstantia, sunt peccata distincta à cæteris : igitur si peccatum recidivationis habeat annexam ingrati tudinem, & inconstantiam, peccatum dimissum non tantum redit secundum quid, sed etiam simpliciter. Insuper sequitur, quod peccatum subsequens non est unicum, sed multiplex peccatum : at hoc falsum est ; alioquin quoties quis peccatum aliquod confiteretur, toties teneretur etiam confiteri ingrati tudinem, & inconstantiam, seu infidelitatem in Deum ; quod tamen non fit ; ac subinde verum non est, quod peccatum recidivationis habeat annexum peccatum ingrati tudinis, &c.

Respondeo, ingrati tudinem dupliciter considerari posse ; Primo quatenus per eam quis peccat eo animo, ut contemnat beneficium, vel irroget injuriam benefactori ; v. g. si quis adeo esset corruptis moribus, quod peccaret eo animo, ut Deum offendat, & injuriam ipsi faciat : qua ratione ingrati tudo est speciale peccatum ; Secundo modo consideratur ingrati tudo, quando aliquis peccat contra benefactorem, à quo beneficium accepit ; non tamen hac intentione, ut contemnat acceptum beneficium, & benefactorem ; sed ut satisfaciatur suæ libidini. Unde distinguo majorem : Ingrati tudo priori modo accepta, est speciale peccatum concedo : posteriori, nego. Communiter autem, in-

inquit Doctor num. 18. non peccatur
 „ peccato ingratitudinis priori modo;
 „ quia peccans communiter non ap-
 „ petit, nisi delectationem, licet inor-
 „ dinatè; & velle illi delectationi non
 „ esse annexas tot prohibitiones: &
 „ isto modo, omni peccato conjungi-
 „ tur inobedientia, & contemptus, &
 „ odium Dei, & ingratitude, & hujus-
 „ modi, non quòd peccator habeat
 „ tunc actum elicitedum pertinentem ad
 „ singula istorum: sed implicitè, in-
 „ quantum vult aliquid, ad quod
 „ quodammodo concomitantur hæc
 „ omnia. Concedo ergo, quod possi-
 „ bile est peccare recidivantem unico
 „ peccato.

„ Et quando infers: Ergo posset
 „ æquè graviter peccasse primò, quan-
 „ do cecidit ab innocentia; concedo
 „ quantum est ex parte istius circum-
 „ stantiæ ingratitudinis, & multipli-
 „ cioris obligationis, peccasset tamen
 „ tunc gravius quantum ad aliam cir-
 „ cumsistantiam, quia magis ingratus
 „ est cadendo ab innocentia, quàm à
 „ Pœnitentia.

Ad secundam partem, illationis re-
 spondet Doctor num. 19. quòd etsi lici-
 „ tum sit, & fortè utile confiteri peccata
 „ præcedentia propter aggravantes cir-
 „ cumsantias; non tamen, inquit,
 „ videtur necessarium illa confiteri in
 „ speciali: quia in quantum aggravant
 „ possunt exprimi sufficienter in con-
 „ fessione absque expressione illorum
 „ peccatorum prius dimissorum in spe-
 „ ciali, scilicet dicendo: de multis, &
 „ magnis peccatis alias pœnitui, & credo,
 „ quod Deus mihi remisit, & ideo
 „ nunc fui magis ingratus in peccando.

Urget Doctor, Si peccatum subse-
 „ quens sit gravius ratione ingratitudinis
 „ & inconstantie, sequitur, quòd qui
 „ pluries peccavit, putà decies, & toties
 „ pœnituit, si rursus labatur in peccatum,
 „ illud undecimum peccatum decies gra-
 „ vius erit primo: quia, inquit, ratione

„ cujuslibet peccati dimissi tenetur
 „ non cadere: & in quolibet peccato
 „ est specialis ingratitude in cadendo;
 „ ac proinde ultimum peccatum longe
 „ gravius est cæteris: sed hoc est absur-
 „ dum: ergo, &c.

Respondet Doctor distinguendo ma-
 „ jorem: Est gravius in ratione ingratitu-
 „ tudinis, quasi hæc esset distinctum pec-
 „ catum, propter augmentum illius malitiae,
 „ negat: in ratione circumstantiæ;
 „ concedit: nulla autem circumstantia,
 „ inquit, tantè potest esse malitiæ,
 „ quòd æquivalet malitiæ alicujus
 „ specialis peccati mortalis; potest ta-
 „ men illa fieri major in ratione cir-
 „ cumsstantiæ ingratitudinis; quia vi-
 „ delicet versatur circa majus benefi-
 „ cium: majus est autem beneficium
 „ decies veniam peccatori concedere,
 „ quàm quinquies, aut sexies: quia
 „ quò sepius peccator Deum offendit,
 „ eò se minus dignum venia exhibet,
 „ ac proinde majori opus est miseri-
 „ cordia, ut ei venia concedatur.

Urget: Si circumstantia aggravat
 „ peccatum, consequens est quòd ei
 „ aliquam malitiam conferat: igitur
 „ hæc malitia per iteratam ingratitu-
 „ dinem in tantum potest augeri, ut
 „ æquivalet malitiæ peccati specialis.
 „ Consequentia patet, quia circum-
 „ stantia mutans speciem, aliquando
 „ aggravat peccatum in specie magis,
 „ quàm ipsum objectum.

Respondeo, negando consequentiam:
 Circumstantia enim se habet ad pecca-
 „ tum, ut accidens in proprio genere,
 „ quod nequit comparari substantiæ ac-
 „ ctus, quam supponit, & cujus malitia
 „ crescit ex circumstantia: sed circum-
 „ stantia mutans speciem, licet talis sit
 „ respectu operantis, in quantum ipse ex
 „ alio fine, verbi gratia, homicidii, inter-
 „ fecit eum, quem novit esse Sacerdotem:
 „ tamen respicit actum illum, in quantum
 „ est materia propriæ virtutis, ut Reli-
 „ gionis; & licet indirectè accedat, quan-
 „ tum

tum ad intentionem homicidæ; directè tam. n. cadit in materiam ex propria prohibitionè, & a comprehendit p. r. sonam sacram; & ejus immunitatem.

ARTICULUS SECUNDUS.

De Sacramento Pœnitentiæ.

Sic ea in regeneratis omnibus gratitudo erga Deum efficit (ut præclariſſime loquitur Concilium Tridentinum, ſeſſ. 1. cap. 1.) ut juſtitiam in Baptiſmo ipſius beneficio & gratia ſuſceptam, conſtanter tueantur; non fuiſſet opus aliud ab ipſo Baptiſmo Sacramentum ad peccatorum remiſſionem eſſe inſtitutum: Quoniam autem Deus, dives in miſericordia, cognovit ſegmentum noſtrum: illiſcitiam vitæ remedium contulit, qui ſe poſtea in peccati ſervitutem, & dæmonis poteſtatem tradidiſſent. Sacramentum videlicet Pœnitentiæ, ſigno ipſi poſt Baptiſmum, beneficium mortis Chriſti applicatur. Unde merito ſeſſ. 6. cap. 14. Sacramentum hoc appellat ſecundam poſt naufragium deperditæ gratiæ tabulam. Quam utique appellationem laudant etiam SS. Patres. maxime S. Hieronymus epiſt. 9. quæ eſt ad Salviſtam, ubi ait: Nec ſtatim nobis Pœnitentiæ ſubſidia blandiantur: cavendum eſt vulnus, quod dolore curatur; aliud eſt integrare, & ſalvis membris portum ſalutis intrare, aliud nudum herere tabulæ, & crebris ſuſcitum concurſibus ad æſperatam ſaxa collidi.

Non mirum igitur, ſi diabolus noſtræ ſalutis adverſarius omnem ſuæ malitiæ moverit artem, ut divinum hoc ſubſidium hominibus elevaret, aut errorum caligine offuſcicaret. Proderunt enim inprimis Montaniſtæ, qui docuerunt, nullum eſſe in Eccleſia remedium ac ſubſidium, quo peccantes poſt Baptiſmum poſſint Deo reconciliari, ut teſtatur S. Hieronymus epiſt. 54. ad Marcel- lam, ubi de Montaniſtis ita loquitur: Illi ad omne pœnæ debitum, Eccleſiæ ob-

ſervant fores! nos quotidie legimus: malo Pœnitentiæ peccatoris, quàm morte: Numquid qui cadet, non reſurget? dicit Dominus? Et, Convertimini ad me filii converſentes, ego curabo contritiones veſtras. Rigidi autem ſunt, non quod ipſi pejora non peccent, ſed hoc inter nos, & illos intereſt, quod illi erubefeunt conſiteri peccata, quaſi juſti; nos dum Pœnitentiæ agimus, facilius veniam promeremur.

Quod utique peſtilens dogma per Eccleſiam diſſeminatum, in tantum Fideles rigidioris diſciplinæ æmulatores labefactavit, ut etiam Tertullianum, aliàs ſtrenuum Catholicæ veritatis deſenſorem infece- rit. Unde S. Hieronymus epiſt. ad Creſiphontem cap. 2. reſert his verbis: Montanus immundi ſpiritus prædicator, multas Eccleſias per Priſcillam, & Maximillam nobiles, & opulentas ſæminas aurò corruptis, deinde hæreſi polluit. Stupendum eſt, quod non ſolùm rudes, & idiote ab illo decepti fuerint; ſed, & ipſi, qui magna videbantur præditi ſanctitate, atque doctrina: quos inter ipſum Tertullianiſtæ annumerari dolemus.

Eis hoc in nefario dogmate ſucceſſerunt Novatiani circa annum Chriſti 254. dicti à Novato Carthagenenſis Eccleſiæ Presbytero, tum & poſtea magis à Novatiano Romano Pſeudo-Pontifice, qui Montaniſtarum errorem extinctum reſtaurantes, docebant non eſſe Pœnitentiæ, & remiſſionem peccatorum largiendam iſis, qui ſimulachris immolaſſent, ut reſert Socrates lib. 4. hiſtoricæ cap. 30.

Iſtis ſubſcribunt Lutherani, & Calviniſtæ, qui licet admittant contra Montaniſtas, & Novatianos eſſe in Eccleſia remedium aliquod à Chriſto inſtitutum pro remittendis peccatis Baptizatorum; tamen negant in Sacerdotibus veram, & judiciariam authoritatem remittendi peccata, docentque remedium iſtud nihil aliud eſſe, quàm memoriâ Baptiſmi jam ſuſcepti cum fide remiſſionis peccatorum, ac ſubinde

volunt Pœnitentiam, vel non esse Sacramentum novæ legis propriè dictum, vel non esse à baptismo distinctum. Ita Lutherus lib. de captiv. Babyl. quicquid initio videatur asserere tria esse, Sacramenta, nempe Baptismum, Pœnitentiam, & Eucharistiam; tamen in fine, Pœnitentiam ad Baptismum revocat. Idem docet Kemnitius in examine Canonis 10. de Baptismo, & 1. de Pœnitentia.

Addipulatur etiam Calvinus lib. 4. Instit. cap. 19. num. 55. & sequentibus; ubi cum exagitasset doctrinam Ecclesiæ Romanæ de Sacramento Pœnitentiæ, scribit num. 17. *Ne tamen animos tollat, quacumque in parte Sacramentum posterius, nego jure haberi pro Sacramento: primum, quod nulla Dei promissio singularis ad hanc rem extet, unica Sacramenti hypostasis. Deinde, quod quacumque hic ceremonia proferatur, merum sit hominum inventum, cum ceremonias Sacramentorum non nisi à Deo institui posse jam definitum sit: mendacium ergo, & impossura fuit, quod de Sacramento Pœnitentiæ commenti sunt, &c.* Quoniam autem omnes isti Errones omne suum virus à Novatianis hauserunt, operæ pretium est hic Novatianorum hæresis originem, progressum, & damnationem recensere: sub tribus distinctis Paragraphis.

§. I.

De origine Hæresi Novatianorum.

HÆC Hæresis à Novato malorum omnium fonte effluxit. Fuit autem Novatus in Africa Episcopus, ut volunt aliqui, & videtur colligi ex epist. 49. S. Cypriani, in qua scribit, fuisse à Novato ordinatum Diaconum Felicissimum: *Qui illic, inquit, adversus Ecclesiam Diocenum fecerat, illie Romæ Episcopum fecit.* Nempe Novatianum Pseudo-Pontificem: cujus autem Ecclesiæ Episcopus fuerit, non indicant. Qualis

porro hic esset Novatus, egregiè declarat eadem epist. S. Cyprianus, *his verbis*: De Novato nihil inde ad nos fuerat nuntiandum, cum magis per nos vobis debeat Novatus ostendî, rerum novarum semper cupidus, avaritiæ inexplebilis rapacitate furibundus, arrogantia, & stupore superbi tumoris inflatus, semper istis Episcopis malè cognitus: quasi hæreticus semper, & perfidus, omnium Sacerdotum voce damnatus: curiosus semper, ut prodar: ad hoc adulator, ut fallat: nunquam fidelis, ut diligat: fax & ignis ad constanda seditionis incendia: turbo & tempestas ad fidei facienda naufragia: hostis quietis, tranquillitatis adversarius, pacis inimicus. *Et post multa, addit*: Spoliati ab illo pupilli, fraudatæ viduæ, pecuniæ quoque Ecclesiæ denegatæ, has de illo exigunt pœnas, quas in ejus furore conspiciamus. Pater etiam ejus in vico fame mortuus, & ab eo in morte postmodum, nec sepultus: uterus uxoris calce percussus, & partione propterante in parricidium partus expressus.

Cur autem ab Ecclesia desciverit, mox subdit, inquit: Hanc conscientiam criminum jam pridem timebat: propter hoc se non de Presbyterio excitari tantum, sed & communicatione prohiberi, pro certo timebat; & urgentibus fratribus, imminebat cognitionis dies, quo apud nos causa ejus ageretur, nisi persecutio antevenisset: quam iste voto quodam, evadendæ, & lucrandæ damnationis excipiens, hæc omnia commisit, & miscuit: ut qui ejici de Ecclesia, & excludi habebat, judicium Sacerdotum voluntariâ discessione præcederet, quasi evasisse sit pœnam, prævenisse sententiam.

Et quod eadem epistolâ superius dixerat, de ejus ex Africa in urbem adventu sic ait: Idem, est Novatus, qui

qui apud nos primum discordiæ, & schismatis incendium seminavit: qui quosdam istic ex Fratribus ab Episcopo segregavit: qui in ipsa persecutione, ad evertendas fratrum mentes, alia quædam persecutio nostris fuit. Ipse est, qui Felicissimum satellitem suum, Diaconum, nec permittente me, nec sciente sua factione, & ambitione constituit, & cum sua tempestate Romam quoque ad evertendam Ecclesiam navigans, similia illic, & paria molitus est, à Clero portionem plebis avellens, & fraternitatis bene sibi coherens, & se invicem diligentis concordiam scindens. *Hec Cyprianus.*

Quibus constat, quod Novatus plurimum criminum reus à sancto Cypriano damnandus esset, nisi cum persecutionis urgente occasione intermissum fuisset iudicium, Romam profugus petiisset. Cum autem Romæ aliquandiu latuisset ignotus, tandem Novatianum Presbyterum Romanum ob Cornelii electionem Invidiæ stimulis agitatam, & animo averfatam inveniens, cepit unà cum illo adversus Cornelium agere, atque alios quoque quoscumque posset, ab ejus communicatione retrahere, multa de illo falsa jactare, cum Confessoribus quoque adhuc detentis in carcere, in illum obloqui, ac falso quodam pietatis intuitu probos quoque etiam illi infensos reddere conatus est.

Machinabatur hæc simul Novatus, atque Novatianus, quos propter similitudinem nominum nonnulli ex antiquioribus Scripturibus pro uno, eodemque usurparunt, maxime Eusebius lib. 6. historiæ cap. 35. & Socrates 4. hist. cap. 13. qui scribit Novatum contra Cornelium Romanum usurpasse sedem.

Hinc *Gilda* subnominatus *Sapiens*, Britannicæ excidium deplorans, Novatum pro Novatiano usurpat, dum scri-

bit: *Novatus Romæ, Dominicæ conculator margaritæ, porcus niger, patriæ ingerit violenter manus, non tam dignus venerabilibus aris, quam flammis inferni utricibus.* Quæ utique objurgatio maxime in Novatianum Pseudo-Pontificem Romanum, non verò in Novatum solum Presbyterum Africanum, cadit. Unde arbitror errore Amanuensis, aut librarium factum, ut apud Authores Græcos Novatus pro Novatiano, & vice versa scriberetur: nam cum apud Eusebii historiam reperitur Novatianus cum Novato confusus; in Chronico tamen ab eodem exactè distinctos invenies, ait enim: *Novatus Presbyter Cypriani Romam veniens, Novatianum, & ceteros Confessores sibi sociat, eò quod Cornelius penitentes apostatas receperisset.*

PETES, Utrum reverà Novatus fuerit dumtaxat Presbyter, an verò Episcopus?

Respondeo, Baronium ad annum 354. num. 59. affirmare, eum fuisse Episcopum ob citata S. Cypriani verba epist. 49. *Qui istic adversus Ecclesiam Diaconum fecerat Felicissimum, illic (Romæ) Novatianum fecit Episcopum.* Solius autem est Episcopi ordinare Diaconum, & Episcopum.

Verum hoc Baronii fundamentum, & argumentum non satis efficax, ac validum apparet, ut in illius sententiam descendamus; enim verò si Novatus Diaconum instituit Felicissimum, instituit Carthagine, quemadmodum Romæ Novatianum in Episcopum: at non consecravit Romæ Novatianum in Episcopum, sed tantum dolis, & artibus suis procuravit, ut à tribus Episcopis ex angulo Italiæeductis, aggressibus rudibus, & ebrietate, atque crapula oppressis, Novatianus ordinaretur Episcopus: igitur inde non apparet evidens argumentum, quod fuerit Episcopus.

In-

Insuper ex ejusdem epistolæ verbis, hæc nostra sententia confirmari potest: in eo namque legimus, quod de eo Carthaginensi Presbytero rejiciendo cogitabatur; quod à Sacerdotibus unà cum Cypriano judicatus fuisset, nisi persecutionis urgente occasione, Romam profugus judicium evasisset: at si fuisset Episcopus, non à solo Cypriano cum Carthaginensi Clero fuisset ejiciendus, sed ab Episcopis totius Provinciæ unà cum S. Cypriano eorum Primatè. Id etiam constat ex S. Paciano epist. 8. ubi in hunc modum scribit: Cornelius jam Romanus Episcopus à sexdecim Episcopis factus, locum cathedræ vacantis acceperat, & in illa, quæ fuit præditus castimoniâ virginali crebras persecutiones irati Principis sustinebat: tum fortè quidam Presbyter Novatus ex Africa fraudatis in Ecclesia Carthaginensi viduis, spoliatis pupillis, pecuniâ Ecclesiæ denegatâ, projectus extra domum Patre, & eodem fame mortuo, nec sepulto: uxoris gravidæ utero calcè percusso, partuque ejus effuso, Romam venit, cum jam ad Carthaginem urgentibus in Ecclesia fratribus, dies cognitionis ejus immineret, hic latitavit. Ubi diserte eum duntaxat Presbyterum appellat. Idem habet Eusebius mox laudatus: Idem etiam S. Hieronymus de Scriptoribus Ecclesiasticis in Novatiano. Cujus, inquit, hæresis Novatianorum auctor fuit Novatus Cypriani Presbyter, &c.

Porrò quis fuerit ipse Novatianus, refert S. Pacianus epist. 3. quæ est ad Sympronianum Novatianum, ubi scribit: Novatianum mihi ingeris. Philosophum sæculi fuisse audio, nec satis miror ab Ecclesiâ Dei vivi degenerasse: cognosco radicem legis antiquæ fontem veteris populi reliquissè, Cornelio invidentem, Novati infantæ commodatum, sine consecratione legitima Episcopum factum, ideoque nec factum per epistolam eorum, qui se Confessores esse simularent, qui matris unius membra diellerent, &c. Quantus

Tom. X.

autem haberetur à suis Sectatoribus ibidem observat, cum subdit. *Novatianus his melior, nempe Moysè, ac Paulo emendator Prophetarum? Doctòr Apostolorum? Jam cum Christo videtur ut idem Moysesi? Jam, ut Paulus, in tertium cælum sublimis evehitur? Jam neglectis omnibus solus auditur? Eum autem fuisse sectâ Stoicæ conicere licet ex his, quæ scribit S. Cyprianus epist. 52. ad Antonianum, ubi de fastu Novatiani ex Philosophia, & dicendi peritia comparato, ait: Faciet Philosophiam, & eloquentiam suam superbis vocibus prædicet, qui nec fraternam charitatem, nec Ecclesiasticam unitatem tenuit, etiam quod prius fuerat antiste. Quod igitur ex Philosopho insigni, remisso Philosophiæ nuntio, sese Christo subdidisse videretur, ne in Ecclesiâ inglorius haberetur, qui inter Ethnicos magnam fuerat gloriam consecutus, Romanus Pontifex voluit eum inter Ecclesiæ Presbyteros cooptare.*

Qualiter autem ad finem receptus fuerit, refert Eusebius lib. 6. cap. 35. Nec non Cornelius epist. ad Fabium Antiochenum, ubi narrat, quod cum diu à Satana vexatus fuisset Novatianus Exorcistarum præsidio à spiritu illo malo liberatus est, & cum paulò post in gravem morbum incidisset, in lecto, in quo decumbebat, fuit baptizatus: *Verrum, inquit Cornelius, morbo tandem elapsus; neque cæteris, quibus post Baptismum secundum Ecclesiæ Canonem, imbuì oportuerat, acquirit, neque Domini sigillo ab Episcopo obfiguatus fuit: quo quidem nequitiam potius, quomodo, quæso, Spiritum sanctum adeptus est? Subdit S. Cornelius: Ille persecutionis metu debilitatus, & nimia vitæ cupiditate adductus, se Presbyterum esse negavit: nam eum à Diaconis rogatus, oratusque esset, ut domo, quâ se conclusum occulterat, egressus, quantum Presbytero liceret, quantumque in ejus finem esset potestate, Fratres in periculo constitutos,*

L II

opif.

episque, & auxilii indigenter juvaret; tantum abfuit, ut Diaconis cum obsecrantibus obtempneret, ut etiam non sine stomacho, & bile ab illis abiret, discederetque: nam se nolle amplius esse Presbyterum, sed alteri vitæ se dicaturum afferuit. A quo autem ordinatus fuerit Presbyter, an à Fabiano Cornelii prædecessore, aut aliquo alio Antecessore Romano Pontifice, haud liquet.

Lutereà; qui semel propter Philosophiam, & dicendi peritiam in sæculo ambitionis stimulis agitatus fuerat Novatianus, eò infelix abductus est, ut quod jure non licuisset Pontificiam dignitatem ambiret. Cum enim mortuo Fabiano per duos annos vacasset Romana sedes, ac tandem omnibus pro Cleri, ac populi Romani votis electus fuisset Cornelius, id egrè ferens Novatianus, & Novati subdido, ac malitia fretus spargere cepit calumnias adversus Cornelium, quibus irritam, ac nullam ejus promotionem suaderet, & populum ab ejus communione divelleret; quas utique propalatas calumnias recenset S. Cyprianus epist. 52. ubi scribit de Cornelio. Quod autem quædam de illo inhonestæ, & malignæ jactantur, nolo mireris, cum scias, hoc esse opus semper diaboli, ut ferus vos Dei mendacio laceret, & opinionibus falsis gloriosum nomen infamet, ut qui conscientia suæ luce clarescunt, alienis rumoribus sordideant; explorasse autem Collegas nostros scias, & verissimè comperisset nulla illum libelli, ut quidam jactant, labe maculatum esse; sed neque cum Episcopis, qui sacrificaverunt, communicationem sacrilegam miscuisse: sed eos demum, quorum causa audita est, & innocentia comprobata conjunxisse nobiscum. *Hæc S. Cyprianus.* Quibus verbis significat, accusatum fuisse à Schismaticis Cornelium, quod libello accepto à Gentili-

bus, & data pecunia, Martyrium evasisset; quoddam Episcopos, qui idolis sacrificaverant tempore persecutionis Decii Imperatoris, in suam communionem admisisset, & eos in locum, & ministerium restituisset.

Quæ utique accusationes, quanquam falsissimæ, nihilominus eà arte, & varietate à Novato, & Novatiano propalata, ac disseminata sunt, ut etiam Confessores in carcere reclusos interficerent, sicut refert sanctus Cyprianus epist. 51. quam ad eos Confessores Novatiano adhærentes dirigit: ubi inter cætera ait: *Postquam vos de carcere procedentes Schismaticis, & Hæreticis error excepit, si res erat, quasi vestra gloria in carcere remansisset, illic enim resedisset vestri nominis dignitas videbatur, quando milites Christi, non ad Ecclesiam de carcere redirent, in quam prius cum Ecclesie laude, & gratulatione venissent.* Horum itaque Confessorum suis partibus adhærentium, suffragiis, ac votis animati Novatus, & Novatianus, publicè rebellare ceperunt adversus Cornelium summum Pontificem; ita ut defectionem, quam prius clandestinè moliti fuerant, jam in apertum deducerent, quod utique sic recenset S. Cornelius epist. ad Fabium Episcopum Antiochenum, *his verbis:* Ut verò intelligas hunc admirabilem virum, (*Novatianum scilicet*) jampridem in Episcopatu petendo ambitione incensum esse, & eam temerariam, & effrenatam cupiditatem occultasse intra se, & simulationem, ac tanquam involucri, quo arrogantiam tegeret, ipso initio Confessores Christi viros sanè probos locum hahuisset, tibi volo apertè ostendere. Presbyter nomine Maximus, & Urbanus è nostris, qui bis ex constanti fide Confessione summam gloriæ amplitudinem collegerant: Sidonius item, & Celerinus (vir qui Dei clementia, adjutus omnia tormentorum gene-

ra maxima cum tolerantia pertulerat, & corporis imbecillitate, vi ac robore fidei suæ confirmata, strenuè, ac viriliter ab adversario victoriam reportaverat) cùm Novatianum attentius considerassent, & callidam ejus fraudem, versutiam, perjuriam, mendacia, aggressam inhumanitatem ab omni vitæ communione alienam, veteratorem denique inflar lupi amicitiam deprehendissent; eo relicto, ad S. Ecclesiam reverterunt: atque omnes ejus fallacias, & maleficia, quæ longo tempore intimo pectore obtexisset, multis præsentibus, tum Episcopis, tum Presbyteris, tum Laicis quamplurimis, palam ostendere, & cum lacrymis, ac querela, cum dolore, & Pœnitentia suam vicem deplorare cœperunt, quod subdola illius, & efferae bestiae consilio adducti, ab Ecclesia etiam, vel ad exiguum temporis spatium descivissent.

Seductis semel Confessoribus, quid Novatianus præsumpserit, idem subdit, sic dicens: Vix credibile est, charissime frater, quantam in moribus varietatem, quantam mutationem exiguo momento in illo factam conspexerimus. Nam Splendidissimus iste scilicet, qui inusitato, ac terribili jurejurando adjecto, fidem suis fecerat, se non aliquando Episcopatum suis appetivisse, tanquam ex fallaci quadam præstigiarii impostura in medium projectus, de repente Episcopus apparuit. Etenim iste novæ sectæ inventor, & doctrinæ Ecclesiasticæ propugnator, quando Episcopatum à Deo certè minimè ei donatum sibi vi arripere, & ex hominum manibus quodammodo extorquere nitebatur, duos sibi socios de sua ipsorum salute propè desperatos adscivit, ut eos in exiguum aliquam partem, & minimum quasi Italiæ angulum mitteret: indeque Episcopos

tres, homines aggresses, rudes, ac simplices, simulatione quadam veteratoria, in fraudem inductos adduceret; assertens, & constanter affirmans, eos quàm celerim debere Romam venire, ut videlicet omnis lis, & discordia per sententiam illorum, aliorumque Episcoporum interpositam dirimeretur.

Episcopi igitur, quoniam, ut supra diximus, homines simpliciores erant, & in perditorum fallaciis, dolisque discernendis minùs perspicaces, Romam adventant. Iste tum per quosdam sui similes, ad eam rem comparatos, eos in unum locum concludendos curavit. Ac cùm circiter horam decimam ebrios, & crapula oppressos cerneret, vi coegit, imaginata quadam, & vana manuum impositione Episcopatum sibi tribuere, quem dignitate gradum parum sibi accommodatum ad hunc modum per fraudem, & astutiam acquisivit. Ex quibus Episcopis unus non longè post, peccatum flebiliter lamentatus, & idem apertè confessus, ad Ecclesiam revenit: quem populo universo pro eo rogante, tandem ut laycum in communionem recepimus, atque alios, qui in reliquorum duorum Episcoporum loca, qui eum creassent, succederent, misimus.

Istum igitur lepidum Evangelii Patronum Novatianum omnino præterit, scilicet *unum solum Episcopum oportere esse in hac Ecclesia Catholica*, in qua tamen non ignorabat quomodo Enim poterat) Presbyteros esse quadraginta sex, Diaconos septem, Subdiaconos septem, Acolithos quadraginta duos, Evorcistas & Lectores unà cum Ostiariis quinquaginta duos, viduas, & alios morbo, atque egestate afflictatos mille, & quingentos, quos omnes Dei gratia, & benignitas abundè sustentat. Sed tamen nemo ex tanta minorum

„rum multitudi- ne, tamque in Eccleſia
 „neceſſaria; nemo ex tanto egentium
 „numero Dei providentia locupletat-
 „tum, & rerum abundantia circum-
 „fluente; nemo denique ex maxima
 „illa, & innumerabili populi frequen-
 „tia, iſtum quem dico Novatianum,
 „ab ea deſperata mentis cæcitate, &
 „contumacia avertere, & ad Eccle-
 „ſiam denuò revocare potuit. *Suſcit-
 „ruſum* Novatiani artes in ſuo ſchiſ-
 „mate fulciendo: Cùm feciſſet, *inquit*,
 „oblationes, & ſingulis partem Sa-
 „cramenti diſtribuiſſet, porrexiffet
 „que, miſeros homines, & inſelices pro
 „benedictione, & gratiarum actione
 „juſjurandum dare coegit, atque ſuis
 „utriſque manibus manus accipien-
 „tis prehensens, non priùs dimiſit,
 „quàm hoc jurejurando eum obſtrin-
 „xiſſet (illius enim verbis utar) *Jura*
 „*mibi per corpus, & ſanguinem Domi-*
 „*ni noſtri Jeſu Chriſti, te nunquam*
 „*nec me deſerturum, nec ad Cornelium*
 „*reverturum*. Atque miſer homo non
 „ante deguſtaviſt, quàm ita illi ſe de-
 „voviſſet, & pro *Amen*, quod dicere
 „debuerat, hoc dixit: *Non deinceps*
 „*ad Cornelium revertar*. Hiſ & ſimi-
 „libus artibus ſuam ſectam augebat in
 „dies Novatianus ut apparebit ex

§. II.

De progreſſu Hæreſis Novatianorum.

Novatianus igitur eo modo factus
 Pſeudo-Pontifex, è veſtigio de
 ſua electione ad diverſas Eccleſias miſit
 Episto- las, in quibus narrata ſuperius in
 Cornelium Papam crimina ſcripta
 erant; quæ utique maximam in Eccleſia
 Dei tentationem invexerunt; cùm non
 ſolam ab iſtis Authoribus Novatiano,
 atque Novato ſcriptis litteris per uni-
 verſum orbem calumnie in Cornelium
 ſpargerentur; ſed etiam confirmaren-
 tur illuſtrium Confeſſorum episto-
 lis, quorum ob diuturniorem carcerem

gloria erat apud omnes Chriſti fideles
 inſignis. Quod ipſe Cornelius teſtatur
 epiſt. apud S. Cyprianum 46. ſcribens:
 „Cùm ad omnes Eccleſias eorum no-
 „mine litteræ calumniis, & maledictis
 „plenæ, eodemque frequentes miſſæ
 „eſſent, ea ex cauſa, ut ait, omnes
 „pene perturbatæ ſunt Eccleſiæ, &
 „complures ex eis errore deceptæ,
 „cogitantes ſe errare non poſſe, ſi eo-
 „rum aſſectarentur veſtigia, qui Chri-
 „ſtum toties magnâ gloriâ conſeſſi eſ-
 „ſent.

Hiſ autem in episto- lis maximè ſi-
 gnificabat Novatianus ſe invitum, ac
 renitentem creatum fuiſſe Episcopum;
 ea ratione execrandum excuſans ſchiſ-
 matis facinus, ut dolosè Eccleſiarum,
 ad quas ſcribebat, communicationem
 ſubriperet, ut colligere licet ex epiſt.
 Sancti Dionyſii Epilcopi Alexandrini,
 quam reſert S. Hieronymus in Com-
 mentario de Scriptoriſus Eccleſiaſticis,
 qui Novatianum reſcribens, hæc habet:
*Nolſi ne ad Sacerdotium fueris induit-
 ur, ita demum oſtenderis, ſi volens ceſſeris;*
nam oportuit quidvis etiam hæc gratiâ
perpeti, ne diſcinderetur Eccleſia Dei;
neque minus præclarum ex hoc contigif-
ſet teſtimonium, quodd noluiſſi diſſidium
inducere, quam proſciſci ſolet ex eo,
ſiquiſ recuſet ſimulacris immolare, at-
que adeo præclariuſ etiam meâ quidem
ſententiâ: ſiquidem illuc uni propriæque
conſulitur animæ: hic totius Eccleſiæ ne-
gotium agitur; tametſi nunc quoque ſi
perſuaſeris, ſi contuleris fratres in con-
cordiam redire, plus egeris officio; quàm
peccaveris errato.

Sicut autem ad Alexandrinam, &
 Orientis Eccleſias Novatianus litteras
 dedit; ita pariter apud Occidentales
 idipſum præſtitit, necnon, & apud
 Africanas; teſtatur enim S. Cyprianus
 epiſt. 55. Novatianum ad Eccleſiam
 Carthaginenſem legatus miſiſſe unâ
 cum litteris, eo tempore quo Carthagi-
 nenſem Synodum celebrabat: at cùm
 Epi-

Episcopi Africani, qui Romam fuerant delegati, ut rescirent, & compertum haberent utrum calumniæ in Cornelium diffamatae, veræ essent, necne, tunc etiam rediissent, renuntiaverunt Cornelium omnino innocentem; ac legitime, & Canonicè Romanum Pontificem electum fuisse: quod utique cum significassent non solum S. Cypriano (ad quem per dictos Episcopos in Africam redeuntes scripserat Cornelius Papa) sed etiam aliis Præsulibus, quos ex diversis Ecclesiis Africanis Carthagine in Synodum elegerat S. Cyprianus, omnes consenserunt Cornelio, & Novatianum repudiaverunt, ut declarat S. Cyprianus epist. 42. his verbis: *Honoris etiam communis memores, & gravitatis Sacerdotalis, ac sanctitatis respectum, tenentes, ea quæ ex diverso in librum ad nos transmissum congesta fuerant, acerbationibus criminosis respicimus: considerantes pariter, & ponderantes, quod in tanto fratribus, religiosisque conventu confesidentibus Dei Sacerdotibus, & altari posito, nec legi debeant, nec audiri.*

Absoluta autem Synodo scripserunt Patres ad Cornelium Papam epistolam Synodicam, ut eum certiore facerent de damnatione Felicissimi, & Sociorum, qui volebant lapsis in persecutione continuè veniam esse largiendam: sed illæ epistolæ desiderantur; scripsit etiam ad eundem S. Cyprianus, imò etiam adiecit litteras ad Confessores lapsos, & Novatiano consentientes, quas à Cornelio Papa prius inspicere voluit, ea nimirum cautela, ne ad schismaticos scribendo falso idem iactarent, Cyprianum cum illis communicare.

Hæc cum rescivisset Novatianus anno 254. ita percitus Novatum unâ cum aliis Sæctatoribus delegavit in Africam, ad illam Ecclesiam evertendam, cujus legationis cum certiore fecisset sanctus Cornelius sanctum Cyprianum, audiissetque per scriptam à Cornelio

epistolam, adjunctos Novato legatos esse plurimum criminum reos, statim admonuit cæteros Coepiscopos Africanos, necnon, & omnes fideles, sacrilegos caverent homines, quorum etiam crimina circularibus datis epistolis publicè voluit innotescere, ut constat ex epist. 58. S. Cypriani. Maximæ utilitatis fuit Novati, ac Sociorum ab urbe discessio; nam qui ab eo detinebantur in errore, illo recedente confestim ad Ecclesiam reversi sunt, maximè illustres illi Confessores, qui Novatiano adhæserant; hi enim dato libello supplicii veniam de erratis deprecati sunt, & ut reciperentur in Communionem Corneliis summis votis, ac gemitibus postularunt, ut narrat sanctus Cornelius epist. quæ est 45. apud S. Cyprianum: *Quorum voluntate cognita, inquit, magnus Fraternitatis concursus factus est, una vox erat omnium Deo gratias agentium: gaudium peccatoris lacrymis exprimentes, complectentes eos, quasi hodie à pœna carceris fuissent liberati.* Porro eorum Confessorum revocationem errati, ac professionem his verbis conceptam ibidem refert: *Not Cornelium Episcopum SS. Catholicæ Ecclesiæ electum à Deo omnipotente, & Christo Domino nostro scimus; nos errorem nostrum confitemur: nos imposturam passi sumus, circumventi fuimus perfidia, & loquacitate captiosi. Nam etsi videbamus quasi quandam communionem cum schismatico, & hæretico homine habuisse: sincera tamen mens nostra semper in Ecclesia fuit. Nec enim ignoramus verum Deum esse, unum Christum esse Dominum, quem Confessi sumus, unum Spiritum sanctum, unum Episcopum in Catholica Ecclesia esse debere.*

Perlatis autem in Africam; & in alias Provincias Corneliis Papæ litteris de recantatione Confessorum lapsorum, tum etiam qui Novati, ac Sociorum astutiâ decepti fuerant in Africa, pariter relevati sunt de quibus S. Cyprianus ad Cor-

Cornelius, exist. 47. ita scribit: *Hic enim quosdam fratres nostros error induxerat, quod si i communicationem Confessorum sequi viderentur: quod errore sublaro, lux omnium peccatoribus infusa est; & Ecclesia Catholica una esse, nec scindai, nec dividi posse monstrata est: nec quisquam jam facile peritis schismatici furentis verbis loquacibus decipi, quando probatum sit bonus, & gloriosus Christi miles non potuisse diu aliena fallacia, & perfidia extra Ecclesiam detineri.* Hoc maximè nuntio firmatus est Antonianus in Numidia Episcopus, qui cum à Cornelii partibus prius steterisset, postmodum Novatiani litteris permotus nutare cœperat. Sed deposita vacillatione Novatiano prorsus renuntiavit. His tamen eventibus, quamvis felicissimis non potuit omnino extinguì Novatiana lues; quapropter opus fuit varia diversis in Provinciis cogere Concilia, quibus decerneretur quæ ratione, & quibus lapsis danda esset venia peccatorum.

§. III.

*Quibus in Conciliis damnati fuerint
Novatianorum error?*

ID maximè factum est in Synodo Romana anno 355. nam de eo Concilio ita scribit Eusebius lib. 5. Historiæ cap. 35. Ob quam rem inquit, nempe *Novatianum lapsos à Pœnitentia excludentem* Concilium maximum Romæ cogitur, in quo sexaginta Episcopi, atque Presbyteri totidem, atque amplius una cum Diaconis in unum conveniunt. A Pastoribus separatim per singulas ejusque regionis Provincias, quid de ea agenda esset deliberantibus colloquia fiunt. A quibus tandem decernitur Novatianum, ejusque fautores tanta superbia inflatos, & quotquot illius inhumanissime, & à fraterna charitate alienissime opinionioni assen-

„ tirentur, in eorum numero, qui erant
„ ab Ecclesia exclusi haberi: fratres
„ autem qui casu infelici prolapsi fuissent, Pœnitentiæ medicamentis curari, & ad sanitatem restitui.

Cum autem hoc tempore duas inter se contrarias Schismaticorum factiones, pari tamen conatu adversus Ecclesiam Catholicam conspirarent, quarum alterius *Novatiani*, alterius verò *Felicissimi* Diaconus Africanus quondam à Novato ordinatus, quorum ille agebat, neminem lapsorum in Ecclesiam esse recipiendum; hic verò lapsos omnes absque Pœnitentia mox suscipi debere; quæ etiam fuerat prior Novati sententia: sed postmodum ad oppositam declinavit: inter hæc duo extrema Catholica incedens Ecclesia, via media, sic lapsis pacem dabat, ut tamen prævia pœnitentia ipsi sibi aditum patefacerent.

Hoc autem statutum est nedum in illo Concilio Romano, sed etiam in aliis plurimis; maximè verò in Africano, seu Carthaginensi celebrato anno 355. cui interfuerunt quadraginta duo Episcopi, ut constat ex epistola Synodica ad Cornelium Romanum Pontificem missa, quæ est num. 54. apud S. Cyprianum, in qua causam proferunt, cur imminente persecutione lapsis veniam postulantis, & agentibus Pœnitentiam judicarent esse concedendam: Obtemperandum namque est, *inquit*, offensionibus, atque admonitionibus justis, ut à pastoribus oves in periculo non descendant, sed grex omnis in unum congregetur, & exercitus Domini ad certamen militiæ cœlestis armetur: Merito enim trahebatur dolentium Pœnitentia tempore longiori, ut infirmis in exitu subveniretur: quandiu quies, & tranquillitas aderat, quæ differre diu plangentium lacrimas, & subvenire serò morientibus in infirmitate pateretur. At verò nunc non infirmis, sed fortibus pax est necessaria, nec morientibus, sed

sed viventibus communicatio à nobis danda est: ut quos excitamus, & hortamur ad prælum, non inermes, & nudos relinquamus, sed protectione corporis, & sanguinis Christi muniamus. Et cum ad hoc fiat Eucharistia; ut possit accipientibus esse tutela: quos tutos esse contra adversarium volumus, munimento Dominiæ saturitatis armemus. Nam quomodo docemus, aut provocamus, eos in confessione nominis sanguinem suum fundere; si eis militaturis Christi sanguinem denegamus? Aut quomodo ad Martyrii poculum idoneos facimus, si non eos prius ad bibendum in Ecclesia poculum Domini iure communicationis admittimus?... Nec quisquam dicat, qui Martyrium tulit, sanguine baptizatur: nec pax illi ab Episcopo necessaria est, habituro gratiæ suæ pacem, & accepturo maiorem de Domini dignatione, mercedem. Primò idoneus esse non potest ad Martyrium, qui ab Ecclesia non armatur ad prælum; & mens deficit, quam non recepta Eucharistia erigit, & accendit. *At post multa:* Ne igitur ore nostrò, quo pacem negamus, quo duritiam magis humanæ crudelitatis, quàm divinæ, & paternæ pietatis dulcedinem opponimus, oves nobis commissæ à Domino reposcantur: placuit nobis, sancto Spiritu suggerente, & Domino per visiones multas, & manifestas admonente: quia hostis nobis imminere prænuntiatur, & ostenditur: colligere intra castra milites Christi; & examinatis singulorum causis, pacem lapsis dare, immò pugnaturis à me suggerere: quod credimus vobis quoque paternæ misericordiæ contemplatione placitum.

Cum autem omnem navaret operam S. Cyprianus, ut Novatianus ex Africa propulsaretur, eorumque pestilens dogma eliminaret; diabolus salutis, ac verita-

tis Evangelicæ adversarius, aliam ipsi ex diametro oppositam novi belli ansam præbuit. Accidit enim ut privatus veterator hæreticus unà cum suis affectis ad præfatam Synodum Carthaginensem venerit, quasi causam suam, acturus: sed cum jam pluries fuisset damnatus, ab eadem Synodo rejectus est: qua de re furiosus agitatus collectis secum sociis, ibidem Carthagine adversus S. Cyprianum creavit Pseudo-Episcopum Fortunatum, ut narrat S. Cyprianus epist. 55. ad Cornelium. Fortunatus autem cum suis sociis Romam, delegat Felicissimum hæresiarcham ad Cornelium Papam, ab eo, si fieri posset, communicationem subrepturum, & multa in Cyprianum oblocuturum, ut ibidem refert S. Cyprianus, ubi scribit: Felicissimum illum hostem Christi non novum, sed jampridem ob crimina sua plurima, & gravissima abstinendum, & non tantum meam, sed plurimorum Coepiscoporum sententiâ condemnatum, rejectum à te illic esse; & cum venisset stipatus catervâ, & factione desperatorum, vigore plenò quò Episcopos agere oportet, pulsus de Ecclesia esse, de qua jampridem cum sui similibus, Dei maiestate, & Christi D. & Judicis nostri severitate depulsus est, ne schismatis & dissidii author, ne pecuniæ commissæ sibi fraudator, ne struprator virginum, ne matrimoniorum multorum depopulator, atque corruptor, ultra adhuc sponsam Christi incorruptam, sanctam, pudicam, præsentis suæ dedecore, & impudicæ atque incestuâ contagione violaret.

Refert etiam ibidem S. Cyprianus semel, & iterum rejectum Felicissimum à Cornelio, ut allatas à se ab Africa litteras acciperet; nec tamen illis minitantibus Cornelium acquievisse, qui nihilominus paulò permotus, quòd de re tanta nihil ad eum scripisset S. Cyprianus, acrius ipsum redarguit; excusat nihilo-

mi-

minus se, quodd accusatorum ipsius vehementer exagitaret molestiis, ut colligi potest ex eadem epistola Cypriani ad Cornelium, in qua scribit: Lecta alia tua epistola, Frater, quam primis literis subjunxisti, satis miratus sum, cum animadvertissem te minis, atque terroribus eorum, qui venerant, aliquantum esse commotum: cum te, secundum quod scripsisti, aggressi essent cum summa desperatione, comminantes, quod si litteras, quas attulerant, non accepisses, publice eas recitarent, & multa turpia, ac probrosa, & ore suo digna proferrent. Quodd si ita res est, Frater charissime, ut nequissimorum timeatur audacia, & quod mali jure atque æquitate non possunt, temeritate ac desperatione perficiant; actum est de Episcopatus vigore, & de Ecclesiæ gubernandæ sublimi ac divina potestate: nec Christiani ultra aut durare, aut esse jam possumus, si ad hoc ventum est, ut perditorum minas, atque insidias pertimescamus.

Qualis autem esse debeat Sacerdotis, & Episcopi constantia in amovendis, & propulsandis indignis à Sacramentorum participatione, ibidem significat, cum ait: Amplector prompta, & plena dilectione cum Pœnitentia reverentes, peccatum suum satisfactione humili, & simpliciter confitentes. Si qui autem sunt, qui putant se ad Ecclesiam non precibus, sed minis regredi posse, aut existimant aditum se sibi non lamentationibus, & satisfactionibus, sed terroribus facere, pro certo habeat contra tales clausam stare Ecclesiam Domini, nec castra Christi invicta, & fortia, & Domino tuente munita, minis cedere. Sacerdos Dei Evangelium tenens, & Christi præcepta custodiens occidi potest, non potest vinci.

Interea cum sæviret in Christianos persecutio sub Imperatoribus Gallo, &

Volusiano, in exilium ab eis ejectus est S. Cornelius, unà cum plurimis aliis Clericis Romanis, ubi cum S. Cyprianus epist. 57. consolatus est, & in qua mirum in modum ejus constantiam extollit, in qua pariter Novatianum carpit, quodd ipse persecutionem effugeret, nec errorem deponeret, sed adhuc gravius, & se, & suos vulneraret. In perniciam, inquit, fratrum lingua sua perstrepens, & facundie venenatæ, jaecula contorquens, magis durus secularis Philosophiæ pravitate, quàm Philosophiæ Dominicæ lenitate pacificus, desertor Ecclesiæ, misericordie hostis, interfecto Pœnitentiæ, Doctor superbiæ, veritatis correptor, proditor charitatis. Agnoscit ne jam qui sit Sacerdos Dei? quæ sit Ecclesia, & domus Christi? qui sint Dei servi, quos diabolus infestet? qui sint Christiani, quos Anti-Christus impugnet? Neque enim querit illos, aut esse jam subegit; aut gestit evertere: quos jam suos fecit. Inimicus hostis Ecclesiæ, quos alienavit ab Ecclesia, & foras duxit ut captivos, & vinctos contempsit, & perdidit: eos pergit lacerare, in quibus Christum credit habitare. Quanquam etsi aliquis ex talibus fuerit apprehensus, non est, quodd sibi, quis in Confessione nominis blandiatur; cum constet, si occisi hujusmodi extra Ecclesiam fuerint, fidei coronam non esse, sed penam potius esse perfidie; nec in domo Dei inter unanimes habituros esse, quos videmus de pacifica, & divina domo, furore discordiæ recessisse.

Coronato autem per Martyrium Cornelio, in ejus locum successus est Lucius, qui itidem Martyrio in eadem persecutione coronatus est: quorum SS. Pontificum cum mirandam animi constantiam celebrarent Catholici, itidem de suo Novatiano jacturans ejus Sectatores; scribit enim Socrates, & ipse secta Novatianus lib. 4. cap. 23.

Novatianum, quem Novatum nominat, Martyrio sub Valeriano occubisse; imò Novatiani suæ sectæ authorem ante,

” S. Cyprianum Martyrium consummasse prædicabant. Verum, inquit,

” S. Pacianus epist. 2. scripta ad Sympronianum Novatianum; Novatianus martyrium nunquam tulit.

” Porro etiam si passus est aliquid Novatianus, non tamen etiam occisus,

” etiam si occisus, non tamen coronatus. Quidni? extra Ecclesiæ pacem,

” extra concordiam, extra eam matrem, cujus portio debet esse, qui

” Martyr est. Cyprianus autem

” in concordia omnium, in pace communi, in Confessorum grege passus

” est, & sæpe confectus iteratis persecutionibus, & multa laceratione vexatus, & novissimè salutari calice

” propinatus est, hoc fuit coronari.

PETES 1. *Quodnam fuerit Novatianorum dogma?*

Respondeo, Eusebium lib. 6. cap. 43. illud prodere, cum scribit: *Novatus* (scribere debuit Novatianus) *Ecclesiæ Romanæ Presbyter, arrogantia quadam, & fastidio contra eos electus, qui in persecutione lapsi fuerant, asseruit, non amplius illis, quamvis omnia quæ viderentur ad veram Pœnitentiam, ad Conversionem animorum, ad duram Confessionem spectant, omnino peragerent, spem ullam salutis relinqui, unde propria ejusdem sectæ, & erroris eorum, qui præ inflata mentis insolentia seipsos κατὰ τοὺς, id est, puros, & vacuos ab omni labe peccati asseruerant, Auctor, & dux fuit. Addit S. Pacianus epist. 1. eos Montanum, & Priscillam, & Maximillam secutos, multiplices controversias excitasse de Paschali die, de Paraclete, de Apostolis, de Prophetis, multaque alia: sicut, & hoc Catholico nomine, de venia, de Pœnitentia, &c.*

Insuper cum se puros ac mundos sub-
Tom. X.

nominaient, secundas nuptias damna-
bant, ut testatur S. Augustinus lib. de
Agone Christiano cap. 31. ubi de No-
vatanis ait: *Illi sunt, qui viduas si nu-*
pserint tanquam adulteras damnant, &
super doctrinam Apostolicam se prædi-
cant esse mundiores, qui nomen suum si
vellent agnoscere, mandatos se potius,
quàm mundos vocarent.

PETES 2. *Utrum reverà Novatiani asse-*
rent, eos omnes, qui post acceptum Ba-
ptisma in peccatum relaberentur, ab
omni spe salutis excludi?

Respondeo, verisimilius esse illam non
fuisse eorum sententiam, sed tantum
quod qui à susceptione Baptismi in ali-
quod mortale peccatum incidissent,
non amplius ad Ecclesiam, & Fidelium
Communionem essent recipiendi; nec
penes Ecclesiam spem ullum, aut pote-
statem esse reconciliandi peccatores.
Quod utique colligitur primò ex S. Pa-
ciano, qui epist. 1. postquam Ecclesiæ
nomine hæc scripsit: *Nunquam Deus pec-*
catori comminaretur, nisi ignosceret pœ-
nitenti, inducit Novatianum objicien-
tem: *Solus Deus poterit*: cui sic respon-
det Pacianus. *Verum est, sed quod per*
Sacerdotes facit ipsius potestas est. Ex qui-
bus verbis patet, Novatianum non ex-
clusisse spem salutis, sed tantum existi-
masse, peccantes non posse reconciliari
Deo per ministerium Ecclesiæ. Item,
epist. 3. inducit Novatianum dicentem:
Nescio an remitti peccatum ab Episcopis
possit. Ex infra, *sed pœnitenti peccata di-*
mitti; etenim tantum in Baptismo tibi
liceat relaxare peccatum. Ad quæ Pacia-
nus, *Non mihi planè, sed Deo soli, qui,*
& Baptismo donat admissum, & pœni-
tentium lacrymas non repellit. Cæterum
quod ego facio, non meo jure, sed Domi-
ni. Infra: *Sive Baptismum, sive ad Pœni-*
tentiam cogimus, sive veniam pœnitenti-
bui relaxamus, Christo auctore id tra-
hamus, tibi videndum est, an Christus

M m m

hoc

hoc possit, an Christus hoc fecerit. Ex quibus verbis pater Ecclesie controversiam cum Novatianis fuisse tantum de potestate, quæ sibi à Christo relicta fuisset. Medium quod assumit S. Pacianus, ut stabiliat partem affirmantem, erat quia Christus id potest, & Ecclesia, quæ dum peccatoribus veniam concedit, non sua, sed Christi D. potestate utitur.

PETES 3. *Utrum Novatiani negantes in Ecclesia esse jus, & auctoritatem ad remittenda peccata, loquerentur de omni peccatorum genere?*

Respondeo, Novatum, de omni quidem peccatorum genere censuisse; Discipuli autem ejus sententiam sic temperarunt, ut voluerint in Ecclesia esse jus remittendi peccata leviora, non autem graviora. Ita disertè testatur S. Ambrosius lib. 1. de Penit. cap. 2. ubi de Novatianis scribit: *Sed ajunt se excerptis gravioribus criminibus, relaxare veniam levioribus.* Non hoc quidem author vestri erroris Novatus, qui nemini Pœnitentiam dandam putavit, ea scilicet contemplatione, ut quod ipse non posset solvere, non ligaret, ne ligando separati à se faceret solutionem. Ideo igitur Patrem vestrum propria damnatis sententia, qui distinctionem peccatorum facitis, quæ solvenda à vobis putetis, & quæ sine remedio esse arbitremini: Sed Deus distinctionem non facit, qui misericordiam suam promissit omnibus, & relaxandi licentiam Sacerdotibus suis sine ulla exceptione concessit: Sed culpam exaggeravit, exaggeret etiam Pœnitentiam: Majora enim crimina majoribus abluuntur fletibus. Ita nec Novatus probatur, qui veniam interclusit omnibus: nec vos imitatores ejusdem, & condemnatores; qui ibi minuitis studia Pœnitentiæ, ubi augeri oportet: quia graviora peccata majoribus sunt tollenda fuleris docuit Christi misericordia. Quæ autem ista perversitas est, ut vobis vindictis possibilia concessu, Deo (ut ipsi di-

citis) impossibilia reservetis? Hoc est sibi eligere causas ignoscendi, Deo materiam relinquere sciendi.

PETES DENIQUE, *Utrum Novatiani non existimantes, veniam se pœnitentibus dare posse, Pœnitentiam tamen peccatoribus imponerent?*

Affirmat S. Cyprianus epist. 52. ubi carpit Novatianorum insanum dogma, quod Pœnitentiam peccatoribus imponerent, & ad eam hortarentur: attamen remissionem peccatorum, quæ per Absolutionem conceditur, auferebant. Inde ibidem exclamat: O miserorum, lamentantium caduca deceptio! O hæreticæ institutionis inefficax, & vana traditio! hortari ad satisfactionem Pœnitentiam, & subtrahere de satisfactione medicinam; dicere fratribus nostris, plange, & lacrymas funde, & diebus, ac noctibus ingemisce, & pro ablundo, & purgando delicto tuo largiter, & frequenter operare, sed extra Ecclesiam post omnia ista morieris; quæcumque ad pacem pertinent, facies, sed nullam pacem, quam quæris accipies! Quis non statim pereat? Quis non ipsa desperatione deficiat? Quis non animum suum à proposito lamentationis avertat? Operari tu putas rusticum posse, si dixeris: agrum peritiam omni rusticitatibus exerce; cultus diligenter insiste; sed nullam messem metes, nullam vindemiam premes; nullos oliveti tui fructus capies, nulla de arboribus poma decerpes? Vel si ei, cui dominium est, usum navium suadeas, & dicas: Materiam de excellentibus sylvis mercare frater, carinam prævalidis, & electis roboribus intex, clavo, funibus, velis, ut fabricetur, atque armetur navis, operare: sed cum hæc feceris, fructum de actibus ejus, & cursibus non videbis. Præcludere est, atque abscondere.

„dere inter doloris, ac pœnitendi
 „viam, ut cùm in Scripturis Dominus
 „Deus revertentibus ad se, & pœni-
 „tentibus blandiatur, nostra duritia,
 „& crudelitate dum fructus Pœnitenti-
 „æ intercipitur, Pœnitentia ipsa tol-
 „latur. Quod si inveniemus à Pœni-
 „tentia agenda neminem debere pro-
 „hiberi, & deprecantibus, atque exo-
 „rantibus Domini misericordiam, se-
 „cundùm quod ille misericors, & pius
 „est, per Sacerdotes ejus pacem posse
 „concedi, admittendus est plangen-
 „tium gemitus, & Pœnitentiæ fructus
 „dolentibus non negandus. *Hæc san-
 „ctus Cyprianus.* Idem habet S. Ambro-
 „sius libro 1. de Pœnit. cap. 2. *Ecclesia,*
 „inquit, *in utroque servat obedientiam,*
 „*ut peccatum, & alliget, & relaxet; hæ-*
 „*retici in altero immitis, in altero inobe-*
 „*diens, vult ligare quod non resolvat,*
 „*non vult solvere quod ligavit, &c.*

Cæterùm Novatianus cum non exi-
 gæset eruditionis, plures libros
 scripsit; de eo namque notat S. Hiero-
 nymus, quod libros reliquerit de Pa-
 schate, de Sabbato, de Circumcisione,
 de Sacerdote, de Oratione, de cibis
 Judaicis, de Infantia, de Attalo, & de
 Trinitate grande volumen, quod ple-
 rique nescientes, illud S. Cypriano tri-
 buunt; alii vero Tertulliano; unde ad
 calcem operum Tertulliani illud adje-
 cit Pamelius.

His ita prænotatis, quinque occu-
 runt hoc in Articulo determinanda:
Primum, utrum detur in Ecclesia re-
 medium aliquod ab aliis distinctum,
 quo peccata post Baptismum commissa
 remittantur, illudque sit verum Sacra-
 mentum quod fit à Christo D. institum:
Secundum, quænam sit hujus Sacra-
 menti materia: *Tertium*, quæ sit ejus-
 dem forma: *Quartum*, qualis esse de-
 beat: *Quintum*, quis sit hujus Sacra-
 menti effectus.

QUÆSTIO PRIMA.

*Utrum Pœnitentia sit Sacramentum ab
 aliis distinctum, & quo tempore
 fuerit à Christo D. in-
 stitutum?*

Notandum primò, Sacramentum
 Pœnitentiæ varias apud SS. Pa-
 tres sortiri appellationes: *Primò* nam-
 que vocatur Sacramentum *Pœnitentiæ*;
 seu Pœnæ tenentiæ: quia omnes ejus
 partes pœnam, & laborem includunt.
 Contritio enim dolorem habet anne-
 xum, Confessio ruborem, Satisfactio la-
 borem. *Secundò*, ab absolutione Sacer-
 dotali appellatur interdum Sacramen-
 tum Absolutionis; siquidem illius forma
 est Absolutio: Id est, inquit Doctor
 dist. 14. q. 4. num. 3. *quædam sententia
 definitiva absolvens eum.*

Secundò, ab operibus satisfactoriis
 dicitur *Baptismus laboriosus*: cujus uti-
 que denominationis meminit Concilium
 Tridentinum sess. 14. cap. 2. ubi dis-
 tinguens effectum, & fructum Pœni-
 tentiæ ab effectibus Baptismi, ait: *A liis
 est præterea Baptismi, alius Pœniten-
 tiæ effectus: per Baptismum enim Chri-
 stum induentes, nova prorsus in illo effi-
 cimur creatura, plenam, & integram
 peccatorum omnium remissionem conse-
 quentes: ad quam tamen novitatem, &
 integritatem per Sacramentum Pœniten-
 tiæ sine magnis nostris stictibus, & labo-
 ribus, divina id exigente iustitia, per-
 venire nequaquam possumus, ut merito
 Pœnitentia laboriosus quidam Baptis-
 mus à SS. Patribus dictus fuerit.*

Tertio, ratione remissionis peccato-
 rum, & modi quo eluuntur, *lavacrum
 lacrymarum, & secunda purgatio*: Ita
 S. Nazianzenus oratione in sanctum
 lavacrum, vocans *Baptismum iterabili-*
tem, in quo differt à primò Baptismo,
 qui iterabilis non est.

Quartò dicitur *manuum impositio*, sum-
 pto nomine à cæremonia externa, quæ

hucusque in Ecclesia semper usurpata fuit, ut scilicet Sacerdos absolvens, sedens pœnitenti manus imponeret: sic appellari docemur, ex Concilio Carthaginensi Can. 76. *Reconcilietur*, inquit *per manus impositionem*, & *infundatur ori ejus Eucharistia*: Sancto Augustino lib. 3. de Baptismo cap. 16. *Manus autem impositio sicut Baptismus repeti non potest*. Sancto Paciano epist. 3. *Im manus Sacerdotum miserandis fratribus exhibenda*, & Sancto Leone epist. 62. c. 17. *Qui consilio Gentilium, & eis immolatis usi sunt, possunt jejuniis, & manuum impositione purgari*.

Quinto appellatur, *Secunda post naufragium tabula*. Ita Concilium Tridentinum sess. 6. cap. 14. & sess. 14. Can. 2. Sic etiam Tertullianus lib. de Pœnit. cap. 14. *Eum tu peccator mei similis ita nade, ita amplexare, ut naufragus aliquis tabula sedem*. Ita etiam S. Pacianus epist. 9. *Qui naufrago tabulam, ne evadat, eripit?* Sic denique S. Hieronymus epist. 9. *Ne statum nobis Pœnitentia subsidio blandiamur, quæ sunt infelicitum remedia; cavendū est vulnus, quod dolore curatur: aliud est integra nave, & salvis mercibus portum salutis intrare, aliud nudum herere tabulæ, & crebris fluituum reversibus ad accerrima saxa collidi*.

Sexto appellatur *Exomologesi*, hoc est, Confessio seu Communicatio ex pane; eod quod nimirum pœnitentes, qui peccata sua confitentur, donari solent Ecclesiastica communione. Sic Tertullianus lib. de Pœnit. cap. 9. *Is actus, qui magis Græco vocabulo exprimitur, & frequentatur, Exomologesi est, qua delictum Domino nostrum confitemur, non quidem ut ignaro, sed quatenus Satisfactio Confessione disponitur, Confessione Pœnitentia nascitur, Pœnitentia Deus mitigatur*. Itaque Exomologesi prosperuendi, & humiliandi hominis disciplina est, conversationem injungens misericordiæ illicem. Consentit S. Cy-

prianus epist. 51. *Cum, inquit, in minoribus peccatis agant peccatores Pœnitentiam jussu tempore, secundum disciplinam ordinem, ad exomologesim veniant, ut per manus impositionem Episcopi, & Clerici, jus communicationis accipiant: nunc crudo tempore, percussione adhuc perseverante, nondum restituta Ecclesiæ pace ad communicationem admittuntur, nondum Pœnitentia acta, nondum Exomologesi facta, nondum manus, & ab Episcopo, & Clero imposita, Eucharistia illis datur*. Alias etiam his similes appellationes obtinet: sed jam convenit inter Doctores post Concilia Florentinum, & Tridentinum, ut Pœnitentiæ Sacramentum nominetur.

Notandum secundò, Pœnitentiam trifariam accipi: quandoque pro actu, interdum pro habitu, sæpe verò pro signo exteriori. Pro actu quidem displicentiæ de peccato commissio; qua ratione spectat ad voluntatem se se determinantem ad vindicandum peccatum, illudque detestandum, & penam inflictam acceptandam, ac patienter peccati vindictam tolerandam. Pro habitu verò, quatenus ex ejusmodi peccati vindicta, detestatione, & acceptatione, ac perpeffione penæ comparatur habitus inclinans ad eliciendos similes actus iis à quibus genitus est. Pro signo autem exteriori, non quocunque, sed exhibito à pœnitente, & confitente peccatum, suum tanquam sibi displicens, propter quod subicit se authoritati Sacerdotis habentis facultatem eum absolviendi; ac subinde signum istud sensibile ex parte pœnitentis connotat etiam absolutionem sensibilem ex parte Sacerdotis, quæ sit signum absolutionis interioris passivæ ipsius Pœnitentis: signum inquam, non naturale, sed arbitrarium, & ad placium institutum; quo sensu Pœnitentia dicitur Sacramentum. Utrum autem reverà Sacramenti rationem, & dignitatem habeat, & à quo tempore utramque obtriverit, determi-

minandum est in hac questione.

Notandum tertio, certum esse, quod Sacramentum Pœnitentiæ, qualiter usurpatur, & frequentatur in Ecclesia, non fuerit institutum in lege naturæ, nec in Mosayca; quippe cùm nondum esset instituta potestas clavium, quæ à passione Christi derivatur, & ab eo concessa est Apostolis ante suam in cælum Ascensionem: ac subinde tunc non erat institutum quod aliquis doleret de peccato cum proposito subiiciendi se per Confessionem, & satisfactionem clavibus Ecclesiæ sub spe consequendæ veniæ, intuitu, & virtute Passionis Christi Domini. Hinc licet in lege naturæ, & Mosayca fuerit aliquod Sacramentum institutum, in remedium peccati actualis post primam justificationem, commissi, ne scilicet deficeret medicina contra morbum quotidianum; illud tamen non erat ejusdem rationis, & speciei cum Sacramento legis gratiæ, ut unanimi calculo nunc docent Theologi contra nonnullos veteres contententes in lege veteri fuisse verum Pœnitentiæ Sacramentum, de quo explicant illud Apostoli ad Hebræos 9. quod summus Pontifex introibat semel in anno in Sancta Sanctorum non sine sanguinis effusione, quem offerret pro sua, & populi ignorantia; quod tamen reiciit ex eodem Apostolo ibidem dicente, quod *sanguis taurorum, & vitulorum.... inquinatos sanctificat ad emundationem carnis*: Non ergo censet Apostolus sanguinem illum habuisse vim sanctificandi ad emundationem spiritus.

Adde quod inde sequeretur sacrificium istud fuisse excellentius, & efficacius, quam sacrificium Missæ; quod quidem non delet ex opere operato peccata in eo, pro quo offertur, etiamsi sit attritus; imo etiam excellentius esset Sacramento Pœnitentiæ novæ legis; quippe cum unum, & idem numero sacrificium simul sanctificaret offerentem & illos pro quibus offertur: & quidem

sine ulla obligatione confitendi sigillatim omnes species, & numerum peccatorum; quod utique necessarium est, ut validum sit novæ legis Sacramentum.

Supereft igitur determinandum: *Primo*, utrum Pœnitentiæ signis exterioribus expressa, cui verbum Absolutionis Sacerdotalis accefferit, sit verum ac propriè dictum novæ legis Sacramentum: *Secundo*, utrum sit à Baptismo distinctum: *Tertio*, utrum à Christo Domino institutum, & quo tempore.

CONCLUSIO PRIMA.

Datur in Ecclesia Catholica verum, ac propriè dictum Sacramentum Pœnitentiæ. Hæc est de fide determinata in variis Conciliis, maxime Florentino in decreto Eugenii, & Trident. sess. 14. Can. 1. his verbis: *Si quis dixerit in Catholica Ecclesia Pœnitentiæ non esse verè, & propriè Sacramentum pro fidelibus quoties post Baptismum in peccata labuntur, ipsi Deo reconciliandis à Christo D. nostro institutum, anathematizet. Quam utique doctrinam fatentur etiam ipsi hæretici Calvinistæ, & Lutherani à quingentis, & amplius annis in Ecclesia receptissimam esse; quam non modò Sacramentorum Magister, ut omnes post eum scholæ Theologicæ tradiderunt; sed etiam ei suppare Auctores optimi quique.*

Verum nedum ab eo tempore, sed etiam omni prorsus ævo Sacramentum iud ad Ecclesia fuisse assertum, & frequentatum, *Probat* ex Scriptura sacra, quæ disertis verbis significat collatam esse à Christo Domino auctoritatem remittendi peccata, & ab eis absolvendi: eam enim auctoritatem promittit suis Discipulis Matth. 16. & 18. illam autem contulit Joan. 20. ut egregiè docet Concilium Tridentinum sess. 14. cap. 1. *his verbis*: Dominus Sacramentum Pœnitentiæ tunc præcipuè instituit, cùm à mortuis excitatus, insufflavisset in suos Discipulos, dicens: *Accipite S. Spiritum, quorum remi-*

„ ſeritis peccata, remittuntur eis: &
 „ quorum retinueritis, retenta ſunt:
 „ quo tam inſigni facto, & verbis tam
 „ perſpicuis poteſtatem remittendi, &
 „ retinendi peccata ad reconciliandos
 „ Fideles poſt Baptiſmum lapſos, Apo-
 „ ſtoliſ, & eorum legitimis Succeſſo-
 „ ribus fuiſſe communicatam, univer-
 „ ſus Patrum conſenſus ſemper intel-
 „ lexit: unde poſt pauca concludit: Qua-
 „ re veriſſimum hunc illorum verbo-
 „ rum Domini ſenſum ſancta hæc Sy-
 „ nodus probans, & recipiens, damnat
 „ eorum commenciatis interpretatione-
 „ nes, qui verba illa ad poteſtatem præ-
 „ dicandi verbum Dei, & Chriſti Evan-
 „ gelium annunciandi contra huius
 „ Sacramenti inſtitutionem falſo de-
 „ torquent. Et Can. 3. ejuſdem ſeſſio-
 „ nis definit: Si quis dixerit, verba illa
 „ Domini Salvatoris: ACCIPITE SPIRITUM
 „ SANCTUM, &c. non eſſe intelligenda de
 „ poteſtate remittendi, & retinendi peccata
 „ in Sacramento Pœnitentiæ, ſicut Eccleſia
 „ Catholica ab initio ſemper intellexit, de-
 „ torſerit autem contra inſtitutionem hu-
 „ jus Sacramenti ad auctoritatem prædi-
 „ candi Evangelium, anathema ſit.

Hoc etiam fatentur Patres Concilii
 Carthaginenſis in epiſt. Synodica apud
 S. Cyprianum num. 54. quam ſcribunt
 ad Cornelium ſummum Pontificem, qui
 ut probent lapſos nonniſi diu acta Pœ-
 nitentiæ, niſi fortè periculum infirmi-
 tatis, aut perſecutionis urgeat, eſſe ab-
 ſolvendos, & admittendos ad pacem,
 eadem auctoritate remittendi ac reti-
 nendi peccata utuntur: Statueramus,
 inquiunt, participato nobis conſilio, ut
 qui in perſecutionis inſeſſatione ſupplan-
 tati ab adverſario, & laſſi fuiſſent, &
 ſacerdotiſ ſe illicitis maculaſſent, agerent
 diu Pœnitentiæ plenam; & ſi periculum
 infirmitatis urgeret, pacem ſubiitū mor-
 tis acciperent; nec enim ſatis erat, aut
 permittebat paterna pietas, & divina
 clementia Ecceſiam pulſantibus claudis,
 & dolentibus ac deprecantibus ſpei ſalu-

tariſ ſubſidium denegari, ut de ſeculo
 recedentes ſine communicatione, & pace
 ad Dominum dimitterentur, quando per-
 miſerit ipſe, qui legem dedit, ut ligata
 in terris, etiam in cæliſ ligata eſſent;
 ſolvi autem poſſent illic, quæ hic prius in
 Eccleſiæ ſolverentur.

Conſtat pariter eadem veritas ex
 conſtanti Eccleſiæ Traditione, & do-
 ctrina; nam antiqui Patres Pœniten-
 tiæ appellant Sacramentum, eamque
 Sacramentis novæ legis accenſent; ſic
 in primis Tertullianus ante ſuum la-
 pſum in Montani hæreſim lib. de Pœni-
 tentia cap. 7. loquens de peccatis poſt
 Baptiſmum non iterabilem committen-
 dis, ait: Hæc venena prævidens Deus,
 inſinuationi ſera obſtruſta, aliquid adhuc
 permixtiſ patere. Collocavit in viſibulo
 Pœnitentiæ ſecundam, quæ pulſantibus
 pateſciat. Et rursus cap. 12. Igitur cum
 ſcias adverſus gehennam, poſt prima illa
 inſinuationis Dominicæ monimenta, eſſe
 adhuc in exomologiſ ſecunda ſubſidia;
 cur ſalutem tuam deſeris? cur ceſſas ag-
 gredi, quod ſcias mederi tibi?

Ubi quamvis Pœnitentiæ expreſſè
 Sacramentum non appellet, idipſum
 ſatis indicat, dum ejus vim cum Baptiſ-
 mi virtute conſert. Hoc autem expreſ-
 ſè docet S. Gregorius Nyſſenus: in lib.
 de vita Moyſis, ubi ait: Moyſes per la-
 pidem inundare aquis Eremum fecit, quæ-
 ret quantum, qualeque ſit Pœnitentiæ
 Sacramentum docet. Similiter S. Augu-
 ſtinus epiſt. 180. ad Honoratum: An non
 cogitamus, inquit, cum ad iſtorum pe-
 riculorum pervenit extrema, nec enim
 poteſtas nulla fugiendi, quantum in Eccle-
 ſiæ fieri ſoleat ab utroque ſexu; atque
 adeo ab omni ætate concurſus; aliis Ba-
 ptiſmum flagitantibus, aliis reconcili-
 tionem, aliis etiam Pœnitentiæ ipſius a-
 ſſionem omnibus conſolationem, & Sa-
 cramentorum conſolationem, & erogatio-
 nem, &c. Et in Plalm. 146. explicans hæc
 verba: Qui ſanctos contritos corde, &c.
 ait: Quæ ſunt iſta obligamenta, niſi tem-
 po-

poralia Sacramenta? Tum subijcit exempla Eucharistiæ, & manûs impositionis quâ per Presbyterum peccatores reconciliantur. Similiter Victor Cartenueus Episcopus, qui floruit circa annum 460. lib. de Pœnitent. cap. 20. *Domine, inquit, audite in Evangelio, quibus jactis friat peccatorem, ut intelligatis quanti faciat Pœnitentiæ Sacramentum.*

Neque tantum eam impropiè Sacramentum esse volunt, sed, & propriè: quia conferunt illam cum Eucharistia, & cum Baptismo, quæ duo Sacramenta propriè dici Novatores admittunt. Ex Chrysostomo 3. de Sacerdotio, Non solum Sacerdotes, cum regenerant; sed etiam postea condonandorum peccatorum obtinent potestatem. Ex Concilio Alexandrino lib. 12. in Joan. cap. 22. & 23. Duobus modis homines Dei Spiritu pleni, vel astanti peccata remittunt, ac retinent, vel cum dignos admittunt ad Baptismum, ac indignos excludunt: vel cum filios Ecclesiæ peccantes corripiunt ac pœnitentibus ignoscunt.

Ex S. Ambrosio 1. de Pœnit. cap. 7. *Cur baptizatis, si per hominem peccata remitti non licet; in Baptismo enim utique remisso peccatorum omnium est: nec interest utrum per Pœnitentiam, an per lavacrum, hoc jus sibi datum Sacerdotes sibi vindicent; unum in utroque ministerium est. Sed dices, quia in lavacro operatur mysteriorum gratia, quid in Pœnitentia? Nonne Dei nomen operatur?* Ex S. Leone epist. 91. ad Theodorum: *Multiplex misericordia Dei ita lapsibus subvenit humanis, ut non solum per Baptismi gratiam, sed etiam per Pœnitentiæ medicinam spes vitæ reparetur æternæ.*

Hanc veritatem probat subtilis Doctor in 4. dist. 14. quæst. 4. nu. 3. *Primò* quidem, quia possibile est Sacramentum institui, quo remittantur peccata per modum absolutionis, seu sententiæ definitivæ: *Secundò*, quia id congruit: *Tertiò*, quia factum est. *Primum*, inquit,

ostenditur per hoc, quòd possibile est Deo animam absolvere à peccato, juxta illud Symboli: Remissionem peccatorum: & per consequens possibile est instituire aliquid signum illius absolutionis, & hoc signum efficax, ut prius expositum est, in materia de Sacramentis in universali, & pari ratione verba quæcumque, à quocumque Ministro prolata, & tunc patet lata possibilitas illius rationis.

Quantum ad congruitatem, probatur hæc: *Primò*, quia, inquit Doctor, congruum est aliquid esse signum sensibile istius absolutionis propter easdem rationes, propter quas dictum est dist. 1. de congruitate Sacramenti in communi. Et propter easdem congruum est illud esse signum institutum à Deo, quia & magis movebit, & ducet intellectum in certitudinem, & magis inclinabit affectum ad promptitudinem suscipiendi illud signum. Congruit etiam in proposito, istud signum absolutionis interioris, institui in verbis significantibus Absolutionem, ut signum representet signatum.

Congruit etiam, quòd ista Absolutio exterior fiat à Sacerdote, quia congruit extrema per medium reduci in extremum, & ita in Hierarchia Ecclesiastica, extremos, scilicet peccatores reduci in Deum per Hierarchiam, id est, Sacerdotem, sicut est in Ecclesiâ triumphante. *Congruit* etiam, quòd à jurisdictionem habente, quia sententia à non suo Judice lata, nulla est. *Congruit* etiam, quòd requiratur intentio debita, ut supra expositum est in aliis Sacramentis. *Congruit* etiam ex parte suscipivi, quòd sit pœnitens, id est, habens aliquam displicentiam de peccato commissio: hoc enim videmus etiam in Judicibus temporalibus, quòd protervum sententialiter condemnant, Pœ-

„ Pœnitentem verò suo modo absol-
 „ vunt, id est, tanquam non reum, vel
 „ non puniendum sententiant. Hue
 „ usque Doctor, quibus possibilitatem, &
 „ congruitatem huius Sacramenti facti
 „ aperte demonstrat. Quod id reverà fue-
 „ rit constitutum; docet ibidem num. 5.
 „ hisce verbis: *Tertio dico, quod hoc sa-*
crum est. Cujus (prosequitur) *funda-*
mentum accipitur ex auctoritatibus ad-
ductis ad oppositum. Nempe auctoritates
 Scripturæ sacrae, quas præmissimus.

Confirmatur: Signum sensibile perpetuum, à Christo D. institutum, gratiæ sanctificantis effectivum, est novæ legis Sacramentum propriè dictum: sed externa Pœnitentia cum accepta Sacerdotis absolutione, habet hos omnes characteres: *Primo* namque est signum sensibile, tam ex parte Pœnitentis consentientis sua peccata, & de eis sensibilliter dolentis, quam ex parte Sacerdotis absolventis; siquidem Sacerdos habet auctoritatem concessam à Christo remittendi peccata, non quidem per actus purè internos; modus enim ille non est proprius hominis, qui noscit interna per externa, spiritualia per corporalia; nam Christus D. hanc auctoritatem Apostolis contulit, ut eam exercerent in pœnitentes, tanquam Judices in reos, instar fori exterioris; Unde S. Hieronymus epist. ad Heliodorum: *Abstine ut de his quidquam scribendum loquar, qui Apostolicæ gradui succedentes, Christi corpus sacro ore conficiunt, per quos, & nos Christiani sumus; qui claves regni Cælorum habentes, quodammodo ante diem Judicii judicant: Judices autem incognita causa judicare nequeunt; ac subinde debet esse aliquod signum sensibile, quo pœnitens sua Sacerdoti peccata manifestat, & vicissim Sacerdos significet pœnitenti se vice, & auctoritate Dei illa remittere.*

Secundo, est signum perpetuum, quia potestas illa absque limitatione temporis, & durationis à Christo D. concessa

est Apostolis, ac eorum successoribus, ut illam exercerent in omnes prorsus peccatores ad ipsos confugientes. Sicut ergo nusquam in Ecclesia deerunt, qui peccent post Baptismum; ita necessaria semper erit in Ecclesia illa potestas absolvendi ab ejusmodi peccatis.

Tertio, signum istud est à Christo D. institutum; siquidem D. *Matth. 16.* Discipulos alloquens in persona Petri, ait: *Dabo tibi claves regnum cælorum; & quodcumque solveris super terram, &c.* Unde *Matth. 17.* omnes Apostolos alloquens, ait: *Quaecumque solveritis super terram, erunt soluta, & in cælis &c.*

Similiter Joan. 20. omnes Discipulos simul congregatos alloquens, distinctè pronuntiat: *Quorum remiseritis peccata, remittuntur eis.* Quibus verbis Christus D. tribuit Apostolis auctoritatem ligandi, & solvendi, retinendi, & remittendi peccata: quæ auctoritas non erat in lege veteri; ac subinde est nova institutio.

Denique signum istud est gratiæ effectivum; nam remissio peccatorum de lege ordinaria non fit nisi per infusionem gratiæ, ut diximus agendo de gratia justificante; ergo potestas remittendi peccata includit promissionem gratiæ, & effectus supernaturalis.

Reponant Novatiani apud S. Pacianum epist. 3. præfata verba Christi D. Joannis 20. spectare dumtaxat ad Cathecumenos; de quibus loquitur *Matth. 28.* dicens Apostolis: *Ite, docete omnes Gentes, baptizantes eos, &c.* Itaut quod *Matthæus* non absolverat; illud *Joannes* compleverit, significando videlicet, virtutem remissivam peccati repositam Apostolis, tantum exerceri debere per collationem Baptismi.

Contra primò, Evangelistarum loquendi formula (ut optimè respondet S. Pacianus) integrum, & perfectum, sensum habet, non verò dimidiatum, & imperfectum: *Secundò*, quod Christus D. Joannis 20. concessit, illud promiserat *Matth.*

Matth. 18. sed ibi non promisit, se daturum hanc potestatem, dumtaxat respectu Gentium baptizandarum exercendam: Siquidem indefinite loquitur, atque: *Quodcumque ligaveritis super terram, &c. Tertiò, Quæ concessit Christus D. Joan. 20. ea promiserat Petro Matth. 16. dicens: Super hanc Petram ædificabo Ecclesiam meam: Quodcumque ligaveris super terram, &c.* at ibi promittit Petro potestatem ligandi Fideles, & eos absolvendi; illa enim potestas, quam Christus promisit Petro, est respectu Ecclesiæ, & ovium: Ecclesia autem non nisi ex Fidelibus coalescit: igitur, &c.

Reponant secundò ibidem verba illa Matth. 18. dicta esse de solis offensis dimittendis: quæ sunt contra homines; non verò contra Deum: nam immediate ante præfata verba Christus D. dicebat: *Si peccaverit in te frater tuus, vade & corripe eum, &c.*

Contra, hæc anteceden tia verba soli Petro, tanquam personæ particulari dicuntur; unde spectant ad omnes omnino Fideles, qui obligantur ad correctionem fraternam, necnon tenentur ad relaxandas offensas, & dimittendas injurias sibi irrogatas; sequentia autem verba omnibus Apostolis dicta sunt. Secundò particula, *Quæcumque*, comprehendit omnia prorsus peccata, etiam in Deum commissa: igitur inutilis est, & vana Novatianorum responsio.

Reponant tertio apud S. Ambrosium lib. 1. de Pœnit. cap. 2. præfata Christi D. verba significare quidem, Apostolis concessam esse potestatem à Christo ad remittenda leviora peccata; non autem graviora.

Contra primò, Christus D. loquitur sine ulla exceptione, dicendo: *Quæcumque*. Unde S. Ambrosius ibidem: *Deus distinctionem non facit, qui misericordiam suam promittit omnibus, & relaxandi licentiam Sacerdotibus suis sine ulla exceptione concessit. Secundò*, ne-

Tom. X.

mini dubium est, quin incestus sit peccatum gravissimum; sed S. Paulus habuit potestatem illud peccatum ligandi, & solvendi; siquidem incestuosum Corinthium ligavit, eum eum excommunicavit, & tradidit Satanae in interitum carnis, ut spiritus salvus fieret: absolvit verò, cum scribit 2. Cor. 2. *Si cui autem quid donavisti, &c. ego: nam & ego si quid donavi, propter vos donavi in persona Christi: Hoc est, autoritate mihi à Christo concessa.* Unde ibidem cap. 6. infert S. Ambrosius: *Cur igitur Paulum legunt, si cum tam impie arbitrabantur errasse, ut jussu sibi vindicaret Domini sui? Sed vindicavit acceptum, non usurpavit indubitum.*

Reponant quartò Calvinistæ autoritatem illam remittendi peccata, non aliam esse, quàm facultatem prædicandi Evangelium, & excitandi fidem, quæ peccator convertitur ad Deum, & credit ejus divinam misericordiam sibi opitulari: igitur per eam autoritatem, non intelligitur judiciaria potestas ad absolvendum à peccatis.

Contra; Nam Christus Joan. 10. dat Apostolis potestatem, quam ante suam passionem eis non dederat: at ante passionem dederat illis potestatem annuntiandi Evangelium Judeis, non autem Gentibus, & Samaritanis, Matth. 10. *In viam Gentium ne abieritis, in civitates Samaritanorum ne intraveritis, sed potius ite ad oves, quæ perierunt domus Israel.* Similiter potestas, quam Matth. 28. & Marci 16. dat eis annuntiandi Evangelium universis Gentibus, longè diversa est ab ea, quàm confert Joan. 20. ad absolvendum à peccatis: Nam, inquit S. Chrysostomus lib. 3. de Sacerdotio, *per ea verba Christus dedit potestatem hominibus, quam nec Angelis, nec Archangelis datum esse voluit; nec enim ad Angelos dictum est: Quæcumque alligaveritis in terra, erunt ligata, & in celo:* Sed Angelis dedit potestatem annuntiandi Evangelium: nam,

N n n

Lu-

Lucæ 2. *Angelus ad Pastores ait: Ecce evangelizo vobis gaudium magnum: igitur potestas solvendi à peccatis non est eadem cum potestate prædicandi Evangelium.*

Insuper Prædicator quidem Evangelii annuntiat solutionem, ac remissionem, sed non eam efficit: at Christus discretè asserit peccata remitti per Ministros suos, ait enim: *Quæcumque solveritis, &c.* Non enim dixit: *Quæcumque declarabitis soluta, aut ligata, sed quæcumque solveritis, & ligabitis.* Rursus Salvator hanc potestatem promittens Petrum alloquendo, ait: *Dabo tibi claves regni caelorum.* At claves non solum sunt signa, & imagines aperitionis, sed etiam vera ejus instrumenta, quando ab aliquo applicantur; nec solum significant, sed activè efficaciter ad claudendum, & aperiendum concurrunt: igitur & potestas B. Petro, ejusque Successoribus concessa, non solum in prædicatione, aut declaratione, & significatione versatur, sed reverà concurrat saltem instrumentariè moraliter ad remissionem peccatorum. *Denique* prædicatio Evangelii potest rectè fieri coram Paganis, ut convertantur ad fidem; non possunt autem pagani infideles absolvi à peccatis suis per claves Ecclesiæ, & per absolutionem Sacramentalem; siquidem hæc Absolutio est actus Jurisdictionis: Ecclesia autem non habet auctoritatem in paganos, & eos qui nondum baptizati sunt, ut dicit S. Paulus 1. ad Cor. 3. *Quid ad me de his, qui foris sunt judicare? Nam eos, qui foris sunt, Deus judicabit.*

Reponunt quintò, alii per illa verba Joan. 20. eatenus dari potestatem Apostolis remittendi peccata, quatenus datur eis facultas denuntiandi illa esse remissa.

Contrà Christus D. non ait: *Quorum declaraveritis peccata remissa, sed quorum remiseritis, &c.* Deinde, ad declaranda peccata remissa non opus est cla-

vibus, sed solum voce, & tuba: quemadmodum interdum Reges, & Principes voce præconis denuntiant se remittere offensam subditis prius perduellibus. *Rursus*, Christus D. similem dedit Apostolis auctoritatem remittendi peccata, Joan. 20. ei quam ipse habebat: nam ait: *Sicut misit me vivens Pater, & ego mitto vos.* Unde S. Chrysostomus homil. 85. in Joann. *Suum iis relicturus erat ibi ministerium.* Et lib. 3. de Sacerdotio; *Pater habet omnisfariam potestatem, & hanc Filio tradidit, & filius Apostolis, per hac verba: Quorum remiseritis peccata, &c.* Quare Apostolus 2. ad Cor. 5. ait: *Dedit nobis ministerium reconciliationis. . . pro Christo ergo legatione fungimur:* Sed Christus non modò reconciliavit exhortando, sed etiam ipsa reverà remittendo, ut ipse significat Matth. 9. *Ut sciatis; quia Filius hominis habet potestatem remittendi peccata, &c.* Igitur &c. *Denique*, SS. Patres docent Sacerdotes novæ legis habere potestatem peccata condonandi post Baptismum, & reverà nos purgare, ac mundare à peccatis: non autem solum probare, ac declarare, quòd ab eis sumus mundi: nam, inquit S. Chrysostomus lib. 3. de Sacerdotio: *Corporis lepram purgare, seu veriùs dicam, non purgare quidem, sed purgatos probare, Judeorum Sacerdotibus solis licebat. . . At verò nostri Sacerdotibus, non corporis lepram, verum anime sordes; non dico purgatos probare, sed purgare prorsus concessum est.*

Opponunt tertio: Ad omne Sacramentum requiritur verbum, & elementum ab aliquo Ministro adhibitum: ait enim S. Augustinus tract. 80. in Joan. *Accedit verbum ad elementum, & fit Sacramentum.* Et B. Ildorus lib. 6. originum, cap. 19. *Baptismus, Chrisma, Corpus, & Sanguis Christi ob id Sacramenta dicuntur, quia sub tegumento corporalium reum divina virtus secretius operatur:* Sed in Pœnitentia nullum est elementum;

tum; nec adhibentur aliquæ res corporales, sub quibus divina virtus salutem operetur: igitur, &c.

R. Distinguo minorem: Non adhibentur aliquæ res corporales, aut aliquod elementum propriè dictum; quemadmodum fit in Baptismo, de quo solo ibi sermonem instituit S. Augustinus, concedo: impropriè dictum, nego: siquidem signa quibus penitens sua declarat peccata, & conceptum de eis dolorem ostendit, necnon, & verba absolutionis Sacerdotalis sunt quid sensibile, non quidem tactui, aut visui, seu auri- bus; suntque significativa veræ ablu- tionis a peccato. Quod autem non in- telligat S. Augustinus elementum prop- riè dictum, apparet: nam aliàs seque- retur Eucharistiam non esse verum Sacramentum, quippe cum ex elemen- to propriè dicto non conficiatur.

Opponunt quartò: Non alia prædica- tur in nova lege Pœnitentia, quàm in veteri, ut significat S. Paulus Act. 16. Nihil extra dicens, quàm ea, quæ Pro- phetæ locuti sunt futura esse, & Moy- ses: sed in lege veteri Pœnitentia non erat Sacramentum: ergo nec in nova.

Distinguo majorem: Non alia prædi- catur Pœnitentia, quatenus est virtus, transeat, quatenus est Sacramentum, nego: in lege enim veteri non fuit dic- tum, sicut in nova: *Quorum remiseritis peccata, &c.* Adde quòd heretici prævum in sensum Apostoli verba detorqueant: non enim ait Apostolus se non prædi- care aliam Pœnitentiam; quàm quæ prædicabatur à Moyse, & Prophetis; sed se nihil annuntiare, nisi quæ Pro- phetæ prædixerant de Christo D. ac futura esse denuntiaverant.

Obijciunt Novatiani, ut refert san- ctus Ambrosius concione 8. in Psal. 123. *Facilitas veniæ, incentivum præbet delinquendi:* Sed Deus non potest incen- tivum delinquendi instituire: instituis- set autem si facultatem hominibus de- disset absolvendi à peccatis: igitur, &c.

R. Distinguo majorem: Facilitas veniæ ex sola clementia indulgentis, & con- donantis offensam, incentivum præbet delinquendi, quando nulla exigitur pœna, & laboriosa satisfactio ex parte delinquentis, concedo: quando exigitur, nego: non fit autem per Pœniten- tiam Sacramentalem remissio peccato- rum absque pœna ex parte delinquen- tis; siquidem satisfactio est una ex par- tibus Pœnitentiæ. Adde quòd negari possit major: nam, ut præclare docet S. Augustinus homil. 27. ex quinquaginta, ubi hanc objectionem solvit: *Si clauderetur aditus Pœnitentiæ, nonne ille peccator, tantò magis adderet pecca- ta peccatis, quantò magis sibi desperaret ignosci? diceret enim sibi: ecce peccavi, ecce scelus admisi, jam mihi venia nul- lus est locus, Pœnitentia infructuosa est. Damnatus sum, quare jam non vivo, ut volo? quia ibi non invenio ebaritatem, ibi saltem pastam cupiditatem meam ergo si tuleris jugum Pœnitentiæ, auge- buntur peccata, &c.*

Obijciunt insuper Novatiani apud S. Ambrosium lib. 1. de Pœnit. cap. 7. illud 1. Reg. cap. 2. *Si peccaverit homo in hominem, orabunt pro eo ad Domi- num: si autem in Dominum peccaverit homo, quis orabit pro eo?*

Respondeo primò, oraculum illud spe- ctare ad vetus Testamentum; non au- tem pertinere ad legem Evangelii, in quo concessa est Ecclesiæ Sacerdotibus autoritas solvendi à peccatis.

Respondeo secundò, quòd si illa verba usurparentur in sensu Novatianorum, consequens esset, quòd nullus homi- num posset pro altero peccatore orare.

Tertiò dico cum S. Ambrosio ibidem, „ non esse scriptum: Nullus orabit pro
„ eo: sed, Quis orabit? Hoc est, quis
„ ille sit, qui in tali causa orare possit?
„ quæritur, non excluditur. Denique
„ habes in Psalmo 15. Domine! quis
„ habitabit in tabernaculo tuo, aut
„ quis requiescet in monte sancto tuo?

N n n 2

Non

Non enim nullus, sed probatus habi-
tabit. Nec hoc dicit, quod nemo re-
quiescat; sed requiescat electus: ut
scias hoc esse verum, quod non mul-
to post in Psal. 23. ait: *Quis ascendet*
in montem Domini, aut quis flabit in
loco sancto ejus? Id est, non quicum-
que de vulgo, nec plebeiæ veritatis;
aliquis; sed vitæ egregiæ, singularis-
que meriti: Et ut scias quia cum di-
citur, *quis*, non intelligitur nullus,
sed aliquis significatur, cum dixisset:
Quis ascendet in montem Domini?
subjicit: *Innocens manibus, & mundo*
corde, qui non accepit in vano ani-
mam suam. Et alibi: *Quis sapiens, &*
intelliget hæc? Numquid dicit, quia
nullus intelliget. Et in Evangelio:
Quis fidelis dispensator, & prudens,
quem constituit Dominus super fami-
liam suam, ut det illi in tempore tri-
trici mensuram? Et ut comprehendas,
quia de eo dixit, qui utique est, non
de eo, qui non est, subjunxit: *Beatus*
ille servus, quem, cum venerit Domi-
nus, invenerit sic facientem. Et illud
ita opinor dictum: *Deus quis similis*
tibi? Non utique nullus; quia imago
Patris filius est. Similiter igitur acci-
piendum: *Quis orabit pro eo?* Hoc
est, singularis vitæ aliquis debet
orare pro eo, qui peccavit in Domi-
num, quia quod major culpa, eo ma-
jora sunt querenda suffragia: Non
enim quicumque de vulgo pro Ju-
dæorum populo; sed Moyses roga-
vit, quando vituli caput fidei im-
mores adoraverunt. Numquid erra-
vit Moyses? At certe quia non erra-
vit, quod rogavit, & meruit, & im-
petravit: Quid enim talis affectus
non impetraret, quando se objecit
pro populo, dicens: *Et nunc si dimittis*
illis peccatum, dimitte; sin autem de-
le me de libro vitæ: Vides, quia non
tquam deliciosus intercessor, &
fastidii plenius sibi consulat, ne of-
fensionem contrahat: quod Nova-

tianus metuere se dicit; sed magis
omnium memor, sui immemor, of-
fendere non timebat ipse, ut plebem
ab offensionis periculo erueret, &
liberaret. Merito ergo scriptum est,
quis orabit pro eo? Hoc est talis,
qualis Moyses se offerat pro pecca-
toribus: talis qualis Hieremias, cui
cum esset dictum à Domino Deo no-
stro, *noli orare pro populo isto:* tamen
oravit, & veniam promeruit. Ita
S. Ambrosius.

CONCLUSIO SECUNDA.

Pœnitentia est Sacramentum à Ba-
ptismate distinctum; & subinde re-
missio peccatorum, quæ fit per Pœniten-
tiam, non fit per simplicem Baptismi sus-
cepti recordationem. Hæc est de fide,
determinata in Concilio Tridentino
sess. 14. can. 2. *Si quis Sacramenta con-*
fundens, ipsum Baptismum Pœnitentiæ
Sacramentum esse dixerit, quasi hæc duo
Sacramenta distincta non sint, atque ideo
Pœnitentiam non rectè secundam post
nausfragium tabulam appellari, anathe-
ma sit. Probat hanc auctoritatem c. 2.
quintuplici ratione petita ex parte ef-
ficientiæ, Ministri, subjecti, effectus, &
appellationis utriusque Sacramenti:
Ceterum, inquit, hoc Sacramentum
(Pœnitentiæ) multis rationibus à Ba-
ptismo differre dignoscitur; nam præ-
terquam quod materia, & forma, quibus
Sacramenti essentia perficitur (quippe
materia, & forma Baptismi est ablutio
simul cum verbis significantibus eam
fieri in virtute sanctissimæ Trinitatis;
Pœnitentiæ verò, quasi materia, sunt
actus Pœnitentis; forma verò est abso-
lutio Sacerdotalis verbis concepta.)
Constat certè Baptismi ministerium Ju-
dicem esse non oportere, cum Ecclesia in
neminem judicium exerceat, qui non
prius in ipsam per Baptismi januam
fuerit ingressus: Quid enim mihi, in-
quit Apostolus ad Cor. 5. de iis, qui
foris sunt judicare? secus est de domesti-
cis fidei; quos Christus D. lavacro Ba-
ptismi

ptismi sui corporis membra semel effecit; nam hoc si se posse à crimine aliquo contaminaverint, non jam repetito Baptismo ablui, cum id in Ecclesia Catholica nulla ratione liceat: sed ante hoc tribunal, tanquam reos sibi voluit: ut per Sacerdotum sententiam non semel, sed quoties ab admittis peccatis ad ipsam pœnitentem confugerint, possent liberari.

Quibus verbis Concilium apertè declarat manifestum esse Pœnitentiæ discrimen à Baptismate, non solum ex parte materiæ, & formæ utriusque Sacramenti, sed maximè ex parte ministri; quippe cum Baptismi minister sit in casu necessitatis quilibet homo; Pœnitentiæ verò solus Sacerdos. Similiter subiectum utriusque distinctum est; Baptismus enim ministrari potest cuilibet, etiam Pagano, & Gentili; Pœnitentiæ verò solis Fidelibus, quia exercetur per modum iudicii, quod tantum vim habet erga Ecclesiæ filios, & subditos. Insuper Baptismus conferri potest etiam pueris, & amentibus; Sacramentum verò Pœnitentiæ solis adultis ratione utentibus.

Apparet etiam utriusque Sacramenti discrimen ex diversitate eorum effectus, & applicationis: nam, inquit Concilium, Alius est Baptismi, alius Pœnitentiæ fructus; per Baptismum, enim Christum induentes, nova, prorsus in illo efficiuntur creatura, plenam, & integram peccatorum omnium remissionem consequentes, ad quam tamen novitatem, & integritatem per Sacramentum Pœnitentiæ, sine magnis nostris stetibus, & laboribus, divina id exigente Iustitia, pervenire nequaquam possumus, ut merito Pœnitentia laboriosus quidam Baptismus à SS. Patribus dictus fuerit: nempe Cypriano lib. de lapsis, Nazianzeno oratione in sancta lumina, Damasceno lib. 4. de fide cap. 10.

Confirmatur: Christus D. Joann. 20.

dat Apostolis potestatem non solum remittendi, sed etiam retinendi peccata: sed hæc potestas prorsus esset frustranea, si peccatorum remissio, quæ sit per Pœnitentiam, esset dumtaxat suscepti Baptismi recordatio: non enim Sacerdotes prohibere possunt, quin minus Fideles suscepti Baptismi recordentur; igitur Sacramentum Pœnitentiæ non est simplex Baptismi recordatio.

Dices: Non alia est novæ legis Pœnitentiæ ab ea, quam prædicavit S. Joannes; sed Marci 1. Fuit Joannes in deserto baptizans, & prædicans Baptismum Pœnitentiæ in remissionem peccatorum: igitur Pœnitentiæ novæ legis non distinguitur à Baptismo.

Distinguo minorem; Non alia est Pœnitentiæ virtus, concedo: Sacramentum nego: Duplex enim est Pœnitentiæ una quidem virtus, quæ fuit necessaria omni tempore universis hominibus, qui se mortali aliquo peccato inquinassent, ad gratiam assequendam, etiam illis, qui Baptismi Sacramento initiari cupiebant, ut diximus: alia verò quam Christus instituit in Sacramentum, quando facultatem dedit Apostolis absolvendi à peccatis, quam SS. Patres omnino à Baptismo distinguunt, ut jam diximus.

Dices secundò: S. Augustinus lib. 1. de nuptiis, & concupiscentia, cap. 33. explicans illud Ephes. 5. Christus dilexit Ecclesiam; & semetipsum tradidit pro ea, ut eam sanctificaret; mundans eam lavacro aquæ in verbo vite, docet illud sic accipiendum esse, ut eodem lavacro regenerationis, & verbo sanctificationis (id est Baptismo) omnia prorsus mala hominum regeneratum mundentur atque sanentur; non solum peccata, quæ omnia nunc remittuntur in Baptismo, sed etiam, quæ posterius humana ignorantia, vel infirmitate contrahuntur; non ut Baptisma quoties peccatur, toties repetatur, sed quia ipso, quod semel datur, fit, ut non solum antea, verum etiam postea quorundam-

rumlibet peccatorum venia fidelibus impetretur.

Respondeo : Ipsum aliud nolle quam quod Pœnitentia, tam virtus, quam Sacramentum, nullatenus impetrare possit veniam peccatorum, sine lavacro regenerationis, aut ejus voto. Nam sequitur: *Quid enim prodesset vel ante Baptismum Pœnitentia, nisi Baptismus sequeretur, vel postea, nisi præcederet?* In ipsa quoque Dominica oratione; quæ quotidiana est nostra mandatio, quod fructus, quod effectus diceretur: *DIMITTE NOBIS DEBITA NOSTRA, nisi ab eis, qui baptizati sunt, diceretur?* Itemque elemosynarum largitas, & beneficentia quantalibet, cui tandem ad dimittenda sua peccata prodesset, si baptizatus non esset? Postremo regni celorum ipsa felicitas, ubi non habebit Ecclesia maculam, aut rugam, aut aliquid ejusmodi, ubi nihil reprehensionis, nihil simulationis erit, ubi non solum reatus, sed nec concupiscentia ulla erit peccati; quorum erit, nisi baptizatorum. Quibus verbis significat S. Augustinus Pœnitentiam esse necessariam adultis ante Baptismum; sed ut profit, necessario, requiri votum Baptismi: adeoque nisi Baptismus sequeretur, ubi, & quando commodè sequi posset, nihil prodesset; uti nec Sacramentum Pœnitentiæ, nisi præcederet realis suscepcio Baptismi: quia nimirum Baptismus est janua omnium Sacramentorum.

Urgebis: Non alia fuit S. Augustini sententia ab ea, quam habuit ejus Discipulus S. Fulgentius: sed S. Fulgentius lib. de fide ad Petrum cap. 30. Baptismum appellat *Sacramentum fidei, & Pœnitentiæ*, juxta quod in Evangelio scribitur *Luce 3.* quod Joannes prædicavit Baptismum Pœnitentiæ in remissionem peccatorum.

Respondeo, illum idcirco appellare Baptismum, *Sacramentum Pœnitentiæ, & fidei*; quia Baptismus in adultis, qui mortaliter peccaverunt, necessario sup-

ponere debet fidem, & Pœnitentiam, ut colligitur ex his verbis S. Petri, *Act. 2. Pœnitentiam agite, & baptizetur unusquisque vestrum.* Quod autem ea sit, & non alia S. Fulgentii sententia, apparet ex ejus verbis; ait enim: *Firmissime tene, & nullatenus dubites, exceptis illis, qui pro nomine Christi suo sanguine baptizantur, nullum hominem accepturum vitam æternam, qui non hic à malis suis fuerit per Pœnitentiam, fidemque conversus, & per Sacramentum fidei, & Pœnitentiæ, id est, per Baptismum liberatus.* Intellige non quæcumque Pœnitentiam, sed illam quam ante Baptismum oportet agere; id est, virtutem Pœnitentiæ: quippe confestim adjungitur: *Et majoribus quidem necessarium esse, & Pœnitentiam de malis suis agere, & fidem Catholicam secundum regulam veritatis tenere, & Sacramentum Baptismi accipere: parvulis vero, qui nec propria voluntate credere, nec Pœnitentiam pro peccato, quod originaliter trahunt agere possunt, Sacramentum fidei, quod est sanctum Baptisma, quando rationis ætatis rerum capax esse non potest, sufficere ad salutem.*

CONCLUSIO TERTIA.

Sacramentum Pœnitentiæ immediate est à Christo D. institutum, idque post suam resurrectionem, nempe Joannis 20. quando dixit Apostolis: *Accipite Spiritum sanctum, quorum remiseritis peccata, &c.* Hæc Conclusio duas habet partes, nempe quod sacramentum Pœnitentiæ institutum sit à Christo D. & quod dumtaxat institutum fuerit post Christi D. Resurrectionem. Primam aperte tradit Concilium Tridentinum sess. 24. can. 2. his verbis: *Si quis dixerit in Ecclesia Catholica non esse verum, & proprium Sacramentum pro fidelibus, quoties post Baptismum in peccata labuntur, ipsi Deo reconciliandis à Christo D. institutum, anathema sit.* Nec obstat, quod Concilium non asserat, hoc Sacramentum esse immediate à Christo D. institutum.

tutum; quamvis enim non subiciat particulam illam *immediatè*, evidenter tamen ex ejus doctrina colligitur: quippe cum non alium cognoscat auctorem Sacramentorum, quàm Christum D. Et insuper can. 5. & can. 6. docet confessionem, de qua maximè moveri posset controversia, esse ex Christi mandato, sicut probabimus articulo sequenti.

Utramque partem docet Idem Concilium ibidem cap. 14. cum ait: *Dominus autem Sacramentum Pœnitentiæ tunc præcipuè instituit, cum à mortuis excitatus insuflavit in Discipulos suos, dicens: Accipite Spiritum sanctum, quorum remisistis peccata, &c.*

Hujus autem veritatis nulla alia proferri potest ratio à priori, quàm Christi D. voluntas, qui pro libito Sacramenta instituit quando, & quomodo voluit. Nihilominus non desunt congruentiæ, cur ejus Sacramenti institutionem distulerit post suam Resurrectionem: *Primo* quia conveniens non erat, quòd priùs daretur potestas in corpus Christi mysticum, quàm in corpus Christi verum: hanc autem Apostoli tantùm acceperunt in ultima cœna, in qua licèt fortè Christus Discipulos docerit omnem omnino statum futurum Ecclesiæ, & consequenter tradiderit doctrinam de Sacramento Pœnitentiæ postmodum instituendo; nihilominus nulla ratione colligi potest, ibi institutum fuisse, hoc Sacramentum; tum quia id nullibi Scriptura docet; tum quia nondum erat collata potestas remittendi peccata, sine qua Sacramentum istud nullam omnino habere potest efficaciam.

Insuper, Christi Resurrectio est exemplar perfectæ justificationis, & resurrectionis mysticæ, qua homo per Pœnitentiam refurgit à morte peccati; unde S. Paulus ad Rom. 4. *Traditus est propter delicta nostra, & resurrexit propter justificationem nostram*; id est, sicut justificationis perfectum exemplar nobis exhiberet. Oportuit ergo Christum D.

priùs resurrexisse, quàm institueretur hoc Sacramentum, quo peccator ad vitam gratiæ revocatus, & restitutus, non moriatur iterum morte peccati, quem admodum *Christus Dominus resurgens ex mortuis jam non moritur, mori illi ultra non dominabitur*, ait ibidem Apostolus.

Dices: Tunc institutum fuit Sacramentum Pœnitentiæ, cum potestas clavium est Apostolis collata: sed illam potestatem Christus D. Apostolis tradidit ante suam Passionem, nempe *Matth. 18. cum dixit: Amen, dico vobis, quæcunque ligaveritis super terram, erunt ligata, & in cælo, & quæcunque solveritis super terram, erunt soluta, & in cælo*: Igitur tunc fuit à Christo D. institutum Sacramentum Pœnitentiæ.

Nego minorem: Eo loco enim dumtaxat promissa fuit Apostolis potestas clavium ad remittenda, vel retinenda peccata; non autem de facto fuit ei collata, quia hæc potestas solum spectat ad Sacerdotes, ut probabimus infra: Apostoli autem, dum Christus hæc dixit *Matth. 18.* nondum erant Sacerdotes, quippe cum hanc dignitatem dumtaxat obtinuerint in noctæ cœnæ; ac subinde ibi fuit potius promissio conferendæ potestatis clavium, quàm vera, & realis illius collatio.

Inflabit: Perperam igitur, ad asserendam institutionem hujus Sacramenti, proferunt Catholici verba illa Christi D. dicentis Petro *Matth. 16. Dabo tibi claves regni Cælorum. Ex Matth. 18.* quando omnibus Apostolis dixit: *Quæcunque solveritis, &c.*

Nego sequi; nam etiamsi Christus D. solum exhibuerit potestatem absolvendi post resurrectionem, tamen diserte eam jam pollicitus fuerat præfatis locis; unde cum nec mentiri, nec fallere possit, promissiones illæ erant velut arrhæ, & tanquam pignora ac rudimenta futuræ post Resurrectionem institutionis.

Urgebis : Si tantum Joān. 20. Christus D. dedit Apostolis potestatem absolventi, sequitur, quod illi soli eam facultatem habuerunt, qui praesentes erant, cum hæc protulit, ac subinde, quod S. Thomas ea potestate caruit; statim enim post præfata verba : *Accipite Spiritum sanctum*, subjungitur : *Thomas autem unus ex duodecim, qui dicitur Didymus, non erat cum eis, quando venit Jesus*. Sed hoc consequens est absurdum; alioqui S. Thomas incompletam omnino ac imperfectam auctoritatem Apostolicam habuisset: igitur, &c.

Nego sequelam majoris : Nam, inquit S. Cyrillus Alexandrinus lib. 12. in Joān. cap. 56. *Dicimus virtutem Spiritus, ex intentione dantis Christi, in omnes Discipulos pertransfisse: non enim quibusdam, sed omnibus Discipulis dedit. Quare liberalitate dantis non solum praesentes, sed etiam absentes Apostoli, Spiritum sanctum acceperunt*: quod autem non violenta, sed tuta veraque ista ratio sit, auctoritate S. Scripturae monstrabimus. *Fussit Deus quondam Moysi (Num. 11.) septuaginta seniores Judaeorum eligere. Dixit autem de Spiritu, qui erat in Moysi, ablatum se, atque impositum in illis. Cum vero Heldad, & Medad de 70. Seniorum numero in Synagoga remansissent, ac Spiritus omnibus illis 70. immisus fuisset prophetabant quidam, qui erant cum Moysi, prophetabant autem etiam illi duo qui aberant, &c.* Non ergo licet absuerit Thomas à participatione Spiritus decidit, cum de numero esset eorum, quibus dignitate, Apostolatus decoratis, Spiritus debebatur.

Dices secundò. Christus D. Joān. 20. eandem dedit Apostolis auctoritatem remittendi peccata, quam ipse acceperat à Patre: ut diximus supra num. 10. ait enim: *Sicut misit me vivens Pater, & ego mitto vos*: Sed ipse reconciliavit peccatores absque ministerio alicujus Sacramenti: ergo per illa verba, *Acci-*

pate Spiritum sanctum, &c. non censetur instituisse aliquod Sacramentum, quo necessarii erant debent Apostoli; & eorum Successores ad diluenda peccata post Baptismum commissa.

Distinguo majorem. Habuerunt eandem, id est, omnimodam, nego: id est, similem, & participatam, concedo: quamvis enim Apostolis potestatem reconciliandi peccatores similem ei, quam ipse acceperat à Patre, tradiderit Christus D. inde tamen non sequitur eandem, & omnino æqualem eis tradidisse; siquidem Christus habebat potestatem excellentiæ, quæ nullis externis signis erat alligata, utpote cum ille esset verus Deus, verusque Dei Filius, penes quem est facultas condonandi peccata plenarie jure, & independentem ab omni signo sensibili; Apostoli autem habebant dumtaxat potestatem participatam, & alligatam signis exterioribus Baptismi, & Pœnitentiæ. Ad auctoritatem verò S. Joannis dico, per eam intelligi posse missionem illam, qua Christus mittebat Discipulos ad annuntiandum Evangelium medias inter hominum persecutiones, sicut ipse à Patre missus fuerat, ut interpretatur S. Gregorius homil. 26. in Evangelia, ubi explicans ea verba; ait: *Pater filium misit, qui hunc pro redemptione generis humani incarnari constituit, quem videlicet in mundum venire ad Passionem voluit: sed tamen amavit eum, quem ad Passionem misit. Electos verò Apostolos Dominus non ad mundi gaudia, sed sicut ipse missus est, ad passionem in mundum mittit. Quia ergo, & filius amatur à Patre, & tamen ad Passionem mittitur; ita, & Discipuli à Domino amantur; qui tamen ad Passionem mittuntur in mundum. Itaque rectè dicitur: Sicut misit me vivens Pater, & ego mitto vos, id est, ea charitate vos diligo, cum inter scandalosa persecutorum mitto, qua me charitate Pater diligit, quem venire ad tolerandas passiones fecit.*

QUA-

QUÆSTIO SECUNDA.

Quænam sit materia Sacramenti Pœnitentiæ.

Notandum primò, omnia Sacramenta novæ legis constare materia, & forma, ut docet Concilium Florentinum in decreto Eugenii, ubi enumeratis novæ legis Sacramentis, ait: *Hæc omnia Sacramenta tribus perficiuntur, videlicet rebus, tanquam materia, verbis tanquam forma, & persona ministris conferentis Sacramentum, cum intentione faciendi quod facit Ecclesia.* Porro in aliquibus Sacramentis materia hæc est duplex, remota videlicet, & proxima, sic in Baptismo materia proxima est ablutio exterior, remota verò aqua naturalis.

Insuper utraque materia esse potest duplex, una ex qua Sacramenta fiunt, & componuntur; alia verò, circa quæ Sacramenta versantur. *Queritur* ergo, quænam sit materia tam remota, quam proxima sacramenti pœnitentiæ.

Notandum secundo, certum esse, quòd actus pœnitentis, nempe Contritio, Confessio, & satisfactio concurrunt per modum materiæ ad sacramentum Pœnitentiæ; hoc enim docet Concilium Florentinum loco supra citato, ubi ait: *Quartum Sacramentum est Pœnitentia, cujus quasi materia sunt actus pœnitentis, qui in tres distinguuntur partes. Quarum prima est cordis Contritio, ad quam pertinet, ut doleat de peccato commisso, cum proposito non peccandi de cætero. Secunda est oris Confessio, ad quam pertinet, ut peccator omnia peccata, quorum memoriam habet, suo Sacerdoti censeatur integraliter. Tertia, Satisfactio pro peccato secundum arbitrium Sacerdotis: quæ quidem præcipue fit per orationem, jejunium, & elemosynam.* Idem statuit Concil. Tridentinum *sess. 14. cap. 3.* ubi ait: *Sunt autem quasi materia hujus Sa-*

Tom. X.

cramenti ipsius Pœnitentis actus, nempe Contritio, Confessio, & Satisfactio, qui quatenus in pœnitente ad integritatem Sacramenti, & ad plenam, & perfectam peccatorum remissionem, ex Dei institutione requiruntur, hac ratione Pœnitentiæ partes dicuntur. Quæ Concilia signanter hos pœnitentis actus appellant quasi materiæ; quia videlicet ex eis non constituitur Sacramentum Pœnitentiæ tanquam materia ex qua, sed tantum sicut materia circa quam istud occupatur.

Notandum tertio, quòd etiam si ad confectionem alicujus Sacramenti plura ita necessariò concurrant, ut sine illis Sacramentum nec fieri, nec existere posset; illa tamen omnia non habent rationem Sacramenti, neque sunt illius partes essentielles, ut patet in Eucharistia, ad cujus confectionem necessariò concurrunt verba consecrationis; attamen species consecratæ habent rationem Sacramenti, etiam si verba consecratoria amplius non existant: Similiter in Baptismo ablutio activa absolute necessaria est ad illius confectionem: ejus tamen formalis ratio potissimum consistit in ablutione passiva. Unde fit, quod licet res, & verba concurrant ad confectionem Sacramenti, utrumque tamen ad Sacramenti essentiam æquo non spectat; sed in alterutro tantum maxime consistit formalis ratio, ac vis præcipua Sacramenti, quia alterutrum eorum majorem refert similitudinem gratiæ, quam significat, & efficit, Sic in Baptismo v.g. quia ablutio solvens corporis sordes majorem habet similitudinem cum gratia ablutente animæ à peccatis; idcirco ratio significationis ipsius gratiæ, magis consistit in ipsa ablutione, quam in invocatione Trinitatis; quæ fit cum ipsa actuali ablutione.

Duo itaque hic occurrunt determinanda: *Primum*, an, & quæ peccata sint materia remota Sacramenti Pœnitentiæ:

O o o

tiz:

tiq. Secundum, utrum, & quomodo actus penitentis sint materia proxima circa quam Sacramentum istud occupatur.

CONCLUSIO PRIMA.

Sola, & omnia peccata post Baptismum commissa, sunt materia remota circa quam Sacramenti Penitentia. Hæc est communis apud Theologos, eamque apertè docet Concilium Tridentinum *sess. 14. cap. 1.* ubi cum recendisset Sacramenti Penitentia institutionem, statim subdit: Quo tam insigni facto, & verbis tam perspicuis potestatem remittendi, & retinendi peccata, ad reconciliandos fideles post Baptismum lapsos Apostolis, & eorum legitimis Successoribus fuisse communicatam, universorum Patrum consensus semper intellexit, *Et cap. 2. aperiens discrimen Sacramenti Penitentia à Baptismate, ex parte Ministris, ait:* Constat certè Baptismi Ministrum Judicem esse, non oportere, cum Ecclesia in neminem iudicium exerceat, qui non prius in ipsam per Baptismi januam fuerit ingressus: *Quid enim mihi, inquit Apostolus, de iis, qui foris sunt iudicare?* Secus est de domesticis fidei, quos Christus D. lavacro Baptismi sui corporis membra semel effecit: nam hos, si se postea crimine aliquo contaminaverint, ante hoc tribunal tanquam reos sisti voluit, ut per Sacerdotum sententiam non semel, sed quoties ab admissis peccatis ad ipsum penitentes confugerint, possent liberari, unde subdit circa finem capituli: Est autem hoc Sacramentum Penitentia lapsis post Baptismum ad salutem necessarium, ut nondum regeneratis ipse Baptismus. Quibus verbis Concilium apertè significat sola peccata post Baptismum rite susceptum commissa, esse materiam remotam Sacramenti Penitentia.

Hujus utique veritatis ratio nulla subijci potest à priori, quam Christi

D. voluntas, quæ nobis per Ecclesie sententiam, & doctrinam innotescit: à posteriori verò confirmari potest hæc assertio ex iis encomiis, quibus SS. Patres Penitentia Sacramentum celebrant, maxime cum ipsum appellant secundam post naufragium tabulam; quo significant hoc Sacramentum, dumtaxat esse institutum in subsidium eorum, qui recuperata animæ sanitate, & comparato Innocentia portu, iterum se se peccati naufragio mittunt.

Secundam partem, nempe quod omnia omnino peccata post Baptismum commissa per Penitentiam deleri possint, jam constat ex iis quæ diximus de efficacia penitentia virtutis: idque apertè docet ibidem Concilium Tridentinum *can. 5.* ubi ait: *Dominus noster Iesus de terris ascensurus ad eos, Sacerdotes suisque Vicarios reliquit, tanquam Præfides, & Judices, ad quos omnia mortalia crimina deferantur in quæ Christi fideles ceciderint, qui pro potestate clavium remissionis, aut retentionis peccatorum sententiam pronuntiant.* Patebunt hæc fusiùs ex dicendis de virtute clavium, & virtute absolutionis.

CONCLUSIO SECUNDA.

Actus Penitentis, nempe Contritio, Confessio, & Satisfactio sunt materia proxima, & partes Sacramenti Penitentia, non quidem essentialiter, sed integraliter. Hæc conclusio duabus maxime partibus constat, quas utique tradit, & edocet Concilium Tridentinum *sess. 14. cap. 3.* ubi cum dixisset, præcipuam vim Sacramenti Penitentia positam esse in illis verbis Ministris, *Ego te absolvo*; statim subiicit: Sunt autem materia hujus Sacramenti ipsius penitentis actus; nempe Contritio, Confessio, & Satisfactio, qui quatenus in penitente ad integritatem Sacramenti, & ad plenam, & integram Sacramenti perfectionem, ex Dei institutione requiruntur, hac ratione Penitentia partes dicuntur. Unde

Con. 4. sic definit: Si quis negaverit ad integram, & perfectam peccatorum remissionem, requiri tres actus in penitente, quasi materiam sacramenti Pœnitentiæ, videlicet Contritionem, Confessionem, & Satisfactionem, quæ tres Pœnitentiæ partes dicuntur, anathema sit. Quibus verbis Concilium apertè declarat tres illos penitentis actus non esse propriè materiam, ex qua componatur, & constituatur essentialiter Sacramentum Pœnitentiæ, sed quasi materiam, quia videlicet in eas maximè, & proximè tendit Sacramentalis absolutio; unde sunt equidem partes integrales ipsius Sacramenti Pœnitentiæ.

Quod autem non sint partes essentialiter, quibus videlicet Sacramentum Pœnitentiæ essentialiter constituatur, docet Doctor *dist. 16. qu. 1. n. 7. ubi ait*: De Pœnitentiæ Sacramento dico, quod ista nullo modo sunt partes ejus, quia ut dictum est *dist. 14.* Pœnitentiæ Sacramentum, est illa absolutio Sacramentalis facta certis verbis, &c. hujus autem nulla pars est Contritio, quæ est quoddam spirituale in anima; neque Confessio, quia nihil est ipsius sententiæ Sacerdotis, sed actus rei accusantis se, neque satisfactio, sed sequitur illam absolutionem Sacramentalem.

Hæc tamen tria ad Sacramentum Pœnitentiæ ad hoc, ut dignè recipiatur, requiruntur, vel prævia, vel sequentiæ. Simpliciter enim requiritur Confessio, quia Sacerdos non absolvit reum arbitrariè, nisi prius sibi reus fuerit accusatus in foro illo. Non est etiam utilis illa absolutio, nisi præcedat in continente aliqua Contritio, vel Attritio. Partes istius distinctionis patent ex dictis supra; sufficit enim quod aliqua displicentia licet informis præcedat, & tunc ille capax est absolutionis Sacramentalis & per illam fit Contritus. Satisfac-

tiō autem debet sequi Sacramentum Pœnitentiæ, ad hoc ut habeat efficaciam, & hoc in re, vel in voto, nisi Judex possit perpendere illas pœnas alias præcedentes, sufficere ad totalis pœnæ solutionem, &c.

Quibus verbis ut sit evidens Doctor non negat tres actus Penitentis esse necessario requisitos ad integritatem Sacramenti Pœnitentiæ; sed tantum quod non sint partes essentialiter, ex quibus illud constet. Siquidem Sacramentum Pœnitentiæ maximè supponit pro absolutione Sacerdotis, in qua potissimum ejus Sacramenti virtus consistit, ut docebat supra Concilium Tridentinum.

Insuper sæpe sæpius, imò ordinariè perficitur prius, non solum natura, sed etiam tempore; quàm impleatur Satisfactio, ac subinde satisfactio non potest esse materia intrinseca, & pars essentialiter componens sacramentum Pœnitentiæ, ac subinde nec habere propriè rationem materiæ, siquidem materia præcedere debet formam, aut certè illam comitari; Satisfactio autem ordinariè posterior est forma absolutionis.

Unde etiam signanter tres illi actus dicuntur à Concilio Florentino, & Tridentino, *quasi materia*, ut nempe significetur eos non esse propriè dictam materiam, quasi ex illis constare debeat hoc Sacramentum, quemadmodum Baptismus constat ex ablutione, & verbis.

Nec obstat, quòd Catechismus Concilii Tridentini agens de materia Sacramenti Pœnitentiæ n. 27. dicat: *Neque verò hi actus, quasi materia à S. Synodo appellantur, quia veræ materie rationem non habeant, sed quia ejus generis materia non sunt, quæ extrinsecus adhibeantur, ut aqua in Baptismo, & ebrietas in Confirmatione.* Hoc, inquam, non obstat; nam præter quàm quod Catechismus ille editus est, & compositus

maxima ex parte à Discipulis S. Thomæ, ut constat ex articulo secundo illius præfationis; ea dumtaxat ratione appellantur illi actus vera materia, non quod ex eis constituatur Sacramentum, tanquam materia ex qua essentialiter componatur sed tantum quod sint materia circa quam versatur; unde etiam signanter idem Catechismus appellat „illos actus partes integrantes, ait „enim nu.2. Hæ autem partes ex earum partium genere esse dicuntur, quæ ad aliquod totum constitutum necessariae sunt; quoniam, quemadmodum hominis corpus ex pluribus membris constat, manibus, pedibus, oculis, & aliis ejusmodi partibus, quarum aliqua si desit, merito imperfectum videatur, perfectum verò, si nulla desideretur; eodem etiam modo Pœnitentia ex hisce „tribus partibus ita constituitur, ut, „quamvis, quod ad ejus naturam attinet, Contritio, & Confessio, quibus homo justus efficitur, satis sit; tamen nisi tertia etiam pars, idest, „Satisfactio, accedat, aliquid ei omnino ad perfectionem desit, necesse sit.

„Quare adeo inter se hæ partes „connexæ sunt, ut Contritio confitendi, & satisfaciendi consilium, & „propositum inclusum habeat: Confessionem Contritio, & satisfaciendi „voluntas; satisfactionem verò duæ reliquæ antecedant. Hæc Catechismus, quibus verbis aperte significat, eatenus tres actus pœnitentis censeret partes Sacramenti Pœnitentiæ, quatenus ad ejus integritatem concurrunt. Quæ utique doctrina planè eadem est, quam tradit Doctor, ut liquet ex verbis suprà laudatis, ubi quamvis non dicat, eos actus hac ratione appellari posse partes Pœnitentiæ, istud tamen facile potest colligi ex ejus discursu.

Quare vix satis mirari possum, quomodo Lugo disp.12.num.78. ausus fue-

„rit scribere Scoti sententiam negantem illas partes esse intrinsecas, sed „solum requiri tanquam dispositiones „non pauci Theologi graviore censura illam afficiunt, nam Cajetanus „quæst.9. art.2. ait esse erroneam; alii „dicunt esse temerariam, alii plusquam temerariam: alii in bonum, „sensum convantur verba Scoti trahere, ut Angelus, qui dicit Scotum non negasse, illas esse partes intrinsecas, sed solum negasse esse propriè materiam, quod videtur juxta modum loquendi Concilii Florent. & Tridentiæ, ubi dicitur illa quasi materia. Alii dicunt Scotum velle, quod „Sacramentum non supponat in recto „pro illis actibus pœnitentis, sed solum pro absolutione, connotando „alias partes in obliquo. Alii, ut Vega lib.13. in Tridentinum cap.15. „quod Scotus non negat illas esse „partes integrales, sed solum negat „esse partes essentielles. Hæc tamen „explicationes difficilè aptantur Scoti „verbis, ut consideranti patebit. Ita Lugo. Verum apparet vel ipsum non legisse Doctorem, vel ejus mentem satis apertam non intellexisse dum negat, explicationem Vegæ non posse aptari verbis Doctoris: contrarium enim satis apertè constat ex ejus verbis mox laudatis.

Dicitur Sacramentum Pœnitentiæ institutum est per modum actus judicialis, ut colligitur ex Joan.20. & Matth. 18. & docetur à Tridentino sess. 14. cap.2. & 5. at judicium humanum intrinsecè constat, non solum ex sententia Judicis, sed ex aliis actibus judicialibus, scilicet accusatione, examine, confessione, & satisfactione rei: igitur Sacramentum Pœnitentiæ essentialiter etiam constat, non solum absolutione Sacerdotali, sed etiam ex actibus pœnitentis seipsum accusantis, & per convenientem dolorem conceptum de peccatis seipsum quodam modo defendentis

tis apud Deum; ac tandem per satisfactionem refarciens irrogatam Deo per peccatum injuriam, & offensam.

Nego minorem: Judicium enim humanum essentialiter, & in recto solum dicit sententiam Judicis, per quam absolvitur, vel condemnatur reus; aliqua vero connotat in obliquo, tanquam necessario prærequisita, ut iusta sententia possit proferri. Unde quemadmodum sententia in judicio humano sola significat absolutionem, vel condemnationem: ita similiter in judicio Sacramentali sola sententia Sacerdotis significat remissionem peccatorum, & per consequens ipsa causat remissionem peccatorum; quia proprium est Sacramentis causare, quod significant. Quæ utique responsio firmatur ex Concilio Tridentino sess. 13. cap. 6. ubi solam absolutionem vocat actum judiciale: *Quamvis*, inquit, *absolutio Sacerdotis beneficii sit dispensatio, tamen non est nudum solum ministerium, vel annuntiandi Evangelium, vel declarandi remissa esse peccata; sed ad instar actus judicialis, quo ab ipso velut Judice sententia pronuntiatur.* Similiter Can. 9. *Si quis dixerit Absolutionem Sacramentalem Sacerdotis non esse actum judiciale ... anathema sit.*

Dicitur secundò: Sacramentum Pœnitentiæ institutum est per modum reconciliationis; unde aliquando hoc nomine solet appellari: sed reconciliatio constat ex voluntaria utriusque partis quasi revocatione non solum ex parte offensis, sed etiam ex parte offendentis, qui eo ipso retrahat offensam: igitur Reconciliatio, quæ fit in Pœnitentia, non solum constat ex actu Sacerdotis, qui gerit vices Dei offensis, sed etiam ex actibus pœnitentis.

Nego minorem: Revocatio enim offendentis est tantum quid prævium, seu dispositivum ad revocationem partis læsæ, in qua utique revocatione partis læsæ priorem sententiam de puniendo offendente rescindens, & of-

fensam condonantis, formaliter stat reconciliationis, seu remissionis offensæ; ac subinde actus pœnitentis, maxime Confessio, & Contritio sunt equidem prævia dispositiones ad reconciliationem peccatoris cum Deo: hæc autem reconciliatio formaliter consistit in ipsa absolutione Sacerdotis condonantis offensam vice, & autoritate Dei: Quam utique responsum approbat Concilium Tridentinum sess. 14. cap. 4. ubi loquens de Contritione, quæ est nobilior pœnitentis actus, ait: *Fuit autem quovis tempore ad impetrandam veniam peccatorum, hic Contritionis motus necessarius, & in homine post Baptismi lapsu, ita demum preparat ad remissionem peccatorum, si cum fiducia divinæ misericordiæ, & voto præstanti reliqua conjunctus sit, quæ ad vitæ suscipiendum hoc Sacramentum requiruntur.* Docet itaque Concilium Contritionem solum preparare ad remissionem peccatorum, & gratiæ collationem; ac subinde non habere rationem partis essentialis Sacramenti, ut enim esset pars essentialis, non solum deberet disponere, sed reverà significare, & conferre gratiam, & remissionem peccatorum ex opere operato; siquidem pars essentialis Sacramenti non aliud est, quam practica significatio gratiæ, id est, significatio, & efficientia gratiæ; & ideo quod gratiam non efficit, neque Sacramentum est, neque pars essentialis Sacramenti.

Urgebis: Non solum absolutio Sacerdotalis, sed etiam actus pœnitentis significat illam remissionem: nam signa Contritionis, sunt etiam signa interioris remissionis, & per Confessionem significatur, quod sicut peccata exterioris manifestantur; ita etiam ab anima ipsa excludantur: Satisfactio etiam apertè significat remissionem pœnæ peccatis debitæ: igitur tres illi actus pœnitentis sunt veræ partes essentielles Sacramenti.

Nego minorem: Contritio enim, Conf-

fessio, & Satisfactio non magis significat remissionem peccatorum, quam oratio verbi gratia, qua homo gratiæ auxilium exorat, ad debite hoc Sacramentum suscipiendum : Sola itaque Absolutio Sacerdotalis est, quæ formaliter significat, & efficit gratiam remissionis peccatorum; quemadmodum in iudicio humano, accusatio non assumitur ad significandam remissionem, sed ad informandum Iudicem de causa, qui pro sua potestate secundum æquitatem absolutionis, aut condemnationis sententiam profert; quæ proinde sola significat remissionem, aut condemnationem. Concludendum est ergo cum nostro Vega; qui interfuit Concilio Tridentino, lib. 13. de justificatione cap. 15. Verissimum est, quidquid alii fenciant, quoddam Doctor subtilis, & communis Nominalium. Schoia defendit, solius Absolutionis virtute, peccatoribus conferri gratiam pœnitentibus: Nam claves solis Sacerdotibus collatae sunt, & soli ipsi debent remittere peccata, & per eorum Absolutionem confertur gratia confessis; absentibus omnibus aliis actibus ipsorum pœnitentium, & sola absolutio est signum gratiæ, & gratia ratione aliorum actuum concessa, datur propter opus operantis

*Urgebis: Concilium Tridentinum
fess. 14. c. 3. ait: Docet pratered S. Syn-
odus Sacramenti Pœnitentie formam, in
qua præcipue ipsius vi sita est, in illius
Ministri verbis posita esse, Ego te ab-
solvo, &c. Igitur supponit Concilium
aliquam vim Sacramentalem esse in
materia, nempe in actibus pœnitentis.*

Respondet, meritò Concilium dixisse precipuam vim esse in forma Absolutionis; quoniam scilicet tota vis, quæ est in actibus penitentis, non est propriè Sacramentalis: alioquin sequeretur, quod ipse penitens esset partialis Minister hujus Sacramenti, idque præcipuus; siquidem plures partes Sacra-

menti fubjiceret, quàm Sacerdos: hoc autem dici nequit; quippe cùm omnis Minifter Sacramenti diftinguatur à fufcipiente, & infuper folus Sacerdos à Conciliis Florentino, & Tridentino dicatur huius Sacramenti Minifter.

Ex his sequitur, quòd si Sacramentum Pœnitentiæ accipiatur secundùm vulgarem, & communem significationem, illius partes sunt Contritio, Confessio, & Satisfactio; si verò accipiatur in strictiori significatione, & quatenus formaliter est signum prœdictum gratiæ sola Absolutio habet rationem Sacramenti, quia Absolutio est, in qua principaliter refidet sacra Dei virtus, absolvens pœnitentem à peccatis, & conferens ei gratiam, per quam absolvitur à peccatis, quibus prius ligatus tenebatur. Unde merito subtilis Doctor d. 14. Sacramentum Pœnitentiæ sic describit; *Pœnitentia est Absolutio hominis pœnitentis facta certis verbis, cum debita intentione prolatis à Sacerdote iurisdictionem habente ex institutione divina efficaciter significantibus Absolutionem animæ à peccato. Quæ utrique definitio, quamvis paulò longior videatur, nihilominus nullam omnino particulam superfluum continet, ut patebit singulas illius partes ponderanti. Interim si brevior definitio queratur, hæc poterunt subjici, quas profert noster Rosco disp. 7. sect. num. 4. Pœnitentia est Sacramentum, quo Sacerdos tanquam Judex, confitenti eum debito dolore, confert remissionem peccatorum, cum onere satisfaciendi. *Vel se:* Sacramentum pœnitentiæ est, signum efficax gratiæ remissivæ peccati post Baptismum commissi. *Aliter.* Est Sacramentum remissivum peccati per modum Judicii. Vel hanc clariorem subjicio: Pœnitentia est Absolutio peccatorum debite confessorum.*

Sequitur secundò Pœnitentiam supponere pro Absolutione Sacerdotali, ut docet Doctor dist. 16. quæst. 1. num. 7.

THE

Tum quia (inquit Vega lib. 13. in Concilium Tridentinum cap. 15.) Sacramentum Pœnitentiæ, est signum gratiæ, non prognosticum, hoc est, gratiæ futuræ; neque rememorativum, hoc est, gratiæ præteritæ, sed demonstrativum, hoc est, gratiæ quæ in præsentem conferatur. Confessio autem, aut Contritio non sunt signa demonstrativa gratiæ; siquidem Confessio non connotat gratiam præsentem, sed tantum formaliter est peccatorum declaratio, & accusatio. Similiter Contritio si sit imperfecta, seu dumtaxat Attritio, est tantum dispositio ad gratiam sacramentalem. *Tum quia* sola Absolutio significat remissionem, quæ est effectus hujus Sacramenti: Ergo ipsa Absolutio, non verò Contritio, aut Confessio habet perfectam rationem Sacramenti. *Tum denique*, quia ex Concilio Tridentino sess. 14. cap. 3. præcipua vis sacramenti Pœnitentiæ consistit in Absolutione; ac subinde Absolutio primum obtinet in hoc Sacramento.

QUÆSTIO TERTIA.

Quenam sit forma Sacramenti Pœnitentiæ.

Notandum primò, quòd cum Sacramenta novæ legis constare, debeant materia, & forma, sive strictè, sive minùs propriè dicta; inde fit, quòd etsi essentia sacramenti Pœnitentiæ formaliter sumpta consistat in Absolutione sacerdotali, nihilominus cum ad illud etiam concurrant actus pœnitentis, qui se habent per modum materiæ; hinc est, quòd verba hujus Absolutionis dicantur forma hujus Sacramenti; quia videlicet per Absolutionem actus pœnitentis determinantur ad Sacramentum conficiendum; sic enim definit Concilium Florentinum in Decreto Eugenii, dicens: *Forma hujus Sacramenti sunt verba Absolutionis, quæ Sa-*

cerdos profert, cum dicit: Absolvo te, &c. Similiter Tridentinum sess. 14. c. 3. *Docet sancta Synodus sacramenti Pœnitentiæ, formam . . . in illis Ministris verbis positam esse: Ego te absolvo; quibus quidem de Ecclesiæ sancta more: preces quadam laudabiliter adiunguntur, ad ipsius tamen formæ essentialis nequaquam spectant, neque ad ipsius Sacramenti administrationem sunt necessariae.*

Preces illæ sunt: *Misereatur tui omnipotens Deus, & dimissis peccatis tuis, perducatur te ad vitam æternam. Amen. Dominus noster Iesus Christus te absolvat, &c.* Et hæc quidem preces verbis essentialibus præmittuntur; postponuntur autem: *Passio Domini nostri Iesu Christi, merita beatae Mariæ Virginis, & omnium Sanctorum, quidquid boni feceris, & mali sustinueris, sint tibi in remissionem peccatorum, in augmentum gratiæ, & præmium vite æternæ. Amen.*

Notandum secundò cum Doctore subtili in 5. dist. 14. quæst. 4. num. 4. quòd in Sacramento Pœnitentiæ non requirantur verba ita præcisa, & determinata ad ejus consecrationem, sicut in Baptismo, & Eucharistia: Quia, inquit Doctor, Sacramentum hoc institutum est per modum Judicii: sententia autem potest à Judice ferri quibuscumque verbis, dummodo Judicis mentem exprimant: Quare, inquit Doctor, non est necesse esse ita præcisa verba in isto Sacramento, sicut in Baptismo, vel Eucharistia, quia sufficit, quòd exprimitur actus sententiæ absolventis; sicut & in iudicio publico non oportet esse limitata verba: Ait enim unus de Theodoro Martyre, *Iubeo ignibus tradi. Alter de Cypriano sancto, gladio animadverti placet.* Communiter tamen ista verba sunt apta: *Ego te absolvo;* quæcumque alia præmittantur, vel consequantur secundum diversam consuetudinem in-

„ diversis Ecclesiis . Quibus verbis significat Doctor, quod quæcumque forma, seu verba, per quæ significatur, & explicatur remissionem peccatorum fieri autoritative, & per modum iudicii, ac sententiæ, erit sufficiens forma huius Sacramenti, in quo Minister officium implet iudicis, & cum autoritate sententiam Absolutionis profert; nihilominus preferenda sunt ea verba, quæ communiter præscribit, ac profert Ecclesia, nempe: *Ego te absolvo à peccatis tuis in nomine Patris, & Filii, & Spiritus sancti*. Utrum autem omnes illius Absolutionis particule, ita necessariò debeant proferri, ut si omitteretur aliqua, invalida foret Absolutio, determinandum erit in sequentibus .

Notandum tertio, Theologos variat ire in sententias circa sensum, ac genuinam significationem illorum verborum, *Ego te absolvo* : Primò namque *Abulensis* i. p. sui Defensorii cap. 5. & 6. dicit, quòd improprie suppletur verbum „ *absolvo*; quia, *inquirit*, propriè loquendo, nec Sacerdos, imò nec Deus absolvit à culpa, vel à pœna peccati . „ *Tum*, quia Scriptura nusquam dicit, „ quòd peccata solvantur, sed quòd dimittantur, deleantur, &c. *Tum*, quia „ peccata non sunt propriè vincula, „ nec consequenter homo eis ligatur, „ aut ab eis solvitur: *Tum*, quia homo, „ non potest absolvi à culpa, quæ jam „ præcessit, nec à pœna, quæ nondum „ advenit; sed dumtaxat à reatu pœnæ, „ ad quam subeunda homo propter „ peccatum obligatur. *Verum* illa sententia merito rejicitur ab omnibus Theologis : *Tum*, quia contradicit Scripturæ, quæ peccatorum remissionem explicat ad modum solutionis: Sic *Isayæ* 58. *Dissolve obligationes impietatis, &c.* Et *Matth.* 16. *Quodcumque solveris super terram, erit solutum, & in celo*. *Tum* quia docere videtur, quòd transacto peccato solum remaneat reatus pœnæ, à quo dumtaxat homo absolvitur .

Secundò: Non videtur etiam probanda sententia Nominalium, maxime Gabriellii, asserentis horum verborum, *Absolve te*, sensum hunc esse: Ego eximo te ab obligatione subiiciendi peccata tua clavibus Ecclesiæ: remittere enim peccatum non est dumtaxat relaxare obligationem confitendi peccatum . Adde quòd illa Absolutio foret nulla, quando quis solum confitetur peccata venialia, vel alia jam confessa, & remissa, siquidem etiam ante Absolutionem pœnitens erat liber ab obligatione alla peccata confitendi .

Tertio, non etiam probatur explicatio Hngonis à S. Victore asserentis, hæc, *Absolve te*, significare remitto tibi pœnam æternam pro culpa debitam; hæc enim Absolutio verba Christi D. & formæ Absolutionis detorquet in sensum improprium; etenim pœna non est peccatum, licet ex peccato oriatur: unde remittere peccatum, non est dumtaxat relaxare pœnam peccatis debitam, nec etiam hæc verba, *Absolve te*, significant solutionem à pœna tēporali debita peccatis, ut volunt Alensis, & S. Bonaventura : *Tum*, quia, ut mox dictum est, remittere propriè peccatum, non est tantum relaxare pœnam ipsi debitam: *Tum*, quia fieri potest, ut quis cum tanta Contritione accedat ad sacramentum Penitentiae, ut virtute illius Contritionis relaxetur tota pœna temporalis .

Similiter non probatur modus dicendi sancti Thomæ 3. p. quæst. 84. art. 3. ad 5. ubi rejecto modo explicandi Magistri sententiarum, addit: *Efficit autem perfectior expositio: Ego te Absolvo, id est, Sacramentum Absolutionis tibi impendo*. Hæc enim explicatio videtur nugatoria, quia idem per idem significat: Insuper in aliis Sacramentis verba formæ non significant collationem Sacramenti, sed applicationem materie, vel aliquid aliud: *Tum*, quia verba Sacramentalia usurpari debent in eadem signi-

significatione, quam ex hominum institutione habent in humano sermone; non enim possunt significare, nisi id, ad quod significandum sunt instituta; & ideo illa vox, *ego*, & illa vox *te*, idem significant intra, & extra Sacramentum; sed hæc verba, *Ego te Absolvo*, ex hominum institutione non habent significare seipsa per significationem reflexam; sed aliquid distinctum ab ipsis: ergo nec Sacramenta significant directe seipsa, sed aliquid aliud: quod maxime apparet ex formis aliorum Sacramentorum; nulla enim est quæ reflexè seipsam significet, sed vel materiam, vel effectum: forma enim Baptismi non significat impendo tibi Sacramentum Baptismi; sed applico tibi aquam quæ est symbolum absolutionis interioris animæ à peccato.

Conferem igitur verba illa, *Absolve te*, idem significare; ac remitto tibi peccata, & commissa; hæc enim cadit in omnia prorsus peccata, non solum mortalia, & venialia, quæ actu remittuntur, sed etiam in peccata jam confessa; & remissa: quoniam, ut dicemus agendo de confessione peccatorum jam remissorum, in penitente, quantumvis peccata ei fuerint condonata, semper remanet aliquis reatus indignitatis, qui per iteratam Absolutionem minuitur; quia per frequentem iterationem sacramenti Pœnitentiæ homo minus fit indignus Dei beneficiis, & amicitia.

His ita prænotatis, duo occurrunt hac in questione determinanda: *Primum*, utrum, & quæ verba necessaria sint ad formam sacramenti Pœnitentiæ: *Secundum*, utrum ea forma ita necessaria debeat verbis proferri, ut data scripto absenti aut præsentī esset invalida.

CONCLUSIO PRIMA.

Sola verba, ABSOLVO TE, sufficiunt ad essentiam sacramenti Pœnitentiæ. Hæc est communior cum subtili Doctore loco in secundo notabili laudato, & Angelico quæst. 34. art. 3. quibus favent

Tom. X.

Concilia Tridentinum, & Florentinum in primo Notabili laudata; ubi dumtaxat pro forma sacramenti Pœnitentiæ annotant hæc verba: *Ego te absolvo*. Nec obstat quod scripserint particulā, (*Gr.*) Nam præterquam quod in aliquibus Editionibus Concilii Florentini illa particulā non reperitur; ideo hanc particulam subijciunt Concilia, non ut denotent cætera verba, quæ in formula Absolutionis adjici solent, esse necessaria ad ejus essentiam, sed quod ad illius perfectam significationem; & explicationem conferant: & illa necessaria sint proferenda, saltem ex præcepto Ecclesiæ.

Adde quod etiam si eas omnes particulas, nempe à peccatis tuis in nomine Patris, & Filii, & Spiritus sancti declarant: sicut expresserunt, *Ego te absolvo*, adhuc non esset consequens, omnes eas esse de necessitate Sacramenti. Nam Concilium Florentinum formam sacramenti Confirmationis expressit his verbis: *Signo te signo crucis, & confirmo te chrismate salutis, in nomine Patris, & Filii, & Spiritus sancti*. Similiter formam Sacerdotii declaravit his verbis: *Accipe potestatem offerendi sacrificium in Ecclesia pro vivis, & mortuis, in nomine Patris, & Filii, & Spiritus sancti*: Et tamen in disp. de Sacramento Confirmationis, & Ordinis demonstrabimus explicitam invocationem sanctissimæ Trinitatis ad ejusmodi Sacramentorum formam non esse absolute necessariam.

Huic veritati adtipulatur Cathéchismus S. Pii V. & Conc. Trid. decreto editus, qui proferens formā sacramenti Pœnitentiæ, hæc habet, num. 19. *Est autem forma, Ego te absolvo: quam non solum ex illis verbis licet colligere, Quæcumque solveritis super terram, erunt soluta, & in cælis: sed ex eadem Christi D. doctrina, quam ab Apostolis traditam accepimus.*

Nec obstat, quod tam Concilia, quam Cathéchismus præmittant particulam,

P p p

Ego:

Ego: communis enim Doctorum sententia est, illam non pertinere ad essentiam formæ; cùm per ejus omissionem, sensus, qui intenditur à Christo, & Ecclesia, sufficienter intelligatur in verbo *Abfolvo*, quod idem est, ac *Ego absolvo*; ut in simili diximus de eadem particula, quæ omitti potest in forma Baptismi.

Porro hujusce veritatis rationem congruam exprimit Doctor verbis in secundo Notabili laudatis, nempe quòd sacramentum Pœnitentiæ administratur per modum judicii; in judicio autem humano sufficit, quod exprimitur actus sententiæ absolventis; nec enim opus est, quòd proferatur species delicti, à quo reus absolvatur, vel propter quod condemnatur: neque necesse est exprimi, qua auctoritate Judex absolvat, aut condemnet; ordinaria, an delegata; principali, an secundaria, seu ex commissione: igitur pati ratione sufficet in judicio Sacramentali, quod exprimitur actus sententiæ absolventis, nec opus est exprimere delictum, à quo pœnitens absolvitur: nec qua auctoritate id fiat; ac subinde non erit necesse ad essentiam hujus formæ, addere illa verba, *à peccatis tuis, in nomine Patris, &c.*

Confirmatur: Sicut enim à simili in oratione Dominica dicimus: *Sicut, & nos dimittimus debitoribus nostris*, non adjicientes, quid eis dimittamus, & sicut Joan. 1. r. Christus D. Apostolis loquens de Lazaro, dumtaxat ait: *Solve eum, & finite abire*: neque judicavit opus esse adjicere, à *vinculis, quibus illigatur*. Similiter, in vulgari sermone, qui offensam passus est, dum eam vult remittere, sufficit quòd dicat, *Condonotibi, vel remitto tibi*, quia per illa verba sufficienter intelligitur remittere, & condonare offensam; ita à simili Sacerdos loquens nomine Dei, cùm ait: *Ego remitto tibi*; vel *absolvo te*, sufficienter significat remissionem of-

fensæ, vel debiti ex peccato resultantis.

Denique ea verba sufficiunt ad essentiam formæ Absolutionis Sacramentalis, quæ principalem effectum Sacramenti significant; sed sola verba, *Abfolvo te*, significant principalem effectum sacramenti Pœnitentiæ, nempe remissionem peccatorum: igitur, &c. Major constat; quia proprium est essentiam Sacramentorum novæ legis id efficere, quod significant; ac subinde ea verba sufficient ad essentiam sacramenti Pœnitentiæ, quæ sufficienter ejus effectus declarabunt. Minor verò suadetur; verba enim Sacramentorum habent suam determinatam significationem ex circumstantiis adjunctis; unde quamvis illa verba, *Abfolvo te*, videantur indeterminata, & indifferentia ad significandam absolutionem, cujuscumque delicti, vel in foro civili, vel Sacramentali; nihilominus dum proferuntur super pœnitentem, qui sua peccata coram Sacerdote deposuit, determinantur ad significandam absolutionem ab ejusmodi peccatis per Sacerdotem, ut Judicem vice Christi factam; quæ est principalis effectus hujus Sacramenti.

Dices primò: Illa verba non sufficiunt ad essentiam formæ Sacramenti, quæ determinatè, & explicitè non expriment effectum Sacramenti: sed illa verba, *Abfolvo te*, non significant determinatè effectum sacramenti Pœnitentiæ; siquidem indifferentia sunt ad significandam Absolutionem, vel à peccatis, vel ab excommunicatione, & aliis censuris: ergo necessum est, ut determinetur per sequentia verba, à *peccatis tuis*.

Nego minorem: Nam, ut mox diximus, licèt præfata verba ex se videantur indifferentia ad significandum tam Absolutionem à censuris, quàm à peccatis, maximè quando pœnitens pluribus vinculis simul est contrictus, putà vinculis excommunicationis, aut alterius censu-

suræ; necnon, & vinculo reatus culpæ, & pœnæ: tamen ubi proferuntur super pœnitentem, qui confessus est peccatum sacramentaliter, scilicet in ordine ad obtinendam Absolutionem à vinculo reatus culpæ, & pœnæ, in quem solum reatum solvendum propriè cadit Sacramentalis Absolutio (siquidem effectus hujus Sacramenti non est propriè solutio à vinculo excommunicationis, & alterius censuræ; sed tantum à vinculo reatus culpæ, & pœnæ) hinc eo ipso, quòd Sacerdos, audita Confessione pœnitentis, administrat sacramentum Pœnitentiæ per ista verba, *Absolve te, perfectè*, ac determinatè significat, se absolvere à peccatis quoad culpam, & pœnam: non autem à vinculo excommunicationis, aut alterius censuræ: igitur significatio verbi *Absolve*, ex prævia Confessione Sacramentali, & intentione Sacerdotis, satis determinatur ad absolutionem à vinculo culpæ, & pœnæ.

Instabit: Si verba formæ determinari debeant per præviam Confessionem, Sacramentalem, consequens est, quòd illa confessio sit pars essentialis Sacramenti, siquidem concurrat ad determinationem formæ, & Absolutionis, in qua præcipua hujus Sacramenti virtus consistit: sed hoc est contra assertum in præcedenti quæst. in qua diximus, actus pœnitentis non esse partes essentielles hujus Sacramenti: igitur alterutra nostra assertio est falsa.

Nego sequelam majoris, & ejus rationem distingo: Prævia Confessio concurrat ad determinationem formæ per modum alicujus intrinseci, quasi esset pars illius orationis, qua forma Sacramentalis exprimitur, nego: Concurrat per modum alicujus extrinseci, & circumstantiæ, vel potius materiæ, per quam verba Sacramentalia habent significationem Sacramentalem, concedo: quamvis enim verba formæ Sacramentorum determinatè designare de-

beant materiam, tamen contingit interdum, quòd ipsa materia concurrat ad determinationem verborum: verbum enim *baptizo* v.g. in forma Baptismi, non habet ex se, quòd significet ablutionem fieri in aqua naturali, quod tamen requiritur ad essentiam sacramenti Baptismi; sed id dumtaxat obtinet ex determinatione ipsius materiæ, quæ non est vinum, aut alius liquor, sed tantum aqua naturalis. Unde quamvis ipsa forma potius determinet materiam, quàm vice versa; hinc tamen non excluditur omnis omnino determinatio materiæ respectu formæ; licet principalis determinatio competat formæ; quod etiam fit in hoc Sacramento, in quo forma si non sola, saltem præcipuè significat, & causat remissionem peccatorum.

Urgetur: Si illa verba, *absolve te*, sufficiant ad formam, & essentialem significationem hujus Sacramenti, sequitur, quòd eis prolatis, quæcumque postmodum verba omittantur, aut proferantur, infallibiliter ponatur Sacramentum, & ejus effectus, nempe solutio peccatorum: sed id videtur falsum; enimverò si prolatis illis verbis, *absolve te*, Sacerdos statim adjiceret *ab alienis peccatis*, aliena prorsus esset significatio; ac subinde nullus esset Sacramenti effectus: igitur essentia Absolutionis non solum consistit in illis verbis, *absolve te*: sed necessario adjici debent illa verba, *à peccatis tuis*.

Nego minorem, & ad ejus probationem dico, quòd si verba, *absolve te*, proferat Sacerdos super pœnitentem, cum legitima intentione eum absolventi à peccatis commissis, tunc valida est Absolutio, licet post prolata illa verba intentionem mutans, adjiciat hæc verba, *à peccatis alienis*: si autem ab initio prolationis habuit intentionem proferendi hanc orationem integram, *absolve te ab alienis peccatis*,
P p p 2 Abso-

Absolutio prorsus est invalida; quippe cum sit contra ritum, & formam hujus Sacramenti.

Dices secundò: Ea verba sunt de essentia hujus Sacramenti, quæ Christus illud instituendo protulit: at Christus instituendo sacramentum Pœnitentiæ, meminuit peccatorum: igitur, &c. Major constat: Ideo namque Ecclesia censet invocationem Trinitatis esse necessariò, & essentialiter prærequisitam ad formam Baptismi: quia Christus Apostolos delegando, ut baptizarent, ait: *Baptizantes eos in nomine Patris, &c.* Minor etiam constat ex verbis Joan. 20. Christus enim ait: *Quorum remisistis peccata, remittuntur eis.*

Nego majorem: Nec enim omnia verba, quæ Christus Dominus protulit instituendo Sacramenta, sunt de essentia illorum formæ; alioqui dum Sacerdos pœnitentem absolvit, proferre deberet præfata verba, *Quorum remisistis peccata, remittuntur eis;* nec usurpare deberet verbum *absolvo*, sed proferre, Remitto tibi peccata; quippe Christus D. non meminuit verbi *absolvo*, sed dumtaxat, *remitto*.

Ad ejus probationem nego paritatem; cum enim in Baptismate fieri debeat professio fidei, & idcirco expressa, & distincta debuerit esse invocatio sanctissimæ Trinitatis; quæ utique non intelligitur sub illo verbo *baptizo*; ideo necessariò fuit usurpanda illa invocatio explicita sub iisdem verbis, quibus eam Christus Dominus expresserat; secus autem est in sacramento Pœnitentiæ: nam (ut diximus) verbum *absolvo*, prævia confessione peccatorum, satis determinatè, & explicitè significat peccata prius confessa, ut non opus sit eorum expressam mentionem fieri: ideo autem Christus Dominus hoc Sacramentum instituendo, meminuit remissionis peccatorum, ut videlicet significaret Apostolis, quænam esset materia illius Sacramenti, ne fortè si dixisset fo-

lum; *Quorum remisistis*, non addi-
ciendo *ly peccata*, existimarent ipsam
eis dedisse potestatem solvendi que-
cumque vincula, sicut videbatur pro-
misisse, quando dixit: *Quicumque*
solveritis super terram; nulla autem
apparet ratio, cur expresserit, nomina
Patris, Filii, & Spiritus sancti in Ba-
ptismate, nisi quia significare volebat,
illa verba esse necessariò usurpanda in
forma Baptismi.

Ex his itaque sequitur, non esse ve-
rum, quod docet Durandus in 3. dist. 22.
qu. 2. & cum eo Gerfon alphabeto 33.
necnon & Concilium Colonienſe in
Enchiridio, tit. de Pœnit. nempe omnia
hæc verba, *Absolvo te à peccatis tuis in*
nomine Patris, &c. esse de essentia forme
Absolutionis. *Nec etiam* probanda
est sententia Gabrielis dist. 24. quæst. 2.
asserentis ad formam absolutionis ne-
cessaria esse illa verba, *Absolvo te ab*
omnibus peccatis tuis. Non est pariter
admittenda sententia eorum, qui di-
cunt cum Petro Soto lect. 4. de Confess.
saltem illa verba, *Absolvo te à peccatis*
tuis, esse de essentia: *Nec tandem* pro-
banda est eorum doctrina, qui cum
eodem Soto in 4. dist. 22. quæst. 2. art. 1.
volunt, quòd in casu necessitatis suffi-
ceret proferre verbum; *absolvo*, atque
eo quòd designatur persona absolven-
da: nam, ut diximus, cum verbum
absolvo sit indifferens, necessariò deter-
minari debet ad significationem Sacra-
mentalem per personam pœnitentem, &
confessam sua peccata.

Patet etiam secunda pars, nempe
quòd illa forma sacramenti Pœnitentiæ
exprimi possit quibuscunque verbis ac-
tuum juridicum absolutionis Sacerdo-
talis significantibus: nam, inquebat
Doctor in primo notabili, in isto Sacra-
mento sufficit, quòd exprimaturs actus
sententiæ absolventis, & in judicio pu-
blico non oportet esse limitata verba,
&c. Cum igitur sola mutatio essentia-
lis; & quæ sensum omnino diversum
ef-

efficit: invalidum efficiat Sacramentum: de essentia verò Sacramenti Pœnitentiæ tantum sit, ut proferatur per modum actûs judicialis; inde sit, quòd quibuscunque verbis judicialem sententiam, exprimentibus utatur Sacerdos in formâ Absolutionis, Sacramentum erit validum; unde valida esset Absolutio, si Sacerdos diceret: *Solvo te à peccatis, vel dimitto, aut remitto tibi peccata tua.*

Quod utique maximè confirmatur Tum exemplo Christi, qui ejusmodi verbis usus est, dum meminit sacramenti Pœnitentiæ: nam Joan. 20. ait: *Quorum remisistis, remittantur eis*, utque ait Matth. 18. *Quaecunque solveritis super terram, erunt soluta, & in cælo.* Et Petro Matth. 10. *Quodcunque solveris super terram, erit solutum, & in cælo.* Tum quia ipse Christus adumbrans Marci 2. Matth. 9. Lucæ 5. quod acturus erat in Sacramento Pœnitentiæ, postea dicit paralytico: *Fili remittuntur tibi peccata tua.* Id est, ego remitto tibi peccata tua: *Dixerunt enim intra se Pharisei, & Scribæ: His blasphematur, quis potest dimittere peccata, nisi solus Deus?* Et cum vidisset Jesus cogitationes eorum, eas non arguit, sed paraclytici sanatione, confirmat. *Ut sciatis, inquit, quia filius hominis habet potestatem in terra dimittendi peccata, tunc ait paralytico: Surge, tolle lectam tuam, & vade in domum tuam.* Et statim surrexit, & abiit inde coram omnibus in domum suam. At idem in persona Christi dicere possunt, & donare Presbyteri ministerialiter, & instrumentariè, quod autoritate per excellentiam Christus dixit, & donavit. Nihilominus, ut observat Doctor loco supra laudato, proferenda est formula præscripta ab Ecclesia, his verbis: *Ego te absolvo, &c.* nec eam citra peccatum licet immutare.

QUÆRES, *Utrum Sacerdotis manûs impositio super pœnitentem necessaria sit in hoc Sacramento?*

Respondeo, eam non esse absolute necessariam; tum quia nec ex Scriptura, nec ex Traditione; neque ex ulla ratione colligitur ejusmodi necessitas. Non quidem ex Scriptura: nam quoties Christus Dominus hujus Sacramenti mentionem fecit, nullatenus meminit hujus manuum impositionis; ut apparet ex omnibus oraculis jam laudatis. Non etiam ex Traditione; siquidem neque SS. Patres, neque Concilia hujus necessitatis meminerunt, nisi dumtaxat quando publicè pœnitentes cum Ecclesia erant reconciliandi, & ab ulteriori publica Pœnitentia solvendi, quo utique in casu fiebat quidem manûs impositio, Verùm ista Absolutio non erat Sacramentalis, sed dumtaxat reconciliatoria; quod optimè colligitur ex Concilio Arausico primo cap. 3. ubi legimus: *Qui recedunt de corpore, Pœnitentia accepta, placuit sine reconciliatione, manûs impositionem eis communicare; quod morientis sufficiat reconciliationi: si supervixeris, flet in ordine Pœnitentium, ut offensis necessariis Pœnitentiæ legitimam communionem cum reconciliatoria manûs impositione recipias.* Similiter in Carthaginensi quarto Can. 79. *Pœnitentes, qui in infirmitate viaticum acceperint, Eucharistia non sit credant absolutos sine manûs impositione, si supervixerint?* Consent igitur ejusmodi Concilia, illam manuum impositionem non esse absolute necessariam ad hujus Sacramenti licitam, & validam administrationem; quippe cum moribundi absque ea absolvi possint.

Denique, ratio Theologica in contrarium militat; siquidem manûs impositio ideo fit in Sacramentis Ecclesiæ, ut designetur copiosus gratiæ effectus, quo indigere videntur, quibus imponuntur

ma-

manus ad illa obeunda munia , ad quæ destinantur ; sic manus impositio fit in Sacramento Confirmationis, ut nempe peream homo accipiat plenitudinem Spiritûs sancti, qua roboretur, & vegetetur ad constanter , & animosè consequendam fidem , ad quod certè opus est gratiæ excellentia ; unde Actor. 8. legimus de Apostolis, quòd fidelibus recentè baptizatis imponebant manus, & accipiebant Spiritum sanctum. Similiter in Sacramento Ordinis , in quò confertur quædam excellentia potestatis ad divina mysteria obeunda , fit etiam hujusmodi manûs impositio , ut nempe per eam significetur conferri plenitudo gratiæ ad dignè , & debitè hæc munia implenda : Unde S. Paulus Timotheum monebat epist. 2. cap. 1. *Admonco te, ut resuscites gratiam Dei, quæ est in te per impositionem manuum mearum.* Sed Sacramentum Pœnitentiæ ordinatur tantum ad remissionem peccatorum ; non autem ad obeunda aliqua munia ; nec ad obtinendam specialem gratiæ excellentiam : igitur ad hoc Sacramentum non requiritur manûs impositio .

Adde quòd manûs impositio solùm fiat in Sacramentis , per quæ suscipiens deputatur ad solemnem aliquem actum exercendum eò quòd manus sit potissimum operationis organum : unde illa fit in duobus Sacramentis , puta Confirmatione , per quam fidelis constituitur quasi miles Christi ad ejus nomen , & Religionem audacter tuendam , & profitendam coram tyrannis , & infidelibus . Et in Ordine , per quem homo segregatur à communi fidelium cœtu , ut specialiter destinetur ad Dei cultum , & Religionis ministerium : per susceptionem autem aliorum Sacramentorum, nempe Eucharistiæ , Pœnitentiæ , &c. homo specialiter non destinatur ad aliquem actum fortiter ac prudenter exercendum ; ac subinde in eis non videtur necessaria illa actûs designatio per manûs impositionem .

Dices primò : Sacramentum Pœnitentiæ appellatur à Patribus manus impositio, sic S. Clemens lib. 2. Constitutionum Apostolicarum cap. 41. ait : Ut Ethnicum Baptismo lotum post doctrinam admittis ; sic hunc per manus impositionem , utpote pœnitendo mundatum in antiqua pascua restitue ; eritque ei loco lavacri manuum impositio . Et Concilium Carthaginense quartum cap. 76. loquens de moribundo pœnitente, ait : Si continuo creditur moriturus , reconcilietur per manus impositionem . Hinc S. Leo epist. 92. scribit : Qui cibis immolatis utilis sunt , possunt jejuniis , & manus impositione purgari : igitur quemadmodum Baptismus dicitur ablutio , & Confirmatio Chrisma , quia ablutio est absolutè necessaria ad Baptisma ; & chrismatio ad Confirmationem : pari ratione manus impositio dicens , da est necessaria ad sacramentum Pœnitentiæ .

Nego consequentiam : Appellatur enim impositio manûs tantum à cæremonia, quæ fieri solet in hoc Sacramentum, cum Sacerdos Absolutionem impertiendo pœnitenti benedicit ; hæc autem cæremonia prorsus accidentalis est , non verò essentialis ; quippe cum citra peccatum , saltem mortale , possit omitti. Adde quòd plerumque SS. Patres , & Concilia , dum meminerunt impositionis manûs faciendæ , cum conceditur Absolutio , non loquantur de Absolutione Sacramentali , sed reconciliatoria .

Dices secundò : Sacerdos in aliis Sacramentis præter verba, aliquem actum exteriorem exercet erga suscipientem : igitur etiam in hoc Sacramento debet exerceri : sed hic alius esse non potest , quàm manûs impositio : ergo , &c.

Nego sequelam majoris : Et ratio disparitatis est, quòd cætera Sacramenta, præter Eucharistiam , consistant in applicatione materiæ ; unde in eis requi-

ri-

rietur actus exterior: secus autem est de Pœnitentiâ, & Eucharistiâ: sicut enim in Eucharistiâ Sacerdos sola verborum prolatione super materiam perficit Sacramentum; ita sola Sacerdotis absolventis verba super pœnitentem perficiunt Absolutionis Sacramentum. Adde quòd si quis actus exterior desideraretur in Pœnitentiâ ex parte Ministri, ille dici posset crucis obsignatio, per quam significaretur, quod pœnitens peccati remissionem accipiat per sanguinem, & meritum Passionis, & crucis Christi.

CONCLUSIO SECUNDA.

Absolutio Sacramentalis necessario debet esse vocalis, seu voce exprimi: Colligitur primo ex Decreto Eugenii, ubi de Sacramento Pœnitentiæ legimus: Forma hujus Sacramenti sunt verba Absolutionis, quæ Sacerdos proferat, *Ego te absolvo*. Et Tridentino *sess. 14. cap. 6.* ubi hæc habentur: *Quamvis autem Absolutio Sacerdoti alicui beneficii sit dispensatio, tamen non est solius nudum ministerium, vel annuntiandum Evangelium, vel declarandi remissa esse peccata; sed ad instar actus judicialis quo ab ipso velut à Judice sententia pronuntiatur, &c.* sed ista significant Absolutionem in Pœnitentiâ vocalem, seu verbalem esse debere: igitur, &c.

Confirmatur ex perpetua Ecclesiæ praxi, quæ nusquam à temporibus Apostolorum ad præsentem usque diem aliter hoc Sacramentum, sicut, & alia, quàm verbis humana voce prolatis administravit. Unde quamvis Christus D. non dixerit explicitè pronuntiandas esse voces aliquas, quando pœnitentes absolventur à peccatis, sicut nec dum administrantur alia Sacramenta; nihilominus id implicitè signasse censetur, dum de Baptismo ait: *Docte omnes Gentes baptizantes eos in nomine Patris, &c.* Et in Eucharistiâ, dum dixit: *Hoc facite in meam commemorationem*. Unde, perpetua Patrum, & Ecclesiæ praxis semper insinuavit has in Baptismo vo-

ces, esse pronuntiandas. *Ego te baptizo*. Et in Eucharistiâ: *Hoc est Corpus meum*. Nec usquam Baptismum, aut Eucharistiâ per nutus vel scripta fuisse confectam: Idem igitur est iudicium de Pœnitentiâ, idque jure posteriori, cum Sacramenti Pœnitentiæ forma, non tantùm debeat exprimere effectum ejus, putà remissionem peccatorum; sed præterea significare debet hunc effectum à Sacerdote fieri, seu ministrum hic, & nunc eam operari peccatorum remissionem ex potestate sibi à Christo D. collata.

Dices primo: Eò modò concedi potest Absolutio, quo fieri potest peccatorum accusatio per Confessionem: sed valida potest esse Confessio, etiam non fiat per locutionem vocalem, sed tantùm scripto, nutu, vel aliquo signo exteriori: igitur pari ratione non est de essetia Absolutionis, quod voce humana proferatur.

Nego majorem: Et ratio disparitatis est primo, quia in Sacramentis forma debet esse distinctior, & expressior, quàm materia. Unde cum Absolutio se habeat per modum formæ, Confessio verò per modum materiæ, conveniens fuit, ut Absolutio voce humana proferatur, quo ejus significatio distinctior appareret. *Secundo*, plures causæ occurrere possunt, quæ pœnitentem à Confessione vocali, potius quàm Sacerdotem à vocali Absolutione moraliter præpediant. Constât enim omnes mutos, & ignotæ linguæ homines verbis non posse sua peccata promere; Sacerdos verò cum possit verbis efferre, quæ mente concipit, vix aliquæ causæ occurrunt, quæ ipsum à vocali formæ prolatione impedire valeant.

Instabis: Si verba vocalia necessariò requirantur ad validam Absolutionem, maximè vel quia absolutio est; vel quia Sacramentalis est: at neutrum dici potest. Non quidem primum, quia non omnis Absolutio scriptis expressa, est invalida; enim verò absolutio ab excommunicatione, & censura dari potest,

test, osculo, nutu, vel scripto, saltem à summo Pontifice, ut constat ex Clementina de sententia excommunicati, cap. finali: Non etiam quia Sacramentalis est; alioqui nullum Sacramentum celebrari posset aliter quàm voce, quod non est verum siquidem Matrimonium quod est verum Sacramentum, validè conficitur per nutus, signa, & scripta consensum internum celsificantia: igitur, &c.

Nego minorem, quoad utramque partem: & quantum ad primam dico rationem disparitatis esse, inter absolutionem à peccatis, & à censuris, quòd si cùt hac nou requirit certam formam, verborum, ita nec verba propriè dicta; quia non operatur, ut instrumentum Christi ad producendum aliquem effectum supernaturalem; sed tantum ut instrumentum absolventis, & reconcilians hominem Ecclesiæ, cui Christus auctoritatem concessit infligendi censuras, & ab eis absolvendi: unde penes eam est præscribere modum, quo contrahatur, ac solvatur excommunicatio, & aliæ ejusmodi censuræ; non sic autem censendum est de forma Sacramentorum, quam Ecclesia pro libito non potest immutare.

Ad secundam dico, non idem esse judicium de Matrimonio, ac de aliis Sacramentis; cùm enim Matrimonium fiat per mutuum consensum partium, id omne quod potest hunc mutuum consensum exprimere, potest etiam sufficere ad valorem hujusmodi Sacramenti: secus autem est de sacramento Pœnitentiæ, sicut, & de aliis, in quibus forma est determinata.

Dices secundo: Ea sufficiunt ad sacramentum Pœnitentiæ, quæ requiruntur essentialiter ad rationem Judicii fori externi; siquidem, ut diximus, Christus D. instituit hoc Sacramentum per analogiam ad judicium fori externi: at non est essentialiter judicium fori externi, quod Judex proferat vocalem senten-

tiam: ergo nec in Pœnitentia.

Nego majorem; Christus namque instituit sacramentum Pœnitentiæ quoad aliqua tantum essentialia, quæ videlicet communia sunt omni judicio, puta quoad accusationem rei, cognitionem criminum, & sententiæ prolationem; non verò quoad ea, quæ videntur necessaria tantum pro voluntate principum, qualia sunt, quod judicia scripto lata, irrita sint, aut legitima; quod prolata sententia in absentem valida sit aut invalida; siquidem voluit Christus D. ut suum in Pœnitentia judicium esset vocale, & ferretur in reum præsentem; Tum, ut clariùs exprimeretur auctoritas judiciaria; Tum, ut Judex certius cognosceret statum, & affectum absolvendi, vel condemnandi. Idcirco fit.

CONCLUSIO TERTIA.

Invalida est Absolutio litteris consignata, seu ad absentem directa. Probatur ex Concilio Tridentino can. 34. cap. 2. ubi dicit, eos qui se crimine aliquo post Baptismum contaminaverint, non jam repetito Baptismo ablui, sed ante hoc tribunal (Pœnitentiæ) tanquam reos sibi voluit Christus, ut per Sacerdotum sententiam quoties ab admitti peccatis ad ipsum pœnitentes confugerint, possent liberari: sed confugere ad tribunal, & ante illud sibi, nihil aliud est, quàm Sacerdoti præsentem manifestare sua peccata, ut ab eo percipiatur Absolutio: igitur ex sententia Concilii Tridentini, Christi D. voluntas fuit, ut Confessio fieret præsentis Sacerdoti, & & ut præsentis reo Absolutio concederetur.

Probatur similiter ex lib. de vera, & falsa Pœnit. cap. 10. ubi exemplo leproforum mundatorum, quos Christus Lucæ 17. jussit, ut se sisterent Sacerdotibus quatenus de lepra mundata judicaret, colligit necessarium esse, ut pœnitentes coram Confessario Sacerdote se stant, ac in ejus præsentia peccata depo-

ponentes Absolutionem recipiant. Ait autem: *Præcepit Dominus mundandis, ut ostenderent ora Sacerdotibus, docens corporali præsentia confitenda peccata, non per nuntium, aut per scriptum manifestanda, dicit enim: Ora monstrate, & omnes, non unus pro omnibus, non alium statuatis nuntium, qui pro vobis offerat munus à Moyse statutum: sed qui per vos peccastis, per vos erubescatis; erubescencia enim ipsa partem habet remissionis: in hoc enim, quod per seipsum dicit Sacerdoti, & erubescencia vincit timore offendi, sit venia criminis. Sic Aug.*

Idem docet subtilis Doctor in 4. dist.

17. ubi respondens ad octavum argumentum, ait: Ad aliud videtur Confessio quandoque facienda, per scriptum, ut legitur de Thoma Cantuariensi, qui misit ad Curiam pro Absolutione; sed hoc videtur esse contra rationem confessionis, quia omnis scriptura ex sui natura nata est esse publica; quantuncunque enim aliquis conservet secretè apud se scriptum, tamen ex quo mittit illud, vel propter nuntium, vel propter illum, ad quem mittitur; potest publicari, & semper ex sui natura est patulum cuicunque legenti, loquens quod ibi continetur. Quilibet ergo scribens aliquid, facit in hoc, quod est contra naturam signi idonei in Confessione: & in ista scriptura tollitur verrecundia, quæ est pœna magna in Confessione; & hoc nisi confitens sit præsens, quando per scriptum confitetur, & ideo quod dicitur 20. q. 5. *qualis debeat*, quod quis potest confiteri per scripturam, Joannes exponit, quando confitens est præsens; quia absens non potest licitè; igitur absens expectet præsentiam cum proposito confitendi ea habita.

Quibus verbis apertè significat nullam esse Confessionem in scriptis factam; ac subinde nullam Absolutionem datam absenti. Quod probat, tum ex

Tom. X.

natura Confessionis, quæ non debet vergere in perniciem confitentis, & quæ annexam habere debet verecundiam. Idque confirmat ex glossa Joannis Andreæ, super 4. q. 5. cap. 4. in fine, qui negat confiteri posse aliquem, aut absolvi à peccatis in absentia. Nec obstat quod in eodem capitulo non agatur de Pœnitentia, aut Confessione sacramentali. Doctor enim suum intentum colligit, non ex verbis capituli, sed ex expositione ipsius Joannis Andreæ.

Porro, quòd Confessio, ac subinde Absolutio absenti data sit invalida, constat ex Decreto Clementis octavi; qui, ut famosam controversiam de validitate Absolutionis, & Confessionis factæ absenti in scriptis, quam propugnabant aliqui Theologi societatis Jesu, & de illius nullitate, quam asserbant alii Theologi, priorem damnavit sententiam hoc decreto. *Dic 20. mensis Ianii, anno à Natiuitate Domini nostri Jesu Christi 1602. in generali Congregatione S. Romanæ, & universali Inquisitionis, habita in palatio Apostolico in monte Quirinali, coram Sanctissimo Domino Nostro Clemente, divina providentia Papa Octavo, proposita questione, utrum liceat per litteras, seu internuncium Confessario absenti peccata sacramentaliter confiteri, & ab eodem absente Absolutionem obtinere: Sanctissimus Dominus Noster auditis votis Patrum, Theologorum, & re cum Illustrissimis, & Reverendissimis Dominis Cardinalibus, contra hæreticam pravitatem generalibus Inquisitoribus, maturè ac diligenter considerata, hanc propositionem, scilicet, licere per litteras, seu internuncium Confessario absenti, peccata sacramentaliter confiteri, & ab eodem absente Absolutionem obtinere; ad minus uti falsam, temerariam, & scandalosam condemnavit, ac prohibuit, præcepitque ne deinceps ista propositio, publicis, privatisque Lætionibus, concionibus, & congressibus doceatur; neve unquam tanquam ali-*

aliquo casu probabilis defendatur, imprimatur, aut ad praxim quovis modo deducatur. Quod si quis illam docuerit, defenderit, imprimi fecerit, aut etiam de ea disputativè trallaverit, nisi forsitan impugnando: vel ad praxim, seu directè vel indirectè deduxerit, præter excommunicationem lat. & sententiæ, quam ipso facto incurrat, & à qua non possit, præter quam in articulo mortis, ab alio, quocunque etiam dignitate fulgeat, & S. Romana Ecclesiæ majori Penitentiario, nisi à pro tempore existente Romano Pontifice, absolvi; alii etiam panis arbitrio infligendis subiaccat.

Respondet Pontificem non declarare illam Absolutionem esse invalidam, sed tantum illicitam; quia nimirum dixit, hanc propositionem à se damnari, quod asserat: *Licere per litteras absenti confiteri*. Verum contrarium apparet ex verbis ipsius decreti, quibus prohibetur ne in praxim quovis modo deducatur: si enim absolutio aut confessio per epistolam esset tantum illicita, sequeretur quod saltem in casu necessitatis esset valida, & consequenter licita: nam in urgente extrema necessitate omnia valida sunt licita. Unde consequens est, quod si revera esset tantum illicitum, non autem omnino invalidum confiteri absenti, vel absentem absolvere: nulla auctoritate humana, civili, aut Pontificia, in casu necessitatis id prohiberi posset, maxime in casu summae necessitatis. Cum igitur summus Pontifex sub pœna excommunicationis sibi reservata prohibeat asserere, quod liceat, *per litteras, seu internuncium Confessariò absenti peccata sacramentaliter confiteri, & ab eodem Absolutionem obtinere*; manifestum est, quod pariter censetur talem Confessionem, & Absolutionem esse invalidam.

Respondet aliqui cum Suarez ad 3. part. disp. 21. scilicet 4. Summum Pontificem non damnavisse utramque partem, supra dictæ propositionis divisim, sed

tantum conjunctim, & collectivè, nempe quod non liceat equidem Absolutionem dare absenti, Confessionem verò interdum absenti fieri per litteras non sit vetitum.

Verum etsi hæc dumtaxat ita essent, semper haberemus propositum intentum. At interpretatio illa Suarez omnino repudiata fuit auctoritate Pauli V. summi Pontificis, ut patet ex decreto facto in generali inquisitione his verbis expresso: *Die 24. Julii anno 1605. proposita causa P. Francisci Suarez Jesuitæ: & consideratis his, quæ scripsit tom. 4. in 3. partem S. Thomæ scilicet 4. disp. 21. interpretando decretum scilicet recordationis Clementis Papæ octavi die 20. Junii anno 1602. quo damnavit hanc propositionem, videlicet licere per litteras seu internuncium Confessariò absenti peccata sacramentaliter confiteri, & ab eodem Absolutionem obtinere, ac etiam maturè discussis his quæ idem P. Suarez adduxit in defensionem suæ interpretationis; auditis votis illustrissimorum Dominorum Cardinalium, Sanctissimus decrevit, dictam interpretationem non subsistere, & ideo amovendam esse ab ejus libris, juxta decreta, aliàs facta à sanctis recordationis Clementis Papæ VIII. de quibus in articulo S. Officii.*

Præterea eodem anno die 30. Julii eadem Congregatio decrevit: *Ex libris Patris Francisci Suarez Jesuitæ disp. 23. scilicet 1. nam. 12. amoveantur infra scripta verba, videlicet: Atque ex hac resolutione usque ibi, in absentia Confessoris. Idem P. Suarez corrigas suum librum, & antequam evulget, ostendat huic sacre Congregationi.* Et rursus die 18. Augusti hoc emanatum est Decretum: *Sanctissimus decrevit tom. 4. Patris Suarez Jesuitæ in 3. part. S. Thomæ, disp. 21. de Confess. scilicet 4. cui titulus est: Utrum de necessitate Confessionis sit, ut penitens Sacerdoti præfenti immediatè, & per seipsum præ-*
let

let peccata sua , totam esse amovendam , nec aliam ejus loco subrogandam .

Dices : Sacramentum Pœnitentiæ , ut supra diximus num. 13. institutum est per modum Judicii; unde Absolutio Sacramentalis est quedam sententia data in foro conscientiæ ; sed in Judicio forensi Judex potest absolvere absentem : igitur , & in Tribunali Pœnitentiæ Sacerdos poterit pœnitentem absentem à peccatis absolvere .

Nego paritatem : Licet enim sacramentum Pœnitentiæ habeat aliquam similitudinem cum judicio forensi , in multis tamen ab eo discrepat : *Primò* namq; in tribunali Pœnitentiæ idem est accusator , testis , & reus : quia Judicium est voluntarium , tam ex parte Rei , quàm ex parte Judicis ; *Secundò* , ipse Reus absolvitur , vel damnatur secundum ea , quæ contra , vel pro se profert , quia videlicet Judicium illud institutum est in favorem Rei , cui idcirco fides adhibenda est ; maxime cū adversum se injustitiam suam , & delictum suum confitetur . *Tertio* , quia Judex forensis , non debet esse sollicitus de statu interno , & affectu illius , quem absolvit : Sacerdos autem debet habere certitudinem moralem de statu , & affectu præsentis illius , cui Absolutionis beneficium impendit ; hoc autem nosse non potest , nisi ipse absolvendus manifestaverit ; quod utique præstare non potest , dum absens est ; cū enim homo assidue mutationi subiaceat , quantumvis scripto suam dispositionem fuerit obtestatus , poterit illam revocasse , dum Sacerdos absenti Absolutionem largiretur . Inde fit , quòd etsi in judicio forensi Judex possit absolvere absentem ; id tamen præstare non potest Sacerdos in tribunali Pœnitentiæ .

Dices secundo : Doctor subtilis supra laudatus refert , quòd S. Thomas Cantuariensis absens , Absolutionem petierit à Sede Apostolica . Et S. Cyprianus lib. 3. epist. 17. ait , quòd lapsi per epistolam Absolutionem petentes , eam obti-

nere possent : igitur Absolutio absenti data potest esse valida .

Nego consequentiam : Et ad factum S. Thomæ , quod refert Baronius tomo 12. ad annum 1164. num. 6. respondeo , quòd Absolutionem Sacramentalem à Sede Apostolica non postulat , nec eam ipsi dedit Alexander III. summus Pontifex , sed tantum Canonicam ; propterea quòd fateretur se non omni , quæ debebat constantia contra Regem Angliæ , & ejus proceres , Ecclesiæ jura propugnasset ; unde se Sacerdotio indignum judicabat , ut colligitur ex scripto summi Pontificis , in quo sic habet : *Si te recolis aliquid commississe , de quo propria te debeat conscientia remordere , quidquid sit , Sacerdoti , qui discretus , & providus habeatur , tibi consulimus per Pœnitentiam confiteri* : Quo facto misericors Dominus , qui multò amplius ad cor respicit , quàm ad aëus , tibi consueta pietatis suæ miseratione dimittit ; & nos de Beatorum Petri , & Pauli Apostolorum ejus , meritis confidentes , te ab eo , quod est commissum , absolvimus ; & id ipsum fraternitati tue auctoritate Apostolica relaxamus . Quibus apparet , non sacramentalem , sed tantum Canonicam Absolutionem ei tribuisse ; quippe cū ipsum moneat , ut conveniat Sacerdotem discretum , cui confiteatur , ut ab eo sacramentalem Absolutionem recipiat .

Ad sanctum Cyprianum , dico contrarium potius ex eo colligi ; ait enim : *Si qui infirmitatis periculo occupati fuerint , non expectent presentiam nostram , quin apud Presbyterum quemcumque , presentem , vel si Presbyter repertus non fuerit , & urgere exitus cœperit , apud Diaconum quoque Exonologum fieri facere delicti sui possit , ut manu eis in Pœnitentiam inposita , veniant ad Dominum cum pace* . Ubi significat presentiam Sacerdotis requiri : & insuper , ibi non agit de Absolutione sacramentali , sed tantum de Canonica ; alioqui non diceret ,

eam in absentia Sacerdotis impendi posse à Diacono.

Pax ergo, de qua ibi agit Cyprianus, erat Absolutio à pœnis satisfactoriis; hæc autem concedi poterat à Diaconis, cum etiam hodie usitata sit Archidiaconorum ab excommunicatione Absolutio, tamen in solo Diaconatus Ordine constituti sint. Nec mirum, cum constet ex lib. 8. Constitutionum Apostolicarum Clementis, auctoritatem excommunicandi habuisse Diaconos absente Presbytero cap. 34. ibi: *Diaconus excommunicat Hypodiaconum, Lectorem, Cantorem, Diaconissam, siquid tale contingat, absente scilicet Presbytero*. Habuerunt igitur illo absente etiam potestatem absolvendi ab excommunicatione, nam ejusdem est absolvere, cujus est excommunicare. Addit Pamelius in annotationibus ad illam epistolam Cypriani: Fortassis cum Episcopus absens, & Presbyteri multi carceribus inclusi essent, ex privilegio quodam Diaconis in necessitate permessa est Penitentium reconciliatio, sicut à S. Gregorio Presbyteris aliquando concessam legimus sacramenti Confirmationis administrationem, quæ solis alioqui Episcopis competit. Ita Pamelius.

Obijciat 2. varias historias, ex quibus apparet, Absolutionem sacramentalem, fuisse per litteras absentibus datam; id namque *primò* colligitur ex historia Serapionis, quam describit S. Dionysius Alexandrinus epistola ad Fabianum, referente Eusebio lib. 6. Historiæ c. 36. Serapion vir annosæ virtutis tempore persecutionis, præ imbecillitate, sacrificat idolis; postea sæpenuerò in Ecclesiam recipi supplex postulat; sed quia idolis sacrificasset, ejus postulationi nemo auscultabat; in gravem morbum delabitur, triduo deinceps mutus, & absque sensu vivit; quarto die paululum relevatus, jubet per nepotem suum advocari Sacer-

dotem, qui fortè morbo vexatus cum ad eum accedere non posset, dat particulam Eucharistiæ puero, quem miserat ægrotus, præcepitque ei, ut madescentem in os Senis infunderet; infudit, illico Serapion extremum spiritum dedit. De eo Dionysius subjicit: *Nunc igitur satis constat eum fuisse reservatum, & ed usque in vita mansisse, quoad usque penitus esset culpæ vinculis solutus, & ipsa labe, qua erat idolis immolando aspersus, omnino deleta, posset pro multis bonis, quæ gessisset in vita, in numerum Confessorum referri*. Ex iis sic argumentari licet. Ille senex, antequam in morbum incidisset, Absolutionem sacramentalem ab idololatria non fuerat consecutus: ut enim habet Dionysius, illi non fuerat supplicatio concessa, quæ in penitentium numerum recipi postulabat; nec potuit illi concedi Eucharistiæ participatio, nisi post acceptam Absolutionem, ne indigno concederetur.

Deinde dicitur: Ad hoc tempus reservatus, ut penitus esset culpæ vinculis solutus; hic autem effectus non est Eucharistiæ, sed Absolutionis proprius: igitur per Sacerdotem fuit absolutus, antequam Eucharistiæ participatio concederetur; non per Sacerdotem præsentem; morbo enim detinebatur in lecto: ergo per internuntium.

Corripit secundò, ex historia Roberti Cœnomanensis Episcopi, qui tempore Joannis VIII. anno 872. in ægritudine positus scribit ad Episcopos circa muros Andegaveses residentes: suas illis peccata per Epistolam confitetur, per illos petit absolvi: annuentes Episcopi illi rescribunt; extat Roberti epistola tomo 3. Conciliorum Galliæ, cujus hæc sunt verba: *Pictatis vestre misericordiam singultr interposito implorare non cesso, quatenus potestatis vobis celsitus collata, vincula meorum peccatorum cunctis, & precum vestrarum studiis commissa mea expietis, ut cum reprobis non*
du-

ducatur ad tartara, quin potius vestro interventu ecclesia mereatur sublimari ad gaudia. Respondent in hunc modum Episcopi in sua epistola cui titulus est *Epistola absolutionis, quam ei remiserunt iidem venerabiles Consacerdotes de loco obfessionis*. In qua quidem epist. inter cetera hæc habentur: *Tibi peccata tua confitenti per Ecclesiasticam Apostolicæ autoritatis potestatem, quam Dominus noster Iesus Christus tradidit Discipulis, & Apostolis, dicens: Accipite Spiritum sanctum, &c. & per eosdem Apostolos suos ipsorum Successoribus, quorum vices, licet indigni, tenemus. Et infra: Gratia, & potentia sua, virtute Spiritus sancti, qui est remisso omnium peccatorum, dimittat tibi omnia peccata tua; liberet te ab omni malo, conservet te in omni opere bono, & perducatur te ad vitam æternam, & ad SS. Sacerdotum consortium. Amen.*

Constat tertio ex Confessione Hildeboldi Sueffionensis Episcopi facta Hincmaro Rhemenfi, cujus meminit Sirmundus in notis ad præcedentem epistolam, ubi asserit illius Absolutionis hunc in vetusto codice legi titulum: *Exhortatoria Hinemari Metropolitani, ad Hildeboldum Episcopum corporea infirmitate detentum, in qua juxta petitionem litterarum Confessionis illius suæ autoritate eum per absentiam corporalem reconciliando absolvit.*

Constat quarto, ex Rescripto Gregorii VII. ad Episcopum Lincolnensem, quod extat libro 1. epistola 34. his verbis: *Absolutionem peccatorum tuorum, sicut rogasti, autoritate Principum Apostolorum Petri, & Pauli sumi, quorum vices, quamvis indigni, fungimur, tibi mittere dignum duximus, si tamen bonis operibus inherendo, & commissos excessus plangendo, quantum volueris.*

Constat quinto, ex altero ejusdem rescripto ad Episcopum Lodiensem, cujus hæc sunt postrema verba: *Quia in extremo videris positus, fraterna compassio-*

ne ducti, autoritate beati Petri Apostolorum Principis absolvimus te à peccatis, &c. extat lib. 2. epist. 6.

Respondet, his, & similibus auctoritatibus, & testimoniis, non significari sacramentalem Absolutionem peccatorum absentibus fuisse legitimè datam; sed vel solum Pœnitentiarum canonicarum remissionem; vel concessionem indulgentiarum; vel denique spiritualement quendam benedictionem per modum precum, & orationum, quibus Præsules absolventes optabant, & Deum precabantur, ut vel gratiam Pœnitentiæ concederet iis, quos videbantur absolvere; vel eis pœnam peccatis debitam ex misericordia relaxaret. Cujus utique responsionis ratio est aperta, quippe cum ejusmodi Absolutiones non præcedant distinctæ accusationis peccatorum, sed dumtaxat generales, & indistinctæ: porro Confessio peccatorum generalis, & indistincta, extra casum necessitatis, non sufficit ad obtinendam sacramentalem Absolutionem.

Confirmatur hæc responsio ex eo quod similis Absolutio concessa fuerit iis, qui nullam peccatorum accusationem etiam generalem, & indistinctam videntur præmisisse: nam Gregorius VII. lib. 8. Epistolarum scribens epist. 2. ad Alphonsum Hispaniæ Regem, postquam ipsum variis laudibus extulit, illum, illiusque Proceres à peccatis absolvit in hæc verba: *Onnipotens Deus, omnium rerum Creator, & Rector, omnium dignitatum ineffabilis dispositor, qui dat salutem Regibus, meritis Altissimi Domini Genitricis Dei Mariæ, omniumque Sanctorum, autoritate beatorum Apostolorum Petri, & Pauli, nobis licet indignis per eos qualicumque commissa, te tuosque Fideles in Christo ab omnibus peccatis absolvas, deque tibi viâtoriam de inimicis, &c.*

QUAESTIO QUARTA.

Utrum forma Absolutionis validd fieri possit verbis deprecatoriis, & sub conditione?

Notandum primò, eam fuisse veterum quorundam Theologorum sententiam, quòd Absolutionis forma esse deberet omnino deprecativa, ita ut foret invalida si verbis indicativis proferretur, ut colligitur ex sancti Thomæ Opus. 22. ubi ejusmodi sententiam impugnât; Aleusius verò part. 4. quæst. 21. meinb. 1. & S. Bonaventura in 4. dist. 18. part. 1. art. 2. quæst. 11. videntur asserere formam absolutionis partim esse indicativam, & partim deprecativam; Nam, inquit, S. Bonaventura, *Sacerdos se habet ut Dei Mediatorem ad hominem, & hominis ad Deum: unde per ipsum peccator ascendit ad Deum; & sic Sacerdos est os peccatoris, sive loquens pro peccatore; & per ipsum descendit Deus ad hominem, & sic Sacerdos est Angelus Dei; imò os, eò quòd ipse separat peccatum à vili. Secundum quod ascendit, habet se per modum inferioris, & supplicantis: secundum quod descendit per modum superioris, & judicantis. Secundum primum modum potest gratiam impetrare, & ad hoc est idoneus; juxta verò secundum modum potest Ecclesie reconciliare; & ideo in hujus significatione in forma Absolutionis præmittitur deprecatio per modum deprecationis; & subjungitur Absolutio per modum judicationis; & deprecatio gratiam impetrat, sed Absolutio præsupponit tantum; numquam enim Sacerdos absolvet quemquam, de quo non præsumeret, quòd esset absolutus à Deo: si ergo quæretur utrum potestas clauis se extendat ad delendam culpam, dicendum est, quòd bene potest se extendere per modum deprecantis, & impetrantis Absolutionem, sed per modum impertientis ne-*

quaquam. Hæc Seraph. Doctor.

Sunt etiam qui contendunt formam Absolutionis verbis deprecativis conceptam fore validam. Ita Maironius in 4. dist. 14. quæst. 1. & Aureolus distinct. 23. asserentes formas Sacramentorum posse esse deprecativas, vel indicativas pro diversa Ecclesie consuetudine. Nec ab eis distat *Dominicus Soto* in 4. distinct. 3. quæst. unica; ubi docet Absolutionem verbis deprecativis validd posse conferri: quamvis non licite; ac subinde valere hanc formam, *Absolvit te*, vel *Absolvat te Christus*: Nam, inquit, etiam forma Extreme-Unionis est deprecativa, his verbis concepta: *Indulgeat tibi Dominus, &c.* Nec ab ea sententia distare videtur *Garnacheus* qui cap. 5. de Confirm. dicit Confirmationis substantiæ formam non mutare has formulas, *Ego configno te*, vel, *Confirmo te*, vel, *Signet te Deus, Confirma cum Domine*.

Notandum secundò, quòd etiam Authores tum Veteres, tum Recentiores, qui pro forma deprecativa Absolutionis militant, maximè niti videantur auctoritati, & praxi Orientalis Ecclesie, ut apparebit ex eorum fundamentis infra evertendis; nihilominus, ut optinè notat *Arcudius* lib. 4. cap. 3. nulla unquam fuit controversia de hac re inter Græcos, & Latinos: Ac proinde, inquit, non est verisimile antiquam formam hujus Sacramenti ex odio alicujus, vel malitia Græcorum mutata fuisse aliquando; imò Græcos passim nequidem scire, quid sibi velint hujusmodi termini *materia*, & forma in tract. de Sacramentis, si paucos doctores excipias; ac subinde non est cur aliqui Neuterici tantoperè suæ sententiæ patrocinium accerant pro vindicanda forma deprecativa Absolutionis, ex Græcorum Euchologiis; sive Ritualibus, & praxi. Quamquam enim ejusmodi Euchologia, & Ritualia præ se ferant formam deprecativam, ni-

nihilominus, ut apparebit ex dicendis num. 10. à consuetudine Ecclesiæ Latinæ praxi Græci non dissentiunt.

Notandum tertio, quantum ad secundam partem Conclusionis, nempe de Abolutione sub Conditione, eam conditionem distinguere posse triplicem: nimirum de præterito, de præsentī, & de futuro. De præterito quidem, ut putā si quis diceret: *Abolvo te à peccatis confisus*; si reverā ea admisēris: de præsentī verò, *Abolvo te, si verum habear dolorem de peccatis*, & firmum propositum non peccandi de cætero: de futuro autem, *Abolvo te, si iterum non peccaveris*. Postea discrimen est inter hujusmodi conditiones, quod Sacramenta validè ministrentur sub conditione de præsentī, vel de præterito; siquidem conditiones illæ intentionem conditionalem efficiunt absolutam, juxta illud Insit, de Verb. oblig. §. 7. *Conditiones, quæ ad præsentem, vel præteritum tempus referuntur, aut statim infirmant obligationem, aut omnino non differunt*, veluti si Titius Consul fuisset, vel si Mævius vivit, dare spondes. Nam si ea ita non sunt, nihil valet stipulatio; si autem ita se habent, statim valet: quæ enim per rerum naturam sunt certa, non morantur obligationem, licet apud nos incerta sint. Ita jus civile, quo etiam utitur Ecclesiæ, nisi sacris Canonibus contradicat; nam, ut habetur de novi operis denunciatione, quia verò sent leges non designantur sacros Canones imitari, ita & sacrorum statuta Canonum principum constitutionibus adiunguntur. Unde etiam in iure Canonico cap. 2. de Bapt. decernitur, de quibus dubium est an baptizati fuerint, ut baptizentur his verbis præmissis: Si baptizatus es, non te baptizo; sed si nondum baptizatus es, Ego te baptizo. Unde superest tantum difficultas, utrum Abolutio data sub conditione de futuro sit invalida, donec illa conditio adiciatur.

CONCLUSIO PRIMA.

Absolutio Sacramentalis verbis deprecatoriis expressa, non est valida. Probatur primò ex Conciliis Florent. & Tridentin. in quibus decernitur (ut dictum est in superiori quæstione) formam Abolutionis esse his verbis conceptam, *Ego te absolvo: Quibus*, inquit Concilium Tridentinum sess. 14. cap. 3. *quomvis de Ecclesiæ S. more preces quædam laudabiliter adjunguntur; ipsius tamen formæ essentiali nequaquam spectant, neque ad ipsius Sacramenti administrationem sunt necessaria: ac si valida foret Abolutio verbis deprecatoriis concepta, verba essentialia illius formæ non essent præfata, Absolvo te, & preces adjungi solitæ non solum essent necessariae administrationi hujus Sacramenti; sed etiam ad illius formæ essentialiam spectarent: igitur ex sententia Conciliorum forma Abolutionis non debet esse deprecatoria.*

Probatur insuper ratione, quam Concilium Tridentinum ibidem cap. 6. insinuat, dum ait, quod Abolutio Sacerdotis est ad instar actus judicialis, quod ab ipso velut à Judice sententia pronuntiatur: sed sententia Judicis indicativo, vel imperativo modo; non autem optativo, seu deprecativo fertur, ut constat ex omnibus humanis judiciis civilibus, & Ecclesiasticis; sententia enim est actus Superioris auctoritatem exercentis; deprecatio verò est actus inferioris potestatem non habentis; enimverò, qui supplicat, ostendit se non habere potestatem ejus efficiendi, quod postulat ab alio sibi fieri; si enim posset id assequi per se, non oraret ut ab alio sibi fieret: igitur Abolutio Sacerdotalis non debet fieri verbis deprecativis.

Deinde, Eo modo fieri debet Abolutio, qui magis quadrat institutioni, ac promissioni sacramenti Pœnitentiæ: sed modus indicativus, magis ipsi convenit, quàm deprecativus; enimverò Scriptura referens promissionem, & institutio-

nem

nem sacramenti Pœnitentiæ, nullibi meminit orationis, aut deprecationis; siquidem Christus non dixit, peccata, pro quorum remissione oraveritis, dimittentur: sed, *Quorum remisistis peccata, &c.* neque dixit: *quæcumque petieritis solvenda, sed & quæcumque solveritis, &c.* Igitur, ut verificetur sacramenti Pœnitentiæ institutio, Sacerdos non debet orare, sed remittere; alioquin non poneret id cui peccatorum remissio, & ablatio promissa est. Patebit evidentiùs, ac confirmabitur efficacius nostræ assertionis veritas ex solutione eorum omnium, quæ obtrudere solent quidam Novatores.

Obijciunt itaque primò: Non aliter Sacerdotes novæ legis benedicere debent Fidelibus, & eos à Deo averfos ipsi reconciliare, quàm Sacerdotes Aaronici benedicebant Israelitis, eòsque propter peccatum Deo infensos reconciliabant: sed id dumtaxat exquebantur deprecativè: sic enim Deus præscribit Moysi Num. 6. *Loquere Aaron, & filiis ejus: Sic benedicitis filiis Israel, & dicetis eis; Benedicat tibi Dominus, & custodiat te; ostendat Dominus faciem suam tibi, & misereatur tui: convertat Dominus vultum suum ad te, & det tibi pacem: invocabuntque nomen meum super filios Israel, & ego benedicam eis.* Igitur Sacerdotes novæ legis convenientiùs populo Christiano benedicent, & reos absolvent verbis deprecativis, putà: *Absolvat te Deus, quàm indicativis: Ego te absolvo.*

Nego majorem: Neque enim Sacerdotibus Aaronicis Christus D. dederat potestatem absolvendi à peccatis, nec eis dixerat: *Quorum remisistis peccata, remittuntur eis, & quæcumque solveritis super terram, erunt soluta, in cælo* Adde quòd illa benedictio, qua Sacerdotes Levitici benedicebant Israelitas, non erat sacramentalis, sed impetratoria tantùm, & cæremonialis, similis ei, quam Episcopi impertiri solent fide-

bus, dum ajunt *Benedicat vos omnipotens Deus Pater, &c.* nec non, & illi, quæ Sacerdotes in fine sacrificii Missæ benedicunt populo, dicentes: *Benedictio Dei omnipotentis descendat super vos, & maneat vobiscum, in nomine Patris, &c.* Socus est autem de benedictione sacramentali, dum enim illius Scriptura mōminit, eam attribuit Sacerdoti, sic enim S. Paulus 1. ad Cor. 10. ait: *Calix, cui benedicimus, &c.* Id est, inquit glossa, *Cui nos Sacerdotes quotidie benedicimus, Porro Absolutio Sacerdotis in Pœnitentiæ Tribunali sacramentalis est.*

Urgebis: Idcirco colligitur Absolutio indicativa; quia, ut mox dictum est, Christus D. dixit Apostolis: *Quorum remisistis, &c.* quibus verbis eis potestatem concedit remittendi peccata: sed inde non sequitur, quòd Apostolis licuerit peccata remittere verbis indicativis. Probat: Non aliter Christus D. Joan. 20. concedit potestatem remittendi peccata, quàm *Luce 9. & Matth. 10.* dat eis potestatem infirmos sanandi, & ejiciendi dæmones: à Apostoli infirmos sanando, & ejiciendo dæmones, non utebantur verbis indicativis, sed solum deprecativis, sicut S. Petrus ait *Ænæ Paralytico: Sanet te Dominus Iesus Christus:* Igitur nec Sacerdotes uti debent his verbis indicativis, *Absolvo te*, sed his deprecativis, *Absolvat te Christus Dominus.*

Nego minorem: & ad ejus probatorem dico, primo certum esse, quòd Apostoli infirmos curando, & mortuos suscitando, nedum verbis optativis, & deprecativis usi fuerint: sed etiam indicativis, & imperativis, ut apparet ex laudato capite Actorum: siquidem ibi non dicit, sanet te Dominus, sed *sanat*, unde statim addit: *Surge, & hæne tibi.* Similiter ibidem Tabitham resuscitando dixit: *Tabitha surge.* Similiter *Actor. 3.* idem Petrus claudio dixerat: *Quod habeo, hoc tibi do, in nomine Iesu Christi Nazareni surge, & ambula.* Adde, quòd

quòd reponere possim, aliam esse, & aliter traditam Apostolis potestatem absolvendi à peccatis, ab ea quam habebant ad sanandum egrotos; quippe hæc potestas non oriebatur ex virtute, & caractere in iis residente, sicut potestas absolvendi, quæ fundatur in caractere Sacerdotali, & ministeriali potestate, quæ nempe Sacerdotes applicant Sacramentum, tanquam signum sacrum, ad cuius positionem, necessario & infallibiliter confertur gratia sanctificans peccati expunctiva, & remissiva.

Obijciunt secundo SS. Patres, qui quoties meminerunt formæ Absolutionis, toties eam orationem & preces Sacerdotis appellant, docentque Sacerdotes non aliter, quam per orationem peccata dimittere. Sic S. Dionysius lib. de Hierarch. Eccles. cap. 7. Absolutionem Sacerdotis, deprecationem appellat, & cap. 6. agens de Ordinatione Episcopi, ait: Sanctissimis invocationibus, seu precationibus perficitur: sic pariter S. Pacianus parenæsi ad Pœnitentiâ: Qui fratribus suis peccata non tacet, Ecclesiæ lacrymis adjutus, Christi precibus absolvitur. Christi preces appellat preces Ecclesiæ. Ut enim ait ibidem: In uno, & altero Ecclesiæ est, & in Ecclesiâ Christi. Ex sancto Ambrosio lib. 3. de Spiritu sancto cap. 19. Videamus utrum peccata donet Spiritus: sed hic dubitari non potest, cum ipse Dominus dixerit: Accipite Spiritum. S. quorum remiseritis peccata, remissa sunt. Ecce quia per Spiritum S. peccata donatur, homines autem in remissionem peccatorum ministerium suum exhibent, non juri alicujus potestatis exercent; neque enim in suo, sed in Patris, & Filii, & Spiritus sancti nomine peccata dimittunt. Isti rogant, Divinitas donat; humanum enim obsequium, sed munificentia superne est potestatis. Et Augustino 3. de Bapt. cap. 16. Quid est in populi manuum, nisi oratio super hominem? Et ex lib. quinquaginta homiliarum homil. 49. Si præter uxores vestras cum ali-

Tom. X.

qua concubistis, ut pro vobis Ecclesiâ, oret, agite Pœnitentiam: nemo sibi dicit, occulte ago, apud Deum ago: ergo sine causa dictum est, Quæ solveritis in terra, &c. Ex sancto Hieronymo ad illud Psalmi 28. Vox Domini intercurrentis flammam, ait: Quotidie in unoquoque nostrum flammam libidinis per Confessionem, & gratiam Spiritus sancti intercedit: id est per orationes Sacerdotum facit cessare. Et sanctus Chrysostomus lib. de Sacerdotio: ubi dixit Sacerdotes conferre ad animarum salutem, subdit. Nec verò hoc docendo, aut monendo faciunt; sed etiam orationibus adjuvando; nec solum quando nos regenerant, sed etiam deinceps potestatem habent indulgendi peccata. Et S. Leo epist. 91. Ut indulgentia Dei, nisi supplicationibus Sacerdotum nequeat obtineri... Aquis eorum, pro quibus Domino supplicavimus, à munere indulgentiæ presentis occideris... necessarium est, ut peccatorum reatu Sacerdotali supplicatione solvatur; sed orandi; rogandi, supplicandi verba significant Pœnitentiæ formam esse deprecativam.

Respondet SS. Patres, idcirco appellasse formam Absolutionis orationem: Primò, inquit Arcudius propter consequentes, & conco nitantes preces, quæ cum ipsa forma antecedenter, & consequenter proferuntur; eo ferè modo, quo quidquid dicitur in Officio divino, appellatur oratio, quanquam in illo legantur historię, & vitæ Sanctorum, quæ non sunt orationes formaliter, sed potius narrationes. Secundò, Absolutio dicitur oratio, quia implicite, & virtualiter continet orationem, quæ ex Christi institutione Sacerdos ipsius Christi D. nomine petit efficaciter remissionem peccatorum; Sacerdos enim Sacramentum conferens optat exaudiri à Deo; & statim adest divina majestas verbis sui ministri operans remissionem peccatorum. & hac ratione etiam Sacramentorum omnium formæ passim à SS. Patribus, vocantur preces, & oratio-

R r r

tiones; unde sanctus Augustinus lib. 3. de Baptismate cap. 18. *Deus exaudit hominidam super aquam Baptismi, vel super oleum, vel super Eucharistiam, vel super capita eorum, quibus manus imponitur deprecantem. Tertio, quia inferioris ad superiorem sermo, est quedam orationis species; fieri enim debet cum humilitate, reverentia, & animi demissione, quæ precum, & orationum sunt appendices.*

*His addit, quod SS. Patres sæpius loquantur de Absolutione cæremoniali solita concedi publicè penitentibus post exactos Pœnitentiæ labores; illa siquidem concedebatur à Sacerdotibus, iis qui pœnitentialibus operibus defungebantur intuitu supplicationum & precum totius Ecclesiæ, præcipuè verò Sacerdotum, necnon & Martyrum, ac eorum, qui Christi fidem, & nomen coram Infidelibus constanter professi fuerant, & propter ejusmodi Confessionem varia tormenta perpessi; de quibus utique precibus ait sanctus Ambrosius lib. 2. de Pœnit. cap. 10. *Fleat pro te, mater Ecclesia, & culpam tuam lacrymis lavet; videat te Christus mœrentem; amat, ut pro uno multi rogent: motus vidua lacrymis, quia plurimi pro ea flebant filium ejus resuscitavit.* Similiter sanctus Pacianus, Christi preces, inquit, sunt suffragia Fidelium: Hinc Tertullianus lib. de Pœnit. cap. 10. *Cum te ad fratrum genua protendis, Christum contrectas, Christum exoras, cum illi super te lacrymas agunt, Christus patitur, Christus Patrem deprecatur.**

*Obijciunt tertio: Si Sacerdotes tempore S. Augustini usi fuissent hæc forma: Ego te absolvo, ipse non arguisset ejusmodi loquendi formulam in hæreticis: Ego tibi peccata remitto, cum à peccatis absolvere, sit ea remittere: sed ipse lib. 50. homiliarum homil. 23. cap. 8. expendens Magdalene conversionem, & hæc verba: *Quis est hic, qui etiam peccata dimittit?* ubi dixit, Christum*

*peccata dimittere non quatenus hominem, sed quatenus Deum, itatim arguit eos, qui dicebant: Dimitto tibi peccata; Medicus bonus, inquit, ægroto non solum præsentem sanabat, sed & futuros etiam prævidebat: futuri enim erant homines, qui dicerent: Ego peccata dimitto, ego justifico, ego sanctifico, ego sano quemcumque baptizo. Et circa finem capitis, *Audet sibi hoc homo usurpare? Quid contra hæreticis? Ego dimitto, ego mundo, ego sanctifico: quæ sanè non protulisset, si illa forma indicativa, Ego te absolvo, tunc temporis in Ecclesia fuisset in praxi.**

*Respondeo sanctum Augustinum non arguere eos, qui nomine, & autoritate Christi, tanquam ejus Vicarii, dicunt: Ego peccata dimitto: Nam cap. seq. fatetur Apostolos à Christo accepisse potestatem remittendi peccata: sed quod eam sanctificandi vim, ac peccata dimittendi suæ propriæ sanctitati, suisque meritis adscriberent, arbitrati se sanctissimos esse, quod improborum consortio non inficerentur, & alios ex sua societate justificare possent. Unde eis attribuit illud Isayæ 32. *Recede à me, quoniam mundus sum: Hinc, ut subdit sanctus Augustinus, In collatione nostra cum eis à Cognitore confessus esset oblatas, ut sedere nobiscum, respondebant, Scriptum est, nos cum talibus non sedere. Psalm. 25. Non sedi cum concilio vanitatis, ne scilicet per contactum subsellium ad illos veluti nostra contagio perveniret. Unde sic eos urget sanctus Augustinus: *Quare nobiscum ingressi es in Ecclesiam, cum scriptum sit consequenter, & cum iniqua agentibus non introibo? . . . idcirco melior Judæis, quam hæreticis apparuit intellectus. Judæi quippe dixerunt: Quis est hic qui peccata dimittit? audet sibi homo hoc usurpare? quid contra hæreticis? ego dimitto, ego mundo, ego sanctifico, &c. Cum igitur illi hæretici, videlicet Montanistæ, & ex eis originem ducentes***

Do-

Donatistæ, (qui se catharos, hoc est, mundos, alios verò immundos existimabant, & idcirco sibi arrogabant facultatem alios sanctificandi ex sua societate, & propriis meritis) in fundamentum sui erroris proferrent illud Matth. 18. *Quicumque solveritis, &c.* non negat sanctus Augustinus Christum dedisse hanc potestatem Apostolis: sed ait, Deum esse principem causam, homines verò tantum ministros: *Nescitis*, inquit cap. 9. *quare hoc dictum sit, quomodo dictum sit? daturus erat Sat Dominus hominibus Spiritum sanctum, & ab ipso Spiritu sancto fidelibus suis dimitti peccata, non meritis hominum volebat intelligi dimitti peccata.* Nam quid est homo, nisi ager sanandus? *Pis mihi esse Medici? mecum quere Medicum: nam, ut hoc evidenter ostenderet Dominus, à Spiritu sancto, quem donavit fidelibus suis, dimitti peccata, non meritis hominum, quodam loco (nempe Joan. 20. sic ait resurgens à mortuis: Accipite Spiritum sanctum: & continuo subiecit: Si cui dimiseritis peccata, dimittuntur ei, hoc est, Spiritus Domini dimittit, non vos, Deus autem Spiritus est: Deus ergo dimittit, non vos. Sed audi Spiritum? Quid estis vos, nescitis, quia templum Dei estis, & Spiritus Dei habitat in vobis: Unde concludit: Deus ergo habitat in templo suo, hoc est, in sanctis suis fidelibus; in Ecclesia sua per eos dimittit peccata: quia viva templa sunt: sed qui dimittit per hominem, potest dimittere, & præter hominem: neque enim minus est idoneus per se dare, qui potest per alium dare. Non igitur negat sanctus Augustinus verba formæ Absolutionis, sed superbiam eorum, qui suis meritis remissionem peccatorum tribuebant, improbat.*

Obijciunt quartò S. Cyprianum lib. de Lapsis, ubi ait: Nemo se fallat, nevo se decipiat: solus Dominus misereri potest: veniam peccatis, quæ in ipsum commissæ sunt, solus potest ille largiri, qui

pro nobis doluit, quem Deus tradidit pro peccatis nostris: homo Deo esse non potest major; nec remittere, aut donare indulgentiæ suæ servus potest, quod in Dominum delicto graviore commissum est: igitur censet S. Cyprianus Sacerdotem, absolvere non posse actu juridico à peccatis: sed id soli Deo esse tribuendum.

Nego consequentiam: Non enim ea mens est S. Cypriani: sed ibi arguit eos, qui inondum benè dispositis per debitam satisfactionem, & salutaris Pœnitentiæ labores, beneficium Absolutionis Christi negatoribus, & lapsis à fide impendebant: Unde antea dixerat: Oportet Dei Sacerdotem non obsequii decipientibus fallere, sed remediis salutaribus providere. Imperitus est Medicus, qui tumores vulnerum sinus, manus parente contrahat, & in altis recessibus viscerum virus inclusum, dum servat, exaggerat. Aperendum vulnus est, & secundum, & putaminibus amputatis medela fortiore curandum. Vociferetur, & clamet licet, & conqueratur ager impatiens per dolorem, gratias ager postmodum, cum senserit sanitatem. Unde statim subdit causam, cur hæc fuerit peccatoratus: Emersis enim (Frater dilectissimi) novum genus cladis, & quasi parum persecutionis procella sevierit, accessit ad cumulum, sub misericordia titulo malum fallens: & blanda perniciet. Contra Evangelii vigorem, contra Domini, ac Dei legem, temeritate quorundam laxatur incauti communicatio irrita, & falsa pax, periculosa dantibus, & nihil accipientibus profutura: non querunt sanitatis patientiam, nec veram de satisfactione medicinam, Penitentia de peccatis excussa est, gravissimi, extremique delicti memoria sublatæ est. Operiuntur morientium vulnera, & plagæ letalis altis, & profundis visceribus infixæ, dissimulato dolore contigitur, à diaboli aris revertentes ad sanctum Dominum sordidis, & infestis nidore manibus

accedunt: mortiferos idolorum cibos adhuc pene rutiñtes, exhalantibus etiam nunc seelus suum faucibus, & contagia funesta redolentibus Domini corpus invadunt. His igitur verbis significat sanctus Cyprianus se dumtaxat insectari eos Sacerdotes, non qui ambirent concedere veniam, & remissionem, cujus conferendæ non haberent facultatem, sed quod crudeli misericordia, & nimia facilitate, ac indulgentia eam lapsis nondum debite dispositis largirentur.

Adde quod S. Cyprianus ibi non loquatur de Absolutione à peccatis, sed tantum ab excommunicatione, & aliis Ecclesiæ censuris, quibus in idololatram lapsi innodabantur, donec peracta sufficiente pro delicto Penitentia, ab eis solverentur. Unde subdit: *Ante expiata delicta, ante Exomologesin scilicet criminis, ante purgatam conscientiam, sacrificio, & manu Sacerdotis; ante offensam placatam indignantis Domini, & mirantis, pacem putant esse, quam quidam verbis fallacibus vendicant. Non est pax illa: sed bellum, nec Ecclesiæ jungitur, qui ab Evangelio separatur. Quid injuriam beneficium vocant? Quid impietatem vocabulo pietatis appellant? Quid eis, qui flere jugiter, & rogare Dominum suum debent, intercepta Penitentiae lamentatione communicare se simulant? .. Non concedit pacem facilitas illa, sed tollit, nec communicationem tribuit, sed impedit ad salutem.*

Obijciunt quintò: Non est verisimile Ecclesiam Orientalem, maxime apud Græcos, nusquam habuisse legitimam, ac validam formam Absolutionis: sed illi solum absolvent verbis deprecatoriis; igitur hæc forma non est illicita, nec invalida.

Nego minorem: Cujus contrarium apparet ex Græcorum Euchologio: nam in eo præmittuntur quidem hæc verba precatória: Dominus noster Iesus Christus, & Deus, qui mandatum ligandi, & solvendi peccata Discipulis tradidit, præ-

*tereat omnia peccata tua. Sed orationem hæc consequuntur verba: Ego vero indignus ejus servus absolve te à peccatis tuis. Item: Dominus iustus, qui propter nos carnem assumpsit, & universi orbis peccatum tollit, delicta tua deleat: Ego vero condono tibi omnia peccata tua. Et Arcudius ipse Rituum Ecclesiæ Græcæ peritissimus, utpote natione Græcus, & eruditione singulari rerum Ecclesiasticarum instructissimus, agens lib. 4. de forma Pœnitentiæ, disertè ostendit, quod etsi imperitiores Græci interdum utantur forma deprecatoriæ; tamen peritiores non nisi imperativè, vel indicativè absolvent: nam inter varias Absolutionis formulas, quas ibi refert, nulla est, quæ præter preces adjunctas, non præferat auctoritatem sententiæ judicialis: Solent enim Sacerdotes dicere pœnitenti: *Habeo te veniam donatum; aut: habeo te absolutum*, vel quid simile, quod utique, inquit, phrasi Græcæ æquivalet illis: *Veniam do, ignosco, condono, indulgeo*, seu, *remitto tibi peccata*: Præfules autem honoris, dignitatis, aut humilitatis gratia dicunt: *Mea mediocritas, seu mea humilitas te absolutum habet*. Id ut ostendat Arcudius, refert diploma Pacomii Patriarchæ Constantinopolitani lutum adversus Arsenium quemdam virum Catholicum, & Latinis conjunctum; in quo continetur excommunicatio Arsenii his verbis: *Nostri mediocritas habet te excommunicatum, seu separatum ab indivisa Trinitate in hoc, & futuro seculo*: Tum etiam ejusdem Arsenii Monembasiæ Episcopi depositio, his verbis: *Te habeo depositum, seu, Mea mediocritas habet te depositum, & exutum omni Sacerdotio*; Id est, deponit, & exuit.*

Quia vero quosdam Catholicis Latinis adversantes excommunicaverat Arsenius, eos absolvent ab excommunicatione Pacomius: *Cunctos vero orthodoxos habemus absolutos, & benedictos*, id est, absolvimus, & benedicimus:

Idem

Idem etiam Latine dicitur alicui seipsum excusanti, *Habeo te excusatum*, id est, te excuso.

Refertur etiam ab Arcudio quidam Absolutio Michaelis Antiocheni Patriarchæ super confitentem ita concepta: *Gratiâ, dond, potestate S. Spiritus quæ à Christo data Apostolis ligandi, & solvendi peccata hominum, cùm ait: Accipite, &c. Quæcunque alligaveritis, &c. & ad nos continuâ successione transit, mediocritas nostra habet veniâ donatum spirituales filium suum Theodosium, in quibuscunque ipse ut homo deliquit, & in Deum verbo, opere, cogitatione, omnibusque suis sensibus peccavit, esse excommunicatione vel imprecatione Pontificis, seu Sacerdotis, aut Patriis, aut Matris suæ, obnoxius fuit, vel sibi ipsi malum imprecatus, seu ius jurandum violavit; vel etiam alii quibusdam erratis confusus est: & hæc quidem spiritualibus Patribus confessus est, ab eisque impositam sibi Pœnitentiam diligenter perfecit, à reatu, nexu, & ligamine horum omnium omnipotenti potestate, gratiaque sancti, & adorandi Spiritus, eum solvimus, & habemus liberum, & veniâ donatum.*

Hanc absolvendi formam Leopoli, quæ Russiæ Metropolis est, Petro cuidam Archidiacono concessam à Joachimo Patriarcha Antiocheno, qui regiones illas peragraverat, se vidisse testatur Arcudius; unde colligitur ab Antiochenis Antistitibus usurpatam antea fuisse formam Absolutionis indicativam, & absolutam, quâ dicitur, *Solvimus, &c.* Idem ait ab Hypatio Metropolita Chioviensis librum ostensum sibi fuisse Russorum idioniate manuscriptum; in quo ad calcem absolutoriæ deprecationis hæc habetur forma: *Ego Pater tuus spiritualis, potestate mihi à Deo, & à Superioribus meis concessâ, absolvo te ab omnibus peccatis tuis.* Gabrielis Philadelphensis in libello de Sacramentis hanc refert Pœnitentiæ formam: *Gratia sanctissimi Spiritus per meam humilita-*

tem habet te veniâ donatum, & absolutum. Igitur Græci ab Ecclesiæ Latine praxi in hujus Sacramenti forma secundam formam indicativam non dissentiant.

Urgebit: Participia illa præteriti temporis, *absolutum, condonatum*, & eis similia non ostendunt aliquid, quod actu fiat in præsentis tempore, sed quod antea factum fuerit: igitur Græcorum forma, quæ per ejusmodi participia declaratur, non est indicativa; nec idem significat, ac absolvo, seu condono.

Negat antecedens Arcudius: Nam, inquit, apud Græcos Ecclesiasticos Authores participia ista usurpantur ad significandam rem præsentem; nam in Concilio Ephesino parte 2. actione 1. refertur sententia depositionis Nestorii, quâ actu destituitur his verbis concepta: *Blasphematus ab eo Dominus noster Jesus Christus decrevit per præsentem Synodum sacro-sanctam eundem Nestorium ab Episcopali dignitate, omnique cætu Sacerdotali alienum esse.* Et in Chalcedonensi act. 1. S. Flavianus Patriarcha Constantinopolitanus unâ cùm Synodo, Eutychem hæresiarcham sic depōnit: *Decrevimus per Dominum nostrum Jesum Christum ab eo blasphematum, alienum eum esse ab omni officio Sacerdotali, & à nostra communione, atque à munere præsidendi Monasterio.* Igitur participia illa, *condonatum, & absolutum*, idem significant, ac absolvo; seu condono.

Inflabit: Forma indicativa, *habeo te absolutum*, vel *ego tibi condono*, non est in Euchologio Græcorum, ut ipsemet Arcudius fatetur; sed ejus loco habetur hæc deprecativa, *Domine Iesu Christe, qui dedisti nobis potestatem, solve hunc à peccatis suis:* Igitur Græci non utuntur forma indicativa, sed deprecativa.

Nego consequentiam: Nam, ut observat idem Arcudius, major pars eundem Græcorum ea forma utitur propter ignorantiam, quâ videlicet illi nesciunt

om

omnem Absolutionis vim eis paucis verbis includi: *Habeo te condonatum*: unde doctiores apud eos utuntur hac forma indicativa, quæ etiam habetur in Euchologio, quod Leo Allatius inter recentiores Græcos eruditissimus suppeditavit: in eo namque Germanus Amathensis Episcopus ita loquitur: *Humilitati nostræ per gratiam, & potestatem sanctissimi Spiritus, datum à Servatore nostro Iesu Christo Discipulis ejus, ad peccata hominum liganda, & solvenda, cum dixit eis: ACCIPITE SPIRITUM SANCTUM, &c. ex ipsis autem ea divina gratia continua successione pertransiit ad nos, condonata habet filiam suam in omnibus, in quibus ut homo peccavit, verbo, opere, mente, & omnibus suis sensibus.*

Instabis iterum: Non solum imperitii; sed etiam doctiores Græci, tam veteres, quàm moderni utuntur forma deprecativa: igitur nulla responsio. Probatur antecedens: *Primo* quidem ex Dialogo Simeonis Thessalonicensis, ubi pœnitens dicitur, non confiteri Sacerdoti; sed Deo; ac subinde censet Sacerdotem solum Deum deprecari, ut absolvat.

Insuper in libro Pœnitentiali manuscripto Bibliothecæ Barberinæ, quem ab annis fere centum quidam Græcus Diaconus nomine *Basiliscus* exscripsit è vetusto codice, Sacerdos ita pœnitentes absolvendo alloquitur: *Deus pareat tibi per me peccatore, & in hoc seculo, & in futuro.* Tertio Nicolaus Cabaſilas Thessalonicensium Episcopus lib. expositionis divinæ lithurgiæ cap. 29. ait: *Peccatorum remissio pœnitentibus datur per orationes Sacerdotum*: Idem habet Jeremias Constantinopolitanus Patriarcha 1. responsione ad Lutheranos, ubi ait: *Preces Sacerdotum ad Deum convertunt, & veniam impetrant*: Igitur, &c.

Nego antecedens; & ad primam ejus probationem dico, meritò Simeonem

dixisse peccatorem non confiteri Sacerdoti, sed Deo; quia Sacerdos sedens pro Tribunali vices Dei agit: unde sicut Confessionem excipit nomine Dei, sic, absolvit.

Ad secundam dico, potius contrarium ex illa evinci: Nam *Deus tibi per me, pareat*, idem est, ac *ego tibi nomine Dei pareo*. Ad Cabaſilam dico, eum varios in errores impingere, quos refellit Bessarion, maxime in eo quòd dicat Eucharistiam oratione Sacerdotum effici, quasi orationes fieri solent in Canone Missæ, efficiant præsentiam corporis Christi non autem hæc verba, *Hoc est corpus meum*, &c. Ad Jeremiam dico, eum dumtaxat velle, quòd Sacerdotum orationes sint necessariæ tum Sacerdotibus, tum aliis fidelibus ad Domini mensam accedentibus: non negat autem Absolutionem fieri per auctoritatem Sacerdotis; scribit enim ipsemet cap. 12. *Remissionem peccatorum injuncta multà datus, &c.*

Objeiunt sexto: Absolvendi, seu pœnitentes Deo reconciliandi forma talis esse debet in Sacramento Pœnitentiæ, qualis habetur in Ecclesiæ Latine antiquioribus Pœnitentialibus, Sacramentalis, & Ritualibus: at in eis ante annum Christi 1200. ejusmodi Absolutionis formula præscripta non est indicativa, sed dumtaxat deprecativa; igitur talis etiam nunc est habenda. Major constat: cum enim isti libri sint practici, singulos explicant Ritus, & singulas actiones, ac ceremonias in administratione Sacramentorum observari solitas: Sacramentorum autem formæ præcipuum inter ejusmodi ritus locum obtinere debent, ne scilicet Sacerdotes propter incuriam, aut ignorantiam deficiant in Sacramentis conferendis, inanem, & invalidam formam profereundo. Minor verò probatur: *Primo* quidem ex Ordine Romano, quem antiquissimum esse nemo diffiteri potest, utpote qui citetur ab Amalario, & Al-

cui-

cuino Caroli Magni Præceptore; in eo autem refertur forma Absolutionis concedi solite penitentibus feria 4. in Cœna Domini: Archidiaconus enim penitentem è privato loco, ubi Penitentiam egit, in atrium Ecclesiæ deducens, ac præ foribus ejusdem Ecclesiæ eum sistens Antistiti, sic Pontificem alloquitur *Redintegra in eo Apostolice Pontifex, quidquid diabolo suadente corruptum est, & orationum tuarum patrocinantibus meritis per divine Reconciliationis gratiam fac hominem proximum Deo.* Quibus verbis, Archidiaconus postulans Absolutionem penitentis, non rogat Judicis sententiam, sed deprecationem Pontificis. Signum igitur est quod tunc temporis Absolutionis formula tantum erat deprecatoria.

Quod utique confirmatur ex his quæ sequuntur: nam præmissis plurimis orationibus, & precibus, quas Episcopus super penitentem recitat, tandem hac oratione Absolutionem concludit: *Adesto Domine supplicationibus nostris, & me, qui etiam misericordiâ tuâ primus indigeo, elementer exaudi, & quem non electione meriti, sed dono gratiæ tuæ constituisti hujus operis Ministrum, da fiduciam tui muneris exequendi, & ipse in nostro ministerio, quod tuæ pietatis est, operare.* Plures alias idem Ordo preces isti similes addit, ad unius penitentis, aut plurium Absolutionem, & reconciliationem. Eandem pene Absolutionis formulam referunt *liber Sacramentorum* S. Gregorii, *Aleuinus* lib. de divinis Officiis, cap. de Cœna Domini, & *Burcardus* lib. 19. decretorum. Idem quoque habent plurimi Pontificales Rituales, Sacramentarii, ac Pœnitentiales libri manuscripti plurium Ecclesiarum Cathedralium, in quibus non alia habetur forma Absolutionis super penitentem publicum aut privatum, quam deprecativa, seu preces & orationes, quibus Sacerdotes Deum exorant, ut penitenti commissa peccata indulgeat.

Respondeo 1. negari posse majorem; siquidem præcipuus Sacramentorum librorum scopus est, Missarum orationes & præfationes, & similia (quæ variantur in celebratione tremendorum mysteriorum) describere, ut videlicet Sacerdotes per totum anni curriculum habeant modum ritæ ac debitæ singulis diebus celebrandi; non autem eorum intentum est, referre formas Sacramentorum, nisi obiter.

Quantum autem ad Ritualia, & Pœnitentialia spectat, dico in eis non accuratè fuisse expressas Sacramentorum formas, ac forte ejusmodi libri incidentes in manus infidelium, Sacramenta exponerent ludibrio: Hinc Innocentius I. epist. 1. c. 3. aperiens ritum, & modum tradendæ Confirmationis, designat quidem materiam, non verò formam; scribit enim, *frontem oleo signare solis debetur Episcopis, eum tradunt Spiritum paracletum; verba autem dicere non possum, ne magis videar prodere, quam ad consultationem respondere.* Quapropter consuetum erat Episcopis, & Sacerdotibus ejusmodi Sacramentorum formas viva voce, vel scriptis particularibus, & occultioribus tradere; ac subinde ex ejusmodi libris nil quidquam contra nostram assertionem potest colligi.

Respondeo secundò, negando minorem; nam apparet ex verbis præfatæ orationis depromptæ ex Ordine Romano, Episcopum per eam non ministrare sacramentum Pœnitentiæ, sed tantum petere à Deo fiduciam, divinum sibi commissum ministerium debite exequendi; ea scilicet, quæ pollet autoritate in penitentes: Unde in eodem Ordine, post varias recitatas orationes, habentur hæ Absolutionis formulæ: *Prima* quidem pro plurimis absolvendis: *Nos etiam secundum auctoritatem nobis indigentis à Deo concessam absolvimus vos ab omni vinculo delictorum vestrorum, ut mercamini habere vitam.*

etc.

eternam per eum, qui vivit, &c. Singularis autem Absolutionis formula hæc est: *Frater N. Dominus Iesus, qui dixit Apostoli: Quæcunque ligaveritis, &c. Ipse te absolvat per ministerium nostrum ab omnibus peccatis tuis, quæcunque cogitatione, locutione, & operatione negligenter egisti.* Porro his verbis Sacerdos idem significat, ac si diceret: *Absolve te ut Minister Christi, &c.*

Quantum ad librum Sacramentorum S. Gregorii, & quædam Ritualia, & Pœnitentialia, dico, non mirum, quod in eis dumtaxat scribantur orationes supra Pœnitentem dicendæ: quoniam Sacerdotibus, ut mox dictum est, satis nota erat forma indicativa, utpote cum eam memoria traditam haberent, ne scilicet exteris proderetur. Sunt tamen plurimi Pontificiales & Pœnitentiales libri manuscripti, in quibus habetur Absolutio indicativa precibus adjuncta. Nam in Gregoriano Sacramentario, quod manuscriptum habetur in Bibliotheca Victoriana Parisiensi, hæc legitur formula: *Absolvimus te vice B. Petri Apostolorum Principis, cui Dominus potestatem ligandi, & solvendi dedit, ut quantum ad te pertinet accusatio, & ad nos remissio, sit Dominus Omnipotens, tibi vita salutis, & omnibus tuis peccatis indulget.* Similiter in antiquo manuscripto sancti Rhemigii Ecclesiæ Rhemenfis, cujus meminit Menardus, inter varias benedictiones Episcopales, hanc ait contineri, *Auctoritate B. Petri, cui tradite sunt claves regni celorum, & potestas ligandi, & solvendi animarum, cui licet meritò longè simus dissimiles, quoniam potestate à Deo concessa existimus confimiles, Ego deinceps vos absolvo à vinculis peccatorum vestrorum.* Et ad finem antiquissimi Ecclesiæ Turonensis Sacramentarii caractere antiquo 600. annorum habetur hæc Absolutio indicativa, *Absolvimus vos fratres ab omnibus criminibus vestris.* In Ecclesiæ Rothomagensis Bibliotheca Pontificale,

quoddam est antiquius annis 450. ubi hæc habetur Absolutionis formula: *Ipse Deus vos absolvet, & quantum nostræ fragilitati permittitur, sitis absoluti ante Tribunal Domini N. Iesu Christi.* Ex quibus apparet formam indicativam non esse recentem in Ecclesiâ inventam; siquidem ejus formulæ correspondent ei quæ nunc est in praxi.

Urgebit: Author ille Anonymus, quem opusc. 22. impugnât S. Thomas, aiebat, formam indicativam incepisse tunc temporis à 30. annis; quod utique non negavit S. Thomas, nec offendit formam indicativam longè esse antiquiorem.

Insuper Magister sententiarum, qui veterum Patrum & Theologorum sententias collegit circa doctrinam de Sacramentis, non meminit formæ Absolutionis indicativæ, nec recenset aliquem, qui eâ fuerit usus.

Denique Guillelmus Parisiensis ait; *Confessarius non dicit more Judicis forensium: Absolvimus te, sed magis orationem facit super eum, ut Deus Absolutionem, remissionem & gratiam sanctificationis tribuat.* Igitur tunc temporis forma Absolutionis indicativa non erat in usu.

Nego consequentiam, & ad primum nego antecedens, nam S. Thomas cum hominem temeritatis arguens, ait: *Quomodo de omnibus potest testimonium perhibere, qui omnes non vidit?* Sed certum est, addit S. Doctor, quod jam sunt anni 1200. & amplius, quod dictum est Petro: *Quodcunque solveris.* Merito verò eum arguit, cum ex antiquissimis codicibus allatis apertum sit dudum, ante illud tempus Absolutionis indicativas formulas in usu fuisse, nec eam absolvendi formam deprecatoriam retro actis temporibus ante ann. 30. fuisse communem apud omnes.

Ad secundum respondet S. Thomas cap. 2. Nec Magister formam posuit, nec legitur de alia forma, quod aliusquis San-

Sanctorum sit usus; nec etiam legitur, quòd aliquis istam formam negaverit: legitur autem, quòd institutor Sacramenti dixit: *Quòd cumque solueritis &c.* quòd est majus omni auctore.

Ad tertium, cùm Anonymus ille, objiceret famulos & antiquos Magistrum Guillelmum Parisiensem Episcopum, Guillelmum Altisiodorensensem, & Hugonem Cardinalem sensisse pro forma deprecativa; *respondet* opusculo prædicto: *Primo* non constare, quòd ita senserint: *Secundo*, si ita senserint eorum opinionem prejudicare non posse communi sententiæ Magistrorum Parisiis Rëgentium, qui contrarium sentiunt, decernentes absque his verbis, *Ego te absolvo*, Absolutionem non esse per solam orationem deprecativam.

Et ait merito non constare, quòd ita senserint: Guillelmus enim Parisiensis vult tantum Sacerdotem non absolvere propria virtute, sed divina: nam ibi quærit quando certis in casibus pœnitens uni tantum Sacerdoti non potest confiteri, cogiturque Confessionem, apud duos Sacerdotes edere, seu partiri, quis ex illis gratiâ sanctificationis infundat: & ait, utrumque concurrere ad gratiam illam infundendam; quia Confessarius non absolvit more fornicorum Judicum, sed magis orationem facit super penitentem, ut Deus Absolutionem, & gratiam sanctificationis tribuat: ac si diceret, eam gratiam à Deo produci, quem ideo sua Sacerdos oratione rogat. Attamen officium sanctificationis per Absolutionem, & Benedictionem Sacerdoti tribuit; quo quidem officio vincula peccatorum dirumpuntur in cordibus pœnitentium maculæ asperguntur, gratiæ infunduntur, sed per divini nominis invocationem, ut ait c. 22. Quòd autem non negaverit, Sacerdotes habere facultatem remittendi peccata, ex delegata sibi judiciaria autoritate, ipsemet docet c. 4. ubi ait: Idcirco datas esse Sacerdotibus

„ claves Ecclesiæ, ut essent, *inquit*,
„ qui aperirent pulsantibus, & intro-
„ ducerent intrare volentes, & tan-
„ quam officiales misericordiæ ipsius,
„ fugientes ad ipsam tota aggratula-
„ tione, & applausu recipere reos,
„ absolverent peccata, remitterent om-
„ nibus bonis gratiæ, & gloriæ, spo-
„ liatos à latronibus infernalibus re-
„ stituerent, vulneratos spiritualiter,
„ & morbosos cœlesti medicina, ac vir-
„ tute divina Sacramentorum medi-
„ camentis sanarent.

Obijciunt denique: Pœnitens ipse dum à Sacerdote absolutionem postulat in Confessione generali, quam partim præmittit accusationi distinctæ peccatorum tantum precatur Sacerdotem orare pro se ad Dominum Deum nostrum: igitur Ecclesiæ mens est, Sacerdotem non posse absolvere verbis indicativis, sed dumtaxat deprecativis.

Nego consequentiam. Primo namque ea Confessio generalis non habet rationem partis Sacramentalis, sed tantum est præparatio ex parte pœnitentis ad accusationem faciendam, & Absolutionem percipiendam: cujus signum est, quòd etiam in ea Confessione generali pœnitens non solum sua vota dirigit ad Sacerdotem, sed etiam ad B. Virginem; B. Michaelem, beatos Petrum & Paulum, & omnes Sanctos orare pro se ad Dominum Deum. Certum est autem, nec B. Virginem, nec alios Sanctos posse ei optulari per applicationem Sacramenti, sed dumtaxat per modum suffragii: igitur nec etiam orationem dirigit ad Sacerdotem eo fine, ut sibi per Absolutionem deprecativam sacramentum Pœnitentiæ largiatur. Quòd maxime confirmatur ex eo, quòd Sacerdos ipse ejusmodi supplicationem publice recitet in introitu Missæ, & exoret astantes ut pro se precentur, sicut & ipsimet astantes à Sacerdote petunt mutuo, nec tamen Sacramentalem Absolutionem ab astantibus peti-

est Sacerdos, nec astantes vicissim à Sacerdote; ac subinde oratio quam pœnitens confutendo generatim recitat, est tantum intercessio, quâ Sacerdotem exorat, ut impetret à Deo gratiarum auxilia, quibus debet à Absolutionem sacramentalem disponatur. Quod etiam præstat Sacerdos, cum statim subjiciat: *Miseretur tui, &c.* necnon &, *Indulgentiam, & Absolutionem, &c.*

CONCLUSIO SECUNDA.

Absolutio data sub conditione de præfenti, & præterito possit esse valida: sub conditione autem de futuro esset invalida. Prima pars constat; nam, ut diximus agendo de Baptismo, legitime confertur Baptismus sub conditione de præterito, & præfenti, putà sub hac forma: *Si non es baptizatus, ego te baptizo.* Quid ni igitur Sacerdos dubitans, an formam Absolutionis legitime protulerit, possit eam repetere sub hac conditione. *Si non es absolutus, Ego te absolvo.* Similiter si dubitet rationabili de causa legitima dispositione prænitentis, poterit hanc adijcere conditionem. *Si es rectè dispositus, Ego te absolvo.* Cujus utique ratio est, quod ejusmodi conditiones non suspendant effectum præsentem Absolutionis sacramentalis, & illæ transeunt in absolutas propositiones, dum reverà adest conditio præfens.

Hac tamen absolvendi formula vix utendum est; siquidem indicium esset, quòd Sacerdos sub dubio traderet Absolutionem; quæ debet esse non dubia; quamvis enim maximè curæ debeat esse Sacerdoti cognoscere dispositionem prænitentis, dolorem scilicet, & propositum: ipsi tamen facta diligenti excusatione credendum est, & ita impendenda Absolutio, nec reputanda materia dubia, quæ reverà non debet dubiæ existimari.

Secunda pars est communior apud Theologos, qui varias in ejus confirmationem rationes præferunt, at alia

melior, & efficacior ratio non occurrit; quam Christi D. voluntas, qui noluit judicium sacramentale, & remissionem peccatorum, quæ sit per Absolutionem sacramentalem, pro voluntate Ministri posse suspendi de futuro, dum adest legitima, ac sufficiens materia; quæ utique voluntas constat ex communi sensu Ecclesiæ, quæ noluit admittere Absolutionem sacramentalem sub conditione suspensiva ipsius valoris, ut constat ex continua praxi, & omnibus Ritualibus, in quibus nusquam reperitur hujusmodi formula Absolutionis conditionalis de futuro.

Unde discrimen est inter matrimonium, & alia sacramenta, quòd contractus matrimonialis admittat conditiones de futuro, putà cum contrahitur per procuratorem cui delegans suas committit vices, & per eum talem conjugem ducit, si ipse procurator postmodum consensit sicut fieri solet in aliis contractibus. Ita ut non sit absolutus, sed tantum initiatus contractus, nisi impleta conditio; cujus ratio est quia Christus non mutavit naturam contractus in matrimonio; sed solum illum exivit ad Sacramenti dignitatem. Ablutio autem Baptismalis, v. g. æquæ sit perfecta, & completa, sive addatur conditio futura, sive non; & similiter pronuntiatio formæ, *Ego te baptizo*, cum sit actio externa, ubi posita est, quantumvis deficiat conditio, similiter fieri non potest, ut ea posita non fuerit. Idem dicendum est de materia, & forma sacramenti Pœnitentiæ; nam eis semel positis, necessariò ponitur effectus, id est, remissio peccatorum; alioquin non esset signum certum, & efficax ejusdem remissionis.

Non obstat, quòd leges civiles admittant sententiam publicam conditionatam ut suspensivam doloris, uti etiam particulares remissiones conditionales debitorum; & similiter quòd leges Canonice admittant Absolutionem de cen-

su-

suris sub conditione de futuro : non enim eadem est ratio de iudicio sacramentali ; quippe cum Christus D. voluerit sacramentum Pœnitentiæ subsistere , ac fieri per verba , quæ significant actuale remissionem peccatorum , ut colligitur ex usu , & praxi Ecclesiæ , uti jam diximus .

Dicitur : Sacerdos per illa verba , *Absolvo te* , non solum absolvit à culpa , sed etiam à pœna temporali , saltem partialiter , juxta proportionem satisfactionis , quam imponit , & tamen ab ea parte pœnæ non absolvit absolute , sed tantum sub conditione satisfactionis postea implende de futuro ; & consequenter suspendit effectum Absolutionis quoad eam partem : igitur pari ratione eum suscipere potest quoad remissionem culpæ .

Respondeo reverà suspendi effectum partiale Absolutionis , donec ponatur ejusmodi satisfactio ; quia videlicet remissio pœnæ non est primarius ejus Absolutionis effectus , sed veluti secundarius ; unde non mirum , si hic suspendi possit , donec satisfactio impleatur . Secus autem est de remissione culpæ , quia cum sit primarius effectus , non potest suspendi quin irritum sit Sacramentum .

QUÆSTIO QUINTA .

Quisnam sit effectus Absolutionis Sacerdotalis , seu quomodo remittat reatum culpæ , & pœnæ .

Notandum primò , certum esse , & sufficienter constare ex jam pluribus dictis , in hominis peccatoris justificatione , reverà peccatum dilui quoad reatum culpæ , & non solum tegi , seu non imputari ; nam præter quàm quòd Scriptura sacra constanter asserit , peccata dimitti , deleri , tolli , hominemque ab illis mundari , & super nivem dealbari ; unde homines , quibus peccatum

dimittitur , appellantur *Filii , & amici Dei , sancti & immaculati* ; quæ omnia verè , & propriè dici non possunt , si peccati macula remaneat , quæ Dei oculis euncta cognoscentis tegi non potest ; ac subinde homo propter ipsam necessariò odio habetur à Deo : siquidem Sapientia 14. *Odio sunt Deo impius , & impietas ejus* . Unde meritò Concilium Tridentinum sess. 5. in decreto de peccato originali . Can. 5. definit : *Si quis per Jesu Christi D. Nostri gratiam , quæ in Baptismo confertur , reatum originis peccati remitti negat , aut etiam asserit non tolli solum id , quod veram , & propriam peccati rationem habet , sed illud dicit tantum radi , aut non imputari , anathema sit* . Simili modo dicere potuisset : Si quis per Jesu Christi D. Nostri gratiamque in Sacramento Pœnitentiæ confertur , reatum actualis peccati remitti negat , aut etiam asserit non tolli totum id quod veram , & propriam peccati rationem habet , sed illud dicit tantum radi , aut non imputari , anathema sit . Certum est igitur per sacramentum Pœnitentiæ reverà peccatum dimitti , quoad reatum culpæ : quomodo autem id fiat , controversatur apud Theologos .

Notandum secundò , varia fuisse , maxime apud veteres Theologos circa virtutem Absolutionis placita . *Primò* namque aliqui cum Hugone Victorino lib. 1. de Sacramentis par. 14. c. 8. & Richardo item Victorino 1. p. lib. de potestate ligandi , atque solvendi , cap. 12. docuerunt , Sacerdotem absolvere à pœna æterna debita peccato , postquam Deus solus ante Sacerdotis Absolutionem reatum culpæ remiserat . *Secundò* , nonnulli , cum Joanne Medina tract. 2. de Pœnitentia , q. 38. dixerunt , per contritionem absolvi homines à culpa , & à pœna æterna , non tamen ab exilio patriæ cœlestis ; quam utique patriam , quia Sacerdos absolvens aperit , ideo dicitur habere claves regni cœlorum .

Tertiò, docuerunt aliqui, maximè Nominales cum Ochamo relato à Gabriele dist. 18. quest. 1. homines absolvi à culpa, & à pœna per Absolutionem Sacerdotis, non re ipsa susceptam, sed in voto: unde quando postmodum conceditur Absolutio, homo solvitur ab obligatione confitendi, ac subjiciendi peccata dimissa clavibus Ecclesiæ. *Quartò*, Alexander Alensis, & Seraphicus Doctor docere videntur, potestatem Sacerdotis non valere circa remissionem culpæ, aut pœnæ æternæ, sed dumtaxat circa remissionem pœnæ temporalis; quæ aliquando dicitur Absolutio à peccato, juxta illud 2. Machab. cap. 12. Sancta ergo, & salubris est cogitatio pro defunctis exorare, ut à peccatis solvantur, hoc est à pœna peccatis debita. *Quintò* denique, nonnulli docuerunt cum Magistro sentent. in 4. dist. 18. Sacerdotem, cum profert illa verba: *Ego te absolvo*, solum significare quodd declararet hominem absolutum à peccatis per præviā cognitionem. Contra quas omnes sententias militandum erit in Conclusionē primā.

Notandum tertiò ex Doctore subtili dist. 19. nu. 4. auctoritatem absolvendi à peccatis, (quam Christus nomine *clavis regni cælorum* expressit,) esse triplicem: *Authoritas, inquit, judiciaria*, sententiandi cælum huic aperiendum, vel apertum esse, potest tripliciter intelligi. Uno modo, *authoritas simpliciter principalis*. *Secundò* modo, non principalis, sed præcellens. *Tertiò* modo, non principalis, nec præcellens, sed particularis. *Prima* soli Deo convenit propter duo: *Primo*, quia ipse solus ex se est justus; imò ipsa justitia: primum autem iudicium non potest competere, nisi primo justo; quia iudicium non est perfectum, nisi sit, & justum, juxta illud Psal. 118. *Feci iudicium, & justitiam*, siquidem judicare est jus, vel

justum dicere: Primum autem justum oportet esse perfectissimum, & ita justissimum: igitur primi justus. *Secundò*, quia judicare est Prædicentis, juxta illud Apostoli ad Rom. 15. *Tu quis es, qui judicas alienum servum?* Primus autem Præsidens non potest esse, nisi Deus solus. Unde sicut non potest alii communicare Divinitatem, sic nec primam potestatem judicandi, nec per consequens clavem simpliciter principalem aperiendi cælum. *Secundæ clavis*, scilicet non principalis, tamen præcellens, potest intelligi quantum ad duplicem præminentiam; unam quidem in universalitate causarum judicandarum: aliam in firmitate sententiæ definitivæ. Et utroque modo præminentia potest convenire illi, qui omnia merita, & demerita novit, quæ sunt causæ propter quas cælum est aperiendum, vel claudendum; Et cum hoc habet voluntatem inseparabiliter conformem justitiæ divinæ. Propter primum potest in omnibus causis sententiarum, quia omnes novit: Propter secundum potest ejus sententia simpliciter esse firma, & irrevocabilis; quia semper justa. Hæc clavis cum utraque præminentia, propriè est Christi, qui novit omnia merita, & demerita judicandorum, & semper justitiæ divinæ conformiter judicat. Nec ista potest esse in Ecclesia militante, saltem congruè, quia nullus in Ecclesia novit omnes causas judiciarias, nec habet voluntatem immutabiliter justam. *Tertiæ clavis*, scilicet particularis, quantum ad causas cognoscendas, & infirma, quantum ad sententiam ferendam, putà quodd sit aliquando revocabilis; potest conferri alicui in Ecclesia militante, qui potest in illa causa non nosse, & in illa, secundum legem, divinam rectè judicare; & si quandoque præter illam; sententia ejus non

non

„ non erit firma, sed secundum illam „ erit firma.

Duo itaque maximè hic occurrunt determinanda. *Primum*, utrum Sacerdotes novæ legis reverà habeant facultatem absolvendi à reatu culpæ, aut tantum declarandi culpam esse remissam. *Secundum*, utrum per Absolutionem sacramentalem relaxetur tota poena peccatis debita, aut saltem aliqua ex parte illa minuat.

CONCLUSIO PRIMA.

Sacramentum Pœnitentiæ verè, & propriè remittit omnia peccata sibi subiecta, quantum ad reatum culpæ. Hæc est ita nunc certa, & communis apud Theologos; ut Suarez disp. 18. scilicet. 2. memb. 3. non dubitet dicere contrarias, & oppositas sententias esse erroneas; ut pote cum opponatur doctrinæ Concilii Tridentini docentis ac dicentis sess. 14. cap. 6. *Quamvis Absolutio Sacerdotis alieni beneficii sit dispensatio, (nempe ipsius Dei) tamen non est solum nudum ministerium, vel annuntiandi Evangelium, vel declarandi remissa esse peccata: sed ad instar actus judicialis, quò ab ipso velut à iudice sententia pronuntiatur, &c.* Unde Can. 9. *Si quis dixerit Absolutionem Sacramentalem Sacerdotis non esse actum judiciale, sed nudam ministerium pronuntiandi, & declarandi remissa esse peccata: consenti; modò tantum credat se esse absolutum, aut Sacerdos non scrib, sed joco absolutus anathema sit.*

Quibus verbis Concilium aperte docet, Absolutionem Sacerdotis non esse dumtaxat declarativam remissionis peccati: sed verum actum judiciale, quò hujusmodi peccata remittuntur. Quamquam enim præcipuum Concilii intentum fuerit, ibidem definire contra hæreticos, solam fidem absque Pœnitentia, seu Contritione non sufficere ad veram justificationem; nihilominus nostram etiam assertionem satis aperte insinuat,

quod ulterius probatur ex eodem Concilio ibidem, cap. 1. ubi cum præmisisset hæc verba Christi D. *Quorum remisistis peccata, &c.* subdit: *Quò tam insigni factò, & verbis tam perspicuis, potestatem remittendi, & retinendi peccata, ad reconciliandos Fideles post Baptismum lapsos, & Apostolis, & eorum legitimis successoribus fuisse communicatam, universorum Patrum consensus semper intellexit.*

Quare meritò proscripta fuit à summis Pontificibus Pio V. Gregorio XIII. & Urbano VIII. hæc Baij propositio: *Peccator pœnitens non vivificatur ministerio Sacerdotis absolventis; sed à solo Deo, qui Pœnitentiam suggerens, & inspirans vivificat eum, & resuscitat: ministerio autem Sacerdotis solus reatus tollitur.*

Probatur secundo hæc nostra assertio autoritate SS. Patrum, qui in Sacerdotibus novæ legis veram, ac perfectam potestatem absolvendi à peccatis agnoverunt. Ita præ cæteris S. Ambrosius lib. 1. de Pœnitentia, cap. 2. exponens hæc verba. *Quorum remisistis peccata, remittuntur eis, & quorum retinueritis, retenta sunt; ait: Ius hoc permixtum solum Sacerdotibus est; rectè igitur hoc Ecclesia vindicat, quæ veros Sacerdotes habet: hæresis vindicare non potest: quæ veros Sacerdotes non habet.* Et lib. 2. cap. 2. ait: *Impossibile videbatur per Pœnitentiam peccata dimitti, concessit hoc Christus Apostolis suis, quod ab Apostolis ad Sacerdotum officia transmissum est: factum est igitur possibile, quod impossibile videbatur.* At nuda potestas declarandi peccata esse remissa à Deo, non videbatur aliquid impossibile; siquidem Natham Propheta declaravit Davidi peccatum à Deo fuisse remissum: igitur mens S. Ambrosii non est, quòd Sacerdotis Absolutio sit dumtaxat ipsius remissionis declaratio.

Idem docet S. Chrysostomus homil. 5. in verba Iaiæ, & lib. 3. de Sacerdotio

tio cap. 4. ubi clare dicit: *Nestris Sacerdotibus non corporis lepram, verum animæ navis, non dico purgatos probare, sed purgare prorsus concessum est.* Idem S. Angustinus pluribi, maxime lib. de catechizandis rudibus, cap. 17. & S. Hieronymus epist. 1. ad Heliodorum, & alii plurimi Patres, quos laudat Canisius 2. p. Cathecismi cap. 1.

Præstat tertio hanc veritatem subtilis Doctor hac ratione: Sacramenta novæ legis reverà efficiunt quod significant; sunt enim signa practica: sed Absolutio Sacramentalis significat remissionem peccati quoad culpam, & condonationem eternam: igitur, &c. Ait autem Doctor: Si sacramentum Pœnitentiæ revera non remitteret culpam, aperte sequeretur, quod non esset Sacramentum novæ legis, nec aliqua causalitas, vel dispositio causalis ad primam gratiam quia nunquam dignè susceperetur, nisi ab habente jam primam gratiam; nullus enim attenditur dignè solutus à Deo, nisi prius sit solutus. Item, susceptio istius Sacramenti est instrumentum ad gratiam, hoc est, dispositio efficax necessaria ex statuto divino ad gratiæ susceptionem: instrumentum autem, vel dispositio prævia, non est signum rememorativum, sive ostensivum alius, ut jam præteriti, sed futuri: ergo collatio Sacramenti Pœnitentiæ ad hoc, ut fiat dignè, non oportet, ut sit signum Absolutionis divinæ præcedentis. *Hæc ille.*

Ideoque concedit, quod sacramentum Pœnitentiæ potest dignè recipi ab attrito, & hoc tanta Attritione, quæ non sufficeret per modum meriti ad justificationem suscipiendam in termino Attritionis; & quod si non sic recipiatur in termino, recipiatur gratia prima, quia à Deo confertur: & Absolutio Sacramentalis est signum efficax illius Absolutionis sequentis in ultimo instanti ipsius, sicut prolatio verborum est si-

gnum confectiois corporis Christi. Unde colligit Doctor: Secundum hoc patet, quomodo Sacramentum, hoc est instrumentum ad gratiam, primam, sit dispositio prævia eo modo, quo alteratio potest dici instrumentum respectu generationis substantiæ: quia est dispositio prævia. Alioquin, ut ait diff. 14. quæst. 4. num. 7. non appareret quomodo sacramentum Pœnitentiæ esset secunda tabula, si nunquam per ipsum ut Sacramentum est, posset recuperari secunda gratia amissa, sed tantum per Attritionem, tanquam per præviā dispositionem, & per Contritionem tanquam per dispositionem completivam.

Hæc Doctor, quibus aperte significat sacramentum Pœnitentiæ non fore distinguendum à Sacramentis veteris legis; nec esse secundum post naufragium tabulam; si reverà Sacerdotes per Absolutionem sacramentalem non remitterent peccata; siquidem Sacramentum hoc nunquam liberaret naufragum à periculo submersionis, utpote qui jam periculum evadisset per Contritionem ante ejusmodi Sacramenti susceptionem.

Confirmatur hæc assertio ex refutatione aliarum sententiarum; Primo namque falsum est Sacerdotem dumtaxat absolvere à pœna æterna debita peccato, postquam solus Deus reatum culpæ remisit: Tum, quia juxta Concilium Tridentinum sess. 6. cap. 14. *Pœna æterna unà cum culpa remittitur*: Igitur si ante Sacramenti susceptionem remissa erat culpa, etiam remitti debuit pœna æterna: Tum, quia culpa mortalis non potest deleri, nisi per infusionem gratiæ: gratia autem sanctificans de via ordinaria stare non potest cum reatu, & obligatione ad pœnam æternam; alioqui sequeretur, quod aliquis posset esse simul filius gloriæ, & gehennæ, & destinatus ad felicitatem, & ad dam-

nationem; gratia enim est semen gloriæ; reatus autem pœnæ obligatio ad damnationem, & pœnam æternam.

Secunda pariter sententia subsistere non potest, nempe quòd Absolutio sit tantum aperitio, aditus, & via ad patriam celestem: *Tum, quia* sola peccata possunt nobis ejusmodi viam præcludere: igitur ubi semel remissa sunt, talis via, & aditus non possunt occludi: *Tum, quia*, ut mox dictum est, per Contritionem remittitur pœna æterna, quantum ad pœnam sensus: ergo multo magis quantum ad pœnam damni, quæ est ipsa eliminatio, & remotio à patria celesti.

Tum denique, quia nullum est fundamentum, quo maximè nituntur illius sententiæ assertores, nempe quòd aliquis carere possit culpâ, & reatu pœnæ; & tamen exulare à cælo, sicut Joannes Baptista, & alii exulabant in Limbo: non est enim idem ferendum judicium de fidelibus iustis post Christi Resurrectionem, & Ascensionem, ac de Patribus ante ejusmodi Resurrectionem: hi enim ibi detinebantur, non quòd haberent reatum pœnæ luendæ; sed eò quòd non erat solum pretium sanguinis Christi, nec conveniebat ipsos prius intrare gloriam, quàm Christum: sicut nec modò carentia gloriæ corporis est aliquis reatus pœnæ luendæ; sed dilatio gloriæ debita ob justam congruentiam.

Tertia pariter sententia, nempe quòd per Absolutionem homo liberetur ab obligatione confitendi peccata, refellitur: *Primo*, quia inde sequeretur, quòd falsa esset formula Absolutionis à peccatis; siquidem absolvere à peccatis, & obligatio confitendi peccata, duo sunt omnino distincta: *Secundò*, Absolutio, quæ datur solum de venialibus peccatis, nil profus efficeret, siquidem non est necessaria obligatio ejusmodi peccata confitendi: *Tertio*, sequeretur claves Ecclesiæ, & potestatem non fuisse collatam in ordine ad mundandam

animam, sed tantum ad cærimoniam extrinsecam adhibendam.

Denique quarta sententia omnino aliena est ab efficacia hujus Sacramenti, totamque illius efficaciam evertit; nam ad evacuandum reatum pœnæ temporalis, plurima alia suppetunt faciliora remedia, ut constat in indulgentiis, & sacrificio Missæ; ac subinde non opus fuisset instituire peculiare Sacramentum, ad ipsius pœnæ temporalis remissionem.

Obijcies primò: Solus Deus remittere potest peccatum: igitur Sacerdotes reverà peccatum non remittunt: Probatur antecedens ex illo *Isaie* 23. ubi Deus ait: *Ego sum qui deleo iniquitates tuas*. Et *Matth. 9. Quis potest dimittere peccata, nisi solus Deus?* Unde S. Augustinus lib. 50. homiliarum homil. 23. *Nemo tollit peccata, nisi solus Deus, qui est Agnus tollens peccata mundi; tollit autem & dimitto, quæ facta sunt, & adjuvando ne fiant, & perduendo ad vitam, ubi omnino fieri non possunt*. Et super *Psalmum* 31. exponens hæc verba: *Remissi impietatem peccati mei*, aperit docet, remissionem peccati ad solum Deum spectare. Idem docent alii SS. Patres infra laudandi.

Distinguit antecedens Doctor num. 24. Solus Deus dimittere potest peccata, potestate propriâ, & principali, concedit; delegatâ & ex commissione, negat; nec enim particula (*solus*) excludit remissionem fieri posse ab alio, quàm à Deo: nam similiter dicitur *Psalm. 71. Deus facit mirabilia magna solus*, quod intelligitur dumtaxat de virtute propriâ & principali; nam *Ecclesiastici* 31. de humine dicitur, quod fecit mirabilia in vita sua: igitur Sacerdos reverà remittit peccatum quantum ad reatum culpæ, & pœnæ æternæ; sed instrumentaliter tantum, ut *Doctor* num. 24. optimè explicat dicens: *Facit, sed non facit nisi instrumenta aliter, non quidem attribuendo enim eff. suam, nec virtute propriâ,*
nec

nec alterius sed attingendo aliquid prius, quod est dispositio necessitans ad illum effectum; necessitans, inquam, ex divina passionē, & tale agenti causans dispositionem necessariam ad terminum, dicitur agenti instrumentale, ut est de alterante & generante, proprium autem est Deo principaliter mundare, & remittere illud debitum etiam attingendo illum effectum (physicē) horum autem neutrum convenit Sacerdoti, utpote qui solum moraliter attingit illum effectum, idque ex commissione, & delegatione Dei, sicut procurator ex facultate Domini sui remittere potest debitoribus, quod suo Domino solvere tenentur. Quam utique explicationem etiam approbat S. Gregorius homil. 26. in Evangelia, ubi expendens illud Joannis; Quorum remisistis peccata, &c. ait: Apostoli principatum superni iudicii sortiuntur, ut vice Dei quibusdam peccata retineant, quibusdam relaxent. Nota principatum superui iudicii, & vice Dei eos peccata relaxare. Itaut quas culpas Deus suo superno iudicio solvit, easdem Apostoli solvant; alioquin enim non superni principatum, sed inferioris iudicii sententiam ferrent, si solam, pœnam, non culpam relaxarent. . . . Horum profecto nunc in Ecclesia Episcopi locum tenent. Ligandi, atque solvendi auctoritatem suscipiunt, qui gradum regimini sortiuntur.

Nec aliud certè voluerunt SS. Patres, maximè S. Augustinus, siquidem præterquam quod docet, ut diximus, Sacerdotes novæ legis habere in se veram auctoritatem abolvendi à peccatis; dum ait, solum Deum pœnitenti dimittere Peccata, id dumtaxat intelligit de auctoritate principali; siquidem eodem modo docet verum Ministrum Baptismi ita baptizare, ut tamen solus Christus sanctificare dicatur: Sic lib. 2. contra Cresconium cap. 21. Tingere, inquit, possunt & boni & mali; ablueri autem conscientiam non nisi ille, qui semper bo-

nus est: Et de Sacramentis in universum ait lib. 3. cap. 5. Sive à fidei, sive à perfido dispensatore Sacramentum quisque percipiat, non sanctificat, nisi Deus.

Unde Doctor dist. 14. quæst. 4. nu. 11. Concedo, inquit, quod Sacerdos ita dimittit peccatum in Pœnitentia, sicut in Baptismo, & ita absolvit sicut baptizat: quia utrobique simpliciter verum est, quod ministrat Sacramentum, effectum autem Sacramenti ministerialiter, quia aliquid causat, ad quod secundum dispositionem, seu actionem Dei, regulariter sequitur effectus Sacramenti.

Obijciat secundo historiam Lazari, quem Christus D. solus ad vitam revocavit; postmodum verò Discipulis iussit, ut eum solverent, & sinnerent abire: Sic enim legimus Joan. 11. Voce magna clamavit Jesus, Lazare veni foras, & statim prodit qui fuerat mortuus, ligatus pedes & manus insitis, & facies illius sudario erat ligata, & dixit eis (Discipulis) Solvite eum, & finite abire. Quem utique locum expedientes SS. Patres, inde colligunt, prius peccatorem debere vivificari per Christum, quàm Sacerdotum ministerio solvatur. Hoc præcipuè docet S. Gregorius homil. 26. in Evangelia, ubi agens de potestate ligandi, atque solvendi tradita à Christo Apostolis, ait: Causæ ergo pensandæ sunt, & cum ligandi, atque solvendi potestas est exercenda, videndum est, quæ culpa, aut quæ sit Pœnitentia secuta post culpam, ut quod omnipotens Deus per compunctionis gratiam vixit, illos Pastoris sententia absolvat. Tunc enim vera est Absolutio Pœnitentis, cum æterni arbitrii sequitur iudicis, quod bene quatruiduani mortui resuscitatio illa significat, quæ videlicet demonstrat, quia prius mortuum Dominus vocavit, & vivificavit, dicens, LAZARE, VENI FORAS; & postmodum is qui vivens egressus fuerat, à Discipulis est solutus, sicut scriptum est: Cumque egressus esset, qui fuerat ligatus insitis, tunc dixit Discipulis: sol-

vite cum, & finite abire. Ecce illum. Discipuli jam viventem solvunt, quem Magister resuscitaverat mortuum; si enim Discipulum Lazarum mortuum solverent, factorem magis ostenderent, quam virtutem; ex qua consideratione, intueudum est, quod illos nos debemus per Pastoralem auctoritatem solvere, quos Authorem nostrum cognoscimus per suscitantem gratiam vivificare.

Ubi duo dicit S. Gregorius: *Primum*, quod sententia Sacerdotis absolventis, non antecedit, nec comitetur, sed tantum sequatur sententiam Dei hominem vivificantis; ac subinde Sacerdos nullum peccatorem, nisi jam per gratiam viventem potest solvere; & consequenter revera Sacerdotes non remittunt peccata: *Secundum* verò, quod non aliter Sacerdotes solvant hominem mortuum peccato, quam Discipuli solverunt Lazarum: igitur quemadmodum hi solverunt jam viventem, ita & illi.

Idem docet S. Augustinus tract. 6. in Joan. ubi ex illo miraculo colligit Christum sibi retinuisse potestatem remittendi peccata; servis autem ministerium dedisse, ne servus in servo speraret. Et in caput Matth. 16. *Christus*, inquit, *per se intus vivificat, Ministris potestatem solvendi post vitam tribuit, qui nullum solvere possunt, nisi vivat.* Et exponens illud Psalmi 87. *Numquid medici suscitabunt eum, &c. Viventes*, inquit, *curare ministerio suo possunt Sacerdotes; non autem mortuos suscitare.* Et in Psalm. 101. concione 2. *Merito per Ecclesiam dari solutio peccatorum potest: Suscitari autem mortuos non nisi intus clamante Domino potest; hoc enim Deus interioribus agit: Loquimur ad aures vestras; unde scimus quid agatur in quolibet vestrum. Quid autem intus agitur, non à vobis, sed ab illo agitur.* Ergo ex mente illorum sanctorum Patrum, remissio peccatorum, quæ est hominis à morte peccati suscitatio, sit à

Tom. X.

solo Deo, non autem à Sacerdote.

Distingo consequens: Fit à solo Deo, tanquam causa principali, concedo: à solo Deo tanquam excludente consortium causæ ministerialis, nego.

Secundò S. Gregorium similiter distinguo: Sacerdotis Absolutio sequitur arbitrium æterni judicis in discernenda dispositione penitentis, concedo: in impertienda remissione peccati, nego: nihil enim aliud intendit S. Gregorius; siquidem agit ibi de discretionem, quam adhibere debent Sacerdotes, antequam penitentes absolvant, ut si debite dispositos inveniant, eos absolvant; nam antea dixerat: *Ecce qui districum Dei judicium metuunt, animarum judices sunt, & alios damnant, vel liberant, qui semetipsos damnari metuerunt, bonum profectus locum in Ecclesia tenent Episcopi, grandis honor, sed grave pondus: durum est enim, ut qui proprie moderamina vite nescit, iudex fiat alienæ; & plerumque contingit, ut hic iudicii locum teneat, cui ad locum vite minimè concordat; ac proinde sepe agitur, ut vel damnet imperitos, vel alios ipse ligatus solvat.* Et paulò post subdit, verba, in objectionem posita, *cause pensandæ sunt, &c.*

Respondeo tertio, S. Gregorium nihil aliud intendere, quam quod non sit absolvendus, nisi quem Deus jam vivificare incepit per impulsu Spiritus, non quidem adhuc inhabitantis, sed tantum moventis, ut loquitur Concilium Tridentinum. Triplex enim est in impiis justificationis gratia. Prima preveniens, & excitans: secunda cooperans, & adjuvans, tertia habitualis formaliter sanctificans. Quilibet autem ex iis aliqua proportionem dici potest vita, suscitatio, & absolutio peccatoris: Prima quidem, quia per gratiam excitantem peccator, velut Lazarus in peccati sepulchro mortuus jacens, per eam, quasi divina Christi voce vocatur foras, & jam dat quædam signa vitæ; non qui-

T t t

dem

dem adhuc perfectæ: quia non potest peccator moveri ad sacramentum Pœnitentiæ debite suscipiendum sine dispositionibus, videlicet fide, spe, & charitate, ac Attritione supernaturali: cum itaque has dispositiones non possit obtinere, nisi per gratiam, quæ est à solo Deo; idcirco merito dicitur peccator non prius posse per Sacerdotem absolvi, quàm vitam à Deo receperit; non quidem adhuc perfectam, sed imperfectam. Unde merito dixit S. Gregorius: Tunc vera est Absolutio præsentis, cum æterni arbitrium sequitur iudicis, hoc est, ille ritè absolvitur à Sacerdote, quem Christus compunctionis testimonio, & Pœnitentiæ desiderio absolvendum significat.

Nec obstat, quòd utatur exemplo Lazari, qui prius perfectam vitam naturalem obtinuit, quàm solveretur ab Apostolis; iude uanque colligere non licet, quòd etiam prius peccator vivere debeat vita supernaturali perfecta, quàm solvatur à Sacerdote: cum enim sensus illius exempli sit allegoricus, non debet rei veritati in omnibus quadrare; sed satis est, quòd sicut ab Apostolis Lazarus verè solutus fuit, sic à Sacerdote pœnitens verè solvatur à vinculis, quibus tenetur. Et insuper sicut Lazarus non fuit solutus, nisi jam vivens; ita peccator prius vivere debet vita gratiæ, non quidem habitualis, sed actualis, qua dolet de peccatis, & movet se motu vitali, & exit foras per Confessionem, quàm vitam perfectam obtineat per Sacerdotis Absolutionem.

Hoc utique significat S. Gregorius, cum post præfata verba in objectione posita, statim subjicit: *Quæ nimirum vivificatio ante operationem reformationis, in ipsa jam cognoscitur confessione peccati. Unde & huic ipsi mortuo Lazaro nequaquam dicitur, Resurrexisti, sed Veni foras. Omnis quippe peccator dum culpam suam intra conscientiam abscondit, introrsum latet, in suis penetralibus oc-*

cultatur. Sed mortuus venit foras, cum peccator nequitias suas sponte confitetur: Lazaro ergo dicitur, Veni foras, ac si apertè eulibet mortuo in culpa dice-retur: Cur reatum tuum intra conscientiam abscondis? foras jam per confessionem egredere, qui apud te interius per negationem lateat. Venientem verò foras solvant Discipuli, ut Pastores Ecclesiæ ei pœnam debeant amovere quam meruit, qui non erubuit confiteri quod fecit. Ita S. Gregorius, quem licet interpretari de Absolutione Sacramentali, quam negat dandam, nisi ei quem Christus vivificavit; at quam vivificationem intelligat, manifestissimè explicat, cum ait eam proderè se in confessione peccati, quæ est effectus, & signum compunctionis interinæ.

Simili modo intelligendus est S. Augustinus; nam, ut inquit Tract. 49. in Joan. ad illa verba, *Lazare veni foras: Quomodo processit ligatus pedibus, miraris, & non miraris, quia surrexit quateriduanus? In utroque potentia Domini erat, non vires mortui. Processit, & adhuc ligatus, & adhuc involutus, tamen jam foras processit. Quid significat? Quando contemnis, mortuus iaces, est tanta quanta dixi contemnis, sepultus iaceris: quando confiteris, procedis. Quid est enim procedere, nisi ab occultis velut excundo te manifestare? Sed ut consecraris, Deus sicut magna voce clamando, id est, magna gratia vocando: ideo cum processisset mortuus adhuc ligatus, confitens, & adhuc reus, ut solverentur peccata ejus, ministris hoc dixit Dominus: Solvite illum, & finite abire. Quid est, solvite, & finite abire? Quæ solveritis in terra, soluta erunt in celo.*

Similiter scribit ser. 8. de verbis Domini ibi: *Quisquis male consueverit, male vite, terrenarum scilicet cupiditatum mole præmitur; ita quod in illo jam saltum sit, quod in quodam Psalmo miserabiliter dicitur: Dixit stultus in corde suo, non est Deus. Fit talis à quali*

quali dictum est: A mortuo, velut qui non sit, perit confessio. Quis cum resuscitabit, nisi qui remoto lapide clamavit, dicens: Lazare veni foras? Quid est autem foras prodire, nisi quod occultum erat, foras prodere? Qui confitetur, foras prodit, foras prodire non posset, nisi viveret: (inchoative per gratiam prevenientem, & adjuvantem ad eliciendum verum dolorem supernaturalem) vivere non posset, nisi resuscitatus esset. Ergo in Confessione sui accusatio, Dei laudatio est.

Dicitur inquit S. August. Quid prodest Ecclesie si jam peccator voce Dominica resuscitatus prodit? Quid prodest Ecclesie confitenti, cui Dominus ait: Quæ solveris in terra soluta erunt, & in caelo?

Respondet: Ipsum Lazarem attende, cum vinculis prodit, jam vivebat confitendo, sed nondum liber ambula- bat vinculis irretitus? Quid ergo facit Ecclesia, cui dictum est: Quæ solveris, soluta erunt, nisi quod ait Dominus continuo ad Discipulos, Solvite eum, & finite, abire. Ecce nomine, vite, intelligit solam Confessionem, quam autem Absolutionem Sacerdotis poenitens habet à solo Deo, & quæ nisi præcesserit, nulla est potestas Sacerdotibus absolvendi, ut rectè alio loco dixit S. Augustinus: Christus per se ipse vivificat, Ministris solvendi post vitam potestatem tribuit, qui nullum solvere possunt, nisi vivat, id est, nisi rectè fuerit confessus.

Objiciunt tertio S. Hieronymum, qui explicans illud Matthæi, Quodcumque ligaveris, ait: Illum locum Episcopi, & Presbyteri non intelligimus, aliquid sibi de Phariseorum assumunt supercilio, ut vel damnet Innocentes, vel solvere se noxios arbitrentur, cum apud Deum non sententia Sacerdotum, sed reorum vita guaratur. Legimus in Levitico de Leprosi, ubi jubentur ut ostendant se Sacerdotibus, & si lepram habuerint; tunc à Sacerdote immundi fiant; non quòd Sacerdotes leprosos faciant, & immundos;

sed quòd habeant notitiam leprosi, & non leprosi, & quòd possint discernere, qui mundus, quive immundus. Quomodo ergo ibi leprosum Sacerdos mundum, vel immundum facit: sic & hic alligat, vel solvit Episcopus, & Presbyter; non eos, qui insontes sunt, vel noxii, sed pro officio suo, cum peccatorum audierit varietates scit quis ligandus sit, quive solvendus: igitur ex mente S. Hieronymi eatenus tantum Sacerdos peccata solvit, aut remittit, quatenus soluta seu remissa declarat.

Nego consequentiam, & ad S. Hieronymum dico, eum illis verbis arguere, ac reprimere quosdam Episcopos, qui nimiam licentiam sibi arrogabant pro libito, & non explorata dispositione, poenitentium eos admittendi, vel rejiciendi ab Absolutione, contra quos docet, eorum potestatem non esse absolutam, sed certis legibus ligatam, quas utique servare debent, ut eorum sententia sit valida, absolvendo videlicet dumtaxat eos, quos Deus Absolutione dignos judicat. Quod ut ostendat, utitur exemplo Sacerdotum Leviticorum, qui priusquam dimitterent leprosos, prius judicabant de eorum munditia, aut immunditia legali: Quare non eos comparat penes potestatem, sed penes potestatis usum. Addit enim: Cum pro officio peccatorum varietates audieris; (id est peccatorum species, & circumstantias notaveris,) scit quis ligandus sit, quisve solvendus: Non autem ait, quis solutus sit, aut ligatus; quòd certe asseruisset, si Sacerdos tantum declararet peccata remissa, seu retenta; non autem remitteret, aut retineret.

Objiciunt quarto S. Chrysostomum homil. 17. in Matthæum: Liberare, inquit, à putredine peccatorum Christi virtus est, ut autem ad illa iterum non revertantur, Apostolorum cura est, ac laboris.

Respondet S. Chrysostomum ibi non insinuare sermonem de Apostolis, ut

Sacerdotibus, five Judicibus secundariis, qui ex commissione cognoscunt in causa, & sententiam ferunt; vel Absolutionis, vel retentionis in reum contententem; sic enim Apostolis, & eorum successoribus competit liberare à putredine peccatorum; nam, inquit S. Augustinus lib. 1. de serm. Domini in Monte, cap. 6. condiendis, & extinguendis putribus peccatorum Apostolicum salem Dominus misit in mundum; sed loquitur S. Chrysostomus de Apostolis, ut Prædicatoribus, & Magistris orbis terrarum, qui ut tales non aliter habent facultatem sanandi à peccatis, quam movendo peccatores suis prædicationibus ad agendam Pœnitentiam.

Unde subjicit ibidem: *Non pro vestra tantummodo salute, sed pro universo orbe vobis certamen erit: non ad duas quippe urbes, aut decem, aut viginti, neque ad unam Gentem vos mitto, sicut mittebam Prophetas, sed ad omnem terram prorsus, ac mare, totumque mundum, & hunc variis criminibus oppressam.* Mittebat autem Prophetas, non ut Judices, sed ut Prædicatores, & Magistros: igitur sanctus Chrysostomus ibi loquitur de Apostolorum missione ad prædicandum, non vero de ipsorum legatione ad absolvendum.

Obijcies quintò: Vel pœnitens accedens ad tribunal sacramentale est contritus, & sic jam liber est à peccato, vel solum est attritus; & in statu peccati; & sic indignus Absolutione: igitur sacerdos in eo verè non potest peccatum absolvere.

Respondet utrumque interdum contingere, nempe quòd aliquando pœnitens sit contritus, aliquando autem, dumtaxat attritus; dum autem accedit contritus, habet quidem jam peccata remissa: at non independentor ab Absolutione sacramentali; Contritio quippe, qua peccatorum remissionem obtinuit, actu seu virtute continet votum emittendæ Confessionis, & obtin-

nendæ Absolutionis. Unde illa peccati remissio rectè tribuitur Absolutioni; quia nonnisi in ordine ad ipsam conceditur, & si ipsa data opportunitate negligenteretur, hæc negligentia in causa foret, cur nulla esset præfata peccati remissio. Quemadmodum originalis peccati remissio, quæ fieret per Contritionem, ac amorem Dei, includentem votum Baptismi; non prodesset ad salutem, si data opportunitate suscipiendi Baptismum, quis ipsum negligenter. Similiter qui cum sola Attritione accedit ad sacramentum Pœnitentiæ, non est quidem dignus gratia immediate, sed solum mediatè, quatenus idoneus est, ut per Absolutionem gratiam consequatur.

Obijcies sextò: Sacramentum Pœnitentiæ est medicina; at medicina prodesse non potest mortuis, sed dumtaxat vivis: igitur sacramentum Pœnitentiæ supponit vitam in suscipientibus.

Respondet ad minorem, esse quidem medicinam contra lethalia vulnera peccati, quæ licet nondum intulerint mortem damnationis æternæ, respectu cuius homo peccator dici possit vivus, & curabilis, tamen intulerint mortem gratiæ, & hoc sensu sacramentum Pœnitentiæ dicitur vivificare.

Obijcies denique: Non aliter Sacerdotes habent potestatem solvendi, quam ligandi: sed ligandi potestas est tantum ad declarandum aliquem esse jam ligatum: igitur etiam absolvendi potestas erit tantum ad ostendendum aliquem esse absolutum.

Respondet distinguendo majorem: Non habent aliter quantum ad concessionem, & autoritatem, concedo: quantum ad exercitium, nego: Potestas enim ligandi dupliciter potest exerceri. Primò quidem quatenus Sacerdos negare potest Absolutionem; & sic retinere peccata; secundò positivè, quatenus potest obligare pœnitentem ad satisfactionem sacramentalem; unde, dicitur

stinētia minore, neganda est consequentia; siquidem Sacerdos hoc utroque modo non solum declarat hominem esse ligatum, sed etiam eum revera ligat, & obligat, tum ad habendas meliores dispositiones, ut debite Absolutionem percipere valeat; tum ad implendam satisfactionem sibi præscriptam.

CONCLUSIO SECUNDA.

Per sacramentum Pœnitentiæ dimittitur pars aliqua pœnæ temporalis; eaque major, vel minor secundum dispositionem pœnitentis. Hæc colligitur ex Concilio Tridentino sess. 6. cap. 14. ubi sermonem faciens de satisfactione per jejunia, elemosynas, orationes, & alia pia vitæ spiritualis exercitia pœnitentibus præscribenda, subdit: *Non quidem pro pœna æterna, quæ vel Sacramento, vel Sacramenti voto una-cum culpa remittitur, sed pro pœna temporali; quæ, ut sacræ litteræ docent, non tota semper, ut in Baptismo fit, dimittitur illis, qui gratiæ Dei ingrati Spiritum sanctum contristaverunt, & templum Dei violare non sunt veriti.* Quibus verbis satis aperte significat Concilium, quod si non tota semper dimittitur pœna peccatis debita, unâ cum remissione culpæ; saltem aliqua illius pars relaxatur per Absolutionem sacerdotalem; alioqui frustra hæc scripsisset vocabula (*non tota semper.*)

Adde quod ea sit universalis Ecclesiæ, & Confessorum praxis, ut minores satisfactiones injungant, ac præscribant iis pœnitentibus, qui accedunt ad tribunal cum majori Contritione, vel Attritione; quod utique signum est, Ecclesiam supponere aliquam partem pœnæ temporalis, majorem, vel minorem, relaxari per sacramentum Pœnitentiæ, juxta propriam cujusque dispositionem, præter eam, quæ remittitur per impletionem satisfactionis præscriptæ à Sacerdote.

Nec certè deest ratio idem insinuans;

cur enim potius infusio gratiæ major aut minor fieret, juxta perfectiorem vel minus perfectam pœnitentis dispositionem, quàm quod remittatur pars pœnæ temporalis, maxime cum sacramentum Pœnitentiæ institutum sit ad remissionem peccatorum; ac subinde ad solutionem cujusque vinculi, & obligationis qua peccator constrigebatur; igitur nedum ad solutionem reatus culpæ, sed etiam ad solutionem reatus pœnæ.

Quam utique veritatem luculenter explicat Seraphicus Doctor in 4. dist. 18 p. 1. art. 2. q. 2. n. 24. ubi inquirens utrum Sacerdos remittat aliquam partem pœnæ peccatis debite, triplicem hac de re sententiam, ac responsum subjicit: *Primum* quidem, quod Sacerdos absolvat non à pœna peccatis debita, sed à vinculo confessionis, obligando pœnitentem ad penam satisfactionis; quæ utique opinio videtur elici ex Hugone Victorino in libro de potestate ligandi, ubi distinguuntur septem vincula, scilicet obdurationis, servitutis, captivitatis, æternæ damnationis, sive punitionis, perpetuæ detestationis, Confessionis, & penalis expiationis: à tribus primis absolvit Deus per gratiam præparantem, quæ emollit cor ad pœnitentiam, & est gratia gratis data; à vinculo servitutis per gratiam prævenientem, quæ est gratum faciens, & liberat a servitute peccati; à vinculo captivitatis per gratiam cooperantem, quæ expedit hominem, & solvit, seu excitat ad bona opera; à vinculo æternæ damnationis solvit ligando ad quintum scilicet ad vinculum perpetuæ detestationis: à sexto verò solvit per Ministrum ligando ad septimum: Sacerdos enim solvit consistentem peccatorem, ut non teneatur confiteri; sed ligat ad vinculum satisfactionis. Verùm, inquit Seraphicus Doctor, iste dicendi modus est improbandus; Sacerdos enim absolvendo non dicit: *Absolve te à Confessione, sed à peccatis.*

Un-

Unde subjicit *secundam sententiam*, nempe quòd Sacerdos absolvat, non tantùm à vinculo culpæ, sed etiam à pena Purgatorii obligando ad penam satisfactoriam; ac subinde non solvit aliquam partem pænæ relaxando, sed solùm commutando, hocque sub conditione, si videlicet expleat satisfactionem adjunctam. Unde si illa satisfactio sit condigna, Sacerdos dicitur absolvere à tota, si non sit condigna, absolvit dumtaxat à tanta; unde si peccator moriatur ante condignam satisfactionem, punietur in purgatorio. Verùm, ait Seraphicus Doctor, hic dicendi modus etiam improbat; si enim Sacerdos dumtaxat commutat pœnas, frustrà dicit penitentem: *Absolve te ab omnibus peccatis*; quippe cùm nullum emolumentum, saltem quantum ad relaxationem pænæ ex hujusmodi Absolutione reportet penitens. Ad id quòd peccator accedens ad tribunal penitentiae, tantam habere poterit contritionem, quòd Deus omnem ipsi culpam, & penam remittat; ac subinde non opus erit illam penam commutare in aliam penam.

Hinc *tertiã sententiam* subjicit Seraphicus Doctor, quam approbat, & declarat his verbis: Et ideo est tertius modus dicendi magis consonus rationi, fidei, & pietati, quòd Sacerdos aliquam partem pænæ absolvendo dimittit ex vi Clavium: & hoc possumus intelligere sic; Quòd universæ viæ Domini misericordia, & veritas, ideo in justificatione, quæ est opus misericordiae, misericordia sic remittit culpam, ut Justitiæ regulam non prætereat. Propterea adhuc detinet obligatum ad penam: illa autem pœna, ob rigorem divinæ Justitiæ est viribus nostris improporcionabilis, & nostræ cogitationi ignota, & pro illa oportet quòd satisfaciatur Deo. Providit ergo adhuc nobis viam misericordiae divinæ, & constituit arbitrum

Sacerdotem, & illi dedit potestatem arbitrandi, & laxandi penam, & manifestandi nobis, & partem pænæ remittendi ex virtute Passionis Christi, ut divina Justitia pro illa parte, solutionem ab isto exigat, sed ex Passionis Christi pœna sit contenta. Quanta sit illa pars, nostrum non est determinare, sed Dei. Et tunc sacramentum Penitentiae non tantùm, erit onerosum, sed etiam fructuosum. Hanc ergo opinionem sustinendo, concedendum est, quòd Sacerdos remittit aliquam partem pænæ, sicut ostendunt rationes, non eternæ, sicut ostendunt aliae, non purgatoriae, sed communiter illius pænæ, qua Deus obligat peccatorem post Absolutionem à culpa, & pro illa nunquam punitur in Purgatorio, nec alibi; sed pro illa parte, à qua non absolvitur, vel punietur hic sufficienter, vel Dominus exigit in Purgatorio.

Quod repetit in responsione ad 2. 3. 4. objectionem: *Ab aeterna pœna*, inquit, *nullo modo solvit Sacerdos, à Purgatorio absolvis, non per se, sed per accidens, quia cum in penitente virtute clavium minuitur debitum pænæ temporalis, non ita acriter punitur in Purgatorio, sicut si non esset absolutus.* Dum ergo in corpore questionis dicit, Sacerdotem non remittere aliquam partem pænæ purgatoriae, intelligendus venit de remissione per se. Si autem objicias, quòd hæc remissio præjudicat divinæ justitiæ: Respondet: *Sicut in Baptismo per Passionis Christi meritum, & solutionem solvitur peccator à tota pœna, ita in Penitentia per ejusdem Passionis Christi virtutem solvitur à parte pænæ: ita quòd in nullo præjudicatur justitiæ, imò verificatur illud Psalmistæ: Misericordia, & veritas obviaverunt sibi: Misericordia autem supererogando præteritum justitiæ satisfaciit.*

COROLLARIUM.

EX his aperte satis, & abundè confutata manet heretica sententia *Antonii de Dominis Archiepiscopi Syrlatenfis*, qui lib. 5. de R. pub. Ecclesiastica fatetur quidem Sacerdotes novæ legis habere potestatem reverà solvendi ac ligandi peccatores apud Deum; at non respectu omnium peccatorum, sed dumtaxat quorundam. Duplicis quippe generis peccata distinguit, quorum *quædam* ita occulta sunt, & latentia, ut nulla ratione exterius pateant, nec ullum afferant Ecclesiæ scandalum, qualis esset, v.g. deliberata animi interna voluntas adulterandi, nullo exteriori signo manifestata: *Quædam* verò ita notoria sunt, & publica, ut Ecclesiæ scandalum afferant, ejusque sanctitatem inficiant, ut homicidium, adulterium publicum, &c.

Docet autem occulta peccata non inducere vinculum, nec ligare, nisi apud Deum, à quo solo possunt dissolvi directè, & immediatè: quare si peccator occultus coram Deo perfectè contritus, ejusmodi peccati veniam exoret, eam consequitur; nec tenetur peccatum illud Sacerdotibus per Confessionem exponere: si verò ita exponat, ut à Sacerdote absolvatur, hæc Absolutio prorsus erit inutilis, & otiosa: Tum quia, inquit, peccatum illud remissum est, antequam peccator accedat ad Ecclesiam: Tum, quia Ecclesia non potest solvere, quod ipsa non ligavit. Quatenus verò peccata sunt publica, remittuntur à Deo directè, & immediatè, ut sunt offensiva Dei, & ab Ecclesia quatenus sunt offensiva Ecclesiæ; idque dumtaxat post peractas satisfactiones, & perpeßos labores penitentiales. Ex quibus colligit quòd etiam Absolutio Ecclesiæ penitentibus non profit, quantum ad remissionem occultorum peccatorum; nihilominus, inquit, SS. Patres hortati sunt Penitentes, ut ab Ecclesia postularent ligationem, & solu-

tionem pro criminibus occultis, eò quòd impositi Penitentia labores eis prodesse, ut fructus, & effectus interioris Penitentia: exercitia quippe durioris Penitentia: a Sacerdotibus injuncta, argumenta erant contriti, ac humiliati cordis.

Verùm hoc hæreticum dogma efficaciter proferibitur ex dictis, siquidem constat Sacerdotes novæ legis à Christo accipere potestatem remittendi quæcunque peccata simpliciter, & absque ulla exceptione: Christus enim ut Dominus indiscriminatim, & universim ait, Matth. 16. *Quodcunque solveritis*, &c. Et Matth. 18. *Quæcunque solveritis*, &c. Et Joan. 20. *Quorum remisistis peccata*, &c. Quibus significatur, Apostolos, & eorum Successores habere tam patentem, & generalem potestatem remittendi qualibet peccata in Ecclesia militante, quàm pateat, & sese extendat solutio, seu remissio per Deum, & Christum in calis impertienda: ita enim hæc Evangeliorum oracula interpretantur SS. Patres, maxime S. Chrysostomus lib. 3. de sacerdotio, cap. 5. ubi ait: *Omnem verum celestium potestatem à Deo Sacerdotibus esse traditam, & tantam ad remittenda peccata, quantum Deus Pater dedit Filio*, sed Pater æternus Filio suo dedit omnimodam potestatem remittendi peccata, tam publica, quam occulta: igitur, &c. Similiter S. Hilarius Can. 16. in Matth. ita S. Petrum alloquitur: *O felix Ecclesiæ fundamentum, dignaque edificationis illius Petra, quæ infernas leges, & tartari portas, & omnia mortis claustra dissolveres* O beatus celi janitor! cuius arbitrio claves æterni aditus traduntur; cuius terrefstre iudicium præjudicata sit auctoritas in celo, ut quæ in terris aut ligata sunt, aut soluta, soluti ejusdem conditionem obtineant, & in celo: At peccata occulta, sicut, & publica quoad culpam, & poenam sunt inferni leges, tartari porta, & claustra mortis; siquidem oc-

ci-

cidunt, & impediunt aditum cœli: igitur non solum publica, sed etiam occulta peccata solvere possunt Sacerdotes.

Idipsum apertissime clamat S. Leo ferm. 3. in anniversario suæ assumptionis ad Pontificatum, ubi cum declarasset summam à Christo auctoritatem Petro traditam, ait: *Manet ergo Petri privilegium ubicumque ex ejus æquitate fertur judicium, nec nimia est severitas, vel remissio, ubi nihil erit ligatum, nihil solutum, nisi quod B. Petrus solverit, aut ligaverit.*

In hoc autem turpissime hallucinatur Spalatensis, quod confundat potestatem clavium quoad forum exterius, & contentiosum cum potestate clavium quoad forum interius; ait enim cap. 7. num. 25. ligamen seu vinculum, quo peccatores Ecclesia ligat, in aliqua semper excommunicatione consistere, dum videlicet Ecclesia, vel peccatorem publicum prorsus separat è numero fidelium, si sit contumax, & incorrigibilis, vel dumtaxat ad tempus, donec scandalum debita satisfactione publica expiaverit. Sicque vult solum alligari, vel retineri peccata per Ecclesiæ claves, cum ita in peccatorem publicum animadvertitis; solvi autem, & remitti, cum tollit ejusmodi excommunicationis vinculum, sicque externum forum Ecclesiæ cum interno perperam confudit; siquidem potest aliquis ab excommunicatione solvi, qui nihilominus remanebit peccato obstrictus; sicut, & alius absolvi potest a peccato per Contritionem perfectam, qui tamen remanebit excommunicatione ligatus: igitur diversa est potestas absolvendi ab excommunicatione, & ab illa, qua quis absolvitur a peccatis in foro interiori, & secreto sacramenti Pœnitentiæ.

Dices: Solus Deus potest remittere offensam sibi irrogatam: igitur Ecclesia in ejusmodi remissione partem non habet. Antecedens constat; ejus enim

est offensam remittere, qui læsus fuit.

Distinguo antecedens: Autoritate propria, & principali, concedo; ex delegatione, & commissione Dei, nego: sicut enim privatus Judex non potest condonare offensam irrogatam Principi propria auctoritate, sed solum ex Principis delegatione; ita Sacerdos non ex propria, sed ex Dei concessione remittit offensam Deo irrogatam.

Dices secundo: Ecclesia solum potest solvere, quæ ligare potest: sed ligare non potest occulta peccata, quia non judicat de internis, & oculiis; judicium enim ejus totum externum est: igitur, &c.

Distinguo minorem: Quamdiu occulta sunt, & omnino interna, concedo: quando manifestantur, & nota fiunt per Confessionem, nego: Tunc enim Ecclesia per suos Ministros ejusmodi occulta peccata retinere potest si debitas dispositiones in pœnitente non requirat, ea verò absolvere, si idoneas dispositiones inveniat.

ARTICULUS TERTIUS.

De partibus Pœnitentiæ in speciali.

DIXIMUS in superiori articulo Pœnitentiæ sacramentum tres ex parte Pœnitentis actus desiderare, ex quibus quasi materia necessario constare debeat, ut definit etiam Concilium Tridentinum sess. 14. ca. 3. ubi legimus: *Sunt autem quasi materia hujus Sacramenti ipsius Pœnitentis actus, nempe, Contritio, Confessio, & Satisfactio, qui quatenus in pœnitente ad integritatem Sacramenti, ad plenamque, & perfectam peccatorum remissionem ex Dei institutione requiruntur, hæc ratione pœnitentiæ partes dicuntur.* Unde S. Augustinus exponens illud Psalm. 146. *Qui sanat contritos corde, sanat confitentes, sanat seipsos pœnientes.* Quibus verbis significat tres actus

actus poenitentia, nempe cordis Contritionem, otis Confessionem, & operis Satisfactionem. Superest autem, ut de singulis ejusmodi partibus in presenti Articulo disputemus, quod utique exequemur tribus in sequentibus Sectionibus; quarum *Prima* erit de Contritione tan perfecta, quæ vulgari nomine dicitur Contritio, quam imperfecta, quæ Attritio appellatur: *Secunda*, de Confessione: *Tertia* verò de Satisfactione tam sacramentali, quam Ecclesiastica, seu publica.

SECTIO PRIMA.

De Contritione.

CONTRITIONIS nomen deducitur à verbo *contero*, quod utique significat rem duram in minutissimas partes dividere, ut docet *Arist. 4. Metheorologicon*; appositâ quidem egregiâ similitudine: per peccatum enim hominis voluntas, & cor velut induratur, & obfirmatur in malo, iuxta illud *Job. cap. 41. Cor ejus indurabitur tanquam lapis, & stringetur quasi malleatoris insus*: unde actus ille, quo hæc amoveatur durities, & peccatum expungitur, merito à Theologis appellatur *Contritio*: Hinc Guillelmus Parisiensis Poenitentiam commendat, & describit ab ipsa cordis comminatione: *Poenitentia*, inquit, *est cordis confractio, & comminutio, ac veteris hominis in pulverem redactio*.

Quam utique Contritionis Ethimologiam sic optime declarat S. Bonavent. in *4. dist. 16. art. 1. quæst. 1. ad 7. ubi ait*: „Dicunt aliqui, quod ideo hoc nomen censetur; quia sicut unguentum sanativum conficitur ex multis herbis in mortariolo confractis, sic unguentum compunctionis conficitur ex herbis peccatorum, quæ natæ sunt in terra nostra, cum conteruntur in mortariolo conscientie; ita videtur

Tom. X.

„Bernardus super Cantica dicere. Sed tunc ab hac Contritione non diceretur homo contritus, sed conterens. Ideo addendum, quod in hac Contritione tria sunt attendenda, quod conteritur, à quo conteritur, & ad quid Contritio terminatur. Quod conteritur est cor peccatoris, quod est tanquam vas fictile repletum veneno peccati, juxta illud: *Fel draconum vinum eorum, &c.* A quo conteritur est duplex mola, una superius sursum elevans, & hæc est spes veniæ ex consideratione misericordiæ. Alia molâ deorsum divinæ justitiæ. Et de his molis dicitur: Non accipies loco pignoris inferiorem, & superiorem molam. Istud vas ad hoc conteritur, ut emollescat, quia durum est. Cor enim durum malè habebit in novissimo. Vel melius, ut peccati delectatio totaliter effundatur, ideo dicitur Contritio, non fractio, quia fractio est in majores partes; contritio in minores, & quando in majores partes est fractio, sapor aliquo modo remanet; ut autem non remaneat, nec sapor, nec veritas, ideo in partes minimas conteritur. Et hæc delectatio totaliter removetur per penam æternam, & removetur per gratiam, & ideo utrobique dicitur Contritio, & in pena æterna, secundum illud: *Conteretur cum delinquente delictum.* Et per gratiam: *Cor contritum, & humiliatum Deus non despicies.* Sed aliter, quia ibi conteritur in pulverem, non ut aliud vas fiat; quia de impiis dicitur: *Non se impij, non se, sed tanquam pulvis, &c.* Sed in Contritione gratiæ est Contritio ad generandum vas novum, & solidum, per honorem gratiæ, & lacrymarum, & ideo rectè dicitur Contritio, non Attritio: quia partium tritarum est unio, ut fiat vas in honorem secundum illud de Paulo. *Vas electionis est mihi . . . Si quis emundaverit se ab his*

V v v

his

„bis, erit vas, &c. Ita Seraphicus Doctor. Dicitur autem Contritio cordis: quia, inquit Catechismus Tridentinus num. 34. Cordis nomen frequenter sacra littera pro voluntate usurpant; ut enim à corde motu corporis principium sumitur, ita voluntas reliquas omnes animæ vires moderatur, ac regit.

Hæc autem cordis Contritio primarius est, ac præcipuus poenitentis actus; nec-non & fundamentum, ac corona cæterorum: nunquam enim debite peccata confiteremur, & niteremur frustratis factoriis operibus ea expiare, nisi dolorem haberemus de peccatis vitæ prioris, eaque per Contritionem detestaremur. Etenim (ait Author libri questionum veteris, & novi Testamenti 3. p. qu. 11.) corporis membra læsa utique non sine dolore possunt sanitatis recipere medicinam: sic & peccatores non possunt peccata sua redimere, nisi dolorem senserit animus, qui peccaverit. Quoniam autem frequentior esse debet Contritionis usus, quippe cum nullum sit temporis punctum, quo præterita peccata in memoriam recurrunt, quin illico de his salutarem concipere dolorem debeamus, & illa detestari idcirco diligentiori disquisitione examinanda est, ac declaranda Contritionis natura, virtus, & dignitas. Quod utique pro modulo nostro præstabimus in quinque sequentibus questionibus, quarum prima aperiet quid & qualis sit Contritio: Secunda, de quibus esse debeat: Tertia, quanta, & quandiu debeat durare: Quarta, quis sit ejus effectus: Quinta, quæ & qualis sit Contritio imperfecta, seu Attritio.

QUÆSTIO PRIMÆ.

Quid & qualis sit Contritio.

NOtandum primò, Contritionis nomen in Scriptura sacra idem significare, ac devaluationem, vel ex-

tium: Sic *Isaie 51. Vestitus & Contritio; & fames, & gladius, quos consolabitur se?* Et *Hieremie 6. Malum visum est ab Aquilone, & Contritio magna.* Et *Psal. 13. Contritio, & infelicitas in viis eorum.* Apud Theologos verò usurpatur hoc nomen ad significandam displicentiam de peccatis præteritis, quæ utique significatio fundamentum habet in Scriptura sacra; nam *Psal. 50. Cor contritum, & humiliatum Deus non despicies.* Et *Psal. 146. Sanas contritos corde, & alligat contritiones eorum.* Hinc appellatur etiam cordis humilitas; Nam, ut mox laudata verba expendit S. Augustinus; *Qui cor non conterunt, non sanantur, quid est conterere cor, sacrificium Deo spiritus contribulatus...* *Qui obtulerunt cor? Humiles: Qui nam non obtulerunt cor? Superbi: Contritum sanabitur, elidetur elatum, ad hoc enim fortè eliditur, ut contritum sanctur: Sanas contritos corde; sanat ergo humiliatos corde, &c.* Dicitur pariter amaritudo cordis; quia videlicet peccata reddidit amara poenitentis animo, juxta illud *Isaie 38. Recogitabo tibi omnes annos meos in amaritudine animæ meæ...* Ecce in pace amaritudo mea amarissima.

Nominatur etiam compunctio, quasi cordis punctio: Quia videlicet; inquit Guillelmus Parisiensis tract. de Sacramento Poenitentiae cap. 5. tunc primò sentiuntur spine, & aculei peccatorum, cum spiritus cor peccatoris infusione gratiæ suæ vivificaverit, ac sanctificaverit; sive quia tunc in imo cordis, & in intimum cordis insiguntur. Juxta illud quod legitur in *Psalm. Conversus sum in ærumna mea, dum consigitur spina.* Aliquando enim ante adventum ejus, & vivificam ejusdem visitationem corde, studio, vel potius mortificato, & mortuo, nec vulnus peccati, nec ferrum in vulnere sentiebatur, nec aculei peccatorum, nec pun-

„ punctiões ipsorum; nominatur au-
 „ tem Compunctio apud Psalmistam.
 „ Psalm. 4. *In cubilibus vestris compun-*
 „ *gimini* : Et *Aff. 2. His autem auditis,*
 „ *compuncti sunt corde.* Vel ita dicitur:
 „ quia, inquit *ibidem*: Quemadmodum
 „ arbores thuris, & mirrhæ sudibus
 „ ferreis vulnerantur, & ipsa vulne-
 „ ratione velut lacrymata sunt hujus-
 „ modi arbores, seu coagulata; sic
 „ compuncta corda pœnitentium, thus
 „ devotæ orationis, & mirrhæ inter-
 „ næ amaricationis emittunt. Tandem
 „ dicitur *Compunctio*; quia quemad-
 „ modum ferro tumida ulcera secan-
 „ tur, ut inclusum virus erumpere
 „ possit, ita corda quasi scalpello Con-
 „ tritionis inciduntur, ut peccati mor-
 „ tiferum virus possit foras erumpere.
 „ Quare, & scissio cordis à Joële Pro-
 „ pheta appellata est; *Convertimini*
 „ (inquit cap. 2. *ad me in toto corde ve-*
 „ *stro, in jejuniis, & fletu, & planctu,*
 „ *& scindite corda vestra.*

Notandum secundò, quòd cum Con-
 tritio spectari possit, vel secundum ip-
 sammet actus entitatem, vel secundum
 modum, quo actus ipse elicitur, vel
 juxta principium, à quo elicitur, vel
 denique secundum effectum, quem ip-
 sa producit: inde fit quòd plures, &
 variæ proferantur Contritionis defini-
 tiones secundum varium respectum:
Primo quidem quantum ad substan-
 tiam: & entitatem actus, definitur à
 Concilio Tridentino sess. 14. cap. *Con-*
tritio est animi dolor, ac detestatio de
peccato commisso, cum proposito non pec-
candi de cetero. Quæ utique definitio
 Contritionis ei convenit tam ut est ac-
 tus virtutis, quam ut est pars sacra-
 menti Pœnitentiæ, siquidem utroque
 modo necessariò debet esse dolor de
 peccato commisso cum firmo proposito
 non peccandi de cetero. Licet quate-
 nus est pars Sacramenti involvat præ-
 terea propositum confitendi, & satisfi-
 ciendi, per quod distinguitur à Con-

tritione quatenus est actus virtutis Pœ-
 nitentiæ, quæ ut sic non involvebat
 olim propositum confitendi, & satisfi-
 ciendi, sed tantum voluntatem puni-
 endi, & vindicandi peccatum.

Ratione verò principii dicitur, *Dol-*
or voluntarius puniens quod dolet se
commisisse: Etenim Contritio est actus
 voluntatis nolentis, ac dolentis se pec-
 casse; ita quòd si fieri posset, efficaciter
 vellet peccatum non à se fuisse com-
 missum; *Tertiò*, ratione effectus dicitur
 à S. Augustino, *Dolor remittens pecca-*
tum; vel à S. Gregorio; *humilitas Spi-*
ritus annihilans peccatum inter spem, &
timorem. Tandem ratione modi, quo
 exercetur, describitur à S. Isidoro. *Con-*
tritio est compunctio, & humilitas men-
tis cum lacrymis veniens de recordatione
peccati, & timore judicii.

Porrò in prima definitione, quæ est
 omnium præstantissima, tres recensentur
 actus ad perfectam Contritionem
 convenientes, nimirum dolor de pec-
 cato commisso, ejus odium, seu detes-
 tatio, & propositum amplius non pec-
 candi. Queritur autem, in quo potissi-
 mum ex illis actibus ratio formalis
 Contritionis consistat, & utrum tres
 illi actus ad veram, & perfectam Con-
 tritionem necessariò desiderentur; Ca-
 jetanus enim opus. de Contritione,
 qu. 1. contendit Contritionem essentia-
 liter consistere in actu odii de peccato:
 ita quod dolor sit tantum illius pro-
 prietas: propositum verò non peccandi
 de cetero ipsius doloris sequela, & ef-
 fectus. Suarez verò *disp. 4. sect. 1.* vult
 illam esse essentialiter detestationem,
 peccati, quam tum ab odio, tum à
 dolore peccati vult esse distinctam.
 Aliqui verò, ut Coninx. *disp. 1. tit. 1.* do-
 cent, Contritionem consistere essen-
 tialiter, tam in actu doloris, quam in
 actu odii de peccato. Hæretici verò
 hujus temporis cum Luthero volunt
 Contritionem esse tantum amorem ju-
 stitiæ, novam vitam, ac prioris vite

emendationem; non verò ejusdem odium, displicentiam, detestationem, aut dolorem, ita quòd Contritio non importet aliquid acerbum, aut amarum, sed omnia grata, jucunda, aut dulcia; unde inferunt dolorem, seu tristitiam facere hominem magis hypocritam, non autem verè pœnitentem.

Notandum tertio, Contritionem foris distingui duplicem, perfectam scilicet, quæ simpliciter dicitur *Contritio*, & est dolor de peccatis propter Deum summè dilectum, & imperfectam, quæ appellatur *Attritio*, seu dolor de peccatis ex aliquo alio motivo honesto, quod non sit ipse Deus propter se amandus, & quatenus est summum bonum, à quo peccatum mortale avertit; sciendum enim est, quod aliquis potest detestari peccatum propter varium finem: *Primo* propter timorem gehennæ, quam peccando incurreret: *Secundo* propter desiderium gloriæ, & felicitatis æternæ, quam moriens in peccato perderet: *Tertio* propter amorem virtutis, quam insulcasset, & odium vitii, quò inquinaretur; *Quarto* ex dilectione Dei, quem impensè diligit, vel amore concupiscentiæ, propter varia bona, quæ ab eo recipit, vel amore amicitiae, nempe quatenus est summum bonum infinite perfectum, & amabile, quod propriè est amare Deum propter se. Quæritur autem in quonam ex istis motivis consistat ratio formalis Contritionis.

Tria igitur hæc in questione maxime occurrunt determinanda: *Primum*, utrum ad perfectam Contritionem requirantur quatuor illi actus, nimirum odium, detestatio, & dolor de peccato commisso cum firmo proposito non peccandi de cetero, nec non & confitendi, ac satisfaciendi: *Secundum*, in quonam ex illis actibus formaliter Contritio consistat; *Tertium*, utrum perfecta Contritio sit actus charitatis, & amoris Dei formaliter, aut saltem à charitate imperatus.

CONCLUSIO PRIMA.

Quatuor præfati actus requiruntur ad veram, & perfectam Contritionem. Hæc colligitur ex Concilio Tridentino, quod ubi Contritionem definit, & explicat, ejusmodi actuum meminit: nam *sess. 14. cap. 1.* loquens de Pœnitentia virtute, quæ non est peccati remissiva, nisi quatenus est vera Contritio, hæc habet: *Fuit quidem Pœnitentia universis hominibus, qui se mortali aliquo peccato inquinassent, quovis tempore ad gratiam, & iustitiam consequendam necessaria, illis etiam, qui Baptismi Sacramento ablui petivissent, ut perveritate abjecta, & emendata, tantam Dei offensionem cum peccati odio, & pro animi dolore detestarentur.* Ubi ad perfectam Pœnitentiam requirit detestationem, odium, & dolorem de peccato.

Capite autem 4. agens de Contritione, sic ait: *Contritio, quæ primum locum inter divinos Pœnitentis actus habet, animi dolor, ac detestatio est de peccato commisso cum proposito non peccandi de cetero: fuit autem quovis tempore ad impetrandam veniam peccatorum hic modus Contritionis necessarius, & in homine post Baptismum lapsò, ita demum præparat ad remissionem peccatorum, si cum fiducia divinæ misericordiæ, & voto præstandi reliqua, conjunctus sit, quæ ad rite suscipiendum hoc Sacramentum requiruntur.* Ubi duplicem Contritionem delineat, nempe eam, quæ fit extra sacramentum Pœnitentiæ, & eam, quæ Sacramento jungitur: ad utramque autem in nova lege requirit non solum dolorem, ac detestationem de peccato; sed etiam votum præstandi ea omnia, nempe Confessionem, & Satisfactionem, quæ ad Sacramentalem Absolutionem desiderantur.

Quòd autem pariter odium etiam desideraverit, satis liquet ex eo quod ibidem Contritionem, quam in principio dolorem, & detestationem ap-

pel-

pellaverat, statim post mox laudata verba simpliciter appellat odium; proferbens enim erroneam Lutheri sententiam, ait; *Declarat igitur sancta Synodus, hanc Contritionem non solum cessationem à peccato, & vitæ novæ propositum, & inchoationem, sed veteris etiam odium continere, &c.* Quod rursus iterum ibidem inculcat: Hinc Cans. sic definit; *Si quis dixerit eam Contritionem, quæ paratur per discussionem, collectionem, & detestationem peccatorum, quæ quis recogitat annos suos in amaritudine animæ suæ, ponderando peccatorum suorum pravitatem, multitudinem, infidelitatem, amissionem æternæ beatitudinis, & æternæ damnationis ineursum, cum proposito melioris vitæ; non esse verum, & utilem dolorem, nec præparare ad gratiam, sed facere hominem hypocritam, & magis peccatorem: demum illam esse dolorem eorum, & non liberum, ac voluntarium, anathema sit.* Quibus verbis quamquam Tridentini Patres præcipue intenderint, definire contra hereticos nostri temporis, ad veram Pœnitentiam non sufficere nudum, ac sterile propositum melioris vitæ, sive cessationem à peccato; nihilominus haud obscure insinuant unà cum odio, ac detestatione peccatorum, & proposito melioris vitæ, etiam requiri dolorem de peccato commissio, sive interim dolor ille sit sensitivus, sive dumtaxat intellectivus.

Quando enim Contritio definitur per dolorem, ibi dolor non accipitur præcisè pro ipso doloris actu, neque pro tristitia, quæ est passio, sed pro causa ipsius tristitiæ, atque doloris, scilicet pro nolitioe peccatorum: hæc enim tria differunt, nolitio, tristitia, & dolor; nam *nolitio* est actus voluntatis, scilicet nolle peccasse; *tristitia* verò est mœstitia, & passio, quæ oritur ex ipsa nolitioe, & voluntatem afficit: *dolor* autem est passio, quæ subijcitur in facultate sensitiva, nimirum illa,

cordis anxietas, quàm habet pœnitens ex nolitioe, & detestatione peccati. Porro ex his tribus sola nolitio videtur esse de essentia Contritionis: cætera autem sunt ejus effectus.

Nam, ut præclare docet S. Bonaventura dist. 16. art. 1. quæst. 1. ex S. Augustino lib. 14. de civitate Dei cap. 15. Si cut peccatum perpetratur per consensum sic è contra deletur, & destruitur per dissensum voluntatis rationalis; & quia dissensus ab ea re, quàm impossibile est non esse, generat dolorem; ideo dicendum, quòd Contritio est dolor per essentiam. Sed attendendum, quòd dolor dicitur dupliciter. Uno modo ipse dissensus voluntatis; alio modo passio resultans in sentientem, vel sensualem ex illo dissensu, per quam prorumpit homo in lacrymas, & ille dissensus est de essentia Contritionis; sed illa passio est ejus effectus. Hæc Seraphicus Doctor. Unde præclare colligit doctissimus noster Vega lib. 13. de justificatione cap. 35. Si qui, inquit, sunt qui nollent quidem patrasse, quæ admiserunt peccata, neque tamen dolent dolore sensitivo, aut etiam intellectivo de ipsis, ea detestatio peccatorum, absque ulla tristitia, & dolore, ad justificationem sufficeret, idque constanter Scotus, Almaynus, & alii tradidere; & valde est hoc misericordiæ divinæ consentaneum. Nam, & apud homines hoc nonnumquam satis est ad redeundum in gratiam cum illis. Nec verti in dubium potest, quin jam isti peccatores resipiscant à suis peccatis, & verè eos illorum pœniteat. Et quatenus dolor, seu tristitia de peccatis propriè pro passionibus accipiuntur, quæ sequuntur ex affectibus eorum, qui nulloatenus vellēt acquiescere peccatis, adhibere possumus fidem nonnullis peccatoribus asserentibus, se non posse dolere de peccatis suis. Potest enim hoc usu venire in dolore sensitivo, ex quo

ſequuntur lacrymæ, propter duram complexionem, vel propter nimium aliqui dolorem intensum. Et non eſt mirandum, ſi alia magis ſenſibilia majorem cauſant dolorem, & in plures nos reſolvant lacrymas. Et ſecundum Doctorem ſubtilem poſſibile etiam hoc eſt de dolore intellectivo, qui triſtitia eſt; quia neque neceſſariò ſequitur, ſecundum ipſum, triſtitia ex fuga, odio, ſeu noſitione peccati, licet ut plurimum conjuncta iſti ſit. Unde eſt illud vulgatum S. Auguſtini lib. de Pœnit. *Sicut Pœnitentie comes eſt dolor, ita lacrymæ teſtes ſunt doloris.*

Quòd ſi, ut aſſolent aliqui peccatores dicere, de hoc doleant, quòd non dolent, & tali dolore ſenſitivo, vel intellectivo modò ſimpliciter dicant ſe nolle peccare, admitti debent ad Pœnitentiam. Si tamen dicerent ſe non habere affectum, quo nolint conſenſiſſe peccatis, quæ admiferunt, quia non poſſunt talem affectum habere, & eum affectum more communi dolorem vocent, communibus, & pro tritiſ rationibus ex malis, quæ ſunt in peccatis, paulatim trahendi ſunt, ut nolint ea admiſiſſe. Fieri quippe nequit, ut doleant, quòd non dolent de peccatis ſuis, ſi dolor accipitur, ut plerumque ſit, pro affectu, quo quis vult non peccaſſe. Nam iſ affectus ſemper ſubeſt poteſtati ejus, qui verè vult eum habere. Quia verò magis ille pendet ex Dei gratia, & benignitate, quàm ex noſtra libertate, imprimis orandus eſt Deus, ut eum dignetur impertiri: *Quis enim (ut veriſimè dicit Bernardus de tripl. miſer.) ſcindet duritiã iſtam, niſi qui in paſſione ſua petras excidis? Quis dabit cor pœnitens, niſi à quo eſt omne datum optimum?* Huc uſque Vega.

Cùm autem pro ſe citet Doctorem ſubtilem, libet ejus verba ſubſcribere: Igitur Scotus 4. diſt. 14. q. 2. num. 17. in „ ſine ſic inquit: Quandoque ex cha-
„ ritate ſive ex contemplatione Dei

„ ſtatim ineſt quaſi quedam deteſtatio
„ peccati, & ſequitur triſtitia maxima,
„ nullo adhuc poſito actu juſtitie re-
„ ſpectu illius triſtitie: quandoque au-
„ tem primò ineſt actus juſtitie (vin-
„ dicative) & intensus in ſe, & tamen
„ cauſa proximè, ſcilicet intellectus
„ in conſiderando, & voluntas in de-
„ teſtando, non efficaciter moventur
„ ex illo imperio juſtitie, fortè quia
„ carent habitibus, qui eſſent principia
„ perfectionis in actibus ſuis. *Proſe-
„ quitur enim num. 18. Et licet iſtz mo-
„ veantur quandoque (ſcilicet intel-
„ lectus in conſiderando, & voluntas in
„ deteſtando)* non tamen ſequitur tri-
„ ſtitia: quod etſi poſſet eſſe propter
„ multas cauſas, propter hoc eſt quan-
„ doque, quia ſicut intellectus confor-
„ matus parti ſenſitivæ in nobis; ita
„ & appetitus intellectivus appetitui
„ ſenſitivo quantum ad faciliter con-
„ delectari, & triſtari. Cujus ergo ap-
„ petitus ſenſitivus non eſt natus tri-
„ ſtari, vel dolere, ejus voluntas non
„ faciliter triſtatur. *Ex quo inferri Do-
„ ctor: Quòd aliquis habet maximum
„ actum Pœnitentie primo modo (ideſt
„ maximum actum vindicandi pecca-
„ tum à ſe commiſſum) & tamen nul-
„ lum affectum (triſtitie) vel modi-
„ cum; & aliqui ſine omni actu Pœni-
„ tentie primo modo, habent maxi-
„ mum effectum ejusdem rationis cum
„ illo, qui natus eſt eſſe effectus Pœni-
„ tentie. Et quòd ille effectus ſit ma-
„ jor, vel minor, bene eſt aliqua excel-
„ lentia in ordine ad deletionem pec-
„ cati: ſed ſimpliciter major eſt excel-
„ lentia actus ad actum, ad quos actus
„ ſequitur hinc inde triſtitia, quia plus
„ delet meritorie peccatum actus cau-
„ ſativus triſtitie, quàm ipſa triſtitia.*

Ergo ſecundum Doctorem deteſta-
tio peccati; utpote cauſativa triſtitie,
meritorie poteſt delere peccatum, eſto
per accidens nulla triſtitia, vel modica
ſequatur. Neque enim veriſimile eſt
Deum,

Deum, qui est Pater misericordiarum, & qui non vult mortem peccatoris, sed ut magis convertatur, & vivat, requisivisse ad conversionem, & vitam, id quod non est in libera potestate peccatoris, veluti hic dolor, seu tristitia, consequens actum detestationis. Ceterum ipsam detestationem esse necessariam, ratio naturalis haud obscure dictat, quando novum induit hominem, & mutat statum suum, nisi exuat veterem per displicentiam aliquam, & nisi aliquo modo prior status ipsi displiceat; aliàs enim nulla subest causa mutandi; imò vix possibile est mutare: nam natura & nostra, & nostrorum affectuum est, ut tandiu nobis hæreant, quæ semel placuerunt, quandiu nullo ab eis odio, vel displicentia dimovemur; & si quæ semel approbaverimus, ea tandiu censetur probare, & firma, ac rata esse, vellet, quandiu non ea melius cogitantes reprobamus, aut retractamus. Ita Vega supra.

Dices primò: Sicut verè pœnitens dolere debet, ita & pudere: at pudor ille non est Confessio, nec Satisfactio; ac subinde neque odium, nec detestatio, aut dolor: igitur ad Contritionem requiruntur plures actus, quàm supra dicti. *Insuper,* pœnitens non solum dolere debet, sed etiam gaudere, ut diximus agendo de Pœnitentia virtute; ac subinde sicut Contritio dicitur dolor, etiam dici debet gaudium.

Respondet ad utrumque Seraphicus, „*Doctor ibidem,* quòd pudor confitetur ad dissenfum voluntatis, secundum quod dissentit à peccato, „tanquam à turpi; consequitur etiam „gaudium, secundum quod ex illo „dissensu sentit se elongari à peccato; „immediatius autem consequitur „passio, quæ est dolor; nam ipse „sensus vehemens à re quam nolumus esse, & tamen est, immediatè „dolorem generat; quia nempe est „dissensus; quia verò est dissenfus pro-

pter rem turpem, generat pudorem; „quia verò per illum dolorem peccator elongatur ab ipsa re turpi, & „infesta, idcirco de peccato dolet, & „de dolore gaudet.

Dices secundò: Dolor est dissenfus ab his rebus, quæ nobis nolentibus accidunt, ait S. Augustinus lib. 14. de Civitate Dei, cap. 15. sed Contritio est dissenfus à peccatis, quæ nobis volentibus accidunt: igitur, &c.

Respondet idem Seraphicus Doctor, quòd peccatum est voluntarium quoad detestationem; sed non est voluntarium quoad rationem malitiæ, & deformitatis, & pœnæ. *Si autem dixeris,* „dolorem Contritionis non tantum „esse debere de deformitate, sed etiam „de detestatione: *Respondet,* quòd ut „peccator debet dolet, sufficit, quòd „illud, de quo dolet sit nolitum, pro „tempore in quo dolet, non autem, „pro omni tempore. Cetera, quæ ad hanc difficultatem spectare possunt, jam soluta manent ex his, quæ diximus de essentia Pœnitentiæ virtutis.

CONCLUSIO SECUNDA.

Contritio magis propriè confilii in detestatione, seu odio peccati, quàm in aliis affectibus. Probatur, quia contritio est actus virtutis appetitiivæ: igitur est actus voluntatis quatenus detestatur peccatum. Patet antecedens; siquidem Contritio est actualis nolitio peccati; non absoluta, sed conditionalis, ac si pœnitens diceret, Si possibile esset, nollem me peccasse: sed illa nolitio nihil aliud est formaliter, quàm ipsa peccati detestatio: igitur, &c.

Nec obstat, quòd Concilium Tridentinum locis in priori conclusione laudatis, ex æquo Contritionem appellet dolorem, ac detestationem peccati; hæc enim debent accipi cum debita proportionem, & secundum sensum accommodationis; ita quòd Contritio essentialiter sit detestatio, dolor autem tantum concomitanter, seu causaliter: quia vide-

delicet eum illa detestatio non sit aliud, quam velle non peccasse, ex quo sequitur dolor; quia dolor nihil aliud est, quam tristitia, & afflictio, seu angustia quaedam, ex eo quod homo videt se fecisse, quod fecisse nollit: idcirco illa detestatio necessariò concomitantem, aut subsequentem dolorem habet.

Confirmatur: In eo præcipuè consistenda est Contritio, ex quo tanquam rivuli ex fonte emanant alii actus ad perfectam Contritionem desiderandi: sed illi omnes oriuntur ex ipsa peccati detestatione; ab ea namque provenit dolor, ut statim diximus: oritur etiam odium, si reverà odium illud sit aliquid distinctum ab ipsa detestatione, quod utique non existimo: in voluntate enim circa bonum, & malum, sunt tantum illi actus, qui correspondent passionibus appetitus sensitivi: sed odium, & detestatio correspondent eidem passioni, quæ appellatur *odium*, nullusque Philosophorum hactenus dixisse videtur, odium, & detestationem esse duas virtutes: ab ea pariter detestatione provenit voluntas non peccandi de cetero, & implendi ea, quæ necessaria sunt ad obtinendam peccati remissionem; qui enim reverà peccatum detestatur, habet animum illud amplius non admittendi, & applicandi ea omnia media, quæ conducunt ad illius destructionem; ac subinde ea faciendi, quæ necessaria sunt ad Absolutionem sacramentalem, sine qua in re, vel in voto suscepta, non potest fieri peccati post Baptismum commissi remissio in nova lege.

Dicit: Si dolor consisteret essentialiter in detestatione, & odio peccati, eum hæc detestatio, & illud odium sint perfectissimè in Beatis, sequeretur pariter, quod in iis esset perfectissima Contritio: sed hoc dici nequit: igitur nec illud.

Distinguo majorem: Si in Beatis talis esset detestatio, quæ vel concomitan-

tem, vel subsequentem haberet dolorem de peccatis, concedo: secus, nego: Et sic distincta minore, nego consequentiam. Duplex enim distingui potest peccati detestatio, una quidem generalis, quæ diffunditur per omnes actus cujuseumque virtutis, maximè verò charitatis, quæ quatenus tendit in objectum sibi conveniens, avertatur ad omne, quod isti objecto opponitur: alia verò specialis, quæ maximè tendit in ipsius peccati vindictam, & destructionem, quæque non est aliud, quam ipsa formalis nolitio positiva voluntatis, qua poenitens, si fieri posset; nollit peccasse, & dolet se peccasse, prior quidem potest esse in Beatis, non verò posterior.

Dices secundò: In eo præcipuè consistit Contritio, quod per se primò opponitur peccato, & illud destruit: sed id quod per se primò opponitur peccato, non est illius detestatio, sed dolor, quo videlicet poenitens afficitur, cum dolet se Deum offendisse: igitur Contritio magis consistit in dolore de peccato, quam in ipsius odio, sive detestatione. Major constat: nam sicut Poenitentia respicit peccatum sub ratione offensæ vindicandæ, & puniendæ, ac compensabilis per actus poenitentis: ita & ejus actus principalis, & primarius, qui est Contritio. Minor verò probatur: Actus, quo homo vindicat peccatum, debet opponi illi actui, quo illud commisit: igitur sicut homo peccavit per delectationem illicitam, debet peccatum illud vindicare, & Deo satisfacere per actum ipsi delectationi oppositum: hic autem alius non potest esse, quam dolor: Nam, Inquit D. Augustinus, *serm. 7. de Tempore: Quando sic poenitens, ut tibi amarum sapiat in animo, quod antè dulce fuit in vita, & quod te prius oblectabat, ipsum te cruciat in mente: jam tunc bene ingemiscis ad Deum, & dicis: Tibi soli peccavi.* Igitur, &c.

Nego minorem: Nam eum peccatum consistat in voluntaria aversione à Deo, pri-

primus Penitentis motus consistere debet in voluntaria hominis ad Deum conversione: ac subinde in odio, & detestatione illius, quod à Deo avertat: quæ utique detestatio nihil aliud est, quam ipsa nolitio, qua penitens nolle se peccasse; quod cum fieri non possit, exinde exurgit dolor propter ejusmodi peccatum admissum. Hinc fateor equidem, quod dolor sit vindicta illicitæ detestationis quatenus ille dolor sensualis est; non autem prout est omnino spiritualis, & quid consequens ex præfata nolitione.

Ex his itaque sequitur, illam peccati detestationem, seu odium esse primum, ac potissimum Contritionis actum, à quo cæteri velut à radice pullulant: ex eo namque dolor homo peccatum execretur, inde dolet, quod illud admiserit, & movetur ad illud destruendum omnibus modis, & mediis à Deo præscriptis; ac subinde ad quantocius frequentandam, & faciendam sacramentalem Confessionem, qua possit ejusmodi peccati destructionem, & veniam obtinere.

PETES. *Utrum ad perfectam, & integram Contritionem omnes isti affectus detestationis, odii, doloris, & propositi non peccandi de cætero seorsim debeant elici;*

Respondeo: non improbabile videri, quod sufficiat eos virtualiter in ipsa formali peccati detestatione contineri. Quod utique probatur; quia si quis ex illis actibus formaliter elicitus requireretur ad perfectam Contritionem, maxime propositum non peccandi de cætero: sed ad id sufficit, quod propositum istud virtualiter includatur in ipsa detestatione efficaci, & perfecta: nam, inquit noster Vega lib. 13. de Justificatione cap. 31. Stare non potest, ut alicui displiceant præterita delicta, quia offensæ sunt Dei, si propositum sit

offendendi Deum graviter, aut contrinuandi offensam aliquam ipsius lethalem. Et nullus perfecte respicit ab erratis præteritis, aut vult mutare vitam priorem, quin habeat aliquam illius displicentiam: ita nemo perfectam habet prioris vitæ displicentiam, quin eam, actu, vel virtute mutare intendat. Mutuò se actu, vel virtute comitantur hi affectus. Et qui sic affectus est, ut verè doleat de patratissimis offensis, nunquam, eo perseverante dolore, novas admittet; imò eas pro viribus evitabit, & declinare asseret se cupere, si de ea re interrogetur. Quod satis est, ut dicatur habere propositum virtuale emendandi vitam. Et qui verè in futurum eas cavere proponit, nunquam, eo stante proposito, in præteritis sibi acquiescet, aut complacere, sed potius, si quis eum percontetur, dolere se dicet de illis admissis. Et quoniam verè aliquis communiter à peccatis verè respicit, nisi & detestetur illa, & ea proponat impossibile vitare, admonendi sunt omnes peccatores, cum excitantur ad penitentiam, ut non solum priora peccata detestentur, & ab eorum, & quorumvis aliorum continuatione, & repetitione se contineant, sed & omnia proponant deinceps pro sua virili cavere. Hucusque Vega.

Et post pauca addit: Cum his tamen omnibus stat separari posse ab invicem hos effectus: Et stare potest detestatio præteritæ vitæ sine proposito novam, aliam inchoandi, & propositum novæ vitæ sine detestatione prioris. Unde & Patres tanquam duo distincta posuere cessationem à peccatis, & eorum detestationem. Et experientia constat, nos sic aliquando meminisse præteritorum, ut nihil prorsus de futuris cogitemus; & contrà; sic futura prospicere, ut præteritorum nulla mentem subeat recordatio. Et hoc ipsum in affectu multo magis potest contingere. Et sive contingat, sive non, de hoc uno modo di-

spuamus, an detestatio admissorum delictorum sufficere possit ad veniam, sine proposito formali nunquam amplius peccandi, sicut ex consensu omnium Catholicorum, proximo capitulo ostendimus non sufficere hoc propositum sine detestatione præteritorum. Et quidem (*prosequitur idem Author*) quamquam commemoratam viam, ut communem, ita etiam tutissimam, & populis semper inculcandam arbitror: tamen dum latius mecum reputo divitiarum in nos misericordiam, dubitare non possum, quin etiam aliquando ad solam peccati admissi compunctionem justificentur peccatores. *Hæc ille.*

Probat autem hanc piam opinionem exemplo Davidis, qui mox justificatus est, ut ex corde dixit 2. Reg. cap. 12. num. 13. *Peccavi Domino.* Statim enim audivit: *Dominus quoque transiit peccatum tuum.* Ubi nulla fit mentio propositi emendationis. Et alia plura exempla similia reperies in Scriptura sacra, quæ ibidem adducit Vega in confirmationem suam, & nostræ opinionis. Quod si numquam, inquit ille, Deus ad quantacumque compunctionem peccatoris peccata dimitteret, nisi actu adsit propositum imposterum cavendi peccatum, meminisset Scriptura, & hujus quoque propositi in illis, quos dicit per suam poenitentiam justificatos. Cur enim potius detestationis, quam propositi cessandi à peccatis recordata esset, si utrumque ex æquo requiritur, & neutrum sine altero sufficit? Ita *Vega.*

Dicit: Propositum virtuale non peccandi de cætero, nihil est aliud, quam odium ipsum, & detestatio peccati: sed Concilium Tridentinum præter dolorem, detestationem, & odium peccati, requirit votum, ac propositum non peccandi de cætero, & implendi ea, quæ necessaria sunt ad consequendam sacramentalem Absolutionem: igitur ex mente Concilii Tridentini, non sufficit

propositum virtuale, sed formale, & actuale requiritur.

Respondeo, idcirco Concilium Tridentinum detestationi peccati conjungere propositum emendationis, ut significaret non sufficere ad perfectam Contritionem, quamcumque simplicem dispendentiam peccatorum, sed necessariam esse detestationem efficacem, ex qua si peccata futura occurrerent, & tempus congruum non deesset, illico voluntas profliret in affectum imposterum non peccandi. Quod autem hoc sufficiat, & propositum non peccandi de cætero, virtualiter includatur in voluntate detestante, ac excludente peccatum, colligitur ex eodem Concilio: Tum quia sess. 14. cap. 4. loquens de Contritione imperfecta, quæ Attritio dicitur, ait: *Si voluntatem peccandi excludat cum spe veniæ, declarat* (sancta Synodus) *non solum non facere hominem hypocritam, & magis peccatorem; verum etiam donum Dei esse, & Spiritus S. impulsus, non adhuc quidem inhabitantis, sed tantum morientis, quo penitens adiuvat viam sibi ad justitiam parat.* Quibus verbis id quod vocaverat propositum non peccandi, cum generatim Contritionem describeret, hic appellat exclusionem voluntatis peccandi, quo significat, eum, qui detestatur peccatum sincerè, & efficaciter ita esse affectum, ut si interrogaretur, an vellet rursus peccare, testaretur se potius velle milles vitam profundere, quam Deum offendere mortaliter; qui utique affectus alius non est, quam virtuale propositum non peccandi de cætero: Tum quia ibidem Concilium non solum requirit propositum emendationis, sed etiam Confessionis, & Satisfactionis; imò etiam, & actum spei; sed ad veram, & perfectam Contritionem non requiritur votum explicitum Confessionis, nec formalis actus spei: igitur nec votum explicitum emendationis.

Hæc omnia efficaciter confirmat *Vega*

ga his verbis. Potest contingere aliquos peccatores subita morte sic præveniri, ut meminisse quidem possent peccatorum, quæ admiserunt, & de eis dolentes, & clamantes: *Domine miserere*, moriantur antequam quidquam de futura cogitare, vel statuere potuerint. Numquid igitur, & hi venia carebunt? quid rigidius? quid durius? quid inclementius dici potest? Equidem Deus omnes confugientes ad se obviis manibus excipit, neminem facientem, quod in se est despiciat, sub ipso mortis articulo cunctis ad se conversis veniam impertitur. Neque de latrone illo felici, qui apud Christum in cruce pendentem, sub ipsa morte veniam invenit, alia in Evangelistis legimus, quàm quæ illum testentur, & priorem suam vitam averſatam, & ad Christum humiliter recurrisse, & ipsius misericordiam orasse. Noane etiam ad absolutionem sacramentalem fuit quandoque signa certa doloris de peccatis? Absolvi profecto possunt, & debent peccatores, qui articulo mortis præventi confiteri nequeunt sua peccata, si explicuerint saltem in specie aliquod peccatum, & signis exterioribus dolorem suum interiorum indicant, etiamsi nullo signo declarent quid in futurum proponant. Neque differenda est aliquo modo pro hoc Absolutio. Hucusque Vega.

CONCLUSIO TERTIA.

UT Contritio sit perfecta, & verè peccati remissionem mereatur extra Sacramentum, debet detestari peccatum ex affectu charitatis; & habere charitatis alium formaliter, aut saltem virtualiter, vel ab ea imperari.

Hæc Conclusio duabus maximè partibus constat, quarum prima, nempe quòd ut Contritio sit perfecta, & remissiva peccati extra Sacramentum, debeat elici, propter Deum offensum, & habere annexum votum suscipiendi Sacramentum, communis est apud Doctores Catholicos: siquidem Contritio

perfecta in hoc ab imperfecta discrepat, quòd hæc, quæ dicitur Attritio, non tendat in Deum propter se, & quatenus summum in se bonum est; sed quatenus est nobis bonus, seu prout est nostra ultima felicitas, & cujus consecutione removel peccatum, quod detestamur; hæc verò tendat in Deum diligendum propter se, seu quatenus est infinita bonitas, ac summè amabilis, & prout à charitate attingitur. Quod utique docet Concilium Trident. sess. 14. cap. 4. ubi ait: *Docet præterea* (sancta Synodus) *est Contritionem hanc aliquando charitate perfectam esse contingat, boninemenque Deo reconciliari, prius quàm hoc Sacramentum actu suscipiatur, ipsam nihilominus reconciliationem ipsi Contritioni sine Sacramenti voto, quod in illa includitur, non esse adscribendam, Illam verò contritionem imperfectam, quæ Attritio dicitur: quoniam vel ex turpitudinis peccati consideratione, vel ex gehennæ, & pœnarum metu communiter concipitur, &c.* Quibus verbis Concilium in hoc distinguit Contritionem perfectam ab imperfecta, quòd illa dicatur charitate perfici; quòd utique non sit aliter, nisi quia hujus Contritionis actus, vel est formalis actus charitatis, vel saltem eum habet annexum, aut virtualiter eum continet, ac peccatum detestatur quatenus est offensivum Dei summè diligibilis, sicque saltem mediata tendit in Deum, prout est objectum charitatis; Contritio verò imperfecta, sed Attritio detestatur peccatum, vel propter illius turpitudinem, vel propter malum gehennæ, vel quoniam removel à possessione Dei, quatenus nostrum summum bonum est, nostraque beatitudo, sicque non tendit in Deum ex motivo charitatis, & ex affectu amicitie, sed dumtaxat concupiscentie, qui quidem affectus licet in se viciosus non sit, ut definit Concilium ibidem; tamen extra Sacramentum justificare non potest, quem-

quemadmodum Contritio perfecta.

Major est difficultas de *secunda parte* hujus Conclusionis, nempe quod Contritionis actus debeat elici à virtute charitatis, aut habere formalem charitatis actum sibi annexum, vel saltem eum virtualiter continere. Circa cujus assertionis determinationem triplex apparet Authorum sententia. Probabilior autem nobis videtur ea, quæ asserit, Contritionem posse simul esse actum detestationis peccati, & amoris Dei super omnia, ita quod simul sit formalis amor Dei, & formale odium peccati. Nec id mirum videri debet, quippe cum ejusdem virtutis sit velle alicui bonum, & nolle ipsi malum, puta velle Petro sanitatem integram, & nolle ei infirmitatem aliquam etiam minimam: at velle bonum aliquod Deo, quatenus ipsi bonum est; puta quod sit infinitus, æternus, &c. quodque ab omnibus creaturis glorificetur, & honoretur, est formalis actus virtutis charitatis; igitur similiter nolle Deo malum, quæ ipsius offensivum est, erit formalis actus virtutis charitatis; ac subinde detestari peccatum, quatenus est malum Dei extrinsecum, & ipsius offensivum, poterit esse formalis actus charitatis, & ab ea elicitus. Quod utique confirmatur: nam formaliter amare Deum, nihil aliud est, quam optare ipsi bonum aliquod positivum, quatenus ipsius bonum est; ac subinde velle ab eo removeri id omne, quod habet rationem mali in ordine ad ipsum; siquidem frequenter carcutia, & remotio alicujus mali, longè optabilior est, quam bonum aliquod positivum, & consequenter idem actus amoris Dei poterit simul esse odium peccati, & habere pro objecto formali motivo, tum peccati deformitatem, & malitiam, tum bonitatem divinam, quæ extrinsecè ab ejusmodi malitia velut inficitur.

Confirmari potest hæc veritas illis omnibus Scripturæ sacræ, ac SS. Patrum

oraculis, quibus peccati remissio maxime charitati tribuitur: Sic Lucæ 7. *Remittuntur ei peccata multa, quoniam dilexit multum.* Ubi sermo est de S. Magdalenâ, quæ stans retro secus pedes Domini lacrymis rigabat pedes ejus, & capillis capitis sui tergebat, testabaturque summum de peccatis admissis animi dolorem, & Contritionem; nihilominus ipsius dilectioni, & charitati tribuitur peccatorum remissio, ut signum sit ejusmodi peccati detestationem eandem fuisse cum actu charitatis, & amoris Dei. Sic pariter Prov. 10. *Univerſa delicta operit charitas.* Et 1. Petri 4. *Charitas operit multitudinem peccatorum.* Et 1. Joan. 3. *Nos scimus quoniam translati sumus de morte ad vitam, quoniam diligimus Fratres . . . qui non diligit, manet in morte.* Ubi Scriptura non loquitur de habitu, sed de actu charitatis; siquidem in illis locis hortatur nos ad actum charitatis exercendum cum auxiliis actualibus, quatenus scilicet ejus intuitu Deus nobis peccatorum remissionem, quæ sit per gratiam, seu charitatem habitualemente largiatur. Unde S. Chrysostomus hom. 7. in 2. ad Timoth. post medium: *Sicut ignis ubi sylvam occupaverit, omnia purgare consuevit, ita & charitatis fervor quocumque inciderit, omnia perimit, atque perumpit, quæ divinam segetem demolitur, emundatque humum suscipiendis, atque fovendis altè seminibus.* Pergit: *Ubi charitas est, omnia sublata sunt mala.* Et infra: *Plenitudo legis est charitas: cuncta nempe scelera, quæ pacem perturbant, ubi charitas fuerit, solvantur.*

Hinc S. Augustinus serm. 7. de tempore, ait: *Pœnitentiam certavi non facit, nisi odium peccati, & amor Dei:* Hoc est odium peccati, quod ex motivo charitatis procedit: nam quod S. Augustinus ibi per amorem Dei non intelligit actum dilectionis ab ipsa Contritione distinctum, apparet ex verbis sequentibus, subjungit enim: *Quando sic pœ-*
ni-

nitens, ut tibi amarum sapiat in animo, quod ante dulce fuit in vita, & quod te prius oblectabat in corpore, ipsum te cruciat in mente: jam tunc bene ingemiscis ad Deum, & dicis: Tibi soli peccavi... *Illa est, filioli, vera Pœnitentia, quando sic convertitur quis, ut non revertatur, quando sic pœnitet, ut non repetat. Constat autem, quod ad efficiendam huiusmodi conversionem, sufficiat vera Contritio ex parte charitatis, absque ulteriori actu distincto dilectionis Dei super omnia. Quam utique S. Doctoris sententiam sic interpretari, & confirmare videtur Author de vera, & falsa Pœnit. cap. 17. cùm ait: Quem serò pœnitet, oportet non solum timere Deum, iudicem, sed & iustum diligere, non timeatur pro pœna, sed ametur pro gloria: debet enim dolere de crimine, & de omni eius prædicta varietate; quod quoniam vix licet, de eius salute Augustinus potius dubitare, &c. Quibus posterioribus verbis significat actum amoris, & dilectionis Dei, quem requirit ad veram Pœnitentiam, eundem esse cum dolore seu detestatione peccati; quippe cùm dolorem ipsum dicat sufficere ad salutem.*

Dicit: Idem S. Augustinus lib. 2. contra Cresconium cap. 2. ostendit non posse mundari quemquam, quantumvis plures exerceat Contritionis actus, nisi pariter eliciat actum charitatis: Ideo, inquit Donatistas alloquens, vobis non videntur mundari, cùm ad nos à vobis transiunt; quia non denuò baptizantur, quasi solo Baptismo, quem repeti non oportet, cùm idem, atque unus est, homines ab errore mündentur. Cujus contrarium ut evincat, statim subdit: Mündantur, & verbo veritatis ab illo, qui ait Joan. 15. Jam vos mundi estis propter verbum, quod locutus sum vobis: Mündantur, & sacrificio contriti cordis ab illo, de quo dictum est Psal. 50. Sacrificium Deo spiritus contribulatus, cor contritum, & humiliatum. Deus non spernit:

Mündantur, & elemosynis ab eo, qui ait: Lucæ 11. Date elemosynam, & ecce omnia munda sunt vobis: Mündantur ipsa, quæ supereminet omnibus, charitate ab illo, qui per Apostolum Petrum dixit: Charitas cooperit multitudinem peccatorum; quæ una si adsit, omnia illa rella sunt; si autem desit illa, omnia frustra sunt. Igitur ex S. Augustino actus charitatis, & Contritionis sunt distincti.

Nego consequentiam: Siquidem non satis constat ex præfatis verbis, de qua charitate locutus fuerit S. Augustinus, utrum de actuali, an verò de habituali: nam continuò subiungit: Hæc verò (Charitas) unde sit, audit docentem Apostolum: Charitas, inquit, Dei diffusa est in cordibus nostris, &c. Unde de merito creduntur, qui extra Ecclesiam Baptismum Ecclesiæ perceperunt; non habere Spiritum sanctum, nisi cùm ipsi Ecclesiæ in vinculo pacis per connexionem charitatis adhærescunt. Ubi non obscurè significat, se sermonem instituire de charitate habituali, & gratia sanctificante, quam propter defectionem ab Ecclesiâ habere non possunt adulti, qui Baptismum Ecclesiæ extra Ecclesiam percipiunt. Adde quod etiam si S. Augustinus loquatur de charitate actuali, nihil tamen ex eo evincitur contra nostram assertionem: ultrò namque fateamur sacrificium contriti cordis, nisi vel sit formalis actus charitatis, vel saltem virtualiter eum continens, & in idem objectum charitatis tendens nihil prodesse.

Urgebis: Si actus Contritionis non sit distinctus ab actu formali amoris Dei, consequens est, vel quod sit idem formalis actus amoris, vel quod ipsum virtualiter contineat. Sed neutrum dici potest: quia actus detestationis est recessus à peccato tanquam malorum omnium maximo: actus autem amoris est accessus ad Deum tanquam bonorum

rum

rum omnium optimum : at accessus, & recessus illi sunt duo actus distincti: igitur, &c. Secundum etiam dici non potest : nam actus charitatis est omnium perfectissimus : igitur non potest includi virtualiter in actu Contritionis, qui minorem habet perfectionem : nam continens virtualiter nobilius est contentò.

Nego minorem : Et ad primam ejus probationem dico, eundem actum amoris, esse simul saltem virtualiter, & æquivalenter accessum ad Deum ; ut summum bonum, ac recessum à peccato, sicut, & idem actus Contritionis, qui formaliter est recessus a peccato, & detestatio illius, & saltem virtualiter, ac æquivalenter est accessus ad bonitatem divinam ; quia videlicet ratione ejusdem motivi, unus horum motuum necessariò ex alio sequitur, si uterque circa idem objectum formale, & terminativum occupetur : nam eo ipso, quo quis detestatur peccatum propter Deum summè diligibilem, etiam Deum diligit, sicut è converso aliquis detestatur peccatum saltem virtualiter, dum in Deum, ut summè diligibilem propter se, tendit actu, & affectu amoris. Unde idem actus est simul prosecutio, & fuga, accessus, & recessus, quia fieri non potest, ut quis accedat ad Deum per actum dilectionis, & charitatis, quin recedat, & fugiat à peccato, quod ipsi maximè adversatur.

Ad secundam probationem dico, Contritionem non esse actum imperfectiorem ipso actu charitatis ; quippe cum ex dictis, ipse sit actus amoris, quamvis non ita explicitus, ac si tenderet in Deum per modum prosecutionis : Hinc actus Contritionis, & charitatis solùm videntur differre, quantum ad modum tendendi in Deum ; quia actus charitatis tendit in Deum per modum prosecutionis, & quatenus objicitur ut summum bonum, & summè diligibile ; actus verò Contritionis tendit in

Deum, quatenus propter ipsum fugit, ac detestatur peccatum, prout ipsi opponitur ; sicque actus charitatis immediate terminatur ad Deum, ut summum bonum, mediâtè verò ad peccatum, quod detestatur, quatenus ipsi summo bono oppositum : actus vero Contritionis immediâtè terminatur ad peccatum detestandum, & mediâtè ad summam Dei bonitatem, propter quam, peccatum averfatur. Unde fit, quòd actus Contritionis ab actu charitatis solùm discrepet penes diversam tendentiam in idem objectum, & secundum distinctam ejusdem objecti connotationem mediâtam vel immediâtam. Cum enim illa duo objecta sint ita connexa, scilicet Deus ut summum bonum, & summè amabile, & peccatum ut summè odibile ; quòd unum sit aliquo modo propter aliud, inde fit, quòd uno, & simplici actu utrumque objectum possit attingi. Quapropter Contritio dici potest amor Dei per modum fugæ ; quia non est sola prosecutio divinæ bonitatis, sed simul fuga peccati, quatenus offensivi Dei. Et consequenter constat secundam partem nostram asseritionis, nempe quòd Contritio charitate perfecta possit esse actus formalis charitatis.

Apparet etiam tertiæ parti : videlicet quòd Contritio necessariò debeat esse actus aut elicited mediante habitu charitatis dum elicited ab homine justificato ; aut saltem à charitate imperata quando videlicet illa peccati detestatio habet actum charitatis specialiter sibi adjunctum ; ita quòd ad ejusmodi detestationem non sufficiat, quòd fiat ex motivo obedientiæ, aut Religionis, aut Pœnitentiæ, sed necessariò fieri debeat ex motivo charitatis : Tum, quia, ut diximus ex Concilio Tridentino, ut Contritio sit justificativa extra Sacramentum, debet esse charitate perfecta, hoc est, fieri propter motivum charitatis, vel ab ipsa charitate. elici. Tum, quia

quæ non fit præcisè peccati remissio sine dilectione Dei, ut diximus ex Scriptura sacra: ac subinde illa Contritio debet esse elicitæ à charitate, vel ab ea imperata.

Hæc omnia confirmat Concilium Tridentinum *sess. 6. cap. 6.* ubi docet Pœnitentiam ab amore Dei exordium sumere; ait enim de Pœnitentibus: *Dispensantur autem ad ipsam justitiam, dum excitati divina gratia, & adjuti . . . à divine justitiæ timore, quo utiliter concutiuntur ad considerandam Dei misericordiam se convertendo; in spem eriguntur, fidentes Deum sibi propter Christum propitium fore, illumque tanquam omnis justitiæ fontem diligere incipiunt, ac propterea moventur adversus peccata per odium aliquod, & detestationem, &c.* Quibus verbis docet Concilium veram Contritionem debere necessario oriri ex amore Dei: nam per eam homo disponitur ultimo ad gratiam sanctificationem per quam constituitur in civitate Dei: nullus autem pertinet ad civitatem Dei, nisi per amorem Dei usque ad contemptum sui, ut docet S. Augustinus lib. 14. de civitate cap. ult. Igitur Contritio necessario debet amorem vel præsupponere, vel habere annexum, si non formaliter saltem imperative, hoc est, si non præsupponat, vel non habeat annexum formalem actum amoris saltem à charitate, & amore Dei debet imperari. Contritio enim est detestatio peccatorum propter Deum, ac subinde necessario præsupponere debet aliquem actum voluntatis circa Deum: sed non est intelligibilis alius actus præter amorem: ex eo enim quod Deum amamus, detestamur offensam ipsi irrogatam: igitur cum Contritio includat odium peccatorum propter Deum, necessario fieri debet ab amore, & elici ex motivo charitatis.

Dicitur: Si dilectio Dei necessaria sit ad veram Contritionem: Igitur superflua est Contritio ad remissionem pec-

cati. Consequentia patet: nam, ut jam pluries diximus, actus charitatis sufficit ad justificationem, & peccati remissionem. Ergo dum præcedit Contritionem, reverà confert ad remissionem peccati, & sic nihil remittendum relinquit Contritioni.

Nego consequentiam: Vel enim actus Contritionis est idem cum actu amoris Dei, vel eum habet annexum. Si primum: Contritio non est inutilis ad justificationem: quippe cum ipsa sit ad eam ultima dispositio: si autem solum actus amoris habeat annexum, ita quod actus detestationis peccatorum præcedat; ac postmodum sequatur actus dilectionis; aut vice-versa, non potest fieri plena peccatorum remissio extra Sacramentum, donec uterque actus fuerit elicitus; quando enim quis recordatur peccatorum, non sufficit sola dilectio Dei absque Pœnitentia actuali, neque fieri potest, ut quis Deum diligat, & recorderetur se Deum offendisse, quin illico detestetur illam offensam, sicque Deum amando dolet, quod eum offenderit, & dolendo Deum impensius diligit.

QUESTIO SECUNDA.

Qualiter, & quando Contritio habeat vim, & efficaciam remittendi peccata.

Iam apertè liquet ex dictis, Pœnitentiam, & Contritionem habere vim remittendi quæcumque peccata; non quidem formaliter, sed solum dispositivè, ut docuimus in nono volumine, agendo de justificatione, quod etiam significat Concilium Tridentinum *sess. 14. c. 4.* cum ait, *Contritionis motus, in homine post Baptismum lapsi, de novo præparat ad remissionem peccatorum, si cum fiducia divine misericordiae, & voto præstandi reliqua conjunctus sit, quæ ad ritè suscipiendam hoc Sacramentum*

requiruntur. Quibus verbis aperte docet, Contritionem esse quidem dispositionem ad consequendam peccatorum veniam, non verò esse ejusmodi peccati remissionem formalem: forma namque non potest esse dispositio ad seipsam, quippe cum inter dispositionem, & formam exerceatur aliqua causalitas quæ necessariò distinctionem supponit. Duo autem hic supersunt determinanda. *Primum*, utrum Contritio ante realem Sacramenti susceptionem, & statim ac ipsa formatur, conferat ad peccati remissionem obtinendam: *Secundum*, qualis, & quàm intensa esse debeat ad ejusmodi effectum producendum.

Notandum primum, omnes Theologos invicem convenire quod Contritio, urgente necessitate, & imminente mortis periculo sufficiat ad obtinendam peccati remissionem citra Sacramentum, cum voto illud suscipiendi, si Sacerdos haberi posset: quemadmodum epistola 78. de Contritione Cethecumeni docet S. Bernardus: ubi non adest occasio & facilitas suscipiendi baptismi. Idque aperte tradit Concilium Tridentinum loco suprâ laudato, ubi ait. *Docet præterea sancta Synodus etsi Contritionem hanc aliquando charitate perfectam esse contingat, hominemque Deo reconciliare, priusquam hoc Sacramentum ab eo recipiatur, ipsam nihilominus reconciliationem ipsi Contritioni sine Sacramenti voto, quod in illa includitur, non esse adscribendam*. Verùm non desunt qui existiment cum Estio. in 4. diff. 17. §. 2. neque ordinariè, neque frequenter, ac multò minus semper, sed raro fieri, ut ante actualem Sacerdotis absolutionem peccator sit absolutus coram Deo: quæ urique sententia, utrum vera sit nec ne, determinabitur in prima Conclusionè.

Notandum secundò, objectum aliquod posse tribus modis magis diligi, aut odio haberi, quàm aliud. *Prims* qui-

dem objectivè, quando ei volumus, & optamus majora bona, quàm velimus alteri: *Secundò* intensivè, quod diligitur cum majori conatu, & ampliori fervore, quàm ullum alterum: ita ut actus amoris erga istud, plures habeat gradus intensiōis, quàm quicumque alius actus amoris erga aliud objectum: *Tertiò* denique appetitivè, quod plurius aestimatur, quàm aliud; ita quod propter objectum dilectum consequendum, vel conservandum, quodcumque aliud omittatur, siue interim illud objectum dilectum intensius, & majori cum conatu ametur, siue non. Sic Deū dicimur appetitivè diligere, dum eum cuicumque rei diligibili præferimus. Simili modo dicimur aliquid appetitivè odisse, seu per comparationem ad aliud, dum optamus potius pati quodlibet aliud malum, quàm istud; sic dicitur quis peccatum odisse, dum optaret magis malum quodlibet perpeti, quàm peccatum admittere, & Deum læthaliter offendere. Porro amor ille sicut & dolor intensivus, & appetitivus in eo differunt maximè, quod ille se teneat ex parte subjecti, & facultatis, quæ cum majori, vel minori conatu operatur: appetitivus autem ex parte objecti, quod plurius sit in suo genere amabilitatis, aut odibilitatis.

Notandum tertio ex Seraphico Doctore in 4. diff. 26. p. 1. art. 2. quæst. 1. Intensionem amoris aliam esse sensitivam, aliam intellectualem: Prior comitatur actum appetitus sensitivi: posterior autem actum voluntatis, quatenus voluntas est: Prior assimilatur amoris, quo mater filium diligit cum cordis teneritudine: posterior sverò amoris Patris, qui eundem filium diligit, cum animi constantia, ac firmitate: quippe cum se periculis exponat pro eo vel ditando, vel conservando.

Insuper in voluntate alia est amoris intensio secundum portionem inferiorem, & provenit ab anima, quatenus est

est conjuncta corpori; alia verò secundum portionem superiorem, quæ regulatur secundum fidei, & gratiæ dictamen, quæque consistit in majori æstimatione unius objecti propter se voliti, quàm in æstimatione alterius. Certum est autem, quod quilibet teneatur Deum diligere magis, quàm patrem, aut matrem, amore rationali, seu intellectuâli, & secundum portionem superiorem, saltè appetitiuè, quàm quodlibet aliud objectum creatum. Certum pariter est, quod non teneamur Deum plus diligere, & magis intensiue secundum teneritudinem, & juxta portionem inferiorem voluntatis: siquidem sanctissimi etiam quique viri experiuntur, se habere majorem cordis teneritudinem erga filios, quàm erga Deum, magisque affici dolore sensitivo de morte filiorum, quàm de amissione Dei per peccatum, tametsi mallent omnia alia non esse, & omnes filios amittere, quàm Deum offendere mortaliter. Quæritur autem, utrum alia ratione teneamur Deum magis diligere, ac proinde per Contritionem magis pœnitere.

CONCLUSIO PRIMA.

Contritio perfecta sufficit ad remissionem peccati citra Sacramentum, etiam præter casum necessitatis, sine reali susceptione Sacramenti, dummodo adis votum illud suscipiendi. Hæc est communior apud Theologos, & probatur primo auctoritate Scripturæ: siquidem non minoris est efficacitatis Contritio in lege Evangelica, quàm in Mosaica: sed in hac sufficiebat ad obtinendam peccati remissionem, statim ac erat concepta: igitur & nunc ad id sufficit. Major constat; siquidem gratia novæ legis longè abundantior est, quàm veteris, & faciliiori modo jam obtinemus peccatorum remissionem, quàm obtinuerint Synagoge filii. Minor verò probatur; Primo quidem exemplo Davidis, qui 2. Reg. cap. 12. vix per pœni-

Tom. X.

tentiam ad Deum conversus protulit hæc duo verba: *Peccavi Domino*, cum statim audivit à Natham Propheta: *Domine quoque transiit peccatum tuum*. Ubi signanter dixit: *Domine transiit*, ut significaret, quòd statim ac formatus fuit à Davide Contritionis actus, illico Deus ipsi indulgentiam concessit.

Quod ipsemet regius Propheta testatur, cum ait Psal. 31. *Dixi, confitebor adversum me injustitiam meam Domino, & tu remisisti impietatem peccati mei*. Ad quæ verba addit S. Augustinus: *Non jam pronuntiat, inquit, sed promittit se pronuntiaturum, & ille jam dimittit. Attendite fratres, magna res, dixi pronuntio, et tu dimisisti; quid eo ipso quod dixit, pronuntio, offendit, quia nondum pronuntiaverat: hoc ipsum dicere pronuntio, pronuntiare est: ideo & tu remisisti impietatem cordis mei; Confessio verò mea ad te nondum venerat, dixeram enim, pronuntio adversum me: veruntamen Deus audivit vocem cordis mei: vox mea in aure nondum erat; sed auris Dei jam in corde, erat. Addit Propheta: Pro hac, idest propter hoc, orabit ad te omnis Sanctus in tempore opportuno, ut nimirum etiam statim per Contritionem resurgat, & similiter peccatorum veniam obtineat. Subscribit Cassiodorus ad eadem Psalmi verba: dicens: *Magna pietas Dei, quod ad solam promissionem peccatum dimittitur, votum enim pro operatione judicatur*.*

Colligitur eadem veritas ex illis verbis Ezechielis 33. *Iustitia iusti non liberabit eum, in quacumque die peccaverit; & impietas impii non nocebit ei, in quacumque die conversus fuerit ab impietate sua*. Ubi dies pro hora, vel momento accipitur, juxta phrasim Hebraicam: Sicut cum Adæ dixit Gen. 2. *In quacumque die comederis ex eo, morte morieris*. Ex quibus sic licet argumentari: Eodem modo loquitur Pro-

Y y y

phe-

pheta de recuperatione iustitiæ per conversionem peccatoris, quomodo de illius amissione, & jactura per aversionem iusti: sed iustus statim adveniente peccato perdit iustitiam: igitur peccator ad Deum conversus per veram Contritionem charitate formatam, statim liberatur à peccato: alioquin In die, qua conversus fuerit, nocebit ipsi sua impietas.

Confirmatur ex verbis Isaïæ 30. nam ubi vulgata Editio legit: *Ad vocem clamoris tui, statim ut audieris Dominus respondebit tibi: 70.* Interpretes vertunt: *Cum reversus ingemueris; tunc saluus eris:* ubi signanter dixit, tunc, ut significaret, nullam interponi moram inter reversionem peccatoris per gemitum Contritionis, & salutem ejusdem per justificationis gratiam. Quod utique præclare sic expendit sanctus Leo epist. 89. alius 71. ubi loquens de satisfactione, & reconciliatione non deneganda, finaliter pœnitentibus, ait: *His autem qui in tempore necessitatis, & in periculi urgentis instantia, præsidium Pœnitentiæ, & mox reconciliationis implorent, nec satisfactio interdicenda est, nec reconciliatio deneganda, quia misericordie Dei nec mensuras possumus ponere, nec tempus definire; apud quem nullas patitur venire moras conversio, dicente Dei Spiritu per Prophetam: Cum conversus ingemueris, tunc saluus eris.* Licet autem ibi dumtaxat loquatur de finaliter pœnitentibus: nihilominus cum usurpet verba Prophetæ, significat, quòd sive in necessitate, sive extra illam, cum aliquis conversus ingemuerit; tunc, idest, hoc ipso instanti, & sine aliqua mora saluus erit: ac subinde non esse ullum periculum, quòd ipsi in extremis posito concedatur reconciliatio in foro Ecclesiæ, cum jam apud Deum verè fuerit reconciliatus. Eodem modo hæc Prophetæ verba interpretatur Cælestinus Papa in epistola ad Episcopos Galliarum cap. 3.

„ ubi ait; Vera conversio mente potius, quàm corpore metienda est, „ dicente Propheta: Si conversus fueris, saluus eris.

Probatur secundo, ex Bullis summorum Pontificum Pii V. Gregorii XIII. & Urbani VIII. in quibus damnantur hæc Bani propositiones; hæc quidem num. 31. Charitas perfecta, & sincera, quæ ex corde puro, & conscientia bona, & fide non fita, tam in Catechumenis, quàm in pœnitentibus, potest esse sine remissione peccatorum. Et ista num. 37. *Per Contritionem etiam cum charitate perfecta, & cum voto suscipiendi Sacramentum conjunctam, non remittitur crimen extra casum necessitatis, aut martyrii, sine actuali susceptione Sacramentorum.* Qui enim damnant hanc doctrinam, consequenter asserunt, Contritionem conjunctam cum charitate perfecta, & voto Sacramenti, remittere crimen extra casum necessitatis, aut martyrii, sine actuali susceptione Sacramenti Pœnitentiæ: ac subinde censent, talem Contritionem ejusmodi vim habere, quotiescumque illa præsens aderit.

„ Confirmatur ex Catechismo Pii V. „ ubi agens de Contritione num. 39. „ ait. Neque hac in re desperent fideles de summa Dei bonitate, & clementia; is enim cum nostræ salutis cupidissimus sit, nullam moram, ad tribuendam nobis veniam interponit, sed paterna charitate completur simul atque ille se collegerit. „ Et infra nu. 41. Ipsa certè Contritio, inquit Propheta, cor contritum, & humiliatum Deus non despiciet. „ Quin etiam statim, ut eam mentibus nostris concepimus, peccatorum remissionem nobis à Deo tribui, alio loco ejusdem Prophetæ verba illa „ declarant: Dixi, Confitebor adversum me iniquitatem meam Domino, & tu remissi sunt impietates peccati mei. Atque ejus rei figuram in decem lepro-

„ ptoſis animaverimus, qui à Salva-
 „ tore noſtro ad Sacerdotes miſſi, an-
 „ tequam ad nos pervenirent, à lepra
 „ liberati ſunt. Ex quo licet cognoſce-
 „ re, veræ Contritionis, de qua ſuprà
 „ dictum eſt, eam vim eſſe, ut illius
 „ beneficio omnium delictorum ve-
 „ niam ſtatim à Domino impetremus.

Adſtipulatur etiam ratio Theologi-
 ca, ſiquidem Contritio vel ultima di-
 ſpoſitio ad gratiam ſanctificantem: ac
 ſubinde ubi ſemel perfectè poſita eſt,
 etiam ſimul præſens adeſſe debet gra-
 tia ſanctificans: poſita enim ultima di-
 ſpoſitione, ponitur forma: ſed gratia
 ſanctificans de via ordinaria non ſtat
 cum peccato: igitur Contritio neces-
 ſariò, & infallibiliter inferit remiſſio-
 nem omnium peccatorum.

Deinde, Contritio vel eſt formaliter
 actus charitatis, aut virtualiter, vel
 ſaltem charitatis actum annexum ha-
 bet; Sed, ut diximus ſuprà, charitas
 neceſſariò ſequi inferit peccati remiſ-
 ſionem; ſiquidem amor Dei hominem
 verè Dei amicum conſtituit; nam Pro-
 verb.8. v.17. *Ego diligentes me diligo.*
 Eccli.34.v.15. *Oculi Dei in diligentes ſe.*
 Joan.1.cap.4.v.7. *Omnis qui diligit, ex*
Deo natus eſt. Et v.16. *Deus ebaritas eſt,*
& qui manet in ebaritate, in Deo manet,
& Deus in eo, Joan.14.v.21. *Qui au-*
tem diligit me, diligitur à Patre meo.
 Et v.13. *Si quis diligit me, ſermonem*
meum ſervoabit, & Pater meus diligit
eum, & ad eum veniemus (per gratiam
 ſanctificantem) *& apud eum manſionem*
faciemus. Deus autem manſionem fa-
 cere non poteſt in anima peccatrice,
 nec viciffim anima peccatrix in Deo
 manere poteſt, ac ſubinde cum Deus
 odio habent peccatores, & diligit di-
 ligentes ſe, neceſſe eſt, quod qui diligit
 Deum, ſolvatur à peccato, ut à Deo
 diligatur.

Obijcit primò Eſtius: Non aliter ra-
 tiocinandum eſt de remiſſione peccati
 per Contritionem in aliis peccatori-

bus, quàm in Magdalena penitente: ſed ipſi peccata non fuerunt remiſſa
 virtute Contritionis, & dilectionis ſta-
 tim, ac illius actum formavit: ſiquidem
 Lucæ 7. Chriſtus de ea dixit: *Remittun-*
tur ei peccata multa, quoniam dilexit
multum, quibus ſignificat ſe in præſenti
 ei peccata dimittere, ratione anteceden-
 tis actus Contritionis, & charitatis.

Id confirmat Eſtius exemplo Marty-
 rum Geneſii, & Emerentianæ, qui bap-
 tizati leguntur in ſanguine ſuo, quib-
 us potius tribuendus videretur Bap-
 tiſmus flaminis, quàm Baptiſmus ſan-
 guinis, ſi ille, ſicut hic, vim haberet
 ſtatim juſtificandi: ſic & S. Paulus licèt
 mirabiliter converſus, ac proinde ha-
 bens perfectam Contritionem, nihilo-
 minus audivit ab Anania Act. 2. Surge
 & ablue peccata tua: igitur ejus Con-
 tritio non habuit vim ſtatim peccata
 remittendi.

Nego minorem. Cum enim converſio
 Magdalene extraordinaria fuerit, &
 præſantiſſima habuerit verè, ac perfectæ
 dilectionis ſigna, non dubito,
 quin antequam Chriſtus de ea diceret.
Remittuntur ei peccata multa, &c. re-
 verà eam fuiſſe à peccatis mundatam
 virtute Contritionis; Unde verba illa
 non ſignificabant remiſſionem fieri,
 ſed jam eſſe factam in inſtanti dilectio-
 nis, & Contritionis: ſicque erant remiſ-
 ſionis factæ declarativa, aut ſaltem
 illius confirmativa, non ſecus ac verba
 Sacramentalis Abſolutionis; quando
 proferuntur ſuper peccatis ſemel di-
 miſſis, quæ ſimul ſignificant peccatum
 eſſe reverà dimiſſum quoad reatum
 culpæ; & inſuper illud ſolvunt quoad
 reatum pænæ, & indignitatis. Hinc
 etiam poſtea interjecto aliquo tempo-
 ris ſpatio, iterum Chriſtus eidem Mag-
 dalene dixit. *Remittuntur tibi peccata*
tua, quæ verba non ſignificabant ite-
 ratam peccati Abſolutionem, ſed prio-
 ris confirmationem, ſicut cum Marci 7.
 Mulieri jam ſanatæ à profluvio ſanguis

nis dicebat: *Filia, fides tua te salvam fecit, vade in pacem, & esto sana à plaga tua.*

Nec obstat, quod S. Augustinus homil. 32. inter 50. de ea dixerit. *Accessit ad Dominum immunda, ut rediret munda, accessit agra, ut rediret sana, accessit cunctis, ut rediret profecta.* Hoc, inquam, non obstat; loquitur enim de accessu, prout simul complectebatur primam voluntatem accedendi, vel certe de illo tempore, quo fortè ad Domini præsentiam accedens, nondum habebat Contritionem charitate perfectam.

Ad exemplum SS. Martyrum *Genesii, & Emerentianæ* dico, eorum peccati remissionem potius adscribi Baptismo sanguinis, quam flaminis, Tum quia, ut optimè inquit Bosco disp. 6. nu. 829. Baptismus sanguinis certior est, cum sit actus aliquis externus: Tum, quia efficacior est, utpote delens omnem culpam, & omnem pœnam debitam: Tum denique, quia ordinariè includit, aut certe supponit Baptismum flaminis, quandoquidem mors propter fidem Christi sit actus excellentissimus charitatis, saltem materialis, juxta illud dictum Christi apud Joan. cap. 17. v. 13. *Majorem hæc dilectionem nemo habet, ut animam suam ponat quis pro amicis suis.*

Denique ad exemplum S. Pauli responderi potest Ananiam sic fuisse locutum, vel quod dubius erat, utrum S. Paulus perfectam habuisset Contritionem, quæ sufficeret ad obtinendam veniam peccatorum. Vel quod judicabat adhuc superesse eluendas pœnas temperamentales peccatis remissis debitas, quæ licet non inficiant animam, tamen dicuntur peccata eo ferè sensu, quo concupiscentia dicitur peccatum, quia oritur à peccato. Dicuntur autem ejusmodi pœnæ ablui in Baptismate, quoniam per Sacramentum Ablutionis relaxantur, & condonantur.

Objeit secundo; Non majoris est ef-

ficacitatis Contritio in pœnitente cum voto suscipiendi Sacramenti; Pœnitentiæ, quàm in Catechumeno cum voto suscipiendi Baptismatis; sed in hoc non sufficit ad remissionem peccati, donec baptizetur; nam, inquit S. Augustinus tract. 13. in Joan. *Quantumcumque Catechumenus proficiat, adhuc sarrinam iniquitatis suæ portat, non illi dimittitur donec venerit ad Baptismum. Quomodo non caruit populus Israel populus Ægyptiorum, nisi cum venisset ad mare rubrum: sic nec pressuris peccatorum nemo caret, nisi cum ad fontem Baptismi pervenerit.* Igitur nec alicui pœnitenti quantumvis contrito dimittitur peccatum, donec Sacramentum Absolutionis receperit.

Nego minorem; Et ad S. Augustinum dico, vel ipsum loqui de eo quod sit communiter, quia videlicet pauci sunt Catechumeni, qui reverà perfectam habeant Contritionem ante Baptismum; unde fit, quod ordinariè maneat in peccato, donec baptizentur. *Vel* significare voluit non posse obtineri peccatorum remissionem quoad pœnam, & culpam integram nisi per Baptismum; quamvis enim Catechumenus obtineat remissionem culpæ virtute contritionis; communiter tamen superest reatus pœnæ adhuc eluendus. *Vel* denique dico S. Augustinum ibi loqui de Catechumenis qui negligunt ad Baptismum accedere, ac subinde non habent efficac desiderium, & votum suscipiendi Baptismi, nec consequenter perfectam Contritionem. Unde prælati S. Bernardus epist. 77. ait. *Sicut nulla et pœnitentia remittitur peccatum, si, cum possit, non resistitur ablatum, sic & huic nulla prodest fides, si, cum possit, non percipit sacramentum Baptismi, quamquam & fidem convincitur non habere perfectam, sic negligit; vera enim & plena fides universa præcepta complectitur; Est autem hoc verum, ipsumque præcipuum præceptum: meri-*

to ergo non fidelis, sed planè rebellis, atque contemptor reputabitur, quisquis obedire renuerit: quomodo denique fidelis, qui Dei contemptum Sacramentum? Quod autem ea mens fuerit S. Augustini, apparet ex ipso textu, ait enim. *Ne quis arrogans eo quod habeat abundantiam alienius gratia dedignaretur baptizari Baptismo Domini.* Postque statim subjicit; *Quantumcumque Catechumenus efficiat, &c.*

Obijcies tertio: Concilium Tridentinum sess. 13. cap. 7. loquens de præparatione ad Eucharistiam, ait: Ecclesiastica autem consuetudo declarat eam probationem necessariam esse, ut nullus sibi conscius mortalis peccati quantumvis sibi contritus videatur, absque præmissa sacramentali Confessione ad Sacram Eucharistiam accedere debeat: Et Canone 11. Statuit, atque declarat sancta ipsa Synodus illis, quos conscientia peccati mortalis gravat, quantumcumque etiam se contritos existiment, habita copia Confessoris necessario præmittendam esse Confessionem sacramentalem: sed ad debitam dispositionem prærequisitam ad Eucharistiae sacramentum debitè suscipiendum sufficit mundatio à peccatis: Igitur cum præter Confessionem Concilium adhuc requirat absolutionem, signum est, quòd non censeat Contritionem habere vim remittendi peccata citra casum necessitatis, absque reali susceptione absolutionis sacramentalis.

Distinguo minorem: Sufficit mundatio à peccatis vera, concedo: existimata tantùm, nego. Concilium autem non negat sufficere veram, & perfectam Contritionem ad debitam receptionem Eucharistiae, sed dumtaxat, quòd non sufficiat existimata ut talis: Unde etiam non dixit: Quantumvis contritus sit, sed quantumvis contritus sibi videatur: & quantumcumque se contritos existiment; ut nempe removeat, & coerceat quorundam nimis sibi te-

merè confidentium vanitatem, & præsumptionem, qui existimantes se habere perfectam Contritionem, quam tamen reverà non haberent, negligerent, ac spernerent beneficium absolutionis, quam facili negotio data opportunitate Confessoriorum, possent obtinere.

Adde quòd, cum vera Contritio debeat esse actus supernaturalis, vix quis cognoscere potest utrùm illam habeat necne: Cùm enim intellectus noster pro hoc statu pendeat in suis operationibus à phantasmatibus, nec judicare possit quando aliquis actus est supernaturalis: idcirco meritò suadet Concilium, ac præcavet, ut ne quis prius accedat ad Eucharistiam, quàm adhibuerit media, & remedia, quibus certior, & securior esse potest, se non esse prorsus indignum participatione tanti sacramenti: Nam, inquit ibidem Concilium cap. 7. quòd majus sanctitas, & divinitus celestis hujus Sacramenti, vero Christiano comperta est, eò diligentius cavere ille debet ne absque magna reverentia, & sanctitate ad percipiendum accedat.

Obijcies quartò: Catechismi Concilii Tridentini dicentis num. 46. Quoniam pauci admodum ad hunc (Contritionis) gradum pervenirent, sebat ut à paucissimis hac via peccatorum veniam speranda esset; quare necesse fuit ut clementissimus Dominus faciliiori ratione communi hominum salutì consuleret; quòd quidem admirabili consilio efficit, cum claves regni celestis tradidit. Igitur paucissimi sunt, qui per Contritionem ante Sacramentum veniam consequantur.

Respondeo: Nihil inde adversus nostram assertionem elici; quippe licet consideremus paucissimos esse, qui perfectam contritionem eliciant, tamen semper foret verissimum, quòd qui perfectè Contritionis haberet actum, sive in necessitate, sive extra necessitatem, reverà peccati remissionem obtineret,

ex

ex quibus apparet, quàm inanibus, & levis fundamentis nitatur particularis Eklîi sententia.

CONCLUSIO SECUNDA.

Contritus ut sit perfectus debet detestari peccatum super omnia mala, si non intensius, saltem appetitius; ac subinde, ut iustificet extra Sacramentum, non requiritur aliqua intensio gradualis. Hæc videtur esse sententia Seraphici Doctoris in 4. dist. 16. par. 1. art. 2. quæst. 1. ubi ait: Dicendum, quod cum queritur de quantitate doloris, dolor potest dici displicentia rationis, vel passio ex hac resultans in sensualitate. Si hoc secundo modo accipiat, dico, quod non est necesse magis dolere de peccato, quàm de re temporali: nec etiam necesse est dolere, quia non est in potestate cuiuslibet; talis enim dolor non consequitur amorem, sed consequitur ipsam affectionem, & affectio experimentalem cognitionem; & quia non omnes habent experientiam divine dilectionis, ideo non omnes ita sensibilibus dolent de peccatis: tamen quod magis etiam sensibilibus doleat aliquis de peccato, quàm de aliquo damno, hoc est perfectionis, & congruum, non necessarium. Sed in quantum dolor dicitur displicentia rationis, sic dico, quod displicentia mensuratur secundum quantitatem charitatis. Quantitas autem charitatis dupliciter potest accipi, vel in se, vel in comparatione ad alios amores. In se, sic dico, quod est parva, & major, & maxima. In comparatione ad alios, sic dico, quod vindicat sibi dominium in corde, quando est, nec unquam ibi est, nisi sit domina: unde dico, quod ad hoc, quod aliquis habeat charitatem, necesse est quod diligat Deum super omnia. Dubitas, quid sit diligere Deum super omnia? Hoc autem est (prosequitur S. Bonaventura) dili-

gere Deum super omnia, quod pro nullo damno, vel commodo velit offendere Deum: sic intelligendum de displicentia Contritionis: unde dico, quod peccatum debet tantum displicere rationi, quod nullo pacto, nullo commodo, vel incommodo velit in ipsum consentire, vel consensisse: quorum voluntas, quæ ex aliqua causa consentit in peccatum, iusta non est.

Et infra se ait: Si ergo queritur, utrum dolorem Contritionis necesse sit esse maximum: Si dicatur de dolore sensualitatis, manifestum est, quod non. Si de displicentia rationis, aut quantum ad intensiorem motus absolute; & sic nec hoc modo oportet esse maximum. Si in comparatione ad alios dolores, dico sicut de amore, quod oportet quod habeat prædominium. Illud autem prædominium non consistere in gradibus intensiōis perspicue manifestum est ex præcedentibus. Igitur ex mente hujus sancti Viri, & eximii Doctoris Ecclesiæ, Contritio justificativa non requirit determinatum gradum intensiōis (ut optime colligit noster Bosco disp. 6. sect. 2. can. 8.) sed quantumcumque parva, sufficere potest ad peccati remissionem, dummodò eliciatur propter Deum summe offensum, & sit charitate formata.

Quam utique veritatem aperte docet S. Chrysostomus epist. 17. ad Theodorum lapsus, & refertur dist. 3. de Pœnit. cap. Talis, ubi ait: Talis crede mihi, talis est erga homines pietas Dei, nunquam spernis penitentiam, si ei sincerè, & simpliciter offeratur. Etiam si ad summum quis perveniat malorum, & inde tamen velit reverti ad virtutis viam, suscipis, & libenter amplectitur: facit omnia, quatenus ad priorem revocet statum: & quod est adhuc præstantius, & eminentius, etiam si non potueris quis explere, omnem satisfaciendi ordinem, quantum-

Iamcumque tamen, & quamlibet brevi tempore gestam non respuit penitentiam: suscipit etiam ipsam, nec patitur quamvis exigua conversionis perdere mercedem.

Probat autem conclusionem Seraphicus Doctor loco supra laudato: Primò, quia major ille dolor est, qui nullum habet gaudium annexum: sed dolor. Contritionis habet aliquod gaudium, annexum; siquidem penitens de peccatis dolere debet, & de dolore gaudere, ut dicit S. Augustinus. Et reverà contritus gaudet de sua liberatione, & peccato, & aliis ejusmodi: dolor verò de amissione vel parentum, vel filiorum non habet gaudium annexum: igitur ille non debet esse intensissimus secundum intentionem gradualem. Secundò, magis dolendum est de eo, quod perditum non potest reparari, quàm de eo, quod recuperari potest, & reverà recuperatum est: sed perditum parentes, aut filii hoc in mortali statu, nisi interveniente miraculo restitui non possunt: Deus autem per peccatum perditus à penitente, potest recuperari, & de facto per Contritionem iterum possidet: igitur, &c.

Tertiò, quantumcumque parva sit gratia sanctificans, delet omnem culpam: ergo similiter quantumcumque parvus sit dolor Contritionis, si gratiam, & charitatem habeat annexam, sufficiens erit ad delendam omnem culpam. Quod utique confirmatur, quia Contritio se habet ut gratia sanctificans, ad quam disponit; ultima quippe dispositio debet æquari formæ, ad cujus receptionem præparat, vel disponit subjectum: sed gratia sanctificans remissiva peccatorum, ad quam Contritio disponit, neque necessariò est intensissima, neque certum exigit intentionis modum, aut gradum, infra quem non esset sufficiens ad delendum peccatum: igitur etiam quantumvis modica, & parva sit Contritio, sufficiens erit ad

efficiendam peccati remissionem.

Denique, quòd dolor Contritionis non debet esse intensissimus, aut intensivè maximus, nec habere certum intentionis gradum, apparet, & suadet exemplis; quia Contritio vera fuit in Davide de peccatis adulterii, homicidii, & inanis in remuneratione populi gloriæ: ea Contritio non erat intensivè maxima; nam intensiorem in Absalomia filii morte dolorem ostendit. 2. Reg. 9. Vera fuit in S. Paula Contritio, erat enim sanctissima mulier, & penitens: atqui Contritionis in ea dolor non erat intensissimus: experiebatur enim intensiorem in morte filiorum; Hieronymus enim ait in ejus vita, sic eam affici solitam in obitu filiorum, ut ea semper de vita periclitaretur; at ejusmodi dolorem numquam sensit ob suis in Deum offensas.

*Ratio est, quia quòd est intensissimum, non est in uno intensus, quàm in altero: sed in uno penitente dolor est intensior, quàm in altero, ut in Davide, Magdalena, & Petro. Non certus intentionis gradus, aut modus exigitur; quia Deus in Scriptura contritis absolute promittit veniam, nulla facta limitatione gradus intentionis tristitiæ, seu doloris. Zachariæ 1. *Convertimini ad me, & ego convertar ad vos.* Traditio quoque nusquam assignat certum Contritioni gradum, aut modum intentionis: ergo nullus est omninò determinatus infra quem non sufficiat Contritio, si fortè motivum, & objectum habeat.*

Ratio est, quia si certus intentionis gradus, aut modus in Contritione requiratur, penitens habebit justam doloris mensuram casu fortuito, non ex electione, quod est absurdum.

Huic autem veritati non refragatur Doctor, ut contendit Hiquæus in Commentario ad dist. 14. quest. 2. num. 97. ubi ipse oppositam sententiam tuetur: Si enim alicubi Doctor assereret necessariò requiri aliquam intentionem in

actu

actu Contricionis, maxime dist. 17. n. 19. ubi loquens de habitu infuso, & actu supernaturali, videtur eum distinguere ab actu naturali per ulteriorem intentionem: *De tertio dico, inquit, sicut dictum est dist. 17. primi libri, quod ille habitus caritatis, quantum ad substantiam actus dat aliquam intentionem ulteriorem, quam eadem potentia, & ex equali conatu dare non potest auctui suo. At revera contrarium ex illo non evincitur.* Nam

Doctor Subtilis eadem dist. num. 16. sic discurret: De primo dico, quod illud, *Super omnia*, potest intelligi extensivè, puta plus diligat Deum, quam omnia alia, ut citius vellet omnia alia non esse, quam Deum, non esse: & intensivè, puta ex majori affectu vult Deo bene esse, quam alicui alteri. De primo membro conceditur communiter, quod nihil aliud à Deo, nec omnia simul sunt æquè appetianda, sicut Deus. De secundo ponitur una distinctio, quod amor excedit amorem, vel quia fortior, sive teneior, vel quia firmitior, & dicuntur illi amores sese excedere, sicut mater dicitur tenerius, & ardentius diligere filium, pater verò fortius, & firmitus, quia majori periculo se exponeret pro amore filii. Hoc modo dicitur, quod dilectio Dei debet esse super omnia quantum ad firmitatem, ne scilicet aliquid aliud possit ab hoc evellere: sed non oportet, quod sit super omnia, quantum ad fervorem, & teneitudinem, & dulcedinem, quia aliquando invenit se quis ferventius diligere Creaturam, quam alius Deum.

Verum cum hæc distinctio ei non placeat contra eam arguit hoc modo: Quia solum hoc magis diligitur, quod firmitus diligitur: hæc enim magis diligo, cui minus volo malum accidere, & pro cuius bono salvan-

do magis me expono ex amore, quia exponere sequitur amorem, & hoc loquendo de amore, qui est actus voluntatis, non de illo, qui est passio appetitus sensitivi. Esti igitur aliqui dicantur diligere ferventius, vel tenerius, qui tamen firmitus non diligunt, hoc non est ex aliquo excessu amoris intellectivi in eis, sed fortè alicujus passionis amoris sensitivi, sicuti aliqui, qui dicuntur devoti, sentiunt aliquam majorem dulcedinem, quam alii multo solidiores in amore Dei, qui centuplum promptius sustinerent martyrium: nec dulcedo est actus voluntatis elicitus, sed passio quædam actui retributa, qua Deus allicit, & nutrit parvulos, ne deficiant in via.

Inde concludit Doctor: Dico igitur, quod illud (*super omnia*) debet intelligi utroque modo (scilicet extensivè, & intensivè.) Sicut enim teneor diligere Deum *super omnia alia extensivè*, ita etiam majori affectu, quam aliquid aliud. Dubitas an majori affectu ex parte subjecti, id est, secundum gradus intensivos, an verò majori ex parte objecti, id est, secundum essentiam? Et dico (prosequitur Scotus) majori simpliciter, quia scilicet magis repugnat effectui posito, quia facilius posset inclinari ad oppositum dilectionis cuiuscumque alterius, quam Dei.

Ille igitur diligit Deum *super omnia intensivè* juxta mentem Doctoris; qui facilius posset inclinari ad oppositam dilectionis cuiuscumque alterius, quam Dei: ergo non requiritur major affectus ex parte objecti, id est, secundum essentiam.

Confirmatur hæc nostra explicatio ex scolio præfixo num. 16. jamjam citato: Ait, inquit, Scotus, Deum esse diligendum super omnia intensivè, & extensivè, & ideo tribuitur ei, quod velit nos teneri ad amorem Dei intensiorem omni alio. Et Valentia 2.2. dist. 3. quest. 4.

par. 1. dicit neminem præter Scotum hoc tenere. Sed Scotus hoc non tenet, & alii multi tenent. . . . Scotus verò tantum ait, Deum super omnia amandum esse extensivè, & intensivè : sicut explicantur hæc ab aliis; id est, tene-rius, & firmitus Deum plus cæteris amandum, quia intensivè illis duobus modis pro uno, & eodem reputat, sed non dicit majori amore gradualis eum esse amandum, sed solum majori affectu, ad quem sufficit majoritas apprehensiva, seu affectus magis exclusivus oppositi. Huc usque Scholium.

Ex quibus inferre licet, Doctorem præfatum num. 19. per intensionem ulteriorem, quam dicit habitum charitatis conferre alicui supernaturali, non intelligere intensionem ex parte subjecti sive gradualis, sed intensionem ex parte objecti, sive essentialis. *Quantum*, inquit, *ad substantiam actus* (id est rationem ejus genericam, quæ desumitur ex objecto, & modo tendendi naturali lumine noto) dat aliquam intensionem ulteriorem, id est, commensurationem cum objecto, per quam constituitur actus in ratione specificæ supernaturali.

Quam utique interpretationem optime confirmat Bosco n. 246. & sequentibus ubi ait: Hujus assertionis ratio alia congruentior subesse non potest, quàm quia non videtur hominibus præscribenda obligatio, quia hujusmodi fundamentum appareat, & colligi possit, vel ex Scriptura, vel ex Conciliis, vel ex SS. Patribus: sed ex neutro illorum capitum colligitur illa necessitas intensionis in actu Contritionis, ut apparebit ex solutione objectorum, & fundamentorum sententiæ adversæ.

Obijciat itaque primò cum Hiquæo num. 97. varios Scripturæ sacræ textus, quibus insinuari videtur, non quemlibet dolorem sufficere ad veram Pœnitentiam, sed summum, & maxime intensum esse necessarium; quod apertum

fit ex illo Joelis 2. *Convertimini ad me in toto corde vestro, in jejuniis, & fletu, & planctu, & scindite corda vestra, & non vestimenta vestra, &c.* Similiter Deut. 4. *Si quaesieris Dominum Deum tuum, invenies illum, si tamen quaesieris ex toto corde, & ex tota tribulatione animæ tuæ.* Et Deut. 30. *Si duxeris penitentie cordis reversus fueris ad Dominum in toto corde tuo, & tota anima tua; miserebitur tui.* 3. Reg. 8. *Si peccaverint tibi, & reversi fuerint ad te in universo corde suo, & tota anima sua, propitiaberis populo tuo.* 2. Paralipp. 30. *Dominus bonus propitiabitur cunctis, qui in toto corde requirunt eum.* Hierem. 29. *Queritis, & invenietis me, cum quaesieritis me in toto corde vestro.*

Respondeo his, & similibus Scripturæ locis, colligi quidem, quòd ad peccatoris justificationem, necessariò requiratur aversio à peccato, & conversio ad Deum; itaut necessum sit, quòd reverà homo omnem suum affectum peccandi exuat, & ex toto corde avertatur à creaturis, quæ ipsi erant in peccati occasionem, & ad Deum convertatur; non autem necessum est, quòd id fiat ex summo affectu, & animi Contritione: unde ex ejusmodi locis colligitur, quòd conversio ad Deum ex toto corde includat quidem revocationem cordis ab omni amore opposito dilectioni Dei, & involvat detestationem omnium peccatorum propter Deum cum proposito non peccandi de cætero, & talis conversio fit toto corde, licet per actum remissum id fiat; fit enim integro corde, nulla cordis parte remanente in affectu peccati; adeo quòd diligere Deum toto corde, nihil aliud sit, quàm diligere eum plus amoribus finitis, tunc enim integrum cor damus, quando nihil præ illo diligimus, pœnitentiam autem tota animæ tribulatione, est displicere de peccatis, & de nullo complacere.

Obijciat secundò varias SS. Patrum, Z z z au-

authoritates, qui ad veram Contritionem, & Pœnitentiam, videntur summum animi dolorem exigere, maximè pro gravius peccatis. Sic S. Cyprianus tract. de lapsis, ubi inter cetera ait: *Quàm magna deliquimus, tam granditer desceamus. Alto vulnere diligenti, & longa medicina non desit; Pœnitentia crimine minor non fit. orare oportet impensius, & rogare, dlem lussu transigere, vigiliis nosse, ac sletibus ducere, tempus omne lacrymosis lamentationibus occupare, stratos solo adberere cineri, in cilicio, & sordibus volutari, &c.* Similiter S. Ambrosius exhortatione ad virginem Iaplam cap. 8. ubi ait: *Sed quanta putat, & qualis necessaria Pœnitentia, quæ aut æquet crimina, aut certe excedat? Vide ergo si simplex hoc peccatum adulterii est, an duplex sit per illam necem, quæ facta sit in occulto, & secundum conscientiam molem addibenda est Pœnitentia magnitudo.* Et infra: *Cor verò sit liquefactum sicut cera, jejuniis inquietans seipsum, &c.* Ac post pauca subiungit: *Grave scelus grandem habet necessitatem satisfactionem.* Fortius est dolendum, quia peccatum est fortius. Idem S. Augustinus epist. 54. ad Macedonium, & refertur dist. 3. de Pœnitentia, cap. 33. ubi inducit peccatorem sic loquentem: *Aut date mihi eundem iterum pœnitendi locum, aut desperatum me permittite, ut faciam quidquid libuerit. Aut si me ab hac nequittia revocatis, dicite, utrum mihi aliquid prodest ad vitam futuram, si in ista vita illecebrossissima voluptatibus blandimenta contempsero, si libidinum incitamenta frænauero, si ad castigandum corpus meum, multa mihi etiam licita, & concessa subtraxero, si me pœnitendo vehementius, quàm prius excruciauero, si vehementius ingemuero, si severo uberius, si vixero melius, si pauperes sustentavero largiri, si charitate, quæ operis multitudinem peccatorum, flagravero ardentius.* Quis nostrum ita despicit, ut huic homini dicat, Nil tibi ista

proderunt impotterum; vade, saltem huius vite suavitate perfrue? Aversas Deus tam inmanem sacrilegii demeritiam.

Respondet, his, & aliis similibus Patrum oraculis, suaderi quidem quoddam in agenda pœnitentia peccator consultò adhibeat omnem conatum, & affectum, non solum, ut pro viribus satisfaciat tam pro culpa, quam pro pœna temporali, quæ remissa culpa remanet solvenda, vel in hoc sæculo, vel in Purgatorio, sed etiam ut sit securior, ne fortè dum minus contendit Deo satisfacere, sufficientem satisfactionem non impendat, maximè cùm certissimum sit, quoddam deletionem pœnæ correspondentis majori culpæ, major requiratur satisfactio, tam interna per dolorem, quàm externa per opera bona, & pœnalia. Cùm enim pro peccatis satisfacere possumus, non solum per pœnas arbitrio, & iudicio Sacerdotis pro mensura debiti impositas, sed etiam per eas, quæ sponte à nobis suscipiuntur; ideo prudenti consilio movent SS. Patres, ut iuxta gravitatem criminum, graviores pœnas pro eis explandis assumant.

Simili modo fit satis Concilio Tridentino sess. 14. cap. 4. ubi ait: *Alius est præterea Baptismi, & alius Pœnitentiæ fructus; per Baptismum enim Christum induentes nova prorsus in illo efficiuntur creatura, plenam, & integram peccatorum omnium remissionem consequentes: ad quam tamen novitatem, & integritatem per Sacramentum Pœnitentiæ sine magni nostris sletibus, & laboribus, divina id exigente iustitia, pervenire nunquam possumus, ut meritis Pœnitentiæ laboriosius quidam Baptismus à SS. Patribus dictus fuerit.* Ubi Concilium loquitur non de remissione culpæ, sed totius pœnæ, quæ gratis quidem dimittitur per Baptismum; sed in Pœnitentia tantum relaxatur per ingentes gemitus, & labores: Unde sess. 6. cap. 4. dicitur pariter assignans inter Pœnitentia-

tentiam, & Baptismum, dicit: In Pœnitentia non solum requiri cessationem à peccatis, & eorum detestationem, aut cor contritum, & humiliatum: *Verum etiam eorumdem sacramentalem Confessionem, saltem in voto, & suo tempore faciendam, & Sacerdotalem Absolutionem, itemque satisfactionem per jejunia, elemosynas, orationes, & alia pia spiritualis vite exercitia, non quidem pro pena aeterna, quæ vel Sacramento, vel Sacramenti voto una cum culpa remittitur, sed pro pena temporalis, quæ, ut sacra littera docent, non tota semper, ut in Baptismo fit, dimittitur illis.* Igitur nec SS. Patres, nec Concilium exigunt ad perfectam Contritionem dolorem intensum, & summum pœnitentis conatum pro obtinenda remissione culpæ, sed dumtaxat pro consequenda relaxatione totius pœnæ, quæ remissa culpa ordinariè supersesit luenda.

Obijcies tertio: Deus non confert suam gratiam, nisi facienti, quod in se est: sed promittit suam gratiam habenti Contritionem: igitur ut quis sit verè contritus, debet omnem suum conatum, & affectum adhibere.

Respondet: majorem non esse sic intelligendam, quòd ut quis gratiam consequatur, omnem suum conatum ad id debeat impendere; vix enim est inter mortales aliquis, qui ita perfectè operetur, & exequatur, quæ sibi præcepta sunt, quin adhuc præstantiori modo posset id exequi, si omnem omnino conatum ad id intenderet: sed dumtaxat hoc sensu est accipienda, quòd ut quis gratiam sanctificantem per pœnitentiam à Deo obtineat, debeat ex parte sua omnia adhibere, quæ ad hujus beneficii præparationem necessaria sunt.

Vel dico, quòd ipse debeat facere totum, quod in se est, diligendo Deum magis appetitivè, quàm creaturas, quamvis non eum intensius diligat.

Urgebis: Amor ille, aut dolor appetitivus enervat sollicitudinem pecca-

torum, Contritionem attenuat: igitur est improbandum.

Nego antecedens: nam peccatores solliciti esse debent, non solum de remissione peccatorum quoad culpam, sed etiam quoad pœnam; unde cum dolor appetitivus tantum conferat ad remissionem peccatorum quoad culpam, pœnitentes, qui ejusmodi remissionem obtinuit, debet adhuc satagere, ut per dolorem intensum, & opera pœnalia possit pariter consequi relaxationem pœnæ peccatis debitæ.

Obijcies quarto. Ex Catechismo Romano num. 36. *Contritio debet non solum esse maxima, sed vehementissima:* at vehementissima Contritio est intensissima; siquidem vehementia doloris est ejusmodi intensio; igitur, &c.

Nego minorem: Ibi quippe per vehementissimam Contritionem, nil aliud intelligit Catechismus, quàm efficacem, & actualementem, non autem inefficacem, & ignavam; unde statim subdit: *Omnemque ignaviam, & socordiam excludas;* etenim in Deuteronomio scriptum est: *Cum quaeseris Dominum Deum tuum, inveniis eum, si tamen toto corde quaesieris, & tota tribulatione animæ suæ.* Et apud Hieremiam cap. 29. *Queritis me, & invenietis, cum quaesieritis me in toto corde vestro, & inveniar à vobis,* ait Dominus. Quamquam si id minùs consequi nobis liceat, ut perfectè sit; verum tamen & efficax Contritio esse potest; sæpè enim usu venit, ut quæ sensibus subjecta sunt, magis quàm spiritualia nos efficiant. Quare nonnulli interdum majorem ex filiorum obitu, quàm ex peccati turpitudine doloris sensum capiunt. Idem etiam judicium faciendum est, si lacrymæ doloris acerbiter non consequantur; quæ tamen in pœnitentia summo perè optandæ, & commendandæ sunt. Unde etiam ad marginem habet hanc notam: *Contritio est non tantum vera, sed etiam efficax.*

Ex his sequitur veritas SECUNDÆ PAR-

ris, nempe quòd *Contritio debeat esse dolorum maximus appetitativè, vel estimativè*; siquidem ex laudatis Scripturæ oraculis constat, Deum præcipere peccatori, ut convertatur ad se ex toto corde, sicut & jubet ut ea conversio fiat in fletu, & planctu: porro jubet eam solum fieri secundum affectum; quia flere, plangere, jejunaire, &c. non est unicuique liberum semper, & possibile, vel propter naturalem indolentiam, vel propter ægritudinem. *Insuper* jubemur eo modo toto corde conteri, sicut & Deum diligere: nam, inquit Catechismus Tridentinus nu. 37. *Uti Deus summum bonum est inter omnia, quæ diligenda sunt; ita etiam peccatum summum est malum inter omnia, quæ odisse debent homines; unde sequitur, ut quam ob causam Deum summè diligendum esse consistemus, ob eandem rursus peccati summum odium nos capiat necesse est*: atqui tenemur tantum habere maximam Dei dilectionem appetitativè, vel estimativè, Deum omnibus in amore præferentes, malentesque quidvis aliud omittere, quàm Deum, aut amicitiam Dei, licet ejus amorem intensissimum non habeamus; ergo tenemur tantum odisse peccatum super omnia mala, licet odium, & dolorem summè intensum non habeamus.

Hinc prosequitur Catechismus, *Omnibus verò rebus Dei amorem anteponendum esse; itaut nec vitæ quidem conservanda causa peccare liceat, apertè nos docent illa Domini verba, Matth. 10. Qui amat Patrem, aut Matrem plusquam me, & filium, aut fratrem super me, non est mi dignus. . . . Et qui voluerit animam suam salvam facere, perdet eam: qui perdidit animam suam propter me, inveniet eam. Et quemadmodum (Sancto Bernardo teste) nullus charitati finis, & modus præscribitur: quia modus diligendi Deum est ipsum diligere sine modo; ita peccati detestationis nullus modus designatur.*

Ratio est, quia dolor ille maximus est appetitativè, quo detestamur aliquid, ut maximum omnium malorum, & super omnia detestandum; & amor ille maximus est appetitativè, quo diligimus aliquid, ut maximum omnium bonorum, super omnia diligendum: atque dolor in Contritione de peccato à nobis commissio debet esse ejusmodi; nullum enim malum peccato mortali majus, aut deterius, cujus detestationem debemus pluris estimare, quàm afflictionem cujusque boni, vel evitacionem omnis alterius mali; quia malum est; quod nos avertit ab ultimo fine.

Dices primò: Omnis dolor appetitativè maximus, est etiam maximus intensivè; quia quòd pluris estimamus rem, amissam, eò majori conatu de illius amissione dolemus; dolor enim de re amissa, oritur ex estimatione, & amore bonitatis ejus: atqui Contritio non est dolor intensivè maximus; ergo nec appetitativè.

Nego majorem: Etsi enim ut plurimum intensiva magnitudo doloris oriatur ex ejus appetitativa magnitudine; tamen id absolute necessarium non est: quia magnitudo intensiva doloris oritur ex parte subjecti, & ex conatu, quo dolor intenditur ad alicujus mali detestationem: appetitativa oritur ex parte objecti, quod super omnia doloris objecta odio habetur: sæpius autem accidit, ut de re aliqua magis intensivè doleamus, de qua minùs appetitativè dolemus, & è contra: nam & ipsi sæpe Sancti magis intra se dolent de amissione liberorum, quàm de reatu peccatorum: ut Jacob, qui volebat admittere consolationem super amissionem Josephi; sed illi non habent majorem appetitativè dolorem de liberorum amissione, quàm de suis peccatis: mallent enim amisisse liberos, quàm Deum offendisse mortaliter. Et in ipsis rebus corporis magis sæpè dolemus de ea, quod

quod minus æstimamus: acrior enim est dentium dolor, aut ustio digiti, & intensior, quàm lenta febris, aut pestifera: sed ex ea febris dolor est appetiati-
uè major. Patet etiam in amore; quia Pater senex sæpè filium natu mino-
rem intensius, & tenerius amat, quàm Primogenitum, at hunc magis appre-
tiatiuè; quia maiora primogenito vult,
facitque bona.

Dicit secundò; Causa innotescit per effectum; sed in Contritione non est tantus doloris effectus, ac aliorum do-
lorum; nam lacrymæ sunt doloris effe-
ctus, & testes: at per Contritionem, non effunduntur tot lacrymæ, ac in aliis, plerisque doloribus, putà ex amif-
sione filiorum, aut opum, ex dedecore, vulnere, & similibus; ergo dolor Contritionis non est appetiatiuè maximus.

Distingo maiorem; Per effectum pro-
ximum, & immediatum, concedo: re-
motum, & mediarum, quales sunt la-
crymæ respectu doloris animæ, nego: corporales enim mutationes immediatè sequuntur ex passionibus sensitivæ par-
tis, & ejus affectionibus. Hinc ex do-
lore sensibili, seu sensibili objecto noci-
vo, citius effluunt lacrymæ, quàm è do-
lore spiritali Contritionis. Optandæ sunt equidem in Contritis lacrymæ: nam ex S. Augustino: *Non sunt in te Christianæ charitatis viscera, si luges corpus, a quo recessit anima, nec luges animam, à qua recessit Deus.* Et sancti Pœnitentes lacrymis veniam impetra-
runt à Deo; sine lacrymis tamen potest esse vera Contritio: quia lacrymæ non sunt in nostra potestate: quare debet esse perfecta; quia perfectio doloris ani-
mi sumitur ex electione: sed electionis in dolore perfectio sumitur ex eo, quòd doleamus de re maximè dolenda, de-
testemurque malum super omnia dete-
stabile, putà peccatum,

QUÆSTIO TERTIA.

Quomodo Contritio detestari debeat peccata?

Notandum primo, Theologos invi-
cem convenite, quòd Contritio detestari debeat omnia prorsus peccata ita quòd si pœnitens haberet compla-
centiam in aliquo peccato, ejus dolor, & contritio omnino foret inutilis: quo-
niam, ut ait S. Jacobus, *Qui peccat in ano, factus est omnium reus*; cùm enim Contritio sit ultima dispositio ad gra-
tiam sanctificantem, quæ obtineri non potest sine conversione perfecta homi-
nis ad Deum, & aversione ab omnibus quæ à Deo remonent; idcirco necessum est, quòd, quemadmodum per quod-
libet peccatum mortale homo avertitur à Deo; ita per Contritionem ab omni-
bus peccatis revocet animum, ac sub-
inde quòd illa detestetur. Idipsum aper-
tè docet Scriptura sacra variis locis, maxime apud Ezechielem cap. 18. v. 21. *Si impius, inquit, egerit Pœnitentiam ab omnibus peccatis suis, quæ operatus est, & custodierit omnia præcepta mea... vita vivet, & non morietur.* Et v. 28. *Considerans enim, & avertens se ab omnibus iniquitatibus suis, quas operatus est, vita vivet, & non morietur.* Item v. 30. *Convertimini, & agite Pœnitentiam ab omnibus iniquitatibus vestris, & non erit vobis in ruinam iniquitas.* Hinc Innocentius II. in Concilio Romano cap. 22. & refertur de Pœnit. *diff. 5. cap. 3. Fratres, inquit, nostros Episcopos, & Presbyteros admonemus, ne falsis Pœnitentiis Laicorum animas decipi, & ad infernum pertrahi patiantur, falsam autem Pœnitentiam esse constat, cum spretis pluribus, de uno solo Pœnitentia agitur, aut cum sic agitur de uno, ut non discedatur ab alio.* Item S. Augustinus (vel quicumque est Author lib.) de vera, & falsa Pœnit. cap. 9. & habetur de Pœnit. *diff. 3. cap. 42. Sunt plu-
res;*

res, quos pœnitet peccasse, sed non omnino; reservantes sibi quædam, in quibus delectantur, non animadvertentes Dominum, simul furdum, & mutum à demonio liberasse: per hoc docens nos nunquam nisi de omnibus sanari. Si enim vellet ex parte peccata reservari, habens septem demonia, manente uno proficere potuerat sex expulsi. Expulsi autem septem, ut omnia crimina simul ejicienda doceret. Legionem autem ab alio ejiciens, neminem reliquit ex omnibus, qui liberatum possideret, ostendens, quod est peccata sint mille, oporteret de omnibus pœnitere. Suadet etiam ratio: Tum, quia quando quis detestatur unum peccatum ex amore Dei super omnia; id est, quatenus est offensa bonitatis divinæ à se super omnia amata, fieri non potest, ut similis offensa propter eandem rationem ipsi non displiceat, in quocunque objecto ipsa reperitur, sive formaliter, & expresse, si offensa explicitè proponatur, sive implicitè, & virtualiter, si specialiter non occurrat: Tum, quia eo modo Contritio tendit in peccata detestanda, quomodo fides in objecta credenda: sed hæc non potest tendere in unum objectum negando aliud: igitur neque illa peccatum aliquod detestari, si pœnitens in aliis complacet: quia est idem omnino motivum in omnibus: & sicut non potes servare fidem si neques unum articulum: ita nec habere perfectam Contritionem, si in aliquo peccato complaceas. Verùm difficultas est, qualiter hæc detestatio fieri debeat, utrum videlicet necessum sit ad perfectam Contritionem quod quis in speciali doleat de singulis peccatis singillatim; an verò sufficiat ea generatim detestari.

Notandum secundò, Doctores pariter invicem consentire, quod si occasio urgeat, & desit tempus, aut opportunitas recogitandi singula peccata mortalia, ac immineat evidens mortis periculum, sufficit ad perfectam Contritio-

nem, quod detestetur peccata omnia universim, & confusè cogitata: dolor autem de peccatis in confuso, nihil aliud est, quàm dolor ille, quo peccator afficitur, propterea quod noverit Deum offendisse, sine ullo prævio ac præmisso conscientie examine, huic que aut similem efformat actum, Pœnitet me Deum offendisse propter summam illius bonitatem, & gloriam, quomodocunque istud fecerim, & habeo firmum propositum non peccandi de cetero, ac ejusmodi peccata confitendi, si opportunitas adit. Quod verò iste dolor sufficiat in ea angustia, apparet; alias homo ille non haberet medium sufficiens ad salutem, nec verum esset, quod Deus toties in divinis Scripturis inculcat, scilicet quod in quacunque hora ingemuerit peccator, vita vivet. Difficultas autem est utrum, cum tempus, & opportunitas adfuerit, adest que Sacerdotis præsentia, cui confiteri possit teneatur homo singula peccata tam quoad species, quàm quoad numerum distinctè in memoriam revocare, atque ita de eis dolere. Circa quod duplex est capitalis Authorum sententia: *Prima* quidem Alensis *part. 4. quest. 17. memb. 3. art. 2.* quem plurimi Recentiores sequuntur, affirmantes ad perfectam Contritionem necessarium esse, quod pœnitens de singulis peccatis doleat singillatim. *Secunda* vero sententia est Doctoris subtilis *dist. 15. quest. 1. num. 9.* contententis, ad veram Pœnitentiam non esse necesse, quod de singulis peccatis sigillatim fiat Contritio, & Satisfactio, sed ad id sufficere, quod ea fiant generatim, & confusè de omnibus omnino peccatis.

Notandum tertio, quod habere dolorem seu detestationem de singulis peccatis, contingere possit ac fieri duobus modis: *Primo* quidem, ita quod cullibet peccato secundum numerum, vel speciem correspondeat singularis dolor ac detestatio, sique tot sint detestatio-

nis

nis actus, quot occurrunt memorie peccata commissa: *Secundò modò* potest intelligi, nempe quod præmissò conscientie examine, & peccatis, quantum pœnitenti libuit, omnibus in memoriam revocatis, unico actu de eis doleat, eaque detestetur generatim. Quæritur autem, utrum pœnitens sive extra sacramentum Pœnitentiæ, sive in illius susceptione, debeat sigillatim, & per distinctos actus singula peccata in memoriam revocata detestari, & utrum magis dolere debeat de gravioribus, & minus de levioribus peccatis.

CONCLUSIO PRIMA.

Ad Contritionem perfectam non est *necessè, quòd peccator de singulis peccatis sigillatim doleat, ne ea detestetur.* Hæc est Doctoris loco suprà laudato, ubi etiam dixisset, non necessario desiderari ad perfectam satisfactionem quod singularis fiat, tam secundum speciem, quam secundum numerum; *subdit.* Quod secundum speciem, patet, quia Contritio potest correspondere huic, & illi: & illa est eadem secundum speciem, maxime si objecta sunt eadem secundum speciem. Quod secundum numerum, patet, quia Contritio de pluribus simul in generali, potest una correspondere pluribus illis: sed tunc oportet ad hoc, quòd Satisfactio totalis, non diminuta, quod aliquid ejus sufficiat pro uno peccato, & aliquid pro alio, aliquid, inquam, & aliquid, non de partibus integralibus in actu; sed de gradibus intensiōnis, ita scilicet quod sit in tanto gradu intensiōis, quod in longè minori sufficeret pro uno, & in gradu quem superaddidit ultra, sufficeret pro alio. Possunt etiam plures satisfactiones, vel partiales correspondere uni peccato. Totales quidem, quia non est peccatum, quod non possit remitti per solam Contritionem, & tunc illa sola est totalis sa-

tisfactio. Potest etiam idem remitti per Contritionem remissam, & alias pœnas suppletentes imperfectiōnem. Contritionis: Contritio autem intenditur ex una parte, & ipsamet remissa cum aliis pœnis ex alia parte, differunt etiam specie, licet sint æquivalentes in acceptatione divina. Brevis ergo, non correspondet cuiusque peccato propria Satisfactio, quæ scilicet nulli alii respondeat; nec aliqua alia isti correspondet, sed cuilibet correspondet satisfactio pro tunc propria, licet alia posset esse propria. Intelligo pro tunc propria, vel ut in se distincta, vel ut aliquid virtualiter inclusum in Satisfactione. Hæc Doctor, quibus verbis aperte nostram assertionem explicat.

Probatur autem: Primo quidem ex Catechismo Tridentino de Pœnitentia num. 29. ubi ait: *Maximè hortandis, & monendis sunt fideles, ut ad singula mortalia crimina proprium Contritionis dolorem adhibere studeant: ita enim Exe-chias Contritionem describit, cum ait:* Recogitabo tibi omnes annos meos in amaritudine animæ meæ. *Etenim recogitare omnes annos, est sigillatim peccata excutere, ut ea ex animo doleamus. Sed apud Exechielem quoque scriptum legitur.* Si impius egerit Pœnitentiam ab omnibus peccatis suis, vita vivet. *Atque in hanc sententiam; Augustinus inquit:* Consideres peccator qualitatē criminis in loco, in tempore, in varietate, in persona. Ne tamen aliquis crederet, hæc sic dicta esse, quasi forent necessaria ad remissionem peccatorum, extemplo subiungitur: *Neque tamen hac in re desperent fideles de Summa Dei bonitate, & clementia: is enim, cum nostræ salutis cupidissimus sit, nullam moram ad tribuendam veniam interponit sed peccatorem paternā charitate complectitur, simul atque ille se collegerit, & universa peccata sua detestatus, quæ deinde alio tempore, si succulatus eris, si-*

gu-

gula in memoriam reducere, ac detestari in animo habeat, ad Dominum se converterit: ita enim nos per Prophetam jubet sperare, cum inquit: Impietas impii non nocebit ei, in quacunque die conversus fuerit ab impietate sua. Hactenus Catholismus.

Probatur etiam ratione: Tum, quia nihil est asserendum in re maximi momenti spectantis ad hominum salutem, quin fundamentum aliquod habeat aut in Scriptura sacra; aut in Conciliis, aut in SS. Patribus: ac nihil eorum suadet necessarium esse ad perfectam Contritionem, quod quis singula peccata per se, & regulariter in memoriam revocet, ac de ipsis doleat: igitur, &c.

Deinde, perfecta Contritio, & sufficiens ad remissionem peccatorum, fieri potest in instanti: sed in instanti non potest aliquis recogitare, singula peccata, ac de eis dolere: igitur non est necessaria ejusmodi Contritio singularis de singulis peccatis. Minor constat. Major probatur: Tum, quia ad veram, & perfectam Contritionem non requiritur temporis diuturnitas, ut diximus, in priori questione: Tum, quia pessimi peccatores brevi temporis compendio possunt de peccatis suis dolere, & eorum veniam, ac indulgentiam assequi, ut constat exemplo latronis cum Christo D. crucifixi: Unde præclare Cælestinus summus Pontifex epist. 2. ad Episcopos Galliarum cap. 2. scribit: Desperet de clementia Dei, qui cum ad subveniendum morienti sufficere, vel in momento possit non credit: Perdidisset latro præmium in cruce ad Christi dexteram pendens, si illum unius horæ Penitentia non juvisset, cum esset in pena penituit, & per unius professionis sermonem habitaculum paradisi, Deo promittente, promeruit: Vera ergo ad Deum conversio in ultimis positurum, mente potius est estimanda, quam tempore, Propbeta hoc taliter asserente: Cum ingemueris, tunc salvis eris. Nec obstat quod loquatur dumtaxat de ho-

mine in extremis constituto: nam si Contritio eo in casu sufficiens sit ad salutem, licet instantanea, nec supponens omnium peccatorum recordationem, & detestationem singularem: quidni par ratione sufficiens erit quoties peccator propter Deum offensum peccata sua generatim detestabitur?

Denique, penitens, dum recogitat aliquod peccatum sigillatim, & de eo perfectam Contritionem efformat: vel reconciliatur Deo antequam alia peccata sigillatim in memoriam revocet, & de eis doleat, vel non; si reconciliatus igitur cætera peccata ei dimittuntur: fieri enim non potest saltem de via ordinaria, ut homo simul sit Dei amicus, & inimicus: si non reconcilietur, igitur inutilis est præcedens Contritio, utpote quæ suo frustretur effectu: quod utique dici non potest, maxime cum Contritio ex se sit ultima dispositio ad gratiam sanctificantem, per quam efficiamur Dei amici, & constituimur divinæ confortes naturæ: igitur ad veram, & perfectam Contritionem non est necesse, quod fiat de singulis peccatis sigillatim.

Neque huic assertioni repugnat Angelicus Doctor, quanquam enim 2. p. quæst. 114. art. 5. & 3. part. quæst. 87. art. 1. videatur exigere ad perfectam Contritionem, quod penitens revocet in memoriam singula peccata, saltem subsequenter; propter obligationem ea confitendi, quantumvis per Contritionem prius fuerint remissa; attamen non negat Contritionem generatim formatam de peccatis sufficere ad veram peccati remissionem: nam qu. 28. de veritate art. 5. ad 4. ait: Omnia peccata conveniunt in averfione à Deo, ratione cujus gratiam impediunt: unde ad justificationem non requiritur, quod in ipso justificationis momento peccata singula cogitentur: sufficit, quod peccator cogitet, se per culpam suam esse aversum à Deo: recogitatio autem singularis debet præcedere, aut saltem subsequi justificationem.

Non

Non etiam huic assertioni contradicit Seraphicus Doctor: nam *diff. 16. p. 1. art. 2. qu. 1.* hanc eandem agitant questionem, ait: Dicendum, quod penitere de aliquo est dupliciter, scilicet in generali, & speciali. In generali, quando homo dolet in generali de omni offensa Dei, quam fecit. In speciali, quando dolet de hac, vel illa. Dico ergo, quod de peccatis commissis per ignorantiam debet penitere in generali, & dicere cum Propheta: *Delicta juventutis meae.* Ignorantiam meam, &c. In speciali vero non tenetur penitere, sed tenetur facere, quod in se est, ut sciat, & peccata recognoscat. Committuntur enim peccata per ignorantiam, juris; & tunc cognito jure cognoscit se peccasse, ut puta qui fornicatus est, ignorans illud esse peccatum. Committuntur etiam per ignorantiam facti, diligentia debita non adhibita, & tunc cognoscuntur Domino revelante: unde tenetur orare, ut Dominus parcat ei, vel revelet. Hæc Seraphicus Doctor, ubi licet loquatur tantum de peccatis non cognitis, tamen sufficienter significat se nostræ assertioni non refragari.

Obijtes primo varios Scripturæ textus, quibus suadetur recogitatio de singulis peccatis tanquam necessaria ad veniam obtinendam: Sic Psal. 76. *Meditatus sum nocte cum corde meo, exercitabar, & scepebam spiritum meum:* Isaia 38. *Ezechias Rex de Contritione sermonem faciens ait: Recogitabo tibi omnes annos meos in amaritudine animæ.* Ezechielis 8. *Si impius egerit Penitentiam ab omnibus peccatis suis, ipse animam suam vivificabis; considerans enim, & avertens se ab omnibus iniquitatibus suis, vivet.* Sed hæc consideratio nihil aliud est, quam revocatio singulorum peccatorum in memoriam: igitur, &c.

Respondeo cum Catechismo Tridentino.

tino supra; his, & similibus Scripturæ oraculis significari utile quidem, ac saluberrimum esse singula peccata in memoriam revocare, quantum ad remissionem totius pœnæ peccatis debita; quod enim magis peccator dolet de peccatis propter læsam summam Dei bonitatem; eo etiam dignior fit, cui ejusmodi peccata dimittantur, non solum quoad culpam, sed etiam quoad pœnam.

Obijtes secundo: Contritio est motus conversionis hominis ad Deum oppositus ipsius averfioni, quæ facta fuit per peccatum: sed per quodlibet mortale peccatum homo fuit averfusus a Deo; igitur etiam per singularem Contritionem.

Respondeo, quod si argumentum hoc valeret, consequens esset, fieri non posse peccati remissionem absque eo quod tot fierent actus Contritionis, quot admissa fuerunt peccata; sicque peccator plurium criminum reus, instante, & urgente mortis periculo, non posset de suis peccatis conteri: quod utique negant omnes: igitur ex ejusmodi argumento solum deducitur, quod Contritio, ut perfecta sit, debeat fieri ex motivo charitatis, quæ est perfecta hominis ad Deum conversio; ac subinde penitens per Contritionem sufficienter avertitur ab omnibus peccatis, & ad Deum convertitur.

Obijtes tertio: Penitens per Contritionem exercet actum justitiæ, per quem satisfacit Deo pro peccatis: igitur tot debent esse actus Contritionis, quot sunt peccata. *Deinde,* Contritio est animæ medicina, quæ sanari debet a peccatorum vulnere: ergo totuplex debet adhiberi, quot sunt peccati vulnera.

Nego utramque consequentiam: Primam quidem, quia per unicam satisfactionem potest peccator in se punire, & vindicare peccata omnia à se commissa; quemadmodum reus plurium homicidiorum dicitur sufficientem pœnam luere, cum pro eis expian-

A a a a

pian-

piandis damnatur ad mortem.

Ad secundam consequentiam dico, non opus esse ad curationem morbi medicina multiplici, dum una per se sufficientissima est: unicus autem Contritionis actus sufficit ad restituendam animæ sanitatem, & ad diluenda omnia peccata: igitur non opus est varios Contritionis actus adhibere.

CONCLUSIO SECUNDA.

Contritio perfecta detestari debet peccata inæqualia inæqualiter, & magis propria, quam aliena. Hæc est communis, maximè prima pars, cujus utique ratio est aperta: omnis enim actus conformari debet, ac proportionari objecto per se notivo; sed peccata inæqualia inæqualiter participant objectum motivum detestationis, quod aliud non est, quam offensæ Dei: igitur major debet esse Contritio de peccatis gravioribus, quam de levioribus.

Patet etiam secunda pars: nempe quòd magis etiam detestari debeat propria peccata, quam aliena; ita ut majori dolore debeat homo affici de peccato mortali, & etiam veniali à se commisso, quam de peccato mortali commisso ab altero: Patet, inquam, quia peccatum illud est magis detestandum quod magis est cavendum: at magis est cavendum peccatum proprium etiam tantum veniale quam mortale alienum. Sicut aperte docet S. Augustinus lib. de mendacio cap. 9. ubi ait; *Si queritis quid horum potius debuit evitare, qui utrumque non potuit: respondebo suum peccatum potius, quam alienum, & levius potius quod suum, quam gravius quod alienum*. Ex quibus concludere licet, quòd peccatum veniale etiam minimum, ut est mendacium officiosum, magis sit detestandum, quam maximum peccatum mortale alienum.

Reponet: Charitas magis stimulat ad id faciendum, quòd magis cedit in gloriam Dei: sed magis cedit in gloriam Dei, quòd caveatur peccatum mortale,

quam veniale, à quocunque fiat: igitur charitas magis inclinatur, ut fiat peccatum veniale, quam quòd permittatur proximus peccare mortaliter.

Distinguo majorem: Charitas ad id magis stimulat, quando utrumque a Deo directè ordinatur, & ipse conducit ad ejus gloriam, concedo; quòd tantum ad eam conducit indirectè, & per accidens, nego; evitatio autem peccati mortalis a proximo committendi per peccatum veniale a me faciendum, non intenditur à Deo: Tum, quia peccatum veniale non est medium ordinatum per se ad impediendum peccatum gravius alienum; ac subinde inordinatè ad ejusmodi finem assumetur; Tum, quia Deus vult me magis diligere propriam sanctitatem, tametsi parvam, & modicam, quam alienam, quantacunque illa sit: unde major Deo ex me accedit gloria, cum quolibet peccatum caveo quam si peccarem leviter, ne proximus gravius Deum offendant; Tum, quia licet peccatum alienum apprehendatur, ut majus malum Dei; attamen cum Deus apprehendatur hic, & nunc nolle, quòd ego peccem venialiter ad vitandum grave peccatum proximi, cumque lex verè amicitie inclinet omnino ad non displicendum amico in his, quæ ipse rationabiliter, & prudenter vult. Inde fit, quòd mihi non liceat levius peccatum admittere, ne proximus gravius committat. Tum denique, quia ut S. August. ibidem luculenter explicat, *Si banc peccatis aperimus viam, ut promittamus minora, ne alii majora committant, lato limite, imò nullo limite sed convulsis, & remotis omnibus terminis infinito spatio cuncta intrabunt, atque regnabunt. Quando enim fuerit definitum, peccandum esse homini minùs, ne alius peccet amplius, profecto, & furtis nostris stupra cavebuntur aliena: & si qua impietas visa fuerit; etiam peior incestus, incesta quoque facienda dicentur à nobis, si eo modo agi poterimus, ut illa impietas non com-*

committatur ab aliis Hoc sapere quid est aliud, nisi desipere, vel potius insanire? A mea quippe iniquitate, non ab aliena, siue in me, siue in aliis perpetrata, mihi esse cavenda damnatio.

Urgebis: Licet Sanctorum exempla sectari: sed aliquando leviora peccata voluerunt admittere, ut graviora vitarent in proximo, ut constat exemplo Loth, qui Genes. 19. dicebat Sodomitis; Habeo duas filias, quæ nec dum cognoverunt virum, educam eas ad vos, & abutimini eis, sicut vobis placuerit; dummodo viris illis nihil mali faciatis. Igitur, &c.

Respondet ibidem S. Augustinus: Aliena ille vir iustus timendo peccata, quæ nisi consentientes inquinare non possunt, perturbatus non attendit suum: quo voluit subdere filias libidinibus impiorum. Hæc quando in Scripturis sanctis legimus: non ideo, quia facta credimus, etiam faciendo credamus, ne violentius præcepta, dum passim sectamur exempla. An verò quia iuravit David se occisurum esse Naban, & clementi consideratione non fecit, propterea illum imitandum esse dicemus, ut temerè iurem non esse facturos, quod non esse faciendum postea videamus? Sed sicut illum (Loth) timor impulsit, ut prostituere filias vellet, sic filium (Davidem) ut temerè iuraret, ira turbavit. Cæterum, non adeo difficile erit, Loth virum iustum excusare ab omni peccato, teste S. Augustino supra, ubi ait: Nisi forte pro defensione huius viri in eas se quispiam coarctas argutias, ut dicat, quoniam accipere, quàm facere præstat injuriam pati: hospites autem illi non erant utique saltem injuriam, sed passuri, maluit vir iustus filias suas injuriam pati, quàm hospites suos eo jure, quo filiarum dominus erat, & novat non eas peccare si id fieret, quia peccantes potius, quibus non consentirent, siue peccato proprio sustinerent. Denique, non seipse stuprandas, quàmvis pro masculis seminas pro illis hospitibus obtulerunt,

ne reas eas faceret non perperis libidinis alienæ, sed suæ consensu voluntatis. Nec Pater earum hoc in se fieri permittebat, cum hoc facere conarentur, quibus hospites non prodebat, quàmvis minus mali esset, quod in uno, quàm si fieret in duobus. Sed quantum poterat resistebat, ne ipsum quoque illius proprius macularet assensus, quem libidinosus furor etiam si prævaluisset viribus corporis, tamen non consentientem non maculasset alienus. In filiabus autem non peccantibus, nec ipse peccabat, quia non eas peccare si opprimerentur invidet, sed peccantes ferre faciebat, tanquam si ab improbis, ut sui servi egerentur offerret, ne hospites ejus paterentur cædis injuriam. Huc usque S. Augustinus, excusans factum Loth a peccato, quia solidum fuerit permisso minoris peccati ad impediendum majus peccatū. Hinc, ut bene notandum est, non suavit simpliciter, & absolute Sodomitis stuprum suarum filiarum, sed comparative dicens: Abutimini eis, sicut vobis placuerit, dummodo viris istis mali nihil faciatis. Quasi diceret, si alterutrum velitis facere, potius facite quod minus est, quàm quod majus est.

QUÆSTIO QUARTA.

Quid sit Contritio imperfecta, seu Attritio, & quomodo conferat ad remissionem peccati?

Notandum primò, Attritionis nomine Theologos vulgò significare eam peccati detestationem, & dolorem, qui fiat, & concipiatur ex aliquo motivo, quod non sit ipse Deus, quatenus est propter fe dillegendus, & ut summè sibi bonus, à quo mortale peccatum avertit. Porro motivum illius doloris duplex assignatur à Concilio Tridentino sess. 14. cap. 4. ubi cum Contritionem in genere distingisset in perfectam, & imperfectam, quorum priorem simpliciter Contritionem appellat; posteriorem verò nominat Attritionem,

Aaaa 2 nem,

556. *Traſt.I.Disp.II.Art.III.Seſt.I.Quæſt.IV.*

nem; ſtaciſi ſubjicit: Attriſio dicitur, quoniam vel ex turpitudinis peccati conſideratione, vel ex gehenna, & pœnarum metu communiter concipitur, &c. Ubi duplex aſſignatur hujus Attriſionis generale motivum, nimirum *turpitudinis peccati, & gehennæ ac pœnarum metus*, ad quæ cætera quæcumque motiva facile revocantur: nam deſiderium beatitudinis, ac metus illius amittendæ comprehenditur ſub timore gehennæ, & pœnarum: ſiquidem nomine *gehennæ* Concilium, non tantum intelligit pœnam ſenſus, ſed etiam pœnam damni, ſeu carentiam fruitionis, & poſſeſſionis Dei, quam peccator æternè incurreret, niſi pœniteret, & admiſſi peccati veniam obtineret: idem enim eſt timere carentiam alicujus boni, & illud deſiderare, & vice verſâ optare alicujus boni poſſeſſionem, idem eſt ac illius jacturam, & perditionem timere. Unde timor ille de objecto perdeudo, illius objecti dilectionem importat, & viciffim dilectio timorem. Hinc vulgare illud. *Tantus eſt dolor in admittendo, quantus fuit amor in poſſidendo*. Similiter quæcumque alia malitia, propter quam deteſtamur peccatum, comprehenditur ſub turpitudine peccati, qualis eſt infamix nota incurrenda, non ſolum apud hominès mortales, ſed etiam coram Deo, & beatiffimis mentibus; nec non & animæ per peccatum vitiatæ horrenda diſformitas, fœtor, horror, &c.

Notandum ſecundò, Attriſionem, & Contritionem in hoc invicem convenire, quod utraque ſit animi dolor, ac deteſtatio de peccato commiſſo, cum propoſito non peccandi de cætero; ſic enim Contritionem in genere deſinit Concilium Tridentinum ſeſſ. 14. cap. 4. cum ait: *Contritio, quæ primum locum inter pœnitentis actus habet, eſt enim dolor, ac deteſtatio de peccato commiſſo, cum propoſito non peccandi de cætero*. Conveniunt inſuper, quòd utraque ſit dolor

de peccato propter Deum offenſum: nam Attriſio, quatenus eſt medium ad obtinendam veniam in Sacramento Pœnitentiæ, debet eſſe dolor de peccato, cum aliquo reſpectu ad Deum: unde infamia merè humana, quæ per peccatum incurreretur, ſicut & quæcumque pœna quatenus dumtaxat ab homine inſligenda, non poſſet eſſe motivum veræ, ac propriè dictæ Attriſionis, ut obſervat Lugo diſp. 5. num. 14. ſiquidem per Attriſionem homo debet converti ad Deum, ut ab eo peccati veniam obtineat, virtute Sacramenti Pœnitentiæ; ſi verò ſolus ſit dolor de peccato propter infamiam tantum humanam, vel propter pœnam ab humano judice inſligendam, ille actus nullo modo erit converſio ad Deum, quippe non procederet ullo modo ex amore, vel timore Dei, ſed ex timore humani Judicii, qui autem non movetur ex timore, vel amore Dei, ſed ex timore hominis, ille nullo modo ſatiſfacit Deo, nec honorat Deum, nec præſert Deum creaturæ: non enim relinquit peccatum propter aliquam perfectionem, quam recognoſcit in Deo, ſed propter potentiam Judicii creati, vel aliud ſimile. Requiritur autem in omni vera converſione, quod detur averſio à peccato, & converſio ad Deum; ſicut in peccato fuit averſio à Deo, & converſio ad creaturam: quare ſicuti converſio ad creaturam fuit propter aliquam perfectionem cognitam in creatura; ita converſio ad Deum, debet eſſe, propter aliquam perfectionem ipſius Dei, ut propter potentiam puniendi, quam timeamus, vel propter bonitatem, quam amamus, vel propter ſuperioritatem, cui obediſimus, &c. Ubi ergo non movet aliqua Dei perfectio, non datur Pœnitentia, quam Deus exigit, illa ſcilicet, qua homo cognoscat aliquid in Deo, ratione cujus non debeat poſtponi, ſed potius præferri creaturæ: unde non quæcumque turpitudine pec-

ca-

cati, & timor pœnæ est sufficiens motivum Attritionis, sed quatenus utrumque habet respectum ad Deum, quatenus videlicet peccatum est vel inobedientia, vel irreverentia, vel ingratitudo in Deum, aut quid simile; nam hæc omnia fundant turpitudinem peccati, ut peccatum est formaliter, & quatenus dicit oppositionem cum Deo; quare qui sub hac ratione detestatur peccatum, movetur ab aliqua excellentia Dei; cujus intuitu ad ipsum convertitur, & ipsum præfert creaturæ, quam prius dilexerat pliusquam Deum. *Conveniant tertiò*, quod utraque annexam habeat dilectionem Dei, tanquam summi boni, saltem virtualiter, qui enim reverà dolet se peccasse propter Deum offensum, necessum est, quòd habeat amorem Dei, saltem virtutalem; in tantum enim dolet se offendisse Deum, in quantum diligit. *Conveniant tandem*, quòd uterque ille dolor, tam Attritionis, quam Contritionis, ordinetur ad remissionem peccati consequendam per Sacramentum Pœnitentiæ in re, vel in voto susceptum.

Notandum tertiò: Attritionem, & Contritionem invicem discrepare. *Primò*, quantum ad virtutem, & effectum, nam, inquit Concilium Tridentinum supra laudatum: Contritio aliquando charitate perfecta hominem Deo reconciliat, priusquam Sacramentum. Pœnitentiæ actu suscipiatur cum voto illud suscipiendi. Attritio verò extra Sacramentum Pœnitentiæ etiam cum voto illud suscipiendi non sufficit ad peccati veniam impetrandam, ut ibidem docet Concilium, dicens, Quamvis sine Sacramento Pœnitentiæ per se ad justificationem perducere peccatores nequeat; tamen eum ad Dei gratiam in Sacramento Pœnitentiæ impetrandam disponit. *Secundò*, differunt ratione principii; quia Contritio elicitur à virtute Pœnitentiæ, quatenus habet charitatem annexam, vel ab ea im-

peratur: Attritio verò provenit à virtute Pœnitentiæ, prout habet annexam virtutem spei, quippe dolet de peccato ex metu gehennæ incurrendæ, & timore amittendæ beatitudinis, quòd utique spectat ad virtutem spei, quam cum habeat pro objecto Deum, ut nobis bonum, & à nobis possidendum, etiam tendit in id, quòd huic possessioni averfatur, & ab ea removet, qualis est peccati turpitudò, & periculum gehennæ incurrendæ. *Tertiò*, differunt ratione motivi, quia Contritio perfecta elici debet ex amore Dei, ut summi boni super omnia dilecti, & ex affectu charitatis; imperfecta verò debet quidem elici ex dilectione Dei ut summi boni super omnia amandi, non quidem propter se, sed propter nos, seu non quatenus est sibi ipsi bonus, sed quatenus est bonum nostrum, in cuius possessione stat nostra æterna felicitas, & in cuius amissione summa nostra miseria, & infelicitas consistit. Unde Contritio provenit ex amore amicitie, quæ Deus diligitur propter se; Attritio verò provenit ex amore concupiscentiæ, quæ Deus diligitur propter nos, & ut bonum nostrum.

Unde amor spei comparatè ad amorem charitatis dici potest *imperfectus, & initialis*, imperfectus quidem non absolute, sed respectivè, & comparative, quia motivum minus habet perfectum, quam charitas, quæ Deum diligit tantum propter se, & nullo habito respectu ad bonum diligentis: initialis verò, quia, ut apparebit infra ex S. Augustino, ab ipso amore spei, & timore gehennæ promovemur, & provocamur ad amorem charitatis; unde iste timor, & amor ex affectu spei est veluti semen, ac primordium, & initium salutis, quando videlicet concipitur ex impulsu Spiritus sancti; nam, inquit Concilium Tridentinum supra laudatum, timor, & amor ille *donum Dei est, & Spiritus sancti impulsus*, non ad-

adhuc quidem inhabitantis, sed tantum moventis, quo pœnitens adjutus viam ad justitiam parat.

Ex quibus apparet perfectam Contritionem ab imperfecta non distingui ratione durationis, quia diuturnus dolor ad Contritionem perfectam non requiritur, ut jam diximus. Et insuper longè diuturnior potest esse dolor Attritionis, quàm Contritionis, cùm illius objectum sit quâsi sensibile, & efficacius afficiat mentem, quàm objectum Contritionis; siquidem efficacius homines moventur ad aliquid fugiendum timore pœnæ, quàm amore justitiæ. Neque etiam Contritio, & Attritio distinguuntur ratione intensiōis; quippe cum intensus dolor ad Contritionem perfectam non requiratur, cum quilibet dolor etiam in gradu remisso elicitus ex supernaturali motivo charitatis reverà sit actus Contritionis: magis autem & minus speciem rei non mutant.

Non denique Contritio ab Attritione distinguitur, ex eo quòd perfecta Contritio informetur gratia, & charitate habituali; Attritio verò minimè: quia interdum accidit, ut Attritio eliciatur ab homine justo, & existente in gratia, Contritio verò ab homine existente in peccato producat. Nec obstat Concilium Tridentinum dicens sess.14. cap.4. *Et si Contritionem banc aliquando charitate perfectam esse contingat, hominemque Deo reconciliare, priusquam hoc Sacramentum (Pœnitentiæ) actum suscipiatur, &c.* His enim verbis non significat Concilium, Contritionem semper elici debere ab homine, qui charitatis habitum obtineat, alioquin frustra dixisset ibidem, initio capitis: Contritionis motum fuisse quovis tempore ad impetrandam veniam peccatorum necessarium, & in homine post Baptismum lapsò demum præparare ad remissionem peccatorum; etenim qui charitatem habitualement possi-

det, jam peccatorum veniam obtinuit, ac proinde frustra ad eam assequendam præpararetur. Solùm itaque vult, Contritionem eam perfectam censerì, quæ elicitur ex motivo charitatis, in quo à Contritione imperfecta discrepat, quæ ex ejusmodi motivo non elicitur, sed dumtaxat ex motivo spei.

His ita præmissis, duo supersunt hac in quæstione præcipuè determinanda: *Primum* quidem, utrùm dolor de peccatis ex timore gehennæ conceptus, sit bonus, & utilis ad salutem; *Secundum*, utrùm Attritio, seu dolor ex metu gehennæ, & ex affectu spei elicitus cum Sacramento Pœnitentiæ sufficiat ad remissionem peccatorum.

CONCLUSIO PRIMA.

A *Attritio seu dolor de peccatis ex metu gehennæ, aut turpitudine peccati elicitus, est bonus, & utilis ad salutem.*

Hæc Conclusio est de fide determinata in Concilio Tridentino sess.6. can.8. his verbis: *Si quis dixerit gehennæ metum, per quem ad misericordiam Dei de peccatis dolendo confugimus, vel à peccato abstinemus, peccatum esse, aut peccatores peiores facere, anathema sit.* Et sess.14. cap.4. definit, dolorem ex gehennæ, & pœnarum metu conceptum, si voluntatem peccandi excludat, cum spe veniæ, non solum non facere hominem hypoeritam, & magis peccatorem, verum donum Dei esse, & Spiritus sancti impulsus, non adhuc quidem inhabitantis, sed tantum moventis, quo pœnitens adjutus viam sibi ad justitiam parat.

Probatur primò hæc veritas ex Scriptura sacra, quæ pluribi timorem servilem commendat: Sic Proverb.1. Timor Domini principium Sapientiæ, quod utique oraculum SS. Patres explicant de timore servili: is enim est, qui sapientiam inchoat: nam filialis illam perficit, & consummat: sic pariter Eccles.2. Timor Domini expellit peccatum.

tum. Quia videlicet disponit ad justificationem, & expulsiōem peccati, ut explicat S. Augustinus infra laudatus. Similiter Isaiæ 26. *Concepimus, & quasi parturivimus, & peperimus Spiritum salutis, non fecimus in terra. Ubi 70. Interpreteres legunt: A timore tuo Domine concepimus, & peperimus Spiritum salutis, & Pœnitentiæ salutaris.*

Hoc ipsum unanimi calculo docent SS. Patres, qui timorem illum commendant, & extollunt: Sic S. Clemens Alexandrinus illum appellat *Fidei coadjutorem*; S. Ambrosius *clavum animæ fluctuantis*: Tertullianus de cultu *fœminarum* cap. 2. *Timor*, inquit, *fundamentum salutis est, præsumptio impedimentum timoris*. Idem docet S. Augustinus pluribus in locis, maxime in Psal. 127. ubi distinguit triplicem timorem, quorum primus est timor malorum temporalium; secundus est timor gehennæ, seu pœnarum æternarum; Tertius denique est castus. De primo quidem timore ait: *Aliqui propterea tantum timent ne aliquid mali in terra patiantur, ne illis ægritudo accidat; ne damnum, ne orbitas, ne alicujus amissio chari, ne auxilium, ne damnatio, ne carcer, ne aliqua tribulatio, propterea timent, & tremunt. Adbuc timor iste non est castus.* De secundo autem sic prosequitur: *Alii non in hac terra pati times, sed gehennam times, unde terruit, & Dominus; Auditis, cum Evangelium legeretur, ubi vermis eorum non morietur, & ignis non exstinguetur. Audiunt hæc homines, & quia verè futura sunt impiis, timent, & continent se à peccato; habent timorem, & per timorem continent se à peccato: timent quidem, sed non amant iustitiam.* De tertio verò timore subjungit: *Cum autem per timorem continent se à peccato, fit consuetudo iustitiæ, & incipit quod durum erat amari, & dulcescit Deus, & jam incipit homo iustè vivere, propterea non quia times pœnas, sed quia amat*

æternitatem. Exclusus est ergo timor à charitate, sed successit timor castus. Quis est iste timor castus? Secundum quem debemus: fratres mei, intelligere quod dictum est. Psal. 18. Beati omnes qui timent Dominum, qui ambulant in viis ejus. Quem utique timorem castum explicat ibidem similitudine, & comparatione castæ fœminæ cum adultera; Casta, inquit, times ne discedat vir: adultera ne veniat, quid si ambo absentes sunt? illa ne veniat, ista ne taret.

Unde postmodum concludit: *Castus ergo timor, fratres mei hoc habet, quia venit de amore. Ille autem timor nondum castus, præsentiam Domini, & pœnas times, timore facit quidquid boni facit, non timore amittendi bonum illud, sed timore patiendi illud malum. Non times, ne perdat amplexus pulcherrimi sponsi, sed times ne mittatur in gehennam. Bonus est & iste timor, utilis est, non quidem permanebit in sæculum sæculi, sed nondum est iste castus permanens in sæculum sæculi. In quo est castus? jam iterum aliquid interrogo, quod vosmetipsos interrogetis. Si Deus veniens voce propria loqueretur nobis, quamquam non taceat loqui per litteras suas, & diceret homini, Peccare vis? peccata fac quidquid delectat; quidquid amaveris in terra, tuum fiat: cui fueris iratus intereat; quem rapere volueris, rapiatur, quem cedere, cedatur, quem damnare, damnetur; quem possidere, possideas. Nemo tibi resistat, nemo tibi dicat: quid facis? nemo, noli facere quod velis: nemo, quare fecisti? abundenter tibi omnia ista terrena quæ concupiscis, & vive in illis non usque ad tempus, sed semper, faciem tantum meam nunquam videbis. Fratres mei unde ingemistis, nisi quia jam natus est timor castus permanens in sæculum sæculi? Quare percussus est cor vestrum*

strum, si diceret Deus, faciem meam
nunquam videbis? Ecce omni ista
terrena felicitate, omnibus rebus
abundabis, circumfluent in te bona
temporalia, non illa amittes, non
illa deferes, quidvis amplius? Fleret
quidem, gemeret timor castus, &
diceret: Imò tollantur omnia, &
videam faciem tuam. Timor castus
exclamaret de Psalmo, & diceret;
Deus virtutum converte nos, & o-
stende faciem tuam, & salvi erimus,
Timor castus exclamaret de Psalmo,
& diceret, Unam petii à Domino;
Vide quomodo audeat; timor iste cas-
tus, timor verus, timor sincerus,
Unam petii à Domino, hanc requi-
ram. Quid? Ut inhabitem in domo
Domini, per omnes dies vite mee.
Similia habet ferm. 18. de verbis Apo-
stoli, ubi cum cap. 4. & 5. distinguit
hunc triplicem timorem, tandem, &
cap. 7. loquens de timore mundano,
eum reprobat, postmodum cap. 8. fer-
monem faciens, de timore gehennæ,
seribit. Quid enim magnum est,
timere poenam? Magnum est, sed ama-
re iustitiam. Interrogo te, & invenio
te. Tu inspicie interrogationem
meam sonantem, & fac de teipso
interrogationem silentem. Dico ergo
tibi, Libidine victus habes con-
sentientem, quare non committis
adulterium? Et respondebis, Quia ti-
meo gehennam, timeo supplicium,
ignis æterni, timeo iudicium Christi,
timeo societatem diaboli, ne puniar
ab illo, & cum illo ardeam, Quid di-
cturus sum, malè times, quomodo
tibi dicebam de adversario, quia que-
rebat corpus tuum occidere? Ibi enim
rectè dicebam, malè times, securum
te facit Dominus tuus, dicens: Nolite
timere eos, qui corpus occidunt. Mo-
dò cum dicis mihi, gehennam timeo,
ardere timeo, in æternum puniri ti-
meo: quid dicturus sum? Malè times?
vanè times? Non audeo; quandoqui-

dem Ipse Dominus ablatò timore
subjecit timorem: & ait, ubi dixit:
Nolite timere eos qui corpus occi-
dunt; & postea non habent quid fa-
ciant sed eum timeite, qui habet po-
testatem, & corpus, & animam oc-
cidere in gehennam ignis: ita dico
vobis, hunc timeite. Cum ergo Do-
minus timorem incusserit, & vehe-
menter incusserit, & repetendo ver-
bum, comminationem geminaverit,
dicturus ergo sum, malè times? Ista
non dicam, Planè time, nihil melius
times, nihil est quod magis timere
debeas: Sed interrogo te, Si non te
videret Deus, quando facis, nec quis-
quam te convinceret in iudicio il-
lius, faceres? Tu te vide. Non enim
potes ad verba omnia mea respon-
dere, inspicie teipsum, Faceres? Si fa-
ceres: ergo poenam times, castitatem
nondum amas, charitatem nondum
habes, serviliter times, formido est
mali, nondum dilectio boni. Sed ti-
me tamen, ut ista formido custodiat
te, ut perducat dilectionem. Timor
enim iste, quo gehennam times, &
ideo mala non facis, continet te, &
sic volentem peccare animum non
sinit: est enim quidam custos timor,
quasi pedagógus legis littera est mi-
nans, nondum gratia juvenans. Custodi-
at tamen te timor iste, dum non
facis timendo, & veniat charitas: in-
tret in cor tuum, & quantum illa
interat, tantum timor exit. Timor
enim id agebat ne faceres, charitas
id agit ne velis facere, etiam si im-
punè possis admittere. Dixi quid ti-
meatis, dixi quid appetatis.

Ex his sic argumentari licet: Timor
ille bonus est, qui distinguit à merce-
nario respiciencie mala temporalia: ti-
mor ille bonus; quem non audet S. Au-
gustinus dicere malum, quo non vanè
quis timet, quo quis non peccat, qu-
utilis est, & bonus, qui continet homi-
nem extrinsecus à peccato, quamvis si-

li-ci-

licet animum interiorem peccare volentem non sinat, qui peccandi consuetudinem sistit, qui est initium sapientiæ, qui locum præparat charitati : ex quo fit justitiæ consuetudo, & incipit quod durum erat amari, & dulcescit Deus : atqui hæc omnia tribuit Augustinus timori servili; ergo timor servilis bonus est.

„ *Confirmatur ex his, quæ habet*
 „ *serm. 24. de Tempore, ubi ait: Cum*
 „ *timetur pœna, quam minatur, discit*
 „ *amari præmium quod pollicetur;*
 „ *ac si per timorem pœnæ bona vita*
 „ *retinetur. Per bonam vitam bona*
 „ *conscientia comparatur, ut per bo-*
 „ *nam conscientiam nulla pœnæ timeatur.*
 „ *Quapropter discat timere,*
 „ *qui non vult timere, discat ad tem-*
 „ *pore esse sollicitus, qui semper vult*
 „ *esse securus, ut enim dicit Joannes:*
 „ *Timor non est in charitate, sed per-*
 „ *fecta charitas foras mittit timorem.*
 „ *Dixit sanè, & veraciter dixit. Si ergo*
 „ *habere non vis timorem, prius vide,*
 „ *utrum jam perfectam habeas chari-*
 „ *tatem, quæ foras mittit timorem. Si*
 „ *verò ante istam perfectionem timor*
 „ *excluditur, superbia inflat, non cha-*
 „ *ritas edificat. Nam sicut in bona va-*
 „ *letudine fames non fastidio, sed cibo*
 „ *pellitur: ita in bona mente timor*
 „ *non vanitate, sed charitate pellendus*
 „ *est.*

Quibus verbis S. Augustinus aperte significat, timorem non consequendæ beatitudinis, aut incurrendæ gehennæ posse interdum sufficere ad excludendum omnem peccati affectum; quâ ratione timor ille castus cenferi potest, saltem initialis; quippe cum ex eo non solum caveatur peccatum, sed etiam oriatur timor filialis, qui non procedit ex spe retributionis, sed ex affectu benevolentie hominis erga Deum. Hac enim ratione affectus ille dicitur timor filialis; ideo enim filius obedit patri, non quia sperat ab illo retributionem ali-

Tom. X.

quam, aut timet pœnam infligendam, sed præcisè quia novit inobedientiam displicere Patri, quem diligit; sicque ex amore patris illam refugit absque ullo prorsus respectu ad suum proprium commodum.

Dices primò: Ille timor non est, dicen-
 „ *bus bonus, qui non excludit volunta-*
 „ *tem peccandi; sed timor, seu dolor con-*
 „ *ceptus ex metu gehennæ, non excludit*
 „ *voluntatem peccandi. Probatur. Ille*
 „ *dolor, & timor non excludit volunta-*
 „ *tem peccandi, qui virtualiter, & impli-*
 „ *cité eam retinet: sed dolor de peccatis*
 „ *ex metu gehennæ virtualiter retinet*
 „ *affectum, & voluntatem peccandi, ut*
 „ *optimè docet S. Augustinus serm. 15. in*
 „ *Psal. num. 118. ubi ait: Timor, quo non*
 „ *amatur justitia, sed timetur pœna, servi-*
 „ *lis est; quia carnalis est. Vivit enim,*
 „ *peccandi voluntas; quæ tunc appa-*
 „ *ret opere, quando speratur impuni-*
 „ *tas. Cum verò pœna creditur secu-*
 „ *tura, latenter vivit, vivit tamen.*
 „ *Mallet enim licere, & dolet non li-*
 „ *cere quod lex vetat: quia non spiri-*
 „ *tualiter delectatur ejus bono, sed*
 „ *carnaliter malum metuit quod, mi-*
 „ *natur. Timore autem casto ipsa quæ*
 „ *hunc timorem foras mittit, peccare*
 „ *timet charitas, etiam si sequatur im-*
 „ *punitas: quia nec impunitatem in-*
 „ *dicat secururam, quando amore ju-*
 „ *stitiæ peccatum ipsum deputat pœ-*
 „ *nam.*

Nego minorem: Licet enim dolor non includat in se aliud motivum odii peccatorum; attamen positivè omne aliud motivum ad detestandum peccata non excludit; etsi enim hominis avertiti voluntas proximè stimuletur ad vitandum peccatum, ratione metus gehennæ; tamen in eo non quiescit, sed virtualiter, & mediâtè tendit in Deum, ut in finem ultimum; quemadmodum actus spei proximè quidem, & immediâtè tendit in beatitudinem æternam, seu in Deum, quatenus bonum ipsi speranti,

B b b b

vir-

virtute autem, & implicite fertur in Deum secundum se tanquam in finem ultimum.

Inflabis: Illud est per se malum, quod cum charitate, & gratia sanctificante subsistere non potest: at timor servilis seu gehennæ non subsistit cum charitate: nam, inquit S. Joannes epist. 1. c. 4. *Timor non est in charitate, sed perfecta charitas foras mittit timorē.* Igitur, &c.

Distinguo majorem: Quod non potest subsistere cum charitate, ratione suæ malitiæ, & deformitatis oppositæ charitati; nego: ratione suæ imperfectiōnis, concedo. Nam, ut optime notat S. Augustinus supra laudatus in Psal. 127. duplex est timor, qui foras à charitate mittitur; unus quidem est timor temporalium, quoniam nimirum aliqui propterea timent, ne quidpiam mali in terra patiantur; ne illis ægrotudo accidat, ne damnum, & alicujus charitatis, aut aliqua tribulatio adveniat: alius est timor gehennæ, quo Dominus in Evangelio terret, ratione cujus terrent homines continent se à peccato, & sic incipiunt iuste vivere, & Deum diligere: Prior timor semper foras per charitatem mittitur, posterior vero simul cum ea aliquandiu permanet, & maxime quando nondum est perfecta, ut etiam optime docet, *Tract. 9. epist.*

Joannis. Timor non est in charitate, scilicet perfecta, sed est in charitate inchoata: quia initium sapientiæ timor Domini. Timor quasi locum præparat charitati. Cum ceperit charitas habitare, pellitur timor, quia ei præparavit locum. Quantū enim illa crescit, tantū ille decrescit: quantū illa fit interior, timor pellitur foras. Major charitas, minor timor: Minor charitas, major timor. Si nullus timor, non est quā intret charitas. *Ibidem infra:* Est timor, quem charitas foras mittit, & est timor castus permanens in sæculum sæculi. Sicut sunt homines, qui timent

Deum ne mittantur in gehennam, iste timor introducit charitatem; sed ille venit ut exeat: Si enim propter penas times Deum, non amas, non bona desideras, sed mala. eaves, corrigis te, incipis bona desiderare, & cum cupis bona desiderare, est in te timor castus ne amittas ipsa bona: sicut si ponas duas mulieres maritatas, quarum una vellet adulterium facere, sed timet maritum ne veniat: hæc diligit nequitiam, & onerosa est ei mariti presentia. Altera amat virum, & nulla se adulterii immunditia vult maculare, optat presentiam viri. Timet illa, timet ista. Illa timet virum ne veniat: ista timet virum, ne discedat. Illa dicit: Timeo ne damnet; ista dicit, timeo ne deferat. Pone hoc in animo Christianorum, & videas timorem, quem charitas foras mittit: & alium timorem castum permanentem in sæculum sæculi.

Obijctes secundo: Peccatum est, ordinare majus bonum ad minus: sed ille qui dolet de peccatis ex solo metu damnationis, ordinat majus bonum ad minus, culpæ vitationem ad penæ fugam: igitur peccat.

Distinguo majorem: Ordinare majus ad minus, ut ad finem ultimum, concedo: ut ad finem proximum, nego: Deus enim ipse excellentius bonum ordinat ad inferius, ut incarnationem Christi ad hominum salutem, & gloriam: qui dolet de peccatis solo metu gehennæ, majus bonum ordinat ad minus, ut ad finem proximum, non ut ad ultimum: ut sancti viri sacrificium, & orationes ordinant ad obtinendam à Deo sanitatem, aut aliud temporale bonum; unde si foret aliquis ita virtualiter, aut actualiter affectus, ut si non esset pena, nullomodo de culpa doleret, hæc Attritio non esset bona: quia non tenderet in Deum ultimum, ut in finem ultimum.

Obji-

Obijciat tertio : Quod tendis in creaturam, non tendis in Deum ut ultimum finem ; quia nemo potest habere duos fines ultimos , sed Attritio tendit in creaturam, ut in ultimum finem ; omnis enim attritus, non contritus, in peccato manet ; tota liquidem Attritio per se non iustificat .

Distinguo maiorem : Non tendis in Deum efficaciter, concedo ; nullus enim efficaciter appetere potest plures ultimos fines : ineffaciter, nego : nam alioquin opera moraliter bona in peccato mortali, veluti jejuniū, orationes, eleemosynæ forent peccata mortalia ; quia non tendunt in Deum, ut ultimum finem efficaciter, cujus contrarium docuimus in tractatu de gratia .

Obijciat quarto : Si timor servilis est bonus, etiam timor mundanus erit bonus : at hic bonus non est, quia facit homines malos : ergo, &c.

Nego maiorem : Quia timor mundanus, est timor creature, cujus affectu non veretur homo Deum offendere : timor servilis est verè timor Dei distrahens, & custodiens à peccato : per eum enim homo timet offendere Deum metu pœnæ, quam ipse peccatis infligit .

Obijciat quinto : Actus, quo quis magis dolet de pœna, quàm de culpa, malus est : quia magis dolendum est de maiori malo, quàm de minori : culpa majus est malum, quàm pœna : sed Attritio de peccatis ex solo metu damnationis, est actus, quo quis magis dolet de pœna, quàm de culpa ; dolet enim de culpa propter pœnam : at id propter quod unum quodque tale est, & illud est magis tale : ergo, &c.

Nego minorem : Etsi enim servus amet dominum ob mercedem, & fidelis Deum per spem ob gloriæ restitutionem ; non ideo servus magis amat mercedem, quàm dominum ; aut fidelis gloriæ retributionem, quàm Deum, quem semper agnoscit ut finem ultimum : ergo licet attritus oderit culpam

ob penam, non ideo magis odit penam, quàm culpam : Aristotelicum enim axioma debet intelligi de eo, propter quod aliud est tale, tanquam præcipuam causam, non tanquam propter minus præcipuam causam : nam etsi servus amet Dominum ob alimentum, quod expectat ab eo, tanquam ob minus præcipuam causam ; & Fidelis Deum ob gloriam : non ideo magis amat servus alimentum, quàm dominum ; aut Fidelis gloriam, quàm Deum .

CONCLUSIO TERTIA.

Attitio ex metu gehennæ, & ex amore concupiscentiæ, seu affectu spiritus concepta, est dispositio sufficiens ad gratiam in sacramento Penitentiae consequendam . Probatur primò ex Concilio Tridentino sess. 14. cap. 4. ubi postquam distinguit Contritionem in perfectam, quæ ex charitate procedit : & in imperfectam, quæ dicitur Attritio : Quoniam, inquit, vel ex turpitudinis peccati consideratione, vel ex gehennæ, & pœnarum metu communiter concipitur, si voluntatem peccandi excludat, cum spe veniæ : statim subjicit : Illam non facere hominem hypocritam, & magis peccatorem ; verum etiam donum Dei esse, & Spiritus sancti impulsu, non adhuc quidem inhabitantis, sed tantum morantis, quo pœnitens adjutus viam sibi ad iustitiam parat : & quavis sine sacramento Penitentiae per se ad justificationem, perducere nequeat ; tamen enim ad Dei gratiam in sacramento Penitentiae impetrandam disponit . Idem habet can. 5. Quibus verbis Concilium duplex assignat discrimen inter Contritionem, & Attritionem : unum quidem, quod Attritio tendat in peccatum ex motivo minus nobili, quàm Contritio, nimirum ex motivo turpitudinis peccati, aut metu gehennæ : non autem ex consideratione Dei summe dilecti ; alterum verò quod Contritio perfecta extra Sacramentum per se sufficiat ad obtinen-

dain peccati remissionem, dummodo habeat annexum votum illud suscipiendi; Attribitio verò disponit quidem ad illam remissionem per Sacramentum impetrandam: verum sine Sacramento reipsa suscepto non sufficit ad peccati remissionem.

Reponet, Concilium ibi dumtaxat loqui de dispositione remota, & omnino insufficiente, non verò de proxima, & quæ hominem proximè præparat ad gratiam justificantem consequendam.

Verum contrà. Concilium ibi apertè docet Attritionem conceptam ex metu gehennæ, si voluntatem peccandi excludat, reverà ad justificationis gratiam, in sacramento Pœnitentiæ obtinendam disponere, eo modo, quo Contritio ante susceptionem Sacramenti ad eam disponit: atqui Contritio proximè sufficienter ad gratiam sanctificantem disponit, ac Deo reconciliat, priusquam Absolutio Sacerdotalis suscipiatur: igitur etiam mens Concilii est, quòd Attritio juncta Sacramento proximè, & sufficienter pœnitentem disponat, ac Deo reconciliet in sacramento Pœnitentiæ.

Deinde, Attritio aliter hominem disponit ad gratiam cum Sacramento, quàm extra Sacramentum, ut docet Concilium Tridentinum: sed extra Sacramentum remotè, & insufficienter ad justificationem disponit; quia, ut suprà tacebat S. Augustinus: Timor viam præparat charitati: igitur ex mente Concilii Attritio juncta Sacramento proximè disponit ad justificationem.

Denique, Concilium ibi damnat, maxime errorem Lutheri: sicut & sess. 6. can. 8. ubi ait: *Si quis dixerit gehennæ metum, per quem ad misericordiam Dei de peccatis dolendo confugimus: vel à peccando abstinemus, peccatum esse, aut peccatores pejores facere, anathema sit*: Sed Lutherus non solum docebat, dolorem ex metu gehennæ esse malum, & facere hominem pejorem, ac hypocritam, sed

etiam eum omnino esse insufficientem præparationem ad percipiendam Absolutionem, & communionem faciendam; scribit enim serm. 2. de Pœnitent. „ Contritio (sic enim cœpit vocari ve-
„ ra Pœnitentia interior) duplici via
„ paratur. Primò per discussionem,
„ collectionem, detestationem pecca-
„ torum, qua quis, ut dicunt, recogitat
„ annos suos in amaritudine animæ
„ suæ, ponderando peccatorum gravi-
„ tatem, damnum, fœditatem, multi-
„ tudinem; deinde amissionem æternæ
„ beatitudinis, ac æternæ damnatio-
„ nis acquisitionem, & alia quæ pos-
„ sunt dolorem, & tristitiam excitare,
„ spe satisfaciendi per bona opera.
„ Hæc autem tristitia facit hypocri-
„ tam, imò magis peccatorem, quia
„ solum timore præcepti, & dolore
„ damni id facit; & tales omnes indi-
„ gnè absolvuntur, & communican-
„ tur. Et si liberè deberent (remoto
„ præcepto, & minis pœnarum) confi-
„ teri: certè dicerent sibi non displice-
„ re vitam præteritam, quam sic co-
„ guntur displicere confiteri: imò quò
„ magis timore pœnæ, & dolore damni
„ sic conteruntur, eò magis peccant, &
„ afficiuntur suis peccatis, quæ cogun-
„ tur, non autem volunt odisse, & hæc
„ est illa Contritio, quam ipsi vocant
„ extra charitatem non meritoriam,
„ alii vocant Attritionem proximè di-
„ sponentem ad Contritionem: Sic
„ enim ipsi opinantur, quàm opinio-
„ nem errorem ego dico. *Hæc Lutherus de primo Contritionis modo.*
„ Alium verò Contritionis modum ita
„ describit: Secundò paratur (*Contritio*)
„ per intuitum, & contemplatio-
„ nem speciosissimæ justitiæ, qua quis
„ in pulchritudine, & specie justitiæ
„ meditatus, in eam ardescit, & rapitur,
„ incipitque cum Salomone fieri ama-
„ tor sapientiæ, cujus pulchritudinem
„ viderat, hæc facit verè Pœnitent-
„ iam, quia amore justitiæ id facit,
„ & hi

„ & hi sunt digni Absolutione .

Repones secundo, Concilium scribens, Attritionem ad impetrandam Dei gratiam in Sacramento disponere, solum damnare Hæreticos, qui dolorem Attritionis utilem negantes, aiebant illum facere hominem hypocritam, & magis peccatorem, non autem velle dirimere controversiam Theologorum, Scholasticorum circa sufficientiam Attritionis cum Pœnitentiæ sacramento .

Contrâ: Concilium non solum ostendit, dolorem Attritionis esse bonum, & utilem, nec hominem facere magis peccatorem, sed insuper distinctè, ac distinctè significat, quod quamvis peccatorem absque Sacramento per se perducere, nequeat ad justificationem, tamen in Sacramento eum disponat ad impetrandam Dei gratiam: ac subinde declarat, Attritionem in Sacramento vim illam habere, quam absque Sacramento non haberet . Ubi apertè satis nostram tuetur sententiam, & illam ab hæreticorum calumniis vindicat: postquam enim dixit, Attritionem esse actum bonum, & ex impulsu Spiritus sancti conceptum, atque ad Dei gratiam in sacramento Pœnitentiæ impetrandam disponere, in fine ejusdem capituli sic concludit: *Quamobrem falsò quidam calumniantur Catholicos Scriptores, quasi tradiderint sacramentum Pœnitentiæ absque motu suscipientium, gratiam conferre: quod nunquam Ecclesia Dei docuit, nec sensit*. Atqui hæretici ex eo solum occasionem captarunt calumniandi Catholicos Scriptores, quod existimarent Attritionem, quæ est ex metu penarum, non esse actum bonum, sed malum, atque reddere hominem hypocritam: ergo Attritionem conceptam ex metu gehennæ, & penarum, docet Concilium disponere ad Dei gratiam in sacramento Pœnitentiæ obtinendam .

Urgebis: Si Concilium existimasset Attritionem sufficienter ad Dei gratiam

disponere, quando jungitur Sacramento, distinctè dixisset, eam disponere *cum Sacramento*. At ita non dixit: sed tantum, quod disponat *in Sacramento*, ut nempe significaret eam disponere, remotè, & mediâtè ad gratiam, quatenus videlicet disponit pœnitentem ad recipiendam Absolutionem sacramentalem, & excitandam ex gratia Dei Contritionem, ex quibus immediatè sequatur justificatio: igitur Concilium nulla ratione nostræ sententiæ patrociniatur .

Nego consequentiam, & ad antecedens dico, quod quando Concilium ait, Attritionem disponere ad Dei gratiam in Sacramento, idem significat, ac si diceret cum Sacramento; cum enim hanc particulam, *in Sacramento*, opponat huic, *sine Sacramento*, quæ significat idem, ac seorsim, & separatim à Sacramento, dum ei, Attritionem sine Sacramento non perducere ad justificationem, consequens est, quod dum etiam ait, eam *in Sacramento* disponere ad Dei gratiam, idem significat, ac si diceret *cum Sacramento* .

Repones tertio, Concilium, dum ait, Attritionem in Sacramento ad justificationem disponere, non loqui de illa Attritione, quæ concipitur ex metu penarum, sed tantum de illa, quæ fit ex amore Dei super omnia, sed imperfecto, quæque est eisdem essentialiter Contritio, sed imperfecta: ut eam ibidem appellat Concilium, quippe Contritionem dividit in perfectam, & imperfectam .

Verum nondum quærit in scripto, & tenebras in Sole, qui hæc somniat: *Tum quia* Concilium illam Attritionem asserit sufficere ad impetrandam Dei gratiam in Sacramento, quam dicit concipi ex consideratione gehennæ, & penarum metu: igitur non loquitur de Attritione, quæ sit amor Dei initialis, & imperfectus: *Tum quia* Concilium de ea Attritione loquitur, quam Lutherus

rus

rus docuerat facere hominem hypocritam, & pejorem; sed illa Attritio, de qua loquitur Lutherus, non procedit ex charitate imperfecta, & inchoata, sed ex solo pœnarum metu, ut constat ex dictis suprâ: igitur, &c. Tum denique, quia Concilium ait, illam Attritionem, quæ in sacramento Pœnitentiæ disponit ad gratiam, esse donum Dei, & Spiritus sancti impulsus; non adhuc quidem inhabitantis, sed animam moventis: at Attritio ex amore Dei super omnia, quantumvis imperfecta, est motus Spiritus sancti inhabitantis animam; etenim qui manet in charitate, in Deo manet, & Deus in eo: igitur, &c.

Porrò Concilium vocat Attritionem, Contritionem imperfectam: non defectu gradus tantum, sicut puer dicitur vir imperfectus, quia omnino viri perfectionem nondum est adeptus: sed dicit imperfectam propter defectum essentie Contritionis, quia non est dolor de peccatis ex amore amicitie Dei: sicut embrio est vir imperfectus, quia non habet hominis naturam, sed ad eam disponit, ut diximus in 3. Notabili.

Confirmatur: Non major requiritur dispositio ad gratiam per sacramentum Pœnitentiæ suscipiendam, quàm ad illam recipiendam per Baptismum: sed Attritio est sufficiens dispositio in adulto baptizando ad gratiam iustificantem recipiendam: igitur & in pœnitente, sufficiens erit: Major constat; siquidem eadem est ratio sacramenti Pœnitentiæ, ac Baptismi, quippe cum utrumque sit Sacramentum mortuorum. Minor verò probatur autoritate S. Augustini, qui lib. de catechizandis rudibus ca. 17. tria refert genera hominum, qui volunt esse Christiani, qui veniunt ad Baptismum, quorum tertium genus est eorum, qui propter beatitudinem sempiternam, & perpetuam requiem, quæ post hanc vitam Sanctis futura promittitur, volunt fieri Christiani, ut non eant in ignem æternum cum diabolo;

sed in regnum æternum intrent cum Christo: *Qui ejusmodi est, inquit, verè Christianus est; cautus in omni tentatione, ne prosperis rebus corrumperetur, & ne frangatur adversis, & in abundantia bonorum terrenorum, modestus, semperans, & in tribulationibus fortis, & patiens, qui etiam proficiendo pervenit ad talem animum, ut plus amet Deum, quàm timeat gehennam, ut etiam si dicat illi Deus: Utere deliciis carnalibus semperternis, & quantum volueris pecca, nec morieris, nec in gehennam mitteris, sed mecum tantummodo non eris, exhorrescat, & omnino non peccet, non jam ut in illud, quod timebat, non incidat, sed ne illum, quem sic amat, offendant, in qua una est requies.* In istis hominibus est tantum Attritio circa prioris vite peccata: nam si solum habent Attritionis motivum gehennæ metum, servilis est in iis duntaxat erga Deum timor, nondum est in iis timor filialis, aut Contritio charitate perfecta, quia recenset eos S. Augustinus inter venientes ad fidem, & ait illos ad postea perventuros, ut plus ament Deum, quàm timeant gehennam. Porrò si isti forent perfectæ charitate flagrantes, non essent in via ad ejusmodi statum, nec ad eum tenderent proficiendo, jam enim eum essent assecuti; sed ea qualicumque dispositio deur ad Baptismum actu fructuose suscipiendum, suscipietur; nam homo sic dispositus dicitur verè Christianus, id est, idoneus ut recipiat Baptismi sacramentum, in quo fit Christianæ fidei professio. Quare cap. 16. præcedenti, quo traditur formula cujusdam orationis, aut alloqui Catechistæ ita congratulantis eum, qui venit ad Baptismum propter requiem, quæ speratur post hanc vitam, ait: Deo gratias frater, valde tibi gratulor, & gaudeo de te, quod in tantis, tamque periculosis sæculi tempestatibus de vera, & certa securitate cogitasti. Porrò nisi dispositio prædicta sufficiens esset ad

Ba-

Baptismus , quæ dispositio Attritionis est , qui cum ea veniret ad Baptisma , non cogitaret de certa securitate ; ergo eam eadem sit ratio sacramenti Pœnitentiæ , ac Baptismi , quia ambo sunt Sacramenta mortuorum ; Baptismus enim , & Sacramentum regenerativum : Pœnitentia sacramentum resuscitativum , & reparativum ; ac subinde Attritio , quæ est sufficiens dispositio ad Baptismum debitè suscipiendum , sufficiens pariter erit ad Pœnitentiæ sacramentum verè , & fructuosè recipiendum .

Probatùr denique ratione : Primò , quia omne Sacramentum novæ legis id efficere potest sèlpo immediatè , ad quod primò , & per se est institutum : agit enim ex opere operato ; sed Pœnitentiæ sacramentum per se institutum est ad causandam primam gratiam sanctificantem in homine per peccatum lapsò : igitur potest primam gratiam sanctificantem in eo producere : sed nisi ad illud sufficeret Attritio , nusquam primam gratiam produceret ; eam enim Contritio per se sufficiens sit ad produciendam primam gratiam extra Sacramentum , si illa esset necessaria dispositio ad sacramentum Pœnitentiæ , reverà ante susceptionem illius Sacramenti , necessariò præsupponi deberet gratia producta : igitur , &c.

Deinde , Sacramentum mortuorum , quale est Pœnitentia , non prærequirit in suscipiente formale principium vitæ spiritualis : illud enim immediatè efficit : sed Contritio charitate perfecta est principium vitæ spiritualis in homine : ergo illam Pœnitentiæ sacramentum tanquam dispositionem necessariam non præsupponit .

Denique , Sacramenta novæ legis sunt efficaciora quàm legis veteris , ac subinde minorem possulant in suscipiente dispositionem : sed Sacramenta legis veteris , ut homini post circumcisiõnem lapsò conferrent primam gra-

tiam , necessariò requirebant Contritionem : Igitur Pœnitentia , quæ est Sacramentum novæ legis illam non prærequirit .

Adde quodd , si Contritio perfecta quæ esset necessaria in nova , ac in veteri lege , sequeretur , longè difficiliorẽ esse peccati remissionem in nova lege , quàm in veteri ; Nam in lege Moysayca ad eam obtinendam solus actus Contritionis sufficiebat ; in lege autem Evangelicæ præter illam ulteriùs requirebatur Confessio omnium peccatorum mortalium secundum numerum , & speciem , quod certè videtur onus gravissimum : igitur ut facilior appareat venia consequenda per Sacramenta novæ legis , non necesse ad Sacramenta mortuorum præquiritur Contritio .

Confirmantur hæc omnes rationes ex censura sacra Facultatis Parisiensis , quam edidit anno 1638. die prima Junii , & 1. Julii adversus nonnullas Claudii Seguenoti Presbyteri ex congregatione Oratorii assertiones , quas scripserat in suis ad S. Augustini librum de Virginitate notis : maximè verò quodd pro consequenda remissione peccatorum in sacramento Pœnitentiæ non sufficeret Attritio , sed desideraretur Contritio charitate perfecta , & consequenter addidisset Absolutionem sacramentalem nihil aliud esse , quàm juridicam peccati jam remissi declarationem . Ejusmodi propositiones hac censura notavit sacra Facultas : *Quæ tradidit de Attritionis insufficientia : Et Contritionis ex perfecta charitate absoluta necessitate ad recipiendum Sacramentum Pœnitentiæ : Et quæ addit , Et approbat de Absolutione , quodd nihil aliud sit , quàm declaratio juridica peccati jam remissi , damnavit Facultas , Et censuit has propositiones esse quietis animarum perturbativas , communi , Et omnino salutæ praxi Ecclesiæ contrarias , efficacitæ Sacramenti contrarias , Et insuper temerarias , ac erroneas .*

Obji-

Obijcies primò : Ad veram Pœnitentiam requiritur, quòd Pœnitens, ut veniam obtineat, ad Deum convertatur ex toto corde, & habeat cor novum: sed hæc non præstat sola Attritio: igitur, &c. Major constat, tum ex illo Deuteronomii 4. *Cùm quaesieris Dominum, invenies eum, si tamen toto corde quaesieris eum, & tota tribulatione animæ tuæ.* Et Ezechielis 18. *Facite vobis cor novum, & spiritum novum.* Minor etiam patet: qui enim tantum est attritus, toto corde, totaque animi tribulatione Deum non quærit; neque Attritio facit cor novum, & spiritum novum; quia non removet spiritum veteris Adam, scilicet affectum peccandi, nec inducit spiritum novi Adam, nempe charitatem: igitur, &c.

Distinguo minorem: Si Attritio sit sine sacramento, concedo: si juncta sit Sacramento, nego: erit enim cor novum, & Deus utiliter, ac sufficienter quæritur, quando gratia sanctificans conferatur homini, per quam innovatur, & ad Dei consortium, ac unionem, & amicitiam revocatur. Ad auctoritates autem Scripturæ respondeo, eas esse intelligendas de Pœnitentia veteris legis, necnon, & novæ legis, quæ extra Sacramentum sit sufficiens ad obtinendam peccati remissionem: nam in Lege nova sufficienter homo Deo reconciliatur virtute sacramenti Pœnitentiæ, quando dolet de peccatis, & deponit peccandi voluntatem; quod utique fit per Attritionem, ut dictum est supra.

Urgebis: Concilium Trident. sess. 14. cap. 3. docet, materiam sacramenti Pœnitentiæ esse Contritionem, eamque ad peccatorum remissionem ex Dei institutione requiri. Et cap. 4. ait: *Fuit quovis tempore ad impetrandam peccatorum veniam hic Contritionis motus necessarius.* Et cap. 6. dicit, *Eum cui nulla est Contritio, non verè absolvi in sacramento Pœnitentiæ*: Igitur ex mente Concilii ad obtinendam peccatorum veniam,

etiam cum Sacramento, non sufficit Attritio.

Distinguo antecedens: Requiritur Contritio generatim sumpta, quatenus abstrahit à perfecta, & imperfecta, concedo; requiritur perfecta Contritio, nego. Concilium enim ibi docet Contritionem perfectam charitate hominem Deo reconciliare priusquam hoc Sacramentum actu suscipiatur; imperfectam autem per se non perducere peccatorem ad justificationem; sed eum tantum disponere ad Dei gratiam in sacramento Pœnitentiæ impetrandam: nam illam Contritionem Concilium dicit esse necessariam, quam initio capitis 4. definit, cùm ait, eam esse *animi dolorem, ac detestationem peccati, cum proposito non peccandi de cætero*: ibi autem definitur Contritio genericè sumpta, prout abstrahit à perfecta, & imperfecta; siquidem illa definitio etiam convenit Attritioni: quippe cùm sit animi dolor, ac detestatio peccati, cum proposito non peccandi de cætero.

Urgebis: Idem Concilium sess. 6. c. 6. referens varias dispositiones prærequisitas ad justificationem, asserit hominem disponi ad justitiam non tantum per actus fidei, timoris, & spei, sed etiam dilectionis, ex qua nascitur odium peccati, per propositum novæ vitæ, ac denique observationis mandatorum divinorum: *In spem eriguntur* (inquit Concilium) *fidentes Deum sibi propter Christum propitium fore, illumque tanquam omnis justitiæ fontem diligere incipiant, ac propterea moventur adversus peccata per odium aliquod, & detestationem, hoc est, per eam Pœnitentiam, quam ante Baptismum agi oportet; denique dum proponunt suscipere Baptismum, inchoare novam vitam, & servare divina mandata.* Ubi Concilium ad justificationem, quæ fit per Baptismum, dilectionem inchoatam inquirat, ut constat ex illis verbis, *illumque tanquam justitiæ fontem diligere incipiunt*:
Un-

Unde cum non minor requiratur dispositio ad justificationem, quæ sit per Pœnitentiam, quàm ad illam, quæ sit per Baptismum, ex illo Tridentini testimonio manifestè constare putant ad-versarii, ad justificationem, quæ sit per Pœnitentiam, charitatem inchoatam, & imperfectam necessariò requiri.

Respondeo, Concilium eò loco sermonem facere de justificatione, quæ sit extra Sacramentum, & per solum Baptismi votum, ac desiderium: unde signanter ait: *Dum proponunt suscipere Baptismum*, &c. Quo certè in casu non negamus, dilectionem Dei esse necessariam, necnon & Contritionem charitate formatam. Secus est autem de justificatione, quæ sit in Sacramento: nam idem Concilium sess. 6. cap. 6. loquens de Pœnitentia in adultis peccatoribus prævia ad Baptismum, ait: *Moventur homines adversus peccata per odium aliquod, & detestationem, hoc est, per eam Pœnitentiam, quam ante Baptismum agi oportet*. Porro ad hanc Pœnitentiam ante Baptismum agendam, non est absolute necessaria Contritio, ut diximus suprâ ex S. Augustino.

Vel dico Concilium intelligendum esse de amore illo initiali, quem suprâ diximus ad virtutem spei pertinere. Hic autem amor ideo *initialis* appellatur; quia ut plurimum ab isto amore nostra justificatio initium sumit, & ut à me suprâ dictum est, sæpe ducimur ab amore isto ad perfectum illum amorem, qui ad virtutem charitatis pertinet.

Urgebis: Ea dilectio initialis, quam ibi Concilium Tridentinum pro dispositione ad justificationem requirit, est ea dilectio, qua peccator incipit Deum diligere *tanquam fontem omnis justitiæ*: at ista dilectio ad charitatis, non ad spei virtutem pertinet: ergo, &c.

Nego minorem: Quia dilectio illa, de qua ibi Concilium loquitur, est qua Deus diligitur, ut ipse est fons nostræ

justitiæ, seu justificationis, quam ab ipso promissam per Christum expectamus; ideo dicit Deum proponi diligendum; non quidem ut justitiam in se, sed *ut fontem justitiæ*, quam videlicet in nos derivat: adeoque significat eum esse diligendum ut nobis bonus est, & ut bona nobis largitur. Nec movere debet particula (*omnis*) hoc enim solum ibi vult per illam particulam Concilium Tridentinum, quòd peccatores incipiunt Deum diligere tanquam fontem justificationis cujuscumque, & dispositionum omnium supernaturalium ad justificationem, cum nullus sit, qui aliter, quàm per Dei gratiam justificari valeat, ut ex præcedenti capite Concilii Tridentini apertè constat, & ex nostro tractatu de Gratia.

Instabis: Ea dilectio, quam requirit Concilium loco mox citato, est ea, quæ sacramento Pœnitentiæ juncta, peccatoris conversionem operari potest: at nulla dilectio Dei conversionem istam potest operari, nisi ea quæ pertinet ad virtutem charitatis: ergo illa dilectio, de qua Concilium ibi loquitur, est dilectio ad virtutem charitatis pertinens.

Respondeo negando minorem: Nam ad hoc sufficit dilectio, quæ pertinet ad virtutem spei, & quam suppono conjunctam cum Attritione prædicta, quam sic volumus posse conversionem istam operari, non quidem per se solam, sed quando juncta est sacramento Baptismi, vel sacramento Pœnitentiæ, ut satis apertè docet Concilium Tridentinum cit. sess. 14. cap. 4. ubi expressè docet, *Contritionem imperfectam; quæ Attritio dicitur, & quæ ex turpitudinis peccati consideratione, vel ex gehennæ, & pœnarum metu communiter concipitur, si voluntatem peccandi excludat, cum spe veniæ, non modò non facere hominem hypocritam, & magis peccatorem, sed & donum Dei esse, & Spiritus sancti impulsu, & quamvis absque Pœnitentiæ Sacramento peccatorem per se, neque per-*

Cccc

du-

ducere ad justificationem, cum tamen ad Dei gratiam in Sacramento impetrandam disponit. Nota dictum in Sacramento ipsum disponere, & quidem ad gratiam impetrandam, his enim verbis facile constat, quod per istam Attritionem, prout à Contritione per charitatem perfecta distinguitur, gratia conferri valeat, si juncta sit Pœnitentiæ Sacramento.

Inflabis iterum. Idem Concilium sels. 14. cap. 6. agens de pœnitente, ait: Non debet adco sibi de sua fide blandiri, ut etiam si nulla illi adsit Contritio, aut Sacerdoti animus serio agendi, & verè absolvendi desit, putet tamen se propter suam solam fidem verè, & coram Deo esse absolutum; ergo perfecta Contritio requiritur ad peccati remissionem absolute, nec Attritio sufficit etiam in Sacramento.

Nego consequentiam. Ibi quippe Concilium vult tantum arguere Novatores ultimi sæculi, qui docebant hominem nullo suæ voluntatis motu, seu Pœnitentiæ dolore, vel sensu preparari debere ad obtinendam peccatorum remissionem: sed ei solam sufficere fidem, seu potius fiduciam, & confidentiam certam de comparata remissione peccatorum. Hinc addit Concilium post verba citata: *Nec enim fides sine Pœnitentia remissionem ullam peccatorum præstaret.* Porro Attritio Pœnitentia quædam est. Ideo Contritionem intelligit ibi genericè sumptam, esse prorsus necessariam; quòd alterutra species ejus absolute requiratur, aut imperfecta, quæ dicitur Attritio, aut perfecta, quæ dicitur Contritio simpliciter, & strictè sumpta; nam extra Sacramentum perfecta requiritur: in Sacramento autem sufficit imperfecta, quæ dicitur Attritio.

Obijcies secundo S. Augustinum, qui plurib. docet eum inaniter pœnitere, qui dumtaxat à peccatis abstinet ex metu pœnæ, & supplicii: sicut epist. 144. quæ est ad Anastasium; *Inaniter*, inquit,

puta viatorem se esse peccati, qui pœnæ timore non peccat: quia etsi non impletur foris negotium malæ cupiditatis; ipsa tamen mala cupiditas intus est hostis, & qui coram Deo innocens ipocritur, qui vult fieri quod veratur, si subtrahatur quod timetur: at per hoc in ipsa voluntate reus est, qui vult facere, quod non licet fieri; sed ideo non facie, quia impudè non potest fieri; nam quantum in ipso est, mallet non esse justitiam peccata prohibentem, atque punientem. Et utique si mallet non esse justitiam, quis dubitaverit, quod si posset, auferret? At per hoc quomodo justus est justitia talis inimicus, ut eam si potestas detur, præcipientem auferat, ne comminantem, vel judicantem ferat? Inimicus ergo justitia est, qui pœnæ timore non peccat.

Similiter lib. de Natura, & Gratia, cap. 57. ait. *Sub lege est, qui timore supplicii, quod lex minatur, non amore justitiæ, se sentit abstinere ab opere peccati: nondum enim liber est, nec alienus a voluntate peccandi est, in ipsa enim voluntate reus est.* Insuper lib. 1. contra duas epistolas Pelagianorum cap. 9. *In ipsa*, inquit, *intus voluntate peccat, qui non voluntate, sed timore non peccat.* Et lib. 1. cap. 4. *Qui timore pœnæ præcepta facit, proculdubio inivitus facit, ac per hoc in animo non facit, ac per hoc in ipsa voluntate intus est reus, ubi ipse, qui recipit, inspicit.* Denique, S. Augustinus tract. 9. in epistolam Joan. ut supra memoravimus: nec non in Pl. 127. dicit, quòd qui cessant à peccatis ex metu pœnæ, seu gehennæ, sunt similes mulieri adulteræ, quæ tantum ab adulterio cessans metu sui mariti: ne vide licet deprehendatur ab eo, & severè puniatur, semper animam adulterandi retinet: igitur ex mente S. Augustini, Attritio, quatenus est timor ex metu gehennæ, non removet voluntatem peccandi, nec consequenter sufficiens est cum Sacramento ad obtinendam peccatorum remissionem.

Distinguo consequens : Attritio ex metu gehennæ, quæ movet dumtaxat ad cavenda peccata propter solum timorem malorum temporalium, & amorem bonorum terrenorum, non removet peccandi voluntatem, concedo : quæ concipitur propter metum gehennæ, quo quis timet Deo privari, & ratione hujus timoris à peccato abstinere, nego ; nam timor iste gehennæ ordinatur ad Deum, tanquam ad finem ultimum, & ut sic removet peccandi voluntatem, quia ordinatur ad finem culpæ contrarium ; non enim qui sic timet, suum finem ultimum reponit in ipsa evitacione supplicii, sed in privacione, & carentia Dei, qui cum non possit possideri à peccatore, idcirco qui hoc metu abstinere à peccato, sibi proponit finem ultimum culpæ contrarium : quando autem peccator sic respicit evitacionem supplicii, non retinet voluntatem peccandi.

Unde timor servilis in eo, qui cessat à peccato timore supplicii, duplex esse potest : *Unus* quidem quando tota ratio, tam finalis, quam impulsiva, seu motiva continendi se à peccatis, est fuga pœnæ, dum videlicet homo sic affectus est, ut malum fugiat solum ob pœnam illi malo peccatorum intentatam, & in evitacione supplicii, vel in bono, quod ei supplicio contrarium est, reponit suum finem ultimum : & iste timor à plerisque dicitur *serviliter servilem* ; quia competit servis, & mancipiis, qui nullo Domini sui amore abstinere à prohibitis, sed solum pœnæ metu : ita quod semper affectum habeant faciendi verita, nisi esset pœna subeunda. Porro ille timor semper aliquem affectum peccandi formalem, aut virtutalem in voluntate relinquit. *Alter* verò servilis est, quando qui timet, non constituit suum finem ultimum in evitacione ejusmodi pœnæ ; sed ultrò tendit in bonum honestum, qualis utique est timor Attritionis, qui licet termi-

netur immediatè ad evitacionem pœnæ, quam timet, tamen mediatè tendit in finem ulteriorem, nempe in beatitudinem æternam, & ad Deum, ut summum bonum, quo qui sic timet, non vult privari, sed eo frui, ac subinde, qui hoc timore afficitur, non retinet peccandi voluntatem. *Ex quibus* colligere licet, quod quoties S. Augustinus ait, illos, qui timore cessant à peccato, adhuc reos esse secundum affectum, & voluntatem, loquitur de illo timore, quo terrentur ii, qui conquiescunt in evitacione supplicii, ac serviliter serviunt, & divinis mandatis parent, qui utique timor malus est ; quia per eum homines in amore sui, tanquam in ultimo fine conquiescunt : non verò loquitur de timore, qui ultra evitacionem pœnæ tendit in possessionem Dei tanquam summi boni, cujus privacionem timet : qualis est timor Attritionis.

Urgebis ; Idem S. Augustinus pluribi docet, neminem sine Dei amore posse justificari ; Sic *Serm. 7. de tempore* ; *Pœnitentiam certam non facit, nisi odium peccati, & amor Dei* : Et *lib. 21. de civit. cap. 27. Si non defillant à peccato, habendo charitatem, quæ non agit peperam, nihil eis prodest* : Unde Author de vera, & falsa Pœnitentia ; Sine amore, *inquit*, nemo unquam gratiam invenit, nec veniam affectus est ; Quod utique confirmatur ex Scriptura : nam S. Paulus 1. ad Cor. 13. differtè ait : *Sine charitate nihil sum ; si charitatem non habuerò, nihil mihi prodest*. Et 1. Joan. 3. *Qui non diligit, manet in morte* : igitur ad justificationem etiam cum Sacramento, non sufficit Attritio concepta ex metu gehennæ ; sed requiritur affectus, & motus charitatis.

Distinguo antecedens : Requiritur Dei dilectio actualis, aut habitualis, concomitans, aut subsequens, concedo ; sola actualis, & prævia : nego. Verum quidem est, quod non possit fieri pecca-

toris justificatio sine Dei amore, & charitate habituali, quæ à gratia sanctificante non distinguitur; sed non absolute requiritur, quod actualis, & formalis Dei amor ipsam justificationem præcedat, dum peccator eam obtinet per Sacramentum: verum ad id sufficit amor Dei habitualis, seu charitas, quæ est forma hujusmodi justificationis, per quam videlicet peccator fit Dei amicus, & ipsi gratus. Ita Doctor ejusmodi auctoritates solvit *diff. 14. qu. 2. num. 20.* ubi ait. *Quod sine amore Dei nullus consequitur veniam, potest ibi accipi venia, non tantum pro penitentia; sed pro fine Penitentia, & ita cum intelligimus, quod per Penitentiam acquiritur venia, & illa venia est, quando quis per gratiam acceptatur ad amicitiam divinam.*

Vel dico S. Augustinum loqui de Dei dilectione, quæ proveniat non ex affectu charitatis, sed ex affectu spei: ad quam utique Dei dilectionem conducit ille gehennæ metus; nullus enim verè attritus gehennam timet, nisi quatenus est privativa æternæ Dei possessionis, ac subinde quando dolet de peccatis propter metum gehennæ, dolor iste terminatur ad Dei dilectionem; non enim timeret gehennam, nisi quatenus est privativa possessionis Dei, neque doleret de hujusmodi privatione, nisi Deum diligeret; nam tantus est dolor inhamittendo, quantus est amor in possidendo; igitur vera Attritio semper habet adiunctam Dei dilectionem ex affectu spei, si non explicitè, & formaliter, saltem virtualiter, & implicitè.

Dices tentio: Cum lex Evangelica longè sit præstantior lege veteri, etiam præstantius requirit remedium ad obtinendam peccati remissionem: ubi enim lex est perfectior, ibi gratiæ consequendæ media debent esse præstantiora; sed Contritio strictè sumpta, quæ fuit medium necessarium ad consequendam gratiam in veteri lege, est medium præstantius Attritione, seu

Contritione imperfecta: igitur hæc etiam necessaria est in nova lege:

Distinguo minorem: Contritio perfecta est præstantior Attritione, si consideretur secundum entitatem, concedo: si spectetur per ordinem, & habitudinem ad finem & effectum, ac modum procurandi finis & effectus in Sacramento Pœnitentiæ, nego: licet enim Contritionis natura, & virtus sit præstantior, & perfectior Attritione: si secundum se spectetur: unde potest extra Sacramentum ad justificationem perducere, quod Attritio non potest: Attritio tamen juncta Sacramento, tam potest ad justitiam, & gratiam ultimè disponere, seu perducere, quàm ipsa Contritio; nimirum ad ipsam gratiam, quam Pœnitentiæ sacramentum ex opere operato producit in pœnitentibus: ad hanc enim requiritur solùm ut tollatur obex malæ voluntatis ad creaturâ converte; Attritio autè juncta Sacramento potest id efficere: quare dicitur æquivalenter ultima dispositio, quanquam ad gratiam ex opere operantis producendam in Sacramento Contritio strictè sumpta perfectius disponat, quia majus est hominis meritum, quàm Attritio.

Dices quartò: Plurimi è gravioribus Theologis, maxime verò Doctores Seraphicus, & Subtilis, apertè docent, Attritionem non sufficere cum Sacramento ad remissionem peccati; quia non excludit voluntatem peccandi. *Primo* namque Seraphicus in 3. *diff. 34. part. 2. art. 1. qu. 1. ait:* *Dicendum, quod absque dubio timor servilis est donum Spiritus sancti: Ex ratio hujus est, quoniam seu donum Dei est nosse, seu credere penas futuras, pro eo quod ibi est quedam cordis illuminatio & directio: sic donum Dei est illas penas æternas resugere; & timere, pro eo quod ex tali dono est quedam cordis emollitio, & fluxus concupiscentialium resistitio, & in hoc quedam reificatio. Et propter illum*

timorem cessat homo à peccatorum perpetratione, licet non omnino cesset à voluntate . Nam subdit: Voluntas peccandi manet in habitu, & radice, quia deformitas est circa timentem . Similiter Doctor Subtilis in 4. dist. 20. quæst. unica, ubi agens de Pœnitentia: quæ tantum fit in extremis vitæ, ostendensque eam esse dubiam, hoc probat variis rationibus . maximè verò autoritate S. August. dicentis, *Oportet non solum timere iudicem, sed diligere, arbitrii enim libertatem querit, ut dolere possit commissi, non necessitatem; ebaritatem, non timorem; igitur ex eorum sententia dolor conceptus ex metu gehennæ non sufficit ad remissionem peccati .*

Nego antecedens; Et ad Seraphicum Doctorem dico, illum per voluntatem peccandi, quam dicet manere in habitu, & radice, nihil aliud intelligere, quam peccatum habituale, sive maculam quæ remanet post præteritum actuale peccatum, quæ non expellitur per timorem servilem, nisi accedente Sacramento, ac subinde potius per Sacramentum, quam per timorem illum pellitur, ait enim quæst. 2. Cum dico timorem servilem, duo dico, videlicet ipsum habitum, quo anima disponitur ad timendum Deum, ut punientem eòs, qui prævaricantur, & ulterius nomine servitutis importatur deformitas peccati, quæ annexa est illi habitui in eodem nomine, ratione cuius ille homo dicitur esse servus peccati, & timor in eo existens, dicitur esse timor servilis .

Per hunc etiam modum, cum dico aliquem timere serviliter, duo dico: videlicet actum ab illo habitu egredientem, & voluntatis servitutem, sive deformitatem comitantem . Sed attendendum, quod hoc potest esse dupliciter, aut ita quod deformitas illa voluntatis concomitetur quantum ad habitum; sic potest esse, quod aliquis serviliter timeat, & ta-

men motu illo non peccabit; quia si ex cogitatione pœnarum aliquis abhorret offendere Deum, hoc potest esse præter peccatum actuale . Si autem concomitatur in actu, quamvis ipsum timere de se non sit malum, tamen ratione deformitatis actualiter annexæ depravatur . Sicut aliquis qui timet pœnas, & timendo dolet, quòd tales pœnæ infliguntur pro culpa, & actu etiam concupiscit peccare, si non esset illa pœna, & hoc modo serviliter est peccatum, & malum . Hoc autem non est semper, cum quis movetur timore servili; alioquin per usum illius doni magis se homo à gratia elongaret, quam prepararet, quod planè falsum est . Ita Seraphicus Doctor, unde concludit: Et ideo concedendum est, quod usus timoris servilis potest esse bonus, licet non sit bonus bonitate meriti; sed magis bonitate preparante, vel ordinante ad meritum, quæ simul stat cum peccato . Unde & rationes, quæ hoc ostendunt, concedendæ sunt . Quapropter respondens ad primum, ait; Illud verò, quod primò obijcitur in contrarium, quod in timore servili vivit voluntas peccandi, & quod dolet de eo, quod lex vetat, dicendum quod illud verbum Augustini non intelligitur, quod semper, quando timeret, doleat actu, & similiter quod voluntas peccandi semper sit in actu, sed hoc dicit, quia manet in habitu, & radice; licet autem voluntas sit per peccatum deformata, & regnet in ea malus amor: potest tamen aliquando moveri ad aliqua bona, opera in genere, vel ex circumstantia, per aliquam gratiam gratis data, tam non committendo culpam, &c. Igitur censet Seraphicus Doctor; dolorem peccati propter gehennæ metum, seu Attritionem, posse excludere omnem actualem affectum, & voluntatem peccandi, quamvis per se non sit sufficiens

ciens ad removendum peccatum habituale, seu deformitatem illam, & maculam, quæ remanet in peccatore transacto actu peccaminoso, nisi illa Attritio jungatur Sacramento Pœnitentiæ.

Ad D. Borem subtilem Respondeo, dici posse: *Primum* cum ibi agere maximè de Pœnitentiâ quæ extra Sacramentum sufficiat ad salutem, ad quam procul dubio requiritur amor Dei, sive Contritio charitate perfecta. *Secundò* dici potest quòd, si sermo sit de Pœnitentiâ, seu de dolore Pœnitentiæ juncto sacramento Pœnitentiæ, illa verba oportet non solum timere iudicem, sed diligere, non tam significant affectum charitatis quàm spei; ut colligitur ex sequentibus: non igitur timeat penam qui pœnitet, sed anxietur pro gloria. Anxietari autem pro gloria, nihil est aliud quàm timere privationem beatitudinis, & æternæ hereditatis, quæ per peccatum perditur, & per pœnitentiam restauratur. Porro hæc animi anxietas ab alia virtute oriri non potest, quàm à virtute spei; ac subinde neque S. Augustinus, neque subtilis Doctor, per dilectionem aliud intelligunt, quàm affectum spei. Porro Attritio habet hunc affectum, siquidem nemo potest per eam timere gehennam; quin pariter habeat displicentiam voluntariam, quòd peccaverit, quia peccando amisit jus ad hereditatem sibi repositam: quæ utique displicentia tendit in Deum sicutem mediare; quippe cum Deus sit objectiva beatitudo, quam recuperare sperat pœnitens. Quòd autem Doctor non de alio dolore quam Attritionis loquatur; quando videlicet pœnitens in extremis suscipit sacramentum Pœnitentiæ, apparet ex his quæ subjicit, nu. 7. ubi ex dictis colligit: *Quòd infirmo jam ad articulum isum deducto succedendum est, ut secundum suam possibilitatem labores ad Pœnitentiam ordinatam, ut scilicet non obstante dolore vel timore, utatur ratione quantum potest, & nitatur habere displicentiam*

voluntariam propter finem debitum, scilicet propter Deum, & veniat mala inclinationi habitus, & delectationem præsentium; & labores ad displicentiam quantum poterit habere, licet brevem; & ne in desperationem mittatur, extollenda est sibi misericordia, proponendo sibi exemplum de latrone illo, cujus fuit pœnitentia sera, sed non sera Indulgentia. Quibus verbis Doctor veram, diminutam, ac imperfectam rationem, & doctrinam haud dubie traderet, nisi sic intelligendus esset, quòd velit ad justificationem extra Sacramentum requiri amorem amicitie, seu charitatis perfectæ, cum Sacramento verò sufficere amorem concupiscentiæ sive dilectionem minus perfectam; quam utique charitatem, sive potius spem difficile est peccatorem habere in extremis, probat; quia, ut mox dicebat, *Qui usque tunc fuit impœnitens non videtur tunc extorquere à seipso displicentiam novam, nisi timore penæ imminenti, præsumitur enim, &c.* Et rectè quidem dixit, *præsumitur*, quia accidere potest contrarium; licet valdè sit timendum hujusmodi peccatorem retinere adhuc internam complacentiam peccatorum præteritorum, nec-non, & conditionalem affectum peccandi, si periculum mortis non immineret, &c.

Urgebis: Ut Pœnitentiâ sit salutaris, debet esse simpliciter voluntaria: sed ex Doctore ibidem, Pœnitentiâ quæ sit in extremis solo metu gehennæ non est simpliciter voluntaria: igitur, &c. Major constat. Minorem verò sic declarat Doctor num. 5. *Ad hoc*, inquit, quòd displicentia valeat, & sit ordinata; oportet quòd sit debetè circumstantiata, & maximè circumstantiâ finis, & principii activi principalis, ut scilicet sit voluntaria propter Deum: sed difficile est tunc habere actum sic circumstantiatum: quia qui usque tunc fuit impœnitens, non videtur tunc extorquere à seipso displicentiam novam, nisi timore penæ imminen-

tis : *presumitur enim, quod si remotus esset a pœna, sicut prius, non extorqueret à seipso illam displicentiam, sicut nec prius: Tum, quia aliquid simpliciter involuntarium videtur causa istius displicentiae; nam expellatio mortis, videtur causa istius displicentiae; illa autem est involuntaria, & quod non fit, nisi ex suppositione cuiusdam involuntarii, non est simpliciter voluntarium, sicut non omnino voluntariè projicit quis merces in mare, si non projicit, nisi ex suppositione, cuiusdam periculationis, quam nollet: saltem quod non est, nisi sic involuntarium, non est multum acceptum aliis, nec multum videtur propter amorem ejus factum.* Ita Doctor, quibus significat Pœnitentiam ex metu mortis conceptam, non esse voluntariam, nec Deo gratam: ergo multò minùs voluntaria erit Pœnitentia concepta propter metum gehennæ, qui longè maior est quàm metus mortis; quia gehenna majus infert damnum, quàm mors naturalis; ac subinde majorem metum incutit: & consequenter magis minuit rationem voluntarii in eo, quem ob ejusmodi metum peccasse pœnitet.

Respondet, involuntarium dici tripliciter. Primò modò pro eo, quod nihil omnino habet de voluntario: Secundo modò, pro eo quod plus habet de voluntario, quàm de involuntario: Tertio modò pro eo quod fit independenter ab omni circumstantia, quæ actum impedit: quod autem fit ex metu, esto non fit simpliciter voluntarium primo modo, est tamen voluntarium simpliciter secundo modo. Porro Doctor intelligendus est de voluntario primo modo, ut colligitur ab exèplo, quod ipse proponit, & repetit ex projiciente merces in mare: illa namque projectio est simpliciter voluntaria, quia procedit à voluntate efficaci projiciendi ejusmodi merces cum sufficienti cognitione circumstantiarum; tamen habet aliquam rationem admixtam involuntarii, &

fiat contra inefficacem inclinationem, istius voluntatis, quæ nollet se ejusmodi periculum adesse, ut salvus, & integras merces haberet: unde illa projectio est simpliciter voluntaria ex parte operantis, licèt non sit simpliciter voluntaria ex parte objecti, sed tantum propter circumstantiam imminētis periculi: igitur displicentia peccati metu gehennæ, etiam dicenda est voluntaria simpliciter hoc secundo modo, tamen dicitur involuntaria secundum quid, non quidem propter simplicem complacentiam peccatorum, seu affectum peccandi, si periculum gehennæ abesset; hæc enim conditionalis voluntas esset: peccaminosa, quia ex objecto suo est mala: sed dicitur involuntaria secundum quid à nolitione illius periculi; quod utique pœnitens nollet adesse: simpliciter autem, & absolute displicent peccata, non tantum externa, sed etiam interna; alioquin non posset peccator imminētis gehennæ periculum evadere. Hinc magna est diversitas inter projectionem mercium in mare, & Attritionem: nam ut quis evadat imminētis naufragii periculum, sufficit illa externa mercium projectio: ad evadendam autem gehennam, necessariò requiritur detestatio omnium peccatorum non solum exteriorum, sed etiam interiorum; unde potest aliquis periculum naufragii evadere, tamen habet hanc conditionalem voluntatem non projiciendi merces, nisi periculum urgeret: Attritus autem non potest habere hunc conditionalem affectum, non detestandi peccata, nisi gehenna immineret, quia non potest gehennæ periculum evadere, nisi omnem omnino affectum peccandi excludat.

Nec obstat, quod ibidem subjiciat Doctor, illam detestationem, quæ habet admixtū aliquidn voluntarii, non esse multum acceptam, & gratam Deo; fateor enim, quod Attritio ex se, & seorsim à Sacramento, non sit multum Deo

Deo accepta, nec possit peccatorem in Dei gratiam restituere. Quodd autem sit ea Doctoris sententia, apparet ex his, quæ docet dicit. 14. quæst. 4. num. 7. ubi loquens de remissione peccati post Baptismum commissi per Sacramentum, & sine Sacramento, dicit, quoddum quis justificatur per Sacramentum, recipit illius effectum, scilicet gratiam pœnitentialem: *Non quidem ex merito, inquit, quia dispositio interior non erat sufficiens per modum meriti, sed ex pacto Dei assidentis Sacramento suo ad effectum illius, ad quem instituit Sacramentum; alioquin non appareret, quomodo sacramentum Pœnitentia effectus secunda tabula, si nunquam per ipsum, ut Sacramentum est, possit recuperari secunda gratia amissa, sed tantum per Attritionem, tanquam per præviā dispositionem, & per Contritionem tanquam per dispositionem completivā: Igitur ex mente Doctoris Attritio sufficere potest cum Sacramento ad justificationem, etiamsi parum secundum se sit Deo accepta, & grata.*

COROLLARIA.

EX his sequitur primò, quodd ut Attritio sufficiat cum sacramento ad justificationem, debeat esse supernaturalis; ita namque definit Concilium Tridentinum sess. 14. cap. 4. ubi ait: *Attritionem non solum non facere hominem hypocritam, & magis peccatorem; verum etiam donum Dei esse, & Spiritus S. impulsus, Unde sess. 6. can. 3. definit: Si quis dixerit, sine præveniente Spiritus S. inspiratione, atque ejus adjutorio, hominem credere, sperare, aut pœnitere posse, sicut oportet, ut ei justificationis gratia conferatur, anathema sit.* Quod etiam testantur Scripturæ sacræ oracula, quibus Deus sibi tribuit hominis pœnitentiam: Sic Ezechiel 36. *Auferam à vobis cor lapideum, & carne vestra, & dabo vobis cor carnum.* Et Threnorum 5. *Converte nos Domine ad te, & convertemur.* Hinc

Lucæ 22. *Conversus Dominus respexit Petrum ... & egressus foras Petrus flevit amarus.* Quæ verba sic expendit S. Ambrosius: Quos Jesus respicit, plorant delictum, negavit Petrus Christum, & non flevit, quia non respexerat Dominus; negavit secundò, & non flevit, quia adhuc non respexerat Dominus; negavit tertio, respexit Jesus, & ille flevit amarissimè. Quapropter Concilium Arausicanum secundum Can. 4. decernit, per S. Spiritus infusionem, & operationem, in nobis fieri non tantum, ut à peccato purgemur, sed etiam ut purgari velimus: purgationis autem à peccato voluntas, est Attritio, vel Contritio: igitur censet Attritionem non posse esse saluatrem, nisi sit supernaturali auxilio Dei concepta.

Dices: Attritio concepta naturæ viribus ex metu pœnaram Inferni, quas divina fide credimus, est supernaturalis, utpote quæ motivo supernaturali concipitur; sed Attritio supernaturalis ad peccati remissionem sufficit: ergo, &c.

Distinguo majorem: Supernaturalis objectivè tantum, & materialiter, ut ea fides, quæ credunt hæretici Trinitatem divinam, & Incarnationem Verbi, concedo; formaliter ex objecto formali, & efficienter ex influxu causæ producentis Attritionem, cujusmodi requiritur ad gratiam peccati remissionem, nego.

Dices secundò: Detestatio peccatorum absoluta, non hypothetica tantum, & inefficax, ad peccati remissionem sufficit: sed Attritio concepta naturæ viribus potest esse detestatio peccatorum efficax, & absoluta: ergo, &c.

Distinguo majorem: Si fiat ex gratia Dei, concedo: ex natura, nego: nam ex Arausicano secundo Can. 7. *Qui per naturæ vigorem, aliquid eligere posse confirmat, ad salutem pertinenti, absque illuminatione, & inspiratione S. Spiritus, hæretico fallitur spiritu, non intelligens*

*ligeri Dei vocem in Evangelio dicentis :
Sine me nihil potestis facere .*

*Dices tertio: Doctor subtilis in 4. dist.
14. q. 2. num. 14. aperte docet dolorem
de peccatis naturæ viribus conceptum ,
sufficere ad obtinendam remissionem
peccati : igitur non censet Attritionem
necessario debere esse supernaturalem .*

*Patet anteedens; agens enim de do-
lore prævio ad remissionem peccati tan-
quam dispositione necessaria , ait : Ad
hujus intellectum , sciendum , quod
peccator in peccatis existens eo mo-
do , quo dictum est in præcedenti quæ-
stione . art. 1. peccatum manere post actum ,
potest ex naturalibus cum communi
influentia considerare peccatum com-
missum , ut offensivum Dei , & ut
contra legem divinam , & ut aver-
sum à Deo , & ut impeditivum præ-
sentium , & ut inductivum supplicii , & sub
multis talibus rationibus : & potest
voluntas ipsum sub aliqua illarum ra-
tionum , vel sub multis illud pecca-
tum sic consideratum detestari , & ille
motus potest continuari , & intendi
ante infusionem gratiæ . Potest etiam
ista detestatio esse totaliter circum-
stantionata circumstantiis moralibus
debitis : non est enim verisimile , quod
necesse sit propter peccatum istud re-
manens , actum quemcumque circa
peccatum commissum esse defecti-
vum in aliqua circumstantia morali .
Iste autem motus dicitur Attritio , &
est dispositio , sive meritum de con-
gruo ad deletionem peccati mortalis ;
quæ sequitur in ultimo instanti ali-
cujus temporis , in quo tempore ista
Attritio duravit . Ita Doctor , ex qui-
bus liquet , eum velle , quod voluntas
propriis viribus sine speciali auxilio Dei
possit elicere actum Pœnitentiæ ultimo
dispositivum ad gratiam .*

*Nego antecedens , nec-non , & duas
consequentias , & ad Doctoris autho-
ritatem dico , eum per ly (ex naturalibus
cum communi influentia) non signifi-*

Tom. X.

*ficare actum elicatum ex propriis viri-
bus naturæ , & sine omni auxilio super-
naturali , sed actum informem ; hoc est ,
qui non informatur gratia , & gra-
tia habituali : ibi namque Doctor in-
quirat , an dispositio prævia informis suf-
ficiat ad remissionem peccatorum . Sic
namque ait : n. 13. De secundo prin-
cipali , scilicet an pœnitere , ut actus
virtutis , requiratur ad deletionem
peccati : Dico , quod non ut actus
unius determinatæ virtutis ; Secundo ,
quod non ut actus cujuscunque vir-
tutis genitæ talis , vel talis indiffe-
renter : Et tertio , si ut actus simpli-
ter perfecte circumstantionatus , nun-
quid ut formatus , vel sufficit ut infor-
mis ? Cui postremæ quæstioni sic re-
spondet . De tertio dico , quod actum
aliquem humanum requiri ad dele-
tionem peccati , potest intelligi du-
pliciter , vel ut dispositionem præ-
viam , vel ut concomitantem ; Primo
modo sufficit actus informis , imo
semper est informis , quia dispositio
prævia ad peccati deletionem est sem-
per sine gratia , & charitate , à cujus
foliis inhærentia , & inclinatione ad
actum , dicitur actus formatus : Se-
cundo modo dico , quod requiritur
actus formatus : nam in illo instanti ,
in quo deletur peccatum , charitas
inest , & per consequens , si actus re-
quiritur ut concomitans , requiritur ,
ut formatus . Hæc Doctor .*

*Ex quibus apparet , quod dum n. 14.
sequenti ait , intellectum ex naturalibus
cum communi influentia posse conside-
rare peccatum ut offensivum Dei , &
voluntatem peccatum sic consideratum
posse detestari ; per ly ex naturalibus ,
tantum excludit gratiam habitualementem ,
non vero actualem prævenientem , ac
concomitantem , quam alibi ad veram
Pœnitentiam , & justificationem neces-
sariam esse asserit ; maxime verò in 1.
dist. 44. num. 4. ubi ait : quemlibet pec-
catorem salvari posse ; Quia , inquit .*

D d d d

po-

potest Deus cum sua gratia prevenire,
ſc. Et diſt. 20. q. unica, ait: eſſe opus
Dei, homini Pœnitentiam fructuoſam in-
ſpirare. Et diſt. 22. art. 2. ait: Deum
propter merita mortificata citius dare
gratiam ad reſurgendum, ſc. Quinimo
in hac ipſa diſt. 14. eadem queſt. 2. n. 20.
 hoc ipſum apertè ſatis ſignificat Do-
 ctor: reſpondens enim ad authoritates,
 quas ſibi ipſi objecerat, nempe quòd
 charitas neceſſaria ſit ad remiſſionem
 peccati, ait: *Iſſe authoritates omnes unam*
habent reſponſionem, quia Pœnitentia,
ſive actus, ſive virtus, (id eſt habitus)
non eſt vera quantum ad finem (extrin-
ſecum) Pœnitentiæ attingendum ſine
charitate, ſc. hoc eſt, quod dicit ſecunda
authoritas de Pœnitentia fructuoſa. Pœ-
nitentia enim (attende) abſolutè poſeſt
innasce ex naturalibus hominis, ſed non
fructiſera, hoc eſt, ſerens fructum: imò
ut fructuoſa, eſt in ultimo inſtanti. Do-
 ctor autem ſibi contradiceret, ſi nu. 14.
 aſſereret Pœnitentiam fructuoſam poſſe
 innasce ex naturalibus: igitur non eſt
 veriſimile, quod per *ly* ex naturalibus
 excludat auxilium gratiæ actualis, aut
 concomitantis; ſed tantum ſignificare
 vult, ad veram Attritionem, quatenus
 eſt diſpoſitio neceſſaria cum ſacramen-
 to Pœnitentiæ ad juſtificationem perci-
 piendam, non requiri, quod illius ac-
 tus procedat ex gratia habituali ſau-
 cificante.

Collige ſecondò: Attritionem, acceden-
 tem virtute Sacramenti, poſſe fieri Con-
 tritionem æquivalenter; quippe cum
 eundem obtineat effectum, quem habe-
 ret Contritio extra Sacramentum, quò
 ſenſu Doctor diſt. 4. q. 2. num. 15. docet,
 Attritionem ſui mutatione fieri poſſe
 Contritionem adveniente gratia, ait
 „ enim: Eſt manet idem motus contra
 „ peccatum in eſſe nature, & moris, qui
 „ priùs fuit Attritio, in illo inſtanti ſit
 „ Contritio: quia in illo inſtanti ſit con-
 „ comitans gratiæ, & ita actus forma-
 „ tus, quia habens ſecum charitatem,

que eſt forma actus, ut hic loquimur.
 „ Ibi tamen oportet diſtinguere ſigna
 „ nature, inter actum, ut eſt talis in
 „ eſſe nature, & mores, & inter chari-
 „ tatem, & inter actum, ut eſt forma-
 „ lis: quia in primo ſigno nature eſt
 „ ibi actus talis; in ſecundo charitatis;
 „ in tertio actus formatus à charitate
 „ jam inclinante, & inherente, & ſic
 „ Attritio ſit Contritio ſine omni mu-
 „ tatione reali ipſius actus. Hoc eſt ex
 „ actu informi; ſic actus formatus: non
 „ enim vult Doctor, quòd Attritio, que
 „ eſt deteſtatio peccati ex motivo ſpei
 „ poſſit fieri Contritio, ſeu peccati deteſ-
 „ tatio ex motivo charitatis. Hinc faci-
 „ le intelligitur, quid intendat idem Do-
 „ ctor in 4. diſt. 14. qu. 4. nu. 9. dum ait:
 „ Concedo, quod ante perceptionem
 „ dignam Pœnitentiæ, oportet ſuſcitari
 „ vel ſimpliciter, & tunc per Pœniten-
 „ tiæ Sacramentum, non deletur pec-
 „ catum, ſed gratia, que inſult, auge-
 „ tur, vel ſuſcitari ſecundum quid, ſcili-
 „ cet ut habeat aliqualem diſpencen-
 „ tiam de peccatis, & propoſitum ca-
 „ vendi de cætero, & velit ſuſcipere
 „ Sacramentum Pœnitentiæ, in quo At-
 „ tritio ſit Contritio, id eſt, in quo,
 „ ſive per quod, imperfecta illa, ſive
 „ aliqualis diſpencentia, confert gra-
 „ tiam ſanctificantem, quam ſine Sa-
 „ cramento contuliſſet Contritio cha-
 „ ritate perfecta. Attritio ergo in Sa-
 „ cramento ſit Contritio, quoad æqui-
 „ valentiam, ſive quoad effectum, non
 „ quoad entitatem.
 „ *Collige tertio:* Attritionem extendi
 „ debere ad omnia prout peccata mor-
 „ talia, quia unum mortale non poſeſt
 „ remitti ſine alio; ac proinde cum Attritio
 „ ſit neceſſaria ad remiſſionem pecca-
 „ ti mortalis, etiam neceſſum eſt, quòd
 „ Attritio ad hoc Sacramentum requiſita
 „ tendat in omnia mortalia; quodque pe-
 „ nitens qui ſe diſponit ad impetrandam
 „ veniam in hoc Sacramento, omnia mor-
 „ talia ſaltem generatim, & virtualiter de-

detestetur; eorumque omnem affectum abjiciat.

Utrum autem Attritio etiam tendere debeat in omnia venialia, non ita convenit inter Theologos; plures namque id affirmant, negant vero ceteri. Sententia tamen negativa mihi probabilior apparet: Tum, quia non est necesse de eis peccatis poenitentem dolere, de quibus necessarium non est confiteri: sed ad obtinendam veniam in Sacramento Poenitentiae non est necesse confiteri peccata venialia, ut docet Concilium Tridentinum sess. 14. cap. 5. ubi cum dixisset: Omnia mortalia, quae memoriae occurrunt, necessario esse confitenda, subjicit: *Nam venialia, quibus à gratia Dei non excludimur; & in quae frequentius labimur, quumquam rectè, & utiliter citra omnem praesumptionem in confessione dicantur, quod piorum hominum usus demonstrat; taceri tamen citra culpam, multisque aliis remediis expiari possunt.* Tum, quia unum veniale remitti potest sine alio; ac subinde non est necesse quod quis de singulis Attritionem formet, sed sufficit quod de aliquibus doleat, ut videlicet dolor ille sit materia necessaria ad consecrationem hujus Sacramenti.

Dices: Qui non dolet de omnibus venialibus à se confessis, proponit aliquid pro materia Sacramenti Poenitentiae, quod reverà non potest illius esse materia: igitur tantum abest, ut possit veniam obtinere, quin imò novum peccatum committit. Antecedens patet; siquidem illud est materia Sacramenti Poenitentiae, quod per Sacerdotalem Absolutionem solvi debet; quemadmodum illud est materia Sacramenti Eucharistiae, quod per verba consecrationis debet consecrari: igitur quemadmodum peccaret graviter, qui hostiam papiraceam cum triticeis apponeret consecrandam, sic etiam graviter peccaret, qui confitendo peccata venialia proponeret aliqua, de quibus non doleret; quia pro-

poneret pro materia, quod reverà illius materia esse non potest, defectu doloris.

Nego antecedens: Ille enim qui manifestat aliqua venialia in Confessione, de quibus non dolet, non proponit illa pro materia Sacramenti Poenitentiae; sed dumtaxat ejusmodi venialia peccata exponit cum illis, de quibus dolet, vel ut inde majorem humiliationem, & confusionem habeat, vel ut evidentius suae conscientiae noticiam suo Confessori exhibeat; non secus ac habitus vitiosos, & peccandi occasiones, ac tentationes occurrentes solet proponere. Unde ad antecedentis probationem, nego paritatem, & ratio disparitatis est, quod hostia papiracea cum triticeis exhiberi non possit in missa, nisi solum ut consecretur, & ut materia transubstantiationis capax, qualis tamen capax non est; necessarium verò non est, ut omnia venialia, quae manifestamus in Confessione, proponamus ut Sacramenti materiam: ea quippe non confitemur necessario, sed ea proponimus ad humiliationem confusionemque nostram, & majorem nostri status noticiam aperiendam Sacerdoti, ad consilium habendum, sicuti propensiones naturales occasiones, tentationes, & similia, quae non sunt peccata, laudabiliter in Confessione Sacerdoti detegimus.

Dices secundò: Qui non attritur de venialibus omnibus, quae confitendo manifestat, facit formam Absolutionis falsam, & Sacramentum irritum, & falsum ex parte, prout ei detrahit idoneam Absolutionis materiam, & legitimum effectum: gravissimè igitur peccat.

Nego antecedens: Quia formae hujus, *Absolve te à peccatis tuis*, sensus est, ab iis quae cum dolore, debitoque proposito confessus es: ergo non est irritum ex parte Sacramenti, quia nihil deest ei necessarium ad valorem, & fructum, si confessus sit poenitens unum veniale, si-

D d d a cct

cet non habeat tantum effectum, quantum habere posset, si dolorem de singulis haberet. Unde consultum esse debet pœnitenti, ut dum Confessione faciendæ præmittit examen suæ conscientiæ, dumque singula se commissæ peccata recogitat, etiam ad singulorum recordationem, & memoriam eliciat dolorem, ac detestationem, quò nempe efficacius ac melius disponatur ad percipiendum Sacramenti effectum.

Collige denique, saluberrimum esse, ut ille, qui fieri solet per Attritionem, dolor Confessionem antecedit; qui enim de suis peccatis atteritur, longè distinctius, & accuratius, ac etiam majori cum animi devotione, ac præparatione ad gratiam, & Absolutionem Sacramentalem peccata declarat: non est tamen absolutè necessarium, ut ille doloris motus, & affectus Confessionem præcedat, sicut constat ex communi praxi fidelium, qui existimant se debite recepisse Absolutionem Sacramentalem, dummodò ante illius susceptionem atterantur. Hinc Confessarii, ubi exceperunt pœnitentium peccata, eos adhortantur; ut de ipsis doleant, cum proposito imposterum non peccandi: hoc autem foret inutile, istaque praxis vergeret in ipsius pœnitentis damnum, & in Sacramenti irreverentiam, si dolor iuste necessariò præmitti debuisset Confessioni faciendæ: igitur, &c.

Necessarium tamen est, quòd ipse Attritionis dolor Sacramentalem Absolutionem præcedat; cum enim illa Sacramentalis Absolutio feratur per modum sententiæ judicialis, quæ necessariò supponit accusationem rei: accusatio autem cum sit voluntaria, debet habere concomitantem, aut saltem subsequentem dolorem pœnitentis, tanquam dispositionem præviā, idcirco Sacerdos non potest pœnitentem absolvere, quin prius peccata per Confessionem declaraverit, & de iis doluerit; maxime cum hæc sententia sit reconciliativa

peccatoris cum Deo, ac subinde pœnitens debet esse paratus ac dispositus, ut in Dei gratiam redeat: hoc autem fieri non potest, quin peccator ea excreetur, ac detestetur, quæ ei fuerant in causa, cur averteretur à Deo. Hæc autem detestatio fit per modum Contritionis, vel Attritionis: igitur motus ille, & affectus doloris necessariò debet antecedere Sacramentalem Absolutionem. Ex quibus colligitur, quòd quoties absque ejusmodi dolore quis confitetur peccata, invalide absolvitur, & debet iterum de illis peccatis confiteri.

Collige denique, Attritionem posse sic definiiri: *Attritio est animi dolor, & detestatio de commissis peccatis cum proposito non peccandi de cætero; & spe ac petitione veniæ ex motivo supernaturali, conceptus, vel ex metu gehennæ, vel ex turpitudine peccati cum aliqua Dei dilectione, ad virtutem spei spectante.* Cujus utique definitionis, seu descriptionis particulæ omnes constant ex dictis: *Primò* namque dicitur *animi dolor ac detestatio de peccatis commissis cum proposito non peccandi de cætero*, in quibus convenit cum Contritione perfecta, quæ eisdem pariter characteres habet. Additur *cum spe ac petitione veniæ*; qui enim debite atteritur, sperat veniam à Deo obtinendam, & illam exorat. Sequitur *ex motivo supernaturali*; qui enim doleret de peccatis ob motivum purè naturalem, non haberet sufficientem dispositionem ad veniam, & gratiam sanctificantem obtinendam. Cætera adduntur, ut distinguatur ipsa Attritio à Contritione perfecta, quæ habet pariter spem veniæ consequendæ, & concipitur ex motivo supernaturali: sed dumtaxat ex affectu charitatis, & dilectionis Dei propter se.

SECTIO SECUNDA.

De Confessione Sacramentali.

CONFESSIONIS nomen idem proprie significat, ac alicujus rei vel secreta, vel incognita privatam aut publicam, spontaneam aut coactam declarationem ac manifestationem. Unde triplex in Scriptura sacra distinguitur Confessionis genus: alia enim est Confessio *Professionis*, alia *laudis*, alia *denique accusationis*. Prima est, qua quis publicè ac constanter profitetur aliquam veritatem, maximè quæ spectet ad Dei gloriam; sic Christus Dominus ait Matth. 10. *Qui confitebitur me coram hominibus, confitebor, & ego cum coram Patre meo*. Hinc Apostolus ad Rom. 10. Fidei professionem, Confessionem appellat, cum ait: *Corde creditur ad justitiam, ore autem Confessio fit ad salutem*. Unde qui Christi Domini fidem liberè profitentur, Confessores solent appellari. Secundo, accipitur pro laude, seu gratiarum actione, sicque confiteri Deum, est ipsum laudare; ita Psal. 117. *Confitemini Domino, quoniam bonus*. S. Matth. 11. & Lucæ 10. Christus Dominus Patrem divinum alloquens, ait: *Confiteor tibi Pater Domine cæli, & terræ*. Tertio, significat peccatorum manifestationem, & declarationem, sic Psal. 31. *Confitebor adversum me in iniquitatem meam Domino*. Matth. 30. *Omni regio circa Jordanem exibat, & baptizabatur ab eo in Jordane, confitentes peccata sua*. Jacobi 5. *Confitemini alterutrum peccata vestra* Hæc præclare observat S. Augustinus in Psal. 39. *Confissio, inquit, gemina est, aut peccati, aut laudis. Quando nobis malè est, in tribulationibus confiteamur peccata nostra. Quando bene, in exaltatione justitiæ confiteamur laudem Deo: sine Confessione non sumus*. Et in Psal. 94. *Confessio quidem duobus modis accipitur in Scri-*

*pturis. Est Confessio laudis, quæ pertinet ad hominem, est Confessio gementis, quæ ad Penitentiam pertinet ejus qui confitetur. Confitentur enim homines, qui laudant Deum; confitentur cum accusant se, & nihil dignius facit lingua. Verè puto, quòd ipsa sint vota, de quibus dicitur in Psal. Reddam tibi vota mea, quæ distinxerunt labia mea. Hinc serm. 8. de verbis Domini, expendens hæc Christi D. verba, Confiteor tibi Pater, &c. ait: *Scio confiteor, Christus dixit, à quo longè est omne peccatum, non solum est confiteri peccatori, sed etiam aliquando laudatori, Confitemur ergo sive laudantes Deum, sive accusantes nosmetipsos. Pia est utraque confessio, sive cum te reprehendis, qui non es sine peccato; sive cum illum laudas, qui non potest habere peccatum*.*

Confessio peccatorum rursus duplex est: alia quæ sit Deo, alia quæ sit homini: Prima est, qua peccata nostra agnoscimus cor nostrum coram Deo effundimus confitentes ac detestantes; ad hanc sufficit locutio cordis; quia Deus scrutatur corda; pertinet autem potius ad Contritionem, quàm ad Confessionem: De hac Regius Propheta: *Delictum meum cognovit tibi feci. Dixi: Confitebor adversum me iniquitatem meam Domino*. Confessio, quæ sit homini, est ea, qua homini labiis, vel alio signo externo manifestamus peccata nostra.

Hæc rursus duplex: Sacramentalis, & non Sacramentalis. Hæc postrema multiplex; alia civilis, qua homo coram Judicibus sua confitetur peccata; sic Josue Acham alloquebatur: *Da gloriam Deo, & confitere, atque indica mihi, quid feceris*. Josue 7. Alia satisfactoria, quæ sit ad placandum proximum, eumque nobis reconciliandum, si vitio nostro læsus fuerit. Alia consolatoria, qua peccata nostra in sinum hominis effundimus, consolationem ab eo percepturi. Alia, denique consiliaria, qua peccata nostra erudito ac sapienti viro confitemur, ut

cjus

ejus ore erudiamur ad ea subigenda, & corrigenda.

Has omnes Confessionum species admittunt hæretici. Confessio Sacramentalis est accusatio peccatorum suorum apud Sacerdotem, qui auctoritatem habet, ut per eum virtute clavium remittantur: apud Græcos hæc dicitur *Exomologesis* quod etiam nomen ad Latinos translatum est, quamquam hæc vox usurpata sit pro universa Pœnitentiæ actione, non autem pro sola delicti sui accusatione.

Apud sacros autem, & Ecclesiasticos Auctores, Confessio interdum usurpatur, non tantum ad significandam delicti proprii manifestationem; verum etiam totam Pœnitentiæ, seu Satisfactionis actionem, ut optimè declarat Tertullianus lib. de Pœnitentia cap. 9. ubi cum dixisset: *Tantum relevat Confessio delictorum, quantum dissimulatio exaggerat*; Confessio enim Satisfactionis consilium, dissimulatio contumaciæ: paulo post subdit: Is actus (*Confessio*) qui magis Græco vocabulo exprimitur, & frequentatur, exomologesis est, qua delictum Domino nostrum confitemur, non quidem ut ignaro, sed quatenus Satisfactio Confessione disponitur, Confessione Pœnitentia nascitur, Pœnitentia Deus mitigatur. Itaque exomologesis prosternendi, & humiliificandi hominis disciplina est; conversionem injungens misericordię illicite. De ipso quoque habitu atque victu mandat, sacco, & cineri incubare, corpus sordibus obscurare, animum mœroribus dejicere, illa quæ peccavit tristi tractione mutare: cæterum, Pastum, & potum pura nosse, non ventris, scilicet, sed animę causa: plerumque verò jejuniis preces alere, ingemiscere, lacrymari, & mugire dies noctesque ad Dominum Deum tuum, Presbyteris advolvi, & charis Dei adgeniculari, omnibus fratribus legationes deprecationis suæ Injun-

gere. Hæc omnia exomologesis, ut Pœnitentiam commendat, ut de periculi timore Dominum honoret, ut in peccatorem ipsa pronuntians pro Dei indignatione fungatur, & temporali afflictione æterna supplicia, non dicam frustretur, sed expungat. Cùm igitur provolvit hominem, magis relevat: cùm squalidum facit, magis mundatum reddit: cum accusat, excusat, cum condemnat, absolvit. In quantum non peperceris tibi; in tantum tibi Deus, crede, parcet.

Porro quanta sit Confessionis dignitas, & virtus, quàm desiderandus, & admirandus ejus fructus, aperit inprimis Tertullianus cap. 8. de Pœnit. *Tantum relevat Confessio delictorum, quantum dissimulatio exaggerat*. Et paulo post initio cap. 9. *Exomologesis est, qua delictum Domino nostrum confitemur, non quidem ut ignaro, sed quatenus Satisfactio Confessione disponitur, Confessione Pœnitentia nascitur, Pœnitentia Deus mitigatur*. Deinde multis exagitat pudorem crimina sua publicè confitendi: præcipuum autem argumentum ab utilitate petit Confessionis, & reticentiæ damnis. *Ubi pœnitendum est, definit miserum, quia factum est salutare. Miserum est scari, & cauterio exuri, & pulveris alicujus mordacitate cruciari. Tamen, quæ per insuavitatem medentur, & emolumento curationis offensum sui excusant, & præsentem injuriæ supervenitur æ utilitatis gratia commendant*. Postea aliam eorum objectionem diluit: *Quid si præter pudorem, quem potionem putant, etiam in comodo corporis reforescunt?* &c. Origenes homil. 3. in Levit. Cõfessionis virtutem demonstrat duobus his Scripturæ testimoniis: *Die tu iniquitates tuas prior, ut justificeris*. Isaïa 43. *Dixi, pronuntiabo adversum me injustitiam meam, & tu remisisti impietatem cordis mei*. Ex quibus statim colligit: *Vide ergo, quia pronuntiare peccatum, remissionem peccati meretur*.

Præ-

Præventus enim diabolus in accusatione, altrà nos accusare non poterit : Et si ipsi nostri simus accusatores proficiat nobis ad salutem. Homilia autem 17. eundem Psalmi locum interpretans, subdit: *Si enim hoc fecerimus, & revelaverimus peccata nostra non solum Deo, sed & his qui possunt mederi vulneribus nostris, atque peccatis, delebuntur peccata nostra, &c.* Similiter Chrysostomus Homil. 20. in Genesim: *Qui hæc facit, si voluerit ad Confessionem facinorum festinare, & Medico ostendere ut ulcus, & omnia dicere cum diligentia, facili sua peccata emendabit. Confessio enim præteritorum, est absolutio delictorum.*

S. Pacianus parænesi ad Pœnitentiam multis agit adversus eos, qui pudore, ne peccata sua enuntiarent cohibebantur. *Peccator timebit, peccator erubescit, perpetuam vitam præsentis pudore mercari; & offerenti manus Domino, vulnera malè testis subducat? Et habet aliquid, quod in illo erubescat, qui Dominum læset, &c.* Atque ideo qui fratribus peccata sua non tacet, Ecclesiæ lacrymis adjutus, Christi precibus absolvitur. S. Ambrosius epist. 3. sæpius pudorem crimina confitendi à peccatoribus avertere tentat, veluti magnam salutis acquirendæ impedimentum, tandemque concludit: *Illos itaque sanavit, in quibus simplicem, & puram reperit Confessionem, nihil malignum, nihil fraudulentum.* Et initio enarrationis in Psal. 37. *Plurimum suffragatur reo verecundia Confessio, & pœnam, quam defensione non possumus, pudore sublevarum.* Capite verò 10. libri de Pœnitentia adversus eundem Confessionis pudorem urgens: *Hoc ergo in Ecclesiâ facere saluberrimum, ut Deo supplices, ut patre deum tibi ad Deum obsecrandum sanctæ plebis requiras, ubi nihil est, quod pudori esse debeat, nisi non fateri, cum omnes simus peccatores, ubi ille laudabilior, qui humilior; ille iustior, qui abjectior.* Iñius virtutis fundamentum explicat lib. 2. de

Cain, & Abel cap. 9. *Confessio pœnarum compendium est.* Inde in iudiciis secularibus impositi equuleo torquentur negantes, & quod quædam tangit Iudicem miseratio confitentis. *Est quædam in peccatis verecundia, & Pœnitentiæ portio crimen fateri, nec derivare culpam, sed recognoscere mitigat Iudicem pudor reorum, excitat autem pertinacia dementium.* Et serm. 10. in Psal. 118. *Didicisti cor esse mundandum, discere quemadmodum mundes. Mundas hunc fontem justificatio legitima, hoc est, Confessio peccatorum.* Denique publicanus ille, qui peccata propria fatebatur justificatus magis de templo, quàm Phariseus exiit.

S. Augustinus homil. 12. libri 50. Homiliarum. *Deus noster, quia pius est, & misericors vult ut ea confiteamur in hoc seculo, ne pro illis confundamur postmodum in futuro.* Si enim nos confitemur, ille parcat; si nos agnoscamus, ille ignoscit. Et enarratione in Psal. 66. *Ad hoc exigit Confessionem, ut liberet humilem: Ad hoc damnat non confitentem, ut puniat superbum.* Tristis esto antequam confitearis, confessus exulta, jam sanaberis. Nam confitentis conscientia saniem collegerat, & apostema innotuerat, cruciabat te, requiescere non sinebat. Adhibet Medicus fomenta verborum, & aliquando secat, adhibet medicinale ferrum in correptione tribulationis. *Tu agnosce Medici manum, confitere, exeat in Confessionem, & desuavet omnis sanies. Jam exulta, jam letare, quod reliquum est facili sanabitur.*

Similia habent ceteri SS. Patres, ut constabit ex hujus Sectionis decursu, quibus apertè constat, quanti faciendæ sit Sacramentalis hæc peccatorum accusatio, quàmque ab omnibus Christianis sit æstimanda. Nihilominus, ut boni, & æqui sunt osiores, & impugnatores hæretici, mirum esse non debet, quod modis omnibus hanc salutarem Confessionem exagitent. *Primo* namque

que in Concilio Constantienſi ſeſſ. 8. extat damnatus Vvicleſi hic Articulus ſeptimus: *Si homo debet fuerit contritus, omnis Confeſſio exterior eſt ſibi ſuperflua.* ſeſſ. 15. damnatur liber ejuſdem Vvicleſi, & Joannis Huſ, ubi legitur: *Grave eſt, & formidabile, Prebiterum audire Confeſſionem populi, modo quo Latini utuntur.* *Secundò,* Lutherus in diſſert. de Confeſſione, & Sacramento Eucharistiæ, triplicem diſtinguit Confeſſionem: *Prima* eſt Confeſſio fidei, quam Deo facimus: *Secunda* eſt charitatis, quæ fit ad proximum: *Tertia,* inquit, auricularis, quam Papa mandavit, eaque fit coram Sacerdote; eam Deus non præcepit, verum Papa ad eam cogit homines. Hanc tamen eandem auricularem Confeſſionem bonam eſſe docet ibidem duabus de cauſis: *Primò,* quia in Confeſſione pœnitens audit verba, Abſolutionis ſibi ſibi dicta ex ore Miniſtri Eccleſiæ, quibus verbis videtur docere Abſolutionem Miniſtri eſſe declarativam, non verò præticam: *Secundò,* quia pœnitens conſilium, & conſolationem percipit ex tali Confeſſione. Idem Lutherus lib. de Captivitat. Babyl. hæc habet: *Confeſſio, & Satisfactio egregia ſunt officina lueri.* Et infra: *Ocultæ Confeſſio, quæ modò celebratur, eſt probari ex Scriptura non poſſit, miro tamen modo placet, & utilis, imò neceſſaria eſt, nec vellem eam non eſſe; imò gaudeo eam eſſe in Eccleſia Chriſti; cum ſit ipſa aſſiſtiſ conſcientiis unicuique remedium. Hoc ſolùm deteſtor, eam Confeſſionem eſſe in tyrannidem, & expoſitionem Pontificum redactam.* In aſſertione octava Propositionis: *Dic, inquit, mihi, ubi præceptum eſt de venialibus conſtitendis Sacerdoti, quo jure, qua Scripturæ auctoritate Papa præcipere poteſt venialia ad Confeſſionem pertinere?* Et infra: *Impoſſibile eſſe, ut omnia mortalia peccata cognoscat, evidentiffimum eſt.* In aſſertione nona Propositionis: *Ita eſt cruentiffima, quæ hætenus tot miſeras con-*

ſcientias torſerunt omnium, & ſingulorum peccatorum diſcuſſionibus, eam pro ſe non habeant, nec tota quidem illius Scripturæ tyrannide propria, hæc onera importabilia hominibus imponentes.

Confeſſio Auguſtana docet, Abſolutionem privatam in Eccleſiis retinendam eſſe, quamquam in Confeſſione, non ſit neceſſario delictorum faciendæ enumeratio; eſt enim (ut illi placet) impoſſibilis enumeratio omnium delictorum, juxta illud: *Delicta quis intellegit?*

Calvinus lib. 3. Inſtitut. cap. 3. §. 4. *De Confeſſione,* inquit, *fuit ſemper ingens pugna inter Canonistas, & Theologos ſcholasticos, his contendentibus mandari divino præcepto Confeſſionem, illis reclamantibus, Eccleſiaſticis tantum conſtitutionibus præcipi; in eo verò certamine inſignis Theologorum impudentia apparuit, qui & loci Scripturæ depravarunt, & vi extorſerunt, quòd in rem ſuam citabant.* Addit §. 7. *Miror autem, qua fronte anſi ſunt contendere, Confeſſionem, de qua loquuntur, juris eſſe divini, cujus quidem vetuſtiſſimum eſt uſum, ſatemur, ſed quàm facilè convincere poſſumus olim fuiſſe liberam, certè nullam de ea ſtatutam fuiſſe legem, aut Conſtitionem ante Innocentii tertii tempora: eorum quoque Annales narrant.* Et §. 17. *Hæc carniſcina pluſquam crudeliter diſsecta ſunt eorum animæ, qui aliquo Dei ſenſu afficebantur.*

Confeſſio fidei Calvinistarum, art. 24. habet Confeſſionem auricularem, eſſe inventum humanum, quo jugum imponitur conſcientiis. Conſentiant ceteri Calvini ſectatores. *Petrus Martyr* in locis communibus, paragraphis 25. 27. & 28. Vvolphangus autem in locis communibus, Papiſticam, inquit, Confeſſionem, quam auricularem vocant, aſſerimus nec eſſe juris divini, nec fuiſſe in uſu Eccleſiaſtico, tum temporibus Apoſtolorum, & ſequentium Patrum, nec facere ad remiſſionem peccatorum.

An-

Antonius de Dominis lib. 5. Reipub. Ecclesiastica cap. 7. num. 43. multas Confessionis species distinguit, docetque, a liquam esse, per quam peccata subiiciuntur clavibus Ecclesiæ, hanc esse homini liberam, nec ulla lege divina, aut humana iustos ad ipsam adstringi, cum remedium peccatum habeat in Pœnitentia interna, quæ sola potest sufficere ad remissionem à Deo obtinendam.

Adversus quos omnes Errores nobis pugnandum est in sequentibus questionibus, quarum *prima* aperiet, utrùm Confessio sit necessaria jure naturali, & divino. *Secunda*, utrùm, & quando faciendi jure Ecclesiastico. *Tertia* qualiter fieri debeat. *Quarta* quis minister.

QUESTIO PRIMA.

Utrùm, & quomodo Confessio peccatorum sit necessaria?

Notandum *primò*, ut jam alibi diximus, quantum ad Sacramentorum administrationem, & perceptionem, duplicem distingui posse necessitatem; aliam quidem medii; aliam verò præcepti: Sacramenta illa dicuntur necessaria necessitate medii, sine quibus salus obtineri non potest: quoniam illa positivè conducunt ad ipsam salutem consequendam: Sic Baptismus est omnibus, & singulis hominibus omnino necessarius in re, vel in voto ad salutem, sicut & sacramentum Pœnitentiæ homini adulto lapsò in peccatum mortale post Baptismum, quia Sacramentum istud in re, vel in voto receptum conducit positivè ad primam gratiam, sine qua salus omnino non potest obtineri. Necessaria autem dicuntur ex præcepto, quæ videlicet ex peculiari Dei ordinatione præscribuntur: hæc autem necessitas iterum duplex est; alia quidem orta ex institutione, & præcepto Christi D. altera verò ex ordinatione, & præcepto Ecclesiæ: De utraque autem

Tom. X.

sermo est in præsentì: Queritur enim, utrum Confessio sit necessaria necessitate medii, & præcepti; idque de jure naturali, vel positivo.

Notandum secundò, ex subtili Doctore In 4. dist. 17. num. 3. & 4. quòd quemadmodum in speculabilibus sunt quædam principia, quorum veritas ex terminis nota est cuilibet intellectui terminos apprehendenti; ac subinde nota est etiam veritas, quæ ex ejusmodi principiiis notis evidentè elicitur: ita in practiciis, seu operabilibus sunt prima principia practica nota ex terminis, nec non & Conclusiones ex eis illatæ, putà Deum esse amandum, & colendum, nullamque ipsi irrogandam, ac faciendam esse injuriam: Unde, inquit „ Doctor, strictè loquendo nihil est „ aliud de lege naturæ, nisi principium, vel Conclusio demonstrata: sic „ tamen extendendo quoadque dicitur „ illud esse de lege naturæ, quod „ est verum practicum consonum principiiis, & conclusionibus legis naturæ, in tantum quod statim notum est „ omnibus, illud convenire tali legi. „ Et ex hoc patet, quòd non rectè loquitur Gratianus de jure legis naturæ, voleus illa quæ sunt in Scriptura veteris, vel novi Testamenti de lege naturæ esse: quia nec illa omnia sunt „ principia practica nota ex terminis, „ nec conclusiones practice demonstratæ: nec vera evidentè consona talibus principiiis, & conclusionibus: „ Exponendus ergo est, quod extendit „ jus naturale ad jus positum ab „ auctore naturæ, ut distinguitur contra „ jus positivum ab aliquo, qui non est „ author naturæ. Hinc tres distingui possunt gradus juris naturæ: in primo „ sunt principia practica nota ex terminis: in secundo sunt conclusiones, quæ ex ejusmodi principiiis eliciuntur evidentè. In tertio denique sunt illæ „ propositiones, quæ sunt equidem conformes principiiis practiciis: ex eis tamen

E e e

evi-

evidenter non inferuntur. Queritur autem, utrum Confessio, & accusatio peccatorum sit de jure naturæ alterutro ex his tribus modis.

Notandum tertio, jus divinum positivum, maxime fundari in divinis præceptis, quæ in Scriptura sacra tam veteris, quam novi Testamenti exarantur. Tales erant cæremoniæ legales servandæ in veteri lege ex Dei præcepto talia sunt etiam à Christianis frequentanda divina Sacramenta novi Testamenti, & à Christo D. instituta, & per Apostolos, ad nos usque propagata sunt. Quæcumque enim (inquit Doctor num. 4.) continentur in Scriptura, pro tempore pro quo sunt observanda, & tamen non sunt nota ex terminis, nec demonstrabilia ex talibus notis, nec tamen consona talibus veris evidenter, sunt merè de jure positivo divini: cujusmodi sunt omnes Cæremoniæ Judæorum pro tempore illius legis, & Christianorum pro tempore legis nostræ: nec enim est notum ex terminis, nec demonstratum, nec evidenter consonum talibus, quod Deus sit colendus in immolationibus bestiarum veteris legis, & hoc pro quocumque tempore: nec quod sit colendus in Cæremoniis nostris, puta in oblatione Eucharistiæ, vel cantu Psalmorum, licet ista sic sint consona legi naturæ, quod non repugnet. Hoc etiam patet, quia illa, quæ sunt de lege naturæ, sive propriè, sive extensive, semper sunt uniformia, non sic hujusmodi Cæremoniæ, quæ erant aliæ pro tempore alterius legis. Ita Doctor. Jus autem Ecclesiasticum illud est, quod fundatur maxime in Conciliorum oraculis, & summorum Pontificum decretis, ea probante, & recipiente universa Ecclesia. Hæc enim, inquit Doctor, multa insituit propter observantiam honestiorem in moribus, & propter reverentiam majorem in suscipiendis Sacramentis, & dispensandis,

quæ omnia sunt juris positivi Ecclesiastici.

Hinc triplex exurgit obligatio ad aliquid faciendum, nimirum vel ex jure naturæ, vel ex jure, & præcepto divino, vel ex præcepto, & jure Ecclesiastico. Porro de jure naturali, & divino sermo erit in præsentî questione; de Ecclesiastico autem in sequenti.

CONCLUSIO PRIMA.

Confessio Sacramentalis peccatorum non est faciendi jure naturæ: ita Doctor dist. 17. num. 5. Dico, inquit, quod non tenetur quis præcepto legis naturæ ad Confessionem peccati, de qua queritur: quia tunc hæc obligatio fuisset pro statu, vel tempore cujuscumque legis, quod falsum est: quia nec erat in statu innocentie, nec in statu legis Mosaycæ. Quasi diceret: Si homines tenerentur ad faciendam Confessionem de jure naturæ, eam deberent facere pro tempore cujuscumque legis: sed hoc falsum est; siquidem obligatio ad talem Confessionem non fuit in statu innocentie, nec in statu legis Mosaycæ: multò minus in statu, qui præcesserit eam legem, post primi hominis lapsum: igitur, &c.

Deinde, ex S. Isidoro lib. 5. Originum cap. 4. Jur naturale est idem apud omnes; & est commune nationum omnium, et quod non aliqua constitutione, sed instinctu naturæ ubique habetur. Similiter Cicero lib. 2. de Inventione: Naturale jus, inquit, est quod non opinio genuit, sed innata quedam vis inseruit. Sed Confessio non est ejusmodi; nec enim communis est apud omnes nationes, nec inseruit ab aliqua naturæ vi: Sacramenta enim sunt supra naturale rationis dictamen; sunt namque fidei protestationes; ac subinde debent ei esse proportionata: fides autem est supra naturalis rationis cognitionem; & consequenter Confessio non est faciendi de jure naturæ.

Denique, inquit Doctor, num. 8. non est notum de lege naturæ, quod unus ho-

homo sit iudex alterius, maxime super peccato occulto; siquidem homo non debet iudicare, nisi ea, quæ patent; homo enim iudicat secundum faciem; Deus autem intuetur cor; ac subinde non est pariter notum, quod unus homo alteri debeat suum revelare peccatum occultum.

Addit quoddam, talis debeat esse Confessio faciendæ, qualis est potestas absolvendi peccatum confessum: sed illa potestas non emanat ex iure naturæ, nec singulis hominibus est communis; sed provenit ex iure divino positivo, spectatque ad Sacramenti necessitatem, & administrationem; unde concessa est Apostolis à Christo, Joan. 20. Quorum remiseritis peccata: igitur, &c.

Obijciat primò: Adamus, Cain, & Job nulli alteri iuri, ac legi subijciebantur, quam iuri legi naturæ: sed illi tenebantur ad Confessionem faciendam; nam arguuntur Adam, & Cain, quod peccatum suum non fuerint confessi: Adamus quidem; glossa enim expendens illud Genesis 1. Adam ubi est? ait: Vox est increpantis, & Confessionem inquirentis: Cain similiter damnatur, quod interroganti Deo, Genes. 4. Ubi est Abel frater tuus? impudenter respondit: Nescio, num custos fratris mei sum ego? Denique Job. cap. 13. ait: Si abscondi, ut homo peccatum meum, & celavi in sinu meo iniquitatem meam: igitur, &c.

Distinguo minorem: Illi tenebantur ad Confessionem faciendam sacramentalem homini nego: ad profitendum peccata sua coram Deo cum animi demissione, & Contritione, concedo: Hinc damnatus fuit Adam, quod Adam, inquit Doctor num. 6. non debuit peccatum suum occultasse Deo; quia ipse est iudex, cui manifestum est omne peccatum, & coram quo quilibet reus debet recognoscere peccatum suum: & hanc Confessionem Dominus requisivit ab eo, quam non solum non fecit, sed peccatum

suum excusavit, retorquendo in mulierem, cum dixit: Mulier, quam dedi mihi sociam, &c. Unde illud non concludit, quod in illa lege esset Confessio faciendæ homini, licet esset faciendæ Deo increpanti. Hæc Doctor. Idem dicendū de Cain; nec non ad textum Jobi; loquitur enim sanctissimus hic Vir, non de manifestatione peccatorum, quæ fieret coram hominibus, sed de illorum declaratione, quæ fieret coram Deo; quæ quis se coram Deo peccatorem profitetur, & ab eo veniam exorat. Unde S. Gregorius lib. 22. Moral. cap. 9. Hæc, inquit, veræ humilitatis testimonia, & iniquitatem suam quemque cognoscere, & cogitantem vocem Confessionis aperire, at contra usitatum generis humani vitium est, & latendo peccatum committere, & commissum abscondere, & convictum defendendo multiplicare; ex illo quippe lapsu primi hominis hæc argumenta nequitæ ducimus, ex quo ipsam radicem traximus culpe.

Obijciat secundò: Præcepta, quæ communia sunt veteri, & novæ legi, sunt de lege naturæ; sed præceptum Confessionis est commune utrique legi: legi quidem Moysæ; etenim Levitici 16. Aaron, & filii ejus, Deo jubente tenentur confiteri peccata filiorum Israel: nam de Sacerdote offerente hircum dicitur: Posita utraque manu super caput ejus, confiteatur omnes iniquitates filiorum Israel, & universa delicta, atque peccata eorum. Similiter Josue 7. sic Josue Achan alloquitur: Fili mi, da gloriam Domino Deo Israel, & confitere, atque indica mihi quid feceris, ne abscondas. Unde Proverb. 18. Justus prior est accusator sui: igitur, &c.

Distinguo majorem: Quæ sunt communia utrique legi eodem modo, concedo: diverso modo, nego: licet autem peccati Confessio aliqua ratione esset præcepta in lege Moysæ; non tamen eodem modo præcipiebatur, ac in lege Evangelicæ: Quia, inquit Doctor num. 6.

Eccē 2 in

„ in tota lege Moſayca non fiebat iſta
 „ Confefſio, de qua loquimur, ſed de
 „ peccatis occultis tantum Deo fiebat
 „ Confefſio, de quibuſdam tamen de-
 „ ſectibus publicis, & obſervantia le-
 „ galium fiebat Confefſio, & uniufcu-
 „ juſque, quando ſcilicet offerebat pro
 „ tali delicto ſacrificium, & generalis
 „ Confefſio Sacerdotis, pro populo
 „ erat iſta: *Injuſtè egimus, peccavimus,*
 „ & huiuſmodi. Et iſto modo publica
 „ Confefſio Sacerdotis erat quædam
 „ diſpoſitio ad petendam miſericor-
 „ diam Dei populo; ſicut & modò in
 „ Eccleſia; non Confefſione iſta, de
 „ qua loquimur, conſitemur nos pec-
 „ caſſe, & petimus miſericordiam, &
 „ nobis, & toti populo. *Iſta Doct̃or.*
 „ Unde omnes Confefſiones, quæ fiebant
 „ in veteri lege, non erant Sacramenta-
 „ les, ſed erant dumtaxat peccati decla-
 „ rationes privatæ, vel publicæ, quæ fie-
 „ bant, aut coram Deo ad impetrandam
 „ veniam, vel coram legitimo Iudice ad
 „ iudicium formandum de aliquo admiſ-
 „ ſo crimine; quemadmodum Achan in-
 „ terpellatus eſt à Joſue, ut admiſſum à ſe
 „ crimen fateretur, quatenus de eo iuri-
 „ dica ferri poſſet ſententia.

„ *Obijcet tertio:* Omnis Concluſio, quæ
 „ ſequitur ex principiis naturalibus, eſt
 „ de lege naturali: ſed iſta Concluſio,
 „ (*homo tenetur conſiteri ſua peccata al-*
 „ *teri homini*) colligitur ex principiis na-
 „ turalibus: igitur eſt de lege naturali.
 „ Major patet ex dictis in primo nota-
 „ bili. Minor verò probatur: Principia
 „ hæc ſunt naturaliter nota; omnis reus
 „ eſt iudicandus per alium, & non per ſe-
 „ ipſum; quia nullus debet eſſe Iudex in
 „ cauſa propria: ſed non poteſt iudicari
 „ per alium, niſi apud illum accuſetur;
 „ nec poteſt apud eum accuſari, maxime
 „ de peccato occulto, niſi reus ipſe deli-
 „ ctum illud confeſſetur: igitur ex illis
 „ principiis notis per rationem natura-
 „ lem, & conformibus legi naturæ, ſequi-
 „ tur evidenter hominem debere conſi-

teri ſuum peccatum alteri, à quo iudi-
 cetur.

Reſpondet Doct̃or num. 7. conceden-
 do quidem iſta principia eſſe nota lu-
 mine naturali, aut ſaltem valde conformia
 propoſitioni notæ per lumen natu-
 rale, nempe quòd reus eſt iudicandus;
 quia nullum delictum relinquendum,
 eſt impunitum in univerſo, ſi eſt unus
 Rector Univerſi juſtus, quòd eſt notum
 naturaliter. Similiter notum eſt, quòd
 iudicandus ſit ab alio: ſed non eſt no-
 tum naturaliter quis ſit ille alius, niſi
 Deus. Unde pro omni ſtatu poſt lapſum
 omnes juſti, qui habuerunt fidem de
 Deo, quòd erat Rector Univerſi juſtus,
 poſtquam peccaverunt contra Dei le-
 gem, conſentitur Deo peccata ſua, pec-
 tentes ab eo remiſſionem, ſcientes eum
 ſine tali remiſſione tanquam juſtum ju-
 dicem vindicaturum de illo peccato:
 non eſt autem debeat ſe accuſare alteri
 homini, maxime de peccatis occultis:

„ Quia, inquit Doct̃or num. 8. nullus
 „ homo poteſt eſſe iudex peccati ho-
 „ minis, niſi ut miniſter ſummi Iudi-
 „ cis: hoc autem modo, ſcilicet eſſe Mi-
 „ niſtrum Iudicis in vindicando, vel
 „ puniendo peccatum commiſſum, ma-
 „ gis conſeſſum eſt unicuique reſpe-
 „ ctu ſui, quàm uni reſpectu alterius.
 „ Unicuique enim commiſit Deus, ut
 „ ſit miniſter Dei in vindicando pec-
 „ catum proprium, in inſigendo ſibi
 „ diſciplinam, & triſticiam pro illo
 „ peccato; non ſic autem noſum eſt,
 „ quòd conceſſerit alicui reſpectu al-
 „ terius. Et ſi arguas, quòd in Repu-
 „ blica humana unus eſt iudex alte-
 „ rius. *Reſpondeo*, verum eſt de illis,
 „ quæ poſſunt ſibi innoteſcere in illo ju-
 „ dicio, cujuſmodi ſunt peccata publi-
 „ ca.

CONCLUSIO SECUNDA.

Concluſio omnium peccatorum mor-
 talium eſt jure divino præcepta.
 Hæc eſt de fide determinata in Conci-
 lio

lio Tridentino sess. 14. can. 7. his verbis: *Si quis dixerit in sacramento Pœnitentiæ ad remissionem peccatorum, necessarium non esse jure divino confiteri omnia, & singula peccata mortalia, quorum memoria eum debita, & diligenti præ meditatione habeatur, etiam occulta . . . anathema sit.* Quam utique veritatem colligit cap. 5. ex institutione sacramenti Pœnitentiæ ita scribens: *Ex institutione sacramento Pœnitentiæ jam explicata universa Ecclesia semper intellexit, etiam institutum esse à Deo integræ peccatorum Confessionem, & omnibus post Baptismum lapsis jure divino necessariam existere; quia Dominus noster Jesus Christus à terris ascensurus ad cælos, Sacerdotes suipsum vicario reliquit, tanquam Præsides, & Judices, ad quos omnia mortalia erimina deferantur, in quæ Christi fideles ceciderint, una eum potestate elationum, remissionis, atque retentionis peccatorum sententiam pronuntient.* Constat enim Sacerdotes judicium hoc incognita causa exercere, non potuisse, neque aequitatem quidem illos in pœnis injungendis servare potuisse, si in genere duntaxat, & non potius in specie, ac sigillatim sua ipsi peccata declarassent, &c. Et postea in fine illius capitis damnat eos, qui dicunt, institutionem Confessionis esse ortam à Concilio Lateranensi: *Neque enim, inquit, per Lateranensem Concilium Ecclesia statuit, ut Christi fideles confiterentur, quod jure divino necessarium, & institutum esse intellexerat: sed ut præceptum Confessionis, saltem semel in anno, ab omnibus, & singulis, cum ad annos discretionis pervenitur, impleatur, &c.*

Plura etiam loca sacræ Scripturæ asserunt, sed potissimum est illud Joan. 70. ex quo Sacramenti institutionem, & Confessionis necessitatem colligit. Vis autem illationis, omisis aliis explicandi modis, consistit in eo, inquit Lugo, quod Christus constituerit Sacerdotes non solum judices arbitrarios, seu quos

pro suo arbitrio possent pœnitentes adire pro venia peccatorum; sed judices necessarios, sine quibus venia obtineri non possit: quod quidem potissimè colligitur ex illo verbo, *retinueritis*, seu ex potestate retinendi, quam simul cum potestate remittendi eis dedit; quam alibi Matth. 10. significavit per verbum alligandi; qui enim potestatem habet ligandi peccatorem, seu excludendi eum à Regno cælorum, non est judex arbitrarius, sed necessarius; quippe qui per negationem veniæ relinquit peccatorem exclusum à Regno cælesti; & ideo dicitur retinere peccata per negationem remissionis; & in eodem sensu dicitur accepisse claves cæli; quia quando alicui claves dantur domus clausæ, eo ipso fit medium necessarium recurrere ad illum, ut aliquis ingrediatur domum illam. Oportet ergo ut pœnitens pareat coram Sacerdote, tanquam coram Judice ad obtinendam veniam peccati.

Quod autem hac illatio sit legitima, colligitur ex SS. Patribus, maxime ex Hilario, qui can. 18. in Matth. ita scribit: *Ad terrorem metus maximi, quo in præseus omnes continentur, immobile severitatis Apostolicæ judicium præmisit, ut quos in terris ligaverit, id est, peccatorum nodis innexos reliquerit, & quos solverit, & Confessione veniæ receperit in salutem, hi Apostolicæ conditione sententiæ, in cælis quoque absoluti sunt, aut ligati.* Ubi Hilarius explicans modum, quo peccatorum nodi solvuntur ab Apostolis, utitur nomine Confessionis: & peccatorum alligationem exponit per relictionem nodorum peccati, seu veniæ carentiam, aut negationem, scilicet ex omissione Confessionis.

Ex Hieronymo Matth. 16. *Legimus in Levit. de Leprosi, ubi jubentur ut ostendant se Sacerdotibus, & si leprosum habuerint: tunc à Sacerdotibus munda fiant: non quod Sacerdotes leprosis faciunt,*

etiam, & immundos, sed quod habeant notitiam leprosi, & possint discernere qui mundus, aut immundus sit: quomodo ergo ibi leprosum Sacerdos mundum, vel immundum facit; sic & hic alligat, vel solvit Episcopus, & Presbyter, non eos, qui sunt insontes, aut innoxii; sed pro officio suo, cum peccatorum audierit varietates, scit qui ligandus sit, quive solvendus. Non ait, Hieronymus; scit qui ligatus sit, quive solutus; sed qui ligandus, quive solvendus sit. Nam impœnitentes ligat Sacerdos, pœnitentes solvit; non solutos, aut ligatos offendit: non potest autem peccatorum varietates audire, nisi per Confessionem.

Idem docet S. Augustinus lib. 50. homiliarum, homil. 49. cap. 3. ubi ait: *Si præter uxores vestras cum aliqua concubistis, agite Pœnitentiam; qualis agitur in Ecclesia, ut oret pro vobis Ecclesia. Nemo sibi dicat, occulte ago, apud Deum ago, novit Deus, qui mihi ignoscit, quia in corde ago: ergo sine causa dictum est: Quæ solveritis in terra, erunt soluta in celo; ergo sine causa sunt claves datæ Ecclesiæ Dei, frustramus Evangelium; frustramus verba Christi, promittimus vobis, quod ipse negat, nonne vos decipimus? &c. Et tract. 49. in Joan. expendens resurrectionem Lazari, ait: Quomodo processit ligatis pedibus, miraris, & non miraris, quia surrexit quatuor-duanum; in utroque potentia Domini erat, non viri mortui. Processit & adhuc ligatus est, adhuc involutus; tamen jam foras processit; quid significat? Quando contemnis, mortuus jaceris: quando confiteris, procedis: Quid enim est procedere, nisi ab occultis velut exeundo manifestari, sed ut confitearis, Deus facit magna voce clamando, id est, magna gratia vocando: ideo cum processisset mortuus adhuc ligatus, confitemi, & adhuc reus: ut absolverentur peccata ejus, Ministris hoc dixit Dominus: SOLVITE ILLUM, ET SINITE ABIRE: quid est, solvite, & sinite eum abire? Quæ solveritis in terra,*

erunt soluta & in celo. Quibus verbis S. Augustinus significat, quod Sacerdotes novæ legis non possint ex mandato Domini solvere pœnitentes ejus gratia suscitatos, nisi procedant è tumultu peccati per veram Confessionem: quemadmodum non potuerunt Discipuli solvere Lazarum, nisi foras è tumultu vocatus Christi D. voce processisset.

Similia loquitur S. Leo Epistola 49. aliâs 92. *Multiplex, inquit, misericordia Dei ita lapsibus subvenit humanis, ut non modo per Baptismi gratiam, sed etiam per Pœnitentiæ medicinam spes vitæ reparetur æternæ, ut qui regenerationis dotem violassent, proprio se judicio condemnantes, ad remissionem criminum pervenirent, sic divine Charitatis prædictis ordinatis, ut indulgentiæ Dei, nisi supplicationibus Sacerdotum, nequeat obtineri: Mediator enim Dei, & hominum homo Christus: Jesus Ecclesiæ præpositus tradidit potestatem, ut & consentientibus adionem Pœnitentiæ darent, & easdem salubri Satisfactione purgatos ad communionem Sacramentorum per januam reconciliationis admitterent. Porro quod per Confessionem Sacerdotibus ex jure divino faciendam, S. Leo illam intelligat, quæ secreta fieri solet, colligitur ex epist. 80. ad Episcopum Campaniæ, ubi inter varia scribit: Cum reatus conscientiarum suscipiat solis Sacerdotibus indicari Confessione secreta. Et infra: Sufficit illa Confessio, quæ primum Deo offertur, tum etiam Sacerdoti.*

Ratio hujus veritatis petitur ex institutione sacramenti Pœnitentiæ, qui enim finem aliquem, aut officium aliquod instituit, etiam censetur ea media instituisse, quæ necessaria sunt ad ejusmodi officium exequendum, & finem obtinendum: sed Christus D. sacramentum Pœnitentiæ instituendo, Sacerdotes ordinavit, ac constituit Judices peccatorum hominis baptizati, ut illa pro libito retinerent, vel solverent: non pos-

possunt autem judicare peccata esse remittenda, vel retinenda absque Sacramentali Confessione: nam, ut Judex legitimè, & juridicè reum absolvat, aut puniat, opus est, ut ipsius rei statum, crimen, & delicti gravitatem cognoscat: non potest autem hæc omnia nosse, maxime si illa crimina occulta sint, & latentia, nisi ipse pœnitens ea per Pœnitentiam manifestet; igitur, &c.

Deinde: Illud est jure divino necessarium ad salutem consequendam, quo prætermisso peccata mortalia post Baptismum commissa, non possunt remitti, & quo posito ex Christi institutione illa remittuntur: sed omnia Sacramentali Confessione peccata carent venia: quandiu enim retinentur ab eo, qui solus habet juridicam ea remittendi potestatem, tandiu non remittuntur; tandiu autem retinentur à Sacerdotibus, donec manifestata eis fuerint per Confessionem, & per absolutionem remissa: igitur ex Sacramenti Pœnitentiæ institutione rectè colligitur Confessionis necessitas ex jure divino.

Denique: Sacramenti Pœnitentiæ Minister debet servare quamdam æquitatem in injungendis pœnis, & satisfactionibus, juxta delictorum gravitatem: sed absque prævia Confessione non potest ejusmodi æquitatem servare; quippe cum sine ea non possit cognoscere peccatorum numerum, species, & circumstantias; ac subinde illa est de jure divino, sicut & ipsum Pœnitentiæ Sacramentum.

Has omnes rationes subtiliter, & egregie expendit Doctor *diff. 16.* ubi improbat sententiam Glossatoris in *diff. 5. de Pœnit.* proponentis varias opiniones de institutione Confessionis, ac dicentis eam institutam fuisse à quadam universalis Ecclesiæ traditione potius, quam ex novi vel veteris Testamenti autoritate: Sed, *inquit* Doctor, salva gratia sua irrationabiliter loquitur Glossator, turpe enim esset

Theologo dicere aliquid esse in Biblia, & nescire ubi illud inveniretur: & ita inconveniens debet esse Canonistæ dicenti, aliquid esse ex universalis Traditione Ecclesiæ, & non invenienti in Canone. Si Canon sufficienter continet universales Traditiones Ecclesiæ; non allegat autem aliquod capitulum Canonis istam Traditionem continens.

Item si hæc opinio vera esset, videretur quòd Papa non teneretur confiteri, quia par in parem non habet potestatem, &c. Improbata autem hac Glossatoris sententia, declarat Doctor num. 11. Confessionem esse faciendam ex præcepto divino positivo: quod urique colligitur ex Joan. 20. *Accipite Spiritum sanctum, quorum remiseritis peccata.* Hic, *inquit*, data est potestas Apostolis, & in eis omnibus Sacerdotibus remittendi peccata: non principaliter; quia hoc est proprium Dei; ergo ministerialiter, & arbitratiè, sed non possunt arbitrari in causa ignota: ergo est eis manifestanda causa, in qua debent arbitrari. Hæc manifestatio est Confessio: ergo ex ista collatione potestatis arbitrariæ Sacerdotibus in causa peccati, obligatur peccator ad accusandum se eis tanquam arbitris, quod est confiteri.

Si dicatur quod ratio bene concludit, quòd Sacramentum Pœnitentiæ est institutum à Christo, tanquam utile, & efficax, non tamen sequitur ex hoc, quod sit necessariò recipiendum, ut cadens sub præcepto: quia Extrema-Unctio est instituta à Christo, & Confirmationis Sacramentum, ut dictum est supra, & tamen neutrum est simpliciter necessarium, nec est præceptum de isto, vel illo recipiendo, & tunc ad formam argumenti, sunt Arbitri in causa peccati: ergo ad id debent se illis accusare.

ergo verum est, illi qui volunt se eorum.

ar-

arbitrio submittere, & se submittunt, ipsi habent bene potestatem arbitrandi; sed non sequitur; ergo alii necessitate præcepti tenentur se submittere eorum arbitrio.

Exemplum, quatuor sunt Sacerdotes, quorum quilibet habet auctoritatem absolvendi istum peccatorem, quilibet est completè arbiter ejus, quantum ad potestatem: non tamen tenetur se submittere cuilibet: sed uni tantum, cui voluerit. Et hoc confirmatur per hoc, quod Christus subiunxit: *Et quorum retinueritis, retenta sunt*, illud verbum non est præcisum; non solum enim illa peccata retenta sunt à Deo peccatori ad pœnam, quæ retenta sunt à Sacerdote: quia Sacerdos non retinet aliqua, nisi aliquo modo sibi accusata, licet signis indebitis Pœnitentiæ, & tamen illa, quæ nullo modo sunt offensa Sacerdoti, Deus retinet ad vindictam gehennæ: ergo nec istud verbum: *Quorum remiseritis, remittuntur, erit remissum*.

Unde neutri affirmationi adiunxit negativam denotantem remissionem factam ab Apostolis, vel retentionem esse præcisam respectu retentionis à Deo faciendæ: licet hæc responsio videatur multum probabilis, excludendo rationem præcepti ab isto verbo Joan. 20. *Quorum remiseritis*, &c. Tamen excludendo eam, ostenditur propositum dupliciter. Primo sic: Nulli committitur potestas judiciaria, vel arbitraria, nisi alicui imponatur necessitas submittendi se sibi: Sed Sacerdoti per se committitur hujusmodi potestas in causa peccati: ergo alicui ut sic imponitur necessitas submittendi se arbitrio ejus, & hoc per idem. Major probatur: quia nullus est Judex aliquis, in cujus scilicet judicandi voluntate est judicari ab isto Judice, vel non judicari: Tunc enim iste nul-

lam auctoritatem judicandi haberet, si iste potest judicari, si voluerit & non judicari, si noluerit. Ad quid enim est potestas judiciaria apud aliquem, nisi ut jus dicat in illum, quid tenetur parere juri? Tantummodò enim judicare per modum punitionis, si tu vells, non est judicare: Sed nec istud cogito: concedo enim, quod iste arbiter non tantum habet, ut possit dicere jus in causa ista, sed ex quo alius submittit se sibi, sua dictatio ligat, vel solvit istum: non sic autem dictatio alicujus scientis jus, & non habentis potestatem judicariam. Taliter ergo arguo sic: Quicumque primam gratiam amisit, tenetur de necessitate præcepti, & hoc illius; *Diliges Dominum Deum tuum*, &c. agere quantum in se est, ad ejus recuperationem, & etiam, virtute illius præcepti: *Diliges teipsum*; sed ipse peccator in peccato mortali amisit primam gratiam, & potest eam recuperare suscipiendo Sacramentum Pœnitentiæ ab illo arbitro: quia hoc est institutum, ut remedium efficax, ad recipiendam primam gratiam ex illo verbo Joan. 20. *Quorum remiseritis peccata*, &c. Et sic concluditur necessitas præcepti Confessionis, non ex isto verbo tantum, *Quorum remiseritis*, &c. sed ex isto, & illo præcepto, *Diliges Dominum Deum tuum*, &c. simul juncto. Si dicas, quod major est vera, quod tenetur ad aliquam viam, per quam possit gratiam recuperare, sed non ad istam terminatè, si alia sit possibilis: Nunc autem licet suscipere Sacramentum Pœnitentiæ, sit via utilis, tamen est etiam alia utilis; quia non probatur istam esse præcisam ad illam recuperandam.

Contra hoc, nulla alia est ita facilis, & ita certa; Hic enim non oportet, nisi non ponere obicem ad gratiam, quod multo minus est, quam

quàm habere aliquam Attritionem ,
 quæ per modum meriti de congruo
 sufficiat ad justificationem , ut di-
 ctum est suprà *dist.* 14. Potest etiam
 aliquis esse magis certus , quod non
 ponat obicem , quàm quòd habeat
 Attritionem sufficientem , quâ per
 modum meriti de congruo ; quia
 probabiliter potest scire , se tunc non
 peccare actualiter peccato interiori
 vel exteriori , & intendere recupera-
 re , quod Ecclesia intendit in illo Sa-
 cramento conferre ; non sic potest
 scire , se habere Attritionem suffi-
 cientem , ut meritum de congruo ad
 justificationem. Tunc hanc majorem
 accipio : Ubi est via facilior , idest
 magis in potestate hominis , & cer-
 tior ad gratiam recuperandam , tene-
 tur quilibet ad illam viam : ita quod
 non amissa illa attentet aliam diffi-
 ciliorem , & incertior : quia tunc
 exponeret se periculo salutis suæ , &
 videretur esse contemptor propriæ
 salutis . Sed illa via suscipiendi Sa-
 cramentum Pœnitentiæ est magis
 possibilis homini , & certior ad præ-
 mam gratiam recuperandam : ergo
 ex illo , unde istud habet efficaciam ,
 & ex illo præcepto dilectionis Dei , &
 sui ipsius tenetur quis ad istam . Ista
 ratio si concludat præceptum de
 Confessione haberi ex Evangelio ex
 illo verbo : *Quorum remisistis pec-
 cata* , &c. Et illo : *Diliget Dominum* ,
 &c. Bene quidem : si autem , saltem
 hoc concludit ; quòd præceptum de
 Confessione facienda , est valde ra-
 tionabile pro multitudine : quia etsi
 aliqua persona possit habere aliquod
 remedium speciale , tamen de isto
 remedio , quod communitati est possi-
 bilius , & certius rationabiliter , da-
 tur præceptum etiam omnibus in
 communitate , ut dictum est supra
 de Baptismo , quòd licet aliquis ha-
 beat Baptismum fluminis , sine Ba-
 ptismo fluminis , tamen quia Baptis-

Tom. X.

mus fluminis est remedium facile , &
 certum præceptum de hoc pro tota
 communitate , est valde rationabile ,
 & ita ad minus habebō , quod ratio-
 nabiliter fuisset datum præceptum ,
 generaliter de Confessione facienda .
 Si omnino contendas , quòd per
 rationes positas in isto membro , non
 probatur fuisse datum ex verbis E-
 vangeli : nunquid dicemus secun-
 dum , scilicet quòd illud præceptum
 habetur ex verbis alicujus Apostoli ?
 Dicitur quòd sit de illo verbo Jacobi
 5. *Confitemini alterutrum peccata* :
 Sed nec per hoc videtur mihi , quod
 Jacobus præceptum hoc dedit , nec
 præceptum à Christo promulgavit .
 Primum non : unde enim sibi autho-
 ritas obligandi totam Ecclesiam ,
 cùm esset Episcopus Ecclesiæ Hiero-
 solymitanæ ; Nisi dicas illam Eccle-
 siam in principio fuisse principalem ,
 & per consequens ejus Episcopum ,
 principalem Patriarcham : quòd non
 concederent Romani , nec quod illa
 autoritas proprio ore tempore illo
 erat sibi substracta . Nec secundum
 videtur ; quia Apostoli publicantes
 præceptum Domini in Scripturis
 suis utebantur modo loquendi , per
 quem potuit innotescere , quòd erant
 præcones Christi , ut patet per illud
 Pauli 1. ad Cor. 7. ut quando vult
 publicare illud præceptum Domini
 de non dimittenda uxore , dicit : *Præ-
 cipio non ego , sed Dominus* , &c. quan-
 do autem vult facere propriam per-
 suasionem , dicit de cohabitatione
 viri conversi ad fidem cum sua uxore
 infideli verè converso : quia hoc licet
 sine contumelia Christi , non tamen
 est necessarium : *Dico ego , non Do-
 minus* : alioquin non posset Ecclesiæ
 constare , quòd ipse præco publicaret
 præceptum , nisi ex præcedentibus ,
 vel sequentibus manifestaret , se esse
 in illa publicatione præconem . U-
 trumque etiam membrum simul pro-

F f f f

ba-

„ batur per illa verba annexa, dicendo
 „ enim: *Confitemini alterutrum*, non
 „ magis dicit, Confessionem facien-
 „ dam esse Sacerdoti, quam alii. Sub-
 „ dit enim, *et orate pro invicem, ut*
 „ *solvemini*: ubi nullus diceret ipsum
 „ instituisse, vel promulgasse præce-
 „ ptum divinum; sed intellectus ejus
 „ est sicut in illo verbo, *Confitemini*
 „ *alterutrum*, persuasio ad humilita-
 „ tem, ut scilicet generaliter nos confi-
 „ teamur apud proximos peccatores,
 „ juxta illud: *Si dixerimus, quia pec-*
 „ *catum non habemus, nosmetipsos se-*
 „ *ducimus*, &c. Ita persecundum per-
 „ suadet ad charitatem fraternam, ut
 „ scilicet per fraternam charitatem
 „ subveniamus nobis invicem. Appa-
 „ ret ergo, quod non esse de jure divi-
 „ no promulgato per Scripturam Ec-
 „ clesiasticam. *Hæc Doctor*, quibus
 „ aperte probat Confessionem esse de ju-
 „ re divino.

Quoniam autem non solum ratio-
 nibus, sed maxime ex perpetua, & conti-
 nenti Ecclesiæ Traditione pugnandum
 est adversus hæreticos hujus temporis,
 affirmantes, quod Confessio fuerit dum-
 taxat instituta ab Innocentio III. in
 Concilio Lateranensi; idcirco con-
 gruum judicavi nonnullas ex plurimis,
 quas habent Controversiæ Concilio-
 rum, & SS. Patrum autoritates, hic
 adducere.

Probat itaque divina Confessionis
 institutio ex Conciliis: *Primo* quidem
 ex Laodicæno Can. 2. sub Sylvestro
 Papa anno 319. *His, qui diversorum*
peccatorum lapsus incurrerunt, et ora-
tioni, Confessioni, Penitentia insunt,
malorum suorum perfectam conversio-
nem demonstrantes, pro qualitate pecca-
ti, tempore Penitentia tribuendum est.
 Ea Confessio, in qua pro qualitate pec-
 cati Penitentia tempus est tribuendum,
 hominibus in specie fieri debet.

Ex sexta Synodo in Trullo, Can. 102.
Operet eos, qui solvendi, et ligandi

potestatem acceperunt à Deo, peccati
qualitatem considerare, et ejus, qui pec-
cavit, ad eam conversionem promptum
studium: et sic morbo convenientem af-
ferre medicinam, ut si de peccato sine
crimine statuant; aberrant in agroti sa-
lute: non enim simplex est peccati mor-
bis, verum varius, et multiformis, plu-
rimisque propaginibus subpallians, ob
quas malum longè, latèque diffunditur,
ac serpit, quousque tandem virtuti me-
dicamenti resistat; ergo qui voluerit
ostendere quantum valeat in spiritali
medendi arte, oportet attentè rimari,
qualiter affectus sit, qui peccavit, an
ad salutem inclinet, an contrà, mori-
bis, quibus familiaritate assuevit ad-
versus agritudinem propcet, inspicere;
 sed id absque Confessione peccato-
 rum occultorum fieri non potest à Sa-
 cerdote:

Ex Carthaginensi 3. cap. 31. *Ut pœ-*
nitentibus secundum peccatorum diffi-
rentiam Episcopi arbitrio Penitentia
tempora discernantur: at ea differentia
 peccatorum absque Confessione spe-
 ciali fieri non potest.

Ex primo Cabilonensi Can. 8. *ut pœni-*
tentibus a Sacerdotibus, subla Confessio-
ne videretur Penitentia, universis Sa-
cerdotum noscitur conventire. Ex secundo
 Cabilonensi Can. 31. circa annum 813.
Sed et hoc emendatione indigere perspe-
ximus, quod quidam, dum confitentur
peccata sua Sacerdotibus non plene id fa-
ciunt: quia ergo constat hominem ex dua-
bus esse substantiis, anima videlicet, et
corpore, et interdum animi motu, inter-
dum carnis fragilitate peccatur, solerti
indagatione debent inquiri peccata, ut
ex utrisque sit plena Confessio, scilicet
ut confiteatur, et ea quæ per corpus gesta
sunt, et ea, quibus in sola cogitatione
delinquitur.

Ex Turonensi tertio circa tempus idem
 habito Can. 22. *Episcopis, et Presbyteris,*
 diligenti cautela pertractandam esse,
 qualiter hominibus sibi sua delicta con-
 fi-

stentibus tempore abstinendi adscribant.

Ex Maguntino sub Archiepiscopo Rabano ann. 347. can. 26. *Ab infirmis in mortis periculo positis per Presbyteros pura inquirenda est Confessio, non tamen eis imponenda quantitas Penitentiae, sed innoscenda.*

Ex Vormacenſi circa annum 868. cap. 25. *Penitentibus secundum differentiam peccatorum, Sacerdotis arbitrio, Penitentia determinatur: ergo Sacerdos in imponenda penitentia singulorum causas, originem, modumque peccatorum examinare debet, & effectus gemitusque delinquentium, temporum, etiam, & personarum, locorum, & statum qualitates, ut per considerationem delictorum, & gemituum uniuscujusque delinquentis à sacris regulis oculos non deflectat.*

Adde Lateranenſi sub Innocentio III Can. 21. *Constant. sess. 3. Florent. in lausit. Arianorum. Trident. supra.*

Ex tot Conciliis veteribus, & novis, in tam diversis temporibus, & locis, Ecclesiae totius unanimi consensu patet, Confessionis necessitatem antiquissimam esse, nec aliunde suam originem habere, quam à Deo: nam ex Augustino regula 14. de Bapt. cap. 24. *Quod universa tenet Ecclesia nec à Concilio institutum, sed semper retentum est, non nisi auctoritate Apostolica traditum reliquissimè creditur, at universa semper Ecclesia tenuit Confessionem istam, ut ex Conciliis patet, & patebit ex Patribus; nec ea necessitas initium habuisse legitur ab illis Conciliis, aut Pontificum decretis: Licet enim annua Confessio præcepta sit in Lateranenſi, tamen ipsa Confessio non incipit in eo, sed solum tempus præscriptum est, quo fieri debet Confessio peccatorum, quæ jure divino necessaria est, ut ait Tridentinum sess. 14. cap. 5.*

Probatum secundum ex SS. Patribus, primò namque S. Irenæus Apostolorum ævo proximus, lib. 1. cap. 9. de quibusdam feminis ab hæretico Marco seduc-

tis, ait: *Hæ converse ad Ecclesiam Dei confesse sunt, & secundum corpus exterminatas se ab eo veluti cupidine, & inflammata valde se illum dilexisse. Et de Diaconi uxore ab eo corrupta cum magno labore fratres eam convertissent, omne tempus in exomologesi consummavit, plangens, & lamentans, ob eam, quam passa est ab eo Mago corruptelam. Et lib. 3. cap. 4. Cerdon in Ecclesium sæpe veniens, & exomologesi faciens sic consummavit, modò quod est latenter docens, modò exomologesi faciens. S. Irenæus agit ibi de latente hæresi Cerdonis, & occulta cupiditate, seu corruptela mulierum, quæ sine speciali Confessione detegere non poterant.*

Ex Tertulliano lib. de Penitentia, c. 11. *Peccator restituendo sibi institutam à Domino exomologesi, sciens præteritis illam, quæ Babylonicum Regem in regna restituit? Non agit de Confessione, quæ soli Deo fiat, agit enim de illa, quam aliqui præ pudore fugiunt, ut hominum notitiæ suæ subducant peccata: Nam ait cap. 10. Plerisque Episcopos ut publicationem sui suffugere, aut de die in diem differre possint, pudoris magis memores quam salutis; velut illi qui in partibus verecundioribus corporis contritià vexatione conscientiam medentium vitant, & ita cum erubescencia sua pereunt. Equidem agit de Confessione publica, sed quæ fiebat post secretam; agebatur enim sæpè publica Penitentia, neque tamen aperiiebantur in specie peccata, nisi Sacerdotibus: nam sola publica publice erant confitenda; secreta nemo publicè confiteri covebatur; ac Tertullianus agit de peccatis occultioribus.*

Ex Origene Homil. 2. in Psal. 37. *Operes peccatum non celare intrinsecus: fortasse enim, ut ii, qui habent inclusam escam indigestam, aut humoris, & phlegmatis copiam stomacho imminuentem si vomerint, relevantur: ita ii, qui peccaverunt, si occultant, & retinent intra*

se peccatum, intrinsechi urgentes, & pro-
modum suffocantur ab plegmate, vel
humore peccati: si autem ipse accusator
sui fiat, dum accusat semetipsum, & con-
fiteatur, simul evomit delictum, & omnem
morbi causam: tantummodo circumspice
diligentiùs cui debeat confiteri peccatum
tuum: proba priùs medicum, cum debeat
causam languoris exponere, qui seiat in-
firmari cum infirmante, flere cum flente,
qui consolendi, & compatiendi noverit
disciplinam; ut ita denum si quid ille
dixerit, qui se priùs, & crudum medi-
co offenderit; & misericordem, si quid
consilii dederit, fuciat, & sequaris, si
intelleneris, & videris talem esse languo-
rem tuum, qui in conventu totius Ecele-
sticæ exponi debeat, & curari; ex quo for-
taffi, & ceteri adificari poterunt, & tu
ipse facillè sanari. Multa hoc delibera-
tione, & satis perito Medici illius consi-
lio procurandum est.

Et Homil. 3. in Leviticum: Multa sunt
in Evangelio remissionis peccatorum. Sep-
tima, dura, & laboriosa per Pœnitentiam
remissio peccatorum est, cum lavat
peccator lacrymis suis stratum suum, &
sunt ei lacrymæ panis die ac nocte, &
cum non erubescit Sacerdoti Domini in-
dicare peccatum suum; & querere me-
dicinam, secundum eum, qui ait: Dixi,
pronuntiabo adversum me injustitiam,
meam Domino, & remisisti impietatem
cordis mei. Et ibidem: Omni genere
pronuntianda sunt, & in publicum profe-
renda cuncta, quæ eximus; si quid in oc-
culto gerimus; si quid in sermone solo;
vel etiam infra cogitationum secreta,
commisimus, cuncta necesse est publicari,
& proferri: proferri non ab illo, qui, &
accusator peccati est, & inceptor; ipse
enim nunc noi, ut peccemus, infligat;
ipse etiam, cum peccaverimus, accusat:
si ergo in vita præveniant eum, & ipsi
nostri accusatores finiri, nequitiam dia-
boli inimici, & accusatoris nostri fugi-
mus. Sic enim, & alibi Propheta dicit:
Dic tu iniquitates tuas prior, ut iustifi-

ceris. Et Homil. 17. in Lucam: Si pec-
caverimus, debemus dicere: Peccatum
meum notum tibi feci, & iniquitatem
meam non abscondi, si enim revelaveri-
mus peccata nostra, non solum Deo, sed,
& iis, qui possunt mederi vulneribus no-
stris, & peccatis, delebuntur ab eo, qui
ait: Ecce deleo ut nubem iniquitatis tuas.

Ex Cypriano serm. de Lapsis: Confite-
antur singuli, quæso fratres, delictum
suum, dum adhuc qui deliquit in seculo
est, dum admitti Confessio ejus potest, dum
satisfactio, & remissio sulca per Sacerdo-
tes apud Dominum grata est.

Ex Basilio Breviorum regularum 188
Necessariò iis peccata aperiri debent,
quibus credita est dispensatio mysterio-
rum Dei; sed hi in Evangelica lege sunt
Sacerdotes.

Ex Ambrosio 1. de Pœnit. cap. 6. Si
vis iustificari, fateere delictum tuum: sol-
vit enim criminum nexu verecunda Con-
fessio peccatorum.

Ex Paciano parnensi ad Pœnitentiam: Vos primum appello fratres, qui
criminibus admissi Pœnitentiam recusa-
tis: vos inquam, post impudentiam timi-
dos, post peccata verecundos, quæ peccata
non erubescitis erubescere confiteri...
Rogo per illum Dominum, quem occulta
non fallunt, definite vulneratum tegere
conscientiam, prudentes ægri Medici
non verentur, ne in occultis quod est pur-
tibus sicatorum, & percussuros... Nunc
ad cor sermo fit, qui bene ac sapienter
vulnera sua Pœnitentia nomine consten-
tur, nec quid sit Pœnitentia, nec quæ
vulnere medicina, noverunt: simile-
que sunt iis, qui plagas aperiant, & tu-
morem medicis affidentibus consentunt;
sed admoniti, quæ sint imponenda negli-
gunt, & que bibenda fastidiunt.

Ex Innocentio primo epist. 1. ad De-
centium Episcopum Eugubinum cap. 7.
De pondere æstimando delictorum Sacer-
dotis est judicare, ut attendat ad Confes-
sionem pœnitentis, & ad sletu atque la-
crymas corrigentis, ac tum jubere dimit-
ti;

si; cum viderit congruam Satisfactionem; id abique speciali Confessione fieri non potest :

Ex Augustino Homil. 41. ex 50. Non solum post Pœnitentiam à vitio homo servare se debet, sed, & ante Pœnitentiam, dum sanus est: quia si ad ultimum vita steterit, nescit si ipsam pœnitentiam accipere, ac Deo, & Sacerdoti peccata sua confiteri poterit.

Ex Leone epist. 91. ad Theodorum: Jesu hanc Ecclesiæ præpositi tradidit potestatem, ut, & confitentibus adionem Pœnitentiæ darent, & eosdem salubri satisfactione purgatos ad Communionem Sacramentorum per januam reconciliationis admitterent.

Ex Sorzomeno 7. Hist. cap. 19. Cum prorsus non peccare natura sit humana diviniis, pœnitentibus veniam dare Deus jussit, & ad impetrandam veniam, peccata confiteri necesse est.

Ex Gregorio Homil. 26. in Evang. Lazarus dicitur, veni foras, ac si aperte cuilibet in culpæ merito diceretur, cur reatum tuum intra conscientiam abscondis? foras jam per Confessionem egredere, qui te inferius per negationem lateat. Veniat itaque foras mortuus, id est, culpam confiteatur peccator, venientes foras solvant Discipuli, ut Ecclesiæ pastores ei penam debeant amovere, quam meruit, qui non erubuit confiteri quod fecit.

Ex Beda ad illud Jacobi 5. Confitemini alterutrum, ait; Quotidiana levique peccata alterutrum æqualibus confiteamur, eorumque credamus oratione salvari: porro gravius lepræ immunditiam, juxta legem, Sacerdoti pendamus & ad ejus arbitrium qualiter, & quanto tempore jusserit, purificaverimus.

Ex Rabano Episcopo Moguntino lib. 7. in Eccles. Qui transgreditur mensuram in concupiscentiis carnis, & aggravatur eis, necesse est per Confessionem peccatorum fœditatem evomat, & sic per jejunium, & castigationem corporis ad statum pristinum sanitatis redeat,

Ex Bernardo serm. ad milites templi cap. 12. Quid de Bethphage dicam ubi Confessionis Sacramentum, & Sacerdotalis ministerii mysterium, continetur? Si Confessio Sacramentum divini juris est... Verbum in corde peccatoris, operatur salutiferam Contritionem, verbum in ore noxiam tollit confusionem, ne impediat necessariam Confessionem: igitur etiam in corde compunctis est necessaria Confessio, ait Sacerdotibus... non absolvant etiam compunctum, nisi viderint, & confessum.

REPONUNT Hæretici, Concilia, & SS. Patres nomine Confessionis faciende intelligere dumtaxat vel solam Confessionem generalem, & indistinctam, qualis sit in Primæ officio, & initio Missæ ac Completorii; vel solum loquuntur de publica peccatorum Confessione, qualis in Ecclesiæ primordiis erat in usu fidelium frequentissima; neutra autem ejusmodi Confessionum est de jure divino necessaria; quippe cum ex Ecclesiastica tantum institutione fieri debeat; unde pro varietate temporum, & Ecclesiarum diversimodè sit hac utraque Confessio: igitur, &c.

Contra, SS. Patres, & Concilia eam commendant Confessionem ex Christi D. institutione, qua Sacerdos audiat peccatorum varietates, & differentias, etiam eorum quæ occulta, & prorsus in animo latentia sunt: ac subinde loquuntur solum de Confessione publica, & indistincta.

Deinde, Confessio publica fiebat tantum coram Sacerdote Pœnitentiariorum publicis Confessionibus, & Pœnitentis fidelium excipiendis præfecto: at SS. Patres loquuntur de Confessione facienda non uni dumtaxat Sacerdoti, siquidem Origenes monet diligenter esse circumspicendum, cui Sacerdoti velut Medico, fiat Confessio, ac ex plurimis quæ re prudenter, ac peritior, cui animi languores, & infirmitates exponantur.

Adde

Adde quod unus dumtaxat Sacerdos præfectus erat excipiendis Confessionibus publicis: unus autem non sufficiebat ad excipiendas omnes Confessiones fidelium unius civitatis.

Denique, publica Confessio supponebat aliam secretam factam apud Sacerdotem, quæ expenderet, quæ peccata præmitens cum propria utilitate, & edificatione Ecclesiæ deberet publicè propalare: Unde, ut refert Sozomenus infra laudandus, Sacerdos ille Penitentiaris debuit esse prudens, & secretorum tenax, ut præscriberet quæ peccata declarare, seu retinere deberent, & ut Confessionis sigillum in oculis criminibus tegendis prudenter ac religiosè fervaret: igitur nec Concilia, nec SS. Patres loquuntur de publica, & indistincta Confessione.

Reponunt secundo, Patres, & concilia, ubi sermonem faciunt de Confessione privata, & secreta, solum innuere eam esse in usu de consilio ad solatium, & instructionem simplicium, non verò de præcepto divino, & in remedium peccati.

Contrà: Patres, & Concilia loquuntur de ea Confessione, quæ necessaria erat ad obtinendam remissionem peccatorum, & solvendos eorum nexum: nam Tertullianus lib. de Pœnit. can. 9. *Confessione peccatorum*. inquit, *tantum relevas, quantum exaggeras dissimulatio*. Et cap. 10. *An melius est, damnum latere, quam palam absolvi... si de Exomologesi retractat, gubernam in corde, confidera, quam exomologesis extinguit*, &c.

PROFONUNTUR AC SOLVUNTUR HÆRETICORUM ARGUMENTA.

Objiciunt primò Hæretici varios Scripturæ textus, quibus probantur, non esse necessariam peccatorum Confessionem ad obtinendam eorum veniam, nec in lege Evangelica

esse præceptam: *Primò*, quia spondet Deus Ezechielis 8. quod quoties ingemuerit peccator, vita vivet, & Deus iniquitatem ejus non recordabitur amplius. *Secundò*, longè suavior est, ac levior observantia Legis Evangelicæ, quàm Mosaicæ; juxta illud Christi D. Matth. 23. *Jugum meum suave est, & onus meum leve*: sed in veteri lege Judæi non tenebantur ad confitenda sua peccata sigillatim, ut eorum veniam obtinerent: igitur nec ad id adigi debent Christiani. *Tertiò*, non aliter Sacerdotes novæ legis debent peccata remittere, quàm Christus remisit; siquidem sunt Christi D. Ministri, ac pro eo legatione funguntur: sed quoties Christus D. peccata remisit, non requisivit præviam eorum Confessionem: & specialem accusationem, ut constat exemplo Magdalene, Paralitici, Cananeæ: igitur nec opus est, ut penitentes singulorum peccatorum enumerationem faciant coram Sacerdotibus, ut ab eis absolvantur: sed satis est, ut generatim se peccatores profiteantur, & veniam à Deo per illorum ministerium exorent.

Nego consequentiam, & ad primum dico, veniam promitti peccatori ingemiscienti, & facienti præcepta, quæ Deus servanda statuit, pro quolibet peccati lege, concedo: non implenti hujusmodi præcepta, nego; sic in lege veteri servandæ erant quedam ceremoniæ legales, & faciendæ oblationes, ut quis aliquorum peccatorum veniam consequeretur; sic pariter in nova, ut quis ejusmodi remissionem obtineat, oportet quòd recurrat ad receptionem Sacramentorum, quæ pro eluendis peccatis ordinata sunt, nec gemitus, & lacrymæ quidpiam penitenti prodesse possunt, nisi illa Sacramenta suscipiat in re, vel in voto; alioqui ad eluendas iniquitates non esset necessarius Baptismus; & homo salvari posset sine præceptis actibus Fidei, Spei, & Charitatis; quod utique absurdum ultro nobis sum

fatentur hæretici; Itaque nisi quis confiteatur peccata in re, vel in voto, non ingemiscit ut par est; quippe cum nolit suis vulneribus, & morbis ea sibi applicare remedia, quæ Deus absolute necessaria ordinavit.

Ad secundum dico: Confessionis obligationem non officere, quin Lex nova longe sit facilior, & levior Moysæ; siquidem in nova Lege cum præmissa peccatorum remissione sufficit cordis Attritio juncta Sacramento ad obtinendam remissionem, quæ utique Attritio in veteri Lege erat insufficient: opus enim erat Contritione perfecta, quæ ita firmam, ac constantem peccati detestationem exigit, ut fortè pauci fuerint in illa lege, in qua non ita uberior gratia exuudabat, qui illam perfectam Contritionem excrecerent.

Insuper: Confessionis difficultatem, & onus allevat, & emollit utilitas, inquit Concil. Trident. sess. 14. cap. 5. scribens: *Ipsa verò hujusmodi Confessionis difficultas, ac peccata detegendi verecundia, gravis iæm videri posset, nisi tot, tantisque commodis, & consolationibus levaretur, quæ omnibus dignè ad hoc Sacramentum accedentibus, per absolutionem certissimè conferuntur.* Hæc autem commoda, seu utilitates ex peccatorum declaratione percipiendas eleganter aperit Tertullianus lib. de P. nit. ca. 12. scribens: *Si de exomologesi retractas gehennam, in corde considera, quam tibi exomologesi extinguet, & pœnæ prius magnitudinem imaginare, ut de remedii adceptione non dubites.* Descriptis postea inferorum cruciatibus, colligit labores illos penitenciales lubenti animo subbeundos, eo quòd his remediis avertimus æterna supplicia nobis parata: *Igitur eum scias adversus gehennam post prima illa intinctionis Dominicæ monita, esse adhuc in exomologesi sicunda subsidia, cur salutem tuam deseris? cur cessas argui, quod scias mederi tibi?* Quæ postea multis persequitur.

Simili ratione penitentes exhortatur ad Confessionem, & Satisfactionem. S. Pacianus. *Si de cruciatu Exomologesi retractatis, gehennam recedemini, quam, vobis Exomologesi extinguet.* Deinde variis similitudinibus dolore gehennæ, descripto, quando & quomodo extinguatur docet Fideles: *Mementote, Fratres; quia apud inferos Exomologesi non est, nec Penitentia tunc tuius poterit consumpto tempore penitendi. Festinate, dum in vita estis, &c. Per Ecclesiæ fidem rogo vos, Fratres, per sollicitudinem meam, per communes omnium animas obtestor, & deprecor, ne pudeat in hoc corpore, ne pudeat, ne pigeat opportuna, quam primum remedia salutis invadere, dejicere maroribus animum, sacco corpus involvere, &c. In quantum pœnæ vestra non percipistis, in tantum vobis Deus parcat.* Si laborum actorum memoria jucunda est, ut proverbium fertur; quanto magis laborum, quorum tantus fructus, tam ampla merces.

Adde quòd illud Confessionis onus totum cedat in penitentis emolumentum: quippe cum nihil timendum habeat ex ejusmodi declaratione peccatorum facta Sacerdoti, qui tenetur strictissimè ad servandum sigillum, & insuper habet illam animi tranquillitatem, ac fiduciam peccata sua esse divinitus remissa, quando maxime omnem quam potuit, adhuc diligentiam, ut illa detestaretur, & confiteretur: quam enim non habeat perfectam Contritionem, sufficit, quòd habeat Attritionem, per quam ejus animus revocetur à peccato, nec obicem ponat efficacitati Sacramenti.

Ad tertium dico. quòd etiam Sacerdotes non absolvant peccata, nisi auctoritate sibi à Christo delegata, & commissa; inde tamen non est consequens, quòd eodem modo deleant peccata solvere, quo Christus D. hic enim cum haberet plenariam auctoritatem, & independentem; cumque optimè nosset

om-

omnes hominum actus, & affectus, poterat sine ulla prævia accusatione particulari peccata dimittere, sicut & gratis condonare, non exigendo aliquam satisfactionem; non sic autem est de Sacerdotibus novæ legis, qui cum à Deo delegati sint Iudices, non solum pro solvendis, sed etiam pro retinendis peccatis, nec non & præscribendis pœnis, juxta majorem, vel minorem peccatorum numerum, & gravitatem, necessum est, ut distinctam eorum notitiam habeant: illam autem habere non possunt, maxime de peccatis occultis, nisi pœnitens ipse illis manifestet per confessionem; igitur ad id necessaria est Confessio.

Obijciunt; secundo plurimas SS. Patrum auctoritates, quibus significari videtur, peccatum etiam in nova lege posse remitti, vel sine ulla Confessione, vel saltem cum sola Confessione Deo facta, non autem homini: Sic S. Ambrosius lib. 10. in Lucam cap. 22. Petrus doluit, inquit, & flevit, quia erravit ut homo; non invenio quid dixerit, invenio quod fleverit, lacrymas ejus lego, satisfactionem non lego: sed quod defendi non potest, abluí potest; lavant lacrymæ delictum, quod voce pudor est confiteri. Similiter S. Augustinus lib. 10. Confessionum cap. 3. *Quid mihi est cum hominibus, ut audiant Confessiones meas, quasi sanari sint omnes languores meos? curiosum genus hominum ad cognoscendam vitam alienam, desiderium ad corrigendam suam.* Idem declarat S. Prosper lib. 2. de vltâ contemplativa cap. 7. *Illi, inquit, quorum peccata humanam notitiam latent, nec ab ipsis confessi, nec ab aliis publicata, si ea confiteri, aut emendare noluerint, Deum, quem habent testem, habituri sunt, & ultorem, quod si ipsi Iudices fiant, & veluti sue iniquitatis ultores; si in se voluntariam penam severissime animadversionis exerceant, temporalibus pœnis mutabunt æterna supplicia, & la-*

crimis ex vera cordis compunctione, fluentibus resinguent æterni ignis incendia: Censet igitur quod etsi peccatores sua peccata non confiteantur, dummodò ea detestentur, & desinant, eorum veniam obtinebunt.

Insuper Beda lib. 5. in Lucam ca. 69. expendens illa Christi D. verba, quibus alloquens leprosos à se miraculo mundatos, ait: *Ostendite vobis Sacerdotibus, sic illa exponit: Nullum Dominus eorum, quibus hæc corporalia beneficia præstavit, invenitur misisse ad Sacerdotes, nisi leprosos: quia videlicet Sacerdotibus Judæorum figura erat Sacerdotis futuræ regalis, quod est in Ecclesia; quo conscribantur omnes pertinentes ad Corpus Christi summi, & veri Principis Sacerdotum. Et quisquis heretica pravitate, vel superstitione gentili, vel judaica perfidia, vel etiam schismate fraterno, quasi vario colore per Christi gratiam carnaris, necesse est ad Ecclesiam veniat, coloreque fidei verum, quem acceperit ostendat. Cætera verò rečia tanquam velleitudinis, & quasi membrorum animæ, atque sensuum per semetipsum interitis in conscientia, & intellectu Dominum sanas, & corrigit. Igitur Beda censet, quod alii non debent necessarîo confiteri Sacerdotibus, quàm qui lepræ spiritalis immundicia laborant, ut ait ipse supra Jacob. 5. id est, si qui inficiuntur hæresi; Judaismo, gentilitate, schismate: cætera verò vult Absolutione Sacerdotis non egere vitâ; proindeque nec vocari Confessione: mutuis coræqualium; id est, fratrum quorumvis precibus expiari, & à Christo interiorius in conscientia, & intellectu sanari, & corrigi. Igitur ex his omnibus liquet, Confessionem Sacramentalem non esse omnibus præscriptam, nec necessariam jure divino.*

Nego consequentiam. Et ad S. Ambrosium respondet Doctor dist. 17. num. 39. „ posse dici, quòd tempore negotiorum, nis Petri sacramentum Pœnitentie non

„ non fuit institutum, sed post Resurrectionem, quando Christus dixit
 „ Discipulis suis: *Accipite Spiritum*
 „ *sanctum, quorum remisistis, &c.* &
 „ ideo non tenebatur pro tunc ad
 „ Confessionem, nec post institutionem
 „ Sacramenti adhuc tenebatur,
 „ quia jam ante Resurrectionem per
 „ aliud remedium fuit peccatum suum
 „ deletum. Et similiter responderi potest
 „ de infidelitate omnium Discipu-
 „ lorum in Passione Christi, quod non
 „ tenebantur post ad Confessionem:
 „ quia post Resurrectionem pœnitue-
 „ runt ante institutionem sacramenti
 „ Pœnitentiæ; & hæc bene confirmant,
 „ quod Confessio non erat de lege natu-
 „ ræ, nec Mosayca. Ad illa autem
 „ verba S. Ambrosii: *Lacrymæ lavant*
 „ *delictum, quod voce pudor est confiteri*,
 „ dicit Doctor, illa non esse sic intelli-
 „ genda, quod sine Confessione pudō-
 „ rosa in actu, vel habitu lavetur deli-
 „ ctum, sed Contritio potest esse tanta,
 „ quod in ea etiam ante Confessionem
 „ deleatur peccatum, quod tamen est
 „ ita grave, quod Confessio ejus se-
 „ quens est pudorosa. *Hæc Doctor.*

Quibus verbis significat *primò*, mi-
 rum non videri, quod Petrus, ut suum
 delictum elueret, recursum non habue-
 rit ad sacramentum Pœnitentiæ: quia
 tunc temporis nondum erat institutum;
 sed tantum post Resurrectionem.

Secundò, quod Petrus, instituto post-
 modum Sacramento, non debuerit con-
 fiteri, quia jam virtute suæ Contritionis
 peccati veniam obtinuerat. *Tertiò*,
 quod lacrymæ Petri Confessionem ali-
 quam delicti continebant; sic enim
 contingit interdum, quod reus alicujus
 sceleris, ubi ab alio convincitur, lacry-
 mis suum fatetur delictum, quod voce
 non audet promere: tales erant Petri
 lacrymæ, quæ ipsius delictum manife-
 stabant; nam, ut ibidem observat S. Am-
 brosius, maluit Petrus suum fateri pec-
 catum, ut justificaretur fatendo, quam

Tom. X.

gravare negando; justus enim in prin-
 cipio accusator est sui; & ideo flevit:
 verecundæ lacrymæ sine Oratore,
 numquam loquuntur: lacrymæ crimen
 sine offensione verecundiæ fatentur.
His adde quod Christus D. cum haberet
 supremam potestatem remittendi pec-
 cata, potuerit Petro pœnitentiæ, & lu-
 genti condonare delictum absque ulla
 Confessione, & ulteriori satisfactione.

Ad S. Augustinum dico, illum ibi ser-
 monem non instituisse de Confessione
 sacramentali, sed de Confessione satis-
 factoria præteritorum scelerum per Ba-
 ptisma remissorum, & instituta in eum
 finem, ut inde misericordia Dei magis
 provocetur, ac sollicitetur ad conferen-
 dam gratiam, necnon ut laudibus, ac
 gratiarum actione celebretur, & Fide-
 lis quisque per hujusmodi Pœnitentiæ,
 ac satisfactionis exemplum ad emenda-
 tionem vitæ, & spem veniæ provocetur.
 Talis est illa Confessio publica, quam
 ipsemet S. Augustinus de omnibus suæ
 vitæ delictis tredecim libris Confessio-
 num exaravit, ut videlicet ad acio-
 rem, & majorem cordis compunctio-
 nem stimuletur, ampliorem Deo sa-
 tisfactionem exhiberet, & miram in se
 Dei misericordiam omnibus commen-
 daret.

Ad S. Prosperum dico, illum ibi solum
 intelligere publicam Confessionem,
 quam absolute non esse necessariam,
 „ pronuntiat: addit enim: Hi qui in
 „ aliquo gradu Ecclesiastico constituti
 „ aliquod occulte crimen admittunt,
 „ Deum sibi facilius placabunt; illi qui
 „ non humano convicti judicio, sed
 „ ultrò crimen cognoscunt: qui aut
 „ propriis illud Confessionibus pro-
 „ bant, aut nescientibus aliis, quibus
 „ occulti sint, ipsi in se voluntariæ ex-
 „ communicationis sententiam ferunt
 „ & ab Altari, cui ministrabant, non
 „ animo, sed officio separati, vitam
 „ tauquam mortuam plangunt. Quod
 autem reverà ibi sermonem faciat tan-

G g g g

tum

tum de Confessione publica, qua multitudini peccata declarantur, aperte liquet per hæc verba (*nescientibus aliis*). Quibus significat, quod abique huiusmodi Confessione publica aliquando dimittantur, non tamen sine Confessione privata, qua peccatores dici possunt etiam sibi ipsis esse iudices, & ultores propriæ iniquitatis: quia priusquam ad sacramentale Tribunal accedant, suum ipsi peccatum agnoscunt, & desinunt, & iniunctas à Sacerdote penas à seipsis exigunt.

Tandem ad *Bedam* respondeo, cum illis verbis excludere tantum Confessionem publicam, quæ debet toti Ecclesiæ fieri ab eo, qui communem Ecclesiæ fidem impugnât, quales sunt, qui hæretica pravitate, vel superstitione Gentili, vel Judaica perfidia, vel schismate Ecclesiæ infestant; qui omnes, ut veniam obtineant, tenentur publicam Confessionem, & Pœnitentiam agere. Cætera autem vitia privata non debent ita publicè revelari, sed satis est, quod Sacerdoti in privata Confessione aperiantur, ut ejusmodi morbos Dominus corrigat, mediante videlicet ipso Sacerdote, qui Dei vice fungitur, & per cujus ministerium Deus omnia confessa crimina remittit, & sanat.

Obijciunt tertio: Si Confessio esset de jure divino, nusquam de ea necessariò faciendâ fuisset in Ecclesia dubium: sed à plurimis dubitatum est de necessitate Confessionis: Gratianus Canonum Collector dist. 1. de Pœnitentia querit: *Utrum sola cordis Contritio, & secreta Satisfactio, absque oris Confessione quisque possit Deo satisfacere.* Sunt enim qui dicunt, quemlibet criminis veniam sine Confessione factâ Ecclesiæ Dei Sacramentali iudicio posse promereri. Insuper idem ad Canonem *Omnis*, in eadem, dist. ait: *Non ergo in Confessione peccatum remittitur, quod jam remissum esse probatur:* sit itaque Confessio ad offen-

sonem Pœnitentiæ, non ad impetrationem veniæ. Et sicut Circumcisio data est Abrahæ in signum Justitiæ, non in causam justificationis: sic Confessio Sacerdoti offertur in signum veniæ acceptæ; non in causam remissionis accipiendæ. Et ad Can. *Quamvis* ... in eadem dist. Gratianus, allatis in utramque partem Canonibus, subiungit: *Quibus auctoritatibus, vel quibus rationum firmiter utraque sententia Satisfactionis, & Confessionis innitatur, in medium brevitè exposuimus:* cui autem horum potius adhaerendum sit, lehoris iudicio reservatur: utraque enim fautores habet Sapientes, & Religiosi viros: Igitur non semper compertum fuit in Ecclesia, Confessionem oris, & Sacramentalem fuisse necessariam ad salutem.

Nego consequentiam: Omnes enim auctoritates, quas profert Gratianus directè, & expressè non impugnant Confessionem particularem, sed publicam; quantum autem ad illius propriam sententiam, non abnuo, ipsum hac in re fluctuasse. Unde Gregorius XIII. in Bulla emendationis Decreti significat apertè, Gratianum, & alios auctores juris Canonici in aliquos errores incidisse, veniam tamen utcumque donandos, quod ipsorum ætate res illa nondum erat apertè definita, sicut innotuit post definitionem Oecumenicorum, Conciliorum Lateranensis, Florentini, & Tridentini, quibus illi antiquiores erant, scripsit enim Gratianus Decretum circa annum Domini 1150.

Adde quod ex omnibus Canonibus, & auctoritatibus à Gratiano contra necessitatem Confessionis citatis, nullus est Canon, qui evinceat apertè necessariam non esse Confessionem; nullusque est, qui non facile possit explicari, vel de Confessione publica non faciendâ pro omnibus peccatis, vel de remissione peccati obtinendâ per Contritionem cordis, & animi Confessionem soli Deo factam ante Confessionem sacramen-

mentalem; quod utique non negamus.

Urgent: Illa Confessionis necessitas non fuit semper comperta, & rata in Ecclesia, cujus observantiam plurima Ecclesia necessarii tenendam non censuerunt: at ita est de observantia Confessionis: Græci namque illam soli Deo faciendam esse asserunt, ut docet ipsemet Gratianus in cap. ult. de Pœnit. distinct. x. ex Theodoro Archiepiscopo Cantuariensi natione Tharsensi, ac subinde apud Græcos enutrito, quem, inquit Baronius ad annum 668. Vitalianus Papa misit in Angliam. Hic autem scribit in suo Pœnitentiali: *Quidam Deo solummodo confiteri debere peccata dicunt, ut Græci: quidam verò Sacerdotibus confitenda esse percensent, ut tota ferè Sancta Ecclesia. Quod utrumque non sine magno fructu intra sanctam sit Ecclesiam: ita dumtaxat ut Deo, & hoc perfectiorum est (qui ut Glossa ibi, non habent nisi venialia, unde non indigent oris Confessione speciali) ut cum David dicamus: Delictum meum cognitum tibi feci, & iniquitatem meam non abscondi. Dixi confitebor adversum me iniquitatem meam Domino, & tu remisisti impietatem peccati mei. Sed tamen Apostoli institutio nobis sequenda, est, ut confiteamur alterutrum peccata nostra, & oremus pro invicem, ut salvemur. Confessio itaque, quæ soli Deo fit, quod est Justorum, purgat peccata; ea verò quæ Sacerdoti fit, docet qualiter ipsa purgentur peccata: Deus namque salutis, & sanctitatis Author, plerumque præbet hanc suæ Pœnitentiæ medicinam invisibili administratione, plerumque medicorum operatione, id est, Absolutione Sacerdotum. Ita Theodorus.*

Respondeo, omisiss variis aliorum responsionibus, illas voces (ut Græci) videri imperiti Scoliaſtis ignorantia ex margine, cui præfixæ fuerant, in textum Gratiani irrepsisse: hæ enim voces non

habentur in Capitulari, nec in Can. 32. Concilii Cabilonenſis ſecundi ſub Leone III. qui Canon totus ex Theodori Pœnitentiali ſumptus videtur. Cujus utique reſponſionis indicium eſt, quòd in Concilio Florentino, ubi actum eſt de iis omnibus, in quibus Græci à Latinis deficiebant; nulla facta eſt mentio de non frequentata à Græcis Confessione: niſi quòd Eugenius Papa quæſivit ab aliquibus Græcis doctioribus, cur eorum Sacerdotes ante ſacrificii celebrationem ſua peccata non confiterentur: ac ſi ſuppoſuiſſet Eugenius ibi Confessionem oris apud vulgum Græcorum in uſu fuiſſe, quando de ſolis eorum Sacerdotibus eos interrogabat.

Adde quòd, Arcudius Græcorum Rituum peritiſſimus, agens de ſacramento Pœnitentiæ, ſcribit eum apud Sacerdotes Græcos abuſum non conſtitendi propter ſeveritatem Canonum Pœnitentialium introduc-tum eſſe; quia in variis Canonibus Pœnitentiæ, quos reſert, decernitur Episcopis, & Sacerdotibus ob certa quædam peccata, quibus accidebat, ut plerique ſuſpenſi manerent ab officio, dum ea confitebantur.

Præterea, Græci inter Schiſmaticos, eruditiffimi quidam, aju-t eam Confessionem inter ſuos obtinere. Nicolaus Cabasilas in explicatione Liturgiæ cap. 29. docet aperte Confessionem ſacramentalem ita ſcribens: *Srimus, poſt mortem Chriſti, etiam fide & Pœnitentia, & Confessione opus eſſe, & Sacerdotum oratione; nec poſſit homo ſolvi à peccatis, niſi hæc præceſſerint.* Hieremias Patriarcha Conſtant. in Orientali cenſura Confessionis Auguſtanæ cap. 11. Lutheranos arguit, quòd negarent Confessionis neceſſitatem; nam ita ſcribit. *Dicimus eum, qui conſitetur tunc demum perfectam peccatorum ſuorum conſequi curationem, ſi peccata omnia, omneſque eorum partes, quantum animus illi ſufficit, & quantum meminiffe poteſt, cum*

contrito, & humiliato corde recensuerit, atque confusus fuerit, feceritque omnia, quæ maximè illi peccatis, quæ admisit, aduersantur, ut arrogantiam humilitate corrigat.

Sed estò sint ex voces (ut *Græci*) in Canone Theodori, nihil aliud inde sequitur, ex eo quòd indefinitè tribuat eum Græcis errorem, nisi quòd aliqui Græci in eo fuerunt errore, fortè soli Sacerdotes respectu sui; non autem inferri potest, illam apud Græcos omnes obtinuisse consuetudinem. Imò Nicephorus Cartophilax ait, eam confitendi consuetudinem apud Græcos antiquissimam fuisse, in epistola scilicet ad Theodorum de potestate ligandi, & solvendi, cujus fragmentum extat tomo 3. Bibliothecæ Patrum, ubi sic habet: *Omnes olim oportebat ad ipsos Pontifices accedere, suaque illis occulta prodere, & sic vel reconciliationem, vel repudium ferre. Ignoro autem qui factum sit, cur hæc minus observentur, quamvis exillimo Pontifices negotii tadio, frequentique multitudinis turbulentia defatigatos, id operæ ad Monachos transisse, ad eos scilicet, qui verè probati sunt, aliisque valeant esse utiles. . . . Si quis expertus sit, & homo frugi, & cum hoc Sacerdotio fungatur, ad illum inprimis accedendum est.*

Quorumcumque verò Græcorum sit error ille, non probat eum Theodorus, sed improbat omnino: *Primò*, quia contrariam opponit ei totius Ecclesiæ doctrinam, dum ait: *Quidam Deo solum confiteri debere peccata dicunt, ut Græci, quidam Sacerdotibus, ut tota ferè S. Ecclesia, nam particula (ferè) paucos solum excipit Græcos, qui licèt hoc errore, & aliis quibusdam etiam gravibus impliciti, nihilominus adhuc in Ecclesia tolerantur. Secundò*, particula (ferè) videtur adscititia; non enim habetur apud Ivonem Carnotensem, par. 15. decreti cap. 155. nec apud Burcardum lib. 19. cap. 149. apud quos ille

Canon invenitur, his solis verbis, *ut tota sancta Ecclesia. Tertiò*, Theodorus ut approbet Ecclesiæ totius dogma de necessitate confitendi Sacerdotibus, ait utrumque, putà soli Deo confiteri, & confiteri Sacerdotibus, intra S. Ecclesiam non sine magno fructu fieri; quia nempe Confessio, quæ fit Sacerdoti supponit eam, quæ soli Deo fit ex humilitate, & Contritio cordis. *Quartò*, contrarias in specie sententias, quarum altera dicit, uni Deo confitendum, altera Sacerdotibus etiam esse confitendum, ita conciliat, ut perfectis, id est, iustis, & iis, qui nullius peccati mortalis consciis sibi sunt, uni Deo confiteri sufficiat, nec opus sit confiteri Sacerdotibus; aliis verò, nempe qui mortali peccato sunt infecti, necesse sit Sacerdoti confiteri, quare nobis institutionem Apostoli sequendam asserit. *Ita dumtaxat*, inquit, *ut Deo, qui remissor est peccatorum, peccata nostra confiteamur, & hoc Perfectiorum est, seu Iustorum, ut ait postea, sed tamen Apostoli institutio nobis sequenda est, ut confiteamur alterutrum peccata nostra: vel, ut habetur in Capitulari; quod utrumque non sine magno fructu intra sanctam sit Ecclesiam: ita dumtaxat, ut & Deo, à quo est remissio peccatorum, confiteamur; & secundum Apostoli institutionem confiteamur alterutrum.*

Urgebis: Ex eodem Canone videtur negari efficacitas Confessionis externæ factæ Sacerdoti: sic enim scribit: *Confessio itaque, quæ soli Deo fit, quod est Iustorum, purgat peccata; ea verò, quæ Sacerdotibus fit, docet qualiter ipsa purgentur peccata: igitur Confessio facta Sacerdoti non auferit peccata.*

Nego consequentiam: Illis enim verbis non negatur efficacia Confessionis, sed determinatur modus, quo tolluntur peccata, quasi dicat: Solus Deus est, qui ut Author principalis, & causa princeps remissionis condonat peccata; modus autem, quo communiter illa con-

tondonat, est Confessio facta Sacerdoti; unde statim subjungit : Deus namque salutis, & sanctitatis Author, & largitor, plerumque hanc præbet suæ Pœnitentiæ medicinam invisibili administratione, plerumque medicorum operatione: quod ita dictum observant illius Decreti emendatores, ut ille Canon operationis appellatione, doceat ordinarium purgandi modum esse per Sacerdotis Absolutiones : Deus enim (inquit ad marginem) ut continuo subjungitur, sanitatem largitur, plerumque medicorum operatione, non dicit autem sola dumtaxat ostensione.

Insunt iterum. Quæ fuerit Canonistarum sententia, non potest evidentius innotescere, quàm ex Glossa Joannis Teutonicus: sed ille dist. 5. de Pœnit. in principio docet humano jure peccatorum Confessionem esse introductam; ait enim : *Videndum est ergo, quando Confessio oris instituta fuit: dicunt quidam, institutam fuisse in Paradiso statim post peccatum, dicente Domino ad Adam, Adam ubi es? Ideo enim quaesivit, ut ipso confiteretur peccatum daretur forma aliis impossibilium confitendi; sed quia in illa interrogatione Dominus minus expressè videbatur ad confitendum monuisse; ideo post exquisivit à Cain, fratricida expressius, ubi est frater tuus? Alii dicunt, quod sub lege primo fuit instituta, quando Josue præcepit Achanerimen suum confiteri, & lapidatus est. Alii dicunt, quod in novo Testamento à Jacobo dicente: CONFITEMINI ALTERUTRUM PECCATA VESTRA: Sed melius dicitur eam institutam fuisse à quadam universali Ecclesiæ Traditione potius, quàm ex novi, vel veteris Testamenti auctoritate: & Traditio Ecclesiæ obligatoria est, ut præceptum. Unde colligit: ergo necessaria est Confessio in mortalibus apud nos, apud Græcos non: quia non emanavit apud illos Traditio talis, sicut nec confiteantur in arimis, sed in fermentatis.*

Nego antecedens: Non enim, inquit Doctor dist. 17. num. 9. Ecclesia tentasset tam arduum præceptum imponere omnibus Christianis, nisi esset præceptum divinum: vel quia non invenitur ubi ab Ecclesia imponatur istud præceptum, quin ante hoc Sancti reputarunt, hoc præceptum de Confessione obligare; si enim allegatur illud Capitulum, *Omnis utriusque sexus*, patet quod illud est Innocentii III. in Concilio Lateranensi: sed ante illud tempus per multos annos fuit Augustinus plusquam per octingentos annos, qui prædicavit Confessionem valde esse necessariam. . . . Nec Canonista facili inveniret aliquod Concilium, vel præceptum propriè, ubi exprimitur præceptum de Confessione, faciendâ, sicuti hic loquimur. Unde colligit Doctor, ipsum Glossatorem *irrationaliter loqui*; turpe enim esset Theologo dicere, aliquid esse in Biblia, & nescire ubi illud inveniretur, & ita inconveniens debet esse Canonistæ dicenti aliquid esse ex universali Traditione Ecclesiæ, & non invenire in Canone, si Canon sufficienter continet universales Traditiones Ecclesiæ: non allegat autem aliquod Capitulum Canonis ad istam Traditionem; sed tantum post subdit, quod Traditio Ecclesiæ est obligatoria.

OBJICITUR, ET EXPENDITUR FACTUM NECTARII.

Objiciunt quartò: Si Confessio reverà esset de jure divino, à nullo Ecclesiæ Pastore meritò posset abrogari: sed Nectarius Episcopus Constantinopolitanus abrogavit Confessionem auricularem in Ecclesia sua, ob scandalum aliquod ortum ex Confessione nobilis ejusdam mulieris, ut constat ex Sozomeno lib. 7. historiæ cap. 16. ubi

rcm

rem sic narrat : In Ecclesia Constantinopolitana presbyter penitentibus deputatus hoc munere functus est, donec mulier quaedam nobilis ob peccata quae confessa fuerat, ab hoc presbytero jejungere ac Deo supplicare iusta, & ob ipsam causam quod in templo morosa, se ab homine Diacono constupratam prodidisset. Hoc autem cognito vulgus ut ob contumeliam Ecclesiae illatam indignabatur, acerbissimisque calumniis premebantur Sacerdotes. Nectarius itaque perplectus, quodnam huic infortunio remedium adhiberet, stupratorem ipsum Diaconatu privavit, & consulentibus quibusdam, ut unicuique liberum permitteret, prout ipse sibi conscius esset, & consideret ad mysteriorum communionem accedere, Penitentiarum illum Presbyterum exautoravit. Subjicit ; Ipsum morem alias Orientales Ecclesias fuisse imitatas. Ex quibus colligit Calvinus lib. 3. Institut. c. 4. num. 7. *Si lex Dei erat auricularis Confessio, qui ausus est Nectarius tam evigere, ac convellere ? Nectarium sanctum Dei hominem, omnibus veterum suffragiis probatum, haereticos, & schismaticis accusabunt ? Sed eodem calculo damnabunt Ecclesiam Constantinopolitanam, in qua consistendi morum, non ad tempus modo dissimulatum fuisse, sed ad suam usque memoriam obsolevisse narrat Sozomenus ; imò non Constantinopolitanam, sed Orientales omnes Ecclesias defensionis reas agant, quae inviolabilem (si verum dicunt) legem, & Christianis omnibus mandata neglecterunt.*

Nego minorem : Nam, ut præclare docent Bellarminus, Suarez dist. 17. q. 2. Valquez q. 90. art. 1. dub. 3. &c. *Primo*, negari potest factum istud : Tum, quia ut declarat S. Gregorius lib. 6. Epistolarum cap. 159. Historia Sozomeni à Sede Apostolica non admittitur, quod multa mentiat : Tum, quia Sozome-

nus ipse cum esset Novatianis Penitentiae Sacramenti hostilis impense adductus, potuit illam historiam, ut eorum parti studeret, gratis confingere : Tum, quia ipse non refert abrogationis huiusce Penitentiarum Sacerdotis historiam, & seriem, ut rem suo tempore certam, & constantem, sed ut rem controversam, de qua varii variè sentiunt ; aut enim : *Quid autem hoc sit, aut unde sumpserit originem, aut quam ob causam id sublatum fuerit, alii forsitan aliter referunt : ego autem quid mihi videatur, explicabo.* Quibus verbis significat, se narrare rem, non quam viderit, aut à testibus fide dignis acceperit ; sed ut illam probabiliorē judicabat : Verum quoniam Nicephorus lib. 12. hist. c. 20. & Socrates lib. 5. suae historiae cap. 19. hujus facti à Nectario historiam referunt ; idcirco.

Respondeo secundo, Sozomenum non asserere abrogatam fuisse à Nectario Confessionem auricularem, & Sacramentalem, ut contendit Calvinus, utpote cum ibidem illam esse necessariam ad impetrandam veniam asserat : sed dumtaxat refert abrogatam fuisse Confessionem publicam, nec-non, & morem illum Ecclesiasticum, quo Penitentiarum Sacerdos ad crimina publica, & graviora excipienda designatus, discernebat ea, pro quibus publica Penitentia esset agenda, ab illis pro quibus non esset publicè penitendum : quem utique morem propter illud subortum scandalum Nectarius abrogavit.

Quòd autem haec fuerit Sozomeni sententia, apparet ex verbis, quae ante illa in objectione scribit : *Quoniam, inquit, non peccare, divinum esse, & ultra humanam naturam cognoscitur : Penitentibus autem, quamvis frequenter deliquissent, veniam dare Deus iusserit, & ad impetrandam denique veniam, confiteri peccata necesse sit ; odiosum, ut credibile est, Sacerdotibus ab initio visum fuit,*

tan-

„ tanquam in theatro, audiente Eccle-
 „ siæ multitudine, delicta pronuntia-
 „ re. Presbyterum itaque aliquem, vi-
 „ tæ integritate maximè spectabilem,
 „ secretorum etiam tenacem, ac sa-
 „ pientem huic officio præfecerant, cui
 „ accedentes, qui peccaverant, acta vi-
 „ tæ suæ confitebantur: ille verò, pro
 „ cuiusque delicto, quid aut facere sin-
 „ gulos, aut luere oporteret, intermi-
 „ natus absoluebat, ut à se ipsi com-
 „ missorum pœnas exigenter. At No-
 „ vatianis quidem, quos Pœnitentiæ
 „ nulla cura frangit, isto nihil opus
 „ fuit: in ceteris autem sectis in hunc
 „ usque diem durat. Sollicitè autem in
 „ occidentalibus Ecclesiis, & maximè
 „ in Romana servatur; ibi enim mani-
 „ festus est Pœnitentium locus: stant
 „ autem in eo mœsti, ac velut lugen-
 „ tes, finitoque demum Dei sacrificio
 „ participes non facti, quorum partici-
 „ pices fieri veros Dei cultores fas erat,
 „ cum planctu ac lamentatione, semet-
 „ ipsos in terram pronos abiciunt:
 „ tamen ex adverso lamentabundus
 „ Episcopus occurrens, consimiliter
 „ humi cum ejulatu collabitur, ac to-
 „ ta, Deique Ecclesiæ multitudo lacry-
 „ mis suffunditur: post hæc Episcopus
 „ primus erigit, ac jacentes erigit, &
 „ quantum satis est pro peccatoribus
 „ pœnitentiam agentibus precatus, eos
 „ dimittit privatim. Deinde, sponte
 „ sua quisque vel jejuniis, vel lotionum
 „ ciborumve abstinentia, vel aliis, qui-
 „ bus iustus est, semetipsum affligens,
 „ tempus expectat, in quantum Episco-
 „ pus præstiterit, exacto demum præ-
 „ finito die, pœnà jam quasi debito
 „ quopiam exoluta, à peccatis absol-
 „ vitur, & populo in Ecclesia con-
 „ gigitur. Hæc Romani Sacerdotes: ab
 „ ipso inde exordio etiam ad nostram
 „ usque memoriam custodiunt in Ec-
 „ clesia vera Constantinopolitana, Pre-
 „ sbyter pœnitentibus deputatus hoc
 „ munere functus est nempe donec

„ scandalum ex Confessione nobilis
 „ fœminæ contigerit.

Ex eo Sozomeni loco patet aperte:
Primò, Pœnitentiarium aliquem insti-
 tutum esse, qui publicis præfesset pœni-
 tentiis: *Secundò*, publicè pœnitentes ei
 Presbytero singula suæ vitæ peccata
 detexisse, publica pariter, & occulta,
 speciali Confessione: non alio quippe
 consilio virum integræ vitæ, secreto-
 rumque tenacem huic officio præfere-
 re: quia si publica tantum ei peccata con-
 fessi fuissent, non erat in eo secreti tena-
 citas admodum effraganda. *Tertiò*,
 pœnitentes vitæ suæ Pœnitentiariorum pri-
 vatim confesos, ex ejus imperio, seu
 consilio publica quædam, aut etiam
 occulta propalasse postea Confessione
 publica: nam ideo sapientem Presbyte-
 rum ei præferebat muneris, qui pro cuius-
 que delicto, quid facere singulos oport-
 eret, & quas à se pœnas exigenter ipsi
 jejunando, supplicando, vel etiam oc-
 culta publicè confitendo, sicuti Macro-
 na suam cum Diacono consuetudinem
 etiam secretam evulgavit. Unde Sozo-
 menus exauctorationem illius Pœnitentia-
 rarii improbat, quod ea peccandi fræ-
 num auferat, tollendo verecundiam
 eorum, qui sua confitebantur ipsi deli-
 cta. Verbis enim in objectione relatis
 hæc immediatè subjicit: Pœnitentia-
 rium illum presbyterum exauctora-
 vit, quod quidem ex tempore porro
 irritum vindicatum fuit: jam tamen,
 ut opinor, ipsa vetustate, & ei con-
 juncta gravitate, atque severitate, in
 promiscuam ac dissolutam vitam
 paulatim delabi incipiente; siquidem
 antea, ut ego existimo, minora erant
 peccata, tamen ob verecundiam eor-
 um, qui sua ipsorum delicta ipsi
 enuntiabant: tamen ob severitatem
 eorum, qui Judices ejus rei constituti
 erant: at ille pudor inprimis erat in
 occultorum explicatione.

Confirmatur hæc responsio ex So-
 crate lib. 5. historiæ c. 19. ita scriben-
 te:

te Per id tempus visum fuit Ecclesiæ,
 ut Presbyteri, qui in singulis Ecclesiis
 Penitentiam præerant, tollerentur;
 idque hac de causa ab illo tempore,
 quo Novatiani se ab Ecclesia sejun-
 xerant, recusaverantque cum his, qui
 tempore persecutionis, regnante De-
 cio concitatis lapsi erant, communi-
 care, Ecclesiarum Episcopi Canonici
 adjunxerunt, ut in singulis Ecclesiis
 Presbyter quidam Penitentiam præer-
 set, quo qui post Baptismum lapsi
 fuissent coram Presbytero ad eam-
 rem designata peccata sua confite-
 rentur. Iste Canon adhuc apud alias
 sectas ratus, firmusque manet: Soli
 autem, qui fidem consubstantialita-
 tis tenent cum Novatianis, qui cum
 illis in ea fide consentiunt, Presby-
 terum Penitentiarium rejecerunt;
 Novatiani verò, ne initio quidem,
 istam quasi appendicem admiserunt:
 Episcopi, qui jam præfunt Ecclesiis,
 quamvis ad longinquum temporis
 spatium hoc teneant institutum; ta-
 men temporibus Nestarii Episcopi,
 immutarunt, propter cuiusdam fa-
 cinus, quod tum forsan in Ecclesiis
 admissum fuit: Mulier quædam no-
 bilis ad Presbyterum Penitentiarium
 accedit, peccata, quæ post Baptismum
 commiserat, particulatim confitetur;
 Presbyter mulieri mandatum dat, ut
 jejuniis, & continuis precibus se de-
 deret, quò unà cum peccatorum Con-
 fessione, opus dignum Penitentia
 ostenderet, Mulier longius in con-
 fessione progressa, alterius culpæ
 seipsam insinuat, docet Diaconum
 Ecclesiæ cum ipsa dormivisse; ob quod
 facinus hoc modo patescitur, Dia-
 conus ab Ecclesia ejectus est: Tumul-
 tus inde in populi multitudine exci-
 tatus; nam indignabatur, non solum
 de admissio flagitio, verum etiam
 quò inde gravis infamiae, & contu-
 meliæ nota Ecclesiæ iniusta esset. Ita-
 que cum Sacerdotibus ob hanc cau-

sam esset vehementer objectatum
 Eudemon quidam Ecclesiæ Presbyter
 genere Alexandrinus Episcopo Nec-
 tario dedit consilium, ut Presbyter-
 rum Penitentiarium tolleret, & li-
 beram daret potestatem, ut pro sua
 quisque conscientia ad mysteria par-
 ticipanda accederet: nam eo pacto
 solum esse futurum, ut Ecclesia om-
 ni macula careret infamiae. Ista om-
 nia ab Eudemone ego ipse accepi,
 huic nostræ historiæ mandare neuti-
 quam planè dubitabat.
 Eadem ex Socrate, & Sozomeno
 Cassiodorus historiæ tripartitæ lib. 9.
 cap. 36. & Nicephorus Calixtus lib. 12.
 historiæ cap. 25. exscribunt, ac refe-
 runt.

Ex quibus aperte colligitur Nec-
 tarium abrogasse tantum tria: *Primum*,
 potestatem, seu munus Sacerdotis Pe-
 nitentiarum constituti super publicos pe-
 nitentes, eumque exauctorasse, vel quia
 id imprudenter illi mulierculæ manda-
 verat; vel quia noverat illam id indi-
 caturam in publica sua Confessione;
 nec tamen prohibuerat: vel quia diu-
 turniores Penitentiae moras in Ecclesia
 mulieri præscripsisset: unde occasio fuit
 committendi sceleris, vel scandali. *Secundum*,
 publicam Penitentiam, ejus-
 que exercitium proscripsit, quibus diri-
 gendis Penitentiarium ille Presbyter
 constitutus fuerat; eò quò occasione
 hujus Penitentiae publicæ ortum fuit
 illud scandalum. *Tertium*, publicam
 Confessionem prohibuit, quæ erat ve-
 luti pars Penitentiae publicæ, & per
 quam flagitium feminae cum Diacono
 populo innotuerat. Non autem abro-
 gavit Confessionem privatam, nec
 exauctoravit Presbyteros excipiendis
 Confessionibus privatis, & Sacramen-
 talibus ab Episcopo designatos; nec eri-
 puit eis absolvendi potestatem. Quod
 utique colligitur *primo*, quia tantum
 abrogavit eam Confessionem, quæ No-
 vatianorum occasione fuerat instituta;

at Confessio privata pridem ante Novatianos erat in usu, ut constat ex Irenæo, Origene, &c. *Secundò*, tantùm removit eam Confessionem, cui peculiariter Presbyter Pœnitentiarius erat destinatus: ac ille non erat destinatus ad privatam Confessionem excipiendam; fieri enim non poterat ut unus dumtaxat Sacerdos in amplissima, ac valde populosa Civitate Constantinopolitana, imperii sede, sufficeret privatis Confessionibus tot hominum excipiendis. *Tertiò*, Nectarius eam solum abrogavit Confessionem, quæ fuerat occasio scandalii, & cujus abrogatio videbatur necessaria sedando tumultui excitato in plebe Constantinopolitana; hæc autem fuit Confessio publica; nam ex Socrate tumultus ille excitatus est in populo: quia miles in confitendo progressus longius, flagitium cum Diacono admissum vulgaverat.

Nec refert quòd in textu Græco Socratis non habeantur illæ voces, *longius in confitendo progressus*: nam aliæ statim adiectæ, scilicet *alterius culpæ seipsam insinuat*: ostendunt apertè secundam ejus Confessionem; illa quippe sui ipsius insinuatio, qua manifestat suum cum Diacono flagitium, est accusatio, seu Confessio, non quidem privata, quæ omnino secreta erat, sed publica, per quam crimen istud innotuerat: quomodo enim scelus istud occultum venisset in cognitionem tum Clerici, tum populi, essetque in causa cur Diaconus è suo gradu exturbaretur, & tam grandis in populo tumultus fieret? Non abs re igitur Christo-Phorsonus in sua Interpretatione Socratis, has voces addidit textui Græco, *longius in confitendo progressus*.

Urgetur: Eam Nectarius Confessionem abrogavit, quam præmittere debebat peccator, ut dignè ad Eucharistiam accederet: sed hæc est quam sacramentalem appellamus: igitur illam sustulit. Minor constat. Major proba-

Tom. X.

tur: nam ex Socrate Nectarius liberam dedit potestatem, ut pro sua quisque conscientia ad mysteria participanda accederet. Ex *Socrate* permittit unicuique liberum, ut ipse sibi conscius esset, & confideret, ad communionem, mysteriorum accederet. Ex *Cassiodoro* singulos ad communicandum iudicio conscientie suæ reliquit. Ex *Nicphoro*, cuique permittit pro conscientia, & fiducia sua communicare, & immaculatis participare mysteriis: ergo permittit ad Eucharistiam accedere deinceps sine privata quacunque Sacramentali Confessione.

Nego majorem: Ea quippe libertas à Nectario deinde concessa pœnitentibus in eo fuit, ut antequam ad Eucharistiam accederent, si non adigerentur amplius confiteri Pœnitentiario Sacerdoti, sed posset cuicumque Presbytero vellent ex deputatis ab Episcopo confiteri; quia concessa libertas est intelligenda conformiter ad ea, quæ referuntur ibi, nimirum ut Pœnitentes publici eximerentur onere, quod ante permissionem hanc iis impositum erat; hoc autem onus in eo fuit, ut antequam accederent ad mysteria, Pœnitentiario sigillatim acta vitæ suæ confiterentur, & alter nemo posset eos absolvere: sed ab hac obligatione liberati sunt à Nectario: dum etiam ab onere publicæ Pœnitentiæ, tum & publicæ Confessionis, qua tenabantur aliquando debita quædam evulgare coram universa multitudine populi; postea quippe permitti sunt communicare sine iis oneribus; at non ideo permitti sunt illi pœnitentes ad Eucharistiam accedere sine purgatione peccatorum, ideoque nec absque privata Confessione. Quod & ipsi hæretici patet, contra quos agimus, ajunt enim ad Eucharistiam admittendos non esse, nisi priùs à Pastore probatos: unde Melancthon in Augustana Confessione sic ait §. *De Confessione*: Confessio non est apud nos abolita: non enim solet por-

H h h h

ri-

righ corpus Domini, nisi antea exploratis, eis, & absolutis. Et Calvinus 3. Instit. cap. 4. jubet, ut fiant se oves Pastori, quoties sacramentum participare volunt; adeo non reclamo, & maxime velim hoc ubique observari.

Inflabit: Pœnitentiarius occasione Novatianorum institutus, debuit esse secretorum tenax ex Sozomeno; servans secretum, ex Calsiodoro, taciturnus, ex Nicephoro: at si fuisset institutus regendis pœnitentibus, & pœnis ac Confessionibus publicis, efflagitata non esset in eo tam arcta secreti, sigillique religio: ergo tantum institutus excipiendis Confessionibus privatis, ideoque hac abrogata, privata Confessiones abrogatæ videntur.

Nego minorem: Ex Sozomeno quippe debebat ille pro cuiusque delicto præscribere, quid oporteret facere, seu lue re singulos, ut debitas à se pœnas scelerum exigerent. Ex historia tripartita, secundum cuiusque culpas statuere multa: ad id impensè necessaria fuit inspectio occultiorum culparum, intentionum, & circumstantiarum, ut satisfactiones, & pœnas delictis pares injungeret utilitati pœnitentis, & Ecclesiæ, quasdam etiam ex occultis Confessione publica declarare juberet, sed id sine privata Confessione non poterat, quæ virum secreti tenacem, probum, & prudentem exigit. Duplex itaque Confessio fuit, qua publicè pœnitescentes eo tempore sua peccata confitebantur. Una secreta seu privata, qua statim ab initio Pœnitentie singula vitæ suæ acta Pœnitentiario detegebant, ut ab eo Pœnitentie modum, & rationem acciperent. Altera publica, quam interdum in parte satisfactionis edebant, ubi pœnitentis utilitas, aut Ecclesiæ ratio postulabat. Utramque Socrates in nobilissimæ mulieris pœnitentie designat. Prius, privatam coram Pœnitentiario, qua ad Presbyterum illum accedens, peccata, quæ post lia-

ritimum admiserat, particulatim confitebatur. Secundo, publicam coram populo: qua Presbyter audita Confessione secreta mulieris, ei multam imponit, & mandat, ut jejuniis, & continuis precibus cum peccatorum Confessione opus dignum Pœnitentia ostenderet. Hac ipsa Confessione dum matrona fungitur, longius confitendo progressa, forsitan ex indiscreta devotione sua, vel etiam ex imprudentiori consilio Presbyteri, turpe cum Diacono crimen ita patefecit, ut inde tumultus in populo sit excitatus, & ejectus ab Ecclesiâ Diaconus.

Urgebis iterum: Mulieres ob verecundiam, & pudorem sexus, non agebant Pœnitentiam publicam; ergo matrona, quæ Nectario dedit occasionem abrogandi Pœnitentiarium, non emisit Confessionem publicam.

Distinguo antecedens: Ita frequenter, ut viri, concedo: nunquam omnino, nego; nam ex Hieronymo in Epistaphio, Fabiole ad Oceanum: ea primariæ nobilitatis femina, quod secundo marito nupsisset, repudiato priori, qui tanta vitia habuisset narratur, ut ne scortum quidem, id est vile mancipium, ea sustinere posset: ita post secundi viri mortem in semet reverens est, ut saccum indueret, ut errorem publicè fateretur, & tota urbe spectante Romana, ante diem Paschæ, in Basilica Laterani, staret in ordine pœnitentium, & coram Episcopo, Presbyteris, & omni populo collacrymantibus, sparsum crimen, ora lurida, squalidas manus, & sordida colla submitteret.

Urgebis: Pœnitentia, & Confessio publica diu viguerant ante Novatianorum schisma, & hæresim: igitur illa Confessio, quam abrogavit Nectarius, non erat Confessio publica, sed ea, quam appellamus secretam, & sacramentalem.

Distinguo antecedens: Viguerunt alia prot-

profus ratione , quàm ab Episcopis instituta sint, occasione hæresis Novatianorum , concedo : eodem modo, nego: fateor equidem , quòd ante illud Novatianorum schisma plerique publicam Pœnitentiam agebant , & sua publicè peccata confitebantur , vel Episcopo , vel ei Sacerdoti , quem ab Episcopo ex plurimis ad excipiendas Confessiones designatis seligebant, ut constet ex Origene supra laudato : tunc enim undumtaxat Sacerdoti peccata sua non tenebantur aperire , uti postmodum, contigit occasione Novatianorum, Episcopi enim statuerunt , ut publici pœnites certum aliquem Presbyterum pœnitentis, & pœnitentibus præfectum adirent , ei sua confessuri peccata , & præscriptam ab eo Pœnitentiam, & Satisfactionem impleturi . Cujus utique publici Pœnitentiarii institutio nullam memoratur apud veteres Ecclesiæ Doctores ante persecutionem Decii , & schisma Novatianorum; sed ab eo tempore, quo Novatiani discesserant, & separaverunt se ab Ecclesia : quoniam illi recusabant communicare cum iis , qui grassante persecutione lapsi fuerant, & quos nonnulli Præfules nimia facilitate ad Communionem sine debita Satisfactione , & pœnitentia admiserant, de quibus acriter conqueritur S. Cyprianus *serm. de lapsi* ; idcirco ut Ecclesia tam gravi malo deinceps occurreret, nova constitutione sancivit , ut publicorum aliquot criminum , nonnisi post exsolutos ex hujusce Pœnitentiarii præscripto secretioris Pœnitentiæ labores , ad sacrorum participationem mysteriorum admitterentur ii , qui post Baptistima lapsi fuissent , ut ostenderent contra Novatianos aliquam in Ecclesia potestatem esse dimittendi peccata , quando præstiebant pœnitentibus Presbyterum , ut ab eo dispositi per exercitia pœnitentiæ possent ab Episcopo reconciliari : Tum etiam , ut disciplinæ severitatem observarent , ac illis eum

præponeret Sacerdotem , ut per spontaneas Pœnitentium pœnas eorum delictis aliquo modo pares eos ad mysteria recipienda compararent , cum eos non admitterent, nisi Sacerdotis illius ope , ductuque , per dignos Pœnitentiæ labores , & fructus , à gravioribus peccatis antea purgarentur .

Instant hæretici: Illam Confessionem Nectarius abrogavit , quæ postmodum non fuit in usu in Ecclesia Constantinopolitana : at quæcumque Confessio faciendi hominibus post hujusmodi abrogationem , non fuit amplius ibi in usu; igitur, &c. Major constat ex dictis. Minor verò probatur ex S. Chrysostomo ipsius Nectarii in Sede Constantinopolitana Successore , qui pluribi docet non esse confitendum hominibus , sed soli Deo : maxime verò Homil. 2. in Psalmum 50. ubi ait: *Peccata tua dicito; ut deleas illa; si confunderis alicui dicere , dicito ea quotidie in anima tua: non dico ut confitearis confesso tuo , ut exprobet , dicito Deo , qui curet illa*. Et *serm. de Pœnit. & Confess.* Nunc autem, inquit , *neque necessarium est presentibus confiteri: cogitatione fiat delictorum inquisitio, sine teste sit hoc iudicium , solus te Deus confitentem videat*. Et Homil. 4. de Lazaro: *Neque enim confesso est confitendum , qui in publicum proferas , sed Domino* . Ubi S. Chrysostomus Confessioni , quam improbat, opponit eam, quæ fit Deo, & quæ fit in anima , ac cogitatione , & intra conscientiam : igitur S. Chrysostomus improbat omnem Confessionem faciendam hominibus .

Nego minorem : Et ad ejus probationem dico , S. Chrysostomum improbare solum Confessionem publicam , non verò privatam : loquitur enim de Confessione , ex qua sequi posset exprobratio; talis autem erat Confessio publicæ nam , ut notat Origenes homil. 2. in Psalm. 37. cum publica Confessio fieret, semper aderant , qui posset exprobra-

H h h h 2 re,

re, unde ait: *Si hujusmodi homo memor delicti sui confiteatur ea, quæ commisit, & humana confusione parvi pendat eos, qui exprobrant, & eum confitentem non tant, aut irrident.* Ejusmodi verò non est ea Confessio, quæ fit in Sacramento Sacerdoti: nulla enim potest ex ea sequi exprobratio; quia sine testibus fit, & arctissimo silentii debito, seu sigillo Sacerdotes astringuntur. Hinc addit: *Nunc autem neque necessarium est præsentibus testibus confiteri*; nam his verbis ostendit aliquando fuisse necessarium coram testibus, ideòque publicè confiteri, sed eam necessitatem esse sublatam à Nectario: ne scilicet ejusmodi publica Confessio ampliùs foret ansa, & occasio exprobrationis faciendæ.

Vel dico, S. Chrysostomum ibi non loqui de Confessione Sacramentali, quæ fieri debet ex præcepto, sed dumtaxat de Confessione quotidiana: unde signanter dixit verbis supra laudatis in Plal. 50. *Si confunderis alicui dicere, dicito ea quotidie in anima tua*, &c. quasi diceret: Rem tibi grandem non suadeo, neque adhortor, ut quotidie confitearis peccata tua Sacerdoti, qui exprobrat illa, & suis increpationibus perstringat; sed alium tibi Confessionis modum aperio, nempe ut diebus singulis peccata tua privatim Deo confitearis in anima tua, unde subdit: *Eccce habes codicem, ubi scribas quotidianum expensum: habeto codicem conscientiam tuam, & scribe quotidiana peccata: quando accubueris super stratum tuum, & neminem injectum pateris, antequam veniat tibi somnus, profer in medium codicem conscientiam tuam.*

Idem etiam suadet in præfata homilia de Lazaro, ubi movet, quod si aliquando habuerimus corruptæ cupiditatis in anima conceptum, statim suffocemus; si verò in opus prodierit, occidamus per Confessionem statim: *Cur ergo*, inquit, *pudefcis, & erubescis di-*

cere peccata tua? cave enim homini dixeris, ne tibi exprobrat, neque enim conseruo confiteris, sed ei qui Dominus. Quibus significat, quotidianam Confessionem statim esse faciendam, ac peccavimus: non igitur loquitur de Confessione Sacramentali, quam nullibi negat, sed dumtaxat de Confessione privata, quæ fieri potest, & debet à quolibet homine, ut videlicet per Contritionem peccati veniam possit obtinere.

Urgent tandem: Quæ fuerit S. Chrysostomi de Confessione sententia, apparet distinctè ex Cassiano illius Discipulo: at hic negat omnem Confessionem faciendam esse hominibus; siquidem Collatione 20. cap. & ait: *Si verecundia retrahente, revelare coram hominibus peccata tua erubescis, illi quem latere non possunt, confiteri ea jugi supplicatione non desinas, qui & absque verecundia publicatione curare, & sine improprio donare consuevit.*

Nego minorem: Nam eodem modo loquitur Cassianus, quo ejus Præceptor, nempe vel de Confessione publica, quæ coram populo fiebat, & ex qua sæpè oriebatur exprobratio, & improprium, non verò de privata, quæ Sacerdoti fiebat, ut Vicario Dei, seu Christi, non verò ut homini simplici, ac puro; unde Confessio hæc censi potest fieri Deo, quia fit homini vires Dei gerenti: siquidem Sacerdos pro Christo legatione fungitur.

Vel dico, eum illis verbis adhortari ad quotidianum conscientie examen, & privatam Confessionem diebus singulis coram Deo de peccatis post illam conscientie investigationem faciendam; ait enim ante verba supra laudata: *Quis est, qui non possit dicere, Peccatum meum cognitum tibi feci, & injustitiam meam non operui? Ut per hanc Confessionem etiam illud confideret subungere mereatur: Et remisisti impietatem cordis mei.*

Quod

„ Quod si verecundia retrahente, &c.

Obijciunt quintò: Plurimi Theologiz Principes aperte fatentur, Confessionem non divino jure, sed dumtaxat humano esse præceptam: nam Hugo Victorinus lib. de Sacramentis par. 14. cap. 14. dicit, Christum non dedisse hominibus præceptum sua peccata confitendi. Et Magister sent. dist. 17. proponit sententias utrinque probantes, & negantes necessitatem Confessionis, nec ipse quidquam resolvere videtur, saltem ex jure divino. Et Alensis 4. p. qu. 18. memb. 3. art. 2. Dominus, inquit, non instituit Confessionem, ut erat exercenda ab ipsis pœnitentibus. Tandem S. Bonaventura dist. 17. par. 2. art. 1. q. 3. aperte docet, Christum Dominum non instituisse Confessionem, sed illam esse opus purè humanum: Unde, inquit, non est data virtus Sacramenti ipsi Confessioni, sed Absolutioni: ideo rectè hominibus puris institutio debuit reservari. Igitur Confessio non est de jure divino.

Distinguo antecedens: Fatentur non esse de jure divino explicitè, seu distinctè, & expressè, concedo: tacitè, & implicitè, nego: Fatentur enim illi, Christum D. dedisse Apostolis ejus vices agentibus potestatem dimittendi, & retinendi peccata: ac subinde implicitè saltem etiam mandavit Confessionem fieri, quippe cùm, ut diximus, scire non possit Sacerdos, quæ peccata sint remittenda, quæve retinenda, nisi pœnitens ea distinctè declaraverit. Nec aliud certè volunt Hugo Victorinus, Magister sentent. & Alensis. Quantum verò ad Seraphicum Doctorem major videtur difficultas: nihilominus facile potest explicari: duo namque distinguit in sacramento Pœnitentiæ: unum formale quod est Sacramenti completivum, & hoc est Absolutio, five facultas absolvendi, vel medicandi, aliud verò materiale, hoc est detectio peccati, seu morbi: Primum, inquit, Dominus

instituit, qui potestatem clavium concessit, & penes hoc residet virtus Sacramenti; Secundum verò non instituit in se, sed insinnavit. Cujus utique quadruplicem profert rationem: Ex his, quæ dicta sunt, inquit, quatuor possunt rationes elici, per quas Dominus immediate Confessionem, & expressè non instituit: Prima quidem, quia non oportuit: Secunda verò, quia hoc voluntarium esse debere docuit: Tertia, quia est Sacramentum recidivantium: Quarta, quia quantum est de se, est opus humanum, unde credo quòd non per se instituit, & si dicatur instituisse, hoc est intelligendum, insinuando, & auctoritatem dando.

EXPENDUNTUR OBJECTIONES CALVINI.

Objicit Calvinus lib. 3. Instit. nu. 16. cap. 4. Deus impossibilia nec instituit, nec jubet: sed Confessio enumerativa omnium peccatorum est impossibilis; ac subinde non est à Deo instituta. Probat minorem Calvinus variis Scripturæ sacrae auctoritatibus, maxime ex Psal. 19. & 38. ubi David testatur, se sua peccata non posse sigillatim recensere: Delicta, inquit, quis intelligit? ab occultis meis munda me Domine. Et iterum: Iniquitates meæ supergressæ sunt caput meum, &c. Nimirum (inquit Calvinus) intelligebat Propheta, quanta esset peccatorum nostrorum abyssus, quàm multæ scelerum facies, quot capita ferret, & quàm longam caudam traheret hæc hydra: non ergo ad recensendum Catalogum se conferebat, sed de profundo malorum clamabat ad Dominum, Obrutus sum, sepultus sum, & suffocatus, inferorum portæ circumdederunt me, immersum alto puteo, deficientem, & moribundum manus tua extrahat. Quis suorum peccatorum nunc sup-

pu

„putationem cogitet, ubi Davidem
„videt suorum numerum inire non
„posse? Hæc Calvinus.

Nego minorem; Tam enim possibilis
est Confessio specialis, & enumerativa
peccatorum apud Sacerdotem, quam
apud Deum, sed Calvinus ipse *num.18.*
fatetur fieri posse accusationem om-
nium peccatorum coram Deo; ait enim:
„Quid, inquires, ergo ne confitenda
„non sunt singula delicta? ergo nulla
„Confessio Deo accepta, nisi duobus
„istis verbis conclusa, Peccator sum?
„Imò verò danda potius opera, ut
„quantum in nobis est, totum cor ef-
„fundamus coram Domino: nec mo-
„dò nos peccatores uno verbo fatea-
„mur, sed ut tales nos verè, & ex
„animo agnoscamus: quanta sit, &
„quam varia peccatorum labe, tota
„cogitatione recognoscamus: non-
„modò nos immundos, sed qualis sit,
„& quanta, quamque in multis par-
„tibus nostra immundities: non mo-
„dò debitores, sed quantis sumus de-
„bitis gravati, & quot nominibus ob-
„stricti; non modò vulneratos, sed
„quàm multis, & lethalibus plagis
„laucii sumus: ita credimus. Quibus
fatetur non satis esse confiteri Deo ge-
neratim, & univèrsim se peccatorem
proferri coram Deo, sed ultrà necessum
esse, ut post accuratum examen con-
scientiæ, diligentemque peccatorum
inquisitionem, & discussionem, pœni-
tens sua peccata coram Deo profitea-
tur: Nihil autem aliud ad Sacramen-
talem Confessionem requirimus, quàm
ejusmodi peccatorum accusationem
coram Sacerdote cum ea prævia discus-
sione, quam viri prudentes adhibere
solent in rebus gravioris momenti.

Instat Calvinus: Non potest pœni-
tens, etsi omnem impendat animi con-
tentationem, ad rationem vocare totius
anni acta, & quid singulis diebus pec-
cavit colligere; siquidem experientia
unumquemque convincit, ubi ad vespe-

ram excutienda sunt unius tantum die
delicta, memoriam confundi, tanta se
turba, & varietas delictorum ingerit;
igitur hæc enumerativa Confessio sin-
gulorum delictorum est impossibilis.

Distinguo antecedens: Si per delicta
intelligas quoslibet hominis defectus,
nec-non, & veniales culpas, quas uti-
que necesse non est in Confessione ape-
rire, valde difficile est, omnia totius
anni delicta in memoriam revocare,
concedo: si intelligas graviore culpas,
quæ in Confessione manifestari debent
nego: nullus enim est, qui adhibita di-
ligenti disquisitione conscientia faciliè
non memoretur omnium graviorum
criminum à se per anni curriculum pa-
tratorum: si quæ autem post illam dili-
gentem inquisitionem crimina memo-
riam fugiant, pœnitenti satis erit ge-
neratim de omnibus occultis, & omis-
sis confiteri. Cui utique assertioni re-
fragari non potest Calvinus, cum dicat
num.18. quòd cum peccator se totum
coram Deo, per singulorum peccatorum
accusationem effuderit, seriò ac sincerè
cogitare debet, plura adhuc restare, ac
profundiores esse malorum suorum re-
cessus, quàm quos penitus excutere pos-
sit; atque adeo debet exclamare cum
Davide: *Delicta quis intelligit? Ab oc-
cultis meis munda me Domine.*

„*Urget*: Illa saltem enumerativa
„Confessio turbat animæ pacem, &
„fiduciam, ac spem in Deum; addu-
„cit quippe pœnitentis conscientiam
„in dubitationem, curam, & sollici-
„tudinem, quòd nempe in inquiren-
„dis suis delictis non satis temporis
„impenderit, non iusta opera incu-
„buerit, & multa per negligentiam
„præterierit, quorum remissionem, &
„Absolutionem non potuit obtinere;
„non igitur Deus illius Confessionis
„est author, quæ est vera carnisfina,
„crudeliter divexans animas eorum,
„qui aliquo Dei sensu afficiuntur.

Nego antecedens: Nam ille, qui om-
nem,

nem, quam potuit, adhibuit diligentiam ad investiganda, & confitenda sua peccata, habet certam animi tranquillitatem ac fiduciam, quod à Dei misericordia per Absolutionem Sacerdotis ejusmodi peccatorum veniam consequetur; inde pacatum habet animum, & cum fiducia accedit ad thronum misericordiae, & Deo quem pronum novit ad miserendum, impensè famulari studet; ut irrogatam ipsi per peccatum injuriam pro viribus relaxet.

Urget tandem Calvinus lib. 3. Instit. cap. 7. ante Concilium Lateranense, nullam fuisse legem Confessionis, in eoque Concilio, edita legis Omnis utriusque sexus barbaries fidem abrogat: Nam, inquit, quod jubent Boni Patres, omnem utriusque sexus quotannis semel proprio Sacerdoti confiteri, omnia peccata saceti homines lepidè excipiunt, hoc præcepto teneri solos hermaphroditas, ad neminem vero spectare, qui sit mas, vel femina.

Respondeo, Concilium Lateranense non statuisse ut Fideles confiterentur; id enim jure divino statutum esse intellexerat, sed ut præceptum divinum Confessionis solum semel in anno ab omnibus, & singulis ratione utentibus impletur. Quod objicit Calvinus barbariem, frivolum est. *Primo* quia Grammaticæ leges plerumque Ecclesia spernit. *Secundo* quia frequens est hic loquendi modus in Scripturis, Deuteronomii 7. *Non erit apud te sterilis utriusque sexus.* Judicum 18. *Circiter tria millia utriusque sexus.* 2. Paralipomenon 31. *Liberis eorum utriusque sexus.* *Tertio*, quia Plinius secundus vir discretissimus lib. 1. Illustrium virorum, in Romulo hanc usurpat loquendi formulam: *Ludos, inquit, Circenses simulavit, ad quos cum utriusque sexus multitudo venisset, &c.*

QUESTIO SECUNDA.

Utrum, à quibus, & de quibus, fieri debeat Confessio ex præcepto Ecclesiæ?

Notandum primò, Ecclesiæ habere potestatem præcipiendi, aut saltem determinandi usum Sacramentorum, nec-non, & ea, quæ spectant ad eorum ministrationem, & susceptionem, ut docet Concilium Tridentinum sess. 21. cap. 2. ubi ita scribit: *Declarat Sancta Synodus* hanc potestatem perpetuò in Ecclesiâ fuisse, ut in Sacramentorum dispensatione salva illorum substantia, ea statueret, vel mutaret, quæ suscipientium utilitati, seu ipsorum Sacramentorum venerationi, pro rerum, temporum, & locorum varietate, magis expedire judicaret. Quare agnoscens S. Mater Ecclesiâ hanc suam in administratione Sacramentorum auctoritatem, licet ab initio Christianæ Religionis, non infrequens utriusque speciei usus fuisset, tamen progressu temporis latissimè jam mutata illa consuetudine, gravibus, & justis causis adducta, hanc consuetudinem sub altera specie communicandi approbavit, & pro lege habendam decrevit, quam reprobare, aut sine ipsius Ecclesiæ auctoritate pro libito mutare non licet. Queritur ergo utrum ex hypothesi, quod non esset præcepta Confessio faciendi de jure divino, Ecclesiâ illam legitimè præcipere potuerit, & de facto præceperit, ac determinaverit tempus, quo sit faciendi. Circa quam resolutionem non consentiunt Theologi, Triplex enim est eorum capitalis sententia: *Prima* est Durandi in 4. diff. 17. q. 8. sum. 7. docentis, Confessionem Sacramentalem, quatenus est accusatio omnium peccatorum etiam interiorum, non posse præcipi ab Ecclesiâ; ac subinde aut non esse præceptum annuæ Confessionis, purè Ecclesiasticum, aut nul-

lum

lum eſſe præceptum, ſed tantum conſilium: *Secunda* ſententia eorum eſt, qui docent, Eccleſiam non potuiſſe quidem præcipere, ac determinare tempus faciendæ Confeſſionis, niſi jam illa faciendæ eſſet ex jure divino; unde præceptum Eccleſiaſticum Confeſſionis annuæ eſt tantum determinatio, modificatio, ſeu applicatio divini præcepti ſervandi hoc, aut illo determinato tempore. Ita docent Soto in 4. diſt. 18, quæſt. 1. art. 1. concl. 4. & Canus in relectione de Pœnitentia par. 5. *Tertius* verò ſententia eorum eſt, qui docent præceptum annuæ Confeſſionis, non eſſe ſolam declarationem, aut determinationem juris divini, ſed omnino Eccleſiaſticum præceptum, ad cujus obſervantiam tenentur omnes fideles.

Notandum ſecundò, omnes Theologos (ſaltem paucis exceptis) convenire, quòd Eccleſia non habeat directam authoritatem, aut poteſtatem circa actus purè interiores, & qui interius conſummantur, quales ſunt actus aſſenſus, vel diſſenſus intellectus, odii, vel amoris, aut complacentiæ voluntatis in re prohibita, vel illicita; Eccleſia enim in id poteſtatem directam non habet, quod nec prohibere poteſt, neque illius transgreſſionem punire: ac transgreſſionem præcepti circa actus internos punire non poteſt; quia deduci non poſſunt ad ejus judicium; nec ſubinde illos actus poteſt præcipere. Utrum autem huiusmodi actus purè internos indirectè ſaltem, & ratione alterius præcepti ſervandi præcipere poſſit, affirmat Doctor in 3. diſt. 27. ubi agens de obligatione charitatis, ait, illius actum præcipi poſſe ab Eccleſia, quatenus ille eliciendus eſt, ut religioſè feſta præcepta ſerventur, & debitus eo tempore Deo cultus, quæ decet reverentia, ei impendatur. Queritur itaque utrum Eccleſia directè, vel indirectè præcipere poſſit Confeſſionem omnium peccatorum, etiam interiorum.

Notandum tertio, duplicem diſtingui poſſe obligationem alicujus præcepti ſervandi. *Unam* quidem per ſe, & immediatam, quæ videlicet oritur ex vi talis præcepti, id eſt, ſecluſo omni alio præcepto tam divino, quàm humano. Sic per ſe præcepta eſt agenda Pœnitentia à peccatore, quando maximè occurrit, & imminet mortis periculum. *Alteram* verò mediatam, & per accidens, quæ non petitur ex præcepto ipſius rei, quæ fieri debet, & impleri: ſed dumtaxat ex præcepto alterius rei faciendæ, aut ſuſcipiendæ, quæ debet non fieret, niſi aliud præmitteretur, tanquam prævia diſpoſitio; ſic Pœnitentia dicitur præcepta, quoties ſumenda eſt Euchariftia ab homine, qui peccato mortali inquinatur, ne videlicet recipiens corpus Chriſti indignè, judicium ſibi manducet. Difficultas itaque eſt, utrum Confeſſio ſit faciendæ per ſe ex præcepto Eccleſiaſtico, aut tantum per accidens, ſemel in anno, videlicet occasione implendi præcepti de ſuſcipienda Euchariftia tempore Paſchali.

Tria itaque hic ſunt determinanda: *Primum*, utrum Eccleſia directè, & per ſe præcipere potuerit, ac reverà præceperit, faciendam Confeſſionem: *Secundum*, de quibus peccatis fieri debeat iſta Confeſſio, ut fiat ſatis illi Eccleſiaſtico præcepto; *Tertium*, quinam teneantur ad huiusmodi præcepti obſervantiam.

CONCLUSIO PRIMA.

Reverà Eccleſia præcipere potuit, ac de ſaſſo præcepit per ſe faciendam Confeſſionem ſingulis annis. Probat utraque pars ex Concilio generali Lateranenſi ſub Innocentio III. ubi ſtatuitur: *Omniſ utriuſque ſexus fidelis, poſtquam ad annos diſcretionis pervenerit; omnia ſua ſolus peccata ſaltem ſemel in anno, fideliter confeſſatur proprio Sacerdoti: & injunctam ſibi Pœnitentiam propriis viribus ſtudeat adimplere, ſuſcipiens reverenter ad minus in Paſcha Eu-*

Eucharistia Sacramentum, nisi foret de consilio proprii Sacerdotis ob aliquam rationabilem causam, ad tempus ab ejus perceptione duxerit abstinendum; alioquin, & vivens ab ingressu Ecclesie arceatur, & moriens Christiana careat sepultura. Unde hoc salutare statutum frequenter in Ecclesiis prædictetur, ne quisquam ignorantie cæcitate velamen excusationis assumat. Quibus verbis duo determinantur: *Primum*, quod sit facienda Confessio: *Secundum*, quod sit facienda saltem semel in anno. Utrumque autem ab Ecclesia præcipitur, ut nedum liquet ex verbis hujus decreti, sed etiam ex gravi pœna, quæ transgressoribus ibidem infligitur: non enim solet Ecclesia tanta severitate animadvertere in filios, nisi propter transgressionem præcepti propriè dicti, & cujus observantia sit ad salutem necessaria. Nec valet reponere cum Durando, severam illam Ecclesie animadversionem eos perstringere, non qui omiserint faciendam Confessionem, sed tantum, qui neglexerint suscipiendam Eucharistiam tempore Paschatis.

Hæc, inquam, responsio nulla est: *Tum quia*, vocabulum (*alioqui*) quod est comminatorium pœnæ, ex æquo refertur tam ad Confessionem, quàm ad communionem; nec unam potius, quàm alteram per se designat: *Tum quia*, non potest melius innoscere, quæ fuerit Concilii Lateranensis sententia, quàm ex Concilio Tridentino: at ex hoc liquet, Lateranense præcepisse faciendam Confessionem semel in anno; ait enim Tridentinum sess. 14. can. 8. *Si quis docuerit, Confessionem omnium peccatorum, qualem Ecclesia servat, esse impossibilen, & Traditionem humanam à piis abolendam; aut ad eam non teneri omnes, & singulos utriusque sexus Christi fideles, juxta magni Concilii Lateranensis Constitutionem, & ob id suadendum esse Christi fidelibus, ut non confiteantur tempore Quadragesimæ, anathema sit.* In quo

Tom. X.

utique Canone, ut apparet, nulla fit mentio Communionis Paschalis; ex quo colligere licet, Concilium significare, quod in Lateranensi Confessio præcipiatur, non tantum per accidens, & mediata, quatenus videlicet est medium necessarium ad dignè communicandum, sed etiam immediate, ac per se; ita quod ad ejusmodi annuam Confessionem teneantur etiam ii, qui aliunde excusarentur à præcepto communionis; & consequenter ille peccaret duplici peccato, qui Confessionem annuam, & Communionem in Paschate omitteret. Adde quod si præceptum faciendæ Confessionis non esset distinctum à præcepto suscipiendæ Eucharistie, sequeretur non esse quinque distincta Ecclesie præcepta, quod utique est contra communem fidelium sententiam.

Dices: Nulla lex potest præcipere, actum, cujus transgressorem non potest justè punire: sed nulla lex humana potest justè punire illum, qui non confiteretur peccatum sibi soli notum; quod utique probatur, quia non potest eum punire propter transgressionem, cujus non potest esse nota transgressio: at Ecclesia non potest certò nosse, utrum peccator omnia occulta sua peccata sive interna, sive externa confiteatur: igitur, &c.

Nego minorem: Ecclesia enim legitime præcipit faciendam Communionem, ut etiam fatetur Durandus, licet non possit interdum punire illius præcepti violatorem, puta si quis reciperet Eucharistiam ore tantum, non verò illam in stomachum traheret. Quod autem Ecclesia sæpè præcipiat ea, de quibus non potest facillè judicare, ac cognoscere in foro externo, nec subinde transgressores punire, apparet ex præcepto Horarum Canonicarum recitandarum singulis diebus à Clericis, necnon auditionis Missæ diebus Dominicis, & festivis, & similium actum, qui

I i i

re-

requirunt aliquam certam intentionem internam, quæ per externum opus factis aperte non manifestatur. Similiter quando tales actus præcipiuntur, qui necessarii non debent fieri publicè, nam posset quis dicere, se in occulto legem implevisse, quamvis reverà illam non impleverit.

Respondeo secundò: negari posse minorem; fieri enim potest, ut qui publica commisit crimina, nec ad proprium Sacerdotem accedit; si interim ille è vivis excedat; in eum ita non confessum potest animadvertere Ecclesia; & præscripta à Lateranensi Concilio pœnà eum mulctare. Hinc apparet, quàm levi fundamento dubitaverit Durandus, an determinatio Concilii Lateranensis, sit potius præceptum, quàm consilium.

Adde quòd ipsemet Durandus in seipsum videatur militare; nam circa medium quæstionis subdit, Ecclesiam per auctoritatem Christi posse præcipere Confessionem; hoc enim dicere nihil est aliud, quàm reverà fateri Ecclesiam posse directè Confessionem præcipere per auctoritatem, quam habet: nam Ecclesia totam suam auctoritatem habet à Christo, ac subinde omnia, quæ præcipit circa susceptionem, aut administrationem Sacramentorum, præcipit auctoritate Christi.

Ex his itaque liquet, quòd etsi Confessio non esset facienda ex jure, & præcepto divino, eam Ecclesia præcipere posset: at verò cum sit jure divino præcepta, saltem aliquando in vita facienda, quando videlicet peccator tenetur recurrere ad remissionem peccatorum per Absolutionem sacramentalem obtinendam; idcirco Ecclesia merito jure determinavit certum tempus, in quo debeat divinum illud præceptum adimpleri, ut docet Tridentinum sess. 14. cap. 5. circa finem ibi: *Neque enim per Lateranense Concilium Ecclesia statuit, ut Christi fideles confiterentur, quod jure*

divino necessarium, & institutum esse intellexerat; sed ut præceptum (divinum) Confessionis ab omnibus, & singulis, cum ad annos discretionis pervenissent, impleveretur. Consonat Doctor subtilis 4. distinct. 17. num. 14. *De tertio articulo dico, quòd Ecclesia præceptum illud (divinum Confessionis) quantum ad aliquam prædictorum non specificavit, & quantum ad aliquam specificavit. Præcipua autem specificatio hujus præcepti invenitur in illo capitulo extra de Pœnitent. & Remiss. Omnis utriusque sexus.* Et infra num. 28. *Quoad, quando, Ecclesia determinavit præceptum (divinum Confessionis) scilicet semel in anno.* Non ait Doctor: *Ecclesia præcepit Confessionem, sed determinavit præceptum, scilicet divinum.*

PARTIS I. Utrum, si Confessio non esset jure divino facienda, nec à Christo præcepta, eam præcipere potuisset Ecclesia?

Respondeo, quòd si Confessio sacramentalis à Christo soluta fuisset instituta, & pro arbitrio facienda, vel omitenda; illam Ecclesia non potuisset præcipere, qualis de facto præcipitur, nempe ut fiat de omnibus peccatis mortalibus, etiam occultis; idque non solum; quia, ut volunt aliqui, Ecclesia caret potestate, saltem directâ, circa actus merè internos; hoc enim, ut statim diximus, non est adeo certum: sed quia Ecclesia non potest præcipere rem tantæ difficultatis, qualis est Confessio omnium peccatorum mortalium, nisi aliunde haberet unde ejusmodi difficultatem alleviaret; quemadmodum reverà alleviatur, ac minuitur ratione effectus remissionis, & sanctificationis, ac renovationis interioris hominis, quæ sit per gratiam sanctificantem collatam in Absolutione sacerdotali: sed Ecclesia non habet ex se, quòd hujusmodi gratiam sanctificantem propria virtute conferre pos-

possit, ac subinde nihil habet, unde possit illam difficultatem delinire, alioquin ex se haberet vim instituendi ali- quod Sacramentum, cujus contrarium declaravimus disp. proœmiali: igitur si non obstante vi, & efficacia hujus Sa- cramenti, quod est reconciliatorium Deo, quam interdum in viris piis, & cum devotione hoc Sacramentum per- cipientibus, conscientie pax, ac serenitas cum vehementi Spiritus consolatio- ne consequi solet, ut loquitur Triden- tinum, sess. 14. cap. 3. si, inquam, his non obstantibus, multi sunt ex Catho- licis, qui præ nimia verecundia non im- plent divinum præceptum Confes- sionis: quod Ecclesia declaravit, saltem semel in anno esse implendum: quanto magis ab ejusmodi præcepto implendo detererentur, si inde non esset certe speranda peccatorum remissio?

Hanc rationem approbat Doctor; quippe dist. 7. num. 9. impugnans sen- tentiam eorum, qui dicunt Confessio- nem non obligare, nisi ex præcepto Ec- clesie, ait: Id non posse faciliter im- probari, nisi quia vel Ecclesia non at- tentasset tam arduum præceptum, im- ponere omnibus Christianis, nisi esset præceptum divinum, &c. Qui- bus significat, nimiam esse difficultatem in ipso præcepto implendo, ut ab Ec- clesia sola præscribatur, nisi aliunde à Christo D. jam statutum fuisset. Faten- dum est ergo, quòd quemadmodum Ecclesia non potest præcipere alicui, ut profiteatur statum religiosum, quem Christus D. voluit esse liberum, propter annexam difficultatem ipsi statui; quan- quam aliunde varias utilitates habeat: ita nec propter ejusmodi difficultatem potuisset præscribere hominibus obli- gationem confitendi peccata, si Chri- stus D. Pœnitentie sacramentum insti- tuendo, ac implicite saltem Confessio- nem designando, illius usum penes Pœ- nitentium libertatem, & arbitrium re- liquisset.

Dicit: Cujus est præscribere tempus aliquid faciendi ex potestate ordinaria, ejusdem est ex eadem potestate præci- pere substantiam actus, cum tempus ac- cessorie ad actum præcipiatur, tanquam ipsius circumstantia: sed Ecclesia, ut mox dictum est, potest præscribere, & reverà præscripsit tempus faciendæ Con- fessionis: igitur illius usum etiam præ- scribere potest.

Distinguo majorem: Quando substan- tia, & exercitium hujus actus non su- perat communiter humanam facilita- tem, concedo: quando superat, nego: & similiter distincta minore, nego conse- quentiam: circumstantia enim tempo- ris faciendæ Confessionis non superat communiter humanam fragilitatem; secus est autem de substantia actus: nam, ut optime ait Conink. disp. 5. de Pœnitentia dub. 4. num. 42. Confessio omnium peccatorum mortalium in plu- ribus casibus multis est valde difficilis; itaut plurimi eam horreant tanquam mortem, & mallet ferè mori, quam quædam peccata confiteri, atque vix ulla arte, ac timore inferni proposito, possunt ad Confessionem induci, & in- ter confitendum sentiunt tales angus- tias, quales experiuntur capitis sup- plicio damnati: atqui, nisi sit maxima quedam, ac fere extrema necessitas, potestas humana non potest rem adeo difficilem præcipere: ergo cum eo casu (quo videlicet Sacramentum Confes- sionis esset liberum à præcepto divino) non esset hic talis necessitas, non pos- set Ecclesia eam Confessionem præci- pere.

PETES 2. Unde sit incobandus annus, intra quem viget præceptum Ecclesia de faciendâ annua Confessione?

Respondeo, annum illum posse com- putari ab uno Paschate ad illud se- quens; vel ab una Quadragesima in- aliam sequentem; vel à die, quo emissâ

est ultima Confessio ad eundem diem anni sequentis; communior tamen, & verior sententia est, illum annum esse computandum, juxta communem supputationem à prima die Januarii usque ad ultimam Decembris. Prima pars constat, quia quocumque ex his tribus modis assignatis dueatur exordium anni, si intra illud spatium peccata quis confiteatur, rectè dicitur satisfecisse præcepto annuæ Confessionis per Lateranense Concilium præscripto. Hoc tamen intellige de præcepto, & obligatione per se, quæ scilicet oriatur ex vi, & efficacia ipsius præcepti faciendæ Confessionis; contingere enim potest, ut per accidens, hoc est, ratione præcepti suscipiendæ Eucharistiæ, aliquis teneatur iterum confiteri in quindena Paschatis, quo tempore viget præceptum faciendæ Confessionis; si nempe aliquo mortali peccato laboret, nec possit ad sacram Synaxim accedere, nisi prævia Confessione facta, & suscepta Absolutione sacramentali.

Posterior tamen pars communior est, & securior: verba enim legis accipienda sunt, sicuti sonant, nisi aliunde aliquid obstat: Hinc quando Ecclesia præcipit faciendam annuam Confessionem, annus debet accipi secundum communem supputationem, quæ est à prima die Januarii usque ad ultimum Decembris.

PETES 3. *An qui non est confessus intra annum, teneatur statim confiteri initio anni sequentis?*

Respondet id videri probabilius: quando enim tempus non præscribitur, ut terminus, quo præceptum expirat, sed tantum ultra quod protendi, ac differri non debeat talis præcepti executio, adhuc elapso illo tempore, præceptum istud obligat: sic quando præfigitur certum tempus alicui debitori ad solvendum debitum, transacto eo tempore, debitor ille manet semper obli-

gatus, ad solvendum illud debitum; quippe cum tempus non fuit illi præfixum, ut in eo debitum expiraret, sed ne ultra illud debiti solutio differretur: sed præfata constitutione Concilii Lateranensis tempus anni non ponitur, ut terminus, quo præceptum expiret, sed ultra quod differri non debeat adimpletio præcepti Confessionis; verba enim illa, *ut solum semel in anno confiteatur*, æquipollent, *ne ultra annum confiteri differat*.

Unde non tantum est præceptum affirmativum semel confitendi singulis annis, sed etiam negativum, scilicet non differendi ulterius; quod utique præceptum transgreditur, qui non statim elapso anno confitetur, cum jam tam salubre remedium, ac medicamentum, ultra quam par sit, differat. Ex quibus patet, discrimen esse inter præceptum faciendæ Confessionis singulis annis, & præceptum recitandi Horas Canonicas, audiendi sacrum diebus Festivis, & Dominicis, necnon, & suscipiendæ Eucharistiæ tempore Paschatis, in his enim præceptis tempus præscribitur, tanquam terminus illius executionis, cui annexa sit obligatio illud opus implendi, tanquam tributum illius diei, & temporis; unde præceptum Communionis Paschalis, utpotè specialiter latum, propter reverentiam, & celebritatem illius temporis, expirat cum ipso tempore; sicuti præceptum audiendi Missam expirat cum die Dominico, & Festo.

PETES DENIQUE: *Utrum qui prævidet se non posse confiteri reliquo anni tempore, quia videlicet navigaturus, aut peregrinaturus in remotam regionem, ubi non habebit Confessionis copiam, teneatur statim confiteri, antequam auspicietur illam navigationem, aut peregrinationem?*

Affirmo. Cujus utique ratio est facilis; cum enim præceptum de faciendâ Con-

Con-

Confessione sit præscriptum pro toto anno, & pro qualibet anni parte, consequens est, quod in qualibet parte anni possit impleri: ergo qui non potest in aliis anni partibus illud implere, tenetur hic, & nunc ei satisfacere; sic qui non potest audire Missam die Festo hora undecima cum sesqui, tenetur illud tempus anticipare, quoniam videlicet totum tempus antemeridianum, præscriptum est pro impletionem illius præcepti.

Dicitur: Qui prævidet se impediendum die festo ab auditione Missæ, non tenetur adesse die Sabbati: similiter qui prævidet se præpediendum à jejunio die Sabbati, non tenetur illud tempus anticipare jejunando die veneris: igitur pari ratione, qui prævidet se impediendum ab implendo præcepto faciendæ Confessionis per reliquum anni spatium non tenetur illud tempus anticipare.

Nego paritatem, & ratio disparitatis est, quod obligatio audiendi Missam, aut jejunandi non incipit ante diem, illum præfixum, quò videlicet huic præcepto faciendum est satis; unde quantumvis tempus illud præveniret, minimè tali obligationi satisfaceret: secus autem est de obligatione confitendi; hæc enim cum sit annua, incipit à primo die anni, & ad ultimum usque diem perseverat, non quòd revera illa obligatio debeat impleri illo primo die; sed quòd mihi liberum sit primò die ei satisfacere, si ita velim, ac proinde dum prævideo me aliis diebus illud debitum non posse exolvere, teneor illud implere ipso primo die, quo id licet, & juvat.

CONCLUSIO SECUNDA.

SOLUS, & omnes Baptizati, postquam ad annos discretionis pervenerint, tenentur ad præceptum annuæ Confessionis, si aliquo mortali peccato insecantur. Ita Lateranense Concilium (ut patet ex ejus verbis in præcedenti conclusione laudatis) quæ Tridentinum sess. 14. cap. 5. ita interpretatur: *Neque*

enim per Lateranense Concilium Ecclesiæ statuit, ut Christi fideles confiterentur, quod jure divino necessarium, & institutum esse intellexerat; sed ut præceptum Confessionis saltem semel in anno ab omnibus, & singulis, eum ad annos discretionis pervenissent impleretur. Igitur illi omnes, & soli obligantur tùm divino, tum Ecclesiastico præcepto ad Confessionem faciendam, qui post Baptismum mortaliter peccaverunt. An autem jure divino infideles teneantur ad Confessionem, saltem semel in vita faciendam; ac subinde peccent mortaliter, non solum propter neglectum Baptismi, sed etiam propter non susceptum Pœnitentiæ Sacramentum, videtur affirmare Doctor dist. 17. num. 29. ubi ait: quòd si Confessio esset tantum præcepta jure Ecclesiastico, non videretur quòd Infideles tenerentur ad præceptum de Confessione; quia secundum Apostolum 1. Cor. 5. *Quid mihi est de iis, qui foris sunt, judicare?*

Id autem aperte docet Richardus in 4. dist. 17. art. 2. Sylvestre verbo *Confessio*. Nec non, & *Hiquerus* in suo Commentario ad dist. 17. Doctoris, ubi suam assertionem sic probat: Lex Evangelica, inquit promulgata est tam fidelibus, quàm infidelibus, sicut, & remedia illius legis, qualia sunt Sacramenta, & eorum præcepta; ergo comprehendit tam fideles; quàm infideles. Antecedens constat. Consequentia probatur: Ad obligationem legis aut præcepti in genere, quod spectat ad substantiam legis, non requiritur, quòd præceptum pro omni statu, materia, & circumstantia, loquendo de affirmativo, adimpleatur; sed sufficit quòd in statu determinato, materia, tempore, & circumstantiis determinatis: sed hoc non tollit, quin aliquis obligetur lege, licet nunquam occurrat ei tempus, in quo præceptum legis affirmativum adimplere debeat, aut materia, quam determinat: ergo potest stare obligatio legis, & præcepti:

cepti; quamvis ad exercitium actus non obliget, nisi ex conditione prærequisita, quam lex ipsa determinat. Major patet; quia ipsa lex implicat illam conditionem determinatam, quæ potest non poni, aut non concurrere. Minor probatur; ex lege naturali quilibet tenetur succurrere proximo extremè indigenti dum potest; quamvis autem non occurrat casus adimplendi hoc præceptum non inde sequitur, quin quisque teneatur lege. Similiter quisque tenetur pro Republica vitam, & bona exponere, quamvis necessitas determinata, in qua tenetur ad hæc, in exercitio non occurrat. Sic tenetur fidelis ad Confessionem fidelis, & vitam commutandam pro ejus defensione coram tyranno, si occurrat casus, & sic de cæteris: ergo obligatio legis non tollitur, neque confunditur eum exercitio operis præscripti, quamvis circumstantia particularis operis perficiendi non occurrat. Sed eodem modo obligatur infidelis ad legem Evangelicam, ejusque præcepta, quamvis non pro statu infidelitatis retenta, quia sic nequit aliquid ejus præceptum positivum, ut est proprium hujus legis, adimplere (quia neque fidelis, quæ est fundamentum cæterorum, neque Baptismi, qui est Sacramentum fidei) saltem fructuosè quantum ad salutem. Hucusque Hiquæus. Et continuò adjungit: Quidquid ad hæc dicatur, præceptum Eucharistiæ comprehendit infideles, quamvis hoc præceptum pro statu infidelitatis nequeat adimpleri.

Si respondeas: Infidelem suscepta fide, & Baptismo, posse sumere Eucharistiam, non ita Sacramentum Pœnitentiæ, nisi peccaverit post Baptismum: non tenetur autem peccare, sicut tenetur suscipere Fidem, & Baptismum. Contra facit; quòd sic neque omnes Fideles teneantur præcepto Confessionis, sed solum illi, qui baptizati mortaliter peccaverunt. Imò, inquit *Hiquæus*, neque in illo statu unquam fuit obligatio Pœ-

nitentiæ, nisi ratione peccati mortalis personalis, ut supponit Tridentinum sess. 14. cap. 1. & 4. Cum tamen præceptum Pœnitentiæ omnes obligabat, non in exercitio, nisi ex suppositione peccati, si fieret. Sicut ergo præceptum Eucharistiæ obligat Infideles, ut ita dicam, in actu signato, quamvis non in exercitio, nisi adimpleatur conditio prævia, nempe per susceptionem Fidei, & Baptismi, & in ætate adulta; sic etiam præceptum Pœnitentiæ obligat Infideles, supposito Baptismo, & materia, ipsius Pœnitentiæ, nempe peccato post baptismum actuali mortali. Sed hoc etiam sufficit, quia non aliter obligat fideles, quos tamen obligat secundum omnes, non in exercitio, nisi supponatur peccatum tale. Unde si hæc ratio eximat infideles ab obligatione præcepti, quia in eo statu non possunt habere actum, per quem adimpletur præceptum, sic etiam eximendi sunt ab ejus obligatione fideles justi pro statu justitiæ.

Respondeo. Planè eximendi sunt fideles justi pro statu justitiæ, & ab omnibus eximuntur, qui dicunt, præceptum divinum Confessionis obligare solos illos, qui baptizati mortaliter peccaverunt. Neque uspiam Tridentinum insinuat, Pœnitentiæ esse omnibus fidelibus necessariam; sed, ut loquitur sess. 14. cap. 1. *Universi hominibus qui se mortali aliquo peccato inquinassent.* Sed neque Scotus obligat omnes fideles ad confitendum, ait enim 4. dist. 17. „ num. 18. De secundo articulo dico, „ quòd hoc præceptum includit quis „ debet confiteri, quia adultus. Numquid omnes? Sequitur: idest, habens usum rationis, & cognoscens peccatum, quod commisit, putà in Baptismo, vel post Baptismum; quia illud solum est materia Confessionis: igitur *Hiquæus* non videtur ratiocinari conformiter ad ipsius Doctoris principia, neque illius argumentum plurimum urget; plurimi

rimi namque negant, infideles teneri præcepto divino ad sumendam Eucharistiam.

Et insuper discrimen intercedit inter obligationem ad Sacramentum Eucharistiæ, & Pœnitentiæ: non enim aliter obligatur quis ad Confessionem ratione præcepti sumende Eucharistiæ, quàm quia illa est medium ad ejusmodi susceptionem ab homine, qui reus est alicujus peccati mortalis, quia dignè ac debitè non potest ab eo suscipi Eucharistia, nisi priùs obtinuerit remissionem peccati mortalis; quam utique habere non potest sine Confessione, & Absolutione in re, vel in voto. Concludendum ergo, quòd præceptum divinum Confessionis per se dumtaxat dirigitur ad baptizatos, qui in Baptismo, vel post Baptismum mortaliter peccaverunt; ac subinde infideles non comprehendit; nec consequenter novi mortalis peccati Rei censendi sunt, propter omissam Sacramentalem peccatorum accusationem.

Verùm, quidquid sit de præcepto divino respectu infidelium, certum est saltem eos non teneri ad annuam Confessionem; quippe cùm hæc obligatio tantum oriatur ex autoritate, & præcepto Ecclesiæ. Porro Ecclesia nullam auctoritatem habet in Infideles nondum baptizatos, ut docet Apostolus, 1. ad Cor. 5. Quid mihi est de iis, qui foris sunt, judicare?

Quòd autem omnes Adulti, etiam pueri statim, ac ad annos discretionis pervenerint, teneantur ad Confessionem annuam ex præcepto Ecclesiastico, apertè colligitur ex Conciliis Lateranensi, & Tridentino, ubi decernitur, quòd omnis utriusque sexus fidelis, postquam ad annos discretionis pervenerit, omnia sua peccata, saltem semel in anno confiteatur; illæ enim voces complectuntur etiam omnes pueros fideles baptizatos, usque rationis compotes, peccati mortalis reos, & sibi con-

scios: illi namque ad annos discretionis pervenerunt, quia discernere possunt bonum, & malum, pudescere de mendacio, vel alio simili peccato, laudare pietatem, & alias virtutes sibi notas. Unde Doctor disp. 17. n. 24. inquirens, quis teneatur ad præceptum annuam Confessionis. Quantum ad quæ, inquit, „ Ecclesia specificavit, quia peccator „ adultus, postquam scilicet ad annos „ discretionis attigerit, &c. Et nihil „ aliud est, quàm adultus secundum „ intellectum prius assignatum, *puta* „ num. 18. ubi ait. Per quem adultum „ non intelligo tantæ, vel tantæ ætatis: sed quòd habeat ætatem ad cognoscendum justum, vel injustum „ contra legem Dei. Quibus verbis Doctor nullum adultum excipit à lege Ecclesiastica faciendæ annuæ Confessionis; ac subinde infert ad eam teneri omnes etiam pueros rationis compotes. Et meritò quidem; quia distinguere non debemus, ubi lex ipsa non distinguit; odiosum enim est distinguere, ubi jura non distinguunt: at ea lex Concilii Lateranensis ab universali statuto fideles omnes obligante, non excipit pueros, nec eos distinguit ab aliis fidelibus; igitur eum communi sententia dicendum est; pueros rationis compotes, ac mortalis peccati reos obligari ad annuam Confessionem, statim ac ad annos discretionis pervenerint.

Dicer. Ex statuto Lateranensi equaliter præcipitur Confessio, & Communio; atqui Communio non obligat pueros statim atque pervenerint ad annos discretionis: ergo nec Confessio.

Respondet Lugo disp. 15. num. 151. ex ipsis verbis colligi diversitatem; nam Communio præcipitur cum illa limitatione: *Nisi forte de proprii Sacerdotis consilio, ob aliquam rationabilem causam ad tempus ab hujusmodi perceptione duxerit abstinendum.* Hæc autem rationalis causa prudenter æstimatur esse, quandiu nondum plenè agnoscit dignia-

gnitatem hujus Sacramenti, ut ad illud cum debita reverentia accedat. Quamquam non desint Authores, qui affirmant, idem esse tempus discretionis ad Confessionem, & Communionem; ita ut quilibet puer, cum ad annos discretionis venit, & obligatus est lege Confessionis, obligatus etiam sit recipere Eucharistiam, nisi expresse tempus à Confessario prorogetur. Ratio præcipua est; quia æqualiter imponitur omnibus fidelibus præceptum Confessionis annuæ, & Communionis Paschalis. Additur autem illa limitatio: *Nisi forte*, &c. quia possunt esse plures causæ prorogandi tempus Communionis, quam Confessionis.

Quò autem annò præcisè incipiat hæc obligatio, & sufficiens adsit in pueris usus rationis, non potest à nobis certò determinari; nam (*inquit Doctor num. 18.*) in multis ante ætatem consuetam (putà ante annum septimum) malitia supplet ætatem, & non tantum in malis, ut dicunt communia verba, quia fortè habet citius prudentiam ad malum; unde dicitur doli capax; sed etiam in bonis, juxta illud in legenda S. Agnetis: fides non in annis computatur. Unde etiam Concilium Lateranense nullum certum ætatis annum determinavit, sed absolute dixit: Postquam ad annos discretionis perveneris, relinquens Pastorum, ac Confessariorum discretioni, & judicio, ut istud decernant, ac determinent; sit enim plerumque, quòd aliqui anno suæ ætatis septimo, ingenio maturiores sint, & de rebus fidei melius ac perfectius informati, quam alii anno duodecimo. Hinc appositè Catechismus Romanus 2. cap. 17. num. 33. ait: *Primum ex Concilii Lateranensis canone, cujus initium est: Omnis utriusque sexus, perspicitur, neminem Confessionis legi adstrictum esse, ante eam ætatem, qua rationis usum habere potest; neque tamen ea ætas aliquo annorum numero definita est, sed illud*

universè statuendum videtur, ab eo tempore Confessionem pueri inditum esse, cum inter bonum, & malum discernendi vim habet, in ejusque mentem doli cadere potest; nam cum ad vitæ tempus quisque pervenerit, in quo de salute æterna deliberandum est, tum primum Sacerdoti peccata confiteri debet, cum aliter salutem sperare memini liceat, qui seclerum conscientia præmitur.

CONCLUSIO TERTIA.

PROBabile est, cum, qui dumtaxat venialium peccatorum reus esset, non teneri ex præcepto Ecclesiastico ad annuam Confessionem. Hæc est Doctoris, dist. 17. num. 25. ubi ait. Dico igitur, quantum capio ex statutis Ecclesiæ generalibus; nullus tenetur ad Confessionem venialium in quocumque casu: nec in hoc Ecclesia specificavit præceptum de Confessione; & hoc rationabiliter, quia ipsa utitur Sacramento Pœnitentiæ, tanquam tabula secunda contra naufragium, quod non est in venialibus. Nec aliquis tenetur ad aliquam Contritionem de venialibus: imò in actuali voluntate, vel actu venialis moriens, salvabitur; vapulabit tamen: non videtur autem, quòd aliquis teneatur ad secundam partem Pœnitentiæ, quæ est Confessio, de quo non teneatur habere Contritionem, vel Attritionem. Hæc etiam patet ex alio, quia (sicut supra dictum est) venialia delentur totaliter quantum ad culpam, & poenam, quandoque sine aliquo opere speciali, sicut per actum ferventem contemplationis in Deum, quemadmodum gutta consumitur à flamma vehementi.

Si quæras, quomodo ergo Sacerdos cognoscat vultum pecoris sui, si ille, qui dixit se vixisse innocenter, non tenetur confiteri venialia sua?

Respondeo: Si quis sibi confiteretur solum venialia, ex quo cognosceret ipsum non fecisse, nisi venialia? Ex nullo.

„ nullo, nisi ex Confessione sua. Unde
 „ extrav. de offic. ordinarii, cap. signi-
 „ ficavit: *Contenti penitentialiter in*
 „ *omnibus erendum est, quia non est*
 „ *verisimile, quod quis sit immemor sue*
 „ *salutis*: ergo si eodem modo credat
 „ venienti, & dicenti; Domine regra-
 „ tior Deo, quia ex quo fui ultimò con-
 „ fessus, non habeo conscientiam de
 „ peccato mortali: date mihi Eucha-
 „ ristiam, & in ista Pœnitentia tantam
 „ habet cognitionem vultus pecoris,
 „ quantam si narrasset venialia per
 „ duos dies; nec aliam certitudinem
 „ posset habere de propriis venialibus,
 „ si confiteretur, quàm modò habet de
 „ innocentia ejus, scilicet per pro-
 „ prium testimonium ejus. *Hæc Doctor.*
 „ Quibus apertè docet, eum qui dum-
 „ taxat haberet peccata venialia, non
 „ teneri ad annuam Confessionem, ex
 „ præcepto Ecclesiæ. Idem docet S. Tho-
 „ mas in hac dist. q. 3. art. 1. questiu-
 „ cula 3. ad 3.

Et probatur insuper primò, quia ex
vi statuti Concilii Lateranensis, tenen-
tur omnes fideliter omnia sua peccata,
confiteri: sed nemo potest omnia ven-
ialia confiteri, nec propter eorum
multitudinem illa in memoriam redu-
cere, ac subinde mens Concilii non fuit,
nomine peccatorum complecti venia-
lia.

Deinde, gravissima pœna infligenda
præscribitur iis, qui tale præceptum
non implent, nempe ejectio ab Ecclesia,
& privatio Ecclesiasticæ sepulturæ, ut
suprà diximus: sed non videtur æquum,
aut rationi consentaneum, ei qui pec-
cata venialia confiteri recusaret, pœ-
nam adeo gravem infligere: ergo idem
quod prius.

Demum, ut suprà ostendimus, præ-
ceptum Ecclesiasticum de annua Con-
fessione est determinatio præcepti di-
vin: atqui præceptum divinum non
obligat, nisi ad confitenda mortalia:
ergo nec Ecclesiasticum. Minor constat

Tom. X.

ex Concilio Tridentino sess. 14. cap. 5.
 ubi dicitur: *Venialia, quibus à gratia*
Dei non excludimur, & in qua frequen-
tius labimur; quamquam rectè, & uti-
liter, citra omnem præsumptionem in
Confessione dicantur, quod piorum ho-
minum usus demonstrat, taceri tamen
citra culpam, multisque aliis remediis
expiari possunt.

Dicit: Finis Confessionis Sacramen-
talis annuæ est, ut accedat ad Eucha-
ristiam majori cum reverentia, nec non
ut Pastor ipse suas oves cognoscat; sed
ad utrumque confert venialium Con-
fessio, nam ex noticia venialium, Pa-
stor animam sui subditi, & statum con-
scientiæ intelligere non obscurè potest,
ut salutaria det ei monita, ipsumque
muniat adversus futura peccata, etiam
mortalia, & similiter immunitas à ven-
ialibus maximè confert ad dignam
Eucharistiæ susceptionem: igitur hæc,
etsi sola sint, tamen sunt confitenda.

Respondeo, majorem esse veram ex
congruitate, non verò ex necessitate:
nam, ut Pastor sui pecoris, vultum
agnoscat, & ovis sibi commissæ statum
ac conscientiam percipiat, satis est quòd
in tali casu penitens se ostendat Sacer-
doti, dicatque se non habere conscien-
tiam ream alicujus mortalis. Similiter,
ut quis dignè accedat ad Eucharistiam,
& absque omni defectu etiam veniali,
non est necesse, quòd ejusmodi venialia
peccata confiteatur; quippe eùm per
alia remedia possint expiari, ut statim
diximus ex Concilio Tridentino.

PETES: *Utrum Ecclesia possit præcipere*
Confessionem venialium?

Affirmant communiter Theologi, id-
que probant: Primò, quia videtur illud
de facto fuisse præceptum Religiosis
S. Benedicti in Clementina, Ne in agro
Dominico, ubi decernitur: Ne in agro
Dominico, sacro videlicet Monachorum
nigrorum (idest Benedictinorum) Re-

K k k k

li-

ligionem indecorum aliquid obrepas, aut vitiosum quiddam permixtione in segetem coactat, sed ut in illa potius flores honoris, & honestatis fructus in ubertate succrescant in eis. &c. En causa Constitutionis. Sequitur Constitutio: Sanè singulis mensibus, tam in Monasteriis, quam extra (sublata occasione quacunque) ad Confessionem semel accedant omnes, & singuli Monachi; Et in prima Dominica mensis cujuslibet in Monasteriis semper communicent: nisi ex causa sortè, quam Abbat, Prior, aut Penitentiarius Monasterii non differant intimare, eorumque judicio vel abstineant, vel recedant.

Quamquam autem in ea Constitutione non fiat mentio peccatorum venialium: attamen, inquit Canus relect. de Pœnit. c. 5. & Navarrus de Pœnit. dist. 6. cùm eis Religiosis præcipiatur, ut confiteantur singulis mensibus, consequens est, illos teneri ad confitenda peccata venialia, si alia non occurrant. Verùm hæc ratio mihi videtur infirma; illa, namque Constitutio absolute non obligat ad faciendam Confessionem singulis mensibus, sed tantùm ex hypothesi, quòd ipsi Religiosi Confessione opus habeant: si enim in nullum prorsus laberentur peccatum, haud dubium est, quòd ad Confessionem virtute illius Constitutionis non tenerentur; ac subinde supponit summus Pontifex, ipsos Religiosos egere Confessione, ut peccatorum remissionem obtineant: cùm autem venialia remitti possint sine Confessione, inde consequens est, mentem summi Pontificis non fuisse, ut Benedictini virtute hujus Constitutionis teneantur ad Confessionem venialium, ita quòd peccatum inobedientiæ incurrant, si ejusmodi venialia peccata non confiteantur.

Sed quidquid sit de hac Constitutione, probabilius apparet Ecclesiam posse præcipere Confessionem venialium: *Tum quia* interdum Ecclesia fert ali-

quam censuram pro veniali peccato; scilicet minorem excommunicationem, ad cujus censuræ absolutionem necessaria est manifestatio talis peccati: *Tum quia* confiteri peccata venialia est actus virtutis Pœnitentiæ, ergo cadere potest sub præcepto: Ecclesia enim præcipere potest omnem actum virtutis; *Tum denique, quia* Confessio venialium plurimum conducit ad profectum spirituales, quippe cùm propositum efficax involvat peccatum veniale, in quod homo solet cadere, extirpandi, ut suadet experientia in iis, qui venialia peccata confitentur; licet enim non confiteantur omnia, sed dumtaxat ea, quæ ipsi volunt, nihilominus hoc magnum eis fructum est, & remedium ad corrigendos defectus ordinarios, & peccata levia.

Dices: Ecclesia non potest mutare materiam Sacramenti, ac subinde non potest facere materiam necessariam, quæ ex institutione Christi non est necessaria: sed si præciperet Confessionem venialium, mutaret materiam Sacramenti Pœnitentiæ, quia materiam non necessariam, & liberam, reverà necessariam efficeret; siquidem suo præcepto constitueret, ut peccata venialia, quæ non sunt necessariò confitenda, necessariò de facto confiteri deberent: igitur peccatorum venialium Confessionem Ecclesia præcipere non potest.

Respondet negando minorem: Quamvis enim Ecclesia præciperet Confessionem venialium, non mutaret propterea materiam Sacramenti Pœnitentiæ à Christo institutam: quoniam ejusmodi materia est peccatum, non tantùm mortale, sed etiam veniale, quam utique materiam reverà mutaret, si illud quòd est peccatum, declararet, non esse materiam Confessionis; vel quòd peccatum non est, declararet esse ejusdem Confessionis materiam: secus autem est in proposito, nam Ecclesia suo præcepto faceret, materiam esse necessariam, quæ aliàs erat quidem sufficiens, licet libera.

Dr.

Urgebis: Sacramentum Pœnitentiæ per se primò ordinatur ad remissionem culpæ: igitur illa culpa, ad cuius remissionem non est necessarium hoc Sacramentum, qualia sunt peccata venialia, non potest fieri materia necessaria hujus Sacramenti.

Distingo consequens: Non potest fieri materia necessaria, itaut sine illa non possit unquam ministrari hoc Sacramentum, concedo: ita quòd non fiat materia necessaria, quæ hic, & nunc debeat remitti virtute hujus Sacramenti, nego.

Q U A E S T I O T E R T I A.

Qualis esse debeat Confessio, ut sit perfecta?

Notandum primò, veteres Theologos ad perfectam Confessionem, sexdecim condiciones desiderasse, sequentibus verbis expressas.

Sit simplex, humilis, Confessio pura, fidelis,

Atque; frequens, nuda, discreta, libens, verecunda,

Integra, secreta, lacrymabilis, accelerata,

Fortis, & accusans, & sit parere parata.

Quas omnes condiciones præclare expendit Seraphicus Doctor in 4. diff. 22. p. 2. dub. 3. in explicatione scutis Magistri. Sufficientia autem, inquit, & numerus harum conditionum potest accipi sic: Quedam enim sunt condiciones, quæ sunt, & debent esse in Confessione secundum sui rectam quantitatem. Si secundum rectam quantitatem, hoc tripliciter. Aut quantum ad integritatem, aut quantum ad diuturnitatem: & sic sunt tres condiciones, scilicet, quod sit *integra*, quòd sit *frequens*, & *accelerata*. Si quantum ad associationem,

sic debet habere duarum societatem partium, scilicet Contritionis, & Satisfactionis. Quantum ad Contritionem, sit *lacrymabilis*, quantum ad Satisfactionem sit *parere parata*. Vel quantum ad utrumque, & sic *fortis*. Quantum ad qualitatem, aut ipsius Contentis, aut Confessionis. Si Contentis, sic sunt quinque condiciones: secundum vim rationalem sit *simplex*, secundum concupiscibilem debet esse *libens*, secundum irascibilem *humilis*, in sermone *fidelis*, & in signo *verecunda*, & sic sunt quinque. Si in se consideretur, sic debet esse *pura*, ut nihil intermisciat, debet esse *nuda*, ut nihil celatum teneat: quantum ad circumstantias, debet esse *discreta*, ut nihil addat: debet esse *secreta*, ut aliis non pateat: debet esse *accusatoria*, ut seipsum puniat. Et sic sunt tres partes quantitatis, tres ratione adjuncti quinque ratione subjecti, & quinque ratione sui: & sic in universo sunt sexdecim. Ita Seraphicus Doctor.

Notandum secundo: Harum omnium conditionum hunc sensum esse, quòd Confessio debeat esse, primò *simplex*, idest, verbis ingenuis, non autem artificiosè concinnatis edita, ut ea ratione aliquid occultetur, vel ut pœnitens disertus, & eloquens appareat, quod utique vanum esset, & omnino perversum: Secundo *humilis*, idest, cum animi abiectione, & humilitate, quæ appareat tam in verbis, quàm in compositione, & habitu corporis: Tertio, *pura*, id est sine ulla adjunctione rerum inutilium ad accusationem, quo spectat, ut unusquisque propria, non verò aliena confiteatur: Quarto, *fidelis*, idest, vera, & sine mendacio, quia in Confessione, nec dici debet quod factum non est, nec negari quod commissum est: Quinto, *frequens*, id est, quòd sæpius fiat, nec post diuturnum tempus protrahatur, ne videlicet plu-

K k k k 2 ri-

rima peccata excidant à memoria : *Secretò*, *nuda*, hoc est, distincta, & clara, ne peccati gravitas, aut species occultetur, & unumquodque peccatum juxta gravitatem, ut probabiliter existimatur, à pœnitente proferatur : Septimò *differetia*, id est, honesta, & debitis verbis explicata : Octavò, *libentis*, hoc est, voluntaria, ut nempe fiat ex animi deliberatione propter Deum placandum, & peccati veniam obtinendam : Nonò, *verecunda*, id est, confusionem, ac animi verecundiam propter peccati turpitudinem præ se ferens, ne videlicet quis peccata sua, quasi fabulam recitet, & enuntiet : Decimò, *integra*, hoc est, omnia prorsus peccata tam quoad numerum, quàm quoad speciem, & aggravantes circumstantias referens : Undecimò, *secreta*, id est, ut fiat solum secretò, non autem publicè, sed etiam, ut sit auricularis, & uni dumtaxat Sacerdoti : Duodecimò, *lacrymabilis*, hoc est, ut dolore de peccatis commissis annexum habeat. Decimò tertio, *accelerata*, id est, quòd fiat statim atque se-se post admissum peccatum, obtulerit occasio suscipiendi Absolutionem : Decimò quartò, *fortis*, ne videlicet ob timorem, & verecundiam, aliquid ex necessario dicendis omittatur. Decimò quintò, *accusans*, hoc est, in seipsum, non verò in dæmonem, aut tentationem crimen admissum refundat. Denique, quod sit *parere parata*, hoc est, quod pœnitens habeat animum implendi ea, quæ sibi à Confessario præscribentur in satisfactionem, & expiationem delictorum. Ex his autem omnibus conditionibus plurimæ invicem conveniunt, & dumtaxat spectant vel ad majorem reverentiam Sacramenti, vel ad ampliorem fructum ex Confessione percipiendum. Unde propositi nostri non est de his omnibus sigillatim fusiori sermone differere, sed dumtaxat de undecima, & duodecima, nempe quod Confessio debet esse secreta, & integra.

Notandum tertio, duplicem distingui posse in Confessione integritatē, unam materiale, alteram formalem. *Materialis* dicitur, quæ reverà fit de omnibus omnino peccatis mortalibus in specie, numero, & circumstantiis aggravantibus; ita quod nullum omnino sit ejusmodi peccatum, quod in Confessione non aperiatur : *formalis* vero, quæ licet non omnia omnino mortalia peccata aperiatur; non minùs tamen censetur integra, & valida; quia nullum reticet absque rationabili causa, aut inculpabili oblivione, seu ignorantia; & ideo Absolutione Sacramentali verè informatur, ac perficitur. Queritur itaque utrùm Confessio debeat esse integra alterutro ex his modis: Unde tria hic occurrunt discutienda : *Primum*, Utrùm Confessio necessario debeat fieri secretò : *Secundum*, utrùm fieri debeat de omnibus omnino peccatis, tam quoad numerum, quàm quoad speciem, & circumstantias. *Tertium*, utrùm liceat aliquando dimidiare Confessionem.

CONCLUSIO PRIMA.

Confessio auricularis est infinuata à Christo non præcepta: tamen si semper à fidelibus frequentata, & in Ecclesia recepta. Ita docet Concilium Tridentinum sess. 14. cap. 5. ubi ait: *Ceterum quoad modum confitendi secretò apud solum Sacerdotem, etsi Christus non vetuerit, quin aliquis in vindictam suorum scelerum, & sui humiliationem, tum ob aliorum exemplum, tum ob Ecclesie offense edificationem, delicta sua publicè confiteri possit: non est tamen hoc divino præcepto mandatum, nec satis consultè humana aliqua lege præciperetur, ut delicta, præsertim secreta, publicè essent Confessione aperienda: unde cum à sanctissimis, & antiquissimis Patribus, magno unanimique consensu, secreta Confessio Sacramentalis, qua ab initio Ecclesia sancta usa fuit, & modò etiam utitur, fuerit semper commendata; manifestè respellitur inanitas eorum calumniam qui*

qui eam à divino mandato alienam, & inventum humanum esse, atque à Patribus in Concilio Lateranensi congregatis, initium habuisse, docere non verentur. Et eadem scilicet. can. 6. Si quis negaverit, Confessionem Sacramentalem, vel institutam, vel ad salutem necessariam esse jure divino; aut dixerit, modum secreti confitendi soli Sacerdoti, quem Ecclesia Catholica ab initio semper observavit, & observat, alienum esse ab institutione, & mandato Christi, & inventum esse humanum, anathema sit.

Idem probatur auctoritate Patrum maxime vero Origenis homil. 2. in Psal. 37. Tantummodò, inquit, circumspice diligentius, cui debeas confiteri peccatum tuum. Proba prius Medicum, cui debeas causam languoris exponere, &c. ut ita demum, si quid ille dixerit, quid se prius, ut eruditum medicum ostenderit, & misericordem: si quid consilii dederit, facias, & sequaris: si intellexerit, & providerit, talem esse languorem tuum, qui in conventu totius Ecclesie exponi debeat, & curari, ex quo fortassis, & ceteri edificari poterunt, & tu ipse faciliù sanari; multa hoc deliberatione, & satis peritò Medici illius consilio procurandum est. Ex quibus liquet, quàm turpiter hallucinetur Rhenanus in argumento libri Tertulliani de Pœnitentia, cum ait, ex publica Exomologesi, seu Confessione, secretam sumpsisse originem: potius enim vice-versa se secreta Confessione publica Pœnitentia proceffit; siquidem non prius publicè dicebantur peccata, quàm Sacerdoti privatim secreto manifestata fuissent, ut ipse judicaret, de quibus esset agenda pœnitentia publicè, vel secreto.

Unde quoniam apud nonnullos inoleverat cõsuetudo peccata tantùm publicè confitendi, illam uti contrariam Apostolicæ doctrinæ submovendam statuit S. Leo epist. 80. quæ est ad Episcopos Campaniæ, ubi inter cætera scribit: Illam etiam, contra Apostolicam regu-

lam, præsumptionem, quam nuper agnovi à quibusdam illicita usurpatione committi, modis omnibus constituo, subynoveri (de Pœnitentia videlicet, quæ ipsa à fidelibus postulatur) ne de singulorum peccatorum genere, libelli scripta professio publicè recitetur: cum reatus conscientiarum sufficiat soli Sacerdotibus indicari Confessione secreta. Quamvis enim plenitudo fidei videatur esse laudabilis, quæ propter Dei timorem apud homines erubescere non veretur: tamen quia non omnium hujusmodi sunt peccata, ut ea, quæ Pœnitentiam poscunt, non timeant publicare, removeatur tam improbabili consuetudo, ne multi à Pœnitentia remediis arceantur: dum aut erubescunt, aut metuunt inimici sui fastia referari, quibus possint legum Constitutione percelli: Sufficit enim illa Confessio, quæ primum Deo offertur, tunc etiam Sacerdoti, qui pro delictis pœnitentium preceator accedit. Tunc enim demum plures ad Pœnitentiam poterunt provocari, & populi auribus non publicetur conscientia confitentis. Idem docet S. Hieronymus, qui exponendo illud Ecclesiasticis cap. 10. Si mordeat serpens in silentio, ait: Si quem serpens diabolus occultè momorderit, & nullo confecto, cum peccati veneno infecerit, si tacuerit, qui percussus est, & Pœnitentiam non egerit, nec vulnus suum fratri, aut Magistro voluerit confiteri; Magister, qui linguam habet ad curandum prodesse non poterit: si enim erubescat egrotus vulnus Medico confiteri, quod ignorat medicina, non curas.

Quod autem secreta Confessio sacramentalis à Christo D. fuerit insinuata, colligere licet ex perpetua, & constanti Ecclesiæ Traditione, ac praxi: nam, inquit, S. Augustinus lib. 7. de Baptismo contra Donatistas, c. 23. Sunt multa, quæ universa tenet Ecclesia, & ob hoc ab Apostolis præcepta bene creduntur, quamquam scripta non reperiantur. Cum ergo ab initio universæ Ecclesiæ us-

fuc-

fuerit Confessione secreta, & modo etiam uratur; consequens est illud à Christo D. per Apostolos ad nos usque fuisse transmissum: merito ergo Concilium Lateranense præscribendo obligationem confitendi singulis augeat, ait: *Solus peccator saltem semel in anno fideliter confitetur proprio Sacerdoti*. Ubi particula *solus* significat, obligationem illam non esse dicendi peccata sua publice, & coram multis, sed dumtaxat coram solo Sacerdote. Hæc ratio confirmabitur in objectionum solutione.

Dices: Nullibi in Scriptura legitur, Christum D. imperasse pœnitentibus, ut privata, & secreta Confessione peccata sua Sacerdotibus manifestarent: igitur non instituit illum secretum confitendi modum.

Nego consequentiam: Accurata quippe, nec unquam interrupta secretæ Confessionis à primis Ecclesiæ temporibus, ad hæc nostra tempora consuetudo, quæ nec à Conciliis, nec à summis Pontificibus originem duxit, sufficiens indicium est, illam non alium, quàm Christum habere authorem.

Adde quod, cum sacramentum Pœnitentiæ institutum sit *Joan. 20.* ex cujus institutione colligitur etiam Confessionis institutio, inde pariter deduci potest illius secretus faciendi modus, utpote qui magis deceat eximiam illam novæ legis suavitatem, nec non & jucundam Christi D. dispositionem, qui jugum suum suave esse voluit, & onus suum leve: Cùm itaque manifestatio omnium peccatorum etiam occultorum, & interiorum ex se habeat annexam verecundiam; ac subinde plurimam difficultatem, hæc dubium est, quin Christus D. voluerit, illam declarationem fieri modo minùs laborioso & penali, qualis est secretus: quem utique modum verisimile est, eum docuisse, cùm suscitatus à mortuis, per dies 40. apparuit Discipulis, loquens de regno Dei; id est, de his, quæ spectant ad

Ecclesiæ regimen, & hominum salutem, inter quæ remissio peccatorum per sacramentalem Confessionem, & Absolutionem suscipiendam, præcipuum locum obtinet.

Dices secundò: Confessio publica peccatorum, potest esse Sacramentalis, & valida, ut constat ex Tridentino verbis suprà laudatis: igitur Christus non instituit, nec ordinavit, ut peccatorum Confessio fieret secreto:

Nego consequentiam: Aliquid enim à superiore potest dupliciter inferiori præscribi: *Primo* quidem determinatè, quando in particulari non solum præscribitur res agenda, sed etiam modus quo debet peragi; sic Christus præscripsit Ecclesiæ nondum ut baptizaret, sed ut baptizaret in aqua cum invocatione sanctissimæ Trinitatis: *Secundò* quando superior ita determinat in particulari, modum exequendi legem à se latam, ut inferior liber perseveret ad eum modum usurpandum, vel alterum, quem ipse prudenter æstimaverit magis expedire suæ privatæ, vel publicæ Ecclesiæ utilitati. Hoc autem posteriori modo Christus D. ordinavit Confessionem fieri secreto, non tamen prohibuit, ne quis confiteretur publicè, ubi prudenter æstimaret id conducere ad majorem Ecclesiæ ædificationem, aut propriam salutem.

PETES, Utrum liceat aliquando confiteri per Interpretem, quando videlicet pœnitens non callat idioma Sacerdotis, nec Sacerdos idioma pœnitentis, & adest tertius, qui utriusque linguam calleat?

Affirmo: idque inquit Lugo d. 15. n. 60. omnes Theologi fieri posse absque controversia conveniunt paucis exceptis, & usus fidelium id probat, & suadet ratio, quia per ipsum sufficienter manifestantur peccata Sacerdoti in ordine ad Absolutionem, & per hunc modum.

Sa-

Sacerdos potest etiam sufficienter nosse dispositionem pœnitentis in ordine ad recipiendam Absolutionem. Quod utique confirmatur ex sacramento Matrimonii, quod omnes concedunt celebrari posse per Interpretem coram Parocho, & testibus: quid n̄ ergo fieri etiam poterit Confessio per Interpretem nam, (inquit Lugo) videtur major notitia requiri in Parocho, ut validè assistat Matrimonio, quam in Confessario, ut absolvat; quia in Matrimonio ideo requiritur præsentia Parochi, & testium, ut possit legitimè Ecclesiæ constare de Matrimonio celebrato, si fortè conjux postea id negaret, vel ut conjuges id possint apud Ecclesiam probare: ad hoc autem posset apparere insufficiens consensus præstilius per Interpretem, quia Parochus non potest testari de consensu, cum ipse non intelligat idioma contrahentium; sed solum posset dicere, Interpretem dixisse illos consentire: Unde si postea conjuges negarent consensum, & dicerent Interpretem fuisse mentium, non posset aliquid planè contra ipsos probari, cum totum reduci deberet ad testimonium unius Interpretis. Si ergo conceditur sufficiens illa notitia per Interpretem data, ut Parochus validè assistat, facilius concedi debet sufficiens similis notitia ad Confessionem sacramentalem, in qua non requiritur notitia, qua postea possit apud Ecclesiam probari illud peccatum, vel ejus Confessio, sed qua Confessarius in foro interno possit pœnitenti contra se loquenti credere, ad quod sufficit modus ille loquendi per Interpretem, sicut in aliis rebus, & negotiis humanis. Huc usque Lugo, ex quibus ad minus sequitur, & sufficienter ad nostrum propositum, quod æquè saltem desideretur præsentia contrahentis in matrimonio, ut suum consensum manifestet Sacerdoti, ac desideraretur præsentia pœnitentis in sacramento Pœnitentie, ut sua peccata ma-

nifestet: igitur quemadmodum ille sufficienter suum consensum declarat per intellectum coram Parocho, & testibus ut censetur validè contrahere; sic pœnitens per Interpretem sufficienter peccata sua manifestabit Sacerdoti præsenti, ut ab eo legitimè possit absolvi: siquidem ad valorem Sacramenti, nihil aliud requiritur, quàm ut peccata manifestentur Sacerdoti, tanquam Judici, in ordine ad obtinendam eorum remissionem.

Dices: Doctor subtilis in 4. dist. 17. num. 31. respondens ad argumentum à se propositum num. 2. nempe quòd non omnes teneantur confiteri peccata sua Sacerdoti; quia, inquit, nullus obligatur ad impossibile, sed mutus non potest loqui, item omnis extraneus inter illos, quibus est barbarus, est mutus: ergo non tenetur confiteri.

Respondet: Ad aliud dicitur, quòd talis debet confiteri per Interpretem, vel per alia signa à verbis, quæ possunt esse nota Sacerdoti. Secundum est bene concedendum, si aliqua talia signa communia confiteri muto, vel barbaro, & Sacerdoti. Sed primum non videtur necessarium: quia forum istud ex natura sua est secretissimum: ergo non tenetur aliquis ad istud forum, ut aliquo modo publicum. Sed licet Interpres velit celare, & teneatur celare, sicut Sacerdos, tamen si velit malignari, ipse & Sacerdos possunt esse testes contra accusatum, & ita ex natura hujusmodi accusationis, hæc accusatio potest venire in publicum, & ita non est pœnitentialis. Ex hoc patet, quòd pluribus Sacerdotibus simul non est confitendum necessariò, ut melius judicent. Quòd si fiat, non est sacramentalis Confessio: maxime autem videtur, quòd non sit confitendum per Interpretem, quando timetur ipsum non esse secretarium idoneum: & si in tali casu iste habet impossibilitatem confitendi homini idoneo, confiteatur Deo cum
pro-

proposito constendi homini opportunitate oblata. Igitur ex mente Doctoris, Confessio, quæ fit per Interpretem, non est sacramentalis, nec valida.

Nego consequentiam: Doctor enim nihil aliud his verbis significat, quàm quoddam Confessio, quæ fit per Interpretem, non sit absolute necessaria ad salutem, utpote quæ nec sit à Christo præcepta, nec ab Ecclesia proposita, ut necessario faciendi, maxime quando timetur confessi criminis evulgatio: non enim verisimile est, Christum D. qui vult omnes homines salvos fieri, & qui dedit semetipsum Redemptionem pro omnibus, instituisse, ac præcepisse modum illum constendi, qui vergeret in præjudicium pœnitentis, & Sacramentum nimis difficile, ac onerosum redderet; maxime cum præcipiendo correctionem fraternam, voluerit eam secretò fieri; ait enim Matth. 18. *Si peccaverit in te frater tuus, vade, & corripe eum inter te, & ipsum solum. Quæ verba sic expendit S. Augustinus serm. 16. de verbis Domini: Quid in te peccavit tu scis, quia peccavit: quia enim secretum fuit quando in te peccavit, secretum quare cum corrigis quod in te peccavit: nam si solus nosti, quia peccavit in te, & cum vis eam omnibus arguere, non es corrector, sed proditor.* Si igitur voluit Christus D. correctionem fraternam fieri secretò, quis existimabit eum voluisse, ut Confessio sacramentalis peccatorum occultorum fieret publicè? Merito igitur Doctor censet, non esse necessario constendum per Interpretem, maxime quando timetur, eum non esse tenacem secreti; ac subinde Confessionem illam per Interpretem, non censerì Confessionem sacramentalem, ad quam regulariter, & per se obligantur omnes fideles ex Institutione Christi; licet reverà possit esse sacramentalis, quatenus pœnitens voluntarie, ac pro libito ad eam recurrit: quem admodum Confessio publica non est

quidem necessaria, est tamen sufficiens ad salutem; & etiam interdum utilitum pœnitenti, cum Ecclesiæ, ac fidelium ædificationi.

CONCLUSIO SECUNDA.

Omnia omnino peccata mortalia, quæ post diligentem conscientiam discussionem memoria occurrunt, necessario sunt aperienda in Confessione, non tantum in genere, sed etiam in specie, ac sigillatim; subindeque ut Confessio sit valida, debet esse formaliter integra. Hæc est de fide determinata in Concilio Tridentino sess. 14. cap. 5. ubi ait: „ Ex Institutione sacramenti Pœnitentiae jam explicata, universa Ecclesia semper intellexit, institutam esse, etiam à Domino integram peccatorum Confessionem, & omnibus post Baptismum lapsis jure divino necessariam existere: quia Dominus noster Jesus Christus, è terris ascensus, ad cælos, Sacerdotes sui ipsius vicarios reliquit, tanquam Præfules, & Judices, ad quos omnia mortalia, crimina deferantur, in quæ Christi fideles ceciderint; quò potestate clavium, remissionis, aut retentionis peccatorum, sententiam pronuntiant: constat enim, Sacerdotes iudicium hoc, incognita causa, exercere non potuisse, neque equitatem, quidem illos in pœnis injungendis servare potuisse, si in genere dumtaxat, & non potius in specie, ac sigillatim, sua ipsi peccata declarassent. Ex his colligitur, oportere à Pœnitentibus omnia peccata mortalia, quorum post diligentem sui discussionem conscientiam habent, in Confessione recenseri, etiam si occultissima illa sint, & tantum adversus duo ultima Decalogi præcepta commissa, quæ nonnunquam animam gravius lauciant, & periculosiora, sunt illis, quæ in manifestò admittuntur: nam venialia, quibus à gratia Dei non excludimus, & in quæ frequen-

„ quentia labimur, quanquam rectè,
 „ & utiliter, citraque omnem præsum-
 „ ptionem in Confessione dicantur,
 „ quod piorum hominum usus demon-
 „ strat; taceri tamen citra culpam,
 „ multisque aliis remediis expiari pos-
 „ sunt. Verùm cum universa mortalia
 „ peccata, etiam cogitationis, homines
 „ iræ filios, & Dei inimicos reddant:
 „ necessum est omnium etiam veniam,
 „ cum aperta, & verecunda Confessio-
 „ ne, à Deo querere. Itaque dum om-
 „ nia, quæ memoriæ occurrunt, pecca-
 „ ta, Christi fideles confiteri student,
 „ procul dubiò omnia divinæ miseri-
 „ cordiæ agnoscenda exponunt; qui
 „ verò secus faciunt, & scienter aliqua
 „ retinent, nihil divinæ bonitati per
 „ Sacerdotem remittendum propo-
 „ nunt; si enim erubescat ægrotus vul-
 „ nus medico detegere, quod ignorat,
 „ medicina non curat.

Ita Concilium. Quibus verbis aperte
 declarat, omnia omnino mortalia pec-
 cata, quæ post diligentem conscientiæ
 disquisitionem occurrunt, esse neces-
 sario in Confessione aperienda. Quod
 utique probat duplici ratione. *Primo*,
 quia Deus in Sacramento Pœnitentiæ
 peccata dimittit per modum iudicii, in-
 serviente accusatione ex parte pœni-
 tentis, & sententia Absolutionis, ex
 parte Sacerdotis: sed sententia Sacer-
 dotis non potest legitimè ferri incogni-
 ta causa, neque Sacerdotes æquitatem
 servare possint in pœnis injungendis, si
 in genere dumtaxat, & non potius in
 specie, aut sigillatim sua peccata pœni-
 tentes declarassent: igitur ita sunt de-
 claranda. *Secundò*, Sacerdos in hoc Sa-
 cramento, non solum habet rationem
 iudicis; sed etiam Medici: sed Medicus
 non potest prudenter ac sapienter con-
 veniens morbis remedium præscribere,
 nisi omnes ejusmodi morbos noverit,
 omnemque infirmi habitudinem per-
 spectam habuerit: igitur nec Sacerdos
 potest salutarem Pœnitentiam præscri-

here pœnitenti, nisi omnia illius pecca-
 ta distinctè cognoscat: nosse autem illa
 non potest Sacerdos, nisi ipse pœnitens
 aperuerit. Consequens est ergo, ut
 omnia omnino peccata in Confessione
 aperiantur. Unde præclare Concilium
 can. 7. definit: *Si quis dixerit in Sacra-
 mento Pœnitentiæ ad remissionem pecca-
 torum, necessarium non esse jure divino
 confiteri omnia, & singula peccata mor-
 talia, quorum memoria cum debita, &
 diligenti præmeditatione habeatur, &
 circumstantiat, quæ peccati speciem mu-
 tant . . . anathema sit.*

Neque existimandum est, Concilium
 hanc doctrinam, tanquam novum ali-
 quod dogma in Ecclesiam ingessisse;
 constat enim sufficienter ex dictis, com-
 munem eam esse SS. Patrum doctrin-
 am, quòd omnia omnino mortalia
 peccata sint in Confessione aperienda:
 ita namque docet S. Cyprianus serm.
 de lapsis, ubi loquendo de iis, qui Rei
 non sunt perfidiæ, aut idololatriæ, sed
 tamen in alia peccata lapsi sunt, ait:
*Quanto; & fide majores, & timore me-
 liores sunt, qui quamvis nullo sacrificii,
 aut libelli facinore constrikti: quoniam
 tamen de hoc vel cogitaverunt, & hoc ip-
 sum apud Sacerdotes Domini dolenter,
 & simpliciter existentes, exomologesim
 conscientiæ faciunt, animi sui pondus ex-
 ponunt, & salutarem medelam parvis li-
 cet, & modicis vulneribus exquirunt,
 scientes scriptum esse: Deus non irride-
 tur, Idem docet Author libri de vera,
 & falsa Pœnitentia, cap. 15. Cautus sit,
 ne verecundia ductus, dividat apud se
 Confessionem, & diversa diversis Sacer-
 dotibus velit manifestare. Quidam enim
 uni celant, quæ alii manifestanda con-
 servant; quod est se laudare, & ad hypo-
 crisim tendere, & semper veniam carere,
 ad quam per frustra putant pervenire.*
 Idem pariter docent S. Ambrosius lib.
 de paradiso, cap. 24. S. Gregorius homi-
 mil. 10. super Ezechielem, S. Hierony-
 mus in cap. 10. Ecclesiastici, quorum

oracula referuntur parte secunda Catechismi Tridentini, *Tit. de Penitent. Sacramento, num. 61.*

Quibus etiam suffragatur ratio Theologica: Præceptum enim Confessionis ex institutione Christi D. subrogatum est præcepto Contritionis: sed Contritio fieri necessàriò debet de omnibus peccatis: non enim potest unum peccatum deleri de via ordinaria, quin pariter omnia deleantur: Unde Contritio non delet peccata, nisi omnia detestetur: igitur nec ea delere potest Confessio, & Absolutio, nisi omnia illa peccata subiciantur Ecclesiæ clavibus.

PETES: *Quid sentiendum sit de circumstantiis peccatorum?*

Respondeo, eas circumstantias esse triplicis generis; aliquæ enim mutant speciem peccati; nam si quis habeat rem cum virgine libera, & consentiente, erit simplex fornicatio; si cum conjugata, erit adulterium: si cum parente & proxima, erit incestus; si cum voti sponione Deo consecrata; aut in loco sacro, erit sacrilegium: quæ omnes circumstantiæ diversum peccatum efficiunt. Aliæ verò aggravant tantum, notabiliter intra eandem speciem; si quis enim centum, vel ducentos aureos furetur, gravius peccat, quam is qui unum dumtaxat nummum aureum furdum accipit. Aliæ verò circumstantiæ nec speciem mutant, nec notabiliter aggravant; ut si quis hominem interficiat, percutiendo eum ferro, ligno, aut lapide.

Quantum autem ad circumstantias mutantem speciem, conveniunt omnes Theologi, eas esse necessàriò in Confessione aperiendas, ut etiam docet Concilium Tridentinum præfato cap. 5. ubi ait: Colligitur præterea etiam eas circumstantias in Confessione explicandas esse, quæ speciem peccati mutant: aut sine illis peccata ipsa ne-

que à penitentibus integrè exponantur, nec iudicibus innotescant, & fieri nequeat, ut de gravitate criminum rectè censere possint, & penam, quam oportet pro illis penitentibus imponere; unde alienum à ratione est, docere circumstantias has ab hominibus otiosis excogitatas esse; aut unam tantum circumstantiam confitendam esse, nempe peccasse in fratrem.

Quantum autem ad circumstantias, quæ peccatum non aggravant, nec peccati speciem mutant, conveniunt omnes cum subtili Doctore d. 17. num. 20. eas non esse necessàriò manifestandas in Confessione. De aliis verò circumstantiis, inquit Doctor, quæ nihil ad propositum spectant, & sine quibus tanta esset gravitas, quanta sine illis circumstantiis impertinentibus, fatuum est confiteri, utpote si aliquis peccat cum aliqua, quæ vocatur *Bertha*, vel *Lucia*, & ejusmodi.

Quantum verò ad circumstantias notabiliter aggravantes, variant inter se Authores; quidam enim contendunt eas esse necessàriò aperiendas in Confessione, ita Alensis 4. part. q. 18. memb. 4. Cajetanus. 1. 2. quæst. 4. Major in 4. disp. 4. qu. 4. &c. Alii verò negant cum S. Bonaventura disp. 17. 3. part. art. 2. quæst. 3. Doctor verò subtilis loco mox laudato ait: *Multa sunt circumstantiæ, ex quibus peccatum est aliquo modo gravius, & hoc vel ex parte objecti, vel ex parte persone peccantis, de quibus non est ita certum, quod oporteat illas confiteri: tamen tutum, & utile est hoc fieri.* Idque maxime quia id significat S. Augustinus vel quisquis est Author lib. de visitatione infirmorum, cap. 5. *Quæ erga mentem gravius exacerbat facinore, inquit, Dei Angelo manifestata, nihil obsecrum dicens, culpam multis ambagibus involvens, &c. Designanda sunt etiam in quibus peccasti, loca, si recordaris, & tempora; cum quibus peccasti personæ,*

non nomina ipsarum, & ut à peccato deficiant, secretò corrigenda familiaritas, in quo peccasti, labilis ætas, in quo gradu serviebas Ecclesie, utrum semel an, ex consuetudine, utrum necessitate, an ex voluntate occidisti. His enim omnibus sua insunt judicia: si enim in iudiciis secularibus à locis loca discernuntur, alia censura vindicatur homicidium in Regi curia, alia in via publica, alia in aggressi villa: aliquando pro tempore temporalis ignoscitur infantia, desertur aliquando senectuti, quæ media deservet ætas. severa adhibetur habena. In solemnibus præcipit Natalitii perpetrata feroci plebuntur exterminio facinora, se, & cætera quanto destrictioribus eliminanda sunt animadversionibus, in locis Deo sacratiss, in temporibus sanctis Deo dicatis, in ætate discretiori, in personis propriè Deo delegatis, in gradibus commissi sublimioribus: nonne cui plus committitur, plus ab eo exigitur? Nonne minus est hominem occidisse, quàm homines? Nonne levius est semel deliquisse quàm centies? Nonne celeritorem consequitur veniam ex necessitate occidisse, quàm ex voluntate? &c.

Fateor tamen plures in eis sententiis numerari circumstantias, quas omnes conveniunt non esse de necessitate Sacramenti quòd in Confessione aperiantur, scilicet tempus orationis, tempus jejunii, & ætatis.

Unde potissima ratio deducitur ex autoritate Concilii Tridentini; licet enim noluerit expressè definire hanc quæstionem inter Doctores controversam; non obscurè tamen nostram partem affirmativam tuetur locis suprà laudatis. Siquidem Concilium docet idcirco confitenda esse peccata in specie, ac figillatim; quia, inquit, constat Sacerdotes non posse servare equitatem in iungendis penis, si in genere duntaxat, & non potius in specie, ac figillatim peccata cognoscant: & declarans, cur circumstantia mutantes spe-

ciem, sint confitenda, hanc rationem profert, quòd sine illis peccata ipsa, neque à penitentibus integrè exponantur, neque iudicibus immutescant, & fieri nequeat; ut de gravitate criminum rectè censere possint, & penam, quam oportet pro illis, penitentibus imponere. Porro hæ rationes æqualiter probant necessitatem confitendi circumstantias notabiliter aggravantes; nam per se notum est, maiorem penam esse injungendam ei, qui unico actu eripuit multa millia aureorum, puta Principi, qui uno Edicto injustè lato plures subditos spoliavit; quàm qui tantum tres aureos tribus distinctis furtis abstulit.

Adde quòd, si circumstantia aggravans circa eandem speciem, non haberet novam malitiam, sequeretur illum non gravius peccare, qui incestum, commisit in primo gradu, quam qui illud committeret in tertio, & quarto: sequeretur similiter, quòd qui amputasset alicui aures, & nares, & brachia, & pedes, atque oculos ei effodisset, dummodò ipsum non occidisset, satisfaceret præcepto Confessionis dicendo, se graviter aliquem vulnerasse.

Item qui explodendo tormentum bellicum voluntariè occidisset plures homines suum delictum sufficienter explicaret, dicendo: se reum esse homicidii. Quæ utique absurda sunt, Concludendum igitur cum Catechismo Concilii Tridentini, tit. de Pœnit. cap. 62. „ quòd non solum peccata gravia nar-
„ rando explicare oportet; verum,
„ etiam, quæ unum quodque peccatum
„ circumstant, & gravitatem valde au-
„ gent, vel minuunt.

Nec obstat, quòd circumstantia notabiliter aggravantes intra eandem speciem, non constituent formaliter distincta peccata: sufficit enim, quòd ea constituent virtualiter, seu æquivalenter; unum namque peccatum notabiliter grave ex aliqua circumstantia, moraliter æquivaleret multis numero distin-

His, ut patet exemplis jam adductis: unde non videntur sufficienter explicari quoad numerum peccata mortalia, nisi explicetur circumstantiæ intra eandem speciem notabiliter aggravantes.

Dices: Nullus ad id obligatur, de quo non extat præceptum: sed, nullum extat præceptum divinum, aut Ecclesiasticum de confitendis circumstantiis intra eandem speciem notabiliter aggravantibus: igitur nullus ad id tenetur.

Nego minorem: Siquidem divino præcepto tenemur id omne in Confessione exprimere, quod necessarium est ad perfectam Sacramenti Pœnitentiæ administrationem, & susceptibnem. Porro huiusmodi circumstantiarum declaratio ad id necessaria est: cum enim hoc Sacramentum sit institutum à Christo D. per modum iudicii, quidquid requiritur ad hoc, ut Sacerdos rectè de criminum gravitate judicare possit, & debitam pœnam præscribere, cadit sub præcepto divino. Cùm igitur explicatio circumstantiarum intra eandem speciem notabiliter aggravantium, necessaria sit ad hoc, ut Confessarius rectum de peccatorum gravitate iudicium efformet: idcirco fatendum est, Confessionem illarum circumstantiarum cadere sub præcepto divino.

Dices secundò: Si necessarium esset confiteri circumstantias notabiliter aggravantes intra eandem speciem; pari ratione aperiendæ essent in Confessione circumstantiæ notabiliter minuents peccati gravitatem: sed hoc videtur esse contra rationem Confessionis, quæ debet esse accusatio, non autem excusatio: igitur, &c.

Nego minorem: Quemadmodum enim parvus peccatorum numerus explicandus est, ut rectum de pœnitente feratur iudicium, sic etiam aperienda est circumstantia notabiliter allevians, patè si quis peccaverit, vel ex ignorantia, vel ex vehementi tentatione, vel ex metu imminuentis periculi mortis; hæc enim

maximè conferant ad hoc ut Sacerdos rectum de crimine possit ferre iudicium.

Ad probationem verò dico, quòd et si Confessio sit potius accusatio, quàm excusatio; attamen hæc accusatio talis esse debet, ut ex ea Sacerdos possit agnoscere delicti gravitatem, & juxta illam præscribere debitam, & non excedentem Satisfactionem: ad hoc autem conducit explicatio circumstantiæ minuents gravitatem peccati; ac subinde illa est in Confessione aperienda.

Dices tertio, Id non videtur necessariò, ac tutò afferendum, & faciendum, quod pœnitenti nimiam anxietatem animi ingerit, & eum reddit semper dubium de validitate suæ Confessionis: at ita fiet si circumstantiæ graves sint aperiendæ; quis enim definiet, quanta intensio, & quanta duratio actus requiratur, ut peccatum censeatur notabiliter gravare intra eandem speciem: igitur, &c.

Nego minorem, Primò namque facile apparet circumstantia aggravans ex parte magnitudinis, vel multitudinis. Idem etiam apparet ex Intensione, & duratione actus peccaminosi; quilibet enim pœnitens per exactam suæ conscientiæ disquisitionem rescire potest, quandiu perseveraverit in actu odii proximi, & quantum in ipso odio exarserit, ut nempe illud in Confessione aperiat. Idem autem dicendum de cæteris, ac subinde non est adeò difficile ejusmodi circumstantias aggravantes in memoriam revocare, & eas in Confessione exprimere.

PETES 2. Qualis, & quanta esse debeat Conscientiæ disquisitio prævia ad salutarem, & integram Confessionem?

Respondet Doctor dist. 17. nu. 19. eam desiderari inquisitionem, quam posset aliquis apponere circa aliquod negotium

tium multum arduum, quod sibi multum esset cordi; tantam deberet apponere circa omnia peccata mortalia reducenda ad memoriam, & illa reducta ad memoriam debet eidem confiteri, non dividendo Confessionem: quia, ut dicit Augustinus de vera, & falsa Pœnitentia, & ponitur de Pœnitentia distinct. 5. cap. Consideret. *Quidam unicelant, quod alii manifestandum conseruant; quod est se laudare, & ad hypocritism tendere, & semper veniam carere, ad quam credunt per frustra pervenire.* Idem docet Catechismus Concilii Tridentini tit. de Pœnit. num. 62. dicens: *Sed in Confessione summa illa cura, & diligentia adhibenda est, quam in rebus gravissimis ponere solent, omneque illud ita ed conferendum, ut cernamus animæ vulnera, & peccati radices avellamus.*

Hæc tamen ita intelligenda sunt, ut ejusmodi disquisitionis fiat cum ea diligentia, quam patitur humana fragilitas, ne forte, ut habet idem Catechismus num. 66. nimis dissolutè, & remissè conscientiam nostram scrutati simus, adeoque negligenter peccata admissa memoria repetere studuerimus, ut ea ne recordari quidem voluisse merito videri possimus: id enim si factum fuerit, Confessionem iterare omnino oportebit: prudentia igitur opus est ne pœnitens, vel nimis leviter se examinet, vel nimium se in ejusmodi inquisitione divexet, in præjudicium sanitatis corporis, ac quietudinis mentis.

CONCLUSIO TERTIA.

Non requiritur absolutè ad perfectam Confessionem integritas materialis; ab ea namque excusat impotentia physica, & moralis. Hæc est communis, illamque expressis verbis docet Concilium Tridentinum sess. 14. cap. 5. ubi ait: *Constat nihil aliud in Ecclesia à pœnitentibus exigi, quam ut postquam quisque diligentius se excusserit, & conscientia sua simul omnes latebras explo-*

raverit, ea peccata confiteatur, quibus se Dominum, & Deum suum mortaliter offendisse meminerit; reliqua autem peccata, quæ diligenter cogitando non occurrunt, in universum eadem Confessione inclusa esse intelliguntur.

Ratio autem hujus Conclusionis est; quia Deus impossibile non jubet, neque Christus D. id pro medio necessario ad salutem instituit, quod interdum sit impossibile: sed interdum accidit, quod Confessio materialiter integra omnium peccatorum sit impossibilis physicè, & moraliter: igitur, &c. Major constat: Minor probatur, quantum ad primam partem, nempe quod illa integritas aliquando physicè sit impossibilis, tum ex parte pœnitentis, si nondum confitetur, subito obmutescat, vel si ita morte præoccupetur, ut non possit aliquid peccatum in specie, ac sigillatim declarare, sed tantum signa Contritionis, necnon & desiderii suscipiendæ Absolutionis manifestare: quibus in casibus conveniunt omnes, illum debere necessario absolvi: vel ex parte Confessarii, si nempe sit surdus, aut diversi idiomatis, nec alius possit occurrere, qui peccata sigillatim excipiat: vel si plures occurrant absolvendi, quos pro temporis angustia non potest sigillatim audire, puta cum imminet naufragium, incendium, aliudve exitium, quibus in casibus, ut constat, physicè impossibilis est integritas materialis Confessionis. Nec tamen verisimile est Deum voluisse hujusmodi homines in eis casibus excludi à susceptione sacramenti Pœnitentiæ, quod pro omnibus post Baptismum lapsis, tantum medium necessarium ad salutem, fuit institutum: igitur, &c.

Probatur similiter eadem minor de impotentia morali; plures namque occurrunt casus, in quibus dimidianda videtur Confessio, nec censetur vigere præceptum confitendi omnia prorsus peccata, etiam quæ memoria occurrunt,

runt, quos videre poteris apud Authores casuum conscientię; Præcipuum autem casus sunt: *Primus*, quando grave ex Confessione talis peccati emergeret incommodum, & damnum pœnitenti, puta si probabile immineret periculum mortis corporalis, aut alterius mali æquivalentis, nempe mutilationis membrorum, perpetui carceris, exilii, &c. *Vel* si tempore pestis Confessarius probabiliter timeat infectionem pestiferam, si diu cum pœnitente peste infecto perseveret; his enim in casibus poterit pœnitens graviora consilii peccata, & Absolutionem percipere.

Secundus casus est: si immineret periculum mortis spiritualis, tam ipsi pœnitenti, quàm Confessario, puta si femina proclivis ad peccatum carnis, prudenter iudicet Confessarium eam ad ejusmodi peccatum sollicitaturum, si peccatum istud, & peccandi proclivitatem aperiat. Censet tamen Lugo disp. 16. num. 734. distinguendum esse: nam, inquit, si femina timeat sibi ex illa sollicitatione periculum consuetudinis, vel certe importunas preces, aut Instantiam Confessarii, quod non leve incommodum feminae affert, potest illud tacere: si nihil horum timeat, non est quod curet de malitia Confessarii. Debet tamen observari regula communis, quæ tradi solet in materia scandali, ut si possit commodè vitari damnum proximi, sine damno nostro, vitari debeat ex obligatione charitatis. Quare sicut ad petendum Sacramentum ab illo, qui est in peccato mortali, requiritur aliqua specialis utilitas ejus, qui petit: sic debet in præsentem intervenire specialis causa excusans ad confitendum huic, & non alteri.

Tertius, Si pœnitens prudenter timeat, quod Confessarius præter suum consensum, sit peccatum revelaturus alteri, ex eo videlicet, quod noverit eum minus discretum, nec secreti tenacem. Valdè tamen cavendum est pœ-

nitenti, inquit Conink, disp. 7. dub. 9. num. 77. ne similia de suo Confessario suspicetur, sine gravi admodum fundamento, quale esset, si sciret cum aliquando Confessionem revelasse, aut aliquos ob peccata in Confessione audita malè tractasse, aut ad flagitium sollicitasse, aut tam proclivem esse in vitia, ut obvias quasque fœminas sibi familiares, ad turpia sollicitet, aliàs hæc suspicando gravissimè peccaret.

Ut autem legitimè ab integritate Confessionis eis in casibus eximi possit pœnitens, tria debent concurrere: *Primum*, quod sit necessitas faciendæ Confessionis, vel ex precepto divino, puta si urgeat periculum mortis: vel ex præcepto Ecclesiastico annuæ Confessionis; si enim quis confiteatur dumtaxat devotionis causa, non video cur ipse ob ejusmodi motiva legitimè possit Confessionem dimidiare. *Secundum*, quod non facilis sit recursus ad alium Confessarium, cui possit fieri integra Confessio, absque metu eorum damnorum, & periculorum: *Tertium*, quod hæc incommoda sint gravia, & extraordinaria Confessioni; nec enim, ut bene advertit Conink num. 76. ut aliquod peccatum omittat in Confessione, sufficit quod Confessarius, qui me habebat pro valde pio, & casto, auditis meis peccatis me habiturus sit pro gravissimo peccatore; aut quod graviter sit reprehensurus, & pudore affecturus: Hæc enim non sunt extraordinaria Confessioni, sed quasi illius appendices.

Quartum casum profert Doctör disp. 20. q. 2. n. 21. ubi ait; Quod Confessor „ indiscretè ministrans Sacramentum „ Pœnitentiæ tenetur non statim confiteri de facto suo indiscretò, quando „ scilicet Confessor suus poterit statim „ devenire in notitiam personæ, circa „ quam indiscretè exercitum usum clavium: & hoc ad minus tenetur, non „ in speciali exprimere culpam circa „ quam, & modum quo indiscretè exercuit: -

cuit: sed vel præcisè in universali dicendo sic, *mea culpa indiscretè, & indebitè ministravi Sacramentum Pœnitentiæ*; vel si urgetur cum conscientia de Confessione facienda super hoc in speciali, ut dicit argumentum; quia est peccatum mortale speciale, & circumstantiæ specialiter aggravantes, tenetur expectare opportunitatem confitendi alicui, qui ex tali Confessione peccati, & circumstantiarum, non posset devenire in notitiam personæ huic confessæ. Quod si nunquam possit haberi talis Confessor, quin ex explicatione peccati, & circumstantiarum posset devenire in culpam, & personam isti confessam: iste est in casu impossibilitatis ad confitendum homini, quia plus tenetur ad præceptum non prodendi culpam sibi confessam, quam ad confitendum explicite culpam suam: quia ad primum multipliciter ex lege nature, ut probant rationes ad primam Conclusionem, & multipliciter ex lege positiva divina, ut probant rationes ad secundam Conclusionem. Ad secundam vero ad plus de lege positiva divina, ut dictum est *diff. 17.* ergo iste confiteatur Deo.

Quintum casum addunt aliqui, nempe tunc licere Confessionem dimidiare, Quando videlicet peccatum aliter revelari non potest, quin pariter reveletur peccatum personæ complicitis, seu cum qua pœnitens peccavit. Ita docent Navarrus cap. 7. nu. 3. & plures alii Casuistæ. Verùm opposita sententia communior est, & tutior, camque indicat Subtilis Doctor *diff. 22. q. 2. n. 16.* ubi ait: De quid dico: Quod non tantum peccatum principale confitens, & circumstantias peccati; quia circumstantiæ non possunt bene revelari sine revelatione facti, sed, & persona secunda, cum qua peccatur: Quia autem confitens vult famam personæ, cum qua peccavit, salvare, idest, de-

beret velle, sicut sui; imo eo magis, quod persona illa sibi conjuncta fuit in crimine; tantum enim magis tenetur ei ad boni restitutionem, quod per illam amisit, & ad custodiam illius boni, quod potest custodire, non obstante ullo modo commisso. *Hæc Doctor*, ubi licet solum expresse doceat, personam complicitis debere etiam sub sigillo Confessionis celari à Confessario nihilominus satis indicat, ejusmodi personam complicitis posse detegi in Confessione, quippe cum illam in Confessione manifestatam debeat Sacerdos celare.

Id autem aperte docet Doctor Angelicus in 4. *dist. 16. qu. 3. a. 2. qu. unic. 5.* ubi ait: *Ad quintum dicendum, quod homo in Confessione debet famam alterius custodire quantum potest, sed suam confessionem magis purgare debet; & ideo si circumstantia, quæ ducit in cognitionem personæ, sit ex necessitate Confessionis, secundum regulam datam, tunc debet confiteri occultando personam quantum potest: si autem non sit de necessitate Confessionis, debet dimittere, ne alterius peccatum prodatur.* Ejusdem sententiæ est Doctor Seraphicus S. Bonav. 4. *dist. 21. p. 2. a. 1. q. 3. n. 54.* ubi sic scribit: Dicendum, quod aliena peccata aut sunt impertinentia ad peccati nostri accusationem, sed ex quadam associatione refert ea, & ad quandam excusationem ille, qui confitetur, quia solatium est miseris socios habere peccatorum; & male facit, qui sic confitetur: sicut multi simplices accusant aliquando omnes vicinos suos, ut minus confundantur, ut si dicant: Sumus lacrones, usurarii, perjuri, & consimilia; & tales à Confessoribus corripiendi sunt, quia arctam formam Confessionis non servant. Aut peccata aliena nostris sunt conjuncta, & admixta; ita quod sine illis non potest bene culpa propria explicari, & tunc licitum est confiteri

eatenus , quatenus non potest sine
 alieno peccato culpa propria explica-
 ri . Unde aliquando in generali ; ut
 si mulier cognita est ab Episcopo
 (quod absit) sufficit dicere , quod
 aliquis magnus Prælati tam cogno-
 vit . Si à persona Religiosa , sufficit,
 quod in generalitate sua stet , quia
 satis apparet genus culpæ . Si vero
 descendat ad personam singularem ,
 increpanda est persona confitens . Si
 vero peccatum non potest explicari
 sine explicatione personæ determina-
 tæ : utpote , si mulier inordinatè à vi-
 ro cognita est ; tunc si dicat de mari-
 to , non peccat , pro eo quod non
 potest aliter confiteri propriam cul-
 pam . Et tunc non debet attendi ac-
 cusatio aliena , sed accusatio propria .
 Et sic generaliter verum est , quod
 peccata aliena non sunt dicenda in
 Confessione , nisi eatenus , quatenus
 sunt propria , nec Confessores debent
 inquirere . Unde illi Confessores , qui
 ramusculos in Confessionibus inqui-
 runt , & audiunt de aliis malum , &
 sustinent , vix , aut nunquam à pec-
 cato detractionis excusari possunt ; &
 nesciunt mederi animabus , dum pa-
 tiuntur eos , qui veniunt ad medici-
 nam , alios accusando , sibi infligere
 vulnus grave . *Hucusque S. Bona-*
ventura .

Accedit S. Bernardus in formula ho-
 nestæ vitæ , versus finem : *De nullo prorsus finitè loquari (quantumcumque sit verum , vel manifestum) nisi in Confessione , & hoc ubi non potes aliter manifestare peccatum tuum .*

Quod autem ejusmodi complicitas per-
 sonam in Confessione pœnitens possit
 revelare licitè : *Probat*ur primò , quia
 licitum est uti jure suo , & propriam
 utilitatem corporis , aut animæ qua-
 rere ; etiam si inde sequatur incommo-
 dum proximi : licitum est enim ad de-
 fensionem propriæ vitæ facere aliquid ,
 ex quo indirectè sequatur mors alterius

sed pœnitens habet jus ad faciendam
 integram Confessionem , ut consulat
 suæ salutis , & curæ spirituali : ergo lici-
 tè potest illud peccatum manifestare ,
 ex cujus manifestatione sequitur decla-
 ratio personæ complicitis , etiam si ex illa
 manifestatione oriatur aliqua infama-
 tio ipsius complicitis apud Confessarium ,
 maximè cùm talis infamia sit parvi mo-
 menti , quippe cum crimen complicitis
 uni dumtaxat homini revelatur , qui
 Dei vices gerit , & districtè obligatur
 ad illud peccatum celandum .

Deinde , eo ipso , quo quis se volun-
 tariè facit complicitem , & participem
 alicujus criminis , etiam se subjicit pœ-
 nis debitæ , & omnibus appendicibus
 ipsius criminis : igitur cùm peccatum
 istud commissum subijci debeat clavi-
 bus Ecclesiæ , & explicari Confessario
 eo modo , quo commissum est , quando
 modus ille vel variat speciem peccati ,
 vel illud notabiliter aggravat ; Hinc est
 quod si non possit peccatum ille aliter
 manifestare , necessario debet explicare
 etiam peccatum complicitis .

Confirmatur : Idcirco Christus Domi-
 nus voluit fideles manifestare omnia
 sua peccata , etiam occulta Sacerdoti ,
 non obstante infamia , quæ ex ejusmodi
 Confessione oritur : quia summa est illa
 Confessione integra exurgit Pœnitentis
 utilitas : *Ipsa enim* , inquit Concilium
 Tridentinum sess. 14. cap. 7. *huiusmodi*
Confessionis difficultas , ac peccata dete-
gendi verecundia , gravi quidem videri
posset , nisi tot tantisque commodis , &
consolationibus levaretur , quæ omnibus
dignè ad hoc Sacramentum accedentibus
per Absolutionem certissimè conferun-
tur : igitur si non obstante propria in-
famia possim omnia peccata mea oc-
culta Confessori revelare propter sum-
am utilitatem inde consequendam ,
quidni pari ratione potero manifestare
personam complicitis , ut videlicet inte-
græ Confessionis fructum , & utilita-
tem consequar ?

De-

Denique, licet possum (inquit *Lessus* de iustitia c. 22. dub. 12.) aperire alienum erimen alicui personæ, quando hoc necessarium est, ut me in re magni momenti adjuvet: quia non teneor cum notabili meo damno alienam famam omnino illasam servare: ergo multo magis potero id aperire in Confessione quando hoc necesse est, ne tenear peccata iterum confiteri, & possim ad instituendam vitam spiritualem à Confessario monita salutaria excipere; quibus maximè caveam periculum in idem peccatum relabendi.

Quod autem pœnitens teneatur ad integritatem suæ Confessionis, personam complicitis manifestare, apparet ex statim dictis: pœnitens enim tenetur ad integrè confitendum omnia peccata, mortalia, quoties id licitum est, nec ex alio majori præcepto ab ejus impletione prohibetur: igitur si licet possit personam complicitis revelare, quando id exigit Confessionis integritas, nec potest aliter suum peccatum manifestare, ad id præcepto divino tenetur.

Deinde, virtute præcepti faciendæ Confessionis integræ obligatur homo ad confitenda sua peccata, etiam turpissima, non obstante summa verecundia, ac detrimento propriæ famæ apud ipsum Confessarium, à quo fortè, ut vir pius ac religiosus antea habebatur: igitur multo magis obligatur ad ea declaranda peccata cum periculo, ac præjudicio famæ aliene: quando aliter non potest peccatum suum integrè explicare. Consequentia patet; cum enim ex charitate homo magis teneatur vitare propriam infamiam, quàm alienam, etiam minus teneretur ad confitenda propria sua peccata, quàm aliena: igitur cum teneatur sua, quantumvis enormia peccata manifestare, etiam si incurrat præjudicium suæ famæ, multo magis ad id obligatur, quamvis inducatur quædam infamia proximi.

Denique, si pœnitens non teneretur

personam complicitis manifestare in Confessione, quando aliter peccatum suum declarare non potest, sequeretur conjugatos non obligari ad confitenda peccata, quæ in actu matrimoniali interdum committuntur; quando maximè uterque notus est Confessario; & subinde non posse illa peccata à Confessario judicari, & retineri: at hoc videtur absurdum, utpote cum vergat in præjudicium salutis conjugatorum, nec-non in nimis relaxatam administrationem hujus Sacramenti.

Dices primo: Pœnitens non potest declarare in sua Confessione peccatum complicitis, quin illum infamet apud Confessarium: at propter integritatem suæ Confessionis non potest infamare proximum suum apud Confessarium: igitur nec illius peccatum revelare. Major constat. Minor probatur: Quando concurrunt duo præcepta simul servanda, quorum unum est juris naturalis, aliud vero juris divini positivi; nec utrumque simul servari potest, magis servandum est præceptum juris naturalis, quàm juris positivi, si enim vigeat præceptum positivum faciendæ Confessionis, & simul occurrat præceptum naturale tuendæ vitæ proximi, magis teneor ad tuendam vitam proximi, quàm ad faciendam Confessionem: sed integritas Confessionis est tantum juris positivi, prohibitio autem infamationis proximi est juris naturalis: igitur magis tenetur pœnitens ad non infamandum proximum, quàm ad faciendam Confessionem integram.

Nego minorem, & ad ejus probationem dico, in eo casu non vigere præceptum juris naturalis de non infamando proximo propter præceptum, & utilitatem integræ Confessionis; non quòd hoc præceptum positivum per se deroget isti præcepto naturali; sed quia immutat circumstantias, quæ in isto præcepto naturali includuntur, & sub quibus præceptum naturale tantum obligat:

M m m m

Tom. X.

gat, quia præceptum naturale conservandi famam proximi non est absolutum, & generale pro quocumque tempore ac loco, & quibuscumque positis circumstantiis, sed tantum quando non occurrit causa rationabilis in contrarium, sicut constat ex aliis præceptis juris naturalis. Nam, ut optimè advertit noster Bosco disp. 7. sect. 9. num. 28. præceptum naturale: *Non occides*, non obligat simpliciter, & absolute (nam licet occidere malefactores autoritate publica, licet occidere autoritate privata injustum invasorem vitæ, &c.) sed cum hac limitatione: *Infantem, & justum non occides*, Exod. 23. v. 7. Item, scandalum acceptum vitæ juris naturalis est, sed non cum gravi detrimento proprio. Et hinc præceptum positivum audiendi Sacrum die Dominica, efficere potest, ut mulier, quæ alioquin ad vitandum scandalum acceptum juvenis alicujus, illam inordinate diligentis, deberet se continere domi; nihilominus ut impleat istud præceptum, possit ire ad templum, quia non tenetur se privare Sacro, & impletionem præcepti, ut cum illo detrimento prospiciat alteri, ex malitia peccaturo. *Similiter* est præceptum naturale defendendi Rempulicam: si tamen id nequeo facere absque revelatione sigilli Sacramentalis (cujus observatio est juris quodammodo positivi) nulla est obligatio, quia tunc solum teneor defendere Rempulicam quando possum sine majori incommodo, quam sit commodum illud, quod Respublica accipiet ex mea defensione: jam autem incommodum, quod oriretur ex revelatione sigilli, longè majus est, quam quodeunque commodum Reipublicæ. Igitur ad propositum nostrum, jus naturale prohibens revelationem complicit cum ejus infamia, intelligitur, nisi ad sit rationabilis causa, qualis occurrit integritas Confessionis, cujus bonum longè præstat infamiatione complicit apud solum Confessio-

rium; unde hæc infamia non excusat ab integritate materiali Confessionis.

Hic addo, quod magis habenda sit ratio reverentiæ debitæ sacramento Pœnitentiæ, & boni spiritualis ipsius pœnitentis, quæ requirunt ut integrè confiteatur, quàm tantillæ jacturæ famæ ipsius complicitis, cujus perdendæ periculo ipsemet voluntarie se exposuit, cum tale peccatum cum pœnitente commisit: quare præceptum de integritate Confessionis non infert hic aliquid contra jus naturæ, sed quod ei maximè consentaneum est; sicut nec Judex in foro externo agit contra jus naturæ, dum reum cogit, ut complices declaret, & præcipit testi, ut accusati crimen proferat.

Dices secundò: Illud non est suadendum ad praxim, quod maximè Confessionem odiosam efficit: sed revelatio complicitis reddit ipsi Confessionem pœnitenti odiosissimam; ac subinde periculum est, ne ab ea pœnitentem avertat: igitur id non est suadendum, & asserendum.

Nego majorem; Propria enim infamia facit Confessionem odiosam ipsi pœnitenti, & ex se magis avertit à Confessione, quàm avertere posset complex: nec tamen propter illam verecundiam, & infamiam pœnitentis legitime dimidiaretur Confessio: igitur neque dimidianda est propter infamiam complicitis.

Dices tertio: Peccatorum Confessio non alia ratione censetur ad salutem necessaria, quàm quia ita Christus D. instituit, & ordinavit: sed verisimile non est, Christum. D. voluisse hoc Sacramentum instituere cum dispensatione, & damno famæ proximi, & obligasse pœnitentem ad manifestandum crimen complicitis, quando absque ejusmodi revelatione non potest integrè confiteri: igitur pœnitens non tenetur, nec debet propter servandam integritatem Confessionis personam complicitis revelare.

Nego

Nego minorem: Cum enim Christus D. Pœnitentiæ sacramentum instituerit per modum veri iudicii, inde fit, quòd sicut in vero iudicio reus habet jus declarandi crimen sui complicitis, quando id requirit, & præcipit Iudex, & accusator ac testis habet jus manifestandi crimen ipsius Rei, & ejus complices, quando id necessarium est ad perfectionem iudicii, etiamsi ex illa declaratione complex patiatur damnum, tum in fama, tum in bonis fortunæ, & vitæ; sic in Tribunali Pœnitentiæ, pœnitens seipsum accusans habet jus declarandi in Confessione socium sui criminis, si hæc declaratio necessaria sit ad integritatem Confessionis, licet ex ea declaratione complex patiatur aliquod damnum in sua fama apud Confessarium.

Dices denique: Si pœnitens teneatur revelare personam complicitis, ut integre confiteatur, etiam tenebitur ad manifestandum peccatum alterius, quamvis non complicitis, si non possit sine huiusmodi manifestatione peccatum suum Confessario explicare, puta si dedit potionem alicui non conjugatæ ad extinguendam prolem ex fornicatione, vel adulterio conceptam: sed hoc est falsum, pœnitens enim nullum habet jus ad revelandum peccatum, cujus non est particeps, & reus, quodque in ejus societate non est commissum: igitur pari ratione non tenetur ad aperendam personam complicitis, ad observandam integritatem Confessionis.

Nego sequelam majoris: Et ratio disparitatis est, quòd proximus per peccatum cum ipso pœnitente non commissum, non se se subdidit perfectioni iudicii in foro Pœnitentiæ circa ipsum, pœnitentem exercendi, neque Confessarius ex eo quòd habet jus cognoscendi delictum pœnitentis, habet etiam jus cognoscendi delictum proximi, quod non est circumstantia peccati quod ipse pœnitens accusat: imper-

tinens enim est ad potionem datam pro suffocando fœtu, & procurando abortivo, quòd fœtus natus sit ex adulterio aut fornicatione; secus autem est de persona complicitis, cujus delictum est circumstantia mutans speciem, vel notabiliter aggravans peccatum, de quo pœnitens confitetur.

Adverte tamen, Pœnitentem non posse manifestare personam complicitis, nisi quando id necessarium est ad integritatem Confessionis; unde si quæ Soror dumtaxat venialiter peccasset, in non resitendo satis promptè violentiæ fratris, stuprum ei inferre nitentis; non liceret ei sorori in Confessione fratris personam, & crimen detegere, quia in eo casu non haberet jus propter integritatem suæ Confessionis ad revelandum peccatum sui fratris; quia peccata venialia, eorumque circumstantiæ, non debent necessariò in Confessione aperiri: unde sufficeret ei dicere, non restitui ea, qua debebam animi promptitudine, & fortitudinem ei, qui me ad peccatum carnis impellebat. Idem dicendum de peccatis jam commissis, quæ ubi denudò aperiantur in Confessione, non debet indicari persona complex, si nota possit esse Confessario; quia ejusmodi peccatorum accusatio non est necessaria ad integritatem Confessionis: unde eo in casu satius est, ejusmodi peccata iterum non confiteri, aut saltem cum ea circumstantia, quæ personam complicem indicaret.

Advertendum secundò, quòd qui revelat peccatum complicitis sine ulla necessitate, vel utilitate, peccat contra justiciam, adeoque tenetur ad restituendam famam, quæ ex tali indiscreta Confessione adempta esset apud Confessarium; eadem enim est ratio infamationis in Confessione, ac extra Confessionem, quando id per se Confessio non exigit: sed infamatio extra Confessionem, quæ fit sine necessitate, & utilitate, est iniusta, & per se obligat

ad restitutionem famæ, eo convenientiori modo, quo hæc restitutio fieri potest: igitur idem dicendum de infamatione facta per Confessionem.

PETES 1. *Utrum, qui habet casus reservatos, occurrente necessitate, possit confiteri non reservatos ei Sacerdoti, qui non habet facultatem absolvendi à reservatis, non aperiendo ei ejusmodi reservata peccata?*

Affirmativam partem docet Alensis 4. part. qu. 18. memb. 5. art. 2. ad ultimum, ubi respondens huic argumento. Propter quædam peccata recurrendum est ad summum Pontificem, qui habet plenitudinem potestatis absolvendi, sed ad ipsum non est recurrendum propter minora peccata, à quibus absolvere potest Sacerdos ordinarius: igitur aliquando necessum est dividere Confessionem. Ait: Dicendum, quod aliud est confiteri peccata sua uni Sacerdoti, & quædam alii, ut sic minor appareat malitia sua, & aliud est, cum non possit absolvi ab illo, qui immediatè habet animæ suæ curam, de consensu, & voluntate illius adire superiorem, qui potest eum absolvere: & hoc quia non potest absolvi: Primo modo enim dividens Confessionem, movetur ex inordinata, & perversa voluntate, qua vult se in parte justificari, cum se deberet contemnere. Secundo modo dividens movetur ex bona voluntate propria, & aliena; quia sic providere intendit salutem propriam: nec talis dicitur dividere Confessionem, cum de consensu, & consilio unius alii confiteatur.

Verum, ut apparet, non negat Alensis, penitentem debere peccata reservata aperire Sacerdoti, à quo absolvitur à non reservatis; quippe cum apertè dicat, eum de consilio ipsius Sacerdotis debere recurrere ad Superiorem, ut possit eum à reservatis absol-

vere: qualiter autem posset Sacerdos id cognoscere, si penitens ejusmodi peccata non aperiret?

Unde negativa sententia probabilior est, nempe quod confitens ei, qui non potest à reservatis absolvere, tenetur etiam peccata reservata confiteri: Tum, quia cum Sacerdos sit saltem indirectè penitentem etiam à reservatis absolutorus, necessum est, quod ejusmodi peccata etiam cognoscat, ac de eis judicet; Tum, quia horum peccatorum manifestatio plurimum inservit ad cognoscendum, utrum penitens sit dignus Absolutione, nec-ne: nam horum ratione fieri potest, ut nullo modo sit absolvendus, putà si habeat concubinam, quam non vult abjicere, si nolit restituere aliena, &c.

Dices: Nullus tenetur eadem peccata bis confiteri, aliqui nimis grave esset onus Confessionis; sed penitens tenetur peccata reservata confiteri ei, qui habet potestatem ab eis directè absolvendi: ergo non debet ea confiteri Sacerdoti non habenti potestatem ab eis peccatis directè absolvendi.

Nego majorem, quantum ad eum casum; nec enim illud onus iterandæ Confessionis est tanti momenti, ut propterea debeat integritas Confessionis violari, maxime cum penitens sibi hoc onus debeat imputare, propterea quod sua sponte hanc obligationem contraxerit.

Dices secundò: Penitens non tenetur ad Confessionem, nisi Sacramentalem, quæ fiat apud legitimum judicem, qui possit solvere, vel ligare; sed Sacerdos ordinarius non est legitimus Judex, respectu peccatorum reservatorum, & consequenter Confessio ei facta non potest esse Sacramentalis: igitur non tenetur ad illa peccata confitenda.

Nego minorem: Licet enim Sacerdos ille non sit legitimus Judex ejusmodi peccatorum per se, & directè, ita quod si penitens dumtaxat confiteretur pec-

cata reservata, non posset sacramentaliter de eis judicare: attamen est saltem indirectus eorum peccatorum Judex, quatenus videlicet conjuncta sunt cum aliis, de quibus, sicut & de statu pœnitentis, potest judicare: qua ratione eorum peccatorum reservatorum accusatio, potest dici Confessio sacramentalis, quatenus illa peccata sunt veluti quædam circumstantiæ eorum, à quibus debet directè absolvi, etque præsentem statum peccatoris in Confessione manifestandum concernunt, ut judicetur an debeat absolvi, nec-ne.

PETES 2. *Utrum legitimè possit absolvi moribundus, qui nullum peccatum in particulari potuit confiteri, sed solum signa generalia doloris ostendere?*

Respondeo, moribundum illum considerari posse, dupliciter; nimirum vel quatenus, præsentem Sacerdote, dat quædam signa doloris, quibus ostendit se peccasse, & de eo dolere, sed ex eo quod subito privetur loquendi facultate, non potest ullum peccatum in particulari confiteri: *Vel* considerari potest, quatenus ante adventum Sacerdotis ostenderit quædam signa Pœnitentiæ, & postulaverit Confessarium: interim verò omnem usum rationis perdiderit; itaut Sacerdos adveniens non possit ullum ab eo Pœnitentiæ signum habere, sed tantum rescire à præsentibus, quod Pœnitentiæ signa dederit, & Confessarium petierit. Dico itaque moribundum hoc utroque modo consideratum legitimè absolvi posse, ut colligitur ex Concilio Arausicano, c. 11. ubi dicitur, *Subito obmutescens (prout statutum est) baptizari, aut Pœnitentiam accipere potest, si voluntatis præterite testimonium aliorum verbis habeat, aut præsentis in suo nutu, quo scilicet dolorem de peccatis significet.* Item Concilium Carthag. 3. cap. 34. ait: *Ut egrotantes, si pro se respondere non*

possunt, eum voluntas eorum testimonium sui dixerit, baptizentur: similiter & de pœnitentibus agendum est, Idem Carthag. 4. cap. 67. Is, qui Pœnitentiam in infirmitate petit, si casu, dum ad eum Sacerdos invitatus venit, oppressus infirmitate obmutuerit, vel in pœnitentiam veritus fuerit, dent testimonium qui eum audierunt, & accipiat Pœnitentiam: & si continuò creditur moriturus, reconcilietur per manus impositionem, & infundatur ori ejus Eucharistia.

Nec valet reponere, Concilia hæc dumtaxat loqui de Absolutione à censuris: hoc enim gratis omnino dicitur: *Tum, quia* Concilia comparant hanc Reconciliationem cum Baptismo, quibus significat se loqui de reconciliatione, quæ fiat per Sacramentum: *Tum, quia* loquuntur de Reconciliatione, quæ fieri debeat ante assumptionem Eucharistiæ: hæc autem debet esse Sacramentalis in iis, qui inficiuntur peccato mortali, ut docet Concilium Tridentinum sess. 14. can. 7.

Porrò hanc veritatem apertè tradit S. Leo epist. 91. quæ est ad Theodorum Episcopum Foro-Juliensem, ubi scribit de reconciliandis per Pœnitentiæ Sacramentum, & ait: *Quod si aliqua egitudine ita fuerint aggravati, ut quod paulò ante poscebant sub præsentia Sacerdotis, significare non valeant, testimonia eis fidelium circumstantium, prodesse debent; ut simul & Pœnitentiæ, & reconciliationis beneficium consequantur.* Ubi non loquitur de Absolutione à censuris: siquidem antea dixerat: *Mediator Dei, & hominum homo Jesus Christus hanc Præpositis Ecclesiæ tradidit potestatem, ut & consistentibus satisfactionem Pœnitentiæ darent, & eadem salubri satisfactione purgatos ad Communionem Sacramentalem per januam reconciliationis admitterent.* Ubi clarè docet, se loqui de Sacramentali Absolutione. Deinde, cum docuisset quæ charitate, & diligencia Sacerdotes se

huic

huic operi impendere debëant, subijcit: *Si autem aliqui coram, pro quibus Domino supplicamus, quocumque interceptus oblaculo, à manere indulgentiæ præsentis exciderit, & priusquam ad constituta remedia perveniat, temporalem vitam humana conditione finierit, quod manens in corpore non receperit, exutui carne, non poterit consequi.* Ex quibus aperte constat S. Leonem non loqui de Absolutione à censuris, quæ potest etiam mortuis impendi, ut patet ex capite *A nobis* 28. *l. 5.*

Suffragatur etiam ratio: Nam si talis Absolutio esset invalida, maximè quia non supponeret veram materiam, nempe veram sui ipsius accusationem, cum ostensione doloris, ex quo Sacerdos cognoscat, pœnitentem esse dignum Absolutione: at ita non est, siquidem Pœnitens sufficienter ostendit se dolere de peccatis cum Pœnitentiam postulat, & jam incipit generatim confiteri, cum petit Sacerdotem accersiri; simili ferè modo, quo quis per Interpretem confitetur, dum ipsi peccata sua consignat, ut ea Sacerdoti explicet; cum enim astantes Sacerdoti præsentì Pœnitentiam, & desiderium moribundi explicant, instar Interpretum ipsius Confessionem Sacerdoti exponunt, sicque ipse Sacerdoti jam præsentì veluti per Interpretes peccata manifestat, ac Pœnitentiæ signa profert.

Dicitur: Ad Absolutionem Sacramentalem prærequiritur Confessio, per quam status penitentis possit cognosci: atqui per huiusmodi signa, penitentis status cognosci non potest: igitur, &c. *Deinde,* per illa signa Confessarius nihil cognoscit, quod ante nō sciebat, nam tantum generatim cognoscit talem peccasse: at non potest exercere iudicium sine distincta cognitione causæ: igitur Sacerdos non potest iudicam, & Sacramentalem Absolutionem proferre circa hunc moribundum.

Respondeo ad primum, negando mi-

norem, sufficienter enim per huiusmodi signa Sacerdos cognoscit, illum hominem egere Sacramento Pœnitentiæ, ac subinde reum esse peccati; neque enim ad hoc ut quis directè absolvatur, necessum est, ut confiteatur aliquod peccatum in particulari: Nam si aliquis, qui multis annis in gravissimis vixisset peccatis, solum confiteretur unum peccatum veniale, v. g. se aliquando voluntariè distractum fuisse inter orandum, & subito desisteret sensibus, secundum omnes, deberet absolvi, & tamen, moraliter loquendo, Sacerdos ex illa Confessione non posset magis de illius statu iudicare, quàm si solum generatim dixisset se peccasse: ergo etiam hoc casu deberet absolvi.

Ad secundum nego maiorem: Per eamque signa à penitente exhibita Sacerdos cognoscit tanquam Iudex in Tribunali Pœnitentiæ, hunc hominem Deum offendisse, & de hoc dolere, quorum utrumque, saltem postremum, prius non novat sub ea ratione iudicis.

Dicitur secundò: Si penitens, qui absente Sacerdote, dedit Pœnitentiæ signum, validè & licitè posset absolvi, sequeretur, quòd liceret per litteras, & internuntium Confessario absenti peccata sacramentaliter confiteri; sed hoc tanquam erroneum dogma proscriptum est à Clemente VIII. & Paulo V. ut jam diximus agendo de forma hujus Sacramenti: igitur, &c.

Nego sequelam maioris: longè enim diversus est casus hominis moribundi ab homine, qui per litteras Sacerdoti absenti peccata sua declararet; nam moribundus, quasi per Interpretem confitetur, scilicet per testimonium eorum, qui audierunt illum postulantem Confessarium, & viderunt signa Contritionis ab eo edita.

Insuper, Sacerdos eo in casu non censetur absens, quia habet absolvendum præsentem, nec non & præsentem testes, qui declarant, moribundum illum habere-

bere voluntatem efficacem suscipiendi Sacramentum Pœnitentiæ. Secus autem est de homine prorsus absente, quia Confessarius non habet nec habere potest certitudinem moralem, quod pœnitens ille, qui per litteras confessus est, sit in debito statu, ut possit absolvi. Unde ad maiorem dico, hanc assertionem non repugnare definitioni Clementis VIII. qua damnavit hanc propositionem: *Licet per litteras, aut Internuntium Confessario absenti peccata sacramentaliter confiteri, & ab eodem absente absolutionem obtinere*. Primum, quia, ut diximus, hic casus omnino diversus est à nostro: Secundum, quia ipsemet Pontifex interrogatus, an moribundus sic deberet sacramentaliter absolvi: respondit debere absolvi, & se eum absolvendum, si talis occurreret occasio, nec eum casum suo decreto ullo modo comprehendere. Nam, ut refert Conink *disp. 7. num. 105. an. 1608. 16. Aprilis*, Illustrissimus Cardinalis Bellarminus, & Illustrissimus Archiepiscopus Armacanensis testati sunt se id ab eo audivisse.

Confirmatur ex Rituali Rom. edito autoritate Pauli V. in quo Summus Pontifex non solum permittit, sed etiam præcipit omnibus Parochis, ut in tali casu moribundo Sacramentalem Absolutionem impendant, sic enim habet: *Si inter confitendum, vel etiam antequam incipiat confiteri, vox & loquela ægrum deficiant, nutibus, & signis conetur, Sacerdos, quoad ejus fieri poterit, peccata pœnitentis cognoscere, quibus utcumque, vel in genere, vel in specie cognitis, vel etiam si confitendi defiderium, siue per se, siue per alios ostenderit, absolvendus est.*

QUÆSTIO QUARTA.

Quis, & qualis esse debeat Minister Sacramenti, cui fieri debeat Confessio.

TRIA maximè hæc in quæstione sunt determinanda: *Primum*, utrum solus Sacerdos sit Minister sacramenti Pœnitentiæ: *Secundum*, utrum id omni Sacerdoti conveniat virtute sui characteris, & Ordinis: *Tertium*, utrum Confessarius debeat esse ita secreti tenax, ut nulla unquam ratione ipsi liceat peccatum sibi confessum alteri, quàm pœnitenti manifestare, ac declarare. Quæ ut distinctius resolvantur, & appareant.

Notandum primum, eum inter ceteros fuisse vvicieffem errorem, quod Sacerdos non esset necessarius Minister sacramenti Pœnitentiæ, sicut testatur Vvaldensis tomo 2. cap. 135. quem nonnulli ex recentioribus hereticis hoc in errore secuti sunt, ut colligitur ex Concilio Tridentino *sess. 14. cap. 6.* ubi statuit: *Circa Ministrum autem hujus Sacramenti declarat S. Synodus, falsas esse, & à veritate Evangelii penitus alienas doctrinas omnes, quæ ad alios quosvis homines præter Episcopos, & Sacerdotes clavium ministerium perniciosè extendunt, putantes verba illa Domini: Quicumque alligaveritis super terram, erunt alligata, & in celo, & quicumque solveritis super terram, erunt soluta, & in celo, & quorum remisistis peccata, remittuntur eis, & quorum retinueritis, retenta sunt, ad omnes Christi fideles indifferenter, & promiscuè contra institutionem hujus Sacramenti, ita fuisse dicta, ut quivis potestatem habeat remittendi peccata, publica quidem per correctionem, si correptus acquivoverit, secreta verò per spontaneam Confessionem cuicumque salutem.*

Non defuerunt etiam quidam Catholici, qui Magistrum sententiarum se-



secuti in 4. dist. 17. etsi concesserint, solum Sacerdotem Jesse Ministrum hujus Sacramenti, putaverunt tamen in necessitate, absente Sacerdote, peccatorem teneri confiteri Laico: *Dixerunt enim, ut refert S. Bonaventura eadem dist. p. 3. dub. 1. quod quinque modis habetur potestas absolvendi, scilicet AUTHORITY, & sic est Dei: EXCELLENTIA, & sic est Christi hominis: POTESTATE, sive auctoritate COMMISSA, & sic est Sacerdotis: MERITO VITAE, & sic est iusti, & Sancti: & virtute UNITATIS ECCLESIASTICAE, & sic est cuiuslibet viri fidelis, & ideo dicunt, quod talis Confessio quodammodo est Sacramentum Ecclesiae: probabilius tamen est dicere, quod non sit Sacramentum Ecclesiae, cum deficiat ipsi formale, scilicet potestas clavium: sed est aliquid loco ejus.*

Notandum secundò, potestatem ad absolvendum à peccatis Sacerdotibus novæ legis à Christo D. concessam, declaratam fuisse *Mattb. 16.* metaphorice, nomine *clavium*, ubi Dominus Petro hanc potestatem spondens, ait: *Tibi dabo claves regni cælorum, & quodcumque ligaveris super terram, &c.* Porro, inquit Seraphicus Doctor *dist. 18. art. 1.* nomen *clavis* translatus est ad spiritualia ab ipsis corporalibus: In his autem corporalibus *clavis* est instrumentum ad removendum ali- quod obstaculum. Quoniam igitur in spiritualibus invenimus aliquod obstaculum ad ingrediendum in regnum cæleste, necesse est illud remove: ideo ad spiritualia nomen *clavis* transferimus, vocantes clavem illam virtutem, per quam obstaculum removetur, sive per quam excluditur, vel includitur.

Secundùm hoc igitur notandum, quòd cum triplex sit obstaculum ingrediendi in regnum, & triplex potestas illud removens, triplex est *clavis* spiritualis, differens secundùm gradum, & dignitatem. Obsta-

culum autem ingrediendi in cælum, est debitum alicujus peccati, hoc autem est triplex. *Primum* peccati mortalis commissi, & hoc est debitum æterni supplicii. Hoc autem obstaculum solus Deus amovet; quia, removetur per culpæ deletionem, & ideo potestas hoc removens est potestas divina, quæ ab aliquibus dicitur *clavis auctoritatis*. Secundum obstaculum est debitum peccati contracti, & illud est debitum solutionis pretii, & hoc solvi potuit per eum, qui potuit satisfacere, talis autem fuit solus Christus; & ideo hæc potestas removens illud obstaculum est solius Christi, & vocant eam aliqui *clavem excellentiæ*. Tertium obstaculum est debitum peccati dimissi, quia postquam homini dimissa est culpa, adhuc est obligatus ad temporalem pœnam, & hoc removeri potest per illum, qui potest peccati pœnam taxare: & talis est Minister Christi, non tantùm Christus, & illa potestas est hominibus communicata, & vocatur ista potestas *clavis ministerii*. Cum igitur triplex sit obstaculum, triplex est *clavis*. Prima scilicet auctoritatis, à qua est secunda, scilicet excellentiæ, & hæc est in solo Christo; & tertia est *clavis ministerii*, mediante *clave auctoritatis*, & de hac dictum est Petro: *Tibi dabo claves regni cælorum*.

Paulò aliter hanc veritatem explicat Doctor *dist. 19. num. 4.* ubi ait: *Auctoritas* judiciaria sententiandi cælum huic aperiendum, vel apertum esse, potest intelligi tripliciter. Uno modo *auctoritas simpliciter principalis*. Secundo modo, non principalis, sed *præcellens*. Tertio modo, non principalis, nec *præcellens*, sed *particularis*. Prima soli Deo convenit propter duo.

Primò, quia ipse solus ex se est justus:

„ flus, imò ipsa iustitia : Primum au-
 „ tem iudicium non potest compete-
 „ re, nisi primo iusto, quia iudicium
 „ non est perfectum, nisi sit iustum,
 „ juxta illud Psalm. *Feci iudicium, &*
 „ *iustitiam*; siquidem iudicare est jus,
 „ vel iustum dicere. Primum autem
 „ iustum oportet esse perfectissimum,
 „ & ita iustissimum: igitur primi iusti.
 „ Secundo, quia iudicare est Præsiden-
 „ tis, juxta illud Apostoli ad Rom. 14.
 „ *Tu quis es, qui iudicas alienum ser-*
 „ *vum?* Primum autem Præsides, non
 „ potest esse nisi Deus solus. Unde si-
 „ cut non potest alii communicare di-
 „ vinitatem, sic nec primam potesta-
 „ tem iudicandi, nec per consequens
 „ clavem simpliciter principalem, ape-
 „ riendi cœlum.

„ Secunda clavis, scilicet non prin-
 „ cipalis, tamen præcellens, potest in-
 „ telligi quantum ad duplicem præe-
 „ minentiam. Unam quidem in uni-
 „ versalitate causarum iudicandarum,
 „ aliam in firmitate sententiæ definitivæ.
 „ Et utraque præminencia po-
 „ test convenire illi, qui omnia merita,
 „ & demerita novit, quæ sunt causæ
 „ propter quas cœlum est aperiendum,
 „ vel claudendum, & cum hoc habet
 „ voluntatem inseparabiliter confor-
 „ mem iustitiæ divinæ. Propter pri-
 „ mum potest in omnibus causis sen-
 „ tentiare, quia omnes novit... Propter
 „ secundum potest ejus sententia sim-
 „ pliciter esse firma, & irrevocabilis,
 „ quia semper iusta. Hæc clavis cum
 „ utraque præminencia propriè est
 „ Christi, qui novit omnia merita, &
 „ demerita iudicandorum, & semper
 „ iustitiæ divinæ conformiter iudicat.
 „ Nec ista potest esse in Ecclesia mili-
 „ tante, saltem congruè non potest;
 „ quia nullus in Ecclesia novit omnes
 „ causas iudiciarias, nec habet volun-
 „ tatem immutabiliter iustam. Tertia
 „ clavis, scilicet particularis, quantum
 „ ad causas cognoscendas, & infirma,

Tom. X.

„ quantum ad sententiam ferendam,
 „ putà quòd sit aliquando revocabilis,
 „ potest conferri alicui in Ecclesia Mi-
 „ litante, qui potest in illa causa nosse;
 „ & in illa, secundum legem divinam
 „ rectè iudicare; & si quando præter
 „ illam, sententia ejus non erit firma,
 „ sed secundum illam erit firma. Po-
 „ test ergo in Ecclesia esse una clavis
 „ cœlum aperiendi, scilicet auctoritas
 „ sentiendi particulariter, & non
 „ irrevocabiliter, alicui cœlum esse aper-
 „ tum. Congruit etiam istam esse in Ec-
 „ clesia, & hoc in Sacerdote, ut Hiera-
 „ chia Ecclesiastica sit ordinata, & ultima
 „ reducantur in primum per medium.

„ Notandum tertio, sigillum Confessio-
 „ nis nihil aliud esse, quàm obligationem
 „ qua Confessarius tenetur ad servandum
 „ secretum de iis omnibus, quæ audivit
 „ in Confessione, quæ utique obligatio id-
 „ circo metaphorice *sigillum* appellatur;
 „ quia sicut secreta sigillo solent ob-
 „ signari; ne aliis manifesta fiant: ita pec-
 „ cata Confessori manifestata, perpetuo si-
 „ lentio, quasi sacro, & inviolabili sigillo
 „ debent obsignari, ne aliis innotescant.
 „ Cum autem sit triplex jus, quo quis te-
 „ neri potest ad servandum sibi deman-
 „ datum secretum, nempe jus naturale,
 „ divinum positivum, & Ecclesiasticum;
 „ Queritur an Confessarius hoc triplici
 „ jure obligetur ad celandum peccatum
 „ sibi in Confessione manifestatum.

CONCLUSIO PRIMA.

Solus Sacerdos legit Evangelica est
 legitimus Minister Sacramenti Pœ-
 nitentiæ, cui fieri debeat Sacramentalis
 Confessio. Hæc est de fide determinata
 in Concilio Tridentino sess. 14. cap. 10.
 Si quis dixerit, Sacerdotes, qui in peccato
 mortali sunt, potestatem ligandi, & sol-
 vendi non habere, aut non solum Sacer-
 dotes esse Ministros Absolutionis, sed
 omnibus, & singulis Christi fidelibus esse
 dictum: Quæcumque ligaveritis super
 terram erunt ligata & in cælo, & quæ-
 cumque solveritis super terram, erunt so-

Nnnn

fo-

*soluta & in celo, & quorum remisistis peccata remittuntur eis, & quorum retinueritis, retenta sunt: quorum verborum virtute quilibet absolvere possit peccata, publica quidem per correptionem duntaxat, si correptus acceperit; secreta verò per spontaneam Confessionem, anaschema sit. Patet hæc veritas ex facto Christi D. qui Joan. 2. conferens facultatem absolvendi à peccatis, solis eam Apostolis dedit: nam cum insufflasset in eos, & dixisset: *Accipite Spiritum sanctum*: statim subiicit: *Quorum remisistis peccata, &c.* Clarè insinuans illis solis hæc verba dicere, qui per singularem ordinationem ad hoc Spiritus sancti gratiam acciperent: tales autem sunt soli Sacerdotes: igitur, &c.*

*Probatur insuper eadem veritas auctoritate SS. Patrum, qui unanimi calculo docent, hanc absolvendi potestatem solis Sacerdotibus novæ legis esse concessam. Ita S. Ambrosius lib. de Paradiso, & libro de Penitentia, ubi loquens de potestate ligandi, & absolvendi, dicit: *Fus hoc solis est permissum Sacerdotibus*; S. Hieronymus exponens illud Matth. 16. *Tibi dabo claves regni celorum: Habent*, inquit, *judiciariam potestatem alii Apostoli, habet & omnis Ecclesia in Episcopis, & Presbyteris: sed ideo Petrus eam specialiter accepit, ut omnes intelligant, quod quicumque à veritate fidei, & societate Ecclesia separatur, nec à peccatis solvi, nec celum potest ingredi.**

Idem testantur ceteri Patres, maxime S. Leo epist. 92. & ante eos S. Pacianus tractatu contra Novarianos. Porro hæc veritatem probat Subtilis Doctor supra laudatus num. 6. ex eo quod Sacerdos sit mediator inter Deum, & peccatorem: Congruit, inquit, istam, auctoritatem esse in Ecclesia, & hæc, in Sacerdote, ut Hierarchia Ecclesiastica sit ordinata, & ultima reducantur ad primum per medium: Hierarchia est mediū inter Deum, peccato-

remque reducendum. Hoc etiam congruit perfectioni causarum secundarum in esse morali, Deus enim universaliter non negat creaturis causalitatem, quæ potest eis competere, imò & illam communicat, & ad ejus actionem causis secundis afflittit. Ex quo ergo in esse gratuito possibile est hominem habere istam causalitatem reductivam, quæ dicitur clavis, congruum est, quod hoc supremo in Ecclesia, scilicet Sacerdoti, detur.

Eandem veritatem apertè, & nitidè declarat Seraph. Doctor dist. 19. art. 2. qu. 1. ubi ait: Dicendum (sicut dicunt Sancti, & hoc etiam innuit ipse modus tradendi Ordines) quod in ordine Sacerdotali clavium potestas confertur. Hujus autem ratio est institutio divina. Institutionis autem congruitatem videre possumus, quoniam harum clavium conservator habet efficaciam Mediatoris, & officium Reconciliatoris. Mediator autem est inter Deum, & hominem, reconciliator verò reducendo ad Ecclesiam, & reconciliando Ecclesie. Ad hoc autem ut possit esse Mediator perfectus, & competens inter Deum & hominem, oportet quod possit habere offerendi dona, & sacrificia pro peccatis, in quibus Deus placatur. Ad hoc, quod possit esse reconciliator, oportet quod possit reducere ad corpus Christi mysticum, cujus caput est ipse Christus verus: & ut recta sit, & ordinata potestas, oportet quod habeat posse conficiendi sanctissimum corpus Christi. Hoc autem pertinet ad solos Sacerdotes: Et ideo mirabilia Dei sapientia ordinatissimo modo ordinans Ecclesiasticas potestates, hanc potestatem ligandi, & solvendi solis Sacerdotibus commisit; & ita in ordine Sacerdotali dantur claves.

Obijcies primò: S. Jacobus cap. 5. monet, ut sua peccata sibi mutuo confitean-

teantur; ait enim : *Confitemini ergo alterutrum peccata vestra, & orate pro invicem, ut salvemini: Multum enim valet deprecatio fusti assidua*: igitur non censet soli Sacerdoti faciendam esse Confessionem .

Respondeo : Triplicem in Scriptura distingui Confessionem peccatorum faciendam proximo : unam quidem satisfactoriam, quæ fiat offenso fratri ad impetrandam ab eo veniam, & pacem: aliam consulatoriam, quæ fiat ad capefendum consilium necessarium ad salutem : tertiam verò sacramentalem, quæ fiat ad veniam obtinendam per Absolutionem : Prima quidem fieri potest cuilibet proximo offenso: Secunda verò homini iusto, & erudito, præsertim autem Pastoribus, ac viris Religiosis, quorum officium est publicè, & privatim, fideles Evangelicæ doctrina illustrare, & salutari exhortatione consolari . Tertia autem fieri dumtaxat potest Ecclesiæ Sacerdotibus, quibus solis concessa est à peccatis absolvendi potestas. Porro de hac posteriori videtur dumtaxat loqui S. Jacobus, cum monet confitenda esse alteri peccata; siquidem prius sermonem fecerat de Sacerdotibus, monendo fideles, ut si quis ex eis infirmatur, inducat Presbyteros Ecclesiæ, qui orent super eum, & ungant oleo; unde statim colligit : *Confitemini ergo alterutrum peccata vestra* : quibus non obscurè significat, apud eos esse, deponenda peccata, quos jam dixerat esse advocandos, ut orent super infirmum, & eum ungerent . Ne verò quis existimaret peccata mortalia, quibus ægri conscientiam onerata haberent, per istam Sacerdotum orationem, & ministratam sacram Unctionem, posse deleri, subjungit : *Confitemini alterutrum peccata vestra*. (ut explicat Hugo Victorinus lib. de Sacramentis :) Hoc est inter vos homines hominibus, oves Pastoribus, subjecti Prælati, laici Sacerdotibus, ii qui habent peccata, iis

qui peccata dimittendi potestatem habent .

Obijcies secundò : S. Cyprianus lib. 3. Epistolarum secundum editionem Pamelii epist. 13. docet: *Si quis infirmitate oppressus non possit expectare Sacerdotis adventum, reconcilietur per Diaconum, fusa prius exomologesi, idest Confessione*. Similiter de furtis cap. fures, legimus: *Fures, & latrones, si in furando, & depredando occiduntur, visum est pro eis non esse orandum : Sed si comprehensi, aut vulnerati, Presbytero, vel Diacono confessi fuerint, communionem eis non negamus* .

Respondeo : Cyprianum loqui non de Absolutione sacramentali, sed de ea, qua publicè pœnitentes recipiebantur in Communionem Ecclesiæ, ut possent cum aliis communicare, & divinis interesse. *Ad alterum dico*, in eo capite non dici, quòd Diaconus possit furem Sacramentaliter absolvere, sed quòd possit audire ejus Confessionem, & judicare, utrum sit verè contritus, & dignus cui Sacramentum Eucharistiæ ministraretur, quod tunc temporis Diaconi, absente Sacerdote, fidelibus conferre solebant .

Obijcies tertio varias SS. Patrum auctoritates, quibus significatur auditu potestatem clavium ad omnes omnino fideles, præsertim bonos, & pios pertinere, eamque ab illis exerceri, quotiescumque vel offensas fratribus, qui in se peccassent, pœnitentibus remitterent : vel præfractos, & impœnitentes divino iudicio puniendos relinquerent. Ita præ cæteris S. Augustinus lib. 3. contra Donatistas cap. 18. ubi de Apostolis, quibus dictum erat : *Quorum remisistis*, sic loquitur: Ergo si personam gerebant Ecclesiæ, & sic eis hoc dictum est, tanquam ipsi Ecclesiæ diceretur : pax Ecclesiæ dimittit peccata, & ab Ecclesiæ pace alienatio tenet peccata, non secundum arbitrium hominum, sed secundum arbitrium Dei,

que dicuntur Sancti ligare impœniten-
tes, & eorum retinere peccata, quando
divinam iustitiam circa impœniten-
tes, & potissimum circa damnatos appro-
bant. Unde vox eorum est in Psalmo :
*Non miserearis omnibus qui operantur
iniquitatem*. Nam sicut in extremi Ju-
dicii die Sancti futuri sunt Judices, ita
& nunc quodammodo judicant malos,
& impios, divinam etiam in hac vita
circa eos approbando sententiam. Ad
id verò, quod ex Origene, & Theo-
phylacto objicitur, jam suprà respon-
sum est ad primam objectionem, ubi
diximus triplicem esse Confessionem;
unam quidem Satisfactoriam, de
qua hi duo Authores sunt intelligen-
di.

PETES : *Verum, absente Sacerdote, & ur-
gente mortis periculo, aliquis pec-
cati mortalis confitetur*
*teneatur Laico, aut
Diacono?*

Respondeo, ejusmodi Confessionem
varios Authores consulere: *Primò* nam-
que Author libri de vera, & falsa Pœ-
nitentia cap. 10. & ex eo Gratianus,
cap. *Quem pœnitet*, dist. 1. de Pœnit. ubi
ait: *Tanta Confessionis vis est, ut si deest
Sacerdos, confiteatur proximo: sepe
enim contingit, quod pœnitens non potest
verecundari eoram Sacerdote; & si ille,
qui confitebitur, potestatem non habeat
solvendi: fit tamen dignus venia Sacer-
dotis desiderio, qui confitetur socio: Mun-
dati enim sunt leprosi, dum ibant orare,
vel se ostendere Sacerdotibus, antequam
ad eos pervenirent. Unde patet, Deum ad
eos inspicere, dum ex necessitate probi-
bentur ad Sacerdotes pervenire. Scd
quidem querunt eos sani, & leti: sed
dum querunt, antequam perveniant,
moriuntur. Sed misericordia Dei ubi-
que est, qui & iustis parcere novit, est
non tam citò, sicut si solverentur à Sa-
cerdote.*

Idem docet *Petrus Cantor* Parisiensis
in Summa de Sacramentis fol. 203. ubi
eamdem tuetur sententiam ut commu-
nem eadem libri de vera, & falsa Pœ-
nit. autoritate fretus. *Ecce ex hac au-
thoritate habemus, quod in necessitate
confitendum sit laico, si Sacerdos deest; &
non solum venialia, sed etiam mortalia.*
Deinde sibi authoritatem Bedæ obji-
cit, qui hoc videtur de venialibus tan-
tùm intelligere, cui sic respondet: *Sed
hoc fortè dictum est in casu, ubi Sacerdos
haberi potest; quod videtur ex eo quod
sequitur, scilicet, quod sine Confessione
emendatione peccata nequeunt dimitti.*
*Si enim tanta necessitatis est Confessio,
quod si deest Sacerdos, confitendum sit
cuiunque in mortis periculo, sed num-
quid Judæo, vel Gentili, vel Hæretico
manifesto? Non videtur, quia contem-
peret sunt, & irrisores Christianæ Reli-
gionis, &c.* Postea probat, nec morioni,
nec puero confitendum esse, sed laico
discreto, qui non scandalizetur propter
ejusmodi Confessionem. Querit amplius
idem Petrus, atque respondet ea, quæ
mihi videtur hic inferenda, ut quæ fue-
rit tum multorum vulgata praxis evi-
dentiùs demonstretur: *An & similiter
mulieri, quæ non scandalizetur per ejus-
modi Confessionem? Item si fidelis ser-
vienti Judæo moriatur in via, domino
præsente solo suo, non habens peccata
aliqua, in quibus Judæus ille velit, vel
possit detrabere confitentem, vel Ecclesiæ:
& ille priusquam moriatur, confiteatur
Judæo illi, & cum adjuret per Deum, &
fidem quam ei debet, ut Pœnitentiam, &
Confessionem suam protestetur Ecclesiæ:
an credetur ei postmodum hoc præsitan-
ti? nonne commendabit Ecclesiæ talem
Confessionem, cum nullum ex ea sequa-
tur periculum? R. Credo, quod Dominus,
qui dat in tali casu pœnitenti Contritio-
nem, ipsam quid agere debeat, docebit
per internam inspirationem. Potest enim,
ut credo, propter tantam necessitatem
etiam hoc Judæo vel hæretico confiteri;*

potest autem commendabiliter abstinere, ne talibus confiteatur, si dicit ei confitentia.

Ita etiam docuit Præpositivus, ut vulgatam doctrinam, sicut ex ejus Summa manuscripta colligitur, 2. cap. de Confessione, ubi sic scribit, *Queritur utrum aliquis possit confiteri socio suo.*

Quod sic, probatur. Beda super illum locum, Confitemini alterutrum peccata vestra, dicit, quod peccata ex deliberatione facta debet quis confiteri Sacerdoti; facta vero ex infirmitate, vel ignorantia potest confiteri socio. *Contra hoc sic:* Aliquod peccatum factum ex infirmitate, gravius est omni peccato ex deliberatione facto. Nam peccatum fornicationis, quod fit ex infirmitate, gravius est verbo otioso, quod quis dicit ex deliberatione. Ergo aliquod mortale peccatum debet quis confiteri socio & veniale Sacerdoti. *Solutio:* Beda per peccatum infirmitatis, intellexit peccata quotidiana, sine quibus vix potest esse vita, quia hæc sæpè ex infirmitate, vel ignorantia procedunt. *Sed queritur* quid conferat confiteri socio. Videtur quod nihil conferat, Nam socius non habet potestatem ligandi, atque solvendi: ergo nihil confert socius, maxime cum possit invenire Sacerdotem. *Solutio.* Dicimus, quidquid dicat Beda, quod semper melius est confiteri Sacerdoti, quam socio, & socio non est confitendum, nisi in necessitate. Necessitas autem est in minimis peccatis. Pene enim esset impossibile semper quoties peccamus Sacerdotem invenire, sed socium de facili reperimus: & cum quis confiteatur socio, solvitur ex desiderio Sacerdotis, ut dicit Augustinus. *Hæc ille.*

Albertus Magnus in 4. dist. 17. art. 58. hanc questionem proponit: *An aliquis possit confiteri suo socio, & ad*

quid valeat illa Confessio. Cui sic respondet. *Valeat Confessio* filii laici, ubi articulus necessitatis, non contemptus Religionis, excludit proprium, vel alienum Sacerdotem. Deinde docet, Patres multiplicem asseruisse absolvendi potestatem: Est, inquit, potestas absolvendi, ex autoritate quæ est Dei: Est potestas super excellentiæ, & hæc est Christi hominis, &c. Tertia potestas est ex vitæ merito, & suffragiis orationum, & hæc est Sanctorum in Ecclesia, qua unus alii meretur primam gratiam, quam absolvit à peccatis. Alia autem potestas ex officio Ministrorum concessa Sacerdotibus; est ultima ex unitate fidei, & charitatis, & hæc pro necessitatis articulo descendit in omnem hominem ad proximo subveniendum: & hanc potestatem habet laicus in articulo necessitatis, & mulier similiter. Articulo sequente docet, Absolutionem illam esse Sacramentalem, ut est Baptismus à laico datus, & laicum eo casu veri Ministri, idest, Sacerdotis Vicarium.

Ita quoque S. Raymundus lib. 3. de Pœnit. & remiss. §. 20. ubi ait: *Sed, & graviora coequalibus pendenda sunt, cum deest Sacerdos, & urget periculum: venialia, Sacerdotis ablata copia, licet confiteri coequalibus, & hoc sufficit, ut dicunt plerique Doctores; si tamen in contemptu non prætermittatur Sacerdos.* Alii verò dicunt, *& credo tutius, quod utriusque generis peccata Sacerdotibus sunt pendenda, quibus est concessa potestas ligandi, & absolvendi, si habeatur eorum copia.* Et antea ff. 15. dixerat S. Augustini autoritate fretus, & Decreti de Pœnit. dist. 1. *quem pœnitet*, & de Consecratione dist. 4. cap. SACRUM. Tanta est vis Confessionis, ut si imminet articulus necessitatis, vel quia infirmatur ad mortem, qui confiteri vult, vel debet intrare bellum iustum, & deest Sacerdos, confiteatur proximo: &

ita

ita non solum Clerico, sed etiam Laico, vel socio posset.

Alexander Alesius 4. Summæ q. 19, memb. 1. art. 1. dicit, Confessionem laico factam, utilem esse multis de causis, & Absolutionem à laico datam, esse Absolutionis à Deo impetrationem: atque in hujus rei probationem affert S. Augustini dictum jam exscriptum, sed sub nomine S. Gregorii. S. Bonaventura in dist. 17. p. 3. dub. 3. & art. 2. q. 1. testatur nonnullos Doctores existimare, Confessionem illam esse Sacramentalem: contrarium tamen probabilius judicat. Sed parum interest, an sit Sacramentalis, nec-ne, modo primum Absolutionis Sacramentalis effectum, idest, salutem, quoquo modo in pœnitente producat,

Cardinalis Hostiensis lib. 5. Summæ, tit. de Pœnit. & remiss. c. 14. ubi casus explicat, in quibus licet non confiteri Parocho suo. Septimo, inquit, tempore necessitatis 26. q. 6. Si Presbyter de Pœnit. dist. 3. Quicumque Presbyter: quia, sicut ait Augustinus, tanta est vis Confessionis, quod si immineat necessitatis articulus; ut quia infirmatur ad mortem is, qui vult confiteri, vel oportet eum intrare bellum, & deest Sacerdos non solum proprius, sed, & quilibet; in tali articulo potest etiam laico, vel etiam mulieri: si non adsit alius, confiteri, de Pœnit. dist. 1. Quem pœnitet, & dist. 3. Qui vult, & de Consecratione dist. 4. Sanctum est, &c. Non tamen Hæretico, vel excommunicato debet quis confiteri. Quanta autem virtutis, sit ejusmodi Confessio, paulò post explicat: Quod autem dictum est de Laico, vel muliere, intelligas quoad ostendendam fidem Sacramentalem: Unde si sic moriatur, salvator, debitum tamen Sacramentum deficit, quia nullus potest verè absolvere, ut scilicet verum sit sacramentum Pœnitentiæ, nisi Sacerdos

fit; ideoque si talis evadat, debet iterum Sacerdoti proprio confiteri.

Similiter S. Thomas in dist. enim 17. quæst. 3. art. 3. quæstionula 2. Dicens, quod sicut Baptismus est Sacramentum necessitatis, ita, & Pœnitentia. Baptismus autem qui est Sacramentum necessitatis, habet duplicem Ministrum; unum, cui ex officio baptizare incumbit, id est, Sacerdotem; alium, cui ratione necessitatis dispensatio Baptismi committitur. Ita etiam Minister Pœnitentiæ, cui Confessio faciendi ex officio est, est Sacerdos: sed in necessitate etiam Laicus vicem Sacerdotis supplet, ut ei Confessio fieri possit. Et postea in Responso ad primum docet, in hujusmodi Confessione inesse rationem Sacramenti, & ea, quæ ad Sacramentum essentiam pertinent, illæ non omnia; quæ vero defunt, defectum scilicet Sacerdotis, à summo Sacerdote suppleri: Quando necessitas imminet, debet facere pœnitens, quod ex parte sua est, scilicet confiteri, & confiteri cui potest. Et paulò post: Nihilominus Confessio Laico ex desiderio Sacerdotis facta, Sacramentalis est quodammodo, quamvis non sit Sacramentum perfectum. Postea responsione ad secundum asserit, Laicum esse confitentis Judicem, eò quod ratione necessitatis, & Sacramenti ad piscendi se se ei confitens subjecit.

Verùm dico his, & similibus auctoritatibus, & sententiis non significari illam Confessionem à pœnitente factam, & Absolutionem à Diacono, aut Laicis datam, esse Sacramentalem; quippe omnes omnino Ecclesiæ Doctores constanter docent clavium potestatem ad solos Episcopos, & Presbyteros pertinere, uti apertè definit Concilium Tridentinum sess. 14. cap. 6. Itaque illa confessio potest quidem esse salutaris propter Contritionem, & verecundiam ac humilitatem annexam; nam (inquit Doctor dist. 17. quæst. 27.) Talis Con-

„ Confessio potest esse materia vere-
 „ cundiz, quæ est una pœna debita,
 „ peccato: & in hoc confitens solvit
 „ aliquam pœnam, quam solveret, si
 „ confiteretur Sacerdoti: sed quia ac-
 „ culatio ad hoc ex præcepto sit, &
 „ non aliud, ut sequatur sententia; &
 „ Laycus nullam habet sentiendi
 „ auctoritatem in isto foro; sequitur,
 „ quod nullum præceptum est de accu-
 „ sando se Layco: & fortè utilius esset
 „ non accusare se illi, si posset æqualem
 „ verecundiam habere apud se reco-
 „ gitando eadem peccata, & sic æquè
 „ puniri. Et si diceret aliquis, quod
 „ necessarium est non confiteri Layco,
 „ quia nulli licet diffamare se, nec
 „ prodere peccatum suum occultum,
 „ maximè quando ille, cui prodit, non
 „ præsumitur celator secreti, nec scit
 „ melius consulere peccatori, quam
 „ ipsemet sibi; fortè enim propter con-
 „ silium requirendum, liceret revelare
 „ peccatum suum alicui Layco discre-
 „ tiori. Sed nec hoc patet, quia consi-
 „ lium posset inquiri posito casu in
 „ universali de aliquo, absque revela-
 „ tione peccati sui. Quid igitur de ma-
 „ lefactoribus damnatis confitentibus
 „ Laycis? Respondeo, simplicitas ex-
 „ cusat eos, ne in hoc peccent: & hu-
 „ militas eorum est meritoria eis pro
 „ quanto volunt illud, quod pertinet
 „ ad sacramentum Pœnitentiæ supplere,
 „ sicut possunt. Sed viro discreto,
 „ qui bene sciret ad quid est Confessio
 „ instituta: nec fortè utile foret, nec
 „ (sine fortè) necessarium talem Con-
 „ fessionem facere. Ita Doctor.

CONCLUSIO SECUNDA.

Non omnis Sacerdos extra imminens
 periculum mortis, est Minister Sa-
 cramenti Pœnitentiæ, cui fieri debeat
 Confessio: sed tantum ille, cui ad id con-
 cessa est jurisdictio. Hæc est communis
 apud Theologos, & expressè colligitur
 ex Concilio Florentino in Decreto Eu-
 genii, ubi docet, Ministrum hujus Sa-

cramenti, esse *Sacerdotem habentem au-
 thoritatem absolvendi ordinariam, vel
 delegatam.* Quibus verbis cum explicet
 ea, quæ jure divino ad essentiam Sacra-
 mentorum requiruntur, significat hanc
 auctoritatem, sive potestatem jurisdi-
 ctionis requiri jure divino. Idem aper-
 tè satis docet Concilium Tridentinum
sess. 24. cap. 5. ubi ait, Absolutionem à
 peccatis esse actum judicarium ex in-
 stitutione Christi: ad hunc autem re-
 quiritur jurisdictio: unde cap. 7. ait:
*Quoniam igitur natura, & ratio Judi-
 cii illud exposcit, ut sententia in subdi-
 to dumtaxat feratur; persuasum semper
 in Ecclesia Dei fuit, & verissimum esse
 Synodus hæc confirmat; nullius momenti
 Absolutionem tam esse debere, quam Sa-
 cerdos in eum profert in quem ordina-
 riæ, aut subdelegatæ non habet juri-
 sdictionem.* Unde etiam cap. *Si Episco-
 pus,* de Pœnitent. & remis. in 6. statui-
 tur, nulla consuetudine posse induci,
 sive præscribi, ut quis sine licentia Su-
 perioris possit sibi Confessarium eligere
 quia nimirum contra jus divinum nul-
 la consuetudo, aut præscriptio potest
 prævalere: ex quo apparet hanc neces-
 sitatem jurisdictionis ex ipsa natura, &
 institutione Sacramenti consequi: Si
 enim, quod quilibet Sacerdos non pos-
 sit quemlibet absolvere, proveniret tan-
 tùm ex jure humano, contra illud præ-
 scribi posset: quia secundum veriore
 sententiam, præscribi potest contra om-
 ne jus humanum.

Difficultas autem est, unde proveniat
 ejusmodi jurisdictio: quidam enim
 Theologi docent cum *Armacano* lib. 1. 2
 quæstionum Armenicarum cap. 4. pote-
 statem jurisdictionis in hoc Sacramen-
 to non distinguì à potestate ordinis: at-
 que ita Sacerdotem utramque simul ac-
 cipere in ordinatione omnino comple-
 tam, sicque quemlibet Sacerdotem pos-
 se validè quemvis legitimè dispositum
 absolvere, licet illicitè ob Ecclesiæ pro-
 hibitionem. Verùm hæc sententia aper-
 tè

tè repugnant Concilio Tridentino c.7. decernenti, *delictorum reservationem consonam esse divine auctoritati, & non tantum in eterna politia, sed etiam coram Deo vim habere*; veruntamen pœnitentiam admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis: atque ideo omnes Sacerdotes, quolibet pœnitentes, à quibusvis peccatis, & censuris absolvere possunt: extra quem articulum Sacerdotes cum nihil possunt in casibus reservatis, id unum pœnitentibus persuadere nitantur, ut ad superiores, & legitimos Judices pro beneficio Absolutionis accedant. Quibus verbis aperte docet, non solum illicitè, sed etiam invalidè aliquos Sacerdotes absolvere à peccatis reservatis; ac subinde falsum est, eos omnes habere completam jurisdictionem virtute suæ ordinationis.

Censent nonnulli cum Navarro in summa cap.4. num.3. & cap.27. num.54. Sacerdotes quidem in sua ordinatione accipere jurisdictionem habitualement, non talem ac tantam, ut validè possint absolvere; Ecclesia id sua prohibitione impediens. Verum hæc sententia pene coincidet cum præcedente: nam si quis Sacerdos jure divino, & virtute suæ ordinationis habeat sufficientem potestatem, ut actu possit ab omnibus peccatis absolvere, nulla ratione Ecclesia poterit efficere, ut pœnitentem debite dispositum validè absolvat, sicut nulla sua prohibitione poterit efficere, ut Episcopus aliquem invalidè ordinet, aut confirmet.

Tertiò Aliqui docent cum S. Antonio 3. part. tit. 17. cap.4. Sacerdotes in sui ordinatione accipere quidem potestatem jurisdictionis, sed quæ etiam seclusa omni Ecclesiæ prohibitione non possit reduci ad actum, propter defectum materiæ: nam ut aliquis Judex exerceat actum jurisdictionis, non satis est, quòd à Principe Judex instituat, &

sed præterea necessarium est, quòd habeat subditos, & determinatum locum, ubi ejusmodi jurisdictionem exerceat: Unde ut Sacerdotes validè possint aliquem pœnitentem absolvere, necessum est, quòd Ecclesia ipsis aliquos subditos assignet: quia Christus D. hoc Sacramentum ita instituit, ut nullus sine auctoritate, & determinatione Ecclesiæ possit in alterum sententiam ferre, quam sententiam veriore existimò.

Quarta tandem sententia docet potestatem Ordinis, quam solam Sacerdos in sui ordinatione accipit, esse distinctam à potestate jurisdictionis, quam postea accipit à Prælati Ecclesiæ; unde fit, ut neminem possit absolvere, nisi prius accepta hac auctoritate, quæ sicut liberè conceditur, sic etiam liberè suspendi potest, & revocari. Ita Medina de Pœnit. tract.2. qu.39. conclusione 3. Soto in 4. dist.18. qu.4. a.2. Suarez disp.16. sect.3. n.7. Quam utique sententiam probant maximè his momentis, quæ alibi, agendo de Ordine, examinabimus, ajunt autem Trident. & Florent. distinguunt hanc jurisdictionem in ordinariam, & delegatam; ac subinde censent hanc potestatem posse delegari, id autem falsum esset, si potestas jurisdictionis esset eadem cum potestate ordinis: nemo enim dixerit potestatem ordinis posse delegari; ac subinde censent Concilia, potestatem jurisdictionis à potestate ordinis esse distinctam. Deinde omnis Jurisdictio est essentialiter superioritas, quæ intrinsicè dicit respectum ad subditos; sicut enim nullus revera potest esse dominus, quin habeat servum, ita nec Superior esse potest, ac jurisdictionem habens, nisi habeat subditos: sed Sacerdos virtute suæ ordinationis nullos acquirit subditos: igitur nec virtute illius jurisdictionem obtinet.

Denique ejusdem est conferre jurisdictionem, cujus est dare subditos, in quos exerceatur ejusmodi jurisdictio:

O o o o

sed

sed Ecclesia Sacerdotibus ordinatis assignat subditos, in quos exercent jurisdictionem, & auctoritatem judicandi sacramentaliter: igitur etiam dat hanc jurisdictionem.

Dicit: Urbanus II. ut refertur cap. Placuit de Pœnitentia. Statuit ut deinceps nulli Sacerdotum liceat quolibet commissum alteri Sacerdoti ad Pœnitentiam suscipere, sine ejus consensu, cui prius se commisit. Igitur prius cuilibet licebat, quemvis ad Pœnitentiam, & Absolutionem suscipere.

Nego consequentiam: Siquidem ibi non agitur de Pœnitentia sacramentali sed tantum de Pœnitentia publica, & decernitur ne aliquis agendo solemnem Pœnitentiam postquam commissus est uni Sacerdoti, ut illam juxta illius judicium, & prescriptum agat, possit sine hujus Sacerdotis licentia alteri se committere in eadem causa, nisi forte Sacerdos ille, cui se primo commiserat, ei injunxisset aliquid indecens propter ignorantiam: hoc enim in casu posset alterum convenire.

Dicit secundò: Potestas jurisdictionis, seu remittendi peccata conceditur cuilibet Sacerdoti in sua ordinatione; ut decernit Concilium Tridentinum sess. 14. cap. 6. his verbis: *Docet quoque (sancta Synodus) etiam Sacerdotes, qui peccato mortali tenentur, per virtutem Spiritus sancti, in ordinatione collatam, tanquam Christi Ministros, functionem remittendi peccata exercere, eosque prave sentire, qui in malis Sacerdotibus hanc potestatem non esse contendunt.* Ubi Concilium docet, Sacerdotes habere potestatem jurisdictionis virtute sum Ordinationis: igitur illa potestas non est distincta à potestate Ordinis; ac subinde quemadmodum quilibet Sacerdos potest exercere potestatem Ordinis independentem à qualibet prohibitione, Ecclesiæ, pari ratione poterit exercere jurisdictionem, & auctoritatem absolviendi.

Adde quòd Concilium dicat Sacerdotes habere auctoritatem eandem quæ concessa fuit Apostolis vi verborum Joan. 20. Quorum remiseritis peccata: at Apostoli virtute verborum istorum poterant quemlibet absolvere: igitur idem præstare possunt Sacerdotes.

Nego consequentiam, juxta certam sententiam; quamquam enim potestas remittendi peccata conferatur secundum substantiam, & virtutem cuilibet Sacerdoti in ordinatione, non tamen confertur exercenda, nisi assignatis subditis, in quos exerceatur, ac subinde confertur quidem intrinsecè completa quantum ad virtutem, sed complenda extrinsecè quantum ad exercitium, & applicationem subiecti, in quod illa potestas exerceatur: non secus ac si Rex tribueret aliquibus potestatem judicandi, & constitueret eos Judices, non assignaret tamen illis subditos, sed designationem ipsorum permetteret provinciarum Gubernatoribus, ubi judicarent expedire bono regni.

Ad id quod subjungitur, non aliam quemlibet Sacerdotum accipere in sua ordinatione potestatem, quam quæ Apostolis concessa fuit, quando eis dictum est: *Quorum remiseritis, etc.*

Respondet: concedendo non aliam præcisè vi verborum illorum potestatem accipi, sed quemadmodum præter hanc potestatem ex Christi voluntate missi sunt in universum mundum, quæ missione complementum potestatis jurisdictionis fuit eis collatum, ita præter eam, quam quilibet Sacerdos recipit in ordinatione sua potestatem, debet ejusdem complementum recipere ab Ecclesia, quæ illi subditos assignet.

Objeiet secundò: Si vera esset nostra sententia, sequeretur Sacerdotes recipere ab Ecclesia potestatem absolviendi: quod absurdum est; alioqui dicendum esset: Ego te absolvo auctoritate Ecclesiæ.

Respondet, negando sequelam: Sa-
cra-

cerdotes recipiunt à Christo in sua ordinatione potestatem jurisdictionis, à qua efficienter est remissio peccatorum, posito quòd subditi assignentur, adeoque habent à Christo potestatem absolvendi, & ab Ecclesia recipiunt tantum designationem subditorum, quod non est recipere, nisi complementum potestatis, à quo non potest dici Sacerdos sic recipere potestatem absolvendi; sicut ignis non recipit potestatem comburendi ab eo, qui materiam combustibilem illi approximat, nam ille qui à Principe constitutus Judex recipit à gubernatore Provincie potestatem judicariam, designatos, in quos judicium ferat, subditos habet à gubernatore Provincie.

CONCLUSIO TERTIA.

CONFESSARIUS strikte tenetur jure nature, divino positivo, & Ecclesiastico ad servandum sigillum Confessionis, ita ut nulla ratione possit alteri revelare ea, quæ sibi in Confessione manifestata sunt. Hæc est communis apud Catholicos, & quantum ad obligationem ex jure Ecclesiastico, definita in Concilio Lateranensi sub Innocentio III. cap. Omnis utriusque sexus, ubi statuitur. *Cavet autem omnino Sacerdos, ne verbo aut signo, aut aliquo quovis modo aliquatenus producat peccatorem; sed si prudentiori consilio indiget, illud absque ulla expressione personæ cautè requirat; quoniam qui peccatum in pœnitentiali judicio sibi secretum præsumpserit revelare, non solum à Sacerdotali officio deponendum decernimus, verum etiam ad agenda perpetuam pœnitentiam in arduum Monasterium detrudendum.* Quod utique decretum approbat Conc. Trid. sess. 14. cap. 5. Quantum autem ad obligationem ex jure naturali, laborant Theologi in assignanda genuina ratione hujus obligationis. Aliqui enim eam repetunt ex mendacio, quia, inquirunt, nusquam licet mentiri: at si Sacerdos revelaret Confessionem mentiretur;

nam diceret se scire ut est homo, quòd nescit ut homo, sed tantum ut Dei vicarius. Verum hanc rationem refellit Doctor dist. 21. num. 4. *Primo*, quia Sacerdos ex potestate clavium sibi commissæ in propria persona cognoscit, & decernit in causa peccatoris, ejusdem enim est in persona cognoscere, cujus est in causa sententiare de ea: sed Sacerdos non in persona Dei sententiat absolvendo confitentem: igitur, & sic audit, & cognoscit: Minor patet; non enim absolvit principaliter, sed tantum ministerialiter; absolvere autem ministerialiter sibi non competit, nisi in persona propria, si enim in persona Dei loqueretur, absolvendo confitentem, verè posset dicere sine prece prævula, quæ est, *Dominus te absolvat, Ego te principaliter absolvo, & gratiâ infundo*: sicut Angelus verè dixit in persona Dei: Ego te eduxi de Ægypto. *Insuper* non magis audit, vel absolvit Sacerdos in foro Confessionis, in persona Dei, quàm conficiat Eucharistiam in persona ejus: quæ equè excellens est actus iste, sicut ille, & actus Sacramentalis, in qua operatur virtus divina, sicut hic: imò videtur ibi plus agere in persona Dei, vel Christi, quàm hic. Ibi enim profert verba Christi, *Corpus meum*, & in persona Christi, de quo præmisit. *Qui pridie, quam pateretur, &c.* Ita quod totum illud; *Accipite, &c.* *Hoc est corpus meum*; dicit ipse recitando verba Christi, non sic in proposito. Unde non præmittit hic, Christus volens absolvere peccatorem dixit sic, *Ego te absolvo*: sed *ly ego*, stat hic pro persona Ministri: ex hoc ergo patet, quòd magis, vel non minus conficit in persona Christi, quàm absolvat vel audiat Confessiones in persona Christi: sed conficit in persona propria; unde non mentitur post Milsam dicens, Ego scio hodie me consecrasse: igitur pariter non mentiretur, dicendo: Ego hodie audivi talem confitentem hoc peccatum. *Tertio*, si hæc ratio esset vera, se-

queretur Sacerdotem non poſſe in Confefſione auditum peccatum alteri manifeſtare, non revelata perſona, niſi mentiretur; ſed hoc falſum apparet per illud *extra. de Pen. & Remiſſ. c. 1. Officii*, ubi Innocentius III. reſpondet Cardinali Legato, qui ſcripſerat caſum, quem audierat in Confefſione, & ſuper eum conſilium petierat à ſummo Pontifice, qui ipſum non redarguit, quòd revelaret peccatum huiusmodi in univerſali per Scripturam: ſed reſpondit qualiter ſit tali perſonæ conſultenti conſulendum. *Quartò*, patet ex communi uſu Confefſorum, quòd Confefſor extra Confefſionem poteſt dicere, hoc aut illud fuiſſe ſibi confefſum, ubi non eſt periculum manifeſtandi perſonam conſultentem; ſed ſtante prædicta ratione id non liceret, quia nuſquam licet mentiri: igitur, &c. Unde concludit Doctòr, quòd cum Sacerdos non audiat Confefſiones, nec abſolvat ut perſona Dei, ſed tantum ut ejus Miniſter, & vices gerens, idcirco non mentiretur, ſi aliquod peccatum ſibi confefſum alteri manifeſtaret.

Itaque, quatuor alias rationes proferret Doctòr num. 8. quibus ſuadet ſigillum Confefſionis eſſe de jure naturæ: quæ quoniam per ſe clare ſunt, ac perſpicuæ, idcirco hic eas tranſcribendas eſſe volui: quarum *Prima* ſumitur ex ratione charitatis. *Secunda* ex ratione fidelitatis. *Tertia* ex ratione veritatis, vel veracitatis. *Quarta* ex ratione unitatis, vel mutue utilitatis. *Prima* talis eſt, lex naturæ de charitate fraterna, exprimitur Matth. 7. *Omnia quæcumque vultis, ut faciant vobis homines, hoc facite illis. Hæc eſt enim lex, & Propheta*. Et Lucæ 6. *Prout vultis, ut faciant homines vobis, & vos facite illis*. Sed ſic intelligi debet illa propositio legis naturæ de charitate fraterna, *quæ vultis vobis*, id eſt, quæ debetis ſecundum rectam rationem velle; & hoc intelligitur in illa pro-

positione Matth. 23. *Diligis proximum tuum, ſicut teipſum*. Sed quilibet debet diligere ſecundum rectam rationem famam propriam: ergo & relationem peccati ſui confefſi, & per conſequens Confefſor debet idem diligere, & velle ipſi confefſor: ſed revelatio tolleretur confefſo famam; ergo, &c. Minor probatur per Scripturam Eccleſiaſtici 41. *Curam habe de bono nomine, & reddit rationem de hoc; hoc enim magis permanebit tibi, quam mille theſauri magni, & pretioſi*. Probat etiam per aliud, ſubdens; *Bona vitæ numerus dierum, bonum autem nomen permanebit in æternum*. Proverb. 22. *Melius eſt nomen bonum, quam divitiæ multæ*. Item per rationem probatur. Quilibet enim ſecundum rectam rationem debet ſibi velle vitam civilem; hæc autem tollitur per ablationem famæ, quia in hoc aliquis vivit vita civili, quod idoneus eſt ad actus alios, quos competentes ſibi in illa civitate, ſed fama amiſſa, privatus eſt habilitate ad tales actus, quia amiſſi ſtatim dignitatis illæſe, ſcilicet habilitatem ad actus, quibus aliàs dignus eſſet. Secunda pars minoris; ſcilicet quod revelatio peccati confefſi tollit confefſo huiusmodi famam, probatur, quia qua ratione poteſt uni revelari, poteſt & alteri, & ſic omnibus; ſed in tali revelatione eſt manifeſtum, quod ſtatus dignitatis illæſe, quæ conſiſtit in fama ejus apud concives, tollitur iſti.

Secunda ratio. Quilibet de lege naturæ tenetur ſervare fidelitatem proximo ſuo, quam vellet, & deberet ſibi velle ſervare: ſed committens ſecretum maximum alteri, vellet ſibi ſervari, & deberet velle ſibi ſervari, tanquam ſecretum; ergo alter, cui committit, tenetur illud ſibi ſervare. Hæc ratio tangitur Prov. 11. *Qui ambulat fraudulentè, revelat arcana,*
qui

qui autem fidelis est, celat amici commissum.

Tertia ratio. Quilibet ex lege naturæ tenetur servare promissum licitum: sed recipiens secretum, maxime istud in Confessione detectum, etsi non explicitè, tamen implicitè promittit se servaturum, quia sine tali promisso, saltem subintellecto, non committeretur sibi tale secretum: ergo, &c. Hæc ratio probatur, vel potest sumi ex illo verbo: *Loquimini veritatem unusquisque cum proximo suo.*

Quarta ratio. In hoc communitas aliquam habet unitatem proportionatam unitati corporis, quia ibi est ordo Superioris, & inferioris, & tenetur Superior influere in inferiorem, & inferior subministrare Superiori, juxta illam parabolam Pauli de corpore mystico, & in naturali in diversis locis: sed in civitate, inferior est minus sufficiens, & minus sciens, & in Ecclesia peccator inferior. Superior autem est Hierarchia, qui & potest consulere, & reconciliare: ergo de lege naturæ est, quòd nullus excludat inferiorem à recursum ad Superiorem: quia hæc est communis utilitas membrorum ad invicem. Sed revelatio secreti excludit talem recursum inferioris ad Superiorem in consilio animæ, & per consequens influentiam Superioris in inferiorem: quia nullus recurreret, si regulariter illud, de quo querit consilium, vel remedium, non esset servandum secretum: ergo eadem lege naturæ, qua tenetur quilibet ad servandam unitatem corporis Christi mystici, & ad communem utilitatem aliis, sicut membris in corpore, tenetur celare secretum hoc.

Idem probat Doctor de obligatione petenda ex lege divina positiva: Quilibet Christianus (inquit n. 11.) tenetur non dare occasionem

alteri, qua revocetur à lege Christi: sed lex Christi est de Confessione facienda, ut est ostensum dist. 17. igitur quilibet in lege Christi tenetur non retrahere aliquem à Confessione facienda: sed revelans Confessionem occasione data, retrahit aliquos à Confessione: ergo, &c. Si dicas, etsi ille Sacerdos revelat, tamen alius erit celator secreti: hoc nihil est, quia iste quantum est ex genere operis sui, dat occasionem alteri cavendi eodem modo à singulis Confessoribus. Item *secundò* sic: Christus statuit arbitrium Pœnitentiæ esse ultimum in terris quantum ad illud crimen confessum, quod patet ex illo verbo Matth. 16. *Quodcumque solveris super terram, erit solutum, & in cælis*, id est, finaliter, & ultimatè approbatum: & Joan. 20. *Quorum remiseritis peccata, &c.* supple in iudicio divino finaliter remissa approbantur: ergo peccat contra legem Christi quicumque aliquid in isto foro discussum, & ibi finaliter terminatum deducit ad aliud forum publicum: sed revelans, quantum in se est, facit, quòd deduci possit ad aliud forum: ergo, &c. *Tertio* sic, Dans occasionem peccandi mortaliter exequendo præceptum Christi, peccat mortaliter: quia præceptum, quod esset debitè exequendum, iste quantum in se est, facit indebitè exequi, sed revelans Confessionem dat occasionem indebitè exequendi Christi præceptum de confitendo, quia mendaciter; dat enim occasionem, ut aliquis in Confessione seipsum laudet, & alium, quem odit, vituperet, ut sic indignè à Confessore promoveatur, & alius puniatur: ergo, &c.

Obijciat primò: Ex S. Bernardo lib. 4. de præcepto, & dispensatione; *Quod est institutum pro charitate, non debet contra charitatem militare:* Sed sigillum Confessionis militaret contra cha-

-ri

ritatem, aliquibus in casibus, putà si aliquis noverit in Confessione Pastorem aliquem, & animarum Rectorem esse hereticum, quem inducere non posset, ut ab erroribus disseminandis, & inficienda plebe sibi commissa desisteret: quo in casu esset contra charitatem ejusmodi non denunciare, non secus ac contra charitatem militaret, qui hominem peste infectum nosset cum ceteris conversantem, nec alios moneret, ut ab ejus consortio esurgerent; igitur tale sigillum non est asserendum.

Negat minorem Doctor; Non est enim contra charitatis ordinem, quòd interdum non caveatur aliquod malum, ad servandam Sacramento debitam reverentiam, quæ utique longè præstantius est bonum, quam illud quodlibet, quod ex revelatione confessionis posset accidere. Charitatis enim & justitiæ ordo est, ut majus bonum præferatur minori: nam Deuter. 16. *Justitiam quod justum est exequeris*: Ergo, inquit Doctor, charitatis quòd charitatis est exequeris. Unde colligit reprobandum esse hunc versum Jurisperitorum. *Est hæresis crimen quod nec confessio celat*; quia hæc sententia est falsa.

Adde quòd Confessarius alla via providere possit, ne malum istud longius grassetur, nempe vel monendo Episcopum, ut diligenter inquirat de administratione, & fide Rectorum sibi subditorum, & resciat ab eorum plebe, utrum ab iis doceantur Catholica dogmata: ea tamen ratione, ut neque ullo signo, directè vel indirectè manifestet eum, qui sibi confessus fuerat.

Dices secundò: Nullus potest obligari ad id quod vergit in proprium damnum suum conscientie: sed celatio confessorii peccati aliquando vergeret in damnum propriæ conscientie ipsius Confessarii; putà si quis evocatus in Judicium adjuretur de veritate dicenda, quam novit per Confessionem: si

enim veritatem non proferat, perjurii crimen incurret; sicque peccabit mortaliter.

Negat minorem: Illa enim secreti celatio non erit in prejudicium conscientie ipsius Confessarii, nec perjurii crimen incurret: quippe cum ad revelandam hanc veritatem non teneatur virtute juramenti, quia, ut diximus, dum occurrunt varia præcepta, quæ simul servari nequeunt, maxime servandum est illud, quod est majoris ponderis, & momenti: hic autem apparet sigillum Confessionis esse gravius ponderis, quam præceptum juramenti: quia videlicet obligatio ad servandum sigillum fundatur in jure naturali, divino positivo, & Ecclesiastico.

Dices tertio: Sacerdos ex Confessione cognoscens sibi paratas esse insidias in nemore quod erat ingressurus, per unum ex conjuratis, qui pœnitens facti, ei sacramentaliter confitetur ante illum ingressum, potest ex hac noticia alio declinare: sed sic declinando revelaret Confessionem: igitur licet aliquando non servare sigillum.

Negat minorem Doctor; num. 20. nam potest dici, inquit quòd Sacerdos iste; multiplicem occasionem potest habere non intrandi nemus, aliam ab ista malicia latronum sibi detecta, & ad multiplicem aliam potest cogitare, & dicere coram illis; utpote, Volo hoc, & illud facere, ad illum & illum locum declinare, antequam procedam ulterius; & si ex tali occasione allegata videatur divertere, nec verbo, nec facto revelat Confessionem. Si autem non possit ex aliqua occasione divertere, quin appareat illis aliis, quod propter Confessionem diverteret, & in hoc facto revelaret Confessionem, dicit quidam quòd tenetur intrare, & si exponit se morti, hoc est, pro causa, justa, ut scilicet servet legem Dei de sigillo Confessionis, & per consequens

queas si moritur, martyr est.

Sed aliter potest dici, quod facta possunt esse signa æquivoca, quia diversimodè à diversis concipi possunt, ad hoc scilicet, vel ad illud factum: igitur non debet reputari revelativum Confessionis, nisi ex natura sua prodatur peccatum confessum, sed divertere à nemore non sic ducit; quia si illi alii non fuissent prius collocuti de illa interfectione, nunquam per hoc, quod ille divertit, cognoscerent illum esse confessum, de voluntate occidendi istum; Si tamen divertere ex ratione sui est signum ductivum in notitiam talis peccati confessi, duceret quoscunque in hoc, & istos, æquè si non fuissent collocuti, sicut si fuissent collocuti. Generaliter igitur potest dici quod signum, quod est de se indifferens ad hoc quod est tale peccatum esse confessum, vel non esse, licet sit aliquibus magis signum determinatum ex aliquo supposito, non est signum, revelativum Confessionis, nec per consequens simpliciter illicitum. Confessario.

Dices quartò: Ex hypotesi quod Sacerdos absolverit aliquem Episcopum Simoniacum, ad cuius Absolutionem non habeat potestatem, & quod Sacerdos ille teneatur statim confiteri, ut Missam celebret, etiam tenebitur revelare Confessionem sibi factam, declarando se indebitè absolvisse ab isto peccato simoniæ Episcopum confessum, quia peccatum illud mortale est, & istæ circumstantiæ aggravant: gravior est enim simonia ab Episcopo facta, quàm à quovis alio Clerico, propter maiorem Episcopi scientiam, & dignitatem: sed sic confitendo revelat peccatum istius Episcopi simoniaci: igitur licet aliquando revelare peccatum confessum.

R: respondet Doctor, num. 21. primò, quod qui sic indiscretè administravit sacramentum Pœnitentiæ, tenetur

non statim confiteri de facto suo indiscretò, quando scilicet Confessor devenire posset in notitiam personæ, circa quam indiscretè exercuit usum clavium: vel si teneatur, saltem non debet in speciali exprimere culpam, circa quam, & modum, quo indiscretè exercuit; sed vel universim dicendo: Mea culpa indiscretè, & indebitè ministravi sacramentum Pœnitentiæ: vel si, stimulante conscientia, existimet se teneri ad detegendas circumstantias aggravantes, debet expectare opportunitatem confitendi alicui, qui ex tali Confessione peccati, & circumstantiarum, non possit devenire in notitiam personæ, quæ fuerat sibi confessa. Si autem non possit talis Confessor inveniri, quin ex explicatione peccati, & circumstantiarum possit agnosci persona, quæ sibi fuerat confessa, iste in eo casu non debet peccatum istud confiteri homini, sed sufficit, quod illud confiteatur Deo: Quia, inquit Doctor, plus tenetur ad præceptum non prodendi culpam sibi confectam, quàm ad confitendum explicitè culpam suam; quia ad primum tenetur lege naturæ, & positiva divina, ad secundum verò tenetur tantum lege divina positiva. Ita Doctor.

Ex iis inferes primò, violationem sigilli esse peccatum contra Religionem, quatenus est contra reverentiam, & bonum Sacramenti; nec non & habere malitiam gravem contra iustitiam, quatenus est contra jus naturale secreti, quod violatur, & quod etiam exclusa ratione Sacramenti, obligaret Confessarium ad servandum secretum, etiamsi effet dumtaxat revelatio peccati venialis.

Inferes secundò, neminem posse uti cognitione per Confessionem habita, ad aliquid faciendum, vel fugiendum, nisi aliunde huiusmodi notitiam habeat extra Confessionem. Ita expressè de-

definiuit Clemens VIII. in motu proprio, quem edidit anno 1594. die 16. Maij, pro Regularibus circa casus reservatos, ubi præcipit, quod tam Superiori pro tempore existentes, quam Confessarii, qui postea ad superioritatis gradum fuerint promoti, caveant diligentissime, ne ea notitia, quam de aliorum peccatis in Confessione habuerunt, ad exteriorem gubernationem utantur. Quod antea docuerat Doctor, num. 33. ubi respondens ad 6. Argumentum, nempe quod Abbas cognoscens per Confessionem aliquem ex Monachis, extra Monasterium degentem habere societatem ibi suspectam, per quam semper allicitur ad peccandum, possit eum in Monasterium revocare, ut istius salutis consulat. *Dicit Doctor*, quod si in Collegio est consuetudo communis, ut sine nota quilibet extra Monasterium curam habens, vel sine cura moram trahens, revocetur pro libito præsentis: vel etiam non passim pro libito, sed quandoque pro alia causa honesta, ut nunc iste quiescat in claustris, nunc laboret cum Martha in exteriori ministerio, & nunc ille, prout utile visum fuerit præsentis. Dico tunc, quod Monachum confessum de crimine commissio in aliquo loco extra Monasterium, ubi moratur, potest Abbas ad Monasterium revocare: quia in hoc nullo modo peccatum confessum prodit, licet aliquis dixerit, quod Confessor nullo modo potest se habere aliter ad confessum, ratione Confessionis quantum ad quemcumque actum extra forum illud, quam si penitus nihil audivisset. Si autem est consuetudo in Collegio, quod non transferatur Monachus sic de loco forinsecus ad claustrum, nisi ratione delicti, vel insufficientiæ, in cura illius loci, non videtur tunc licitum Abbati confessum ad Monasterium revocare.

Si dicas, Non apponit remedium ad salutem ovis suæ. *Respondet*, consulat sibi in foro Pœnitentiæ meliori modo, quo poterit, ut illum locum sibi periculosum dimittat. Si noluerit, non attentet esse Deus, sed defectus occultos sibi secundum iustitiam incorrigibiles, Dei correctioni dimittat.

Idem dicit de vitando excommunicato cognito ex sola Confessione: nam, *inquit*, si Confessarius per aliam viam potest nosse eum esse excommunicatum, poterit ipsius confortium vitare: sin autem, non solum non debet, imò non licet vitare, quia talis violatio est de jure positivo Ecclesiastico tantum: non prode auctem tenetur ille de lege naturæ, & de jure positivo divino, & Ecclesiastico: quando autem præcepta videntur esse contraria, illud, quod est superius, magis obligat, & ideo est firmitus servandum, nec servans illud, & prætermittens aliud, peccat. *Ita Doctor*.

PETES 1. *Utrum ad requisitionem pœnitentis possit interdum Confessarius revelare peccata confissa, quæ aliter non novit, nisi in Confessione?*

Affirmat S. Thomas dist. 21. qu. 3. art. 3. negat verò Alensis 4. p. quæst. 19. memb. 2. art. 1. & cum eo Subtilis Doctor dist. 21. qu. 2. num. 18. *Quia, inquit*, obligatio ad celandum peccatum confessum, non est tantum ius confitentis, sed ius communitalis omnium fidelium, & totius Ecclesiæ, nec non & reverentiæ debitæ Sacramento: nam ex revelatione peccati confessi sequeretur continua perturbatio in communitate, quia passim quilibet reputaret alium abominabilem: non est autem in potestate pœnitentis renuntiare iuri communitatis; nec non & reverentiæ debitæ Sacramento, ac subinde non potest,

„ telli, eo petente, Confessarius peccatum istud revelare.

Deinde, si posset Confessarius revelare Confessionem cum licentia pœnitentis, proxima daretur occasio mentiendi in Confessione, & fallendi Confessorem, & non confitendi integrè peccata sua: nam diffamati de aliquo crimine, quod commiserunt, etsi de eo non sint convicti, possent non confiteri istud crimen, & sic dare licentiam Confessario, ut revelet peccata, quibus notum fiat, pœnitentem non esse reum illius peccati, de quo infamabatur: sed hoc vergeret in ludibrium Sacramenti, & manifestum fieret sacrilegium; igitur, &c.

Denique, si hoc ita liceret, posset ex licentia pœnitentis obligari Confessarius ad revelanda peccata, quando est sufficiens motivum, & obligari etiam posset pœnitens, & vi aut promissis induci, ut concedat talem licentiam: sed hoc vergeret in detrimentum libertatis, maximè requisitè ad frequentationem huius Sacramenti: igitur, licet revelari possit secretum, quando consentit ille, qui celandum commiserat, non tamen potest revelari secretum Confessionis, quia quatenus est obligatio secreti sacramentalis, non est in potestate ipsius pœnitentis.

Quid igitur faciet Confessor, quando pœnitens vult peccatum suum prodi? Dico (*inquit Doct̃or*) quòd confitens potest postea peccatum suum extra Confessionem dicere, & si ut secretum, adhuc licentia sequens non absolvit Confessorem à lege naturæ, quin teneatur celare: sed si dicit, ut non habeatur secretum, & maximè apud aliam personam, vel apud alias certas, quibus fortè licet propter aliquem bonum finem, qui potest sequi ex revelatione istis facta, vel illi, tunc Confessor potest dicere illud tanquam sibi publicè dictum extra omne secretum.

Tom. X.

Sed numquid potest tunc dicere; Audivi hoc in Confessione? *Respondet*, Dicitur, quòd hæc sola verba; *Audivi hoc peccatum huius personæ in Confessione*, includunt peccatum mortale, quia includunt revelationem nem huius ut cogniti, eo modo quo non licet revelari. Unde cui post Confessionem revelatur extra omne secretum, caveat in modo narrandi, ne hoc narret tanquam sibi dictum modo, quo non licet revelari.

PETRS 2. *Utrum solus Sacerdos teneatur ad sigillum Confessionis?*

Respondet Doct̃or nu. 18. Non tantum Confessorem, sed & eos, qui ab illo mediata, vel immediata accipiunt peccatum confessum à pœnitente, vel quibus peccatum istud quomodocumque notificatur in ordine ad Confessionem, teneri ad servandum sigillum. Dico (*inquit Doct̃or*) quòd non solum Confessor, sed & is, cui Confessor revelat, licet illicitè, tenetur celare. Probatur, quia transferens aliquid in alium de facto, quod non potest licitè de jure transferri, non dat illi alteri jus utendi, vel transferendi istud in alterum, quia ex quo non habuit jus, non potuit jus in alium transferre, quia nemo dat quod non habet: sed Confessor revelans non habuit jus transferendi. Idem dico de illo, qui audit Confessionem confitentis, alius scilicet à Confessore, si enim audit casualiter non peccat, tenetur tamen ad silentium; si verò dolose, mortaliter peccat, & adhuc tenetur ad silentium. Ita Doct̃or.

Hinc ad sigillum tenetur: *Primo*, qui vel malignè peccata confitentis audit, vel casu, & sine culpa; hæc enim res transit cum suo onere; aliàs onerosa foret, atque odiosa Confessio. *Secundo*, Interpres, quando eo utitur pœnitens in Confessione facienda. Ratio est, quia

P p p p

ille

ille non præbet soli pœnitenti ministerium, sed etiam Sacerdoti, qui sic per interpretem cognoscit peccata confidentis, sicut is per eum loquitur. *Tertio*, qui cum non sit Sacerdos, gerit tamen se pro Sacerdote audiendo Confessiones. *Quarto*, Doctor, & quicumque consulitur in ordine ad Confessionem sacramentalem, cui ex licentia pœnitentis, tam ejus persona, quam peccatum aperitur. *Quinto*, Superior; à quo cum pari, aut simili declaratione postulatur potestas absolvendi pœnitentem à casu reservato. *Sexto*, cui Confessarius etiam injustè Confessionem pœnitentis revelat. *Septimo*, qui indicem faciendæ Confessionis scriptis exaratum invenit: illum autem tenetur restituere, vel comburere.

PETES 3. *Utrum Judex, vel Prælatus possit uti scientia, quam haberet ex reporto illo indicis ad puniendum eum, qui scripsit, de peccatis, quæ in eo exarantur.*

Respondeo non posse. Ita præ cæteris docet *Henriquez* lib. de Pœnitentia, sacramentali, ubi ait. Qui fortè, aut de industria querens invenit chartam, ubi reus peccata scripserat in subsidium memoriæ pro faciendâ Confessione nunc tenetur sigillo, sed magno secreto, eò quod ea charta esset via ad Confessionem: sed si Judex aut Prælatus propter talia scripta, vel ex uno sacrilego Confessario, vel ex multis peccata intellexerit, vel etiam inquirens bona fide, & procedens in causa adverit notitiam habuisse ortum ex Confessionis detectione, tenetur statim cessare ab ea inquisitione, & processu judiciali, & facta pro infectis habere, neque potest reum de re interrogare, quia ad eam scientiam non processit humano modo.

Idem docet *Antonius Diana*: An

qui invenerit chartam, in qua scripta erant alicujus peccata, tenetur illa abscondere sub sigillo Confessionis? *Respondet*, Qui invenerit descripta peccata, quæ litteris mandavit fortè aliquis memoriæ causa, ut ea exactius confiteatur, tenetur sigillo, sive jam Confessio facta sit, sive adhuc facienda. Communis Doctorum ratio est, quia chartæ illius tenor est aliquid Confessionis, & quasi Confessio scripta, ut æquiparari chartæ illi: eo modo, quo quis casu audit Confessionem, est enim charta illa, quasi internuntia juvenis memoriæ confidentis: itaque censetur sigillata sacro sigillo; & rectè quidem, nam charta illa dici potest Confessio inchoata.

Similiter *Navarrus* cap. 18. nu. 34. Peccat qui invenerit scriptum, in quo aliquis sua peccata ad memoriam Confessionis scripserat, & ea divulgat, & idem est de eo, qui legit etiam si non divulgat, si schedulam, cujus principio scriptum erat, memoria meorum peccatorum, aut aliud simile, quod scire teneretur ejus authorem nolle ea ab alio legi.

Consentit *Dominicus Soto* in 4. sentent. dist. 18. art. 50. Quid autem, inquit, si rem sciat, non per Confessionem, sed per viam Confessionis, ut si quis scripsit sua peccata, & perdidit scriptum, quod Prælatus invenit? Sciu hoc usu venisse, ut quidam Prælatus per hanc viam ad inquisitionem processerit, sed fuit jure optimo à Superiore de hac re punitus; est enim Confessio tam sacra, ut id etiam, quod ad eam ordinatur, sit perpetuo silentio sepeliendum, & quod dictum est de Prælati Ecclesiasticis, intelligendum de Prætoribus, & Judicibus secularibus.

Rodericus Acugna Archiepiscopus pns Bracchar. tract. de Confessariis sollicitantibus, quæst. 13. num. 38. idipsum con-

confirmat exemplo petito ex S. Thoma de Villa-nova, quod sic narrat. Quidam Cathalanus, inquit, interfecit adversarium, & illius cadaver secreto sepulture tradidit: postea Clericum ignotum ad homicidii peccatum expandum quæsit, apud quem omnes necis circumstantias, & temporis, & loci, & convictus propalatis necis causis, & sepultura de plano confessus est, & ad ultimum supplicium damnatus. Cum, prout moris est, ad excipiendam, condemnati Confessionem Confessor accederet, reuult miser homo ad eam induci, dictitans Confessionis sacramentum à Domino Salvatore fuisse institutum, remque maximi periculi esse, & nocuenti: instabat Presbyter, monebant amici, ne tantum in se scelus susciperet, ut simul cum corpore animam perdere vellet, sed pertinax homo à sententia dimoveri recusabat: putabant circumstantes præ mortis terrore à mente discessisse. N. 39. Cum hoc casu ad Archiepiscopum Valentinum sanctum Thomam Eleemosynarium deferrentur, petiit bonus Pastor à Prætorè, ut supplicii executionem differret, permitteretque hominem ad se deduci, ne ovis illa periret; tanti viri respectu, tamque justæ petitionis instantia motus Prætor annuit, jubet damnatum sub custodia ante Præfulem præsentari. Ille hominem monitis lenire procuravit, enixè obtestans, ut sibi causam tantæ pertinaciæ aperiret. Homo neci destinatus, lacrymis obortis, Confessionem illius delicti Sacramentalem exposuit causam fuisse ultimi supplicii, cum Confessor esset frater hominis à se necati, quod ipse tunc ignorabat, & nullus alius id detegere potuisset. Pius Præsul eum esse bono animo mouet, apud se retinet cum Prætoris assensu, data recti-

tuendi fide, postquam certam disquisitionem præmitteret: ascevit Confessarium, eumque rei ignarum remotis arbitris coram devoto Crucifixo ita vehementer costringit, ut cum Pœnitentiæ signis ad Prælati pedes prostratus errorem, & sigilli fractionem fateretur, dolorem fratris interfecti, & amorem causatus. Archiepiscopus in ipsius Palatii cubiculo Presbyterum assertari jubet, Prætori rei gestæ, & accusationis originem ex Confessionis sacramento sumptam exponi: unde attentæ lege divina, cessandum à processu, & executione fore, cum doctorum Virorum sententiis prudenti Prætori, & viro religioni sacrarum rerum addicto facile persuadere valuit. Dimittitur homicida cum populi admiratione, & Sacramentorum veneratione, Confessario mitiori pœna, quàm ut scelus exigebat, punito.

Ex his omnibus aperte constat neminem posse uti scientia petita ex indicibus Confessionis ad puniendam peccata, de quibus aliquis sese erat accusaturus. Quamquam non inficiar, quin ubi ejusmodi indices perveniunt ad notitiam Prælati, vel Judicis, deservire possint velut adminicula quædam ad diligentiorè indagationem criminis, de quo jam infamabatur, aut accusabatur ille apud Judicem, vel Prælatum, qui illum indicem scripsit.

PETES ULTIMO: *Ex qua Confessione oritur hoc sigillum?*

Respondeo, oriri ex omni Confessione Sacramentali, sive interim illa sit valida, sive invalida; hoc est, sive habeat revera annexam remissionem peccati per Absolutionem sacramentalem, propter legitimam dispositionem pœnitentis, sive non; propter illius defectum; quia etsi invalida Confessio non sit completè sacramentalis, propterea

P p p p a quod

quod non consequatur effectum Sacramenti, nec annexam habeat Absolutionem Sacerdotalem, propter manifestam indispositionem ipsius penitentis, saltem est sacramentalis inchoatè, & incompletè.

Adde quod si sola Confessio valida obligaret ad sigillum, occasionem inde fumerent penitentes non frequentandi Confessionem; cum eam essent dubii, utrum defectu Contritionis, vel alicujus alterius dispositionis, forent digni suscipiendæ Absolutionis, necne, vix moveri possent, & alicui ad confitenda sua peccata, si peccatum non habens annexam Absolutionem, posset alicui revelari. Tenetur igitur Sacerdos ad servandum sigillum respectu eorum omnium, quos novit accessisse ad Confessionem cum animo reverè suscipiendæ Absolutionis Sacramentalis; secus autem si compertum haberet, penitentem illum tantum convenisse simulatione, ut nempe accusatione Confessionis, ipsum in malum aliquod alliceret, & induceret.

Ex his collige, Confessionem sic posse definiri: *Confessio Sacramentalis est accusatio peccatorum propriorum post Baptisma commissorum, facta Sacerdoti, ad obtinendam remissionem illorum virtute clavium Ecclesiæ.* Dicitur primò, *accusatio*, tum quia debet esse quædam externa propriæ culpæ agnitio, per modum accusationis facta à penitente, qui ut reus veniam petens attendi debet; tum ut detur intelligi, quod fieri non debeat per modum exultationis, vel meræ narrationis, aut commendationis propriarum virtutum, ut aliquando fit à quibusdam, non quidem (ut opinor) ex animo jactantiæ, sed ex aliqua ignorantia, & impenitentia, aut ex quodam loquacitatis contracto habitu. Dicitur secundò, *peccatorum post Baptisma commissorum*; quia illa sunt remota materia Sacramenti Penitentiae, & Confessio eorumdem materia

proxima partialis. Dicitur tertio, *propriorum*, ut insinuetur quod aliorum peccata simul cum propriis declarari non debeant, nisi fortè ipsa propria fiant, vel ita communia per aliquam participationem, aut per alium modum, ut aliter declarari non possint. Conabitur penitens in hoc casu non declarare personam complicem, nisi aliter peccatum aperiri nequeat. Dicitur quartò, *Sacerdoti facta*; quia nullus inferior Sacerdote hoc Sacramentum penitentibus administrare potest, ut ex infra dicendis, ubi de Penitentia Sacramenti Ministro agetur, innotebit. Dicitur quintò, *ad remissionem peccatorum post Baptisma commissorum*, ut hujus Sacramenti effectus specialis indicetur. Dicitur sextò, *virtute clavium Ecclesiæ*; quia in hoc Sacramento non fit remissio peccatorum, nisi per virtutem potestatis, quam à Christo Ecclesiæ recepit.

ARTICULUS QUARTUS

De Satisfactione Sacramentali.

IAM satis superque constat, Satisfactionem esse partem integram Sacramenti Penitentiae; Primam quidem ordine intentionis; postremam, verò ordine executionis. Est, inquam, prima ordine intentionis; idcirco namque Penitentiam usurpamus, ut Deo faciamus satis per debitum dolorem, & penam convenientem: Hinc S. Isidorus lib. 6. Originum, cap. ult. ait: *Penitentiam appellari quasi punientiam, eo quod homo se puniat penitendo; nihil enim aliud agunt, quos veraciter penitet, nisi ut id quod mali fecerunt, impunitum esse non fiant.* Et Author libri de vera, & falsa Penitentia cap. 19. ait, Penitentiam derivari à pœna: *Penitere*, inquit, *est pœnam tenere, ut semper puniat in se ulciscendo, quod commissit peccando*: pœna enim propriè dicitur læ-

lesio, quæ punit, & vindicat quod quisque commisit: ille igitur penam tenet, qui semper punit, quod commississe dolet. Nam, inquit S. Augustinus lib. 50. Homiliarum homil. 50. *non sufficit penitenti mores in melius commutare, & à malis recedere, nisi & de iis, quæ malè facta sunt, satisfiat Domino per Penitentiae dolorem, per humilitatis gemitum, per contriti cordis sacrificium. Nullus siquidem penæ debitæ gravioris accipiet veniam, nisi qualemcumque, etsi minor est, quam debeat, solverit penam.* Quoniam verò Satisfactio posterior est ordine executionis, & nonnisi post receptam sacramentalem Absolutionem solet impleri, de ipsa postremo loco agendum est.

Porro Satisfactionis nomen, est vox æquivoca; interdum enim significat omnem illam actionem, qua quis facit satis, quantum debet, sive solvendo debitum, sive respondendo de se conceptæ expectationi, sive denique reddendo sufficientem rationem eorum, de quibus rogar; quo posteriori sensu S. Petrus monet epist. 1. cap. 3. *Parati semper ad Satisfactionem omni poscenti vos rationem de ea, quæ in oculis est spe:* Aliquando sumitur pro ea actione, qua quis se excusat, atque defendit: quo sensu S. Ambrosius suprà: *Lacrymas Petri lego, Satisfactionem non lego;* ubi signatur excusatio, atque defensio nomine Satisfactionis, ut probant sequentia hæc verba: *Quod deleri non potest, abluí potest.* Aliquando strictius sumitur pro ea omni actione, qua compensamus sive damnum illatum, sive injuriam personæ factam. Denique aliquando sumitur pro ea sola actione, qua compensatur, sive æqualitas redditur propter injuriam personæ illatam, quæ est propria illius acceptio.

Nam Satisfactio propriè distinguitur à Restitutione, quod hæc sit in rebus, illa in actionibus: compensatio facta ad injuriam peccato illatam compen-

sandam propriè est Satisfactio, sitque per opera afflictiva, idest, quibus ipsi nos affligimus, castigamus, punimus propter injuriam, offensamque à nobis Deo factam, & ablatum honorem, & obsequium, quod ei debebamus impendere, nec impendimus; quamvis enim peccator nihil possit à Deo subtrahere; tamen quantum in se est, aliquid subtrahit, dū ab eo per affectum avertitur, & convertitur ad creaturas.

Insuper, Satisfactio sumpta pro compensatione injuriæ per peccatum illatæ considerari potest tripliciter, nempe vel per respectum ad Deum, vel per respectum ad Ecclesiam, vel per respectum ad proximum: contingit enim interdum, quod per peccatum injuria fiat Deo, ut maximè contingit in peccatis internis: vel quod istud vergat in Ecclesiæ scandalum, & præjudicium: vel denique in damnum proximi.

Denique, injuria Deo illata potest compensari, vel ratione culpæ, vel ratione penæ. Compensatur ratione culpæ per Contritionem, & Absolutionem sacramentalem, per quas peccator mundatur à peccatis, & in Dei gratiam, & amicitiam restituitur: compensatur verò ratione penæ, dum penæ temporalis peccato debita post remissionem culpam per aliam penam, aut quidpiam aliud exolvitur.

Hic autem sermo est maximè de Satisfactione per respectum ad Deum, & ad Ecclesiam; unde nobis incumbit determinandum hoc in Articulo: *Primo*, utrum: *Secundò*, per quid: *Tertiò*, quomodo homo possit Deo pro admisso peccato debitè satisfacere: *Postremò* nobis agendum erit de Satisfactione, quæ fiebat in ordine ad resarciendam injuriam Ecclesiæ per peccatum illatam, & expiandum ingestum scandalum.

QUÆSTIO PRIMA.

Utrum homo possit, & debeat Deo satisfacere pro pœna temporali peccato debita :

Notandum primò, Satisfactionem esse actionem, qua reparatur inæqualitas orta ex injuria alteri illata, in quo distinguitur à Restitutione, per quam reparatur inæqualitas orta ex re aliena ablata invito Domino, & à Satisfactione, quæ est pœnsio quædam pœnæ ab alio præscriptæ, & inflictæ. Unde reus, dum patitur sibi præscriptas à JUDGE pœnas, non tam satisfacit, quàm satisfatur. Cum autem peccator Deum offendens, duplicem faciat inæqualitatem: unam, qua constituit in creatura suum ultimum finem, ex qua incurrit reatum pœnæ æternæ: alteram, qua nimis indulget propriæ voluntati, & voluptati, delectationem inordinatam percipiens in possessione, & fruitione creaturæ: Prima inæqualitas removetur vel per Contritionem, vel per Attritionem cum Sacramento Pœnitentiæ: Secunda verò, etiam remanet restituenda per debitam Satisfactionem.

Notandum secundò, quòd Satisfactio in genere, sit debiti solutio: quæ definitur à Doctore subtili in 4. disp. 5. num. 4. *Redditio voluntaria æquivalentis, alias indubiti*: Cujus definitionis particulas ibidem explicat Doctor. Primò dicitur *Redditio*, tum ut distinguatur à simplici donatione; quia redditio non est simplex donatio, sed debiti solutio: tum etiam ut significetur, Satisfactionem esse actum justitiæ, & ad alterum; quia propriè nullus sibi aliquid reddit. Secundò dicitur *voluntaria*; tum quia est actus virtutis justitiæ: omnis autem actus virtutis moralis debet esse voluntarius; tum etiam quia omnis redditio, quæ non est voluntaria, magis est satis-

factio, quàm satisfactio. Tertiò, *æquivalentis*, quod enim per Satisfactionem redditur, debet quandam habere æqualitatem cum debito, idque vel secundum proportionem Geometricam, quæ ex justitia distributiva major debetur Satisfactione digniori personæ læsæ, quàm minùs dignæ: vel secundum proportionem Arithmeticam, quæ ex justitia commutativa tantum datur pro tanto, v. g. centum aurci solvuntur pro totidem debitis. Quando autem aliqua Satisfactio has omnes conditiones habet, dicitur *perfecta*; quando deest æqualitas, dicitur *de congruo*, quia creditor non tenetur illam acceptare ex justitia, sed dumtaxat ex liberalitate, & congruentia: quando verò sit ad æqualitatem, sed ex bonis à creditore concessis, dicitur *ex condigno*, quia licet id quod redditur sit ex gratia creditoris, tamen reverà pretium redditum æquivalet debito.

Notandum tertiò, Satisfactionem pro peccatis generatim distingui duplicem, nimirum Sacramentalem, & non Sacramentalem: Prior ex Conc. Trid. sess. 14. cap. 8. est actio, per quam in sacramento Pœnitentiæ retribuimus Deo compensationem aliquam pro peccatis, juxta præscriptum, & sententiam Sacerdotis: Posterior verò est actio, per quam homo conatur satisfacere Deo pro peccatis in eum commissis, sibi ipsi pœnas præscribendo; vel ab Ecclesia injunctas animo constanti tolerando. Utraque definitur à Doctore disp. 15. q. 1. nu. 11. sic. *Satisfactio est operatio exterior laboriosa, vel pœnalis voluntariè sumpta, ad puniendum peccatum commissum à se, & hoc ad placandum divinam offensam: vel est passio, seu pœna voluntariè tolerata in ordine prædicto.*

Porro hic de utraque loquimur, inquirentes utrum necesse sit, & utile, Deo satisfacere pro peccatis. Negativam partem tuerentur Lutherani, & Calvinistæ cum eorum heresiarchis; nam

Lu-

Lutherus pluribi, sed maxime *serm. de Indulgentiis* habito anno 1518. asserit. ex nulla Scriptura colligi posse quodd divina iustitia Pœnitentiam, sive Satisfactionem à peccatore exigat, & penas medicativas, & satisfactorias, esse humanum commentum, atque nugamentum. Et lib. *de captivitate Babylonica* loquens de Catholicis, sic ait: Eos „ non intelligere, quid sit vera Satis- „ factio, & eam sic extollere, ut fidei „ in Christum non relinquunt locum, „ miserrimè excarnificatis populorum „ conscientis, alio currente Romam, „ alio huc, alio illuc: Illo in Carthu- „ sium; alio in alium locum; illo virgis „ se flagellante; alio corpus suum vi- „ giliis, & jejuniis occidente: quæ „ monstra tibi debemus, Romana Se- „ des, & quis homicidis ritibus, & „ legibus, quibus totum mundum eo „ perdidisti, arbitratur se posse Deo „ per opera pro peccatis satisfacere, „ cui sola fide satisficit.

Idem feciunt ejus Sectatores, *Me- larcthon* in Apolog. *Kemnitius* in examine Concilii Tridentini ad c. 8. Idem pariter *Calvinus* lib. 3. *Instit.* cap. 4. à num. 15. usque ad 39. ubi cum plurima virulento ore diceria in Theologiæ Doctores blaterasset, quodd Satisfactionem pro peccatis propugnent, dicit num. 27. *Nunc tibi pestilentes eorum nœnias proponere, gratiam Dei in prima peccatorum remissione solum operari, si postea ceciderimus ad secundam veniam impetrandam opera nostra cooperari; hæc se locum habeant, annè quæ Christo superius sunt attributa, illi salva manent? Immanè quantum hæc differunt, iniquitates nostras postea esse in Christo, ut in ipso expiantur, & nostris operibus expiari: Christum esse propitiationem pro peccatis nostris, & Deum operibus propitiandum.* Et nu. 28. ostendens Satisfactionem pro omnibus peccatis esse impossibilem, ait: *Quem ergo satisfacendi exitum invenient in tanto peccatorum*

cumulo? si unius diei esset Satisfactio peccati unius: dum illam meditantur, pluribus se involvunt: quando diem nullum orationis fulsissimum quisque, quo non aliquoties labatur. Ad eorum verò Satisfactionem dum se accingent, numerosa, vel potius innumera accumulabunt. Jam præcisa est satisfaciendi fiducia, quid morantur? quomodo adhuc de satisfaciendo cogitare audent?

Adversus quos omnes Errones, duo statuenda sunt in hac quæstione: *Primum*, quodd Satisfactio pro peccatis sit necessaria: *Secundum*, quodd sit utilis ad remissionem pœnæ æternæ, & temporalis post remissam culpam peccatis debita.

CONCLUSIO PRIMA.

Recrà necessarium est homini per opera bona, & afflictiva Deo satisfacere pro peccatis. Constat hæc veritas, ac firmatur innumeris Scripturæ oraculis, quibus SS. Prophetæ, & Apostoli homines hortantur ad expianda sua, peccata per opera meritoria, & satisfactoria. Sic Daniel cap. 4. monebat Nabuchodonosor: *Peccata tua elemosynis redime, & iniquitates tuas misericordii pauperum.* Sic Matth. 3. S. Joannes Baptista Saducæos, & Phariseos venientes ad Baptismum suum, alloquens, dicebat. *Progenies viperarum, quis demonstrabit vobis fugere a ventura ira, facite ergo fructus dignos Pœnitentiæ.* Et Actor. 26. Apostoli Judæis, & Gentibus annuntiabant, ut Pœnitentiam agerent, & converterentur ad Deum, digna Pœnitentiæ opera facientes. Alia his similia sunt sacre Scripturæ, tam veteris, quam novi Testamenti oracula, in quibus præter conversionem mentis, & vitæ novitatem, exiguntur opera satisfactoria, & afflictiva, qualia sunt jejunium, fletus, planctus, & pœnitentes monentur se vestire sacco, cooperire capita sua cinere, membra sua mortificare.

Quam utique veritatem variis rationi-

nihus probat Concilium Tridentinum
 „ fess. 14. can. 8. Maxime, inquit, quia
 „ divinam clementiam decet, ne ita
 „ nobis absque ulla Satisfactione pec-
 „ cata dimittantur, ut, occasione ac-
 „ ceptæ, peccata leviora putantes, vel
 „ injurii, & contumeliosi Spiritui san-
 „ cto, in graviora labamur, thesauri-
 „ zantes nobis iram in die iræ. Procul
 „ dubio enim magnopere à peccato
 „ revocant, & quasi freno quodam,
 „ coercent hæ satisfactoriæ pænæ, cau-
 „ tioresque, & vigilantiores in futu-
 „ rum pœnitentes efficiunt, medentur
 „ quoque peccatorum reliquiis, & vi-
 „ tiosos habitus, malè vivendo com-
 „ paratos, contrariis virtutum actio-
 „ nibus tollunt. Neque verò securior
 „ ulla via in Ecclesia Dei unquam exi-
 „ stimata fuit ad amovendam immi-
 „ nentem à Domino penam, quam ut
 „ hæc Pœnitentiæ opera homines cum
 „ vero animi dolore frequentent. Ac-
 „ cedit ad hæc, quòd dum satisfaci-
 „ endo patimur pro peccatis, Christo Je-
 „ su, qui pro peccatis nostris satisfecit,
 „ ex quo omnis nostra sufficientia est,
 „ conformes efficiamur, certissimam,
 „ quoque inde arrham habentes, quòd
 „ si compatimur, & conglorificabimur,
 „ ut non sit per Christum Jesum: nam
 „ qui ex nobis, tanquam ex nobis ni-
 „ hil possumus, eo cooperante, qui nos
 „ confortat, omnia possumus: ita non
 „ habet homo unde gloriatur, sed om-
 „ nis gloriatio nostra in Christo est, in
 „ quo vivimus, in quo meremur, in quo
 „ satisfacimus, facientes fructus dig-
 „ nos Pœnitentiæ, qui ex illo vim ha-
 „ bent, ab illo offeruntur Patri, & per
 „ illum acceptantur à Patre.

„ Debent ergo Sacerdotes Domini,
 „ quantum spiritus, & prudentia sug-
 „ gesserit, pro qualitate criminum, &
 „ pœnitentium facultate, seculares, &
 „ convenientes Satisfactiones injun-
 „ gere, ne si fortè peccatis conniveant,
 „ & indulgentiis cum pœniteatibus

„ agant, levissima quædam opera pro
 „ gravissimis delictis indulgendo, alie-
 „ norum peccatorum participes effi-
 „ ciantur. Habeant autem præ oculis
 „ ut Satisfactio, quam imponunt, non
 „ sit tantum ad novæ vitæ custodiam,
 „ & infirmitatis medicamentum, sed
 „ etiam ad præteritorum peccatorum
 „ vindictam, & castigationem: nam
 „ claves Sacerdotum non ad solven-
 „ dum dumtaxat, sed & ad ligandum
 „ concessas, etiam antiqui Patres, &
 „ credunt, & docent, nec propterea
 „ exilimarunt, sacramentum Pœni-
 „ tentiæ esse forum iræ, vel pœnarum,
 „ sicut nemo unquam Catholicus sen-
 „ sit, ex ejusmodi nostris Satisfactio-
 „ nibus vim meriti, & Satisfactionis
 „ Domini nostri Jesu Christi vel obser-
 „ vari, vel aliqua ex parte imminui:
 „ quod dum Novatores intelligere,
 „ nolunt, ita optimam Pœnitentiam
 „ novam vitam esse docent, ut omnem
 „ Satisfactionis ritum, & usum tol-
 „ lant.

Ita Concilium, quibus omnibus non
 „ solum necessitatem, sed & utilitatem
 „ Satisfactionis commendat. *Primo*, quia
 „ à peccato revocat; *Secundo*, quia Do-
 „ minum nobis iratum placat, & concil-
 „ liat; *Tertio*, quia Christi D. Passionis
 „ meritum nobis comparat, nosque Chri-
 „ sto patienti conformes efficit; *Quarto*,
 „ quia cum Christo, ac per Christum,
 „ Deo Patri oblata, ipsius in nos miseri-
 „ cordiam provocat; *Quinto*, quia non est
 „ tantum ad novæ vitæ custodiam, & in-
 „ firmitatis medicamentum, sed etiam ad
 „ præteritorum peccatorum vindictam,
 „ & castigationem.

Idem probatur ex constanti, ac perpe-
 „ tua Ecclesiæ praxi, ut colligere licet ex
 „ Tertulliano lib. de Pœnit. cap. 9. ubi ait:
 „ Hujus igitur Pœnitentiæ secundæ, &
 „ unius, quando in actio negotium
 „ est, tantò operosior probatio est; ut
 „ non sola Conscientia præferatur, sed
 „ aliquo etiam actu administretur. Is
 „ actus,

actus, qui magis græco vocabulo exprimitur, & frequentatur, exomologesis est, qua delictum Domino nostro confitemur, non quidem ut ignaro, sed quatenus satisfactio Confessione disponitur, Confessione Pœnitentia nascitur, Pœnitentia Deus mitigatur. Itaque exomologesis prosternendi, & humiliandi hominis disciplina est, conversionem injungens, misericordiz illicem. De ipso quoque habitu, atque victu mandat, sacco, & cineri incubare, corpus sordibus obscurare, animum mœroribus dejicere, illa per quæ peccavit traktionem mutare: ceterum pastum, & potum pura non nosse, non ventris scilicet, sed animæ causa, ple- rumque verò jejuniis preces alere, ingemiscere, lacrymari, & mugire dies, noctesque ad Dominum Deum tuum, Presbyteris advolvi, & charis Dei adgeniculari, omnibus fratribus legationes deprecationis suæ injungere. Hæc omnia exomologesis Pœnitentiam commendant, ut de periculi timore Dominum honoret, ut in peccatorem ipsa pronuntians pro Dei indignatione fungatur, & temporalis afflictione æterna supplicia, non dicam frustretur, sed expugnat. Cum igitur provolvit hominem, magis relevat; cum squalidum facit, magis mundatum reddit: cum accusat, excusat: cum condemnat, absolvit. In quantum non peperceris tibi, in tantum tibi Deus, crede, parcat. Idem docet Origenes homil. 15. in Levit. ubi appellat opera afflictiva *pretium, quo peccata redimuntur*. Similiter S. Cyprianus serm. de lapsis, ubi inter cetera, ait: Confiteantur singuli delictum suum: dum qui deliquit, adhuc in sæculo est, dum admitti Confessio ejus potest, dum Satisfactio, & remissio facta per Sacerdotes apud Dominum grata est. Convertantur ad Dominum mente tota, & Pœni-

Tom. X.

tentiam criminis veris doloribus exprimentes, Dei misericordiam deprecantur, illi se anima prosternat, illi mœsticia satisfaciatur, illi spes hominis incumbat. Rogare qualiter debeamus, dicit ipse: Revertimini, inquit, ad me ex toto corde vestro, simulque & jejunio, & fletu, & planctu, & scindite corda vestra, & non vestimenta vestra: ad Dominum toto corde redeamus, iram, & offensam ejus, jejuniis, fletibus, planctibus, sicut admonet ipse, placeamus. *Et infra*: Quam magna deliquimus, tam granditer delectamus, alto vulneri diligens, ac longa medicina non desit. Pœnitentia crimine minor non sit. Putasne Dominum te posse placare, quem verbis perfidis abnuisti, cui patrimonium præponere maluisti, cujus templum sacrilega contagione violasti? Putas facile eum misereri tui, quem tuum non esse dixisti. Orare oportet impensius, & rogare, diem luctu transigere, vigiliis noctes, ac fletibus ducere, tempus omne lacrymosis lamentationibus occupare, stratos solo adhaerere cineri, in cilicio, & sordibus volutari; post indumentum Christi perditum, nullum hic jam velle vestitum: post diaboli cibum malle jejunium; justis operibus incumbere, quibus peccata purgantur: eleemosynis frequenter insistere, quibus à morte animæ liberantur.

Idem pariter docent SS. Chrysostomus, Ambrosius, Eligius, Augustinus, & plures alii, quovis sæculo florentes, ut jam liquet ex iis, quæ diximus, demonstrando rationem Pœnitentiæ maxime consistere in affectu justitiæ vindicantis, ac punientis peccatum, per opera afflictiva, & penalia.

Reponunt heretici, opera quidem afflictiva commendari tum à Scriptura, tum à Patribus, non quidem ratione sui, sed ratione charitatis, fidei, ac pie-

Qqqq

ta-

tatis, quas præsupponere debent, ut Deo grata sint, & accepta. *Secundo*, dicunt, Patres hyperbolicè locutos fuisse, & ideo plus extulisse opera satisfactoria, quàm par esset, ut populos ad Pœnitentiam vehementius excitarent. *Tertio* dicunt, exercitia Pœnitentiæ à Patribus commendata nihil aliud esse, quàm preces, & orationes, quibus Deus interpellandus est, & provocandus, ut peccatorum admissorum veniam concedat, non autem veras, ac legitimas esse compensationes.

Verùm, quàm fœcilia sint hæc diverticula, apparet, quamvis enim bona, opera afflictiva, & satisfactoria supponant fidem, & charitatem, unde suum meritum obtinent, nihilominus SS. Patres constanter illa appellant pretia, quibus redimuntur peccata, & compensationes pro peccatis.

Ad secundum dico, quòd si ita facile liceat detorqueri dicta SS. Patrum ad hyperbolicum sensum, nihil certi poterit haberi ex eorum doctrina, quod juvet ad confirmanda, & illustranda fidei dogmata.

Ad tertium dico, satis constare ex locis SS. Patrum à nobis laudatis ejusmodi satisfactoria opera appellari compensationes, & actus justitiæ; ac subinde falsa est, ac fatua hæreticorum responsio.

Objicit Calvinus: Hæc de Satisfactione assertio derogat merito Pœnitentiæ, & Satisfactionis Christi: Quid enim, quæso, nobis præstitisset Christus, inquit *num. 30. cap. 4.* si adhuc pro peccatis pœna exigetur? nam cum dicimus Deum pertulisse omnia peccata nostra in corpore suo super lignum, non aliud significamus, quàm defunctum pœna, & vindicta, quæ peccatis nostris debebatur.

Insuper, ex ejusmodi doctrina sequitur, homines non justificari gratis, sed intuitu operum satisfactoriorum, quod apertè militat in plurima Scri-

pturæ sacra oracula testantia, nos gratis justificari.

Denique: Hæc nostra de Satisfactione assertio Pelagianismum sapit, utpote quæ salutem nostram propriis operibus tribuat, ea nimium extollat.

Respondeo ad primum, negando antecedens: Tantum enim abest, ut hujusmodi Satisfactio quidpiam derogat Satisfactioni, quam Christus D. pro nobis in cruce æterno Patri obtulit, quinimò (inquit Concilium Tridentinum loco suprâ laudato) dum satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra sufficientia est, conformes efficiamur, certissimamque inde arrham habemus, quòd si compatimur, & conglorificabimur. Quibus significat, omnem nostram Satisfactionem, habere dumtaxat vim, & efficaciam ex applicato nobis per illam merito Pœnitentiæ Christi; nec inde sequitur Satisfactionem, Christi deficere. Ex se quidem est sufficientissima, sed nobis debet applicari per Satisfactiones proprias. Cui utique doctrinæ repugnare non possunt hæretici, quippe cum ipsimet doceant, merita Christi per fidem applicari credentibus, nec tamen exilimant, fidem meritum Satisfactionis Christi evacuare.

Ad secundum, & tertium dico, falsura esse, quòd nostra Satisfactio nimum tribuet propriis nostris operibus; quidem nostræ Satisfactionis meritum totum refundit in gratiam Christi D. Neque enim, (inquit Concilium Tridentinum) ita nostra est Satisfactio hæc, quam pro peccatis nostris exsolvimus, ut non sit per Christum Jesum: nam qui ex nobis, tanquam ex nobis nihil possumus, eo cooperante, qui nos confortat, omnia possumus: ita non habet homo unde gloriatur, sed omnis gloriatio nostra in Christo est, in quo vivimus, in quo meremur, in quo satisfacimus, facientes fructus dignos Pœni-

nitentia, qui ex illo vim habent, ab illo offeruntur Patri, & per illum acceptantur à Patre.

Obijcit secundò Calvinus : Impossibile est Deo satisfacere pro omnibus peccatis : *Primo*, quia offensa Dei est infinita, Satisfactio autem hominis, quantumvis magna, & diuturna, semper erit finita, ac subinde improporcionata, quæ Deo reddatur, ad compensandam irrogatam injuriam : *Secundo*, inquit num. 27. etsi ipsis concedatur peccata aliquot juxta Satisfactionem posse redimi, quid tandem facient, ubi tot peccatis obruuntur, quorum Satisfactionibus nec centum vitæ, vel si totæ in hoc sint, sufficere queant? *Tertio*, quia homo est servus Dei, servus autem non potest satisfacere domino; siquidem nihil nisi debitum offerre potest : igitur homo nulla ratione potest pro peccatis satisfacere.

Nego consequentiam, & ad primum dico: quòd qua ratione offensa Dei censetur infinita, nempe infinitate extrinseca, & ratione objecti, eadem ratione hominis Satisfactio potest esse infinita: quippe cum tendat in objectum infinitum, ut etiam declaravimus in præcedenti Volumine, agendo de Satisfactione, quæ fieri potuerit à puro homine pro eluendis omnibus peccatis hominum, si Deus ita statuisset, & ordinasset.

Ad secundum, quòd etsi plurima sint hominis peccata, maxime venialia, non tamen tanta sunt, quin possint expiari, & digna Satisfactione compensari: sunt enim pro peccatis quotidianis quotidiana nobis à Christo donata remedia. Inter quæ præcipuum locum obtinent hæc verba orationis Dominicæ: *Dimitte nobis debita nostra*. Nam, inquit S. Augustinus in Enchirid. cap. 7. *de quotidianis brevibus, levisque peccatis, sine quibus hæc vita non ducitur, quotidiana oratio fidelium satisfacit*. Secundum verò locum tenent eleemo-

synæ, ac opera misericordiæ: Nam, inquit idem S. Augustinus epist. 89. *Qui misericordia Dei adjutus, & gratia, se ab omnibus peccatis abstinuerit, quæ etiam crimina vocantur, atque illa peccata, sine quibus hic non vivitur, munda operibus misericordiæ, & piis orationibus non neglexerit, merebitur hinc exire sine peccato*: quamvis hic cum viveret, habuerit nonnulla peccata, quia sicut illa non defuerunt: ita etiam remedia, quibus purgarentur, adfuerunt. Tertium autem locum obtinet condonatio injuriarum, dicente Christo Domino: *Dimittite, & dimittetur vobis*. Unde S. Augustinus hom. 27. postquam distinxisset Pœnitentiam in quotidianam, luctuosam, & competentem, asserit quotidianæ Pœnitentiæ fundamentum, maxime consistere in his verbis Christi D. Matth. 6. *Dimitte nobis debita nostra, sicut & nos dimittimus debitoribus nostris*; & statim subjungit: *Constituit medicinam, firmavit pædum, hic preces distat, ibi peccanti respondet; novit quo jure res agatur in eplò: quomodo impetrari possint desiderata. Dimittimus: Dimittite, ait: Quid enim habes, quòd Deo præstas, à quo vis ut præstetur tibi, &c.*

Ad tertium dico, quòd etsi homo sit Dei servus, & mancipium; nihilominus cum sit ad ejus imaginem factus, participat aliquid ejus libertatis, in quantum est dominus suorum actuum per liberum arbitrium; ideoque Deo satisfacere potest ex hoc quòd agit per liberum arbitrium, quod quamvis sub Dei beneficio sit, & sub ejus Dominio, nihilominus quoniam ab eo ipsi traditum est, ut illo liberè utatur, ideoque habet etiam ipse homo dominium quoddam in sua opera, ac subinde potest illa offerre in compensationem, & Satisfactionem suorum delictorum.

CONCLUSIO SECUNDA.

REVERA Pœnitentia divinâ gratiâ adjutus potest Deo satisfacere pro pœna temporalis. Ita definitum est in Concilio Trident. sess. 14. can. 13. Si quis dixerit, pro peccatis, quoad pœnam temporalem, minimè Deo per Christi merita satisfieri pœnis ab eo inflillis, & patienter toleratis, vel à Sacerdote injunctis, sed neque sponte susceptis, ut jejuniis, orationibus, elemosynis vel aliis etiam pietatis operibus, atque ideo optimam pœnitentiam esse tantum novam vitam, anathematis sit.

Hoc etiam probant Scripturæ sacræ illis omnibus in locis, quibus opera satisfactoria ac pœnalia, quæ conjunguntur Contritioni, vel ad eam sequuntur, dicuntur esse remissiva peccati: nec-non, & ex illis oraculis, quibus homines dicuntur cavere, ac fugere, divinam animadversionem, & damnationem per fructus pœnitentiæ. Sic Matth. 3. S. Joannes Baptista Phariseos alloquens, dicebat: *Quis vobis demonstravit fugere à vœntura ira? facite ergo fructus dignos pœnitentiæ.* Et S. Paulus, 1. ad Cor. 11. *Si nosmetipsos dijudicemus, non utique judicemur: dum judicamur autem, à Domino corripimur, ut non cum hoc mundo damnemur.*

Idem constanter docent SS. Patres, maxime S. Cyrilianus epist. 55. *Datur opera ne Satisfactionibus, & lamentationibus justis, delicta remittantur, ne vulnera lacrymis abluantur, pax vera fulse pacis mandatis tollitur, &c.* Quibus invehit in Fortunatum, & Felicissimum, qui pacem dabant lapsis ante peractam Satisfactionem. S. Chrysostomus humil. 6. in 2. ad Timoth. *Vide, inquit, quanta sit Dei clementia, non tibi dedit, ut temporalem mortem, sed ut æternam redimere possis.* Idem Pluribi habet S. Ambrosius lib. 1. de Pœnitentia cap. 4. ubi ait: *Expeſcat gemitus nostris, sed temporales, ut remittat; expeſcat lacrymas nostras, ut profundat*

pietatem suam... Expeſcat converſionem nostram, ut revertatur, & ipse ad gratiam.

Similiter S. Augustinus serm. 34. de diversis, ubi ait: *Omnia ergo præterita converſis dimittuntur; cœtera autem bujus vitæ sunt quedam gravia, & mortifera, quæ nisi per vehementissimam moleſtiam humiliationis cordis, & Contritionis spiritus, & tribulationis Pœnitentiæ non relaxantur; hæc dimittuntur per claves Ecclesiæ; si enim tu te caperis judicare, si tibi caperis displicere, Deus veniet, ut miscatur; si tu te punire volueris, pareat ille: qui autem bene agit pœnitentiam, suus ipse punitor est. Sed oportet ipse in se esse severus, ut in eum sit misericors Deus. Et ad Virginem lapſam cap. 8. *Quantumvis afflictionem, quantumvis laborem, & indecorum subire esto contenta, dummodo ab æternalibus pœnis libereris.* Descriptis afflictionibus, & laboribus quos pœnitendo subire debet, subdit: *Talis vita, talis actio Pœnitentiæ, si fuerit perseverans, audebit sperare, si non gloriam, certe pœnæ vacationem.* Tandem concludit: *Peccator ergo si sibi ipse non pepercit, à Deo illi parciatur: & si futuras pœnæ gehennæ præcipuas in hoc purgo vitæ, spatio compensaverit, finem suum à æterno judicio liberat.* Capite ult. lib. 5. Hexamer. *Respice nos quoque Domine Jesu, ut, & nos propria recognoscamus errata, solvamus piiis fletibus culpam, mereamur indulgentiam peccatorum.**

Concinit S. Prosper lib. 2. de vita contemplativa cap. 7. de laicis, qui ultro crimina consentunt, & de iis pœnitentiam libenter suscipiunt: *Quod si ipsi sui Judices fiant, & velati suæ iniquitatis ultores hic in se voluntariam pœnam severissimæ animadversionis exercent, temporalibus pœnis mutabunt æternæ supplicia, & lacrymis ex veracordis compunctione fluentibus resinguent æterni ignis incendia.* Et postea de Clericis, qui idem faciunt: *Ab ali-*
tari

tari cui ministrabant, non animo, sed officio separati, vitam tanquam mortuam plangunt, certi quod reconciliatio sibi efficaci penitentia fructibus Deo non, solum amissa recipiant, sed etiam a civis superna civitatis, scilicet, ad gaudia sempiterna perveniant.

Pariter S. Cæsarius Arelatenfis Episcopus homil. 1. *Mortificatione presenti futura mortis sententia prevenitur, & dum culpe auctor humiliatur, culpa consumitur, dumque exterior afflictio voluntarie distritionis infertur, tremendi iudicii offensio sedatur, & ingentia debita labor solvitur exiguis, quæ vix consumpturus erat ardor æternus.* Cum autem audis SS. Patres significare quod pœna æterna remittatur per satisfactiones nostras, non sic accipias velim, quasi conferent remissionem per penitentiam peccatis adhuc penam æternam debere; hoc enim falsum est, sed quod solvatur ea pœna quæ fuisset æterna, si peccatum quoad reatum culpæ non fuisset deletum.

QUAESTIO SECUNDA.

Quæ, & qualia esse debeant opera Satisfactionis?

Suppono primò ex Concilio Tridentino opera satisfactoria debere esse honesta; siquidem per opera mala non possumus mereri remissionem pœnæ, cum potius novam pœnam mereamur; unde Concilium sess. 14 ca. 8. dicit, Satisfactiones nostras ex Christo vim habere, & per eum offerri Æterno Patri, & per Christum acceptari à Patre. Et can. 14. definit: *Si quis dixerit, Satisfactiones, quibus penitentes peccata redimunt, non esse cultum Dei, sed traditiones hominum, doctrinam de gratia, & verum Dei cultum, atque ipsum beneficium mortis Christi obscurantes, anathema sit.* Certum est autem quod opus malum, vel indifferens non sit Dei cul-

tus, nec acceptetur à Patre, nec per Christum vim habeat: siquidem Pater Æternus non potest acceptare, nec grata habere opera, quæ ipsi displicent, qualia sunt omnia opera mala: nam, inquit Sapiens cap. 14. *Otio sunt Deo impius, & impietas ejus.* Similiter Deus condignè placari non potest per opera, quæ ipsi sunt indifferencia, & quæ ipsi non placent; illa namque, nec ejus cultum concernunt, nec per Christum offeruntur; nam eo ipso, quo opus aliquod tendit in Dei cultum, & gloriam, non est indifferens, sed reverà bonum, ac meritorium est; igitur inde constat, omne opus satisfactorium debere necessariò esse honestum.

Suppono secundò, opus Satisfactorium debere esse honestum honestate supernaturali: *Primo*, quia debet procedere ex meritis Christi, & per eum Patri offerri: quæ autem sunt ex meritis Christi, supernaturalia sunt: *Primo*, quia id sufficienter indicat Concilium Tridentinum, cum ait: *Opera satisfactoria, pertinere ad Dei cultum, & ab eo acceptari ad remissionem pœnæ peccatis debent, & ad consecutionem præmii æterni; ac subinde esse meritoria.* Unde docet Concilium cap. 8. *Neque verò, inquit, securior ulli via in Ecclesia Dei unquam existimata fuit, ad amovendam imminentem à Domino penam, quam, ut hæc penitentia opera homines cum vero animi dolore frequentent.* Quis autem verus animi dolor, nisi actus supernaturalis spei, aut charitatis?

Unde Concilium ibidem colligit: *Neque verò ita nostra est Satisfactio hæc, quam pro peccatis nostris exolvimus, ut non sit per Christum factum; nam qui ex nobis, tanquam ex nobis nihil possumus, eo cooperante, qui nos confortat, omnia possumus; ita non habet homo unde gloriatur, sed omnis gloriatio nostra in Christo est, in quo vivimus, in quo mereamur, in quo satisfacimus, facientes fructus dignos penitentia, qui ex illo vim*

vim habent, ab illo offeruntur Patri, & per illum acceptantur à Patre. Quæ autem sunt per Christum, debent fieri beneficio ipsius gratiæ; ac subinde debent esse supernaturalis ordinis.

*Suppono tertio: Opus Satisfactorium debere esse voluntarium, & liberum: Tum, quia actus satisfactorius est actus moralis, & humanus; libertas autem est principium moralitatis, & honestatis: Tum, quia sicut homo non peccat, nisi liberè operando, ita nec potest satisfacere pro peccatis, nisi liberè, ac voluntariè patiendò pœnam, vel sibi injunctam à Sacerdote, vel ab eodem penitente usurpatam: Tum, quia opus satisfactorium debet cedere in gloriam Dei; quippe cum ordinetur ad refarciendum jus divinum, ac compensandam injuriam ipsius divinæ Majestati irrogatam; ac subinde debet esse opus laudabile: nihil autem laudabile est, quin sit liberum, & in nostra potestate, ut docet Doctor quodlibeto 18. num. 9. ubi ait: *Dico, quod laudabile, & vituperabile, imò generalius, præmiabile, & punibile, continentur sub hoc communis, quod est imputabile, & illius communis est una ratio: hæc scilicet, actum esse in libera potestate agentis.* Unde sequitur actum satisfactorium debere, esse liberum, saltem denominativè ab illo pio affectu, seu vero animi dolore quo elicitur vel imperatur. Dixi, saltem denominativè, multi namque existimant Satisfactionem augeri per opus, aut passionem externam: sic qui jejunat de fastio, plus meretur, quam qui solùm vult jejunare, nec potest propter infirmitatem, aut imbecillitatem corporis, quamvis in actu interno, & voluntate jejunandi essent pares, & æquales. Unde Concilium Tridentinum cap. 9. docet, quod quamvis flagella temporalia à Deo homini immissa, non sint in ejus potestate, sed veniant ei ab extrinseco, si tamen ea voluntariè acceptet, & patienter toleret: nihilominus satisfacto-*

ria sunt, quia aliquo modo sunt illius patientis, in quantum videlicet ea acceptat ad purgationem peccatorum, eisque patienter utitur ad obtinendam plenariam delicti remissionem.

His itaque præmissis, tria supersunt hac in quæstione determinanda: *Primum*, utrum opus satisfactorium debeat esse pœnale: *Secundum*, utrum debeat esse externum, vel internum: *Tertium*, quenam convenientia sint opera satisfactoria.

CONCLUSIO PRIMA.

Opus Satisfactorium regulariter debet esse pœnale. Colligitur ex Concilio Trid. sess. 14. ubi opera satisfactoria vocat pœnalis satisfactorias. Et Can. 13. pœnas spontè susceptas, vel à Deo iniunctas, vel à Sacerdote injunctas. Idem etiam apparet ex Scriptura facta, quæ quoties Satisfactionis faciendæ à peccatore meminit, toties etiam significat ad id esse usurpanda opera pœnalia. Sic Joel. 2. *Convertimini ad me in toto corde vestro, in jejuniis, in fletu, & planctu.* Et Matth. 11. ubi Christus D. loquens de Tyriis, & Sidoniis, ait, quòd si in eis factæ fuissent virtutes, quas fuerat operatus in Bethsaida, & Corozaim, in cilicio, & cinere penitentiam egissent. Constat similiter ex auctoritate omnium SS. Patrum in prima conclusione præcedentis quæstionis laudatorum, qui omnes unanimes calculo, contestantur, Satisfactionem fieri debere per opera afflictiva, & punitiva. Unde S. Gregorius homil. 20. in Evangelia: *Iustum est, ut peccator tantò majora, inferat sibi lamenta per Penitentiam, quantò majora sibi intulit damna per culpam.*

Hinc Subtilis Doctor dist. 15. qu. 1. num. 11. Satisfactionem definiens, ait: *Dico, quod Satisfactio est operatio laboriosa, vel pœnalis voluntariè accepta ad puniendum peccatum commissum à se, & hoc ad placandam divinam offensam: vel est passio, seu pœna voluntariè tolerata in*

in ordine prædicto. Et num. 8. antea dixerat, quòd Satisfactio in isto intellectu magis consistit in actibus pœnalibus, vel passionibus voluntariis, quam in aliis actibus bonis non pœnalibus, licet quandoque possit per aliquem actum bonum non pœnalem satisfieri : quia bene potest Deus actum magnum charitatis acceptare pro punitione debita uni culpæ; licet enim non sit propria punicio, est tamen majus bonum, & magis Deo reddens honorem, quàm illa quæ esset propria illius punicio. Sed regulariter, sicut culpa ordinatur per pœnam, & non per aliquod aliud magis bonum, quàm sit culpa: ita satisfactio isto modo dicta consistit in actionibus, vel passionibus habentibus rationem pœnæ. Et hoc est quod dicit S. Augustinus de vera, & falsa Penitentia, & ponitur dist. 16. cap. 1. Sunt digni fructus virtutum, qui non sufficiunt penitentibus: penitentia enim graviores fructus postulat, ut dolore, & gemitibus mortuus impetret vitam. Isti autem actus pœnales, vel passionibus voluntariis, in genere reducuntur ad actum interioremplicentia, vel passionem tristitia, & ad actum exteriorem confitendi proprium peccatum, quod est valde pœnale. Vel ad passionem concomitantem verecundiam, & ad actum simpliciter exteriorem, vel passionem, scilicet macerando carnem: & omnis talis maceratio dicitur contineri vel reduci ad jejunium: vel elevando mentem in Deum, & hoc fit per orationem: vel sua temporalia erogando, quod fit per elemosynam.

Hanc Subrillus Doctoris veritatem confirmat Concilium Trident. sess. 14. cap. 2. *Primo*, quia Penitentia est laboriosus Baptismus; loquens enim de innovatione, & restitutione hominis, quæ fit per Penitentia meriti, ait: *Ad quam novitatem, & integritatem*

per sacramentum Penitentia sine magnis nostris stectibus, & laboribus, divinam id exigente Justitia, pervenire nequaquam possumus, ut merito Penitentia laboriosus quidam Baptismus à SS. Patribus dictus fuerit. Secundo, quia, inquit c. 14. Satisfactio deservit ad cavendum futurum peccatum; Procul dubio ait; *magis* *propere à peccato revocant, & quasi fræno quodam coercet hæ satisfactoria pœnæ, cautioreque, & vigilantiores in futurum penitentes efficiunt.* Ubi enim homo expertus est pœnam, non faciliè in culpam relabitur; unde Philosophus 2. Ethic. ait, quòd peccatorum medicina sunt pœnæ. *Tertio*, quia per Satisfactionem conformes efficimur Christo: *Dum*, inquit, *Satisfaciendo patimur pro peccatis, & Christo Jesu, qui pro peccatis nostris satisfecit, ex quo omnis nostra sufficientia est, conformes efficimur; certissimam quoque inde arrham habentes, quod si compatimur, & conglorificabimur.*

Idem docet Catechismus Romanus *part. 2. cap. 5. num. 53.* ubi ait: Duo præcipuè in Satisfactione requiruntur. Primum est, ut is, qui satisfacit, iustus sit, & Dei amicus, opera enim quæ sine fide, & charitate sunt, nullo modo Deo grata esse possunt. Alterum, ut ejusmodi opera suscipiantur, quæ natura sua molestiam, & dolorem afferant: cum enim præteritorum scelorum compensationes sint, atque ut S. Cyprianus Martyr (*lib. 1. epist. 13. post medium*) ait, *redemptrices peccatorum*; omnino necesse est, ut aliquid acerbitatis habeant, quamquam non semper illud consequantur, ut qui se in illis molestis actionibus exercent, doloris sensum habeant: Sæpè enim vel patiendi consuetudo, vel accensa in Deum charitas efficit, ut quæ per se pestu gravissima sunt, ne sentiantur quidem. Nec tamen idcirco fit, quominus ea ipsa opera satisfaciendi vim

vim habeant: siquidem hoc proprium est filiorum Dei, ita ejus amore, & pietate inflammari, ut acerbissimis laboribus cruciati, aut nihil fere incommodi sentiant, aut omnia lætissimo animo perferant.

Hanc veritatem pariter probat Doctor Seraphicus in 4. disp. 15. p. 2. art. 1. qu. 3. ratione quadruplici. Quod Satisfactio fieri debeat per opera pœnalia, *inquit*, ratio est quadruplex. *Prima* est, quia ibi est honoris ablati redditio, unde honorem istum debet homo reddere amplius, quàm si non abstulisset, & ideo requiritur, ut non tantùm Deo famuletur per operationem bonam, verùm etiam seipsum deiciat per pœnam assumptam. *Secunda* ratio est: quia est primo deordinati reordinatio, & quia deordinatum per culpam optimè ordinatur in pœna: ideo, &c. *Tertia* ratio est: quia ibi est infirmati curatio, quia infirmatus per delectationis calorem, curatur per pœnalitatis algorem, & ideo, &c. *Quarta* ratio est: quia ibi est debiti absolutio, & quia peccator debitor pœnæ, ideo debet per pœnam satisfacere. Hæc ille.

Dices primò: S. Anselmus in libro cur Deus homo, cap. 19. & 20. ait: *Satisfacere est honorem debitum Deo impendere*; Sed hoc fit omni opere bono; ergo non solum per opera pœnalia, sed per omnia alia potest fieri Satisfactio.

Respondet Seraphicus Doctor: *Quoniam est debitum honoris, veniens ex bono collato, & hunc debemus per gratiarum actionem. Est veniens ex mandato injuncto, & hunc debemus per obedientiam, & subjectionem. Est veniens ex Majestatis imperio: hunc debemus per lætæ adorationem. Est veniens etiam ex peccato commisso, & iste honor redditur Deo per sui ipsius punitionem, & hoc est in Satisfactione.*

Dices secundo: Non delectatur Deus in pœnis nostris: ergo non magis pla-

cent opera pœnalia Deo, quàm alia; sed per illud quod magis placet ei, cui debetur Satisfactio, melius satisfacit; ergo, &c.

Respondet S. Bonaventura: *Ad illud quod objicitur, quod non delectatur in pœnis Deus, dicendum, quod verum est ea ratione, qua pœna: sed ea ratione, qua curantes culpam nostram, & honorantes divinam justitiam, bene delectatur in eis.*

Dices tertio: Quædam sunt peccata, quæ perpetrantur cum tristitia, ut putà invidia, & acedia, &c. Sed Satisfactio debet esse per contrarium; ergo sine pœna debet de his peccatis Satisfactio fieri.

Respondet Doctor Seraphicus, *Quodd est in quibusdam peccatis comitur tristitia, radix tamen est ex delectatione libidinosa.*

Dices quarto: Satisfactorium est pœnale per se loquendo: ergo magis pœnale, magis satisfactorium: sed avaro est magis pœnale dare obulum, quàm largo marcæ: ergo magis satisfacit per obulum, quàm ille per marcham. Similiter potest dici in jejunio, & oratione, & hoc est inconveniens, quod mali de malitia sua commodum reportent.

Respondet idem Doctor: *Quodd aliquid est pœnale nature, qua natura est, ut putà jejunii abstinentia, & erogatio bonorum, in quibus sustentatur humana infirmitas. Aliquid ratione culpæ, & inordinationis voluntatis. Prima pœnalitas respicitur per se in Satisfactione: secunda verò non, & de illa secunda oppositio intelligitur.*

CONCLUSIO SECUNDA.

Lectò ordinariè opus satisfactorium, debeat esse pœnale, nihilominus omne opus meritum, tam internum, quàm externum, potest esse verè satisfactorium. Hæc est communis in utraque schola Angelica, & Subtili, nec enim contrarium docuit Doctor, ut ipsi per-

peram affingunt nonnulli Thomistæ : nam, ut constat ex jam dictis in prima Conclusionē ; ipse disertē pronuntiat, num. 8. quod etsi ordinariē Satisfactio consistat in aliquo actu pœnali: tamen, *inquit*, potest per aliquem actum bonum non pœnalem satisfieri, quia bene potest Deus actum malum charitatis acceptare pro punitione debita uni culpæ; licet enim non sit propria punitiō, est tamen majus bonum, & magis Deo reddens honorem, quàm illa, quæ esset propria illius punitiō. Et ibidem inter actus pœnales expressè ponit actum interiorum displicentiæ, vel passionem tristitiæ.

Et ibidem, num. 11. ait: *De primo dico, quod Satisfactio est operatio exteriori laboriosa, vel pœnalis, voluntariè assumpta ad puniendum peccatum commissum à se, & hoc ad placandam divinam offensam: vel est passio, seu pœna voluntariè tolerata in ordine prædicto. Illo modo accipitur Satisfactio multò strictius, & particularius, quàm Satisfactio primo modo, quia illa potuit consistere in actu pœnalis passionis voluntariæ interiori, vel exteriori. Non ergo negat actibus interioribus omnem vim satisfaciendi, sed si aliquam negat, ea est Satisfactio strictè sumpta, & distincta ab aliis Pœnitentiæ partibus, puta Contritione, & Confessione: nam continuò subiungit: Secunda (scilicet in quibus constat illa Satisfactio) patet; quia ut opus exteriori, vel passio distinguitur contra actum, vel passionem interiorē mentis (id est, Contritionem) & contra actum oris (id est, Confessionem) vel passionem concomitantem, non consistit Satisfactio, nisi in illis tribus operibus dissimilibus, scilicet jejuniō, oratione, & elemosyna, de quibus dictum est tertio articulo præcedente, vel in passionibus voluntariis concomitantibus ista tria opera dissimilissima.*

Porrò conclusionis ratio est: *Primo, Tom. X.*

quia homo potest peccare per actum, merè internum, igitur conveniens fuit, ut etiam per actum purè internum posset satisfacere pro peccato. *Deinde*, in tantum Satisfactio nostra confert ad remissionem peccati, in quantum ad id acceptatur à Deo: sed Deus potest acceptare actum charitatis in compensationem injuriæ sibi illatæ; igitur actus ille potest esse reverà satisfactorius. *Denique*, si quid obesset quominus opus merè internum posset esse satisfactorium, maxime quia non esset pœnale; sed ita non est: Cùm enim omnis actus meritorius sit actus virtutis, habet semper adjunctam aliquam difficultatem, & molestiam, quamvis aliunde delectationem inferat, ut constat de contemplatione, quæ dum recreat animum, affligit: igitur omnis actus meritorius potest esse satisfactorius.

CONCLUSIO TERTIA.

Opera satisfactoria communiter rediguntur ad tria capita, nempe jejuniū, orationem, & elemosynam. Ita Concilium Tridentinum sess. 6. c. 14. ubi inter actus pœnitentis numerat satisfactionem, quæ per jejunia, elemosynas, orationes, & alia pia spiritalis vitæ exercitia fit.

Hanc Conclusionem probat Doctor num. 12. *Quia, inquit*, peccatis in genere distinctis in tria membra, scilicet in peccatum carnis, in peccatum concupiscentiæ oculorum, & superbiam vltæ, 1. Joan. 2. correspondent de congruo propriæ satisfactiones in genere, scilicet peccato carnis jejunium, vel universaliter quæcumque maceratio carnis magis ordinata ad reprimendum tale peccatum carnis, & sub isto comprehendendo vigiliis, peregrinationes, asperitates vestium, nuditatem, vel discalceationem, imò generaliter quemcumque laborem fatigantem. Peccato autem superbiæ, & cæteris spiritibus magis appropriatè correspondet

R r r

det

„ det oratio, quæ & humiliat spiritum
 „ Deo, & roborat contra peccata spi-
 „ ritualia. Peccatis autem circa tem-
 „ poralia, ut avaritiæ, vel cupiditati
 „ culicumque, ut rapinæ, furti, vel
 „ ablationis iniustæ, magis appropri-
 „ tæ correspondet erogatio elemosy-
 „ narum. Et ratio istorum est, propter
 „ maiorem correspondentiam pænæ ad
 „ culpam, quia per quæ peccat quis,
 „ per hæc, & torquetur.

In idem conspirat Doctor Seraphicus in 4. d. 15. p. 2. a. 1. q. 4. ubi per orationem intelligit omnem actum contemplativè ad Deum relatum; per jejunium omnem carnis afflictionem, quæ consistit in vigiliis, & flagellis, & jejunii propriè dictis: per elemosynam autem omne opus pietatis proximo impensum, sive spirituale, sive corporale. Et probat sufficientiam, ac distinctionem harum partium, primo secundum appropriationem: Cum enim, inquit, triplex sit radix peccati, sicut dicitur in Joanne, aut concupiscentia carnis, & contra hanc est jejunium, aut concupiscentia oculorum, & contra hanc est elemosyna, aut superbia vitæ, & contra hanc est oratio; hoc dico secundum appropriationem, quia unumquodque bonum valet contra omnes, appropriativè tamen magis opponuntur.

Secundò, per proprietatem: Opus, inquit, pænale, aut ordinat nos ad Deum, & sic est oratio, aut ad nos, & sic est jejunium, quod macerat carnem nostram; aut ad proximum, & sic est elemosyna. Tertio secundum reconciliationem: Quia, inquit, per orationem Deo reconciliamur. Sed, sicut dicit Augustinus de serm. Domini in monte: Si vis orationem tuam volare in celum, fac duas alas, scilicet jejunium, & elemosynam. Tobie 12. Bona est oratio cum jejunio, & elemosyna. Quarta sufficientia accipitur. Quia, inquit, duplex est vita, scilicet activa, & contemplativa; quantum ad contemplativam, oratio; quantum ad a-

ctivam, elemosyna: ut autem homo sit dispositus ad utramque facit jejunium.

Dices: Contraria contrariis curari debent: sed multo plura sunt genera peccatorum: igitur multò etiam plura debent esse remedia.

Distinguo minorem: Multo plura sunt genera peccatorum, specialia, concedo: communia, & universalia, nego: nulum enim est speciale peccatorum genus, quod ad alterutrum ex tribus assignatis non revocetur.

Dices secundò: Si elemosyna esset satisfactoria, maxime quando fit de bonis propriis iustè acquisitis, & necessariis: at ut sic non potest esse satisfactoria, quia unusquisque tenetur se magis diligere, quàm alterum, ac subinde non debet in alterius usum impendere, quod sibi necessarium est.

Distinguo minorem: Si sibi sit absolute necessarium, concedo: secus, nego: Porro, inquit Seraphicus Doctor a. 2. q. 1. necessarium dicitur dupliciter. Vel secundum naturæ arctitudinem: vel secundum communem usum vivendi. Si secundum naturæ arctitudinem, non tenetur, nec oportet ei imponi, qui peccavit, quia hoc est perfectionis illorum, qui totum victum expectant à Christo, sicut sunt viri, qui sunt in statu perfecto: & ideo si fiat elemosyna, debet fieri de eo quod superest huic necessario, & bene est satisfactoria. Alio modo dicitur necessarium, quod expedit homini secundum communem modum vivendi. De quo dicit Augustinus, Quod multa superflua habere probabimur, si sola necessaria teneamus, & de tali fit propriè elemosyna satisfactoria: de superfluo verò non fit, quantum est ex rigore iustitiæ. Tamen credo, quòd divinæ misericordiæ benignitas tanta est, quòd totum acceptat, & quasi pro nihilo salvat nos. Hæc Seraphicus Doctor.

Dices tertio: Si oratio posset esse satisfactoria, maxime vel mentalis, vel

vocalis; sed neutra eam rationem obtinet: non quidem mentalis; quia hæc non est laboriosa: neque etiam vocalis, quia plerumque est imperfecta; igitur, &c.

Negat minorem Seraphicus Doctor *qu. 3.* ubi distinguens triplex genus orationis, dicit eas esse satisfactorias: *Quædam, inquit, oratio est purè mentalis, quædam vocalis, quædam media. Purè mentalis est, quando labia non moventur, sed cor ad Deum loquitur. Purè vocalis est, quando nihil cogitat in his quæ dicit, nec in generali, nec in speciali, ita quod referat intentionem ad sensum verborum, vel finem: sed cum orat, fabricat castra, & sic mentalis simpliciter, excedit vocalem. Alia est mixta, in qua scilicet orat mentaliter, & vocaliter. Et de ista distinguendum: quia aut verba illa impediunt affectum, quia sic inflammatus est quod immediate fertur in Deum, & talis utilior est oratio mentalis: si autem juvatur, utilior est vocalis: & multi sunt tales, & maximè illi, qui non sunt viri spirituales, ad quorum affectus provocandos institutæ sunt orationes vocales.*

Si queratur, quæ oratio sit satisfactoria, credo quòd omnis, quia nulla est, in qua non laborent virtutes animales: & quantum delectantur spiritus, tantum caro frequenter tabescit, & virtutes animales minus sunt intentæ regimini corporis. Credo tamen, quòd illa inter cæteras est satisfactoria magis, in qua accenditur homo ad gemitum, quia hæc est, in qua Deus maximè delectatur. Unde quia illud est gratiæ specialis, ideo non imponitur à Sacerdote, sed præambulum ad illud, scilicet oratio vocalis. Et quia non est status in vocibus, sed ordinatur ad Intellectum; hinc est quòd Dominus, & Gregorius mittunt à vocali oratione ad mentalem.

PATER 1. Quodnam ex illis tribus bonis operibus sit magis satisfactorium?

Respondet Seraphicus Doctor, art. 1. qu. 4. ad 6. & 7. Ad illud quod queritur, quod est magis satisfactorium, dicendum, quòd unumquodque horum secundum appropriationem. Tamen si generaliter loquamur, dicendum, quòd in Satisfactione tria sunt, scilicet vitatio culpæ, & contra hanc valet maximè oratio: Secundum est augmentum gratiæ, & ad hanc maximè valet elemosyna, quia homo facit sibi amicos, qui impetrant gratiam: Tertium est solutio pænæ, & hoc maximè est in jejuniis, & hoc est infimum in Satisfactione: alia duo præponderant.

Sed quidquid sit, audiendus est S. Augustinus consulens, ac monens serm. 59. de tempore: Qui vult, orationem suam volare ad Deum, faciat illi duas alas; id est, elemosynam, & jejunium, & ascendat celeriter, & exaudietur. Idem habet in Psalm. 42. circa finem: Quam celeriter, inquit, accipiuntur orationes bene operantium, & hoc iussitia hominis in hac vita; jejunium, elemosyna, oratio; vis orationem tuam volare ad Deum, fac illi duas alas, jejunium, & orationem.

QUÆRES 1. Utrum fieri possit Satisfactio per flagella divinitus immissa, vel à causis secundis procreata?

Affirmat Trid. sess. 14. cap. 9. ubi ait: Docet præterea (S. Synodus) tantam esse divinæ misericordiæ largitatem, ut non solum pennis sponte à nobis pro vindicando peccato susceptis, aut Sacerdotis arbitrio pro mensura delicti impositis, sed etiam, quod maximum amoris argumentum est, temporalibus flagellis à Deo institis, & à nobis patienter toleratis, apud Deum Patrem per Jesum Christum satisfacere valeamus. Item Can. 13. Si quis

R r r r 2

quis dixerit, pro peccatis, quoad pœnam temporalem, minime Deo per Christi merita satisfieri pœnis ab eo infligis, & patienter toleratis, vel à Sacerdote injungis, sed neque sponte susceptis, &c. anathema sit. Cumque hic non fiat distinctio inter flagella, quæ à Deo infliguntur specialiter propter finem Satisfactionis, & inter illa, quæ Deus permittit naturaliter evenire ob alios fines, videtur idem de utrisque dicendum.

Ratio autem hujus assertionis non alia est, quàm Christi D. voluntas, quæ utique nobis innoscitur per Ecclesiæ sententiam expressam in laudatis Concilii verbis, maxime quoad flagella, quæ à Deo specialiter infliguntur in Satisfactionem, & peccatoris emendationem nam Proverb. 3. *Quem diligit Dominus, corripit.* Similiter Hebræorum 12. *Quem diligit Dominus, castigat: flagellat autem omnem filium, quem recipit;* quia videlicet hujusmodi flagellis, & castigationibus patienter toleratis peccatores pro suis delictis Deo satisfaciunt.

Quod utique præclare confirmat sanctus Hieronymus in Commentario ad caput primum Prophetæ Nahum, ubi ait: *Quid ergo (ut) contra Dominum cogitatis? Iple, qui creavit mundum, & consummationem ejus faciet.* Quod si vobis videtur crudelis, rigidus, & cruentus, quod in diluvio genus delevit humanum, super Sodomam, & Gomorram ignem, & sulphur pluit, Ægyptios submersit fluminibus, Israelitarum cadavera prostravit in eremo: scitote, eum ideo ad præfens reddidisse supplicia, ne in æternum puniret. Certè aut vera sunt, Quæ Prophetæ loquuntur, aut falsa; Si vera sunt, quæ de severitate ejus videntur docere, ipsi dixerunt: *Non vindicabit Dominus his in idipsum in tribulatione.* Sin autem falsa sunt, & falsum est, quod dicitur: *Non con- surget duplex tribulatio:* Falsa est ergo, & crudelitas, quæ in lege descri-

pta est. Quod si verum est, ut negare non poterunt, dicente Propheta: *Non vindicabit Dominus his in idipsum in tribulatione:* ergo qui puniti sunt, postea non punientur. Si autem illi postea puniuntur, Scriptura mentitur, quod dicere nefas est. Receperunt ergo, & qui in diluvio perierunt, & Sodomitæ, & Ægyptii, Israelitæ in solitudine mala sua in vita sua.

Quæret hic aliquis, si fidelis deprehensus in adulterio decollatur, quid de eo postea fiet. Aut enim punietur, & falsum est hoc, quod dicitur: *Non vindicabit Dominus his in idipsum in tribulatione,* aut non punietur; & optandum est; de adulterio, ut impræsentiarum brevi, & cita pœna cruciatus frustrentur æternos. Ad quod respondebimus, Deum ut omnium rerum, ita, & suppliciorum quoque scire mensuras, & non præveniri sententia judicii: nec illi in peccatorum exercenda de hinc pœnæ auferri potestatem, & magnum peccatum magnis diuturnisq; lui cruciatibus. Si quis autem punitus sit, ut ille in lege, qui Israelitis maledixerat, & qui in Sabbato ligna collegerat, tales postea non puniri; quia culpæ levis præfenti supplicio compensata sit.

Unde monet Doctor, *dist. 15. qu. 1.* quod Confessarius potest injungere pauperi pœnam illam, quam subit quotidie propter egestatem, & inopiam in Satisfactionem suorum delictorum: Requiritur (*inquit in 13.*) discretio Sacerdotis, ut non imponat alicui pœnam nimis sibi disconvenientem, sed aliam, quæ magis sibi convenit, & quem fortè melius adimplebit: utpote pauper, nec elemosynas potest dare, nec orare, sed oportet eum continuè laborare pro victu suo necessario: nec jejunare, quia tunc non sufficeret ad laborem necessarium pro victu necessario continuè acquirendo.

„do. Quia ergo ipse labor continuus
 „est sibi jejunium continuum, quia
 „continua maceratio carnis, tantum-
 „modo induendus est, ut illum labo-
 „rem subeat in remissionem peccato-
 „rum, intendens illum ad hunc finem
 „referre, saltem quousque occurrat sibi
 „opportunitas solvendi aliquam aliam
 „Satisfactionem, & aliqua alia possunt
 „ei ita temperatè, & diminutè impo-
 „ni, ut sint sibi possibilia. Confimili-
 „ter, dives qui lapsus est ad peccatum
 „carnis, si est adeo delicatus, quòd non
 „velit jejunare, nec aliam maceratio-
 „nem notabilem subire, vel præsumi-
 „tur quòd si sibi imponeretur, cito ab-
 „jiceret, & sic peccaret novo peccato,
 „inducendus est ad orationem, & clee-
 „mosynam, & illud sibi imponendum
 „est, quod libentius recipit, & quod
 „creditor perseverantiùs adimplere.

„Vel si omnino nullam Pœnitentiam
 „velit recipere à Sacerdote impo-
 „sitam, dicit tamen se habere displi-
 „centiam de peccato commisso, & fir-
 „mum propositum non recidivandi,
 „absolvendus est, & non est respuen-
 „dus, ne cadat in desperationem, &
 „nuntianda est sibi pœna, quæ esset
 „pro peccatis facienda, & quòd eam
 „in se, vel in æquivalenti absque im-
 „positione studeat adimplere, alioquin
 „solvat plenum in purgatorio. Hæc
 „misericordia satis consonat illi Pro-
 „phetæ Isa 42. de Christo, quam Mat-
 „th. 22. cap. recitat, *Arundinem quas-*
 „*satani non confringet, & linum fumi-*
 „*gans non extinguet.* Arundo quassata
 „est peccator quassatus tentationibus,
 „& peccatis; linum fumigans, est li-
 „num nimis humidum ex peccatis, ta-
 „men aliquid habens de igne charita-
 „tis, & hic extinguitur, si per duri-
 „tiam Sacerdotis ad nimis difficile
 „obligetur: sed non extinguitur, si
 „prædicatur sibi, quòd oportet eum
 „hic, vel alibi pœnam solvere: & quod
 „studeat hic tantam pœnam solvere,

„quanta peccatis debetur, ne alibi
 „acrior exigatur. *Hæc Doctor.*

Quibus significat primò injungen-
 dam esse Satisfactionem, quantum fieri
 potest, æquivalentem ac corresponden-
 tem peccatis, ut videlicet quæ satisfa-
 ciat, & puniatur in eo genere, in quo
 peccavit: ubi autem id fieri non potest
 sufficit, ut injungatur Satisfactio in alio
 genere, quæ sit æquivalens, ac propor-
 tionata facultati, & viribus pœnitentis,
 in quo maximè desideranda, & spectan-
 da est discretio, ne videlicet per nimiam
 indulgentiam leviorẽ Satisfactionem
 injungendo, particeps, & reus fiat alieni
 peccati, & vilem reddat medicinam in-
 firmo necessariam, neve ex altera parte
 pœnitentis infirmitati non satis pru-
 denter consulens, ei præscribat illam
 Satisfactionis modum, quem sine peri-
 culo desperationis, aut novi peccati im-
 plere non possit. *Secundò*, quòd ubi pœ-
 nitens non potest congruè, & suis pec-
 catis correspondentem Satisfactionem
 persolvere, potest ei Confessarius injun-
 gere pro Satisfactione eas pœnas, &
 calamitates, quas ipse patitur. Cujus
 utique ratio est manifesta; illud enim
 omne, quod acceptum est Deo in Sati-
 sfactorum pœnæ temporalis, etiam est
 medium congruum satisfaciendū: igitur
 quando facultas non suppetit ad aliud
 persolvendum, Sacerdos, qui est Jux
 inferior, & ministerialis, debet se con-
 formare legi, & voluntati Dei, & præ-
 scribere in Satisfactionem ea, quæ quan-
 dam cum delicto correspondentiam ha-
 bent, etsi non omnimodam, nec pro-
 portionatam.

QUAERES 2. *Utrum pœnitens satisfacere possit Deo per opera aliunde præcepta?*

Respondet, triplicem hac de re apud Doctores scholasticos esse sententiam, quarum prima negat, Satisfactionem fieri per opera aliunde præcepta, ex eo quòd

quod, ut sit perfecta, fieri debeat ex aliis indebitis: ita plerique Scottiæ contendunt, maxime Faventinus in dist. 29. disp. 35. cap. 7. *Secunda* affirmat, posse satisfieri per opera præcepta jure humano, non vero jure divino, aut naturali. Ita Sylvester verbo *Satisfactio*. *Tertia* denique sententia docet, etiam in operibus aliunde præceptis posse Satisfactionem præscribi, quæ apud recentiores Theologos jam communior videtur, nobisque etiam probabilior apparet. Tum, quia id colligitur ex Concilio Trident. sess. 6. cap. 10. ubi ait: *Per observationem mandatorum Dei, & Ecclesie in ipsa Justitia, per Christi gratiam accepta, cooperante fide bonis operibus, crescunt atque magis justificantur*. Et cap. 6. *Nihil ipsi justisfecit amplius deesse credendum est, quominus plene illis quidem operibus, quæ in Deo sunt facta, divinæ legi, pro vita hujus statu, satisfecisse, & vitam æternam suo etiam tempore, si tamen in gratia decesserint, consequendam verè promeruisse censentur*. Quid nā igitur pari ratione censeri possent verè satisfecisse pro pœna temporali, maxime si opera ista præcepta pœnalia sint? Si enim opera bona ex hoc præcisè, quia debita ex hoc præcepto non perdunt vim merendi gratiam, & gloriam, cur opera bona, & pœnalia perderent vim satisfaciendi, ex eo quod aliunde sunt præcepta?

Deinde, Ecclesia præcipit jejunia in Satisfactionem: igitur censet opera præcepta posse esse satisfactoria. Patet antecedens ex Collecta, quæ dicitur Sabbato ante Dominicam tertiam, Quadragesimæ: *Da quæsumus Domine, nostris effectum jejunii salutarem, ut castigatio carnis assumpta ad nostrarum vegetationem transcat animarum*. Et S. Leo Papa serm. 4. de Quadragesima, sic ait: *Magna divine institutionis salubritate provisum est, ut ad recuperandam mentium puritatem, quadraginta nobis dierum exercitatio mederetur,*

in quibus aliorum temporum culpas, & pia opera redimerent, & jejunia casta de-coquerent, per extinctionem pœnæ temporalis.

Denique, ut ait Lugo disp. 37. nu. 35. tota condignitas Satisfactionis fundatur in eo, quod homo laudabiliter se castigans, eo ipso placat iram Judicis, ne illum iterum puniat: ille autem, qui ex præcepto se castigat, non minùs, sed magis laudabiliter se castigat; non enim minùs, sed potius magis honestum, & laudabile est, cæteris paribus, facere aliquid ex præcepto, quàm absque illo: ergo magis placet Deo, & per consequens magis placat illum ejusmodi castigatio per opera præcepta, quàm per spontanea.

Dices primò: Non potest quis satisfacere duplici debito eadem solutione, quia non esset equalitas inter debitum, & pretium: igitur si aliquid opus sit jam Deo debitum ex præcepto, non potest per illud solvi debitum contrarium ex peccato.

Distinguo antecedens: Si res illa, quæ offertur in solutione, non habeat multiplicem bonitatem, & valorem, concedo: secus, nego: tunc enim secundum diversum sui valorem pluribus debitis satisfacere poterit. Porro opera præcepta habere possunt duplicem valorem, unum quidem moralem, & meritum defumptum ex objecto, & circumstantiis ejus, necnon ex fine, propter quem elicitur, & ex principio gratiæ habitualis, quo mediante producitur: alterum verò *satisfactorium* petitum ex difficultate illius, seu ex pœna, & labore, qui in exercitio ejus reperitur. Ratione primi valoris, possumus implere debitum præcepti, & satisfacere debito obedientiæ, & religionis: ratione verò secundi possumus satisfacere Deo de condigno pro pœna temporali peccato mortali debita: Si enim v. g. nummus aureus duplicem habet valorem, unum ratione metalli, alterum ratione imaginis,

ginis, aut sigilli principis in eo exatati; & ratione primi valeret quinque nummos argenteos, & totidem ratione secundi: posset aliquis debens alteri decem nummos argenteos, quinque ratione mutui accepti, & quinque ratione mercium, utrique debito, & pro utroque titulo, ad æqualitatem satisfacere, ipsi tradendo hunc nummum aureum: ita à simili dicendum de operibus præceptis, quæ duo possunt impendi in Satisfactionem virtutis obedientiæ, & Religionis, & in Satisfactionem pro peccatis. Si enim quis unico jejunio v. g. possit satisfacere triplici præcepto, nempe, dum Religiosus virtute suæ regulæ tenetur jejunare singulis diebus Venetis, & ex præcepto Ecclesiæ per totam Quadragesimam, necnon in Feriis quatuor Temporum; ubi enim tria hæc simul concurrunt, unico jejunio eis sit satis; quidni pari ratione poterit etiam eodem jejunio satisfacere, & præcepto Ecclesiæ, & mandato Confessarii hoc jejunium præscribentis.

Dices secundò: Si quis debeat Ecclesiæ unum Calicem ex voto, & alterum ex Testamento, & legatione illius, cuius est hæres, non satisfaciet dando unicum Calicem: quod enim ex voto donat, non solvit, & quod solvit ex vi Testamenti, non donat. Similiter si quis debeat centum nummos Petro ratione mutui, & insuper allos centum ab eo fuerit furatus, non satisfacit dando semel ei centum nummos: igitur nec quis Deo satisfaciet per unicum jejunium, quando jejunare tenetur ob præceptum, & propter compensandam injuriam Deo irrogatam.

Nego consequentiam: Et ratio disparitatis est petenda ex materia: nam materia justitiæ commutativæ consistit in omnimoda æqualitate solutionis cum debitis, aut juribus, quæ salvari non potest in unica solutione, quando debita illa, aut jura sunt plura, aut di-

versa. Secus verò est in debitis legalibus, putà voti, legis, Pœnitentiæ injunctæ, & similibus, in quibus magis attenditur mens, & intentio Legislatoris, quàm res ipsa: cùm autem intentio Legislatoris possit tendere in idem opus faciendum ex diverso motivo, putà si quis eodem die teneatur jejunare ex Ecclesiæ præcepto: quia dies ille est Vigilia alicujus Sancti, & ex voto, quia ad id tenetur ex regula, quam professus est, si quis Confessarius pro Pœnitentia præscribat jejunium ejusdem diei pœnitenti, quem aliunde scit obligari ex voto, & Ecclesiæ præcepto ad jejunandum, pœnitens ille eodem jejunio satisfaciet & voto, & legi, & injunctæ sibi Pœnitentiæ.

QUÆRIS 3. Utrum pœnitens implens in statu peccati mortalis injunctam sibi Satisfactionem, reverà ita eam exequatur, ut omnino debitum solvat, nec iterum teneatur ad eam in statu gratiæ implendam?

Respondet Doctor num. 15. affirmativam partem sibi non videri improbabilem; Quia, *inquit*, negativa sententia videtur nimis dura contra peccatores, & occasio majoris obstinationis. Si enim iste hodie verè pœnitens, & humiliter recipiens Satisfactionem, esto jejunium trium dierum, recidit in peccatum mortale, & de illo non pœnitens, secundo die jejunat, quia sibi fuit impositum. Si dicat, quòd illud jejunium secundæ diei non est aliqua Satisfactio exterior, magis occasio est inducendi istum jam lapsum, ut tertio die non jejunet, & per consequens ad novum peccatum mortale: quia transgrediendo istam pœnam Injunctam à Sacerdote, & receptam, videtur esse peccatum mortale, cùm sit transgressio præcepti Ecclesiæ, & Vocatui Dei in illo actu.

Ex

Ex isto potest formari talis ratio .
 Si post lapsum, & ante Pœnitentiam
 novam, non exequatur quis Satisfac-
 tionem pristinam sibi impositam,
 peccat mortaliter novo peccato: er-
 go si exequatur, bene facit, quia
 actum obedientiæ facit, sed non fa-
 cit actum obedientiæ, nisi in quan-
 tum illud est sibi impositum tan-
 quam pars Satisfactionis. Dico ergo
 sine præjudicio, quod qui semel verè
 pœnitet, & recipit Satisfactionem,
 vel Pœnitentiam condignam sibi
 impositam ab Ecclesia, clave non
 errante, quantumcumque postea
 recidivet, nunquam tenebitur, nisi
 ad illam unicam Satisfactionem,
 adimplendam: & si eam impleat in
 charitate, melius est, quia non tan-
 tum solvit pœnam, sed meretur. Sed
 si adimpleat eam voluntarie extra
 charitatem, solvit quidem pœnam,
 sed non meretur gratiam. Si autem
 ipsa ab eo extra charitatem exigitur,
 solvitur pœna, licet ipse non solvat.
 Et in primo est Satisfactio simplici-
 ter, quia reconcilians, & placans:
 in secundo est quidem Satisfactio,
 quia voluntaria redditio, sed nec re-
 concilians, nec placans. In tertio
 autem est Satisfactio, ultra quam
 non exigitur pœna ulterior. Ex se-
 cundo membro sequitur, quod si
 magnam partem Satisfactionis sibi
 impositæ explevit in peccato morta-
 li, & post iterum pœnitet de peccato
 novo, non est sibi iterato Pœnitentia
 imponenda pro peccato, de quo sa-
 tisfecit, licet extra charitatem, sed
 tantum de navis peccatis, quæ fue-
 runt causa quare illa Satisfactio fuit
 mortua.

Obijcit Doctor: Si arguas, mortua
 est: ergo non est Satisfactio. *Re-*
spondet: Non sequitur, nisi quod non
 est Satisfactio placans, nec reconci-
 lians in amicitiam. *Instat.* Et si dici-
 tur: ergo non est Satisfactio. *Respon-*

det: Non sequitur, quia sufficit Deo,
 quod quis voluntariè solvat pœnam
 debitam ad punishmentem peccati cõ-
 missi: quia etiam quod minus appa-
 ret, sufficit satisfactio. Patet in acti-
 bus humanis: si enim alicui offensæ
 in Regem correspondeat præcisè se-
 cundum legem abscissio manus; si
 isti etiam invito abscinditur ma-
 nus, satisfacitur, & in tantum sufficit
 Regi, quod secundum legem, & ju-
 stitiam, non debet ab eo pœnam ul-
 teriorem exigere, & tamen non re-
 cipit eum in gratiam, vel amicitiam:
 multo magis ergo posset sufficere
 pro punitione culpæ, si aliquis sibi
 pœnam debitam infligeret, licet non
 esset in gratia, vel amicitia ipsius Ju-
 dicis offensi.

Ex tertio membro potest dici, quod
 talis, si propter novum peccatum, in
 quod recidivat, damnaretur, ante-
 quam complexset totam pœnam sibi
 impositam, puniretur in inferno
 temporaliter pœna correspondente
 illi, quæ non fuit hic soluta: & illa
 soluta post tempus aliquod non pu-
 niretur amplius illa pœna, sicut &
 de veniali, quia moriens in peccato
 veniali simul cum mortali, non pu-
 niretur æternaliter pro veniali, ut
 dicitur inferius. Et eodem modo in
 proposito: ex quo enim secundum
 plenam justitiam punitivam semel
 imposita est pœna temporalis isti pro
 peccato, de quo verè pœnituit, nun-
 quam isti pro illo debebitur, nisi pœ-
 na temporalis, & illa soluta, nulla
 alia. *Hec Doctor.*

Ex quibus apparet, Doctorem pro-
 babile censere, Satisfactionem reverà
 fieri posse validè in statu peccati, quod
 maximè probat ex impugnatione op-
 positæ sententiæ: *Primo*, quia hæc sen-
 tentia est nimis dura. *Secundò*, quia
 causat obstinationem peccatorum: *Ter-
 tiò*, quia dat ansam peccandi, eò quod
 pœnitens relapsus, judicando Satisfac-
 tionem

tionem sibi impositam non prodesse, illam non perfolvet, quod est peccatum inobedientiæ contra præceptum Confessarii.

Quod utique confirmatur, quia non debet aggravari onus peccatoris, aut excludi ab eo beneficium Sacramenti, & mortis Christi; sed nullum est fundamentum asserendi, Pœnitentem non posse satisfacere, nec valide implere satisfactionem sibi præscriptam: si enim esset aliquid fundamentum hujus assercionis, maximè vel quia Satisfactio est effectus, vel pars Sacramenti, vel quia est speciale Dei beneficium: vel quia fieri debet per Christum: sed nulla ex his rationibus id concludit. Non quidem ex eo, quòd sit effectus Sacramentalis: nam etiam impressio characteris est effectus sacramentalis Baptismi, Confirmationis, & Ordinis, ad quam tamen non requiritur status gratiæ. Non ex eo, quòd sit singulare aliquid, & extraordinarium Dei beneficium, quo peccator indignus est: nam etiam impressio characteris est tale beneficium, quod tamen confertur peccatori. Non ex eo, quòd Satisfactio nostra sit per Christum Jesum, id est, virtute Sacramenti, per quod merita Christi applicantur, seu communicantur fidelibus, nam accipit characterem impressum: Ergo consimiliter peccator poterit satisfacere, & satisfaciæ ex opere operato per Christum, id est, per virtutem sacramenti Pœnitentiæ, per quod fidelibus applicantur, seu communicantur merita, & Satisfactiones Christi.

Reponunt adversarii, non solum propter præfatas rationes, Satisfactionem in statu peccati esse nullam, sed quia ut sit valida, debet acceptari à Deo, & ei per Christum offerri; Satisfactio autem in statu peccati non potest acceptari à Deo, dona enim iniquorum non probat Altissimus. Quod utique confirmat Concilium Tridentinum, cum ait loco mox laudato, *In quo (Christo) vi-*

vimus, in quo meremur, in quo satisfacimus, facientes fructus dignos Pœnitentiæ, qui ex illo vim habent, ab illo offeruntur Patri, & per illum acceptantur à Patre. Unde Catechismus Romanus par. 2. cap. 5. num. 103. ait: *Duo præcipue in Satisfactione requiruntur: Primum est, ut is qui satisfaci, iustus sit, ac Dei amicus; opera quæ sine fide, & charitate fiunt, nullo modo grata esse Deo possunt: alterum, ut eiusmodi opera suscipiantur, quâ natura sua dolorem, & molestiam afferunt.*

Verum contra. Non plus requiritur status gratiæ ad validam Satisfactionem, quàm ad perfectum actum Contritionis: sed Contritio ut sit valida, non præsupponit statum gratiæ: igitur, &c. Major constat: quia Contritio non solum delet peccatum, sed etiam partem pænæ temporalis peccato debitæ, imò interdum totam solvit penam, ut supponit Concilium Tridentinum sess. 14. cap. 2.

Deinde, status gratiæ idcirco requireretur, ut persona satisfaciens Deo esset grata, & accepta: sed hoc non est absolute necessarium ad dignam Satisfactionem: quia personæ dignitas consistit in amicitia Dei, & filiatione in ordine ad hæreditatem consequendam, necnon & ad ea, quæ proximè ad eam ordinant, ut sunt merita, sed solutio pænæ temporalis potest fieri seorsim ab his circumstantiis: ergo ad validam illam solutionem non est necesse, quòd persona satisfaciens sit Deo grata, & accepta. Minor patet: quia non augetur jus ad hæreditatem præcisè ex tali solutione pænæ temporalis, quando maximè illa sit in operibus non meritoriis, quamvis tollatur impedimentum removens, ac retardans ejus assecutionem, ac subinde per illam solutionem non augetur amicitia hominis cum Deo, quæ fundatur in gratia sanctificantæ, ex qua provenit ipsius hominis dignitas, neque per se confertur major glo-

gloria essentialis virtute ipsius Satisfactionis, quando aliunde non est meritoria, & consequenter non crescit Satisfactio ex dignitate personæ, nisi præcisè in quantum Satisfactioni adjunctum est meritum: dignitas enim personæ iustæ non influit in actum, nisi dum actus elicitur ex inclinatione ipsius Iustitiæ, quæ est ipsa charitas: sed actus boni indifferentes in ratione meriti, non fundant meritum, neque eliciuntur secundum prædictam inclinationem, neque ad vitam hoc modo magis conferunt in homine iusto, quam in peccatore: ergo neque etiam Satisfactio indifferens in ratione meriti, seu quæ non est præcisè meritoria gratiæ, aut gloriæ, recipit valorem à Iustitia, aut dignitate personæ, quando non elicitur ab homine iusto, secundum inclinationem charitatis.

Unde ad Concilium Tridentinum: dico, illud verbis laudatis loqui de Satisfactione simpliciter, nempe quatenus est reconciliativa, & meritoria de condigno, ad quam haud dubiè requiritur vita in Christo, seu status gratiæ: de hac autem Satisfactione hic non est sermo, sed tantum de Satisfactione, quatenus est solutio debiti, & vindicativa peccati, quæ utique fieri potest quovis in statu. De hac etiam Satisfactione reconciliativa, & meritoria loquitur Catechismus Romanus, ut colligitur ex num. præcedenti, ubi ait: *Atque ita fit, ut nullis nihil deesse videatur, cum operibus, quæ Dei virtute efficiunt, & divinæ legi pro humana, mortaliq; conditione satisfacere, & vitam æternam, quam scilicet, si Dei gratia ornati à vita decesserint, consequuntur, mereri possint.* Quibus verbis, ut apparet, loquitur Catechismus de Satisfactione reconciliativa, & meritoria de condigno vitæ æternæ, non autem ut est solutiva pœnæ debiti peccato.

Quam utique duplicem Satisfactionis acceptionem etiam agnovit idem

Catechismus, cum ait num. 89. *Nonnulli definierunt Satisfactionem sic: Satisfacere est Deo debitum honorem impendere. Quod autem nemo debitum bonorum Deo possit tribuere, nisi qui peccata omnino vitare constituat, satis apparet. Et satisfacere est peccatorum causas excidere, & eorum suggestioni aditum non indulgere, in quam sententiam alii asserunt, Satisfactionem esse purgationem, quæ elicitur quidquid sordium, præter peccati maculam in anima residet, atque à pœnis tempore definitis, quibus tenebamur, absolvimur. Quæ duæ partes Satisfactionis, purgatio sordium, & absolutio à pœnis, quarum prima non convenit Satisfactioni peccatoris: quia (ut ait Scotus supra) nec est reconcilians, nec placans. Altera autem competit, quia est voluntaria redditio debiti, sive est rei debiti integra solutio.*

Cum enim virtute Clavium pœna temporalis Purgatorii mutata sit in pœnam temporalem hujus vitæ, qui hanc voluntariè reddit, integrè solvit rem debitam: amicus ejus sit, vel inimicus, cui solvit, quid interest? Nonne inimicus potest satisfacere debito iustitiæ commutativæ, solvendo pretium rei emptæ? Nemo dubitat. Cur non similiter possit satisfacere debito iustitiæ vindicativæ, seu punitivæ?

Obiiciunt adversarii: Scriptura sacra apertè testatur, Deum reprobare omnem Penitentiam, & Satisfactionem oblatam ab homine penitente in statu peccati. Sic Isai. 58. Quare jejunavimus, & non aspexisti? Humiliavimus animas nostras, & nescisti? Ecce in die jejunii vestri invenitur voluntas vestra, &c. Et Proverb. 15. Longè est Dominus ab impiis, & orationes Justorum exaudiret. Et 1. ad Cor. 13. Si tradidero corpus meum, itant ardeam, charitatem autem non habuero, nihil mihi prodest.

Respondet, prioribus Scripturæ oraculis, idcirco reprobari opera peccatorum, non præcisè, quia sunt in statu
epc.

peccati, sed quia eliciuntur cum affectu peccandi: ideo namque Isaias dicit reprobari jejunia Judæorum, quia annexa habebant levia peccata contentio- nis & inimicitiz: *Eccc, inquit ad lites & contentiones jejunatis, & pereuntis pugno impid, &c.* Ad Apostolum dico, ipsum non loqui tantum de charitate, habituali, sed etiam de actuali. Porro constat, sine charitate actuali aliquem posse justificari, ut fit in infantibus, qui martyrium subeunt, nec non & in eo adulto, qui bona fide pro Christo moritur, quamvis ejus memoriam non occurrat peccatum quo reus tenetur, quodque affectu charitatis detestari deberet. Non igitur loquitur Apostolus generaliter, sed tantum de homine adulto, qui suis bonis operibus intendit promereri vitam æternam. Quod utique exequi non potest, nisi sit in statu gratiæ, & habeat charitatem habitualement.

Obijciunt secundo, Pœnæ quæcumque hujus vitæ per se, ac nudæ sumptæ, non sunt comparabiles, nec ullam proportionem habent cum pœna vitæ futuræ, ac subinde per se non habent valorem, ut remittant illam pœnam: igitur necessaria est gratia, à qua hunc valorem recipiunt: hæc autem gratia est sanctificans, à qua Satisfactio dignificatur, & proportionem moralem habet ad pœnam alterius vitæ: igitur talis gratia prærequiritur ad validam Satisfactionem.

Distinguo primum consequens: Ad eam necessaria est gratia auxilians, & adjuvans, concedo; quia ut diximus, illa Satisfactio fieri debet per Christum: hoc est, beneficio ipsius gratiæ sanctificantis & habitualis, nego, maxime quando Satisfactio est tantum solutiva debitæ pœnæ.

Urgent: Satisfactio illa in statu peccati esset solutiva pœnæ debitæ, vel de congruo, vel de condigno: Non primum, quia pœnitens in statu peccati indiguus est cujusvis boni, ac subinde

incompax, ut satisfaciatur aut mereatur de condigno, & ideo gratia est principium omnis iustitiz apud Deum.

Insuper ad id requiritur promissio divina, in qua iustitia tam Satisfactionis, quam meriti fundatur; hæc autem non fit hominibus in peccato mortali manentibus, sed iustis. Secundum etiam dici non potest, nisi merè gratis: ubi enim revelatum est, aut unde constat, Deum hac liberalitate uti cum inimicis suis, ut eis remittat pœnas, pro quibus ipsi verè non satisfaciunt, cum lex generalis sit, ut quantum quis glorificavit se in deliciis, tantum ei detur tormentorum; & è contra generalis etiam lex sit, ut, quod sine charitate fit, nihil proficit? Ita Suarez.

Respondco primo, prorsus esse indifferens ad rationem Satisfactionis, quod fiat sive de condigno, sive de congruo, dummodo debitum exolvat: sicut ipsi pariter indifferens est, quod liberaliter & ex misericordia, vel exactè, seu ex iustitia à Deo acceptetur.

Respondco secundo: Satisfactionem, in statu peccati exhibitam, esse solutivam pœnæ de condigno, quantum ad solutionem pœnæ temporalis debitæ, non autem quantum ad reconciliationem: Hæc enim Satisfactio, inquit Doctor, non est reconcilians, nec placans, & idcirco non disponit satisfaciendum ad vitam æternam, nec removel impedimentum ab ejus consecutione prepediens, nempe peccatum. Porro Satisfactio illa non est de condigno ex opere operantis, nec suum mutuatur valorem, suamque moralem proportionem ad debitum persolvendum ex dignitate personæ, sed habet illam condignitatem ex opere operato, seu quatenus Sacramentalis est, & suum valorem, suamque moralem proportionem ad debitum persolvendum accipit ex dignitate Sacramenti, per quod opus istud elevatur & constituitur pars integralis Sacramenti: quia injungitur vir-

tute clavium, & acceptatur à Deo, quatenus condonando peccatum per Absolutionem Sacramentalem, commutavit poenam æternam in hanc temporalem Satisfactionem.

Pater itaque, Satisfactionem impensam in statu peccati mortalis, non esse condignam ex opere operantis: sed nullus hæcenus probavit, eam sic non debere fieri, nec quòd sufficere non possit, si sit tantum condigna ex opere operato. Nihilominus, quamquam hæc fortè vera sint, quantum ad speculationem, attamen si praxim attendas, tutius est suadere poenitentibus, ut omni studio incumbant inunctas sibi Satisfactiones implere in statu gratiæ, secundum prudentem eorum estimationem, hoc est, quando non sunt consilii alicujus peccati mortalis, quia Satisfactio in eo statu exhibita, non solum est solutiva poenæ debitæ, sed etiam promeritoria ulterioris gradus gratiæ, sicut & novi juris ad augmentum gloriæ.

APPENDIX.

De Satisfactione, seu Poenitentia publica.

NOTUM est, ac compertum apud Theologos, duplicem esse Satisfactionem, Sacramentalem unam, Canoniam alteram. Prior est, quæ à Sacerdote ad nutum poenitenti injungitur post emissam suorum delictorum, Confessionem, & ante concessam Absolutionem sacramentalem: posterior verò, quæ præscribitur ab Ecclesia, & statuitur vel in Conciliis, vel in Canonibus Penitentialibus pro gravioribus delictis diluendis.

Hæc rursus duplex est, *privata* videlicet, & *publica*, seu quæ privatè, & in particulari fit à poenitente, ac semotis omnibus arbitris, vel quæ in conspectu Ecclesiæ, & fidelium ex præcepto Mi-

nistrorum, ac Pastorum Ecclesiasticorum exercetur.

Insuper hæc iterum duplex: nempe quæ fiebat ab adultis ante Baptismum, ut ad illum suscipiendum sese disponent: altera verò, quæ pro peccatis post Baptismum commissis expiandis suscipiebatur. Quòd enim nemo adultus sine aliqua publica poenitentia ad Baptismum admitteretur, colligitur ex Act. 13. ubi S. Petrus monet: *Poenitentiam, inquit, agite, & baptizetur unusquisque vestrum*. Hujus pariter veritatis testes sunt Patres, atque imprimis Tertullianus lib. de Poenit. usque ad 7. caput, ubi ait: *Soluti hominis præministrat Poenitentiam destinare purgandis mentibus præpositam, & mundam peccatoris domum superventuro Spiritui sancto parare*. Unde cap. 6. necessitatem hujus poenitentiae indicat, quia *lavarum assignatio est fidei, seu vitæ Christianæ, quia iustus ex fide vivit, quæ fides à Poenitentiae fide incipitur, & commendatur, quæ nimium corda purificatur: Non ideo ablui-mur, inquit, ut delinquere desinamus, sed quia desinimus, quoniam jam corde loti sumus; hæc enim prima abdicantis tintilio est metus integer*.

Huic omnes Patres ad stipulantur, maxime S. Augustinus homil. 27. cap. 1. ubi ait: *Neque ad Baptismum Christi, in quo omnia peccata delentur, quisquam bene accedit, nisi agendo Poenitentiam de vita pristina; nemo enim elicit vitam novam, nisi quem veteris poenitet*. Et homil. 50. cap. 11. Poenitentiam hanc novum hominem parturire, ait: *Donec per Baptismum salutare omnium præteritorum fiat ablutio peccatorum, ut tanquam puero nato dolores transiant, quibus viscera urgebantur ad partum, & tristitiam lætitia consequatur*. Omnis enim qui jam arbitri voluntatis sue constitutus est, cum accedit ad Sacramenta fidelium, nisi cum poenitet vitæ veteris, novam non potest inchoare. Et postea: *Ab hac poenitentia cum bapti-*
202-

tantur, soli parvuli sunt immunes, nondum enim uti possunt libero arbitrio. Ceterorum hominum nullus transit ad Christum, ut incipiat esse, quod non erat, nisi eum pœniteat fuisse quod erat.

Hoc ipsum etiam docet Concilium Tridentinum sess. 6. cap. 6. ubi inter ceteras dispositiones ad justificationem, maxime per Baptismum obtinendam, Pœnitentiam annumerat, cum ait: *Movetur adversus peccata per odium aliquod, & detestationem, hoc est, per eam pœnitentiam, quam ante Baptismum agi oportet, &c.*

Hujus autem Pœnitentiæ ritum luculenter explicat S. Augustinus, sed maxime homil. 27. ex 50. necnon & lib. 11. de Symbolo ad Catechumenos cap. 1. pariter lib. 4. etiam cap. 1. ubi varios hujus Pœnitentiæ ritus enarraus, quibus nocte ante Baptismum proxima, Catechumenus initiabatur, refert quod susceptus in utero ab Ecclesia matre, parturiebatur, meminit signi crucis, exorcismorum, orationum, Canticorum spiritualium, insufflationum, cilicii, inclinationis cervicum, humilitatis pedum, pavorisque, cum quo quis ex loco secreto producebatur in conspectum totius Ecclesiæ, ibique cervice humiliata, quæ malè fuerat ante exaltata, in humilitate pedum, seu nuditate, cilicio subtrato excommunicatus petebat, *Proba me Deus, & scito cor meum;* sicque purgatus cantato salutis cantico accipiebat solum, & profitebatur renuntiare se diabolo, pompis, & Angelis ejus. Hanc autem Pœnitentiam non agebat Catechumenus, ut pro peccatis Deo satisfaceret; eorum enim remissionem gratulam plenissimam in Baptismo accepturus erat, sed ut se ad gratiam suscipiendam, & vitam novam profectendam veteris odio, & detestatione pararet. Ita Bagotius dissert. 1. cap. 2. sect. 2.

Hic autem non est futurus sermo de Pœnitentia, & Satisfactione publica,

quæ fiebat ante Baptismi susceptionem, sed duntaxat de ea, quæ post susceptum Baptismum fieri solebat à fidelibus, qui in grandia peccata lapsi fuerant, de qua utique Pœnitentia tria sunt delibanda: *Primum*, quod duplex illa fuerit: *Secundum*, quot illius erant gradus: *Tertium*, de quibus peccatis fieri solebat: quæ utique omnia in sequentiis paragraphis discutiemus.

§. I.

Quotuplex sit Pœnitentia publica?

Respondeo: Pœnitentiæ publicæ tria fuisse genera; alia enim erat *imperata*, & præcepta ab Ecclesia; alia *voluntariè à pœnitentibus petita*, & eis concessa; alia denique *solemnis*, quæ utcumque ab illis duabus erat distincta: Prioris pœnitentiæ exempla plurima suppetunt in historia Ecclesiastica, constatque nedum ex Conciliorum decretis, & sanctionibus, sed ex antiquissimis Canonibus, & Ritualibus pœnitentialibus, in quibus decernuntur, & prescribuntur pœnæ pro certis quibusdam criminibus eluendis subeundæ à Pœnitentibus.

Imò id ipsum colligitur ex Scriptura sacra: nam Christus Dominus confersens Apostolis, & eorum Successoribus, Matt. 18. v. 15. potestatem ligandi peccatores, & eos absolvendi, quomodo quisvis juridica hac sua potestate uti debeat, sic prescribit, ut si peccatum occultum fuerit, clam reum castiget; si verò admonitus non resipuerit, adhibeat unum, aut alterum testem, quos si non audierit, tandem eum ad Ecclesiam deferat: *Si peccaveris in te frater tuus, vade, & corripe eum inter te, & ipsum solum. Si te audierit, lucratus eris fratrem tuum. Si autem te non audierit, adhibe testem unum, vel duos, ut in ore duorum, vel trium testium stet omne verbum. Quid si non audierit eos, dic Ecclesiæ.*

Ex quo præcepto Christi S. Augustinus in cap. ultimo lib. de Corrept. & Gratia infert, quod Paulus vult, peccantes coram omnibus corripi, ut cæteri timorem habeant; de his peccatis accipiendum esse, quæ non latent. Et in ferm. 16. de verbis Domini cap. 6. & sequentibus, duo hæc Christi, & Apostoli præcepta concilians, ait, in secreto corripiendum esse fratrem, cum in te peccaverit, id est, cum tu scis, quia peccavit, Quia enim secretum fuit, quando in te peccavit, secretum querere, cum corripis quod peccavit. Nam si solus nosti, quia peccavit in te, & eum vis coram omnibus arguere, non es corrector, sed proditor. Et allato exemplo S. Joseph B. Virginis conjugis, sic pergit: Peccavit ergo in te frater tuus, si tu solus nosti, tunc verè in te solum peccavit. Nam si multis audientibus tibi fecit injuriam, & in illos peccavit, quos testes sue iniquitatis effecit: hanc rationem reddit: Quando me audiente fratri meo quisque injuriam facit, absit ut à me injuriam illam alienam putem. Prorsus, & mihi fecit: imò & mihi plus fecit, cui putavis placere quod fecit: ergo ipsa corripienda sunt secretis, quæ peccantur secretis. Novit nescio quem homicidam Episcopus, & nemo alius eum novit, nec prodit, inquit Augustinus, nec negligit, corripit in secreto, & persuadet Pœnitentiam. Sunt homines adulteri in domibus suis, in secreto peccant, aliquando nobis produntur ab uxoribus suis, plerumque zelantibus, aliquando maritorum salutem querentibus; nos non prodimus in palam, sed in secreto arguimus, ut ubi contigit malum, ibi moriatur malum.

Quibus verbis S. Augustinus designat crimina, ob quæ maximè Pœnitentia publica esset agenda, nempe adulterium, & homicidium, quæ cum secreta dicat, non ita intelligit fuisse occulta, ut non in aliquorum notitiam venerint; nam adulterii illius uxor ac-

cusatrix erat conscia, & tum illud probare posset, aliquos domesticos testes habebat; nihilominus vult S. Augustinus adulterum illum non publicè, id est, in conventu totius Ecclesiæ argui, sed privatim, hoc est, in conspectu peccatorum, nempe, vel in præsentia ipsius uxoris, quæ criminis erat conscia, necnon & domesticorum, vel etiam, fortè quorundam Sacerdotum secreti tenacium.

Quod autem ea perpetua fuerit in Ecclesia praxis, nempe cogendi aliquos peccatores ad ineundam Pœnitentiam publicam, constat ex libro 2. Constitutionum Apostolicarum. ubi cap. 38. legimus: *Si aliquis durus, obstinatusque sit, die Ecclesiæ: si non audierit, sit tibi ut Esauicus, & Publicanus: & ne ad Ecclesiam tanquam Christianum admittas, &c. Si autem vult agere Pœnitentiam, suscipe, &c. Et cap. 41. At verò quem à Pœnitentia alienum videris, & obduruisse, hunc tu cum mœrore ut insanabilem ejice ex Ecclesia. Tollati, inquit, improbum ex vobismetipsis, & facietis reverentes filios Israel. Euthychianus Papa apud Burchardum lib. 12. cap. 14. ad rem nostram directius collimare videtur: *Si quis verò perpetrato perjurio, aut quolibet criminali peccato, timens Pœnitentiam longam, ad Confessionem venire noluerit, ab Ecclesia repellendus est, sive à consortio, & communionem fidelium, ut nullus cum eo comedat, atque bibat, neque oret, neque in sua domo eum recipiat.**

Antiqui istius moris testis est S. Cyprianus epist. 53. adversus Novatianos disputans, cum dixit: *Nec ad Pœnitentiam quis à nobis compelli potest, si fructus Pœnitentia subtrahatur.* Ad Pœnitentiam igitur compelli solebant, quos crimina perpetrasse constabat. Idque probat Cyprianus argumento sanè notando; Eò quod authoritatem peccata remittendi Deus Ecclesiæ concesserit, credens authoritatem cogendi ad

Pœnitentiam ex autoritate absolvendi necessario consequi. Ad eundem morem respiciens quoque Pacianus scribebat epist. 3. contra Sympronianum : *Sive baptizamus, sive ad Pœnitentiam cogimus, seu veniam relaxamus, Christo id auctore traſſamus.*

Hinc publici peccatores de crimine quomodocumque convicti, si sponte Pœnitentiam publicam agere volebant, non solum ad eam per gravem Ecclesiæ interminationem, & sententiam excommunicationis cogebantur; sed & si Censuris Ecclesiasticis non deferrent, ad id cogebantur autoritate Principum, & virtute brachii sæcularis, ut constat ex Concilio Moguntino sub Rabano can. 28. ubi legimus : *Ut Episcopi incestuosos penitus investigare studeant, omnino decrevimus. Quod si pœnitere noluerint, de Ecclesia expellantur. Quod si Sacerdotum admonitionibus noluerint autem accommodare, volentes in pristinis perdurare criminibus, oportet eos per sæcularis potentie disciplinam à tam prava consuetudine coerceri.* Similis Canon legitur in Concil. Turon. sub Carolo cap. 41. lib. 2. cap. 43. Burchar. lib. 7. cap. 29. *Vormae.* Concil. cap. 79. *Suesson.* verò cap. 12. lvo par. 9. cap. 65. *Obtentum est etiam à devotissimo Principe, ut incesti, & quilibet alii perditii, ex amen Episcoporum refugientes, per Judices publicos ad eorum præsentiam deducantur, ne ulterius illecebram periculi nutriet punitas vitiorum.*

Hinc fit manifesta ratio, qua Reges, ac Principes commoti tam libenter Episcopis, & eorum Ministris autoritatis suæ auxilium commodarunt. Tunc enim vitiiis regna purgantur, cum disciplina Ecclesiastica in iis diligenter custoditur. Unde in Concilio Tullenſi 2. cap. 2. sic statuitur de Virginum, & Viduarum corruptoribus. *Iri autem, qui vim eis intulerunt, & ipsi censura Ecclesiastica ad Pœnitentiam constringantur, Principes, & Ju-*

dices hanc in populo Dei diligentiam adhibeant, ut ubicumque tales in potestate eorum ab Episcopis requisiti fuerint, absque mora eos exhibeant, ne forte si dissimulaverint, aut mandatum Episcopi contempserint, ab Ecclesia Dei projecti, nec sepulturam cum fidelibus accipiant.

Si Comites, aut eorum Ministri auxilium Episcopis, vel eorum vices gerentibus denegabant, tum gravissimè pro ratione denegationis à Principibus puniebantur. Explicari hoc melius, & discretius non potest, quàm verbis Carolini Capituli, quod habetur lib. 7. Capitularium cap. 330. aliàs 337. & ferè ante octingentos annos in suis Canones retulit Isaacus Lingonienſis tit. 4. c. 13. *Si aliquis, tam liber, quàm servus, aut Ecclesiasticus, vel Fiscalinus proprio Episcopo, vel suo Sacerdoti, aut Archidiacono inobediens, vel contumax, sive de hoc, sive de alio quolibet scelere extiterit, omnes res ejus à comite, aut à Misso Episcopi contendantur, usque dum Episcopo suo obediat, aut canonicè pœniteat. Quod si nec se ita correxerit, & ad Episcopum, & Canonicam Pœnitentiam venire distulerit, à Comite comprehendatur, & in carcerem sub magna ærumna reclusus teneatur, nec rerum suarum potestatem habeat, quousque Episcopus iusserit. Quod si Comes, vel ejus Ministri hæc adimplere distulerint, & canonicè ab Episcopo, vel à suo Ministro excommunicentur, & usque dum hæc pleniùs adimpleat, semper Communione Catholicorum careat: usque dum ipsi Episcopo humanius erga eum aliquid agere placuerit. Si vero, quod non optamus, ipse Comes aut de prædictis causis, aut de ipsa Excommunicatione inobediens aut negligens apparuerit, honore Comitatus, pariter, & Communione careat, usque dum ambo in nostram præsentiam veniant, ut nos illum Episcopali autoritate, atque imperiali metu ita corrigamus, ut ceteri timorem habeant, ne deinceps talia commi-*

mittere ullatenus audeant. Hæc Morinus quæ mihi necessarium ascribere visum est, eo quod illius temporis praxim evidentissimè admodum explicant.

Similiter in Capitulis Caroli Calvi ex Synodo Pissensi ann. 862. cap. 4. *Vos autem Episcopi, Evangelica, & Apostolica, atque Episcopali auctoritate, seniorum, & regni quælibet potentem, si commonitus juxta Evangelicum præceptum se suosque homines corrigere noluerit, & licet ipse talia non faciat; tamen si sui, vel in suo obsequio manentes talia fecerint, si eos non correxerit, & emendari que sciunt non obtinuerit, eosque ad Pœnitentiam non produxerit, ipse excommunicetur secundum sacros Canones, donec suos homines ad emendationem, & Pœnitentiam reducat.* Deinde hujus rei ratione reddita, pergit: *Si autem ipse potens, vel senior satisfecerit Episcopo, & Missis regis, quia suos homines ad emendationem, & ad Pœnitentiam non potest adducere, sed seipsum vult, aut talibus immunem offendere, aut dignè satisfacere, & hujusmodi molestias à suo obsequio rejicere, & Dei inimicos persequi, tunc aut non excommunicatur, aut ab excommunicatione solvatur.* Nec minùs evidenter præcedens hoc capitulum quod contendimus confirmat.

Nihil hac in causa legi potest illustrius, & augustius lege Arnulphi Imperatoris, quæ refertur Can. 3. Concilii Triburienus, quod celebratum est anno 895. sedente Papa Formoso. Postquam præclarum proœmium legi suæ texuit ex variis Scripturæ locis, tandem sic colligit: *Ideireo non potentiam ostendentes, sed justitiam exhibentes, præcipimus, & auctoritate nostra iungimus omnibus regni nostri Comitibus, postquam ab Episcopis anathemate Excommunicationis percelluntur, & tamen ad Pœnitentiam non inclinantur, aut ab ipsis comprehendantur; & ante nos perferantur, ut qui divina judicia non verentur,*

humana sententia feriantur, &c. Si tam rebelles fuerint, ut comprehendentibus repugnare studuerint, & in tali temeritate interfecti fuerint, iudicio Episcoporum interfectioribus nulla imponatur Pœnitentia, & præcepto nostro; Vucregildi nulla ab eis extorqueatur compositio. Ipsi Comites ab Episcopis excommunicati ad Pœnitentiam agendam ab ipsis Episcopis coguntur, & Imperatori ab eo puniendi sistuntur. *Vucregildi* vox Germanica significans illis temporibus multam pecuniariam homicidii causa impositam. Ita Morinus lib. 7. de Pœnit. cap. 11.

Ex quibus apparet, aliquos peccatores ad ineundam publicam Pœnitentiam fuisse coactos, non solum per Ecclesiæ interminationem, & imperium, sed etiam per auctoritatem Principum nec-non, & Magistratus sæcularis.

Pœnitentia publica etiam fieri solebat ab aliquibus, qui voluntariè, ac liberè se se ultro ei subijciebant, cujus quidem voluntariæ Pœnitentiæ meminit S. Ambrosius lib. 1. de Pœnitentia, ubi ait: *Si quis occulta crimina habens, propter Christum tamen studio egerit, quomodo illie recipitur, si ei communio non refunditur?* Ubi vocabulum studio significat Pœnitentiam voluntariè susceptam, maxime cum loquatur sanctus Ambrosius de crimine occulto, propter quod eluendum Pœnitentiæ publica nusquam imperabatur. Quod autem sermonem faciat S. Ambrosius de Pœnitentia publica, apparet ex his, quæ subjicit: *Volo veniam reus speret, petat eum lacrymis, petat gemitibus, petat populi totius stetibus, ut ignoscat, & obsteret, cum secundo, & tertio fuerit dilata ejus Communio, credat remissus se supplicasse, stetur augeat miserabiliter, postea revertatur, teneat pedes brachii, osculetur osculis Javet stetibus, &c.*

Nec obscure idipsum colligitur ex his S. Augustini verbis homilia 50. c. 4. *Nemo arbitretur, fratres propterea se*
com-

consilium salutiferæ hujus debere Pœnitentia continere, quia multi fortè advertebant, & novis ad sacra altaria accedere, quorum talia crimina non ignorat. Multi enim corriguntur, ut Petrus; multi tolerantur, ut Judas, multi ne sciuntur. Quia nimirum non deferuntur ad Ecclesiæ Antistites. Nos verbò à Communione prohibere queminquam non possumus, quamvis hæc prohibitio nondum sit mortalit, sed medicinalit, nisi aut sponte confessum, aut in aliquo, sive seculari, sive Ecclesiastico judicio nominatum, atque convictum. Quibus significat, aliquos peccatores non convictos ultrò, ac spontè confiteri peccata, prohiberi à Communione, & salutiferam illius Pœnitentiæ consilium amplecti.

Huc denique spectat, quod S. Leo epistola 80. de Confessione publica non divulgatorum peccatorum, quam imperiti Sacerdotes nonnulli ab hujusmodi pœnitentibus spontaneis exigebant, quia in aliis usurpata videbant, differens, laudat quidem nonnullorum plenitudinem fidei, quæ propter Delictum apud homines crubescere non veretur, eam tamen consuetudinem, aut potius abusum vetat, ne multi à Pœnitentiæ remediis arceantur, dum aut erubescunt, aut metuant inimicis suis suis folla referari, quibus possunt legum constitutione percelli. Quorum fidei plenitudinem laudat, non id tantum, ad quod vi legis tenebantur, sed aliquid amplius sponte fecisse, quosque multos indiscreto illo rigore Confessionis publicæ à Pœnitentiæ remediis arceri, ait Leo, eam non coactos, sed spontanea pietate amplexos esse, valde probabile est.

Hujus autem spontaneæ Pœnitentiæ varia proferuntur exempla à SS. Patribus, inter quæ præclarum refert sanctus Hieronymus epist. 30. quæ Fabiolæ est epitaphium, ubi narrat quomodo Fabiola ob illicitas nuntias, utpote superstiti marito contractas, sed quas sibi

licitas fuisse, bona fide crederat, Pœnitentiam egerit: Fabiola, inquit, quæ persuaserat sibi, & putabat à se virum jure dimissum, nec Evangelii vigorem noverat, in quo nubendi universa causatio viventibus viris semini amputatur, dum multa diaboli vitas vulnera, unum incauta vulnus accepit. Et postea ait, illam se doluisse, quasi adulterium commisset, seu quasi ejus rea fuisset, nec ob ignorantiam, veniam meruisse. Quare quandiu bona fide illi secundo viro juncta haud dubie, ut tunc moris erat, Eucharistiam percepit, nec ab ea per Episcopi imperium prohibita est: ac post mortem secundi viri in sinetipsam reversa, Pœnitentiam poposcit, & induta sacco errorem publicè confessæ est, eum scilicet Evangelii vigore cognito, peccatum suum agnovit, sacrum induit, & stetit in ordine pœnitentium ante diem Paschæ, aperuit cuncti vulnus suum, & decolorum in corpore cicatricem sibi Roma confexit. Diffuta habuit latera, nudum caput, clausum os. Non est ingressa Ecclesiam Domini, sed extra cum Maria sorore Moysi separata confedit, ut quam Sacerdos egerat, ipse revocaret. Quamobrem Fabiola, Pœnitentiam hanc non coacta subiit, sed volens poposcit ob crimen toti Romæ notum, non occultum.

SOLENNIS PœNITENTIA ea dicitur, quam pœnitens perpetuò observandam suscipiebat, & ad vitam austerioris institutum se obstringebat vel in Monasterio, vel sub Monachorum cura, & disciplina. Unde status ille non tantum habebat officia aliqua Pœnitentiæ publicæ sive imperatæ, sive concessæ, sed etiam in his perseverantiam, & quandam immobilitatem annexam inducebat, in quo differebat ab ea conditione pœnitentium, quæ tantum erat via, & præparatio ad reconciliationem obtinendam, qua obtenta cessabat obligatio agendæ ulterius. Pœnitentiæ publicæ. Secus namque erat de his, qui

austriorem vitam fuerant professi: nam ad ejus observantiam revera per Ecclesiæ Antistites poterant cogi, & si ab eo instituto deviascent, ad illud Censuris Ecclesiasticis debebant revocari. Pœnitentes autem illi dicebantur *Conversi*, non quod omnes, qui hoc Pœnitentiæ genus, & institutum suscipiebant, graviorum criminum Rei fuissent, plerique enim ex pietate spontè illud assumebant, sed quia distincti erant à Monachis cum quibus degebant, quamquam ab eo instituto non possent desistere. Hinc Canon 53. Concilii Toletani 4. ejusmodi pœnitentes, & Monachos in eadem velut classe collocat, deficientesque tanquam Apostatas anathemate percutit: *Quicumque*, inquit, *ex secularibus accipientes Pœnitentiam totunderunt se, & rursus prævaricantes Laici effecti sunt comprehensi ab Episcopo, ad Pœnitentiam, ex qua recesserunt, revertentur. Quod si aliqui per Pœnitentiam irrevocabiles sunt, nec admoniti revertantur, verè ut Apostatæ coram Ecclesia, anathematis sententia condemnentur.* Et idem statuens de Monachis Apostatis, subjungit: *Quæ forma servabitur etiam in Viduis, Virginitatibusque sacris, ac pœnitentibus feminis, quæ sanctimoniale habitum induerunt, & postea aut vestem mutarunt, aut ad nuptias transferunt.*

In idem conspirat Concilium Toletanum octavum Can. 7. ubi renovans præfatum decretum, ait: *Quoniam tanta exiit perverstitas hominum, ut hi quos sub religioso habitu Pœnitentiæ professi per peccatorum veniam ad nunc Sacerdotis deducit, vel adduxit, iterum rediiva malitia ad pristina vitæ fordes revoces, hujus rei causa Synodus decernit, ut si qui ingenuorum utriusque sexus, sub nomine Pœnitentiæ in habitu religioso sunt conversi: post hæc autem comam nutrientes, vel vestimenta secularia sumentes, ad id quod reliquerant, redierunt, aut redierint, ad Epi-*

scopos Civitatis, in cujus territorio sunt conversi, comprehensi rursus legibus Pœnitentiæ in Monasteriis subdantur inveni. Quod si facere propter aliquem potestatis vigorem difficile fuerit, tunc sicut pristinorum Canonum statuerunt Decreta, quousque ad dimissum ordinem revertantur, excommunicati habeantur.

Ex quibus apertè constat, hujusmodi Pœnitentes longè diversos fuisse ab aliis pœnitentibus publicis, tantum enim abest, ut qui in eo statu versabantur, alieni essent à Communione, & participatione Sacramentorum Ecclesiæ: imò eis Ecclesia excommunicationem comminatur, nisi ad statum, quem deseruerant, revertantur.

Cujus utique solemnem Pœnitentiam luculentum, ac præclarum exemplum profert Concilium Toletanum 12. ca. 1. in persona Vuambræ Regis Hispani, qui cum à gravissimo morbo convalesceret, audiens pro se factum fuisse votum, quod si illi restitueretur sanitas, perpetuam Pœnitentiam ageret, omni habitu, & jure regio se abdicavit, & suscepto Religionis debito cultu, & venerabilis Tonfuræ sacræ signaculo, Pœnitentiam institutum suscepit. Qualis autem, quamque acerba, & austerior fuit quorundam hujusmodi conversorum, seu pœnitentium Satisfactio, non obscurè enarrat S. Joannes Climacus in scala perfectionis, maximè verò gradu V.

Cùm intellexissem ego imbecillissimum, esse quamdam raram, & inusitatam, abjectissimamque vivendi rationem quorundam, qui in privato, & separato quodam loco, quem Carcerem dicunt, degunt, subiecto tamen illi alteri, quod supra laudavi, siderum sideri cœnobio, & adhuc ibi moraretur, rogavi sanctum illum Præsidem, uti mihi liceret sedem illam coram inspicere. Cessit precibus meis, ille inclytus Cœnobii Antistes, quod nollet me ulla ratione offensum,

Cùm

„ Cùm ergo ad locum illum pœnitentium, imò verò ad regionem lugentium (Carcerem inquam) venissem, vidi reverà, si fas est dicere, quæ, uti solet, hominis ignavi oculus non vidit, & inertis aures non audierunt, quæque in cor pigri non ascenderunt; facta, inquam, & verba quæ Deo quodammodo possint vim inferre, studia & habitus quæ clementiam ipsius statim insectant: Vidi quoddam ex innocentibus illis reis totas noctes ad usque manè sub dio immotis pedibus stantes, & miserabiliter eum somno, & natura luctantes, vique hujus pene fractos; dum nullam sibi penitus quietem indulgerent; imò seipso graviter adhuc objurgarent, & convitiis insuper, & contumeliis excitarent. Alios cœlum intuentes, & illinc opem cum lamentabili voce, gemituque implorantes. Alios item, qui in precibus perleverant, manus post terga sceleratorum ritu revincti vultus alto mœrore confusus humi desigebant, ut qui se indignos judicaret, qui cœlum respicerent, nihil ausos loqui, nec ullam vocem mittere, nec precari, Deumve præ cogitationum turba, & conscientie trepidatione, & ignominia appellare, non habentes quid & quomodo dicerent, undeque precum exordia ducerent, sed solam animam ratione confusam, mentemque Deo, pleni tenebris, & subtili quasi desperatione affecti, repræsentantes. Sedebant alii humi in pavimento super cinerem, & lacum, genibusque vultum tegebant, frontibus humum ferientes: alii assidue pectus tundeabant, animæ suæ statum primum, vitamque præteritam (quam cum virtute traduxerant) revocantes. Ex his ergo alii pavimento lacrymis inundabant, alii lacrymarum fonte destituti, seipso diverberabant. Alii

„ mentabantur, nec magnitudinem doloris pectore poterant continere. Alii intus (Leonum instar) rugiebant, & spiritu fremebant, sed interim, strepitum lamentorum reprimebant, quamvis vim doloris nonnunquam non potuerint sustinere, sed repente in apertos clamores eruperint. Spectavi ego ibi quosdam eo corporis habitu, ac si ab seipsis excessissent, & alto mœrore defixi ad stuporem animi, & æternum silentium redacti essent, tenebris enim alti simis confusos, & ad omnia vita officia velut stupentes extensos.

„ Cæterum animo ad extremum humilitatis gradum demissos, & igne mœstitiæ lacrymas eliquantes. Spectavi alios, qui capitibus in terram promissis meditabundi sedebant, cervicisque assidue morabant, & ex imo pectore, & intimis visceribus, ritu Leonum, rugiebant, & ingemiscabant. Ex quibus alii veniam omnium delictorum spei pleni petebant, & obsecrabant: alii se indignos veniam ex altissima humilitate judicabant, nec posse pro delictis suis Deo respondere vociferabantur. Nonnulli, ut hic penas darent, & ibi gratiam, misericordiamque consequerentur, rogabant. Alii simul oneris conscientie gravitate depressi, & supplicia æterna deprecabantur, & indignos tamen se cœlo sincere proclamant, & dummodo hoc, inquirunt, fiat, sufficit nobis: Vidi illic animas humiles contritas, & oneris pondere depressas, quæ laxa ipsa verbis, & vociferationibus, precibusque ad Deum suffis ad sensum commiserationis possent flectere. Nutantibus quippe pronisque in terram capitibus dubitabant. Ita sanè non ignoramus, sed probè novimus, nos deinceps omni pena, & supplicio dignissimos, & meritò sanè: non possumus enim præ numaro, &

„multitudine peccatorum nostrorum
 „satisfacere, etiam si totus mun-
 „dus convocatus nobiscum plange-
 „ret. Illud enim rogamus, illud
 „deprecamur, illud deinceps unum
 „obtestamur, *Ne in furore tuo ar-
 „guat nos, neque in ira tua, sed mi-
 „sericordia corripiat nos.* Satis enim
 „nobis est, si à gravissima tua com-
 „minatione, & inexplicabilibus, & re-
 „conditis suppliciis liberemur. Ut
 „enim omnis prioris pena nobis re-
 „mittatur, veniaque donetur, petere
 „non audemus: quia fronte enim id au-
 „deamus, qui votum sanctum viola-
 „vimus, & post peccatam culpam
 „omnium gratiam pro singulari tua
 „clementia factam tam sedè inquina-
 „vimus? Erat ibi, erat, amici, verè
 „tibi, clarèque videre Davidis verba,
 „spectare, inquam, *afflictos, & cur-
 „vatos usque ad finem totius vitæ, qui
 „toto die contristati incedebant, olen-
 „tibus jam & corruptis, putrefactis-
 „que corporis cicatricibus, ut qui nul-
 „lam corporis curam haberent, &
 „obliti erant comedere panem suum, &
 „potum aquæ lacrymis, & sletu misce-
 „bant, & pulverem, & cinerem pro pa-
 „ne comdebant. Os suum autem adhaerebant,
 „& ipsi tanquam sanum exaruerant.*
 „Nec aliud apud illos audire erat,
 „quàm huiusmodi voces, *Væ væ*
 „miseris nobis, meritò, meritò, par-
 „ce, parce Domine. Alii clamabant,
 „miserere, miserere, rursus alii mi-
 „serabiliùs: Ignosce Domine, igno-
 „sce, si ullus veniæ locus, &c.
 „Videre erat in illis linguas arden-
 „tes, & pro ritu canum ex ore pro-
 „missas. Alii in gravi Solis aestu se
 „cruciabant, alii frigore se torque-
 „bant, alii cùm modicum quid aquæ
 „libassent, desierunt, ut ne si ui-
 „rentur, alii cum panem gustassent
 „dumtaxat, illum rursus procul abs
 „se respiciebant, se indignos dictitan-
 „tes, qui cibum humanum sumerent,

„qui bestiarum opera exercuissent?
 „Ubi signum apud illos risus? ubi
 „otiosa fabulæ? ubi subitus furor, aut
 „ira? apud quos jam nesciebatur
 „autrum adhuc inter homines ullus
 „esset iræ locus: adeo luctus æternus
 „omnem in illis iræ motum extinx-
 „erat. Ubi verborum concertatio? ubi
 „seriæ? ubi nimia loquendi libertas?
 „ubi cura corporis? ubi vestigium va-
 „niæ gloriæ? ubi deinceps deliciarum
 „spes? ubi de vino cogitatio? ubi
 „vel pomi gustatio? ubi culinæ, &
 „ollæ solatium? ubi gulæ illecebræ?
 „Omnium horum deinceps in omni
 „præsenti vita spes apud illos penitus
 „sublata, & deleta erat. Ubi cura
 „inter illos ulla rerum humanarum?
 „ubi iudicandi quemcumque alium
 „libido? nusquam. Sed hæc apud illos
 „perpetuò ingeminabantur: hæc ad
 „Dominum illi vociferabantur. Alii
 „quippe pectus graviter tundentes,
 „perinde ac si ad cæli starent limina
 „ad Dominum clamitabant. Aperi
 „nobis, Iudex, aperi nobis, quando
 „nobis ipsi peccatis nostris fores cæli
 „occlusimus. Aperi nobis. Alii dicti-
 „tabant. *Offende nobis solum faciem*
 „tuam, & *salvi erimus*... Erat videre
 „in illis genua, quæ ex assidua geni-
 „colationum consuetudine callum
 „obdlexerant: oculos exesos, & de-
 „biles, atque in sinus capitis rece-
 „dentes: genas habebant saucias, &
 „ardore ferventium lacrymarum adu-
 „stas, vultusque pallentes, & emac-
 „ciatas facies, nihil à mortuis, si con-
 „ferres, differentes, pectora plagarum
 „istibus lucentia, & crebris pugno-
 „rum verberibus cruenta, sanguinis
 „ex pectore rejecta spuma. Ubi illic
 „lectus quiesci positus? ubi mundities,
 „& adversus frigora vestis munimen-
 „tum? rupta, & lacera omnia, & in-
 „quinata, sordibusque vermium sca-
 „tentia. Nihil ad horum patientiam
 „obfessorum à dæmonibus vexatio:
 „nihil

nihil mortuorum luctus: nihil in
exilio degendum calamitas: nihil
supplicium parricidarum: nihil re-
vera illorum pœnæ, & inflicta tor-
menta ad voluntarium horum casti-
gationem, & carnificinam: Rogo,
Fratres, nolite putare, me vobis fa-
bulas narrare... Sed enim extrema
vitæ hora culpam imminente, tum
verò quale, & quàm tremendum, mi-
serandumque spectaculum videres.
Nam quando socii Pœnitentiæ, ali-
quem præcedere se ad mortem sen-
sere, sibi adhuc præsentem, & sen-
tientem, omnes in orbem circum-
stabant, sitique æstuentes, & luctu
mercentes, ardentesque desiderio mi-
serabili oris habitu, tristique sermo-
ne capita agitantes, jam deficientem
summa commiseratione profecti
cogitabant; Quid est, frater, &
commilito noster, quomodo habes
te? quid dicis? quid tibi spei supe-
rest? quid sentis; affectus ne es
quod tanto labore quæquivisti? an
nondum etiam? Ingressus es portam
salutis, an adhuc fluctuans animo?
attigisti metam? an aberrasti? dona-
tus es liberrate, an adhuc tumul-
tuantur, & torquent te cogitationes
tuæ? Illustrata ne mens tua est cele-
sti lumine; an adhuc confusa tene-
bris, & ignominia hæret in nocte?
accepisti ne vocem aliquam tibi in
corde respondentem: *Eccce sanus fa-
ctus es: remittuntur tibi peccata tua;*
aut, *fides tua te solum fecit:* aut for-
tasse illam terribilem adhuc senten-
tiam audis, *Convertantur peccatores*
in infernum, &, *Ligatæ manus, &*
pedes ejus, &, tollatur impius, ne
videat gloriam Domini. Quid re-
spondes omnino? frater, dic nobis,
obsecramus te, ut & nos sciamus,
quæ nos sors expectet. Tuum quippe
vitæ tempus jam effluxit, quod in
omnem æternitatem non redibit. Ad
hæc alii morientium dixerunt: *Benedi-*

ctus Dominus, qui non amovit ora-
tionem meam, & misericordiam
suam à me. Alii verò iterum, *Bene-*
dictus Dominus, qui non dedit nos in
captivem dentibus eorum. Alii autem
admodum dolenter respondebant;
Forſitan pertranſiit anima noſtra æ-
ream poteſtatem, intolerabilem a-
quam? incerti adhuc salutis, & an-
xiæ cogitantes, quid in illo tremen-
do judicii tribunali futurum eſſet:
Alii verò multo hoc tristiùs respon-
derunt. Væ, inquebant, animæ,
quæ voti ſui profeſſionem non invio-
latam cuſtodivit: Hæc in hora hæc
ſola experietur, quid illi ſit paratum.
Hæc ergo tum apud illos coram ſpe-
ctatſſem, & audiviſſem, parum ab-
ſuiſt, quin meam negligentiam cum
illorum patientia, & afflictione
comparando, deſperarem. Nam
qualis non erat ipſius loci aſpectus
habitatio? tota domus obſcura, &
tenebroſa, tota olens, & ſcærens, to-
ta ſordida, & ſqualida. Carcer enim
& damnatorum ergaſtulum, non
immerito appellata eſt: adeo ut ſo-
lius loci contemplatio ſpectatorem
ad Pœnitentiam, & luctum incitaret.
Enim verò quæ aliis gravia, & into-
lerabilia videntur, hæc iis, qui virtu-
tis, & celeſtium gratiarum jacturam
fecerunt, prona, faciliæque ſunt, &
promptè ſuſcipiuntur, &c. Ita
S. Joannes Abbas, dictus Climacus
à ſcala perfectionis quam compoſuit,

§. II.

Quot, & qui ſurſint Pœnitentiæ publi-
cæ gradus?

Quamquam Eccleſia ſemper eadem
ac invariata perſeveret, eodem-
que divinitus inſtillato amoris,
ac zeli incendio filios ſuos ad vitæ
ſanctitatem, & puritatem ſtimulet, &
ad vitiorum, ac peccatorum expugna-
tionem, & expurgationem, qua poteſt
cu-

cura, ac sollicitudine provocet, nihilominus non eadem semper fuit illius circa penitentes exterior disciplina, aliquando enim indulgentius egit cum peccatoribus, alias autem acerbius: idcirco varia circa disciplinam agendæ publicæ Penitentiae distinguenda sunt tempora: *Primo*, quidem ab Apostolis usque ad exortam Montani hæresim: *Secundo*, à Montano usque ad Novatum. *Tertio*, à Novato usque ad septimum, aut octavum sæculum; Denique à septimo sæculo usque ad hodiernum tempus. In quibus varia apparet Ecclesiæ in peccatores animadversio, non solum pro variis criminibus, sed etiam ratione temporum, conditionum, ætatum, sexuum, sanitatis, aut infirmitatis, nec non & pro diversa animi compunctione, & vario ardore, aut tepore ipsorum penitentium.

Dico itaque primo, ab ipsi Ecclesiæ primordiis usque ad Montanum, longè majorem, ac leniorem fuisse Ecclesiæ clementiam circa peccatores, quàm postmodum apparuerit, ut colligere licet ex facto Apostoli, qui 1. Cor. cap. 5. enarrat crimen horrendum cujusdam Corinthii; *Audite inter vos*, inquit, *fornicatio, & talis fornicatio, qualis nec inter Gentes; itaut uxorem fratris sui aliquis habeat*. Consideremus, & pœnæ durationem, & qualitatem, Epistola 3. cap. 2. jubet S. Paulus huic penitenti Corinthios parcere: *Sufficit illi, qui ejusmodi est, oburgatio hæc, quæ fit à pluribus, itaut à contrario magis donetis, & consolemini*. Causa hujus indulgentiæ pensanda. Ne fortè abundantiori tristitia absorbeat, qui ejusmodi est. Indulgentiæ igitur, & remissionis peccatorum accelerandæ legitima causa est, vehemens animi compunctio. Unde statim adjicit, *Propter quod obsecro, ut confirmetis in eum charitatem*.

Secundò idem constat ex S. Clemente Apostolorum discipulo, qui lib. 2.

Constitut. cap. 16. Episcopum informans de disciplina servanda circa penitentem, ait: *Cum deliquisse videris, jube ejci foras, de quo ejecto doleant etiam Diaconi, qui eum observent, & extra Ecclesiam contineant, idemque in Ecclesiam ingressi pro eo te rogent; postea jubebis ingredi, & facta examinatione, an peniteat, sitque dignus, qui in Ecclesia ex toto admittatur, castiga illum jejuniis duarum, aut trium, aut quinque, aut septem hebdomadarum, ut delicti genus, & ratio poposcerit, atque ita dimitte illum ea locutus, qui enim, qui de peccato commissio animam admonendi causa increpat, docere, & monere convenit, &c.* Quibus, ut apparet, S. Clemens tempus multò brevius assignat agendæ Penitentiae, & suscipiendæ reconciliationi, quàm S. Paulus Corinthio prescripserat.

Aliud etiam ejusdem veritatis nobis suppeditat argumentum Clemens Alexandrinus apud Eusebium lib. 2. ca. 17. de quodam adolescente, quem S. Joannes Apostolus cuidam Episcopo instituendum, & educandum tradiderat. Verùm adolescens ille vir factus Præceptoris, ac Magistri conspectum fugiens, omni se vitiorum genere poluit, & per plures annos prædonum, dux extitit, donec S. Joannes ab exilio reversus eum quesivit, & inventum ad penitentiam revocavit. Quam utique diuturnam esse noluit, sed brevi transacto Penitentiali tempore, eum Ecclesiæ reconciliavit. Rem autem sic enarrat Clemens Alexandrinus; *Senem ad se adventantem complectitur, Prædo penitens, fletu, & miorere quoad poterat pro culpa satisfacit, & dextera sola occultata lacrymarum unda secundo baptizatur Apostolus rata, & constanti asservatione, ei se à Servatore veniam, & remissionem peccatorum precibus suis impetraturum pollicetur, atque ad genus accedens: ipsam manum dextram tanquam aqua Penitentiae ablutam, purgatamque osculatus, illum ad Ecclesiam*

fam reducit, & crebris precibus Deum pro illo invocat, continuis jejuniis unâ cum eo se macerat, variis divinæ Sapientiæ sententiis ejus animum, quasi quibusdam lenociniis mitigat, tranquillatque, neque prius, ut fertur, inde discessisset, quam illum Ecclesiæ restituisset.

Ex quibus evidens est, Pœnitentiam illam non diuturno, sed brevi tempore fuisse confectam, siquidem S. Joannes discesserat Epheso, tancum ut illam Ecclesiam visitaret.

Quartò, idem constat ex libro 2. Pafloris, ubi Hermes S. Pauli discipulus enarrat modum agendæ Pœnitentiæ, tempus autem, quo sit conficienda, distinctè non præscribit. Et lib. 3. colligit, pœnas æquari voluptatibus, licet in punitionem annalis voluptatis, unius diei pœna imponatur: Dulcedo, inquit, & voluptas nullam memoriam habent propter stultitiam, quæ instat illis. Cum vero uno die accesserit hominis cruciatus, ac pœna, toto anni tempore torquetur, &c.

Patet denique ex Tertull. qui licet omnem suo tempore agendæ Pœnitentiæ disciplinam discretè ac luculenter expresserit, non tamen meminit temporis præscripti, quo illa esset agenda: Quod utique non siluisset, si ut postea factum est, Satisfactiones pœnales præscriberentur ad decem, quindecim, & viginti annos. Cujus utique disciplinæ meminerunt omnes, qui post assignatum ab Ecclesiâ faciendæ Pœnitentiæ tempus, de ejusmodi disciplina scripserunt: Imò Tertullianus ibidem cap. 10. significare videtur, non esse diu pertrahendam Pœnitentiam; ait enim cap. 10. *Cum te ad fratrum genus protendis, Christum contrahas, Christum exoras, æquè illi cum super te lacrymas agunt, Christus patitur. Christus Patrem deprecatur: facili impetratur semper, quod filius postulet.* Non dixisset autem facile impetrari peccatorum veniam, si septem, aut decem anni essent infumen-

di in illa exoranda, & obtinenda.

Nec obilat, quod Canon 14. Apostolorum proroget in tres annos Pœnitentiam laici, qui seipsum mutilaverat, quia vitæ suæ fuerat insidiator.

Dico enim primò, hoc solo peccato certum Pœnitentiæ tempus fuisse præscriptum, eo quod casus ille omnino esset extraordinarius.

Dico secundò: probabile esse has voces (annos tres) additas fuisse Canonis Apostolorum: nam Canone 1. Concilii Nicœni, ubi eadem lex statuitur, nulla sit mentio ejusmodi pœna, sed tantum prohibet, ne ad Clerum promoverentur, qui ejusmodi scelus admisissent.

Si opponas Clementem Alexandrinum lib. 6. Stromatum, ubi refert S. Petrum prædicantem, hanc ex verbis Domini sententiam protulisse: *Si quis velit ex Israel duci pœnitentia, & propter nomen meum crediderit in Deum, remittuntur ei peccata post duodecim annos.* Respondebo, hæc Clementem defumplisse ex nonnullis libris apocryphis, ut & pleraque alia, quæ universæ Ecclesiæ praxi contraria sunt, maximè verò hic duodenarius agendæ Pœnitentiæ annorum numerus; siquidem constat ex alatis exemplis illo ipso Apostolorum tempore, non ita diu prorogatum fuisse Pœnitentium reconciliationem.

Ratio autem cur prioribus temporibus Ecclesiâ mitius ageret cum pœnitentibus, petenda est ex vehementia Contritionis, qua afficiebantur Ecclesiæ nascentis filii, cum in peccatum aliquod lapsi fuissent: nam id semper Ecclesiâ constituit. ac ratum habuit pro Contritionis vehementia pœnas esse minuendas: cum vero sequenti tempore, jam refrigescente charitate, minus esset intensa Contritio, hinc durius oportuit agi cum pœnitentibus, ac proinde longiori, atque graviiori Satisfactione opus erat.

Hoc maximè constat à temporibus Montani hæretici, qui cum negaret me-

chis,

chis, homicidiis, & idolatris veniam dari posse ab Ecclesia: cujus contrarium Catholici tuebantur, inde paulo severior fuit erga Pœnitentes Ecclesiæ disciplina, maximè in eos, qui mœchiæ, homicidii, & idololatricæ rei essent, ut constat ex epistola 55. S. Cypriani ad Cornelium, ubi inter varia scelera Presbyterorum, hoc enumerat quòd essent indulgentiores erga penitentes: *Et primò, inquit, statò persequentiis die, cum recentia delinquentium facinora fervent, & sacrificiis nefandis non tantum diaboli altaria, sed adhuc manus ipsæ lapsorum, atque ora fumarent, communicare cum lapsis, & Pœnitentiæ agendæ intercedere non desisterunt, &c.* Et in lib. de lapsis, in hujusmodi reos criminum sine longiori Pœnitentiâ reconciliatos invehitur, his verbis: *A diaboli aris revertentes, ad sanctorum Domini fordidis, & infestis nidore manibus accedunt: Mortiferos idolorum cibos adhuc pene ructantes, exhalantibus etiam nunc seculi suum facibus, & contagia funesta redolentibus Domini corpus invadunt.*

Hæc tamen ita non sunt accipiendæ: quasi eo tempore indiscriminatim reis concederetur Absolutio, absque prævia severa Satisfactione, & Pœnitentiâ publicâ, ut videre est apud Tertullianum, maximè libro de pudicitia; quem licet jam Montanista scripserit: nihilominus significat, quæ fuerit disciplina non solum apud Montanistas, sed, & apud Catholicos erga reos graviorum criminum, ut ad Pœnitentiam publicam admitterentur. Sic enim scribit cap. 5. *Adstitit Idololatre, adstitit homicida; in medio eorum adstitit, & mœchus. Pariter de Pœnitentiâ officio sedent in sacro, & cinere inhorrescunt, eodem statu ingemiscunt, eisdem precibus ambiunt, eisdem genibus exorant, eandem invocant matrem. Quid agit mollissima, & humanissima disciplina? Idololatrem quidem, & homicidam semel damnas, mœchum verò de mediò excipis, &c.* Planè

si ostendas de quibus patrocinii exemplorum, præceptorumque cælestium solè mœchiæ, & in ea fornicationi quoque januam Pœnitentiâ expandas. En postremis verbis declarat propter quid præcedentia dixerit, & quid in sacco, & cinere cum precibus tantopere criminum rei ambiebant, januam scilicet Pœnitentiæ ipsis aperiiri.

Eadem diligentia lapsorum causam examinabat Clerus Romanus, ut resciret, ex epistola 31. apud S. Cyprianum, ubi quid intereâ agendum esset lapsis, donec ipsis concederetur facultas agendæ publicæ Pœnitentiæ, declarat his verbis: *Pulsent sanè fores, sed non utique confringant. Adeant ad limen Ecclesiæ, sed non utique transiliant. Castrorum cælestium excubent portis, sed armati modestia, qua intelligant se de septores fuisse. Resumant precum suarum tubam, sed qua non bellicum clangant, &c.* Multum illis proficiet petitio modesta, postulatio recunda, humilitas necessaria, patientia non otiosa. Mittant Legatos pro suis doloribus lacrymas, ad vocatione fungantur ex intimo pectore, prolati gemitus, dolorem probantes commissi criminis, & pudorem. Ita monentur Pœnitentiam, & pacem petere, donec persecutiones sedata Concilii celebrandi copia fiat, quo modus Pœnitentiæ illis agendæ desinatur.

His suffragatur multis aliis locis S. Cyprianus, ut in fine libelli de lapsis, ubi Lapsos docet qua ratione ad Pœnitentiam suscipiendam sese præparare debeant: *Lamentari eum putamus ex toto corde, jejuniis, sletibus, planctibus Dominum deprecari, qui ex primo criminis die lavaera quotidie celebrat, qui pulvis assumentibus passus, & sagina largiore diftentus cruditates suas posttridie erubescat, nec cibos, & potus suos cum pauperum necessitate communicat: Qui bilatis, & letus incedit, quomodo mortem suam desest? &c.* Et paulò ante medium Tractatus, Cassi, & Emilii, qui tormentis

vexari lapsi erant, Pœnitentiæ postulationem descriperat: *Deprecabantur illi non lacrymarum miseratione, sed vulnerrum; nec sua lamentabili voce, sed laceratione corporis, & dolore. Manabat pro sictibus sanguis; & pro lacrymis cruor semiusulatis visceribus desinebat. Ideo brevissima acta Pœnitentiæ, reconciliatio illis concessa: Potest, inquit, cito proficere ad veniam causa talis, potest ejusmodi excusatio esse miserabilis.*

Verum ab exorta, & propagata Novati hæresi usque ad 7. sæculum, longè austerior, & exactior fuit circa Pœnitentes Ecclesiæ disciplina; tunc enim in quatuor gradus, classes, seu stationes distributus fuit Pœnitentiæ labor, quorum primus dicebatur *fletus*, secundus *cruditio*, tertius *substratio*, quartus verò *consentia*. Duorum primorum, seu Lamentantium locus erat extra portam oratorii seu loci, in quo orationis, ac faciendæ sacræ Synaxis causa convenire solebant fideles: sicque Pœnitentes illi debebant sub dio, & à tecto Ecclesiæ prohibiti rogabant fideles ingredientes, ut pro se orationes funderent.

Audientes stabant intra portam in loco, quem Græci *ferulam* appellabant; Zonaras verò in Can. 30. S. Basilii eos in Ecclesiæ vestibulo collocat, una cum Catechumenis, ex quo scilicet lectionem Scripturarum, & conciones ad Catechumenos factas audire poterant: at deinceps ejiciebantur à consortio Catechumenorum; nam legimus in Canone 11. S. Gregorii. *Audienti, inquit, post Scripturas, & doctrinam ejiciatur, nec precatione dignus habeatur; quia videlicet illi ad manuum impositionem, non accedebant sicut Catechumeni, qui dicebantur competentes, & exorcismis, aliisque ritibus, quos Catechumenorum Sacramenta appellat S. Augustinus, ad Baptismum præparabantur.*

In tertio gradu erant *Substrati*, sic appellati, quod auditis Scripturis, & Missa Catechumenorum ad pedes Præ-

sbyterorum se se prosternebant, ut manus impositionem acciperent: Hi nunquam stantes, sed semper ipsi etiam diebus remissionis genuflexi orabant in parte templi sinistra, nudis pedibus, crine demisso, & facie squalida, ut ex *Laodicæne Synodi can. 19. Carthag. 4. Can. 92. & S. Cesarii Arelatenfis, homil. 34.* intelligitur. Quod autem crine demisso fuisse dicuntur, id eos comam nutritivisse significat, non quidem, ut opinor, ubique, sed illis in locis, in quibus qui lugebant, capillum non tondebant: nam in Africa, & in Hispania pœnitentibus coma tondebatur, ut ex S. Augustini serm. 58. de tempore intelligitur.

Quartus gradus dicitur *Consentia*, in quo purgatis per opera laboriosa, concedebantur manus impositiones Episcopi, & Cleri, nec amplius ejiciebantur extra Ecclesiam, sed in ea stabant, concedebaturque illis Missæ Fidelium interesse, & omnibus, quæ ad sacrificium pertinent; ita tamen ut nec oblationem facere, nec Christi D. corpori communicare fas esset. Porro horum pœnitentium stationis locus erat ambonem, seu medius, inter ambonem, & fideles participantem corpori Christi.

Horum autem graduum expressa sit mentio in postremo Canone epistolæ Canonice sancti Gregorii Neocæsariensis, ubi legimus: *Fletus est extra portam oratorii, ubi peccatorem stantem oportet fideles ingredientes orare, ut pro se precantur: Auditio est intra portam in Nartheco ubi oportet cum, qui peccavit, stare usque ad Catechumenos, & illinc egredi; audienti enim, inquit, post Scripturas, & doctrinam ejiciatur, & precatione indignus censeatur: Substratio autem est, ut intra portam templi stans cum Catechumenis egrediatur: Consentia est, ut cum fidelibus consistat, & cum Catechumenis non egrediatur: postremo est participatio Sacramentorum. Hic tamen*

Canon non videtur à S. Gregorio conditus, sed ab aliis ex S. Basilii Canonibus collectus, & S. Gregorii Canonibus annexus: nam in antiquissima Canonum Græcorum collectione à Gregorio ante octingentos annos elaborata, quæ est in Bibliotheca Regia, cæteros Gregorii Canones præter istum complectitur.

In idem conspirat Harmenopolus in epitome Canonum sect. 5. tit. 3. ubi Canonem 58. S. Basilii abbrevians, sic ait: *Qui adulterium commisit, annis quindecim pœniteat, quatuor quidem annis plorans, quinque verò studeat, quatuor se subiterens, & uno consistens.* Postmodum verò omnes eos gradus sigillatim, & brevissimè explicans, ait: *Primus gradus est stantis extra ad Ecclesiam, & ingredienti orantis, ut pro se preces fundat. Secundus est stantium foris in Narthecæ. Tertius est stantium intra Ecclesiam post ambonem, & eum Catechumenis ingredientium: Quartum est eum fidelibus orantium, qui nondum tamen Sacramenti digni censentur.*

Omniū autem luculentissimè hos quatuor gradus explicat Matthæus Blastares in Nomocanone, ubi scribit: *Pœniterentes in quatuor ordines distinguuntur, Flentes, Audientes, Substratores, & Consistentes.* Flentes illi sunt, qui stant extra portam Oratorii, & ab ingredientibus, & egredientibus fidelibus, precum subsidium expostulant, & peccati condonationem. Audientes illi sunt, qui stant intra portam in loco, qui Narthex dicitur, & divinas Scripturas, communisque doctrinæ explicationem audiunt, & postea cum Catechumenis exeunt, Substrati vero sunt, qui intra Ecclesiam stant, sed post Ambonem, ipsique cum Catechumenis exeuntes, cum solempne illud. Quicumque Catechumeni, à Diacono promulgatur. Consistentes denique, qui cum fidelibus precantur, & psallunt, sed tamen Sanctorum participatione abstinere donec elapso tempore statuto divini Com-

munione perfectio eos exceperint,

Ut autem evidentius appareat, quibusnam in locis degerint pœniterentes in istis quatuor gradibus, sciendum est, veteres Græcos, & Latinos primum Ecclesiam in duas partes distinxisse, nimirum in Aulam, sive Atrium Laicorum, & Sanctuarium, in quo consistere solis Episcopis, Presbyteris, & Diaconis licebat. Postmodum verò distribuerunt in tres partes, nimirum in sacram, ubi erat Altare, & celebrabatur Lyurgia, in qua soli Episcopi, Presbyteri, & Diaconi consistebant: in templum, seu partem illam, quam Græci Naos sive templum, ad cæteros Clericos, & Monachos: Ibi sedebant, & cantabant Monachi, & præcipua Officia celebrabant. Nonnulla enim in Narthecæ peragebant. Narthex autem dicebatur, quidquid Ecclesiæ superaret ad portas usque exteriores, quas etiam complectebatur. Ideo nonnulli duplicem fecerunt partem interiorem, & anteriorem. In interiore Monachorum Idiotarum, Laicorum fidelium; & in inferiori parte usque ad Narthecem anteriorem, erat Catechumenorum, & pœnitentium substratorum locus. Ut autem Sanctuarium à templo, tabulato aliquo, aut etiam muro dividebatur, in quo erant portæ ab illis Sanctæ dictæ, ita templum à Narthecæ in quo similiter portæ erant, quas speciosas vocant, quibus templum cum Narthecæ communicebat. Eadem planè divisio in omnibus majoribus nostris Ecclesiis conspicitur, nisi quòd rarò Sanctuarium, sive pars, quæ ad Altare, & Missæ celebrationem pertinet, à Cantorum, & Canonicoꝝ choro tabulatis separatur. Hujus triplicis distinctionis occasione, quæ Antiquis non erat in usu, Græci Canonum Commentatores, Pœnitentium loca cum fidelium locis, aliquando videntur confundere, inquit Morinus lib. 6. cap. 1. num. 10.

Solus itaque primus Pœnitentiæ gradus agebatur sub dio, & ante fores Eccle-

eleſia; maximè in aliquibus Eccleſiis, ut colligitur ex S. Baſilio, ad Amphilo- chium cap. 96. ubi de voluntario ho- micida ſic loquitur: *Debet quatuor annis deſſere extra fores oratorii, & Fideles in- gredientes rogare, ut pro eo precentur.* Et can. 75. de eo qui cum propria ſorore zem habuit, ſic decernit: *Triennio de- ſſeat, ſtans præter fores domus oratoria, & rogans populum ingredientem ad ora- tionem, ut unusquiſque pro iſo miſeri- corditer ad Dominum intenſus fundat preces.*

Hinc fortè intelligitur qui ſic ſenſus Canonis 17. Concilii Ancyran, ubi ſic ſtatuitur: *Eor, qui rationis expertia animantia inierunt, & qui leproſi ſunt, vel fuerunt, juſſu S. Synodus, inter hye- mantes orare.* Nam inter hyemantes orare, ut obſervat, Albaſpinaceus in- notis ad eundem Canonem, idem eſt, ac orare, & Pœnitentiam agere inter eos, qui propter graviora peccata Pœ- nitentiæ addicti ſub dio orare teneban- tur, & idcirco dicebantur *Hyemantes*, quia ſub aperto aere omnibus tempe- ſtatibus expoſiti debebant; vel quia, ut interpretatur Martinus Bracharenſis, per hyemantes intelliguntur ſpiritibus immundis agitati, qui extra Eccleſiam degere compellebantur, ſemoti videli- cet a loco fidelium, Catechumenorum & Pœnitentium.

PETES: *Utrum quatuor illi Pœnitentiæ gradus neceſſariò eſſent decurrendi, priuſquam peccatores Abſolutionis gratiam conſequerentur?*

Reſpondeo, interdum accidiffe, ut peccatores à gradu ſilentium, ad Sub- ſtrationem abſque media Auditione pervenerint, ut colligitur ex Can. 12. Concilii Nycæni, ubi legitur: *Quicun- que metu, & lacrymis, tolerantia, & bo- nit operibus, converſionem opere, & ha- bitu oſtendunt, hi impleto auditionis tempore quod præſcriptum eſt, merito ora-*

*tionum communionem habebunt, cum eo quodd etiam liceat Episcopis humanius aliquid de eo ſtatueret. Similiter ex Con- cilio Ancyrano can. 7. Viſum eſt, cum biennio ſubſtrati fuerint, eſſe recipien- dos. Imò non ſemper Pœnitentes in- choabant Pœnitentiam à primo gradu, ſed pro variis circumſtantiis, & animi Contritione ac dolore, nunc ab audi- tione, nunc à conſiſtentia Pœnitentiæ laborem ordiebantur. Quod maximè colligitur ex S. Gregorio Neocæſarienſi cap. 12. ubi ſic habet: *Qui in campo aliquid invenerint, vel in ſuis ædibus à barbaris reſtitum, ſi accuſati quidem conſiſti fuerint, ſint ſimiliter cum iis, qui ſubſternuntur, (id eſt, conſtituantur in tertio gradu Pœnitentiæ) ſi au- tem ſeipſos denuntiaverint, & reddide- rint, etiam precibus digni habeantur, id eſt, conſtituantur in quarto gradu. Si- militer aliquando Polygami in ſecundo Pœnitentiæ gradu conſtituti, abſque tertio gradu emenſo ad quartum per- veniebant, ut ſignificat S. Baſilius Can. 4. ubi loquens de Polygamis, ait: *Opor- tet eos non omnino arce- ab Eccleſia, ſed dignari auditione duobus vel tribus an- nis, & poſtea permitti quidem conſiſtere, ſeu in fidelium eſſe congregatione, à bo- ni tamen communionem abſtinere, & ſic poſtquam aliquem Pœnitentiæ fructum oſtenderint, communionis loco reſiſtere.***

PETES 2. *Utrum liceret pluries propter iterata crimina Pœnitentiæ publica gradus decurrere, & ad Abſolutio- nem, & ſacram Communionem media Pœnitentia publica promoveri?*

Reſpondeo verifimilius eſſe, ejuſmodi Pœnitentiam publicam ſemel de gra- viſſimis criminibus actam, eis iteratis, non fuiſſe denuò ab Eccleſia præſcrip- tam. Ita maximè colligitur ex Orige- ne homil. 15. in caput 29. Levitici, ubi explicans verſum, in quo enarratur differentia redemptionis, domorum,

quæ in pagis, & quæ in urbibus, quod videlicet domus venditæ in pagis, redeunte Jubilæo possint redimi: quæ verò in urbibus, anno præterito redemptionis jus perimitur, allegoricè hæc adaptans remissioni levium, & graviorum delictorum dicit iterari posse levium delictorum redemptionem: Si nos, inquit, aliqua culpa moralis (aliàs mortalis) invenerit, quæ non crimine mortali, non in blasphemia fidelis, quæ mure Ecclesiastici, & Apostolici dogmatis cinctæ est, sed vel in sermonibus, vel in morum vicio consistat: hoc est vendidisse domum, quæ in agro est, vel in vico cui murus non est. Hæc ergo venditio, hujusmodi culpa, semper potest reparari: nec aliquando tibi interdicitur de commissis hujusmodi penitudinem gerere. In gravioribus enim criminibus semel tantum, vel raro Pœnitentiæ conceditur locus. Ista verò communia, quæ frequenter incurrimus, semper Pœnitentiam recipiunt, & sine intermissione redimuntur.

Origeni concinit S. Ambrosius lib. 2. de Pœnit. cap. 10. ubi disertè ait: *Merito reprehenduntur qui sæpius agendam Pœnitentiam putant, quia luxuriantur in Christo: nam si verè agerent Pœnitentiam, iterandas posse non putarent: quia sicut unum Baptismo, ita una Pœnitentia, quæ tamen publicè agitur, nam quotidians nos debet pœnitere peccati, sed hæc delictorum leviorum, illa graviorum.* Quibus S. Ambrosius docet axioma illud unam esse Pœnitentiam, intelligendum esse de Pœnitentia publica, quæ fit ob graviora peccata: quia semel dumtaxat concedebatur, non autem quæ levioribus peccatis indicitur, quæque quotidie fieri potest.

Idem docet Siricius, summus Pontifex cap. 4. epistolæ 1. ad Himerium Tharaconensem Episcopum, qui hanc ei quæstionem proposuerat: *De his verò*

non incongruè dilectio tua Apostolicam sedem credidit consulendam, qui aBâ Pœnitentia tanquam cancel ad suos omittitur pristinos, & ad volutabra redeuntes, & militiæ cingulum, & ludicras voluptates, & nova conjugia, & inibitos denuò appetinere concubitus. Quorum professionem incontinentiam generati post Abolitionem filii prodiderunt. Respondet Pontifex: *De quibus quia jam suffugium non habent pœnitendi, id diximus decernendum, ut sola intra Ecclesiam fidelibus oratione jungantur, sacræ mysteriorum celebritati, quantois non mereantur, interfuit: à Dominice autem mensis conspectu seergentur, ut hæc saltem distractione correpti, & ipsi in se sua errata castigent, & aliis exemplum tribuant, quatenus ab obscuro cupiditatis retrahantur.* Quibus tamen, quoniam carnali fragilitate occiderunt, viaticis nutrire cum ad Dominum caperint proficisci, per Communionis gratiam volumus subveniri. Quam formam, & circa mulieres, quæ se post Pœnitentiam talibus pollutionibus dederunt, servandam esse censemus.

His accedit S. Augustinus epist. 54. ad Macedonium, ubi clarissime humilem illam graviorum peccatorum Pœnitentiam non repeti docet: *In tantum autem hominum aliquando iniquitas progreditur, ut etiam post altam pœnitentiam, post altaris reconciliationem, vel similia, vel graviora committant, & tamen Deus facit etiam super tales oriri Solem suum, nec minus tribuit, quam tribuebat largissima munera vite, ac salutis.* Et quamvis eis in Ecclesia locus humillimæ Pœnitentiæ non concedatur, Deus tamen super eos suæ patientiæ non obliviscitur, &c. Et paulò post idem argumentum tractans, scribit, cautè, salubriterque provifum esse, ut locus illius humillimæ Pœnitentiæ semel in Ecclesia concedatur, ne medicina vilit, minus utilis esset agrotis, quæ tantò magis salubris est, quantò minus compatiibilis fuerit. Adeo

Adeo autem hæc disciplina publica erat, ut Macedonius in Africa Præses, aut Proconsul ex ea consuetudine argumentaretur adversus Episcopos Africae, qui pro quibuscumque supplicio afficiendis intercedebant: *Veementer*, inquit, *ambigo*, utrum illud à Religione descendat. Nam si à Domino peccata adeo prohibentur, ut ne penitendi quidem copia post primam Pœnitentiam tribuatur, quemadmodum nos possumus ex religione contendere, ut à nobis qualecumque illud crimen fuerit, dimittatur.

Ex his, & similibus SS. Patrum oraculis constanter docuerunt veteres Theologi, antiquitus crimina post actam publicè Pœnitentiam iterantibus, non esse per aliam publicam Pœnitentiam succursum, sed tantum per privatam, ita enim nonnullas ex his auctoritatibus interpretatur *Alensis* 4. parte qu. 14. memb. 6. art. 2. ubi respondens ad 2. ait: *Ipsa solemnitas dicit quendam confirmationem, & excellentiam propter quod repugnat, ut in quantum solemniter iteretur, quod enim solemniter fit, perpetuitatem importat: & ideo repugnat ei mutabilitas, & per consequens iterabilitas, sed non repugnat quin iterum puniatur, si reciditur: debet enim puniri tanta pœna, ut confuso solemniter Pœnitentia, in acerbitate, & magnitudine reconpensetur.* Quibus verbis aperte duo significat: Primum quod semel tantum concederetur, & præstiberetur facultas agendæ Pœnitentiæ publicæ: Secundum, quod iterata crimina, post illam peractam Pœnitentiam publicam, deberent Pœnitentia privata puniri.

§. III.

Quenam peccata Pœnitentiæ publicæ subiacebant?

Observandum in primis, SS. Patres, ac veteres Ecclesiæ Doctores peccata in tres classes distinxisse, & uni-

cuique classi ordinaria lege peculiarem assignasse castigationis, & remedii rationem, & normam: *Prima classi* erat gravissimorum criminum, quæ capitalia, & nonnunquam mortalia simpliciter dicebantur, inter quæ tria potissimum recensentur crimina, nimirum Idololatria, Meghia, & Homicidium, unà cum eorum manifestis speciebus, & ramusculis, quæ etiam interdum dicebantur Canonica, propter Censuras eis à Canonibus præscriptas. *Secunda* verò *classi* erat eorum criminum, quæ mortalia quidem censentur, sed præcedentibus erant leviora. *Tertia* denique *classi* erat peccatorum venialium, & levium, quæ quotidiana etiam sæpius à SS. Patribus appellantur, quamquam etiam inter quotidiana reverè fuerint aliqua verè mortalia, ut colligere licet ex S. Augustino in lib. 83. quæstionum, quæst. 26. ubi omnia ignorantia, & fragilitatis peccata, venialia, & quotidiana appellat: *Alia sunt*, inquit, *peccata infirmitatis, alia imperitiæ, alia malitiæ: infirmitas contraria est virtuti, imperitia contraria est sapientiæ; malitia contraria est bonitati.* Quisquis igitur novit quid sit virtus, & sapientia Dei, potest estimare, quæ sunt peccata venialia, & quisquis novit, quid sit bonitas Dei, potest estimare quibus peccatis certa pœna debeat & hic, & in futuro sæculo: quibus bene tractatis probabiliter indicare potest, quinam sunt cogendi ad Pœnitentiam luctuosum, & lamentabilem, quoniam peccata fateantur, ex quibus nulla omnino speranda sit salus, nisi sacrificium obulerint Deo spiritum contribulatum per Pœnitentiam.

Certum est autem aliqua peccata, fragilitatis, aut ignorantia per se mortalia, & peccatorem à regno Dei excludere, nisi per sacramentalem Confessionem, & Pœnitentiam expientur: Unde dicuntur venialia, non quatenus veniale peccatum distinguitur à mortali,

tali, sed quatenus facilius de eis veniam impetrabat peccator, nec ira severam pro eis Pœnitentiam agere debebat sicut pro eluendis peccatis primæ Clauis.

Primum enim peccatorum genus castigabatur Pœnitentia publica, juxta præscriptas a Canonibus pœnas. *Secundum* verò genus peccatorum curabatur antiquius eodem modo, quo nunc etiam curari solent, videlicet sacramentali Confessione, & Absolutione, ac Satisfactione privata: Quamquam interdum contingeret, quod aliqua ex ejusmodi peccatis etiam castigarentur pœna canonica, sed non humili luctuosaque Pœnitentia: *Tertium* verò peccatorum genus, quæ scilicet non erant verè mortalia, non curabantur aliquo onere præscripto ab Ecclesia, sed vel orationum recitatione, vel elemosinarum largitione, vel pectoris percussione, aut aliquo ex illis remediis, quibus jam pluries diximus peccata purè venialia expiari.

Hæc omnia luculentissimè docet sanctus Augustinus lib. de Fide, & bonis operibus cap. penult. ubi ait: *Nisi essent quædam ita gravia, ut etiam excommunicatione plendenda sint, non diceret Apostolus, Congregatis vobis, & meo spiritu tradere hujusmodi hominem Satanæ in interitum carnis, ut spiritus saluus sit in die Domini Jesu*: Unde etiam dicit: *ne lugeam multos ex iis, qui antè peccaverunt, & non egerunt Pœnitentiam super immunditiem, & fornicationem, quam gesserant*. Item, nisi essent quædam nova humilitate Pœnitentiæ sananda, quælis in Ecclesia datur eis, qui propriè pœnitentes vocantur, sed quibusdam correctionum medicamentis, non diceret ipse Dominus: *Corripe cum inter te, & ipsum solum, & si te audieris, lucratus es fratrem tuum*. Postremò, nisi essent quædam, sine quibus hæc vita non agitur, non quotidianam medelam poneret in oratione, quam docuit, ut dicamus, *Dimitte nobis, &c.*

Dico itaque, tria tantùm peccatorum mortalium genera per publicam, seu luctuosam, & humilem Pœnitentiam, fuisse emendata, nimirum *Idolatriam, Homicidium, & Mæchiam*; quod urique præ cæteris, luculenter docet S. Pacianus, ubi ex instituto in suo parænesi, cùm de luctuose Pœnitentiæ materia disputat, sic ait: *De modo criminum, edisserent, ne quis existimet omnibus peccatis summum discrimen impositum, seduloque requirens, quæ sint peccata, quæ crimina, ne quis existimet propter innumera delicta, quorum fraudibus nullis immunis est, me omne hominum genus indisereta pœnitendi lege constringere*. Docet in lege Moysæa minimi quoque peccati reos graviter punitos fuisse; Christianos verò per Christi sanguinem redemptos à servitute legis in libertatem vocatos esse, hancque libertatem sic explicat. *Hæc illa libertas, quod non omnes adstringimur quibus ceteri tenebantur, sed donata, ut ita dixerim, sylvæ debitorum, & remediorum indulgentia destinata, in pauca conclusi sumus, & necessaria*. Deinde Actor, cap. 15. ubi Christianis per decretum Concilii Hierosolymitani interdicitur idolothytis, sanguine, & fornicatione (sic enim pro suffocato legis S. Pacianus cum aliis tunc temporis Patribus) ita subjungit: *Hæc est novi Testamenti tota conclusio. Despectus in multis Spiritus sanctus hæc nobis capitalis periculi conditione legavit. Reliqua peccata meliorum operum compensatione curantur. Hæc vero tria crimina, ut Basiliscus aliquis afflatus, ut veneni calix, ut lethalis arundo metuenda sunt; non enim vitiorum animam, sed intercipere novērunt. Quare tenacitas humanitate redimetur, convitium satisfactione præsabitur, tristitia jucunditate, asperitas levitate, gravitate levitas, bonestas perverfitas, & quæcumque contrariis emendata proficiunt. Quid verò faciet contemptor Dei? Quid agat sanguinarius? Quod remedium capiet for-*

fornicator? Numquid aut placare Dominum defensor ipſius poterit, aut conſervare ſanguinem ſuum, qui ſudis alienum, aut redintegrare Dei templum, qui illud fornicando violavit? Ita ſunt cupidalia, fratres, iſta mortalia.

Ex quibus conſtat Pacianum non alia criminalia, nec capitalia, mortaliaque peccata, quàm tria illa, idololatriæ, homicidii, & adulterii agnoſcere, non quia iis ſolis charitas Dei, juſtitiaque perditur, ſed quia ea tunc ſola Pœnitentiæ publicæ pœna emendabantur, reliqui peccatores ab Eccleſia quidem abſtinebant, donec aliis remediis, Sacramentoque Pœnitentiæ purgarentur, at ſcipſos excommunicabant; non ita verò de idololatriæ, homicidii, adulterii que criminibus convicti, qui ab Eccleſia excommunicati, non niſi per publicam Satisfactionem, & Pœnitentiam reconciliati Communioni reſtituebantur.

Idque ipſum ante S. Pacianum docuit Tertullianus, qui in libro de Pudicitia, quamvis jam hæreticus, fidem tamen hac in parte meretur, quia ob ſuum nimium erga peccatores rigorem, & auſteritatem erravit, nec tam ſuum, quàm Eccleſiæ, ſuique temporis Chriſtianorum ſentum reſert; ibi autem reprehendit Zephyrinum Papam, & Catholicos, quòd erga fornicatores tunc eſſent indulgentiores, & non ſolum ad Pœnitentiam, ſed etiam ad Communionem Pœnitentia functos amitterent, liſque reſtituerent pacem plenam, quam idololatriis, & homicidis negabant. Nec enim Montaniſtas Novatianorum anteſignanos tunc Pœnitentiam ſacramentalem, aut Abſolutionem hanc, ſed ſolmodò Communionem, & pacem, quæ duo planè diverſa erant, Mèchis denegaſſe probabile eſt: Sed quidquid hac de re dicatur, perſpicuum eſt, Tertullianum non alia, quàm quæ ad illa tria capitalia crimina pertinebant, mortalia, ut loquitur, appellaviſſe.

Idque planum faciunt verba iſta, quibus conatur diluere, quòd ſibi objectum fuerat à Catholicis, æque mæchos recipiendos eſſe. ac ovem, & drachmâ, quarum illa errans, iſta latitans, ambo requiſitæ, & repertæ cum gaudio gregi, & theſauro, ſeu, ut loquitur, armario reſtitutæ dicuntur: Ita enim cap. 7. *Licet periſſe dicatur, erit & de perditionis genere retrahere, quia & ovis non moriendo, ſed errando, & drachma non intereundo, ſed latitando perierunt: Ita licet dici periſſe, quod ſalvum eſt: periit igitur, & fidelis: elapſus eſt in ſpectaculum quadrigarii ſuorioris, & gladiatorii cruoris, & ſcenicæ ſeditatis, Xiſticæ vanitatis, in luſu, in convivia ſecularis ſolemnitatis, in officium, in miniſterium alienæ idololatriæ aliquas artes adhibuit curioſitatis, in verbum ancipitiis negationis impugit, ob tale quid extra gregem datus eſt, vel & ipſe fortè ira, timore, emulatione, quod denique ſepe ſit de dignatione caſigationis abruptus, debet requiri, atque revocari. Quod poſteſt recuperari non periit, niſi foris perſeveraveris. Bene interpretaberis parabola, viventem adhuc revocans peccatorem. Mcchum verò, & fornicatorem, quis non mortuum ſtatim admiſſo pronuntiarit.*

Item præclare, & eruditè docet ſanctus Gregorius Nyſſenus tota epistoſa ad Letojum Mitilenes Episcopum, ubi Pœnitentiæ ſolis præſatis tribus criminibus impoſitæ rationem petit, non à decreto Apoſtolico, ſed à tribus præcipuis animæ humane facultatibus, ſeu affectibus, videlicet ratione, concupiſcentia, & ira. A ratione ait procedere idololatriam, & hæreſim; à concupiſcentia adulterium, & fornicationem; ab ira homicidium, & cædem, quæ tria dicit Pœnitentia publica, & humili neceſſariò debere puniri. *Hiſ itaque hoc modo diſtinctis, inquit, quæcumque quidem peccata ratione præditam animæ partem attingunt, eſſe graviora à Paſtri-*

bus judicata sunt, & majori, ac sufficientiori, & laboriosiori conversione aigna. Quomodo in Christum negavit, vel ad Judaisum, vel idolorum cultum, vel Manicheismum, vel ad ali-quod aliud impietatis genus descivisse, visus sit; qui voluntariè quidem ad id malum se contulit, deinde seipsum condemnavit, totum tempus vite sue habet Penitentiae tempus; nunquam enim, si mystica pergatur oratio, Deum una cum populo adorare dignus censetur, sed seorsum precabitur; à Sacramentorum autem Communione omnino erit alienus, &c.

Idem dicit de adulterio, & cæde seu homicidio. Quamvis autem plurima sint peccata, quæ tribus suprâ dictis ad-jungi solent, ut avaritia, quæ dicitur Idolorum servitus, & idololatriæ species: Tamen, inquit, hæc morbi species inconsiderata, & absque ulla ejus cura prætermissa est, quò fit ut hic morbus in Ecclesia redundet, & nemo in his, qui ad Clerum adducuntur, inquirat, num eorum aliqui ei genere idololatriæ polluti sint.

Idem docet de fenore, & usura, quæ nullis penis Canonicis subjecta erant, maxime quando fiebant à laicis; nam Canon. 17. Nycænus depositionem interminatur Clericis fœnerantibus; tres tamen alias peccatorum species refert, nempe furtum, sepulchrorum effossionem, & sacrilegium, quorum Peniten-tia imponi solebat. Sed iis tantum imponebatur, ut ipse docet, quatenus ad unum ex præfatis tribus capitalibus perspicuè referuntur: furtum enim di-vidit in violentum, cum latro paratus est armis, ad id quod inhiat, occupare, & prohibentem interficere: Est & clau-desinum, cum latenter rem alienam subripit, eamque tollit. Prius ideo ut homicidium puniret; posterior nulla pe-nitentia publica castigat. Sepulchrorum effossionem duplicem quoque facit: Priorem, cum tantum lapides moventur, &

in alium usum rapiuntur, sed corpus intactum relinquitur: nec soli illius turpitudine detegitur: Hoc, inquit, licet laudabile non sit, ut tamen venia dignum esset, effectus consuetudo. Posteriorem cui penitentia annexa est: sic describit: Sed carnis in terram redacta pulverem percutari, & ossa movere, spe aliquem ex defossis lucrificandi ornatum, id eodem judicio condemnatum est, quo forni-catio simplex. Penitentia hanc speciem damnarant, eò quòd sit quasi fornica-tio. Denique sacrilegium scribit pœna minùs severa, quàm adulterium, aut homicidium puniri, cujus rei causam fortè brevitatis causa, instabat enim, epistolæ finis, prætermisit.

Idem præterea probatur ex universo Canonum consensu, qui ante Grego-rium Nyssenum, & ipsius ætate conditi sunt. Nullus enim aliis peccatis, quàm tribus istis, & eorum ramis, & variis speciebus Penitentiam imponunt. Hos Canones descripsit S. Basilus in episto-lis ad Amphilochem, nullusque est qui ad hæc disertè pertineat. Nam quod de furto statuit Canone 61. de eo furto est intelligendum, quod S. Gregorius Nyssenus explicavit: Quod de perjurio cap. 64. id facit ad Religionis abnega-tionem reducitur; non secus, ac præsti-giatores, & incantantes, idque etiam ex gravitate pœnæ colligitur. Quod de-nique de sepulchrorum effossoribus de-cernit cap. 66. cum ea distinctione in-telligendum est, quam ex S. Gregorio jam enarravimus. Ita Morinus lib. 5. cap. 2.

Idem colligit Morinus ibidem n. 15. ex Concilio Eliberitano, cujus licet tot sint Canones, nusquam tamen pœni-tentiam, nisi ob hæc tria peccata indi-cunt: Can. 174. 74. 75. Delatoribus, & falsis testibus penitentiam imperant; sed delationes illæ sunt criminum, ut ipsi Patres testantur, quæ mortem ac-cusato inferunt. Idem dicendum de Can. 14. Concilii Arelatensis 1. ut ex

Pœni-

Pœnitentia imposita, quæ ad finem usque vitæ prorogatur, manifestum est. Idem velut in speculo conspiciere est ex Concilio Ancyrano, ubi tribus his criminibus non modò pœnitentia imponitur, sed nonnunquam additur. *Talis Pœnitentia ex antiqua consuetudine illi convenit.* In Concilio Neocæsariensi nulli alii crimini, quàm ex his tribus alicui infigitur. Nihil dissimile apud S. Cyprianum reperitur. De Pœnitentia agenda sæpiùs verba facit, sed semper de lapsis, hoc est, iis qui idolis sacrificaverant, aut idolothyta comederant, illi sermo est, si duo loca excipias, in quibus agit de Mœchia, sive adulterio. Nullum dubium est, quin idem de homicidio pronuntiasset, quod de Mœchia, si se occasio dedisset. *Hæc Morinus.*

Progressu tamen temporis, non solum hæc tria præfata crimina unà cum suis appendicibus per publicam Pœnitentiam sanata, & punita fuerunt, sed etiam quæcunque gravissima judicabantur, ut colligere licet ex Concilio Toletano primo cap. 2. cùm sic pœnitentem definit: *Pœnitentem dicimus de eo, qui post Baptismum, aut pro homicidio, aut pro diversis criminibus, gravissimisque peccatis, publicam pœnitentiam gerens, sub cilicio, divino fuerit reconciliatus Altari.* Ex quibus liquet, non tria tantum peccata, sed gravissima, quæque obnoxia fuisse Pœnitentia publicæ. Idem pluribi docet S. Augustinus, maximè verò serm. 41. qui de Sanctis inscribitur, ubi postquam varia recensisset gravia peccata, nempe sacrilegium, homicidium, adulterium, falsum testimonium, furtum, rapinam, superbiam, invidiam, avaritiam, jurementum, ebrietatem assiduam, & ea distinxisset à minutis peccatis, quæ facili negotio redimuntur, maximè visitatione infirmorum, eleemosynæ largitione, &c. subdit: *Pro capitalibus verò criminibus non hoc solum sufficit,*

Tom. X.

sed addendæ sunt lacrymæ, rugitus, & gemitus, continuata longo tempore ac protracta jejunia, & largius, eleemosynæ erogandæ, ultrò nos ipsos à Communione Ecclesiæ removens, in luctu, & in tristitia multo tempore permanentes, & pœnitentiam etiam publicè agentes, quia justum est, ut qui cum multorum destructione se perdidit, cum multorum edificatione se redimat.

Hinc vulgatum axioma apud SS. Patres: *Crimina, quæ leges sanguine vindicant, Pœnitentia publica in Laicis, & depositione in Clericis vindicanda sunt.* Quod utique præclare annotavit S. propter lib. 2. de Vita contemplativa cap. 7. ubi scribit: *Qui in aliquo gradu Ecclesiastico constituti aliquod occultè crimen admittunt, ipsi se vana persuasionis decipiunt, si eis videtur propterea communicare, & officium suum implere, debere, quod homines occultatione sui criminis fallunt. Exceptis enim peccatis, quæ tam parva sunt, ut caveri non possint, pro quibus expiandis quotidie, Deo clamamus, & dicimus, Dimitte nobis debita nostra, &c. Illa crimina caveantur, quæ publicata suos Authores humano faciunt damnare iudicio. Qui autem ea commiserint, & ideo prodere malant, ne sententiam justè excommunicationis excipiant, sine causa communicant. Imò verò dupliciter contra se iram divinæ indignationis exaggerant, &c.*

Cæsarius Arelatenensis Homil. 42. eadem omnibus regulam præscribit: *Nemo se circumveniat fratres: Omnis homo, qui post Baptismum mortalia crimina commiserit, hoc est homicidium, adulterium, furtum, falsum testimonium, vel reliqua crimina perpetraverit, unde per legem mundanæ mori poterat, si pœnitentiam non egerit, eleemosynam justam non fecerit, nunquam habebit vitam æternam.* Strictius videtur hoc intelligere, cùm crimina illa morte puniri per leges civiles esse asserat, non tamen negat publica Pœnitentia puniendæ ea quo-

X x x

quo-

quoque crimina, quæ gravi tantum, sed non capitali pœna plectuntur. Concilium *Toletanum* 4. cap. 46. Clericum non modò vult deponi, sed etiam ad Pœnitentiam redigi, qui crimen sanguine à legibus vindicandum commiserit. *Si quis Clericus in demolendis sepulchris fuerit deprehensus, oportet Canonibus in tali scelere proditum Clericatus ordine submovere.* & Pœnitentie tricenſio deputari. Unde S. Augustinus lib. 5. in Deuteronomium cap. 39. scribit: *Hoc nunc agit in Ecclesia excommunicatio, quod agebat tunc interfecſio.* Cum enim Ecclesiæ nunquam licuerit sanguinem fundere, sanguinis vicem subiit excommunicatio; luctuosaque Pœnitentia. Licet enim plura crimina antiquitus morte, aut gravi aliqua, & corporali pœna afficiebantur, quæ humili Pœnitentia non castigabantur, verum tamen est nullum gravi illa Pœnitentia plexum fuisse, quod lege vel Moſayca, vel Civili, non fuerit gravissima pœna vindicatum.

§. IV.

Utrum Pœnitentia publica pro peccatis dumtaxat publicis fuerit præſcripta?

Respondeo: Id videri probabilius, colligiturque ex variis Canonibus, maxime verò ex Canone 4. Concilii Neocæsariensis, ubi decernitur: *Si quis mulierem concupiscens proposuerit cum ea dormire, & ejus desiderium non pervenerit ad effectum, manifestum est, quod per gratiam fuerit liberatus.* Ubi per liberationem non intelligit exemptionem à culpa mortali, quam haud dubiè contraxit ille, qui mœchatus est in corde suo, nec consequenter etiam intelligit exemptionem à Satisfactione Sacramentali, quam utique pro admisso interno reatu luere debet: sed intelligit exemptionem à Pœnitentia publica, & Canonica, pro cujus Canonibus con-

dendis, ac consumandis Synodus illa versabatur.

Quòd autem hoc veterum Ecclesiæ Doctorem, & Patrum institutum fuerit, colligitur ex Concilio quod in villa *Inguilemheim*, sub Ludovico Pio anno 826. habitum refertur in tomo 2. Concil. Galliæ, cujus Canon apud Burchardum lib. 12. cap. 57. & Ivonem Carnot. parte decreti 13. c. 43. Aurelianensi Concilio attributus decernit juxta sanctorum Canonum sanctiones, ut si quis rapinam publicam, seu furtum fecerit, publicam agat Pœnitentiam: si verò occultè, Sacerdotum consilio pœniteat. Idem quoque Burchardus lib. 19. cap. 28. & Ivo parte decreti 170. c. 46. ajunt, secundum antiquorum Canonum institutionem, sacrarum Scripturarum autoritatem, & Ecclesiasticam consuetudinem discretionem servandam à Sacerdotibus inter Pœnitentes publicè, & abscondè. Nam qui publicè peccat, oportet, ut publicè mulſetur Pœnitentia. Qui Canon habetur in cap. 25. Concilii Cabilonensis 2. & Arelatenſis 6. cap. 26. quo decernitur, ut qui de publico crimine convicti sunt, rei publicè judicentur, & publicam Pœnitentiam agant secundum Canones, ut refertur in eodem secundo tomo Conciliorum. Galliæ: Fruſtra autem fieret mentio publicorum criminum, si pro quibuslibet peccatis mortalibus etiam occultis, eadem Pœnitentia publica inſuncta fuisset; unde hoc semper discrimen fuit inter publicè pœnitentes, & occultè, quòd illi Pœnitentia publica, isti verò non nisi secreta Satisfactione, & Pœnitentia corrigerentur, idque, ut mox dictum est, secundum antiquorum Canonum institutionem, sacrarum Scripturarum autoritatem, & Ecclesiasticam consuetudinem: quæ utique tres autoritates tantæ sunt, ut etiam unica ex illis ad hoc firmandum fuſſiceret.

Hoc ipsum confirmat Ivo variis testimoniis ex antiquis Canonibus collectis,

lectis, maxime verò in parte decreti 15. cap. 53. in quo habetur, *ut si quis incensum occultè commiserit, & Sacerdoti occultè confessionem egerit, induitur ei remedium Canonicum, quod subire debuisse, si ejus facinus publicatum fuisset.* Verum, quia læset commissum, detur ei à Sacerdote consilium, ut salutem anime sue per occultam Pœnitentiam proficiat. Hoc est, ut veraciter ex corde se graviter deliquisse: confiteatur, & per jejunia, & elemosinas, vigiliis, atque sacras orationes cum lacrymis se purgare contendat, & sic ad socium veniat pro misericordia Dei pervenire confidat. Quibus verbis Ivo, non tam propriam sententiam aperit, quam seculum Ecclesiæ antiquæ; siquidem fatetur se id dumtaxat usurpare.

His addere licet Concilium Tridentinum sess. 14. cap. 5. ubi cum dixisset, oportere à pœnitentibus omnia peccata mortalia, quorum post diligentem sui discussionem conscientiam habent, in Confessione recenseri, etiam si occultissima illa sint; & tantam adversus duo ultima Decalogi præcepta commissam, quæ nunquam gravius sauciant, & periculosa sunt iis, quæ in manifesto admittuntur; ubi manifeste loquitur de peccatis mortalibus; subjicit paulò post: *Et si Christus non vetuerit, quin aliquis in vindictam suorum scelerum, & sui humiliationem, cum ob aliorum exemplum, tam ob Ecclesiæ offensam edificationem delicta sua publice confiteri possit, non est tamen hoc præceptum divinum, nec satini consilium humana aliqua lege præciperetur, ut delicta præsertim secreta, publica essent Confessione aperienda.* Ex quibus sic argumentari licet: Publica Pœnitentia, & Confessio non fuit à Christo præcepta, nec ab Ecclesiâ consulte potuit imperari, ne vide licet pœnitens infamaretur: sed eadem oriretur infamia ex Satisfactione publica pro occultis peccatis; si quis enim subire cogeretur Pœnitentiam,

publicam de peccatis occultis, ille procul dubio alicujus mortalis peccati reus merito existimaretur, siquidem non nisi pro ejusmodi peccatis, illam imperari ab Ecclesiâ noverint: igitur qua ratione non potuit præcipi ab Ecclesiâ Confessio publica peccatorum occultorum, ita nec præcipi potuit Satisfactio, seu Pœnitentia publica pro peccatis occultis.

Confirmatur autoritate S. Augustini homil. 10. cap. 4. ubi cum distinxisset duplicem excommunicationem, quæ sit remouetur à participatione Eucharistiæ, spontaneam videlicet, & coactam, seu imperatam ab Ecclesiæ Antistitibus, dixissetque: *Implicatus ergo quis tam mortiferis vinculis peccatorum detrectat, aut differt, aut dubitat confugere ad ipsas claves Ecclesiæ, quibus solvatur in terris, ut sit solutus in cælo; & audeat sibi post hanc vitam, quia tantum Christianus dicitur, saltem aliquam polliceri: paulò post infert: Iudicet ergo seipsum homo, in istis voluntate non potest. . . & cum ipse in se protulerit severissimam medicinam, sed tamen medicinæ sententiam, veniat ad Antistites, per quos illi in Ecclesiâ claves ministrantur, & tanquam boni: jam incipiens esse filius, maternorum membrorum ordine custodito, à præpositis Sacramentorum accipiat Satisfactionis sue modum.*

Quibus verbis significat, quòd antiquam pœnitens ad Antistites, & clavium ministros accedat, jam certum constituit, & peccati conscium se Communionem indignum judicat, nec ad Ecclesiæ Ministros accedit, ut hanc Excommunicationis sententiam accipiat, sed modum quo Deo, & Ecclesiæ, si eam aliquo scandalo offenderit, satisfaciatur; subdit enim: *Ut in offerendo sacrificio cordis contribulati devotus, & supplex id tamen agat, quod non solum illi prosit ad recipendam salutem, sed etiam cæteris ad exemplum: ut si peccatum ejus non so-*

„ Iñm in gravi ejus malo, sed etiam in
 „ tanto scandalo est aliorum ; atque
 „ hoc expedire utilitati Ecclesiæ vide-
 „ tur Antifitiri, in notitia multorum,
 „ vel etiam totius plebis agere pœni-
 „ tentiam, non recuset, non resistat,
 „ non lethali, & mortifera plaga per
 „ pudorem addat timorem. Quibus ver-
 „ bis S. Augustinus satis apertè significat,
 „ solum peccata publica, esse Pœnitentia
 „ publica corrigenda ; monet enim An-
 „ tistites, ut in imponenda Pœnitentia,
 „ cum magna cautione se gerant, ut
 „ quod non grave solimmodo peccatori
 „ malum esset, sed vertere etiam in scan-
 „ dalum aliorum, de eo peccato Pœni-
 „ tentia in notitia multorum, vel etiam
 „ totius plebis pro Antistitem judicio
 „ ageretur. Quod autem de peccato pu-
 „ blico loquatur, non autem indifferenter
 „ de quolibet peccato mortali, ut vult
 „ Morinus lib. 5. cap. 9. apertè significat
 „ verba sequentia: Quid est infelicius,
 „ inquit, quid perverius, quàm de ipso
 „ vulnere, quod latere non potest, non
 „ crubescere, & de ligatura ejus eru-
 „ bere?

Idem docet S. Doctor serm. 41. de
 Sanctis, ubi explicato leviorum pecca-
 torum remedio, graviorum curationem
 sic explicat: Pro capitalibus verò crimi-
 nibus, inquit, non hoc solum sufficit, sed
 addende sunt lacrymæ, rugitus, & ge-
 mitus, continuata longo tempore, ac pro-
 tracta jejunia, & largiores elemosinæ
 erogandæ, ultrò nos ipsos a Communione
 Ecclesiæ removentes, in luctu, & in tri-
 stitia multo tempore permanentes, & Pœ-
 nitentiam etiam publicè agentes ; quia
 iustum est, ut qui cum multorum destru-
 ctione se perdideris, eum multorum edi-
 ficatione se redimat. Quibus posteriori-
 bus verbis apertè significat, cum dum-
 taxat obligari ad faciendam Pœnitentiam
 publicam, qui plures suo scandalo
 peccato offenderat, ac subinde non
 cenfet S. Augustinus Pœnitentiam pu-
 blicam esse agendam de occultis pecca-
 tis.

Quòd autem revera S. Augustinus
 censeat, publicam Pœnitentiam non esse
 agendam pro quolibet peccato mor-
 tali, sive occulto, sive publico eluendo,
 apertè constat ex epistola 34. ubi lo-
 quens de iis, qui aliena bona furati, ea
 restituere recusant, ait: *Agimus, quan-
 tum Episcopalis facultas datur, & hu-
 manum quidem nonnunquam, sed maxi-
 mè ac semper judicium divinum commi-
 nantes: nolentes autem reddere quos no-
 vimus, & malè obstitisse, & unde reddant
 habere, arguimus, increpamus, & dete-
 stamur, quosdam etiam, quosdam palam,
 sicut diverfitas personarum, diversim vi-
 detur recipere medicinam, nec in aliorum
 perniciem ad insaniam concitari. Ali-
 quando etiam, si res magis curanda non
 impedit, sancti altaris Communione pri-
 vamus.* Igitur cenfet S. Augustinus
 quodlibet peccatum mortale esse
 necessariò publicè arguendum.

Ei subscribit S. Leo epist. 12. ad Ru-
 sticum cap. 12. ubi requiritur Rustico,
 quæ Pœnitentia esset imponenda his,
 qui convivio Gentilium, & ecclis immo-
 lationibus usi sunt, ita respondet: *Qui con-
 vivio solo Gentilium, & ecclis immolati-
 onibus usi sunt, possunt jejuniis, & manibus
 impositione purgari, ut deinceps ab ido-
 latriis abstinere, Sacramentorum
 Christi possint esse participes; si autem
 idola adoraverint, aut homicidiis, vel for-
 nicationibus contaminati sunt, ad Com-
 munionem eor, nisi per Pœnitentiam pu-
 blicam non oportet admitti.* Quibus ver-
 bis, ut apparet, loquitur S. Leo de pec-
 catis mortalibus, quæ poterant fuisse
 publica, & aliquid sacrilegii habuisse;
 unde monet ea debere jejuniis, & ma-
 nus impositione purgari, quod utique
 non convenit tantum venialibus: quæ
 tamen eximit à Pœnitentia publica, ad
 quam obligat reos idololatriæ, homi-
 cidii, & mæchiæ. Itaque non cenfet,
 omnia peccata mortalia, etiam occulta,
 debere curari Pœnitentia publica.

Concinit pariter S. Casarius Arela-
 ten-

tenſis homil. 1. ubi diſtinguens peccata in delicta levia , quæ privata compunſione delenda ſunt , & in facinora , ſeu capitalia , quæ lacrymis , rugitu , & gemitu , ac longo tempore protractis jejuniis expianda ſunt , ait , pro his eluendis abſtinendum eſſe à Communione : *Not ipſoi* , inquit , *ab Eccleſiæ Communione removenſes in luſu , & triſtitia multo tempore permanentes , & Pœnitentiam etiam publicè agentem ; quia juſtum eſt , ut qui cum multorum deſtructione ſe perdidit , cum multorum ædificatione ſe redimat .* Quibus poſtremis verbis , per facinora capitalia , quæ dicit Pœnitentia publica debere expiari , haud dubiè intelligit , peccata publica , quæ cum Eccleſiæ ſcandalo facta fuerant , & cum multorum deſtructione . Non cenſet igitur , omnia omnino peccata mortalia neceſſario debere Pœnitentia publica expiari .

Eis adſtipulatur S. Eligius Homil. 13. ubi cum admonuiſſet publicè pœnitentes , *ut graviora facinora , quæ fallente diabolo commiſſerant , cum gemitu , & ſuſpiriis quandiu dicerent , ingerent :* ad peccatores de Pœnitentia non publica , ſed ejuſdem rationis cum ea , quæ modo in uſu eſt , agenda , orationem hanc in die cœnæ convertit . *Vos etiam fratres poſt exhortationem , quam hac die habuimus ad pœnitentes , mecum admonet , ut unusquiſque noſtrum recurat ad conſcientiæ ſuæ ſecrета , interroget ſemetipſum , qualiter per totum annum (maxime hiſ ſacris diebus) converſatus eſt , & ſi invenerit in corde ſuo ſpinas , & tribulos delictorum , ſtudeat , auxiliante Deo , quantocius evellere , & collendo eradicare ; hiſque eradicatori effodiat vomere ſalutari , ac ſtercora , id eſt , bona opera immittat , ut poſſe facere fructum , & ſi hodie pariter conſeſſus fuerit , ut valeat dignus intereſſe ſolemmitati præſentis diei , quæ , quia in eo Dominus cum Apoſtoliſ ſuis cœnavit , Cœna vocatur . Unde ſummo opere , ut Sacramenta corporis , &*

ſanguinis Domini dignè recipere queat , quatenus potius ſalutem , quàm damnationem acquirat . His ſubjungit : *Non ergo abhorreamus pœnitentes ipſos propter magnitudinem ſcelernm ſuorum , quia fieri poſſet , quod multi ſunt inter vos , qui peiora commiſerint .* Audis pœnitentes publicos non niſi ob graviora facinora , ſeu propter magnitudinem ſcelernm ad eum gradum detrufos eſſe ? audis fieri poſſe , ut alii , qui peiora commiſerint , quia Eccleſiæ noti non ſunt , nec de illis convicti , ab ea agenda liberi ſunt ? Audis præter illos pœnitentes eſſe alios in Eccleſiæ peccatores , qui conſcientiam ſpinis , & tribulis obſitam habent , quos evellere , & eradicare eos oporteat , ut dignè ſiant corporis Chriſti participes , hos ſi ipſo die cœnæ Domini pariter conſeſſi , & conſequenter ante Satisfactionem , quæ à Sacerdote injungitur perfectam abſoluti fuerint , dignè poſſe recipere Sacramenta corporis , & ſanguinis Domini , quæ noſtra hodierna diſciplina eſt , quem adverſarii duodecim primis ſæculis Eccleſiæ inauditam eſſe iuaniter garriunt ?

Quod autem dixerat Homil. 13. poſtmodum fuſiſſimè repetit Homil. 15. ubi pœnitentes more noſtro Pœnitentiam agentes , & à publicis pœnitentibus diſtinctos alloquens , ſic hortatur ad agenda Pœnitentiam : *Interim dum cogito , dumque in corde meo requiro , quibus verbis moneam vos fugere à ventura ira , nulla præſtantiora viſa ſunt , quàm ea , quibus Dominus in initio ſue prædicationis omnibus perſuadere contendit , dicens , Pœnitentiam agite , appropinquavit enim regnum cælorum .* Quicumque ergo veſtrum hiſ quadragenum dierum obſtroationibus Pœnitentiam , & Confeſſionis ſue debitum ſe exercuiſſe recolit , agat Domino gratias , & quidquid Dei templum in ſe violando deſtruxerit , non deſperet , ſed cito à malo iniquitatis ſue conſurgat . Non enim qui peccat , ſed qui in peccato perſeverat , odi-

bilis est. Ut ergo verbis Domini secundum Marcum utar, quibus dicit, quod vobis dico, omnibus dico, vigilate: Similiter quod dico, omnibus vobis dico, Clericis, Laicis, ac Sanctimonialibus, ut quisquis se recolis invidie, aut detractionis, odii quoque, & fornicationis, sive incestus, & perjurii, ceterorumque vitiorum contagione attatum, saltem hodie per divine salutis medicamentum, in quantum praevalet, se purificare procurret. Consecratur adversum se injustitiam suam Domino, ut remittat impietatem cordis sui, & reliquie cogitationum ejus diem festum agant Domino. Tum enim reliquie cogitationis diem festum agunt Domino, quando cuilibet peccator post prius datam Confessionem se cohibere pollicetur ab iniquitate sua, totusque prorumpit in lacrymas, & in afflictionem cordis, quoniam cor contritum, & humilitatum Deus non spernit, & ejusmodi sollicitudo exultantibus Angelis fit, Veritate attestante, quae ait: Quia gaudium est in caelo super uno peccatore eoram Angelis Dei. Quia ergo majora crimina admittentibus, majora sunt adhibenda remedia, convertam me ad vos quos Ecclesia ex more poenitentes vocat, &c. Quibus verbis S. Eligius Clericos, Laicos, & Sanctimoniales, quantumvis fornicationis, incestus, perjurii, ceterorumque vitiorum ejusmodi, non tamen publicorum, reos, nec inter publice poenitentes numerat, nec pro expiandis criminibus ad illam Poenitentiam publicam diuturnamque compellat: sed monet tantum, ut si Quadragesimae initio aut progressu Confessionis suae debitum non exolverunt, saltem eo ipso die contra Domini injustitiam suam, & peccata confiteantur, ut ab eis per Abolutionem Sacramentalem mundati diem festum agant, & sacram cum aliis comam percipiant.

Dices primo: Pro quolibet crimine olim praescripta fuit, & inuncta luctuosa Poenitentia: sed ex SS. Patribus,

quodlibet peccatum mortale crimen est: igitur pro quolibet peccato mortali, sive occulto, sive publico illa Poenitentia fuit inuncta.

Nego minorem: Constat enim ex jam dictis, non omne peccatum, quod mortale appellamus, crimen à SS. Patribus dictum fuisse, imò pleraque verè mortalia à nonnullis Patribus levia, & quotidiana appellata fuerunt, ut constat tum ex S. Augustino, tum ex S. Paciano: Ille enim lib. 84. quaestionum q. 16. omnia ignorantiae, & fragilitatis peccata venialia appellat, inter quae certum est, plurima esse mortalia: hic verò in sua Paranesi non alia crimina, nec capitalia peccata agnoscit, quàm idololatriæ, homicidii, & adulterii: constat autem plurima alia peccata esse verè mortalia, ac proinde non omnibus peccatis mortalibus inuncta fuit Poenitentia publica.

Urgebis: Canones adulterio cuiusvis sive publici, sive occulte facto injungunt eandem Poenitentiam, & Gennadius lib. de Ecclesiasticis dogmatibus cap. 53. asserit, quod si quis mortalia peccata commisit, publica Poenitentia satisfacere debeat.

Similiter Fulbertus Carnotensis serm. 2. ad populum, docet, propter quolibet peccata mortalia, peccatores ab Ecclesia separari, hoc est, excommunicari, & deputari cum veniam postulant inter publicos poenitentes: igitur quodlibet peccatum mortale subijci debet Poenitentiae publicæ.

Nego consequentiam: & ad Gennadium dico, Eum dumtaxat loqui de solis gravioribus criminibus: nam alia agnovit peccata mortalia, quæ Poenitentia privata possent expiari, ait enim ibidem: Quotidie Eucharistiae Communionem percipere, nec laudo, nec reprehendo; omnibus tamen Dominicis diebus communicandum suadeo, & hortor. Id tamen sine effectu peccandi fit, nam habentem adhuc voluntatem peccandi, gravari

magis dico Eucharistiæ perceptione, quam purificari. Et ideo quamvis quis peccato mordeatur, & peccandi non habeat de cæterò voluntatem, & communicaturus satisfaciatur lacrymis, & orationibus, confidens de Domini miseratione, qui peccata piæ Confessione donare consuevit, accedat ad Eucharistiam intrepidus, & securus. Quibus verbis generalibus per peccatum conscientiam peccatoris mordens, non aliud quam mortale intellexit, quodque non sola oratione Dominica, sed lacrymis; & oratione, ipsaque pia Confessione Sacramentali sit mundandum. Unde non quodlibet peccatum mortale intellexit, sed tantum graviora aliqua crimina, quæ subdit: Sed de illo dico quem capitalia, & mortalia peccata non gravant, nam quem mortalia crimina post Baptismum commissa premunt, hortor prius publica Pœnitentia satisfacere, & ita Sacerdotis iudicio reconciliatum Communioni sociari, si non vult ad iudicium, & condemnationem sui Eucharistiæ percipere. Quibus verbis non tam Sacramentalem, quam Canonicam reconciliationem, & Absolutionem intelligit.

Ad Fulbertum dico, eum duplicis generis peccata agnoscere, quorum alia sint mortalia, alia verò crimina, quibus omnibus Baptismi munditia polluitur, ait enim: *Si permansissemus in illa munditia, quæ nobis per Baptismum data est, verè felices essemus, sed non permansimus, cecidimus enim per nostram culpam, non solum in peccata, sed etiam in crimina, propter quæ peccatores ab Ecclesia separantur, qualia sunt homicidia, adulteria, fornicationes, sacrilegia, rapine, furta, falsa testimonio, superbia, invidia, avaritia, diutina iracundia, ebrietas assidua. Quibus verbis Fulbertus delicta, quibus Baptismi munditia polluitur triplicia agnovit: quædam enim solum sunt peccata, quibus maculatur, & perditur Baptismatis*

innocentia, alia verò sunt crimina, propter quæ peccatores ab Ecclesia excommunicantur.

Nec obstat, quòd varia peccata mortalia recenset, inde namque inferre, non licet quodlibet peccatum mortale excommunicationis pœna esse plectendum; licet enim avaritiam, invidiam, & superbiam in eo numero posuerit, non tamen licet inferre, eum omne id genus peccatorum censere excommunicatione esse plectendum: nam aliqui ex ejusmodi peccaminosis actibus veniales esse possunt, quemadmodum igitur, quantumvis ebrietas omnis plenè libera, & voluntaria mortalis est, nec tamen, nisi diutina sit, censet Fulbertus eam excommunicationis pœna esse plectendam, nec pariter iracundiam simili pœna esse afficiendam, nisi dum est assidua: ita non existimavit Fulbertus omnem avaritiam, aut invidiam, aut superbiam esse afficiendam Excommunicatione, sed tantum cum ob aliquas circumstantias, ac potissimum scandali, hac pœna in hujusmodi peccatores animadvertendum esse Ecclesiæ Prælati censuerunt: non secus ac solent aliqui Præsules sub excommunicationis pœna prohibere, ne quis choreas agat in Quadragesima, & sub interdicto; ne quis Clericus cauponas ingrediatur, ratione scilicet scandali.

Obijciat secundò SS. Patres triplicem dumtaxat Pœnitentiam agnovisse: Primam ante Baptismum, secundam venialium, tertiam reliquorum peccatorum, quam luctuosam, & publicam fuisse colligitur ex S. August. Homil. 50. & 27. & lib. de Fide, & operibus, necnon epist. 108. nam Homil. 50. cap. 9. cum dixisset S. Augustinus: Tertia actio est Pœnitentia, quæ pro illis peccatis subeunda est, quæ legis Decalogus continet, & de quibus Apostolus ait: Quoniam qui talia agunt, regnum Dei non possidebunt. Postmodum enumerat ejusmodi peccata cum Apostolo ad Ephes. 5. &

ad

ad Galat. 5. & tandem colligit : In hac ergo Pœnitentia majorem quisque in se severitatem debet exercere, ut à seipso judicatus non judicetur à Deo, sicut idem Apostolus ait, si enim nos judicaremur, à Domino non judicaremur. Ascendat itaque homo adversum se tribunal mentis sue, si timeat illud, quod oportet nos exhibere ante tribunal Christi, ut illud recipiat unusquisque quod per corpus gessit, sive bonum: sive malum: constituat se ante faciem suam, ne hoc ei postea fiat. Nam minatur hoc Deus peccatori, dicens: Arguam te, & statui te ante faciem tuam. Atque ita constituto in corde judicio, adsit accusatrix cogitatio, testis conscientia, carnis ex timor. Inde quidam sanguis animi constitit per lacrymas profluat: Postremo ab ipsa mente talis sententia proferatur, ut se indignum homo judicet participatione corporis, & sanguinis Domini: Ut qui separari à regno cœlorum timet per ultimam sententiam summi Judicis, per Ecclesiasticam disciplinam, à Sacramento ecclesiæ panis interim separetur. Versetur ante oculos imago futuri judicii: ut cum alii accedunt ad altare Dei, quod ipse non accedit, cogitet quàm sit contremiscenda illa pena, qua pereipientibus aliis vitam eternam, alii in mortem præcipitantur eternam. Ad hoc enim altare, quod nunc in Ecclesia est in terra positum terrenis oculis expositum, ad mysteriorum divinorum signacula celebranda, multi etiam scelerati possunt accedere: quoniam Deus commendat in hoc tempore patientiam suam, ut in futuro exerat severitatem suam. Ad illud autem altare, quod præcursor pro nobis introivit Iesus, quod caput Ecclesiæ præcessit, membris cæteris secutur, nullus eorum accedere poterit, de quibus, ut jam commemoravi, dixit Apostolus: Quoniam qui talia agunt, regnum Dei non possidebunt. Solus enim Sacerdos, sed planè ibi totus assidet, adjuncto scilicet corpore, cui caput est, quod jam ascendit in cœlum. Ille est cui dixit Apo-

stolus Petrus. Plebi sancta, regale Sacerdotium: Quomodo ergo in interiora cœli, & in illa invisibilia Sanctorum introire audebit, aut poterit, qui medicinam ecclesiæ discipline contemnens, noluit paulisper à visibilibus separari? Qui enim voluit humiliari, ut exaltaretur, eum exaltari nolueris, deficietur, & in cæterum se jungetur ab æternis Sanctis, quisquis hoc tempore per merita obedientiæ, & per Satisfactionem Pœnitentiæ non sibi providit locum in corpore Sacerdotis.

Distinguo antecedens : SS. Patres triplicis generis Pœnitentiam publicam agnoverunt, concedo, nempe eam, quæ fieri solebat ante Baptismum, & quæ fiebat pro gravioribus delictis post Baptismum commissis, necnon & eam, quæ fieri solebat pro levioribus, & quotidianis peccatis, quæ pariter erat publica, ut etiam ex hujus temporis usu constat : quæ enim Confessio, & Pœnitentia sit initio Missæ, & ante Eucharistiæ perceptionem, ab omnibus Catholicis pectora tundentibus, sequæ peccatores profitentibus, verè Pœnitentia publica est, per quam venialia, & quotidiana peccata diluuntur : nullam aliam præter hanc triplicem publicam agnoverunt, nego. Licet enim hujus triplicis generis Pœnitentiæ publicæ meminerint SS. Patres, nihilominus agnoverunt etiam Pœnitentiam privatam, & secretam, quæ fieri solebat, nedum ex Pœnitentium arbitrio, sed etiam ex inunctione Sacerdotum, quibus fideles sua peccata fuerant confessi, unde neganda est consequentia.

Ad S. autem Augustinum dico, eum verbis suprâ laudatis, sermone facere, non de Pœnitentia publica, & separatione à participatione Eucharistiæ, quæ fieret per Ecclesiæ Præfulum animadversionem, & sententiam in pœnitentes publicos : sed dumtaxat de ea, qua fidelis quisque se propter peccata tanto beneficio indignum judicans, pro-

propria sua, ac privata sententia sese ab Altari revocabat, ob affectum humilitatis, & devotionis. Est ergo aliqua peccatoris excommunicatio, quam Ecclesia non facit, sed ipse pœnitens: Est & altera, qua pœnitens publicè ob crimen per Ecclesiæ Prælatos excommunicatur. Utramque excommunicationem notat S. Augustinus lib. 2. de Civit. Dei cap. 9. cum ait, *Christianum ad reconciliationem currere, si fortè per Pœnitentiam, malamve conscientiam à corpore Christi separatus est*. Nisi enim crederet aliquem à corpore Christi separari, qui per illam Pœnitentiam, iudicio Ecclesiastico, & sententia Sacerdotis excommunicatus non est, utramque illam, alteram Pœnitentiæ, alteram malæ conscientiæ separationem non discerneret.

Porro quòd reverà Pœnitentia publica non pro quibuscumque mortalibus peccatis, sed dumtaxat pro gravioribus, & publicis injecta fuerit, rem tanquam certissimam, & suo tempore doctrinam receptissimam tradit Hugo Victorinus, qui sæculo duodecimo vixit; nam tract. 6. cap. 12. summæ Sentent. ait: *Solemnis Pœnitentia dicitur, quæ sit in manifesto extra Ecclesiam, scilicet quæ de gravibus peccatis tantum injungitur, & de his manifestè Ecclesiam læserunt: & olim illa Pœnitentia non iterabatur, & adhuc quidem in quibusdam Ecclesiis observatur, pro reverentia Sacramenti, nec injungitur illa solennis Pœnitentia iterum criminaliter peccanti: sed datur aliquod consilium*. Quod autem Hugo ait, illam non fuisse iteratam pro reverentia Sacramenti; non ideo exiimat eam fuisse Sacramentalem, qualiter Pœnitentia sacramentalis nunc accipitur, alioqui sacramentalis Pœnitentia tunc temporis iterata non fuisset; sed ideo Pœnitentiam illam solemnem Sacramentum appellat, quia signum erat ejectionis illius, qua Adam ex Paradiso expulsus est: quemadmo-

Tom. X.

dum ille enim ex ipso delictorum hortulo ejectus fuit, ne veleretur fructu ligni vitæ: ita pœnitens publicus ejiciebatur ab Ecclesia, ne Christi Domini corpore, & sanguine faginaretur.

Idem apertissimè docet Hincmarus Rhem. in tract. de divortio Lotharii, & Tetberge; nam inter. 7. sic loquitur. *A communione vivifica, scilicet Eucharistiæ, peccantes publicè gravibus criminibus, quæ leges condemnant publicè, medicinali ferramento Sacerdotes abscindunt, & post Satisfactionem, ut congruere viderint, salutari refectione reintegrare procurant. Quoniam Ecclesiæ medici spirituales, videlicet Domini Sacerdotes, de secretis sibi confessi peccatorum infirmitatibus medicinalia, atque salubria possunt dare consilia: iudicio autem Ecclesiastico, id est, separatione à Communione Ecclesiæ, vel à gradu, sive à consortio conjugali, neminem rationaliter possunt seccernere, nisi de criminibus, aut publicè sponte confessum, aut operè convictum. Et habet modum, & ordinem suum Confessio, vel convictio in Ecclesiasticis gradibus, quæ hic ponenda non ducitur: & habet modum, ac ordinem suum publica Confessio, vel convictio secularium hominum, quo publicè debeant judicari. Non quòd crimina gravia non solvantur etiam secreta Confessione, ac Pœnitentia, ne infirmi in Ecclesia scandalizentur, videntes eorum penas, quorum penitus ignorant causas: sed quòd plurimorum constet perpetratum notitia, fiat sana conscientia, & qui in Ecclesia peccavit, per sinceritatem illi debitam exhibere debeat Satisfactionem, & qui plures quantum ex se fuit, suo destruxit exemplo, plures sanctæ humilitatis antidoto, sicut de se Paulus dicit: Qui prius sui blasphemus, & persecutor, & consueciosus. Et videbatur, inquit, quoniam qui prius expugnabat banc fidem, idem nunc illam prædicat, & in me glorificabant Deum. Est etiam ut qui in pluribus offendit, pluribus pro co*

Y y y y

Do-

Dominum deprecantibus citius remedium consequantur. Idque probat ex Gregorii epistola 32. lib. 13. ad Felicem Siciliensem Episcopum.

Ex his, inquit Bagotius Dissert. 1. de Pœn. cap. 10.) intelligitur temporis illius usus, ac disciplina, atque imprimis ab Hincmaro agnoscitur duplex excommunicatio, altera mortalis, altera medicinalis: nec enim medicinale Sacramentum appellaret, nisi sciret aliud esse, quo membrum putre penitus abscinditur, non sanatur. *Secundò*, ait hoc pœnæ genere non animadverti, nisi in peccantes publicè gravioribus criminibus, quæ leges condemnant publicè. *Tertiò*, id ita fieri vult, ut neget quemquam rationabiliter posse secer- ni, vel de gradu dejici, seu deponi, si Clericus est, vel excommunicatione plecti, si Laicus est, nisi de criminibus, aut publicè sponte confessum, aut apertè convictum. *Quartò*, cum publica Pœnitentia criminis, publicam confessionem semper conjunctam fuisse ait, si ea Ecclesiastico judicio im- perata fuit, ita tamen ut non fuerit eadem Clericorum, & Laicorum judicii, Confessionis, convictionisque ratio. *Quintò*, hanc criminum graviorum, & publicorum Pœnitentiam publicam distinguat à secreta Confessione, & Pœnitentia, videlicet Sacramentali, quæ illa crimina gravia solvebantur, ita ut publica illa Pœnitentia non esset

instituta pro illorum solutione, seu remissione coram Deo, sed ob alia com- moda, quæ recenset. *Sextò* tandem, tres Pœnitentiæ agendæ rationes, & causas affert: Prima est, ut tollatur Ec- clesiæ scandalum, quodque plurimo- rum constat perpetratum notitia, fiat sanatum scientia: Secunda, ejusdem Ecclesiæ ædificatio, & ut quos ille pec- cator exemplo suo destruxerat, quan- tum in se fuerat, eosdem atque alios plures sanaret suæ humilitatis antido- to, aut etiam à peccato simili deterre- ret. Tertia est, ut pœnitens Ecclesiæ suffragiis citius remedium, & pœnæ, quæ exolvenda superest, remissionem acciperet. Denique Hincmarus insi- nuat, Sacerdotes de secretè sibi con- fessis peccatis salubria consilia dare posse, seu consulere, ut eorum rei spon- taneam Pœnitentiam illam agant: adeo ut probabile sit ibi eam, quam nos superius docuimus Pœnitentiam pu- blicam, alteram spontaneam, ac petenti concessam, alteram imperatam intelli- gi. Sed ut hæc probabilia sint, aut om- ninò dubia, id unum quod in quæstio- ne positum est, certum ad exploratum efficitur, neminem rationabiliter secer- ni, aut publicæ Pœnitentiæ subdi judi- cio Ecclesiastico posse, nisi peccantem publicè, & de gravibus criminibus, quæ leges publicè condemnant, aut spontè confessum publicè, aut apertè convic- tum. Ita Bagotius.



DISPUTATIO TERTIA.

De Sacramento Extrema-Unctionis.



INUM nemini videri debet, quoddam præter usurpatam à nonnullis Recentioribus tractandi methodum, qui Sacramentum *Extrema-Unctionis*

in extrema tantum vite periodo conferri solitum, omnium etiam Sacramentorum ordine postremo delineandum suscipiunt; Nos verò tertio loco explicandum aggrediamur. Nedum enim ad hujus tractationis seriem stimulat Illustriorum Theologiæ principum, maximè sententiarum Magistri, ac Subtilis Doctoris agendi ratio; sed etiam inprimis provocat Concil. Trid. sess. 14. ubi explanata Sacramenti Pœnitentiæ doctrina, statim ea tradit, ac edocet, quæ spectant ad sacram Unctionem, quæ morientes homines muniantur, & ad æternæ beatitudinis portum, viam, & accessum sibi parant. Cujus utique usurpatæ methodi præclaram hanc subjungit rationem: *Visum est sanctæ Synodo præcedenti doctrinæ de Pœnitentia adungere ea, quæ sequuntur de Sacramento Extrema-Unctionis; quod non modò Pœnitentiæ, sed & totius Christianæ vite, quæ perpetua Pœnitentia esse debet, consummativum existimatum est à Patribus.*

Quibus verbis luculenter significat, tantam esse utriusque Sacramenti opitulantis, vel peccato mortuis, vel vitæ morientibus confederationem, ut meritò sacra vitæ morientium Unctio videatur consummativum salix, ac illustre complementum salutaris Pœnitentiæ, per quam peccato mortui novam in Christo gratiam induunt.

Et sapienter quidem, nemo enim nescit Pœnitentiæ Sacramentum divini-

tus à Christo D. institutum, ut peccatorum fordes, quas in hujus mortalitatis vitæ decursu homines contrahunt, eluere possint. Verùm necessarium, erat aliud remedium, quo homini in extremis posito, nec sibi jam per proprios actus succurrere valenti, concederetur sacra medicativa virtus, quæ nedum peccatorum, ac morborum reliquias extergeret, sed & integram, ac perfectam animæ sanctitatem restauraret. Id verò præstantissimum est sacra morientium Unctionis, munus; nam ut præclare ait Trident. cap. 2. *Res & effectus hujus Sacramenti gratia est Spiritus S. cujus Unctio delicta, & quæ sint expianda, ac peccati reliquias abstergit.* Est & alia hujus sacra Unctionis cum Sacramento Pœnitentiæ collatio, quæ utriusque societatem, & nexum ostentat. Quemadmodum enim per Pœnitentiam expungitur, ac solvitur peccatorum reatus, ita per sacram Unctionem diluuntur illæ peccatorum reliquie, seu infesta eorumdem recordatio, quæ hominem in extremis positum angere solent, & cruciari; nam, ut ibidem loquitur Concil. Trid. *Unctio hæc agroti animam alleviat, & confirmat, magnam in eo divinæ misericordiæ fiduciam excitando, quia infirmus sublevatus, & morbi incommoda, ac labores levius fert.*

Non itaque ordine præpostero hujus Sacramenti explicationem elucidationi Pœnitentiæ Sacramenti adjungimus, utpote cum hæc duo fauciatæ naturæ humanæ remedia in eundem finem, ac scopum colliment; & quemadmodum Pœnitentiæ Sacramentum secunda est post naufragium tabula, qua fideles ad innocentie portum in Ecclesia militan-

te feliciter pertingunt, ita per Extremam-Unionem ad Ecclesiæ triumphantis, & æternæ felicitatis portum aspirante divinæ gratiæ aura, felici successu appellantur.

Porro cum pauca sint, quæ à Theologis de hujus Sacramenti doctrina in controversiam evocentur, idcirco præsentem disputationem tribus dumtaxat Quæstionibus absolvemus, quarum, *Prima* hujus Sacramenti existentiam; *Secunda*, illius essentiam; *Tertia*, ejusdem effectus explicabit.

QUÆSTIO PRIMA.

Utrum Extrema-Unio reverà sit Sacramentum?

Notandum primò cum Hugone à S. Victore lib. de Sacramentis part. 15. cap. 1. in Ecclesia militante triplex esse sacrum oleum, & tria Unionis genera, quibus fideles perungi solent, ac veluti consecrari: *Primum* est, quo Catechumeni, & Neophyti unguuntur in pectore, & inter scapulas, ad Sacramentum Baptismi percipiendum. *Secundum* est Chrisma, quo baptizati inunguntur ad recipiendam Spiritus S. plenitudinem in sacramento Confirmationis; unde Hugo appellat illud *oleum principalis Chrismatis*: Quia, inquit Magister sententiarum dist. 12. *ea Unio principaliter Paracletus datur*; unde & *propter abundantiam gratiæ duos liquores mixtos habet, oleum scilicet, & balsamum, oleum conscientie, & balsamum bonæ fidei*. CHRISMA verò *gratiæ, dicitur UNCTIO latine, nec tamen omne oleum ad Unionem sanctificatum Chrisma vocatur, sed illud solum quod misceatur cum balsamo capiti Regum, & Pontificum unguuntur; quo etiam baptizatos Sacerdos ungit in vertice, & Pontifex, per impositionem manus confirmandos ungit in fronte*. Tertium verò olei genus, illud est quod dicitur *oleum*

infirmorum, de quo dumtaxat hic futurus est sermo.

Fuit præterea apud Fideles iustitiae, alia celebris unctio, quæ adhiberi solebat ad curationem corporalem morborum, & dæmonum ejectionem, cujus quidem meminit Tertullianus lib. ad Scapulam cap. 4. ubi refert Proculum Christianum, qui Torpacion cognominabatur, per oleum curasse Euhodem procuratorem, necnon & Antoninum Imperatorem; Moris etiam hujus Christianorum, qui morbos oleo curabant, meminit B. Hieronymus in vita B. Hilarionis, quod agricolæ à serpentibus, & venenatis animalibus percussi, accepto oleo ab illo benedicto vulnera sua ungentes, pristinae sanitati fuerunt restituti. Idem refert Ruffinus Hist. Eccl. lib. 2. cap. 4. de Discipulis B. Antonii, & Sulpitius Severus in vita S. Martini, de muta, & paralitica oleo benedicto ab eo curatis, & Palladius de duobus Marcariis similia refert. Ut prætermittam plures alios, quorum miracula per oleum recensentur 6. Voluminibus vitarum Sanctorum Surii, quos ex indicibus licebit petere. Sic pariter S. Didacus omnes ægrotos ad se curationis causa accedentes, oleo lampadis Ecclesiæ perungebat, & sic eorum languores, & infirmitates curabat.

Notandum secundo: Extremam-Unionem, quæ infirmis periclitantibus in Ecclesia solet adhiberi, verum esse novæ legis Sacramentum, varios Hæreticos negasse: *Primò* namque illud aperte negarunt Vvaldenses, & Albigenes, necnon & cum eis Vviclefus lib. 4. trialogi cap. 25. ubi contendit hujusmodi caeremoniam non fuisse à Christo, vel ab Apostolis institutam. Ei subscribit Lutherus lib. de captivitate Babylonica, ubi sic in Catholicos Doctores loquitur: *Si unquam in Extrema-Unione, nunc præcipuè deliratum est, figmentum est, ex hac Apostoli sententia: Si quis infirmetur in vobis, &c.*

à no-

à nobis oportere hominem inungi, cum non Sacramentum, sed signum sit. Ad stipulatur Calvinus lib. 4. Institut. num. 18. & sequentibus, ubi contendit, Unionem à S Jacobo memoratam, ad solam gratiam curationum pertinuisse, quæ dumtaxat viguit tempore Apostolorum. Quæ, inquit, unctio ab Apostolis usurpabatur in infirmorum sanatione, non ut esset curationis organum, sed symbolum dumtaxat, quo imperitorum ruditas admoneretur unde tanta virtus prodiret, ne scilicet ejus laudem Apostolis tribuerent. Oleo autem significari Spiritum sanctum, ejusque dona, vulgare, ac tritum est: cæterum evanuit gratia illa curationum, quemadmodum, & reliqua miracula, quæ ad tempus voluit Dominus, ut novam Evangelii prædicationem in æternum admirabile redderet. Idem sentiunt omnes horum Hæresiarcharum Sectatores, qui duo dumtaxat cum eis Sacramenta agnoscunt, Baptismum, videlicet, & Eucharistiam, contra quorum errorem pugnandum erit in præsentiquæstione.

Notandum tertio: Quod etsi plures Theologi asseruerint Extremam-Unionem esse reverà Sacramentum, censuerunt tamen, illud non fuisse à Christo D. institutum, sed tantum ab Apostolis. Ita præ cæteris Hugo Victorinus lib. 2. de Sacramentis cap. supra laudato, necnon & Magister sententiarum in 4. dist. 32. & Seraphicus Doctor ibidem part. 1. q. 2. ubi cum improbasset sententiam eorum, qui dicunt omnia Sacramenta à Christo fuisse instituta, subdit: Et ideo probabilius alii dicunt, & Magister videtur hoc sentire, imò aperte dicit, quod Spiritus S. per Apostolos hoc Sacramentum instituit, sicut supra dictum est de Sacramento Confirmationis. Et quod potuerit esse, manifestum est, cum ipse sit Doctor

præcipuus, sicut & Christus. Et exemplo patet; quia Apostoli, de Spiritu scilicet dictante, formam Baptismi à Christo institutam, & confirmatam, ad tempus mutaverunt, quanto magis quod Christus insinnavit instituere potuerunt? Et quod ita fuerit congruum, manifestum est, si attendatur diversitas Sacramentorum. Quædam enim sunt Sacramenta communia Legi veteri, & novæ, quædam propriissima Legi novæ, quædam medio modo. Communia sunt illa, quæ sunt quodammodo ex dictamine naturæ, quod quia semper idem manet, illa Sacramenta ab initio cucurrerunt, ut matrimonium, & poenitentia, secundum quod Deus reconciliavit, & hæc quidem Dominus Jesus consummavit, & confirmavit in lege novæ, & non evacuavit. Quædam sunt propriissima Legi novæ, & hæc sunt, quæ signant gratiam in tali statu, quæ propriè competit Legi novæ: Hæc autem duo sunt, Confirmatio, & Unctio, ubi signatur gratia Spiritus S. secundum quam inungitur quis in pugilem, ut pro Christo audeat mori: & in Regem, ut in regnum cælorum possit intrare, tanquam in suum. Hoc est novæ Legis proprium, ideo in veteri Testamento, non habuerunt certam figuram hæc duo Sacramenta, quia signant Spiritus S. gratiam in aliqua abundantia, & Spiritus sanctus abundanter non fuit datus, quousque Jesus non glorificatus, sicut dicitur: ideo hæc duo Sacramenta à Christo fuerunt instituta. Quædam sunt Sacramenta media, quæ in veteri Lege non fuerunt in veritate; fuerunt tamen in figura, & significatione, sicut Baptisma, Eucharistia, & Ordo. Et quia Christus legem implevit, & figuras evacuavit, hæc tria Sacramenta per seipsum instituit: sic patet quo modo

con-

„ congruentissimè statuta, & instituta
 „ sunt Ecclesiastica Sacramenta, ut ni-
 „ hil sit gestum per oblivionem, sed
 „ secundum innumerabilem Dei di-
 „ spensationem. Duo itaque hic sunt
 „ statuenda. Primum, quòd Extrema-
 „ Unctio sit Sacramentum. Secun-
 „ dum, quòd à Christo D. fuerit in-
 „ stituta.

CONCLUSIO PRIMA.

Extrema-Unctio, quæ solet adhi-
 beri fidelibus infirmis, est verum,
 & propriè dictum novæ legis Sacramen-
 tum. Hæc est de fide declarata in Con-
 cilio Cabilonensi celebrato temporibus
 Caroli Magni sub Leone III. circa an-
 num 818. cap. 48. ubi decernitur: *Secundum B. Jacobi Apostoli documentum, cui etiam Decreta Patrum consonant, infirmi, oleo, quod ab Episcopis benedictum, à Presbyteris ungi debent.* Et allegatis S. Jacobi verbis subdit: *Non est itaque parvipendenda hujusmodi medicina, quæ animæ, corporisque medetur languoribus.* Idem statuitur in Concilio Florentino in Decreto Eugenii, ubi inter septem novæ legis Sacramenta numeratur hæc Extrema-Unctio. Idipsum pariter traditur in Concilio Moguntino celebrato anno Domini 1549. ubi c. 34. sic de Extrema-Unctione decernit: *Sacramentum Unctionem docent Pastores nostri, esse infirmorum, & eorum, qui ad vitam exitum vergunt præsidium, & per Dominum traditam esse, quam ejus jussu primi Apostoli exerceverunt. Quæ dum per orationem fidei infirmis adhibetur, per divinæ virtutis operationem contra corporis infirmitates, & terrores conscientie, alleviationem, & hilaritatem ritè summentibus præbet, leviora peccata tollit, & graviorum remaneat reliquias expurgat, juxta Apostoli testimonium, & receptam conscientis Ecclesiæ doctrinam.* His accedit Synodus Constantiensis, nam sess. 15. Martinus V. decernit, ab eo qui de hæresi suspectus est, querendum an credat, quòd Christianus con-

teinnens susceptionem Sacramentorum Confirmationis, vel Extreme-Unctionis, peccet mortaliter.

Verùm omnium luculentissimè, & apertissimè hanc veritatem tradit Concilium Tridentinum sess. 14. cap. 1. de Extrema-Unctione, ubi ait: *Instituta est autem sacra hæc Unctio infirmorum tanquam verè, & propriè Sacramentum novi Testamenti à Christo Domino nostro apud Marcum quidem insinuatam, per Jacobum autem Apostolum, ac Domini fratrem fidelibus commendatam, ac promulgatam.* Et Can. 1. *Si quis dixerit, Extremam-Unctionem non esse verè, & propriè Sacramentum à Christo D. institutum, & à B. Jacobo promulgatum, sed ritum tantum acceptum a Patribus, aut signum tantum humanum, anathematisit.*

Probatur autem Conclusio: Primò quidem: Illud est verum ac propriè dictum Sacramentum, quod est signum visibile divinitus ac permanentè institutum, cui annexa est promissio gratiæ per illud conferendæ: sed Extrema-Unctio tres illos habet characteres: igitur est verum, & propriè dictum Sacramentum: Major constat ex his, quæ diximus de Sacramentis in genere. Minor verò probatur autoritate S. Jacobi cap. 5. suæ epistolæ, ubi ait: *Infirmatur quis in vobis? inducat Presbyteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum, & alleviabit eum Dominus, & si in peccatis sit, remittentur ei.* Quibus Apostoli verbis, tres declarantur conditiones ad Sacramentum desiderandæ. Primò namque est signum externum, & sensibile, tum ratione materiæ, cum ratione formæ, cum dicitur: *Ungentes oleo in nomine Domini;* non secus ac cum de Baptismo dicitur: *baptizantes eos in nomine Domini:* ut utrobique significetur signum, certum effectum suum consequens ex virtute Dei. Secundò, apparet constitutum constans, & permanens ex his

ver-

verbis: *Infirmatur quis in vobis? quæ verba absolute, & sine ulla temporis limitatione prolata diriguntur non solum ad eos, ad quos suam epistolam, dirigebat S. Apostolus, sed etiam ad omnes omnino fideles futuros, utpote cum illa epistola sit Catholica, hoc est, universalis, & omnibus Christi fidelibus inscripta. Tertio, habetur promissio gratiæ mediante illo ritu conferendæ his verbis: Oratio fidei salvabit infirmum, & alleviabit eum Dominus, & si in peccatis sit remittentur ei, Ubi duplex declaratur effectus Sacramenti; primarius quidem remissio peccati, ac subinde gratiæ infusio: non enim remittitur peccatum de via ordinaria sine infusione gratiæ: igitur Extrema illa Uñctio habet omnes veri Sacramenti characteres.*

Reponunt heretici: Primò quidem Uñctionem, de qua loquitur S. Jacobus, fuisse tantum ad curationem corporum ordinatam per donum miraculorum, quod tunc vigeat in Ecclesia, ac subinde non fuisse verum Sacramentum. Probat antecedens: nam S. Jacobus non aliam præscribit faciendam Uñctionem, quam eam, de qua loquitur S. Marcus cap. 6. quando de Apostolis ad prædicandum missis, refert, quod ungebant oleo multos ægros, & sanabant: sed hæc Uñctio tantum erat curativa, non autem Sacramentalis: ergo non alia est Uñctio, de qua S. Jacobus loquitur.

Verum contrà, Apostolus expressè asserit, per illam Uñctionem reverà fieri remissionem peccatorum: *Si in peccatis sit, inquit, remittuntur ei;* igitur non solum loquitur de curatione corporis per donum miraculorum, sed etiam de sanatione mentis per gratiæ infusionem, & remissionem peccatorum. Ad probationem autem nego majorem; siquidem Uñctio, quam commendat S. Jacobus, longè diversa erat ab ea, cujus meminit S. Marcus ut col-

ligitur tum ex parte ministri, tum ex parte suscipientis, tum ex parte effectus. Ex parte quidem Ministri: nam Uñctio de qua loquitur S. Jacobus, fieri debet per Sacerdotes, illa verò, cujus meminit S. Marcus fiebat per Apostolos, qui nondum erant Sacerdotes, quippe cum dumtaxat initiati fuerint, & constituti Sacerdotes Evangelii in nocte cænæ pridie quam Christus pateretur. Apparet etiam distinctio inter utramque Uñctionem ex parte subjecti; siquidem Uñctio de qua loquitur S. Marcus, conferebatur indiscriminatum tam fidelibus baptizatis, quam infidelibus; imò præcipue instituta videtur propter infideles, ut nempe visis miraculis, quæ per illam Uñctionem fiebant, facilius ad fidem pellerentur; *Signa enim, inquit S. Paulus 1. Cor. 14. sunt non fidelibus, sed infidelibus.* Uñctio verò de qua loquitur S. Jacobus, non nisi fidelibus baptizatis debet adhiberi; siquidem solos fideles alloquitur Apostolus, cum ait: *Infirmatur quis in vobis? unde etiam subdit. Inducat Presbyteri Ecclesiæ, &c. Tertio* denique discrimen inter utramque Uñctionem apparet ex parte effectus; nam Uñctio illa, cujus meminit S. Marcus, tantum ordinabatur ad curationem corporum, maxime verò ad fugandos demones ab energumenis, illa verò, cujus meminit S. Jacobus, ordinatur ad sanitatem animarum.

Reponunt secundo: S. Jacobum illis verbis, *Si in peccatis fuerit, remittentur ei,* non significare quod peccatorum remissio fiat ex divina promissione effectus illius Uñctionis, sed solum quod Apostoli, sive Presbyteri utentes hac Uñctione ad curationem morborum corporalium, infirmos prius admonerent, ut pœnitentiam agerent, monerentque eos, peccata plerumque efficaciam infirmitatis, ac subinde illa esse per Pœnitentiam removenda, ut radicatus ægritudo evelleretur.

Sed

Sed contrà: Gratis concessio quòd hæc ita sint, nullum inde sui erroris patrocinium habent heretici, nec possunt exinde inferre, Extremam-Unionem non esse verum Sacramentum, quippe cùm doceant, gratiam in Baptismate, & Eucharistia non causari ex opere operato, sed tantùm per fidem, & penitentiam susipientis excitatam per vocem, & prædicationem Ministri conferentis Sacramentum. Adde quod hæc interpretatio omnino fictitia sit, utpote cùm S. Jacobus ibi nec verbum quidem faciat de illa Ministrorum admonitione, quæ fidem, & penitentiam excitare debeat in infirmo.

Probatur secundo conclusio auctoritate, & traditione veterum Patrum, qui hujusmodi sacræ Unionis meminerunt. In primis namque eam insinuare videtur S. Dionysius Arcopagita, cap. de Ecclesiastica Hierarchia circa finem ubi loquitur de unctione vivorum, quæ post Communionem fiebat, & hominem sanctificabat. Similiter Origenes homil. 2. in Leviticum colligit ex præfatis S. Jacobi verbis, Sacerdotes novæ legis habere facultatem remittendi peccata. Idipsum docet Tertullianus lib. 1. contra Marcionem ubi mentionem facit Baptismi, Extremæ-Unionis, & Eucharistiæ, cùm ait: *Christus nec aquam reprobavit, quæ suos abluit, nec oleum quo suos unxit, nec mellis, & lactis societatem, quæ suos infansat, nec panem, quo ipsum suum corpus representat.* Habetur etiam apud Burchardum lib. 18. cap. 11. Canon. Eusebii Papæ, & Martyris, quo jubetur Sacerdos circa ægrotum officio linguæ privatum, *si Penitentia ejus testes adsint, & signa, perficere ea omnia, quæ circa alios fieri solent, id est, orationes dicere, & ungere cum sancto oleo, & Eucharistiam ei donare.*

His consentit S. Chrysostomus lib. 3. de Sacerdotio ca. 6. ubi hoc Sacramentum quoad effectum comparat cum

Baptismo, dum inter alia Sacerdotum dignitatem commendans, ait: *Negne enim solum cum non regenerant, sed postmodum etiam condonandorum nobis peccatorum facultatem obtinent.* Quod utique confirmat ex prædictis Jacobi verbis. Sanctus etiam Augustinus lib. 5. de Baptismo cap. 20. quatuor agnoscit Sacramenta novæ legis, nempe Baptismum, Extremam-Unionem, Eucharistiam, & Pœnitentiam, ait enim: *Si ad hoc valet quod dictum est in Evangelio, ut per peccatorem Sacramenta non celebrentur: quomodo exauditis hominem deprecantem, vel super aquam Baptismi, vel super oleum, vel super Eucharistiam, vel super capita eorum, quibus manus imponuntur? Nimirum per reconciliationem.* Et serm. 215. de tempore ante medium, Extremæ-Unionis usum, & effectum Sacramentalem commendat, his verbis: *Quoties infirmitas aliqua supervenerit, Corpus, & sanguinem Christi ille, qui ægrotat, accipiat, & inde (seu deinde) corpusculum suum ungat, ut illud quod scriptum est impleatur in eo: Infirmatur quis ex vobis, &c.* Et expressius Author tractatus de rectitudine Catholicæ fidei, inter ejus opera tomo 9. *Qui ægrotat, in sola Dei misericordia confidat, Eucharistiam cum fide, & devotione accipiat, oleumque benedictum ab Ecclesia petat, unde corpus suum ungetur, & secundum Apostolum, oratio fidei salvabit infirmum.* Item, Innocentius primus Augustini contemporaneus, & ab eodem, nec non à Chrysostomo, & Hieronymo mirificè commendatus, interrogatus à Decentio Eugubino Episcopo, utrum Extremæ-Unionis danda esset pœnitentibus, quibus cætera Sacramenta negabantur, sic respondet in Epistola ad ipsum scripta cap. 8. *Pœnitentibus istud infundi non potest (oleum scilicet Extremæ-Unionis) quia genus est Sacramenti; Nam quibus reliqua Sacramenta negantur, quomodo unum genus putatur* pos-

posse concedi? Petrus Damianus serm. 1. in dedicatione Ecclesiæ: *Tertium*, inquit, *Sacramentum est Unctio infirmorum*. Demum S. Bernardus in vita sancti Malachie, circa finem, refert illum, in fine vite hoc Sacramentum postulasse.

His adde consensum Ecclesiæ Græcæ cum Latina, quæ Extremam-Unionem inter novæ legis Sacramenta numerant; unde Nicolaus Cabasilas in expositione Liturgiæ, c. 19. Extremam-Unionem verum esse Sacramentum agnoscit, scribit enim: Peccatorum remissionem, & ultimum olei Sacramentum perficit Sacerdos: cum oratio, quod utique Apostolicam Traditionem habere ait, idque probat ex suprâ dictis S. Jacobi verbis.

Denique hanc veritatem ratione probat Doctor dist. 33. num. 2. *Primo* quidem, quia possibile fuit Deo instituere signum efficax, quod homini in Extremis jacenti remitterentur peccata venialia: *Secundo*, quod hæc institutio fuerit congrua: *Tertio*, quod sit perfecta. Primum sic probat: Possibile est, inquit, Deum finaliter remittere venialia; ergo possibile est, ubi institui signum efficax istius remissionis. Consequentia patet, quia possibile est, hominem instituere signum efficax practicum, cujuscumque operis sui; ergo multo fortius est Deo possibile; & ita potest quodcumque signum sensibile, cujus institutio non includit contradictionem, instituere tanquam signum practicum efficax istius effectus. Hoc etiam congruum est, recessurum scilicet ab hæc vita, finaliter à venialibus absolvi, quia ista, non remissa essent impedimentum gloriæ consequendæ, & non remissa possent esse usque ad exitum, quia peccator quasi continuè peccat talibus peccatis. Hoc etiam factum est. Probatur ex illo verbo Jacobi 5. *Si in peccatis est, remittentur ei*; non intelligit de mortalibus, quia hæc

Tom. X.

, non remittuntur, nisi in Baptismo, vel Pœnitentia: ergo de venialibus.

Aliam rationem hujus institutionis profert Concilium Tridentinum initio doctrinæ de Sacramento Extreme-Unionis, quam utique repetit ex eminente periculo, ac impendente hominibus in extrema vitæ periodo constitutis: Tum ex timore divini Judicii, tum ex dæmonum temptationibus diris ac duris tunc temporis infestantium. Ait autem: *Clementissimus Redemptor noster, qui servis suis quovis tempore voluit de salutaribus remediis adversus omnia omnium hostium tela esse praespectum: quemadmodum auxilia maxima in Sacramentis altius preparavit, quibus Christiani conservare se integros, dum viverent ab omni graviore spiritus incommodo possunt: ita Extreme-Unionis Sacramento suæ vitæ tanquam firmissimo quodam presidio munivit; nam est adversarius noster occasiones per omnem vitam quærat, & captes, ut deorare animas nostras quoquo modo possit, nullum tamen tempus est, quo vehementius illa omnes perfusiæ suæ nervos intendat ad perducendos nos penitus, & à fiducia etiam (si possit) misericordiæ divinæ deturbandos, quàm cum impendere nobis exitum visæ perspicit.*

Obijciunt Hæretici: Primo quidem, ritum illum ungendi desumptum fuisse partim ab hæreticis Valentinianis, partim ab Ethaicis, ut docet S. Irenæus, lib. 1. cap. 18. igitur non videtur usurpandus à Fidelibus.

Respondeo primo negando antecedens: Valentiniani namque, ut observat S. Epiphanius hæresi 37. ungebant oleo, & aqua permixta, non quidem moribundos, sed mortuos, ut talis unctio eis pro Baptismo prodesset, ad idque adhibebant quædam verba Hebraica, & inaudita, quibus terrorem, aut stuporem audientibus ingererent. Ethnici pariter non ungebant morientes, sed jam vita functos; ac subinde sacer Ex-

Z z z

tre-

tremæ-Unctionis ritus nihil commune prorsus habet, cum illis prophanis unctionibus. Adde quod non abicienda videri debeat sacra Unctio, quia illam Ethnici usurparunt, alioquin respuendus etiam esset Baptismus, quippe cum Ethnici mortuorum corpora baptizare, sicut & ungere solerent.

Obijciunt secundò; Sacramenti virtus, & efficacitas, ut diximus, nullatenus pendet à fide Ministri; sed virtus Extremæ-Unctionis petitur ab ipsa. Ministri virtute, & fide: ait enim sanctus Jacobus: *Oratio fidei salvabit infirmum*, quibus denotat salutem, & sanitatem per hanc unctionem consequendam, oriri ab efficacia orationis, & fidei Ministri.

Nego minorem; Nec id significat Apostolus: siquidem ibi non est sermo de fide Ministri, sed Ecclesiæ, in cuius fide Sacramenta administrantur. Per orationem fidei in præcatis verbis non debet intelligi fides Ministri subjectiva, sed objectiva, quia nimirum oratio adhibita à Ministro ad hoc Sacramentum conficiendum, Verbum Dei contineri, & mysterium fidei, quod saltem objectivè debet Minister in mente præhabere, dum infirmo hoc ministrat Sacramentum, quo sensu etiam fidem habere debet in aliorum administratione, hoc est intentionem faciendi quod Ecclesia intendit.

Obijciunt tertio; Sacramenta novæ legis instituta sunt, vel ad remissionem peccati, vel ad collationem gratiæ sanctificantis: sed ad neutrum juvat Unctio. Extrema: igitur non est novæ legis Sacramentum: Major patet ex dictis de Sacramentis in communi. Minor verò probatur; Extrema-Unctio non ordinatur ad remissionem peccati originalis, quia jam supponitur remissum per Baptismum, neque actualis mortalis, quod deletur per Pœnitentiam, neque venialis, quod nedum per Pœnitentiam, sed etiam per plura

alia remedia, & media potest expiari: nec etiam ordinatur ad collationem gratiæ, quia prima gratia confertur, vel per Baptismum, vel reparatur per Pœnitentiam, secunda autem tribuitur per susceptionem Eucharistiæ, ac subinde ad id inutilis est Extrema-Unctio.

Nego minorem; Et ad ejus probationem dico, Extremam-Unctionem ordinari tum ad remissionem finalem, venialium, tum pariter ad augmentum gratiæ finalis, quem utique effectum cetera Sacramenta non præstant eodem modo, ut dicemus quest. 3.

Obijciunt denique; Sialiquid esset hujus rationis fundamentum, peteretur maximè ex epistola S. Jacobi: sed hæc autoritas nullius est momenti; quippe cum epistola illa sit dubiæ fidei, nec certò constet, eam à S. Jacobo fuisse scriptam: igitur, &c.

Nego minorem; Illam enim epistolam inter Canonicas Scripturas repouunt nedum Concilia *Laodicense*, Can. 59. *Milevitaneum*, Can. 7. *Cartaginense quartum* cui subscribit S. Augustinus Can. 47. & *Florentinum*, ac *Tridentinum*, sed etiam SS. Patres, maximè S. Athanasius in Synopsi, Hieronymus, epist. ad Paulinum, Augustinus lib. 2. de doctrina Christiana, & plures alii, quos laudat Hiquerus noster in Commentario ad distinct. 23. num. 6.

CONCLUSIO SECUNDA.

Sacramentum Extremæ-Unctionis fuit immediatè à Christo D. institutum, idque post suam Resurrectionem. Hæc Conclusio duabus partibus constat, quarum primam tradit Doctor dist. 23. num. 7. ubi ait: *Dicitur hoc Sacramentum fuisse institutum à Christo...* Jacobus autem non erat nisi promulgator, sive præco hujus Sacramenti à Christo instituti. Id ipsum apertè docet Concil. Trident. sess. 7. de Sacramentis in genere, Can. 1. ubi ait: *Si quis dixerit, Sacramenta novæ legis non fuisse omnia à Christo D. nostro instituta anathema sit.*

fit. Et scilicet. 14. Can. 1. Idem Extremæ-Unctione. Si quis dixerit Extremam-Unctionem non esse vere, & propriè Sacramentum à Christo D. nostro institutum, à B. Jacobo promulgatum ... anathema sit.

Cui utique veritati etiam ratio Theologica suffragatur, tum quia Apostolicam, & omnem creatam auctoritatem excedit facultas instituendi Sacramenti quia solius Dei est adhibere signum efficax, ad cuius positionem, & applicationem infallibiliter gratia conferatur: Tum quia cum Christus fuerit immediatus fundator Ecclesiæ, ita conveniens fuit, ut esset immediatus auctor, & institutor omnium Sacramentorum: quare sicut in potestate Petri, aut Jacobi non fuit condere novum articulum fidei, ita ad eorum potestatem non pertinet novi Sacramenti institutio, sed eorum tantum, quæ instituta sunt, dispensatio: juxta illud Apostoli 1. ad Cor. 4. *Sic nos existimet homo ut Ministros Christi, & dispensatores mysteriorum Dei.* Tum denique, quia non est potior ratio, cur Sacramentum istud non fuerit immediatè à Christo institutum, æquè ac cætera Sacramenta, maxime cum hoc ordinetur ad remissionem peccati, solius autem Dei proprium est peccata dimittere. Adde quod si Christus conferre debuisset alicui Apostolorum virtutem instituendi hoc Sacramentum, nulla apparet ratio cur eam facultatem fecisset potius Jacobo, quàm vel Petro Ecclesiæ visibili Capiti, vel toti Collegio Apostolico. Nec obstat quod solus S. Jacobus ex Apostolis de tali Sacramentali Unctione sermonem faciat; non enim de ea loquitur tanquam Institutor, & Auctor, sed dumtaxat ut illius promulgator, & præco, qui primus Sacramentum istud scripto promulgaverit, quod prius viva voce ab aliis dumtaxat fuerat promulgatum.

Quod igitur post Hugonem à S. Viatore Magister sententiarum asserit, ab Apostolis institutum esse hoc Sacra-

mentum, id non accipiendum est, inquit Estius dist. 23. §. 3. de prima illa institutione, qua lex aliqua, seu quodecunque decretum Legislatoris, seu Principis auctoritate ac potestate conditur; sed de legis, seu decreti promulgatione, non quomodocumque, sed quasi primus hominum scripto tradens, & commendans hoc Sacramentum posteritati: quo sensu dici potest aliquo modo hujus Sacramenti institutor. Sic enim legimus à Romanis Pontificibus instituta quædam fuisse, velut à Lino, ne qua mulier, nisi velato capite in Ecclesiam introiret: ab Alexandro, ut tantummodo panis, & vinum aqua mixtum in Missa offerretur: à Victore, ut sacrum Pascha die Dominico celebraretur, & ab aliis aliis, quæ tamen partim divinæ, partim Apostolicæ sunt institutionis. Sed quia ab his Pontificibus lege scripta promulgata sunt, aut cum neglecta essent, in usum revocata, ab iis instituta dicuntur. Certè non magis dici potest, Jacobum hoc Sacramentum propriè instituisse, eo quod ejus quasi legem in epistola sua scripserit, quam dicendum sit Petrum instituisse Baptismi Sacramentum, quando in prima sua concione, quasi præciens dixit ad populum, Act. 2. *Baptizetur unusquisque vestrum,* &c. Sed sicut hic nuda promulgatio fuit cum adhortatione, & commendatione Sacramenti, sic, & ibi. Ita Estius.

Probatur etiam secunda pars, nempe quod sacramentum Extremæ-Unctionis dumtaxat fuerit institutum post Christi D. Resurrectionem: Tum quia hoc Sacramentum supponit in Ministris potestatem remittendi peccata, nec-non & auctoritatem Episcopalem, per quam benedicatur oleum, ut sit materia debita, & apta hujus Sacramenti: at Christus D. potestatem plenariam ad remittenda peccata, tantum contulit Apostolis post suam Resurrectionem, cum nempe iis dixit: *Accipite Spiritum*
Z z z z z San-

Sanctum, quorum remisistis peccata, remittuntur eis. Tum, quia sacramentum Extremæ-Uñctionis est completivum, & consummativum sacramenti Pœnitentię, ejusque effectum supponit quantum ad remissionem peccati mortalis, ac subinde conveniens fuit, quod ejus institutio supponeret institutionem sacramenti Pœnitentię, quæ tantum facta est post Resurrectionem: Tum denique quia cùm hoc Sacramentum sit proxima dispositio ad gloriam consequendam, nulla appareat necessitas illud instituendi, quàm eo tempore, quo ad æternam felicitatem hominibus patere debebat aditus per triumphalem Christi Ascensionem.

Dicer: Concilium Tridentinum capite 1. de Extrema-Uñctione, dicit hoc Sacramentum fuisse insinuatum Marci 6. ubi de Discipulis à Christo ad confectionandum missis legimus, *quod ungebant oleo multos ægros, & sanabant:* sed hæc designatio fuit vera institutio; siquidem ibi designatur hujus Sacramenti materia, nempe oleum, & subjectum, nempe ægrotus, & effectus, videlicet restituta sanitas: igitur, &c.

Confirmatur autoritate Doctoris, qui in 4. dist. 2. qu. 1. nu. 5. loquens de Extrema-Uñctione, ait: Dicitur quod „ Jacobi 5. *Infirmatur quis in vobis?* „ *Et.* instituta sit, sed licet ibi promulgaverit illud Sacramentum, est melius dicere, quod fuerit institutum à „ Christo: Legimus enim Marci 6. quod „ Apostoli ungebant oleo multos infirmos, & sanabantur: constat autem, „ quod hoc non fecerunt, nisi in virtute Christi, qui instituerat illam Uñctionem virtuosam. Quibus verbis Doctor significat, hoc Sacramentum tunc temporis fuisse institutum.

Nego minorem: Uñctio enim illa, qua utebantur Apostoli Marci 6. non tantum ordinabatur ad salutem animæ, quàm ad sanitatem corporis, ac subinde non erat propriè Sacramentalis. *Insuper* sic-

bat ab Apostolis antequam essent Sacerdotes.

Denique indiscriminatim omnibus tam fidelibus, & baptizatis, quam Infidelibus, & non baptizatis conferebatur. Unde quando Concilium Tridentinum ait, hoc Sacramentum fuisse insinuatum apud Marcum, solum vult tunc illud fuisse adumbratum, & figuratum; eo videlicet modò, quo Christi D. baptizatus fuit adumbratus in Baptismo Joannis, quia hic fuit illius umbra, & figura.

Ad confirmationem dico, Doctorem eo loco dumtaxat loqui in communiore tempore Authorum sententia, qui contendebant, Extremam-Uñctionem non à S. Jacobo, sed à Christo D. fuisse institutam, ut pote cùm eam Christus D. designaverit Marci 6. sive interim eam ibi Christus instituerit, sive dumtaxat postea, de quibus ibi non agit Doctor. Quod autem hæc nostra assertio ipsius doctrinæ consonet, patet ex dist. 24. ubi num. 2. ait, *quod Sacerdoti competit duplex potestas spiritalis, scilicet consecranda Eucharistiam, & absolvendi Pœnitentem, quæ non sunt una potestas, quia una videtur prior fuisse alteracium in cæna contulit Deus primam, secundam autem non nisi post Resurrectionem Joan. 20.* Cùm igitur sentiat Doctor, Christum D. non contulisse Apostolis in nocte cænæ integrum & totale Sacerdotium, sed partiale tantum, nimirum potestatem supra suum corpus verum, & reale consecrandum, non autem potestatem supra corpus mysticum, quantum ad remittenda peccata, quam utique potestatem Apostoli dumtaxat receperunt, Joan. 20. & post Christi Resurrectionem, inde hæc consequens, eum pariter docere, quod Extrema-Uñctio dumtaxat post Resurrectionem fuerit instituta; quippe cùm illa ordinatur ad remissionem peccati.

Nec obstat, quod Evangelistæ non meminerint distinctè, & expressè illius in-

institutionis, sicut, & aliorum Sacramentorum: idcirco enim aliquorum Sacramentorum institutionem commendant, ac recensent, quoniam illa spectant vel ad salutem, vel ad salutis necessitatem, vel ad Ecclesiæ dispositionem, & statum, illiusque ab aliis distinctionem: Sacramentum autem Extremæ-Uñtionis non est ad salutem, absolute necessarium, nec ad Ecclesiæ statum, & dispositionem. Idcirco mirum videri non debet, quod expressam illius institutionis mentionem non fecerint Apostoli; iudicantur quippe ad id sufficere Traditionem, sive scriptis, seu viva voce promulgatam. Constat enim, Christum D. oretenus Ecclesiæ suæ per Apostolos præscripsisse, ut colligitur ex primo capite Actorum, ubi dicitur Christum per quadraginta dies Discipulis apparuisse, & cum eis convalescentem de regno celorum locutum fuisse, instruentem, & erudiantem eos de omnibus ad Ecclesiæ gubernationem pertinentibus. Adde quod multa etiam sunt à Christo præscripta, & ab Apostolis prædicata, quæ scripta non sunt; nam Andreas, Thomas, Bartholomæus plura prædicaverunt, & non scripserunt: Extrema autem Uñtio non tantum fuit ab Apostolis prædicata, sed etiam à Jacobo scripto consignata, & promulgata, quæ scriptio præsupponit, hanc Sacramentalem Uñtionem fuisse à Christo oretenus institutam, & ab Apostolis prædicatam.

QUAESTIO SECUNDA.

Quenam sit materia, & forma Sacramenti Extremæ-Uñtionis?

NOtandum primò, seu potius revocandum ex jam pluries dictis, duplicem esse Sacramentorum in usu rei sensibilis constitutum materiam, remotam videlicet, & proximam: Remota est id quod assumitur, ut sit si-

gnum sensibile gratiæ per Sacramentum conferendæ: sic aqua naturalis dicitur materia remota Baptismi; proxima verò est ejusdem rei applicatio, & usus: sic in Baptismo, ablutio actualis censetur materia proxima. Porro conveniunt omnes Catholici, materiam remotam Sacramenti Extremæ-Uñtionis esse oleum olivarum ab Episcopo benedictum, ita namque definit Concilium Florentinum in Decreto unionis, nec-non, & Tridentinum cap. 1. de Extrema-Uñctione, ubi ex verbis S. Jacobi colligit, quod ex Apostolica Traditione Ecclesia didicit, ac docet materiam, formam, proprium Ministrum, & effectum hujus salutaris Sacramenti: intellexit enim Ecclesia, materiam esse oleum ab Episcopo benedictum; nam Uñtio aptissima Spiritus S. gratiam, qua invisibiliter anima egrotantis inungitur repræsentat. Hoc ipsum significavit S. Jacobus, cum ait: Ungentes cum oleo; quamvis enim non exprimat speciem illius olei, attamen hoc loquendi modo intelligitur oleum commune, & usuale, quod est solum oleum olivarum, ut expressè in Decreto Eugenii declaravit Concilium Florentinum: unde Catechismus Romanus agens de Extrema-Uñctione nu. 9. dicit, oleum illud esse ignotum, non ex quovis pingui, & crassa natura, sed ex olearum bacis tantummodo expressum; Unde subdit: Aptissima autem hæc materia illud significat, quod vi Sacramenti interiori in anima efficitur: nam ut oleum ad mitigandos corporis dolores magnopere proficit; ita Sacramenti virtus animæ tristitiam, ac dolorem minuit. Oleum præter reā sanitatem restituit, hilaritatem affert, & luminis tanquam pabulum præbet: tum vero ad recreandas defatigati corporis vires maxime accommodatum est. Quæ omnia, quid in egroto divina virtute per hujus Sacramenti administrationem efficiatur, declarant. Difficultas autem est, an oleum istud debeat esse ita necessarium

ab Episcopo benedictum, ut ad id non sufficiat simplicis Sacerdotis benedictio.

Notandum secundò, omnes pariter Theologos convenire, materiam proximam Extremæ-Uñctionis, esse Uñctionem ipsam, seu applicationem ipsius olei, ut constat ex præfatis verbis Concilii Tridentini, imò etiam ex verbis S. Jacobi: *Ungentes cum oleo*. Cui pariter veritati ratio Theologica suffragatur: Sacramenti enim, quod est in usu, materia, nihil aliud est, quàm ipsemet usus, aut applicatio remotæ materiæ ad subjectum idoneum: at Extremæ-Uñctio non consistit, sicut Eucharistia, in materia permanenti, sed sicut Baptismus, & Confirmatio in usu; nullus autem potest esse alius usus in Extremæ-Uñctione præter Uñctionem, per quam oleum applicatur subjecto idoneo; ac subinde actio ipsa est materia proxima hujus Sacramenti. Porro Concilium Florentinum requirit septem hujusmodi Uñctiones: Primam in oculis propter visum: Secundam in auribus propter auditum: Tertiam in naribus propter odoratum: Quartam in ore propter gustum: Quintam in manibus propter tactum: Sextam in pedibus propter gressum: Septimam in renibus propter delectationem ibi vigentem. Quamvis autem utraque manus sit ungenda, tamen hæc duæ Uñctiones pro una accipiuntur. Et idem est de oculis, naribus, & pedibus. Queritur autem, utrum illæ septem Uñctiones sint absolutè necessariae ad integritatem, & validitatem hujus Sacramenti, utrum vero aliquæ legitimè possint etiam citra casum necessitatis omitti.

Notandum tertio, formam hujus Sacramenti variam proferri: nam communis apud Latinos concipitur in his verbis: *Per ipsam sanctam Uñctionem, & suam piissimam misericordiam, indulgeat tibi Deus, quidquid deliquisti per visum; vel per alium sensum, cui ipsa*

unctio adhibetur. Quæ utique forma, traditur in Decreto Eugenii, & ab universali Ecclesia in praxi est. Nonnullæ tamen aliæ proferuntur formæ hujus Sacramenti usitatæ ab aliquibus Ecclesiis; nam Ecclesia Mediolanensis temporibus S. Ambrosii utebatur hac forma indicativa: *Ungo te oleo sanctificato in nomine Patris, & Filii, & Spiritus sancti: ut more militis uncti preparatus ad certamen, aereas possis superare potestates*. Ita refert S. Bonaventura dist. 23. art. 1. quæst. 4. cui affinis est illa forma, quam habet liber Sacramentalis Venetorum confirmatus per Leonem decimum, ubi forma Extremæ-Uñctionis exprimitur his verbis: *Ungo te oleo sancto, ut hac unctioe protectus, fortiter stare valeas adversus aereas catervas in nomine Patris, &c.*

Similiter antiquum Rituale, quod laudat Menardus observationibus ad Gregorii Sacramentarium adjectis. *Ungo oculos tuos de oleo sanctificato, ut quidquid illicite visu deliquisti, hujus olei unctioe expietur, per Dominum nostrum Jesum Christum. Ungo aures has sacraei olei liquore, ut quidquid delectatione noxia auditu admissum est, medicina spiritalis coeuret. Ungo has nares de oleo sacraei, ut quidquid noxium contractum est odoratu superfluo, ipsa mundet medicatio. Ungo labia ista consecraei olei medicamento, ut quidquid otiosa, vel criminosa peccati locutione, divina clementia miserrante, expietur hac unctioe, &c.*

Et in Codice antiquo Halstegarii, qui vixit circa annum Domini 820. talis reperitur forma (ut habetur Herbipoli in Bibliotheca Patrum Societatis Jesu, teste Nicolao Serario:) *Ungo te de oleo sanctificato, ut more militum, & preparatus ad insulam, aereas possis superare catervas. Operare creatura olei in nomine Patris, & Filii, & Spiritus sancti; ut non lateat hic spiritus immundus, nec in membris, nec in medullis, nec in ulla*

com-

compagine membrorum hujus hominis, sed operetur in eum virtus Christi Filii Dei Altissimi, qui cum Patre, & Spiritu sancto vivit, & regnat in secula seculorum. Amen.

Tandem Arcudius lib. 5. eap. 5. hanc refert usitatem à Græcis formam: *Pater sancte, Medice animarum, & corporum, qui misisti unigenitum Filium tuum Dominum nostrum Jesum Christum, omnem morbum sanantem, & à morte liberantem, sana quoque hunc servum tuum à corporali, spiritualique infirmitate; qua continetur, & vivifica eum per gratiam Christi tui, potentia pretiosa, & vivifica crucis, precibus sanctissimæ Domine nostræ, Deiparæ Mariæ semper Virginis, patrocinii honorabilium incorporearum celestium, divinarum Virtutum, honorandi gloriosi Prophetæ Precursoris & Baptiste Joannis, Sanctorum, clarorum, ac celebratissimorum Apostolorum, sanctorum, gloriosorum, ac egregiorum virorum Martyrum, sanctorum ac Dei servorum Patrum nostrorum, sanctorum sanandi vim habentium, ac mercedem pro sanitate collatam non acceptantium, Cosmæ, & Damiani, Cyri, atque Joannis, Panteleonis, ac Hermolai, Serapionis, ac Diomedis, Photii, & Aniceti, sanctorum atque iustorum Dei genitorum Joachin, & Annæ, omniumque Sanctorum. Quoniam tu Deus nos es fons curationum, tibi que gloriam offerimus, Patri, Filio, & Spiritui sancto, nunc, & semper, & in secula seculorum. Amen.* Quæritur autem quænam illarum formarum sit præferenda.

CONCLUSIO PRIMA.

Materia legitima sacramenti Extremæ-Uñtionis est oleum olivarum ab Episcopo benedictum: non tamen ita necessario, quin ex dispensatione, Episcopi, vel summi Pontificis à simplici Sacerdote possit benedici. Hæc est communior quantum ad tres partes quarum prima, nempe quod materia hujus Sacramenti debeat esse oleum olivarum

jam constat ex primo notabili: id siquidem apparet ex constanti Ecclesiæ Traditione, ac Conciliorum definitione, colligiturque ex epistola S. Jacobi, ubi ait: *Ungentes cum oleo.* Cujus utique alia ratio non suppetit à priori, quam Christi D. voluntas, & institutio, quæ nobis per Ecclesiæ sententiam, & praxim nunquam immutatam innotelet. Colligitur verò à posteriori ex convenientia, & analogia olei cum effectu Extremæ-Uñtionis; oleum enim dolores mitigat, ægritudinem lenit, confert claritatem, robur membris conciliat, luminis est fomentum, & læticiam ac pinguedinem in Scriptura designat. Unde Theophilactus in 6. caput Marci: *Sicut oleum, liquit, & ad labores utile, & lucis fomentum, & hilaritatis est effluviolum: ita, & Dei misericordiam, & gratiam S. Spiritus, per quam à labore liberamur, & lucem, & gaudium, hilaritatemque spirituales, quam accipimus, significat.* Quæ omnia, ut supra notavimus ex Catechismo Rom. mirum in modum conveniunt Extremæ-Uñctioni.

Nec obstat, ut diximus, quod S. Jacobus, non dixerit, ungentes oleo olivarum; enim verò oleum simpliciter dictum, ex vi vocis, & in communi modo loquendi significat oleum solum, quod ex baculis olivarum exprimitur: quemadmodum cum aqua dicitur materia Baptismi, intelligitur aqua naturalis, & elementaris; & cum dicitur, panem, & vinum esse Eucharistię materiam, ex vi communis locutionis, & significationis, intelligitur panis riticeus, & vinum ex vite.

Observandum tamen, oleum purum non ita esse materiam necessariam huic Sacramento, quin si admisceretur aliquid balsami, materia illa foret invalida; dummodò per talem mixtionem, olei natura, vel ipsius usus communis non corrumpatur; sicut enim mixtio aque, vel alterius liquoris vini naturam

non corrumpentis, non impedit quin sit legitima materia calicis consecrandi, ita nec mixtio balsami alteriusve liquoris, olei naturam non destruentis materiam Extremæ-Uñctionis non destruit.

Nec his obstat, quodd glossa in Canonem 2. dist. 95. asserat chrisma sufficere ad Extremam-Uñctionem; nec quodd Innocentius primus epist. ad Decentium capite 8. significet, Extremam-Uñctionem fuisse solitam fieri Chrismate. *Respondeo* enim tam glossam, quam Innocentium nomine *Chrismatis* intelligere uñctionem, seu designare materiam proximam, non verò remotam hujus Sacramenti; chrisma enim Græcè, Latine uñctionem significat. Unde in Pontificali Romano, cum benedicitur oleum infirmorum, illud appellatur chrisma: *Vt sit*, inquit, *chrisma tuum perfectum, Domine, nobis*.

Nec his contradicit Doctor, cum ait dist. 23. num. 5. *Non oportet ibi esse aliquod confectum ex oleo, & balsamo, ut in materia Confirmationis, quia Confirmatio est ad Confessionem, & confirmationem fidei; ideo in confirmato requiritur non tantum puritas conscientie significata per oleum, sed odor bonæ samæ significatus per balsamum: sed hic qui habet exire in brevi de vita ad terminum, sufficit conscientia pura. Quibus verbis Doctor solum significat, non esse necessarium quodd admisceatur aliquid balsami, nec aliud; etiam probat congruentia, quam adducit, certum enim est Chrisma significare nitorem conscientie, atque ideo illa balsami mixtio efficacæ, & significationi hujus Sacramenti non derogat.*

Probatur secunda pars, nempe quodd oleum necessarîo debeat esse benedictum: id enim expressè decernitur in Concilii supra laudatis, necnon docetur ab Innocentio tertio epist. citata ad Decentium: quam utique praxim, venerabilis Beda in cap. 6. Marci docet

ex Traditione Apostolica derivari: *Pater*, inquit, *ab ipsis Apostolis hujus S. Ecclesiæ morem esse traditum, ut energumeni, vel alii quilibet ægroti ungantur oleo Pontificali benedictione consecrato. Cujus utique praxis hanc rationem*, subjicit Doctor, num. 5. *Consecratio autem Episcopalis est necessaria ad hoc ut sit materia apta; quia communiter in Sacramentis consistentibus in usu, solus Baptismus non requirit materiam specialiter consecratam, quia Christus tactu mundissimæ carnis suæ, quando voluit à Joanne baptizari, totam consecravit, hoc est, in usum istum dedicavit. Aliam rationem subministrat Seraphicus Doctor dist. 23. art. 2. quæst. 3. petitum ex parte finis hujus Sacramenti; quoniam hic*, inquit, *datur gratia sanans languores spirituales, & datur gratia ordinant ad sanitatem perfectam, quæ quidem est gloria; ideo debet signari per oleum, quod est curativum, ratione curationis; & per oleum consecratum ratione ordinationis ad supereminentem curationem; & per oleum simplex, non permixtum: quia ad ingressum in gloriam requiritur, & sufficiens est bona conscientia.*

Dicit: S. Jacobus solum dicit: *Vngente eum oleo*, non verò addit *oleo benedicto*: igitur oleum simplex, & naturale est essentialis, & sufficiens materia hujus Sacramenti.

Nego consequentiam: Licet enim explicite, & evidenter S. Jacobus non significaverit, oleum illud debere benedici, sufficit, quodd id colligatur ex Apostolica Traditione, ad nos per assiduum Ecclesiæ praxim derivata: neque enim materia distincta omnium Sacramentorum expressè traditur in Scriptura sacra, sed ex Apostolica Traditione, & Ecclesiæ praxi colligitur.

Urgebis: Non aliter ratiocinandum est de materia Extremæ-Uñctionis, quam aliorum Sacramentorum: sed idcirco colligimus materiam Baptismi esse aquam naturalem, etiamsi non sit be-

benedicta, quia ad Baptismum Scriptura dumtaxat significat aquam requiri, nulla facta mentione prerequisite benedictionis: igitur idem dicendum de materia hujus Sacramenti.

Nego majorem; non enim eadem est paritas olei cum aqua: *Tum quia*, ut supra dicebat Doctor, aqua naturalis specialiter dedicata fuit à Christo D. ad effectum Baptismi per contactum suæ mundissimæ carnis, dum ipse baptizatus est, secus autem est de oleo: *Tum quia* cùm Baptismus sit Sacramentum adeo necessarium, conveniens fuit, ut ejus materia communis esset, & obvia, ne videlicet propter defectum benedictionis aquæ, plurimi infantes sine Baptismo decederent, & sic damnarentur. At cùm Extrema-Uñctio non sit ad salutem simpliciter necessaria, conveniens fuit, ut ejus materia esset benedicta ad reverentiam, & decorem ipsius Sacramenti, necnon & ad aptiorem significationem.

Probatur denique tertia pars, nempe quòd per dispensationem summi Pontificis, vel Episcopi, possit interdum sufficere ad sacramentum Extremæ-Uñctionis, quòd oleum sit à simplici Sacerdote benedictum; id enim patet ex antiquissima consuetudine Ecclesiæ Græcæ, in qua simplices Sacerdotes ex commissione Episcopi oleum infirmorum benedicunt, quam utique consuetudinem Clemens VIII. approbavit, monens in instructione de ritibus Græcorum, quæ habetur tomo 3. Bullarii, non esse cogendos eorum Presbyteros, ut accipiant oleum ab Episcopo benedictum, quia ex antiquissima Orientalis Ecclesiæ consuetudine, ex commissione Episcopi possunt Presbyteri oleum infirmorum benedicere.

Quam utique consuetudinem, & approbationem refert, & expendit Arcudius lib. 5. cap. 2. circa suam: *Christus*, inquit, apud Græcos, solus Episcopus conficit, & diu asservatur:

Tom. X.

„ oleum autem infirmorum tunc tem-
„ poris benedicitur, quando æger un-
„ gendus est. Ut etiam benedicitur
„ aqua, & oleum Catechumenorum,
„ quando quis apud Græcos baptiza-
„ tur. Cur autem non asservetur, ratio
„ est, quia cùm sit commissum Presby-
„ teris, possunt illi pro necessitate,
„ quovis tempore illud consecrare, &
„ simul administrare; ut contrà, Chris-
„ ma diutius asservant, quòd careant
„ facultate illud conficiendi. Hoc au-
„ tem totum etiam indicat, & appro-
„ bat instructio illa Clementis octavi
„ ad Episcopos Latinos directæ, ubi de
„ hoc argumento titulus est. *Circa*
„ oleum sanctum Catechumenorum, &
„ infirmorum. Deinde sequitur. *Non*
„ sunt cogendi Presbyteri Græci olea
„ sancta, præter Christum, ab Episcopis
„ Latinis Diocesis accipere. Cùm
„ hujusmodi olea ab eis in ipsa oleo-
„ rum, & Sacramentorum exhibitione
„ ex veteri ritu conficiantur, seu bene-
„ dicantur: Christum autem, quod non
„ nisi ab Episcopo, etiam juxta eorum
„ ritum benedicere possit, cogantur acci-
„ pere. Sic ibi. Quamvis autem Epi-
„ scopi, approbante Romano Pontifi-
„ ce, benedictionem hujus olei Pres-
„ byteris commiserint, propterea que
„ non asservetur; ipsi tamen Græcorum
„ Pontifices, non se privarunt hac sua
„ jurisdictione, sed semel in anno mo-
„ re Latinorum feria quinta sacratio-
„ ris Hebdomadæ solemni pompa, &
„ apparatu, peracto sacro, illud consec-
„ rant. Quo deinde presentes, qui
„ divinis officiis interfunt, deliniunt.
„ Rectè ne hoc ac temerè fiat, ex sub-
„ sequentibus clarum facere conabi-
„ mur. Si prius tamen, sicut ordinis
„ ratio postulare videtur, de nume-
„ ro Ministrorum, quorum hætenus
„ mentio facta est, egerimus.

Observat ibidem Arcudius, hanc fa-
cultatem benedicendi oleum, ad Pres-
byteros Ecclesiæ Orientalis dima-

A a a a

nas-

nasse ex concessione Episcoporum . Quemadmodum enim , inquit , Episcopi qui assiduo suo munere incumbabant , multa per seipos præstabant , quæ postea Presbyteris commiserunt , vel quia ipsi aliis occupationibus , potissimum verò munere concionandi de rebus sacris imperiti erant , vel quia totam Diocesim propter amplitudinem , frequentiam item maximam populorum fidem Christi recipientium commodè lustrare non potuerant , ita etiam dicendum existimarem de benedictione hujus olei .

PETES : An ritus benedicendi oleum à Christo fuerit institutus ?

Respondeo negativè : Id enim nec ulla autoritate Scripturæ , nec Conciliorum , vel Traditione probari potest ; unde licet Christus D. ordinaverit , ut materia hujus Sacramenti benediceretur , tamen ritum , & modum benedicendi reliquit penes arbitrium Ecclesiæ , ut nempe pro libito preces ad eam benedictionem deservientes præscriberet . Unde sequitur , quòd oleum Catechumenorum sit sufficiens materia hujus Sacramenti , quippe cum non differat ab oleo infirmorum , nisi diversa benedictione , quæ non variat essentialiter materiam ; non debet tamen , nisi gravi urgente necessitate , ministrari Sacramentum Extreme-Unionis in ipso oleo pro ungendis Catechumenis destinato : Tum propter Ecclesiæ consuetudinem , quæ oleo Catechumenorum non utitur pro infirmorum unctione , sed in diversis vasis utrumque oleum pro ungendis ægrotis , & Catechumenis vult conservari ; Tum , quia materia Extreme-Unionis non est oleum , quacunque benedictione consecratum , sed oleum quod est consecratum ea benedictione , quam Ecclesia determinavit pro benedicendo infirmorum oleo , quæ omnino diversa est à benedictio-

ne , quæ chrisma , seu oleum Catechumenorum consecratur .

CONCLUSIO SECUNDA .

Materia proxima sacramenti Extreme-Unionis , citra casum , innocentiam , & necessitatis , debet esse septuplex unctio : ubi verò casus necessitatis urget , unica potest sufficere . Prima pars constat ex Concilio Florentino , quod ejusmodi septem unctiones assignat : In oculis propter visum ; in auribus propter auditum ; in navibus propter odoratum ; in ore propter gustum vel locutionem ; in manibus propter tactum ; in pedibus propter gressum ; in renibus propter delectationem ibidem vigentem . Cujus utique ordinationis hanc rationem præmiserat Seraphicus Doctor dist. 23. art. 2. q. 3. Quoniam , inquit , istud Sacramentum principaliter ordinatur ad ventium deletionem , secundum quod ex textu B. Jacobi innuitur , & venialia peccantur ab anima , secundum unionem ipsius ad carnem corruptam , & hoc est per potentias , per quas unitur corpori , ut organico : & ideo rectè in deletionem talium peccatorum debet medicamentum exterius adhiberi , secundum id , quod habet sensibile circa organa ipsarum potentiarum . Est autem triplex potentia animæ , secundum quam regitur corpus , & eruditur , & nutritur secundum quam ad exterius comparatur , scilicet sensitiva , generativa , & progressiva : & ideo organa istarum potentiarum debent ungi . Et quoniam quinque sunt organa deservientia quinque sensibus , scilicet os , oculi , nares , aures , & manus , & lumbi deserviant generativæ , pedes verò virtuti progressivæ : ideo iste septem partes inunguntur : & sic patet , quòd nec totum corpus debet inungi , nec una pari determinata .

Hunc autem ungendi ritum (inquit Catechismus Rom. num. 21) universalis Ecclesia retinet , atque etiam hujus Sacramenti naturæ optimè convenit . Ac medicamenti enim est instar . Ae-

quo-

„ quoniam in corporis morbis , quam-
 „ vis universon corpus male affectum
 „ sit , tamen illi tantum parti curatio
 „ adhibetur , à qua , tanquam à fonte ,
 „ & origine , morbus manat : idcirco
 „ non totum corpus , sed ea membra ,
 „ in quibus potissimum sentiendi vis
 „ eminet , renes etiam , veluti volupta-
 „ tis , & libidinis sedes unguntur ; tum
 „ pedes , qui nobis ingressus , & ad lo-
 „ cum movendi principium sunt .

Nihilominus omitti possunt aliquæ
 uniones , imò prætermitti debet ob
 honestatem unctio renum in feminis ,
 ut constat ex Rituali Romano appro-
 bato autoritate Pauli V. ac subinde
 septem illæ uniones non sunt absolu-
 tē necessariæ ad integritatem hujus Sa-
 cramenti .

Probatnr itaque secunda pars , nempe
 quòd urgente gravi necessitate sufficiat
 unica dumtaxat Unctio : Tum quia
 Concilium Tridentinum sess. 14. cap. 1.
 aperiens materiam , & formam hujus
 Sacramenti , nullum certum unionum
 numerum pro determinata materia
 assignat . Licet autem Florentinum se-
 ptem assignet , scilicet in quinque sen-
 sibus , & præterea in pedibus , & reni-
 bus , cum tamen constet , unionem
 renum debere interdum omitti , sicut
 etiam in aliquibus Ecclesiis omittitur
 unctio pedum , consequens est , quòd
 septuplex illa unctio non sit de neces-
 sitate Sacramenti . Tum , quia Pastorale
 Mechliniense de Sacramento Unctio-
 nis Can. 9. nec-non , & Passavienſe
 Can. 11. consulunt , quòd peste grassan-
 te , aut urgente morbo contagioso , fiat
 unctio in organo sensus magis obvio ,
 idque ex Decreto , & sententia Facul-
 tatis Lovanienſis his verbis : *In morbis*
contagiosis , & peste grassante , ut pericu-
lum vitetur , sufficit inungi sensus orga-
num magis ad unionem expositum aut
deteſtum , dicendo , Per istam sanctam
unionem , & suam piissimam misericor-
diam , indulgeat tibi Deus quidquid per

visum , auditum , odoratum , gustum , ta-
ctum , & gressum deliquisti : & tunc pre-
ces quæ præmittendæ & subiungendæ
forent , poterunt in Ecclesia coram vene-
rabili Sacramento devotè legi . Tum ,
 quia Ecclesia non improbat morem
 Græcorum , qui in conferendo Extre-
 mæ-Unionis Sacramento non obser-
 vant septuplicem illam unionem , sed
 ungunt dumtaxat caput , pectus , ma-
 nus , & pedes , ut refert Arcudius cap. 7.
 ubi ait , in hoc eos à Latinis discrepare ,
 „ quod Latini , *inquit* , in viris expref-
 „ se ungunt oculos , aures , nares , os ,
 „ & manus propter quinque sensus ,
 „ deinde renes , ubi est sedes concu-
 „ piscentiæ , ac tandem pedes ob vim
 „ progressivam , & executionem . Quod
 „ sanè libenter refero propter Græcos ,
 „ ut nunc modum ungendi diligenter
 „ ipsi considerent , si eum fortè volue-
 „ rint imitari , qui turissimus est . In fe-
 „ minis ratio honestatis id postulare
 videtur , ut renes non ungantur . Græ-
 „ corum verò Sacerdotes ungunt egri
 „ frontem , mentum , ambas genas ;
 „ itaut fieri videatur unctio in capite
 „ ad modum crucis , deinde pectus ,
 „ tum manus , idque ex utraque parte ,
 „ postremo pedes .

Nec solum id Græcis commune est ,
 sed etiam quibuscumque Ecclesiis Latinis
 familiare ; nam , ut observat Albertus
 Magnus in 4. dist. 23. art. 16. ad 2. in
 quibusdam Ecclesiis unguntur tantum
 extremitates , ut os , & nares , & oculi ;
 & aures ; alii autem præter hæc ungunt
 scapulas , & pectus , & renes . Hinc Ni-
 colaus Serarius opusc. de Extrema-
 Unctione cap. 9. affirmat in Herbipo-
 lensi Ecclesia unionem renum omitti
 ti , probatque quòd quomodocumque
 fiat , servetur integrum Sacramentum :
 Primò , quia quædam formæ , ut Am-
 broſiana , Veneta , & nonnullæ aliæ ,
 istarum partium sigillatim non memi-
 nerint . Secundò , quia si sensuum organa
 necessario inungenda essent , tanquam

Aaaaa 2

ad

ad essentiam Sacramenti spectantia, cum in essentialibus res una alterius vicem non obeat, loco linguæ, aut palati, si os, aut labia ungerentur, ut re ipsa unguuntur, ne aliter ungendo naufragam pariant, non esset Sacramentum. Vel si cuiusdam oculi effossi forent, vel aures, vel nares truncatæ, & illarum partium unctio ad essentiam Sacramenti necessaria foret, non juberent Theologi, vel ipsa abscissarum partium extrema, vel proximas partes inungendas esse, cum tamen id jubeant. *Tertio*, quia Theologi veteres etiam si doceant convenienter illas partes inungi, non tamen aliter fieri non posse contendunt, exceptis Durando, Michaeli de Calonio, & Soto. Concilium autem Florentinum enumerat quidem istas partes, sed ut jam usitatas, non simpliciter ad Sacramenti naturam spectantes, quia etiam renes annumerat, qui ex communi consensu non necessario inunguntur. Idcirco, insert Serarius, quod vel solum cor, è quo peccatorum omnium sentina, vel solum caput, in quo vitiolorum fenestra, sensus, vel quæcunque alia corporis pars inuncta, cum nomine carnis vitiolorum omnium seminarium in Scripturis significetur, satis quidem ad unctionis effectum foret. Postremò prudenter monet Serarius, non privato judicio alicujus, usitatum consuetudinem non esse permutandam, aut auferendam. Ita ex eo Arcudius cap. 9.

Confirmatur, ex proportionem Sacramenti Extreme-Unionis cum Sacramento Penitentiae, ad quod licet Confessionis integritas per se necessaria videatur, tamen quando timendum occurrit imminens mortis periculum, vel ubi accidit impotentia loquendi, conferri potest Sacramentalis Absolutio absque hujusmodi prævia integra Confessione, dummodò Penitens certa proferat signa, quibus designet se Absolutionem requirere; imò dum aliqui

fide digni testantur, ægrum, Confessarium exoptasse: ergo pariter congruum fuit, ut Sacramentum Extreme-Unionis ita institueretur, ut in casu necessitatis una dumtaxat unctio sufficeret ad gratiam Sacramentalem conferendam; quamvis fortè citra hunc necessitatis casum non esset sufficiens. *Observandum* est autem quòd in eo casu debeat fieri mentio quinque sensuum in verbis formæ, nam si fieret mentio tantum de uno sensu, v.g. visu, forma non significaret sufficientem effectum, ad quem conferendum hoc Sacramentum est institutum, qui est gratia, qua remittuntur peccata quinque sensuum, vel illis mediantibus peccata. Si tamen in forma nullus exprimeretur sensus expressè, ut fiebat in forma Ambrosiana, & Veneta superius relatis, satis probabile est, quòd adhuc sufficeret, quia adhuc per verba in eis contenta totus Sacramenti effectus sufficienter significatur, scilicet, remissio peccatorum per sensus commissorum.

CONCLUSIO TERTIA.

Forma legitima Sacramenti Unionis est ea qua utitur Ecclesia Latina, nempe: *Per istam sanctam unctionem, &c. quæ reverà deprecativa est; non tamen ita necessariò, quin valde conferretur Sacramentum sub forma indicativa.* Prima pars hujus conclusionis patet ex dictis, siquidem ejusmodi formam approbant Concilia Florentinum, & Tridentinum cap. 1. de Extreme-Unionem, illamque continent antiquissima Ritualia, ex quibus apparet, Ecclesiam Latinam eam formam continuam Traditione usurpasse.

Non abnuo tamen, quin Græcorum forma sit pariter legitima, quippe cum Ecclesia Latina, (quæ in ministratore Sacramentorum errare non potest) illam non improbet, sed approbet; & aliunde vix à præfata Ecclesiæ Latine forma discrepet, cum pariter exprima-

tur per modum deprecationis aut orationis.

Nec obstat, quòd ejusmodi forma sub conceptis illis verbis non habeatur in Scriptura sacra: sufficit enim, quòd inferatur ex illis S. Jacobi verbis, *Inducat Presbyteros Ecclesiæ, qui orent super eum, ungentes, &c.* Sic enim significat formam hujus Sacramenti debere illius effectum significare per modum deprecationis, & orationis, qualis est utraque forma Ecclesiæ Græcæ, & Latine.

Cur autem hoc Sacramentum præ cæteris deprecatoria formam obtineat, triplex proferri potest congruentia, quas Seraphicus Doctor repetit ex triplici capite, nempe suscipientis, modi curandi, & morbi: *Prima*, inquit, est ex parte suscipientis, qui propter infirmitatem est destitutus, ideo oratione est relevandus. *Secunda* est ex parte modi curandi, qui est per devotionem, & elevationem animæ ad spiritualia: & quia quod super omnia excitat animam, ad hoc est oratio, ideo, &c. *Tertia* ratio est ex parte morbi, quoniam hic fit remissio peccati interveniente ministerio Sacerdotis: & quoniam in remissione culpæ, Sacerdos non se habet, nisi per modum deprecantis, unde, & in Absolutione sua utitur oratione deprecativa, ut in præcedentibus habitum est: hinc est quòd optimè institutum fuit, Unctiopem non fieri sine oratione, cujus expressio est forma Sacramenti. *Quartam* rationem profert Catechis-

mus Romanus num. 14. dicens: Nec verò quisquam miretur, inquit, cur factum sit, ut aliorum Sacramentorum forma, vel absolutio significet quod efficit, ut cum dicimus: *Ego te baptizo: aut, Signo te signo crucis:* vel tanquam ab imperantibus pronuntietur, ut cum in Sacramento Ordinis administrando dicitur: *Accipe potestatem:* hæc nna verò Extreme-Unionis forma precatore quodam absolvatur. Id enim optimò

jure constitutum est: nam cum hoc Sacramentum propter adhuc beatum, ut præter spirituales gratias, quam tribuit, sanitatem etiam restituat ægrotis, tamen, quia non semper sequitur, ut ægri à morbis convalescant, ob eam causam precatore forma conficitur, ut à Dei benignitate id impetremus, quod Sacramenti vis constanti, & perpetuo ordine efficere non solet. Adhibentur autem ritus proprii in hujus quoque Sacramenti administratione. Sed eorum maxima pars precatorenes continet, quibus Sacerdos ad ægroti salutem impetrandam utitur: nullum enim est aliud Sacramentum, quod pluribus precibus conficiatur: ac rectè quidem, quoniam eo potissimum tempore fideles piis obsecrationibus adjuvandi sunt, quare, & alii omnes, quos tum adesse contigerit, & præcipue Parochi, debent orare Deum ex animo, & ejus misericordiam, laborantis vitam, & salutem omni studio commendare.

Dices: Si forma hujus Sacramenti esset deprecatoria, sequeretur hoc Sacramentum producere gratiam, non quidem ex opere operato, sed tantum ex opere operantis, & consequenter non habere eandem vim, & efficacitatem, quam habent novæ legis Sacramenta: sed falsum consequens: ergo, & id unde inferitur.

Nego sequelam majorem; licet enim hujus Sacramenti forma consistat in oratione, nihil obest quominus gratiam possit producere ex opere operato, cum ad hoc ut gratiam eò modo producat, non indigeat devotione ministri vel suscipientis, sed id totum consequatur ex meritis, & institutione Christi; qui utique potuit orationis formulam in hujus Sacramenti administratione usurpatam evehere ad efficaciam, & dignitatem Sacramenti novæ legis, non

secus ac extulit contractum matrimonialem ad dignitatem, & virtutem Sacramenti novæ legis.

Urbis: Illa oratio, quæ fit in administratione hujus Sacramenti, vocatur à S. Jacobo *oratio fidei*, hoc est, quæ elicitur ex merito fidei ministri: sed hujus orationis meritum pendet ab ipsius dispositione: igitur, &c.

Respondeo ad majorem, illam orationem ideo appellari à S. Jacobo orationem fidei, ex eo quòd concipiatur per fidem supernaturalem, & sola fide intelligatur: eò modo, quò S. Augustinus tract. 80. in Joan. omne verbum Sacramentale, quod cum elemento operatur, appellat verbum fidei.

Dices secundò: Sacramenta novæ legis debent habere eandem formam per universam Ecclesiam: sed orationes, & preces, quæ proferuntur ab Ecclesia Græca, & Latina, non sunt eadem, ut constet ex tertio notabili; igitur ejusmodi preces non debent censi forma legitima hujus Sacramenti.

Distinguo majorem: Debent habere per universam Ecclesiam formam communem secundum significationem essentiali, concedo: secundum accidentalem, nego. Porro utraque forma tam Græcorum, quam Latinorum eadem est secundum significationem essentiali, quia utraque ordinatur ad significandam remissionem peccatorum levium, nec non ad recuperandam sanitatem spirituales, & corporales. Idem dicendum de formis Ambrosiana, & Venetiana, quæ licet indicativo modo proferantur, non propterea differunt essentialiter ab aliis formis, quia nempe ordinantur ad eundem effectum significandum, scilicet liberationem ab infirmitate corporali, & spiritali.

Unde apparet *probatio secunda pariter*, nempe quòd valida etiam sit forma verbis indicativis expressa: quia id constat ex praxi Ecclesiæ Mediolanensis, &

Venetianæ, quæ in conferendo hoc Sacramento utuntur forma verbis indicativis expressa, quarum Ecclesiarum ritum non proscripsit, nec damnavit Ecclesia.

Dices primò: in prædictis formis Ecclesiæ Mediolanensis, & Venetæ, intelligi posse, eas esse deprecatorias, cum dicitur: *Ut more militis uncti aereas possis superare potestates*; quæ utique loquendi formula optativa est, idemque sonat, ac si diceretur: *Ungo te oleo sanctificante, optando ut ope divina possis aereas superare potestates*; verbū enim *valeas*, est optativum, quod conjunctum cum sequentibus, efficit formam deprecatoriam; quia addit illi divinum nomen, ut principalem causam, in cujus virtute, & auxilio debet infirmus sacro oleo unctus generosè pugnare adversus hostes, eum in illo agone extremo impugnantes: igitur hæc formæ peculiare non sunt indicativæ.

Nego consequentiam, & ad antecedens dico, ejusmodi formam habere rationem deprecationis, & orationis, potius quàm formam aliorum Sacramentorum, in quibus pariter invocatur Dei nomen, si enim Eucharistiam excipias, omnia Sacramenta conferuntur cum invocatione sanctissimæ Trinitatis.

Addè quòd præfata in objectione, verba, sufficienter determinantur per prima: Ungo te oleo sanctificato, &c. quæ utique indicativa sunt, ac subinde totam formam indicativam efficiunt.

Dices secundò: Concilium Florentinum, & Tridentinum solam formam deprecativam proponunt, & approbant: igitur indicativam reprobant.

Nego consequentiam: Concilia enim eam formam proponunt, quæ in usu est per universam Ecclesiam Latinam, licet non proscribat diversos ritus quarundam Ecclesiarum particularium, quæ utique utuntur alia forma ab universali Ecclesia pridem tolerata, vel etiam approbata à Sede Apostolica: Quod uti-

uique constat à simili : licet enim ritus celebrandi divinum Officium idem præscribatur pro universali Ecclesia , qui servari solet Romæ , nihilominus plurimæ sunt Ecclesiæ , quæ suos peculiare ritus habent Romanis ritibus non conformes .

Dicitur tertio : S. Jacobus appellat Extremæ-Uñctionis formam , orationem fidei : igitur illa forma debet esse necessario deprecative .

Nego consequentiam : Nam per orationem fidei intelligi potest quæcunque forma sufficiens ad valide conferendum hoc Sacramentum , quæ ratione aliorum etiam Sacramentorum formæ plerumque dicuntur à SS. Patribus orationes , maxime vero forma Sacramenti Pœnitentiæ , licet ipsa non possit esse deprecative , cum exerceatur per modum iudicii . Licet autem hæc vera sint , nihilominus certum est , non posse formam indicativam usurpari citra peccatum , mortale in illis Ecclesiis , in quibus ejusmodi praxis non viget : quisque enim tenetur sese conformare praxi universalis Ecclesiæ , ubi Ecclesia particularis , cujus est , non habet praxim contrariam tacite vel expresse approbatam .

PETUS V. *Quenam sint particule essentialis formæ hujus Sacramenti ?*

Respondetur 1. Istas solas essentialis esse , per Uñctionem indulget tibi Dominus : quia solum per ablationem illarum , aut saltem aliquarum ex illis , sensus à Christo intentus in hujus Sacramenti forma destruitur . Quod tamen non impedit quominus debeat integra ea forma proferri , ut præcepto Ecclesiæ satisfiat extra necessitatis casum .

Unde conveniunt omnes Theologi , expressam invocationem Trinitatis non pertinere ad essentialiam hujus Sacramenti : imò neque esse necessariam necessitate præcepti affirmat Suarez , contra nonnullos ab ipso citatos : & ratio

est , quia neque hoc Sacramentum est professio fidei , sicut Baptismus , neque in hoc Sacramento aliqua specialis occurrat ratio invocationis trium divinorum personarum , neque in Conciliis declaratur , neque in Rituali Romano , nec etiam communis consuetudo id habet ; nullum ergo sufficiens fundamentum asserri potest ad asserendum talem præcepti obligationem .

PETUS 2. *Utrum per singulas Uñctiones cum suis formulis producatur gratia ?*

Respondetur , circa hujus quæstionculæ solutionem tres præcipuas esse Theologorum sententias ; quarum *Prima* censet , gratiam habitalem non conferri , nisi per Extremam-Uñctionem , quæ reverà ultima sit ex intentione Ministri , sive hoc Sacramentum ministratur quinque Uñctionibus , quæ tantum sunt de essentia , sive septem , quæ solum sunt de integritate Sacramenti . Ita communiter Thomistæ cum Soto in 4. dist. 13. qu. 1. art. ult. ubi docet , quod si Minister vult Sacramentum ministrare per septem Uñctiones , non producetur effectus , nisi post septimam ; si vero per quinque , gratia dabitur tantum in fine quintæ Uñctionis .

Verum hæc sententia relictur : *Primò* quia si duæ postremæ Uñctiones ex illis septem , scilicet renum , & pedum , non sint de essentia , ut etiam fatetur Thomistæ , efficere non potest Minister per suam intentionem , quin completo essentialiter Sacramento per illas quinque Uñctiones , suum effectum non conferat , siquidem statim ac Sacramentum perfectum est , & essentialiter completum , producit suum effectum , neque suspendi potest ille effectus per privatam intentionem Ministri , quæ ad validitatem Sacramenti non est necessaria , sed sufficit intentio generalis faciendi quod facit Ecclesia . *Primò* , quia fieri posset , ut infirmus totum suscipe-

ret

ret Sacramentum quantum ad essentiam, nec tamen gratiam reciperet, putà si completis quinque Unctionibus infirmus moriatur antequam recipiat duas ultimas Unctiones, post quas dumtaxat Minister intendit Sacramentum consequi suum effectum: sed hoc omnino absurdum est; siquidem Sacramenta censentur idonea, & in actu primo vim habere ad producendum suum effectum, statim ac sunt essentialiter completa, & perfecta, siquidem agunt instar causarum naturalium, quæ positis omnibus ad actionem prærequisitis suum effectum producant: igitur quando Sacramenta sunt essentialiter completa suum producant effectum independentem à privata intentione Ministri. Tum denique, quia si posset Minister suspendere effectum hujus Sacramenti post septem Unctiones, quamvis duæ postremæ non sint essentialiter necessariæ, tali ratione suspendere posset post vigesimam, & trigessimam Unctionem, nam hæ sunt eodem modo extra numerum quinque Unctionum essentialium, ac sexta, & septima Unctio: sed hoc dici nequit, alioqui Minister per suam privatam intentionem, posset suspendere essentiam, & efficacitatem Sacramenti: igitur, &c.

Secunda sententia docet, gratiam per hoc Sacramentum conferri, statim ac omnes illæ quinque Unctiones cum suis formis correspondentibus complentur, & perficiuntur. Ita Suarez disp. 41. sect. 2. & plures alii Recentiores.

Verum hæc sententia pariter rejicitur: Tum, quia, ut diximus, quinque Unctiones non sunt ita necessariæ ad essentiam hujus Sacramenti, quin interdum unica sufficiat: Tum, quia, si non conferretur effectus Sacramenti, nisi completa ultima Unctione, & prolatione formæ, sequeretur, non esse proferendas omnes parciales formulas, nisi dum completur ultima Unctio: omnis enim prior prolatio esset inutilis; siqui-

dem effectum suum signatum non haberet, nec quando proferetur actu, nec dum proferetur formula correspondens ultimæ Unctioni; nam Sacramentum consistens in usu non censetur aliquid causare, quando jam transiit, si nullum post se relinquit effectum, in cuius virtute gratia conferatur: sed quando fit ultima Unctio, & proferitur forma ei correspondens, priores Unctiones non sunt actu, nec etiam remanet aliquis effectus per eas productus: neque ultima Unctio, aut ejus forma alias præcedentes Unctiones, & formas essentialiter continet: igitur inutiliter præcedentes formulæ proferrentur ante, hanc ultimam Unctionem. Tum denique, quia omnes illæ singulæ Unctiones non ordinantur ad unicum indivisibilem effectum, siquidem quilibet Unctio cum forma sibi correspondente habet essentialiter suum subiectum determinatum, nempe organum sensus: Vnde pro diversitate organorum, quæ sunt instrumenta peccandi, diversæ sunt Unctiones, & variæ proferuntur preces ac formulæ, quæ completum habent sensum; ac subinde habent completam rationem formalem Sacramenti, in ordine ad illud organum sensus, quod ungitur, & ad quod forma prolata dirigitur; ergo debet pariter habere suum effectum: nam completa essentialiter materia, & forma Sacramenti, poni debet effectus.

Itaque magis probanda videtur *tertia sententia* affirmans per singulas Unctiones dari singulos gradus gratiæ sanctificantis: ita quod sicut sunt quinque unctiones parciales, & totidem parciales formæ eis correspondentes, ita videtur quinque distincti gratiæ gradus, qui adæquatum hujus Sacramenti effectum constituunt, quæ utique sententia videtur esse Doctoris citati dist. 23. num. 7. Nam respondens ad secundum argumentum, nempe quod Extrema Unctio nō erat unum Sacramen-

mentum, quia habet plurimas materias, & diversas formas, ait: *Dico, quod est unum Sacramentum unitate integritatis, sed non unitate indivisibilitatis, sicut effectus ejus non est unus indivisibiliter, quia non est remissio unius venialis; sed unus unitate plenaria remissionis omnium venialium, ut omnibus remissi, nihil remaneat retardans à perceptione beatitudinis, quam nobis concedat, &c.* Quibus Doctor aperte significat, Sacramentum hoc constare ex pluribus partibus, quarum quælibet habeat rationem Sacramenti, & verè gratiæ sanctificantis gradum conferat.

Quod utique probatur: *Tum, quia quælibet Vnctio cum sua forma habet essentialiter completam significationem illius effectus, ad quem significandum assumitur, nempe remissionem eorum, quæ per visum, vel auditum, &c. commissa sunt: igitur quælibet Vnctio cum forma sibi correspondente habet rationem Sacramenti gratiam conferentis; Sacramentum enim ex divina institutione efficit quod significat in ultimo instanti prolationis formæ, & applicationis materiæ, nisi adsit obex ex parte subjecti: igitur cum quælibet Vnctio cum forma sibi correspondente habeat significatum partiale ab aliis distinctum, etiam habere debet effectum proprium partialem ab aliis distinctum: Tum quia quælibet species Eucharistica, & quælibet ex septem Ordinibus confert partialem effectum: igitur etiam quælibet Vnctio cum sua forma debet effectum partialem conferre. Patet consequentia à paritate rationis, quæ intercedit maximè inter sacram Vnctionem, & Sacramentum Ordinis: idcirco enim singuli Ordines conferunt gratiam specialem, & habent proprios effectus, quia sunt partiales respectu totius, & singuli Ordines unum dumtaxat totale Sacramentum Ordinis constituunt, quia singuli habent partialem materiam, & formam*

Tom. X.

distinctam: at idem est de singulis Vnctionibus, quæ diversæ sunt, ratione diversarum partium, quibus applicantur, & habent etiam diversas formulæ sibi correspondentes: igitur est utrobique paritas.

Dico 1. Non esse paritatem, quia, formæ partiales in Eucharistia sunt indicativæ, in Ordine vero imperativæ; unde licet illæ debeant habere suum effectum partialem, hæ idem sibi non vindicant: nam formæ deprecative non eam habent efficaciam, quæ debeat poni ad singulas particulas præfationis; sed sufficit quod ponatur pro illo tempore, pro quo petitur, & completur ratio.

Verum, ut optime advertit Hiquerus num. 89. perinde est ad efficaciam formæ Sacramentalis, quod illa sit indicativa, aut imperativa, aut deprecativa, quippe tota ejus efficacia pendet ex institutione Christi, & fundatur in speciali assistentia Dei, qui infallibiliter producit effectum significatum per formam, statim ac illa suum completum sensum Sacramentalem obtinet: completur autem ille sensus cujuslibet formulæ ad Vnctionem sibi correspondentem: igitur tunc poni debet effectus per eam, formam significatus.

Dico 2. Effectus Sacramenti est indivisibilis, gratia enim non datur per partes, nec peccata dimittuntur per frustra, quia Deus perfectè sanat quemcunque sanat: igitur non confertur effectus partialiter per singulas Vnctiones.

Nego antecedentem: Non enim est inconveniens gratiam partialiter conferri per illa Sacramenta, quæ sunt unum unitate integritatis tantum, non autem indivisibilitatis, & remissio omnium peccatorum venialium, quæ est propria hujus Sacramenti, non esset necessariò connexa, sicut est in mortalibus; unde, quando mortalia per accidens hoc Sacramento tolluntur, dicendum est per

B b b b

pri-

primam gratiam partialem, quæ in prima Vnctione confertur, remitti omnia illa peccata mortalia, si quæ in subiecto sunt, invincibiliter ignorata.

QUÆSTIO TERTIA.

Quinam sint fructus, & effectus hujus Sacramenti?

Notandum primò, Hic difficultatem non moveri de fructibus, & effectibus, quos hoc Sacramentum communes habet cum aliis novæ legis Sacramentis, putà gratiæ sanctificantis, aut ejus augmenti collatione; cum enim S. Jacobus dixerit, per eam fieri remissionem peccatorum, si suscipiens eis adhuc inquinaretur; inde liquet etiam conferti gratiam sanctificantem, aut illius augmentum, quippe cum non fiat peccati remissio de via ordinaria sine ejusmodi gratiæ infusione; Unde Concilium Trident. Can. 2. de Extrema-Vnctione, ait: *Si quis dixerit, sacramentum infirmorum Vnctionem non conferre gratiam, nec dimittere peccata ... anathema sit.* Solum itaque sermo est de effectibus huic Sacramento particularibus, quos omnes declarat Concilium Trident. sess. 14. Cum enim in præludio dixisset, sacram Vnctionem esse firmissimum præsidium adversus tentationes diaboli, qui, imminente morte, omnes suæ versutię nervos intendit, ad perrendos nos, & animas nostras devorandas, subdit cap. 2. *Vnctio delicta, si quæ sint adhuc expianda ac peccati reliquias abstergit, & agroti animam alleviat, & confirmat, magnam in eo divinæ misericordiæ fiduciam excitando, ac labores levius ferit; & tentationibus demonis calcaneo infidelantis facilius resistit, & sanitatem corporis interdum, ubi salutis animæ expedit, consequitur.* Ex quibus Theologi colligunt sex effectus illius Sacramenti, quorum Primus communis cum aliis Sacramentis est gratia

sanctificans: Secundus est speciale gratiæ auxilium, tum ad superandas tentationes in articulo mortis occurrentes tum ad spem, & confidentiam facilius, & firmius in Deum erigendam, tum ad morbi, & mortis molestias animo constanti ferendas. Tertius est remissio peccatorum venialium, quæ per se ab ipso Sacramento intenditur. Quartus est remissio mortalium peccatorum, secundario tamen, & per accidens, si quæ adhuc habeat infirmus, quæ tamen invincibiliter ignorat, nec se eis inquinari existimat. Quintus est absterio reliquiarum peccati. Sextus denique est sanitas corporis restituenda, si hæc animæ salutem expediat. Quæritur autem quis sit præcipuus, & primarius ejusmodi effectus.

Notandum secundò, non consentire Theologos circa explicationem reliquiarum peccati, quarum absterionem Concilium Tridentinum inter effectus Extreme-Vnctionis deputat. Quidam enim per eam volunt designari peccata venialia. Verum revincuntur ab ipsis Concilii verbis dicentis non solum per hoc Sacramentum deleri ipsas reliquias sed etiam delicta, si quæ sint: certum est autem peccata venialia esse reverà delicta, ac verè peccata. Aliqui existimant per peccati reliquias intelligi pravitatem, & habitum ex peccato relictum. Verum hic non removetur, nisi per frequentationem contrariorum actuum, & jugiter etiam in viris iustificatis interdum perseverat. Consent alii, per peccati reliquias intelligi languorem, & torporem ad faciendam bonum, & mentis infirmitatem ad iutuenda, & meditanda cælestia, quæ quidem reliquæ peccata non sunt, sed ex primo peccato relictæ, aliisque peccatis subinde confirmatæ; Unde S. Augustinus lib. ult. de Trinit. cap. 27. animam suam alloquens, ait: *Quæ, inquit, causa est, cur acie fixo lucem illam incommutabilem videre non possis, nisi infirmitas, & quid eam tibi facit, nisi insignitas?*

Por.

Porro
& diff
hoc Sa
appell
cut Ba
& Pa
rectio
Not
ment
com
est, c
nov
vel
nov
tiar
nen
cen
nat
di
ins
in
Sa
et
co
Sr
ac
Pr
P
c
c
i
c

Porro hæc animi infirmitas, seu torpor, & difficultas ad bene operandum, per hoc Sacramentum tollitur: quapropter appellatur spiritualis animi sanatio, sicut Baptismus ejusdem est regeneratio, & Pœnitentia ipsius spiritualis Resurrectio à morte peccati.

Notandum tertio, cujuslibet Sacramenti duplicem esse effectum, nempe communem, & proprium: *Communis* est, qui convenit omnibus Sacramentis novæ legis, nempe gratia sanctificans, vel ejus augmentum; siquidem omnia novæ legis Sacramenta producunt gratiam in suscipiente, obicem non ponente: *Proprius* est, ad quem producendum quodlibet Sacramentum ordinatur. Insuper proprius effectus attendi potest dupliciter: *Primo* quidem ut intentus per se, ac directè: *Secundo*, ut intentus per accidens, quando scilicet Sacramentum producit aliquem effectum, occasione alterius rei, quæ incompatibilis est cum effectu proprio Sacramenti. Denique effectus per se, ac directè intentus, est duplex, scilicet principalis, & minus principalis, seu primariò, aut secundariò intentus, ut patet exemplo sacramenti Pœnitentiæ, cujus effectus proprius per se, ac directè intentus primariò, est remissio peccatorum mortalium debitè confessorum: effectus verò per se quidem directè intentus, non tamen primariò, sed tantum secundariò, est remissio peccatorum venialium.

Porro triplex est Theologorum sententia circa primarium, ac potissimum hujus Sacramenti effectum. *Quidam* enim docent cum S. Thoma 3. q. 65. art. 2. necnon & in 4. dist. 23. q. 1. art. 2. principalem, ac magis proprium Extreme-Vnctionis effectum, esse augmentum gratiæ habentis jus ad removendas peccati reliquias, & conferenda specialia auxilia contra languorem, & debilitatem ad operandum. *Nonnulli* cum Suarez docent, effectum proprium,

& primarium hujus Sacramenti esse, confortare animam infirmi contra difficultates, & tentationes in articulo mortis occurrentes, quibusdam divinis auxiliis, ad hoc specialiter ordinatis; consequenter verò, non quidem merè per accidens, sed aliquo modo per se, non tamen ex primaria, sed ex secundaria intentione, esse remissionem omnis culpæ tam mortalis, quàm venialis, necnon reatus penæ ex peccato relicte, modò in subjecto non sit obex, quod accidit quando egrotus hoc Sacramentum suscipit cum peccato invincibiliter ignorato. *Ceteri* denique docent cum Subtili Doctore effectum primarium; ac principalem hujus Sacramenti esse remissionem peccatorum venialium; alios autem effectus esse dumtaxat minus principales, & secundarios, cui sententiæ utpote veriori, ut scribamus, fit

CONCLUSIO PRIMA.

Primarius, ac principalis hujus Sacramenti effectus est infusio gratiæ habitualis, quatenus habet annexam remissionem finalem peccati venialis, non autem mortalis; licet hoc etiam remittat per accidens. Ita Subtilis Doctor dist. 23. n. 3. Cujus utique rationem congruam præmiserat, dicens: Congruum est, recessurum ab hac vita finaliter à venialibus absolvi, quia ista non remissa essent impedimentum gloriæ, consequendæ, & non remissa possunt esse usque ad exitum, quia peccator quasi continuè peccat talibus peccatis: quasi diceret: Quemadmodum institutum est sacramentum Baptismi pro expiando peccato originali, & Pœnitentiæ pro delendis mortalibus, & venialibus, quæ per totam vitam, dum homo est rationis compos, fiunt: ita congruum fuit, ut institueretur Sacramentum pro eluendis peccatis venialibus, quæ supersunt expianda homini in extremis posito, & post ultimum Pœnitentiæ, & Eucharistiæ sacramentum,

ubi scilicet propter acerrimam morbi, & imminētis mortis agitationem non est amplius libertatis compos, nec consequenter capax agendi Pœnitentiam, per quam ejusmodi peccata possit eluere. Idem docet Seraphicus Doctor loco suprà laudato, ubi cū dixisset: *Extrema-ŭnctio est contra peccatum veniale, & per accidens confert ad alleviationem corporalis infirmitatis, & ad animæ vigorem*, subdit: Sed notandum, quod de veniali peccato est loqui dupliciter, aut prout est quis in statu viæ, aut prout est quis in egressu. Si prout est in statu viæ, sive in itinere, sic morbus venialis est quasi inseparabilis, vel quodam necessitate iterabilis, ac per hoc quodammodo incurabilis, & ideo non debuit contra ipsum aliqua medicina specialiter, & principaliter ordinari: Imò quodammodo omnia Sacramenta valent ad ejus curationem secundam plus, aut minus: Si autem loquamur, prout anima est in statu egrediendi, sic possuit curari sine iteratione, & sic eū anima possit trahere talia cremabilia, quæ retraherent à gloria, instituit divina misericordia remedium quo anima curari posset, quantum ad remissionem culpæ, & etiam partis pænæ, & hoc est Sacramentum Ūnctionis Extremæ.

Modus autem curandi veniale peccatum in hoc Sacramento respondet modo infirmitatis. Veniale autem peccatum gravat animam deprimendo deorsum, ut non ita tendat in Deum per devotionem, & amorem pro eo, quod est ibi conversio inordinata ad commutabile bonum, & pro eo quod est minor amor Dei, sicut tangit Augustinus in libro Confessionum. Et ideo cū curatio directè sit per contrarium, per illud curatur, quod animam aggravatam per devotionem sursum, elevat. Et quoniam corpus quod cor-

rumpitur, aggravat animam, cū illud Sacramentum sit ad elevandam animam per devotionem, in qua anima recipit vigorem quemdam, in quo semper est deleterio venialium, si sunt in anima, & per consequens repressio molestiarum corporalium, si expedit ipsi animæ, hinc est quod illud Sacramentum principaliter est ad curationem, & alleviationem infirmitatis spiritualis, scilicet peccati venialis, & per accidens est ad curationem, & alleviationem infirmitatis corporalis, quodammodo ad vigorandam animam, quæ regit corpus, & sic patet, quid sit in hoc Sacramento res tantum, quid signum, & quid res, & signum. Signum tantum est Ūnctio exterior. Res tantum est venialis curatio. Res & signum, in ipsa anima devotionis excitatio, quæ non est aliud, quàm quædam spiritalis Ūnctio.

*Probat*ur insuper conclusio: Ille censendus est effectus primarius Sacramenti, quæ forma Sacramentalis significat, & exprimit: sed forma Sacramenti Pœnitentiæ, qua utitur Ecclesia Romana, & Græca significat, & exprimit remissionem peccatorum: igitur hæc est effectus primarius Sacramenti. Major constat: cū enim Sacramenta novæ legis efficiant quod significant, & ipsorum significatio spectet ad eorum causalitatem, haud dubium est, quod ille censendus sit primarius effectus, qui potissimum declaratur, & significatur per formam Sacramentalem, in qua potissimum Sacramenti ratio ac cursus consistit. Minor etiam patet ex verbis utriusque formæ tam Græcæ, quàm Latine, in quibus significatur exoratio peccati remissio per illa vocabula: *Indulgeat, seu, parcat*: vel remittat tibi Deus quidquid deliquisti: &c.

Confirmatur ex Concilio Tridentino assignante hanc remissionem tanquam potissimum effectum, ait enim cap. 2. ubi agit

agit de effectibus Sacramenti: *Res et enim*, inquit, *hæc gratia est Spiritus S. cuius Unctio delicta, si quæ sunt adhuc expianda, ac peccati reliquias abstergit*. Posteriori autem loco alios designat effectus, ut nempe significet, illam remissionem, quam primario loco assignat esse potissimum inter effectus hujus Sacramenti: quod utique repetit Can. 2. cum ait: *Si quis dixerit, sacram infirmorum Unctionem non conferre gratiam, nec remittere peccata, nec alleviare infirmos... anathema sit*. Quibus verbis significat in hoc Sacramento conferri gratiam habitualem, cujus proximus effectus est ipsa peccatorum remissio. Id ipsum evidentius patet ex Catechismo Romano num. 27. ubi ait: *Docebunt igitur Pastores hoc Sacramento gratiam tribui, quæ peccata, & in primis leviora quidem, & ut communi nomine appellantur, venialia remittit: exitiales enim culpe Pœnitentiæ Sacramento tolluntur; neque enim hoc Sacramentum primario loco ad graviorum criminum remissionem institutum est; sed Baptismus tantum, & Pœnitentia vi sua id efficiunt, &c.* Quibus verbis significatur effectum primarium hujus Sacramenti esse ipsam peccati remissionem, non quidem mortalis, & gravioris, sed dumtaxat venialis.

Probatum secundò: Ille censendus est primarius effectus, ex quo cæteri, tanquam ex fonte emanant, & profluunt: at omnes à Concilio Tridentino assignati effectus hujus Sacramenti proveniunt ex ipsa peccati remissione, illamque necessario præsupponunt; siquidem curari non potest languor infirmitatis animæ, nec evacuari possunt peccati reliquæ, nisi peccatum ipsum evacuetur: Nec potest conciliari animi tranquillitas in morte, nisi deleatur peccatum ipsum, quod Domini adventum ac judicium tremendum exhibet. Nec potest quis adversus infernum humani generis hostem sæliciter armari, quan-

diu peccatum in se continet, per quod diabolus aliquatenus ei dominatur. Nec denique restaurari potest integra corporis sanitas, nisi eluatur peccatum, propter quod forte isfinitas accidit: igitur illa peccati eliminatio ceneri debet primarius hujus Sacramenti effectus.

Sed peccatum illud, quod per Extremam-Uñctionem removeri debet, non est mortale, ut constat tum ex supradictis Catechismi Romani verbis, tum quia peccatum mortale post Baptismum commissum deleri tantum potest per Pœnitentiam, ut docet Concilium Tridentinum sess. 14. cap. 2. *Fuit enim Pœnitentia hominibus, qui se mortali aliquo crimine inquinassent quovis tempore ad gratiam, & iustitiam assuequendam necessaria*. Ita cap. 1. & idem ca. 4. ubi docet: *Fuit autem quovis tempore ad impetrandam veniam peccatorum hic Contritionis motus necessarius, & in homine post Baptismum*. Ita demum præparat ad remissionem peccatorum, si cum fiducia divinæ misericordiæ, cum voto præstandi reliqua conjunctus sit, quæ ad ritè suscipiendum hoc Sacramentum requiruntur, &c. Et infra docet, Contritionem perfectam non iustificare, nisi cum voto Sacramenti Pœnitentiæ, neque imperfectam sine Sacramento reipsa suscepto. Tum, quia Pœnitentia est per se instituta, ut sit secunda post naufragium tabula, per quam salvari potest peccator à mortalibus: nullibi autem legitur dari tertiam naufragii tabulam inter Sacramenta, ac subinde Sacramentum Extremæ-Uñctionis non potest hanc virtutem, & appellationem sibi vindicare: haberet autem utramque rationem, si per se ordinaretur ad remissionem peccati mortalis: igitur dumtaxat per accedens ad ejusmodi peccati mortalis remissionem ordinatur. Tum denique, quia mortalia debent simul remitti, quippe cum non remittatur mortale peccatum sine infusione

gra-

gratiæ sanctificantis, quæ de via ordinaria cum peccato mortali subsistere non potest, sed peccata quæ per Extremam-Unionem remitti debent, non possunt simul remitti virtute Sacramenti, quippe hoc Sacramentum citra casum necessitatis non potest simul conferri; etenim ad singulas partes ungendas, iteratur tam Unctio, quàm forma, quæ est deprecativa remissionis eorum peccatorum, quæ per ejusmodi facultatem corporis commissa sunt; ac subinde singulæ illæ hujus Sacramenti applicationes operari debent aliquam peccati remissionem; non quidem mortalis, ut dictum est: igitur tantum venialis; quia cum peccatum veniale subsistat cum gratia sanctificante, inde est, quod unum remitti possit seorsim ab alio.

Dicitur: Peccatum veniale remitti potest sine infusione gratiæ, & per varia media, ut jam pluries diximus: igitur ad illius peccati remissionem necessarium non fuit, ut institueretur aliquod Sacramentum.

Distinguo antecedens: Ita remitti potest peccatum veniale, quando homo capax est adhuc agendæ Pœnitentiæ, & applicandi media ordinata ad ejusmodi peccati remissionem, concedo: quando versatur in eo statu, ut nec actus Pœnitentiæ possit elicere, nec ejusmodi media applicare, ut contingit in ultima vitæ periodo, nego.

Urgebis: Monent sacra Ritualia, nec non & Catechismus Romanus nu. 18. ut conferatur hoc Sacramentum, cum suscipiens adhuc habet mentem integram estque rationis compos; ac subinde dum adhuc est in eo statu, ut peccare possit iterum simul & pœnitere: igitur Sacramentum hoc non est institutum ad finalem peccati remissionem.

Nego consequentiam: Et ad antecedens dico, idcirco hæc ita præmonere, non quod ita necessariò Sacramentum sit conferendum, sed ut suscipiens pro-

pter maiorem suam dispositionem; uberiores Sacramenti effectum consequatur, & majori cum reverentia, istud recipiat. Cæterum, ad validitatem hujus Sacramenti non requiritur, ut quis istud recipiat, dum est adhuc rationis compos, quia potest suum fortiri effectum, etiam in homine sensibus & ratione orbato, & jam morti proximo.

Instabis: Si hoc Sacramentum per se institutum esset ad remissionem peccatorum venialium, non esset expectanda ultima vitæ periodus, ut ministraretur, sed etiam conferri deberet in plena sanitate, & sæpius iterari: sed falsum consequens: igitur & illud unde sequitur.

Nego sequelam majoris: Non enim, ut dictum est in probatione Conclusionis, Sacramentum hoc ordinatur per se ad remissionem venialium simpliciter, sed dumtaxat pro eo statu, in quo suscipiens non est capax adhibendi alterius remedii ad expiationem venialium, licet interim majoris dispositionis adhibendæ gratia conferatur homini adhuc ratione utenti, ac consequenter capaci iterum peccare venialiter; qua ratione Sacramentum hoc non asserret finalem remissionem peccatorum, quia peccata illa post ejus receptionem commissa non remitterentur illius virtute, sed per alia media, nempe per Pœnitentiam, & Confessionem ac Sacramentalem Absolutionem, quam potest suscipere, si adhuc sufficienti ratione donetur, ut peccare possit: quandiu enim homo peccare potest, tandiu & pœnitere.

Dices tertio: Forma Ambrosiana, & Veneta sufficiens est & valida ad essentiam hujus Sacramenti: sed in ea non fit ulla mentio remissionis peccati, sicut in Romana & Græca: igitur hoc Sacramentum per se primariò non ordinatur ad remissionem peccati.

Distinguo minorem: Non fit mentio
ex-

expressa & distincta, quemadmodum in aliis formis, concedo: implicite & æquivalenter, nego: nam hæc verba, *ut more militis præparatus ad certamen*, significant gratiam sanctificantem tolerantem impedimentum peccati, ratione cuius conceditur non solum gratia actualis ad victoriam de hoste reportandam, sed etiam plena innocentia, finalis, & mundities ab omnibus peccatis, quæ gravare possent militem, & eum minus dignum divinæ protectionis reddere.

Probatur secunda pars, nempe quod Sacramentum hoc licet non ordinetur per se ad remissionem peccatorum mortalium, ex vi suæ propriæ institutionis, nihilominus illa remittit per accidens, quando videlicet infirmus habet ejusmodi peccata, quæ bona fide, & invincibiliter ignorat; quamvis enim hoc Sacramentum ordinetur dumtaxat per se ad conferendam secundam gratiam, id est, ut gratiæ sanctificantis augmentum conferat, supponatque hominem à peccato mortali per Sacramentum Pœnitentiæ, aut perfectam Contritionem jam purgatum; nihilominus secundario etiam, & per accidens primam interdum gratiam conferre potest & peccata mortalia delere; si fortè Confessio Sacramentalis citra culpam invalida fuit, & alias infirmus se in statu peccati mortalis esse invincibiliter ignoret, & de illis saltem in genere attritus sit; & hoc satis aperte colligitur tum ex præcitatis S. Jacobi verbis, *Si in peccatis sit, remittentur ei*; tum ex illis Concilii Tridentini cap. 2. *Delicta, si quæ sint adhuc expianda, abstergit*; tum denique ex ipsius formæ verbis: *Indulgeat tibi Dominus quidquid peccossi*; cum enim hæc verba sit indefinita, ac sine ulla restrictione, de peccatis etiam mortalibus intelligi possunt modo jam explicato, nempe secundario, & per accidens.

Hoc etiam significavit S. Augustinus

serm. 215. de Tempore, ubi ait, quòd *quoties aliqua infirmitas supervenit, corpus, & Sanguinem Christi ille, qui ægrotat, accipiat, & deinde corpus suum ungit, ut illud, quod scriptum est, impleatur, qui infirmatur, inducat Presbyteros Ecclesiæ, qui ungant eum*. In quo discursu supponit S. Doctor, quod Eucharistiæ receptio sit prævia susceptioni Extremæ-Vnctionis: cum Eucharistiæ receptio gratiam in anima supponat, cum sit Sacramentum vivorum, idem pariter de Extremæ-Vnctione, dicendum erit, & per consequens directè, & per se dicetur esse Sacramentum vivorum, ex accidenti tamen, ac veluti indirectè poterit dici quoque remedium, & antidotum mortuorum, ut de aliis quatuor Sacramentis suo loco dictum est. Et hoc etiam Doctor noster expressit loco citato supra dum ait, quòd nullus est capax istius Sacramenti dignè, nisi sit in gratia; istud enim Sacramentum, non est remedium, acquirendi gratiam, quia ad hoc sunt tantum Baptismus & Pœnitentia; quibus verbis significat Doctor, hæc tantum duo Sacramenta per se ordinari ad remissionem peccati mortalis; alia autem quinque indirectè solum & per accidens, quatenus scilicet gratia habitualis, quam efficiunt, ut sunt Sacramenta, est incompossibilis cum peccato mortali.

Dicitur: Hoc Sacramentum per se ordinatur ad remissionem illius peccati, quòd conditionaliter inesse potest; ait enim S. Jacobus: *Si in peccatis est, dimittentur ei*: sed si peccatum, quod conditionaliter inesse potest, est mortale, non est locus conditionalis propositioni de venialibus; siquidem apprimè noverat S. Jacobus, vix aliquem esse liberum quovis modico tempore ab ejusmodi peccatis, ait enim cap. 2. *In multis offendimus omnes*: igitur oportet loquatur de peccatis mortalibus; ac subinde censet, non solum per accidens,

dens, sed etiam hoc Sacramentum per se ordinari ad remissionem peccati mortalis.

Nego majorem; Nam particula (*si*) non est semper conditionalis, nec dubium ingerens, sed interdictum est absolutum, maxime quando conjungitur rei factæ, ut patet ex oratione prima Ciceronis in Catilinam, ubi ait: *Si illustrantur, si erumpunt omnia, non dubitat fuisse illustrata, & crepta*, sed supponit tanquam probata, ut inde Catilina mores mutet. Unde ad minorem dico, S. Jacobum ita locutum fuisse, ut nempe significaret hoc Sacramentum ordinari ad remissionem peccatorum venialium, ex hypothese, quod illa non fuissent jam per Sacramentum Pœnitentiæ, vel Eucharistiæ, vel per Sacramentalia remissa, eo fere sensu, quo de singulis Sacramentis dici solet, illa suum effectum infallibiliter producere, si non sit obex ex parte suscipientis.

PRÆS: *Quid sentiendum sit de aliis effectibus, & fructibus spiritualibus hujus Sacramenti?*

Respondeo: Catechismus Romanus illos luculenter, ac præclare expendere num. 28. ubi post declaratam hujus Sacramenti primariam utilitatem, nempe remissionem peccati, *subjungit*: Altera, est sacre Unctionis utilitas, quod animam a languore, & infirmitate, quam ex peccato contraxit, & à cæteris omnibus peccati reliquiis liberat. Tempus autem huic curationi, opportunissimum existimandum est, cum gravi morbo afflicti sumus, ac vitæ periculum impendet. Etenim homini natura insitum est, ut nihil in rebus humanis æquè, ac mortem pertimescat: auget autem magno pere hunc timorem præteritorum, actum memoria, cum præsertim, gravissima conscientie nostræ accusatio nos urgeat, ut enim scriptum

est: *Venient in cogitationem peccatorum suorum timidi, & traduent illos ex adversa iniquitate ipsorum*.

Deinde, illa cura, & cogitatio vehementer angit, quod paulò post stare oporteat ante tribunal Dei, à quo de nobis iustissima pro eo, ac meriti fuerimus sententia ferenda, sit. Sæpe autem evenit, ut fideles hoc terrore percussi, se multis modis excitari sentiant. Nihil autem ad mortis tranquillitatem magis conducit, quam si tristitiam abiciamus, & læto animo Domini adventum expectemus, paratique simus, depositum nostrum, quandocumque illud à nobis repetere voluerit, libenter reddere. Ut igitur hac sollicitudine fidelium mentes liberentur, animusque pio, & sancto gaudio repleatur, Extrema-Unctionis sacramentum, efficit.

Præterea aliud etiam, quod merito omnium maximum videri potest, ex eo consequimur; nam etsi humani generis hostis, quoad vivimus, nunquam definit de interitu, & exitio nostro cogitare, nullo tamen tempore, ut nos omnino perdat, ac si fieri possit, spem nobis divinæ misericordiæ eripiat, vehementius omnes nervos contendit, quam cum supremum vitæ diem appropinquare animadverterit. Quamobrem fidelibus arma, & vires hoc Sacramento subministrantur, quibus adversarii vim, & imperium frangere, & illi fortiter repugnare possint. Allevatur enim, & erigitur ægri animus divinæ bonitatis spe, eaque confirmatus morbi incommoda omnia fert levius, ac ipsius demonis calcaneo insidiantis artificium, & calliditatem facilius eludit.

CONCLUSIO SECUNDA.

Sanctitas corporis restituenda, est effectus per accidens hujus Sacramenti. Hæc debet esse communis apud Theologos.

logos. Quod autem corporea restituenda sanitas sit effectus hujus Sacramenti, patet ex Trident. sess. 14. cap. 2. ubi recentis hujus sacre Unctionis effectibus spiritualibus, addit. *Et sanitatem corporis interdum, ubi saluti animæ expedierit, consequitur.* Quod etiam colligitur ex verbis S. Jacobi, dicentis: *Oratio fidei salvabit infirmum, et alleviabit eum Dominus; Hæc enim alleviatio* nedum spectat ad illam animæ erectionem, qua per gratiam in hoc Sacramento concessam, anima ex torpore, mœsticia, & anxietate erigitur, & assurgit in Deum, ac spe ejus misericordiæ confirmatus infirmus, morbi incommoda omnia fert levius, sed etiam tendit ad levamen ipsius corporeæ infirmitatis ægrum vexantis; cum enim de infirmitate corporis loqueretur Apostolus, consequens erat, ut alleviatio, quam per sacram Unctionem spondet, spectaret nedum ad animæ, sed etiam ad corporis sanitatem. Unde etiam in Decreto Concil. Florentini de Extrema-Unctione sanationis nomen ad utrumque refertur: *Efficitur, inquit, est mentis sanatio; in quantum autem expedit, etiam corporis.*

Et certè singulari divinæ providentiæ beneficio factum est, ut huic Sacramento præ cæteris annecteretur virtus curativa, ac medicativa corporis: cum enim inter omnia hujus sæculi mala nihil sit ipsa morte terribilius, ita nihil vita, ac sanitas expetendum magis; qui quidem appetitus tum maxime viget, & impetum suum exerit, quando homo ad vitam ulterius propagandam, videt ex ingravescente infirmitate, se humanis, ac naturalibus præsidiiis destitui; tunc enim sæpe tentari solent ægroti ad conquirenda remedia quædam illicita, & superstitiosa, quibus vitæ prorogationem obtinent, ut patet exemplo Ochosiæ 4. Reg. cap. 1. Quamvis igitur primaria hujus Sacramenti virtus spiritualis sit, sicut

Tom. X.

& aliorum Sacramentorum, attamen Christus D. hominum infirmitati, & imbecillitati consulens, voluit huic sacro signaculo etiam adjungere virtutem curativam infirmitatis corporis, ne forte desperato morbi remedio ad illicita, & superstitiosa auxilia confugerent ægroti. Quam utique rationem, indicavit S. Augustinus (aut quisquis est Author libri de rectitudine Catholice, licet conversationis) ubi ait: Quoties aliqua infirmitas occurrerit alicui, non quantur præcantatores, non divini, non fortilegi, sed qui ægrotat, in sola Dei misericordia confidat, & Eucharistiam cum fide, & devotione accipiat, oleumque benedictum fideliter ab Ecclesia petat; & secundum Apostolum: *Oratio fidei salvabit infirmum.*

Hic autem effectus non est per se intentus, sed tantum per accedens in hoc Sacramento; quippe, iniquiunt Concilia Tridentinum, & Florentinum; hic solum effectus producitur cum expedit salutis animæ suscipientis. Adde quod licet rarius contingat, hominem periculose ægrotantem, & hoc sacro oleo inunctum pristinae sanitati restitui, sæpe tamen accidit, ut morbi levamen aliquod ægrotus sentiat, simul cum interna Spiritus S. consolatione, quam propriè hæc Unctio significat, & operatur.

QUÆRES I. *Quis est hujus Sacramenti Minister?*

Respondeo: Hoc Sacramentum non ab alio posse, quàm à Sacerdote validè ministrari. Ita definit Concil. Trident. Can. 4. *Si quis dixerit, Presbyteros Ecclesie, quos D. Jacobus adducendos esse ad infirmum inungendum hortatur, non esse Sacerdotes ab Episcopo ordinatos, sed etate seniores in quavis communitate, ob idque proprium Extreme-Unctionis Ministerum non esse Sacerdotes, anathema.*

C c c c c

thema fit. Idque colligitur ex verbis S. Jacobi dicentis: *Si quis infirmatur inducat Presbyteros*, ubi nomine Presbyteri non intelligitur senior, & qui majore pollet ætate, ut perperam interpretantur hæretici; sed reverà intelligitur Sacerdos, juxta illud 1. ad Thimoth. 4. *Noli negligere gratiam, quæ in te est, quæ data est tibi per Prophetiam* (id est per sacram ordinationem) *cum impositione manuum Presbyteri*, id est ætatis Sacerdotum. Confirmatur primò, quia non senes, sed Pontifices, & Sacerdotes sunt constituti, ut orent pro aliis: ut dicitur ad Hebr. 6. *Secundò*, quia aliàs non seniores, sed sanctiores fuissent introducendi, siquidem eorum orationes longè efficaciores essent, utpote Deo magis acceptæ, & gratæ.

Hujus autem veritatis rationem hanc proferit Seraphicus Doctor d. 13. art. 2. qu. 1. Dicendum, *inquit*, quòd hujus Sacramenti dispensatio ex officio spectat ad Sacerdotes, & illud confirmat auctoritas, & ratio: Quia dicitur, *Inducat Presbyteros, &c. & orent super eum*. Ratio, quia cùm hujus Sacramenti materia sit oleum consecratum, non debet administrari, nec contingi, nisi ab eo, qui habet manus consecratas, & talis est Sacerdos; ideo non se extendit ad omnes. Nec ad solos Episcopos, quia cùm hoc sit Sacramentum periclitantium, qui non possunt adire Prælatos, sed magis è converso, oportet multos perire, si à solis Episcopis dari deberet. Ideo disposuit Spiritus S. quòd unguentum non solum esset in capite, vel in barba Aaron, sed etiam descenderet usque in oram vestimenti, scilicet usque ad inferiores Sacerdotes. Nec solum sumitur ratio à parte unctionis, verum etiam à parte orationis. Quoniam enim officium mediationis Sacerdotibus competit, sicut competit offerre dona, & sacrificia pro peccatis: nec solis Episcopis, nec etiam laicis; sic etiam dispensatio hujus Sacramenti,

cujus efficacia principaliter consistit in oratione fidei, cujus est Sacerdos minister de ratione sui officii.

Dices primò: Innocentius I. epist. ad Decentium exponens verba S. Jacobi: *Inducat Presbyteros Ecclesia*, scribit: *Non est dubium de fidelibus egrotantibus intelligi debere, qui sancto oleo christiatis perungi possunt, quo ab Episcopo confecto, non solum Sacerdotibus, sed omnibus Christianis uti licet in sua, aut suorum necessitate: igitur non solum Sacerdotibus, sed omnibus etiam Christianis, saltem in casu necessitatis, licitum est hoc Sacramentum ministrare.*

Nego consequentiam: Loquitur enim Pontifex de unctione, non quidem, activa, & ex parte Ministri, sed passiva, & ex parte suscipientis, ut nempe sit sensus, quòd promiscuè omnes fideles Christiani, non soli Sacerdotes oleo infirmorum inungi possint; sed non quòd promiscuè permittatur omnibus, ut hoc Sacramentum conferant. Quòd autem ea sit illius sententia, apparet ex sequentibus illius verbis, ubi subiungit, non solum Sacerdotem, sed Episcopum esse hujus Sacramenti Ministrum: Ceterum, inquit, *illud superfluum videmus adjectum, ut de Episcopo ambigatur, quòd Presbyteris licere non dubium est: Nam ideo de Presbyteris dictum est, quia Episcopi aliis occupationibus impediti ad omnes languidos ire non possunt. Ceterum si Episcopus potest, aut dignum ducit aliquem a se visitandum benedicere, & tangere christmate, potest cujus est ipsum christma conferre.*

Dices secundò: Idcirco hujus Sacramenti ministratio non solis Episcopis, sed Presbyteris est concessa, quoniam Episcopi non possent singulis infirmis adesse: sed neque id possunt Sacerdotes, maxime in illis locis, ubi rari sunt: igitur non solis Sacerdotibus, sed etiam quibusque fidelibus in casu necessita

tit hoc Sacramentum ministrare licet.

Nego consequentiam : Cum enim hoc Sacramentum non sit absolute necessarium ad salutem, cumque illius defectum, & Sacerdotis absentiam supplere possit infirmantis devotio, idcirco non fuit necessarium, quod illius ministratio concederetur omnibus fidelibus.

Liet autem S. Jacobus moneat, *inducendos esse Presbyteros*, hoc monitum non sic accipiendum est, quasi plures Presbyteri sint necessarij ad validam hujus Sacramenti collationem, ut existimant Græci, qui septem convocant Presbyteros, ut Extremam-Uñtionem ægrotis administrent. Cujus praxis hanc rationem præfert Simon Thessalonicensis, apud Arcudium cap. 3. Dei frater (*Jacobus*) horum Presbyterorum, *inquit*, numerum non exprimit: at verò septem esse vocandos consuetudine traditum est, quod fieri arbitror propter septem dona, quæ apud Isaiam enumerantur, Spiritus, septem propter illos septem antiquæ legis Sacerdotes, qui divino jussu circumcunctes urbem Jericho, septies tubis cecinerunt, atque mœnia diruerunt. Ut etiam hic septem Sacerdotes malitiæ urbem, duraque mœnia altitudinum peccati demoliantur. Vel etiam tanquam mortua existente anima, ut supra puerum illius Sunamitidis ad imitationem Prophetæ, septies orent Sacerdotes, & eam suscitant, prout sanè excitavit puerum Eliseus septies reversus, septies item precatus. Vel quemadmodum Elias septies orans, cælum, quod peccantibus clauserat, rursus aperuit, atque deduxit pluviam; sic isti septies de peccati solvant quidam squallorem peccati, accepta verò gratiæ clave, non secus, ac Petrus aperiant cælum, atque misericordiam à Deo remissionis, velut imbrem deducant.

Is ergo sensus est, ut mea fert sententia septenarii numeri.

In necessitate autem, & pauciores Sacerdotes conficiunt. *Et infra*. Nonnulli verò, ubi penuria est Sacerdotum, tres tantum convocant, idque non est reprehendendum. Erit enim in primis propter potentiam Trinitatis. Deinde verò etiam propter aliud factum Eliæ in testimonium, & prædicationem Trinitatis: Quando mortuum filium Seraphai thæ trina prædicatione, trinaque vice in eum incumbens suscitavit. Ceterum non est curiosius inquirendum de numero, quando neque numerus scriptus est. Nisi quodd, quamvis non sit scriptus, necessarium tamen est, antiquam observare Traditionem, & sint quidem septem, ut veteris moris est, si verò necessitas fuerit, tres sint ad minus, eaque omnia recitent, quæcumque per traditionem dicenda esse acceperunt. Quoniam quæ à Patribus sunt, ea quodque Spiritus esse, fatendum est.

Verum, ut ibidem respondet Arcudius, unde colligit Simon ex eo quod Apostolus dixerit, vocet Presbyteros Ecclesiæ, non unum intelligere Presbyterum? si propter numerum multitudinis, frequenter is numerus in Scripturis sanctis accipitur pro numero singulari; Nam & Apostolus ad Hebræos scribens de Prophetis dicit: *Obtulerunt ora leonum, lapidati sunt, filii sunt, circumciserunt in molis, & pellibus caprinis*, & tamen qui obtulit ora leonum unus fuit Daniel, & qui lapidatus est unus Hieremias fuit, & qui sectus est unus Isaias: Et similiter S. Matthæus, & S. Marcus referunt, latrones cum Christo crucifixos imbecillitatem illi exprobrasse: cum tamen S. Lucas disertè scribat, unus autem de his, qui pendebant, latronibus blasphemabat eum. Sed eodem modo respondendum est, illos accepisse nume-

rum multitudinis pro numero singulari, ut sanctus Augustinus observavit in lib. 3. de consensu Evangelistarum cap. 16.

Deinde sæpe Scriptura utitur communi modo loquendi. Communiter autem dicimus, confitenda sunt peccata Sacerdotibus; in ægritudine vocandi sunt Medici, cum tamen semper uni Sacerdoti patefaciamus peccata, & sapissimè unus Medicus curet ægrotum. Itaque quòd Jacobus Apostolus dixerit, *vocet Presbyteros*; perinde est, ac si dixisset, *vocet unum ex Presbyteris*. Sic Christus D. dixit leprosis: Ite, ostendite vos Sacerdotibus, cum alteri leproso dixerit: Vade, ostende te Sacerdoti. Et Levitici 13. de leproso scriptum est, adducitur ad Aaron Sacerdotem, vel ad unum quemlibet filiorum ejus. Et profectò si omnes illi decem leprosi uni Sacerdoti se ostendissent, præcepto Christi D. cumulata satisfecissent.

Et infra: Unus Presbyter seorsim, consideratus verè, propriè, ac per se etiam secundum Græcos veram adhibet subjecto materiam, & integram formam hujus Sacramenti: ergo verè, & propriè solus confert hoc Sacramentum. Quare cæteri videntur esse superflui, superfluos dico, si exequantur Sacramentum recitantes eandem formam: imò utrum etiam graviter peccent, dum sine ratione iterant Sacramentum, nec-ne, dicam postea suo loco.

Denique, si Thessalonicensis congruentias querit, ut ipse requirit ad minùs tres ad significandam sanctissimam Trinitatem; ita nos unum ad declarandam unicam Divinitatem, vel unam personam Christi incarnati, vel aliquid simile; non enim defunt ingeniosis similitudines rerum, & congruentiæ. Quare si vel aderit Presbyter, sufficit solus, præsertim in necessitate. *Hæc Aræudius*. Consequens est ergo, quòd cum S. Jacobus, ait: Inducat Presbyteros, potius qualitatem Ministri, quàm nu-

merum commendat; hocque ab eo dictum est per enallagen; quomodo sæpè dicitur, quòd peccator sua crimina debet confiteri Sacerdotibus, id est hominibus, qui sit Sacerdos, vel uni ex Sacerdotibus.

Ex his collige; Sacramentum Extremæ-Unionis integrè administrari debere ab eodem Ministro; ita quòd singulæ Uniones cum suis formulis, & præcationibus, ab eodem Sacerdote adhibeantur; sanctus enim Jacobus dicit, ungentes debere orare super ægrotum; una autem oratio à pluribus partialiter prolata, non potest habere perfectum sensum, secundum communem usum loquendi. Possent tamen diversorum sensum Uniones unà cum formulis sibi correspondentibus à diversis Sacerdotibus Ministrari extra necessitatem quidem validè, sed illicitè, quia id fieret contra Ecclesiæ praxim, quæ maximè in Sacramentorum administratione est attendenda: licitè verò in necessitate, puta si prior Sacerdos post primam Unionem unius sensus deficiat, & tunc alter reliquas Uniones absolvat.

Collige secundò: Ministrum ordinarium Extremæ-Unionis esse proprium Pastorem cujusque Ecclesiæ, licet enim omnis Sacerdos validè possit hoc Sacramentum etiam extra necessitatem conferre, non potest tamen licitè id exequi, nisi sit vel proprius suscipientis Sacerdos, vel ab eo licentiam obtineat: Tum quia ministrare Sacramentum, est officium Pastoris, quod nullus potest sibi vindicare, nisi vel ab eo Pastore, vel ab ejus Superiore facultatem obtineat. Unde Catechismus Concilii Tridentini, cum dixisset num. 26. soli Sacerdoti hujus Sacramenti administrationem esse commissam, subdit: Neque tamen Ecclesiæ decreto cuivis Sacerdoti, sed proprio Pastori, qui jurisdictionem habeat, sive alteri, cui ille ejus muneris fungendi potestatem fecerit, hoc Sa-

Sacramentum administrare licet. *Tum, quia* ex Clementina prima de Privilegiis, sub excommunicationis poena prohibetur Religiosis, ne absque licentia proprii Sacerdotis, seu Presbyteri Parochialis, hoc Sacramentum administrent Clericis, aut Laicis sibi non subditis.

QUÆRES 2. *Quibusnam hoc Sacramentum conferri debeat?*

Respondeo: Hujus Sacramenti suscipiendi capacem esse solum Christianum viatorem aduultum, & infirmum,

Prima pars constat: nullus enim homo capax est Sacramenti suscipiendi, nisi caractere Baptismali sit insignitus, quippe cum, ut jam diximus pluries cum Concilio Tridentino, Baptismus sit omnium Sacramentorum janua: Unde si hoc Sacramentum conferretur non baptizato, quantumvis ille Catechumenus esset, & in gratia existens, prorsus irritum esset, & invalidum.

Secunda pars etiam constat, nempe quod solus homo vivus, & viator hujus Sacramenti recipiendi sit capax: *Tum, quia* S. Jacobus dicit, eum cui conferri debet hæc sacra Unctio, debere esse infirmum, ac subinde vivum, & viatorem: *Tum, quia*, ut diximus agendo de Sacramentis in communi: Sacramenta novæ legis sunt remedia, quæ non prorsus mortuis finaliter, ac damnatis, nec perpetua sanitate fruuntibus, quales sunt Beati, sed dumtaxat infirmis ut sunt viatores.

Tertia pars, nempe quod conferri debeat tantum adultis, sufficienter colligitis ex dictis: cum enim præcipuus hujus Sacramenti effectus sit remissio peccati venialis, & ex accidenti etiam mortalis, illi soli debet ministrari qui hujusmodi peccati committendi capax est: pueri autem ante rationis usum non sunt capaces ullius committendi pec-

cati: ergo neque hujus Sacramenti suscipiendi.

Nec obstat, quod sint capaces gratiæ, & illius augmenti: nam augmentum, vel infusio gratiæ est generalis effectus Sacramentorum, qui per singula Sacramenta, non confertur, nisi ut conjunctus propriis effectibus ipsorum Sacramentorum; & ideo ubi non est capacitas primarii, & proprii effectus, nec etiam est capacitas Sacramenti, neque effectus communis Sacramentorum per tale Sacramentum conferendus est.

Vel dico, cum Maftrio, Sacramenta esse quidem instituta ad causandam gratiam, cum hæc sit communis eorum effectus, non tamen instituta sunt ad eam quomodocumque causandam, sed tanquam necessariam ad aliquem peculiarem effectum eis proprium; alioquin sequeretur, quod cum gratia habitualis ab omnibus causata, sit ejusdem speciei, eosdem quoque effectus produceret in singulis Sacramentis, & omnia quoque Sacramenta ejusdem essent speciei. Hinc diximus in superioribus, Baptismum esse institutum ad causandam gratiam, qua deletur originale, & cætera actualia: Pœnitentiam ad causandam gratiam, qua homo valeat fortiter confiteri fidem, & sic de aliis: sic ergo in proposito Extrema-Unctio instituta est ad causandam gratiam deletivam secundum se venialium in homine eorum capaci, ad confortandum contra tentationes, & ad alleviandam animam, ut constat ex dictis: cum ergo parvuli nec peccatorum nec tentationum dæmonis sint capaces, nec gratiæ per illud collatæ, quæ de se est deletiva venialium in subiecto capaci eorum: Ita Maftrius, *quæst. 6. num. 106.*

Nec etiam obstat, quod infantes sint capaces recipiendæ sanitatis, quæ recensetur inter effectus Extrema-Unionis: Nam, ut diximus, effectus iste est tantum intentus per accedens, non autem primò, & per se; ac subinde illius fo-

folius producendi gratia non debet Sacramentum administrari: igitur solis adultis, qui aliquando usum rationis habuerunt, legitime conferri potest hoc Sacramentum, dummodo certo non constet, eos antequam usum rationis amiserunt, fuisse in peccato, & de illo non penituisse, puta si quis blasphemando, aut adulterando ratione, ac sensibus destitueretur, & periculoso morbo laboraret; hac enim in occasione ei non deberet conferri hoc Sacramentum, quia non ordinatur directe ad remissionem peccati mortalis, & aliunde supponit hominem penitentem, aut in statu gratiæ.

Aliis autem quibuscumque adultis etiam si de facto nullum rationis usum habeant, dummodo illum antea habuerint, debet hoc Sacramentum ministrari: quia primarius hujus Sacramenti effectus non est tantum animi roboratio contra tentationes demonis, sed etiam est peccatorum venialium remissio, nec non mortalium inculpabiliter oblatorum; vel quæ per alia Sacramenta non fuerunt remissa; quamvis ergo amentes in eo statu, sint horum effectuum incapaces, sunt tamen capaces alterius, scilicet remissionis peccatorum; fieri enim potest, ut aliquis in peccato mortali existens cum sola Attritione in amentiam incidat, quo in casu virtute hujus Sacramenti gratiam recipiat, & de attrito fiat æquivalenter contritus.

Nec obstat, quod S. Jacobus dixerit, *adueat Presbyteros*: hæc enim non significant, necessariam esse in infirmo petitionem formalem, & expressam hujus Sacramenti; sufficit enim virtualis, & interpretativa, quam unusquisque habet de propria salute; enim verò si hæc interpretativa, & virtualis petitio sufficiat ad receptionem Baptismi, multo magis sufficiet ad conferendam sacram Vnctionem.

Patet denique *ultima pars*, nempe quod solus homo infirmus, sit Extre-

mæ-Vnctionis capax; id enim à Christo D. institutum fuisse creditur ex verbis S. Jacobi dicentis: *Infirmatur quis in vobis, &c. Quod utique declarat Concilium Florentinum*, cum dixit: *Hoc Sacramentum nisi infirmo, de cuius morte timetur, dari non debet*: Et Tridentinum dicens: *Non nisi infirmis, qui in exitu vite constituti videantur*. Unde Sacramentum hoc valide conferri non potest homini bene valenti, quamvis in evidenti vite periculo constitutur, puta damnatis ad mortem, aut periculose navigaturis, aut præliaturis; hi namque non sunt infirmi, & possunt sibi consulere per alia Sacramenta, maxime per Sacramentum Pœnitentiæ.

Hæc omnia luculenter ac nitide explicat Doctor *diff. 23. num. 3.* ubi tradit ac declarat definitionem Extreme-Vnctionis in hunc modum: *Extrema-Vnctio est unctio hominis infirmi Pœnitentis, facta in determinatis partibus corporis, cum oleo consecrato ab Episcopo, ministrata à Sacerdote, simul verba certa cum intentione debita proferente, ex institutione divina efficaciter significant curationem finalem venialium*. Ista ratio (*inquit*) apparet bona, quia non est in se falsa, ex §. Metaph. cap. 17. quia nulla pars ejus repugnat alteri. Exponendo ergo partes, primo ponitur, quod est *unctio*, cujus congruentia est, quia istud signum sensibile congruit effectui, scilicet unctioni curatiuæ; subditur, *hominis infirmi*, ideo non debet conferri sano, nec qualitercunque exposito periculo mortis, quia non ei cui imminet mors ex periculo extrinsece violentiæ, ut armorum, vel submersionis, vel hujusmodi, nec sibi exitus de statu viatoris ad terminos: ita quod probabiliter imminet qualitercunque infirmo, sed periculum. Quod additur *pœnitentis*, patet, quia nullus est capax istius Sacramenti dignè, nisi sit in gratia: istud

istud enim Sacramentum non est remedium acquirendi gratiam, quia ad hoc sunt tantum Baptismus, & Pœnitentia. Ex hoc excluduntur non utentes ratione, ut parvuli, & qui non habent materiam Pœnitentiæ, saltem qui non habent Pœnitentiam de venialibus, ut perfectè innocentes: quia etiam non utentes ratione non possunt esse pœnitescentes; excluduntur furiosi, & amentes; & hoc nisi per voluntatem præcedentem, expressam prefumantur illud velle.

Quod additur, in determinatis partibus; istæ partes sunt organa potentiarum, per quarum actus peccatur frequenter venialiter, utpote organa quinque sensuum, & potentiæ motivæ. Et hoc aliquando respectu ejusdem sensus, vel potentiæ geminæ, ut organa potentiæ visivæ, ut oculi duo, organa potentiæ auditivæ duæ, aures, organa potentiæ olfactivæ, nares, organa potentiæ tactivæ manus. Et sic istis prædictis, sicut geminantur organa, ita geminantur vnctiones; organum gustus est lingua, in qua non fit propter abominationem tollendam, vnctio: sed exterius super os; propter autem organum potentie generativæ fit vnctio ad lumbos, juxta illud Gregorii super illud Lucæ: *Sint lumbi vestri præcin-
ti, &c. Viris*, inquit, *luxuria in-
lumbis est*. Propter organum motivæ quantum ad progressivam, quæ est principalis motiva, fit duplex vnctio in duobus pedibus tanquam organis ad illum motum ordinatis. Alia motio, quæ frequenter peccatur, est motio lingvæ, juxta illud Jacobi 3. *Qui non offendit verbo, hic perfectus est vir*, & multa alia ibi. Et contra illud est vnctio oris, ita quod ipsa est remedium contra duplex peccatum veniale, sicut lingua congruit in duobus operi nature. 2. de anima, in gustum, scilicet, & loquelam. Sunt ergo un-

decim vnctiones, scilicet partiales, sed aliquæ sunt geminæ quasi una, ita quod sunt septem principales, quinque in organis quinque sensuum sexta in organo principali potentiæ motivæ progressivæ, septima in organo principali generativæ.

Doctor concinit Catechismus Concilii Tridentini, num. 17. ubi ait: Sed docendi sunt fideles, quamvis hoc Sacramentum ad omnes pertineat, quædam tamen hominum genera excipi, quibus administrandum non fit. Ac primum excipiuntur, qui sano, & firmo corpore sunt: iis enim Extremam-Vnctionem tribuendam non esse, & Apostolus docet, cum inquit: *Infirmatur quis in vobis? & ratio ostendit; siquidem ob eam rem instituta est, non modo ut animæ, sed etiam ut corpori medicinam afferat*. Cùm igitur illi tantum, qui morbo laborant, curatione indigeant idcirco iis etiam, qui adeo periculosè ægrotare videntur, ut, ne supremus illis vitæ dies instet, metuendum sit, hoc Sacramentum præberi debet. Ita quo tamen gravissimè peccant, qui illud tempus ægroti ungendi observare solent; cum, jam omni spe salutis amissa, vita, & sensibus carere incipiat; constat enim ad uberiorem Sacramenti gratiam percipiendam plurimum valere, si ægrotus, cum in eo adhuc integra mens, & ratio viget, fidemque, & religiosam animi voluntatem afferre potest, sacro oleo liniatur. Quare Parochis animadvertendum est, ut eo potissimum tempore cœlestem medicinam adhibeant illam quidem semper vi sua admodum salutarem, cum eorum etiam pietate, & religione, qui curandi sunt, magis profuturam intellexerint. Nemini igitur, qui gravi morbo affectus non sit, Sacramentum Vnctionis dare licet, tametsi vitæ periculum adeat, vel quia periculosam navi-

navigationem parat, vel quia prælium initurus sit, quo certa mors illi impendeat, vel etiam si capitis damnatus ad supplicium raperetur: Omnes præterea, qui rationis usu carent, ad hoc Sacramentum suscipiendum apti non sunt; & pueri, qui nulla peccata admittunt, quorum reliquias sanare hujus Sacramenti remedio opus sit: amentes item, & furiosi, nisi interdum rationis usum habuerint, & eo potissimum tempore pii animi significationem darent, peterentque ut sacro oleo ungerentur; nam qui ab ipso ortu nunquam mentis, & rationis compos fuit, ungenus non est: secus verò si ægrotus, cum mente adhuc integra hujus Sacramenti particeps fieri voluisset, postea in insaniam, & furorem incidit.

PETES: *Quenam sit obligatio suscipiendi hoc Sacramentum?*

Respondeo primò, quòd si Extrema-Unctio attendatur secundum se, & absolute in ordine ad hominem constitutum in morbo periculoso, Fideles adultos ad sui receptionem non obligat; siquidem ad id tenerentur, vel necessitate medii, vel necessitate præcepti. Non *prima*, quia hoc Sacramentum non est tantæ necessitatis, ut sine ejus receptione salus non possit comparari; siquidem nullo ex capite talis necessitas colligitur, quia nullum extat præceptum vel in Scriptura, vel in Traditione, vel in Canonibus, aut praxi Ecclesiæ: non quidem in Scriptura: si enim aliquod hujus Sacramenti suscipiendi esset præceptum, maximè peteretur ex verbis S. Jacobi: at ita non est; siquidem S. Jacobus solum ibi promulgat hoc Sacramentum, & magis hortatur fideles ad ejus receptionem, quàm illam præcipiat: igitur non est obligatio illud suscipiendi sub peccato. Neque etiam ex Canonibus, aut praxi

Ecclesiæ, quia praxis Ecclesiæ non fundatur in obligatione, sed in utilitate consequenda ex hujus Sacramenti receptione. Neque etiam ex Canonibus; nullus enim canon apparet, ex quo colligatur hæc necessitas: quare Ecclesia tempore interdicti prohibet dari moribundis Sacramentum Extreme-Unionis cap. *quod in te de Penit. & remissione*, quod certè non prohiberet, si esset illis necessarium necessitate medii, vel præcepti; ob eam enim rationem non prohibet illis dari sacramenta Pœnitentiæ, & Eucharistiæ per modum viatici.

Respondeo secundò, quòd si hoc Sacramentum consideretur per ordinem ad quasdam circumstantias speciales, puta scandali, vel contemptus, aut conscientie: aliquando fideles adulti ad ejus receptionem obligantur; quisque enim tenetur vitare scandalum, & ea sibi media procurare, quæ ex conscientia judicat esse necessaria ad salutem consequendam; at ex omissione receptionis hujus Sacramenti potest interdum oriri scandalum, puta vel suspicio hæresis, vel hujus Sacramenti contemptus, si nempe aliquis bene audiens apud omnes, scias se constitutum in morbo periculoso, & communem esse fidelium praxim, ut hoc Sacramentum in tali statu recipiatur, illud tamen respuit coram pluribus, sicque dat occasionem suspicandi, quòd sit hæreticus; vel ex parte conscientie, si nempe infirmus de sua Contritione, nec possit suscipere sacramentum Pœnitentiæ, cujus ope fiat ex Attrito contritus, in eo casu tenetur sibi procurare hujus Sacramenti receptionem, ut nempe habeat media sufficientia ad salutem.

PETES DENIQUE : *Quenam dispositiones prærequirantur in suscipiente ad dignam receptionem hujus Sacramenti ?*

Respondeo, requiri primò, ut suscipiens sit ab omni peccato mortali purgatus; unde hoc Sacramentum conferri solet dumtaxat post Absolutionem sacramentalem : *Secundò*, ut suscipiens habeat fidem, & spem consequendæ sanitatis animæ, & corporis, si hæc corporis sanitas saluti expediat. *Tertiò*, ut suam intentionem, & preces jungat, & uniat intentioni, & precibus Ecclesiæ. *Quartò* denique, ut exinde speret sibi concedendum divinum auxilium, & patrocinium adversus omnes dæmonum infestationes. Quas omnes dispositiones optimè explicat Catechismus Rom. num. 29. ubi scribit : *Quoniam* verò omni studio curare oportet, ne quid Sacramenti gratiam impediat : ei

verò nihil magis adversatur, quàm aliqujus peccati mortiferi conscientia : servanda est Catholicæ Ecclesiæ perpetua consuetudo : ut ante Extremam-Vnctionem, Pœnitentiæ, & Eucharistiæ Sacramentum administretur. Ac deinde ægroto persuadere Parochi studeant, ut ea fide se ungendum Sacerdoti præbeat, quæ olim, qui ab Apostolis sanandi erant, seipsos offerre consueverant. In primis autem animæ salus, deinde corporis valetudo cum illa adjunctione, si ea ad eternam gloriam profutura sit, expendenda est. Nec verò dubitare Fideles debent, quin sanctæ illæ, & solennes preces à Deo audiantur, quibus Sacerdos non suam, sed Ecclesiæ, & Domini nostrî Jesu Christi personam gerens utitur. Quæ una maxime re cohortandi sunt, ut hujus saluberrimi olei Sacramentum sanctè, & religiosè sibi ministrandû curent, cum & acrior pugna inflare, & vires cum animi, tum corporis deficere videantur.

Finit Tomus Decimus.





I N D E X

RERUM NOTABILIVM

ET SENTENTIARVM,

Quæ in hoc Decimo Volumine continentur :

Prior numerus significat paginam , posterior verò columnam .

A

Ablutio .

ABLVTIO est materia proxima Baptismi .
pag. 254. 1

Quid sit Ablutio baptismalis . ibid. 2

Ablutio sacramentalis fieri potest tribus modis . 255. 2

Ablutio baptismalis fieri debet in notabili parte . 256. 1

Vrgente tamen necessitate , potest in minima . 257. 1

Ablutio baptismalis requirit aliquam aquæ quantitatem . ibid. 2

Ablutio occisiva non proficit . 258. 1

Absolutio .

Quo sensu præcipua vis poenitentiae consistat in Absolutione . 478. 1

Quare Sacerdotalis Absolutio dicatur forma poenitentiae . 479. 1

Sola verba, *Absolvo te*, sunt essentialia formæ Absolutionis . 481. 1

His verbis, Absolvo te, cum debita intentione prolatis perficitur Sacramentum . 482. 1

Absolutio debet ore proferri, quamvis consensio fieri possit scripto, aut nutu . 487. 1

Discrimen inter Absolutionem & Censuram, & Absolutionem à peccatis . 488. 1

Nulla esset Absolutio data absenti, & per litteras . ibid. 2

Absolutio non potest fieri solis verbis deprecativis . 495. 1

Græci non Absolvunt verbis tantum deprecatoriis . 500. 1

Valere potest Absolutio sub conditione de præterito, & præsentis, non autem de futuro . 506. 1

Dimittitur aliqua pars poenæ per Absolutionem . 517. 1

Quomodo quisvis fidelis possit iustum Absol-

vere .

651. 2

Quilibet Sacerdos non potest Absolvere . 656. 1

Quia non omnis habet jurisdictionem ibid. 2

Non licebat olim quoslibet poenitentes Absolvere . 658. 1

Non confertur completa potestas Absolvendi in Ordinatione . ibid. 2

Licet Sacerdotes eam habeant à Christo . 659. 1

Actio .

Tria sunt in Actionibus Hierarchicis . 65. 1

Quid remaneat post Actum peccaminosum . 361. 1

Et quomodo possit deleri . ibid.

Agrippinus primus omnium decrevit nullum esse Baptismum hæreticorum . 160. 2

Non constat eum esse Tertulliano posteriorum . ibid. 1

Sed hoc dogma perperam stabilivit . ibid.

Quid sit agere ex opere operato . 85. 1

Quam imperitè hæc vocabula rideat Calvinus . ibid. 2

Adultus .

Adultus est duplex . 396. 1

Adultus ratione orbatus baptizari potest . 395. 1

Adultus non consentiens invalidè baptizatur . 396. 1

Nolens tantum secundum quid, valide baptizatur . 397. 1

Amor .

Intensio Amoris est multiplex . 396. 2

Quo sensu S. Aug. dixerit neminem posse iustificari sine amore Dei . 371. 2

Angelus .

Quare Angeli non possint efficere quicquid possunt homines . 138. 2

Quia ratione S. Aug. asserat Apostolos non dedisse Spiritum sanctum . 91. 1

Aqua .

Aqua benedicta non est propriè Sacramentum . 65. 2

D d d d d 2

Aqua

INDEX RERUM,

Aqua naturalis est sola baptismi materia. 246. 2
 Aqua vera fluxit ex perfosso latere Christi D. 247. 2
Attritio.
 Quid significet nomine Attritionis. 555. 2
 Attritio ex metu gehennæ est æquus salutaris. 558. 2
 Attritus tendit in Deum saltem inefficaciter, & magis dolet de culpa quàm de pœna 563. 1
 Attritio sufficit cum Sacramento ad gratiam, 563. 2
 Attritio cùm Sacramento æquivalet contritioni quantum ad effectum. 572. 2
 Doctor Seraphicus non improbat Attritionem, nec Subtilis Doctor. 571. & 574.
 Attritio sine Sacramento non est multum accepta Deo. 575. 2
 Attritio cum Sacramento fit Contritio æquivalenter. 578. 1
 Attritio debet extendi ad omnia peccata mortalia, non autem necessario ad omnia venialia. 578. 2
 Definitio Attritionis, 580. 2

B

Baptismus.

Quam miranda sit Baptismi virtus. 213. 1
 Æmulatur Incarnationem. ibid. 2
 Baptismi nomen tria significat. 214. 1
 Variis nominibus, ac gloriæ titulis illustratur. ibid. 2
 Cur primum agatur de S. Joannis Baptismo. 215. 1
 Hæretici nolunt aliquid esse discrimen inter Baptismum Joannis, & Christi. ibid.
 Baptismus Joannis fuit præparatio ad Baptismum Christi. 216. 1
 Baptismus Joannis distinctus erat à Baptismo Christi. 217.
 Proponitur primum hæreticorum fundamentum. 218. 2
 Solvitur. ibid.
 Alia hæreticorum fundamenta proponuntur, ibid. & sequentibus, & convelluntur. 220. 1
 Baptismus Joannis non conferebat gratiam sanctificantem. 221. 1
 Quam variè erraverint hæretici circa materiam Baptismi. 245. 1
 Aqua naturalis est sola legitima Baptismi materia. 246. 2
 Explicantur SS. Patres, qui huic assertioni videntur contrarii. 221. 2
 Baptismus collatum ab hæreticis esse validum, definitur in Conciliis. 165. 1
 Probatur ex variis figuris veteris Testamenti. 166. 2
 Idem decernunt Summi Pontifices. ibid.

Obijciuntur Canones Apostolorum, & Concilii Nycæni, &c. 168. 2
 Explicantur, & solvuntur. 169. 2
 Falsum est Anastasium divinitus esse percussum, quod approbasset Baptisma hæreticorum. 172. 2
 Obijciuntur decreta SS. Pontificum. 171. 1
 Solvuntur, & explicantur. 172. 1
 Obijciuntur SS. Patres, & solvuntur. 173.
 Traditione Apostolica constat non esse rebaptizandos hæreticos. 174. 2
 Perperam consuetudinem, & traditionem sibi patrocinari censebant SS. Firmilianus, & Cyprianus. 175. 2
 Plurima pro veris falsis supponit Firmilianus. ibidem.
 Prætermissam illam traditionem optime refellit S. August. 176. 1
 Quomodo hæretici possint dare remissionem peccatorum. ibid. 2
 Non fuit etiam Alexandrinum. 179. 1
 Nec Bagajense. ibid.
 Neque Sardicense. 181. 2
 Sed Nycænum. ibid.
 Quo sensu S. Augustinus dicitur Canones Concilii Nycæni ignorasse. 182. 1
 Quare Canonis Nycæni de non rebapt. non meminerit S. Epiphanius. ibid. 2
 Nec S. Basilii. 184. 2
 Plures fuerunt Canones Nycæni, quàm appareant. ibid.
 Sal resolutum potest esse materia Baptismi, 253. 1
 Aqua Baptismi solemniter conferendi debet esse benedicta. ibid. 2
 Stephanus II. non probavit Baptismum in vino collatum. 190. 1
 Omnis, & sola aqua elementaris est materia sufficiens Baptismi, ibid. 2
 Repudiantur omnes alii liquores, maxime artificiales. 251.
 Dubitatur de cervisia, & jusculo, &c. 252. 1
 Non valet Baptismus per jocum ministratus. 204. 1
 Explicatur facta S. Genesii, & S. Athanasii ad hoc pueri per Iosum pueræ baptizantis. ibid.
 Quo sensu dixerit S. August. Christum D. potuisse dare servo virtutem inquirendi Baptismum, 26. 1
 Quo sensu dixerit S. Aug. Baptismum mundare per fidem. 26. 2
 Solvitur factum pueri Judei à pueris Christianis baptizati. 206. 2
 Quare Calvinistæ verè baptizent. 206. 2
 Quare Ecclesia in forma Baptismi utatur verbo Græco baptizo. 21. 2
 Ebrius potest validè baptizare, non ita ebrius. 200. 2

ET SENTENTIARUM.

Baptismus sanguinis dignior est Baptismo fluminis.

Quid sit baptizari frustra à mortuo. 149. 2

Hæreticus potest scipere Baptismi characterem, non verò gratiam. 177. 2

Vnde error Baptizantium. ibid.

Baptismus potest esse validus, sine collatione Spiritus sancti. 178. 2

Quare Baptismus hominis prodesse possit sine charitate, non verò Baptismus sanguinis. ibidem.

Baptismus hæreticis collatus non prodest ad salutem. ibid. 2

Quomodo S. Cyprianus admittat validum esse Baptismum collatum ab hæreticis. 179. 1

Quomodo Baptismus possit generare veros Ecclesie filios apud eos, qui non sunt in vera Ecclesia. ibid. 2

Cur iterum baptizati fuerint, qui erant à Sancto Joanne Baptista tincti. 180. 1

Non sufficit huic veritati S. Cypriani sententia. ibid. 2

Non fuit soluta pax, & communio inter SS. Cyprianum, & Stephanum. 181. 1

Firmilianus sententiam revocavit, & sanctè obiit. 182. 2

6. Cyprianus etiam sententiam revocavit. 183. 1

Dubitatum est an scripta, quæ apud S. Cyprianum rebaptizationi favent, revera illius essent. ibid. 2

Magis controversia de Concilio, in quo scriptum est dogma de rebaptizandis ab hæreticis baptizatis. 184. & seq.

Quod tamen fuit universale, & Oecumenicum, ibidem.

Fuit celebratum ante nativitatem S. Augusti. 186. 1

Non fuit Arelasense. ibid. 2

Qualiter Christi D. Passio tantum prævisa, contulerit efficaciam Baptismo. 188. 1

Baptismus non fuit institutus dum Christus D. in Jordane baptizatus est. ibid. 2

Nec in colloquio cum Nicodemus. 229. 1

Quo sensu plurimi Patres dixerint Baptismum accepisse viam sanctificandi in Jordane. ibid.

Baptismus fuit utilis, & sufficiens pro expiatione peccato originali ante Christi Passionem. 230. 2

Qui baptizatus erat ante Christi D. Passionem poterat salvari sine Circumcisione: Iudei tamen tenebantur circumcidere suos pueros, licet baptizati. 131. 132.

Baptismus non fuit sub præcepto statim post mortem Christi. 233. 1

Sed pro Iudeis à Pentecostes, & successivè pro Gentilibus. ibid. 2

Certum est Baptismum esse sacramentum novæ legis. 222. 1

Et primum omnium à Christo D. institutum. ibid. 2

Triplex est sententia de tempore institutionis Baptismi. 223. 1

Et complex de inceptione illius obligationis. ibid. 2

Duplex traditur Baptismi definitio. 224. 1

Vltima magis probanda. ibid. 2

Omnino rejiciendæ sunt definitiones hæreticorum. 225. 1

Baptismus fuit institutus ante Christi D. Passionem. ibid. 2

Christus D. suo baptismo baptizavit, & ejus Discipuli. 226. 1

Baptismus est primum omnium Sacramentorum, & Ecclesie janua. ibid. 2

Æne similes formæ rejiciuntur. 227. 1

Licitum fuit aliquando baptizare in solo nomine Christi. ibid.

Opposita tamen sententia non est improbabilis. 227. 2

Non licet nunc in solo nomine Christi Baptizare. 227. 2

Probabilius est, quod Baptismus ille esset invalidus. 227. 2

Baptismus duplici ritu potest administrari. 227. 1

Duplex est illius minister. ibid.

Duplex est Sacramentorum administratio. ibid. 2

Calvinistæ nolunt Baptismum posse administrari à quolibet. ibid.

Quod omnes Catholici proclamant. 228. 1

Valeat enim Baptismus collatus etiam à Pagano, & Iudæo. ibid.

Multo magis à Laico Christiano. ibid. 2

Quæ ratione Christus D. dederit Apostolis potestatem baptizandi. 227. 1

Quo sensu Tertullianus negat jns baptizandi mulieribus. ibid. 2

Et Gregorius XI. Paganis. ibid.

Sicut & S. Augustinus. ibid.

Et Concilium Elibetanum. ibid.

Episcopus, & Sacerdos est Minister ordinarius Baptismi. 228. 1

Quis sit servandus ordo inter Ministros Baptismi. ibid. 2

Nemo seipsum baptizare potest. 229. 2

Plures ab uno baptizari possunt. 230. 2

Quo in casu plura essent baptismata. 231. 1

Quo sensu, & quomodo intelligi possit, quod plures eundem baptizarent. ibid. 2

Græci utuntur verbo (baptizetur) 266. 1

Quæ fuerit hujus passivæ usurpationis causa. ibid. 2

Possunt adhuc sub ea forma baptizare. 267. 2

Verbum illud deprecationem tantum significat. ibid.

Nunc temporis est indicativi modi, ajunt enim,

INDEX RERUM;

anim. (*baptizatur*) 263. 1
 Persona baptizati exprimi debet in forma Baptismi . ibid.
 Præpositio (*in*) non est absolute necessaria . 269. 1
 Particula (*in nomine*) significat unitatem essentiae divinae . ibid.
 Vel authoritatem, & maiestatem Dei. ibid. 2
 Est absolute necessaria . ibid.
 Personæ divinae exprimi debent in Baptismo sub proprietate eorum constitutiva in ratione personæ . 270. 1
 Omnia peccata per Baptismum diluuntur 317. & seq.
 Per Baptismum solvitur poena æterna . 321. 1
 Non verò omnis temporalis . ibid.
 Quomodo Baptismus imminuat concupiscentias vires . 322. 1
 Baptismus æqualem gratiam ordinariè confert subiectis æqualiter dispositis . ibid. 2
 Potest tamen uberius gratia Baptizatis conferri . 323. 1
 Non eadem est obligatio suscipiendæ Eucharistiæ, ac Baptismatis . 289. 1
 Parvuli omnes sunt capaces Baptismi suscipiendi . ibid.
 Non est eadem obligatio audiendæ doctrinæ, ac suscipiendi Baptismi Christi D. 290. 1
 Quare non sit eadem necessitas fidei, ac Baptismi . ibid. 2
 Nullum est amplius remedium originalis peccati eluendi, nec medium salutis consequendæ, quod parvulis prodesse possit, præter Baptismum . 321. 2
 Quare nunc non vigeant legis naturæ, & scripturæ remedia . 292. 2
 Ne tamen deterior sit conditio Christianorum, quàm Iudæorum . 293. 1
 Baptismi suscipiendi necessitas irrita reddit alia remedia pro eluendo peccato originali, licet non sit cognita . 294. 1
 Ad sacramentum conferendum, & suscipiendum sufficit intentio virtualis . 307. 1
 Parvuli infidelium possunt distrinshi à consorcio parentum . 300. 2
 Non est improbabile infideles posse cogi ad fidem . 301. 2
 Etiam infideles non Baptizati . 302. 2
 Quatuor præcipue requiruntur dispositiones in adulto baptizando . 303. 1
 Fides est necessaria ad debite, non autem sè valide suscipiendum Baptismum . ibid. 2
 Etiam habitualis sufficit . 307. 2
 Non sufficit ad validum Baptismum status indifferens . 308. 2
 Adultus Baptizandus debet pœnitere . 309.
 Contritio perfecta non requiritur in adulto baptizando . 310. 2

Contritio perfecta non est necessaria ut homo se convertat ad Deum; ut ad ultimum finem . 311.
 Qui simulata pietate accedit Baptizandus valide baptizatur . 312. 1
 Sed non iustificatur . ibid.
 Tres modi, quibus dicitur gratia Baptismi reviviscere . 313. 1
 Explicantur . 314. 2
 Baptismi varios effectus numerant SS. Patres . 316. 1
 Non Baptizati tripliciter subijci possunt Principibus Christianis . 317. 1
 Infidelium filii vslidè possunt Baptizari invitis parentibus . 319. 1
 Licet adniti non possint contra propriam voluntatem . 320. 2
 Filii Baptizatores, & Infidelium mancipatorum Christianis, baptizari possunt invitis parentibus . 321. 1
 Possunt Infidelium politice Christianis subditorum filii licite baptizari . 322. 1
 Quia Deo magis est obediendum quàm hominibus &c. ibid. 2
 Nullus esset Baptismus si unus ablueret, & alter verba proferret . 281. 2
 Esset autem validus si omnes simul intrumque præstarent . ibid.
 Quid sit sgendum circa baptismationem monitri . 259. 1
 Baptismus potest intelligi necessarius tribus modis . 284. 1
 Baptismus est omnibus omnino necessarius ad salutem . ibid.
 Vt etiam sstebantur Pelagiani . 285. 2
 Præcluditur Calvinistis evasio . 286.
De Cæremoniis Baptismi.
 Undè deductum Cæremoniz nomen . 225. 2
 Quid sit ? ibid.
 Fas negat usurpandas Calvinus . ibid.
 Varie Cæremoniz antiquitus Baptismum antecedeabant . 226. 2
 Ad Baptismi solemnem collationem requiruntur Patrimi . 227. 2
 Forum institutum oritur ab Apostolis . ibid.
 Tres erant antiquitus, nunc debet esse unicus . 228. 1
 Debent invigilare salutis filiolis sui . ibid.
 Eorum est nomina imponere Baptizando. ibid.
 Quare fiat insufflatio baptizando, & abrenuntiatio . ibid. 2
 Quid sit Exorcismus ? 329. 1
 A quo primum usurpatus . ibid.
 Cui imprimatur signum Crucis . ibid. 2
 Quare sal imponatur . ibid.
 Quare aures siliæ liniantur . 330. 1
 Quare fiat fidei Confessio, & interrogatio. ibid.
 Et pectoris, & scapularum unctio . ibid. 2
 Ca-

ET SENTENTIARUM.

Ceremonia concomitantes Baptismum.
 Apostoli baptizabant quovis tempore. *ibid.*
 Postmodum statutum fuit baptizandis tempus
 in Paschate, & Pentecoste. 331. 1
 Hæc consuetudo diu perseveravit. *ibid.* 2
 Cur fuerit abrogata. 332. 1
 In necessitate licebat baptizare quovis tem-
 pore. *ibid.*
 Et in quovis loco. *ibid.* 2

Ceremonia consequentes.
 Baptizatum Sacerdos osculabatur. 333. 1
 In vertice ungebat. *ibid.*
 Caput panno tegebat. *ibid.* 2
 Veste alba induebat. *ibid.*
 Eucharistiam præbebat. 335. 1
 Ad Episcopum ducebat, ut Confirmationem
 acciperet. *ibid.*
 Cur pulsenter campanæ post Baptismum. *ibid.* 2
 Baptismus est validus etiam per asperersionem.
 339. 2
 Debet representare mortem, & resurrectionem
 Christi D. 360. 1
 Perinde est ad valorem Baptismi, quod fiat
 per ablutionem unicam, vel triplicem. 251. 1
 Circa formam Baptismi erraverunt hæretici
 tempore Apostolorum. 363.
 Recensentur. *ibid.*
 Verba formæ aliqua sunt necessaria ex parte
 sacramenti, alia ex parte ministri. 264. 1
 Quænam sit legitima forma Baptismi. *ibid.*
 Expenditur dubium, & controversia Claro-
 montensium de forma Baptismi. 265. 1
 Pronomen, *ego*, non debet necessario exprimi.
 266. 1
 Verbum, *Baptizo*, activè, vel passivè profert
 potest. *ibid.*
 Quid per Baptismum ignis intelligatur. 249. 1
 Iudeus arena Baptizatus denno fuit aqua ba-
 ptizandus. *ibid.* 2
 Triplex est Baptismus. 237. 1
 Baptismata sanguinis, & flaminis non sunt sa-
 cramenta quoad signum, sed quoad effectum.
 236. 1
 Baptismus non potest iterari, & esse multiplex.
 238. 1

C

Confessio.

Quæ sit Confessionis definitio. 668. 1
 Confessio est de jure divino positiva. 588. 2
 S. Iacobus non fuit author præcepti Confessio-
 nis, sed promulgator. 591. 2
 Confessionis onus leve est. 599. 1
 Græci semper Confessionem frequentantur,
 demptis nonnullis errantibus. 603.
 Parvi faciendi est Glossatoris sententia de
 Confessione. 605. 1
 Nestarius non abrogavit Confessionem auri-

cularem, sed publicam. 606. 1
 Mulieres rarid quam viri poenitentiam publi-
 cam agebant. 610. 2
 Aliter siebat poenitentia publica, postquam
 ante schisma Novatianorum. 611. 1
 Triplex in Scriptura celebratur Confessio.
 581. 1
 Alia insuper Deo, & alia hominib. *ibid.* 2
 Alia iterum sacramentalis, altera non sacra-
 mentalis. *ibid.*
 Confessio usurpatur interdum pro tota poeni-
 tentia. 582. 1
 Confessio non est de jure naturali. 586. 2
 Confessio in lege veteri siebat Deo soli, ideo
 non erat sacramentum. 587. 1
 Naturali lumine notum est, quod peccator de-
 beat judicari ab aliquo, sed non est naturali-
 ter notum, quod sit judicandus ab alio ho-
 mine. 588. 2
 Confessio fieri debet singulis annis ex præcepto
 Ecclesiastico. 616. 2
 Quomodo Ecclesia illius præcepti transgres-
 sionem nosse, ac puniri potest. 617. 2
 An Ecclesia potuisset præcipere Confessionem,
 si eam liberam Christibus reliquisset. 618. 2
 Quomodo sit computandus annus faciendæ
 Confessionis. 619. 2
 Vtrum qui non est Confessus uno. anno,
 statim teneatur confiteri anno sequente.
 620. 1
 Soli, & omnes baptizati adulti tenentur Con-
 fiteri. 621. 1
 Dubium est de Infidelibus. 622. 1
 Quonam anno incipiat hæc obligatio Confes-
 sionis, certo determinari nequit. 624. 1
 Qui habet dumtaxat venialia, forte non tene-
 tur ad annum Confessionem. *ibid.* 2
 An venialium Confessionem præcipere possit
 Ecclesia dubium est. 625. 2
 Sexdecim sunt conditiones ad perfectam Con-
 fessionem. 627. 1
 Duplex est Confessionis integritas: materialis
 scilicet, & formalis. 628. 2
 Confessio auricularis, & secreta fuit à Christo D.
 instituta. *ibid.* 2
 Fieri potest Confessio per interpretem. 630. 2
 Omnia minime peccata mortalia debent aperi-
 ri in Confessione. 631. 2
 Qualis, & quanta esse debeat conscientie in-
 quisitio prævia ad Confessionem. 636. 2
 Confessio non debet esse necessario integra ma-
 terialiter. 637. 1
 Non est dimidianda Confessio, ut celetur per-
 sona complex. 639. 1
 Declaratio personæ complicit non est contra
 jus naturale. 641. 2
 Nec obstat, quod Confessio inde fiat odiosa.
 642. 2

INDEX RERUM,

Non sequitur inde, quòd etiam debeat revelare peccatum non complicit. **642. 1**
 Non debet fieri talis revelatio absque necessitate. **ibid. 2**
 Non licet dimidiare Confessionem propter casus reservatos. **644. 1**
 Moribundus potest licetè absolvi, si distinctè non fuerit Confessus. **645. 1**
 Nec ramen inde sequitur fieri possit Confessionem absenti. **646. 2**
 Qua ratione plurimi Theologi doceant licere confiteri Laico. **652. 1**
 Quo sensu S. Chrysostomus & Cassianus dixerint non esse confitendum homini. **651. 2**
 Qua ratione veteres Theologi asserant Confessionem non esse à Deo institutam. **653. 1**
 Quomodo omnia omnino peccata possint in Confessione aperiri. **ibid. 2**
 Quid sit Confessionis sigillum. **649. 2**
 Solus Sacerdos est Ministrus sacramenti Pœnitentiæ. **ibid.**
 Triplex est Confessio. **651. 1**
 Diaconi possunt suscipere Confessionem publicam, non verò sacramentalem. **ibid. 2**
Contritio.
 Unde deducatur Contritionis nomen. **521. 1**
 Quid propriè significet Contritio. **522. 1**
 Duplex est Contritio. **524. 1**
 Quæ nam requirantur, ad perfectam Contritionem. **ibid. 2**
 Qua ratione differant dolor, tristitia, & nolitio. **525. 1**
 Contritio potissimum consistit in detestatione peccati. **527. 2**
 Contritio fieri debet ex motivo charitatis. **531. 1**
 Contritio potest esse actus formalis charitatis. **532. 1**
 Quare actus Contritionis dnm distinguitur à charitate debet ab ea imperari. **ibid.**
 Quandonam Contritio sola sufficiat ad remissionem peccati. **536. 1**
 Contritio perfectà habet vñ statim iustificandi etiam extra sacramentum. **527. 2**
 Contritio non debet esse summus dolor intrinsecus. **542. 1**
 Quo sensu S. Augustinus dixerit Catechumenum quævis pœnitentem non posse iustificari donec fuerit baptizatus. **540. 2**
 Proponuntur, ac solvuntur oracula Scripturæ Sacræ, in quibus summus dolor videtur desiderari ad perfectam Contritionem. **545. 1**
 Dolor Contritionis debet esse maximus appetitivè. **546. 1**
 Contritio omnia omnino peccata debet detestari. **547. 2**
 Contritio urgente necessitate fieri potest in instanti. **550. 1**

Non est necesse, quòd Contritio fiat de lingulis peccatis. **551. 1**
 Non licet minus malum facere, ut vitetur grandius. **554. 2**
 Quomodo Contritio, & Attritio invicem conveniant, & distinguantur. **556. 1**
 Contritio solvit culpam ante alias partes Pœnitentiæ. **449. 2**

Concilium.

Concilium Arelatense non fuit plenarium. **185. 2**
 Et non adfuit Summus Pontifex. **187. 2**
 Omnes Episcopi non fuerunt ad id vocati. **188. 1**
 Quo sensu dicatur universale à S. Augustino. **188. 2**
 Cogitur Concilium adversus Cæcilianum. **130. 2**
 Aliud cogitur Concilium à Iulio Cæsari num cuius non meminerunt Donatistæ. **131. 2**
 Cæcilianus habet sibi patrocinantem Summum Pontificem, & Imperatorem Constantinum. **ibid.**
 Ab eo iudices postulant Donatistæ. **132. 1**
 Cæcilianus innocens pronuntiatur, non ita Donatus. **ibid. 2**
 Iudicio non acquiescunt Donatistæ, postulant aliud iudicium. **132. 1**
 Denuò absolvitur Cæcilianus. **ibid. 2**
 Cogitur Synodus Arelatensis, in qua innocens iterum Cæcilianus declaratur: idem paulò post pronuntiat Imperator. **ibid.**
 Rursus tumultuantur Donatistæ, & Pseudo-Pontificem Romanum sibi seligunt. **134. 1**
S. Cyprianus.
 Quando S. Cyprianus electus fuerit Episcopus Carthagenensis. **162. 2**
 Qua occasione dogma Agripini restauravit. **163. 1**
 Quod prius fuerat innovatum per Firmilianum. **ibid.**
 Qui ea de causa excommunicatus fuit à Sancto Stephano Summo Pontifice unà cum Episcopis suo dogmati faventibus. **ibid. 2**
 Quando nam primum huic dogmati publicè patrocinatus fuerit S. Cyprianus cum Episcopis suis collegis. **163. 1**
 Celebrat ea de re secundam Synodum Carthagenensem. **ibid.**
 Scribit ad Stephanum Summum Pontificem. **ibid.**
 Illud dogma reprobat, & damnat Stephanus, quod acerbè tulit S. Cyprianus, unde tertiam Synodum Carthagenensem cogit, in qua suum dogma confirmat. **164. 1**
Character.
 Quid significetur nomine Characteris. **104. 2**
 Duo sunt diversè effectus Characteris. **ibid.**
 Quomodo distinguatur à gratia, & à virtutibus infusis. **105. 1**
 Quinam hæreci Characterem in dubium te-

ET SENTENTIARUM.

vocent . ibidem
 Characterem imprimi per tria sacramenta probatur . ibid. 2
 Fines propter quos Character admittitur. 109. r
 Quo sensu per Characterem SS. Patres intelligunt Baptismum . ibid. 2
 Character est signum non propriè, sed analogicè . 111. 1
 Quare tantum tria sacramenta Characterem imprimant . ibid.
 Impericè quidam existimant Doctorem negare Characterem esse formam absolutam. 112. 2
 Character non potest esse relatio rationis, neque realis intrinsecus, aut extrinsecus adveniens. 113. 2
 Revocari potest ad potentiam, vel ad habitum . 114. 2
 Character est immediatè in voluntate, quia est dispositio ad gratiam . 115. 2
 Quia inducit obligationem ad operandum moraliter; non enim est tantum ad ornatum animæ . 116. 1
 Qua ratione Character dicatur lumen . 117. 1
 Qua ratione Character sit indelebilis . ibid. 2
 Characterem ordinis esse delebilem, probatur pluribus exemplis . 118. & 119.
 Solvitur hæc obiectio . 120. 1
 Obijciuntur alia exempla . 122. & 123.
 Solvuntur . ibid.
 Obijciuntur Concilia . 125. 2
 Explicantur . 126. 1
 Character etiam post mortem perseverat tam in beatis, quam in damnatis, quamquam nullum ejus ab eis fieri possit exercitium . 126. & 127.
 Quomodo Character remaneat in damnatis ad poenæ augmentum . 127. 1
Calvinus .
 Calvini insigne mendacium . 92. 2
 Calvinus docet peccata non elui per Baptismum . 217. 1
Conscientia .
 Quid significet interrogatio Conscientiæ bonæ . 90. 2
Circumstantia .
 Circumstantiæ peccatorum sunt triplicis generis . 674. 2
 Confitenda sunt, quæ speciem mutant . ibid. 2
 Ex his, quæ peccatum notabiliter aggravant . ibid.
 Circumstantiæ minuentes debent aperiri in confessione . 336. 2
Circumcisio .
 Circumcisio conferebat gratiam ex opere operato . 48. 2
 Proponebatur effugium contra quod cito præcluditur . 50. 2
 Quo sensu Apostolus dixerit Circumcisionem *Tom. X.*

nihil, aut parum prodesse . 51. 2
 Quare Circumcisio non contulerit gratiam Abraham . 52. 2
 Quatuor distinguuntur tempora Circumcisionis . 233. 2
 Solvuntur adversariorum momenta . 234. 1

D

Deus .

Quis dici potest inimicus Dei tripliciter. 385. 2
 Aliud est Deum non amare, & eum odisse. ibid.
 Nolle amari à Deo coningit duobus modis. 385. 1
 Quomodo nomen *Genitoris*, discrepet à nomine *Patris* in Deo.

Dæmon .

Diabolus potest etiam sacramenta conferre, nec tamen Deus id imperans esset author peccati . 142.
 Membra Diaboli aliquid possunt, quod ipse Diabolus non potest efficere . 138. 2

Diaconus .

Peccant Diaconi, & Subdiaconi in statu peccati suum ministerium implentes . 155. 2

Donatista .

Origo Donatistarum schismatis . 129. 2
 Quis fuerit Donatistarum successus post mortem Constantini . 134. 2
 Imperatoris clementiam spernunt . ibid.
 Eorum aliqui ambiunt videri Martyres . ibid.
 Iuliani Apostata permissa sæviunt in Catholicos . 135. 1
 Quinam præcipui fuerint Donatistarum errores . 164. 2

E

Ecclesia .

Ecclesia potest statuere, ac præscribere usum Sacramentorum . 115. 2
 Non habet authoritatem directam in actus internos . 316. 1

Elemosyna .

De quibus bonis fieri debeat elemosyna. 682. 2

Elementa .

Elementa non possunt elici per artem ex mixtura . 25. 2

Eucharistia .

Cum Eucharistia conficiatur verbis, non verò ea consistet . 23. 2

Excommunicatio .

Duplex Excommunicatio apud S. Augustinum . 711. 2

INDEX RERUM,

F

- Filius.*
Quid sit Filius, & quoruplex. 394. 2
Fides.
Qualiter iustus dicatur vivere ex Fide. 89. 2
Qua ratione filii parentum Fidelium dicantur sancti. 187. 2
Furtum.
Per Furtum sit injuria proximo, non Dco. 384. 2

G

Gratia.

- Triplex Gratia concurret ad justificationem peccatoris; & quælibet dicitur vita. 513. 2
Gratia sanctificans conferri potest per peccatores, non quidem licite, sed valide. 152. 2
Probabile est non reparari gratiam deperditam. 431. 1
Gloria re promittitur non tantum Gratia habituali, sed maxime bonis operibus. ibid. 2
Gratia deperdita non est necessaria tanquam dispositio, ut merita reviviscant. 422. 2
Cujus tamen sententia opposita est probabilis. 423. 1
Gratia potest augeri in ratione Gratia quamquam non augeatur, ut est qualitas. 434. 2
Duo sunt Gratia sanctificantis munia. 435. 1
Sacramenta novæ legis Gratiā producunt tantum moraliter. 94. 2
Sacramenta, dum concurrunt ad Gratia productionem, non existunt realiter. 95. 2
Proponantur auctoritates Conciliorum, & SS. Patrum, & solvantur. 97. 2
Æqualis inæqualiter major in melius disposita Gratia producit. 98. 2
Doctor subtilis docet sacramenta inæqualiter dispositis inæqualem posse conferre Gratiā, non autem, quod de facto conferant. 100. 1
Sacramenta præter Gratiā sanctificantem producant quædam auxilia. 101. 1
Gratia sanctificans sumitur tripliciter. 102. 1
Quid sit generis sacramentalis. ibid. 2
Quinam jus habeant ad gratiam sacramentalem. 103. 2

H

Habitus.

- H** Abitus alii sunt intellectivi, alii appetitivi. 364. 1
Qui rursus variè distribuuntur. ibid.

I

Infidelis.

- Duplex est Infidelium genus. 296. 2
Infidelium filii variè considerari possunt. ibid. 2
Iudei nõ debebant repudiare legem Moisaicam, donec eis appareret inutilis. 234. 2

Intentio.

- Quomodo Irentio ministri spectet ad sacramentum, cum non sit sensibilis. 201. 1
Non sufficit Intentio tantum exterior. 202. 1
Insufficiens est intentio habitualis. 207. 1
Actualis non est necessaria. ibid.
Virtualis sufficit. ibid. 2
Actualis Intentio est omnium optima. 208. 2
Requititur Intentio directa. 209. 1

Joannes.

- Conservatio innocentie majus est beneficium, quam iustitie deperditæ reparatio. 442. 2

Iustitia.

- Quo sensu Doctor asserat Iustitiam vindicativam ad commutativam reduci. 328. 2
Iustitia vindicativa potest esse in reo secundum executionem. 359. 1
Involuntarium est triplex. 575. 1
Quid sit jus naturæ, divinum, & Ecclesiasticum. 586. 1
Cur potius Index civilis possit absentem absolvere, quam sacramentalis. 491. 1
Innocentia est præstantior, quam Iustitia reparata. 442. 2
Duplex est ingratitude in peccato, una directa, quæ est speciale peccatum, alia indirecta, quæ tantum est peccari circumstantia. 446. 2
Pinfes sunt Iustitie species. 322. 1

L

Lex.

- Melius est, quod invitus quis serviet Legem Christianam, quam permittatur male agere. 306. 1
Quo modo Lex Moisaica extincta, est in morte Christi. 235. 1
Quomodo iuste damnetur il, quibus Lex Evangelica nondum illuxit. 292. 1
Lex naturæ non obligat in præjudicium Legis Evangelicæ. 299. 2

Lotio pedum.

- Quare lotio pedum non sit sacramentum. 65. 2
Obijciuntur verba Christi D. & explicantur. 66. 1
Obijciuntur SS. Patres, & solvantur. 67. 2
Ludus dupliciter potest fieri. 205. 2

Ma-

ET SENTENTIARUM.

M

Materia.

Ecclesia non mutavit Materiam sacramenti Matrimonii, sed tantum circumstantias. **26. 2**

Matrimonium.

Qua ratione Matrimonium dicatur consistere verbis. **23. 5**

Martyrium.

Conferunt gratiam infancibus, & in adultis affectum exigit. **242. 2**

Quomodo, & quando gratia producatur per Martyrium. **243. 2**

Martyrium habet vim supplendi Baptismum. **340. 2**

Quatuor ad perfectum Martyrium desiderantur conditiones. **237. 1**

Medicamentum.

Differunt Medicamenta spiritualia a corporeis. **201. 1**

Quid sit malum vindicabile. **360. 2**

N

Necessitas.

Duplex est Necessitas rerum deservientium ad salutem, medii, & præcepti. **359. 2**

Duplex in ordine ad finem, ex natura rei licet, & ex ordinatione divina. **370. 1**

Necessaria ex ordinatione Dei sunt duplicis generis. **ibid.**

Necessitas duplex, medii, & præcepti. **358. 2**

Novatiani.

Origo hæresis Novatianorum. **447. 1**

Quis, & qualis fuerit Novatus. **449. 1**

In pluribus Conciliis damnata fuit hæresis Novatiana. **454. 1**

Quodnam fuerit Novatianorum dogma. **458. 1**

O

Obiectum.

Obiectum habitus est duplex, materiale, & formale. **360. 1**

Rursus materiale est, vel præcipuum, vel minus præcipuum. **ibid. 2**

Duplex alicujus præcepti obligatio. **615. 2**

Quadruplex authorum sententia circa reviviscientiam bonorum operum. **425. 1**

Opera bona mortificata reviviscunt. **ibid. 2**

Peccata totaliter extinguuntur per poenitentiam, non verò opera meritoria per peccatum, ut colligitur ex parte divinæ misericordiae, & iustitiæ. **428. 1**

Mors corporis, & animæ non conveniunt in omnibus. **429. 1**

Opera mortificata reviviscunt quantum ad gloriam essentialern. **ibid.**

Hominis opera sunt aut viva, aut mortua, aut mortifera, aut mortificata. **224. 1**

Levis Dei offensio non meretur annihilationem. **431. 2**

De Ordine.

Græci non aliam substantialiter materiam usurpant Sacramenti Ordinis, quam Latini, sed tantum accidentariò. **27. 1**

Utrum reverà ordinetur, qui cum fraude accedunt Ordinandi. **210. 2**

P

Pœnitentia.

Quid sit Pœnitentia. **240. 2**

Non est mera vitæ novæ institutio, sed dolorem de admisissis peccatis importat. **ibid.**

Quomodo Deus Pœnitentem dicitur. **242. 1**

Quam magna Pœnitentis virtus. **ibid.**

Pœnitentia cur simul virtus, & sacramentum. **317. 2**

Cur prius de Pœnitentia ut virtute, quam ut sacramento differatur. **ibid.**

Vnde deducatur Pœnitentis nomen. **338. 2**

Pœnitentia est duplex: habitualis, & actualis, quæ subdividitur, &c. **339. 1**

Quadruplex Pœnitentis descriptio. **ibid. 2**

Et in quo ea Pœnitentia ab humana discrepat. **342. 1**

Lactantius non negat Pœnitentiam includere dolorem. **ibid. 2**

Quomodo verbum *Pœnitentis* idem significet, ac *re-det*. **ibid.**

Pœnitentia potest esse actus virtutis. **342. 1**

Pœnitentia est vera virtus. **343. 2**

Quomodo voluntas revocandi actum præteritum sit laudabilis. **345. 1**

Qua ratione Pœnitentia propter se expectatur. **ibid. 2**

Pœnitentia est bona, licet habeat malum pro objecto. **ibid.**

Quot actus concurrant ad Pœnitentiam. **346. 2**

Pœnitentia non est virtus generalis, sed spiritualis. **341. 1**

Pœnitentia sub diverso motivo tendit in objectum, & aliarum virtutum. **ibid. 2**

Pœnitentia vitium omne excludit effectivè, non formaliter. **348. 1**

Pœnitentia non est virtus Theologica. **352. 1**

Conditiones virtutis Theologicæ. **ibid.**

Qua ratione Pœnitentia tendat in Deum. **ibid. 2**

Pœnitentia non est virtus infusa. **354. 1**

Nec propterea minus est sufficiens ad remissionem culpæ. **ibid. 2**

Pœnitentia est actus iustitiæ. **355. 2**

Non autem charitatis. **356. 1**

Quomodo Pœnitentia dicatur consistere in medio. **ibid. 2**

Eeeee 2

Pœ-

INDEX RERUM,

Pœnitentia est tantum virtus specialis, ut est voluntas vindicandi peccatum, non verò secundum animæ acceptiones. **348. 2**
Charitatis est detestari peccatum ut offensivum Dei. **349. 2**
Quare Pœnitentia definiatur interdum peccati detestatio. **350. 1**
Pœnitentia non est virtus generalis per prædicationem. **351. 1**
 Neque per aggregationem. **ibid.**
Virtus Pœnitentiæ immediatè est in voluntate. **365. 2**
Pœnitentia præsupponit iudicium intellectus, sed in eo non consistit. **366. 2**
Expellit omnia peccata non formaliter, sed effectivè. **367. 1**
Potuit esse in statu innocentie, & in Angelis. **ibid. 2**
Tertullianus optimè declarat Pœnitentiæ necessitatem ex præcepto divino. **369. 1**
Quare citius querenda sit medela vulnerati corporis, quàm animæ. **387. 1**
Tenetur sub præcepto agere Pœnitentiam imminente morte. **388. 1**
Per accidens tenetur homo pœnitere, quando suscipit, & ministrat sacramenta. **ibid.**
Fe quando urget gravis tentatio. **ibid.**
Quam periculosum sit Pœnitentiam ad extremum vitæ exitum protrahere. **ibid. 2**
Quam variis, quaque multiplex Pœnitentiæ fructus. **390. 2**
Pœnitentia ut virtus specialis non est absolute necessaria. **370. 2**
Pœnitentia generatim sumpta necessaria est ad remissionem peccatorum de via ordinaria. **371. 1**
Christus potuit peccata dimittere absque Pœnitentia. **ibid. 2**
Aliter peccatum dimittitur parvulis, aliter adultis. **372. 1**
Ad remissionem peccati sufficit Pœnitentia virtualis. **ibid. 2**
De via extraordinaria remitti potest peccatum sine Pœnitentia. **373. 2**
Et per solum actum amoris Dei. **374. 1**
Cui Scriptura attribuit vim iustificandi **ibid.**
Quare fides magis sit necessaria ad salutem quàm Pœnitentia. **ibid. 2**
Ad veram Pœnitentiam, & conversionem non sufficit vite innovatio. **375. 1**
Sed requiritur dolor de vita præterita. **ibid. 2**
Pœnitentia agenda est sub præcepto. **379. 1**
Ex quo præcepto Decalogi inferatur præceptum Pœnitentiæ. **380. 1**
Impœnitens poterit damnari non ob neglectam Pœnitentiam. **ibid. 2**
Pœnitentia non obligat statim, ac peccatum commissum est. **381. 1**

Scriptura S. non præscribit contra dilationem Pœnitentiæ tantum circa peccatum **382. 1**
Quamvis eam sub gravissimis pœnis prohibere videatur. **ibid.**
Pœnitentia cordis est duplex. **391. 2**
Veramque negat Lutherus. **392. 1**
Difficultas agendæ Pœnitentiæ in obdurato provenit ex parte sol, & ex parte Dei. **ibid.**
Pœnitentia obtinet remissionem cujuslibet peccati. **ibid. 2**
Quare peccata filiorum Heli dicantur difficultis veniæ. **393. 2**
Quare inutilis fuit Antiochi Pœnitentia. **395. 2**
Pœnitentia publica.
Triplex erat Pœnitentia publica imperata. **693. 2**
Pridem in Ecclesia vigeat mos cogendi peccatores publicos ad pœnitentiam **publicè. 694. 2**
Etiam ad id invocato principum sæcularium auxilio. **695. 1**
Pœnitentia publica ab aliquibus publicè petebatur. **696. 2**
Quenam fuerit Pœnitentia sollemnis. **697. 2**
Ejus egregium specimen exhibet S. Ioannes cognomento Climacus. **698. 2**
Levis erat, & rarior Publica Pœnitentia ante Montani hæresim, ut constat exemplo Pauli, & S. Ioannis Evangelistæ, & ex libro Pastoris; & ex Tertulliano. **702. 2**
Gravior autem, & acerbior fuit post Montani tempora. **704. 1**
Quod fuerit erroneum ejus dogma de Pœnitentia. **ibid. 2**
Quatuor postmodum distincti sunt Pœnitentiæ publicæ gradus lamentantium, audientium, subtratorum, & consistentium. **705. 1**
Quibusnam in locis isti pœnitentes debebant. **706. 2**
Quæ fuerit apud veteres templi in distinctas partes distributio. **ibid.**
Lamentantes debebant sub dio, ideo appellabantur hyemantes. **ibid.**
Omnes illi quatuor gradus non erant necessariò decurrendi. **707. 1**
Semel dumtaxat videtur concessa agendæ publicæ Pœnitentiæ facultas. **ibid. 2**
Postmodum tamen plura peccata hnic Pœnitentiæ subjacerunt; maxime ea, quæ per leges civiles morte erant expianda. **712. 1**
Peccata in tres classes antiquitus distinguebantur, & quomodo corabantur. **709. 1**
Tria tantum criminum genera videntur fuisse primitus eluenda per Pœnitentiam publicam, ut docent Pacianus, & Tertullianus, & Sanctus Gregorius Nyssenus, & ex variis Canonibus probatur. **710. 2**
Pœnitentia publica pro solis publicis peccatis videtur fuisse præscripta. **714. 1**
Quo

ET SENTENTIARUM.

Quo sensu Patres triplicis generis Pœnitentiæ distinguunt. 220. 2
Pœnitentia publica pro solis gravioribus delictis fœbat etiam tempore Hgonis Victorini, & Hincmari Rhemenfis. 221. 1
Triplex agendi Pœnitentiæ ratio. 222. 2
Deus in pœnis non delectatur. 223. 2
Quod magis pœnale est, magis non est meritum, & satisfactorium. ibidem.
Actus Pœnitentiæ sunt materia proxima circa quam hujus Sacramenti, non autem partes essentielles, sed solum integrales. 224. 2
Sententia sola absolutionem, aut condemnationem significat. 225. 2
Duplex est Pœnitentiæ effectus, peccatorum remissio, & bonorum operum reviviscentia. 226. 2
Sacramentum Pœnitentiæ est vita, & medicina. 227. 2
Per sacramentum Pœnitentiæ verè culpa remittitur. 228. 2
Quo sensu Deus reprobat Pœnitentiam peccatoris. 229. 2
Quomodo pœnæ hujus vitæ sint æquales debito peccati. ibidem.
Error Vvicleffi circa ministrum Pœnitentiæ, aliorumque errores. 230. 2
Diversæ sunt sacramenti Pœnitentiæ appellationes. 231. 2
Pœnitentia sumitur pro habitu, actu, & signo sacro. 232. 2
Sacramentum Pœnitentiæ non fuit in lege Nature, & Moyfis. 233. 2
Pœnitentia est sacramentum propriè dictum. ibidem.
Pœnitentia dimittendi peccata distinguitur à potestate prædicandi Evangelium. 234. 2
Per Pœnitentiam non solum peccata declarantur remissa, sed verè remittuntur. 235. 2
Quo sensu Pœnitentiæ sacramentum coniter re sensibili. 236. 2
Sacramentum Pœnitentiæ distinguitur à Baptismo. 237. 2
Distinguitur etiam à Pœnitentia, quam prædicabat S. Ioannes. 238. 2
Christus D. Pœnitentiæ sacramentum immediate instituit post suam resurrectionem. 239. 2
Quodnam sit objectum immediatum, in quod tendit Pœnitentia. 240. 2
Quomodo actus Pœnitentiæ possit esse illius objectum. 241. 2
Quodnam sit objectum remotum Pœnitentiæ. ibidem.
Pœnitentia alio modo tendit in peccatum, quam alie virtutes. 242. 2
Peccatum ut vindicabile est objectum Pœnitentiæ. ibidem.
Quomodo jus divinum attendatur à Pœnitentia. 243. 2

Tom. X.

Dilatatio Pœnitentiæ non pugnat directè in iustitiam Dei. 244. 2
Sacramentum Pœnitentiæ impugnatum fuit à pluribus hæreticis. 245. 2
Quid sit sacramentum Pœnitentiæ formalitèr. 246. 2
Cur in sacramento Pœnitentiæ non requirantur verba determinata, sicut in Baptismo. 247. 2
Duplex est Pœnitentia, una ante, & alia post Baptismum. 248. 2
Quare Esau non potuit effectum Pœnitentiæ assequi? ibidem.
Quare S. Augustinus arguit eos, qui dicebant, Ego remitto tibi peccata. 249. 2
Quoruplex error circa remissionem peccatorum. 250. 2
Nulla fuit controversia inter Græcos, & Latinos circa formam sacramenti Pœnitentiæ. 251. 2
Forma sacramenti Pœnitentiæ exprimi potest aliis verbis. 252. 2
Manus impositio non est necessaria in sacramento Pœnitentiæ. 253. 2
Actus pœnitentiæ sunt quasi materia sacramenti Pœnitentiæ. 254. 2
Quia ratione unum, peccatum ad aliud pellit. 255. 2
Quomodo fideles peccatorum solutionem à Beatis postulant. 256. 2
Pœnitentia non est iustitia commutativa. 257. 2
Neque distributiva, sed vindicativa. ibidem.
Peccator est vel occultus, vel manifestus. 258. 2
Quomodo quis manere possit in peccato sine nova complacentia. 259. 2
Non velle agere Pœnitentiam est velle peccatum. ibidem.
Quid sint peccata reliquæ, controversatur. 260. 2
Quo sensu plus donetur Pœnitenti, quàm innocentis. 261. 2
Quandomam urgeat præceptum de correctione fraterna faciendâ. 262. 2
Pæstra.
Quare parentis voluntas sufficiat ad peccatum, quo filius iniquator. 263. 2
Quomodo parvuli habent jus ad regnum cælorum. 264. 2
Peccatum.
Quo sensu Scriptura Sacra dixerit peccata semel dimissa iterum revocari. 265. 2
Explicatur parabola de debiti dimissi, & iterum petiti à servo nequam. 266. 2
Quomodo peccatum veniale remittatur. 267. 2
Quare potius quis possit expiare peccatum post mortem quàm illud admittere. 268. 2
Peccata venialia in morte remittuntur virtute meritorum præcedentium. 269. 2
E e e e e 3 **Pet**

INDEX RERUM;

Per Pœnitentiam verè dimittitur pœna æterna. 413.
 Contrahitur inter Catholicos, & Hæreticos de pœna temporali. ibid. 2
 Triplex sententia circa pœnam veniali debetur. 414. 2
 Dimisso reatu culpe adhuc interdum remanet reatus pœnæ. ibid.
 Quare remaneat reatus pœnæ sublato reatu culpe. 419. 2
 In detestatione alii actus, maxime propositum non peccandi, includuntur virtualiter. 429. 2
 Fieri potest remissio peccati sine proposito non peccandi impolterum. 531. 2
 Redeunt peccata ratione circumstantiæ ingratitudinis, & Inconstantiae. 441. 2
 Quo sensu Deus dixerit se non exaudire peccatorem. 491. 2
 Qua ratione S. Paulus dixerit aliquos non posse renovari ad Pœnitentiam. 396. 2
 Peccatum veniale non est sola obligatio ad penam. 401. 2
 Peccatum veniale remittitur per Pœnitentiam. 403. 2
 Quomodo actus charitatis, & devotionis opponantur peccato veniali. 403. 2
 Deletur etiam per receptionem Sacramentorum, & etiam per quodlibet opus meritorium. ibid. 2
 Sola peccata commissa post Baptismum sunt materia remota Pœnitentiæ. 474. 2
 Facilitas veniæ non præbet incentivum peccandi. 477. 2
 Quo sensu peccatum in Spiritum S. dicitur irreversibile. 397. 2
 Quodnam sit peccatum ad mortem. 398. 2
 Nullum est, cuius venia non possit obtineri. ibid. 2
 Vnum peccatum mortale non remittitur absque alio. 399. 2
 Per charitatem magis intensam peccata dimittuntur quantum ad pœnam, non quoad culpam. 401. 2
 Potest tamen absolute unum peccatum remitti sine alio. ibid.
 Peccatum veniale multis modis dilui potest. ibid. 2
 Pœnæ illatæ propter peccata sunt multiplices. 417. 2
 Peccatum in iustificatione revera remittitur. 507. 2
 Ut remittantur venialia, prærequiritur status gratiæ sanctificantis. 497. 2
 Ut remittatur veniale non requiritur novæ gratiæ infusio. 408. 2
 Gratiæ actualis necessaria est ad remissionem venialis. 409. 2
 Sacramentalia aliter profunt iustis, & aliter

peccatoribus. ibid. 2
 Interdum remissio venialium non supponit statum gratiæ existentis. 410. 2
 Veniale opponitur nunc perfectioni supernaturali. ibidem.
 Peccatum dimissum dici posset redire, vel secundum entitatem physicam, vel secundum moralem deformitatem. 435. 2
 Peccato veniali non debet infligi pœna æterna. 420. 2
 Non peccat qui in statu peccati exercet opus charitatis. 511. 2
 Quo sensu Deus solus dicatur peccata remittere. 443. 2
 Idem Peccatum potest habere diversam circumstantiam ingratitudinis. 443. 2
 Preceptum.
 Præcepta divina sunt vel affirmativa, vel negativa. 378. 2
 Affirmativa semper aliqua negativa habent annexa. 379. 2
 Dupliciter impleri possunt. ibidem.
 Potestas.

Quomodo potestas remittendi peccata in Sanctum Thomam absentem fuerit derivata. 472. 2
 Christus Dominus similem, non verò eandem omnino quam habebat auctoritatem dedit Apostolis. ibid. 2
 Potestas absolvendi est triplex, principalis, emendationalis, & misterialis. 501. 2

R

Religio.

Religio tota ordinatur ad Dei gloriam. 348. 2
 Res materialis aliter inforatur ad cultum Dei, per sacrificium, aliter, &c. 13. 2
 Quomodo res sensibiles ad Dei cultum ordinantur. 9. 2

Remissio.

Cur potius suspendatur Remissio quoad pœnam quam quoad culpam. 507. 2
 Revocatio offensiæ non est formaliter reconciliatio. 417. 2

S

Sacerdos.

Aliter Sacerdotes novæ legis peccatores Deo reconciliant quàm legis veteris. 416. 2
 Sacramentum.
 Quot modis sumatur Sacramenti nomen. 2. 2
 Cur prius de essentia quàm de existentia Sacramenti disputetur. 3. 2
 Sacramenti natura duplex. 4. 2
 Sacramenta sunt signa. 5. 2
 Potius habent rationem signi quàm causæ. 6. 2
 Quo-

ET SENTENTIARUM:

Quomodo Sacramentum significat aliquid occultum, aut manifestum, & à juramento differat. ibid. 2

Sacramenta formaliter spectata sunt in eo ordine quo signum, non verò ut materialiter spectantur. 7. 1

Sacramentum non debet esse necessarid signum respectu suscipientis. ibid.

Sacramentum est signum sensibile, quod suadetur multiplici ratione. ibid. 2

Tria sunt distinguenda in Sacramento. 10. 2
Deus potest instituire rem spirituales pro signo efficaci gratiæ; sed non foret Sacramentum. ibid. 2

Sacramentum est signum prædicum sanctitatis, non legalis, & eterne, sed interne. 11. 2
Non solum Sanctitatis futuræ, sed præsentis. ibid. 2

Plura fuerunt signa gratiæ per Christum D. conferendæ, quæ non fuerunt Sacramenta. 12. 1

Ad rationem Sacramenti non sufficit quod instituitur ad cultum Religionis. ibid.

Plura significant gratiam præsentem, nec tamen sunt Sacramenta. 14. 2

Sacramenti definitio. 15. 2

Rejiciuntur definitiones hæreticorum de Sacramentis, maxime Sacramentariorum, Lutheranorum, Anabaptistarum, Calvinistarum. 17. 18. 19.

Patristici à Sacramentis rejecerunt res, Calvinistæ verba; Catholici utrumque adiungunt. 20. 2

Materia, & verba Sacramentorum sumi possunt dupliciter. ibid. 2

Materia Sacramentorum determinari potest pluribus modis. 21. 2

Duplex in Sacramentis potest esse mutatio. ibid. 2

Sacramenta constant materia, & forma. 22. 2

Quare res visibiles habeant rationem materiæ, & verba formæ. ibid. 2

Res, & verba significant conjunctim, quamquam magis verba. 23. 2

Res, & verba in Sacramentis debent esse simul simulatæ, morali, non verò physica. 24. 2

Res debuerunt determinari à Deo, ut fierent Sacramenta. ibidem.

Res aliquando efficacis suadent, ac stimulant quàm verba. 25. 2

Mutatio essentialis materiæ, Sacramentum irritat, accidentalis non irritat. 25. 26. 2

Duplex potest esse determinatio in verbis Sacramentorum, triplex significatio, octuplex mutatio. 27. 2

Cur Sacramenta dicantur signacula. 26. 2

Sacramenta non sunt necessaria necessitate intrinseca. 29. 2

Sacramenta considerari possunt tripliciter. 31. 2

In statu innocentie nulla fuerunt Sacramenta in remedium. ibid. 2

Nec ad animam perficiendam. 43. 2

Nec ad Deum colendum. 43. 2

Nec etiam existissent si status ille perseverasset. ibid.

Nam deperditam gratiam alio modo quàm per Sacramenta potuisset homo recuperare. ibid. 2

Forè tamen aliqua fuissent instituta, maxime Eucharistia. 44. 2

In lege naturæ erat determinatum Sacramentum. ibid. 2

Cur potius Sacramenta sint instituta in statu legis naturæ pro parvulis, quàm pro morientibus in utero materno. 45. 2

Remedium legis naturæ erat verum Sacramentum. ibid. 2

Non enim justificabantur pueri per actum internum fidei alienæ. 46. 2

Plura erant in lege veteri Sacramenta, maxime triplicis generis. 47. 2

Conueniens fuit institui Sacramenta in nova lege. 48. 2

Qua ratione aliqua veteris legis Sacramenta sint perpetua. 49. 2

Quo sensu omnia Sacramenta dicuntur umbrae veritatis. ibid. 2

Deum mutando Sacramenta non fuisse mutatum præclare docet Angulimus. ibid.

Sibi non constant hæretici in assignando Sacramentorum numero. 56. 2

Tria maxime ad Sacramenti novæ legis rationem requiruntur. 57. 2

Septem esse novæ legis Sacramenta colligitur, ex sacra Scriptura, ex Traditione, ex Conciliis, ex SS. Patribus. 57. 58.

Septenarius numerus commendatur in S. Scriptura. 60. 2

Obijciuntur, & solvuntur SS. Patres, qui pauciora quàm septem videntur Sacramenta asserere. ibid. 2

Ordine congruo septem sunt instituta Sacramenta, ut optime declarat Concilium Florentinum, & Sacerdotes Doctores, & Seraphicus, & Angelicus. 62.

Panis benedictus, & eulogiæ non sunt Sacramentum propriè dictum. 70. 2

Quotuplex distingui possit potestas circa Sacramentorum distributionem. 72. 2

Solus Deus propriè, & completè potest instituire Sacramenta. 73. 2

Qua ratione Sacramenta legis naturæ dicantur ab hominibus instituta, & legis Moysæ ab Angelis. 74. 2

Purgare immediate est effectus Sacramentorum, non verò solum mediare. 75. 2

Christus Dominus quatenus homo, est tantum causa moralis, & meritoria institutionis Sa-
cræ.

INDEX RERUM,

cramentorum. 76. 1
 Efficacitas Sacramentorum provenit ex pulchone Christi. 78. 1
 Christus D. omnia novæ legis Sacramenta immediate instituit. 79. 2
 Christus D. non omnem, quàm accepit à Patre, potestatem dedit Apostolis. 81. 2
 Quo sensu Christus Dominus dicitur sui Sacramenti institutor. 82. 1
 Quare Sacramentorum formæ, & virtus non sint scripta. ibid. 2
 Qua ratione aliqui Doctores negent omnia Sacramenta à Christo D. instituta. 83. 1
 Referuntur errores hæreticorum circa Sacramentorum efficacitatem. 84. & 85.
 Sacramenta producunt gratiam ex opere operato, seu vi sua ut cause instrumentariæ; quod colligitur ex Conciliis, ex Scriptura, & præcluditur Calvini evasio. 86. & 87.
 Sacramentorum novæ legis duo sunt munia; nam instrumentum significando, & significant gratiam conferendo. 92. 2
 Quare S. August. non expresse in sermonibus discrimen Sacramentorum veteris, & novæ legis. 93. 1
 Sacramentorum efficacitas non derogat divinæ majestati, aut potestati. ibid. 2
 Variè erratum est circa ministrum Sacramentorum, maxime à Tertulliano, ab Agrippino, & ab aliis. 127. 128.
 Tria requiruntur in Sacramentorum administratione. 137. 1
 Soli homines possunt esse ordinarii ministri Sacramentorum. ibid.
 Duplex est Sacramentorum minister, ordinarius, & extraordinarius. 136. 2
 Quam impie circa ministrum Sacramentorum erraverit Lutherus, & Calvinus. Ibid.
 Soli viatores possunt ministrare Sacramenta. 138. 2
 An S. Thomas nunc Sacramenta conficiat, & conferat. 139. 1
 Angeli possunt extraordinariè ministrare Sacramenta. 140.
 Duplex est Sacramentorū administratio. 142. 1
 Quænam Sacramenti administratio debeat esse vitalis. 143. 1
 Quisnam sit minister malus, à quo non licet petere Sacramenta. 143. 2
 Quinam hæretici recentiores docuerint Sacramenta non posse ministrari per peccatores. 144. 1
 Sacramenta confici, ac ministrari possunt per malos ministros. ibid. 2
 Ministri pravitas ipsi officit, non votum suscipienti Sacramentum. 147. 2
 Quam perperam Donatistæ negabant Ministros posse validè conferre Sacramenta. 148. 2

Quid significet Oleum peccatoris, cujus unctio non respicit David. ibid. 2
 Quomodo Spiritus Sanctus fugit fictionem ministri. 149. 1
 Quid significant muscæ morientes odorem foedantes. ibid.
 Qua ratione immundus possit alium mundare. ibid. 2
 Ministri pravitas Sacramento non officit. 152. 2
 Quinam mali ministri Sacramenta irrita faciant, ac prophanent. 153. 1
 Sacramenta per malos ministros nihil suæ sanctitatis deperdunt. ibid. 2
 Novum peccatum est, Sacramenta in statu peccati ministrare. ibidem.
 In extremis potest quilibet Sacerdos Sacramenta validè ministrare. 156. 2
 Licet petantur Sacramenta à malo ministro non præciso. 157. 1
 Quomodo agendum est cum ministro simoniacò. 158. 2
 Non licet petere Sacramento à ministro præciso. 159. 1
 Quatuor regulæ, quibus innoscitur qualiter in petendis Sacramentis quis sese gerere debeat. ibid. 2
 In ministro Sacramenti duplex potest esse intentio. 196. 1
 Quæ in alias subdividitur. ibid.
 Quid de intentione ministri censuerint Lutherus, & Calvinus. 197. 1
 Intentio ministri necessaria est ad validam administrationem Sacramenti. ibid. 2
 Deus non confert beneficium præter intentionem ministri. 199. 1
 Cur potius intentio requiratur in conferente Sacramenta, quàm in prædicante. ibidem.
 Dubius hæsit S. August. de necessitate intentionis ministri. ibid. 2
 Quare magis desideretur intentio quàm probitas ministri. 200. 2
 Sub qua conditione possint interdum Sacramenta ministrari. 209. 2
 Intentio debet esse determinata circa subiectum, saltem in specie non autem in particulari. 210. 1
 Quid sit materia sacramentalis. 245. 1
 Duplex est materia Sacramentorum. ibid. 2
 Sacramentalia habent vim delendi peccatum veniale. 405. 1
 Non ex se, sed ex pio motu, & affectu ea sibi applicantis. 406. 2
 Verum Sacramentalia remittant veniale ex opere operato. ibidem.
 Probabilior est pars negativa. ibid. 2
 Quot, & quæ sint Sacramentalia. 403. 2
 Non omnia verba, quæ Christus D. protulit instituendo Sacramenta, sunt de eorum essentia. 414. 1
 Omnes

ET SENTENTIARUM.

Omnes partes Sacramenti non constituent ex
quo illius essentiam . 473. 2

Effectus Sacramenti variè considerantur . 747. 1

Satisfactio .

Satisfactio primò intenditur in Pœnitentia .

468. 2

Quid significet nomen Satisfactionis . 669. 1

Variis modis usurpatur . ibid. 2

Quomodo distinguitur à satisfatione, & resti-
tutione . 670. 1

Quæ sit definitio Satisfactionis . ibid.

Quam impiè hæretici de Satisfactione cen-
seant . 671. 1

Necessaria est Satisfactio . ibid. 2

Præcluditur hæreticorum effugium . 672. 2

Satisfactio non derogat merito Christi . 672. 2

Neque tribuit nimum nostris operibus . ibid.

Tribus maximè operibus satisfaciunt pro
peccatis . 675. 1

Homo potest Deo satisfacere . 676. 1

Opera Satisfactoria debent esse honesta . 677. 1

Opera Satisfactoria debent etiam esse libera .
678. 1

Opera Satisfactoria debent etiam esse pœna-
lia . ibid. 2

Potest fieri Satisfactio per opus internum .
680. 2

Opera Satisfactoria ad triplex genus reducun-
tur . 681. 2

Quænam oratio possit esse Satisfactoria . 682. 1

Quænam pia opera sunt magis Satisfactoria .
ibid. 2

Potest fieri Satisfactio per flagella divinitus
immissa . ibid.

Vnde illa possunt injungi in Satisfactionem .
684. 2

Fieri posse Satisfactionem per opera aliunde
præcepta non est impossibile . 685. 2

Quando illa opera habent multiplicem boni-
tatem . 686. 2

Satisfactionem in statu peccati non esse inuti-
lem docet Doctor . 687. 2

Ad validam satisfactionem non requiritur ita-
tus gratiæ absolutæ . 689.

Duplex est Satisfactio, una solutiva debiti,
altera meritoria . 690. 1

Satisfactio in statu peccati est solutiva de con-
digno . 691. 2

Qualiter hæc assertio sit accipienda . 692. 1

Duplex est Satisfactio, Sacramentalis, & Can-
onica . Hæc est vel particularis, vel publi-
ca . ibid.

Publica iterum duplex : una ante, altera post
baptismum . ibid. 2

Quis scopus præsentis dissertationis . 69. 3

In Inferno potest esse Satisfactio punitiva non
reconciliativa . 423. 2

Sigillum .

Sigillum Confessionia est servandum de lege
Ecclesiastica, & etiam de lege naturæ . 659. 5

Non quia Sacerdos revelans mentiretur, sed
propter alias rationes . 660. 1

Obligatio ad sigillum provenit etiam ex legē
divina, & positiva . 661. 1

Secretum Sigillum non est contra charitatem .
ibid. 2

Neque contra conscientiam Confessarii . 662. 2

Quomodo Sacerdos possit declinare sibi paratas
insidias, quas novit per Confessionem . ibid.

Quam grave peccatum sit Sigilli revelatio .
663. 2

Non licet uti scientia habita in Confessione, ne-
que revelare Confessionem etiam ad instan-
tiam Pœnitentis, nisi extra Confessionem il-
lud aperiat . 664. 655.

Quinam cum Confessario teneantur ad Sigil-
lum . 665. 2

Oritur Sigillum ex omni Confessione sacramen-
tali, sive valida, sive invalida . 667. 2

Signum quid sit . 4. 2

Quibus conveniat . ibidem .

Illius divisiones multiplices . ibid. 2

Spalatenfis .

Declaratur erronea, & hæretica sententia Spa-
latensis . 519. 1

Spiritus sanctus datus erat modo invisibili ante
Christi Passionem . 227. 1

Explicantur SS. Patres contrarium dicentes .
ibid. 2

Triplex generatim status naturæ humanæ, bea-
tificus, innocens, & lapsus . 40. 2

T

Tenebra .

Eadem Tenebræ non possunt redire naturali-
ter . 417. 2

Theodoretus .

Duplex timor per charitatem foras mittitur .
562. 1

V

Verbum .

Triplex distinguitur Verbum in Sacramentis .
28. 2

Consecratorium respuunt hæretici Calviniste,
& Lutherani . ibid.

Sacramenta novæ legis debent constare verbis .
29. 1

Quia fuit conveniens ex parte instituentis Sa-
cramenta, ex parte fuscipientis, & ex parte
significationis Sacramenti . ibid. 2

Quomodo res sacramentales sint verba analo-
gicè : 30. 2

32.

32.

INDEX RERUM;

Sacramenta novæ legis clarius significant, quàm veteris. *ibid.*
 Quare verba debeant esse determinata in Sacramentis. *ibidem.*
 Quomodo verba Sacramentalia eadem sint apud omnes nationes. 31. 1
 Christus D. instituit verba Sacramentalia implicitè; explicitè verò colliguntur ex traditione, & praxi Ecclesiæ. *ibid.* 2
 Quomodo Verborum transpositio officiat Sacramentis, & interruptio, & commutatio Verborum in alia signa. 33. 1
 Additio Verborum potest esse vel intrinseca, vel extrinseca, vera, vel falsa, falsa autem est vel corruptiva sensus, vel non. *ibid.* 2
 Additio corruptiva solum colligi potest interdum ex intentinne minitri. 34. 2
 Quomodo detractio Verborum officiat Sacramento. *ibid.* 2
 Corruptio Verborum non semper invalidum efficit Sacramentum. 34. 2
 Verbum Sacramentale non est tantum promissorium. 35. 2
 Verbum Sacramentale non est concionale, nunc concio tantum requiritur in adultis ut dispositio. 35. 2
 Verbum Sacramentale est consecratorium, 39. 1
 Verba consecratoria non sunt superstitiosa, aut magiam redolentia, ut impudenter oblatat Calvinus. *ibid.* 2
 Necessitas in moralibus duplex, præcepti scilicet, & medi. 40. 2
 Hæc rursus duplex, intrinseca, & extrinseca, *ibid.* 2

Virtus.

 Quid sit Virtus? 340. 1
 Quadrupliciter dicitur Virtus generalis. *ibid.*
 Quomodo Virtus inferat delectationem. 346. 1
 Virtutes sunt in triplici differentia. 351. 2
 Unde Virtus dicatur moralis. 352. 1
 Virtus dicitur consistere in medio quatuor modis. 356. 2
 Duplex est Virtutis obiectum. 365. 1
 Quid, & qualis sit Virtus appetitiva. *ibidem.*

Unctio.

 Extrema-Unctio est veluti Pœnitentiæ complementum. 723. 2
 Quadruplex est principalis Unctio in Ecclesia. 1. Fit in Baptismo. 2. In Confirmatione. 3. In extrema infirmitate. 4. In omni morbo. 724. 1
 Extremam-Unctionem ex Sacramentorum numero respuebant hæretici. *ibid.* 2
 Aliqui Theologi contendunt eam non fuisse à Christo institutam. 725. 2

Extrema-Unctio est verum Sacramentum. 726. 1
 Quam dispar sit Extrema-Unctio ab Unctione Hæreticorum, & Ethnicorum. 729. 2
 Quomodo Extrema-Unctio peccatum remittat. 730. 1
 Epistolam S. Iacobi ut Canonicam pridem agnovit Ecclesia. *ibidem.*
 Sacramentum hoc fuit à Christo Domino institutum. *ibid.* 2
 Quo sensu audiendi sunt, qui videntur contrarium asseruisse. 731. 2
 Fuit hoc Sacramentum institutum dumtaxat post Christi Passionem, cui assertioni non contradicit Concilium Tridentinum, nec subtilis Doctor. *ibid.* 2
 Materia remota hujus Sacramenti est oleum olivarum. 733. 1
 Materia proxima est Unctio. 734. 1
 Materia legitima est oleum olivarum, cui por est admisceri Christina, Debet esse benedictum ab Episcopo. 735. 2
 Vel a Sacerdote per commissionem, quod facere solent Sacerdotes Græci. 737. 2
 Materia proxima est Unctio, quæ debet esse septuplex, nisi obstat indocentia, vel necessitas. 738. 2
 Forma Extremæ-Unctionis est deprecatoria. 740. 2
 Propter duplicem rationem, nec mens producit gratiam ex opere operato; licet dicatur oratio fidei, potest tamen esse indicativa, ut constet ex forma Ambrosiana, & Veneta, nec Concilia damnant, neque Sanctus Iacobus, 741. & 742.
 Quænam particule sint essentielles. 743. 1
 Singulas Unctiones conferre gratiam speciale negant Thomistæ, & Recentiores plurimi. *ibid.* 2
 Sed affirmamus nos cum Subtili Doctore. 744. 2
 Extrema-Unctio habet potissimum quinque effectus. 746. 1
 Extrema-Unctio maximè ordinatur ad curationem peccati venialis, ut optime docet Seraphicus Doctor, 747. 2
 Et probatur ratione petita ex verbis formæ, & Concilii Tridentini. 748. 2
 Non ordinatur ad remissionem mortalis. 749. 2
 Nisi dumtaxat per accidens. 751. 2
 Explicantur alii effectus. 752. 2
 Sanitas corporis est etiam effectus hujus Sacramenti. *ibid.* 2
 Sed tantum intentus per accidens. 753. 2
 Minister est solus Sacerdos. *ibidem.*
 Cnjus contrarium non docet Innocentius primus. 754. 2
 Non requiruntur plures Sacerdotes, ut perperam

ET SENTENTIARUM.

ram docent Græci recentiores, quod optinè relelit Arcudius.	755. 1	Concedi tamen potest quibusdam amentibus.	
Ab unico Sacerdote integra est administranda,		758. 1	
de licentia tamen proprii Pastoris.	756. 2	Solis infirmis debet conferri.	ibidem.
Conferri debet solum Baptizatis, viatoribus adul-		Traditur, & expenditur definitio Extréma-	
tis, non autem parvulis.	757. 2	Vnctionis à Doctore cui concinit Catechis-	ibid. 2
		mes Romanus.	

FINIS.

